





28,198 / c

H. VII. Hei





Digitized by the Internet Archive  
in 2018 with funding from  
Wellcome Library

[https://archive.org/details/b30413278\\_0002](https://archive.org/details/b30413278_0002)







20350

# D. LAVRENTII HEISTERI

SERENISS. BRUNSVICENS. LUNEBURG. DUCIS  
Consilarii Aulici & Archiatri, Medicinæ, Chirurgiæ ac Botanices  
in Regia atque Ducali Academia Julia, quæ Helmstadii est,  
Profess. Publici, Academiæ Scientiar. Cæsareæ Regiæque  
Londinensis atque Berolinensis Collegæ

## INSTITVTIONES CHIRVRGICÆ,

IN QVIBVS


QVICQVAD AD REM CHIRVRGICAM PERTINET OPTIMA  
ET NOVISSIMA RATIONE, PERTRACTATVR,

Atque in tabulis multis æneis præstantissima ac maxime necessaria  
instrumenta, itemque artificia, sive encheirises præcipuæ &  
vincturæ chirurgicæ repræsentantur.

OPVS TRIGINTA ANNORVM,

Quod in hac novissima Editione Neapolitana Dissertationibus cum AVCTORIS,  
tum aliorum selectis ad rem Chirurgicam spectantibus auctum atque  
mendis typographicis, quibus Veneta scatebat quam diligentissime  
expurgatum prodit in lucem.

TOMVS TERTIVS.



NEAPOLI MDCCXLIX.

EXPENSIS ANTONII CERVONE.

APVD JOSEPHVM RAYMVNDVM, ET DOMINICVM VIVENTIVM.

SVPERIORVM FACVLTATE.

*M. Luigi Longo*









# INSTITUTIONVM CHIRVRGICARVM.

PARTIS SECVNDÆ.

SECTIO TERTIA.

*De vitiis colli, quæ manus atque ferri  
adjumento sanantur.*

C A P. I.

*Quomodo animalium atque piscium ossicula, pru-  
norum nuclei, acus item, ejusdemque  
generis aliæ res extrahi  
e faucibus debeant.*



I quid forte fortuna ex jamjam positis rebus præternaturali-  
bus intus in Oesophago vel faucibus hærescit, non dolores  
solum acutissimi, sed inflammatio quoque cum suffocationis  
aliarumque noxarum pessimarum periculo quam sæpissime  
oriuntur. Itaque curandum solertissime est, ut citissime rur-  
sus idem removeatur. Removeri autem illud variis rationi-  
bus potest. Vel enim potus largior instituatur, vel panis aut  
carnis frusta paulo grandiora, pruna item hortensia absque  
nucleis, post abstractam pelliculam in globum convoluta gnaviter deglutiantur;  
vel, ubi nihil per ista efficitur, sed noxa potius ingravescit, ad instrumenta



chirurgica erit confugiendum. Scilicet linguam ante omnia per adhibitam oris spatulam deprimere solenterque circumspicere convenit, num quid forte alieni oculis sese offerat. Ubi enim aliquid ejusmodi circa œsophagum conspicitur, id statim quam diligentissime per immissam in os vossellam commodam debet extrahi. (Vid. Tab. III. fig. 3. aliasve similes. Si quid autem paulo altius in œsophago delitescit, tum *spongiæ frustulum* aliquod in oleo, ut lubricum magis fiat, tinctum, *filoque crassiori eodemque firmissimo annexum*, ægro ad deglutendum porrigi, atque ubi per adhibitam vim quandam in fauces idem immissum est, per filum extrahi rursus oportet. Sic enim quicquid alieni in œsophago infixum est, vel in ipsa spongiæ deglutitione ad ventriculum descendit, vel & cum retracta spongia rursus ex œsophago in os perrumpit. Fere promptius autem expediri illud ipsum potest, si *spongiæ frustum* illud A in oleo sive jusculo tinctum ad virgulam vel bacillum ex balæne osse confectam annectitur, (vid. Tab. XXI. fig. 10. BB.) atque ita leniter in œsophagum deprimitur indeque retrahitur. Hanc ipsam medicinam feliciter admodum egomet in rustico quodam adhibui, dum os aliquod, pollicis magnitudinem adæquans, jamque per viginti quatuor horas in faucibus hæsitans, ad ventriculum dejeci, pristinaeque sanitati hominem restitui, atque postea adhuc in variis aliis hominibus id præstiti. Alii adhuc alias pro hoc usu descripserunt, & delinearunt machinas (a); sed sicubi nihil omnino ex propositis instrumentis ad manus fuerit, cereus quidam flexilis, digiti fere crassitiem, & binarum vel ternarum spithamarum longitudinem habens, applicari quandoque in eundem usum haud incommode poterit.

## C A P. II.

### *De excutia ventriculi.*

**I**NSTRUMENTO hætenus descripto haud prorsus absimile illud est, quod *ventriculi excutiam* recentiores Medici appellarunt. (vid. Tab. XXI. fig. 11.) Confici eadem solet ex mollioribus fetis in fasciculum contortis filoque ferreo seu orichalceo flexili BBB (quod lineis aut sericis filis involvi potest) annexis. Neque vero ad fauces tantum ab officulis liberandas, sed & vel maxime ad *ventriculum expurgandum* adhiberi eam posse, Medici haud incelebres asseverant. Has autem inprimis in hac ipsa medicina instituenda regulas iidem præscribunt. Nimirum aquæ calidæ, vel, ut alii volunt, spiritus vini haustulus ante semper assumendus, quam instrumentum adhibetur; sic enim mucus atque sordes facilius in ventriculo resolvuntur. Tum excutia A in liquore quodam convenienti tincta, in œsophagum immittitur, filique ferrei BB subsidio ad ipsum usque ventriculum lente & caute intorquetur. Deinde ipsa sursum deorsum per fauces, quasi embolus aliquis in siphone sive antlia, ducitur, modo vero prorsus extrahitur. Identidem autem potionem istam una cum ipsa excutia applicandam esse, modo dicti auctores proponunt, donec scilicet nullæ amplius e ventriculo sordes proveniant. Tam enim nobile atque valens ex ipsorum sententia id medicinæ genus est, ut ad summam senectutem homines perducatur: præsertim si post hebdomadas singulas, vel binas, vel post singulos etiam menses iteretur. Sed quicquid tandem sit, sane quam paucissima felicioris per eandem curationis extant exempla. Quoties enim quisque est: qui, propter doloris, suffocationis atque læsionis alius metum, ab instrumento illo non abhorreat? Sed ista quidem prolixius

(a) *Ue Hildanus Cent. I. obs. 26. Scultetus Tab. VI. Garengeot. lib. de Instrument.*



## De cervice curva, sive capite obstipo. 5

lixius disputata sunt a viris celeberrimis, WEDELIO, nec non DEICHMEIERO in peculiaribus *de ventriculi excutia editis quondam disputationibus*: qui etiam demonstrarunt, non novum prorsus esse hoc instrumentum; sed jam dudum ab aliis jam descriptum, & cumprimis libellus, qui *Sorberiana* inscribitur, hac de re evolvi potest.

### C A P. III.

## De cervice curva sive capite obstipo.

I. **H**AVD prorsus insolens est, homines ita curvam cervicem habere, ut vel *Viti origo*  
in dextram, vel sinistram quoque partem caput inclinent. (vid. Tab. *quenam sit*  
XXI. fig. 12.) Hoc vitium a TVLPPIO (a) ad imitationem forte HORATII (b)  
*caput obstipum*, & postea etiam ab aliis ita appellatur. Solet autem vitium istud  
pessimum vel cum ipsis infantibus nasci, vel ab aliis etiam causis excitari.  
Quoties ab ipsa nativitate vitium inest, vix curationem illud recipere videtur;  
quia colli vertebræ tum vel a natura curvæ sunt, vel & propter diuturnum  
perversum situm paulatim ita detorquentur, ut vix curationis spes sit. Proinde  
admirabiles omnino videri eæ curæ debent, quando TVLPPIVS, (c) MEEKRENIUS (d) & ROONHVYSIUS, (e) prout ipsimet testantur,  
duodecim, sexdecim, octodecim, imo & viginti trium annorum juvenes,  
collo curvo ab ipsa inde nativitate laborantes, in justam atque naturalem integritatem,  
vindicarunt. Quoties autem demum post nativitatem, vel in adultis etiam, noxa illa incidit, tum vel a cervicis ambustione nimiaque cutis in  
alterutro latere constrictione ipsa nascitur, vel a musculo quodam mastoideo fig.  
12. litt. AA per spasmum graviolem contracto sensimque quasi exsiccato & indurato;  
vel ab istiusmodi musculo præter naturam relaxato: tum enim abesse vix potest,  
quin ab alio musculo opposito, quem *antagonistam* Anatomici vocant, robustiori  
caput atque collum in alterum latus intorqueantur. Vel denique vitium istud,  
secundum ROONHVYSII sententiam, a *ligamento* quodam præter naturam,  
caput deorsum versustrahente, provenit, atque per has quidem causas si detorta  
atque incurvata cervix est, pro penitus insanabili ac desperato vitium istud  
habere nequitiam convenit: præsertim si recens adhuc neque nimis jam inveteratum  
illud deprehenditur.

II. Curationis modus hic est: Nempe si recens adhuc atque a corruptis aut *Curandi ratio*  
supervacuis humoribus, quos *defluxiones* sive *catarrhos* vulgo appellant, excitatio altera.  
tum malum est, calor ut plurimum atque sudorem blande expellentia medicamenta  
insigniter hic proficiunt. Ubi vero ab aliis causis incurvata esse cervix  
intelligitur, & nominatim quidem a musculo quodam p. n. contracto, vel a cute  
ambustione constricta; periculum utique faciendum est, num forsan fomentis,  
unguentis, oleis atque emplastris emollientibus creberrimeque applicatis emolli-  
ri ac diduci sensim, quicquid in cute atque musculo nimis adstrictum est, va-  
leat. Ipsum autem caput per convenientem fasciam in partem contrariam re-  
ligandum est. NVCKIUS quidem & SOLINGIUS proprium aliquod ex arcu  
ferreo BB atque vinculo seu collari mollissimo A confectum instrumentum (Tab.  
XXI.

(a) *Observ. Medic. Lib. IV. Cap. 58.*

(b) 2. Sat. 5. v. 92. Stes capite obstipo, multum similis metuenti.

(c) Loco citato.

(d) *Observ. Chirurg. 33.*

(e) *Observ. Chirurg. 22. 23.*



XXI. fig. 13.) hic præscribunt . Hujus vinculo seu collari AA cervix incurvata comprehenditur , firmatoque per funem annulo C aliquoties in dies singulos per horæ quadrantem vel quamdiu commode id ferre potest , æger suspenditur , donec ad formam pristinam eandemque naturalem cervix redeat . Si parum ista remedia procedunt , sicut sæpissime , teste TVLPPIO & ROONHVYSIO , contingit , vel & si jamtum nimis inveteratum vitium est , pergere ad operationem convenit .

*Curandi ratio altera.* III. Atque a cute quidem propter ambustionem nimium constricta si exortum vitium est , necessarium utique erit , plagam quandam transversam , vel & , pro ipsius noxæ habitu , binas aut plures cuti contractæ infligere ; sed quam providissime tamen , ne forte vena jugularis simul incidatur . Dehinc vulnera ista linamentis carptis , ad diducendam cutem explentur ; adhibitoque postea , ut alias , unguento digestivo , sic deligantur , ut caput incurvum per injectam fasciam , quantum quidem sufficit , in contrarium latus detrahatur , donec , succrescente in plagis nova carne , cutis prolongetur , caputque sic in situm naturalem restitutum sentiatur .

*Curandi ratio tertia.* IV. Quodsi autem a musculo quodam mastoideo nimis adstricto , vel & ab alieno quodam ligamento cervix detorta redditur , transverse præcidi illud scalpello curvo in infima parte , id est , juxta claviculam vel sternum AA oportet , at circumspicte tamen , ne qua forte vena vel arteria subjecta grandior simul præcidatur , unde periculosissima sanguinis profusio concitari posset . Mox ad cohibendum sanguinem , linamentis carptis quam exactissime vulnus impletur , sensimque ope ungu. digestivi , vel oleo hyperici & bals. copaivæ , quod ROONVYSIVS laudat , per amplam cicatricem quandam inductam glutinatur . TVLPPIVS certe , MEEKRENIUS atque ROONHVYSIVS locis citatis memorant , sibi casus obtigisse , ubi post incisum ligamentum vel tendinem istiusmodi præternaturalem caput inclinatum quam celerrime & quasi vi quadam in naturalem posituram resilierit . Interim fascia tamen in curatione adhibenda videtur , ( de qua laudati auctores tacent ) per quam caput usque ad confectam glutinationem vel & tamdiu contineatur , donec ad debitum situm cervix pervenerit . Singulares autem de hac ipsa curatione observationes qui desiderat , is TVLPPIVM in primis lib. 4. cap. 58. una cum MEEKRENIO cap. 33. (a) & ROONHVYSIO obs. 22. & 23. consulat , mirandumque est , Chirurgos recentiores Gallos nihil prorsus de hoc morbo aut ejus curatione proponere .

## C A P. IV.

### *De bronchotomia , laryngotomia seu tracheotomia .*

*Quandoam operatio ista fieri debeat.* I. SUB omnibus his nominibus intelligitur asperæ arteriæ sive gutturis incisio , variæque sunt rationes , propter quas aperiri ea nonnunquam debet . Namque primo ac præcipue illud fit , si propter graviores in angina faucium inflammationem periculum est , ne spirandi facultatem omnem æger amittat , itaque plenam tandem suffocationem sentiat . (b) Tum 2. idem quoque necessarium est , quoties aut faba quædam , aut pruni vel cerasi ossiculum , aut pisum , aut lapillus , aut quidvis simile aliud corpus inusitatum in arteriam asperam il-

lap-

(a) Edit. latinæ : nam in edit. belgica & germanica est cap. 30.

(b) Hanc unicam ob causam plerique scriptores & inter hos etiam Garangeor , hanc operationem commendant ; sed revera plures sunt .



lapsus est, quod minari suffocationem videatur. Denique 3. incidi etiam aspera arteria potest in istiusmodi hominibus, qui recens submersi in aquis suffocationem jamjam passi fuerunt. His enim restitui quandoque spiritus per immissum per asperam arteriam incisam in pulmones aerem consuevit: (a) Non sum equidem nescius, existere in Medicis quamplurimos, qui vulnus in arteriam asperam infligere atque sic etiam hanc operationem instituere prohibent; siquidem id prorsus lethiferum esse autumant; adeoque crudeles & inhumanos eos Medicos vocant, qui tale periculosum quid moliantur. Sed insigniter tamen, qui sic statuunt, falluntur. Tantum enim abest, ut minuta istiusmodi, quæ per hanc operationem chirurgicam in arteria aspera fiunt, vulnera hominem interimant, ut ne paulo graviora quidem, prout supra jam indicavi, (b) illud ipsum faciant. Quocirca facere aliter vix possumus, quam ut pro imperitis, timidis atque adeo crudelibus cum CASSERIO (c) illos habeamus, qui in casibus supra memoratis operationem istam valde sæpe salutarem, tutam ac promptam (d) temere negligunt, atque sic simul ægros ejusmodi sine convenienti adhibito auxilio mori sinant.

II. Quando igitur hæc operatio instituenda, locus ad apariendum commodissimus in trachea is videtur, qui secundum inter & tertium anulum ejus cartilagineum est positus. Tametsi paulo inferius etiam fieri absque periculo vulnus ejusmodi queat. Operandi autem ratio, præsertim si officulum aliquod ex frugibus, faba, pisum majus, lapillus aut simile quidvis aliud in arteriam asperam illapsus, quod suffocationis periculum infert, rursus inde extrahi debet, hæc est. Nimirum ante omnia vel in lecto, vel in sella quadam resupinari hominem ægrum oportet, ejusque caput a ministro quodam, qui a tergo ægri stet, probe firmari: mox partem binos circiter digitos infra cartilaginem thyroidem sive scutiformem seu pomum Adami positam in medio tracheæ secundum longitudinem ad sternum usque per cutem, pinguedinem & musculos scalpello aperiri; atque ita quidem, ut binos vel tres circiter digitos aut etiam quatuor in proceris corporibus, vulneris longitudo adæquet, (vid. Tab. XXI. fig. 14. AA.) Tum vulneris hujus oræ per injectos hamulos vel digitos gnaviter a ministro quodam debent diduci, absterfoque per spongiam vel linteolum cruore, ut aspera arteria conspici queat, tres quatuorve spiralis hujus fistulæ annuli secundum lineam concidi, atque ita, quicquid forte ibidem in eandem illapsus deprehenditur, per immissum specillum, hamulum aut volsellam quam solertissime protrahi. Quo facto vulnus per adhibitam spongiam expurgatur, emplastrisque glutinosis comprehensum splenio ac fascia deligatur, & postea balsamo vulnerario diligentissime rursus glutinatur ea ratione, quam supra jam tum in vulnere asperæ arteriæ curatione pag. 127. proposuimus: atque hac ratione frustum boleti cocti, quod inter ridendum viro jocanti & simul affatim jusculum, in quo præter multa alia & boleti erant, comedenti in tracheam cum periculo suffocationis inciderat hic Helmstadii feliciter extrahi. (e) Sunt, qui ad elegantiores & promptiores cicatricem vulnere hic inducendam, ista glutinandi artificia sive futuras commendant, quæ in labiis curtis sive leporinis per acus transmissas sanandis alias præscripsimus, sive operatio ob anginam vel aliam caus-

(a) Vid. Dethardingii dissert. de Methodo subveniendi submersis per laryngotomiam Rostochii in 4. sine anno.

(b) Part. I. Lib. I. pag. 51. & 125. Ita & GARENGEOT. Varia exempla curatorum refert lib. de oper. chir. cap. de Bronchotomia.

(c) In tract. de vocis auditusque organis pag. mihi 119.

(d) Exempla exhibet NICOL. FONTANUS in observ. rarior. analect. p. 1. & CASSERIUS loco citato.

(e) Hac ratione RAVIVS mihi retulit se fabam e gutture feliciter excidisse: attamen recentiores chirurgi nihil de hac re proponunt.



causam instituta sit. At meo tamen judicio non parum alienum videtur, conjunctam cum doloribus sanandi rationem adhibere, quum mitius atque æque secure tractari homo æger possit.

Quomodo ad-  
versus angina-  
nam aperiri  
trachea de-  
beat.

III. Quodsi autem in angina, post medicamenta convenientia cum iterata sanguinis per venas varias detractio frustra prorsus adhibita, incidi pro aver-tendo suffocationis periculo trachea debeat; tum expediri illud ipsum triplici potissimum ratione solet: quas singulas ordine hic ut describamus, instituti nostri ratio postulat. Primo nempe vel resupinari vel in sella etiam, ut antea jam dixi, collocari, capite, quantum licet, reclinato atque a ministro manibus probe firmato, hominem ægrum oportet. Tum chirurgus in ista parte media atque secundum istam rationem vulnus in jugulo ad tracheam usque instituat, quam modo præcepimus; vel etiam, si lubet, cutis utrinque & a chirurgo & a ministro comprehendi, elevari ac postea secundum longitudinem incidi potest: & postea pinguedo & muscoli tracheæ incumbentes. (a) Deinde per adhibitam spongiam in vino calido vel spiritu eodemque calefacto, ad cohibendum sanguinem, expressam vulnus abstergit, ministroque, ut per digitos utrinque vel per hamulos idem diducat, præcipit. Denique scalpellum inter binos tracheæ annulos, aut sic etiam, quod perinde mihi videtur, demittit, ut unicum ejus annulum simul concidat: sic enim commodius inferi tubulus aliquis argenteus aut plumbeus, teres vel planus, quales Tab. II. litt. T. V. & X. repræsentavimus, poterit. Sed ante tamen, quam scalpellum immissum chirurgus retrahit, specillum quoddam conveniens e latere scalpelli inferi simul in plagam istam debet, quo scilicet hujus ope commodius postea tubulus immitti queat. Idem iste tubulus per injectum vinculum, per annulos vel foraminula ipsius trajectum, circa collum atque emplastrum perforatum in jugulo firmatur: cavendo ne pars asperæ arteriæ posterior eis tangatur, ac molestissima tussis sic concitetur. Ne qua autem ab externo frigore atque sordibus pulmones infestentur, spongiam in vino calido frequentissime tinctam rursusque expressam super tubulum imponere venit; vel etiam, ut *Garengeotius* docet, linteam rarum ac tenue, (b) & postea emplastrum perforatum. His rite jam confectis, sanguinis ex venis in brachio, vel pede, sub lingua item atque in collo positus detrahi; tum clysteres quoque, gargarizationes, injectiones faucium atque malagmata sub mento, cucurbitulis in latere colli & supra genubus interne admittis, eisque cruentis, cum similibus medicamentis aliis adversus anginam valentibus diligentissime tamdiu debent adhiberi & continuari, donec vel respiratio libera redit, vel ægrotus prorsus expirat, quod ipsum equidem intra proximum ab operatione quatrimum fieri plerumque consuevit. Ubi jam post tertium vel quartum diem paulo mitior factus morbus atque magis expeditus spiritus sentiuntur (cujus rei promptissimum experimentum fieri per compressum ope digiti tubulum potest,) tubulus rursus eximitur; vulnus autem isto modo vincitur ac glutinatur, quem antea jam descripsimus. Ubi vero difficilis adhuc per os spirandi facultas esse deprehenditur, remanere tantisper adhuc in vulnere tubulus debet, ceteraque remedia continuari, dum vel spiritus magis expeditur, vel ægrotus extinguitur.

Altera &  
Tertia ope-  
randi ratio.

IV. Altera eademque promptior fistulæ spiralis aperienda ratio hæc est. Nempe scalpellum aliquod anceps (Tab. I. lit. I.) ad superius designatam mediam juguli partem admovetur, provideque per cutem simul ac pinguedinem & musculos in ipsam tracheam demittitur. Mox tubulo apto vulnus instruitur, solertissimeque, ut antea dictum est, deligatur. Sic enim non celerior tantum operatio,

(a) Nonnulli volunt, ut hi muscoli prius a gutture solvantur, vel quam cautissime a se invicem separentur; verum hoc non est opus, & hi muscoli tuto ac sine periculo incidi possunt.

(b) Cap. de Bronchotomia.



tio, sed minor quoque cicatrix efficitur. Tertia denique operandi ratio per proprium aliquod instrumentum, hoc est, acum sive clavum parvum triangularem tubulo comprehensum, Medicis *Trocar* dicitur, (vid. Tab. XXI. fig. 15. & 16.) sic instituitur, ut instrumentum illud in medio tracheæ uno quasi ictu per jugulum ad tracheam usque defigatur, extractaque acu tubulus in vulnere relinquitur, donec æger vel libere rursus spiret vel expiret. (a) Quæ quidem operandi via reliquis in eo potissimum præstare videtur, quod celerrime peracta atque simul minimis cum doloribus tubulo mox vulnus instructum sit. Cetera autem fieri hic debent, quæ paulo antea jam præcepimus.

V. Demum neque istud silentio hic prætermittendum, hætenus propositam operationem iusto tempore, dum adhuc vires & spes sunt, esse suscipiendam. Ubi enim nimis jam infirmati ægri sunt, & quasi in agone versantur, frustra ut plurimum ferrum jugulo admovetur. Ceterum longe tutissimum atque prudentissimum hic videtur, alios eisdemque peritissimos Medicos simul, ubi periculum imminet, mox in consilium hic ante advocare, quam operatio hæc tentatur. Quum enim quam maxime periculosa atque adeo prorsus lethifera a plerisque, qui rem non satis intelligunt, habeatur atque proclametur; periculum sane est, ne, ubi forte minus feliciter, quam speravimus negotium cesserit, jugulasse hominem ægrum, qui forte sua interemtus est, chirurgus perhibeatur, itaque vel innocentissimus etiam in famam pessimam apud imperitum vulgum conjiciatur.

*Operatio  
mature insti-  
tuenda.*

VI. Si qui aquis submersi jamjam, sed a paucis tantum tempore, expirarunt, his quam citissime aperiri arteria aspera debet, vel scalpello vel quacunque demum alia via Medico aptissimum visum fuerit. Deinde per inflictum vulnus spiritum vel nudo ore, vel, & si præsto esset, per adhibitum tubulum aut fistulam quancunque, quia periculum summum est in mora, strenue immittere convenit. Sic enim, prout clarissimus Vir DETHARDINGIUS olim Rostochiensis, nunc Hafniensis Medicinæ Professor, haud adeo pridem in peculiari dissertatione, quam supra jam nominavimus, docet, subinde, si satis mature hoc fiat, vitam cum spiritu hominis istiusmodi suffocati, redire, eumque miraculi instar quasi a morte revocari. Itaque eam his in casibus non intermittendam esse censeo, sed potius, si occasio fert, mox instituendam esse suadeo.

*Quomodo  
submersis  
succurren-  
dum.*

VII. Denique hic adhuc moneo, hanc operationem, quia neque in larynge, neque in bronchiis, verum in aspera arteria sive trachea instituitur, non laryngotomiam, neque bronchotomiam, ut vulgo a plerisque Medicis & Chirurgis appellatur, sed potius & rectius tracheotomiam dicendam esse. Ceterum de bronchotomia scripsit libellum FRID. MONAVIVS, itemque SCHACHERVS, Professor Lipsiensis; de laryngotomia vero JULIVS CASSERIVS, libro supra jam citato, ubi operationem hanc variis iisque elegantibus imaginibus illustrat. Ita & RENATIVS MOREAV epistola de laryngotomia, ac TH. FIENVS in libris suis chirurgicis, docte de hac operatione disputarunt.

*De vero no-  
mine &  
scriptoribus.*



## De struma, scrophula &amp; bronchocele.

*Struma quid  
sit atque unde  
oriatur.*

I. **S**trumam vel scrophulam Medici ut plurimum quemcunque tumorem appellant, qui in externa cervice, hujusdemque vel anteriori parte, vel etiam alterutro latere nascitur. Quanquam insignis strumarum, quoad ipsum noxæ habitum, differentia existat. Quædam enim parvæ sunt, quædam mediocres, quædam vero insigniter atque vel ad stuporem usque increscunt. Aliæ molles sunt; aliæ contra duriores. Aliæ mobiles, immobiles aliæ existunt. Quædam *benignæ*, aliæ *malignæ* vocantur. Atque ad causam quidem vitii hujus quod attinet, solent quædam strumæ sive scrophulæ ab induratis in cervice glandulis & quidem modo in glandulis minoribus vagis, nunc in salivalibus superioribus aut inferioribus, nunc in thyroidea suboriri, quas nonnulli speciatim *scrophulas*, Galli *ecrouelles*, appellant; (a) quædam autem ejusmodi fere cum tumoribus tunica- tis naturæ sunt, ideoque materiam quandam modo duriores, modo molliorem, caseo coagulato, sebo lardove haud absimilem, intus continent. Si qui cutem inter atque asperam arteriam, id est, in anteriori cervicis parte tumores existunt, ab aere vel humoribus vel crassiori etiam materia expansi, & cum primis a causa quadam violenta, verbi gratia partu, elevando pondere graviori &c. orti, tum proprio vocabulo *bronchocele*, appellari Medicis vitium illud suevit. Memorabile hic illud in primis videtur, quasdam nationes ab hoc malo quasi prorsus immunes existere; contra vero alias graviter ab eodem infestari. Atque referendi quidem in hunc posteriorem censum sunt Hispani, ex Germanis Styrii, Suevi, Bavari, Franci, Helvetii, atque præ reliquis fere omnibus Tyrolenses: his enim strumæ interdum usque adeo mirifice increscunt, ut super ipsum ventrem & umbilicum, imo quandoque ad genua etiam, sed flaccidæ tamen, ut plurimum propendeant. (b) Cujus equidem rei causa in aere potissimum vel aqua certorum locorum posita videtur. Quod ipsum quomodo fiat, nondum satis ab artis salutaris auctoribus est expositum: quantumvis etiam varias atque speciosas opiniones in medium ipsi adduxerint. In quibusdam feminis post partum difficiliorem variis in colli regionibus proveniunt. Dum in eo quoque strumarum discrimen aliquod positum est, quod aliæ mitiores fereque sine doloribus atque aliis incommodis sunt; aliæ inflammationem cum doloribus inducunt, aliæ denique ad scirrhi instar induratae respirandique & deglutiendi facultatem lædunt vel & malignæ prorsus existunt, paulatimque in cancrum transeunt. (c) Sed qualescunque tandem strumæ sint, sane ubi jamjam inveteratae sunt, difficulter atque fere nunquam per medicamenta curationem ipsæ recipiunt: quum e contrario recentiores digeri quandoque soleant, præsertim si vitium in glandulis induratis consistit. Promptissimum equidem in curationis genus videtur, quo Gallorum atque Anglorum Reges vel per solum partis ægræ tactum strumas gravissimas sanare vulgo perhibentur. Sed de hujus medicinæ natura ut prolixius hic disquiramus, instituti præsentis ratio haud permittit. Cui lubet,

(a) RIOLANVS Anthropogr. I. 2. cap. 15. aliique volunt, ubi scrophulæ sunt externe, ibi etiam semper interne in mesenterio tales reperiri; verum hanc sententiam falsam esse docet KVCHLERVS in differt. de glandulis colli induratis, Lipsiæ edita.

(b) Descripsit & delineavit ejusmodi strumas JO. MITTERMEYERVS, Medicus Tyrolensis, in differt. de strumis & scrophulis An. 1723. Erfordiæ excusa: qui etiam quasdam cavas & aere quandoque repletas esse affirmat. pag. 16.

(c) Ejusmodi exempla habet PLANERVS, mihi que ipsi quædam nota sunt.



## De struma, scrophula, & bronchocele. II

libet, videat ANDR. LAVRENDII libr. de mirabili strumas sanandi vi, foliis Galliæ Regibus divinitus concessa, & dein Jo: BROWNE librum de glandulis & strumis; qui vero hanc virtutem Regibus Angliæ vindicat, idque quam plurimis exemplis confirmat.

II. Ad *strumæ* autem *recentis curationem* longe optimum videtur, non sollicitam modo victus & vitæ rationem ægro præcipere, sed & vel maxime regionis noxiæ mutationem & medicamenta interna, eademque digerentia, sudorem propellentia & alvum denique ducentia, pro ægri hominis ætate atque habitu, porrigere: prouti quidem superius, cum generatim in scirrhis, tum & vel maxime in glandulis salivalibus induratis (cap. XCVIII.) proposuimus. Sed tamen una cum internorum medicamentorum usu extrinsecus adhiberi unguentum resolvens haud incommode poterit. ut

*Strumæ recentis curatione.*

℥℥. Mercur. crud. ʒj.  
Terebinth. Venet. ʒij. subacti  
Axung. porcinae, quantum

ad mercurium in mortario vitreo penitus subigendum atque absorbendum sufficit. Hoc ipso unguento aliquoties per dies singulos fricare strumam sive scrophulam convenit; deinde vero emplastrum de ranis cum mercurio romanique vitrioli portiuncula admixta superimponere; vel & emplastrum de galbano, de sperm. ceti, de hyoscyamo, vel diasaponis. Oportet autem semel aut bis etiam per hebdomadas singulas alvum ægro idoneo remedio ducere; ne unguentum istud, propter admixtum mercurium, salivationem facile moveat. SCVLTVS equidem *obs.* 39. una cum AQUAPENDENTE hoc inprimis unguentum contra vitia hæc commendant.

℥℥. Ol. laurin. ʒj.  
Alumin. roch. ʒss.  
Ol. commun. ʒij. M. P. ung.

Pro quo ipso alii haud inepte *philosophorum oleum*, quod dicitur, adhibent, aut *oleum petrae albae*, vel solum, vel cum oleo saponis mixtum. Egregie præterea ii sibi prospiciunt, qui strumis & cumprimis bronchocelis primum nascentibus sic statim occurrunt, ut collare quoddam plumbeum, vel & lamellam plumbeam mercurio probe inunctam, fasciamque aut vinculi peculiaris subsidio firmatam, collo tantisper injectam fervent, donec repressum ac resolutum tumorem sentiant. Nisi enim penitus per istud remedium struma sive bronchocele dispellitur, saltem id efficitur, ut non adeo grandis aut deformis eadem fiat. Non desunt equidem in Medicis, qui ad reprimendas strumas nascentes valentissimum esse proponunt, si vel hominis demortui, præsertim autem per tabernæ extincti, manu, vel & osse quodam humano diligentissime jugulum demulceatur. Alii alia remedia hic præscribunt, quorum vim a *sympathia* derivandam esse statuunt. Sed vero, si dicere, quod res est, voluerimus, posita in istiusmodi rebus inanibus spes omnis utplurimum ita inanis est, quam quæ vel maxime.

III. Si quæ *veteres* jam tum *strumæ* vel *scrophulae* sunt, sed mobiles tamen, tum adversus illas non tam medicamenta, quam potius ferramenta proficiunt. Possunt enim ipsæ quandoque per adhibitum scalpellum penitus excindi. Contra vero si prorsus immobiles sunt, alteque in collo positæ partibus adhærent, nunquam facile ad sanitatem ægri homines perducuntur, nisi forte molliores

*Veterum strumarum curatione.*



sint. Namque maximum periculum hic est, ne per adhibitum scalpellum venæ atque arteriæ colli grandiores una cum ipsis nervis lædantur vel omnino præscindantur; itaque vel mors, vel pessima saltem mala concitentur. GARENGEOTIVS equidem una cum PETITO, viro celeberrimo, statuit, nullas omnino glandulas induratas sive scirrhus, quantumvis etiam immobiles ipsæ videantur, revera partibus integris adhærescere, aut suas quasi radices in iisdem infixas habere; ideoque adversus immobiles etiam strumas egregie scalpellum proficere. Sed quando nulla felicioris ejusmodi curationis exempla in medium is profert, fieri aliter vix potest, quam ut opinionationem istam, quasi dubiam prorsus atque incertam, prudentiores chirurgi abjiciant. Ceterum in curandis strumis mobilibus triplex potissimum ratio solet adhiberi. Quarum prima est 1. *per vincturam*; sicubi nempe, quod tamen rarius fit, a tenui parte, quasi a petiolo vel radice, strumæ dependent. Si amplius radicibus strumæ nituntur; tum altera curandi ratio, 2. *per scalpellum*, scilicet ingredienda est. Nempe medio tumor una linea, vel, ubi grandior est, duabus lineis decussatim positis inciditur usque ad tunicam: deinde vulneris oræ per adhibitum scalpellum a vitioso tumore separantur. Mox idem vel manu vel hamulo, vel vinculo lineo cum acu trajecto, vel apta quoque volsella (*vid. Tab. XXIII. fig. 1.*) prehenditur, atque ab integro corpore ista ratione resolvitur, quam in tumoribus tunicatis supra posuimus. Quæ dum fiunt, ministri quidam adhibendi sunt, qui, diductis plagæ oris, per linamenta vel spongiam sæpius cruorem promanantem abstergant; ne qua forte in opere suo chirurgus impediatur. Sicubi paulo grandiora vasa sanguifera cum radicibus conciduntur, spiritus vini rectificatissimus, vel liquor stypticus aliudve medicamentum quoddam adstringens conveniens, vel vinculum, vel ferrum denique candens adhibendum est, diligenterque vulnus, ut alias decet vinciendum; ne qua forte nimia sanguinis profusio ægrum conficiat, vel graviter saltem infirmet. Ampliores denique cutis oræ, quantum ad aptam aliquam cicatricem inducendam sufficit, exactissime præcidendæ, emplastrisque glutinosis debito modo conjungendæ sunt atque glutinandæ. Cetera enim eadem fiunt, quæ generatim in vulneribus præscripsimus. *Molliores nonnullas strumas & scrophulas* scalpello vel rodente medicamento aperui, materiam contentam eduxi, ulcus purgavi, & deinde prædicto modo glutinavi (a). Et vero cum nullos omnino dolores strumæ concitant, mirum non est, quod a plerisque, iisdemque pauperioribus præcipue hominibus, formam negligentibus, ferrum vero atque cruciatus horrentibus, absque omni cura relinquantur. Idque magis etiam tum, si forte cum Tyrolensibus haud exiguum corporis ornamentum strumas esse autument. (b) Si qui interim sunt, qui liberari ab isto malo, sed sine ferramentis tamen cupiunt, his *adurentia* imponenda sunt: prouti quidem supra jam tum in tuberculis quibuscunque aliis extirpandis præcepimus. Quanquam cautio hic adhibenda est maxima, ne in aliis, quam mitioribus, mobilibus, majoribus colli venis non adhærentibus, neque nimis alte penetrantibus colli tumoribus, istam curandi viam ingrediamur. Namque alias abesse vix ac ne vix quidem potest, quin grandes simul venæ atque arteriæ, vel aspera arteria, vel nervi etiam, cum præsentissimo vitæ periculo aut alio graviore malo exedantur, vel in carcinoma strumæ convertantur.

## CAP.

(a) Exemplum ejusmodi bronchoceles fortuito casu apertæ & sanatæ refert BLEGNY *Zod. Med. An. 1681. Februar. obs. 11.*

(b) Ut Mittermeyerus supra citatus refert l. c.



## De setaceo.

I. **S**etaceum appellatur, quando ope certi ferramenti vel acus grandioris setæ *Prima setæ*  
 equinæ vel fila aut funiculi linei per cutem & cumprimis in cervice, sa- *tacei facien-*  
 nitatis caussa trajiciuntur. Triplicem potissimum in adhibendo setaceo modo chi- *di ratio.*  
 rurgi observant. Quos si ordine singulos hic describerimus, nihil ab instituto  
 nostro alienum fecerimus. Nempe chirurgus cutem in inferiori cervicis parte,  
 minister autem illam, quæ ad pollicis amplitudinem superior est, gnaviter di-  
 gitis comprehendunt. Deinde idem chirurgus acum aliquam grandem, curvam  
 atque amplam ( *vid. Tab. XVIII. fig. 12. vel tab. XXII. fig. 9.* ) una cum in-  
 nexo vel funiculo lineo, serico aut xyliño, vel linteolo angusto atque longo,  
 vel etiam congerie quadam ex viginti quasi vel triginta filis xylinis aut lineis  
 leviter contortis, per adductam cutem istam trajicit, ( *tab. XXI. fig. 17.* ) re-  
 motaque acu funiculum in cervice relinquit. Tum unguento digestivo vulnus  
 inungitur atque fisso utrinque, ad funiculum transmittendum, emplastro con-  
 tegitur. Sic enim setaceum decenter est confectum. Cujus equidem appellatio  
 inde potissimum facta esse videtur, quia setis equinis prisci Medici hanc in rem  
 usi fuerunt, quarum tamen loco, ad imminuendos dolores, funiculos lineos aut  
 xylinos chirurgi recentiores adhibent. Neque vero relinqui tantum in vulnere  
 funiculus ille debet, sed bis etiam quotidie, nimirum ante & post somnum,  
 hinc atque inde paululum duci, indeque profluens materia, quasi in fonticulis  
 abstergi. Sic enim in ulcus idque quasi duplex plaga paulatim degenerabit, pu-  
 rulentamque quotidie materiam eamque sæpe copiosam emittet. Atque id ip-  
 sum quidem fieri tamdiu debet, quamdiu hominis ægri noxa illud postulat. Si-  
 mulatque vero linteum aut funiculus sordibus nimis infectum deprehenditur, no-  
 vum ipsius extremo per futuram aliquam jungendum, vetus sive impurum ex  
 ulcere educendum, novum vero sive purum simul leniter per plagam inducen-  
 dum est.

II. *Altera setaceum aliquod faciendi ratio* a priori haud differt, nisi forte in *Altera ratio.*  
 eo, quod loco acus magnæ scalpellum quoddam anceps ( *Tab. I. litt. B. vel I.* )  
 adhibetur, factaque plaga funiculus vel fila specillo quodam convenienti appli-  
 cato per eam ducitur. Reliqua enim eadem prorsus fiunt, quæ modo posuimus.  
 Quanquam paulo amplior per scalpellum ejusmodi, quam per acum, nisi forte  
 prægrandis sit, plaga infligitur, ideoque major etiam puris copia elicitur. Ad  
 commodiorem cutis perforationem linique vel funiculi transmissionem longe opti-  
 mum fuerit, instrumentum istiusmodi, quale *tab. XXIII. fig. 5.* repræsentavi,  
 quod vero manubrio instructum esse debet, applicare. Namque ubi illud usque  
 ad partem B per adductam cutem transadigitur, eximi protinus funiculus vel  
 linum per foramen A ductum potest, reductoque ferramento, in vulnere,  
 quamdiu necessarium videtur relinqui.

III. *Tertia denique setaceum applicandi ratio* fieri per proprium aliquod in- *Tertia ratio.*  
 strumentum, a BARTISCHIO, ANDREA A CRUCE, HILDANO, AQUA-  
 PENDENTE, SCVLTETO & GLANDORPIO delineatum, consuevit, dum  
 scilicet cutis eodem comprehenditur, atque dein ferro quodam acuminato vel  
 & candente perforatur, tandemque convenienti funiculo instruitur. Qui qui-  
 dem operandi modus quia insignes dolores magnamque suppurationem concitat,  
 mirum haudquaquam est, si pro valentissimo, ad humores noxios & abundan-  
 tes



tes eliciendos atque ab oculis, capite, aliisve partibus nobilioribus revellendos a variis Medicis præstantissimis habetur.

*Ad lineam  
quandoque  
setaceum in-  
stituitur.*

IV. Non prorsus equidem olim defuerunt, neque hodiernum adhuc defunt, qui setaceum ad lineam sive longitudinem cervicis factum longe valentius eo statuunt, quod transversim in collo instituitur, quemadmodum docuimus. Tametsi autem egomet aliquoties rei hujus experimentum fecerim, tamen nihilo majorem in istac operandi ratione, quam in usitata, virtutem reperi: sed longe tamen majorem operandi difficultatem sensi, quia cutis non tam facile transversim, quam secundum longitudinem complicari, neque acus aut scalpellum tam commode transmitti potest. Ne quis vero interim ignoret, quomodo perforatio ista fieri debeat; sciendum hic est, primo graviter caput retrorsum versus inclinari debere, adverseque adducta in cervice cutis per adhibitam acum valde curvam (*Tab. XXII. fig. 9.*) perforari. Quanquam longe aptius perforatio sæpe fit, si non tam digitis, quam volsella potius, quæ polypo destinata & foraminibus oblongis circa extrema rostri instructa est, (*Tab. XIX. fig. 10.*) cutis transversa comprehenditur, decenterque eo loco perforatur, qui per volsellæ foramina conspicuus est.

*Quid de se-  
tacei usu sta-  
tuendum sit.*

V. Sunt denique atque fuerunt in Medicis non pauci, qui ineptam prorsus atque adeo alienam, quæ per setaceum fit, curationem esse statuunt, & cum primis etiam DIONIS & GARENGEOT: quum e contrario alii, tanquam nobilissimam atque adversus morbos quam maxime pertinaces, capitis cumprimis, (a) ut morbos soporosos, cephaleas, epilepsiam, atque oculorum, valentissimam, cum BARTISCHIO, FIENO, FABRICIO ab Aquapendente, SEVERINO, HILDANO, GLANDORPIO, SCVLTETO, WEDELIO, pluribusque aliis Medicis expertissimis, eandem proponant. Et sane quia per istam operationem a capite ad cervicem pertusam humores abundantes & corrupti quam efficacissime revelluntur & abducuntur, mirum videri haudquaquam debet, si vel binis etiam fonticulis nobiliter atque fortius unum setaceum a non paucis Medicis reputatur. Quorundam enim experimento cognitum, quem aut hydrocephalum, aut catarrhi capitis perniciosi aut graves inprimis capitis vel oculorum noxæ, quales sunt vehemens ac desperata quasi ipsorum inflammatio, gutta serena, (b) cataracta item vel suffusio incipiens, aut intensissimi capitis dolores cum oblivione, nec non epilepsia, vel morbi soporosi, vel ipsius etiam apoplexiæ periculo male habent, eum, si setaceum adhibet, haud raro inde liberari. Etiam si dolores atque molestiæ, quas setaceum affert, prohibent, quominus multi ægrotantes nobile atque efficax istud medicinæ genus admittant.

PAR-

(a) *Cephalæa* a setaceo applicato cessans, eodemque remoto recurrens, idque aliquoties, describitur a RVYSCHIO obs. 40.

(b) Ab hac virginem esse liberatam, post sanguinis missionem, purgationem, fonticulum, per setaceum testatur SCVKTET. obs. XXV.



# PARTIS II.

## SECTIO IV.

*De præcordiorum vitiis , quæ manu aut  
scalpello curantur .*

### CAP. VII.

*Quomodo mammarum papillæ elici atque extendi,  
vel etiam lac elici ex iisdem debeat .*

**I**N puerperis quibusdam iisdemque junioribus ac primiparis ita minutæ nonnunquam & immerse mammarum papillæ sunt , ut recens natus infantulus neque ore ipsas apprehendere , neque lactis aliquid ex iisdem sugere valeat . Itaque per adhibitam artem ipsas extendere convenit . Longe igitur optimum hic est , 1. vel *grandiorem* aut robustiorem aliquem & suctioni probe jam adfuetum *infantulum* , vel 2. hominem quoque adultum istique arti deditum , quales mulierculæ passim apud nos obviæ sunt , adhibere , quæ intus contentum lac una cum ipsis papillis quam diligentissime ore attrahat atque exugat . Quodsi autem vel homines ejusmodi defecerint , vel ipsa quoque suctio illa non satis profecerit , *instrumentum aliquod huic scopo accommodatum decenter mammis applicandum est* . Nempe 1. vel proprium quoddam *vitrum* ( vid. Tab. XXI. fig. 18. ) sic admovetur , ut pars ejus amplior A. quasi cucurbitula papillis superimponatur , tubulus autem BB. ipsius puerperæ ori , ad sugendum immittatur . Atque id ipsum negotium tantisper iterandum est , donec & papillas comprehendere & sugere infantulus queat . 2. Si nullum ad manus vitrum ejusmodi fuerit , *fistulam aliquam fumo nicotianæ sugendo destinatam* applicare haud raro conveniet . 3. Alii *cucurbitulam ex ebore sive alabastro lapide ad pilei modum confectam* ( fig. 19. ) super papillas injiciunt , admotoque ore gnaviter sugendam præcipiunt . Tum 4. alia quoque in promptu mihi sunt *vitra lactisuga* quæ dici poterant . ( vid. fig. 20. ) Quæ ubi vel in aqua calida , vel & super fornace pro aere rarefaciendo vel expellendo probe calefacta mammis sic injiciuntur , ut foramen A. ipsam papillam excipiat , non nimis tantum depressæ papillæ insigniter protendi , sed commodissime quoque lac educi sive sugi ex mammis ægris atque ab inflammatione vexatis poterunt . Simulatque sugendi vis imminuta in vitro persentiscitur , emitti protinus ex foramine B , quod cera antea clausum erat , lac haustum , atque iterum calefacto vitro , quemadmodum in scarificatione dictum est , clauso rursus cera foramine illo , tamdiu iterari negotium illud debet , donec & papillæ satis grandes factæ & lac ex mammis sufficienter exhaustum animadvertantur . Denique recens natos atque *edentulos* quoque *catulos* quam aptissime hanc in rem adhiberi posse , ita manifestum experientia est , ut prolixè memorari haudquaquam debeat .




## De papillis fissis atque exulceratis.

**S**OLLEMNIS utique apud novas puerperas, quæ infantulos suos lactant, calamitas est, ut a suctione papillæ in mammis cum dolore intensissimo findantur atque exulcerentur. Quibus equidem noxis ut opportune succurratur, longe optimum erit vel mucilaginem ex semine cydoniorum, vel ovorum oleum cum olei ceræ portiuncula permixtum, vel & myrrhæ oleum per deliquium, gnaviter papillis illinere; vel denique tenuissimum ex gummi tragacanthæ sive arabico pulverem quam sæpissime adspargere. Sed tamen id simul notari sollicite hic debet, ut quam rarissime ad papillam istam ægram infantulus adhibeatur; ne qua forte frequentiori suctione glutinatio impediatur. Tum id quoque cavendum inprimis hic est, ne indusium lactantis mulieris ad partem ægram adhærescat, indeque abstractum dolores augeat, vel glutinationem quoque impediat. Oportet igitur, quoties infans mammam ægram exfluxit, aqua plantaginis, in qua pauxillum saccharum saturni solutum est, papillam abluere ac mundare, atque deinde operculum aliquod ex ebore, marmore aut cera candida confectum, quale Tab. XXI. fig. 19. repræsentavimus, super imponere.

## Explicatio Tabulæ vigesimæ primæ.

- Fig. 1. designat, quomodo linguæ frænulum in infantibus per scalpellum solvatur.
- Fig. 2. ostendit, quomodo idem fieri per adhibitam *furcinulam* atque *forficem* debeat.
- Fig. 3. *Furcinulam* ad linguam in isthac operatione sustinendam accommodatam, secundum debitam magnitudinem repræsentat.
- Fig. 4. & 5. exhibet *lamellas aureas* aut *argenteas*, exeso palato inferendas, spongia quadam mollissima juxta partem *a a* firmata.
- Fig. 6. proponit HILDANI instrumentum orichalceum, *uvæ per vincturam* tollendæ accommodatum. Litteræ AA filum decenter instrumento innexum, B partem, qua uva reciditur, C locum, ubi filum trajicitur, denotant. Vera instrumenti magnitudo tribus digitis latis eam superest, quam hic proposuimus.
- Fig. 7. designat *filum quoddam æneum* sive ferreum, atque foramine A in superiori parte instructum, pro lino scilicet per instrumentum modo delineatum transmittendo. Cujus proin magnitudo ex ipsius tubuli magnitudine debet determinari. Litt. B ansam sive manubrium ejus denotat.
- Fig. 8. repræsentatur hic *instrumentum aliquod ad uvam rescindendam proprium*. Atque littera quidem A partem, per quam uva demittitur; BB partem, qua scalpellum C ad præcidendam uvam propellitur; DDD autem ansam sinistra manu comprehendendam designant.
- Fig. 9. delineatur hic illud instrumentum, quod *paristhmiotomus* dici potest, quo ad *tonsillas exulceratas aperiendas* vel ab inflammatione vexatas scarificandas Medici utuntur. Namque litt. A. scalpellum quoddam absconditum, B globulum ad scalpellum in ipso opere leniter emittendum; C denique annulum ad firmiter continendum instrumentum adaptatum indicat. Vera instrumenti magni-











magnitudo duobus vel tribus circiter digitis eam superest, quam hic delineavimus.

Fig. 10. sistit instrumentum, officulis, piscium item spinis atque aliis rebus similibus, ex faucibus extrahendis destinatum: Litteræ AA spongiam, BBB. autem bacillum sive virgam ex balæne osse confectam, exactissimeque cum spongia jungendam indicant.

Fig. 11. *Ventriculi excutiam* designat. Litteræ AA scopulas setaceas, BBB autem filum æneum denotat, serico obductum, cujus ope demitti in ventriculum indeque reduci eadem valeant.

Fig. 12. ob oculos ponit cervicem aliquam incurvam, litteris AA musculos mastoideos designantibus: quorum interdum is concidi juxta partem imam debet, qui præter naturam contractus deprehenditur.

Fig. 13. instrumentum repræsentat, cervicibus curvis restituendis adaptatum. Nimirum collare A ex pelle hirsuta ita confectum est, ut quam exactissime collum comprehendat. Arcus ferreus BB tum collare, tum unicum etiam atque annulum C continet, cujus beneficio suspendi ex tigno vel tecto æger ejusmodi queat.

Fig. 14. litt. AA indicant, ubi & quomodo in *tracheotomia* sive laryngotomia plaga excitanda.

Fig. 15. *Acus seu clavus ferreus* apice triangulari atque acuminata sistitur, ad *aperiendam asperam arteriam* accommodatus.

Fig. 16. Aliud clavi genus a DEKKERO propositum: ubi litteræ AA cuspidem, BB autem tubulum, in quo cuspis continetur, quique in trachea perforata relinquitur, indicant.

Fig. 17. Eam cervicis partem designat, in qua *setaceum* transversim fieri potest.

Fig. 18. *instrumentum aliquod vitreum* proponitur, *papillis minutis cum lacte extrahendis adaptatum*. A etenim cucurbitulam papillæ superimponendam, BB autem tubulum, quem ore puerpera excipere atque exsugere debet, repræsentant.

Fig. 19. *Cucurbitula vitrea* vel alabastrina & perforata, pro papillis aliquanto minutioribus extendendis, eisque si ulceratæ sunt, obtegendis & defendendis sistitur.

Fig. 20. *Cucurbitula vitrea* peculiaris repræsentatur, eisdem scopis, cumprimis vero lacti evocando, inserviens.

## C A P. IX.

### *De carcinomate sive cancro mammarum.*

I. **M**AMMAS & cumprimis mulierem quandoque ab inflammationibus atque ulceribus, scirrho item atque *carcinomate* sive cancro infestari, supra jam tum memoravimus. (P. I. Lib. IV. cap. IV.) Atque inflammationes quidem cum ulceribus quomodo sanare conveniat, eodem loco explicavimus. *Cancer* autem sive *carcinoma* (a) ex quibusnam causis exoriatur, quomodo item incre-scat, quæ mala secum afferat, ex quibusnam signis innotescat, quibus denique medicamentis optime tractetur, alias declaratum extat. (P. I. Lib. IV. cap. XVII.)

*Heisteri Chirurgica Tom. III.*

C

Su-

(a) Monendum hic esse existimo, *canceri* vocabulum, teste CELSO, romanis scriptoribus usurpatum fuisse pro eo morbo, quem Græci *gangrenam* sive *sphacelum* appellarunt; verum quod nos hodie vulgo *cancerum* appellamus, *carcinoma* ipsis dictum fuisse: adeoque *cancer* proprie & recte *carcinoma* dicendus est.

*Instituti va-  
tio declara-  
tur.*



Supereſt , ut , qua ratione mammarum carcinomata , ubi medicamenta parum ſunt , ſcalpello extirpari rite debeant , exponamus ; ne , propter cunctationem nimiam , inſanabile vitium , vel ad operationem quoque chirurgicam ſuſtinen- dam ineptus æger evadat .

Quomodo  
cancer ocul-  
tus necdum  
mamam  
integram  
habens extir-  
pari debeat .

II. Ante vero , quam ad arduum opus illud chirurgus procedit , neceſſa- rium utique videtur , ut inquiret , an jam ſimul *vicinæ ſub ala glandulæ indura- tæ* ſint , aut an forte carcinoma cum glandulis his induratis omnino cohæreat . Quod ſi eſt , curatio plerumque haud feliciter ſuccedit ; quia cancroſa diſpoſitio ſive venenum cancroſum jam in aliis , præter mamam , partibus , hæere vide- tur : unde ablata etiam mamma repullulare malum brevi ſolet . Interea tamen non prorsus deſunt exempla , ubi extirpato carcinomate una cum glandulis ſub- alaribus induratis ægræ reſtitutæ ſunt . Quando vero extirpationem iſtiusmodi carcinomatis ſuſcipere vult chirurgus , opus eſt , per convenientem vitæ victus- que rationem quam ſolertiſſime hominem ægrum ad id præparare . Qua quidem præparatione decenter conſecta , ſi non nimis magnus & mobilis adhuc cancer eſt , ſed tantum partem mammx occupat , ( vid. Tab. XXII. fig. 1. AB. ) de- poni ſuper ſella quadam altiori atque commoda æger debet , brachio , quod mammx affectæ proximum eſt , probe vel extenſo , vel retrorſum etiam ac deorſum contento , ſive ad ſellam alligato . Sic enim muſculus pectoralis forti- ter expanditur , ipſaque mammx pars corrupta exactius ab eodem reſolvi poteſt . Tum moris multis eſt , ut medio tumoris cutis lineis in crucem factis iſdem- que ſatis longis , una cum pinguedine , quæ carcinoma tegit , incidatur , ſepa- ratique per ſcalpellum plagarum oris , quam ſolertiſſime ſeparetur atque exi- matur . Quod quo fieri accuratius poſſit , vel per tranſmiſſum acus majoris Tab. VI. fig. 5. vel 6. adjumento lineum vinculum , vel ſaltem per hamulum Tab. VIII. fig. 2. vel 3. ſtrenue attolli a quibuſdam pars corrupta ſolet . Ego vero ejuſmodi carcinomata aliquoties haud infeliciter ſanavi , quæ pugnum utique ma- gnitudine ſuperabant , atque a papilla ad ipſum uſque humerum procedebant , ut videre eſt in modo citata Tab. XXII. fig. 1. AB. tamen non niſi una linea illud incidi , nulloque præter ſcalpellum Tab. XII. fig. 14. adhibito inſtrumento exactiſſime a partibus integris ſeparavi , & , ut fig. 2. Tab. XXII. oſtendit , vul- nus glutinavi . Ubi vero ipſa cutis ſumma ſimul corrupta aut cum carcinomate arcte juncta deprehenditur , vix alia ratione ſperari ſalus poterit , quam ubi eadem una cum ipſo carcinomate penitus exſcinditur . Quod ipſum equidem ab expertis Chirurgis ſatis celeriter expediri utplurimum poteſt , ſimilesque cicatri- ce non adeo magna relictæ ſanavi .

Quid poſt  
operationem  
factu opus  
ſit .

III. Extirpatione facta , niſi forte nimis jam infirmatus æger eſt , longe optimum videtur , bonam ſanguinis copiam , ad aliquot nempe uncias , pro vi- ribus ægræ , ex inſicto vulnere emittere . Sic enim facilius & inflammatio , & febris , & nova ſanguinis profuſio præcaventur . Neque vero ad cohibendum ſan- guinem candenti ferro magnopere , ceu veteres quidem opinati ſunt , opus hic eſt . Siquidem exacta deligatio utique hic ſufficit : nimirum ſi linamenta carpta bene multa & aliquot ſplenia craſſa ſenſim ampliora , & fascia ſatis longa ſi- mul adhibeantur . BIDLOVS equidem , meus quondam quoque Præceptor , qua- ſi Medicus in his operationibus longe exercitatiſſimus , vel ſolo gypſo linamen- tis mixto ſanguinem quam commodiſſime ſupprimi hic poſſe memorat . (a) Licet alii variis pulveribus ſtypticis , alii vinculum arteriis grandioribus inji- ciant . (b) GARENGEOTIVS autem , ſecundum iſtam curandi rationem , quam cel. Pariſienſium chirurgus , PETITVS propoſuit , ſtatuit , brevi non

mo-

(a) Exercit. anat. chirurg. pag. 157.

(b) Vid. Acta natur. Vratiſlav. an. 1717. menſ. Sept. pag 70.



modo sanguinem conquiescere, sed & ipsam plagam brevi sanescere, imo carcinoma non redire, si protinus atque sine omnibus & linamentis & medicamentis sanguinem sistentibus in vulnus adhibitis, per futuram mox vulneris oræ diligenter comprehendantur. Tametsi autem egomet quoque curationis hujus experimentum aliquod fecerim; ubi exciso cancro sanguinis parum ex vulnere proflueret, ipsaque ægra brevi sanata esset, brevi tamen etiam malum rediit, & ægra tandem post bis renatum a glutinato vulnere cancrum expiravit, id omnino mihi datum existimo, ut in vulneribus ejusmodi, ubi vehemens sanguinis profluvium propter excisum mammarum cancrum incidit, ita ut metuendum sit, solis linamentis illud cohiberi non posse, vel alcohol vini, vel pulverem aliquem supprimendo sanguini accommodatum, ex bolo, sanguine draconis, colophonia & mastiche confectum, una cum linamentis carptis atque lupi crepitu semper adhibeam. Sicubi paulo infirmior æger advertitur, sanguinis parum atque adeo nihil studio ex vulnere mittendum est, sed exciso carcinomate confestim ad deligationem properandum. In deligationibus autem innovandis ea semper via procedendum est, quam in generali de vulneribus tractatione præscripsimus. Ceterum ex ipso rerum usu didici, haud alienum istud consilium esse, quo magnum & crassum aliquod splenium cerevisia calida cum butyro permixta probe imbutum, ad inflammationem avertendam in prima statim deligatione ceteris rebus superimponendam HELVETIVS proposuit. (a) Interea tamen etiam res feliciter cessit, si splenia omnia arida applicuerim.

IV. Quodsi autem *universam mammam cancer vel scirrhus occupavit*, sive jam apertus, sive clausus adhuc idem sit, tota etiam mamma resecanda est. (b) Dispicendum rursus ante ipsam operationem hic est, ut jam supra monui, utrum is cum glandulis sub axilla positis an cum musculo pectorali cohæreat; quia utroque in casu plerique auctores operationem prorsus inanem esse scribunt. Interea ne, quod de glandulis illis supra No. 2. indicavi, hic repetam, BIDDLEVS, prout ipsemet refert, (c) identidem ejusmodi carcinomata, & feliciter quidem tractavit, ubi simul pectoralis musculi pars quædam corrupta fuit rescindenda. Quin idem etiam testatur, nondum plane desperatam semper esse, si vel ipsas etiam costas caries quædam invaserit. Siquidem ipsemet non uno experimento cognoverit vel radendo, vel fusco etiam WVRTZII unguento adhibito cariem istam quandoque sanari. Ubi vero neque glandulis neque musculis cancer adhæret, longe major ad feliciter instituendam curationem spes superest.

V. Quandonam præcidi universa mamma per cancrum afflicta debeat, indicavimus, sequitur, ut, quomodo illud ipsum fieri debeat, explicemus. Quum autem in varias operandi vias curationem istam Medici diduxerunt, haud abs te facturi nobis videmur, si ordine præcipuas proposuerimus. Scilicet ægrotus ante omnia in sedili quodam collocatur, quemadmodum supra (No. 2.) præcepimus. Deinde 1. secundum SCVLTEI præcepta, acus quædam grandior (Tab. XVIII. fig. 12.) filoque crasso sive funiculo instructa, per mæmæ partem infimam trajicitur. Fili partes extremæ modo sic conjunguntur, ut per id, velut ansam aliquam, adduci mamma corrupta possit. Nonnunquam, si unum haud sufficere videtur, bina istiusmodi fila, & transversim quidem, per mammam transmittuntur. (vid. Tab. XXII. fig. 4. & 5.) hinc pars vitiosa

C 2

omnis

(a) *Traiete des parties de sang.*

(b) Hujus equidem generis ingens illud carcinoma erat, quod egomet jam anno 1720. bono cum successu præcidi, & peculiari tunc dissertatione descripsi. Neque enim, prouti ex Tab. XXII. fig. 3. AB. manifestum est, omnem modo mammam illud occupaverat, sed tantæ quoque molis erat, ut duodecim fere libras superaret.

(c) Loco citato pag. 168.

*Quandonam  
cancer uni-  
versam  
mamam  
tenens, exci-  
dendus.*

*Quomodo fie-  
ri operatio  
debeat.*



omnis quam exactissime ita rescinditur, ut non deorsum, quemadmodum SCVL-  
TETVS Tab. 36. indicat, sed sursum versus scalpellum ducatur, prout fig. 5.  
ostendimus: ne qua forte sanguis inde profluens chirurgum in ulteriori & ac-  
curatori sectione impediat. Oportet autem paulo grandiori scalpello, si mam-  
ma grandior, hanc in rem uti; quo scilicet promptius expediri sectio ista valeat.  
In minori vero etiam minus scalpellum sufficit. 2. Altera curandi via, SOLIN-  
GIO inprimis atque BIDLOO usitata, in eo a primæ differt, quod pro fla-  
mentis furca quædam magna adhibetur. fig. 6. Hæc enim per afflictam mam-  
mam, incipiendo a parte infima, sic transmittitur, ut strenue subter illa duci  
scalpellum queat. (fig. 7.) Sicubi paulo minorem partem cancer occupavit,  
non furcam, sed proprium aliquod ferramentum gladio minuto haud absimile,  
fig. 8. sustinendæ mammæ BIDLOVS destinavit: quæ omnia ferramenta manu-  
briis instructa esse debent. 3. At vero quia nostris temporibus nimis crudeles  
videntur binæ istæ operandi rationes, neque facile absque intensissimis cruciati-  
bus & summo ægrorum horrore instituuntur, nihil ab arte salutari alienum  
HELVETIVS tentavit, quando istiusmodi volsellas sine tenacula excogitavit,  
quarum altera Tab. XXIII. fig. 1. apicibus suis AA summam, altera vero fig.  
2. & superiorem & inferiorem vitiatæ mammæ partem atque adeo mammam  
universam alis suis A & B comprehendunt: quo scilicet commodius attolli,  
atque scalpelli grandioris adjumento quam exactissime subsecari valeat. 4. Quar-  
tus denique, isque meo quidem iudicio optimus modus est, quando nullo pror-  
sus præter scalpellum instrumento adhibito, chirurgus altera manu mammam  
afflictam comprehendit, eam elevat, atque ita per admotum scalpellum satis  
magnum, quousque illa corrupta deprehenditur, excindit. Quando vitiosa  
mamma nimis magna, quam ut una chirurgi manu commode elevari queat,  
minister eam ambabus manibus elevare, chirurgus vero ope scalpelli majoris  
eam funditus, attamen caute, a subjectis partibus rescare debet. Atque hac  
ratione sine omni alio, præter scalpellum, ferramento, ingentem illam mam-  
mam duodecim librarum, Tab. XXII. fig. 3. quam celerrime & quam felicif-  
sime amputavi. Exempla sectione curatorum ejusmodi cancerorum vid. in SCVL-  
TETI obs. 44.

### *Explicatio Tabulæ vigesimæ secundæ.*

- Fig. 1. AB. *mammæ carcinoma tectum* sive clausum, quod non integram mam-  
mam occupat, indicat, a papilla versus humerum fere extensum.
- Fig. 2. demonstrat, qualis post glutinationem simplex eaque recta tantum *cica-*  
*trix* fuerit. AB.
- Fig. 3. litteræ AB *carcinoma quoddam mammæ prægrande*, idque etiam adhuc  
clausum, ac totam mammam occupans, duodecimque libras adæquans, re-  
præsentant: quod ipsum egomet non nisi scalpello & manibus adhibitis olim  
amputavi & sanavi. CC. parva tubercula ex majori pronata indicant.
- Fig. 4. declarat, qua ratione olim mammam cancro corruptam *a a*, acubus  
grandioribus *b b*. fila *cc* trahentibus, ad partem imam perfoderint, quando  
illam rescindere voluerunt.
- Fig. 5. ostendit, litt. A, *quomodo fila trajecta* in modum ansæ conjungenda,  
mamma corrupta eis elevanda, & postea scalpelli grandioris B ope rescan-  
da sit.
- Fig. 6. repræsentat *furcam* ad mammam grandiolem, carcinomate infestam,  
perfodiendam, & postea ressecandam, a SOLINGENIO & BIDLOO propositam.  
Fig.









Fig. 10.

Fran. Sesone Sculp.







Fig. 7. *Scalpellum* majus, mammis carcinomate corruptis rescindendis adaptatum.

Fig. 8. exhibet instrumentum BIDLOI, gladioli fere forma, pro correptis a cancro mammis minoribus comprehendendis, si eas amputare velimus.

Fig. 9. *Acus* indicatur magna, curva & ampla, A, pro setaceo in cervice secundum longitudinem infligendo: quæ etiam in angustiori parte B manubrio ligneo potest esse instructa, ut tanto commodius cutis cervicis perforari queat.

Fig. 10. ostendit acus hujus *cuspidem*, a parte interiori sive concavâ inspectam, in vera sua magnitudine.

VI. Novissima operandi ratio est, quam Chirurgus Batavus ante paucos abhinc annos adhibere cœpit, D. TABOR autem, Medicus & municeps meus, una cum instrumento ad istam rem accommodato (fig. 3. Tab. XXIII.) in peculiari dissertatione quadam explicavit. Nempe mamma vitiata binis instrumenti illius acubus, fig. 3. AA, BB. ceu ex fig. 4. manifestum est, comprehenditur, arcus hi circa extrema CC. fig. 3. manu sinistra clauduntur, ut basis mammæ vitiatæ probe constingatur, ferramentoque tunc falcato atque acuto EF. quod per rimam alterius arcus DD. transire debet, quam diligentissime abscinditur. Quantumvis autem notatu dignum instrumentum atque ingeniosa operandi ratio videtur, tamen simplicem istam, quam supra No. 5. descripsimus, operandi methodum ei præferendam esse censeo. Interea tamen illam, tanquam rem novam, silentio hic mittere nolui. In explicatione Tab. XXIII. uberius hujus instrumenti dabitur explicatio.

*Operandi ratio nova.*

VII. Mamma excisa, quocunque demum modo illud factum sit, antequam deligatio instituatur, sanguinis uncias aliquot, siquidem vires sunt, emittere convenit; ad præcavendam scilicet, prout supra jam monuimus; inflammationem & sanguinis profluvium. Quod enim Chirurgorum aliqui existimant, sanguinem vitiosum sive cancrum ista ratione penitus exhauriri posse, id nihil esse videtur. Ubi vero debilis jam tum ægra esse advertitur, satius erit, statim a confecta operatione vindicturam injicere, quam minus opportuna sanguinis emissionem magis magisque ipsam infirmare. (a) Qua autem ratione institui vindictura commodissime debeat, supra jam tum (No. 3.) declaravimus: atque solum hic adhuc monemus, eam ante tertium diem non esse solvendam, nihilque nec tum quidem vi evellendum: sed, donec sponte cadant, expectandum. Ceterum quo rarius atque circumspicius deligatio innovat, hoc melius quoque glutinatio procedit. Quodsi autem nimia forte materiæ purulentæ copia sub ipsam curationem ex vulnere profluit, frequentius deligatio innovanda. At ne a nimia purulentæ materiæ copia nimis æger debilitetur, aut prorsus etiam conficiatur, unguentum digestivum remove, atque ejus loco linamenta carpta eademque vel arida, vel essentia myrrhæ atque succini leviter imbuta, imponere præstat. (b) Vires autem amissæ ut sensim sensimque ægro restituantur, non cibos tantum bene nutrientes & qui facile concoquuntur, juscula nempe, gelatinas, ova mollia, & quæ sunt hujusmodi, sed medicamenta quoque confortantia & cumprimis emulsiones gratas diligenter ipsi commendare oportet. E contrario cavendum quoque sollicitè hic est, ne nimis forte celeriter vulnus arefcat, quia malum pristinum alias facile, ut nonnulli auctores notarunt, de

*Quid post operationem fieri debeat.*

uno

(a) Non sum equidem nescius, sanguinis profluvium hic prorsus non metuendum BIDLOO & GARENGETIO videri sed illum facile cohiberi & quiescere. Contrarium tamen egomet usu didici: siquidem haud semel observavi, largiorem sanguinis copiam vel per ipsa crassissima etiam & copiosa splenia atque fascias erupisse, unde ægri valde debilitati fuerunt. Quare necessarium est, summa semper cum providentia, vel & per impositam orbem, deligationem instituere.

(b) In ejusmodi casu alumine usto, addito pauxillo mercur. præcipitat. rubri cum successu se usum, Medicus quidam me certiores fecit: his enim brevi cicatricem firmam inductam esse.






mo recrudescit . Itaque , si tale quid incidere videtur , mel rosarum in deligatione identidem adhibere convenit , ut debita suppuratio hoc ipso satis diu conservetur . Carcinomate autem sanato , exactissimam semper vitæ victusque rationem æger servare , vehementiores vero animi affectus evitare debet ; contra vero certis temporibus , præsertim vere & autumnò , medicamentis sanguinem expurgantibus , itemque detractionibus sanguinis uti debet . Quoties hic inter curandum *febris vehemens , cum doloribus atque angoribus circa præcordia , spirandique difficultate supervenit* ; certa ut plurimum mors insequitur . Ne quid igitur istiusmodi facile eveniat , sanguis in tempore emittendus est , ægrotusque per adhibita medicamenta his malis contraria tractandus . Non desunt equidem in feminis , quæ admirabili cum animi magnitudine & constantia sat ceteroquin crudelem operationem istam sustinent ; contra vero aliæ adeo pusillanimes sunt & tam vehementer clamant , ut vel maxime intrepidum etiam chirurgum terreant , inque opere suo impediunt . Oportet igitur intrepidum hic chirurgum esse , sicut CELSVS monuit , ut perinde faciat omnia , ac si nullus ex vagitibus alterius affectus oriretur . ( Lib. VII. in præfatione .

### Explicatio Tabulæ vigesimæ tertiæ .

- Fig. 1. demonstrat *volsellam* sive *tenaculum Helvetianum* , ( Galli *Tenette Helvétique* vocant ) mammis vitiatis resecandis sub ipsa sectione chirurgica arcibus AA comprehendendis destinatum .
- Fig. 2. sistit aliud huiusmodi *tenaculum* sive ferramentum , ab eodem HELVETIO excogitatum : cuius ope mamma corrupta in parte suprema & ima probe comprehenditur , & postea resecatur . Litt. AB denotant duas alas ; CC foramina sive annulos ; quibus machina digitis comprehenditur & clauditur . D Cardo cuius ope duæ alæ expanduntur & pro mamma comprehendenda probe clauduntur .
- Fig. 3. designat *novum instrumenti genus* , ad *corruptas mammas rescindendas accommodatum* . Litteræ AA. laminam duplicem , eandemque semicircularem indicant , ex orichalco sive cupro flavo confectas , circa partes extremas inferiores C. ita conjunctam , ut interstitium sive rimam DDD. relinquant , pro scalpello falcato EF & recipiendo & transmittendo , supersit . Lamellam ex his inferiorem litt. aaa. quodammodo demonstrant . Litt. BB similem lamellam semicircularem eandemque simplicem denotant , fibula sive cochlea G. cum altera lamella duplici sic conjunctam , ut integrum quasi circulum efficiat , itaque mammam exactissime comprehendere queat . Crurum semicircularium A & B ansas utrinque litt. CC. designant . Scalpelli falcati manubrium litt. F. demonstrat : quod ipsum cruribus laminæ A & B conjunctis mammamque comprehendentibus transmitti per fissuram D pro rescindenda mamma corrupta sic debet , quemadmodum sequens fig. 4. ostendit .
- Fig. 4. sistitur hic corpus feminae , cuius mamma sinistra carcinomate corrupta per modo descriptum instrumentum excinditur . Atque littera quidem A. mammam corruptam , B. brachium extensum , CC. laminas annulares sive semicirculares , quibus mamma comprehenditur atque a subjectis partibus sursum adducitur , D. sinistram chirurgi manum , ansas binas lamellarum continentem , E. dextram ejusdem manum scalpelli manubrium , pro rescindenda mamma sursum adducentem , F, G & H. denique viam , per quam attolli scalpellum a chirurgo debet , indicant .
- Fig. 5. ostendit peculiarem acum pro setaceo transverso excitando : in qua ad litt.





Fran. Sesone Sculp.







litt. A foramen exaratum, per quod funiculus vel fila ducuntur, & quando ad litt. B usque transfixa est, funiculus e foramine educitur, & in vulnere facto, reducta acu, relinquitur. Litt. C clavum denotat, qui a manubrio ligneo excipitur.

## C A P. X.

## De paracentesi vel pectoris perforatione.

I. PARACENTESIN generatim Medici vocant pectoris vel abdominis, imo <sup>Quandonam paracentesis instituitur.</sup> etiam scroti perforationem illam, quæ pro materia purulenta, cruore, aqua, rebusque id genus aliis præternaturalibus emittendis instituitur. Solet autem paracentesis sive perforatio pectoris inter costas, utpote de qua hic speciatim nunc agimus, variis in casibus adhiberi: & quidem 1. in empyemate, sive eo pectoris morbo, ubi scilicet e pleura vel pulmonibus post inflammationem exulceratis *materiæ purulentæ* quicquam in thoracis cavitatem profluxit. Nisi enim opportune pus hoc emittitur, periculum est, ne & spirandi facultas impediatur, & pulmonibus cum septo transverso atque costis graviter inde exesis, tabes atque alia hujus generis mala desperata insequantur. Deinde 2. necessaria quoque in pectore perforatio sive paracentesis est, quoties cruoris aliquid ex *thoracis vulnere* quodam intus illapsus est, quod per vulnus educi nequit, & ægro gravia incommoda excitat, prouti quidem supra jam tum suo loco (P. I. lib. I. cap. X. No. 10.) declaravimus. Verum hæc operatio hoc in casu male a Gallis *operatio empyematis* vocatur; quia ad empyema constituendum pus requiritur, & rectius tunc simpliciter paracentesis pectoris vocatur. (a) Tum 3. utiliter quoque paracentesin Medici instituunt, quoties aqua, propter *pectoris hydropem* intus collecta, debet emitti. Simulatque igitur morbus, a quo æger infestatur, spiritus gravis ac difficilis, & ponderis insoliti atque fluctuationis in pectore sensus, humoris alieni quicquam intus delitescere significaverint, confugiendum erit ad pectoris perforationem; siquidem alia ratione vix ac ne vix quidem ejici e pectore materia ista noxia poterit. Sed ante tamen, quam ferrum pectori admovemus, considerandum sollicitè est, num etiam pro ægri hominis statu præsentis salutis aliquid sperari ex perforatione ista valeat. Itaque si parum aut nihil virium superest, periculosa ut plurimum hæc operatio esse solet. Namque hic abesse vix potest, quin vel sub ipsam operationem, vel statim post eandem æger expiret. Simili prorsus modo res sese habet, si propter nimis jam inveteratum morbum periculum est, ne prorsus jam exesæ atque corruptæ sint partes internæ: (b) item si vel a febre, vel ab alvo soluta, vel a spirandi summa difficultate, vel a crebro animi deliquio; vel denique a sudore frigido æger divexatur. Namque mala ista singula morbum desperatum & propinquam fere semper mortem significant; adeoque sine fructu & cum dedecore chirurgiæ operatio in istiusmodi casibus instituitur; ne, qui propter noxæ gravitatem fervari haud potuit, chirurgi culpa interiisse videatur. Contra vero si posita superius mala penitus absunt, si adhuc vires sunt; si denique recens adhuc morbus est; utiliter utique paracentesis haud raro adhibetur.

(a) Appellatur operatio empyematis etiam *Garengeotio* Oper. Chir. Tom. II. Cap. IV.

(b) Exempla, quibus idem confirmari poterat, passim obveniunt. Sic enim egomet aliquando in istiusmodi homine, qui empyemate laboraverat, post mortem inciso, pleuram una cum plerisque fere costis erosam deprehendi; quo vero in casu operatio hæc prorsus frustranea esse solet.



tur. Atque id magis etiam ideo, quia pectus citra ullum vitæ periculum perforatur; dummodo circumspicte a chirurgo singula hic fiant. Neque enim præter cutem, pinguedinem, carnem atque pleuram, quicquam hic percutitur aut læditur.

Quo loco fieri paracentesis debeat.

II. Oportet autem bina potissimum ante operationem circumspicere: nempe 1. *in quonam pectoris latere materia noxia hæreat*: namque ubi latus integrum atque sanum perfoditur, inanis operatio esse consuevit. Deinde 2. *quonam præcipue pectoris pars perforari debeat*. Quo autem facilius atque certius cognoscatur, *in quonam pectoris latere materia perniciofa delitescat*; considerandum quam diligentissime est, 1. in quonam latere inflammationem atque dolores æger antea senserit; deinde 2. ubinam gravitas quædam cum fluctuatione fuerit animadvertenda; tum 3. in quodnam latus cubare commodius æger possit: in hoc ipso enim vitium delitescere solet: nam in latere sano decumbere nequeunt. Denique 4. tumor etiam plerumque aliqualis cum calore vehementiori latus afflictum demonstrat. Explorato jam latere affecto, tutissimum est, operationem sic instituere, ut in sinistro latere inter secundam & tertiam, in dextro vero tertiam inter & quartam costam spuriam, ab infima numerando, eo loco, qui palmam circiter aut quinque, vel in majoribus hominibus sex digitos latos ab ipso dorso atque ab infimo scapulæ angulo abest, foramen fiat. Namque ubi sublimior pectoris pars perfoditur, fieri vix potest, ut materia maligna, quippe in infimo pectore collecta, commode ibi profluat. (a) Contra vero si depressius vulnus infligitur, periculum est, ne septum transversum, quippe costis inferioribus, præsertim in dextro latere propter hepar valde propinquum atque adeo adnatum, lædatur. Similiter ubi pars spinæ dorsi prior perforatur, difficilius longe atque magis anceps operatio est. Neque enim crassi tantum musculi perrumpendi hic essent; sed maximum quoque periculum subest, ne arteriæ vel venæ intercostales, utpote sulcis costarum prope hanc regionem nondum insertæ, vel alia majora vasa simul percutiantur. Ut proinde locus supra designatus præ ceteris commodus & tutus sit ad pectus perforandum.

Quomodo fieri operatio debeat.

III. Ipsum istum, quem jam indicavimus, locum atramento notare convenit, adductamque digitis & chirurgi & ministri, dum æger corpus paulo reclinat, prout supra in fonticulis excitandis diximus, cutem scalpello incidere, plagamque trium circiter digitorum transversorum facere; quo nempe commodius postea perforari caro reliqua possit. Solent autem *duplici potissimum ratione* id ipsum Chirurgi efficere. Nonnulli enim *acum* vel *clavum* aliquem acutum ac triangularem, eundemque tubulo inclusum, *Troicar* Galli vocant, (vid. Tab. XXIV. fig. 1.) eousque in carnem intorquent, donec idem in pectus penetrasse advertitur. Tunc enim clavum immisum (fig. 2.) extrahunt, collectosque in pectore humores noxios per tubulum in vulnere relictum (fig. 3.) emittunt; quamdiu scilicet ægri id permittunt. Simulatque enim mentis deliquium imminere, vel & materiæ corruptæ affatim e vulnere profluxisse intelligitur, demto protinus tubulo isto, fistula sive tubulus alius brevior, idemque vel plumbeus; (Tab. II. fig. Q. 5.) vel argenteus atque flexilis (Tab. V. fig. 9.) in foramen insertus, & filo aut funiculo circa pectus deligatis, & emplastris quam exactissime firmatur. Super fistulam sive tubulum splenium aliquod crassum imponitur, adhibitaque fascia illa, quam *mantile cum scapulari* chirurgi vocant, deligatur. Nonnunquam operatio ista sic instituitur, ut cum carne atque pleura cutis simul externa per admotum triangularem illum clavum (*Troicar*)

(a) BOERHAVIUS quidem docet, *Aphor. Pract. N. 303.* aperturam inter secundam & tertiam costam *veram* inferiorem instituendam esse; sed omnes boni chirurgi dissentiant, locumque illum nimis altum esse docent. Forte pro costa vera, spuriam scribere voluit.



ear) uno statim ictu perrumpatur. Verum enim vero quia secundum istam operandi rationem pulmones, utpote cum pleura haud raro cohærentes, lædi quam gravissime a clavo immisso possunt, hanc potius sanandi viam Medici prudentiores sequuntur, ut, cute ac pinguedine secundum superius positam rationem ad tres fere digitos transversos incisos, *carnem reliquam una cum pleura inter binas costas supra designatas scalpello G vel H. Tab. I. transversam quam diligentissime incidant*, insertaque, prout antea præscripsimus, fistula humores noxios eliciant. Solet autem in ipso vulnere isthoc faciendo necessaria imprimis esse hæc observatio, ut nempe corpus ægrum pronum quodammodo inclinetur; siquidem tum ipsæ costæ paulo latius ab invicem diducuntur, & spatium pro vulnere faciendo ampliatur. Vulnere satis amplo facto, digitus in illud immitti, &, si pulmo forte in vicinia adhæreat, eo separari, ut contenti humores vitiosi melius effluere queant. Quæ quidem posterior operandi ratio quanquam majorem & Medici diligentiam & ægroti patientiam postulat; nihil tamen quicquam est, cur ipsam priori anteferre dubitemus. Præterquam enim, quod pulmones, si qui forte secando adhærere deprehendimus, specillo vel digitis reprimi atque ita immunes a damno præstari hic possunt, materia sane cruenta vel purulenta longe accuratius propter paulo majorem vulneris amplitudinem hic ejicitur. Et clarissimum quidem PETITVM si audire voluerimus, (a) a tubulis certe ac turundis, varia propter incommoda, penitus hic abstinēbimus; quin potius linamentum aliquod molle atque caudæ quasi formam habens in vulnus satis amplum immitteremus. Sic enim non ipsum modo vulnus apertum conservatur, sed noxia quoque materia continuo & optime emittitur. Supra linamentum istud vulnere insertum linamenti carpti & convoluti portio quædam filo annexa una cum linamentis carptis aliis, emplastro item atque fascia gnaviter deligantur.

IV. Diebus sequentibus semel, aut, pro re nata, bis etiam vel ter quotidie vulnus deligare convenit, prout anxietates ægrum sæpius aut parcius urgent, *Deligatio quomodo instituenda sit.* emissaque, quantum ægri vires permittunt, materiæ vitiosæ portione, bis aut ter in deligationibus singulis liquorem purgantem eundemque calidum injicere, diligenterque rursus emittere. Facere autem imprimis hic solet decoctum calidum ex herba quadam vulneraria, nimirum *veronica*, *scabiosa*, aut *solidagine Saceracenica*, cum rosarum melle atque myrrhæ oleo, quin &, nisi tussis ægrum vexaverit, cum pauxillo essentiae myrrhæ vel & WVRTZII balsamo pectorali permixtum. GARENGEOTIVS *persicaria*, atque, ubi ex pleuritide vel peripneumonia malum ortum est, *althææ decoctum* etiam atque etiam hic commendat. (b) Quanquam etiam spiritus vini vulgaris cum antimonii sulphure permixtus haud minorem cum in expurgando tum & sanando vulnere virtutem exerat. Alii aquam calcis cum mellis rosati portiuncula juncta longe nobilissimam hic esse proponunt. His aliquandiu sic observatis & confectis, circumspiciendum est, num liquor injectus ab omni materia vitiosa purus ex vulnere profluat. Tunc enim satis expurgatum esse pectus intelligitur, ideoque vulnus, extracto tubulo vel linteolo, ea ratione glutinandum, quam in pectoris vulneribus supra posuimus. Quo autem melius humores injecti ex vulnere rursus profluant, necessarium semper videtur, hominem ægrum in ipsam partem illam, in qua vulnus est, diligenter inclinare, atque, ut fortiter spiritum ducat, jubere. Ceterum id quoque in curatione videndum imprimis est, ne medicamenta interna, cujusmodi decocta cumprimis & balsama vulneraria sunt, una cum soli-

(a) Vid. GARENGEOT. *chirur.* Cap. de empyemate & pectoris paracentesi.

(b) Cap. de empyemate citato.



licita victus & vitæ ratione temere negligantur. (a)

Ulceræ pe-  
toris versus  
cutem exter-  
nam tenden-  
tia.

V. Denique sciendum omnino hic est, materiam corruptam atque ab inflammatione concitatam non semper in ipsum pectoris fundum delabi, sed potius per carnem atque adeo ipsam cutem penetrare, itaque tumorem & abscessum in externis pectoris partibus excitare. Quod ubi forte incidit, ferrum non posteriori thoracis parti, ut antea docuimus, sed illis admoventi partibus debet, quæ vitium illud continent, atque extrinsecus ostendunt; sive jam anteriores eadem in pectore sint, sive posteriores. Nonnunquam vitium istud ita grave est, ut pessimum odorem materia noxia spargat, ipsasque costas insigniter exedat. Itaque si vitiata costæ pars tolli nequit, tum prorsus impossibilis curatio esse consuevit.

## C A P. XI.

### *Quomodo sterni terebratio fieri debeat.*

**S**ICUBI sub ipso sterni atque inter mediastini membranulas abscessus aliquis ex lapsu, ictu, vel fractura sterni oritur, vix alia ratione materia purulenta evocari e pectore, quam per trepanationem sive terebrationem sterni poterit. (b) Igitur si adesse utique abscessus aliquis a prudentibus Medicis & Chirurgis judicatur: quod ipsum tamen quam difficulter utplurimum fiat, non ipsius tantum noxæ indoles, sed rerum quoque usus loquuntur; sic fere instituere operationem Chirurgus debet. Scilicet ante omnia resupinare hominem ægrum convenit, positamque in infima sterni parte, ubi foraminulo quandoque abscessus se prodiit, cutem lineis in crucem factis diligenter incidere. Tum, diductis ab invicem oris, sternum per admotam terebram ita perforare, quemadmodum supra in ipsius capitis terebratione præcepimus. Facto hunc in modum foramine, sic in pectus inclinare hominem ægrum oportet, ut quam aptissime profluere materia corrupta valeat. Denique abscessus convenienti modo, præsertim injectionibus, capite præcedenti laudatis, expurgatus, sic fere & deligatur & tandem glutinatur, ut supra capite XLI. jamjam declaravimus. Sunt, qui sterni terebrationem istam non æque periculosam existimant esse, atque illam, quæ in capite instituitur: quia longe facilius in capite quam sub sterni partes nobiliores læduntur; tamen neque illud negandum, signa illa, ex quibus materia purulenta intus esse conjicitur, dubia plerumque atque incerta esse. Interea COLVMBVM & Casp. HOFMANNVM docuisse, si in illo mediastini cavo humores præter naturam colligantur, eos perforato sterni, sine noxa educi posse. (c) DIONYSIVS quoque tradit, se hanc operationem quidem vidisse, verum ægrum postea expirasse. Ut proinde non sine maxima providentia ad operationem istam sit procedendum. PETITVS sæpius laudatus sterni trepanationem tunc quoque commendat, quando post fracturam ejus utcunque restitutam, dolores diutius, quam par est, sub eo perdurant; hoc enim signum esse, ait, abscessum subtus latere. (d) Deinde asseverat, quandoque sternum a pure intus contento perforari, atque materiam per angustum, quod fecit, foraminulum ex parte effluere. Quo-

(a) Exemplum operationis empyematis vid. apud SCVLTTETVM observ. 52.

(b) Negant quidem varii illud mediastini interstitium, sed facile demonstrari potest. Et quamvis in fanis amplum cavum quidem non adfit; tamen a materia noxia lamellas ejus separari posse, ut amplum cavum fiat, docet BLASIVS obs. anat. p. 15.

(c) Vid. BARTHOLIN. Anat. reform. Lib. II. Cap. IV.

(d) Lib. ejus de morb. ossium, Cap. de sterni fractura.



Quoniam vero ulcus sic neque mundari, neque pus satis evacuari potest, modiolii ope illud perforandum ac postea, ut dictum, expurgandum esse docet. *Lib. de off. cap. de carie & exostosi.*

## C A P. XII.

## De dorso incurvato sive gibbo.

I. **G**ibbus appellari communiter ea corporis noxa solet, quando spina dorsi, contra, quam naturaliter decet, vel in posteriorem vel in lateralem partem incurvata deprehenditur. Sæpius autem infantes quam adulti hoc ipso vitio corripuntur; sæpiusque ab externis quam internis causis malum istud exoritur. Namque ubi vel lapsum, vel ictum aliquem graviorem teneri infantes sentiunt, abesse vix potest, quin tenera ipsorum eademque mollia ossicula graviter lædantur atque detorqueantur. Ab internis autem causis provenire calamitas ista solet, quoties ligamenta ista, quæ dorsum sustinent, laxa nimis atque remissa fiunt, aut cariem etiam ipsæ vertebræ sentiunt. Tametsi ab abdominis musculis etiam, nimium quantum constrictis, pessime intorqueri dorsum quantumque posse. GOVEYVS auctor est, exemplo memorabili calamitatis hujus in medio adducto. (b) Et sane nisi tempestiva eademque prompta noxæ huic medicina adhibetur, sensim sensimque ossicula ista contorta indurescunt, figuramque deformem assumunt, ut in naturalem situm restitui sæpe nunquam valeant. Ut proinde mirum videri haud quaquam debeat, quod gibbi inveterati nulla prorsus ratione curari soleant. Ubi vero satis opportune malo huic occurratur, curationem quandoque illud recipit, vel saltem mitius fit atque tolerabilius.

*Vitium  
ipsum de-  
scribitur.*

II. Atque valentissimum quidem sanitatis præsidium a pectorali vestimento; quod *thoracem* vulgo appellant, pectusque firmat, laminis ferreis, vel chartaceis, e charta crassa, vel balænx ossibus, ea præsertim parte, quæ gibbum comprehendit, munito, petitur. Id enim per dies atque noctes tamdiu ab infantibus aut pueris gestari debet, donec nullum gravioris noxæ periculum superest. Quin proprium etiam hanc in rem excogitatum a Chirurgis instrumentum est, quasi crucis alicujus formam referens; (Tab. XXIV. fig. 5.) quo ipso litt. AA, dorso imposito ad collum BB, humores CC ac DD, atque ventrem EE firmiter alligato, spina dorsi directæ sustinetur, atque ab ulteriori damno egregie defenditur. Sic enim infantes vel sensim sensimque in pristinam formam restituuntur, vel saltem a graviore noxa & deformitate vindicantur. Longe vero optimum hic est, aqua reginæ Hungariæ, spiritu lavendulæ vel matricali, similive alio quodam spiritu roborante partem ægram quam diligentissime simul inungere, emplastroque itidem roborante, cujusmodi oxycroceum, opodeldoc, nervinum VIGONIS, atque id genus alia sunt, gnaviter contegere: non neglectis interim medicamentis internis convenientibus, iisdemque partim ad roboranda membra infirma, partim ad ejiciendos humores supervacaneos & noxios accommodatis. Nisi enim jam tum inveteratum malum est, insigniter ut plurimum ad restituendum dorsum incurvatum proposita curandi ratio proficit.

*Curatio.*

Ad clarissimi Heisteri caput de dorso incurvato sive gibbo maxime opportunum existimavimus adjicere immortalis viri, chirurgorumque Principis Marci Aurelii Severini dissertationem excerptam e doctissimo ejus libro *de recondita Abscessuum Naturam*, quæ est de gibbis, valgus, varis &c.



# DE GIBBIS, VALGIS, VARIS,

Atque aliis ab interna vi varie luxatis.

*LIBER VNVS,*

*Qui est de selectis abscessibus.*

P R Æ F A T I O

DE PERFECTA HIPPOCRATIS DOCTRINA,

Deque nostra secundum hunc auctorem  
instituta disputatione,

MARCO AVRELIO SEVERINO AVCTORE.

**I**NTER omnes homines, qui quasi divinitus instituti, singulari quadam, & excellenti ratione medicinam exercuerunt: Hippocrati fortuna contulit summam attingendæ præstantiæ felicitatem. Nimirum ad omnes sciendi numeros, quid homini non largitum est? Aut quid omnino desideratum? Principio enim insita ferme sibi ad comparandam eam scientiam primordia: qui Asclepiadarum genere natus, maternam quidem originem ad Herculem Alexicacum; paternam ad Aesculapium retulit. Vide autem, quam longa serie ductus ab utrisque. Nam ab altero quidem vigesimum; ab altero decimumnonum se numerabat. Porro Aesculapius Apollinis primi medicinæ conditoris filius, ex Arsinoe genuit Machaonem, & Podalyrium medicos bello Trojano clarissimos. His successit Nebrus; cui Sostratus; cui Theodorus; cui Hippolochus; cui Cleomitadas: cui Chrysamides; cui Gnosidicus. Hujus filius fuit Hippocrates primus, qui scripsit libros de articulis; ac de fracturis. Hic genuit Heraclidem Hippocratis Coi genere Dorienfis partem. Quem Coum Hippocratem ab ineunte ætate medicinæ operam dedisse, ac præclara satis indole fuisse suadetur, tum ea gentis successione, tum luculenta ratione, quæ est; Asclepiadas omnes, medicorum filios antiquitus appellari consuetos: quos etiam Galenus anatomiarum aggressionum tertio *πεπαιδευμένοις*, id est a pueris eruditos testatus est. Quibus autem, quæso te, magistris noster Hippocrates eductus a paruulo fuit? Patre, inquam, Heraclide ac primo Hippocrate avo, quorum utrorumque sua inter Hippocratis commentarios leguntur immortalia monumenta. Præter quos doctores & sub Erodico Selymbriano medicinam didicit; sed in philosophia Democritum Abderitam; in oratoria vero Gorgiam Leontinum primum ipsum artis, ut plerique volunt, auctorem, aut incomparabilem certe professorem. Accessit etiam ad optatissima disciplinæ vota loci commoditas, in quo institueretur; in Græcia, inquam, bonarum artium emporio, campoque

fe-



fecundissimo ; & in conventu discentium frequentissimo ; florentibus tum maxime tribus sectis Gnidia , Rhodia , Coa : in qua omnium optima , & præcipua professus est lectissimus tum inter omnes spectatæ medicinæ flosculus , & ocellus . His igitur præceptoribus assuetus , hac doctrina primis ab annis imbutus , atque ea , quam equidem adumbravi , ratione exercitus ; qua non *iniqua* , id est quibus non moribus generosis ornatum credideris nostrum Hippocratem ? Galenus legatur in lib. quod si quis optimus medicus , idem est & philosophus : apparebit sane , virum illum uno artis studio , atque incredibili contemplationis jucunditate , nullum aut divitiarum : aut primi inter cives affessus , & facultatis ; aut apud summos reges gratiæ , aut denique in vita commoditatis , aut voluptatis rationem habuisse ; sed temperantiam , justitiam , ceterasque se mutuo complectentes virtutes sanctissime coluisse : quibus alioquin exclusis medici quidem non sunt medici , sed venefici ; non fine artis utentes , sed abutentes . Præterea laborem amice sic amplexus est ; sic dies , ac noctes cum industria mire conjunctus , pro se suaque arte perpetuo perficiendis ; ut nedum Cranonem , ac Thasum , omnemque Græciæ regionem peragravit , sed & Asiam Europamque omnes adusque frigidissimos Scythas , & incultissimas nationes penetrare ne fuerit quidem sibi tædiosum , aut difficile ; ut aerum aquarum , & locorum proprietatem , & a varijs horum affectionibus nascentes morbos explore cognosceret , hanc alijs scientiam rite traditurus . Quo sciendi studio non , ut multi consueverunt , cum longo annorum accessu defunctus est ; sed ad ultimam usque senectutem ita medicæ perfectioni studuit : ut ejusdem epistolæ nos certos fecerunt . Ita jam constat ea ; quæ medicis alijs habenda præceperat medicinæ parens in lege jam a se principio constituta ; eundem ipsum velut optimum legislatorem , & probatissimum suorum omnium asseclarum exemplar obtinuisse . Atque etiam cum auctario : naturam , inquam , ad optima accommodatam ; exactam a puero institutionem ; præceptionem singularem ; locum ad studia mirifice facientem ; sedulam industriam ; plenissimam exercitationem , & complementum omnium , ad multos populos peregrinationem . Quibus omnibus factum est , ut unus homo comprehenderit conscripseritque ea , quæ posteriorum suorum laudatissimus Galenus admirari tantum , & explicando dilatare , non superare diligentia , cunctaque sua demonstrandi peritia valuerit , ut neque alij , qui successerunt omnes , quique post alijs erunt in annis . Nam quis naturam hominis , & hujus momenta ? Quis assiduos facultatum suarum omnium motus ? Cum clandestinis item morbi concursibus sic rimetur , & assequatur ? Ut videat , quæ sint , quæ fuerint , quæ mox ventura trahantur . Porro Lyncis , & Argis oculi tanti non essent , ut his intime dispiciendis facere satis possent . Atqui mirus Hippocrates Perdiccam Macedonum Regem , qui tabe laborare putabatur , certis affecti corporis indicijs , insano Philæ paternæ pellicis amore languentem deprehendit ; quod a nullo , nec ab Euryphonte quidem medico clarissimo fuerat adversum . Qui idem Hippocr. & prudenti conjectatione pestem in Aëtica grassaturam præfagiens , tum civitatum , tum discipulorum curam gessit , quominus a lue corriperebatur . Taceo quot aut quales prædictiones a se jam editæ , suis e commentariis apparent : quæ nos inter cetera condocerunt , ipsum naturæ consultum , & fidum interpretem ; ipsum , cui beata sorte contigerit , naturam admolientem mortalium oculis inaspectabilem spectasse ; atque arcana sua docentem a nullis auditam audisse : quæ causæ fuerunt ut ( quod rectissime Macrobius de illo prædicavit ) nunquam aut falli , aut alios fallere potuerit homo felix . Non falsus , inquam , aut fallax cuncta tradendo , quæ pertinent ad rerum , ac subjectorum corporum naturam intelligendam ; ad morbo-



borum differentias discernendas ; ad præsidiorum indicationes inveniendas ; ad recte curandum ; ad præservandum ; ad corpus omnino , sive in integra , sive in adversa valetudine tuendum ; secundum singularem suam crasin ; constitutionem ; habitum ; ætatem ; affectiones denique singulas , & quæ non alia accidentia ? Sic enim Hippocrates absolutus est , ut nemo appareat illo superior ; siquidem observatorem nactus sit in sua doctrina non leviter exercitatum . Hujus ergo viri sic libenter quidem a me , sed perfunctorie descripti , dum pleraque observo in his abscessibus ; quos jam proposui , pertractandis : se gibberum , & interna vi luxatorum offert familia : quod argumentum , ut a primo quidem Hippocrate pro re plurimum necessaria non uno loco traditum , & enarratum fuit : ita per nostros omnes quasi tenuis momenti res ignave prætermisum est , & neglectum . Hi vero mihi videntur abscessus , & hi luxatus digni , qui non vulgari , sed accurata plurimum adversione pendantur : in quibus tacito morbi defluxu , & abditis collectionibus , in minime delinquentibus alioqui pueris impuberibus puberibusque ; fundamentum , & basis corporis , quæ spina dorsi est ; itemque ; testudo pectoris caloris vividi promptuarium ; solidissima sua systasi pervellantur , ac pervertantur . Quod si mirabile quidem tibi videtur ; adhuc admirabilius est , quod certis corporum habitibus ; conformationibus ; ætatibus ; gentibus ; familijs , locis ; privatis etiam causis , & affectibus . Consentientes adveniunt hæc ossium emotiones . Quas ipsas interdum natura prævalens , interdum ars corrigit , interdum neutra quantumcumque laboret , emendare valet . Sic varie scilicet implicitum obicibus , ac subiectis corporum habitudinibus est negotium . Quæ singula præterquam sedulus rerum æstimator ( physicum appellavit Hippocrates libro de sterilibus ) assequi , & comprehendere non possit . Quippe non tam , quid agas , quam quomodo , & in quibus advertit oportet : neque tam morbum ipsum curare nos exigimur , quam occurrit causis : quæ sicut vitium produxere , sic etiam plerumque fovere sunt comparatæ . Utinam igitur , ut multiplex ; ut grave , & Hippocraticum ; ut difficile , atque alijs intentatum est hoc argumentum : ita liceat aliquando nobis , vel omnes , vel harum maximas expedire difficultates , quæ vel doctis , & magnis viris negotium exhiberent . Sed tamen huc nos aliquam operam navabimus , & quantum virili nostræ portioni conceditur : aliquid in hac re fructus afferemus . Sin minus frangemus hanc glaciem nos , atque excitabimus ad extremum solertiores , ut spartam hanc ipsi subtilius elaborent : dum interea nos , qui parum ingenio valemus , paucoque ad contemplandum otio fruimur ; hæc qualiacunque . Sint , pro rudimento , aut mavis irritamento damus .

## C A P. I.

### *De gibberis proprio subjecto , multiplicibus modis , appellationibus , definitione .*

**F**IT gibber ab abscessu nedum communiter , sed & proprie dicto ; quemadmodum suo post hæc loco monstrabimus . Quapropter & hoc genus abscessus accommodata capiet commentarius hic noster . Principium autem id habeat disputatio . Natura , quæ homini cælestis suæ originis indagatori sublimes vultus , & ad sidera sublatus cum respondente in rectum , sed flexili corpore præstitue-



stituerat; architectata est spinam: idest verticulatis ossibus, & cardinis modo instructis in longum actam compaginem, quæ sic corpus sustentat, ut catena navem. Hujus aut ipsius omnes nodos atque tessellas, qui tum cervici, tum dorso lumbisque discreti sunt; extrinsecus ligamentorum aponeurosi firma e pericranio derivata, & a prima cervicis vertebra ad inferas usque producta convestijt, atque contegit. Cui succum quemdam pinguem lentumque vertibulorum motui conservando commodaturum perpetuo subdidit. Cui naturali linimento postea temporis commista inerte viscida pituita, quæ conferctim e superioribus demissa irruit: nedum quidem ductus nervorum, qui per osseas illas coagmentationes exiliunt, sed etiam ipsarum vincula, quæ modo dixi, distendit ita, ut sæpe sua de sede revellat; ac nunc uno quidem situ, nunc alio contorqueat. Quarum eversionum modos tres fecere tum primus Hippocr. in lib. de artic. comm. 3. particula 1. 2. 7. 22. 68. tum Galenus ibidem, ac libro 4. de locis affectis cap. 3.

Una situs perversio est extrorsum cum vertebræ recedentes ab æqualitate laterum in medium ipsorum abscedentes, & se coaptantes in unum quasi turbinant conum. Hæc κύρσις, & κύρτωσις, homines vero his affecti ὕβοι, καὶ κυφοί Græce dicuntur: affectionem vero gibber, corpus vero luxum, & gibberosum dicere consueverunt latini. Alter modus est introrsum: qui fit cum a naturali rectitudine in hunc situm rapta spondylia simam, & velut infossam dorsi partem relinquunt. Lordosis hæc a primoribus Magistris; divaricatio vero, & repanditas a nostris est nominata. Tertius est ad spinæ latera conflexus tum dexterum, tum sinistrum, quem græcia scoliosis, obstipitatis vero nomine latium extulit. Est autem sic dicta, quod scolion, idest lumbricum terræ reptantem refert spirarum similitudine. Refert enim Hieronymus Cardanus in commentario de causis, signis, & locis morborum parte 3. §. 56. id quod etiam obtigit mihi, visam sibi puellam flexa ita spina, ut S litteram referret. Quam rem equidem adjeci libentius, ut veram hanc distortionis ideam cognoscat quisque. Enimvero simplicem ad latus spinæ flexuram creditam a medicorum vulgo video Scoliosin. Quamquam multifariam flexuosam, præcipuam inter omnes fortasse fecerunt antiqui.

Adverti gibber extrorsum frequentissime fieri, non infrequenter etiam ad latera. Verum ad anteriora per multum insolens est auctore Hieronymo Fabricio: eam ob causam scilicet, quod antè inter binas vertebrae interjecta cartilago multa non potest non facere, quin impulsus omnis spinæ retrudatur: id quod in alijs situs inversionibus non accidit. Illud enim animadverto necessarium; quod cavo partis unius respondeat oportet convexum alterius adversæ. Idest cum gibberus sit thorax posticus; cavus erit anticus: & contra, si dorsi sit cavitas; pectoris tuber erit. Sic quoque cum cavitas in altero latere facta fuerit, continuo in adverso respondebit tuber. Quamquam non ita luculentum hoc, ut in prioribus, nisi magna lateris facta fuerit divaricatio.

His sic expositis, quæ sit natura gibbosis apparet. Est autem Hieronymo Mercuriali defintore, morbus tum in situ, tum in figura, non solum rectitudinem corporis depravans, verum & flexionem ad posteriora saltem non parum impediens. Præter hæc est imperfecta situs emotio, sub qua juncturæ madefactis laxatisque vinculis diducuntur, & hiant tantummodo servata rectitudine. Galenus primus hanc invexit σήσιον appellatam: quæ laxatio & abductio quædam est spatio latiore relicto vertibulorum: cui vitio pueri privatim ob nervorum molitudinem sunt obnoxij.

His appellationibus Antonius Musa Brasavolus privatum hunc gibberum apho-



aphorismum interpretatus, addidit & aliam quampiam late patentem sic, ut cunctis præter spinam membrum fecerit communem. Usus autem est & auctoritate vulgi, qui flexam, & tortuosam quamcumque rem ac figuram, gibbam appellare consuevit. Quem ego nominis usum eo libentius memoravi; quo constet etiam mihi licuisse, ut ad valgos, & varos, & ad ejusmodi luxatus omnes consentaneum fecerim, & affinem. Adhuc ad antica simul & postica gibbos posuit idem compositam scilicet rationem.

## C A P II.

*Exactiora, & definitiora gibbosis discernicula.*

**H**I generales quidem sunt gibberum spinæ modi: ceterum sunt & alii speciales: quorum hi quidem secundum partes corporis sunt. Aliud enim est gibber cervicis; aliud thoracis; hoc sub septo transverso; hoc infra septum, quoddam in lumbis, quoddam infra ipsos, quod unam tantum vertebra[m] emovit: quodve plures, & paucas, quodve plurimas. Si perquisiveris ætates, gibbosin incurrunt aut impuberes, aut adulti grandioresque, sed spectatis causis alii gibbi ex ictu; alii ex casu; alii ex tuberculo: quæ tubercula calidiora frigidiora; mitia coctiora; dura crudiora; vel in cervice constiterunt, vel in thorace, vel in lumbis atque etiam inferius, singulorum enim sua sunt effecta, atque secundum hæc, aliud Gibber primæ, vel ut aliis placet, secundæ vertebræ cervicis mentum apprimat ad petus; aliud majorem spiritus difficultatem; aliud minorem parit: de qua nos re in parte prognostica. Addidit his Heronymus Cardanus in lib. de causis, signis, & locis morborum loco ante memorato Gibbosin ex materia sensim influente; quam sane causam non exposuerat Galenus, observatam alioquin a nobis in filio Ill. Baronis Pascuarolæ.

Ad hæc evadunt alii lente gibbi, consuetudine, scilicet decumbendi, atque flectendi: alii semel simulque ex irruente affatim humoris copia, validaque vi tuberculi. Alia spinæ emotio ex ambabus partibus: alia ex alterutra. Nonnulla cum nervi sentientis, atque moventis læsione; nonnulla sine nervi læsione: de qua re Cardanus ante dicto loco: Aliqua subito jugulans, & funesta; quæ speciem unam anginæ facit: alia non funesta: quædam solvitur, quædam non solvitur; interdum indicatur metastasi, idest per transpositum acuti morbi, putæ phrenitidis: qualem evenisse coquo cuidam auctor est Hippocrates in lib. 5. epidemiarum particula 22. Interdum est per sympathiam: ut si pus demittatur ad ilia, inguina, coxas, & hic suppuratio nova suscitetur. Postremo gibber omne, vel omnino præter naturam evenit: qualia sunt ante dicta: vel aliquo pacto secundum naturam est: qualia sunt senibus, proceri præsertim corporis.

## C A P III.

*De causis.*

**S**INGULÆ distractionis istæ dorsi communes quidem sæpe, sed privatas etiam agnoscunt causas, communes quidem externæ sunt; idest quodcumque grave durum-



durumque corpus quassat, allidit, percutit: quarum caussarum Hippocrates in dicta parte libri de articulis explicare meminit, itemque Galenus in commentario, plurimum autem hæ caussæ vertebrae ad interiora compellunt: qualis unus est casus de sinuata in vesicam spina a Galeno narratus lib.6. de locis affect. cap.4.

Hæ quidem manifestæ, sed multo digniores relatu sunt cæcæ caussæ: de quibus quidem mox audies, si simul approbes referri modos, quibus, hi qui jam perstabant in sua sede nodi, depravantur. Hi Galeno teste in 3. de loc. affect. partim sunt distentio, partim contractio: cujus utriusque caussæ sunt & spasmi communes; quæ sunt siccitas, & plenitudo. Siccitatis & squallores primus meminit Galenus in l. 2. de caus. pulsuum cap. 11. cui addidit & frigus immodicum, a quo ceu gelu convulsiva intentio est. Sed & inæqualis intemperies eodem auctore distorquere potens est censenda. Siccitas in ardente potissimum febre visitur: cujus febris vi arefacta vincula vertebrarum, has in anteriora pertrahunt, ut & cervicis interdum; illud affirmante Hippocrate in l. 4. aph. 34. quod est; si a febre detento collum pervertatur, & cibum devorare vix ipse possit, sine ullo tumore lethale, porro mens est Hippocrati colli vertebrarum æstu febris distrahendarum comminisci, sic contractione, & ariditate abstrahuntur fibræ ligamentorum, & quæ has sequuntur ossæ verticilla. Ex adverso plenitudo, ac distentio multa sæpius distortionem istas parit; itaque inflammationes, & scirrhi, abscessus, & crudorum quorundam generatio tuberculorum; breviter omnes præter naturam tumores vicinas partes ad se retrahere valent, res hercle veteribus medicis difficillimæ investigatu: quæ verba sunt Galeni lib. de causis puls. & lib. de locis affect. citato.

Jam autem ubi monstravi causas internas externasque separatim in luxandas spinæ vertebrae influentes tu nunc intellige & utrasque posse sibimet ad invicem consentire. Nempe vis procatarctica forinsecus impulsu facto vertebram adurget in anteriora; interior vero, quæ plenitudo est, distendendo; siccitas contrahendo eo versum etiam adducit. At vero cum emprostocyphosin, idest ad anteriorem gibbosin externa causa valeat, an ad opistocyphosin, idest ad posteriorem gibbosin quidquam operetur? Hoc quidem summatim inspicienti haud quaquam videbitur posse fieri: quando vis exterior tanta non est, quæ citra corruptionem animantis vertebrae, & vincula foras abstrahere queat, gibber in spina relinquens. Sed enim præter id, quod docet Hippocrates in 3. de artic. sententia 19. etiam vero cognoscetur, idem ut eveniat, facile nimirum homine de sublimi loco in scapulas coxasque lapso, vertebrae per plures in posteriora non difficulter exerentur, non in angustum, inquam, adductæ, sed in ambitum sinuata: præsertim vero, si conferat ad hæc accommodata interna causa: rationem ejus rei docente Galeno initio 3. de artic. quem Holler. in scholio sequitur, hanc.

Vertebrarum quidem ossa per se, neque pervertuntur a tuberculis neque trahuntur, sed primum vitium fit in iis corporibus, quibus vertebrae alligantur. Igitur, ubi ad vertebrae tuberculum oritur, ac tum in tumorem assurgit, atque augetur: ab interiori, sive priori parte (utroque enim vocabulo licet uti) necesse est, ut tuberculum sequantur ligamenta, atque hæc rursus vertebrae. Itaque si una parte dumtaxat tuberculum oriatur, ubi hæc in interiorem trahatur: in priorem partem spina convertetur. Sed si in duabus, ubi aliqua interjecta sit inviolata; gibba evadet, utroque enim tuberculo adjuncta vertebram trahente, quæ in medio sunt, a posteriori parte gibbæ fient, quod evidenter intueri, licet omnibus evenire, quæ curvari modice possunt: cujusmodi sunt virides rami, & ex scriptoriis calamis plerique, quos si quis dexteræ digitis ab una parte, sinistræ ab altera, prehensens ad se traxerit; medium in contrariam partem attractum gibbumque conspiciet. Atqui neque alia de causa spinam ad la-



tus convertitur, quam ob crudum tuberculum, quod ab ejusdem latere fit. Hæc autem tria vitia in spina incidunt, cum vertebræ loco moventur.

Præter internas jam expositas causas, est & virium imbecillitas: cujus unius vitio vincula lacertique dorso minime valentes onus corporis sustinere; faciunt, ut nutans spina curvetur, quæ fortasse causa est una, qua senes omnes gibbosi existant, fit autem imbecillitate, ut succi, prævaleant tum copia, tum viribus cum eo locorum impinguntur: unde mox, & luxatus adornetur. Est & ex causis externis consuetudo corporis quoquo versum inflectendi, atque inflexum continendi, quemadmodum enim virgultis, & viridibus lignis pondere pressis assidue contortis, ita & dorso nostri corporis accidit sub opificiis diversarum artium, & sub institutis vitæ diversis. Ita, quod venales arculas quotidie de cervicibus appensas per totam urbem bajulant, his plurimum est spina gibbosa, id quod, & in morbo accidit, testante Hippocrate citato libro de articulis; quosdam etiam in id vitium compellit una cum morbo habitus ille, quo jacere consueverunt. Sed & primus per fascias obligatus ineptus cerea puellorum ossa distorquet, ut vulgatum etiam inter feminas nosti.

His jam expositis, expendendæ subeunt tres hominum opiniones: quarum una est Hieronymi Mercurialis, atque aliorum quorundam censentium, exoriri posse dorso gibbosin a tuberculo; quod sustinente ægre pulmone; sic agitatio multa pectoris, respiratio depravata, & inde vertebrarum emotio suscitetur, quem gibberis exortum, dum explicandum suscipit Hieronymus, haud tamen explicat vere; nam quod concutiat spina motu thoracis insolentiore, ac magnum inde laborem experiatur; id profecto non facit, ut gibbus pariat: præsertim quando concessum est, agitationem illam thoracis ab incommodo respiratus undelibet æquali, non magis uni, quam alteri parti situve vim ac noxam inferre debere. Ad hæc autem dum Mercurialis exemplo proposito Agesis filia lib.6. epidemiarum sect.4. descripto; non exponit, cur ea puella ex certo pulmonis tuberculo redita gibba non fuerat; interea peccat magis; jam enim cur posita necessaria causa, idest posito pulmonum tuberculo, atque agitato depravato thoracis, non consequatur gibber? Atqui, quod isthæc a Mercuriali necessaria posita sit causa, monstratur; quod omnem excitandi gibberis rationem apud Hippocratem ex præcipuo pulmonis tuberculo deduxerit; neque enim ab Hieronymo verum constituitur, aut suadetur Hippocratis enunciatum, præterquam hac una tuberculi pulmonis via. Quod autem Hippocrati tribuerit iste vir ex constante tuberculo pulmonis non perpetuo gibber futurum; vel gratis hoc quidem asseritur, vel unde colligi potuerit, afferri debet. At equidem sequuturam gibbosin a tuberculo semper verum contendo, si res solum intelligatur ad sententiam Galeni, qui Comm.3. de articul. procreationem gibbi necessariam retulit ad una vertebrarum tubercula; non autem ad tuberculum pulmonis: quod falso credidit Mercurialis. Interim si nulla hæc nostra ratio proposita de hominis allucinatu, sed allucinatio ipsa sit: haud quaquam profecto defenditur dogmaticus enarrator, qui gibbosin omnem, pulmonis non vertebrarum, (harum enim nullibi meminit) tuberculo retulerit. Rem sane, quæ neque Hippocrati, neque Galeno, neque ulli magnæ auctoritatis viro vel per somnium quidem in mentem venerit. Sic enim respondeat velim qui phthisici, & asthmatici non gibbi omnes? Itaque tussis, & asthma Hippocrati sunt symptomata, & affectus consequuti ex dirupto jam abscessu circa spinam, atque adeo, quod magnus Magister doceat, & constituat ex gibbo, vel hujus effeëtrice causa excitari asthma: oppositum asseri videtur Mercurialis placito, quo adstruitur ex asthma, vel hanc admolito tuberculo produci gibbum, contraria nimirum & adversante sententia: tantum abest, ut Hippocratis doctrina fervetur.



Quod si Mercurialis occurrat memorans nobis (fundamentum scilicet opinionis, a quo suusus est) Hippocratem omnino proposuisse pueros ex asthmate, ac tussi redditos gibbos. Atqui tussis & asthma (dicat Mercurialis) non inducitur probabiliter in hypothese nostra, præterquam a tuberculo pulmonis: ergo causa gibberis effectrix tuberculum est pulmonis. Cui quidem instantiæ sic satisfaciendum videtur. Mittatur enim primum ex tuberculo pulmonis tussim & asthma fieri, quod fieri quidem ex illius dirupta vomica potest: sed non propterea fit, ut Hippocrates dictum voluerit gibber ex tuberculo pulmonis creari, verum sic, ut voluerit gibbum quidem longius profectum ex tuberculo vertebrarum; ex quo tussis & asthma proxime derivent. Itaque tuberculum vertebrarum causa est Hippocrati præcedens & proxima gibbi, mox vero diruptum tuberculum spinæ succedens tum asthma, tum tussis excipiunt.

Adhæsit & huic opinioni postmodum Hercules Saxonia, qui Panthei medicinalis lib. 2. cap. 4. qua curanda dyspnæa monstratur, in hoc aliquanto prudentior Mercuriali; quod causam gibbi repletionem fecit ligamentorum spinæ vertebris adnexorum: quæ fuerat quidem Galeni doctrina lib. 3. de articulis primo proposita: verum ex adverso tantundem Mercuriali visus est Hercules ineptior; quod sibi nobisque suaserit distentionem induci tuberculo pulmonis inertis, maxime si crudum, ac parte postica consistens; ac neque non si diruptum, & parte postica positum conceperit; nam quæ vel pulmoni, vel hujus tuberculo corporibus vacuitate locorum & aëris interjecti dissitis vis sit, ut vertebrae spinæ convellat? at neque resultans a tuberculo pus tam aut penetrabile, aut tam erga solidissima ligamenta prævalens est, ut hæc vincere queat. Præterquam quod fluere naturali suo nutu comparata purulenta substantia, nequaquam media spinæ rectitudinē consistere, sed ad infima repere debet, quapropter aut his private partibus gibbosin, aut aliud etiam quodcunque malum potius, quam gibbum excitabit, quod si tamen Patavino professori detur, ut ex adversa pulmoni parte spinæ consistat, & non diffluat sanies: tum & deterius argumentationis incommodum subibit Hercules; quod perpetuo circa dorsum erit spinæ luxatio; atque adeo non erit, unde vertebrarum cervicis, aut lumborum, aut ossis sacri perversio fiat.

Ad has duorum interpretum opiniones accedit etiam examinanda tertia Hieronymi Fortunati philosophiæ, ac medicinæ magistri peritissimi, qui censuit gibber primum rheumate quidem initiatum mox sub asthmate ac tuberculo magno pulmonis necessitate quadam avertendæ difficultatis, atque laboris in spirando, ac respirando flexu dorso completum; quod multo liberius agitur pulmo, laxiusque succedit respiratio dorso jam conflexo, quam tenso septo transverso, atque externis musculis. Qua de causa cogitur homo sic instigante natura testudinem thoracis quoquo pacto licet, atque etiam ampliante curvitate dilatare, qua inflexus assuetudine in dies facta, sic demum absolvitur gibbosus. Quæ nostratis viri videtur quidem ingeniosa excogitatio: verumtamen nihil ad rhombum, atque ad sensum Hippocratis, qui causa plane necessarias non contingentes gibbi posuit. Fieret autem per hanc opinionem, ut gibbi & commoda semper respiratione fruerentur, & in quacunque spirandi difficultate perpetuum esset in dorsum incurvatio levamen, & illud quidem paratu facile.

Quarta opinio est hominum perperam etiam, ut videtur, interpretantium aphorismum Hippocratis; dum tussim vehementem adstruunt; quæ vertebrae suo loco pellat. Res equidem, quæ a divino præceptore nusquam asserta est; ut asthma scilicet, ac tussis sint causa gibbi: verum, ut gibber sit cum asthmate ac tussi conjunctum; hoc sane dictum a sene nostro fuit: quam



rem quidem acute discrevit Thadæus in enarratione aphorismi . Ut appareat jam ex his omnibus summe verax opinio Galeni , qui causam gibberum haud tuberculum quidem pulmonis , sed spinæ contiguum alterum judicavit .

Hactenus hæ physicæ sunt enarratæ gibborum causæ : ceterum apud Astronomos , & apud Julium Firmicum in 8. gibbi fiunt, si in septima parte Arietis habuerint horoscopum . Quo claro cælestium contemplatore major Ptolemæus in tertio de astrorum judicijs cap. 12. quod est de vitiis , & morbis corporis , scripta reliquit hæc ; Si lumina ad maleficos centris hærentes adscenderint , aut ex opposito ab ipsis impedita fuerint , maximeque Luna in nodis sive flexuris constituta , aut in signis obnoxiijs , nimirum Ariete , Tauro , Cancro , Scorpio , Capricorno , vitia corporis eveniunt : gibbi scilicet , aut claudicationes , & luxationes . Siquidem cum ipsis luminaribus fuerint maleficæ ab ineunte ætate , & horæ partus . Et Haly Rhodoan ait : ego prædixi gibbositatem , quæ duravit duodecim mensibus in nativitate , in qua Luna erat conjuncta cum Marte , & capite Draconis in duodecima domo , qui erant in quadrato aspectu Solis cum Jove , qui in tertia erant , & temporis quantitas tot mensium , quotus est numerus annorum revolutionis Jovis : quia Jupiter sub Solis radiis positus erat . Ego vero observavi frequenter Caudam maxime cum Luna , & persæpe cum alijs Planetis in angulis constitutam , obliquos quoquo modo efficere . Hæc isti de occurribus astrorum vim imprimentibus ad gibbosin generatim . Jovianus vero Pontanus lib. 10. de rebus cælestibus cap. de claudicationibus , singularum distortionum cervicis , colli , pectoris , genuum , crurium , & juncturarum corporis effectrices siderum mansiones discrevit . Quas Astronomorum eadem de re nostra opiniones plenioris doctrinæ causa non ab re fuerit præsertim gnaris ejus facultatis hominibus nos recitasse .

## C A P. IV.

### *Symptomata , & signa .*

**H**ACTENUS jam de causis rectitudinem corporis præter naturam evertentibus . Succedunt ad hæc suborta symptomata , quæ cum triplicia nostris medicis sint , singula percurramus . Primum igitur functionibus animalibus incommodant spinæ subversiones ; sive quidem sensus ; sive liberi motus officinas evolvas , & utrisque quidem noxa est , ubi compressum experta est medulla . Quippe quia per oblitos jam ejus ductus spiritibus ad nervos inde profectos transitus non est , uti prius , & siquidem ex toto vertebrarum dimotio facta sit ; abolutus ex toto sensus aut motus est , si vero non ex integro perversæ fuerint ipsæ : sic pro subsultus ratione sentitur ejusmodi detrimentum . Rursus eo pluribus partibus sensus motusque interceptus est , quo superiorum spondylium fuerit exultatio , & contra eo paucioribus locis sentiendi , atque movendi nascetur incommodum , quo inferior spinæ fuerit abductio . Sed liceat huc nobis & quæ Hieronymus Cardanus Hippocratici vir studij plenior aliquanto pagina docuit , recitare . Proponit tria Galenus , primum noxa , quæ accidit spinæ vel est per se , vel non per se , sed consequentia quadam , noxam per se vocat abscessum , seu inflammationem , seu intemperiem , in hac si contingat fieri resolutionem , seu ex una parte , seu ex ambabus , necesse est omnia membra , quæ sunt infra illam partem spinæ , quæ resoluta est , re-



solvi, seu ex una parte tantum, seu ex ambabus. Si vero noxa sit ex consequentia tantum, velut in gibbositate, in qua spina dorsi non patitur, aut parum, sed nervus, qui facta luxatione obliqua, seu ad unam partem opprimitur ab ea parte, in quam spina deflectitur, quoniam vertebræ magis constringuntur, ex opposita autem nervi nimis distenduntur: ideo in hoc casu cum spina dorsi, seu medulla non sit affecta prorsus, sed nervi tantum ex ea orientes, & ob id resolutio non fit, nisi in membris, quæ recipiunt nervos e regione partis medullæ læsæ, sicut in exemplo priore, in quo ob luxationem vertebrarum colli tantum manus resolvebantur, & non inferiora membra: hoc etiam fit minus, inquit, si luxatio fiat sensim, aut si fiat intus, vel extra: & in lumborum vertebris minus, quam thoracis, & thoracis, quam colli: quia in cervice vertebræ inter se connexæ æqualiter conferunt foramini, unde nervus prodit, sed in thorace magis confert foramen inferioris vertebræ, & longe minus in lumbis, qui ergo noxam patiuntur per se in medulla spinali, his omnes partes inferius resolvuntur, & quanto noxa fuerit major, & adventus repentinus: qui vero noxam patiuntur in nervo tantum, ut in gibbositate, & obliquum, id est in latus, hi patiuntur resolutionem solum in parte, quæ est e regione, ubi nervi læsi sunt, si vel læsio magna sit, vel repentina, ut in angina, in qua vertebræ luxantur ad latus: si vero luxatio vertebrarum fiat sensim vel etiam repente, sed intus, aut extra non in latus, his nulla contingit resolutio, ob hoc ergo, qui fiunt gibbi per casum, aut jactum, si fiant obstipi, resolvuntur: sin autem incurvi, aut repandi, non resolvuntur: quia tametsi repente fiat, non est obliqua luxatio, qui vero sensim fiunt gibbi, & si obliqua sit luxatio, non resolvuntur, quia non repente facta est, qui vero sensim facti sunt incurvi, aut repandi, nullam patiuntur resolutionem; tum quia sensim vertebræ luxatæ sunt, & interim spinalis medulla, quæ mollis est, potuit extendi, & ita nihil passa est; tum quia luxatio recta est, in qua nervi neque comprimuntur neque justo plus extenduntur. Ex quo concluditur, quod in luxatione recta, gravi, & repentina poterit contingere etiam resolutio: quia licet in angina non fieret, contingit hoc; quoniam ex tribus conditionibus, quæ faciunt ad resolutionem; scilicet, quod sit repentina, magna, obliqua, non aderat nisi prima: si vero adsit & secunda, ut in vehementibus ictibus, aut casibus; tunc solventur membra inferiora, aut saltem, quæ sunt e regione. Vertebræ autem luxantur quatuor modis, aut casu, aut ictu, aut crudis tuberibus, aut materia sensim influente: quamvis hæc non, ut in proposito, Galenus omiserit, cujus hoc est præstantissimum sane inventum. Hæc ille.

Sed descendantibus nobis ad sedes spiritales: succiditur vel minuitur respiratio non intercepta solum actione musculorum dilatatrice, constrictrice: verum etiam, quod clauditur guttur sic, auctore Gal. lib. 4. aph. 54. & lib. 4. de locis affect. cap. 5. ut minus aeris recipiatur, atque emittatur: adeoque fit respiratio frequens, & parva, spiritusque cum sono veluti stertendo fertur, ut adnotavit idem Galenus lib. 3. de articul. com. 13. Præcluditur vero in totum trachea ob vertebrae cervicis in priorem partem abstractas: pariter (ut jam ad functiones naturalium organorum deveniamus) neque deglutiendi cibi potusque manet actio sub ante dictas colli contorsiones. Itemque gracilescunt particulæ, quæ luxatis vertebris assident: & si augendi sit ætas; tamen non augescunt. Sic bonos in contrarium immutatos vides affectus. Sæpe etiam excernenda, quæ fuerant, supprimuntur: dejectiones, inquam, & mictus sub lumborum vertebrarum intrusionem, quæ maxime fiunt a casu, lege de his Hippocratem, & interpretem Galenum libro 3. de articul. comment. 6.

Post-



Posthæc autem ubi petas exponi signa ; quæ morborum internas aliquot causas declarent : referam equidem , quæ collegi , si causa fuerit siccitas ; hæc nasci potuit a febre , præsertim acuta , atque ab inanitione , quæ utraque præcesserit . Indicio quoque fuerit , quod factæ ad locum illitiones olei cito resiccatae fuerint . At vero si laxatio vitium induxerit , partis forma significabit , ac tactus , itemque quod affricata unguenta diu consistent , & non exuccentur : quas suasionem confirmabit & liberior succulentiorque , qui fuerat usitatus ante , victus . Ad hunc fere modum Avicenna . Si vero tuberculi suspicio sit ; id crudi succi corpore fusi monstrabunt . Quibus non se prodeuntibus ( ait Hercules Saxonia lib. 2. practicæ meth. curandorum morborum ) indicio rei fuerit augescens paulatim spirandi difficultas ; itemque tussicula cum sputo , sed sine febre , ac resonitu : sub quibus interim ex toto integer ipse sibi videtur homo : sic adnotante Galeno lib. 4. de loc. affect. ante citato . Quoniam autem ambiguum est plerumque ; sit ne crudum , & imputre tuberculum sic , ut in steatoma ( fortasse rectius atheroma ) desitutum sit ; an vero calidioris sit miscellæ , quod in suppurationem transmigraturum appareat : hunc utrumque tumoris statum , aut apparatus ipse discreveris ad hunc modum , frigidum quidem par erit coniici temperatura corporis item frigida ; ætate debili , vel inclinante ; vitæ instituto , ac victu , qui frigidos crassosque succos proferre , & congerere possit . Contra vero tuberculi calidioris , & suppurabilis suasionem facient crasis hominis item calida , atque etiam humida , plenitudo sanguinis , & quæ ad hæc accedunt alia . De febris autem indicio si quæsieris ; illud anceps , & contingentis plerumque sortis affirmo . Sed de inflammatione te dubitantem multitudo sanguinis certum faciet . Docuerit etiam eam rem curatio ; contraria quidem , quæ profit ; similis , quæ obsit . Sed ejusdem ad suppuratum abscessumque tendentis notæ sunt auctore Rhaze lib. 1. divisionum ad Mansorem cap. 105. quod prægressus dorsi dolor , cum febre aucta : pulsus arteriarum magni ; calor immodicus , & aliorum omnium longus adhæsus , & perduratio . Deinde vero febre sedata , per aliquod tempus permanet dolor , ac dorsi gravitas . Sub hæc enim incipit extare gibbus , quem ex flatu profectum indicabit dolor superveniens sine febre .

Hæc fere Rhazes ; qui & ab halituosa materia cieri gibbosin explicare prodidit . An idem autem Avicenna senserit , incertum est propterea , quod lemmate quidem capitis notati de gibbosi pariter , ac ventositate inscripsit , post hæc vero , aut de flatulento affectu nihil exequutus est , aut dubia de hac re traditio facta est , qualem aut codex , aut multiplex ejus versio parit . Post hæc causas intrinsecus gibberis effecta molitas docebunt te spinæ præsegmina , quatenus a sua sede paulatim recessisse videbuntur , deinde ex læsis actionibus , quæ sunt videlicet aboliti sensus , aut motus ; imminuta respiratio ; ac deglutitio ; lotii sæcumque suppressio . Sed nihil ad affirmandum certius est indicium , quam corporis affectus evidens , qui se offerat qua gibbosus , qua sinuatus . Præterea differentias , quæ ad qualitatem spectant , majora etiam , aut minora recessus momenta modique referent , sed situm superiorum spondylium læsorum deglutitio , respiratio ; inferiorum vero noxæ miæctus , aut dejectionum detrimenta , sensus item motusque amissio demonstrabunt . Denique numerum vertebrarum complurium , in ambitum exultans ipsarum compositio ; unius vero , & paucarum ; minor rotunditas , & in angulum abscessus indicabunt .

Reliqua signa discretiva per Jacobum Hollerium ex Hippocrate translata sunt ejusmodi . Primæ quidem cervicis perversio mentum deprimit ad pectus , summam loquendi ac deglutiendi difficultatem excitat , ac extremum fatum accersit . At vero in gibberibus reliquarum colli scandularum cervix contorquetur : respiranti pariter , & loquenti spiritu tenuius angustiusque eliso exhibilatum,



tum, dormienti vero stertorem facit. Sed in gibbere dorso, ac thoracis, spiritus difficulter, & cum sono fertur; costarum in latum incrementa sunt nulla; thorax anterior in quemdam veluti conum acuminatur, sternum in acutum coacto. Sed in lordosi extremus dyspnææ modus, paralysis, torpor, stupor coxis: præter libitum voluntatis mictus, ac defæcatus, posthæc in scoliosi solutio nervorum frequentior ad partem luxatam; ad latus vero adversum distentio. Postremo quibus ad lumbos spina repanda est; his accedunt renum, & vesicæ vitia, abscessus ad ilia atque inguina; coxendicis gracilitas; tarda & parca pubertas, ac barbæ emissio, infecundioresque sunt magis, quam quibus obtigit gibber partibus diaphragmate superioribus tenus.

## C A P. V.

### *Judicia, & Prognostica.*

**P**ATENT his affectibus corpora, quæ sunt fluxa, mollia, gracilia, angustissimi pectoris, pueri parentibus orti cachecticis, & qui vitiatis fuerant sub generatione visceribus: affinis enim hic effectus arthritidi, & podagræ, congenitos inter morbos censeretur potest, quamquam neque perpetuum, ut a gibbis gibbi nascantur: sed hoc perpetuum, ut hereditarius hic affectus sanabilis non sit. Hæc naturalis certorum hominum est propensio, ut obnoxii sint hisce malis, antequam ineantur, ceterum postquam inita sunt eadem; dijudicandus est eventus salubris, aut funestus, & si salubris, num solvi possit aut secus. Lethalis quidem est gibbosis auctore Ambrosio Paræo, cum una tantum vertebra sola excidit, nimirum ictu luxata medullam, quæ spinæ subest; ita secum abripit, ut in angulum pene acutum eandem veluti turbinet; adeoque arctius compressa rum-patur, aut comminatur oportet: quod mortiferum non esse non potest: id quod sub angulo luxationis aucto non accidit quidem; Hippocrate docente sententia 51. sect. 3. l. de articulis; quod orbiculata vertebrarum e suo statu abductio angulari altera minus est periculosa, quam ob causam multo levior apparet ejusmodi plurium vertebrarum exsolutio.

Est & lethalis divaricatio vertebræ primæ, aut secundæ cervicis: sub quo casu, teste Galeno in comm. 35. lib. 4. aph. extentis ad partes inflammatas & ligamentis & nervis, trahi vertebrae vel introrsum vel ad latus, est necessarium, si in altera nervi propagine fieri tentationem evenerit, ad latus quidem; sin vero in ambabus introrsum. Hanc a Galeno simpliciter propositam vertebrarum colli primarum luxationem infantibus plurimum evenire nostra tempestate nos & feminæ nutriculæ non semel observavimus: de qua re Joannes Huccherus in l. de therapia puerorum, & ante hunc Galen. l. 4. de loc. affect. & omnium primus Hippoc. l. 3. de morbis, n. 11. qui speciem hanc quartam anginæ fecit. Sed de provectioribus ætate gibber, lordosin potissime vertebrarum thoracis expertis pueris edidit Hipp. illud oraculi, quod l. 6. aphor. 46. scriptum legitur; Quibus ex asthmate, ac tussi gibbi fiunt, ante pubertatem moriuntur, cujus rei tum Galenus, tum alii enarratores ferme omnes rationem illam censuere, quæ est digesta scilicet a nobis ad hunc modum.

Quicumque dum augentur, vertebrarum in regione thoracis luxationem a tuberculo creatam experiuntur: isti corde & pulmone compressis a thorace non ad proportionem aucto, cum vehementi asthmate, vel tussi moriuntur.

Qui gibbi fiunt ex asthmate, vel tussi ante pubertatem; illi dum augentur, verte-



vertebrarum thoracis luxationem a tuberculo creatam experiuntur ; quorum scilicet materia prius asthma , vel tussim fecerat .

Ergo , qui gibbi fiunt ex asthma , vel tussi ; ante pubertatem cum vehementi asthma , vel tussi moriuntur .

### *Disceptatio super Hippocratis aphorismo .*

**H**Æc a primo Galeno fluxit vulgata jam apud omnes Hippocratici testimoniâ demonstratio : quam utriusque viri sententiam operæ pretium fane fuerit hic expendi : ut , recta ne sit utraque statui , possit . Quod autem ad prius istorum caput spectat ; plurima fuit interpretum dubitatio de veteris istius oraculi veritate , seu rectius perpetuitate ; quando nonnulli puberes hypothese jam aphorismi constante visi sunt vixisse ; ut est apud Ugonem Senensem , Hieronymum C. . . . . , Franciscum Vallesium , ac plerisque alios aphorismi explanatores . E quibus unus Antonius Musa Brasavola testatus est , pueros ex asthma , ac tussi diu superstites , qui gibbi secundum antica & postica fuerunt , nam pectoris cavitas ex vi materiæ ac fortasse motus magis dilatata est , quam conveniret adeo , ut in anteriore , ac posteriore parte elevationes faceret , ac veluti tumores , in longitudine vero abbreviaretur .

Quam rem quidem , ut suaderet Brasavola nobis , non fuit difficile , postquam videndus se obtulit Decius , seu vulgari literarum metastasi Diecus Gallus Sarcitor secus Palatium : cui famosissimi gibberes , tum pectore , tum dorso extiterunt , amplissimum utrinque rhombum facientes . Sub qua loci vacuitate , tum pulmo , tum cor agitari quantumcunque libere nemo non cognosceret , homine non incommode respirante . Quid ni vero tam late diducto atque amplo pectoris excursu contra præfocatus interminata gibbis impuberibus pericula ; supra adolescentiam , atque ad vigesimum secundum usque annum vixerit , ac vivat ejusmodi homo ? Sed & D. Hieronymum Gesualdum Neapolitanum juvenem Illustrem , ac Fulvii viridiani Calabri , Medici Neapolitani celeberrimi trigesimo jam anno natum , ac Joannem cognomento Blancum vetustioris Gymnasii Neapolitani janitorem quinquagenario majorem , M. Ant. Chiayensem paulo minorem atque alios tot quidem numero multos , ut horum omnium nobis adnotando plures , quam venando restent , utrinque gibbi longævitatæ sortem experti , quin etiam alii comperti longe plurimi , quibus cum alterutro gibbere seniles anni contigerunt .

Ex hoc quidem vere , sed ex heroico dignius , ordine atque inter summos gloriosissimosque Principes nominandus singulariter esto D. Carolus Emmanuel secundus Subalpinorum Dux Serenissimus : cujus quidem ætate nostra Jasoni , aut Alexandro Macedoni paræ mentionem super hac re fecisse nobis ornamentum inde libro quærentibus , licuerit , deprecamur ; quando & hac etiam occasione Principis inclyti nomine suos de re physiognomica libros cohonestaverit Scipio Clarimontius Sapientium nostræ tempestatis Italicorum nulli secundus .

His ergo tum rationibus , tum experimentis , & Hippocratica absolute propositio , & Galenica adjecta ratio nuper a me recitata minus firma minusque rata apparet , quam , ut omnem hominum assensum promereatur , ac fidem a bonis æstimatoribus extorqueat . Vnde factum est scilicet , ut varias interpretando rationes commenti fuerint multi . Primum enim Hollerio enarratori alioquin Hippocratis apprime nobili visum est , haud de quacumque promiscue gibbosi loquutum Hippocratem : verum de ea , quæ cervicem exercet angustiae majoris necessitate , qua posita interpretatione pro comperto credidit hic vir , in aphorismo



rismo pleraque solvenda problemata, & ambiguitates. Verum enim vero primum haud probabile videtur, Hippocratem singulari hac gibbosi suum enunciatum, ac rem totam conclusisse. Deinde rectius hanc quartam anginae speciem fecerit quispiam, quam gibbum vere. Sed & anginae speciem illam posuit ipsemet Hippocrates lib. 2. de morbis. Ad hæc ejusmodi affectio non parum acuta est, minimum autem de hac ipsa commentus apparet Hippocrates, qui longiores atque annos extulisse terminos videtur per id, quod est (ante pubertatem moriuntur) hanc enim ad vigesimum quintum usque annum extendi Galeno visum est in aphor. lib. 5. qui habet; *τὰ ἐπιλεπτικά ὁκόσοισι πρὸ τῆς ἡβῆς γίνεσθαι τεταμένοι καὶ πολλὰ ξυμποδίσκοι*; quibuscunque morbi comitiales ante pubertatem fiunt, transmutationem habent. Et recte quidem Galenus comprehensam Hippocrati 25. annis pubertatem putavit, quando quidem & lib. 3. de articulis eandem ἡβῆν voculam, idest pubis, seu pubertatis cum alia γένῃ barbæ ὁμονυμίζοι & quasi confudit, dicit enim ἡβὴ δὲ καὶ γένῃ βραχυτέρα, καὶ ἀτελετέρα, idest pubes vero, & barba tardior, & imperfectior. Jam igitur si barba his ætatis provectæ annis completur; & ἡβῆς seu pubertatis anni iidem, & communes, qui barbæ erunt.

Additur & his indicium, & argumentum maximum, quippe si credimus Galeno, cui tota ratio præmaturæ defungendorum vita gibberorum, fuit incrementum summum viscerum spiritalium, quæ a thoracis angustia concludi commode non possint: profecto ad hoc augmentum totidem requiruntur anni, quoti requisiti sunt ab Hippocrate, non pauciores, fortassis autem & trigessimus annus est ad quatum accessus corporaturæ nostræ contendunt; dicente Philosopho in lib. 20. sect. problem. 7. quod ad hoc usque tempus proficiunt, & crassescunt corpora: & in l. de generat. animal. cap. 20. prodidit, humanæ staturæ dimidium anno decimo quinto, quinimmo si & hanc opinionem sequi placeat, iudicio Halyab. 4. theoricæ c. 2. & Haly Rhodoam in Microtechne tract. 3. comm. 63. ad trigesimum quintum usque annum augescere potest homo.

Sic alti, & cumulati sunt apud Hippocratem anni pubertatis. Quamquam Ptolemæus in 4. lib. Apothelesm. capit. ultimo spectatis Lunæ, & Mercurii super hominis transcurrente vita dominiis: illius quidem ad quadriennium, hujus in decennium: statuit pubertatem hominis anno quartodecimo esse. Quo loco inter ceteros enarratores Haly Rhodoam tradidit conceptis verbis. In hac ætate animam, scilicet generativam, dare materiam; & incipere tempus, quo plantentur in ea principia operationum, & propriarum virtutum; post hæc enim assistit homini Venus octo annis. Ad hanc potissime sententiam accesserunt & Jurisconsulti, quam explicavit Imperator Justinianus, lib. 1. instit. civil. tit. quibus modis tutela finitur, §. 1. cujus pubertatis plenitudo, atque maturitas ad comparandam adoptionis facultatem anno decimoctavo constituta est, eod. lib. tit. de adopt. §. 4. Sed de hac omni re cumulatissime, ac per quam exquisite tibi disputat inter omnes Paulus Zacchia medicorum, & jurisperitorum Hermes Italicus in tomo primo quæst. medico-legal. titulo primo, quæst. 6. & aliis ejusdem tituli locis; quin etiam ex medicis Avicenna in lib. 1. fen. 1. doctr. 4. cap. 3. & Gentilis a Fulgineo in commentario statuerunt, & hoc tempore pubertatem, quo primum sperma producere, & emittere possit homo.

Hæc de tempore pubertatis professores isti omnes: a quibus ipsis si recte placitum unius cujusque dispexeris: non discrepat Hippocrates; si principium dumtaxat ejus ætatis spectetur, verum intellexit divinus homo pubertatem ad suum usque terminum extensam, quod aperte cognoscitur, quia memorato loco de articulis meminit barbæ; quæ citra vigesimum non erumpit, ac vigesimo quinto completur; itemque meminit fecunditatis, quæ provectiore ætate perficitur, porro & si a decimoquarto, & paulo superius semen ejaculetur ho-



mo; tamen si filios non generet; infecunditas non coargitur, neque evincitur præterquam ad plenos istos, & maturos, qui floridi vocantur anni: ad quos etiamnum extenderunt & aliquot Jurisconsulti, ut apud eruditissimum Zacchiam, ibidem locorum nota numerali 67. & quæst. 5. num. 4.

Sed de pubertatis finibus jam satis, ad recensendas alias aphorismi interpretationes redeamus; præter Hollerii recognitam jam a nobis opinionem, fuit & Thadæi Florentini, atque aliquot aliorum, qui ad dorsi lordosin exquisitam, & malum omne gibberorum, & rectas cunctas aphorismi resolutiones, problematumque explanationes retulerunt, contra quam tamen enarrationem est tum multiplex nostrum experimentum, tum Hugonis Senensis in commentario super hoc eodem aph. Neque vero lordosis vis est tanta: ad quam unam referre possis, aut noxarum expositarum, aut mortis juventam anticipantis necessitatem. Præter hos omnes alii fuerunt, e quibus unum Hieronymum Mercurialem nomen, qui non perpetuam, & καὶ θόλας propositam ab Hippocrate sententiam hanc censuit, verum aut gratis, aut sine solido fundamento dictum hoc a Mercuriali credes donec, aut firmior tibi demonstratio producta fuerit, aut mox adversatura nostra enarratio nulla sit, ego enim aliter circa proposita philosophandum aliumque in aphorismo sensum inveniendum autumo. Confido autem germanum occurrisse intellectum, quem mox audies; si prius hypotheses aliquæ præstituantur.

Primum insuetum, & alienum arbitror ab Hippocrate, atque absolutissimis quibusque auctoribus, causis effectricibus primis immediatisque relictis, poni secundas, & mediatas accidentariasque itemque corporalis effecti poni causas spirituales; quando suppetant genere correspondentes, idest corporales, ac solidæ. Atqui causa gibberis prima, immediata, corporalis, & solida constituta jam ante fuerat ab eodem auctore spinæ tuberculum: quam rem & Galenus in hujus aphorismi commentario præmonuit. Præter quam hujus viri confirmationem, est & altera planissima Thadæi Florentini expositoris inter omnes juniores primi, & gravissimi. Est inquam, essentialis gibbi causa spinæ tuberculum: sed ex hoc ipso disrupto tussis, & asthma resultoria sunt symptomata, & secundum eruditorum hominum sententiam secundæ causæ, nequaquam autem apud vere doctos fuerint primæ, propter incommoda nonnulla, quæ Mercurialis opinionem confutans supra retuli.

Itaque quid alicui sapienti viro veniat in mentem, aut probetur, tussim & asthma, ventosas utrasque res creditas ab Hippocrate causas gibberis effectrices? quid insuper hæ causæ adversus ossa luxationes potius, quam adversus membranas, & molliores cedentesque partes alias diversa symptomata, & rupturas machinentur? quam quidem absurditatem, ut declinarent prudentissimi duo viri, Thadæus, inquam, & ab hoc fortasse mutuatus Hollerius; constituerunt (ex) particulam poni pro (cum) quam rem tamen a nullo Græcorum, aut Latinorum recte, ac probate loquentium auctorum factum hucusque legimus. Quas ob res tandem, aut scripturæ modus aliquis, & lectio accommodata est, invenienda, aut nova interpretandi ratio, quæ satisfaciat, est comminiscenda; idem utrumque nos una methodo complectemur, quæ est: Si pro ζς statui possit ζζω, quæ interim particula decreto Hippocratis etiam adamussim quadret; ac facilis immutatu se obtulerit: id quidem & non difficile feret quisquam, & libere nobis etiam assentietur. Atqui sic equidem hæc ad unguem se habere, ut modo dictum est, ostendimus.

Et quod ad vocis immutationem spectat: hercules admittitur, aut rectius admitti necessum est; vocalis in dictione posterioris, altera vocali sequentis alterius dictionis proxime se offerente; fieri elisionem oportere: quod etiam a



nostratibus Italis fieri consuevit. Jam vero vides, post primam aphorismi particulam, quæ ἐξω me auctore fuerat; mox ἄδματος sequutum nomen; quapropter pro ἐξω ἄδματος facile ἐξ, ἄδματος afferri potuit: atque adeo ἐξ ἄδματος, quod in præsentī legitur, insinuatū fuerit. Sic quidem apparet facilis voculæ cuiuspiam in alteram factus transitus: aut verius nullo facto transitu, vocalis unius facta expunctio. Cujus sic compositæ dictionis accipe nunc sensum; & germanam veritatem.

Εξω quidem græcis, latine extra pro præter sæpe valet, ut ex Thucyde, ac Dioscoride notant lexica, nos autem & vernacula id lingua consuevimus; quæ vocabuli usurpatio non infrequens fuit, & apud optimos auctores latinos, quorum omnis dignitas, & præstantia ex una græcorum imitatione fluxit; neque autem hac de re Ciceronis unus est locus; nam secundo de legibus ait; extra collegium Sacerdotum ne quisquam sacra, quæ publice essent, constituta nosset, & clarius epistola 3. lib. 4. extra ducem paucosque præterea, & alibi etiam; cujus est nemo in tanto populo extra contaminatam illam Publii Claudii manum, qui &c. quam eandem loquendi elegantiam ab Horatio Tursellino e Societate Jesu Scriptore disertissimo, libro de particulis notatam, observavit etiam apud eloquentiæ Romanæ parentem & Marinus Nizolius in thesauro Ciceroniano productis duobus præterea locis, quorum alter est lib. de inventionē; hoc separatū quiddam est extra illud: alter multo illustrior libro de oratore; nullus est numerus extra poeticos.

Jam igitur eo constituto, quod Hippocratis aphorismus legendus est sic, qui extra, vel præter asthma, & tussim gibbi sunt; hi ante pubertatem intereunt: hujus orationis sensus is mihi quidem videtur, atque omnibus videri debet: necessario quodam nexu comprehendendas has tres simul omnes gibberis, asthmatis, tussis affectiones; ut ante pubertatem, annum vigesimum quintum necessitas moriendi sit, quippe postquam unum aliquid istorum non explevit morbum, quod expleturum alioquin abunde videbatur: reliquum nova epigenesi facta pessimum, & exitiale malum oportebit; ut jam nos in lib. de abscessu critico ex Coacis prænotationibus Ludovico Dureto enarratore monstravimus. Difficultas autem spirandi simplex haud necessaria absolute causa videtur, ut vitæ vim inferre queat, multo quoque minus tussis compulisse quemquam ad interitum visa est; quod indicavit summus Hippocrates aphorismo, qui habet; strangulatos, aut suffocatos ad se posse redire, quibus circa os spuma non extiterit. In his enim quam plurimam fuisse spirandi angustiam, quis est, qui non agnoscat? Ac neque sola gibbosis tantam habet vim, ut fatum arcescat: necessum est enim, ut pulmones, aut spiritus organa laborent sic, ut ex horum affluxibus malis tussicula parta plurimum molestat.

Quæ omnia cum non sunt, videmus quotidie multos, qui gibberis belle ferunt incommoda propterea, quod nullam, aut tussis, aut spirandi difficultatem experiuntur. Quinimo visi sunt inter nostrates homines gibbi, qui in arte canendi consummati vocem quam maxime deprimunt, aut intendunt, quorum unus est presbyter sexagenarius, cui gibber amplius utrinque prominet: alter est, cui cyrtosis est magna dorsi, Franciscanus Ordinis III. Quæ tanta vocis intentio, cui planum non sit, spiritus vi constet? An ne igitur exitiosum extreme quicquam istorum esse possit? Sic jam apertum est gibbis plerumque non esse spiritus angustiam; neque si aliqua sit ejusmodi dispnæam perniciosam alioqui futuram. Verum enim vero gibber pectoris angustiam faciente; post angustiam vero difficultate respirationis, ac multo maxime post disruptos abscessus tussi, ac asthmate consequente: sic plenissima, & necessaria causa est, ut mors homini lente subrepat; vanescente scilicet calido cordis: qui diu persiste-



re in ea pressura veluti piscis in arido solo non potest ; quando nimirum alimentum primum aëris viventi desit . Hic universalis nostra lex esto : deinde requiritur specialis , ut hi homines imbecilli graciles ac prope squalidi sint , quo calore ac siccitate constante fit , ut major sit usus respirandi , qui maximus in angustia pectoris maxima : vides quantam ex difficultate spirandi præferat noxam . Sed vegetiores moderateque carnosæ & si gibberem experti ; nil detrimenti , at neque spiritus difficultatem perpetiuntur . Sic Hippocrates l. 3. de artic. ait ; Multi quidem gibbi facile , at non scimus , quam bene valentes , jam usque ad senectutem id mali sustinuerunt ; præsertim quibus corpus carnis plenum , ac pingue effectum est , pauci autem ex iis ad sexagesimum annum pervenerunt : plerique enim citius moriuntur .

Requiritur & tertio causæ vis præpotentis ac vehementis , hæc autem est defluxio crudi gravisque succi multa copia de capite confertim ad inferiora ruentis : cujus pars ad spinam delata & circa vincula vertebrarum coacta gibbum , ea qua dixi ratione contrahat : pars ad pulmonis & anhelitus vias brevius derivata , & spiritus anxietudinem , & tussiculam excitet ; sive quidem hic relicto phymate submolli subcrudoque ; quod sudorulentum suum veluti madorem in asperam arteriam insinuet : sive spiritalibus tantum irrigatis viis , & nullo phymate relicto . Ex quibus omnibus noxis , quæ primum se prodit , est pulmonis , quæ causa fuit scilicet , ut ex spirabili viscere languorem præferente suscitatos spinæ conflexus opinati fuerint nonnulli . Consecritur autem & sinuatur ad eos , quos dixi modos , plenis simul semelque , sed diu comparatis incrementis , ad mensium porro , atque aliquando ad annorum curricula maturitatem gibbi retulit Cardanus in aphorismi commentario .

Accedit ad has gibbi causas & alia , quæ veluti principium est omnium , improba videlicet capitis conformatio ; expers naturalis utriusque projecturæ , maxime vero posterioris , cum Thersitica prope forma , tum capitis , tum faciei : præcipue vero naribus hiulcis atque anhelis , & oris ampliore rictu , cum rario-re aliquanto , ac latiore dente , collo vero nullo , vel intra thoracem reducto . Hæc capitis universi conformatio plurimum incommoda est , vel quod ad ipsam pertinet , quæ cursum exhibet , ac non coercet humoribus superfluis ; vel quatenus includens primam intemperiem & imbecillitatem facultatis formatricis , causa est mali potissima , qua necessariæ , ac verendæ fluxiones pectoris œconomiam infestent .

Sæpe etiam cum formatricis vitio , quod intra matricis claustra constitit ; conjungitur extra uterum imbecillitas nervorum , quæ maxime cedit , & opportunam se exhibet inflexui . Sic & mala partium conformatio , & gibbi perversio apparet , quo multas quidem afferre narrationes possem : sed superat omnes ea , quam mox audies nimirum . Antonio Santoro Neapolitano puero quidem pusilliori , sed 14. jam annos emenso visos a me gibberes omnes mire complexos ad cervices , inquam & lumbos & coccygen repanditatem , ad dorsum & pectus cyrtoses a supremo dorso ad lumbos usque scoliosin , præter quas omnes gibbosus est ne alia , quæ supersit ? Sed & manus pedesque non modice diffformes , atque distortæ spectabantur adolescenti male feriato , qui perpetuo quidem scipione se firmans cum a me rogatus , ut nullo fulcro nixus incederet ; id summo cum labore & præcipite quasi gradu fecit . Quod autem summe dignum notatu visum est ; nulla puero respirandi difficultas aut tum fuit , aut ante hac : de qua quidem re certos nos idem fecit propterea , quod pulmo huic purius habere visus est . Non de his autem , sed de aliis secundum pulmonem affectis dixit certe Cardanus , quod gibbosi crebriter spirent .

Ad hæc in gibbosi potissimum illud requirimus , ut circa vias spiritus incubue-



buerit amploque non tenui schemate sit ille panus, qui gibber excitarit, enim vero non spectans ad ductus spiritales exile phyma, haud sane valentem ad interrumpendum vitæ cursum vim habere poterit. Itaque superiores spinæ partes tentet, atque ad interiora potius, quam ad exteriora vergat gibbus tacitam homini tabem illaturus. Illud tamen cum lordosi pernicioſa neceſſarium advertit plurimæ vir fidei Nicolaus Florentinus in fer. 7. ſum. 2. tract. 3. c. 40. ut nulla ſit contra pectoris projectura, ſeu cyrtosis. Sic enim præter magnam ſpiritus anguſtiam parva pectoris eſt intercapedo, ac modica commoditas, per quam pulmo quoad ſit ſatis, extendi ſe permovendo poſſit. Sed tamen contra Nicolai hanc hypotheſin eſt Cardanus: qui ſimul cum coſtis contorqueri dorſi ſpinam, atque hanc viciffim cum coſtis notavit propterea, quod coſtæ vertebris æque ac ſterno mediæ, colligatæ ſunt cum utriſque, quo ſit, ut quam emotionem incurrerit poſticus thorax; eandem & anticus ſubeat oporteat: & contra, quæ quidem Cardani ratio, ut plerumque vera ſit: at non perpetua; namque conſtare poteſt alterutrius partis integritas ſubverſa altera: quam nos rem Neapoli non ſemel vidimus, & admoniti per nos amici multi.

Habes tam noſtram de lento gibberum exitio novam opinionem.

Poſt hæc omnia, quæ ad materiam formamque gibberis & ad cauſas præmaturi interitus effectrices pertinent: ceterum ſuper eſt expendenda ratio modusque, quo corruptio lente ſe inſinuat in vitæ fontem. Hieronymus certe Cardanus animadvertit in Galenum, qui ſub gibboſis effectû tabem parante vacuitatem thoracis ſemper fecerit minorem, quam pectoris interaneis incrementa recepturis commode patere poſſit, quæ tamen pectoris dorſique amplitudo iudicio Cardani sæpe etiam ſub flexa, quam ſub recta vertebrarum compagine major eſt. Jam vero, quod offenſarum accusavit, illud eſt everſa figura: qua ſit, ut una quidem parte pectus comprimatur, altera vero laxius ſit: ſub hæc autem multam agitandi ſui commoditatem exuatur pulmo, conſequitur, nimirum & ſi lateribus excuſus patet: tamen immutato dimenſu longitudinis, allidens ad anguſta, non parum laboraverit ſpirabile viſcus, uti vides. Hæc quidem ille gibberis detrimenta fecit: alium nos opinamur ab importunitate gibberum aëriis organis labefactatum, de qua re omni hæc mihi ſuccurrunt in præſenti.

Scire licet thoracem a ſapientiſſima natura ſic conditum ſecundum longum ac latum, ut longitudo ſuperet, non ſuperetur, nempe longior eſt excuſus a capite tracheæ ad infimos angulos ſepti traſverſi, quam a dextro latere ad ſiniſtrum; itaque ad ovalem figuram thoracis univerſi ventrem refert Hieronymus Fabricius in lib. de respir. par. 2. cap. 6. Et jure quidem optimo fuit ea forma donatus thorax: quippe naturalis quidam follis eſt attrahendo remittendoque aëri comparatus. Atqui follis oblongus eſt: igitur & thorax oblongus rite fuerit; quin immo ne follis formam ſolum, ſed ejus etiam conſtruendi rationem & cauſas conſequutum eſt diaphragma; nam quod aërem colligit & expirat unum ejuſmodi vas; qua facit hæc, anguſtiorẽ ductum; ceterum qua congerit aërem capaciorẽ locum obtinere debuit, ex quibus omnibus apparet, quod major thoraci ſit loci commoditas in tractu longo, quam in lato: eoque etiam amplius; quia ſecundum latum plura & ſolidiora ſunt corpora; cor, inquam, mediaſtinum, aſpera arteria, & hujus diffuſi rami: quæ partes totam latitudinem complent, non ſic autem completur longitudinis dimenſus, qui parte multa vacuus eſt, quo conſilio naturæ quæres, & quo partium uſu? ſed reſpondeo propterea, quia ſeptum traſverſum ſe extendendo liberiorẽ ad ſuperiora locum exigit, atque etiam ad inferiora pulmo.

Aliud nunc velim revoces in memoriã anatome comprobatum; diaphragma parte quidem poſteriore depreſſius eſſe; parte vero anteriore ſublime ſic,



sic , ut sterni fines attingat , pone nunc dorſi gibbum , & pectoris anterioris ; pone cervicis sic , ut caput inclinet ac prægravet ; quod recte notavit Cardanus : breviabitur protinus intercapedo longa , & petrahetur ad superiora septum transversum sic , ut adhæreat pulmone . Cum igitur in expirando se contrahet diaphragma , locum non inveniet , ac fibras pulmonum adurgebit . Sed neque pulmo tantum ad inferiora spatii nanciscetur , quanto sibi opus est , atque ab opifice præscriptum fuit .

Hæ secundum loci angustiam gibbi sunt noxæ : audi nunc alias ex distortionem nascentes , atque ad alia pectoris organa spectantes incommoditates . Hæ sunt partim aspera arteria ; partim pericardium ; & quod intro fovetur , angustissimum cor , de hoc ergo prius dicemus . Nosti membranæ cor asservanti conglutinatum & appensum inferne diaphragma ; eo scilicet naturæ consilio , notante Hieronymo Fabricio , ut dilatetur is facculus , majoraque sint cordis perpetuo micanti , præsertim cuspide tenuis , spatia id autem evenit facile , si quidem hic suspendiculi tractus in diaphragmate latissimus est , ne si foret angustior , in longum tantummodo distenderetur eadem tunica ; quod cordis prolationi non parum officeret . Flecte nunc mentem ad pervulas dorſi vertebrae , emotaque ossa sive antica sive postica , sub utroque enim gibbere necessum erit , ut distracto primum diaphragmate , mox distrahatur & suspensaculum antrorsum sive retrorsum , quo aliorsum , quam recta contorto , suam extendendi amplitudinem cor amittat , & ad latus amiculi suis in motibus allidat , oportet .

Præter hæc œconomia pectoris & alia perturbatio est , oriens ex tracheæ conformatione vitiata , hac enim per gibbum cervicis , aut supremarum vertebrarum contorta pulmo , qui subest ab ea perperam & laxè suspensus , fallat etiam in suo munere necesse est , quantum enim in recta suspensione per naturam electa perennis undequaque motus rite recteque adimpletur : tantundem etiam in contortis pulmonum arteriis corruptus idem & perversus erit adeo ; ut lentior , ac laxior esse debeat ; porroque si rem acriter æstimaveris , fluctuare propemodum in vacuo thoracis sine suspensore pulmo videbitur ; quemadmodum rete jactum in mare sine rectrice manu .

Sed ipsa fistula spiritalis an tacenda sit ? quæ ob cervicis gibbosin recurvata nullam non spiritus offensam inducere apparebit ; si naturalem suam prius spectaveris conformationem , quæ Galeno auctore 5. de administr. anatomica est ; Tracheam , quia ad inspirationem respirationemque nunc contrahi , nunc dilatari ; ac nunc longiorem nunc breviorē vicissitudine perpetua reddi oportuerat : musculis mesobronchiis idest ad cartilaginum intercapedines decussatis , itemque membranis ad soliditatem eorundem bronchiorum , natura parens exornavit : ut toto dum inspiramus thorace dilatato , deinde consequutione ad id , quod movetur , pulmonem ad omnes partes dilatante ; id quod in arteriis est membranofum in latitudinem ; quodquod vero cartilagine replet , in longitudinem extenderetur . Videris igitur num contortis bronchiis , idest altera quidem parte cohærentibus , altera laxatis possit suus hic feliciter perfici motus ? Porro dubium alicui non est , quod qua coarctata & compressa bronchia sunt , nullam extensionem patientur : qua vero perpetuam laxitatem conservant , locum dilatationi non dabunt .

Hi quidem sunt omnes modi , per quos aëriæ pectoris officinæ non mediocriter officere gibbi corporis superioris possint , verum enim vero neque singuli tantæ potestatis essent ; commodiusque cum homine gibbero ageretur : nisi & ex altera turpis eluvies spirantes particulas , & horum conceptacula perenniter infestaret , hæc enim una , & præcipua causa est , quæ summam fati necessitatem



tem acceleret, ac denique absolvat; atque illud est etiam, unde Hippocrates nobis tam absolute pronunciavit; qui ex asthmate ac tussi, idest ex causis asthmatis, & tussis gibbi fiunt, &c.

Jam igitur considera mihi; sub gibbofo quomodolibet pectore, & fluxionibus capite superfusus gravato; septo non libere se agente; atque hoc & pulmone locum invicem invidente; præterea spumoso viscere per distortum suspensorem vage laxato; affabrefactæ trachæ corruptis usibus; corde sua connivente capsula male compresso: spiritalibus denique ac pulsificis organis perperam in suo munere se concitantibus: num spiritus & pulsus & vitæ munia feliciter sint processura? quin vero neque sufficientis aëris commeatus; neque æstus in corde refrigeratio; neque fuliginum expulsio perfici poterunt, parce igitur & coinquinata oblato in dies alimento consistat vitalis vigor, & caloris vividi vis non emarcescat? Igitur hæ causæ sunt, & hæc ratio, ut animal (quæ Galeni vox fuit) corrumpatur: lentis tamen, & in dies factis ad interitum accessionibus; non subitam & repentinam, quod multis visum est, strangulationem animante perpeffo; nisi fortasse ex alia vehementissima causa, quam tute per te intelligere potes: Quibus jam de Galeni Magistrique Hippocratis exactis enarrationibus; ad cetera quæ supersunt transitus esto.

### *Collatio extrinsecus illatæ & ductu morbi natæ gibbosis.*

Quæ cum jam apparuerit interior partæ gibbosis cacoëthia: quæstio subinde se offert, utra funestior hæc sint, an externo principio producta. Difficilis quidem enodatu controversia: quam nemo, quem legerim, ex professo attigit aut resolvit, quod nos aliquando cum facimus contractam in brevissimam disputationem disponimus ad hunc modum. Speculanti quidem protinus apparent graviora gibberis obscure producti momenta: nam quis est, qui plus uni, quam compluribus & gravioribus omnibus demolitricibus causis non deferat? quando quidem nec Hercules contra duos, atque istæ præterea causæ functiones vitales & recte, & proxime lacesunt: Ad hanc opinionem accesserunt, certi super hoc judicio non falli, Franciscus Vallesius in comment. citati sæpe de gibberis aphorismi, atque Ambrosius Paræus lib. 15. chirurgic. oper. cap. 17. Veruntamen expensam exacte rem non fugit difficultas, atque aliter, quam isti discussu nullo censuerunt, suadent nonnulla, quæ mox subjicio; propositurus primum, quod ictus spinæ dorsæ non minora ducunt pericula, quam percussum caput, quo circa Hippocrates lib. Coacar. prænot. 3. quasi uno eodemque loco habuerit vulnera capitis & spinæ dorsæ, simul utraque complexus enunciavit; moriuntur ex vulneribus, si quis fauciatu fuerit cerebrum, aut spinæ medullam. Cui viro proximus Cornelius dixit & lib. 5. cap. 26. servari non potest, cui basis cerebri, cui spinæ medulla percussa est. Porro rachitis præcipuè dignitatis est pars, unde nervorum excursus & propagatio est, cerebro & substantia & accidentariis plerisque formis proxima, qua propter & facultatis Igemonicæ impulsivæque noxa sub spina vehementer percussa perpetuo resultat enim vero per hanc princeps in consensum trahitur cerebrum est autem spinæ luxatio per vim illatam plurimum ad interiora, quæ sine medullæ violatu non est, quo fit, ut plane incurabilis & neutiquam attrectanda sit judicio tum Hippocratis, tum Celsi Paulique tum posteriorum omnium, has ob causas perniciosissima siquæ alia videtur externa spinæ medullæ intrusio; quam nervis graviter apprehensis tum inflamma-

tio,



tio, tum convulsio, tum implacabilis doloris accerbitas consequuntur.

Sed quid jam tandem de utriusque mali profundiore noxa judicandum est? ego problematis resolutionem hanc statuo, principio tametsi proponantur in universum pares utriusque modi; id est, ut absoluta sit tum hæc, tum illa: tamen disparium generum nullam æquabilem vere comparisonem esse confessum est. Quod si quacunque paragoge contentus sis: tum eam distinctionem pono: lædunt utraque functiones vitales: sed altera quidem inopia spiritus & inquinamento, sicut ostensum est, altera spiritus præsentis & minime desientis dissipatu doloris & vigiliarum & phlegmones vi facto; ceterum in altera visitur insignis acuties; in altera lentus marcor & exolutio, in altera calamitas est longinqua & annis necessaria; in altera dierum termino incerta, secundum Hipp. sententiam; quæ habet; Acutorum morborum non sunt certæ prænunciationes salutis; aut mortis. Ego autem cum utraque perniciosa sit, sed diversa ratione perdens: æquiparaverim duplici expugnationi urbium efficaci: quarum altera per strictos gladios & incendia cunctos & populos & urbem truculente vastet: altera longa obsidione ac fame resistentes oppidanos e medio tollat. Cui nostræ resolutioni apud typographos lectæ mirum in modum plaussit Franciscus Romanus Collega noster, qui libellum elegantissimum de militari medicinæ conditione jampridem instituit.

Jam autem post traditam gibbosis ab humida plenitudine curationem, succedit altera siccæ medicatio; quæ judicio Rhazæ & Avicennæ non aliaquam convulsionis a siccitate profectæ remedia poscit; si tantum ulla curatio est ejusdem ab inanitate productæ. Hippocrate & Galeno auctoribus in aphor. cujus difficultates minor equidem, quod non meminerit Rhazes: nisi quod immodica siccitas non est, unde oriatur profecto: licet porro summum liniendi, ac madesfaciendi modum requisivit huic gibbosi recte medendæ. Remediorum autem genera, quæ præscripsit, sunt ejusmodi, prima sanguinis detractio ex hepatica, secundus clysmus ex oleo, in quo ferbuerint radices althææ & seminis lini, tertia portio atramenti cassiæ dissolutæ ol. amygdal. dulc. Ita quidem in l. 3. divis. cap. 105. sed in 9. ad Mansorem cap. 91. si hoc vitio correptus fuerit puer, tepentis aquæ balnea, conjuncta febre ex herbis infrigerantibus decoctum cum cassia fistulari potui propinandum, atque emplastra ad dolentem usque locum vi sua refrigerandi perreptantia parti affectæ super accommodanda sunt, inquit. Hæc ad ineuntem gibbum est Rhazæ curatio, nostraque, quam audisti tuitio, ceterum gibbosi jam perfectæ, si qua curandi ratio est, hanc per chirurgica adjumenta conficiendam docuit optime super omnes Ambrosius Peræus in operis chirurgici lib. 22. c. 8. quam apud eum auctorem legito.

### *Alia quædam Hippocratis de gibbis judicia enarrata.*

Hi mali sunt & extremi gibberum eventus: alios vero e salubri neutrove genere nos docuit Hipp. in citato sæpius comm. 3. part. 3. 4. 5. quarum omnium sententia hæc est; quod plerumque solvi nequeunt, potissimum ubi spina supra septi transversæ conjunctionem gibba fiat, infra vero quidam solvuntur, cum varices in cruribus fiunt, illæ autem magis gibber spinæ solvunt, qui in vena poplitæ oriuntur, fiunt etiam in venis inguinum. Solutum quoque jam sæpe vitium est a torminibus diuturnis. Hæc Hippocrates, quorum illa mea quidem opinione methodus interpretando potest esse.

Fit spontanea gibbosis ab humorum defluxu, qui si diu consistit in vertebra,



bris sic, ut inde non recedat: facit sua permanſione atque adhæſu firmo, ut gibber abſolvatur & conſumetur, quod ſi natura procurante de vertebris, ad quas appuſus fuerat humor, alio abſcedit, vertebraſ liberet a tuberculo, quod gibboſin pariturum erat, oportet. Jam vero duplex hic humoris abſceſſus eſt, tum per decubitum, tum per effluſum, & per decubitum quidem alter modus eſt extra venas: ſic in inguine per ſympathiam conſlatum, ex ea materia tuberculum & abſceſſum facit, ut ſolvatur gibbus, qui lumborum vertebris erat firmenda. Alterum genus eſt intra venas per metaſtaſin, ſic excipientibus humorum vaſculis ample diſtentis (varices dicunt) nec non hæmorrhoides abſolvuntur etiam a gibbere lumbi.

Ceterum præſtabiliore longe ſorte per inteſtina tranſmiſſis ſuccis & ſuppurata atque extenuata per hanc viam materia alioqui craſſa: ſimiliter & nullum lumborum eſt gibber, quam aſſertionem firmam puta, ſi de nupera & inchoata, non de veteri & conſummata, nec morbum conſequuta, quæ Hippocrati alioquin inſanabilis eſt gibboſis, explicetur. Porro fit hæc humorum tranſmiſſio per primos & inferiores venæ magnæ ductus a quibus deinceps in ſubjectos alios minores ramos deſcendit, donec aut effluat, aut loco cuiquam incumbat, at vero tranſitus hic humorum, & venarum, quæ vitiatos ſuccos recipere poſſunt, commoditas thoraci non eſt; illud etiam advertente Galeno in hac commentarii particula, quandoquidem de venis irrigantibus utraſque partes ait.

Utrunque octo coſtis una alimentum ſubminiſtrat: ſed ſuperioribus, duæ aliæ tenues, ſcilicet ab utroque latere una, quæ omnes per thoracem diſtribuuntur, diſſipanturque idcirco ſi ſuccus aliquis ad ipſas ex tuberculis transferatur, excerni non poteſt, præterquam quod ægre etiam admittitur. Succum enim, qui cruda & dura tubercula faciunt, glutinoſi ſunt, & craſſi: quare non facile per tenues venas feruntur: ſed vena, quæ ad lumbos eſt, latiffima eſt, & ſanguinem ad venas omnes tranſmittit. Ergo, cum hæc craſſos & glutinoſos ſuccos receperit, ſi affectæ partes viribus adeo valeant, ut quod ſuperat, expellant, & ac venas hic ſitas tranſmittit, quo fit, ut lateſcant, & in varices aſſurgant, ubi quidem ſucci craſſiores fuerint, id accidit in inguine protinus: ſin mediocriter craſſi, in poplite. Etenim, quibus citra cauſſam hanc varices in cruribus oriuntur, videre licet venas proportionem ſuccorum craſſitudinis lateſcentes; ubi craſſiſſimi ſint, latiffimas, ejuſmodi venæ ſunt in inguine: ubi minus craſſi, minus latas, quales in poplite. Interdum enim, quum majores venas obſtruunt, hunc affectum excitant: interdum ad inferiores concurrunt, quæ anguſtiores ſunt, in univerſum autem in varicibus craſſus ſanguis continetur: nam id vitium plerumque a ſucco melancholico, interdum etiam ab aliis crudis craſſiſque concitatur.

Sed pergimus ad alia ſubinde divini præceptoris enunciata; quibus vero adhuc pueris ſpina gibba ſit, antequam corpus perfectè increſcat; his corpus ad ſpinam, non augetur; ſed crura & brachia dumtaxat perficiuntur: quæ ſunt ad ſpinam, non complentur, quas res omnes Galenus ad perverſos nutricularum venarum tubulos, & ad membri *δισκαμνίσιον* id eſt movendi difficultatem & ad conſequentem inde naturæ languorem retulit. Sic autem ait; & quæ jam perfectè increverunt, emarceſcunt, nedum quæ adhuc increſcunt ſuo juxta ſpinam augmento prohibentur, ceterum autem partes, quæ vitiatas ultiores ſunt, ut brachia cruraque detrimento non participantia, creſcunt feliciter & vigeſcunt. Hæc & ejuſmodi tibi ſunto loca præſagiorum de gibbis, ex Hippocrate.

Sunt & alia præſagiendi capita & rationes ex modo tuberculorum, hæc enim ſi dura & cruda, quamvis Antonio Muſæ Braſavolæ difficultatem pariant



respirandi majorem : Jacobo tamen Hollerio minus inferunt periculi , plusque vitæ promittunt habentibus , at , quæ suppurant alia , deteriora ; si viro Stempiano credimus . Sed de hac re paulo posterius agetur , quod periculi tamen haud fuerit a tuberculo ad vertebrae lumborum extante , præterquam enim tanta partis dignitas non est ; ad hæc id loci nactum tuberculum adinvenire sibi poterit expurgandi transmittendique vias , quas jam ostendimus . Quæ de vertebrae primæ luxatu secundum Hippocratem sententia fuit Hollerii , necessariam hanc suam interpretationem professi , ut probabilissima sit auctoris propositio , non ita vero visum est Ugoni Senensi , atque aliis , qui gibber omne superius potissimum ad interiora cum tuberculo , & illo quidem magno , necessariam causam fecerunt ; ut gibbosum ex asthmate vel tussi redditum impuberem præmatura mors tollat .

Quæ de superioribus gibberis lata cum fuerint judicia : post hæc aliqua de inferioribus attaxemus , videtur autem etiam Hippocratis traditione probabile quod lumborum repanditas incommodi multum allatura sit inferioribus partibus & ischio , quo subit referre id quod Matthæo Coppulæ Neapolit. nobili viro contigit hoc & proxime superiori anno volventis sæculi trigesimo , advenerat plenissimæ corporaturæ atque delicatioris vitæ juveni dolor ad alterutrum ischium ; qui brevi liberum motum ademerat : postque sanguinis detractionem ex ischiadis vena sub talum , convulsionis non leves motus eidem lateri fuerunt ; relati quidem ab aliquibus vellicato per phlebotomum nervo : sed me quidem iudice sunt hi cum innexo simul dolore , depravato lateris motu , & manifesta macie revocandi potius ad altiore causam ; nimirum quam attigit nuper , etenim a mali primordio facta est repanditas in lumbis inferioribus a me primo comperta , quam injuria nullam , sed naturalem affectionem , cum ægroto dixerant alii medici , verumtamen hæc tanti fuit , ut spontaneam etiam luxationem ossis femoris induxerit : quam etiam a me primum adversam ad molitis omnibus ad reductionem , tum per atrembolon , tum per chirurgicam manum , equidem dubito an curaturi sint medentes antequam a repando lumborum vitio vindicaretur homo , quæ quidem retulisse volui libentius : ut prudentes oculatique sint posthac homines nostri , si me tantum audierint , in pervidendis harum affectionum causis .

Altera quoque nobilis observatio per me facta est in Camilla cognomento Sgargiata virgine puella Parthenophilacii spiritus sancti : cui ex ingenti lumbarium spondylium intrusionem , primum interceptus cruribus vigor , ac plurima parte sensus , ac motus est , pro quibus affectibus curandis vinaceorum remedium & medicamenta omnia sine fructu sensiit , quæ res quidem non evenit ex introcessu & repanditate ossis sacri : ex quo vitio nullum , vel sarcosis , vel imbecillitatis detrimentum fuit Petro Fasciano Siculo Panormitæ Juveni operario typographo in officina , quæ mea hæc commentaria prælo submisit .

Hactenus de convexa & cava gibbosi multa : de tertia , quæ ad latera , & in spiras est , flexura nunc pauca , hanc plurimum incurrunt hi , qui de sublimi loco ceciderunt in pedes , cujusmodi homines equidem novi duos ; qui utique perpetuam urinæ laxitatem ; ac mutilationem inferiorum artuum sunt experti , horum alter Scipio Pulsonus Neapolitanus ; qui de celsa specula extremum nescio quod periculum fugiens , se dederat præcipitem ; mox dimidio corpore resolutus ac toto languens , in nosocomium nostrum est delatus , qui post aliquo susceptis inter lumbos & coccygen crustis Ægyptiorum more per nos excitatis triduo liberatus est sic ; ut eo temporis lapsu ex valetudinarii nostri lectis volens ipse decesserit , qui super assere per duos batulos delatus fuerat examinis prope modum , rem miraculi loco habitam in valetudinario : quam



viderunt admodum Rev. Pater Flaminus Rosolinus pientissimus unus vir ex his, qui sacro voto assistunt infirmis, Adamus Marchius nosocomii Medicus callentissimus, Dominicus Mosca, & Franciscus Romanus Doctores utrique peritissimi. Incurrit & scoliosin licet ante descriptam leviolem, cum pari tamen miſtus laxitate juvenis Lucanus; quem ad nos curandum detulit Bernardinus Christianus elegans *εὐπράγης* admodum Rev. Patris Magistri Dominici Gravinæ rerum Theologicarum Scriptoris optimi pariter & fecundissimi: de quo consultore Theologo jure se jactare potest æquissimus cathedralis Ecclesiæ senatus; de professore vero schola nostra Neapolitana.

## C A P. VI.

### *De præſervatione, & curatione partium interiorum.*

**H**UJUS autem affectus etsi curatio per omnes vulgo quæſita est: tamen præſervatio longis intervallis tum dignitate, tum usu prior apparet, nimirum quod gibbi, qui ex interna causa proficiſcuntur, hi sunt insanabiles plurima parte; nisi confestim initio summa providentia subtilique solertia fuerint revocati, quam inhibendi mali provisionem a plerisque omnibus in silentio præteritam, utinam nos, qui sumus aggressi nuperi obscurique auctores; sic ut exigimur, sic ut cupimus, interdum exequi valeamus: rem sane non parvæ neque futilis operæ, verum utcumque res evenerit, contentus auditor esse nostra diligentia debebit: quæ si non magnam, certe mediocri non minorem affert frugem, confido illud autem, quod forte meditatus in hac re sum, est hujusmodi.

Proponitur curatio gibbosis recentis, porro vetus & confirmata sanabilis non est, auctore Rhaze nuper indicato loco. Siquidem igitur primum ipsum gibberis initium prævidere potis sit: hac re sane vix aliquid optabilius obtigerit, quippe statim occurrere remediis opportunis licebit sic, ut etiam anteverti possit humorum vitiosorum confluxus, verum enim vero, quia neque continuo medicus arcessitur ad ineuntem affectum curandum, nedum ad præſervandum: neque sic semper est facile morborum, qui se insinuat intrinsecus, oculate pervidere (utinam autem jam initum ac latens quodcumque malum deprehenderetur a cunctis professoribus hoc nostro sæculo, quo minus, quam par est, Hippocratis doctrina colitur) sub hæc evidentia symptomatibus rudimenta gibbosi accessus sic intercipere, atque absolvere tentaveris.

Discretis enim causis, num ob plenitudinem, num ob inanitatem contractum vitium sit: his non aliter, quam humido siccove spasmo judice Avicenna contra niti debetis; plenitudini quidem prima sanguinis detractio (basilicam elidit Rhazes) simul & victu quam maxime vires permiserint, tenui, ad hæc avertentibus omnibus remediis, quæ sunt frictiones, vincula, cucurbitulæ, vomitus, clysmi; singula quidem ad situm supremum vel infimum, dextrum aut sinistrum affectæ partis opponenda. Deinde etiam expurgato levatoque a suspiciosis omnibus succis ac superfluitatibus corpore; deinceps ad sudorum artificiales manatas convertendum ejus, qui medetur, est consilium, quem equidem scopum, & quod remedium arbitror præcipuum, & primarium ad morbi causas aut eximendas, aut minuendas: præsertim si sudationes istæ proliciantur ad



æstuariorum quæpiam peculiari naturæ munere comparata : qualia nos ad nostras oras , & ad Neapolitanos terrarum tractus habemus Aenariæ , Puteolis , & in Crypta Aniana , quibus singulis uti si concessum non sit , aut anni tempore , aut loco , aut hominis facultate , aut alia quacunque causa non patiente : tum his succedunt assæ sudationes in laconico arte paratæ : quas adjuverint summa per singulos dies decocta sparti parilis indici , lignive vajacami , ad eum modum apparanda & conficienda , quem in Pedarthrocace nuper aperii , in quo libro descripta multiplicia ex viperis medicamenta huic etiam morbo depellendo non parum accommodata comperies , quippe quæ naturæ calorique nostro auxiliaria , atque amica labem quamcunque corporis emundare atque exhaurire sunt comparata . Quod si subjectæ vel crassi corporis , vel habitui , vel ætati , vel regioni , vel anni tempori constitutionique calidis , & incumbenti feбри minus congruere videantur alioqui calidiusculæ materiæ ; vipersas in caprimulgos & boas , quas vocavit Plinius , permutare fas est , accedunt hi proxime ad illarum naturam ac temperatiores sunt primis qualitatibus tenues , utetur autem & homo , qui tractatur , iisdem pene potionibus , ac victus ratione , quæ pædarthrocacæ prohibendæ proposuimus , nam neque dissident admodum utriusque fomitis excicandi ratio ; præsertim ubi gibbi , qui curatur , hereditaria sit suspicio .

Hæ quidem ad plenitudinem corporis privatim adversæ sunt medentis provisiones : per quas tamen omnes si prævalentibus ullis causis , tuberculi procreationem præripi non licuerit ; aut eo tempore vocatus ad curandum fueris , quo productum jam tumorem inveneris : præceptum est Jacobi Hollerii , ut ne utrumque id maturare tentemus : nimirum propterea , quod suppuratus non est sine periculo ; neve ex suffuso in thoracem pure & ad superiora pertracto , aut etiam ex suppurato primum eodem in cervice , mox in tracheam transmissio suffocati phthisici defungantur ; quam ob causam monet nos iste vir suadetque , ut prohibeamus potius coerceamusque tubercula sic , ut dura reddantur .

### *Opinionis Hollerii censura .*

Quæ quidem Hollerii adversio , si rite recteque perpendatur , plurimam me iudice congerit difficultatem . Principio autem , quæ dubitandi dederint ansam , hæc fuere . Primum , quod cum complures sint tuberculorum optabiles fines , postquam illa constiterit , diffusio , maturatio , seu concoctio , suppuratio : selectam indurationem , ac recrudescentiam prætulit aliis omnibus . Sint autem quæso te ex medentis voto crudi durique tumores ? quos omnes malos , contra vero molles omnes bonos sanxit alicubi divinus auctor . Ad hæc improbetur humoris collecti suppuratio ? cujus idem medicinæ parens epid. 6. maximas duas commoditates exposuit : & quod morbo levet , & quod ejusdem reversionem fieri non permittat . Præterquam quod irritus & inanis sit oportet conatus omnis revocandæ suppurationis internæ ; quam humoris natura ; locus abditus , & conclusus ; ætas florens ; habitus carnosus præpotentis & interni caloris vivida vis ; actio motusque corporis , & longinquitas demum temporis promoveant , deinde quæ sint pauci suppuratus incommoda ? quæve saniei sub thoracis vacuitate modice diffusæ sit noxa ? porro si pus petat superiora ; expulsus subire poterit potius , quam pariat præfocatum : vel non magis hoc , quam illud poterit indipisci . Hæc quidem ad maxime dubitandum de hac professoris clari doctrina nos impulere .

Ceterum sunt , & quæ tuberculi obdurationem dissuadeant ; sunt & quæ suppurationem apprime commendent . Quod ad posteriorem rerum ordinem attinet :  
est



est primum suppurationis emolumentum, quod ipsa succedente tuberculum continuo minuitur: nam hæc causa est, ut suppuratus multo minus doleat, quam crudus abscessus: id quod didicimus vel ipsius Hipp. oraculo; qui secundo aphor. 47. scriptum reliquit; Dum pus conficitur dolores ac febres fiunt magis, quam jam confecto, cujus rei rationem apud enarratorem Galenum legito. Deinde nos in angina pestilenti, quæ XII. adhuc annos miseros mortales pueros potissimum exitialiter corripere non destitit, duritudinem primam paristhmiorum, glandularum, ac totius ad summam tumoris perpetuo vituperamus; suppuratum summa cum fiducia certaue liberandi spe excipimus. Tertio præter durum hoc anginae genus: & alias, quæ citra coeli malignitatem accidunt; nedum non maturas, & suppuratas exhorremus, sed neque suppurationem qualemcunque statim adversam, ultro dirumpere dubitamus: id quod facimus digito, cereo funaliculo, ligno, cornu, & sexcentis aliis adminiculis: de quibus nos in chirurgia inermi speciatim tradidimus; auctoribus ad hanc rem summis & veneratissimis viris Græcis, Arabibus, Latinis, Barbarolatinis, antiquis, nuperis, & omnibus medicinæ doctoribus, Clinicis pariter atque Chirurgicis, sunt autem & de inexpectatis hisce salutis eventibus ob properatum tuberculi disruptum obtentis, historiæ quamplurimæ relatæ per Antonium Benivenium, Amatum Lusitanum, Petrum Forestum, Marcellum Donatum: Joannem Schenckium absolutissimum omnium compilatorem, atque alios. Nos autem plerisque anginosos jam isto tortabulo strangulandos, & orco destinatos una hac ratione redemimus, quibus operis nunc Franciscus Antonius Pintus; nunc Franciscus Antonius Ametranus; alias Joannes Jacobus Sclanus; alias Franciscus Mosca; interdum Hieronymus Ambrosius; interdum Vitus Jacobus Ferrajolus Medici Neapolitani præstantes omnes, quos honoris causa nomino, interfuere.

Succedunt his damna cruditatis ostendentes argumentationes nonnullæ: quarum prima esto. Qui conservat causam distentionis, idem conservat & ipsam distentionem: atqui noster Hollerius conservat distentionis causam, quæ infartus & plenitudo est: igitur & distentionem, pessimum sane malum conservat: præterquam & gibbosin ipsam quoque. Secundo auget omnis admirationis modum, quod induranda tubercula vult medicamentis, quæ autem ista nisi refrigerantia? contraria quippe concoquentibus, & calorem obtundentia, ac spiritus viis atque ossibus spinæ nocentia: quam rem diserte docuit Hippocrates aphor. lib. 5. qualia quoque medicamenta & ad gibbosin universam vitanda cane pejus & angue nos monuit Rhazes in 9. ad Mansorem c.91. atque Avicenna loco citato nil dubitare visus est, ut apostemodi gibbo proponeret curationem, quæ difficile maturabili contumaci ac duro tuberculo communis est, & (quod multo majoribus est momenti) neque tuberculorum loca discriminatus est hic auctor adeo verum est scilicet, & commodam maturationem istorum, & in iisdem obdurandis Hollerii nullam aut frigidam cautionem esse. Quod si vis incommodum omnino suppuratum: contra nos deteriorem contendimus longum tumoris obduratum, qui perpetuo gravet, ac tensione comprimatur, motiones lacertorum cohibeat; distensionem denique moveat: ex qua una & quæ non mala consequi possint? Jam igitur unde, & quonam solido fundamento propositio in mentem venit Hollerio?

Sed equidem pro Hippocratico professore proferam extremam aliquam defensionem, quæ est; Sibi non oblatam speciem tuberculi biliosi, quæ digeratur; non pituitosi, quæ concoquatur, non sanguinei, quæ suppuretur; sed melancholici ac sæculenti, cujus portio tenuis per accommodata medicamenta digeratur: sic ultima relicta crassa durus tumor conservetur, & immunis a suppurato præservetur. Verum enim vero neque hoc effugium ullum est; nam  
quis



quis succi melancholici circa caput , & unde proventus pueris ? aut quæ hujus ipsius humoris ab inferioribus ad superiora transitio ? neque enim simplex culpabitur melancholica , siquidem res gravis non potest ascendere : citius autem , ut Homerus ait , Dii terram ad cœlos trahent ; vel si commistam asserat tenuibus , ut necessum est succis : horum hercle , qui evehant ; erit portio major , ergo diffilabilior , & digestior , sed omnino sit melancholicus simplex humor : tam parcus & iners credis ipse , demonstratam spinæ distortionem committere valebit ? nil fane minus , ergo vides ad extremum nullam Hollerii super humore melancholico gibbosis effectore hypothesein : adeoque excogitatam inepte de diu conservando crudo spinæ tuberculo suasionem.

### *De curatione per externa medicamenta, & per chirurgiam.*

**P**RÆTER hanc internam curationem , est & externa duplex ; per topica nimirum medicamenta & per chirurgiam , & medicamenta quidem ejus generis optima puto , quæ fuerint exugentia , vitiumque valida vi raptum dissolventia : qualia nos quidem ad evertenda pædarthrocaciæ feminia monstravimus valentia . Jam vero si timor sit per initia collectionis , extenuatis etiam exquisite materiis calidiora medicamina adhibenti : non est profecto , quod hæc admistis probefacientibus corrigere & commodari non possis , sed & emplastra cum eisdem oleis ibi recitatis , atque ex tachamaacha , & ligni vajacami resinis , seu gummis concinnata licebit ad roborandum & dissolvendum imponi , emplastris etiam admiscet Avicenna pyretrum , euphorbium , castoreum , rutam , cupressum : ex quibus eisdem & olea paranda præcipit .

Superest curatio per chirurgiam ; quam in Pyrotechynia nostra ad idem vitii traditam huc transferri concedetur : quæ sic habet ; Albucasis chirurgicorum arabicorum facile princeps sectione 1. chirurgiæ cap. 4. & Avicenna lib. 3. fen. 22. tract. 2. cap. 14. gibber omne medicamentis inexcussum docuerunt recte denique curari ferramentis candentibus ad id accommodatis : ex quibus circulare unum erit , quo postremam dorsii vertebra circumplectente , ad eandem urendam uteris . Alterum instrumentum erit punctiforme ; quo ignito duas aut tres lineas describes , circum vertibula crustulis inductis . Tradidit & de cauterii in hanc rem usu Joannes Serapion tract. 5. pract. cap. 26. verum administrationis , & loci urendi quidpiam non explicat : quemadmodum etiam non explicavit Gulielmo a Saliceto lib. 5. chirurgiæ cap. 3. ad cauterium spinam gibberis proponens . E nuperrimis vero Durantes Scacchius lib. 1. Subsidiis medicinalis circulari magno cauterio gibberes tractari voluit , ab Albucasi formam instrumenti , sicut opinor mutuatus . Meminit & hujus per ignem curationis Alexander Benedictus lib. 29. rei medicæ cap. 6. Sed quantum recenti proficua tantum inveterato gibberi inutilem , spasmo vero ab affectione sicca producto detrimentosam usturam admonuit Nicolaus Florentinus serm. 7. sum. 2. tract. 3. cap. 40. Hæc ad proxime curandum gibbum efficacissima chirurgia esto , quam si quando ferramentis administrare vel vereatur medens , vel exhorreat ægro-  
tans : tum succedit altera cunctis optatior , ac non minus efficax inurendi forma , per fomitem a me vocata , & in eodem opere Pyrotechniæ medicæ ex Prospero Alpino descripta , quam Neapoli primum vidit & approbavit optimarum ; & veterum medicinæ rerum exactissimus æstimator Antonius Sanctorellus , exercitam a me ad epiphoras finiendas honestissimæ feminae Mariæ assidue  
per



per illustris uxoris Clarissimi Regis Consilarii D. Gregorii de Angulo.

Præter hunc ignis usum proprium, est averforius alter, aut interceptorius per ulcus utile, quem vulgo fonticulum nuncupamus: quorum is, qui interceptit in gibbosi supra septum, ad ilion excitabitur: alter vero prior, qui ad avertendam caussam mali capitur ad gibber infra septum ad femorum, vel crurium vulgata loca collocandus est. Præter quas sedes, si remedii certa commoditas ametur, sique solidis experimentis persuadeatur tum is, qui tractat tum is, qui tractatur; non dubitabit utique ad alterutrum inguen inuri crustulam, vel chirurgicas transui setas: dixi autem accommodatissimum hunc locum, excellenti quadam hujus cum lumbis sympathia spectata, quandoquidem ad has partes consuevisse fieri gibbosis lumbariæ transpositum supra meminimus auctore Hippocrate in partic. libri de artic. sæpe memorata. Neque vero sic insolens videri debet hæc ustio nostro tempore plurimum ab insuetis medendi usibus abhorrente: enim vero, præterquam quod necessum est ad contumacissimos quosque morbos nova pleraque comminisci: ad hæc memini quidem, nuper a me jam nominatum, ac semper honoris causa nominandum Sanctorellum, in causa lepræ Sacerdoti lectissimo Societatis Jesu in conventu celebrium medicorum id proposuisse, ac prope evicisse, sed quæ de gibbis adnotanda ac disquirenda fuerant, habeant hunc finem.

---

*De valgis varis, compernibus, ac membris  
aliis obtortis.*

LIBRI PARS ALTERA

C A P. I.

*Continuatio ad superiora.*

SED provecto jam sermone de puerorum abscessibus, qui fuerant Pædarthro-  
cace, varique gibberes; illud quidem cum corruptione vitium, hoc sine  
corruptione: consentaneum rationi visum est, ut subinde traderetur & de val-  
gis, varis compernibus, & hoc universo genere, porro istiusmodi luxamenta  
& crescentis ætatis homines, & ossium juncturas tentat; & causas etiam ple-  
rumque communes agnoscunt, quod experimentum inter multa singulare, fa-  
ciendum exhibuit ferme nobis hæc observantibus, illustris viri Prosperi Pisani  
Pascuarolæ reguli filius natus maximus; qui postquam valgus fuerat; ad hæc  
reparandus secundum dorsi vertebrae & pectore gibbus extitit: ob defluxum ni-  
mirum capitis, quem uno ad unguem consensu cum Dominico Coccia collega  
eruditissimo conjectati sumus: argumento plane liquido, quod malam a pri-  
mordio conformationem capitis nactus fuerat sexennis puer, quare tot mem-  
brorum divaricatus, ab uno cerebri vitio, atque ab humoris pituitosi laxamen-  
tis, quorum una intemperies origo est; profectos perquam probabile apparet.  
Quod si forma gignendi quæritur, neque inflammatoria systrophe, aut aliqua  
no-



noduli modo coacta collectio juncturarum abstrahendis vinculis perpetuo desideratur, quin hoc & pueris & hominibus ætate jam grandibus evenire compluribus exemplis alio loco monstrabimus. Jam vero si cetera desint, est gibbosis, & obtortorum affinitas tanta ut invicem ἀδελφῶσι. Taceo, quod admirabilis excessus dignissimam aversione, ac tractatione rem facit, sic enim plerunque insolens, atrox, & inopinus puerorum hic casus est; ut ad corruptrices strigas, atque adeo ad divinas causas referant ineruditi. Quas ob res omnes annis jam, ut de valgis varisque, & hoc genus vitiis aliqua pars sermonis interferatur.

## C A P. II.

*Notio seu nominis explicatio cum aliquot  
rei discerniculis.*

**V**ALGI quidem Græce βλαιοὶ prominentes altrinsecus habent furas & in diversum actas, quales cancris & lacertis sunt pedes: quorum videlicet pars intra conditur, pars extra procedit. Ægyptios ejusmodi tradidit Aristoteles . . . . Plautus autem in milite varum, aut valgum, aut compernem, aut pætum, aut brochum nominavit: itemque valgum suavium, idest intortum: quod genus dicti sunt & vatii, sic enim est apud Varronem lib. 2. rei rusticæ de canibus scribentem; cruribus rectis, ac potius varis, quam vatiis, hinc vatiarum, & vatiniorum cognomenta fluxerunt his, qui primi in familia pedibus vatiis extitere, quo Seneca in quadam epistola; Servilius, ait, vatia latere sciebat non vivere. Sed vari Græce παῖβοι vocantur hi, qui crura vel pedes introrsum habent obtortos: cujusmodi spadones ac testibus captiæ feminæ plerique visuntur. Flexuram quidem, non flexuræ modum explicavit Horatius, l. Serm. i. qui ait; Hunc varum distortis cruribus &c. atque inde factum est, ut varum pro obtorto sæpe veteres dictitarint: itaque varum brachium dictum a Martiali fuit in 7. vara nec injecto certamine brachia tendis, & varæ manus pro incurvis ab Ovidio 9. Metamorph. sunt usurpatæ: qui dixit, varas in statione manus. Hæc ex Grammaticis brevi recoluisse nos oportuit.

## C A P. III.

*Causæ.*

**S**ED præstat causas inquirere, quibus ante descriptæ distortionibus oboriantur, libet autem aliquanto superius rem repetere, ut plenius etiam nostra sententia percipi queat. Prima quidem & summa causa debilitas est, quæ concedit defluxibus. Imbecillitas autem oritur ex qualitatibus expertibus materiæ, vel cum eadem ipsa conjunctis. Ex primo genere fuerint aëris ambientis qualitates ad calorem, aut frigus; ariditatem aut madorem; sive simplicibus sive compositis excessibus immutantes, ad quas affectiones spectant & ventorum,

plu-



pluviarum aut nivium occurfus ; aquarum , idest lacuum , fluviorum , marium tranatus & enavigatus ; venationes piscium ; natationes in his & ablutiones , immersiones , quæ faciunt scilicet , ut articulorum musculorum ac tendinum temperatio transmutetur pro varia qualitate , quæ dictis aquis tum propria sua natura , tum ad attingentem hominem collata ejusmodi , vel aliter se habuerit , cui similis aut major vis inest & medicamentis , quacumque tandem ratione fuerint , ad easdem partes superdata . Inter hæc nominandæ sunt vehementes & assiduæ istorum artuum exercitationes , nec non diuturnæ vacationes & cessationes a motu , etenim , ut hæ refrigerant & effeminant : sic illæ laxant & excalfaciunt . Ad hæc & quæ sive esculenta , sive potulenta offeruntur ; quæque ab his toto corpore digestis atque diductis retinentur & emittuntur ; & si qua sunt alia hujusmodi .

Post hæc dicendum esset & de his , quæ qualitatum quarumlibet excessum cum interventu materiæ insinuant , verum hæc ad ipsos humores , ac succos , qui inibi colliguntur referri satius erit : substantias quippe notas , quæ partim crassitudine : partim etiam lentore , partim copia , & pororum angustatione paulatim contrahant fibras , vel ab universo corpore , vel a certis quibusdam partibus huc attractæ , vel transmissæ . A toto quidem corpore transmitti consueverunt humores in febribus lentis & diuturnis ; de qua re tum Hippocrates , tum Galenus 3. prognost. com. 23. & 4. aphor. 14. atque etiam in lassitudinibus , quas in iisdem febribus homines incurrerint eodem Hippocrate Galenoque adversoribus in 4. aphor. 31. Itemque per inexplicabiles commessatus , ebrietates , luxus rerum , & libidinis nullos modos , quod neque poetam latuit , qui ait :

*Et venus enervat vires & copia Bacchi :*

*Et tentat gressus , debilitatque pedes .*

Præterea sunt & certæ corporis definitæque partes , quæ supervacaneis seipsas succis exonerantes , hos in articulos & contigua loca demittunt , sunt autem nunc caput destillationibus assidue pluvium ; ad quam maxime , nisi fallor , opinionem accessit Fernelius : nunc uterus , cujus excretio suppressa sit : quo circa M. Hippocrates ejusmodi affectus mulieres immunes statuit in 1. 6. aph. 19. veluti si affirmaret etiam eodem tempore cohibitas istas emissiones ad articulos continuo refluere debere : quod re ipsa equidem evenisse multis feminis comperi ; similiter & his , qui hæmorrhoidum detrimenta sensiere .

Atque hætenus recipere judicati sunt articuli , ad quos nimirum suas superfluitates transmiserint aliæ particulæ . Ceterum & ipsæ etiam ex aliis eliciunt , seu caloris intemperamento propter violentum immodicumque laborem , & usum balnei ; sive ob ingentem dolorem , quo sentientes circum articulos particulæ fuerint tentatæ . Sic imbecillis defluxus validique attractus generales ad distortionem causæ sunt jam expositæ . His omnibus accedunt articulorum , qui sunt quibusdam proprii , languores : idest his qui ex parentibus arthritidem , aut podagram expertis sunt nati , quo loco & materiæ vitium & formatricis debilitas sunt recensendæ . Nunc , ut humores distinguas ; scire licet , non unum & simplicem , sed varium & multiplicem succum esse , qui dictas ad partes allabi possit : respondens scilicet crassi , constitutioni viscerum morbosæ , vel naturæ , sexui , ætati , regioni , anni tempori , victui , consuetudini , vitæ instituto , atque aliis , si præterea sint . Ex causis autem omnino malis atque morbosis , sunt cæcæ vel apertæ corporis continui solutiones , ex inconspicuis quidem apospasma , distentio , cæca contusio , casus ab excelsso loco , laxatio : ex conspicuis vero contritiones , ulcera , fracturæ , tophus , tuberculum , abscessus , ancyle , &c.



## CAP. IV.

*Signa caussarum.*

**H**ORUM sic enarratorum affectuum, suarumque differentiarum, evidentium alioquin & nulli non perspectarum indicia non est, quod quispiam enucleari sibi nunc requirat: verum etiam vero caussarum notæ sunt explicatu necessariae, sed antecedentium inquam, & internarum, ut his eisdem producendi morbi vi potitis occurrere singulis medendo possit. Sic repetitis ordinatim capitibus fontibusque caussarum, quos supra recensueram: ad distinguendas eas causas, quæ tum per se, tum per consensum morbum invexero, devenio.

Igitur aëris & regionis & aquarum culpas prodent eorum excedens maior & illuvies, pluvia nimietas, irriguus & sensus situs, qui diu perduret & difficile discutiatur; item opacitas & vapidus nebulosusque proventus, quarum plerarumque rerum cum nonnihil participet cœlum Neapolitanum: horum hominum maxime puerorum plurimos exprimit, alias vero tales terras, quas non vidi, judicare quidem temere non possum: sed dicat ratio non exortes hujus vitii futuras. Præter quas causas & alias, quæ ad externam horum comprehensionem pertinent; & respondens rerum evidentia; & eorum, qui tractantur relatio comprobabit, expedita enim & facilis harum rerum deprehensio est; si non inertem indagatorem offenderit, quapropter his supersedeo. Sed defluxus sympathia partium factos, declarant potissimum constitutiones earundem sedium mittentium: juvantque etiam intactis articulis remedia, quæ mittentium curationi accommodantur. Interea vero non latent symptomata, quæ proprias affectarum partium affectiones consequuntur. Sed primarum qualitatum seu simplices, seu compositas exuperantias deprehenderis, tum ex causis, quæ antecesserint, ab ægrotante referendis; tum ex usu remediorum contrariæ facultatis; tum ex similium noxa: tum etiam ex affectionibus spectantibus ad sensum tactus.

Atque hæc quidem sunt indicia qualitatum sine materia. Conjunctarum vero cum materia sunt communia his, quæ singulos humores præsentis produnt. Id est ex causis antecedentibus; partium imbecillitate; superfluitatum crassitie; canalium angustia, deinde etiam ex principiis hos attrahentibus dolore, calore, medicamento, frictione, balneo, motu, & exercitatione importuna; itemque a principiis transmittentibus, quæ sunt plethora; cacoehymia; febres diuturnæ, ac putres; rheumata; suppressæ vacuationes; articulorum languores, atque alia hujusmodi, denique & quæ fluxionem, & collectionem in articulis adjuvarunt, aut averterunt omnia, sed & affectus tactiles articulorum eadem ostendere possunt. Post quæ omnia solutæ unitatis, quæ vitium induxerit, apertus prospectus, atque evidens notitia est. Superest distinguenda laxitas, aut contractio; id est cum causa quidem hujus ariditas, illius humiditas. Laxitatem vinculorum ostendunt causæ laxantes, ac similes adjuvantes, contrariæ constringentes ad hæc effecta, id est motus infirmior, & propensior ad luxationem. Contractio monstratur brevitate, tensione duritie; sed numerum auctum causæ produnt, concreti glutinosique succi redundantiam efficientes: itemque juvantia, nocentia, & effecta suis ex affectibus prodeuntia, quæ jam nosti.



## C A P. V.

*De naturali ossium constitutione.*

**A**NTEQUAM ad ostensionem nostram aliquam institutæ rei pergamus ; operæ pretium facturi videmur , si præstituat enarratio natura constantium articulationum : quam ad hunc modum accipe . Principio revocanda est in memoriam ossis cujuslibet membri longi partitio ; quam in pædarthrocaciæ c. 4. docuimus , deinde scire licet , coaptata jam mutuo rectoque occurso duorum ossium capitula , præter membranam communem periostiam ; circumvestiri musculorum chordis , idest latis nerveis excursibus , qui prætergressi juncturam cum inferioris membri musculorum tendinibus occurrentibus permiscetur & coalescunt , ut per has attrahere , vel inflectere membrum subiectum possint . Aliud nunc insuper intelligendum est , expositum a Galeno lib. 2. de motu muscul. ad unum quodque membrum pro libito voluntatis agitandum tum flexores esse lacertos , tum extensores , qui contrarii sunt plane situ dispositi sic , ut sibi invicem cedere aut adversari possint ; nam cedunt , inquit , Galenus extensores exteriori parte , ut flexores internæ flexionis operam præstare possint : qui cedunt rursus extensoribus , ut hi suo extensionis munere potiri queant , quæ quidem ordinatio motioque naturalis est , recte veniens a libero moventis arbitratu , nam est scilicet cum præter præscriptum hoc voluntatis cedunt vel extensores musculi , vel flexores , prout nimirum paralyti molliti alteri & antagonistæ fuerint , quemadmodum scilicet sub oris distorsione canina trahi se sinit dextera genæ pars languens , cum sinistra est potior , & contra , atque hoc quidem in paralyti fit , præter quem modum a resolutis nervis proficiscentem , est & alter a distentione seu spasmo ; cum distenti inflammatione aut plenitudine , aut ariditate alteri lacerti , seu quidem extensores , seu flexores , adversos alteros vi sua distrahunt , ac sua sede revellunt . Hæc status articulorum naturalis esto descriptio .

## C A P. VI.

*De morbi genere : & quod non capitulati ossis hæc sit affectio.*

**H**ACTENUS jam tot multis de rudi rei natura præmonstratis ; quæ veluti fundamenta & parietes ædificii nostri fuere : reliquum est , ut essentiam rei totius , & sententiæ nostræ summam , quasi supremum tecti fastigium imponamus . Incipiemus autem a generis inquisitione : ut mox differentiam , aut quod hujus loco fuerit , ad definitionem adjiciamus . Apud antiquos , qui sunt omnes , Græcos , Latinos , Barbarolatinos , Mauros , Arabas , Pænos , qui vel omnem medicinæ præceptionem , vel nobilem hujus quamcunque partem tradiderunt : incertum est ; cui malæ conformationis generi vel speciei βλαίσωσις , ac ραίβωσις hanc , quam discutimus , retulerint , apud quos nimirum ea de re



ne verbum quidem . At neque juniorum aliquis idem hoc argumentum attigit : quasi vero nullius esset usus res : quæ plurimum alioquin & cognitu videtur utilis , & curando necessaria . Inexplicatum igitur apud veteres , ac juniores etiam auctores negotium , tantum ætate nostra tractandarum quotidie consultationum usu comperi vulgatam opinionem facientium hoc vitium situs . Qui enim exarthrema luxationis speciem , qui pararthrema , subluxationem arbitrantur ; figuræ quidem accessoria & succedenti affectione statuta . Ad summam autem apud hos homines nullum , luxationum communiter dictarum , atque harum private sumtarum discrimen est ; præterquam quod illæ quidem ab externa magis causa ; hæ vero ab interna profectæ visuntur . Sententia quidem & opinatio ; quæ si rationis & anatomes exacta lance perpendatur : inscita prorsus & indocta videbitur ; multis , ut monstrabo , nominibus .

Primum quod luxatio , situsque ossis ab acetabulo , abscessus atque perver-  
sio liquido monstrantur certissimis omnium sensuum criteriis , qui visus est , ac tactus , nempe qua vacuitas præter naturæ conditionem agnoscitur ; qua infectus infarctus , & plenitudo circa articulum : quæ ipsa per Jovem in ejusmodi distortionibus non extant , neque diu observata comprobantur . Deinde ab exordio adusque plenam confirmationem , his eisdem ut absit dolor ; qui & perpetuus & peracerbus esse solet , donec os in sua naturali sede repositum sit , hunc autem neque pueri , neque viri valgi varique senserunt aut agnoverunt unquam . Postremo referat , quæso , quicumque nobis adversari velit , sub qua luxatione crurium viderit unquam incessus visum ad longos annos , ut in valgis varisque conservatum ? Taceo , quod incipit distortio non a summo ipso articulo , circa quem motus fit ; sed a circumposito ossis processu , quomodo enim homo utroque latere distortus genibus unis niti vel uno temporis momento valeret ? porro sunt articuli recte se habentes , veluti firmi cardines , quibus membra & corrotantur & consistunt . Hactenus , quod non sit putativum exarthrematis , seu subluxationis vitium hoc , de quo quærimus , jam patet .

## C A P. VII.

### *De sede affectus propria.*

**SUPEREST** nunc , quando non sunt ipsi articuli , qui luxationem sustineant : partem aliam proferamus . Dixi , principio ternas esse longis artuum ossibus particulas truncum , processum , capitulum . Aio divaricatum hunc fieri circa processus & appendices , nimirum quod hæ principio coalitæ non fuerint , sed dissolutæ præter legem naturæ persistant , quibus partibus nitens homo primum ad incessum , sic nixus pondere ad alterutrum latus interius , aut exterius conflexitur crus , qua major debilitas est , aut qua primum occasione inflexum fuerit idem , qua laxitate & inflexus assuetudine , dum producta jam ætate coalescunt partes ; sic obfirmatæ persistunt ; ac distortis pedibus ceterum ingreditur homo . Itaque , si cæpta via non aberramus ; facile cognosci datur , id vitii , quod in quæstionem venit ; tametsi depravata subsit figura : tamen , quia contingens id est , haud quidem in figura , sed in connexu vitium erit : quippe qui cum esse debeat non sit , est autem nexus & de conformationis genere , si Vido pervidentissimo scriptori credimus id testanti , lib. i. anatomes.  
cap.



cap. 1. Quod nostrum placitum confirmatur & hac ratione. Apparuit ejus vitii maxima causa laxitas: quam ab uno & perpetuo partibus item laxis incumbente madore proficisci nemo non novit, atqui partium hæc laxitas ac mador non alios insequitur, quam pueros, & hujus ætatis affines; quos unos eisdemque communiter tentat affectionis hæc, de qua scribimus, proprietas, non obscuro scilicet ac probabili satis argumento, quod laxitas hæc memoratis ossis coagmentatis partibus accidit porro mador, qui toto quidem corpore fusus est, sed cerebro præcellenter; ubi præsertim hoc imbecillum & languens offenderit: cum ad articulos & ad juncturas ossium affluerit, vi diducat oportet; atque adeo tibiæ, quas nuper exposuimus, appendices. Sic inquam pueri, & qui conterminæ sunt ætatis hanc peculiariter affectionem incurrunt, quod observatum a me primum est in filiis Conzalis viri a secretis Ducis Albæ Neapolitanorum Proregis. Mox vero in Quadrimo filio Horatii Caraccioli viri patricii Neapolitani: quam rem quidem a me primum audiens Dominicus Antonius ab Alexio exacti judicii Medicus Collega meus, certam plane, atque indubitabilem affirmavit: atque in aliis: quorum quidem omnium tædiosa & longa esset historia. Verum enim vero & ætate grandioribus id morbi genus accidere scito. Sed tamen eo discrimine, quod viros valgitas præterquam uno latere non attingit, quæ si tamen utrinque accidat: hæc & admodum insolens quidem, & non simplex laxitas est; sed ex systrophe & abscessu, & ut simpliciter dicam corruptorum humorum in has ossium partes incursum: quæ præscriptæ puerorum ætati non eveniunt. Divulsam quoque apophysin ossis tibiæ ita, ut angulum introrsum genu faceret, licuit mihi vidisse in quodam homine, qui curabatur in nostro Nosocomio An. 1625. quam quidem revulsionem sponte profectam idem homo referebat. Constat autem & ab arthritide distrahi convellique articulos, ut in coxendice posterius, & ab ossis carie per sæpe vidimus figuram corruptam membrorum & partis privatæ, hic quidem omnino morbosus mador est; sincerior alter, & puerorum proprius. Adeo nunc apparet, quod valgi, varique pueri sint: hoc non paralyxis, aut spasmi vitio fieri; sed enarrata jam causa, & exposito laxationis modo.

## C A P. VIII.

### *Definitio.*

**I**TA jam intelligitur facile, quo pacto distrahentibus ex altera parte humoribus, ex altera fiat articulorum membrorum conflexus, quodque fiat hic non in extremo ossis membri capite, sed in appendice jam apparuit, ceterum invento generi addita parte affecta pro differentia, vides jam affectionis essentiam non obscuram esse. Ex quibus utrisque definitionem elicere possis aliquam, quæ sit hujusmodi; valgitas & varitudo vacuitas est nexus in appendice ossis, distractis hinc aut inde lateribus laxitate, atque madore simplici, non morbofo abscessu. Quod si nomina substantiæ displicent nuper a me conficta: dixeris; valgi varique sunt, quorum appendicibus circa tibiæ ossa nexus abolitum passis, distortionibus istarum ad interiora, vel ad exteriora sunt factæ.



## C A P. IX.

*De judiciis, & re prognostica.*

**A**FFECTUS hic puerorum valgorum interdum ope naturæ solvitur, interdum non item; sed auxilium quoque artis implorat, solvitur inquam, ubi vigor accedens ætatis, morbo, qui præoccupaverat, fit superior, quo isto loco subit adnotari sæpe multis crura dirigi perfecte, ut in filio vitrearum specularum opificis compactoris: de quo posterius, aliquando eadem insigniter contorta manent in omnem ætatem: quibus scilicet nec natura, nec ars auxilio fuit, aut remanent quidem illa rectiora, sed alimenti defectu ligneorum assularum modo, quæ in cados dedolantur, tenuata vidimus in Francisco de Pompeiis puero, qui mutilis fuerat incedendi usibus primordio, præter quos & alios novimus, quibus sic ad exteriora diducti sunt pedes; ut inter hoc cadens spatium latitudinem humerorum longe excederet. Ad hos occurrerunt & alii licet rariore, qui altero quidem valgo crure, altero varo longe difficillimo incessu ducunt ilia. Sed suas eventuum causas exponamus, quæ sunt hæc.

Constituto primum ab eo, quem diximus, immodico madore & primum fieri divaricatum, & deinde conservari: tum distinguendus est humoris modus crassioris, tenuioris, crudioris, æquabilioris, viscidioris, arentioris. Tertio calidi nativi vividioris, & uberius etiam radicalis vocati humoris conditiones sunt notandæ, enim vero pro horum omnium ratione sit, ut solvi distortio, vel perpetuari magis minusque fieri divaricatus; & diutius aut brevius protrahi debeat, nam si vigor hominis calorque fuerit acrior; humor mitior minorque & æqualior: sic promptiorem, minorem, citiusque solutum iri valgitatem, ac varietudinem credes, si vero sit exilior calor; & habitus universi minus vegetæ vires; humor sit incommodior; & qui minus pareat naturæ imperiis, & felici coalitu: serior, iniquior, & ut brevi finiam, improspere erit habitus sinistri correctio. Ad hunc modum apparet sane, quod naturæ vis, & humoris habitudo momenti plurimum habet ad solvendas ac dirigendas hujus generis distortionem: quamquam non inficior & opem medicam nonnihil conferre posse, quatenus eadem opera citius, atque etiam aliquando rectius absolvatur: quæ ipsa, ut & quibus medicamentis ordinanda sit, mox audies brevi.

Interim naturæ sponte curatos equidem referre possum hos. Unus ante memoratus puer de Pompeiis, qui valgus utrisque cruribus, & secundum infimas spinæ vertebrae languens, ac dolens ab ineunte propemodum ætate subalaribus fulcris innixus; hæc undecimo jam anno vacua & inutilia, repente se sentiens integrum, abiecit, puer prætenuis & strigosus atque etiam propter catarrhos edentulus, qui quinque jam annis arthrocacem in lævo brachio perpeffus, ut Joannes Dominicus Malliochus Medicus Neapoli percelebris testari potest: id quod ad Pædarthrocaces & valgorum communitates advertendas dictum esto. Alter Josephi Jordani vitrearum specularum constannatoris filius, quem omnino motionibus corporis inertem ex improvise restituendum non fallenti judicio prædixeram. Item alii non pauci, quos eadem sorte potitos observavi junior apud præceptorem Julium Jasolinum.



## C A P. X.

*Curandi ratio.*

**A**D restituendum quidem naturalem suum valgis & varis habitum prompta videtur ἡ τάξις, idest directio, quam nostri omnes apparatus rerum ad articulum ordinato moliuntur: nimirum, quia versatur animo luxationis idea, & extra vas ossis excapitulatio, si dici liceat: quod vas quodque acetabulum ex illapsis diu succis, & ex alimenti superfluitate congestis concrementum aliquod accepisse necessum sit, ob eam rem instituunt continuo medicamenta, quæ depletura sint sinum, ad quam rem assequendam necessaria facientes attenuantia & laxantia; hæc principio volunt administranda. Sic fomenta parant ex pingui jure ventris, & intestinorum vervecis aut vaccæ, in quo discoctæ fuerint utraque malva acanthus, atque alia generis malactici. Quam medendi rationem plane contrariam, ac prorsus inversam arbitror, quippe adstringens, ac firmans medela congruit; accommodatis ad hanc rem epithematis atque emplastris. Ex fluidorum autem genere sunt aquæ natura nitratae, aluminosæ, ac metallicæ omnes, quales Puteolis sunt & Ænariæ. Item arenationes ab Andrea Baccio Elpidiano in opere de Thermis, atque a Julio Jasolino Calabro Hipponiata præceptore olim nostro in opere de Balneis & remediis Pithecusanis expositæ. Ex arte vero paratis sunt vinacea ex uva, quæ dat austerum protropum, aut ex labrusca: in quæ vinacea & vinum aliquotum tortivum infusum sit. Præter hæc sunt emplastra, quibus glutinandi ferruminandique vis est. Horum præcipuum est e gummi Tachamaca Indum, & emplastrum a Gulielmo Varignana Comitissæ inscriptum, itemque ex pelle arietina ab Arnaldo Villanovano descriptum, ex quibus omnibus unum confeceris igne commistis. Interim ferulis assulisve cum spleniis contra recessum ossium appressis, & cum scita deligatione niti licebit; calceo, qua parte resistendum est, cum lamina subtenso ferrea ligneas alteras assulas recipiente, ac sustinente inferne.

Jam autem, quia vacua pagina concedit, ut conferre lector amice possis; quantum adeo noster hic de valgis & varis illustrandis labor, ceteris aliorum explicationibus præstet: subjungam id, quod unus & primus Ambrosius Paræus, vir alioquin elegantissimus proposuit, ea sunt videlicet. Vari latinis dicuntur, quibus pedes cruraque intro inflexa & obtorta sunt. Conformationis id vitium, vel jam inde ab utero est, culpa matris, quæ vel eodem illo intro conversorum crurum vitio tenetur, vel per graviditatis omne fere tempus desedit cruribus decussatis: aut post editum in lucem foetum contingit, quod ejus crura vitiose fasciis obvoluta in cunis fuerint, vel compressa, & depravato situ intergestandum, aut ambulandi conatum a nutrice collocata, sunt enim infantum ossa valde mollia & fere cerea. Quibus contra extrorsum pedes cruraque spectant & intorquentur valgi nominantur. Hujus depravatæ conformationis eadem, quæ superioris causæ esse possunt: utroque vitio non pedes tantum, sed & genua sæpe obliquantur. Quod qui vitare & emendare volet, ossa in locum suum sedemque nativam & debitam restituet, sic ut varis ossa foras adeo propellat quasi valgus, valgus contra introrsum quasi varus reddere vellet: nec compulisse satis est, compulsæ præterea continere illic decet, alias haud firmiter



ter stabilita relabentur. Continebuntur fasciis & plagulis apposis, his partibus in quas vitiose ossa sese inferunt, & inclinant. Parantur in eam rem ocreæ ex corio elixo, capitati nummi crassitie, anteriore parte secundum ossis tibiæ rectitudinem, & sub planta pedis fissæ: ut undique diductæ pedi, crurique aptentur facilius, parti affectæ imponetur sequens remedium.

℥. Thuris, mastiches, aloes, boli armeni, an. 3. i. aluminis rochæ, resinæ pinus siccæ, subtilissime pulverisatorum, an. 3. iii. farinæ volatil. unc. i. i. ÷ albuminum ovorum quantum sufficit, fiat medicamentum. Addere licet terebinthinam, ne citius & vehementius, quam par est, exicceatur. Ceterum cavendum, ne pueros, qui valgi, vel vari nuper fuerunt, ad incedendum ante cogas, quam firmis fuerint articulis, alias composita & restituta ossa, incedendi labore præcoci rursus excident. Quin etiam cum justum erit ad incedendi conatum tempus, obducentur ipsis calcei altiusculi soccorum instar, supra pedium nexi, vel fibula constricti, ut ossa suis sedibus firmitus contineant. Ceterum calcei solea sit ibi altior, quo pes vitiose videtur inclinare.





# PARTIS II.

## SECTIO V.

*De Vitiis abdominis, quæ manu & scalpello curantur.*

### CAP. I.

*Quomodo vinciri funiculus umbilicalis debeat.*

I. **U**MBILICALEM funiculum in infantibus recens natis quam exactissime vincendum non sine ratione Medici prudentiores percipiunt. Siquidem alias periculum maximum est, ne propter gravem sanguinis ex illo per vasa umbilicalia profusionem tennelli homunculi isti conficiantur atque exhauriantur. Oportet autem vincturam illam sic omnino instituere. Simulatque nimirum infans una cum secundinis in lucem est expositus, filum quoddam robustum, ulnæque quasi longitudinem habens, quater circiter complicandum, factisque circa partes extremas nodis, circa funiculum umbilicalem, parte binos vel tres digitos ab umbilico remota, binis ductibus involvendum, geminoque nodo constringendum. Deinde novum aliquod vinculum, digiti amplitudine a primo versus secundinas remotum, simili ratione injiciendum: quo nempe facilius certiusque sanguinis profusioni, quæ alias subinde hic orta est, occurratur. Tum funiculus umbilicalis una cum placenta uterina infra vinculum istud alterum forficis adjumento rescindendus; parte vulnerata linteolis diligenter involuta. Denique splenium aliquod super umbilicum imponendum, fasciaque umbilicali adhibita exactissime deligandum. Cetera enim confici facile ab obstetricibus vel nutricibus possunt, donec funiculi umbilicalis pars reliqua sponte sua exaruerit atque deciderit. Tametsi autem ipsa etiam funiculi umbilicalis vinctura institui plerumque ab obstetricibus solet, longe tamen optimum atque adeo necessarium videtur, Chirugos atque Medicos juvenes diligenter in hac arte instruere. Possunt enim, imo vero solent sæpius ejusmodi casus incidere, præsertim in partu non adeo præviso, ubi nulla adhuc obstetrix adest, ubi decori & magno nominis detrimento Medico aut Chirurgus cederet, si funiculum umbilicalem rite vincire non possent, atque ob hanc ignorantiam nimia sanguinis profusio & miseri infantuli mors oriretur.

*Quomodo ligari debeat funicul. umbilic.*

II. Sunt inter recentiores nonnulli, qui ligaturam funiculi umbilicalis quasi *Hoc quidam supervacuam, ideoque haud adeo necessariam esse perhibent.* (a) Se enim casus *supervacuam esse statuunt.* vidisse, ubi ex intermissa hac ligatura nulla noxa orta vel secuta sit. Hoc aliquando casu accidere posse, non nego. Attamen multis mihi quæ ipsimet quamplu-

*Heisteri Chirurgica Tom. III.*

I

(a) Vid. SCHVLTZII. dissert. *An funiculi umbilicalis ligatura in nuper natis absolute necessaria sit?* Halæ 1733. 4. Ubi id negatur.



plurima exempla nota sunt, ubi ob intermissam hanc ligaturam infantes omnem sanguinem per resecta vel lacerata vasa umbilicalia amiserunt, atque adeo inde mortui fuerunt. Quare merito pro infanticidis illæ habentur mulieres sive scortata, quæ clam pariunt, funiculum umbilicalem non ligant, & infantes sanguine exhausti deprehenduntur, præsertim si hunc funiculum dilacerant. Hoc ipso enim simul vim violentam patiuntur teneri infantuli, ut ob concurrentes inde spasmos, convulsiones aut alia vitia tanto citius ac certius mortem subire cogantur.

## C A P. II.

*Quomodo per institutam in abdomine paracentesin  
aqua emitti hydropicis in ascite debeat.*

Quandonam  
operatio ista  
fieri debeat.

I. **Q**UOMODO in pectore institui *paracentesis* debeat, alias diximus. Reliquum est, ut, qua ratione institui eadem *in abdomine*, ad aquam hydropicis inde emittendam, debeat, exponamus. Quo minus etenim ad *tympanitem* quoque curandam paracentesis a nobis commendetur, observationum atque experimentorum defectus prohibet. In sanandis autem hydropis, qui ea hydropis specie quam *ascitem* Medici appellant, laborant, cum fructu quandoque ipsam institui, fortuito quodam experimento cognitum esse memoratur. Neque enim hydropicus tantum aliquis, ferro propter miseræ impatientiam in proprium ventrem adacto, sed alius etiam, ROVSETTO teste, a simili malo infestatus, ventre a nebulone vulnerato, postquam aqua sua quasi sponte profluxerat, felicissime præter omnem spem atque expectationem convaluerunt. (a) Itaque prudentiores Medici, nec sine ratione, id sibi datum existimarunt esse, ut ancipites ejusmodi fortunæ casus in artem converterent, itaque circumspecte perforato abdomine aquam noxiam intus collectam evocarent. (b) Etiam si autem, ut nihil dissimulemus, plerique fere hydropici, operationem illam experti, experientia teste, emoriuntur; tamen id non tam operationi, quam potius aut cunctationi, ægrorumque infirmitati, aut visceribus graviter nimis corruptis aut exesis tribuendum est. Posse enim hydropicos, eosdem nec celeriter nimis a noxa ista oppressos, nec viribus plane destitutos, neque ab intus collectis humoribus corruptis quoad viscera læsos præsertim si ætate etiam non adeo grandes, feliciter admodum per institutam in abdomine paracentesin aliquando curari, frequens rerum usus docuit. Igitur si applicata per aliquot septimanas, victus ratio & medicamenta convenientia nihil omnino ad restituendum hydropicum proficiunt, properandum utique ad hanc operationem esse existimo, ne scilicet ægri vires ad sustinendam hanc operationem necessariæ sensim absumantur, neve intestina ac reliqua viscera forte ab intus hærescentibus humoribus vitiosis corrumpantur. Contra vero ubi vel a scirrho quodam, vel abscessu interno, vel tabe hydropicus simul infestatur, tum satius utique videtur penitus ab operatione abstinere: ne scilicet, qui fervari prorsus nequiverunt, occisi a Me-

(a) De partu Cæsar. Sect. III. cap. 3. pag. 44.

(b) Curatio igitur hæc solum in ea hydropis specie valet, quæ *ascites* appellatur: minime vero in ea, quæ *anasarca* audit: quia tumores noxii tunc non in abdomine, sed in tunica adiposa hærent.



Medico imprudentioribus videantur. Simile fere iudicium de istiusmodi hydropicis esto, quos non paulatim, ut fieri alias fœvit, sed celeriter nimis malum istud invalit. In his enim vas aliquod lymphaticum grande disruptum esse, non sine ratione conjicitur. Ceterum ipsa operatio in se spectata minus periculosa est minusque molesta: siquidem non nisi minuta nec multum dolens plaga, & in partibus quidem carnis infligitur.

II. Ut vero certius cognoscatur, in magno amploque aliquo ventre aquas certo adesse, antequam perforatio instituatur, palma manus, dum æger stat vel se-  
det, alteri abdominis ejus lateri imponitur, altera vero manu venter in opposi-  
to latere modice aliquoties repetitis ictibus percutitur; ita, dum hæc fiunt, flu-  
ctuatio quædam aquarum priori manu percipitur, quæ non sentitur, ubi aquæ  
in cavum ventris effusæ desunt: quo etiam in casu paracentesis minime insti-  
tuenda.

Quomodo  
aquam in  
ventre adesse  
se sciatur.

III. Quando vero pluribus iisdemque diversis rationibus expediri abdominis paracentesis illa fœvit; haud alienum ab instituto nostro fuerit, sigillatim ipsas  
hic exponere. Atque prima quidem eademque novissima hæc est. Ægro in late-  
re lecti posito, clavus sive acus triangularis (Trocar. Tab. XXIV. fig. 1.) octo  
quasi digitos latos ab umbilico remota, vel angulum ossis ilei inter & umbili-  
cum media parte, quam providissime fieri potest, in ventrem demittitur, ex-  
tractoque clavo (fig. 2.) per fistulam (fig. 3.) in vulnere relictam, aquæ tanta  
portio emittitur, quanta emitti pro ægrotantis viribus potest. Et sic quidem, ut,  
si nulla animi defectio ægrum affligat, omnis aqua simul, & semel emittatur.  
Ut vero hæc animi defectio tanto melius evertatur, vel manibus ministri utrin-  
que venter sensim & continuo comprimitur, vel fascia aut linteo lato, in medio  
perforato, ad formam fasciæ fig. 8. Tab. V. ventri circumjecta, eodem, ut in  
vulneribus ventris longitudinalibus claudendis supra docuimus, modo sensim con-  
stringitur, donec omnis aqua ejecta sit, & denique fascia venter constrictus con-  
servatur. Ita enim, ut sæpius observavi, æger ut plurimum animo haud linqui-  
tur, sed commodior & robustior fere evadit, sic, ut nonnulli eorum mox, ex-  
tracta aqua, prodeambulaverint. Interdum tamen, præsertim si venter non com-  
primitur aut constringitur, ubi aqua omnis simul & semel emittitur, prout Me-  
dicorum parens HIPPOCRATES jam tum observavit, ejusmodi ægri mente la-  
buntur, aut prorsus etiam inter aquæ profluvium vel paulo post emoriuntur.  
Itaque providissimum illud quorundam est Medicorum consilium, quo vel quin-  
que, vel sex, vel plures etiam robustioribus; tres autem, vel duas, vel unicam  
etiam aquæ libram debilioribus, id est, portionem ægri hominis viribus accom-  
modatam, emittendam ipsi præcipiunt. Qua quidem emissa, tubulus extrahitur,  
vulnusque, utut valde minutum & mox fere collapsum, per imposita bina sple-  
nia quadrata, emplastrum item ac fasciam paulo ampliorem seu mantile compli-  
catum gnaviter deligatur. Altera die, nisi ægri hominis infirmitas obstiterit, ea-  
dem operatio in adverso ventris latere iteratur, eadem prorsus cum providen-  
tia, quam in prima operatione commendavimus. Quod autem in adverso latere  
operationem instituendam suadent, ratio est, ne scilicet inflammatio, hydropi-  
cis facile funesta, partem identidem pertusam corripit. Die tertia denuo  
venter eadem ratione aperitur, & quidem loco binos quasi digitos transver-  
sos sub priori vulnere, ægro prius ad alterutrum lectuli latus deposito, at-  
que tunc vel aqua reliqua omnis, vel, pro re nata, tantum etiam evocatur,  
quantum hominis vires sustinent: ea semper adhibita cautela, ut minister aliquis  
ægroti ventrem, ut supra jam docuimus, manibus vel fascia semper pau-  
latim comprimatur. Id ipsum autem negotium, alterno semper latere per-  
forato, tamdiu repetendum est, donec vel penitus æger confanuerit, vel etiam

Prima ope-  
randi ratio.



De situ ægri  
in operatio-  
ne.

expiraverit. Et quoties quidem insignis in eodem debilitas advertitur, abstinere tantisper ab operatione per unum alterumve diem convenit; donec vires redierint. Interim non ab operatione tantum Chirurgica, sed & vel maxime a medicamentis adversus hydropem valentibus, nec non ab accurata vitæ victusque ratione sanitatis præsidia petenda sunt. *Ad ægri in operatione situm* quod attinet, observandum adhuc hic est, olim equidem in sella lectulove ipsum desedisse; recentioribus autem chirurgis, auctore PETITO, satius visum fuisse, si ad alterutram lectuli partem extremam is deponatur. Sic enim, ferramento in inferiorem & lateralem ventris partem depresso, longe commodius atque accuratius omnis effluere aqua solet, neque ægri tam facile animo linquntur, quam ubi sedent. Itaque quanquam in recentioribus salutaris artis auctoribus haud desint, qui *semper in prima operatione aquam omnem emittendam esse statuunt*, quin etiam, ubi forte aqua renascitur, idem prorsus negotium, quoties necessitas illud exigit, post aliquod tempus iterandum proponant; (a) ego tamen haud possum, quin primam operandi rationem eo in casu, ubi æger mente labitur, altera tutiorem existimem. Circa ferramentum, quo vulnus infligitur, illud admonendum restat, PETITO istud clavi genus aptissimum judicari, qui tubulo quodam maximam partem fisso continetur: (vid. Tab. XXIV. fig. 4. lit. AA.) siquidem per hunc longe commodius quam per alterum, ut opinatur, effluere aqua possit. Ceterum quo commodius atque promptius intorqueri in ventrem instrumentum queat, haud alienum erit, oleo cuspidem & fistulam prius inungere.

Altera &  
tertia curan-  
di via.

IV. Veterum equidem curandi ratio hæc fuit: (b) Nimirum *sub umbilico*, fere quatuor digitis ab alterutra parte interpositis, cute nonnunquam prius adusta, scalpellum sive ferramentum aliquod, cuius mucro tertiam fere digiti partem latitudine implebat, magna cura adhibita in abdomen demiserunt. Deinde fistula plumbea, ænea vel argentea etiam in foramen istud injecta, humoris tantam copiam per intervalla emisit, quanta emitti pro ægrotantis viribus potuit. Fistulæ hujus longitudo binos fere vel tres pro ægrorum diversitate digitos latos æquabat. (Tab. II. fig. Q. S.) vel recurvatis in exteriorem partem alis, vel remora quadam circumcingente, ne tota intus delabi posset. Simulatque vero major humoris pars evocata videbatur, demisso linteolo vel subere fistula claudabatur atque in vulnere relinquebatur; emplastris glutinosis, spleniis crassis atque fasciis superimpositis, firmiterque, ne quid contra voluntatem efflueret, mantili cum scapulari comprehensis. Postero die viñcturam resolvebant, humorisque tantam portionem iterum effundebant, quantam ægri status exigere videbatur. Atque id ipsum negotium, sed simul tamen adhibitis medicamentis internis, per insequentes dies repetebant veteres; donec aut homo expiraret, aut nullum aquæ vestigium restaret. Sed quicquid tandem harum rerum sit, sane quin recentiorum Medicorum in hoc malo curandi ratio veterum hanc antecellat, nemo facile dubitaverit. Quum enim secundum priscam medendi viam non difficulter solum retracto scalpello in abdomen fistula demittitur sed continuo etiam in vulnere relinquitur, fieri aliter vix potest, quam ut inflammationi atque id genus aliis incommodis ægrum corpus exponatur. Atque id ipsum etiam permovisse quondam nobilem Medicum BARBETTIVM videtur, ut acum aliquam cavam argenteam atque a latere utrinque, ut in fig. 1. & 3. per-

(a) Feliciter institutæ operationis hujus exempla obvia passim sunt in *Actis Medic. Berolin. Tom. IX. art. V.* item in *Actis Academiæ Regiæ Paris. 1703.* atque diariis Gallorum litterariis (*Journal des Sçavans ann. 1722. mens. Julio*) & fortassis etiam alibi. Quin DIONYSIVS & GARENGEOTIVS quoque adstruunt, parum aut nihil virium ægrotis per novam hanc operandi viam detrahi, dummodo venter, ut supra diximus, sub ipsum opus diligenter comprimatur: aqua vero emissa, per adhibitæ fascias accurate & probe vinciatur.

(b) Vid. AVR. CORN. CELSVS *de medicina lib. VII. cap. 15.*



perforatam, ad abdomen perfodiendum & aquam simul emittendam proposuerit. (a) Hac etenim rite in abdomen demissa, humores intus contenti statim effluunt. Interim quando intestina ab immixta in abdomen ibidemque diutius relictae acus illius cuspidem non satis tuta sunt; nihil abs re alienum fecisse illi videntur, qui de novo eodemque tutiori instrumento, nempe de acu sive clavo illo, per tubulum demisso, (fig. 1.) cogitarunt.

V. Quanquam enim hoc ferramentum valde acuminatam cuspidem habet, verendum tamen haud facile est, ne, dum in abdomen illud deprimitur, intestina forte laedantur. Prius enim, quam humores effunduntur, abdominis carnem externam inter & intestina interpositus liquor est: adeoque ne ad intestina quidem penetrare in primo opere cuspis potest. Quin &, si vel maxime ad ipsa penetrat, laedere tamen eadem propter insignem lubricitatem haud facile potest; praesertim si leniter in abdomen clavus deprimitur. Si quid autem forte tubulum, per quem humor effunditur, obstruxerit, specillum vel stylum quendam tenuem immittere, obiectasque foramini remoras propellere conveniet. Nonnunquam *umbilicus etiam mirifice in hydropicis quibusdam ab aqua expansus deprehenditur*, prouti quidem ex HILDANI Observat. 47. Centur. 1. atque PVRMANNI *chirurgia curiosa* p. 330. patescit. Adeoque chirurgorum nonnulli in ejusmodi casibus umbilicum ipsum perforandum proponunt; praesertim cum hydrops subinde sponte per umbilicum ruptum curata legatur, (b) quanquam plerumque minus commode. Praeterquam enim quod difficulter admodum omnes emitti humores inde possunt, vulnus in umbilico factum aegrius plerumque sanescit. Ceterum temperare mihi neutiquam possum, quin mirabilem istum casum breviter hic subjiciam, quem Norimbergae olim in muliere quadam hydropica me observare memini. Nempe quum sinistrum ventris latus primum perforarem, aqua liberrime, & ea, quam Medici praesentes utilem judicarunt, copia, magno cum aegra levamine effundebatur; dextrum autem ventris latus cum postero die aperirem, nihil quicquam effluebat. Itaque sinistrum ex consensu praestantissimorum Medicorum praesentium latus iterum perfodiebam, ubi aqua rursus liberrime fluebat: sequenti vero nocte, licet venter probe ligatus esset fascia, tamen aegra sine causa manifesta vomitu corripiebatur, & usque adeo mirifice enervabatur, ut uberiores aquae emissionem non amplius utilem judicarem, sed post aliquot septimanas sensim spiraret. Quanam mirabilis phaenomeni hujus causa fuerit, mihi quidem non constat; quum defunctae corpus incidere atque explorare Medicis haud licuerit.

VI. Quicquid vero tandem sit, sane nisi ad sanitatem ipsam abdominis paracentesis hydropicos perduxerit; tamen id saltem praestare plerumque consuevit, ut miserrimorum hominum cruciatus atque praecordiorum anxietates, quibus haud raro, ut saepius vidi, vehementer anguntur, quodammodo mitigentur. (c) Quoties igitur cunque usque adeo insigniter abdomen ab humoribus noxiis expanditur, ut maximam spirandi difficultatem aegri, ut saepe fit, sentiant, atque propter gravissimos angores decumbere ac dormire nequeant, sed continuo sedere hydropici cogantur; haud alienum esse judico, perforato abdomine, vel omnem, debitis cautelis, vel saltem sufficientem aquae copiam identidem, constricto & ligato postea probe ventre ut alias diximus, effundere. Sic enim non angustiae solum circa pectus atque anxietates, ut usu didici, valde imminuuntur; sed quiescendi atque dormiendi etiam facultas aegris quodammodo restituitur. *Exempla operationis*

(a) Videbis BARBETTII *chirurg. cap. de paracentesi*, SOLINGII *chirurg. Tab. VII. fig. 8. 9.* 10. itemque MEERKRENI. *observat. cap. 50.*

(b) In modo citata Hildani obs. 47. cent. 1.

(c) Conf. hac de re notabilis observatio SAVIARDI obs. CXI. pag. 481. qui hoc quoque notavit.

*Observationes quaedam utiles.*

*Alter usus paracentesis abdominis quinam sit?*



rationis hujus cum successu instituta, legi possunt in VOELTERI Schola obstetricia pag. 63. PECLINI obs. LXII. NVCKII Adenograph. pag. 122. BRVNNER. in Ephem. Nat. Cur. dec. 2. An. VIII. SINIBALDI Methodo parva; SAVIARDI obs. 119. Hist. Acad. Reg. Paris. An. 1703. ubi multa a VERNEO referuntur; DIONIS chirurgia; VELVETII lib. de sanguinis profluviiis, pag. 79. Act. Med. Berolinens. vol. ix. & x. ut supra memorata jam taceam.

## C A P. III.

*De Sectione sive partu cæsareo, sive qua ratione  
fœtus ex ventre matris quandoque  
exscindi debeat.*

*Quid sectio  
cæsarea &  
quotuplex.*

I. **S**ECTIO sive partus cæsareus illa hodie appellatur operatio chirurgica, qua fœtus, qui per vim naturalem & ordinariam ex utero matris egredi nequit, nec ulla arte educi potest, sive mater & fœtus simul adhuc vivant, sive alter eorum mortuus sit, prudenti sectione e ventre matris, vel ad utrumque vel saltem alterutrum servandum & ab imminente mortis periculo liberandum, eximitur, Græce *ὑσπεροτομία* vel etiam *ὑσπεροτομοτομία*: (*Hysterotomia* vel *hysterotomotocia*): a quibudam vocari solet; licet hoc vocabulum apud veteres non occurrat. (a) Sunt qui perhibent, nonnullos ex præstantissimis Medicis ac Chirurgis hanc operationem tanquam nimis crudelem atque noxiam sive lethiferam non modo dissuadere, sed prorsus etiam damnare: atque inter hos potissimum referre solent PARÆVM, GVILLEMÆVM, ROLFINCIVM, HORNIVM, MAVRICÆVM, SOLINGENIVM aliosque, quorum nonnullos juratos sectionis cæsareæ hostes appellare non dubitant. Verum quando eorum scripta accuratius perfolvi, nullum horum promiscue omnem sectionem cæsaream damnare invenio; sed solum certas easque periculosiores illius species, ubi nimirum mater vivit, & fœtus ex utero excindendus, ut ex sequentibus uberius patebit: in quibus scilicet periculum maximum est, & ubi laudati viri simul casus funestos plures ex hac in vivis instituta operatione observarunt atque annotarunt. Ut autem de gravissima & periculosissima hac curatione in tyronum gratiam omnia, ut decet, ordine proponam, sciendum, triplicem potissimum casum existere, ubi hæc operatio, quandoque necessaria est: & primo quidem in muliere gravida mortua, quando ea vel ante partus tempus & cum primis ultimis mensibus, quando nimirum fœtus perfectus & vitalis est, vel inter ipsius partus labores, vel etiam violenta morte defuncta est, fœtus vero in utero adhuc vivus persentiscitur, (b) vel saltem

(a) Primus de hac re peculiarem libellum eumque doctissimum edidit Franc. ROSSETVS; quem postea auctiorem reddidit C. BAVHINVS, novisque exemplis confirmavit. Deinde & RVLEAV, VETERVS, & SLEVOGDIVS Dissertationes de ea ediderunt.

(b) Licet nonnulli negent, fœtum matre defuncta adhuc vivere posse, sed simul cum vita matris etiam fœtus vitam cessare existiment, ut Casp. BAVHINVS in libr. anatom. & præfat. in libr. de exsect. fœtus vivi ex matre viva, Roderic. a CASTRO de morb. mulier. lib. 4. cap. 3. atque ex recentioribus cum primis MERVVS, celebris haud pridem Anatomicus & Chirurgus Parisiensis, in Act. Acad. Reg. Scient. Anno 1708. pag. 346. & 247. edit. Amstel. tamen hoc sæpius jam factum esse non solum multis exemplis in ea dissertatione probavi, quam quondam sub titulo, *Fœtum ex utero matris mortuæ mature excidendum esse*, proposui: ubi ea præ ceteris notatu digna,



tem adhuc vivere præsumatur. Deinde quando *mater vivit & fœtus mortuus est*, sed per vias naturales, ob gravissimas causas (quas mox uberius indicavimus) neque a matre expelli, neque ab obstetrice aut medico ulla ratione educi potest, atque hanc ob rem mater in summo, imo certissimo vitæ periculo versetur. Denique tertio, *quando mater & fœtus simul adhuc vivunt*; verum eadem rursus conditiones adsint, ut fœtus per vias consuetas neque nasci neque produci queat, atque ambo sic in præsentissimo mortis periculo, nisi hac sectione liberentur, constituti sint.

II. In primo casu, ubi *scilicet mater defuncta est & fœtus adhuc vivit vel vi-* Prima ejus  
occasio in  
matre mor-  
tua.  
*vere saltem præsumitur*, paucos vel nullos prorsus inter præstantiores Medicos aut Chirurgos invenio, qui sectionem hanc improbent, ut fœtus forte adhuc conservetur; (quia huic in matre mortua necessario esset moriendum;) verum potius, quia summum periculum est in mora, uno quasi ore volunt, ut non solum defuncta incidatur, sed etiam ut illud justo tempore fiat, hoc est, quamprimum id fieri potest, instituatur; ut sic fœtus tanto certius, (quia sæpe non adeo diu matribus supervivunt) adhuc vivi extrahi ac servari queant. Hac enim ratione non solum recentioribus, verum *jam antiquissimis temporibus* nonnulli vivi ex salvo matris execti leguntur sicuti ex prisca historia haud incognita sunt exempla LICÆ (a) ÆSCVLAPII (b), SCIPIONIS AFRICANI, Cæsaris inde dicti, ac MANLII, Carthaginiis expugnatoris, (c) itemque, ut nonnulli perhibent, JULII CÆSARIS Imperatoris. Ex recentiori vero EDVARDI VI. Angliæ Regis (d) SANCTII, Regis Navarræ (e) aliorumque variorum a variis auctoribus descriptorum, (f) quos *Cæsares* sive *Cæsones* inde vocarunt. Itaque dum in agone versatur ejusmodi mulier, vel jam mortua est, chirurgus requisitus mature de rebus ad matrem incidendam necessariis sit sollicitus & *simulac gravidam mortuam esse* una cum aliis cognoscit, nihil aliud hic est agendum, quam ut protinus vel in lecto, vel super mensa, ventrem matris defunctæ vel in medio, ut in sectionibus anatomicis vulgo fieri solet; vel si cautius & melius adhuc procedere volumus, (ob rationes infra dicendas) in latere alterutro, vel novacula, vel alio apto quodam scalpello, quicumque forte præsto est, linea longa simplici, (non duplici, decussatim sive in formam crucis facta, ut plerique docent) sine respectu ad cursum fibrarum muscularium vel venarum, aperiamus & fœ-

digna, quando DOLÆVS altero die post mortem matris fœtum in ventre ejus se movere observavit, Encyclop. Chir. lib. 4. cap. 5. in fine. Quibus vero, si placet, adhuc jungi possunt TH. CORNELIVS progymnasm. 5. de generatione p. 107. VESLINGIVS obs. & epist. 7. p. 48. TIMÆVS a GULDENKLEE oper. Med. mihi pag. 1082. Ge. FRANCVS in Satyr. Med. IV. SCHENCKIUS in Misc. Nat. Cur. Decur. II. An. V. obs. 14. MAVRICEAV obs. 315. & 593. ROONHVVS de morb. mul. ALBINVS diss. de partu difficili; VIARDEL. *traite des Accouchemens*; VATERVS in diss. de *partu cæsareo*, ut & de *partu hominis post mortem matris*. La MOTTE lib. IV. cap. VI. & cap. XIII. BRENDÉLIVS in obs. anat. VIII. decad. II. SCHACHERVS in programm. Lipsiæ 1731. edito, de *fœtu ex utero mortuæ excindendo*, alique.

(a) Apud VIRGILIVM lib. X. Æneid. ubi canit: *Inde Lytæ ferit exsectum jam matre perempta.*

(b) Ex utero matris interemptæ, ab APOLLINE patre, sectionis ope extracti. Vid. OVIDIVS lib. 2. Metamorph. atque Natalis Comes Mytholog. lib. 4. cap. 11. alique.

(c) Vid. PLINIVS Histor. Natural. L. VII. cap. 9. SOLINVS cap. 4. SILIVS ITALIC. Lib. 13.

(d) Conf. MAVRICÆI cap. de Sectione cæsarea.

(e) Vid. GVILLEMEAV lib. de art. obstetric. cap. de sect. cæsarea.

(f) Conf. Carol. STEPHANVS Lib. III. de different. part. corp. human. cap. 1. Horat. AVGENIVS Lib. V. Epistol. 2. Jo: SCHENCKIVS observat. lib. IV. GVILLEMEAV lib. de art. obstetric. loc. cit. Jo: Valent. ANDRÆ Selenia Augustalia, pag. 361. ubi *gemelli pueri* vivi ex matre, ictu sclopeti interempta, exsecti sunt. Ita & apud VIARDELIVM lib. de art. obstetr. lib. 2. cap. 24. VOELTÈRVUM lib. de art. obstetr. lib. 2. cap. 13. itemque apud MAVRICÆVM obs. 26. 251. 315. 343. 374. & 593. ejusmodi exempla leguntur. PVRMANNVS in Chirurg. curiosa Part. II. cap. 10. ex utero feminæ mortuæ *masculum vivum* sectione extrahit, qui etiam sanus superest fuit. Similis casus in Ephem. Nat. Cur. cent. III. obs. 57. pag. 136. legi potest.



(a) & foetum, si forte *in cavo abdominis*, vel *ex rupto utero*, vel ob aliam causam hæret, (b) educamus, quem postea; quia plerumque valde debiles, vino, aqua reginæ Hungariæ aliave simili naribus admota, spiritu halituque vel simplici, vel hausta prius aliqua portione vini vel spiritus vini, ori & naribus foetus inflato refocillare atque baptismatis fonte inundare, ligato simul; ut decet, funiculo umbilicali, oportet. *Sin vero in utero delitescit*, quam cautissime, ne foetus forte lædatur, & hunc aperire, foetumque, si vivus adhuc deprehenditur, protractum, & a funiculo umbilicali solutum, ut modo diximus, debita ratione roborare ac fovere convenit: atque sic operatio hæc tota absoluta est. Quod si forte *foetus in tuba fallopiana* vel *ovario*, ut quandoque contingit, hæreret, (c) hæc provide, aperto prius ventre, quoque essent aperienda & postea, sicut modo docuimus, procedendum. Attamen illud in hoc negotio curate prospiciendum est, *ne gravida animi forte deliquium passa*, pro *emortua* habeatur, atque adhuc viva temere incidatur, quemadmodum VESALIO accidisse ferunt; (d) sed ut revera mortua sit, antequam scalpellum corpori admoveatur; id quod ex motu partium corporis & præsertim cordis, pulsa arteriarum & respiratione prorsus ablati optime colligi, quam notissimum est, præsertim si & adstantes de morte nobiscum conveniunt. Quam rarissime enim & vix ex centum mille, qui a prudentibus, vel etiam a mediocri vulgo pro mortuis habiti sunt, vel semel fefellit, ut non vere mortui fuerint atque revixerint. Neque adhuc, quantum novi, ullum prostat exemplum, quod ejusmodi gravida pro mortua habita sub sectione revixerit, adeoque ille metus nos non facile a sectione deterreat. Imo si hoc etiam aliquando præter spem & expectationem contingat, Medicus inde nimium terreri non debet, quia scelus non commisit, & sectionem malo animo non instituit; sed ob foetum servandum eam pro cadavere incidit: ad quod faciendum partim ex religione, partim ex legibus, ut mox ostendemus, obligatur. Ac deinde quia adhuc spes est, ægræ vulnera, præsertim si *ventris sectio linea simplici* & in latere ejus, ut antea docuimus, instituta est, quemadmodum hoc alias sæpius in eis, quibus vivis & volentibus venter ad foetum extrahendum præmeditato consilio incisus est, feliciter factum, rursus sanari posse. (e) Nam si nimis diu expectatur, antequam ejusmodi mulieres incidantur, periculum in mora est; apta occasio elabitur,

(a) Jubent hic nonnulli, inter quos Carol. STEPHANVS & GVILIEMEAV, ut dum hoc agitur; vagina uteri interea ab obstetrice digitis *os vero bacillo ligneo aperta servantur*, quo foetus aerem spirare queat. Verum quia satis evictum est foetum in utero non respirare, sed ibidem sine respiratione vivere posse, hæc frustra fiunt, adeoque quia inutilia sunt, ea omittere præstat.

(b) Observarunt hoc STRAVSSIUS, BAYLIVS, SAVIARD, COVRTIAL, BIANCHVS, CALVVS, ANELIVS lib. de fistul. lacrymal. part. II. p. 294. Diar. Erud. Gallicum (conf. compend. nostri anatom. Nota 35.) Miscell. Nat. Cur. Dec. 2. An. V. obs. 63. Hist. Acad. Reg. Sc. Ann. 1716. Act. Acad. Nat. Cur. vol. 1. obs. 176. p. 397. PISTOR. diss. de foetu e rupto utero in abdomen prorumpente, aliique ibidem citati auctores quamplurimi.

(c) Exempla infra indicabuntur.

(d) Vid. ADAMI vitæ Medicorum.

(e) Hujus rei gratia Senatus Venetus, ut MELLIVS Lib. de arte obstetricia, cap. de partu cæsareo, mihi pag. 353. refert, lege fancivit, ne gravidæ mortuæ, vel pro mortuis habitæ decussata sectione incidantur, sed simplici, ut alias in sectione cæsarea, ubi mater adhuc vivit: ut mater, si forte reviviscat, facilius conservari rursusque sanari queat. Verba ipsa italica hic ut addantur, merentur. *Essendo che nelle donne, che muojono gravide sia alla creatura esistente nel ventre ogni dilazione pericolosa, perciò permettono pure sue Eccellenze di Medici sudetti, aprir, e far aprir l'istesse: (mentre vi è divieto rigorosissimo, che senza licenza sotto qualunque pretesto, non si possa aprir cadaveri de morti) da sufficiente chirurgo col taglio solito a praticarsi nel parto cæsareo, onde resti nel medesimo tempo preservata la creatura, e la Madre stessa, se per anco morta non fosse, ma solo oppressa da soffocazione isterica: E perchè tal operazione sia fatta da Medici e chirurghi periti in tali incisioni, debba il Collegio de' Medici portar al Magistrato di sue Eccellenze nota distinta dei più idonei, accid dei medesimi ne sia fatto rollo ed esposto a chiara intelligenza di ogn'uno nelle pubbliche spezierie.*



bitur, foetus vita interea, ut sæpius ex nimia timiditate factum est, perit, atque sectio postea frustra, amisso & neglecto foetu, instituitur, (a) Sunt etiam qui hanc sectionem gravidarum inutilem prænunciant; quia matrem mortua incerti sumus an foetus adhuc vivat; adeoque eam frustra sæpe institui atque hinc illam dissuadent; ne defuncta post mortem adhuc, ut vulgus ait, divexetur sive excrucietur. Utut vero haud negem, vitam foetus in utero sæpe sciri aut cognosci certe non posse, atque sic sæpius defunctas frustra incidi; tamen melius atque prudentius esse videtur, decies imo centies frustra gravidas ejusmodi incidere, quam semel foetum vivum ex negligentia incidendi matrem perdere, aut una cum matre viva sepelire.

III. In universum vero hic moneo, omnes gravidas mulieres defunctas pro- *Gravidas de-*  
 rinus & quam primum fieri potest, esse incidendas, & cum primis eas, ut jam *functas*  
 diximus, quæ partui sunt propinquæ, vel in ipso partu moriuntur: partim ut *omnes aperi-*  
 foetus eorum, si forte adhuc vivunt, in tempore vivi educantur, baptizentur, *re convenis.*  
 & conserventur, atque ex orci quasi faucibus eripiantur; partim etiam ut Me-  
 dici, chirurgi, atque obstetrices abdominis & uteri in gravidis figuram, magni-  
 tudinem, constitutionem, ac foetus in eo situm vel posituram, membranarum ha-  
 bitum, secundinarumque dispositionem & nexum cum utero inde cognoscere possint,  
 quo parturientibus aliis tanto melius postea succurrere easque juvare valeant;  
 partim etiam, quod DEVENTERVS addit (b) ut perspicui indi queat, utrum  
 obstetrix vel chirurgus obstetricans ineptus forte fuerit causa mortis parturien-  
 tis, an aliud quid; quo artem suam vel accuratius discant, vel &, si causa  
 mortis fuerint, a magistratu pro merito puniri queant. Adeoque merito nulla  
 talis femina mortua sibi relinquenda, ac diu cum ipsa cunctandum; multo mi-  
 nus sine sectione ventris una cum foetu forte adhuc vivo sepelienda, ut, prohi-  
 dolor! hinc inde adhuc fieri solet; quia foetus quandoque diu post mortem ma-  
 tris, ut antea jam docuimus, in utero adhuc vivere potest. Inhumanum enim,  
 barbarum, imo & a Christiana doctrina atque misericordia quam alienissimum  
 adeoque impium esse credo, foetum in utero delitescentem & adhuc vivum cer-  
 tissimæ in utero morti devovere, vel vivum prorsus, ut haud raro forte fa-  
 ctum est, una cum matre sepelire. (c) Quapropter merito inter Christianos &  
 quoscunque sanæ rationis homines a Principibus & quovis magistratu legibus se-  
 veris esse sancendum, ut omnes gravidæ defunctæ, non solum ante sepultu-  
 ram, ut leges jubent, (d) incidantur; sed potius mox post mortem, & qui-  
 dem quam primum id fieri potest, a peritis medicis aut chirurgis scalpello ape-  
 riantur, & foetus ex utero ipsarum eximantur, ne cunctando in utero quoque  
 emoriantur; aut sectionem prorsus omitendo cum matre vivi (quod quam  
 maxime detestandum, ac horrendum est) sepeliantur, vel quod idem esset, ac  
 ipsos juxta notissimum illud dictum: (*quem non servasti, dum potuisti, illum*  
*occidisti:*) interficere. Miserti propterea jam sunt miserorum atque innocen-  
 tium horum infantulorum, licet vera in Deum religione imbuti non fuerunt,  
 antiquissimi Reges romani: dum legem in ipsorum gratiam, quæ *lex Regia*  
 inde etiam appellata est, (e) sed profecto *christiana* imo *divina* merito dici pos-  
 set, sanciverunt, quæ præcipit, *ne mulier prægnans demortua sepeliatur, ante-*  
*quam foetus illi excidatur*, illumque necis reum judicat, *qui contra fecerit:* ad-

Heisteri Chirurgica Tom. III.

K

dita

(a) Ejusmodi exempla multa legi possunt apud Auctores, cum primis MAURICÆVM CORV-  
 TIAL, SAVIARD, ANELVM, MOTTIVM, in diss. nostra N. 1. citata, aliosque.

(b) Lib. de arte obstetr. parte II.

(c) Conferri hanc ob causam potest, VATERI diss. de partu hominis post mortem matris.  
 ALBINVS de partu difficili; & La MOTTE Lib. IV. cap. XIII.

(d) Digestor. lib. XI. tit. 8. de mortuo inferendo & sepulcro ædificando.

(e) Vid. Digestor. Lib. XI. tit. 8. locum modo citatum.



dita ratione , quoniam *spem animantis cum matre peremisse videtur* . Ubi sine dubio voluerunt , ut hoc *justo tempore* , id est , brevi post obitum matris , quia plerumque , ut experientia docuit , diu non supervivunt , fiat . Interea licet plerique Jureconsultorum æquitatem & sanctitatem hujus legis agnoscant , (a) nescio tamen quo malo fato lex hæc adeo sancta nusquam fere hodie apud Christianos colatur aut observetur , quasi nihil prorsus hac de re in corpore juris propositum legeretur . (b) Principes quidem & magistratus necis reus agunt & puniunt meretrices , quibus infantes vel ob neglectam funiculi umbilicalis ligaturam , vel ob aliam negligentiam moriuntur , & , meo quidem judicio , recte . Sed propterea mirum mihi videtur , cur non etiam illos puniant , quorum culpa vel negligentia miseri hi infantes , quorum matres moriuntur , in utero pereunt , qui sæpe servari possent : (c) cum non minus de vita innocentis infantuli in hoc agatur negotio , quam in illo . Adeoque merito una eademque , mea quidem sententia , utriusque delicti ratio esset habenda . Atque nihil sane ab officio suo alienum principes atque magistratus quicumque facerent , si quam solertissime providerent , ac præciperent , ne qua mulier prægnans ante vel in partu defuncta , nisi protinus inciso ipsius alvo & utero , terræ mandetur . Sed latius de hoc ipso argumento in illa exposui dissertatione ; quam modo jam N. r. citavi , & qua exemplis & rationibus prolixius docui , *Fœtum ex utero matris mortue mature exscindendum esse* . Conferri etiam potest & ea dissertatio juridica , quæ de *jure Embryonum* Jenæ A. 1716. sub præsidio Cel. Icti WILDVOGELII quondam prodiit ; itemque NYMMANVS & WINCKLERVS de vita fœtus in utero ; GVILLEMEAV , PARÆVS , HILDANVS , SCVLTVS , PAVCVS , (Mr. Peu) MAVRICEAV , VOELTERVS , DEVENTERVS ac MOTTIVS (la MOTTE) itemque MELLIVS in lib. de arte obstetricandi variis in locis , aliisque quamplurimi , qui hac de re jam egregie , licet frustra , præceperunt .

IV. Quando vero mater gravida adhuc viveret , fœtus mortuus esset , nulla vero spes reliqua ipsum per vias naturales nasci aut educi posse , sicut verbi gratia fieri solet , quando indicia adessent fœtum vel in tuba Fallopiana vel in ovario , vel in ipsius abdominis cavo hære , (d) quemadmodum hujus generis exempla a variis observata sunt , (e) vel forte in hernia quadam extra ventrem ; quale exemplum SENNERTVS (f) & HILDANVS descripserunt (g) vel si callus , vel scirrhus , vel tumor , & exostosis circa os uteri vel in vagina adesset , qui

Alter casus  
in quo sectio  
cesarea in-  
stituitur  
matre viva  
& fœtu mor-  
tuo .

(a) Vid. FELTMANNVS de non humanda muliere , quæ uterum gerit , lib. de cadavere inspicendo , mihi pag. 106.

(b) HILDANVS quidem in oper. latinor. pag. 905. & seqq. in Epist. de hernia uterina asseverat legem illam regiam in patria sua : ( i. e. in Helvetia : ) ut plurimum observari , verum in aliis regionibus , quantum ego saltem cognoscere potui , hodie vix a magistratu de ea observanda vel saltem cogitatur , sed gravidæ defunctæ sine sectione sepeliuntur .

(c) Pertinet huc illud exemplum quod MAVRICEAV obs. 345. recenset , ubi pater noluit , ut filia in partu defunctæ venter incideretur , atque fœtum sic sua culpa & voluntate perire voluit , id quod severe puniendum esset . Ita & hic Helmstadii frater noluit , ut in partu defunctam sororem inciderem , sed sclopeto , si ædes ejus ad sororem incidendam intrarem , me interficere pessimus voluit , atque sic fœtus quoque periit .

(d) Indicia præcipua hæc , præter communia graviditatis esse possunt , quando partus doloribus præsentibus vel prægressis , nulla tamen oris uteri apertura & aquarum fœtus fluxus percipitur aut perceptus est , ac simul fœtus in altiori vel laterali magis abdominis parte isque magis distinctæ , præsertim secundum diversas ejus corporis partes , caput scilicet , brachia , pedes &c. percipitur , quam alias vulgo fieri solet . Conf. WELSCHII nota in caput de sect. cæsar. Scip. MERCVRII : PISTOR diss. de fœtu rupto utero in abdomen prodeunte . Diar. erud. Paris. An. 1722. mens. Junio. SAVIARD. obs. chirurg. obs. 60. DIONIS dissert. de generatione .

(e) Conf. hanc ob causam compend. anatom. nostr. Notam 35. edit. IV. pag. 83. de fœtibus extra uterum .

(f) In Institut. Med. Lib. II. Part. I. cap. 9.

(g) In oper. latin. p. 903. Epist. de hernia uterina .



qui exitum five extractionem foetus impossibilem redderet ; (a) vel si nimia partium naturalium five ob coalitum vaginæ non emendandum , five ob callum five ob ossium pubis malam conformationem , ut in nanis præsertim mulieribus interdum contigit , (b) occurreret angustia , (c) ut foetus propterea ex utero ejici non posset , prægnans vero ob dolores vehementissimos , qui sæpe adfunt , vel ob convulsiones vel ob sanguinis vehemens profluvium , aliasve graves ob causas viribus exhauriretur , atque periculum mortis inde immineret , tunc sectionem hanc , licet veteres in vivis eam haud instituerint , & multi recentiores eam damnent , (d) omnino necessariam esse judico , ne & mater inde una cum foetu pereat . Nam profecto tunc extractio per vias naturales , quam MAVRICEAV præsectione cæsarea in quovis partu præter naturam commendat , (e) hic non succedit . Igitur in omnibus ejusmodi casibus ; ubi foetus per vias ordinarias educere impossibile est , ( utpote de quibus casibus hic potissimum sermo & quaestio est ) durum quidem & anceps , sed unicum tamen remedium est , ventris gravidæ incisio , si matrem a foetu hoc & morte mox imminente liberare volumus ; quemadmodum apud varios scriptores fide dignos fausta peractæ hujus sectionis exempla leguntur : (f) ita ut hoc sit sensibus & experientiæ obloqui , quando MAVRICEAV scribit , hanc sectionem semper matri esse lethiferam , (g) quamque etiam ob causam ab ipso LA MOTTE ; (h) reprehenditur , licet huic operationi non adeo faveat , aliisque in rebus peccet , atque in optimis quibusdam occasionibus eam rejiciat .

V. Interea tamen licet fausta non pauca ejusmodi exempla prostant , & quamvis etiam ventris & uteri sectionem defuncta matre , imo & tunc in matre quoque viva admittant fere omnes , si natura viam per tumorem , & dolorem & abscessum in loco quodam ventris , ut in latere quodam vel circa umbilicum , demonstret , quemadmodum plures auctores hujusmodi casus felices plerumque eventus , notarunt , (i) quia hic parum vel nihil sanguinis profunditur , & foetus tunc plerumque tantum in tuba Fallopiana , vel ovario , vel cavo ventris hæreere solet ; tamen eam Medici & Chirurghi quidam præstantissimi admittere nolunt ,

Rejicitur a multis certis in casibus.

(a) Quales casus quoque ab HILDANO loco modo citato , itemque in Act. Erud. Lips. An. 1693. pag. 229. VATERO in diss. de partu cæsareo , Vitebergæ An. 1695. edita , ( ubi vaginæ canalus ex ulcere prægresso totus erat callosus , relicto solum foraminulo pisi magnitudine : ) aliisque describuntur .

(b) Exemplum vid. in SAVIARDI obs. 114. itemque apud VOELTERVM lib. de art. obstetric. mihi pag. 112.

(c) Cujusmodi exemplum BVLOVIVS libro de sectione cæsarea , ac VATERVS dissertatione modo citata , referunt , ubi operatio cæsarea feliciter successit . MAVRICEAV contra simile refert exemplum obs. 26. ubi vero matrem & foetus ob intermissam hanc sectionem misere & impie perdidit ; id quod & SAVIARD fecit obs. 114. & plures alii . Sed hac de re inferius plura .

(d) Ut PARÆVS , GVILLEMÆVS , ROLFINCIVS , SOLINGEN , MAVRICEAV , LA MOTTE .

(e) Lib. de art. obstetr. cap. de partu cæsareo .

(f) UT ROSSETVM , BAVHINVM , Matthiam CORNACEM , SENNERTVM , HILDANVM , CYPRIANVM , LANKISCHIVM , SAVIARDVM , RONHVSIVM , RVLOVIVM , aliosve infra nominatos , itemque Acta anglicana , gallica & germanica &c.

(g) Observat. de gravid. obs. 94.

(h) Lib. IV. de art. Obstetr. cap. XII.

(i) Vid. hac de re BARTHOLINVS de insolitis partus humanis viis , ROSSETVS de partu cæsareo , LANGIVS Epist. 39. Lib. 2. HILDANVS Epist. de hernia uterina in oper. pag. 905. RONSEVS Epist. 1. ANELVS suite de la fistule lacrymale pag. 294. RVYSCHIVS in cur. poster. pag. 30. Acta anglicana variis in locis & ex his etiam Act. Erud. Lips. An. 1703. pag. 143. & plures alii scriptores . Maxime vero notatu dignum est illud exemplum , quod celebris quondam Medicus Batavus Abrah. CYPRIANVS in peculiari quadam epistola , quæ historiam exhibet foetus post XXI. menses ex uteri tuba , matre salva & superstite excisi , itemque illud , quod in annal. Acad. Jul. Semestri XII. p. 23. & seq. An. 1727. descriptum est , de quo vero inferius plura . Unicus fere MOTTIVS est , qui contrarius esse videtur ; dum in prolixo suo opere nihil de hac re docet aut proponit .



lunt, & tanquam nimis crudelem ac barbaram, imo matri semper exitialem five mortiferam non modo dissuadent, sed prorsus damnant, *quando fœtus in utero hæret & nullus abscessus se manifestat*: inter quos præcipui sunt, GVILLEMEAV, (a) MAVRICEAV, (b) ROLFINCIVS, (c) SOLINGEHIVS, (d) quia mortem matris (quæ tamen ob aliam causam sæpe incidere potest) se inde semper observasse referunt: adeoque nonnulli horum illos Medicos, qui hanc operationem fœtu in utero existente, aut nullo abscessu sese manifestante, suadent vel instituunt, *crudeles & temerarios appellare non verentur*: quia fœtus potius per viam naturalem five manibus five ferramenti esset extrahendus, quam ut inciso ventre & utero, summo matris periculo vitæ per sectionem cæsaream extraheretur. Hos vero sine sufficiente causa illud ipsum facere & ratio & experientia prudentissimorum quorundam & Medicorum & Chirurgorum demonstrant; & cum primis ROSSETI ac BAVHINI, (e) SENNERTI, (f) HILDANI, (g) FIENI (h) SCVLTETI, (i) SCIPIONIS MERCURII, (k) RONHVSI (l) RVLOVII, (m) LANCHISCHII, (n) SAVIARDI (o) JOBERTI: (p) LA MOTTE (q) TEICHMEIERI (r) & aliorum, qui eam matre superstite feliciter successisse testantur.

*Difficultas  
& necessitas  
ejus perpen-  
ditur.*

VI. Ancipitem quidem, fateor, maximeque dubiam ac periculosam esse hanc operationem pro matre, præsertim quando fœtus ex ipso utero est excindendus vel abscessus nullus se se manifestat; *ita ut sine summa necessitate eam non instituendam esse censeam*: interea tamen subinde eam necessariam ac utilem esse partim ex jamjam dictis, partim ex mox dicendis satis patere existimo GOVEVS quidem (s) unus ex recentioribus chirurgicæ artis inter Gallos scriptoribus, una cum ROSSETO, SCIPIONE MERCVRIO (t) & WELSHIO (u) sectionem cæsaream nec difficiliorem nec periculosiorem calculi sectione esse contendit, & feliciter quoque eam sæpius, si modo rite instituatur, adhibitam esse, adductis in medium exemplis defendit. Cui vero ego graves ob rationes, atque observationes PARÆI, GUILLEMÆI, ROLFINCII, MAVRICÆI ac SOLINGENII (x) frequentes ejus infaustos successus demonstrantes, & speciatim ob periculum nimix sanguinis profusionis ac gangrænæ periculique vulnerum uteri, præsertim in gravidis, CELSO jam perspecti, lib. V. cap. 56. consentire promiscue non possum, MAVRICÆVS quidem, ut supra jam monui, cum aliis quibusdam vult, *fœtum mortuum potius semper per vias naturales,*

*ma-*

- (a) Lib. de arte obstetricia de sectione cæsarea.
- (b) Lib. de eadem arte Lib. II. cap. 32.
- (c) Obs. anat. Lib. I. cap. 13. pag. 182.
- (d) Oper. chirurg. cap. de sect. cæsarea.
- (e) Lib. de partu cæsareo.
- (f) In Instit. Medic. & praxi medica.
- (g) Epist. de hernia uterina; in oper. pag. 897.
- (h) In libris chirurg. cap. VIII.
- (i) Armam. chirurg. tab. de partu cæsareo.
- (k) Lib. de arte obstetricandi cap. de partu cæsar.
- (l) Lib. 2. observ. chirurg. 1. de morb. mulier.
- (m) Lib. de sect. cæsar.
- (n) Vid. Act. Erud. Lips. An. 1693. pag. 229. & Misc. Nat. Cur. Dec. III, An. 2. obs. 17. item-  
que VATERI diff. de partu cæsareo.
- (o) Obs. chirurg. obs. 69.
- (p) Diar. erud. Paris. An. 1692. & 1693.
- (q) De art. obstetric. lib. 4. cap. 12.
- (r) In Instit. Medicinæ forensis pag. 18.
- (s) In chirurg. sua pag. 431.
- (t) Libris supra jam citatis.
- (u) Libro Germanic. de arte obstetr. cap. de sect. cæsarea.
- (x) Locis supra jam citatis.



*manibus aut instrumentis esse evellendum, quam ad sectionem cæsaream, periculosa illam operationem, accedamus, (a) ubi ego quidem, quotiescunque hoc fieri potest, his omnino consentio, minimeque probo illorum chirurgorum temeritatem; qui sectionem ventris instituerunt, ubi foetus per vaginam educi potuisset, licet operatio illis quandoque feliciter successerit. (b) Verum quia casus haud raro occurrunt, quorum supra jam multos indicavi, ubi foetum per consuetas vias extrahere impossibile est, & matri sæpe ob foetum ventre contentum, gravissimum mortis periculum imminet, tunc sane barbarum & impium esse credo miseram mulierem, quæ nostrum auxilium anxie implorat, aut saltem eo maxime indiget, deferere; (c) sed potius *extremis malis extrema esse judico opponenda remedia*. Nam profecto melius tunc est ex sententia quoque summorum Medicinæ parentum, HIPPOCRATIS scilicet & CELSI, *anceps experiri remedium quam nullum*, aut ægras in deploratissimo illo statu, sub maximis cruciatibus relinquere ac certæ morti devovere, (d) ubi adhuc spes ægras servandi, ut exempla fausta docent, superest. Alii qui quidem agnoscunt dari casus, ubi per vias ordinarias foetus ejici nequeat, tamen suadent, si per vias consuetas educi non posset, *rem potius naturæ esse relinquendam, (e) quam ut tam periculosa sectioni ægros exponamus: quia natura sæpe vias quæreret & pararet per abscessum in ventre, umbilico, inguine (f) vel intestino re-cto, (g) per quem tandem minori periculo foetum putrefactum expelleret, quam is per ventris sectionem educi posset; quibus quidem & ego assentio, quando & quamdiu, ut quandoque fit, gravidæ inde nullum vitæ periculum imminet. Contra quando periculum instat, quia nimis diu expectando matri nocemus, imo eam quasi interficimus, ad extrema quoque remedia, cumprimis quæ aliis jam profuerunt, confugiendum esse censeo, ne ægram, cui adhuc, dubio licet auxilio, succurri possit, fato certæque ac miserrimæ morti relinquamus. Nam profecto Medicus tum demum suo officio satisfecisse & conscientiam suam liberasse mihi videtur, quando omnia fecit, & nihil omisit, quod proficuum esse scit, & quod aliis in ejusmodi casibus profuisse cognovit; quicquid etiam nonnulli objiciant atque contradicant: præsertim quando gravida ipsa, cui vita cara, & quæ *anceps remedium experiri mavult quam nullum*, hoc desiderat. (h) Sunt qui fatentur se hanc operationem propterea non suscipere,**

ne

(a) Lib. citato cap. de sectione cæsarea.

(b) Ad hunc censum pertinet exemplum in Diar. Erud. Paris. An. 1693. itemque a MOTTIO cap. de partu cæsareo relatum, aliaque plura.

(c) Ita injuste fecisse arbitror Medicos illos, qui curam habuerunt illius mulieris, de qua SAVIARD. observ. 114. refert: ubi cognoverunt, impossibilem esse partum, ob nimiam viarum angustiam, & tamen nullam sectionem instituerunt; sed matrem & foetum simul mori permiserunt. Conf. ejusdem obs. LX. ubi gravida sectionem desideravit, sed eam tamen non instituerunt.

(d) Ita agit & faciendum suadet MAVRICEAV loco, ubi de partu cæsareo differit, ut & hinc inde in observ. suis, itemque MOTTIVS alique, sed male.

(e) Van HORNE in microtechnæ, ubi de partu cæsareo.

(f) Exempla supra indicata sunt N. V.

(g) Vid. exempla apud ROSSETVM & BAVHINVM, lib. de partu cæsareo, itemque apud TVLPIVM lib. 4. obs. 4. & BARTHOLINVM de insolitis partus humani viis. Sic & a LITTRIO in Memor. Acad. Reg. Scient. Paris. An. 1702. itemque a BECKERO Pædioctonia inculcata pag. 49. foetus per anum extracti historia describitur. Haud pridem etiam Blancoburgi in vicinia nostra simile exemplum est observatum, quod a viro fide digno illius loci mihi relatum est, atque etiam a DIONYSIO diff. de generatione exempla referuntur.

(h) Exemplum, ubi mater sectionem ventris ob summos cruciatus in partu desideravit; quam vero chirurgi Nosocomii Parisini, quod *L'Hotel Dieu* vocant, pessimo consilio ex prava hypothesi neglexerunt, cum matris & foetus, qui ambo vel saltem alter eorum conservari potuissent, subsecuta tandem post XIII. vel XIV. dies miserabili morte, legi potest, in SAVIARD. obs. LX. Alia quæ anxie sectionem ab HILDANO desideravit, in epistola ejus de hernia uterina commemoratur.



ne si res præter spem male succedat, famæ detrimentum patiantur. (a) Verum nimis inanis & levis tanto in negotio hæc mihi videtur excusatio, quæ virum bonum, mea quidem sententia, haud decet, multo minus Medicum Christianum: utpote qui recte faciendo neminem, & potissimum vulgi aut malevolorum calumnias haud timeat. Nam

Conscia mens recti famæ mendacia ridet, atque pessimum profecto facinus ii mihi committere videntur, qui, ne quam forte dubiam adhibeant curationem, unde aliquod famæ detrimentum pati possint, certissimam & matri & foetui mortem inducendam esse sustinent. Adeoque omnia ea semper a Medico facienda sunt, quæ ad conservationem ægrorum in universum & cumprimis ejusmodi miseræ ac tristissimæ mulieris conferre posse videntur. Quin imo MOTTIVS: (La Motte) certas operationes in mulieribus & nominatim foetus extractionem ex utero etiam invitis gravidis aliquoties perfecit, (b) eam ob causam, ut eas ab imminente morte liberet: adeoque eas vi a robustis quibusdam hominibus contineri ac firmari jussit, quo foetum male situm extrahere voluerit. Quod si hoc licitum atque justum esse existimat: quæri hic merito potest, an non etiam salva conscientia ejusmodi gravidam, ubi foetus non nisi per ventrem extrahendus, vi eodem modo cogere liceat, ut quod ad ipsam servandam prudentes Medici necessarium cognoscant, perferat, si ultro id forte perferre recuset? Ego profecto ab hac sententia non sum alienus; attamen adhuc magis illis in priori casu succurrendum esse existimo, quando ultro, imo anxie, sectionem desiderant.

Qualis sit  
apparatus,  
si hac opera-  
tio insti-  
tuenda in  
matre viva.

VII. Quare si misera & infelix ejusmodi sectioni sese submittere velit, aut eam ipsa expetat, probe perpendendum prius hic est an vires adhuc sint. Si enim hæc jam nimis collapsæ, & ægra jam nimis debilis, atque extrema jam frigida, cum sudore frigido, verendum, ne vel mox post sectionem moriatur, atque sic causa mortis ab imprudentibus aut malevolis sectioni ac chirurgo tribuatur, adeoque hoc in statu sectio hæc potius omittenda, ne, ut CELSVS ait (c) eam interfecisse videatur, quam fors sua peremit. Quando autem vires adhuc vigent, atque spes est vel utrumque vel alterutrum servandi, ea omnino instituenda est. Quæ vero ut rite fiat, considerandum primo quid ante operationem, deinde quid in ea, & denique tertio quid post eam faciendum. Ante operationem instrumenta colligenda: quæ sint scalpellum rectum, cumprimis tale, quod in manubrio firmum est, quale Tab. XXX. fig. 8. exhibetur, vel tale, quali in anatomicis sectionibus uti solemus, vel novacula etiam, vel aliud simile, ac deinde & unum, si lubet, ex illis mucrone obtuso donatum, quæ Tab. V. repræsentantur, itemque forfex cuspide obtusa una cum acubus curvis, filis robustis vel funiculis, ut in gastrographia, instructis, spongia una vel altera probe munda, cum vino calido, aut decocto quodam vulnerario calido, in vasculo quodam contento, & deligationis apparatus, qui consistit in linamentis carptis, emplastris spleniis, & fasciis probe præparanda & aptanda sunt, non neglectis remediis roborantibus internis & externis ori ac naribus, si opus, admovendis. Deinde his omnibus extra gravidæ conspectum rite dispositis, ægra, emissa prius urina, ne vesica ab urina distenta scalpello facile lædatur, in situm idoneum, vel in mensam vel lectum in medio conclavis supina est collocanda, ut ministri & juvantes commode accedere queant, animus ipsi blandis piisque verbis est excitandus, facies contegenda, ne conspectu ferramentorum rerumque agendarum terreatur, ac denique robustis aliquot, minimum quatuor personis & brachia & crura

(a) Ut ROLFINCIUS obs. anatomicis, SOLINGIVS cap. de partu cæsareo, aliique.

(b) Lib. IV. cap. VII. de arte obstetric. itemque cap. XII. obs. 345.

(c) Lib. V. cap. 26.



crura ejus ut immora jaceat, probe firmanda, vel &, si lubet, liganda (a).

VIII. Tum chirurgus ad latus agræ, quod commodissimum ipsi videtur, stans scalpello recto e latere externo musculi recti (b) vel in loco interumbilicum, & eminentiam ossis ilei superiorem & anteriorem medio (c) ubi hydropicis ventris pro aquis educendis hodie perforari solet: qui adhuc aptior mihi videtur:) recta plaga per cutem primo & pinguedinem octo vel decem circiter pollicum longitudine, & deinde etiam per musculos obliquos atque transversum, ac denique, idque quam cautissimo, per peritonæum: ubi tamen quam maxime chirurgo observandum, ut priori hoc scalpello non nisi exiguam plagam sive aperturam in peritonæo efficiat, nequid temere intus lædat, ac tandem vel immisso altero scalpello, stylo obtuso vel globulo circa cuspidem munito; (Tab.V.) vel etiam forcice vulnus uberius diducat; vel etiam, præsertim si ultima ferramenta præsto non sint, aut si chirurgus aliter, paucioribus scilicet instrumentis, agere mallet, per plagam digitum in ventrem immittat, atque hujus ope vel ductu priori scalpello, vel forcice etiam, si lubet, vulnus, quantum pro foetu educendo satis videtur, dilatet, summa adhibita cautela, nequid aliud intus lædatur, id quod descriptis modo rationibus egregie fieri potest. Ventre satis aperto, ubi foetus hæret, probe perspiciendum est. Qui si in abdominis cavo extra uterum forte situs deprehenditur, quemadmodum subinde fieri solet, (d) sine ulterioribus ambagibus mox una cum secundis educatur. Sed si foetus in tuba Fallopiana (e) vel in ovario hæret, hæc etiam provide incidenda & foetus una cum placenta extrahendus. Sin vero foetus in ipso utero delitescit, gravior casus est, ob periculum vehementioris sanguinis profluvii & gravioris læsionis uteri; cujus vulnera jam ab antiquissimis temporibus valde periculosa, præsertim in gravidis, observata sunt. (f) Interea tamen quia aliter educi nequit, & hic secundum longitudinem est incidendus ac postea etiam foetus membranæ, donec pro foetu extrahendo satis pateant. Ejectis postea foetu & secundis & hic & in præcedenti casu sanguinis in ventrem effusus spongiis vino vel decocto vulnerario calido imbutis expurgandus, ejusque nimia, si forte adesset, effusio, tandem spiritu vini rectificatissimo, qui linamentis eo ipso imbutis vulnere uteri est immittendus atque imponendus, cohibenda, oraque venarum majorum in uteri vulnere simul digitis, interventu ejusmodi linamentorum tantisper comprimenda, donec profusionem sanguinis cessare, vel saltem valde imminui animadvertimus. Ubi vero simul monemus, mulieres in partu & post eum ingentem sanguinis copiam sine periculo mortis sæpe amittere posse; adeoque paulo largior profusio chirurgum mox terrere non debet, præsertim si vires & animus adhuc consent. Itaque post ali-

(a) Conf. SCVLTEI Tab. XLII. in Armamentario. Scipio MERCURIUS alium delineat statum, pag. 196. qui vero mihi minus idoneus videtur.

(b) Conf. SCVLTEI Tab. XLII. in Armamentario.

(c) Incisio, ne in musculis abdominis rectis fiat, plerique ob vasorum epigastricorum, quæ sub eis sita sunt, læsionem serio prohibent. ROONHVYSIUS tamen eam sine periculo hic fieri posse docet & figuris rem illustrare satagit in observat. de morb. Mulierum. Ita & LANCKIUS incisionem suam pollicis latitudine e regione umbilici instituit & ægra sine ullo gravi Symptomate brevi convaluit. Vid. loca supra citata. Interea tamen loca modo indicata his præferenda esse arbitror.

(d) Vid. BARTHOL. Cent. VI. obs. 92. FAVSI apud Stræussium pag. 37. ROONHVYSEN. obs. chir. lib. 2. pag. 21. SOLINGEN. chir. pag. 776. Van der WIEL. Part. 2. obs. 30. MAVRICEAV obs. 251. DYONIS. diss. de generatione; obs. nostra in Act. Acad. Nat. cur. Vol. I. obs. 176. & PSTORIS diss. de ruptura uteri, ubi res eleganti figura illustratur. Ita & MAVRICEAV. SAVIARD, La MOTTE alique ejusmodi exempla recensent.

(e) Exempla legi possunt in HILDANI epist. de hern. uterina. HORNII Microtechnæ, Act. Anglican. N. 48. ELSHOLZ. Misc. Nat. Cur. An. 4. & 5. CYPRIANI jam citata epistola. DYONIS. Anat. Demonstrat. IV. & diss. de generatione.

(f) Vid. CELSVS lib. V. cap. 26. BOHNIVS de vulner. lethala.



aliquod temporis intervallum ( quo ægræ induciæ dantur, ut animum aliqua ratione recolligere & roborantibus paululum refici queat: ) linamenta vulnere immissa blande rursus eximantur, venter spongiis calidis denuo expurgetur; partes vero vulneratæ internæ non suantur, ut olim nonnulli docuerunt; sed, immisso prius balsamo copaive aliove simili, naturæ relinquantur: quia uterus sensim se rursus constringit, oræ vulneris coeunt, atque tandem etiam, nisi alia forte causa curationem prævertat, glutinantur.

Quid post  
operationem  
faciendum.

IX. Ventris vero plaga ea prorsus ratione, quam supra capite de gastroraphia proposuimus (a) duabus tribusve futuris, eique etiam in parte inferiore turunda paulo major, vel fistula sive cannula major, pro apertura apta conservanda, immittitur; per quam non solum humores effusi & noxii, quicunque intus & uteri vulnere vel restabant, vel sensim adhuc effunduntur, possint effluere; verum etiam ope injectionum, ut in pectoris aliisque abdominis vulneribus docuimus, quotidie expurgari queant. Atque ea ratione tam diu continuatur, donec oræ vulneris glutinatæ conspiciuntur, ac nihil puris aut alieni humoris amplius e vulnere externo effluit; id quod vulnus internum consanuisse indicat: ubi postea fila suturarum refecantur atque extrahuntur, omisssaque turunda aut fistula, balsamo vulnerario atque emplastris glutinantibus externum quoque vulnus sensim glutinatur. (b) Quod ad situm ægræ in lecto post operationem attinet, plerique scriptores volunt, ut dorso semper incumbat. Mihi vero, præsertim si sectio in latere ventris facta est, melius videtur, si ægra, quantum quidem fieri potest, vulnere, sicut in vulneribus abdominis fieri iussimus, sedulo incumbat, ut sic pars humorum noxiorum intus collectorum non solum per vulnus externum continuo, ac sensim sensimque effluere atque veluti transfudare; verum vulneris quoque oræ facilius glutinari queant; id quod commodius fieri potest, si plaga est in latere, quam si est in anteriori aut media ventris parte. ROSSETVS etiam pessarium Canaliculatum utero immitti vult, ut sic sanguis ex eo facilius evacuetur. Insimul vero prudens Medicus idoneam vitæ rationem, atque aptissima remedia interna, quemadmodum in graviter vulneratis alias fieri solet, præscribat & continuet, donec ægra convalescat: id quod in LANCKISCHII ægra sexta continebat hebdomade. Quilibet sane ex dictis facile intelliget, hanc operationem, præsertim ubi uterus tam amplo vulnere aperiendus, perquam esse periculosam: attamen quia multa prostant exempla earum, quæ hac ratione servatæ sunt, quibus alias secundum omnia indicia brevi fuisset moriendum; neque alia melior sæpe constat, qua miseris hisce succurri possit, sed unicum hic sectio sæpe sit remedium, præstat profecto, mea quidem sententia, anceps experiri remedium, ubi alia secuta ratione a mortis periculo liberari nequeunt, quam miseras istas mulieres, quæ anxie sæpius auxilium efflagitant, (c) & quæcunque potius ex amore vitæ perferre atque experiri malunt, certissimæ morti multisque adhuc antea perferendis cruciatibus accal-

(a) Part. I. Lib. I. cap. V. pag. 59.

(b) Ita quidem plerique volunt & docent, ut vulnus ventris futuris per acus jungatur. Sed dum rem hanc paulo curatius perpensi, atque vidi alia vulnera abdominis directæ ( vulgo longitudinalia ) futuris ejusmodi cruentis ut plurimum non indigere, & ab iis a recentioribus excipi, quæ suenda sunt, quia oræ ipsorum emplastris & ampla fascia uniente rite injecta plerumque probe jungi continerique possunt: hinc etiam his in casibus nos sæpe futuris illis haud indigere, si deligatio rite instituatur, existimo. Imo & ipse jam ROSSETVS, usu edoctus, eas non valde necessarias esse reputavit; Conf. & BAVHINVS de exsect. fœtus vivi pag. 17. & 49. & 157. adeoque deligatio, ut in similibus directis vulneribus aliis supra pag. 95. docuimus, fieri posset. Quod si vero hæc non sufficere videatur, tandem futuræ cruentæ essent injiciendæ. Nonnulli etiam ante sectionem atramento lineas fieri volunt ubi & sectio & futuræ postea instituendæ; Verum quia a sanguine mox extinguuntur, supervacaneas imo & inutiles eas esse existimo.

(c) Vid. HILDANI obs. chir. cent. VI. obs. 63. & SAVIARD. observ. LX.



calamitatibus devovere, atque sine auxilio, quo aliæ servatæ sunt, relinquere.

X. Atque hæc de modo ordinario, quo foetus ex utero excinditur, dicta sufficiant. Incidunt vero subinde ejusmodi casus, ubi paulo aliter procedendum est, de quibus ut nunc exponamus instituti ratio postulat. Nimirum quandoque post aliquod tempus, quando foetus per vias naturales nec nasci, nec ex utero produci potuit, in parte aliqua ventris, & cumprimis circa umbilicum, tumor vel abscessus aliquis cum doloribus, plus minus acutis, se manifestat, sicuti factum est in eis exemplis, quæ ROSSETVS & BAVHINVS (a) itemque HILDANVS ex ALBVCASE, ALEX. BENEDICTO aliisque refert (b) ut & in illo, quod celebris quondam Medicus Batavus, CYPRIANVS memoriæ prodidit (c) itemque in eo, quod in annalibus Academiæ Juliæ semestri XIII. pag. 23. & seq. anno nimirum 1727. descriptum est, (d) ubi tumor & abscessus mox juxta umbilicum in musculo recto, sicut in plerisque exemplis præcedentibus, sese exhibuerunt, atque perfecti, at putrefacti, foetus ossa, quæ omnia adhuc asservo, ex aperto tumore, salva adhuc matre, exempta fuerunt. In talibus, inquam, casibus commodissimum maximeque aptum incidendi locum esse existimamus, quem natura indicat; quia sub eo plerumque & foetus & corrupti humores, qui dolores miseris concitant; delitescunt, quibus hoc ipso commodissime exitus paratur. (e) Itaque si forte abscessus hic jam ruptus, ut quandoque contigit, sed exigua nimis apertura adest, hæc, ut in aliis abscessibus, vel ope specilli fulcati & scalpelli, vel loco specilli, ope digiti & scalpelli, vel etiam forficis beneficio, vel & eo quoque scalpello, quem Tab. V. fig. 3. delineavimus, prout lubet, quantum satis est, dilatanda; foetus vel ossa foetus a putrefactione partium mollium relicta & quicquid forte vitiatum ibi deprehenditur, (f) digitis vel vossellis eximendum, humores vitiiati ejiciendi, ulcus idoneis medicamentis purgandum & denique, ut a laudatis scriptoribus propositum est, balsamicis glutinandum. Sed si nulla adhuc apertura in ejusmodi ventris tumore adest, attamen dolores aliave prava symptomata ægram in & circa hunc tumorem excrucient ac debilitent, cumprimis vero si pus in tumore, sicut alias in abscessibus, tactu perciperetur, ne ægra inde conficiatur, collatis cum aliis prudentibus artis Professoribus consiliis, abscessus sive tumor scalpello prudenter incidendus, satisque dilatandus, foetus vero vel ossa ejus, aut quicquid vi-

*Si fœtus per abscessum in ventre excidatur.*

*Heisteri Chirurgiæ Tom. III.*

L

tiati

(a) Lib. de partu cæsareo.

(b) In oper. pag. 907. Epist. de hernia uterina.

(c) In Epistola, quæ historiam exhibet fœtus humani post XXI. menses ex uteri tuba, matres salva & superstiti, excisi, supra citata.

(d) Plura ejusmodi exempla jam notavimus N. 2. hujus capituli, aliaque legi possunt in Ephem. Nat. Cur. Cent. VII. obs. 18. ROONHVYSIVS obs. 1. de morb. mul. DYONIS diff. de generatione: RVYSCH. cur. poster. p. 30. atque haud pridem etiam RVNGIVS, nobilis apud Bremense chirurgus, feliciter hanc operationem instituit, atque hac de re peculiarem libellum edere constituit.

(e) Miror hic MOTTIVM, qui tamen alias satis prolixè ac bene de morbis gravidarum & puerperarum egit, nihil prorsus de hac sectionis cæsareæ specie, de qua hic differimus, in libro suo proposuisse, nullamque prorsus de notabili illa CYPRIANI & quæ a DIONYSIO describitur, historia mentionem fecisse; cum tamen revera eis in libris, qui de morbis puerperarum, ad chirurgiam spectantibus, speciatim conscripti sunt, & quidem in auctoris hujus, quem perfectum vocat. ( *Traité complet des Accouchemens* ) hæc notatu adeo digna non omittenda essent. At videtur hoc inde oriri, quia auctor hic ex præjudicata opinione statuit, sectionem cæsaream nunquam fœtu mortuo instituendam esse, sed nos de vita fœtus certos esse debere: id quod vero sæpe fieri nequit. Quia igitur hæc præjudicata sententia multis ejusmodi mulieribus potest esse noxia imo lethifera, adeoque hanc aliasve affines species hic prætermittere nolui, ne nostra culpa pereant, quæ facili negotio servari potuissent.

(f) Pili etiam sæpissime & quidem subinde valde longi iisque etiam larga satis copia, mirabili ratione contorti & intricati, in tubarum conceptibus, ut multis exemplis probari potest, reperiuntur, quales & ipse asservo: qui unde & quomodo oriuntur, dictu haud adeo facile est.



tiati in eo deprehenditur, educenda, ulcus expurgandum, & denique, ut diximus, rursus glutinandum. In his casibus ventris futura non opus fuit; sed hæc vulnera sine futura, eodem modo, ut alii abscessus, sensim coaluerunt.

*Si fœtus per abscessum in ventre exitum molitur.*

XI. Quod si forte fœtus in hernia quadam uterina hæreat, quemadmodum in eo casu fuit, quem & SENNERTVS & HILDANVS, locis supra indicatis, proposuerunt, (qui tamen rari sunt) incisio in ipsa hernia sive tumore eaque satis ampla, est instituenda, & quidem primo per externa tegumenta & postea per ipsum uterum ac tandem per membranas fœtus: postea fœtus extrahendus, uterus a secundis liberandus, & vel mox, si fieri potest, vel post aliquot dies, quando sua contractione minor factus est, in ventrem refundendus, & cetera, ut supra diximus, facienda. Chirurgus in hoc SENNERTI & HILDANI casu uterum non reposuit; cutem vero futura mox conjunxit: hinc factum forte mihi esse videtur, ut uterus postea reponi non potuerit & mater quarta hebdomade, fœtu licet salvo & superstite, obierit. Igitur melius forte fecisset, si futuram omisisset, & uterum in ventrem post aliquot dies, quando nimirum se contraxisset & minor factus fuisset, reposuisset: fortasse sic & mater servata fuisset. Quod si forte fœtus per intestinum rectum & anum exitum quaerat, id quod plerumque non nisi per frustra ossium, sicut in eis, quæ juxta umbilicum protracta sunt, fieri solet, quemadmodum tam ex historiis supra N. VI. jam indicatis, quam etiam ex exemplo, quod paucis abhinc annis in vicina urbe contigit, manifestum est, tunc frustra ossæa, quæ sponte non exeunt, digitis vel vossellis, vel uncis, vel forcipibus, caute eximenda, & ulcus intestini recti balsamicis postea glutinandum. Sed hæc proprie ad sectionem cæsaream non pertinent. Interea tamen si ejusmodi casus incidat, ut tanto melius curatio succedat, auctor sum, ut laudati modo scriptores, ubi de hac re agunt, propter casuum varietates diligenter legantur atque conferantur.

*Tertia occasio in qua sectio cæsarea instituenda.*

XII. Denique tertio sectio cæsarea etiam interdum instituenda venit, quando mater & fœtus simul adhuc vivunt; (a) sed certa indicia & causæ sive impedimenta adsunt, quæ fœtum per vias ordinarias neque nasci neque educi ullo modo posse demonstrant, (ejusmodi signa superius plura N. IV., unde repetenda, recensuimus) & cumprimis etiam quando vitium naturæ sive malæ conformationis adest in puerpera, quod manui chirurgi ingressum denegat. (b) Adeoque hoc in rerum statu & matri & fœtui, ut sæpe fieri solet, pereundum esset, nisi hac ratione succurratur. His quidem in casibus, licet multi sint & Medici & Chirurgi nimis timidi, (c) imo adhuc plures mulierculæ, qui hanc operationem, matre & fœtu adhuc viventibus, nimis barbaram ac crudelem proclamant, (d) atque ex intempestiva misericordia aut metu, vel & ex male fundata religionis hypothesi, quasi hoc impium esset, haud instituendum esse velint, matresque ejusmodi una cum fœtu, quorum sæpe alterum, si non ambo, conservare possent, quam certissimæ potius morti tradere, aut crudeli fato relinquere malint, (e) quam eis per nobile ac generosum auxilium vitam con-

(a) Hæc operatio nova est ac veteribus incognita: verum primum in Helvetia, ut BAVHILNVS in præf. libri de fœtus exsect. docet, An. 1500. instituta.

(b) La MOTTE in prolixo suo opere de arte obstetricandi, ceterum satis egregio, cap. de sectione cæsarea sæpe citato, admodum jejune & minus quam par est, de causis, ob quas sectio cæsarea necessaria est, differt. dum unicam solam illam esse vult, ubi ob vitium partium naturalium feminae manibus chirurgi ad uterum accessus denegetur, & simul certi simus de vita fœtus. Cum e contrario longe plures sint; ut si fœtus in tuba fallopiana, ovario, cavo abdominis vel hernia continetur &c. quamvis etiam is mortuus sit, ut multis exemplis & scriptoribus id supra probavimus.

(c) Conferri hic potest dissertatio nostra de Medico nimis timido. Helmstadii An. 1733. edita.

(d) Cumprimis MAVRICEAV & SOLINGENIVS locis citatis.

(e) Peccarunt hac in re sæpe, data opera MAVRICEAV, PAVQVS, La MOTTE. Vid. ejus lib. III. cap. 16.



conservare ; tamen magis pium , prudentius , atque cum religionis Christianæ institutis convenientius esse duco , (a) ut re probe perpensa , atque collatis prius , si fieri potest , cum peritis in arte salutari consiliis , sectio potius , ubi nullum aliud remedium superesse cognoscitur , instituat , quam ut certæ desperationi & mulier , vitæ cupida , & simul foetus , quem mater sæpe plus , quam propriam amat vitam , relinquantur , præsertim etiam quando *eiusmodi casus in summorum principum conjugibus occurrerent* ; ubi sæpe a prolis sive successoris productione multarum regionum gentiumque pax , vita & salus dependent ; quibus contra sine prole bella atrocissima , devastaciones urbium , clades , mortes atque integræ gentium ruinæ essent metuenda . (b) Hac enim operatione , iusto tempore instituta , vel mater vel proles , vel uterque subinde conservari possunt , (c) & sæpissime quidem proles , (d) quibus alias quam certissime esset moriendum . Profecto quamplurimorum virorum sive militum vita in bello pro salute patriæ sine hæsitatione exponitur : cur non etiam aliquando eundem in finem , si res id exigit , vita unius mulieris . Illi igitur nimis meticulosi Medici & chirurgi merito , si res rite consideratur , magis crudeles , barbari imo impii reputandi sunt , qui in eiusmodi casibus operationem hanc , quæ unicum tamen tunc auxilium est , præsertim si mulieres ipsæ , ut illa apud HILDANVM (e) & SAVIARDVM (f) sectionem expetunt , studio intermittunt , imo dissuadent , aut ob vanum metum , aut falsum Christianæ religionis prætextum , aut theologorum quorundam non satis circumsectorum aut meticuloforum falsam opinionem impediunt , matremque una cum foetu mori potius malunt , quam illi , qui nobile hocce , & quod unicum est , ipsis adhibere auxilium eoque vel utrique vel alteri saltem eorum vitam servare contendunt . (g) Vetus enim illud , pium atque christianum dictum , *quem non servasti , dum potuisti , illum occidisti* , quam verissimum esse atque ex duobus malis minus semper eligendum esse puto . MAVRICEVS fane , vir in arte obstetricia , si quis alius expertissimus , quantumvis alias operationi huic infensissimus , (h) temperare tamen sibi haud potuit , quin exemplum aliquod ejus in medium adduxerit , *ubi mater quidem post operationem hanc , ab alio chirurgo institutam , mortua est , sed foetus tamen feliciter servatus fuit* ; (i) cum sine ea & matri & foetui pereundum fuisset . Præstat itaque tam ex religionis Christianæ , quam ex sana rationis principiis unum servare , quando uterque servari nequit , quam ut ambo certe & quam certissime pereant , (K) qui tanquam a chirurgis illis , qui ipsos servare potuissent , & id non fecerunt , interfecti & occisi considerandi

L 2

sunt .

(a) Sunt inter Gallos , qui Facultatis Theologicæ Parisinæ conclusum sive sententiam adducunt , quæ hanc operationem haud licitam esse volunt , & propterea etiam eam intermittunt . Sed facile erit , si velinus , huic sententiam alius facultatis theologicæ , quæ eam licitam esse probat , aliorumque prudentum opponere ; verum hac de re infra plura . N. XVII. itemque in Cap. de partu difficili .

(b) Commendatur hanc ob causam etiam quam maxime a ROSSETO Sect. II. cap. 2. de partu cæsareo .

(c) Ut probavit ROSSETVS , BAVHINVS , ROONHVSIVS , SAVIARD. obs. 59. JOBERT. in diar. erud. Paris. An. 1639. GOVEVS in libr. supra jam cit. p. 434.

(d) Probarunt hoc observationes auctorum laudatorum & cumprimis PARÆI , HILDANI , ROONHVSII , MAVRICÆI , locis citatis .

(e) Obs. chirurg. cent. VI. obs. 63.

(f) Obs. chirurg. LX.

(g) Ita enim aperte scribunt & docent MAVRICEAV de part. cæsar. & la MOTTE lib. 3. cap. 6. aliique : *præstare ut ambo pereant , quam ut alter alterius morte servetur* , id quod revera durum & impium mihi videtur , & propterea etiam ab ipsis non semper observatum est , ut mox docebo .

(h) Ut patet ex locis supra indicatis aliisque .

(i) Dernieres observations obs. 98. PARÆVS etiam quinque eiusmodi exempla recenset .

(K) Ita & RIOLANVS Enchir. anat. Lib. 2. cap. 28. ait : *Præstat unum interire , quam duos* .



sunt . (a) *Operatio vero ipsa eadem prorsus ratione instituitur , ut in eo casu , ubi mater vivit & foetus mortuus est , sicut N. IV. ad VIII. proposuimus ; adhibita solum majori cautela , dum uterus & membranæ foetum includentes aperiuntur , ne foetus graviter lædatur . Et quia tunc foetus etiam , si vivi adhuc deprehenduntur , plerumque esse solent debiles , halitus vini , ut supra jam N. 2. docuimus , ore detenti , in os & nares ipsis est inspirandus , aqua reginæ Hungariæ aliave similis naribus eorum admovenda , facies vino calido lavanda , foetus baptizandus , funiculus umbilicalis ligandus , omniaque reliqua ita facienda , ut N. 2. docuimus .*

Monita &  
cautelæ ad-  
huc propo-  
nuntur .

XIII. Absit vero a me , ut hanc operationem ; cujus periculum , si quis alius , satis abundeque perspicio , licet hucusque eam non nisi in gravidis mortuis perfecerim , (b) suadeam , ubi foetus per vias naturales educi potest . MAVRICEAV (c) aliique in ea videntur esse opinione ac si Medici *sectionem quoque cæsaream facile suaderent , ubi foetus per consuetas vias protrahi possent : & propterea , quantum ego judicare valeo , hunc modum præ illa commendant , eumque illi præferunt . Verum absolum est atque a prudenti Medico aut chirurgo vix expectandum , ut periculosam sectionem cæsaream in matre viva suadeat aut instituat , si per vaginam foetus , licet etiam non nisi per frustra , securiori modo extrahi queat ; nisi forte in peculiaribus casibus apud magnates . Quotiescunque igitur casus incidit , ut foetus vel ob pessimum in utero situm , vel ob nimiam magnitudinem ac speciatim capitis , vel ob monstrosam corporis conformationem , aliasve similes ob causas nasci non posset , & tamen in utero contineretur , ac periculum esset , ne matri , viribus jamjam exhaustæ , una cum foetu sit pereundum , atque hinc lis oriatur , utrum foetus servandi gratia mater sectione cæsarea sit incidenda & summo vitæ periculo exponenda , an potius foetus feramentis , ( si scilicet aliter , manibus nimirum , ut sæpius contingit , id fieri non posset , ) extrahi debeat , tunc matri potius , tanquam arbori , ut antea modo docuimus , parcendum , foetumque , tanquam ramum , quacunque ratione , licet etiam forte adhuc vivat , quicquid nonnulli contradicant , extrahendum esse censeo . Atque in eo quamplurimi prudentes Medici ac chirurgi , imo & Theologi mecum conveniunt , atque tanquam regulam sive axioma constituerunt , ut ubi in partu difficili impossibile est , matrem & foetum simul servare , matrem , præ foetu , id est , arborem præ ramulo conservare studeamus . (d)*  
Imo

(a) Variis ex locis scriptorum MAVRICÆI , PAVCI & MOTTII quam manifestissime , opinor , apparet , illos ob nonnullorum Ecclesiæ Romanæ & cumprimis facultatis theologicæ Parisiensis doctorum sententiam , qui docent & volunt , *ut potius ambo pereant , quam ut alterius morte alter servetur* , ita scripsisse eamque sic metu persecutionis theologorum illorum verbis atque etiam re ipsa factis sæpe servasse : verum ratione & animo ipsos persuasos imo convictos fuisse , melius esse unum servare , si forte ambo servari nequeunt , quam ambos perdere : idque etiam revera ipsos multis occasionibus & casibus , quasi clanculum , fecisse , scripta eorum satis evincunt atque demonstrant . Sed hæc de re mox & ubi de partu difficili acturus sum plura . Conf. Interea MOTTII Lib. IV. cap. XIII. , si lubet , ubi rem exemplis satis illustratam perspicimus .

(b) Quinquies gravidas mortuas incidi , sed foetum semper jam mortuum deprehendi ; quia plerumque nimis diu post mortem matris sectio concedebatur .

(c) Lib. de arte obstetr. cap. de sect. Cæsar.

(d) Consentiant hic præter antea jam laudatos , fere omnes , qui de arte obstetricia scripserunt , quamvis non semper verbis , tamen factis , dum tam in partu difficili , quam vehementibus sanguinis apud gravidas profluviiis ; foetu etiam vivos ubi manus parum sunt , feramentis dilacerarunt & matris servandæ gratia eduxerunt . Conf. MAVRICÆI observationes , PAVCVS , MOTTIVS lib. 4. cap. 13. aliique . At speciatim hanc controversiam exagitarunt VALENTINVS , in epistola *an liceat foetui vim inferre , ut mater servetur* . Francof. 1720. & cumprimis BECKERVS in *Pædiotonia inculcata ad servandam puerperam Giesæ* 1729. 4. to. Conf. etiam HILDANI Epist. 3. & 4.



Imo mallet ego etiam cum SOLINGENIO (a) ac MOTTIO (b) si callus vaginae vel oris uteri in causa esset, ut foetus ex utero naturaliter prodire aut educi nequiret, atque hac sectione (addit & laceratione) dilatari satis posset, sectionem hanc, licet nonnulli contradicant, (c) plagis vel in lateribus vel etiam in alia ejus parte institutis, ubicunque hoc commodissime fieri potest, sectioni cæsareæ præferre: quia sic venter & uterus ipse manerent integri ac sanguis effusus, vel inde adhuc effundendus, omnis per vaginam inde effluere (qui alias magna ex parte in abdomen non sine periculo ejicitur) posset atque sic etiam vulnus facilius glutinari, ut alia nunc hujus sectionis commoda taceam. Idem est sentiendum si vagina hymene vel alia membrana p. n. clausa est: ubi potius hæc quam venter & uterus incidenda est. (d) Verum quia tota vagina callo nimis magno ac duro aliisve causis subinde nimis angustata ac constricta est, & cumprimis etiam ob malam a natali die ossium pelvis conformationem, quæ sufficientem diductionem non admittit, hæc curandi via interdum non succedit; adeoque tunc nulla alia, quam sectio per ventrem, reliqua esse videtur. (e)

XIV. Ita si intra partus dolores & conatus uterus rumperetur, & foetus inde in cavum ventris ingrederetur, quemadmodum interdum fieri multæ observationes testantur, (f) tunc etiam ventris sectio, quia aliter exire aut eximi nequit, atque alias mater & foetus brevi moriuntur, necessario est instituenda, eaque a nonnullis, & quidem, me judice, recte suadetur, qui alias a sectione cæsarea dehortantur. (g) Hoc vero factum esse ex his fere signis cognoscitur. Nimirum si, prægressis vehementibus partus doloribus, partu vero non subsecuto, dolores hi subito remittunt aut cessant, ore uteri non aperto, vel saltem non satis aperto; (id quod situm foetus p. n. indicat.) Si ruptura quædam in ventre vel fragor percipitur, horror accedat, & postea tumor magnus & foetus situs in loco ventris alio eoque altiori quam antea, conspicitur, cumprimis vero partes vel membra foetus distinctius tactu percipiuntur, quam si in utero est, præsertim hypochondrio quodam, cum doloribus in alio ventris loco quam antea, itemque puerperæ frequentibus animi deliquiis motibusque convulsivis, imo & mentis alienatione. (h) Signa hæc si in partu difficili, ubi nulla foetus pars extra naturalia propendet, adsunt, & foetus non amplius ori uteri, tam firmiter ut antea, insistere, immisso per vaginam digito, cognoscitur, uterum ruptum & foetum in cavum abdominis intrasse docemur. Quod si factum est, & mater adeo languet, atque prædictis gravibus sympto-

(a) In Operat. chirurg. cap. de partu cæsareo.

(b) Lib. IV. cap. XII. obs. 339. 340.

(c) Ut SLEVOGTIVS in diss. de partu cæsareo pag. 25.

(d) Conf. RVYSCHII obs. 22. itemque variæ apud MAVRICÆVM, PAVCVM & MOTTIVM lib. IV. cap. XII. obs. 337. 338. 345. hac de re descriptæ observationes.

(e) Hoc in casu etiam MOTTIVS sectionem ventris admittit Lib. IV. cap. XII. quamvis alias contrarius sit.

(f) Vid. BARTHOLIN. Cent. VI. obs. 92. ROSSETVS sect. IV. cap. IV. SCHENCKIVS in obs. Lib. IV. FAUVIS apud Straussium pag. 37. HILDAN. Cent. I. obs. 64. & 67. Cent. IV. obs. 57. ROONHVYS. Obs. chirurg. lib. 2. obs. I. SOLINGEN. p. 776. Stalpart. van der WIEL P. 2. obs. 30. Miscell. Nat. Cur. dec. 2. ann. 7. obs. 10. & ann. 9. obs. 115. SALMVTH. Cent. I. obs. 60. MAVRICEAV obs. 251. ALBINVS diss. de partu difficili; DIONIS diss. de generatione in Diar. erud. Paris. An. 1722. mense Junio. LOESCHER diss. de homine obs. 12. Act. Nat. curios. Col. I. obs. 176. PISTOR diss. de foetu e rupto utero in abdomen prorumpente 4. Argentor. 1726.

(g) Ut HORNIO in Microtechn. cap. de partu cæsareo. Conf. & VOELTERVS lib. de art. obstetr. qui sectionem hanc hic summe necessariam esse demonstrat. pag. 116.

(h) Hæc WELSCHIVS se in simili casu percepisse refert, in notis ad Scip. MERCVRII Cap. de partu cæsareo, DIONIS diss. de generatione, SAVIARD. obs. 25. MOTTIVS Lib. 4. cap. 5. & 6. itemque in PISTOR. citat. diss. de utero rupto. Fragor etiam in ruptura uteri perceptus est, teste BAVHINO l. c. pag. 229.



symptomatibus , quæ mortem instare indicant , correpta est , *protinus ventrem ad matrem , & fœtum , vel saltem fœtum servandum* in loco maxime eminente , ubi fœtus hæere cognoscitur , scalpello , ut supra docui , caute incidere , fœtum repertum educere , ac postea , si vivit , refocillare , baptizare atque , ut moris est , fovere oportet . ( a ) *Quando vero brachium propendet in ruptura uteri , tunc diagnosis mali , si non impossibilis , tamen longe difficilior est , & non nisi probabili conjectura ex ceteris indicatis signis divinari potest .* Miror vero Medicos & chirurgos argentoratensis nosocomii , in quo ægra , cujus historiam PISTOR laudata dissertatione descripsit , decubuit , eam , dum quinque integros dies ibidem in partus laboribus transegerat , mature ad matrem & fœtum servandum non aperuisse , cum in vivente omnia fere illa rupti uteri indicia recensita perceperint , viderint , manibusque palpaverint . Vel saltem si in viva matre ventris incisionem ausi non sunt , *cur non mox matre mortua , ad fœtum forte adhuc servandum , alvum ejus aperuerint ?* Ita & SAVIARDI notatum dignum est exemplum , ubi in nosocomio Dei Parisino ( *l' Hotel Di eu* ) *per rupturam uteri fœtus in abdomen intravit , secundis ejus e vagina propendentibus ;* id quod immissa juxta funiculum umbilicalem manu in uterum in viva muliere , ut ipse scribit , perspicue cognoscere poterat . Hoc tamen non obstante mulierem hanc , quæ , ut scribit , vegeta erat , vivam pro fœtu hoc extrahendo & forte quoque adhuc matre servanda , non aperuit ; sed eos simul , proh dolor ! sine auxilio morti reliquit . Quod facinus atrox profecto & impium , quod vel referre solum pudere ipsum debuisset , una cum præcedenti exemplo revera mirandum , præsertim cum in nosocomiis illis publicis , parisino scilicet & argentoratensi hoc Medicis & chirurgis ordinariis liceat , imo ut hoc & quicquid ceteroquin ad ægros servandos necessarium cognoscunt , faciant , ex officio obstricti sunt , nihilque est , quod hoc vetet ; sed potius eis ibi , quicquid lubet , in ægrorum salutem facere permissum est : ubi contra extra nosocomia publica apud alios ægros , affines , amici ac adstantes ejusmodi experimenta instituere sæpius non admittunt , imo omnibus viribus dissuadent , prohibent , & impediunt . Ego profecto credo , ipsos matura atque apta harum mulierum sectione vel utrumque vel saltem alterutrum semper eorum servare potuisse ; adeoque an hic non graviter peccaverint , dum quod factu opus fuit , non fecerunt , aliis dijudicandum relinquam . Sic *si fœtus non in utero , sed in cavo ventris generatus fuisset ,* ( b ) id quod prægressis signis graviditatis generalibus , ex situ fœtus altiori quam vulgo esse solet , ex ore uteri partus tempore , licet partus dolores adsint , clauso , aliisque , quæ antea suppeditavimus , signis ( c ) cognoscendum esset , *sectio cesarea merito est instituenda ;* quia fœtus aliter servari & educi non posset , Matri vero tantum periculum inde non metuendum , quam si simul uterus esset incidendus . Interdum quidem *uterus in partu difficili rumpitur , sed ita tamen , ut non totus fœtus , sed solum aliqua pars in ventrem ingrediatur , reliqua vero in utero remaneat ,* imo etiam pars aliqua , præsertim brachium ex utero propendeat , capite vel pedibus per uterum ruptum in ventris cavo hærentibus , *tunc sectio cesarea non est necessaria .* Ita enim ego ruptum uterum inveni fœtus brachio extra uterum , capite in abdomine , reliquo corpore in utero existente . ( d ) ALBINVS vero ( e ) & MOTTIVS ( f ) viderunt fœtum capite rite in vagina uteri con-

( a ) Ejusmodi exempla notarunt DIONIS differ. de generatione , & SAVARD. in obs. 25. **at-** tamen mulieres non aperuerunt , sed una cum fœtibus morti tradiderunt .

( b ) Præter supra jam indicata exempla BAYLIVS & DIONIS nonnulla recensent , l. c.

( c ) Conf. DIONIS lib. de generatione .

( d ) Vid. dissert. de fœtu exscindendo & Aët. Nat. Cur. Vol. I. observ. 176. similes fore ab HILDANO Cent. I. obs. 64. & 67. referunt .

( e ) Dissert. de partu difficili .

( f ) Lib. IV. cap. V. obs. 312.



stituto, cujus pedes uterum perforarunt & in ventre prope diaphragma hæserunt; alium contra brachio propendente & pedibus in abdomine; (a) Aderant in his puerperis magnæ debilitates. Foetus quidem per vias naturales MOTTIVS eduxit; sed matres tamen aliquot diebus post obierunt. Contrarium tamen exemplum mihi a RVNGIO, supra laudato Bremensium chirurgus, relatum est, ubi educto foetu, licet per rupturam uteri intestina mulieris manu perspicue tetigerit, eaque hac aliquamdiu, ne in uterum irruerent, donec hic se multum contrinxerit, represserit, ægra tamen feliciter reconvaluit.

XV. Denique mihi hic adhuc graves ob causas mentio est facienda *differentia illius, quæ est inter hysterotomiam & embryulciam*, sive inter *extractionem* <sup>*Differentia inter embryulciam & hysterotomiam illustratur.*</sup> foetus, præsertim male siti, ex utero per vias naturales, & *exsectionem*, per incisionem scilicet ventris & uteri: quia sæpe præsertim a vulgo, imo etiam, quod mirandum, ab eruditis nonnullis atque ab ipsis Medicis confundi atque pro una eademque operatione, toto autem cælo diversa, haud raro haberi, atque temere confundi solent. Quando enim mulieri foetus in partu difficili a chirurgis extrahitur vel extractus est, dicunt vulgo huic vel illi feminæ foetum exciderunt; (*man habe dieser frauen ein Kind ausgeschnitten*) licet nulla prorsus sectio neque in ventre, neque in utero fuerit instituta; sed foetus solum male in utero collocatus, vel nimis magnus, quam ut sponte ac naturali modo nasci potuisset, chirurgi manibus vel ferramentis per vaginam uteri fuerit eductus: quemadmodum hac de re infra uberius exponemus. Hæc igitur operatio, qua foetus per vias ordinarias educitur, *extractio* foetus sive *embryulcia*; illa vero, ubi per ventrem excinditur, *sectio cæsarea* sive *hysterotomia* recte vocatur. Atque hoc sensu si *embryulcia* sive *extractio* foetus per vias naturales per abusionem & male pro *hysterotomia* sive *exsectione* foetus sumitur, aliquo modo forte verum est, quod MERCVRIVS tradit (b) *exsectionem foetus suo tempore adeo vulgarem atque usitatam fuisse in Gallia, quam sanguinis missionem contra capitis dolores in Italia*. Ita cum haud pridem Franc. VALLERIOLE observationes medicas perolverem, inveni unam, (c) cujus inscriptio est: *Quibus mulieribus Arelatæ exsectus sit infans chirurgica manu, matre salva*. Sperabam me multa fausta exempla sectionis cæsareæ sive exsectionis foetus ex utero, & forte etiam inter tam multa peculiarem modum hoc perficiendi, quem alii prætermisissent, reperturum esse. Verum postquam integram observationem perlegeram, multa quidem exempla mulierum, quibus foetus manu & uncis per vias naturales extracti sunt, ab auctore hoc relata reperi, sed ne unicum quidem veræ sectionis cæsareæ; ubi scilicet foetus per ventrem exsectus fuisset. Adeoque ex his satis, ni fallor cognoscitur, non solum vulgum, sed & eruditos & cumprimis etiam Medicos, male sæpe ac incongrue de rebus magni præsertim momenti & scribere & loqui, magnamque illam ac *notabilem inter extractionem & exsectionem foetus differentiam, id est embryulciæ & hysterotomiæ diversitatem* haud raro negligere: (id quod ipse etiam C. BAVHINVS in præfat. libri sæpe citati fecit) quæ tamen quam longissime, ut ex hætenus dictis patere arbitror, differunt. Attamen hæc confusa loquendi ratione vanum sæpe metum atque horrorem & mulieribus puerperis & affinibus temere incutiunt, ac si mulieri difficulter parienti, quando chirurgus ad partum manu promovendum advocandus, mox venter sit incidendus; cui tamen plerumque foetus solis manibus & sæpe sine notabili dolore per consuetas vias educi potest.

## XVI.

(a) Ibid. obs. 313. similes casus legi possunt in HILDAN. obs. Cent. I. obs. 64. 67. Cent. IV. obs. 57. MAVRICÆI obs. 151. & BARTHOLIN. de insolitis partus viis, pag. 74.

(b) Libro de arte obstetricandi lib. 2. cap. 28.

(c) Lib. V. obser. 2.



An ob fœ-  
tum mon-  
strum se-  
ctio cesar.  
instituenda.

XVI. Tandem cum fœtus monstrosi, ut bicipites, bicorporei alique similes integri sæpe, imo ut plurimum, nasci non possint, sed si integri & vivi produci deberent, hoc aliter fieri haud posset, quam ut ex ventre matris exciderentur; quæritur ergo *utrum ob ejusmodi monstri sectio cesarea, quemadmodum nonnulli voluerunt, (a) sit instituenda & mater hac ipsa periculo mortis exponenda; an potius fœtus, si integer haberi non possit, divisus aut in frusta dilaceratus per vias naturales educendus?* In hoc casu quia hujusmodi monstra plerumque non sunt vitalia aut superstitia, sed ut plurimum non nisi horrida & inutilia terræ pondera, mea sententia, matri potius parcendum & fœtum monstrosum feramentis aut alia quacunque ratione id commodissime fieri potest, extrahendum esse existimo. MELLIVS, recentissimus scriptor obstetricius inter Italos, in matre viva quoque sectionem cesaream damnat; (b) atque ad causas hujus curationis non satis respiciendo, quasi aliæ non essent, quæ sectionem hanc requirerent, quam monstrosa fœtus conformatio, quærit, *an ob monstrum mater mortis periculo est exponenda?* atque ob hanc causam hoc recte negat, eumque per vias naturales educi præcipit. Cum vero plures aliæ causæ sint hanc sectionem desiderantes, supra indicatæ, ubi fœtus per vias naturales educi nequit, prorsus eam rejicere salva conscientia non licet, ut satis supra mihi evicisse videor.

An si capite  
nimis firmi-  
ter in vagi-  
na hæreret.

XVII. Sed contra si fœtu vel ob caput valde magnum, vel ob vias naturales nimis angustas, capite in ore uteri interno vel vagina hæreret, atque ex diuturnitate temporis, quo dictis in locis impactus & quasi incuneatus esset, dum plerumque intra triduum moritur, interdum tamen diutius vivit, (c) & mater & fœtus in gravi vitæ periculo essent constituti, quia neque ulterius progredi, neque manibus ob caput lubricum & tenerum ejus exitus promoveri aut expediri posset, qui casus merito inter difficillimos a recentissimis artis obstetriciæ professoribus habentur atque quamplurimi a MAVRICÆO (d) potissimum, PAVCO, SIGISMUNDA & MOTTIO (e) aliisque recensentur, quæritur 1. quia ob spatii defectum sæpe caput lubricum manibus prehendi atque fœtus extrahi nequit, 2. nec manibus in uterum penetrare & fœtum invertere possumus; (f) nec denique 3. caput, quamdiu fœtus vivit, instrumentis aggredi illudque extrahere volumus, quia eis dilaceratur atque fere semper interficitur: quæritur igitur, inquam, *an non in ejusmodi casibus ad matrem & fœtum, vel alterutrum saltem eorum servandum sectio cesarea instituenda sit, ut fœtum per ventris & uteri plagam extrahamus, quemadmodum chirurgi nonnulli illud jam ita tentarunt atque nec infeliciter haud semel perfecerunt, sicut id in modo citatis aliisque auctoribus videri potest. (g) Nam nisi sic brevi fœtus ex summis his angustiis liberatur, ut plurimum tandem & quidem sæpius brevi moritur, atque simul sæpe mater periculum mortis incurrit; prout rursus exempla quam plurima notata sunt; (h) ita ut hunc casum merito cum SIGISMUNDA (i) obstetrice peritissima, & MOTTIO (K) pro difficillimo omnium, tristissimo atque intricatissimo, qui chirurgus hac in re accidere potest, agnoscam. Plerique modo laudati auctori*

(a) Ut ROONHVYSIVS loco sæpe citato.

(b) Libro quem inscripsit *La Comare levatrice*, cap. de operat. cesarea, pag. mihi 352.

(c) Vid. HILDANVS epist. 3. SAVIARD. obs. 84. MOTTIVS observ. 342.

(d) In observationibus suis.

(e) Lib. de arte obstetricia.

(f) Ut non solum experientia me docuit, sed & modo laudati alique auctores quamplurimi testantur; licet sint, qui gloriantur, se omnes fœtus solis manibus invertere posse.

(g) Vid. ROSSETVS, MAVRICEAV observ. dernieres obs. 98. Diar. erud. Paris. An. 1693. La MOTTE &c.

(h) Cum primis a MAVRICEAV & La MOTTE, libris sæpe jam citatis.

(i) Lib. de art. obstetric. cap. V.

(K) Lib. IV. cap. VI. & alibi variis in locis.



auctores neque sectionem cæsaream, neque extractionem foetus per ferramenta, quamdiu vivit, aut vivere adhuc præsumitur, admittere volunt; sed aperte declarant, (a) se malle potius cum nonnullis Romanæ ecclesiæ doctoribus, sicut supra jam indicavi, *ut ambo pereant, quam ut alter eorum alterius morte servetur*. Sectionem quoque cæsaream prorsus hic damnant, licet ea varii & foetus & matres feliciter servati sint, quemadmodum supra jam exempla notavimus. Quibus vero & illud hic adhuc addi merito potest, quod ROONHVYSIVS de D. SONNIO, Medico Brugensi, refert, qui septies eam in propria uxore, matre & foetibus salvis, exercuit, (b) itemque Olai RVDBECKII, Medici celeberrimi Sueci, qui similiter in sua uxore matre & foetu salvis, hanc sectionem feliciter perfecisse fertur. (c) *Ita etiam rejiciunt foetus per ferramenta quacunque extractionem, quamdiu foetus vivit*: quia his foetus æque certe interficeretur, quam mater sectione cæsarea. (d) Sponte tamen nasci, aut etiam sola manuum ope eos extrahere, quicquid nonnulli gloriantur, sæpe impossibile & tamen, nisi auxilium justo tempore, antequam scilicet puerpera nimis debilitatur, afferatur, periculum est, ne ambo pereant. *Quaritur igitur, quid difficillimis hisce in casibus Medico prudenti & christiano sit faciendum*. Ne igitur quis meam ardua hac in re sententiam ignoret, ita, re in utramque partem probe perpenſa, statuendum esse censeo. Sectionem cæsaream ob periculum, quod matri inde imminet, non aliter hic instituendam esse arbitror, quam si *Rex aut Princeps in defectu prolis*, spe hac ipsa prolem & successorem adipiscendi, hoc jubeat, quemadmodum supra jam N. XII. hac de re mentem meam exposui; præsertim cum infantes sint plerumque robusti & magni, qui ob capitis magnitudinem his in angustiis ita hæere solent, vel etiam ubi mater ipsa, quæcunque illa sit, ex amore in prolem sectionem hanc desideret: nam spes est, ut & soboles & mater, si omnia rite & in tempore instituuntur, conservari & ab imminente morte hoc ipso liberari possint. Extra hos casus vero, quamdiu matri vires sunt, expectandum, partum quovis modo & cum primis manibus juvandum, matrique vires addendas esse censeo, ut vel foetum vivum adhuc reddat, vel donec foetus moriatur, vel mortuus esse ex suis signis præsumatur; quia hoc non semper certe scire possumus, (e) qui postea ferramentiſ educatur. *Sed si foetus adhuc vivat*, aut saltem vivere suspicetur, mater vero sensim debiliſ fiat atque animi deliquiis vel convulsionibus, aliisve pessimis malis afficiatur, ita ut ipsi mortis periculum immineat, vel etiam ipsa vi dolorum & cruciatuum aliorumque malorum compulsa a Medico auxilium anxie postulet, profecto nimis diu expectando, dum foetui favere & parcere volumus, matri nocemus eamque auxilium ipsi denegando interficimus: adeoque præstare cum supra jam laudatis aliisque auctoribus existimo, ut si ambo servari nequeant, alter tamen servetur, & pro arbore servanda ramulus potius, id est foetus quamvis etiam adhuc vivat, ferramentiſ in tempore educatur. Nam licet sic quidem ut plurimum interficiatur, chirurgus tamen illud malo, aut eo animo non facit, ut foetum interficiat, sed solum ut illum ea, qua potest, ratione, educat, eoque matrem tanquam potioreſ & tam marito quam ceteris suis liberis sæpe utiliorem, a morte liberet, atque ut sic, si am-

Heisteri Chirurgicæ Tom. III.

M

bo

(a) Ut MOTTIVS cum PAVCO lib. IV. cap. XIII. aliiſque.

(b) Lib. observat. de morb. mulier. cap. I.

(c) Vid. colloquia menstrua TENZELII, germanico idiomate quondam edita, titulo: *Mönastliche Unterredungen*, An. 1689. pag. 1635.

(d) Ita MOTTIVS indicat Lib. IV. cap. 12.

(e) Multi auctores testantur se hac in re quandoque errasse, Conf. HILDANI epist. de uteri ruptura, MOTTII obs. 342. SAVIARD. obs. 84.



bo servari non possint, matrem tamen præsertim, si hoc desiderat, (a) servet. Si enim foetus inde moritur, hoc non fit ex voluntate aut intentione nostra, sed quasi per accidens, quia mater aliter servari nequit; id quod longe præstare existimo, quia *ex duobus malis minus eligo*, quam si utrumque crudeli fato certæque morti relinquam; quemadmodum recentiores Galli & speciatim PAVCVS & MOTTIVS (b) una cum aliis quibusdam docent. Contra vero MAVRICÆVS cum TERTVLLIANO hic mecum sentit, (c) qui propterea foetum istiusmodi vi extrahendum esse vult; quia hic esset *crudelis matricida*. Ut vero hoc matricidium, a foetu metuendum, impediamus, æquum justumque esse, ut foetus potius ex necessitate (quia aliter fieri nequit) a nobis interficiatur, quam ut hic matrem suam, cui post Deum vitam debet, interficiat: quodque crudele matricidium, quo foetui simul moriendum, nos hac ratione impedimus. (d) Non ignoro superesse adhuc, quæ huic sententiæ opponi possunt, ut nimirum quintum præceptum, *non occides*, dictumque illud, *non esse facienda mala, ut inde eveniant bona*; aliaque similia. Verum ut omnibus his satisfaciamus, partim instituti nostri hic non est ratio, partim ab ipsis Theologis, Ictis atque Philosophis, ita multis in casibus ea limitata sunt, v. c. in bello, in officio magistratus & carnificis, dum reos interficiunt, in moderamine inculpatae tutelæ, &c. ut & hic facile limitationem justam ac christianam in re tam ardua, ubi de matris certo alias morituræ vita agitur, invenire queat; præsertim si simul alterum illud supra jam allatum dictum consideramus, *quem non servasti, dum potuisti, illum occidisti*. (e) Utrumque quidem servare studeamus; sed si id obtineri non potest, sufficiat unus, imo & cum sana ratione longe melius convenit servare unum, si uterque servari non potest, quam utrumque perdere, vel saltem videre & consentire, aut data opera ac studio permittere, ut ambo pereant, ubi alter servari potuisset. Conf. hac de re præ ceteris jam laudatus BECKERI libellus de *Pædiocætonia inculpata* (hoc est de *infanticidio licito*) ad servandam puerperam, ubi uberius hanc sententiam multis rationibus defendit, illustrat atque confirmat. De partu vero cæsareo in universum ROS-

(a) Antequam ferramentis educatur, MELLIVS l. c. pag. 352. adhuc monet ac docet, *foetum in utero, aqua ope siphunculi injecta, prius esse baptizandum*, ut hac ratione vitam spiritualem acquirat, & postea eum ferramentis educi posse. Quemadmodum baptizandi etiam probant MAVRICEAV, PEV & La MOTTE, atque inter Theologos GABRIEL GVALDVS, canonicus regularis, & S. Theologiæ Professor, libro quem inscripsit: *Baptisma puerorum in uteris existentium*; licet extractionem per instrumenta nonnulli eorum haud probent.

(b) Loco antea citato. Interea tamen foetus vivos, urgente necessitate, uncis subinde contra propria præcepta in similibus necessitatis casibus, qui sæpe legem non habent, eduxerunt.

(c) Cap. de Operatione cæsarea.

(d) Notatu dignissima sunt verba quæ RIOLANVS in Enchirid. anat. Lib. 2. cap. 28. hac de re scripta reliquit. *Si mulier, ait, exegerit duos tresve dies in tormentis partus, si moribunda & exanimis appareat, si gangrænæ in partibus pudendis indicia compareant, etiamsi certe non constet de morte infantis, unco extrahatur, ut conservetur mater. Præstat unum interire quam duos; vita matris præferenda infanti*. Ita AMMANNVS Med. Crit. cas. VI. pag. 26. inquit, *præstat matrem servare, quam concedere ut & mater & foetus intereat*: id quod etiam DEVENTERVS sæpius l. c. parte II. edocet, atque ex veteribus OCTAV. HORATIANVS lib. 3. cap. 6. alique. Inprimis vero hic adhuc notandum, quod SIGISMVND A celebris quondam aulæ Brandenburgicæ obstetrix, in libri jam citati cap. V. idem sentiat, quando scribit, quod hoc in casu *nullum aliud sit auxilium, quam foetus per ferramenta extractio*. Quando enim hoc incidit (pergit) & puerpera diu jam misere excruciatæ, ob amorem & misericordiam Dei rogant & clamitant, ut eas a foetu & instante morte liberemus: quid aliter faciendum tunc esse existimat? Profecto in tristi hac rerum facie, in summis hisce angustiis ac necessitate, ait, propter conscientiam ab unco abstinere non possum. Totum hunc librum, adeoque & hanc sententiam collegium Theologorum aulicorum Bero lini ita approbavit, ut ipsum nihil contra Deum aut fidem christianam continere, affirmaverit. Sic quoque facultas Medica Francofurtensis ei calculum suum adjecit.

(e) Arduum hocce negotium alio tempore & loco uberius illustrare nostramque sententiam pluribus confirmare studebo.



ROSSETI liber doctissimus. Sed qui hunc non habet, quia rarus est, ejus compendium videre potest in SCVLTI explicatione Tabulæ, quæ sectionem cæsaream exhibet, atque in edit. Francofurt. est tab. XLII, in Amstelodamensi autem in Auētuar. I. tab. X. pag. 29.

C A P. IV.

*De HERNIIS in universum & speciatim, quomodo umbilicus indecore prominens (hernia umbilicalis vulgo dictus) manuum ope curari debeat.*

I. **T**UMORES plerique præter naturam circa ventrem infimum sive abdomen & cumprimis in umbilico, inguine atque scroto, præsertim ab intestinorum vel omenti procidentia nati, generatim *ramices* sive *herniæ* vocari solent. (a) Differunt vero hi tumores primum loco; & qui in umbilico oriuntur, *hernia umbilici* sive græco vocabulo *omphalocele* itemque *exomphalos*; qui in inguine, *hernia inguinalis* sive *bubonocèle*, qui in scroto *hernia scroti* sive *oscheocèle*, & qui in aliis ventris locis oritur *hernia ventralis* nuncupatur, atque sic de ceteris, de quibus infra. Deinde differunt *ratione rei in tumore contentæ*, atque ab ea diversa nomina accipiunt. Quando enim intestina tumorem faciunt, *enterocèle*; quando omentum, *epiplocele*; quando spiritus sive aer, *pneumatocèle*; quando aqua, *hydrocèle* dici consuevit, & sic porro. Præterea differunt *ratione magnitudinis*: quidam enim & præsertim incipientes; ut plurimum *parvi* sunt, alii vero *magni*; alii in enormem magnitudinem; sicut nonnulli auctores delineaverunt, excrescunt. Alii porro *molles* sunt, alii & facile in abdomen refunduntur; alii vero non nisi difficulter, alii prorsus repelli nequeunt, atque intestina aut omentum vel cum externis partibus concreverunt, atque hi *herniæ adherentes* vocantur, vel saltem locus procidentiae ita constrictus & angustatus est; ut partes prolapsæ, præsertim inflammatae, vel flatibus aut fæcibus nimis repletæ, refundi nulla ratione queant; quæ *herniæ* species vulgo hodie *herniæ captivæ* *in-carceratæ* appellantur. Ita quædam *herniæ* sunt *indolentes*, sive sine dolore, aliæ vero *dolentes*, & sæpe cum dolore acerbissimo, nausea, vomitu, aliisque vehementibus malis, ut cumprimis sunt *in-carceratæ*.

*De herniis generatim.*

II. Quemadmodum vero tumores præter naturam modo recensitos in abdomine, generatim *ramices* sive *hernias*; sic speciatim illos; qui indecore umbilicum distendunt, *umbilicum prominentem*, *omphalocelen* seu *exomphalon*, itemque *herniam umbilicalem* Medici appellant. Differunt vero & hi tumores primo *magnitudine* & deinde etiam *figura*. Quidam enim *parvi* sunt, præsertim incipientes sive nascentes; quidam autem *magni*, quidam *enormis magnitudinis*. (b)

*Omphalocele quid sit ejusque differentie?*

M 2

Non-

(a) *Herniæ* vocabulum apud veteres, teste CELSO, lib. VII. cap. 18. *indecorum* olim fuit: hodie vero pro indecoro, tunc quia aptius haud prostat, non habetur. Morbus vero *indecorus* & *turpis* habetur, ita ut, qui eo laborant, eum omni studio æque ac morbum gallicum occultare studeant.

(b) *Exomphalos* monstruosa describitur ab HILDANO in oper. pag. 900. prolixior vero hujus historia a Gregor. HORSTIO in observ. traditur.



Nonnulli figuram habent *subrotundam*; alii quodammodo *acuminatam*. Interdum in forma *cylindri* umbilicus prominet: vidique sic nuper adhuc in muliere ea-que gravida umbilicum, qui ad *penis virilis similitudinem & magnitudinem* sæpe prominebat ac subinde valde dolebat; sed non nisi *spiritum* sive aerem continebat. Differunt vero & hi *ratione contentorum*: alii enim intestina, alii omentum, alii aerem sive aquam continent: Quidam præterea horum tumorum sunt *molles*, quidam vero *duri*. Alii facile repelluntur, alii non nisi difficulter; alii prorsus repelli nequeunt, ac valde dolent, atque quasi in carcere intestina includuntur; unde *herniæ umbilicales incarceratæ* appellari solent. Figuras id mali genus aliqua ratione exhibentes, sistit SCVLTVS. (a)

*Causæ.*

III. Causæ illarum perquam variæ sunt, licet in eo convenient omnes; quod vim aliquam abdomini & speciatim umbilico inferant. Sic enim vel a subito eodemque gravi lapsu, vel saltu, vel motu, vel ictu vehementiori, vel fortiori in tussiendo, sternutando atque attollendis aut movendis ponderibus nisu; vel a difficiliore mulierum partu similibusque causis aliis malum istud plerumque nascitur. Siquidem propter causas istas singulas proximum umbilico peritonæum, præsertim si illæ jam a quacumque causa paulo debilior est, vehementer vel expanditur, vel, prout DIONYSIVS autumat, (b) penitus aliquando disrumpitur, ampliatioque sic nimis umbilico, intestina plerumque cum omento vel etiam omentum solum, vel quandoque tantum *spiritus* per umbilicum propelluntur. Nonnunquam peritonæi nimia & peculiaris quædam juxta umbilicum laxitas seu debilitas in causa est, cur intestina vel ceteræ res indicatæ per umbilicum prorumpant; præcipue si superius enumeratæ causæ, aut vehemens etiam in infantibus teneris ejulatus accesserint: quo sæpe fit, ut haud pauci infantes proximis a natali diebus, ut sæpius ipse vidi, jam hoc vitio laborent, (c) præsertim si umbilicus, lapso funiculo umbilicali, non per aliquod tempus fascia diligenter cohibeatur.

*Diagnos.*

IV. Quicquid autem harum rerum sit, *omphalocelen duplici via cognoscimus*: visu nimirum, atque tactu cum auditu conjuncto. Umbilicus enim magis, quam naturaliter decet, prominet. Tumor digitis pressus (nisi partes prolapsæ extus adhæreant) plerumque in ventrem cedit atque, dum hoc fit, sæpe sonum aliquem edit, præsertim si æger supinus decumbit. Quod ipsum equidem indicio est, tumorem a prolapsis intestinis provenisse. Nonnunquam insigniter *mollis tumor est*, atque tunc vel *aerem sive flatum*, (d) vel solum omentum prorupisse, non sine ratione colligitur. Ut plurimum vero *omentum simul cum intestinis* procedit: quia hic omentum ita comprehendit intestina, ut sine illo hæc raro prolabi queant. Quando omentum solum hunc tumorem facit, hoc mali genus *hernia omenti*; contra vero si intestina sola, illud *hernia intestinorum umbilicalis* nuncupatur. Sicubi, post refusa in ventrem intestina, nihilominus tumor aliquis mollis remanet, duplex utique illud malum *intestinorum nempe atque omenti* una prolapsorum adfuisse, res ipsa testatur: interea tamen intestina etiam cum omento sæpissime simul refunduntur. In *hydropicis* etiam propter nimiam humorum in ventre copiam graviter extendi haud raro umbilicus solet, ceu luculenter non solum ex SCVLTVI figura, verum etiam ex notabili exemplo e PVRMANNI *chirurgia curiosa* pag. 330. Tab. V. perspicitur; istum tamen tumorem ab humore potius quam intestinis atque omento prolapsis natum fuisse, ipsa

(a) In Armament. chirurg. Tab. mihi 37.

(b) In Chirurg. sua cap. de hernia umbilicali.

(c) Hernia umbilicis congenita Vid. in SCVLTVI obs. 60.

(d) De hac exomphali specie GARENGEOT nihil proponit, quod tamen revera datur, & a CELSO quoque jam indicata est lib. VII, cap. 14. & a PAVLO lib. VI. cap. 51. aliisque.



ipsa ægri hominis conditio hydropica significat, & *hernia umbilici aquosa* dici potest; quemadmodum ille, qui aerem continet, *ventosa* sive *flatulenta*.

V. *Omphalocele in infantibus* & pueris plerumque solet esse sine periculo, *Prognosis.* & ut plurimum etiam facile in his refunditur ac sanatur. Ita etiam in adultis minus periculi fovet, quamdiu partes prolapsæ liberæ sunt & facile repelliqueunt. Sed quemadmodum in hominibus adultis nunquam sine periculo est; ita tamen valde molestus & tunc inprimis perniciosus esse deprehenditur, si subito quodam casu per valde angustum umbilici foramen intestina prolapsa seu potius protrusa sunt, neque refundi ullo modo in ventrem possunt. Namque hic fieri aliter vix potest, quam ut constricto fortiter ambitu foraminis umbilici sanguinis ex intestinis prolapsis redire nequeat, atque stagnantes in venis intestinorum humores inflammationem maximosque & dolores & angores una cum vomitu & quidem cum pessimo quandoque stercoris vomitu, (quod mali genus *miserere* vulgus dicit, Medici *iliacam passionem* appellant) intestinorum sphacelo tristissimæque morte concitent. Ubi vero paulatim noxa ista increvit, ipsumque peritonæi foramen sensim satis amplum ad transmittenda intestina est, ut plurimum non adeo magnum periculum subesse consuevit, præsertim in infantibus atque junioribus. Interim nisi aptum aliquod ad reprimenda intestina & omentum cingulum sive fasciam ipsi adhibuerint, sollicitæque cum a frigore ac motu fortiori, tum etiam a cibis copiosioribus, præsertim durioribus, crassioribus ac flatulentis sese abstinuerint, maximum utique semper periculum est, ne forte levem ob causam omentum atque intestina foras procidant, locus procidentia valde coarctetur, intestina constringantur, & tam firmiter in externo tumore maximis subinde cum cruciatibus includantur, ut nulla prorsus via refundi in abdomen queant; sed gravissima potius mala ista, quæ jamjam recensuimus, ac tandem mortem ipsam sensim inducant. *Operatio etiam chirurgica* omnis, quæ contra hæc mala adhiberi solet, quam sæpissime, experientia teste, *frustranea*, imo haud sine periculo hic esse consuevit, præsertim si hernia magna fuerit: siquidem ægotantes plerique, si non sub ipsum opus, saltem post illud emoriuntur. Ceterum si intestina refundi possunt, longe promptius in infantibus adhuc dum teneris, quam in adultis omphalocele, perinde ut hernia quævis alia, curatur, si modo idoneo cingulo sive fasciæ semper instructi sunt, debitamque victus & motus rationem observant, verum nisi apto cingulo semper muniti sunt, debitamque vitæ rationem negligunt, nihil fere facilius est, quam ut intestina hic prolabantur, & malum pristinum cum præsentissimo sæpe vitæ periculo redeat. *Si tumor spiritum* tantum continet, parum subest periculi; *sin aquam*, periculum hydropis fovet.

VI. Curationis negotium universum duplex est: prout intestina vel rescindi vel refundi non possunt. *Si refundi possunt*, cura omnis eo inprimis spectat, *Curationis prima via.* ut umbilicus prominens & intestina cum omento prolapsa in abdomen refundantur, firmiterque, ne iterum prolabi queant, intus contineantur. Quare ubi satis amplum foramen est, per quod prolapsa intestina fuerunt, deprimi atque manu leniter cogi, resupinato homine, tantisper debent donec relabantur, deinde pro diversa ætate curatio varia est. Nam *in infantibus tenerioribus sive junioribus* frequenti usu ad herniam ejusmodi curandam sufficere cognovi, si represso tumore repositisque intestinis globulus ex emplastro ad hernias usitato formetur, isque umbilico represso imponatur, superimposito, deinde eodem emplastro linteo vel corio obducto, pro globulo illo in umbilico continendo firmandoque; super hoc splenium injicio simplex satis tamen crassum, in malo recenti ac leviori, illudque fasciæ lineæ simplici, tres digitos latæ, ductibusque circumducta, firmo, curoque ut, quoties fasciæ hæc relaxatur, subinde removeatur,



tur, sed mox iterum constringatur, ita intra paucos hebdomades plerumque istiusmodi hernia curata est. Quando vero malum paulo gravius, splenio utroque duplici atque inferiori eoque minori laminam plumbeam, ut melius reprimat, immitto, postea paulo majus superimpono, & cetera eadem facio. Sed in pueris, adultioribus atque senibus *bracherium aliquod sive cingulum aut vinculum huic scopo accommodatum*, ac peculiari scuto sive lamina, aut pila, prout CELSVS loquitur, (a) *instructum ope fibulae diligenter circa ventrem adstringi debet*, ne denuo prolabi omentum aut intestina valeant. Cingulorum ejusmodi figurae satis aptae ex videntur, quales & SCVLTVS Tab. XXXVII. fig. 6. & nos Tab. XXIV. fig. 6. ex corio, atque fig. 7. ex filo ferreo facta delineavimus, quamvis & aliae adhuc sint non contemnendae. Ante vero, quam cingulum sive fascia ejusmodi corpori applicatur, globulus aliquis ex emplastro roborante, ut jam diximus, atque deinde emplastrum aliquod glutinosum & splenium super umbilicum ac tunc demum vinculum rite injiciantur. Namque hunc in modum instituta & per aliquot menses strenue continuata umbilici vincitura, pristinae haud raro sanitati homines restitutos fuisse, testis mihi frequens est experientia: praecipue si aut juvenes adhuc fuerint, aut malum saltem nondum inveteratum. Si qui enim adultiores sive senes dudum jam umbilici vitium istiusmodi senserunt, hi nunquam fere ad sanitatem perfecte redeunt; sed providentiam umbilici avertere volunt, a quacunque causa illa orta sit, per omnem vitam ejusmodi machinamenta gestare coguntur. Contra si ea non gestent, sollicitaeque a noxia victus ratione & a graviore corporis commotione sibi caveant, praesentissimo mali pristini, passionis iliacae atque haud raro mortis periculo, si vitium a prolapsio intestino vel omento ortum sit, (b) sunt expositi.

Veterum curandi ratio.

VII. Haec curatio igitur, ut apparet, in adultis *palliativa* tantum est, & apud recentiores plerisque, si forte SAVIARDVM excipias, nulla curatio perfecta sive *radicalis*, ut vocant, descripta reperitur. Veteres vero, ut ex praestantissimo CELSO patet (c) etiam de hac solliciti fuerant, atque hic varias curandi rationes descripsit, ex quibus ut praecipuas chirurgi sciant, operae pretium esse existimo. *Resupinandum*, ait, *corpus esse, ut in uterum* (hoc est in ventrem) *sive intestinum, sive omentum est, relabatur. Sinus vero umbilici tum vacuus, ad imum acu trajectatur, duo lina ducente; deinde utriusque lini duobus capitibus diversae partes adstringuntur, (sicut in uva oculi sive staphylomate quoque fit)* nam sic id, quod supra vinculum est moritur, decedit & firma cicatrice umbilicus clauditur. *Quidam, antequam vincirent, summum una linea inciderunt, quo facilius, digito immisso, quod illuc irrupisset, depellerent, tum deinde vincirent, idque etiam propterea, ne forte vel intestinum vel omentum simul constringatur. Quidam partem ligatam, (sine dubio ut fortiorem, cicatricem obtinerent) aut medicamentis aut ferro adusserunt, ac deinde ut cetera uita, ulcus curarunt. Idque non solum ubi intestinum vel omentum, vel utrumque est, sed etiam ubi humor est, optime proficere asseverat. Requirit autem corpus idoneum quod integrum sive sanum est, & neque infans neque senex. Praeterea in levibus ejusmodi tumoribus curationes has optime prodesse; at in eorum, qui nimis magni sunt, curatione periculum esse indicat. Quae res sane cum recentiorum observationibus partim optime conveniunt, partim occasionem meditandi praebent, qua ratione haec herniae perfectius, quam nunc fieri solet, in adultis curari queant.*

## VIII.

(a) Lib. VII. cap. XX.

(b) Ab omento solo prolapsio eadem mala oriri posse quam ab intestino notarunt PALFINVS in chirurg. pag. 70. & Garengot. chir. cap. de herniis.

(c) Lib. VII. cap. 14. item ex Paulo lib. VI. cap. 51.



VIII. SAVIARDVS chirurgus Parisiensis, in puella quatuordecim menses nata, repressis prius intestinis, tumorem umbilici, qui ovi anserini magnitudinem habebat, infante supino, quantum potuit, elevavit, eumque ministro prehendum dedit. Postea filo quadruplicato & cerato cutem hujus tumoris in fundo ligavit, post biduum novam ligaturam injecit, unde tumor in putredinem abire cœpit, ac triduo iterum elapso tertiam, semper prioribus arctius constrictam: unde tumor tandem plane emortuus cecidit & puella optime curata est: Eandem curandi rationem postea in alia puella se cum successu adhibuisse prædicat, obs. chirurg. IX. mirumque est GARENGEOTVM de hoc curandi modo nihil prorsus proposuisse. Sed an ad ejusmodi vehementes curationes in infantibus procedere necesse fuerit, & an non per fascias modo N. VI. descripto curari potuerint, dum SAVIARDVS nihil prorsus de hoc profert, merito dubitari potest.

IX. Quod si autem foramen illud, per quod elapsa intestina fuerunt, paulo angustius est, quam ut refundi, quicquid effusum est, commode queat, sed æger potius tam in tumore quam in ventre dolores vehementissimos atque vomitum sentiat, tum cinguli quidem applicatio in hac & ceteris veris herniis inanis imo aliena prorsus esse consuevit, quia prolapsas partes magis premeret. Verum potius idoneis clysteribus atque cataplasmatibus emollientibus, qualia ex pane similagineo in lacte paululum decocto, cum butyro & croco, rebusque id genus aliis, parantur, quam diligentissime tumor ac prolapsa intestina tamdiu calide fovenda atque emollienda sunt, donec cogi rursus haud incommode in ventrem queant. Resupinare autem tunc ægrum, depresso capite, oportet, remotisque subinde cataplasmatibus identidem blanda manu periculum facere, num satis jam ad reponendum intestina idonea sint, nec ne. Quibus ita confectis atque aliquamdiu continuatis, ubi nihilominus reponi, quicquid prolapsum fuit, nequeat; longe optimum erit, si herba nicotiana fumus, peculiaribus fistulis, infra Tab. XXXIV. fig. 13. delineatis, tantisper in anum immittatur donec alvus solvatur & intestina relabantur; hujus etenim admirabilem prorsus virtutem hic esse, multiplex verum usus me docuit, atque hoc artificium vulgo *clysterem tabacalem* appellare solent. Sed si sanguinis copia est, vel & inflammatio quædam in intestinis prolapsis, ut plerumque fieri solet, hominem ægrum infestat, tunc simul mox in principio mali sanguinem per venas, sicut in aliis inflammationibus, largiter ac in tempore detrahare convenit. tunc enim venæ atque intestina prolapsa detumescunt, mala decrescunt, ipsaque intestina prolapsa, præsertim sicubi leniter simul manu præmantur, subito sæpe in abdomen relabuntur. His quacunque ratione restitutis proximum est, ut splenio & digitis umbilici hiatus comprimatur, ac deinde ut cingulo apto vel etiam primum idonea fascia linea vinctura eo modo instituat, quem paulo ante memoravimus.

X. Ubi vero nihil omnia medicamenta ista una cum sanguinis missione post elapsos etiam viginti vel viginti quatuor horas proficiunt, verum omnia potius in deterius ruunt, *properandum utique ad operationem chirurgicam est*; utpote sine qua tunc parum atque adeo nihil salutis sperare in ejusmodi casibus licet. Quemadmodum autem opportune hic instituta operatio insigniter facere ad recuperandam sanitatem potest, sic ea, quæ justo tardius suscipitur, plane plerumque solet esse inanis ac supervacanea. Fere enim post vigesimam quartam horam, præsertim in vegetis ac junioribus, ut jam diximus, gangræna vel sphacelus intestina prolapsa inflammata & incarcerata invadit atque perdit: in senibus vero hoc tardius plerumque contingit. Sphacelo facto ægri adhuc vehementer vomunt, magis magisque debilitantur, extrema paulatim frigescent,

*Saviardi  
modus.*

*Altera cu-  
randi via, si  
reponi ne-  
queat.*

*Curatio per  
scalpellum.*



scunt, sudor frigidus in facie & manibus erumpit, tandemque certissima mors brevi insequitur. *Ad operationem vero quod attinet*, eo potissimum illa spectat, ut, quantum ad refundenda intestina captiva compressa & quasi strangulata sufficit, foramen abdominis ampliatur. *Itaque sic eadem instituitur*. Æger super lecto vel tabula sive mensa quadam, capite paululum depresso, ventre autem & natibus elevatis, deponitur, atque ita vel laqueis ad ipsam adstringitur, vel etiam ab aliquot ministris fortioribus quam firmissime, ne movere se possit, continetur. Tum cutis super umbilicum prominentem transversa a chirurgo & ministro comprehenditur, manuque gnaviter adducta per adhibitum scalpellum a chirurgo una linea, si tumor parvus, inciditur; sed diligentissime tamen temperato instrumento, ne scilicet ipsa simul intestina prolapsa concidantur. Quam quidem propter causam longe tutissimum videtur, facto exiguo vulnere, specillum quoddam cavum (Tab. I. litt. M. aut N.) protinus sub cutem demittere atque per admodum scalpellum aliquod, sive rectum, sive curvum illud sit, provide plagam, quantum satis est, sursum deorsumque ampliare, & si forte in tumore majore hæc non sufficere videatur, linea quoque transversa cutis incidatur, & quatuor ejus anguli caute diducantur. Deinde membranulas cum pinguedine super intestinis positas, & digitis & forfice aut scalpello quam solertissime, ne intestina lædantur, diducere ac tandem membranam, quæ proxime intestina continet, quam sacculum peritonæi vocant, eodem modo, ut de cute mox dictum est, elevare, & quam cautissime eam parva plaga incidere. Tum, intestinis aliqua ratione detectis, specillum quoddam cavum sub membranam hanc immittere, atque ita illam apto ferramento ulterius incidere atque sic plagam satis dilatare; tandemque ubi omnia satis patent, intestina prolapsa leniter digitis in ventrem deprimere: (a) quemadmodum supra jam prolapsis intestinis in abdominis vulneribus fuit propositum. (Part. I. lib. I. cap. V.) ubi vero ipsum foramen umbilici paulo angustius est, quam ut cogi per id intestina valeant, necessarium utique est, vel specillo quodam cavo, vel si id fieri potest, digito super intestinis in foramen illud demisso, forficis ad apicem obtusæ aut scalpelli præsertim globulo instructi (Tab. V. fig. 3. 4. aut 5.) beneficio tantisper idem sursum versus & ad sinistrum ventris latus (b) ampliare, donec tam amplum sit, ut reponi commode quicquid prolapsum est, valeat.

*Nova instrumenta describuntur.*

XI. Loco prædictorum ferramentorum tam in hujus mali curatione, quam etiam in vulneribus abdominis dilatandis, aliarumque herniarum intestinalium procidentiarum loco ampliando pro periculo, quod habent, magis evitando, peculiariora adhuc machinamenta recentiores excogitarunt chirurghi, & primo quidem specillum quoddam Tab. XXIV. fig. 8. fulco donatum, attamen simul quoque lamina cordiformi AA a tergo instructum, quæ efficere debet, ut intestina prolapsa reprimantur, ne facile a scalpello, qui fulco immittitur, dum foramen ampliandum inciditur, lædi queant. Deinde pro vulneribus quidem abdominis, quæ intestina quasi strangulant, dilatandis MORANDVS, ex Clariss. hodie Parisiens. chirurgis, ferramenti quoque genus, quod Galli *bistouri gastrophique* appellant, excogitavit; (vid. Tab. XXIV. fig. 9.) cujus quidem supra, ubi de vulneribus abdominis proposui, ut mentionem fecerim, oblitus sum; quod vero non solum in his, verum etiam in apertura herniarum *incarceratum* dila-

(a) Omentum & unicam tantum cellulam coli herniæ umbilici incarceratæ symptomata concitasse notavit *Garengot* cap. de exomphalo.

(b) In ceteris umbilici plagis arteriæ vel venæ umbilicalis læsio est metuenda, quæ subinde haud sine periculo est.



dilatanda egregio, ut ego saltem opinor, usui esse potest: quando nimirum immisso per illam specillo sive stylo ejus obtuso & in abdomen usque ad B. preheñsis deinde ansis CC, sicut forfice, elevatoque brachio mobili D, quod in altera sive superiori parte EE scalpelli instar acutum est, inciditur atque dilatatur angustius foramen, donec intestina refundi queant. Præterea pro eodem usu in herniis DRANIVS, alius cel. chirurgus Paris. scalpelli occulti quoddam genus haud ita pridem invenit ac descripsit, (a) quodque inde delineari curavi Tab. XXIV. fig. 10. 11. In fig. 10. ostenditur illud clausum & occultum, in fig. vero 11. apertum, & in partes quasi resolutum. Immittitur autem pars AA. fig. 10. in foramen herniæ incidendum ac dilatandum; comprehenditur deinde manubrium K manu dextra, lamina F, pollice imposito, apte depri-mitur, ita scalpellum, in sulculo AA. hætenus occultatum, elevatur sic ut in fig. 11. litt. CD. exhibetur, ita ut apex D in sulculo occultus maneat, ne lædere aut pungere intestina possit; pars vero inter C & D. exitum angustio-rem incidat ac dilatet, quo prolapsa deinde ac compressa intestina in ventrem, ut supra diximus, refundi possint. Infra in tabulæ XXIV. explicatione uberior hujus scalpelli herniarii, (quod Galli *bistouri herniaire de Mr. le DRAN* appel-lant) dabitur explicatio.

XII. Intestinis hunc in modum repositis, contineri & comprimi vulnus a ministro quodam oportet, *suturaque nodosa* constrictum, (b) ad confectam usque glutinationem ea ratione deligari, quam in *gastrophiam* superius descripsimus. (P. I. lib. I. cap. V.) Atque post primam quidem deligationem quiescere homo ægrotus debet; vinctura vero, ad glutinationem promovendam, per tres qua-tuorve dies continuos remanere; nisi forte gravis aliquis casus contrarium po-stulaverit. Post primam deligationem resolutam, semel quotidie vulnus, perina-de, ut in ventris vulneribus reliquis fieri debet, gnaviter deligatur. Glutina-to vulnere, fascia nihilominus aut cingulo idoneo instructus æger adhuc diu sit necesse est; quo nempe solidior ac firmior cicatrix inducatur, itaque redeuntis mali periculum certius præcaveatur. Adultiores vero & cumprimis senes, nisi per omnem vitam aptum quoddam cingulum gestaverint, vix ac ne vix qui-dem tuti esse a noxa pristina poterunt; sed infantes, pueri & juvenes plerum-que perfecte rursus curantur.

XIII. Ne quis autem ignoret, quousque nostra curandi ratio cum ea, quam chirurgus Paris. clarissimus, PETITVS commendavit, aut conveniat, haud alienum fuerit, breviter hanc ex GARENGEOTII *operat. chirurg.* (c) describere. Scilicet, cutis super tumorem posita una cum pinguedine partim a Chirurgo, partim a ministro sursum adducitur, admotoque scalpello, primo linea recta, ac deinde mox lineis in crucem positis, conciditur. Mox vulnus istud diductis ab invicem quatuor partibus extremis, sive oris, ope specilli sul-cati & scalpelli, vel & per injectos digitos ampliatur. Deinde ut GAREN-GEOT scribit, *Raiseau* in conspectum prodiens intestinoque haud absimile, (d)

*Heisteri Chirurgica Tom. III.*

N

per

(a) In observ. ejus chirurg. Tom. II. obs. 69. pag. 26.

(b) Recentiores suturam hanc rejiciunt, ut GARENGEOT docet, quam quoque, præsertim in minori plaga, tuto omitti posse censeo.

(c) Cap. de exomphalo.

(d) Quid insolens vocabulum istud *Raiseau* hic sibi velit, quamque intestinorum vel his si-milem partem designet, ego cum multis aliis non satis intelligo, præsertim cum in lexicis no-stris Gallicis ita scriptum non reperiatur vocabulum. Etiam si enim *raiseau* denotet *ramulum*; tamen ubinam locorum in umbilico prominente sive hernia umbilici *ramulus* iste quærendus sit, qui intestino similis, explorare, quantumvis magno adhibito studio, nondum licuit, velimque propterea, ut GARENGEOTIVS seipsum clarius hic aliquando explicet. Quod si pro *raiseau* for-te *reseau* vel *resul*, ut lexica scribunt, legendum, quod *reticulum* sive *rete* aut aliquod simile si-gnificat; tamen neque hoc facile comprehendo, quomodo intestinum pro reticulo, quod reciden-dum, haberi queat: cum reticulum & intestinum res sint toto cælo diversissimæ.

*Deligandi ratio.*

*Petiti cura-tionis via describitur.*



per adhibitum scalpellum falcatum quam cautissime abscinditur. Tum membrana, quæ sacculus est, post concisum *raiseau* emergens atque intestina prolapsa continens, sursum attollitur minutoque vulnere quam cautissime perforatur: id quod rite factum esse lymphæ effluens hic demonstrat. Post digitus index vel medius in vulnus sic demittitur, ut illius ductu per incurvam eandemque reusam forcem Tab. I. fig. D. decussatim concidi sacculus queat. Tum, si quid forte contra, quam naturaliter decebat, uti in omento sæpe fieri solet, increvit, vel & cum externis partibus concrevit, illud omne, siue jam ex carne constet, siue ex pinguedine, a partibus vicinis resolvitur atque abscinditur. Si tunc epiploon ultra oras annuli umbilici non prolapsus est, hoc bene spectare jubet. Sed si prolapsus & simul valde auctus est, malum desperatum esse innuit, siue id refundatur, siue resecetur. Sic etsi multa intestina sint prolapsa eaque refundantur, mortem sequi. (a) Interea tamen intestina decenter reponenda, siquidem tunc umbilici foramen satis amplum esse advertitur. Ubi vero nimis angustum illud est, scalpellum aliquod globulo præmunitum, idemque parum acutum (Conf. Tab. V. fig. 3. 4. & 5.) in foramen demittitur, sursumque versus in sinistram ventris partem, quantum satis est, oblique ducitur, ita ut apertura umbilici hic dilatetur. Si quis autem tumor siue hernia hic non usque adeo grandis est: tum hanc curandi viam PETITVS sequitur, ut nimirum, nihil inciso herniæ sacculo, foramen abdominis quadantenus ampliet, prolapsaque intestina una cum ipso sacculo refundat. Quomodo vero foramen umbilici dilatet, & tamen sacculum non incidat, haud satis describit neque facile intelligitur.

Vinctura  
PETITO  
adhiberi so-  
lita.

XIII. Interea his decenter confectis pergit ad *deligationem* atque instituti vulneris glutinationem. Utramque autem qua ratione PETITVS perficiat, strictim jam commemorare expediet. Nimirum jubet is, siue adhibita futura, globulum quendam lineum paulo majorem (quem *pelote* appellat) albumine ovorum madidum, filoque adnexum super foramen illud imponi, unde intestina fuerant prolapsa. Deinde panniculis lineis minutis contortis atque cylindricis ex linamento carpto factis (*bourdonnets* Galli vocant) vulnus reliquum undique adimpletur, atque rosarum oleo partibus proximis inunctis, tribus quatuorve spleniis, quorum aliud ex alio majus est, gnaviter contegitur, mantili cum scapulari supra deligato. Altero die globulum illum, quantumvis etiam firmiter & foramini & vulneris oris adhærescat, rursus removeri vel avelli vult, eoque facto, nullum fere amplius foraminis aut vulneris, ut scribit, vestigium superesse. Postea vulnus rursus panniculis & linamentis carptis replet. Sed qua ratione postea vulnus glutinet, haud docet. Quare vero non tam recta eademque unica, ut plerique hæcenus docuerunt, ubi sufficere potest, quam potius binis semper inque crucem positis lineis tumorem hic incidendum præscripserit, nullis, quantum ego quidem scio, rationibus illustravit GARENGETIVS. Item etiam DRANII observationem refert, ubi in ejusmodi hernia, aperto sacco, non nisi cellula coli impacta & constricta fuit, qua tamen secum vomitus fuerat concitatus. Ceterum sub ipsam curationem, primis præsertim diebus, venæ sectione, lotionibus alvi siue clysteribus atque sollicita vitæ vi-ctusque ratione quam maxime opus est.

DIONYSII  
sententia  
singularis


XIV. DIONYSIVS in sua chirurgia statuit, (b) umbilici indecore prominentis malum nunquam a peritoneo nimium expanso, sed potius semper ab eodem disrupto provenire, adeoque contra, quam plerique credunt, intestina proxime sub cutem posita, neque sacculo quodam comprehensa reperiri. At vero egregie

(a) Hoc periculum jam agnovit & indicavit CELSVS lib. VII. cap. 14.  
(b) Ubi de hac hernia agit.











gie DIONYSIVM hoc in passu falli , dilucide satis , meo quidem iudicio , patet , cum ex *annotationibus* illis , quibus jam olim modo laudati auctoris librum , vernacula nostra anno 1722. iterum editum , illustravi pag. 118. , tum & vel maxime ex observatione singulari , qua meum de DIONYSII opinatione iudicium roborare sustinui . Atque ad observationem quidem eam quod attinet , sic fere ipsa sese habet . Vidi ego quondam , dum Altorfii Noricorum adhuc Medicinæ ac chirurgiæ Professor eram , cum CAROLO DE COLONIA, Noribergensium chirurgo , virum aliquem nobilem , eundemque procero admodum , amplo atque obeso corpore præditum , cui umbilicus ita insigniter prominebat , quemadmodum Tab. XXIV. fig. 12. designavimus . Namque litteræ AAAA externæ cutis in umbilico oram , quasi grandem annulum aliquem significant . Ipso annulo isto tenuis ac pellucida membrana quædam , sive , prout vero simillimum videtur , peritonæum comprehendebatur , per quod intestina BBB. in vivo homine quam clarissime transparebant . Quamdiu cingulum , magno duroque pulvinari quodam sive scuto instructum , ad similitudinem fig. 6. hujus tabulæ efformatum , corpori applicatum servabatur , intestina quoque , prout naturaliter decet , intus remanebant . Simulatque vero idem solvebatur , protinus intestina cum tenui membrana ista in quodam quasi sacculo contenta prorumpabant atque tumorem extra umbilicum formabant . Num similes casus alii a chirurgorum aut Medicorum quoquam observati sint , mihi quidem non satis constat . Sed illud tamen dubio caret , PALFYNIVM una cum GARENGEOTIO usque adeo longe a DIONYSIO hac de re dissentire , ut , sacculum aliquem sive peritonæum præter naturam diductum utique in herniis his adesse , quo intestina contineantur , luculentissime mecum statuunt . Interim cavendum hic est , ne , nihil omnino veritatis sententiam *Dionysianam* , quippe observationibus quibusdam , ut perhibet , in vivis æque ac demortuis hominibus institutis nixam , habere , temere credamus ut pronunciemus . Quin ita potius habendum esse censeo : posse quandoque istiusmodi casus existere , ubi prolapsa per prominentem umbilicum intestina nullo sacculo comprehensa , sed ipsi potius externæ cuti proxime subjecta reperiantur . Præstat enim , si quid ego video , prudens conjectura illa , ut maxima semper cum circumspectione ancipitem illam indecore prominentis umbilici curationem suscipiamus , neque ipsa intestina pro sacculo , sive , prout GARENGEOTIVS loquitur , pro *ramo* vel *reticulo* isto habeantur , audacissimeque concidantur . Neque vero alienam prorsus atque inanem DIONYSII observationem istam esse , egomet quoque experientia didicisse mihi video : imo & ipse GARENGEOTIVS rupturam peritonæi quandoque contingere in herniis indicat pag. 313. 376. Tom I. chirurg. edit. II.

### *Explicatio Tabulæ vigesimæ quartæ.*

Fig. 1. *acus* exhibetur sive *clavus* chirurgicus , cuspide triangula donatus , & tubulo sive cannula inclusus : quod ferramentum *acus cannulata* & cum Gal-  
lis vulgo *Troicar* vocatur , pro ventre hydropicorum perforando atque humo-  
ribus ex ipso itemque ex scroto educendis potissimum destinatum .

A. indicat ejus manubrium ,

B. cuspidem acus triangularem ,

CC. cannulam sive tubulum , cui clavus ille inhæret .

Fig. 2. repræsentatur clavus ille solus & nudus extra fistulam sive tubulum suum ,  
ex ferro sive chalybe confectus , & quidem A C ostendit manubrium , B C  
clavum teretem , cuspide triangulari B instructum .



Fig. 3. *Cannula* sive *tubulus* seorsim conspicitur teres & ex argento plerumque fabricatus, per quem educta acu humores præter naturam effluunt: in quo AA partem tubuli teretem ostendit, quæ extracta acu in ventre manet. BB laminam & speciatim faciem ejus concavam duobus foraminulis instructam, ut filum sive funiculus transmitti, eoque tubulus, si lubet, firmari queat, ne in ventrem incidat. C demonstrat foramen quasi ellipticum, quod juxta alterum extremum utrinque insculptum est; ut liquores non solum per extremum foramen, verum etiam utrinque per duo hæc lateralia foramina intrare queant. D est foramen tubuli in medio laminæ, per quod acus in tubulum immittitur, eaque, postquam ventre perforatus est, extracta humores hydropicorum emittuntur.

Fig. 4. exhibet aliam figuram tubuli, pro eodem usu adhibendi, ex PETITI inventionione, & quidem AA tubuli partem cylindricam demonstrat, superne per totam fere longitudinem longa rima apertam, per quam aquas facilius quam per alterum intrare existimat. B laminam cum foramine, cui clavus ferreus immitti & aquæ emitti solent. CC aliam laminam ad canalisi quasi vel gutturnii modum excavatam, per quam aquæ sive humores commode in vas subjectum defluere possunt.

Fig. 5. litt. AAAA demonstrat *ferramentum crucis figuram referens*, pro infantum gibbo reprimendo usurpandum: quod dorso ipsorum ita applicatur, ut pars longior spinæ dorsi incumbat, pars vero brevior scapulis; BB anulum ferreum designat, qui corio vel serico obductus collo circumjicitur, & peculiari uncinulo per foraminula ejus trajecto aa arctius vel laxius, prout opus est, claudi potest; CC lora duo sunt ex corio: quorum sinistrum dependet, ut ejus foraminulam in parte inferiori conspici queant, per quæ fibulæ & funiculi trajiciuntur; dextrum vero ostendit, quomodo humero circumjiciatur. DD Fibulas indicat, & quidem in sinistro latere solutas; in dextro vero, quomodo circa humerum eis lorum firmetur. EE Fasciam, laqueum sive funiculum planum, per foramen F trajectum, quo extremum inferius circa ventrem firmatur.

Fig. 6. *Cingulum* sive fasciam repræsentat, reprimendis herniis umbilicalibus destinatum: & quidem A *scutum ferreum* denotat, corio vel panno xylino, substrato prius gossypio vel pilis coctis obductum, umbilico represso emplastroque & spleniis munito, superimponendum; quod parvo adhuc tuberculo in medio potest esse instructum. BBB lorum sive cingulum ventri circumducendum, vel ex corio vel panno xylino confectum. C fibulam, qua lorum clauditur & firmatur. D scutum in quo parvum tuberculum in medio conspicitur.

Fig. 7. Ferramenti aliud genus sistitur ex filo ferreo sive æneo, paulo crassiori, singulari modo contorto ac inflexo paratum, in eundem usum. A illam partem designat, quæ umbilico superimponitur; BBB vero istam, quæ circum ventrem injicitur; & CC partem ipsis inguinibus adaptandam: quo fit, ut vi sua elastica umbilicum & ventrem arcte comprehendat. Oportet vero eam corio molliori vel panno xylino vestiri, & locum A simul pilis equinis coctis aliave materia idonea impleri, totamque corpori ægri quoad magnitudinem accommodari.

Fig. 8. *Specillum sulcatum* pro herniarum prolapsu in herniis incarceratis commode incidendo & ampliando: ubi lamina cordiformis AA impedit, ne intestina facile a scalpello lædantur.

Fig. 9. *Scalpellum gastroraphium*, MORANDI dictum, quod vero & pro eodem usu adhiberi potest. Litt. A specillum sive stilum indicat, obtusum, quod



quod per locum prolapsus in ventrem demittitur; B locum, ubi ferramenti pars sive ala superior & inferior per cardinem mobilem junguntur; CC duos annulos sive habenas, ut in forfice, quibus comprehenditur; D alæ mobilis sive superioris partem inferiorem eamque subrotundam sive obtusam; sed EE partem superiorem sive acutam, quæ locum prolapsus angustiores elevando incidere atque sic dilatare debet, ostendit.

Fig. 10. & 11. *Scalpellum herniarum* DRANII (*Bistoury herniaire*) & quidem fig. 10. illud clausum; fig. 11. vero ex parte apertum repræsentant, ut interior fabrica ipsius melius cognosci queat. AA denotat specillum sulcatum, in quo minutum scalpellum latet; B dimidium hujus specilli secundum longitudinem; C scalpellum hoc extra sulcum specilli elevatum; D extremum hujus scalpelli, quod *caudam arundinis* appellat auctor, & quod in sulco movetur atque impedit, ne cuspis vel extremum scalpelli ex eo profiliat; EE vectem, qui scalpellulum movet; F laminam vectis, quæ pollice pressa, pars scalpelli inferior C elevatur. G laminam elasticam, quæ vectis partem inferiorem rursus elevat, atque sic facit, ut scalpellum minutum, quando sectio peracta est, ut sulcum repellatur seque denuo abscondat. HH alas duas laterales, quæ tegunt ac defendunt intestinum; II alas duas erectas, quæ includunt & sustinent vectem; K manubrium totius hujus ferramenti; L trochleam, circa quam vectis sursum deorsumque movetur.

Fig. 12. exhibetur *insignis umbilici dilatatio* atque hernia, & quidem litt. AAAA & oræ cutis umbilici in formam annuli valde distentæ indicantur, quæ ultra duos pollices distabant, & membrana tenui ac pellucida, quæ sine dubio peritonæum erat, necitebantur, per quam intestina tenuia BBBB in ventre conspici poterant.

## C A P. V.

### *De herniis ceteris & speciatim nunc de ventris hernia, sive HERNIA VENTRALI.*

I. **U**MBILICUM propter intestina vel omentum aliamve causam prolapsa indecore prominentem, *omphalocelen* sive *herniam umbilicalem* appellari, hætenus est positum. Quando vero non per umbilicum modo, sed per alia quoque abdominis loca, intestina vel omentum, vel intestina una cum omento sæpe prolabantur; facile apparet ratio, cur præter hanc alia quoque *herniarum species*, a loco per quem prolabantur, constitutæ a Medicis reperiantur. Sic enim, exempli causa, *hernia scroti sive scrotalis* dicitur, quoties intestina aut omentum probe pudenda in scrotum prorumpunt; *hernia inguinalis*, ubi eadem circa inguina prolapsa hærent; *femoralis* sive *cruralis*, quando circa extimam femoris partem; & *ventris* denique *hernia*, quum in quacunque alia ventris regione intestina prolabantur tumoremque concitant: id quod quandoque etiam in ipsa linea alba, tam supra quam infra umbilicum observatum est. Dividi etiam solent herniæ in *veras* & *spurias*. Veræ dicuntur, ubi intestina vel omentum excidit; *spuria*, quando nihil horum excidit, sed tumor ab alia causa oritur: ut hydrocele, sarcocoele, variocele &c. Atque ad ventris quidem *herniam sigillatim* quod attinet, hanc superiori sæculo vel prorsus silentio præter-

*Ventris hernia quid sit, & quatuorplex.*



termiffam , vel leviter faltem pertractatam ab auctoribus quamplurimis invenimus : quum tamen non solum veteres jam ipsam noverint ac descripserint , ( a ) fed frequenter admodum usu venire ipsa soleat , atque ipse aliquot ejus exempla viderim . Ut proinde nihil ab instituto nostro alienum facturi videamur , fi hic paulo explanatius de hoc ipso morbi genere multis adhuc incognito disputaverimus . Varia ejus observatur *differentia* : nam quædam *parva* est , quædam *magna* ; alia in dextro , alia in sinistro latere , alia in medio five linea alba . Quædam in ventrem facile repellitur , atque fere sine incommodo est ; alia refundi nequit , & graviffima mala , ut in omphalocèle diximus , concitat , atque *incarcerata* tunc appellatur .

*Causse* . II. De vera noxæ hujus cauffa duplex omnino scriptorum fententia est . Ventris enim herniam non tam a diftenta , quam potius difrupta interiore abdominis membrana , ideoque non nifi subito atque a maxima violentia quadam provenire , fupra laudatus DIONYSIVS ftatuit . Contra vero GARENGEOTIVS idque merito defendit , non a difrupto folum atque in graviore ventris læfione concifo , aut lacerato , dum nunquam rursus coalefcit , fed & multo fæpius a nimis diducto a quacunque cauffa peritonæo noxam illam fuboriri , dummodo in certo quodam loco mufculi & cumprimis tranfverfus abdominis mufculus vel prorfus , vel ex parte faltem , five quoad fibras quasdam fuerit relaxatus , collifus , diffectus , ruptus aut quacunque alia ratione læsus , ut tandem accedente motu , nixu aliave vi fortiori intestina peritonæum protrudant ac diducant .

*Diagnofis* . III. Cognofci autem ventris hernia , & quidem primo illa , quæ refundi intus potest , ex his fere fignis folet . Cutis indecore in abdominis quadam regione infiar tumoris intumefcit ; ipfe tumor manui depreffæ cedit atque intro in abdomen fefe recipit , remota vero manu denuo idem in confpectum prodit , intestinis identidem , dum hoc fit , fonantibus aut murmur quoddam concitantibus . Per tuffim , fpiritum retentum , vel nifum etiam , qualem in exoneranda alvo aliifve conatibus adhibemus , mirifice tumor cum duritie increfcit , fereque intestinorum graviter intentorum aut inflatorum cenfum præbet . Quanquam intestina non nifi alia ex aliis foras prodeunt ; adeoque ipfe tumor fenfim fine fenfu , fed infigniter tamen tandem increfcit , quantumvis etiam exiguus initio apparuerit . Quando autem hæc hernia captiva five *incarcerata* eft ac refundi nequit , tunc omnia illa adfunt figna & mala , quæ in umbilici hernia fupra propofuimus . Ceterum hæc ipfa noxa ætati omni communis eft : neque infantes folum atque adolefcentes , fed adulti quoque fæpius ab eadem infeftantur .

*Prognofis* . IV. Oportet hic etiam atque etiam providere , ne qua forte , propter externam fpeciem , abdominis ejusmodi tumor five hernia pro ulcere claufo vel abfceffu habeatur , adeoque temere , quali abfceffus aliquis , incidatur . Poſſe autem ad peſſimam iſtiusmodi imprudentiam Chirurgos aliquando delabi , ipſe rerum uſus me condocuit . Novi enim ego chirurgum aliquem , qui , niſi ego ipſum dehortatus fuiſſem , intentam abdominis cutem una cum ſubjectis iſtiusmodi pro abſceſſu audacter concidiſſet . In adultis atque ſenibus , præſertim ubi jam major ætæ vetus eſt , difficulter admodum noxa iſta curationem recipit , adeoque mirifice homines & infeſtat , & a rebus gerendis abſtrahit . Ita etſi vulnus abdominis ſequitur , vix unquam curatur , quia peritonæum hic tunc prorfus deficit . Quin & , ubi foramen illud , per quod intestina prolapſa ſunt , ob quamcunque cauſſam paulo arctius contrahitur , ita ut intestina prolapſa

( a ) Vid. CELSVS lib. VII. cap. 17.



lapſa fortiter inde comprimantur , maximum utique periculum eſt , ne , perinde ut in herniis umbilici , inguinis vel ſcroti ſæpe fieri ſolet , graviter conſtrictis atque impeditis inteſtinis , cruciatus intenſiſſimi cum inflammatione , moleſtiſſimo vomitu , ac tandem ipſius ſtercoris ( *miſerere* vulgus vocat ) miſerrimæ tandem morte ſuboriantur . Quibus per ipſam lineam albam vel ſupra , vel cumprimis infra umbilicum inteſtina prorumpunt , vix unquam , ut nonnulli auctores teſtantur , ad ſanitatem redeunt . Interea tamen quia locus procidentię plerumque amplior eſt , quam in pleriſque reliquis herniis , ut plurimum etiam minus periculi habent .

V. Quanquam autem graviffimum atque moleſtiſſimum eſſe hoc inteſtino-  
rum per abdominis interiorem membranam diſruptam aut diductam prolapſo-  
rum malum conſuevit , nihil tamen magnopere obſtat , quo minus idem cu-  
rari ab initio , præſertim in infantibus ac junioribus , vel ſaltem mitigari val-  
de queat . Dicit enim vix poteſt , quam inſignem uſum hic præſtet fascia illa  
inſtar cinguli facta atque fig. 6. Tab. XXIV. delineata : præſertim ſi debitæ  
magnitudinis laminam ferream vel ſcutum ſive pulvillum annexum litt. A ſibi  
habeat , atque cum ſubjecto emplaſtro conſtanter circum ventrem probe firma-  
ta maneat . Si qua autem natu grandiores ægri ſunt , atque malum ipſum ni-  
mis jam tum invaluit , id ſaltem fascia illa præſtat , ut majora mala præca-  
veantur . Veteres equidem , qui hos ægros integre reſtituere voluerunt , CEL-  
SO teſte , ( *a* ) ſic plerumque curationem inſtituerunt , ut , reſuſis prius in-  
teſtinis , *per acum duobus linis ad imam baſin immiſſis ſic utrinque cutem inten-*  
*tam devincierint , quemadmodum & in umbilico & in uva poſitum eſt , ut ,*  
*quicquid ſuper vinculum eſt , emoriatur . Quidam medium tumorem exciderunt ,*  
*ad ſimilitudinem myrtacei folii , & tum oras futura junxerunt .* Ego vero , ut  
ne quid hic diſſimulem , utramque iſtam curandi viam omnino comparatam  
adhuc cenſeo eſſe , ut ob periculum faſciam potius adhibitam malim : vix enim  
ac ne vix quidem ſatis providere Chirurgus ibi poterit , ſi CELSI doctrinam  
ſequitur , ne graviter ſimul inteſtina aut lædantur , aut cum ipſa cute conſtrin-  
gantur . Interea tamen anſam de meliori curatione invenienda aut veteri emen-  
danda præbere poteſt . Ceterum ubi prolapſa inteſtina in hac hernia refundi  
nequeunt ; indeque periculofa hominem mala premunt , neceſſarium utique  
erit eandem prorsus curationem adhibere , quam ad umbilicum indecore pro-  
minentem , qui reponi nequit , ſupra propoſuimus . Feliciter id ipſum , GA-  
RENGEOTIO teſte , ſæpe jam laudatus PETITUS effecit , dum ſutorem ali-  
quem ab iſtiusmodi periculofa malo hac ratione ſine ſacculi a peritonæo pro-  
ducto facti apertura , ſed ſolum eum denudando & foramen prolapſus per ſcal-  
pellum ampliando , vix dum quinque diebus elapſis , priſtinæ ſanitati reſtituit .  
Quodſi autem a peritonæo , a prægreſſo vulnere lacerato vel diſſecto , malum  
iſtud provenit , tum quia illud non concreſcit , non tam ſacculo contineri :  
quam potius cuti atque pinguedini quam proxime imminere ſolent : itaque  
ſummam in operatione chirurgica prudentiam adhibere convenit , ne qua for-  
te ſcalpello , dum ſaccum peritonæi inquirere volumus , eadem attingantur ac  
lædantur . Denique illud etiam atque etiam admonendum hic reſtat : homines  
adultos ventris ejuſmodi herniam olim expertos , quacunque demum ratione li-  
berati a noxa iſta illi fuerint , nunquam deponere cingulum vel faſciam idoneam  
debere , niſi priſtini mali periculo exponere ſeſe denuo voluerint . Exemplum  
herniæ ventralis poſt ſectionem cæſaream ortæ , legi poteſt in SAVIARDI obſ.  
chir. 59.

Curatio.

CAP.



## C A P. VI.

*De bubonocèle sive inguinis ramice, aut  
hernia inguinali.*Bubonocèle  
quid sit.

I. **T**UMOREM ab intestinis vel omento, aut ab intestinis atque omento simul, processus peritonæi versus inguina prolapsis, excitatum, *bubonocelen* Medici, desumpto a bubonibus, quasi noxa simili, vocabulo, nuncuparunt. Nonnulli cum CELSO vitium istud, a sede sua, *inguinis ramicem* sive *herniam inguinalem* dixerunt. (a) Alii *herniam incompletam* vocarunt, atque ita *completæ* isti, quæ in viris ab intestinis in ipsum scrotum devolutis provenit, contra distinxerunt; quamvis per se jam satis *completa* sit. Ut plurimum intestinum tenue prolabitur; sed quandoque etiam, ut ipse exempla novi, *colon*, & *cæcum*, præsertim in inguine dextro. (b) Neque vero in maribus tantum, sed in feminis etiam sæpe nasci ejusmodi *ramices inguinis* solent: Usque adeo, ut in his vel ad ipsa pudendi labra, intestina prolapsa nonnunquam penetrent. *Partem vesicæ* etiam, præsertim in feminis, prolabi posse, non solum RVYSCHIVS vidit, (c) verum etiam PETITVS & ARNOLDVS. (d) Ita & *uterum* prolapsum notarunt HILDANVS (e) & RVYSCHIVS in Advers. anatom. dec. II. Cavendum igitur sollicitè est, ne qua forte hic, præcipitato judicio, ad instar bubonum similisve tumoris aut abscessus alterius, *bubonocelen* incidamus, atque ita, perforatis intestinis, hominem ægrum interficiamus: id quod præter recentiores FABRIC. ab *Aquapendente* jam præcepit. (f)

Unde oriatur-

II. Oriri *bubonocèle*, perinde ac *omphalocèle*, duplici fere modo solet. Nunc enim sensim & velut sine sensu musculorum abdominis hiatus isti, ex quibus aut peritonæi processus atque vasa spermatica, aut vena atque arteria cruralis prodeunt, a variis causis ita relaxantur, ut per eosdem una cum peritonæi interna membrana prorumpere simul intestina valeant: nunc autem derepente & per insignem violentiam quandam, saltum scilicet, lapsum, ictum, nisum vehementiorem quemcunque vel in movendis aut elevandis gravioribus ponderibus, vel rebus aliis quibuscunque, tussim quoque, vociferationem, aut tubarum inflationem, equitationem vel gesticulationem fortio-riorem, nimium denique atque violentiorem veneris usum, aut vomitum, & si quid est hujusmodi, loco jamjam designato, peritonæum aut *laceratur*, aut potius, quemadmodum recentioribus plerisque videtur, usque adeo vehementer *dissenditur*, ut intestina eaque nunc sine nunc cum omento ex abdomine

(a) Vid. CELSVS libr. 7. cap. 4. apud BEVEROVICIUM in quæst. epistol. pag. mihi 98. dubitatur, an *ramicis* vocabulum pro *hernia* recte usurpetur. Sed si CELSI librum VII. legisset, ut Cl. SALMASIVS ibidem demonstrat, nulla dubitatione opus fuisset; quia in eo sæpius ita usurpatur.

(b) Notavit hoc etiam PALFINVS in chirurg. p. 81. CYPRIANVS Epist. de fœtu pag. 52. GARENGEOT in oper. chirurg.

(c) Vid. PALFINI chirurg. belg. pag. 70.

(d) Conf. GARENGEOT chirurg. edit. I. pag. 162. ubi hanc speciem recens ab his detectam vocat.

(e) Oper. chirurg. p. 272.

(f) Epist. de hernia uterina.



mine prorumpant. (a) Interdum modo *diverticulum intestini* vel paries tantum ejus expellitur, ut LITTRIVS notavit in Act. Acad. Paris. A 1700. MORGAGNVS in Adv. anatom. III. p. 8. & 9. & RVYSCHIVS in Advers. anat. dec. II.

III. Ubi paulatim hoc malum sive pedetentim oritur, raras plerumque easdemque non adeo graves molestias ægri homines persentiscunt. Si qui autem subito istiusmodi noxam sentiunt, vel & licet malum jam antiquum sit; frigori nimis sese exponunt, violentiorem motum aut nisum exserunt, vel ira vehementiori excandescunt, ut ego aliquando vidi, vel denique cibos nimios, inprimis crassiores & qui mali succi sunt aut inflant, capiunt, hi graviter plerumque ab his ramicibus torquentur. Namque hic non a facibus tantum graviter intestina distenduntur, sed nonnunquam etiam, coarctatis eis foraminibus, ex quibus intestina proruperunt, ita mirifice hæc constringuntur ac coarctantur, ut nihil quicquam eorum, quæ intus hærent, transmittere valeant, ipsisque intestinorum prolapsorum venis ab angusto foraminis ambitu compressis sanguinis reditus impeditur. Quo equidem facto, abesse vix potest, quin graves intestinorum inflammationes cum doloribus, angoribus & vomitibus vehementissimis & iliaca passione, (*miserere mei* communiter vocamus) perinde ac in umbilici vel ventris ramice, moveantur, atque ita *hernia quædam incarcerata*, quam Medici appellant, suboritur. Iisdem prorsus incommodis, quod obiter hic admonendum, expositi quoque sæpe sunt illi, quicunque a scroti hernia vexantur. Ut proinde singulis, qui aut umbilici, aut inguinis, aut scroti denique ramice laborant, quam solertissime cavendum sit, ne facile sine idoneo *cingulo, fasciâ, vinculo, bracherio*, aut *subligaculo* sint aut incedant, & si talibus instructi sint, illud haud facile deponant, ne herniæ incarceratæ, quæ sæpissime ægros interficit, periculo sese exponant. Tametsi neutiquam diffitendum, posse in illis etiam, qui vinculo sive bracherio instructi sunt, simile cunque malum quandoque subnasci; simulatque nimirum in equitatione, vel hujus generis alia corporis commotione vehementiori, subligaculo aut disrupto, aut e sede sua dimoto, aut non satis constricto aut clauso, violenter ex abdomine intestina propelluntur. Quale quid Cel. quondam Gallorum duci ac Marechallo de VILLEROI inter venandum olim haud sine vitæ periculo contigisse, DIONYSIVS memorat. (b) Adeoque vel minime equitandum, vel saltem cautissime.

Quæ male  
inde proveniunt.

IV. Cognosci autem inguinis hernia proprie sic dicta his fere notis solet. *Diagnosis.* In inguine tumor est, qui ad musculorum abdominis annulum usque procedit, atque, quando non captiva est, pro diverso corporis situ vel motu mox detumescit, mox denuo intumescit. Manum si admovemus, æquabiliter duriusculam inflatoque intestino haud absimilem prominentiam persentiscimus. Ubi sensim vitium illud increvit, tumor omnis, ægro præsertim supino, leniter manu depressus, evanescit, fereque semper cum crepitu seu certo quodam murmure in abdomen rursus ascendit. Contra vero ubi non nisi omentum elapsum est, molliorem ut plurimum atque pinguedini, quoad tactum, similem, quoad ma-

Heisteri Chirurgica Tom. III.

O

gni-

(a) Multi imo plerique recentiorum volunt in herniis intestinorum peritonæum non ruptum, sed semper tantum dilatatum esse: inter quos præcipue sunt HILDANVS in oper. pag. mihi 899. epist. de hernia uter. NVCKIVS in Exper. Chirurg. c. de hern. & Adenograph. p. 171. imo & RVYSCHIVS in obs. 89. & Advers. anat. Dec. II. aliique plurimi. Verum licet hoc plerumque verum sit, tamen id quandoque etiam a magna quadam vi rumpi jam ÆGINETA docuit lib. VII. cap. 65. dicendo, hernias vel per dilatationem peritonæi fieri, vel per rupturam, signaque distinctionis tradit his verbis; ait, *Si sensim oriuntur, eas dilatatione; sed si subito, ex ruptura sæpe fieri.* Item & Rossetus statuit lib. de sectione Cæsarea. Ita & BARBETVS interdum rupturam fieri docet atque mox sub cute intestina prolapsa vidit, in chirurg. cap. de hern. Idem recentibus observationibus confirmat GARENGEOT. in oper. chir. ubi de herniis dissert.

(b) In Chirurgia sua, ubi de herniis.



gnitudinem vero non æque, ut in hernia intestinali accidit, mutabilem sed constantem plerumque tumorem aliquem deprehendimus. (a) Ubi denique omentum una cum intestinis excidit; fere semper mollis quidam tumor, refusus etiam intestinis, adhuc remanet. *Herniam subito natam, vel & incarceratam* signa subsequencia produnt. Tumor externus, vel a solo etiam quandoque omento excitatus, insigniter cum duritie atque inflammatione rubet. Ægri doloribus externis atque internis intensissimis maximoque cum æstu sive febre conjunctis vexantur. Mox vomitum ita pertinacem atque vehementem plerique sentiunt, ut maximis cum angoribus principio alimenta aut contenta naturalia, postea ipsum stercus per os reddant. Quæ dum fiunt, ægri valde anguntur, debilitantur, identidem animus deficit, sensimque homines miseri cum sudore frigido atque universi corporis frigore conficiuntur; nisi mature succurratur.

*Prognosis.*

V. Quemadmodum herniæ generatim pro morbis turpibus, ita quammaxime hæc & sequentes, quæ circa partes genitales sunt, pro talibus haberi & ab ægris occultari solent. Fere semper etiam mali hujus exitus anceps est atque periculosus: præsertim ubi ejusmodi hernia in *incarceratam* degeneravit. Si nondum intercepta vel præclusa intestina sunt, & hernia sensim orta est, mitior equidem noxa, neque adeo magnum subest periculum: inprimis ubi commodum, repositis intestinis, *vinculum* sive *subligaculum* adhibeatur atque constanter fatisque diu gestetur. Interea tamen malum valde molestum est, & ægros ad multa negotia ineptos reddit, insuper etiam habito subligaculo periculum est, ne vel mitissima etiam hernia in tumore arctius includatur atque in *incarceratam* paulatim imo & subinde subito degeneret, noxasque supra memoratas singulas concitet. In *hernia* autem *incarcerata* nisi opportuno tempore intestina refunduntur, fere post alterum sive tertium diem, sive citius quoque interdum gravissima inflammatio supervenit celerrimeque ut plurimum homines ægros consumit. Quam equidem ob causam, quoad fieri potest, promptissimum illis afferendum est auxilium, videndumque, ut in vehementiori malo, quod remediis cedere recusat, si symptomata sunt vehementia, mature & quandoque nondum elapsis viginti quatuor horis, operatio instituatur. Nam ubi, viribus maximam partem jam tum exhaustis, maculæ rubræ & nigræ in tumore se manifestant, sphacelum (b) indicant, & si sudor frigidus atque frigus universas corporis partes invadunt, paucas ut plurimum intra horas ægri emoriuntur. Adeoque tunc non frustra solum manus medica adhibetur, sed & vel maximè metuendum videtur, ne in ipso opere, quippe satis jam per se periculoso, homines expirent, atque tunc mortis causa temere in curationem transferatur, quæ tamen intestinorum sphacelo potius accepta erat referenda. Quando vero mala prædicta sunt leniora, nec nimis urgent, ægerque adhuc satis vegetus, paulo diutius curatio, quæ scalpello fit, differri potest. Quoties *omentum simul cum intestinis prolapsum est*, minus plerumque graviter homines periclitantur, quam ubi nuda intestina *incarcerata* sive *coarctata* sentiuntur. Interea tamen *solum omentum prolapsum* quandoque herniæ *incarceratæ* symptomata concitavit, ut varii notarunt auctores: ubi in sectione non nisi omentum prolapsum invenerunt. (a) *Simulatque vero tumor, rubedine atque duritie quodammodo imminutis, cum mollitie quadam nigrescit, vel maculas saltem rubrās, lividas aut nigrican-*

(a) Negant quidam, omentum huic prolabi posse; quia nimis breve esset. Sed præter aliorum observationes duplicem casum ipse vidi & jam descripsi An. 1715. in Ephem. Nat. Cur. Cent. V. pag. 164. obs. 85. licet hoc rarius contingat.

(b) Maculas ejusmodi infallibilia gangrenæ signa esse CYPRIANVS docuit epist. de fœtu, pag. 83.

(c) Ut DIONIS in chirurg. pag. 274. edit. II. GARENGEOT. chirurg. ubi de herniis & ejusmodi etiam exemplum RVYSCHIVS mihi retulit.



cantes exhibet, ut jam diximus, ipsumque tandem sensum amittit; vomitus autem ac febris continuo ægrum exercent; tandem si pulsus debilis atque oculi turbati & veluti cornei videntur, tum ex his quasi manifestis indiciis colligendum, a sphacelo jam tum occupata esse intestina. *Ubi jam ad interiores quoque partes inflammatio transiit*, (transiisse autem ex illo conjicitur, si ventrem distendi, umbilicum vero sursum attolli observamus) tum exigua plerumque, imo vero nulla vitæ spes reliqua est. Denique ubi forte intestina prolapsa cum aliis partibus coaluerunt, difficilis admodum atque anceps solet esse per scalpellum curatio: quia intestina tunc vix ac ne vix quidem refundi in ventrem possunt, nisi a partibus, quibus adhærent, scalpello resolvantur; quod vero quandoque impossibile est, præsertim in hernia femorali, quando intestina cum arteria vel vena crurali coaluerunt, ut GARENGEOTIVS notavit. (a) Ut proinde falli neutiquam videantur, quicumque statuunt, antiquiores Medicos penitus hic ab operatione chirurgica abstinuisse: siquidem neque CELSVS, neque ÆGINETA, neque veterum alius quisquam, quantum ego saltem novi, illius mentionem fecerunt. Interea tamen quia sæpe utilis curatio hæc deprehensa fuit, licet multa prava adfuerint mala, eam justo tempore minime negligendam esse censeo.

VI. Solet autem, pro diversa mali gravitate, imo & pro diverso morbi tempore, triplici fere modo curatio institui. Namque *ubi commode adhuc refundi prolapsa intestina possunt*; sequentem in modum tractare hominem ægrum conveniet. Quicquid intestinorum foras devolutum est, ægro supino, & femore paululum flexo, ut tensa cutis remittat, quam lenissime fieri potest, per injectam manum blanda contrectatione reprimatur, emplastroque (b) glutinoso ac splenio super illam partem, quæ intestina transmiserat, imposito, aptum vinculum sive subligaculum aliquod peculiari pila sive scuto instructum adhibeatur: quorum varia Tab. XXV. delineantur. Quod ipsum equidem ubi probe constrictum per complures menses firmiter ventrem locumque relaxatum continuerit, in pueris, imo & sæpe in adultis, si malum recens est, glutinationem ac perfectam sanationem ejus præstat, vel saltem foramen procidentiae ita rursus angustat & constringit, ut intestina non amplius prolabantur, atque sic pristinum quasi abdomini & loco relaxato vigorem suum restituet. Infantes certe, pueri atque adolescentes, sive qui vicesimum ætatis annum non usque adeo multum superarunt, quam felicissime plenissimeque ut plurimum sanari hac ratione possunt. Neque proin opus est, ut, quemadmodum fieri plerumque ab agyrtis atque circumforaneis solet, crudeli sectioni statim subjiciamus, quibus servandis longe mitior cura suffecisset, præsertim si curatio illa, ut his hominibus mos est, cum testiculi (c) imo sæpe ipsius vitæ jactura contingit, eum solum in finem, ut plus pecuniæ ægris extorquere possint. Ætate provectioribus semel istam curam expertis, nisi pristinas denuo sentire molestias ipsi voluerint, hæc inprimis necessaria cautio est, ne facile per omnem vitam subligaculum deponant, neve justo vehementius unquam corpus suum agitent. Neque enim obstat, quo minus & officii sui negotiis rite defungi & senescere tandem quamplurimi per ahibitam solertiam debitam una cum idoneo vinculo possint, tametsi hernia olim ipsi laboraverint. Quin juvenes etiam, viginti atque plures annos habentes, sicubi recens adhuc malum fuerit, haud prorsus infelicitè, per adhibita bracheria commoda, sanari sæpissime posse, frequens rerum usus me condocuit: de quibus vero inferius plura.

*Curatio, ubi reponi potest.*

O 2

CAP.

(a) Articulo de herniis.

(b) Commendatur præcipue in hunc finem *emplastrum ad hernias usitatum*, itemque *empl. de pelle arietina*.

(c) HILDANVS refert, Helvetios suo tempore putasse, se ab hernia non rite curatos esse, nisi testiculus excisus fuerit, Epist. de hern. uter.



## C A P. VII.

*De bubonocoele sive hernia inguinali  
incaerata.*

Curandi ra-  
tio, quando  
reponi ne-  
quit.

I. **S**I jam tum incaerata vel intercepta est hernia, sive id ab annulo muscoli abdominis fiat, sive ut DRANIVS etiam observavit, (a) a parte superiore ipsius sacci, qui intestina prolapsa continet, atque sic comparata, ut non acutissimis tantum doloribus atque supra memoratis malis acri exerceantur, sed intestina quoque refundi commode nequeant; ferrum continuo eadem fere ratione adhiberi, pro foramine isto, per quod intestina proruperunt, dilatando, a quibusdam solet; quemadmodum scilicet in omphalocoele posuimus. Interim quia incaeratae herniae curatio in eo potissimum sita est, ut, quicquid vel intestinorum vel omenti ex abdomine prolapsum est, pristinis sedibus suis restituatur, prudentis utique Medici est, *mitiora quaque remedia prius experiri*, quam ad operationem ipsam, utpote insigniter & dolorificam & periculosam veniatur. Adhibenda igitur frequenter hic sunt, praeter sanguinis per venas detractionem, quae maximi saepe hic usus est, eamque, si opus, repetitam; loco dolenti olea quaedam mollientia, similiave unguenta, & cataplasmata; alvusque clysteribus ducenda, (b) donec, foramine atque intestinis sufficienter emollitis, compelli rursus in abdomen, quicquid foras proruperat, sensim per adhibitos digitos queat. Commodissima autem curationis hujus via haec est. Aeger, emissa prius urina: depresso capite, coxis erectioribus; femoreque dolentis lateris paululum reducto seu inflexo resupinatur; intestina vero digitis, super tumore quasi in circulum agitis, leniter versus os ileum reprimuntur inque sedem propriam repelluntur. Quo facto, per impositam manum, diligentissime contineri ab administro quodam abdominis pars illa debet, ex qua intestina proruperant; ne scilicet, quicquid depressum est, denuo prorumpat. Denique idonea vincitura instituenda, emplastro scilicet glutinoso splenioque crasso simplici vel duplici triangulari super vitiosam partem istam impositis, firmiterque vel per injectam fasciam aliquam quam spicam inguinis vocant, vel etiam per vinculum coriaceum comprehensis. Neque vero deponi facile vinculum istud oportet, sed quam diutissime, vel etiam, ubi hominis aetas id postulaverit, per universam vitam prout antea (N. VI. Cap. CXVI.) diximus, gestari. Quodsi vero ista ratione reduci in sedem pristinam intestina nequeant, haud abs re Medicus faciet, si per clysterem ex tabaci melioris sive fortioris fumo, in anum ope peculiaris machinae, infra, ubi de operationibus ani agitur, descriptae, (c) diu satis injecto, curationem tentaverit. Hujus etenim subsidio feliciter egomet varios & cum primis primo virum quendam sanavi, quem, frustra plane adhibitis clysteribus ceteris, per triduum jam hernia incaerata acerbissime discruciaverat, quemque nemo fere non, propter teterrimum stercoris vomitum maximamque jam

cor-

(a) Obs. chirurg. Tom. I. obs. 57. & 58.

(b) Nunnulli etiam hic balnea commendant: quae vero aliena deprehensa sunt, teste Garcegeoto, cap. de herniis.

(c) Vid. Tab. XXXIV. fig. 13.



corporis debilitatem, morti certissimæ proximum crediderat; posteaque adhuc aliquot ejusmodi ægros hoc fumo tabaci feliciter restitui, ut nunquam adhuc hoc in morbo ad scalpellum accedere opus mihi fuerit. (a) CLACIVS equidem, quam commodissime refundi prolapsa intestina posse statuit, (b) si *linamentis*, *aqua frigida madentibus*, frequentissime tumor ille ventris involvatur. Quam curandi rationem, si novum adhuc malum est, haud prorsus inutiliter adhiberi, egomet crediderim: Contra vero ubi intestina jam aliquam corruptionem susceperunt. (c)

II. Sed ubi neque hoc modo reponi prolapsa intestina possent, quemadmodum fieri quandoque solet, quoties tumor nimis jam induruisse, inflammatio autem cum doloribus atque stercoreis vomitu jam valde increvisse, advertuntur; Medici prudentis officium est, tum quanta noxæ gravitas, tum quanta curationis per scalpellum necessitas, verum etiam quanta ejus difficultas sit, periclitantis necessariis ostendere: ne scilicet æger nimis debilis evadat, aut intestinum corrumpatur, & dubia vitæ spes per cunctationem in præsentissimum mortis periculum convertatur; neve Medicus, dum fervare nequitiam potuit, interfecisse hominem videatur. Quando igitur æger consentientibus amicis scalpello se submittere vult, tunc ad operationem simulatque veniendum est, *urinam ante omnia emittere ægrotus debet*, ne vesica urina distenta intestinorum regressum impediat, aut scalpello lædatur. Urina missa, super mensa vel laterali lectuli parte idem resupinetur, etsi inguen incidendum pube jam contegitur, ante radendum ne pili curantis manum impendant: depressoque dein capite, coxis vero in altum adductis, firmiter a ministris quibusdam robustioribus, qualiter in omphaloceles curatione præcepimus, contineatur, femore isto, cui malum vicinum est, scilicet cutis nimium distendatur, paululum reducto. Cutem postea complicatam ab altera tumoris parte una cum pinguedine omni Medicus, sed minister aliquis, ab alteraprehendat, sursumque, quantum fieri potest, adductam, linea recta super medio tumoris scalpello incidat, & postea plagam sursum deorsumque, quantum satis est, diducat. (d) *Sicubi vero*, propter vehementiorem inflammationem aliquam, *contrahi vel attolli modo prædicto cutis nequeat*, sicut quandoque contingit, tum chirurgus sinistræ manus pollice atque digito medio tumorem comprehendat, scalpelloque cautissime ac suspensa velut manu super illum deorsum versus tracto, plagam rectam faciat; sed ita tamen levem, ut non nisi cutis, quæ tenuissima fere semper in istiusmodi tumoribus esse solet, dividatur, neque intestina simul cum vitæ periculo, ut quandoque contingit, incidantur. (e) Cuius, quemadmodum præcepimus, paululum divisa, specillum sulcatum inter divisam cutem & tumorem immittatur, plagaque tam sursum quam deorsum aut scalpello aut forfice ampliatur, postea, hamulis utrinque injectis, ipsa diducatur, positoque ad præcavendam intestinorum læsionem, scalpello, per specillum vel spathulam, vel scalpelli manubrium, vel per ungues etiam digitorum, quicquid forte pinguedinis aut tunicæ cellulosæ subest, circumspecte dividatur, donec scilicet vel intestina; vel quod sæpius contingit, ipsorum involu- crum, peritonæum scilicet dilatatum, quod *sacculum* ipsorum appellant, in con-

Curandi ratio per scalpellum.

(a) In ægro quodam paupere aliquando magnam tabaci vulgaris sive debilioris copiam, sed sine effectu inflari curavi, postquam vero nicotianam illam Virginianam, quam *canaster* vulgo appellare solent, adhibendum jussissem, brevi alvus sollicitata est, & intestina prolapsa sponte ac subito intrarunt.

(b) In observ. chirurg. pag. 273.

(c) Ubi intestina aliqua jam corruptione vel gangræna sunt correpta, usum corticis peruviani recentiores quidam valentissimum observarunt. Vid. commerc. litt. N. 1735. pag. 3.

(d) GARENGEOT. putat & scribit, se hoc artificium quam clarissime figuris Tab. 1. & 2. Tom. I. oper. chirurg. repræsentasse; verum paucissimi profecto inde illud rite cognoscere poterunt.

(e) Exemplum istiusmodi extat apud NVCKIVM in adenographia pag. 137.



speculum prodeat. Recentiores Galli, teste GARENGETO, (a) lamellas tunicæ cellulosæ, ut citius se expediant, non obtusis instrumentis, sed scalpello, eoque non ad perpendiculum, sed oblique ducto, sensim prudenterque dividunt, donec tandem ad sacculum prædictum perveniant; sed quam solertissime tunc agendum, ne intestina scalpello lædantur. Ne qua autem porro, dum involucrum illud sive sacculum incidimus, subjecta intestina simul lædamus, necessarium utique videtur, paululum id sursum quoque pollice & indice manus sinistræ adducere, atque ita scalpello vel forcice circumspecte applicato, plaga exigua incidere sive leviter tantum perforare. Dum vero hoc fit, chirurgum terrere non debet, *quando aliquid feri vel aqua quædam profilit*, ac si intestinum quoddam vulnerasset; quia fere semper hic liquor quidam aqueus deprehenditur; sed potius mox vel per forcicem apicibus obtusis donatam, vel per scalpellum aliquod, sive rectum, sive curvum, ope specilli fulcati immissum; vel per scalpellum glubulo præmunitum, (vid. Tab. V. fig. 3. 4. vel 5.) quale, iudice GARENGETO, omnibus ceteris ferramentis hic præstat, (b) vel per forcicem aut scalpellum super digito in plagam immissum, tunicam istam ad abdominis foramen sive anulum usque concidere. Quodsi forte, dum incisio hæc fit, *vasculum quoddam sanguiferum incisum sanguinem multum fundat*; & chirurgum in opere suo impediat, a ministro illud vel digitis comprimendum, vel interjecto simul splenio contineri, vel etiam filo, acus ope trajecto, constringi & sanguis spongia vel linteolis abstergi debet. Quo equidem rite confecto, proximum est, ut compellere intestina, siquidem salva adhuc fuerint, per musculorum abdominis anulum, blanda digitorum compressione suscipiamus. Quodsi forte *faces aut flatus contenti hoc impediunt*, tentandum ut hi prius blande repellantur. Ubi vero nec ista ratione compellere intestina licuerit, *scalpello ampliari, quantum satis est, locus procidentiae, id est, musculorum abdominis foramen sive annulus debet*; sed *caute tamen, atque introrsum, hoc est, lineam albam versus, ne scilicet arteria epigastrica, quæ exteriori latere provenit, simul concidatur*, quia larga inde sanguinis profusio metuenda. (c) *Si partes prolapsæ extus adherent*, ex quam cautissime solvendæ. Instrumenta annulo dilatando propria, sunt vel scalpella vel ferramenta modo indicata; vel etiam pro intestinis melius defendendis specillum illud lamina cordiformi instructum Tab. XXIV. fig. 8. vel scalpellum MORANDI fig. 9. vel DRANII fig. 10. in capsula, tanquam in specillo quodam cavo absconditum. Ab aliquo tempore valde commendata fuerunt pro hoc usu *scalpella ea, in capsulis quoque occultata*; (Tab. XXV. fig. 1. & 2.) quorum prius fig. 1. in capsula AC reconditum hic exhibetur: quod vero, postquam in locum procidentiae immissum erat & lamina B pollice premebatur, ex capsula egrediebatur, ut in fig. 2. litt. A. demonstratur, atque sic eo procidentiae locus, sive annulus muscoli abdominis erat, sive sacculi pars superior, quæ intestina strangulabat, incidebatur. Verum quia his facilius interiora inciduntur ac læduntur, dum apex primum prodit & scindit, quam pars intestina coarctans, priora merito his hodie præferuntur. Sed ne qua tamen forte intestina, quippe insigniter lubrica, dum abdominis foramen ampliamus, proruant, scalpelloque sese objiciant, quando forte vel simplici specillo sulcato, vel etiam MORANDI scalpello utimur, Tab. XXIV. fig. 9. quam solertissime reprimi eadem ab administro quodam debent. Alias instrumento (fig. 2. Tab.

(a) In oper. chirurg. artic. de bubonocèle.

(b) Oper. chirurg. Tom. I. p. 326.

(c) *Quodsi tamen casu arteria hæc laderetur*, linamentum liquore styptico imbutum ei esset imponendum, eaque versus os ilei probe comprimenda, ita postea ope consuetæ deligationis hujus mali & hæc profusio cohiberi poterit.



Tab. XXV. ) eundem in finem lamina quædam , per litt. D. hic designata , subjuncta est , id quod deinde PETITVS in specillo Tab. XXIV. fig. 8. & DRANVS fig. 10. imitati sunt & corrigere studuerunt . Loco procidentia dilatato , intestina refundenda , vulnus linamentis , spleniis triangularibus & fascia , quæ *spica* dicitur , deligandum . Nonnulli vero prius *annulum scarificant* , ut tanto firmiorem cicatricem hoc ipso efficiant , ne hernia tum facile redire queat ; id quod in laxiori harum partium constitutione haud prorsus alienum esse existimo . Quidam etiam in hiatus abdominis *longam turundam immittunt* , & postea splenia superimponunt , id quod in simplici & recenti malo supervacaneum imo inutile & noxium esse judico : contra adhiberi ea poterit in malo veteri & complicato , ubi humores vitiosi ac putridi aut abscessus intus deprehenduntur . Sed hac de re infra uberius adhuc disputabitur .

III. Hactenus præpositis Medicorum artificiis tametsi feliciter repelli devoluta in inguen intestina queant ; tamen haud abs re fuerit , quam curandi viam alii quoque nobiles chirurgi tentaverint , breviter hic edisserere . Sic enim chirurgorum aliqui , ARNOLDI , nobilis quondam Chirurghi Parisini , consilium atque exemplum secuti , perforata cute , specillum sulcatum , idemque circa extremum clausum , ut ex Tab. I. litt. M. & N. videre licet , subter cutem leniter deprimunt , immissaque super illo forfice quadam minus acuminata , utrinque plagam istam , quantum opus videtur , ampliant . Deinde oras vulneris alterutrius manus digitis comprehendunt , atque ita cutem , adhibito alterius manus digito quodam , leniter a subiecto tumore divellunt , tandemque ipsam per scalpellum vel forcicem digito impositum eatenus dividunt , quatenus ipsa intestinorum compellendorum moles idem postulat . Tum medio sinistrae manus digito atque pollice super tumorem impositis , manu dextra scalpellum falcatum atque acutumprehendunt ; quo ipso in latus paululum inclinato , ( sic enim & clarius singula spectari , & facilius intestina cum sacculo facta testaque servari possunt : ) tunicas istas singulas , quibus sacculus tegitur , quorum modo plures , modo pauciores sunt , ( *a* ) provide concidunt . Si quæ autem venulæ sese offerunt , tum ipsæ binis in locis antea ligantur , quam dissecantur ; ne sanguis inde profluens Medicum in opere suo impediat . ( *b* ) Si quid sanguinis nihilominus ex vulnere promanaverit , linamentis adhibitis diligenter idem abstergitur . Quicquid vero tunicarum dissectarum hinc atque inde sacculo adhæret , id ipsum vel digitis divellitur , vel , cavo etiam specillo submisso , forfice retusa rescinditur . Quibus equidem rite peractis singulis , proximum est , ut pollice atque indice applicatis , superior tumoris tunica sive intestinorum sacculus firmiter contineatur sursumque adducatur . Juxta hunc ipsum sacculum , quem undique a partibus cohærentibus separat , eundemque nusquam perforatum , sed integrum relictum , clarissimus PETITVS specillum sulcatum cuspideque caussa instructum , sub annulum istum , ex quo devoluta sunt intestina , demittit , ipsamque viam istam , modo superius proposito , scalpello ampliat . Mox , inferiore sacculi parte manibus comprehensa , quicquid intestinorum inibi continetur , leniter versus os ileum deprimat , atque ita pedetentim ad sedem pristinam illa reducit . Compulsis hac ratione intestinis , ad herniam novam certius præcavendam sacculum quoque prius complicatum per idem foramen reprimat , ( quem in eo sensum postea indurari , illudque bene claudere asseverat ) glomere quodam lineo , ex filamentis lineis compacto & linteo obducto , ( Gallia *la Pelotte de Mr. PETIT* nuncupant ; ) atque albo & vitello ovi cum admixta spiritus vini portiuncula conquassato , diligenter hu-

Alia curandi ratio 1.  
ARNOLDI.

2. PETITI.

(a) Quo inveteratæ magis ejusmodi herniæ sunt , eo crassiores fieri solent hæ tunicæ , & contra.

(b) Sed hæ venulæ plerumque prius non conspiciuntur , quam concisæ sunt .



humectato atque expresso, & intra manus ita volutato, ut cylindri aut ovi alicujus figuram idem accipiat, superimposito. Juxta & supra glomus illud minuta quædam alia glomera linea, vel & linamenta injiciuntur. Quæ ut firmiter abdominis partem ægram contineant, tribus quatuorve spleniis triangularibus, sensim majoribus, spiritu vini madidis conteguntur, exactissimeque per injectam fasciam, quam *spinam inguinalem* appellant, deligantur.

*Quid de hac  
methodo sit  
sentiendum.*

IV. Sed si verum fateri fas est, *hac modo proposita curandi ratio*, qua *sacculus non aperitur*, nec mihi nec aliis præstantioribus chirurgis satis placet: &

1. quidem, quia *sacculus ille* plerumque undique imo & cum *vasis spermaticis* *ipsis coalitus est*; quæ, dum ipsum inde separare volumus, facile læduntur.
2. Quia *omentum vel intestina evoluta sæpius jam corrupta*; id quod clauso relicto sacculo, nec cognosci, nec conveniens auxilium adhiberi, adeoque facile mortis causa esse potest.
3. Quandoque in sacco illo *larga foetidi ichoris copia includitur*, qui in ea methodo in ventrem haud sine manifestissima noxa repelleretur. CHESELDENVS enim, Britannorum chirurgus hodie celeberrimus, memorie prodidit, se in istiusmodi hernia foetidae amurcae duas quasi libras invenisse, quæ sine dubio in ventrem repulsæ ægrotanti mortem intulissent. (a)
4. *Intestina & omentum* his in casibus *sæpius cum partibus externis connata sunt*, (b) quæ clauso sacculo nec solvi, nec in ventrem refundi possent.
5. Sacculus integer relictus, præsertim si amplius, *facile novæ herniæ occasionem atque aptum receptaculum præbere potest*.
6. Ea methodus in casu, ubi peritonæum ruptum est, prorsus non succedit; quemadmodum PETITO has aliasve rationes MAVCHARTVS, Medicinæ in Academia Tubingensi Professor, & discipulus quondam noster quam aptissime opposuit. (c) Ita & DRANIVS, sæpe jam laudatus chirurgus Paris. illam curandi rationem haud omnino probat: (d) primo quia inde nulla singularis utilitas perspicui possit; deinde quia, si per plures dies hernia incarcerata fuit, intestinum sæpius jam sphacelo corruptum esset, ubi si vitiatæ intestini partes separantur & cadunt, sicut haud raro contingit, aut saltem contingere debet, si æger non moritur; chylus & excrementa in abdomen inciderent, ægrumque sic necessario tandem conficerent. Indeque concludit, quotiescunque hernia per aliquot dies incarcerata fuit, saccum necessario aperiendum esse. Has igitur ob causas ut plurimum etiam in malo veteri magnoque tumore præstare existimo, sacculum, potius aperire quam integrum relinquere, eum modum non nisi in recenti malo, ubi nulla adhuc intestinorum corruptio nulla concretio, nullusve abscessus, tuto posse adhiberi: quemadmodum & ipse GARENGEOTVS hanc curationem nunc ad hæc observationes restringit, in altera operationum suarum chirurgicarum editione.

*CYPRIANI  
curandi ratio.*

V. Nobilis ille quondam Medicus & Chirurgus Batavus, D. CYPRIANVS, qui ultimam vitæ suæ partem in Anglia transegit, & a quo ibidem non pauca me proficere gratus memini, eodem fere modo, ut supra scripsi, in hoc malo cutem & peritonæi saccum aperuit; speciatim tamen digito, loco specilli sive conductoris, tanquam optimo specillo, hic usus est, pro plaga sacci & cutis amplianda. Cum vero foramen sive annulus musculorum abdominis non satis amplum erat pro intestinis prolapsis refundendis, cutem, pinguedinem, musculos & peritonæum, immisso prius specillo fulcato cum scalpello pro annulo

(a) Conf. *Ejusdem Anatom.* edit. III. pag. 283. Ita & ipse GARENGEOTVS refert, se in ejusmodi hernia magnam foetidæ materię copiam deprehendisse, oper. chir. T. I. p. 373.

(b) Vid. CYPRIANI Epist. de foetu ex uteri tuba exciso, pag. 85.

(c) In Dissert. Med. chirurgica de hernia incarcerata Tubingæ edita 4. 1722. pag. 21.

(d) *Observ. chirurg.* Tom. II. pag. 33. & seq.



nulo dilatando, mox autem digito & super hoc forfice, in tantum omnia dilatabat, quantum ad intestina sine omni vi intus compellenda opus erat. Nam satis amplas incisiones hic valde commendat, ut intestina sine magno negotio & fere sine omni pressione refundi queant; quando enim dilatatio nimis angusta, intestina nimis comprimenda atque collidenda esse, si ea repellere velimus; unde facile periculosa inflammatio, gangræna & mors induci possent. Postquam vero intestina tam crassa quam tenuia cum externis partibus coalita deprehenderat, ea scalpello quam solertissime separavit, ac deinde in ventrem reposuit; vulnus vero factum *futura nodosa*, ut in gastroraphia alias sollemne est, clausit & glutinavit. (a) Atque hanc futuram in hac curatione non solum CELSVS jam commendavit; (b) verum Cel. ROSSETVS illam in hernia incarcerata laudavit; (c) imo & doctissimus quondam Germanus Medicus & Chirurgus ROLFINCIVS eam quoque jam centum abhinc annis in simili morbo cum successu instituit. (d)

VI. Cel. Britannorum Chirurgus, CHESELDENVS, in hernia incarcerata, ubi intestina & omentum prolapsa erant, supra anulum musculorum abdominis ventrem, id est cutem, pinguedinem, musculos abdominis & peritonæum scalpello, magna eaque recta plaga, usque ad locum prolapsus aperuit, (e) postea per hoc vulnus immixtis digitis intestina prolapsa in ventrem retraxit, omentum vero adnatum acu duplex filum trahente perforavit, ligavit atque amputavit, ægrumque sic feliciter restituit: quemadmodum hanc instauratam rursus operationem in libro suo anatomico non solum descripsit; verum etiam adjecta figura illustravit. (f) Utrum vulnus hoc abdominis futura, sicut ego suspicor, an alia ratione glutinaverit, non indicat: optandumque esset, ut boni publici causa hanc admodum peculiarem operationem & curationem paulo plenius descripsisset, ut tanto major fructus in arte chirurgica inde percipi possit.

CHESELDENVS  
NI curandæ  
modus.

VII. Intestinis, quemadmodum præcepimus, in pristinam sedem quacunque ratione compulsis, superiorem annuli partem scalpello vel forfice crebro incidere vel scarificare nonnulli solent; quo nempe solidior atque firmior hoc ipso induci vulnere cicatrix queat, pro nova hernia avertenda. In quo ipso tamen negotio solertissime cavendum, ne denuo intestina prolabantur, aut concidantur. Itaque per admotum linamentum calidum gnaviter primo contineri, deinde reliquam facci tunicam separari, prope anulum filo ligari atque infra ligaturam rescari, itemque quod in cute forte abundat, rescindi, mox autem glomeribus lineis, præsertim glomere PETITI quod vocant, atque spleniis aliquot triangularibus crassis superimpositis, per adhibitam fasciam, quam *spicam inguinalem* vocant, exactissime vinciri plagam hanc abdominis oportet. Vincitura hunc in modum instituta, lectulo æger imponatur, eidemque post aliquot horas, nisi jam valde debilis, sanguis per venam detrahatur. Corpus ægrum toto curationis tempore quietum contineatur, capite paulo demissius posito; victus autem ratione eadem servata, quam ad morborum quorumcunque vulnerumque graviorum curatione supra jam tum sæpius commendavimus. Denique, nisi jam per se satis laxa alvus est, solvere in dies singulos per injectas lotiones

Quid intesti-  
nis repositis  
fieri debeat.

Heisteri Chirurgica Tom. III.

P

sive

(a) Vid. Ejus Epist. de fœtu ex uteri tuba exciso, pag. 82. & seq.

(b) Lib. VII. cap. de omenti descensu.

(c) Vid. lib. de sectione Cæsarea & BAVHINVS in eodem libro pag. 277. ubi plura exempla referuntur.

(d) Vid. Ejusd. disserta. anatom. pag. 182.

(e) Hoc quidem jam olim factum esse ex ROSSETI libro de partu cæsareo, ubi de herniis agit, videri potest, sed in desuetudinem abierat.

(f) Edit. tertia, pag. 283. Tab. XXV. itemque in lib. ejus de lithotomia.



sive *clysteres emollientes* ipsam conveniet. Si proximo ab instituta curatione tri-  
duo vel quatrduo a gravioribus noxis liberi manserint, qui curationem illam  
sustinuerunt, haud exigua spes est, fore, ut ad pristinam sanitatem illi re-  
deant. Quam equidem ob causam haud abs re fuerit, primis diebus per inge-  
stum medicamentum aliquod conveniens leniter alvum ducere, atque sic repo-  
sita intestina a vitiosis humoribus diligenter expurgare. Quoties verocumque  
*singultus atque febris* curationi superveniunt, praesentissimo utique mortis peri-  
culo expositi solent esse aegrotantes: quibus tamen malis remediis valentissimis  
mature occurrendum.

Quid circa  
deligatio-  
nem obser-  
vandum.

VIII. Circa deligationem sequentes necessariae sunt observationes. *Prima*  
scilicet *deligatio*, siquidem satis firmiter illa haerit, ante tertium aut alte-  
rum saltem diem resolvi temere haud quaquam debet; nisi forte humores no-  
xii intus contenti aut aliae rationes id altero jam die exigant. Postquam au-  
tem constituto tempore ipsa resoluta est, diligenter abstergi vino vel spiritu  
vini calido cruor atque sordes debent, vinctura postea & glutinatione vulneris  
eadem prorsus ratione institutis, quam in ceterorum vulnerum curatione praes-  
cripsimus. Denique in deligationibus singulis, quae tamen non nisi quotidie  
semel, vel ubi nihil urget, solum post alterum diem innovandae sunt, caveri  
quam solertissime debet, ne denuo intestina prorumpant. Quam equidem pro-  
pter causam haud abs re fuerit, hominem aegrum, quoties deligatio resolvi-  
tur, ita deponere, ut, coxis sursum elatis, caput reliquo corpore aliquanto  
sit depressius; vulneris autem pars superior gnaviter ab administro quodam per  
admotam manum contineatur, donec ad sanitatem redeat. Vulnere tandem ri-  
te glutinato, proximum est, ut de apto quodam cingulo sive subligaculo sani-  
tatis prospiciatur. Quod ipsum equidem, ne pristinum denuo malum redeat, a  
junioribus per unum alterumve annum continuum, ab aetate vero provectiori-  
bus per universam vitam gestari oportebit. Ceterum neque id silentio penitus  
hic praetermittendum videtur, esse in Medicis nonnullos, qui statim post ab-  
solutam operationem, antequam deligatio fiat, oleo rosarum calido universum  
abdomen inungant, linamentisque calidis deinde contegant; id quod tamen  
non adeo necessarium esse existimo.

De turunda-  
rum usu post  
hanc opera-  
tionem.

IX. Multi ex praecipuis Parisiensium chirurgis, ut DIONYSIVS, ME-  
RYVS, ARNOLDVS, TVIBOTIVS, alique post operationem & reductio-  
nem intestinorum magnam & longam turundam ex linteo confectam, filoque  
longo ac robusto instructam, in foramen abdominis immittere jubent, pro  
aperto illo aliquamdiu servando; ut humores praeter naturam intus forte con-  
tenti per illud sensim emitti queant, ne noxa iis concitetur. (a) WIDEN-  
MANNVS, unus ex recentioribus Germanis chirurgis, cum DIONYSIO  
vult, ut longitudinem unius & dimidii pollicis, latitudinem vero sive crassitu-  
dinem pollicis turunda haec habeat, docetque, eam in deligationem non extra-  
hendam, sed tamdiu in vulnere relinquendam esse, donec suppuratione sponte  
cadat. (b) Alii eam adeo crassam & amplam desiderant, ut vi aliqua intru-  
denda sit. (c) PETITVS vero turundas hic prorsus damnat; partim propter  
irritationem, quam ipsas concitare existimat; partim propter aerem, qui sic in  
ventrem intrare, & noxas intus producere posset, (d) Quoniam vero saepius  
putridi humores his in morbis in ventre sunt, ut supra dictum est, eis in ca-  
sibus in principio per aliquod tempus turundam adhibendam esse, cum DRA-  
NIO

(a) GARENGEOT. *operat. chirurg. de bubonocèle.*

(b) Libr. de lithotomia & herniotomia, pag. 144.

(c) Vid. KOCH. in eleganti *de hernia crurali* dissertatione, Heidelbergae An. 1726. impressa.

(d) GARENGEOT. loco citato.



NIO (a) existimo . Contra si tale quid non adesset , consultius esse duco turundam omittere , & secundum PETITI morem , globulo nimirum vel nodulo crasso lineo vulnere imposito , ceterisque supra propositis mox vulnus deligare , ut illud sic quam citissime claudi glutinarique queat .

X. Quando in operatione , sacco deoperto , omentum prolapsum vel corruptum vel crassius est , quam ut refundi queat , in parte sana acu filum duplex trahente proforandum , utrinque peculiari nodo ligandum , & vitiatum refecandum ; sanum vero , relicto filo extra vulnere , reponendum , ceterumque eo procedendum modo , ut in vulneribus abdominis de corrupto omento docuimus . Quid facien-  
Si omentum non crassitudine peccat , sed solum corruptum est , pars corrupta etiam sine ligatura extra vulnus relinqui , sana vero refundi potest : ita vitata sponte suppuratione separabitur & cadet . Quod si autem intestina prolapsa corrupta jam tum seu putrefacta reperiuntur : qualiter fieri plerumque solet , quoties justo tardius ad operationem proceditur ; tunc sane quam maxime difficilis atque adeo periculosus ut plurimum esse exitus operationis consuevit . Fere semper enim homines ægri , rebus ita sese habentibus , paulo post vel & sub ipso quasi ferro emoriuntur . Atque hæc ratio videtur , quare chirurgorum nonnulli in istiusmodi casibus ab opere suscepto mox prorsus desistant , atque ita homines miseros absque curatione relinquant ; ne scilicet , qui servari nequeunt , majoribus adhuc cruciatibus frustra exerceantur . (b) Interim quia præstat , vel maxime ancipitem etiam curandi viam tentare , ubi alia haud perspecta , quam in certissimo mortis periculo homines ægros deferere ; haud prorsus alienum fuerit , quia intestinorum corruptorum in abdomen repositio certam fere mortem post se traheret , (c) putrefactam illam intestinorum partem penitus excindere ; partem vero sanam , eandemque superiorem , vulnere ea ratione adsuere , quam supra jam tum in abdominis vulneribus ( P. I. Lib. I. Cap. VII. ) prolixè fatis descripsimus . Sic enim dubium neutiquam est , quin saltem aliqui , præsertim natura valentiores , redire quandoque ad sanitatem pristinam valeant , quibus alias perexigua , imo vero nulla salutis spes reliqua videbatur . Atque hæc curandi ratio sic omnino est comparata , ut luculentis non solum propriis , sed & aliorum chirurgorum & Medicorum experimentis comprobetur . Ita enim , præter testimonia supra pag. 109. jam producta clarissimo MERYO auctore , (d) discimus , feliciter aliquando hominem consanuisse , cui in ejusmodi ramice intestina corrupta ad quatuor vel quinque circiter pedes fuerant excisa , intestino cum foramine musculorum abdominis coalito . GARENGETIVS autem memorat , hominis alicujus intestino , quanquam illud vitiatum & nigrum jam tum , aperto sacco , in certo quodam loco deprehensum fuerit , a chirurgo nihilominus in pristinam sedem restituto , brevi post facies ex vulnere profluxisse ; verum menstruo circiter spatio elapso , non fecum modo profluvium istud paulatim cessasse , sed ipsam quoque ventris plagam , per imposita glomera linea exigua & filis instructa , quoties opus fuerit , deligatam , ita sensim coaluisse , ut non nisi minuta quædam & parum homini molesta fistula remanserit . (e)

XI. DRANIVS in ejusmodi casibus adhuc alia ratione , in qua quam maxime

DRANII peculiaris methodus .

(a) Observat. chirurg. Tom. II. pag. 37.

(b) Ita Ann. 1707. Amstelodami RAVIVS fecit . Nam cum in ejusmodi ægro , aperto sacco intestina nigra conspiceret , mox scalpellum projecit , ab opere destitit , ægrumque reliquit , dicendo : ipsum servari non posse , sed ei brevi esse moriendum , id quod etiam factum est die sequenti .

(c) Conf. DRANII obs. chirurg. LX.

(d) Vid. Acad. reg. scient. ann. 1701. pag. 372. edit. Amst.

(e) In chirurg. operat. cap. de Herniis .



xime naturam imitari videtur, procedit. Visum scilicet est a quamplurimis Medicis atque etiam speciatim aliquoties a me ipso, hernias ejusmodi *incarceratas* ab ægris, præsertim pauperibus, qui nullum neque Medicum neque Chirurgum in consilium vocarunt, pro abscessibus fuisse habitas. Verum postquam exantlatis prius quam sævissimis cruciatibus, ex abscessu, ut putarunt, rupto fæces sive excrementa, imo ut ter me videre memini, vermes quoque prodierunt, medicam demum opem implorarunt. Qui vero tunc plerumque nihil aliud egerunt, quam ut ulcus illud quotidie mundarunt, medicamentum & emplastrum vulnerarium superimposuerunt; atque hac ratione factum est, ut multi horum ægrorum sponte magis quam artis potestate restituti fuerint; & quidem sic, ut vel ulcus omnino glutinatum sit & ægri perfecte curati, vel apertura quendam sive hiatus in inguine relictus fuit, per quem, quasi per novum quendam anum, excrementa, imo & haud raro vermes prodierunt. Hunc itaque ductum naturæ, quia feliciter sæpe sponte cessit, imitatus est Cl. DRANIVS observat. LX. atque ubi in operatione hujus mali intestina, aperto sacco, corrupta jam deprehendit, ea in ventrem refundere quam alienissimum duxit, quia corruptæ partes & fæces, in abdomen incidentes, periculosissima mala & mortem ipsam producerent, attamen etiam ea non resecauit; verum inciso solum atque sic dilatato strangulationis loco, ut sanguis libere influere & reflueré possit, intestinum corruptum dissecuit, ut sordes contentæ effluere potuerint, partibusque remediis vulnerariis, linamentis spiritui vini camphorato imbutis, & fasciis prospectis, separationem partium corruptarum atque simul integri intestini cum oris annuli sive ulceris glutinationem spontaneam expectavit, atque sic res sine resectione & sine sutura intestini cum annulo, adeoque minori labore, eodem tamen cum effectu feliciter cessit. Sed si chirurgus in hac operatione casu intestinum sanum laderet, tunc omnino illud sutura loco procidentiae jungendum esse docet; quia hoc tam facile foramini sponte se non jungeret, quam tale, quod propter herniam arcte in annulo constrictum & inflammatum hæreret, atque ope inflammationis ei jungeretur.

RAM-  
DOHRII  
observatio  
notabilis.

XII. Haud prorsus absimile hisce experimentis illud videtur, quod SERENISSIMI DVCIS BRVNSVICENSIS NOSTRI chirurgus aulicus, RAMDOHRIVS, paucos ante annos feliciter admodum in Guelpherbytana femina quadam instituit, dum scilicet, post herniam incarceratam sponte ruptam, propendente & excisa magna intestinorum parte corrupta, binas partes extremas, easdemque sanas, superiori in inferiorem insinuata, leniter per injectum filum conjunxit, in abdomen reposuit, filique circumducti ope ad vulnus abdominis attraxit, atque ita non modo effecit, ut cum vulnere confervesceret, & ad glutinationem, quod minus videri poterat intestinum divisum perveniret, sed feminam quoque velut ex ipso mortis faucibus retraheret: faucibus postea non per vulnus, sed per anum egredientibus. Mulier illa postea sana vixit, at post annum ex pleuritide obiit, atque in inciso cadavere intestina divisa inter se rursus coalita deprehensa sunt: quæ ipse mihi una cum parte abdominis, cum qua coaluerunt, dono dedit, eaque adhuc in spiritu vini asservo, ut dubitantibus aut discentibus ea semper ostendere possim. (a)

Quid in her-  
nia scroti  
incarcerata  
faciendum

XIII. Sicubi intestina in scrotum devoluta ita contorquentur vel strangulantur, ut in ventrem refundi nequeant, tum eadem propemodum, quæ hætenus explicavimus, necessaria sunt curationis artificia, prouti quidem planius ex jam  
jam

(a) Descripta prolixius est hæc observatio a D. MOEBIO, auditore quondam nostro perquam industrio, in dissertatione quadam varias observationes chirurgicas & anatomicas describente, quæ sub meo præsidio Helmstadii An. 1739. prodit.



jam dicendis apparebit. Variæ præterea præstantissimæ atque utilissimæ observationes de ejusmodi herniis in SAVIARDI obs. chir. 19. & 20. COVRTIALII obs. pag. 150. itemque in DRANII *observat. chirurgicis* videri possunt, aliæque tres Hanoveræ annotatæ ac descriptæ in *Commerc. litterar. Norimb. An. 1735. pag. 3.* a Cl. WERLHOPIO, Medico aulico Regis Magnæ Britanniae doctissimo atque præstantissimo, lectu dignissimæ referuntur.

## C A P. VIII.

## De Hernia crurali, sive femorali.

I. **A**D inguinis herniæ similitudinem proxime accedit illa, quam *cruralem* aut *femoralem* Medici recentiores appellare consueverunt: siquidem ipsa in parte superiori & exteriori femoris, haud procul ab inguinibus, ubi nimirum & arteria & vena, *cruralis* dicta, e ventre ad femur descendit, pronascitur. Quod ipsum equidem mali genus tametsi satis frequens & sequiori præcipue sexui familiare sit; tamen, quod merito mireris, paucissimi fuerunt, qui vel in eodem explorando vel describendo magnopere laboraverint; quique ipsam pro hernia inguinali non habuerint aut ab ipsa distinxerint. VERHEYENVS primus fuit, apud quem de hernia crurali, licet BARBETTUS rem obscure jam indicaverit, (a) aliquid scriptis consignatum inveni. (b) Post VERHEYENVM vero explanatius aliquanto atque uberius eandem noxam explicarunt PALFYNVS (c), ac postea GARENGEOTIVS in operat. chirurg. cap. de herniis; KOCHIVS in differ. de hernia crurali, (d) & DRANIVS in obs. chirurg. Tom. II. GARENGEOTIVS quidem perhibet, (e) PAVLVM jam hoc mali genus cognovisse; sed non indicat locum hujus auctoris, ubi hoc descripserit: & ego nihil hac de re apud ipsum invenire potui. Ita & verba, quæ BARBETTO tribuit, hic addit; quæ vero in hoc auctore, cap. de herniis, haud reperio.

II. Sed ne quis tamen forte mali hujus rationem atque indolem ignoret; haud abs re facturi nobis videmur, si breviter ex anatomicorum institutis indicaverimus, locum istum, ubi musculus psoas & iliacus, nec non super his arteria & vena *cruralis* ex abdomine ad femur transeunt, non usque adeo firmiter munitum esse, ut intestinis satis reniti queat; sed peritonæo tantum, fascia lata, pinguedine atque cute clausum. Deinde sceleton aliquod contemplantes, deprehendimus in osse ileo exiguum foveam aliquam super acetabulo positam, atque ab inferiore musculi oblique descendentis parte, quasi ligamento quodam, ad instar alicujus arcus extenso, quod ligamentum VESALII nonnulli, alii POVPARTII appellant, contextam. Per exiguum hiatum istum sive arcum intestina vel omentum quandoque prorumpunt, atque ita ramicem aliquem peculiarem excitant. GARENGEOTIVS vult, hanc ramicis speciem frequentius ceteris occurrere herniis. Verum quamplurimas omnis generis hernias.

(a) In chirurgia Cap. VII. de herniis.

(b) Vid. *Ejusd. anatomia, edit. poster. cap. de peritonæo.*

(c) In chirurg. sua pag. 79.

(d) Heidelbergæ An. 1726. edita.

(e) Oper. chir. Tom. I. p. 244. edit. II.



nias. Verum quamplurimas omnis generis hernias vidi & curavi, inter quas vero vix semel iterumve cruralem vidi.

Diagnos.

III. Quanquam autem herniam inguinalem inter & cruralem insignis similitudo intercedat; dignosci tamen satis facile ab invicem eadem poterunt, simulatque propriam utriusque sedem diligenter observaverimus. Namque *inguinalis* hernia haud procul a pudendis, eo nimirum loco nascitur, ubi muscutorum abdominis annulus & peritonæi processus, qui ex anatomicorum scholis probe noscendi, ad scrotum descendunt, & tumor ab illo annulo ad scrotum usque se extendit. *Cruralis* vero inguen exterius infestat; dum in suprema, exteriori atque anteriori femoris parte, super acetabulo nimirum, sive ubi femur cum acetabulo jungitur, suboriri solet. Tum ipsa quoque paulo plerumque minor & rotundior est inguinali, adeoque longe facilius, quam ipsa, confundi cum bubonibus potest: inguinalis vero plerumque paulo magis oblonga est. Ceterum quando hernia cruralis nondum, quod ego sciam, peculiari nomine apud Germanos designata est, haud prorsus alienum fuerit, *herniam inguinalem* duplicem constituere, quarum altera *interior*; altera vero, quippe cruralis, *inguinalis exterior* appellari commode potest.

Prognosis,  
atque cura-  
tio.

IV. Ad exitum hujus mali atque curam quod attinet, idem propemodum hic valet, quod de hernia inguinali supra proposuimus, imo hernia crurali laborantes longe gravius quandoque periclitantur, quam qui inguinali affliguntur. Deinde observandum, quod in herniæ cruralis curatione, quando prolapsa intestina restituere volumus, magis versus lineam albam, neutiquam autem versus os ileum, ut in inguinali, compelli intestina debeant. Si per adhibitam manus adhuc reponi prolapsa intestina possunt, longe optimum fuerit; emplastro atque vinculo convenienti, qualiter in hernia inguinali jam tum præcepimus, ægrotantibus succurrere. *Sicubi vero jam tum incarcerata sive intercepta* intestina reperiuntur, usque adeo, ut neque olea, neque unguenta, neque cataplasmata, neque clysteres, neque fumi nicotianæ fortioris injectio, neque alia hujus generis medicamenta superius commendata quicquam proficiant, & gravia mala superveniant; proximum est, ut ad operationem illam chirurgicam, de qua circa bubonocelen tractavimus, procedatur. Sacculo hunc in modum detecto, ampliari paululum foramen illud, unde intestina proruperunt, oportet; sed ita tamen, ut, si malum recens, ipse sacculus, PETITI exemplo & consilio, salvus maneat atque illibatus. Per hoc ipsum foramen blande compelli debet, quicquid intestinorum & omenti prolapsum esse advertitur. Compelli autem plerumque satis facile hic intestina possunt; præsertim quia prout VERHEYENVS in Anatome sua (a) recte observavit, quam sæpissime non nisi perexigua eorundem portiuncula, imo sæpe non nisi anterior ejus paries; vel etiam appendicula quædam (b) prolabi circa femur solet. Intestinis hac via repositis, eadem ratione ut post bubonocèles operationem quam exactissime deligari vulnus illud oportet. Sic enim feliciter admodum atque celeriter glutinare plagam istam licebit. Si qua autem forte major intestinorum pars ex abdomine prorupit; si cum partibus proximis intestina prolapsa coaluerunt; si denique alia forte res quæcunque impedit, quo minus sine sacculi incisione refundi commode intestina foras devoluta queant; vel malum jam diu duravit, ut intestina corrupta sint; incidere ante omnia sacculum quam cautissime, ut præcedenti capite monuimus, deinde si ea adhuc sana & libera sunt, blande refundere, aut si vicinis noxa, ea resolvere intestina oportebit: sed cum adhibita tamen prudentia, ne qua forte vena vel arteria cruralis subiecta simul con-

(a) Cap. de peritoneo.

(b) Quales RVYSCHIVS varias delineavit obs. chirurg. in Musæo anatom. pag. 63. fig. 3. & Thesaur. anatom. VII. Tab. 4. fig. 2. & 3. item LITTRIVS in Acad. Reg. Paris.



concidatur, neve sic præsentissimo vitæ periculo æger exponatur. (a) Quando vero omentum vel intestinum vitiatum deprehenditur, eadem, ut præcedente capite diximus, ratione procedendum.

## C A P. IX.

## De intestino in scrotum devoluto sive hernia scroti, speciatim de Enteroccele.

I. **H**ACTENUS de intestinis circa inguina necnon e superiori abdominis parte prolapsis egimus. Pergendum nunc est ad ea vitiorum genera, quæ propter similem fere causam in scroto sive circa testiculos suboriuntur. Atque ut planius omnia cognoscantur, haud abs re facturi nobis videmur, si generatim prius, quid & quotuplex hoc partium naturalium vitium sit, indicaverimus; deinceps vero de singulis sigillatim exposuerimus. Scilicet unumquemvis scroti vel paritum naturalium tumorem præter naturam, *herniam scroti*, sive *scrotalem* Medici communiter appellant, fereque duplex illius genus constituunt *veram* scilicet atque *spuriam* sive *falsam*. Namque *veram* eandem vocant, quoties ab intestinis vel omento in scrotum devolutis malum pronascitur; contra vero *spuriam*, *falsam* sive apparentem, ubi vel testiculus vel *vasa spermatica* ab intus hærentibus humoribus intumescunt, vel humor aliquis noxius, vel aer sive flatus, vel huius generis alia materia modo dictam corporis partem iusto amplius distendit. Sub his, quasi generibus complures *herniæ scrotalis* species comprehenduntur; quæ, pro materiæ peccantis atque scrotum distendentis diversitate, diversimode & finiuntur & denominantur. Namque ubi intestinum per processus peritonæi in scrotum devolutum est, *enterocelen*; si omentum prolapsum est, *epiplocelen*, noxam illam, suscepto a Græcis vocabulo, Medici nuncupant. Ubi vero ab humoribus alienis & nominatim sero sive aqua scrotum distenditur, *hydrocele* hinc nascitur; si a sanguine, *hematocele*; si idem fit ab aere sive flatibus, *pneumatocele*. Porro si testiculus aliquis ultra, quam naturaliter decebat, increscit durefcitque; *sarcocelen* Medici subortam esse judicant. Denique ubi venæ spermaticæ nimis intumescunt; *hernia varicosa* sive *varicocele* aut *cirsocele* infestare hominem perhibetur; & si abscessus in scroto nascitur, *hernia humoralis* a quibusdam appellatur. Nonnunquam gemina ex his ipsis malis sibi mutuo sunt conjuncta: quæ proinde, connexis in invicem nominibus, *entero epiplocele*, *hydro enteroccele*, vel, pro re nata, aliter quoque vocari consueverunt. Interdum in altero scroti latere adest *hydrocele*; in altero *Enteroccele*, ut nuperrime adhuc ejusmodi ægrum vidi atque sic etiam cum reliquis quandoque fit. Singulorum autem quæ natura sit atque indoles, sigillatim atque ordine nunc curatius erit explicandum.

*Hernia scroti quid & quotuplex sit.*

De

(a) GARENGEOT exemplum refert, ubi intestinum tam firmiter cum prædictis magnis vasibus coalitum erat, ut impossibile fuerit, illud sine horum læsione resolvere, artic. de hernia crurali; ideoque intestinum potius tunc incidendum esse existimat; quam hanc arteriam vel venam oper. chir. T. I. p. 286.



## De ENTEROCELE.

*Enterocèle  
quid sit.*

II. Atque *enterocèle* quidem in scholis Medicorum appellatur istiusmodi tumor, qui ab intestinis, per musculorum abdominis annulum & peritonæi processus in scrotum devolutis, nascitur. ( Vid. Tab. XXV. fig. 3. A B. ) Solent hanc ipsam nonnulli etiam *oscheocelen*, imo & *herniam perfectam* vocare, atque sic a bubonocèle, quasi *hernia* quadam imperfectiori & ad scrotum usque se non extendente, distinguere. Patet autem facile, huiusmodi vitium tum oriri, ubi vel peritonæum una cum ipso musculorum foramine sive annulo, ut vocant, usque adeo vehementer expanditur & ab intestinis protruditur, ut peritonæum, quasi faccus aliquis, propendere in scrotum valeat: ( vid. Tab. XXV. fig. 4. D. ) vel & , ubi peritonæum, quod hiatus istum naturaliter intus præcludit, per adhibitam vim quandam insolentem ita disrumpitur, ut per eundem atque peritonæi processum propelli intestina in scrotum usque possint. Quod ipsum tamen posterius non adeo frequenter quam prius accidere, experientia magistra, discimus. Interim disrumpi aliquando peritonæum, per insignem violentiam aliquam, subito atque cum doloribus, posse, ÆGINETA, Græcus Medicus, jam tum statuit, ( a ) aliique supra Cap. de bubonocèle citati, se hoc vidisse scribunt. Si qua enim ex nimia peritonæi distensione hernia sive ramex oritur, tum eadem non nisi pedetentim atque sine doloribus innascitur. Fere semper autem non nisi latus alterutrum, nonnunquam tamen utrumque hi ramices infestant. Ut plurimum etiam intestina sola prolabantur, interdum vero una cum omento.

*Enterocèles  
causæ & signa.*

III. Si ad *enterocèles causas* respexeris, tum ipsa perinde ac bubonocèle & omphalocèle vel a lapsu quodam graviore, vel a saltu fortiori, vel ab ictu, vel & a vehementiori in movendis aut attollendis corporibus nisu, vel denique a vomitu aut tussi; atque id quidem, pro diversa causarum indole, nunc subito, nunc sensim & quasi sine sensu nascitur. Vesicæ vel intestino aere distento ad tactum haud dissimilis. Principio exiguus plerumque tumor circa superiorem pudendorum partem sese ostendit; qui tamen, nisi principio id impediatur, magis magisque paulatim descendit, sic tamen, ut testiculus lateris læsi juxta hunc tumorem digitis percipi facile queat, atque sensim insigniter quandoque ita increscit, ut scrotum ad medium femur vel quandoque ad genua usque ab intestinis prolapsis distentum reperiatur. ( b ) Porro *enterocèles signa*, præter jam indicata, eadem propemodum sunt cum iis, quæ ad cognoscendam bubonocelen supra recensuimus. Nempe tumor aliquis præter naturam circa partes naturales, & speciatim hic in scroto, vesicæ inflatæ ad tactum fere similis, atque ab annulo muscoli abdominis in scrotum usque se extendens, suboritur, juxta quem testiculi tactu plerumque percipi possunt: ( c ) qui quidem, ubi malum nondum nimis invaluit & sine inflammatione est, modo minuitur, modo increscit; præsertim autem ubi homines ægri supini jacent, vel sua sponte ex scroto in abdomen retrocedit, vel saltem decrescit, atque tunc fere sine dolore est; vel per injectas manus versus inguina quin & in ipsum ventrem & quidem plerumque cum sono sive murmure, revertitur. Ita etiam sub clamore & sa-

( a ) Lib. VI. cap. 65.

( b ) Conf. MEEKRENIUM in obs. chirurg. pag. 362. & CHESELDEN. in Anatom. edit. III. aliosque.

( c ) Ratissime contigit, quod GARENGEOT scribit, testiculum intestinis immersum esse, ut percipi nequeat, quia peculiari involucri continetur, Tom. I. p. 320. edit. II.



& satietate & si sub aliquo pondere is homo nixus est, crescit. Frigore contrahitur, calore diffunditur. Nonnunquam vero *intestina in scrotum devoluta* vel inflammantur vel stercore accepto vastius tument, vel *cum partibus proximis coalescunt*: adeoque tunc per adhibitam manum neutiquam retro compelli eadem in ventrem possunt. (a) Tumore compresso, intestinum aliquod inflatum, nec non annulorum, qui sunt in musculis abdominis, tumorem, eundemque nunc crescentem, nunc decrecentem, nonnunquam etiam murmur aliquod persentiscimus. Simulatque igitur ab ægro, compelli tumorem aliquando in ventrem potuisse, intelligimus, veram enterocelen quandam subesse, eo certius colligimus. Neque vero tumor solum præter naturam, sed ipsi simul testiculi ut plurimum sentiuntur: siquidem hoc præsertim indicio a pneumatocele atque hydrocele discerni enteroccele consuevit. Homines hernia ejusmodi laborantes interdum ob causas modo indicatas tormina, doloresque colicis haud absimiles nunc leviores nunc vehementiores in scroto, inguinibus & abdomine sentiunt: aliqui nausea etiam vomitibusque nonnunquam exercentur. Quoties ab insigni violentia quadam & subito tumor ille nascitur, usque adeo angustus adhuc esse musculorum abdominis annulus suevit, ut refundi sæpe per illum intestina prorsus nequeant. Igitur abesse vix potest, quin hernia quædam, peioris moris, quam *incarceratam* vocant, hinc proveniat: quemadmodum in bubonoccele atque omphaloccele jam proposuimus.

IV. Tametsi autem observatum est, enterocelen, saltem a quibusdam hominibus, imo vero ab ipsis quandoque mulieribus parturientibus, citra notabiles molestias tolerari posse; tamen crescere ut plurimum molestiæ cum ipso tumore solent, ita ut ad labores fortiores inepti fiant; quin &, nisi apto quodam vinculo sive *subligaculo* homines instructi sunt, maximum utique semper periculum est, ne forte a frigore, saltu, nisu, tussi, cibo quodam flatulento, vomitu, lapsu, ira ceterisque id genus causis, mirum quantum sæpe levibus, major subinde intestinorum pars vi quasi ex abdomine proruat, atque *incarceratam* herniam aliquam una cum noxis ceteris supra jam cap. de omphaloccele & bubonoccele commemoratis, doloribus nimirum acutissimis, vomitu item atque iliaca passione, ipsius denique mortis præsentissimo periculo inducat. Si qui vero enteroccele laborantes idoneo quodam subligaculo quam diligentissime semper sese velut muniunt, atque a gravioribus quibuscunque commotionibus abstinere, hi certe, si juniores, his perfecte rursus plerumque curantur; vel si adulti aut senes, horum ope, experientia teste, non minus diuturnam, quam alii homines, neque minus sanam degere vitam quandoque valent, si ceterum modo sani sunt. Ceterum etiam sciendum, eos ut plurimum minus periclitari, ubi intestina simul cum omento procidunt, quam si ea sola sunt.

V. Si nondum *incarcerata* hernia est, vel ubi nondum interclusa intestina sunt; neque cum partibus externis concreta, id ante omnia propositum sibi Medicus habeat, ut quicquid intestinorum aut omenti prolapsum est, non solum in pristinam sedem restituat, sed firmiter quoque inibi contineat; quin imo, si fieri potest, locum procidentiae sive anulum abdominis distentum rursus glutinet, seu potius multum coarctet, ut intestina prolabi nequeant. (b) Glutinari autem, vel saltem coarctari, repositis intestinis, abdominis foramen illud, quemadmodum supra jam tum in bubonoccele diximus, duplici potissimum ratione potest;

*Heisteri Chirurgica Tom. III.*

Q

vin-

(a) Vid. CYPRIANI epistola de fœtu &c. p. 85.

(b) Sunt qui asseverant, foramen hoc nunquam rursus glutinari, sed solum coarctari: id quod pluribus experimentis uberius erit indagandum.



*vinctura* scilicet sive fascia aut vinculo, vel *sectione*, quam *κελτομίαν* vulgo, imo & *castrationem* nuncupant, quia testiculus plerumque excindi solet. Quam enim nonnulli jactitant, vel tentant per *unguenta*, vel *emplastra*, vel alia quæcunque *medicamenta* sine *vinctura*, vel per *transplantationem*, vel per *sympathiam* denique hernias curandi artem, hæc inanis utique vel saltem valde incerta est, imo sæpe superstitiosa videtur. Primum igitur hernias recentes ac leviores sive nondum incarceratas curandi artificium præcipue positum est in idoneo *vinculo* sive *vinctura*, qualia ad bubonocelen Cap. CXVI. n. VI. & Tab. XXV. descripsimus: siquidem hujus beneficio, quemadmodum egomet sæpius sum expertus, non juniores tantum atque parvuli fere omnes, sed quandoque adulti etiam, si scilicet novum adhuc malum vel saltem exiguum est, quam felicissime liberari ab his herniis possunt, præsertim si idonea remedia interna & externa, roborantia scilicet, una cum apta victus ratione accedant. (a) Si qui vero ægri natu grandiores fuerint, vel hernia inveterata & cumprimis magna, tum in his levare saltem malum istud per *vincturam* poterit. Hac enim rite adhibita, & quam aptissime contineri in abdomine intestina una cum omento, & prohiberi noxæ graviores, & perfici denique ab hominibus afflictis quæcunque officii munera possunt, quæ non adeo magnam vim requirunt.

De κελτο-  
μια agyrta-  
rum sive ca-  
stratione  
quid sta-  
tuendum.

VI. Quæ quum ita sint, non possum ego non graviter reprehendere, imo vero cum salutaris artis doctoribus cordatis quibusque fere damnare pessimam illorum medendi rationem, qui, communi histrionum fere omnium more, id sibi datum in curandis hisce herniis opinantur, ut parvulis non minus & juvenibus, quam ætate proVectis testiculum excidant, eosque sic, ut vulgo dicunt, *castrant*, demta parte ad generationem adeo necessaria, peritonæi processu ac vasis spermaticis antea deligatis: (b) cum tamen longe tutius mitiusque tractare homines ejusmodi miseros deceret liceretque. Tantum enim abest, ut salutariter semper adhiberi scalpellum in istiusmodi casibus queat, ut ægri potius methodo ejusmodi hominibus usitata, id est *castratione* intensissimis cruciatibus exerceantur; quin & in præsentissimum vitæ periculum præter necessitatem sæpe adducantur; a pristinæ autem vitæ metu sæpissime haudquaquam liberentur. Neque vero dubium est, quin ægri, aut horum saltem necessarii, perniciosissimos istiusmodi chirurgos, licet optima quæque polliceantur, cane pejus & angue fugerent, siquidem illis constaret, universam histrionum artem non nisi lucro faciendo accommodatam esse; rationis autem ac prudentiæ prorsus expertem, adeoque ex meris plerumque fraudibus compositam. Nihil igitur neque ab officio suo, neque ab humani generis salute alienum magistratus atque principes facerent, quemadmodum etiam in quibusdam locis fieri solet, si publicis mandatis prohiberent, ne chirurgis aut circumforaneis absque Medicorum prudentiorum consilio & consensu temere difficillimum, noxium atque periculosum istud curationis genus in hoc morbo tentare unquam liceret. Aut enim prorsus ego fallor, aut egregiam & temeritatem & crudelitatem ostendunt, quicumque istiusmodi curationis viam ingrediuntur, quæ partim cum intensissimis cruciatibus & jactura testiculi atque ipsius vitæ periculo, partim etiam cum perpetuo veteris noxæ metu conjuncta esse deprehenditur. Namque haud prorsus infrequentes ejusmodi casus esse, ubi,  
post

(a) Circa finem superioris sæculi in Gallia aliquis, qui Prior de Cabrier (*Prieur de Cabrier*) appellabatur, jactabat, se medicamentum arcanum possidere, quo omnes herniosi curari possent sine vinculo & sectione. Rex Galliarum LUDOVICUS XIV. illud etiam magnæ pecuniæ vi ab ipso redimebat, atque in usum horum ægrorum publici juris fieri curabat, quod consistebat in spiritu salis, qui certa quantitate cum vino rubro quotidie per aliquod tempus erat assumendus. Vid. VERDVC lib. de fasciis p. 240. VALENTINI Polychrest. exot. p. 89. DIONIS chir. cap. de herniis; quod vero sine *vinctura* desideratum effectum non præstat.

(b) Talis mos adhuc erat HILDANI & FABR. ab AQUAPENDENTE temporibus.



post adhibitam *κελτομία* & castrationem denuo intestinum una cum interiore abdominis tunica sive peritonæo prolapsum est, adeoque & hernia rediit, non CELSI (a) tantum atque CYPRIANI, (b) Chirurgi apud Batavos merito suo quondam nobilissimi, auctoritate, sed & vel maxime ipso rerum usu ego didici. Præstat igitur, quemadmodum supra jam tum monui, vinctura, vinculis sive subligaculis, quam castratione sive scalpello enterocoele reponenda vexatis hominibus succurrere. Conferri hic potest dissertatio nostra de Kelotomiæ abusu tollendo, Helmstadii An. 1728. edita. (c)

VII. Quandoquidem ad enterocoeles & epiploceles curationem *subligacula* imprimis atque *vincturam* commendavimus; haud abs re fuerit, tum qualiter ea comparata esse, tum etiam, quomodo applicari eadem debeant, breviter hic declarare. Præstantissima enimvero subligacula generatim ea sunt, quæ ventris plagam sive procidentia locum ita continent, ut nullum inde prolabi intestinum aut omentum valeat. Quod ipsum equidem fieri tum demum commode potest, ubi eadem ægrotantis cujusque corpori quam diligentissime adaptantur. Laudabilis utique hac in parte recentium auctorum industria videtur, qua varias admodum, & has quidem insigniter commodas; nec tantum alterutrius, sed & utriusque lateris ramici sanandæ idoneas vinculorum sive fasciarum istiusmodi formas excogitarunt atque hinc inde in scriptis suis delinearunt. Nos quidem Tab. XXV. fig. 5. 6. 7. 8. 9. 10. 11. 12. 13. 14. 15. illas designavimus, quæ, mea quidem sententia, commodissime adhiberi præ ceteris possunt. Neque vero una semper eademque materia conficiendis fasciis & vinculis his inservit. Parvulis enim sive junioribus curandis aptissimæ sunt, quæ vel ex linamento quodam densiori, vel ex panno xylino, gossypio intus inserto, fiunt, vel etiam ex corio molliori. Robustioribus autem illæ conveniunt, quæ vel ex corio fortiori, vel ex ferro etiam apte parantur. Subligaculis istis cum emplastro quodam glutinoso diligenter instar cinguli circum corpus deligatis, non intestina solum reprimuntur, atque peritonæi processus comprimuntur, sed ipsæ quoque tunicae inter se nonnunquam vel glutinantur, vel saltem valde ita coarctantur, ut intestina prolabi rursus nequeant. Interim quam diutissime, & per semestre saltem spatium, servare vincturam istam convenit, parcissima victus ratione semper adhibita; saltu autem, equitatione, atque id genus aliis corporis commotionibus vehementioribus solerter evitatis, medicamentis denique leniter alvum ducentibus atque roborantibus identidem assumtis; ne intestina paulo vehementius, quam decebat, inflata denuo per abdominis musculos prorumpant. Curationem eum in modum, quem jam jam præscripsimus, instituta, feliciter ut plurimum ii sanescunt, qui vicesimum ætatis annum nondum attigerunt. Tametsi neque aliis etiam, qui aut vicesimum, aut tricesimum ætatis annum jam tum superarunt; de perfecta sanitate prorsus desperandum sit: dummodo recens adhuc malum fuerit, celerrimamque prudens Medicus aliquis opem attulerit. Ubi ætas jam processit, atque malum jam tum invaluit, tantum abest, ut pristina hoc in loco restitui sanitas queat, ut satis profecisse cum ægrotus, tum Medicus videantur, si per adhibitam vincturam aliquam convenientem malum levaverint, novumque intestini & omenti prolapsum ea ipsa impedierint. Quanta enim cum pernicie scalpellum hic adhibeatur, manifestum ex superius propositis esse potest.

*Subligacula  
qualia esse  
debeant.*

Q 2

VIII.

(a) *Medicin. lib. VII. cap. XX. p. m. 465. edit. Almelov.*

(b) *Epist. de factu pag. 87.*

(c) Putant quidem nonnulli eos, qui altero testiculo privati sunt, ad generationem ineptos esse: verum hoc falsum esse ex diversis exemplis certe cognovi; attamen duobus testiculis rem felicius succedere extra dubium videtur, quemadmodum duobus oculis melius videmus quam unico.



<sup>κελοτομία</sup>  
 VIII. *Alterum enterocèles curanda artificium situm est in* *κελοτομία*, sive in sectione per scalpellum, qua agyrtæ, ut dictum est, sæpissime utuntur, eaque cum testiculi jactura sive extirpatione. Quæ ipsa equidem tametsi propter & 1. ingentes cruciatus, & 2. maximum vitæ periculum, & 3. irreparabilem testiculi jacturam, & 4. continuum denique pristini vitii metum, non usque adeo facile suscipi; præsertim si juniores adhuc ægri sint, a prudentioribus Medicis soleat; suscipi tamen omnino potest vel debet sectio aliqua herniæ, quoties vel intestina reponi nequeunt, vel vinctura aliave remedia nihil proficiunt, dum scilicet intestina prolapsa vel cum scroto, vel cum processu peritonæi sic coaluerunt, ut nulla ratione in ventrem compelli queant; sed a gerendo munere hominem ægrum plane detineant, certissimamque incarceratæ herniæ calamitatem minentur. Solet autem a chirurgis circumforaneis sive celotomicis, ad ductum veterum, (a) licet etiam nondum partibus proximis intestina adhærescant & refundi queant, tam in infantibus quam senibus hunc in modum operatio ista institui.

Quomodo ab  
 agyrtis insti-  
 tuatur.

IX. Aeger, corpore resupinato, depresso capite, atque coxis erectioribus, super mensa deponitur, firmiterque vel per injecta vincula constringitur; (vid. SCVLTTET. Tab. XXXVIII.) vel quoad caput, manus atque pedes singulos a robustis quibusdam hominibus continetur, ut ne qua vertere sese aut movere idem valeat. Deinde chirurgus intestina prolapsa retro in abdomen compellit, ministroque, ut firmiter per impositam manum abdominis foramen sive annulum istum comprehendat, imperat. Tum superior atque a latere posita scroti pars diligenter eo modo sursum adducta, quem supra in bubonocèles curatione, imo & in fonticulis & setaceis excitandis commendavimus, una cum subjecta pinguedine ad tres quatuorve digitos, pro diversa scilicet corporis magnitudine secundum longitudinem inciditur. Peritonæi processum hac ratione detectum una cum testiculo digiti subsidio a partibus propinquis chirurgus separat, eundemque, non sine maximis licet ægrorum cruciatibus e scroto evellit. Mox peritonæi processum istum, quantum quidem satis est, protrahit, firmiterque per injectum vinculum quoddam sericum aut lineum, qualiter nempe fieri in tuberculorum extirpatione sive curatione solet, circa partem superiorem constringit: comprehensis simul, ne scalpello admoto, sanguis profluat, venis atque arteriis seminalibus. Velut alii hoc facere solent, processum peritonæi a vicinis partibus digitis separant, eumque antequam testiculum extrahunt, funiculo ligant, ac demum ligatura peracta, testiculum e scroto evellunt, eum vero mox altera manu, ut adstantes & cumprimis necessarii id non videant, occultant, & postea quicquid vinctum est una cum testiculo digiti spatio infra vinculum relicto, quam celerrime rescindunt, testiculum clam seponunt, ipsamque plagam istam linamentis replent, emplastro & splenio superimpositis, atque per adhibitam fasciam deligant; ægrum autem, his ita peractis, quasi suis testiculis adhuc instructus esset, lecto imponendum curant. (b) Per singulos dies insequentes semel vinctura, sive deligatio, ovorum, hyperici, sive hujus generis alio quodam oleo vulnerario adhibito, innovatur; donec vinculum, quo processus peritonæi una cum vasis spermaticis ligatus erat, sua sponte resolutum decidat: quod ipsum equidem post quintum sextumve aut septimum plerumque diem fieri consuevit. Vinculo extracto, vulnus medicamentis balsamicis glutinatur, atque sic integrum curationis negotium absolvitur.

In-

(a) Vid. PAVLVS lib. VI. cap. 65.

(b) Nonnulli magna acu filum duplex robustum trahente processum peritonæi perforant, sectaque ansa quatuor principia faciunt, eumque ex utraque parte ligant. PAVLVS loco modo citato.



Interim continua ægris per duodecim vel quatuordecim dies a prudentioribus agyrtis imperari quies solet; victus autem ratio fere eadem præscribi, quæ post graviores aut vulnerationes, aut operationes chirurgicas præcipitur. Atque hæc fieri tamdiu debent, donec ægri vel emoriuntur, vel sanescunt. Ceterum usus docuit, ægrorum non paucos, simulatque ipsi ferrum experti sunt, febre, spasmodis, atque nervorum distensionibus sive convulsionibus vexari; præsertim si non satis provide ac blande, sed rudius chirurgus in opere versatus est, vel victus quoque ratio neglecta; ceteros autem noxam semel curatam denuo nonnunquam sentire. Quidam ex chirurgis, præsertim Itali, ceu ex FABRICII ABAQVA-PENDENTE, ut & SCVL'TETI scriptis liquet, paulo aliam, sed tamen cum gravioribus miseri hominis cruciatibus conjunctam operandi viam ingrediuntur. Prius enim, quam peritonæi processum vinciunt, acum aliquam grandem cum filo cerato crassiori per eundem trajiciunt, excisoque dein testiculo, ferro candenti plagam vasorum spermaticorum adurunt.

X. *Tertia*, eademque minus cruenta *enterocelen curandi ratio*, *punctura* sive *Enterocelen* *sectio aurea* communiter appellari solita, diligentissimeque a PARÆO (a) atque *per filum vel puncturam auream cura-* GEIGERO (b) descripta, eum præcipue in finem a chirurgis excogitata vide- *tio*. tur, ne in curatione herniæ per scalpellum testiculi jacturam facere, neve alias hinc provenientes noxas sentire homines miseri cogantur. Solet autem hoc fere modo curatio illa institui. Peritonæi processus resupinato ægro, depressisque intestinis, quemadmodum supra indicavimus, facta per scalpellum plaga, detegitur atque filo quodam aureo tenui circa superiorem processus peritonæi partem musculorumque annulum cingitur; ipso interim testiculo in naturali sede sua relicto, neque, prout fieri alias solet, extracto. Filum aureum circumdatum leniter per adhibitam tenaculam vel forcipem circa processum peritonæi ita contorquetur, ut vasa quidem seminalia a compressione libera servantur; processus vero peritonæi ita angustetur, ne intestina descendere in scrotum possint. Sed parum tamen commodus, meo quidem aliorumque quamplurimorum iudicio, iste operandi modus videtur. Namque ubi minus angusta hæc per filum aureum vinctura est, quam facillimo negotio intestina pondere suo ipsam deprimunt: ubi vero paulo arctius eadem constringitur, vasa spermatica simul constringantur, atque proin testiculus corrumpatur, necesse est. Ut nihil nunc de eo dicam, difficulter admodum, in hac curandi ratione, factam in inguine plagam glutinari, sed fere semper fistulam aliquam, e continua partium incisurarum a filo aureo irritatione, reliquam manere. Itaque mirum non est, quod prudentiores quique Medici, his quoque ramicis curandæ artificiiis neglectis, a cingulis, vinculis sive fasciis, sanitatis præsidia quærant; quamdiu scilicet compelli adhuc intestina prolapsa possunt.

XI. In Anglia haud pridem Medicus quidam, cui nomen LITTLE JOHN (id est: *Joannes Parvus*) novam hernias ejusmodi sine scalpello curandi methodum publicavit, quam Cel. Chirurgus Londinensis, Jo. DOUGLAS, mecum quondam communicavit: quæ in sequentibus consistit. Intestina scilicet in ventrem prius sunt repellenda: postea rodens medicamentum, inter quæ auctor *oleum vitrioli fortissimum* (c) præ ceteris commendat, ei loco, ubi intestina ventre prolabantur, supra os pubis diligenter illinit, idque ea copia, quæ bre-

*Methodus*  
JOANNIS  
PARVI.

(a) *Oper. chirurg. lib. VII. cap. 16.*

(b) *Lib. de herniis.*

(c) HILDANVS in oper. pag. 915. refert, empiricum suo tempore hernias sine castratione atque oleo quodam chemico curare voluisse. Sed ipsum maximis doloribus ægros affecisse, & tamen eos non curasse. Forte hoc oleum quoque oleum vitrioli fuit, quod empiricus ille pro arcano celaverat.



brevi tempore cutem penetrare potest . Nam quo profundior inde esse expectandum . Atque hanc ob causam per biduum vel triduum hoc negotium iterandum præcepit , ut tanto melius cutem erodat , incisa vero semper prius scalpello crusta , ut oleum vitrioli tanto melius penetrare queat . Escharam *emplastro* PARACELSI & *oxycraceo* , æqualibus partibus mixtis & corio inductis , itemque spleniis contegit & fascia firmat , illudque emplastrum solum tam ad crustam separandam , quam ad ulcus curandum sufficere asseverat . Quodsi forte caro spongiosa excresceret , illam lapide infernali exedendam esse docet . Curationis tempore æger tenuem servet diætam , atque strenue conquiescat , donec vulnus iterum glutinatum est . Glutinatione facta emplastrum ad hernias cicatrici imponit , illudque idoneo vinculo firmat , quod tamdiu gestandum ab ægro , donec cicatrix satis firma facta est , quæ novum relapsum impedire valeat . GEORGIUS I. Rex Magnæ Britanniæ , gloriosissimæ memoriæ , pro arcano hoc revelando ex summa regia , qua erat , liberalitate , quinque mille libras anglicanas , quæ viginti quatuor fere mille nummos imperiales efficiunt , auctori solvi jussit . Interea tamen paulo post jam a nonnullis Anglis rursus contemni coepit . Vid. HOVSTOVNI liber , qui inscribitur *Historia rupturarum sive herniarum* , & DOVGLASII Syllabus operationum chirurgicarum , ambo anglice conscripti .

*Alia adhuc  
nova ratio .*

XII. SERMESIVS , Medicus Amstelodamensis & a longo tempore jam mihi amicus , in libello suo de Lithotomia , belgica lingua An. 1726. Trajecti ad Rhenum edito , pag. 209. *aliam adhuc hernias sine factura testiculi curandi rationem describit* : quam quidem se non invenisse lubens ipse fatetur , verum ab aliis , qui hanc curandi rationem apud Russos oculis suis sæpe viderint , eam didicisse tradit . „ Nimirum chirurgus quidam inter Russos ejusmodi ægros scamno supinos imponebat , eos ope aliquot robustorum hominum firmabat , postea in inguine scalpello plagam directam eamque satis longam faciebat , sicut alias celotomia fieri solet , processum peritonæi quærebat , eum scalpello aperiebat , ibique herniæ saccum , in quo intestina antea continebantur , investigabat . Vid. Tab. XXV. fig. 4. Invento sacco , intestinisque in ventrem compulsis , saccum hunc ( *sine dubio a partibus quibus nectitur , prius solutum* ) paulo vehementius e vulnere extrahebat , eum prope musculos abdominis , quantum fieri potest , ( vid. fig. 4. litt. BB. ) filo robusto constringebat , filumque e vulnere propendere sinebat , vulnus , ut alias fieri solet , deligabat , donec filum sponte cadebat ; „ hacque ratione ipsum multos ejusmodi ægros sine testiculi aut vasorum spermaticorum læsione curasse , & nullum eorum , sicut sancte asseverarunt , mortuum esse . Atque hanc hernias curandi rationem SERNESIVS cumprimis longe utilissimam esse censet in adultis , ubi intestina ope vinculorum in ventre contineri non possent , & tamen ob ejusmodi hernias multas molestias & incommoda perferre cogerentur . An vero hæc methodus adeo bona & certa , ut ab his perhibetur , experientia prius bonorum chirurgorum est confirmanda . Hoc saltem certissimum est , eam , si succedit , vulgari longe præferendam esse , quia testiculus una cum reliquis partibus sanis conservatur . Num vero herniæ post hunc curandi modum non æque facile redeant , quam in vulgari modo , ubi hic saccus isque simul cum vasis spermaticis ligatur , experientiæ quoque prius erit committendum . Nullam sane rationem video , quæ magis hoc in hac , quam in vulgari methodo impedire queat . Idque eo magis metuendum erit , quando herniæ magnæ & inveteratæ fuerunt , atque sic locus procidentiae valde ampliatus ac debilitatus fuit . Denique adhuc hic monendum , Helvetium quendam , cui FREITAGII nomen est , jam anno 1721. Argentorati hanc methodum , tanquam parenti ipsius ( qui Chirurgus erat Tigurinus ) familiarem , in dissertatione quadam descripsisse ; atque in hac dis-

fer-



sertatione filius refert, eam a parente suo sæpius feliciter ita institutam esse: hac tamen cum differentia, quod saccum, antequam eum filo constrinxerit, acu filum trahente prius perforaverit, ac deinde demum ligaverit. Ita & anno 1730. Kilix in Holsatia dissertatio prodit, (a) ubi auctor, Jo. Henr. SCHVCMAN-NVS, hanc quoque curandi rationem, quam se sæpius feliciter institutam vidisse affirmat, egregie laudat atque commendat.

XIII. Nonnulli etiam pro testiculo conservando processum & vasa spermatica non ligant; sed repressis intestinis & omento anulum sive locum procidentix una cum cute probe scarificant, & postea apte deligant, ut tanto firmior inde subsequatur cicatrix: atque sic multos herniis huiusmodi laborantes curatos fuisse asseverant, præsertim si diu satis postea idoneam fasciam sive vinculum gestant. Interea tamen hanc curationem melius in infantibus ac pueris quam in ætate pro-  
Alius modus per annuli scarificationem.

XIV. Sicubi vero ita gravis enteroccele quadam in scroto inciderit, ut ob quamcunque causam retro compelli intestina prolapsa nequeant; cumprimis primo, quando propterea id contingit, quod firmiter sive cum processu peritonæi, sive cum annulo, sive cum scroto denique aut testiculo cohærescat, atque passionis iliacæ periculo hominem ægrum exponant; tum nihil omnia vincula sive subligacula proficiunt; quin potius dolorem, inflammationem, atque alia id genus mala perniciosissima vel concitant, vel augent, neque medicamenta aliud proficiunt. Miserum igitur, sed unicum tamen auxilium est, miseros istiusmodi homines, ad avertendum præmaturæ mortis atque modo dictæ passionis iliacæ (*miserere* vulgo vocatur) periculum, pristinamque negotiis suis fungendi facultatem restituendam, scalpello subicere. Præstantiorem enim eandemque mitiorem enterocèles ejusmodi curandæ artem nondum, quod ego sciam, salutaris artis professores excogitarunt. Ad operationem autem ubi veniendum est, ægro, ut supra jam dictum est, collocato, deoperiri ante omnia cutis atque pinguedo, superius jam tum proposita ratione, (n. 8. ut & cap. CXVI. n. 2. & seq.) debet, donec scilicet peritonæi processus atque diductum intestinorum involucrum in conspectum prodeat. Quo equidem rite factò, separare, eoque prudenter aperto, per adhibitum scalpellum aliquod minutum, vel digitum, aut calamum scriptorium, aut simile instrumentum aliud, a partibus adhærentibus, quam solertissime intestina convenit, scalpello ita provide semper temperato, ut, sicubi forte necessarium est, quidvis aliud potius, quam intestina concidantur, eisque a cohærentibus partibus separatis, per locum prolapsis ea in ventrem repellere convenit. Id quod etiam est faciendum, si præter opinionem in hernia incarcerata partibus externis noxa deprehenduntur. Tandem, intestinis in sedem pristinam repositis, non glutinari tantummodo plagam debita ratione; sed ægram quoque partem exactissima vinctura, quæ *spica* vocatur, nunquam non comprehendi oportet, ne idem denuo vitium forte redeat.

XV. Sicubi autem porro in hominibus enteroccele vexatis usque adeo constrictum atque strangulatum intestinum deprehenditur, ut nulla prorsus ratione nullisque artificiis idem reponi queat, atque sic hernia incarcerata sive captiva adsit, tum itidem, quando nimirum cataplasmata, sanguinis missio, clysteres, & præsertim ex fumo nicotianæ parati nihil efficiunt, per adhibitum scalpellum noxis ab intercepto intestino provenientiibus, quin & ipsius mortis periculo eadem prorsus occurrendum est ratione, quam supra Cap. CXVI. in bubonocèles incarceratæ curatione proposuimus. Ut vero intricata atque difficilis hæc operatio ac morbus tanto melius intelligi queant, eis figuris, quas MAVCHAR-TVS hac de re in supra jam laudata dissertatione, de hernia incarcerata scroti, cum  
Enteroccele incarcerata quomodo tractanda sit.

(a) Titulo, de Kelotomia absque castratione instituenda nova methodo.



cum publico communicavit, negotium hoc illustrare, a scopo nostro haud alienum esse putavi: (vid. Tab. XXVI. fig. 1. 2. & 3.) ubi earum etiam explicatio videri potest. Interim superius jam hac de re curandi regulis traditis, subsequentes observationes adhuc adjungere, juvabit.

Observationes ad curationem necessarias.

XVI. 1. Ubi non nimis gravis hernia subest, repellique intestinum, *integra remanente sacci tunica*, potest; tum sic aperiri partes suprapositæ debent, ut universa sacci tunica ista in conspectum prodeat. Sic enim non tuto solum diduci plaga, sed commode quoque repelli, quicquid intestinorum prolapsum fuit, potest: reliquis eodem modo peractis, quem in bubonocelis curatione supra (n. 2. Cap. CXVI.) proposuimus. 2. *Sicubi vero insigniter jam tum malum increvit; vel ubi omentum atque intestina eum partibus proximis jam coaluerunt; vel liquores p. n. multum in sacco continentur*, prædicta curandi ratio non tuto succedit, sed potius tum sacculus provide incidi, atque intestina blande refundi debent. Sed si hoc propter angustiam annuli vel partis superioris sacci, quæ strangulationem faceret; fieri non posset, hæc sectio prius dilatari ampliatioque per sectionem abdominis foramine, *intestinum vel omentum a partibus, quibus eadem forte adherescunt*, diligenter resolvi sedibusque propriis postea restitui oportet: prouti quidem supra (n. 13.) indicavimus; intestino interim ita circumspicte tractato, ut partes adhærentes, quin ipse testiculus citius, si forte huic adhæreret (a) & aliter fieri non posset, quam illud, concidantur. (b) Tum ipse quoque *sacculus, a partibus proximis atque adnatis* caute resolutus, per injectum filum cannabinum triplex aut quadruplex, idemque crassum & ceratum circa superiorem partem juxta annulum probe constringitur, ea parte, quæ sub ligatura est, resecta, vulnere ut alias deligato. Ita tandem post lapsum per suppurationem filum cicatrix firma hic fit, quæ quoddam quasi tuberculum conficit: quo ipso ad abdominis plagam scarificatam adglutinato, haud parum firmiter intestina continentur, atque, ne denuo in scrotum descendant, prohibentur. Ubi tamen cavendum sollicitè est, ne venæ simul atque arteriæ spermaticæ vinciantur. Deinde 3. *si qua forte, dum ventris plaga diducitur, arteria epigastrica conciditur*, tum, ne largiter inde profluens sanguis operanti officiat, minister aliquis linamenti convoluti, vel sicci, vel liquore adstringente imbuti, subsidio præcisam arteriam istam versus inguen deprimat comprimatque, vel filo acus ope circumducto constringatur. Porro 4. *si prolapsum intestinum flatibus atque stercore ita distentum reperitur*, ut reponi commode nequeat; tum nihil omnino mulis chirurgis salutaris atque ad repellendum intestinum commodius videtur, quam in partes illius proximas, sensim ex abdomine protractas, quicquid flatuum atque stercoreis intus est, simul diffundere, atque sic paululum extenuatos intestini ductus leniter deprimere. At enimvero quia periculum est, ne difficilior ista intestini cum extractio, tum depressio satis jam tum infirmatas ejusdem partes penitus debilitet enervatque, aut prorsus perrumpat; præstare existimo, nimis angustum abdominis foramen supra descripto modo potius incisione, quantum opus videtur, dilatare, postea intestina prolapsa refundere, atque ceterum procedere, sicut supra in bubonocèle incarcerata (Cap. CXVI.) proposuimus. 5. *Sicubi mesenterium simul cum intestino prolapsum deprehenditur*, tum illud, ex PETITI observatione, deprimi ante oportet, quam intestina refunduntur: id enim nisi fit, fere semper hæc rursus prorumpunt; contra *si omentum*

(a) Testiculum aliquando cum intestino prolapso confusum deprehendi, GARENGEOT tradit, oper. chir. Tom. I. pag. 320. edit. II. id quod tamen rarissime contingit, & ab aliis vix notatum, quia peculiari sacculo inclusus est.

(b) Suadent nonnulli testiculum, si cum intestino concrevit, resecari; sed præstat particulam potius inde resecare: nam ejusmodi testiculi vulnera rursus glutinantur.



tum simul prolapsus, intestina prius atque omentum posterius condendum est. (a) Porro 6. si forte cum sacculo *intestinum simul læsum est*, futuram adhibere convenit, illudque hujus ope cum plaga ventris conjungere; reliqua itidem facienda sunt, quemadmodum ad intestini vulnera supra commendavimus. Si *intestinum* 7. corruptum deprehenderetur, illud resecandum & pars sana vulnere jungenda. 8. *vesica* etiam quandoque, præsertim in gravidis, aut urinæ difficultate laborantibus, per annulum abdominis musculorum prorumpit: (b) Quod ipsum equidem ubi fit, quicquid ejus prolapsus est, eadem compelli ratione debet, quam pro intestinis refundendis proposuimus. Postremo 9. *quicquid*, opere confecto, abundare in scroti cute, justo decentius diducta, reperitur, id ipsum forcice rescinditur: ita enim arctior & fortior fit cicatrix, quæ reditum herniæ valentius impedit. Tandem 10. scrotum hic etiam splenis involvendum, & fascia scrotum suspendente hæc firmanda; id quod ultima parte fasciæ spicæ, vel peculiari aliqua fieri porest. Quid denique de *turunda usu* hic sit sentiendum, videri potest Cap. CXVI. No. VIII.

## C A P. X.

## De epiplocele sive omenti prolapsu.

I. **R**AMICEM, qui ex omento in processum peritonæi sive scrotum etiam devoluto nascitur, *epiplocelen* Medici nuncupant. (c) Adesse autem hujusmodi malum, non adeo facile cognoscitur; interea tamen illud adesse intelligitur, si tumor inæqualis, mollis atque lubricus, & retento spiritu aut conatu excernendi alvum, non magnopere increscens, circa peritonæi processum, vel & quandoque a peritonæi processibus ad scrotum usque protensus animadvertitur. Depresso digito nihil murmuris auditur, neque talis durities aut inflatio ut plurimum persentiscitur, qualem ab enteroccele oriri supra diximus. Nonnunquam in ventrem reprimi omentum potest; nonnunquam ita firmiter cum partibus propinquis idem cohæret, aut ita intumuit, ut nulla repellere ratione possit. Utriusque generis casus identidem in uno homine post mortem inciso egomet observavi. (d) Licet sint, qui has hernias vel negare vel saltem in dubium vocare voluerint. Neque vero tantopere tumor in epiplocele quam in enteroccele increscit; proinde ut plurimum non æque graviter, ac in enteroccele, homines epiplocele vexati periclitantur; sed citra magnam molestiam, & nullis plerumque adhibitis medicamentis, vitam atque negotia sua transigunt. Quin & rarius incidere hujus generis ramices solent, propterea quod plerique, teste anatome, ita exiguo instructi solent esse omento, ut ad peritonæi processum idem non pertingat, nedum foras prolabi illud possit. Interdum etiam externa tumoris species decipere Medicos potest, ut epiplocelam aliquam subesse illi judicent; quum tamen naturalis eademque solito major

Heisteri Chirurgica Tom. III.

R

pin-

(a) Ratio duarum harum observationum ex perspecto situ naturali intestinorum & omenti patet.

(b) Præter PALFINVM supra laudatum & RVYSCHIVS in Advers. anat. decad. II. obs. 9. & Aët. Acad. Paris. exempla referunt, atque GARENGETIVS id quoque affirmat. *operat. chirurg. in doctrina de herniis.*

(c) Hic morbus raro occurrit, & hinc, teste etiam VESALIO, Anat. L. V. Cap. 4. a quibusdam in dubium vocatus est.

(d) Descriptus est a me in ephem. Nat. Cur. cent. V. obs. 85. pag. 164.



pinguedo quadam ventris partem illam distendat. Interim non solum ex RVYSCHIO quondam percipi, verum & a DIONYSIO & GARENCEO-TIO observata atque memorata legimus, (a) haud prorsus insolentia istiusmodi epiploceles exempla sunt, quæ non quoad signa tantum, sed quoad noxas etiam sive pericula, quam exactissime cum enterocèle incarcerata conveniebant, ita ut ad scalpellum perveniendum fuerit: tametsi Medicus nil nisi omentum prolapsum in ipso opere deprehenderit.

*Epiploceles  
curatio.*

II. In epiploceles curatione id imprimis danda opera est, ut, sicubi compelli adhuc in ventrem omentum potest, eodem rite compulso, fascia sive vinculo herniis proprio, corporis adhibeatur, quemadmodum scilicet in inguinis & scroti hernia proposuimus. Si restitui omentum neutiquam potest, neque gravibus tamen noxis ægros exponit; satius utique videtur, prorsus ab operatione abstinere, quam curatione gravi minus gravem noxam tollere, atque remedium morbo gravius adhibere. (b) Simulatque vere prolapsum omentum intumescit, atque ita inflammationem aliquam, dolores, febrem atque vomitum inducit, perinde ac in hernia incarcerata intestinorum fieri sæpe consuevit, prope- randum utique est ad illam curationem, quam per scalpellum ad herniam scro- ti atque inguinis incarceratam supra commendavimus. Ubi tamen providen- dum simul est, ut crassior eademque corrupta illa omenti pars non repellatur, sed potius filo trajecto deligetur ac præcidatur, sanum vero in ventrem repo- natur; quemadmodum nimirum in abdominis vulneribus præscripsimus: (c) vel etiam omenti corrupti & putridi spontanea separatio & casus, si lubet, sine ligatura expectari potest. Conferri possunt variæ observationes notatu dignæ de hoc malo, quas DRANIVS in obs. chirurg. Tom. II. obs. 63. & seq. describit.

*Entero-epi-  
plocele quo-  
modo tra-  
standa.*

III. Nonnunquam intestina simul cum omento foras prodeunt. Cujusmodi qui- dem noxa entero-epiplocele Medicis nuncupatur; sed difficulter tamen ab entero- cele simplici discernitur. Quanquam parum refert, utrum mali genus subsit, perspectum habere: siquidem eadem utrobique & supervenire pericula, & adhi- beri curationis artificia solent. Interim quoties in ramice quodam tumor iden- tidem evanescit, aut saltem decrescit, nonnisi tumore quodam exiguo atque molli superstite, omentum utique una cum intestinis descendisse, haud impro- babiliter conjicitur. Sed minori tamen cum periculo complicatam istam her- niam sive entero-epiplocelen conjunctam esse, quam ramicem intestinorum sive enterocelen simplicem, vel inde manifestum est, quod in ista pinguedo prohi- bet, ne a muscutorum abdominis annulis adeo graviter comprimi aut torqueri intestina queant, si sola sint prolapsa. Ceterum in hujus mali curatione id an- te omnia propositum sibi Medicus habeat, ut omentum atque intestina simul reprimantur, glutinatoque vulnere eodem modo per adhibitam vincturam con- tineantur, quem supra ad enterocelen commendavimus.

## CAP.

(a) In scriptis eorum chirurgicis, ubi de hac hernia, & speciatim apud GARENCEOT. T. I. p. 276. edit. II.

(b) Ita enim FABRIC. ab AQVAP. caustica & ustionem hic commendat. in oper. chirurg. cap. de enterocèle.

(c) GARENCEOTIVS in vulneribus abdominis corrupti omenti ligaturam rejecit, attamen in herniæ operatione eam ipse instituit. oper. chirurg. T. I. p. 373. edit. II.



## C A P. XI.

De herniis spuriiis & quidem primo de Sarcocoele  
& castratione.

SUPRA dictum est, hernias *spurias* five *falsas* eos vocari tumores scroti, ubi Sarcocoele  
quid sit. neque intestinum neque omentum ex ventre prolapsum est, sed ubi tumores in ipso scroto vel a scirrho testiculi, vel ab humoribus in eo collectis, vel etiam a nimis tumidis vasis spermaticis oriuntur: & speciatim Sarcocelen Medici vocant istiusmodi noxam, quando vel ipse testiculus cum duritie quadam insigniter atque ad instar scirrhi alicujus tumefactus deprehenditur; vel & caro quædam præter naturam ex illo increfcit; quæ cum acutis haud raro conjuncta esse doloribus, interdum autem exulcerari & ad cancrum sensim transire consuevit. (a) Utique autem diversam esse a testiculi inflammatione sarcocelen, inde statim intelligitur, quia hæc non nisi pedetentim atque lentissime nascitur, & ut plurimum nullos fere initio dolores concitat; ista vero, perinde ac in reliquis fieri inflammationibus solet, celeriter & cum vehementissimis cruciatibus atque æstu incidit. Neque vero ab una semper eademque causa malum hujusmodi provenit. Namque ubi ipse testiculus cum duritie quadam intumescit, ab iisdem plerumque causis *sarcocoele* nascitur, quas circa scirrhum supra (Part. I. lib. IV. cap. XVII.) commemoravimus. Si quid vero carnis e testiculo pronascitur, in graviore plerumque contusione, similive alia quadam violentia externa situm solet esse calamitatis illius principium. Sed reperi tamen egomet istiusmodi ægrum aliquem, sarcocoele laborantem, qui nullam omnino vim externam sensisse sibi videbatur. *Magnitudo tumoris* varia quidem est, atque ita, Medicorum quorundam judicio, comparata, ut gallinæ ovum haud superet: sed observavi tamen egomet atque sanavi istiusmodi homines aliquos, quibus ultra pugni magnitudinem testiculus increverat. Quod ne cui mirum videretur, nihil abs re facturus mihi visus sum, si testiculos ejusmodi grandiores, in vini spiritum immisos diligenter asservarem. *Signum præcipuum*, quo dignosci ab herniis reliquis sarcocoele debet, in duritie & cumprimis ipsius testiculi positum videtur: dum reliquæ priores herniæ aliquanto molliores esse soleant, & testiculus naturalis seorsim digitis percipiatur. Ceterum sarcocelen, nisi tempestive tumor resolvatur, quam facillimo negotio degenerare in cancrum posse, non e WEPFERI tantum, sed ex propria quoque experientia ego didici, vel saltem ob insignem molem aut dolores valde molestus fit; imo & generationis negotium, præsertim si uterque testiculus vitiatus est, lædit, aut prorsus tollit. Si tumor per inguen ad ventrem usque ascendit, etiam curatio, quæ per scalpellum fit, frustranea est & mortem post se trahit, quia corruptio jam ad internas usque partes processit: ideoque rectius ab ea abstinetur.

II. Ubi recens adhuc est sarcocoele, resolvi eadem nonnunquam per adhibita medicamenta digerentia, eademque cum interna, tum externa potest. MAT- Curatio per  
medicamen-  
ta. THIOLVS, AQUAPENDENS atque SCVLTVS (b) valentissimum hic esse statuunt pulverem radicis *ononidis*; siquidem illius ʒj. agris ex vino ab-

R 2

fin-

(a) Aliquoties hoc ita contingere observavi.

(b) Vid. Ejusd. observ. 63.



linthite quotidie ingeratur , extrinsecus super tumorem hoc imposito emplastro :

℥. Gumm. galban.

ammoniac.

bdell. a. ℥℥.

Dissolut. in aceto adde

Adip. anat. liqu. & collat. ℥℥℥.

Cer. citr. ℥ij,

Ol. lilior. alb.

Medull. crur. bov. a ℥x.

M. F. emplastrum.

Oportet autem linteo emplastrum hoc induci atque post tertium quemque diem innovari . DIONYSIVS (a) hunc in usum proponit explastrum , quod ex diabolano divino & VIGONIS emplastris invicem permixtis conficitur : siquidem illud feliciter aliquoties a se adhibitum fuisse testatur . Sunt , qui *emplastrum Noribergense* , quasi medicamentum discutiendis iis , quæ coierunt , aptissimum , jamjam propositis simul admiscendum suadent , vel seorsim illud adhibent . Alii quam maxime salutariter hic adhiberi statuunt vapores sive fomenta ista acida , quæ ad scirrhi curationem supra ( pag. 338. ) commendavimus . Ceterum in internis medicamentis præstantia inprimis esse , quæ ex lignorum decoctis atque mercurialibus remediis fiunt , frequens rerum usus me docuit ; præsertim si quovis fere mane cum regimine sudorifero ægris propinetur , alvus autem post tertium vel quartum quemque diem medicamento ex mercurio parato , ducatur .

*Carnio per  
scalpelli  
sive castra-  
tio .*

III. Ubi vero nihil omnia medicamenta ista proficiunt , sed tumor nihilominus una cum doloribus subinde increfcere , vel ob dolores vehementiores nimis molestus fierit , paulatimque in *carcinoma* sive cancrum transire animadvertitur ; si modo malum nondum attigit annulum , miserum , sed unicum tamen remedium est , ne scilicet ad ipsum abdomen transeat , prorsusque insanabilem noxam efficiat ; (b) opportune testiculum istiusmodi tumefactum , vel etiam utrumque si noxa ambos occupavit , adhibito scalpello , prudenter exscindere ; quæ actio *castratio* appellatur , qua ægri , si ambo testiculi auferuntur , ad generationem prorsus inepti fiunt , & *castrati* appellantur .

*Quomodo et  
la fieri de-  
beas .*

IV. Perfici autem curatio hæc eodem fere modo debet , quem in celotomia sive ad hernias supra secundum agyrtarum morem curandas præscripsimus . ( Cap. CXVIII. ) Sed majorem tamen adhibere hic circumspectionem convenit , quam fieri a plerisque celotomicis vulgaribus sive histrionibus solet . Neque enim , incisa prius cute in inguine & scroto , ruditer aut violenter evelli testiculum oportet , ne dolores nimii aut convulsiones facile concitentur ; sed leniter potius per abhibitum modo scalpellum , modo forficem , prout res exigit , a partibus , quibus cum idem cohæret , resolvi : vasis spermaticis , ne nimis doloribus ægri exerceantur , quam diligentissime prius circa inguen sive abdomen ligatis atque tandem resectis ; vulnere autem postmodum ea ratione glutinato , quam generatim in curandis herniis hætenus proposuimus . Quoniam autem ex resectis vasis illis spermaticis multum ampliatis , ut ut eadem ligata prius sint , tanta nihilominus sanguinis copia nonnunquam profluit , ut

pe-

(a) In chirurgia sua , ubi de hoc malo agit .

(b) Accidere id ipsum aliquando posse , non solum ipse diversis vicibus observavi ; verum & , ut alios jam taceam , WEPFERI observatio demonstrat . Vid. Ejus tract. de *cicuta aquatica* pag. 201. ubi de sarcocole cancroso refert , quæ libras duas æquavit .



penitus exhauriri ægrotus queat, sicut ipse observavi, satius utique Medicorum nonnullis visum est, vel duplicem ligaturam, alteram sub priori adhibere, vel curationem sic instituere, ut, post resolutum a scroto testiculum, vasa spermatica tantum deligentur, non mox resecto, sed relicto adhuc testiculo, atque post aliquot demum dies, flaccescente nimirum ac putrescente testiculo, id quod vasa spermatica rite ligata esse indicat, rescindantur. Namque tunc sine periculo & sine gravi sanguinis profusione adhiberi scalpellum poterit. Quando vero testiculus nondum flaccescat, ligaturam priorem non satis firmam esse indicat, adeoque alteram eamque arctius constrictam, esse injiciendam. DRANIVS haud inepte suadet, ut pars liganda acu, duplex linum trahente, perforetur, atque postea quælibet dimidia pars utrinque filis illis ligetur: ita certius profusionem sanguinis averti posse. (a) AQUAPENDENS equidem una cum SCVLTETO aliisque ut perniciosam istiusmodi sanguinis profusionem prohiberet; ferrum aliquod candens, abscisso testiculo, vasis spermaticis applicavit: verum priorem modum præstare existimo. In curanda igitur sarcocoele mali moris & ad cancrum spectante, licita utique, imo vero necessaria quandoque *castratio* est: siquidem, missa illa sive neglecta, vix ac ne vix quidem redire ad sanitatem ægris quibusdam licet, alteroque adhuc conservato testiculo ad generationem nondum inepti sunt. Non sum equidem nescius, Medicorum nonnullos in hac curatione præcipere, ut nervi prius a vasis spermaticis resolvantur, quam horum vincitura instituitur, ne ipsorum ligatura spasmi aut convulsiones concitentur; sed parum abest, quin plane supervacuum esse consilium istud, ego statuam. Quibus enim artificiis resolvi commodè nervuli isti exigui a vasis spermaticis, quibus mirum in modum intertexti sunt, queant, juxta cum ignarissimis ego scio. Ut nihil nunc de eo dicam, non usque facile moveri spasmos a vincitura hic posse; quum & valde exigui sint nervuli isti, & sicut antea jam diximus, mirifice partibus reliquis implicati atque intertexti. De cetero minutum aliquod spleniolum sive linamentum subjici vinculo illi potest; testiculus autem, pollicis circiter longitudine infra vincituram relicta, præscindi oportebit.

V. Si quid vero carnis enatum e testiculoprehenditur, quod graviter *Testiculi ex-* hominem affligat, nec discuti tamen per adhibita medicamenta convenientia *crescentia* queat; tum si testiculus integer adhuc est atque illibatus, feliciter utpluri- *quomodo cu-* mum sanari noxa poterit, ipseque testiculus servari, dummodo quicquid præ- *randa sit.* ter naturam superincrevit, deoperto scroto, quam exactissime ab eo solvatur atque rescindatur. (b) Quodsi autem ipsum simul testiculum invaserit, vel excindi etiam, propter nimios cruciatus similesque alias causas, indecore prominentes partes nequeat, necessarium utique erit, vel universum testiculum, vel quandam saltem ejus partem, modo jam jam proposito excindere: Ita & *cutis scroti*, quæ exento testiculo supervacanea est, rescari forfice debet, ita commodius postea vulnus glutinatur & scrotum minus deforme fit. Circa deligationem hæc imprimis necessaria videtur observatio, ut linamenta carpta & splenia cum fasciâ inguinali, quam spicam vocant, primum supradentur; deinde vero, ad leniendam, quæ suboriri plerumque hic solet, inflammationem, cataplasmata digerentia simul adhibeantur; ipsum denique vulnus unguento digestivo balsamoque vulnerario, ceu fieri communiter in celotomia solet, glutinetur. Observationes de testibus exsectis videri possunt in TVLP II obs. lib. 4. cap. 32. & SAVIARDI obs. chirurg. 125. CAP.

(a) Obs. chirurg. Tom. II. pag. 161.

(b) DIONYSIVS atque alii, ad faciendam in scroto plagam, tollendasque testiculi partes superfluas, rodentia proponunt medicamenta, quibus etiam res sæpe satis commodè expediri potest, sed promptior tamen atque tutior hic videtur curatio, quæ per scalpellum instituitur.



## C A P. XII.

## De Hydrocele.

Hydrocele  
quid sit.

I. NONNUNQUAM humor aliquis, isque sæpe copiosus, absque doloribus quidem, sed tamen cum maxima hominis molestia, usque adeo mirifice scrotum distendit, ut ad ovi, pugni, capitis vel & majorem amplitudinem illud increseat. Medici mutuato a Græcis vocabulo *hydrocelem*, hoc est, *herniam aquosam*, noxæ genus illud vocare consueverunt. Fere semper autem non nisi alterutrum; nonnunquam tamen utrumque latus a tumore istiusmodi pernicioso distenditur: Neque ulli etiam hominis ætati propria est ista noxa: siquidem non adulti solum atque ætate provecti, sed juniores etiam ab eadem infestantur; quin & interdum infantes aliqui cum hydrocele in lucem exponuntur, ut ipse vidi, vel primis etiam post partum diebus ea corripuntur. Sed non una semper humoris illius noxii solet esse *sedes*, tametsi enim is ut plurimum in *tunica vaginali*, id est, inter testiculum & tunicam huic proximam colligatur, ita ut testiculus huic humori quasi innatet, tactuque tunc percipi nequeat, atque tum ex disruptis vel exesis testiculi vasis lymphaticis profluisset videatur: tamen nonnunquam etiam *sub ipsa cute scroti* idem consistit, ut CELSVS jam notavit, (a) præsertim in infantibus recens natis, vel & in hydropicis, atque sic utrumque testiculum ambit. Sed hoc quidem vitii genus *hydropem scroti* a Medicorum filiis nuncupatum & ab hydrocele distinctum deprehendimus: hinc postea seorsim de eo acturi sumus. Quandoque tamen etiam, ut nonnulli auctores referunt, (b) in peritonæi processu supra testiculo liquor præter naturam colligitur: imo etiam in productione peritonæi ab intestinorum hernia plorat, copiosum liquorem in cadavere ipsa sectione aliquando deprehendi. Interdum etiam *liquor sanguinolentus*, vel ipse sanguis in cavo scroti, ut ipse quoque vidi, observatur; id quod nec CELSVS latuit, quemadmodum ex ejus Lib. VII. cap. 19. videri potest, quod vitium *hematocele* sive hernia sanguinea dici haud inepte posset: de qua pluribus infra.

Diagnos  
atque pro-  
gnosis.

II. Ad *hydroceles igitur ordinariæ signa* quod attinet, non cognosci illa tantum promptissime, sed dignosci quoque accuratissime i. ab *hydropem scroti* exinde potest, quod in hac digitus depressus, fere ut in tumefactis pedibus, foveam quandam relinquit, cutis glabra est, atque penis simul quandoque insigniter tumet: quum e contrario in hydrocele vera penis retrorsum quasi ductus, cutis vera ita rugosa existat, ut digito super tumorem depresso nulla fovea super-

(a) Lib. VII. cap. 18.

(b) WIDEMANNVS equidem in libro de *litho-Cælo-tomia* pag. 84. nec non BOERHAVIUS aphor. pract. §. 1227. itemque GARENGEOTIVS in *chirurg. operat.* & DRANIVS *Tom. II. obs.* 75. memorant, utique istiusmodi hydroceles casus quandoque observari, ubi digito contingi testiculus queat, atque tunc supra testiculum in peritonæi processu tumorem & humorem consistere; in enterocèle autem contrarium quandoque usu venire, propterea quod intestina interdum, ut supra jam monui, usque in tunicam vaginalem, per septum illud naturale, quod testiculum a parte superiori processus peritonæi distinguit, penetraverint. Sed rari admodum sint, necesse est, ad quos modo laudati auctores provocant, casus. Ego sane quanquam plurimos homines enterocèle non minus quam hydrocele laborantes, sanaverim, nunquam tamen adhuc ita rem inveni, sed semper sic, quemadmodum antea descripsi.



perfit. Præterea in hydrocele tumor nunquam ex toto se remittit, & mollis est, si non nimius humor subest; at si is vehementer increvit, renititur sicut uter repletus & arcte adstrictus. Venæ quoque in scroto inflantur; & si digito premimus, cedit humor, circumfluenſque id, quod non premitur, attollit. (Deinde 2.) ab *enterocele*, nec non ab *epiplocele*, hoc inprimis signo hydrocele distinguitur: qua parte tumor est, lymphæ copiosa testiculum ita comprehendit & ambit, ut contingi vel sentiri neque visu neque tactu idem queat; dum e contrario in *enterocele* atque *epiplocele* persentisci ut plurimum is a latere valeat. Denique 3. *sarcocelen* inter & *hydrocelen*, (quæ profecto tam difficulter quandoque distinguuntur, ut perquam experti Medici in earum dignotione, ut exempla novi, erraverint) id potissimum discrimine interest, quod hæc ad insignem sæpe amplitudinem increſcat, vesicæque alicujus ab aqua valde distentæ sensum (id quod palmarium signum est) præ se ferat; dum e contrario tumor in *sarcocеле* mirum quantum durus, sed tamen plerumque non usque adeo magnus existat. Non sum eundem nescius, Medicorum nonnullos in explicandis hydroceles signis præcipere, ut, in tenebris constituto ægro, lumen aliquod post scrotum collocetur, siquidem tunc, ex illorum sententia, scrotum fit pellucidum; perinde scilicet, ac fieri solet in vesicis aqua repletis atque lumen inter & oculum constitutis. At enim vero, quia, prout egomet cum CELSO (a) ÆGINETA (b) aliisque observavi, humor sive lymphæ ista turbida sæpius est atque adinstar decocti fabarum Coffee nigricans, vel etiam cruenta; quivis prudens jam per se intelligit, propositum signum istud fallax admodum esse, vel minus saltem perpetuum. Interea tamen quando adest, de hydrocele nos certiores reddit; quando vero abest, turbidum liquoris genus adesse poterit, minimeque cogitandum, ac si hydrocele non adesset, si cetera modo adsint indicia. Ceterum molesta magis esse, quam periculosa hydrocele consuevit: neque enim nisi difficulter admodum incedere vel equitate iis licet, qui ab eadem, si magna est, infestantur. Interim ubi paulo diutius humor iste intus relinquitur metuendum est, ne testiculus sensim cum eodem corrumpatur, vel occallescat, atque ita vel scirrhum aliquem sive *sarcocelen*, vel cancerum tandem sentiat. Interea tamen exempla novi, ubi ægri ad magnam senectutem pervenerunt, & nihil mali inde, quam molestiam, ob insignem ejus magnitudinem, perceperunt. Attamen quia propter nimiam humoris copiam penis, secus, quam naturaliter decebat, retrorsum contrahitur atque a tumore velut absconditur; sobolis procreatio, si non prorsus impeditur, quam maxime tamen gravis ac molesta redditur. Quanquam autem fere semper difficilis esse, cum medicamentis, tum scalpello adhibitis, hydroceles curatio solet; facilius tamen juniores, quam natu grandiores omnino liberari ab eadem possunt. Interdum hydrops cum hydrocele conjuncta homines affligit: atque tunc sanare hydrocelen ante haud licet, quam hydrops fuerit sublata. Quandoque etiam cum *sarcocеле*, imo & cum *enterocele* complicata deprehenditur.

III. In junioribus quam sæpiissime medicamentis curationem hydrocele recipit: siquidem & digerentia & roborantia medicamenta interne atque externe tempestive adhibeantur. Insigniter autem adversus noxam hanc proficiunt extus splenia sive linamenta complicata, ex vino, vel spiritu vini, cum rore marino, salvia, chamæmelo, fœniculo, cumino, majorana & similibus decocto, diligenter expressa, frequentissimeque per dies singulos calida super tumorem imposita. Neque vero incommodum fuerit, vino isti decocto, atque ab igne  
jam

Curatio per  
medicamen-  
ta.

(a) Lib. VII. cap. 19.

(b) Lib. VI. cap. 62.



jam tum remoto ; spiritus vini portiunculam affundere , vel & aquam calcis cum spiritu vini permiscere . In infantibus recens natis atque ab hydrocele infestatis nihil perinde ad extirpandam noxam istam valentius est atque commodius , quam ubi sanus aliquis , atque is quidem jejunos , comminuta prius dentibus *moschata nucis* portiuncula , identidem & aliquamdiu semper in dies singulos spiritum suum scroto ægro afflaverit . Quam ipsam equidem medicinam hoc libentius ego suadeo , quo plura sunt exempla eorum infantum , quos per eandem consanuisse scio . Interim & spiritu vini ore contentus , & halitus scroto afflatus haud prorsus ineptus censi debet . Si neutrum ex his profecerit , *emplastrum de cumino* etiam , linteum illitum atque calidum super tumorem imponere , vel & linamentum complicatum , spirituque matricali madefactum , itidem calidum , aliquoties per dies singulos applicare conveniet . Ad *medicamenta interna* quod attinet , longe optimum fuerit , ægrotis , præcipue infantibus , sæpius alvum ducere , sed simul tamen roborantia , digerentia atque urinam moventia medicamenta his interponere . Admirabilem inprimis usum in adultis præstare hic celebri quondam LVDOVICI visum est ( a ) *arcanum duplicatum* ; utpote cujus paucis , ut refert , *dosibus* hydrocele nondum inveterata , adhibitis simul externis solventibus & nervinis intra paucorum dierum spatium semper cesserit . Attamen illud plus in hydrope scroti , quam in vera hydrocele præstare arbitror . Si omnia hæc aliave similia ad extirpandum malum non satis profecerint , ad scalpellum denique veniatur , necesse est . Sed ante tamen semper in adultis , sicubi hydrocele nondum inveteravit , curationem per hætenus proposita medicamenta tentare conveniet , præsertim si æger a scalpello abhorret ; quantumvis etiam raro in his ad restituendam sanitatem ipsa valeant . Ubi ad hydrocelen inflammatio quædam accesserit , sicut aliquando contingit , abstinendum tantisper a scalpello est , donec ipsa se remiserit .

Curatio per  
operatio-  
nem ,

IV. Solet autem duplex inprimis esse , quæ manu fit , hydroceles curatio : alteram *perfectam* , sive radicalem ; *palliativam* sive *imperfectam* alteram Medicorum filii nuncupant . Namque duplex inprimis scopus est , quem in hydroceles curatione Medicus intendit : 1. scilicet ut humor noxius e scroto educatur ; deinde 2. ut , ne quid humoris præter naturam denuo ibi confluat , prohibeatur . Quemadmodum vero ad utrumque præstandum accommodata est curatio perfecta ; sic e contrario imperfecta seu palliativa non nisi eo spectat , ut , quicquid humoris intus est collectum , ea extrahatur . Interim quia curatio perfecta non lectulo tantum per aliquot hebdomades ægros affigit , sed doloribus quoque atque periculis , præsertim si non rite procedatur , exponit ; imperfecta vero sive palliativa longe promptius atque minori cum molestia ac periculo & expediri & iterari potest ; mirum videri haudquaquam debet , si hæc alteri isti a quamplurimis fere semper anteponatur . Quod ipsum etiam in causa fuit , quare nos primo loco palliativam curationem ; perfectam autem deinceps explicare sustinuerimus .

Curatio pal-  
liativa quo-  
modo fiat .

V. Antiquiores equidem Medici ad perficiendam curationem palliativam , scalpellum Gallorum phlebotomum adhibuerunt , quod Lanceolam sive *Lancetam* vulgo vocant : Scrotoque rite perforato , ferrum extraxerunt , humoremque per immixtum tubulum quendam emiserunt . Nostra ætate *acus* sive *clavus* ille apice triangula , tubulo inclusus , quem Galli *Trocar* vocant , ( Tab. XXIV. fig. 1. ) & longe quidem commodius adhibetur . Operandi modus hic est : Æger vel erectus stare , vel in extrema sedilis parte confidere jubetur .

Humor ,

(a) Vid. *Miscell. nar. curios. det. l. ann. IX. & X. observ. 158. nec non Ej. opera pag. 720.*



Humor, qui intus est, deorsum versus quam diligentissime deprimitur; supra scroti parte, ad distendendam scilicet inferiorem, laqueo plano leniter vineta. Tum acus illa triangula sive clavus modo propositus, circiter ad digiti transversae longitudinem, quo nimirum illud a sero distentum involucrum, quod in malo inveterato valde crassum fieri solet, perforetur, nec testiculus tamen contingatur, in imam scroti partem extrorsum versus demittitur. Scroto hunc in modum perforato, clavus ex tubulo intus relicto extrahitur, & quicquid humoris intus collectum est, per tubulum illum in subjectam pelvim aliquam emittitur. Denique emissio omni liquore, tubulus ex vulnere quoque extrahitur, atque sic universum opus confectum censetur. Neque enim scrotum modo confestim rursus contrahitur, sed ipsum quoque vulnus absque emplastro & medicamentis sua velut sponte glutinatur; quin ægri etiam absque omni molestia statim rursus ambulare & negotia rursus sua perficere valent. Tametsi nihil abs re illi faciant, qui, absoluta operatione, splenis crassis spiritu vini vel aqua calcis madefactis, scrotum involvunt. Quodsi etiam humor supra testiculum collectus hæreret, ut supra laudati auctores N. I. notarunt, nova plaga etiam illæ esset educendus. Ceterum quia, post ejusmodi operationem adhibitam, scrotum plerumque denuo intra menses aliquot ab humoribus adimpletur; necessarium utique est, identidem, quando scilicet denuo repletum & emissus humor bene clarus est, curationem modo propositam iterare; ne scilicet collectum in scroto serum, per acredinem paulatim contractam, partes internas & cumprimis testiculum corrumpat, itaque noxam magis periculosam efficiat. Solet autem & potest vel bis, quotannis, vel ter, vel quater etiam imo quandoque demum post aliquot annos operatio iterari, prouti nimirum vel tardius vel celerius humor ille perniciosus increfcit. His enim observatis, homines isthoc malo vexati citra magnam molestiam & sanescere subinde, imo & ad summam vivere senectutem, haud raro possunt; sicut ipse tales novi. (a) *Nam humore semel extracto, usque adeo feliciter nonnulli homines, & præcipue robusti, sanescunt, ut nullam omnino lympham in scroto collectam denuo sentiant.* Interim quia nonnisi raro admodum id contingit, facile apparet ratio, quare istam curam palliativam Medici vocaverint. Quando vero humor effluens mox turbidus est aut crassus, vel etiam, post repetitam aliquoties operationem istam crassus fit atque tenax, sicut nonnulli referunt, ut extrahi per insertum clavum ac tubulum commode nequeat, sed fetorem potius atque colorem obscurum, cruori haud absimilem, sensim contrahat, properare utique ad curationem perfectam convenit, ne corruptio & noxa major inde concitetur. Ita & si sanguis multus ex inflicto vulnere profluit, vult GARENGEOT, ut scrotum mox scalpello aperiatur, vena læsa inquiratur, atque inventa ligetur; id quod vero mihi nunquam accidit.

VI. Incidentibus igitur, quæ modo commemoravimus, noxis; aut corrupto etiam testiculo, aut ægris denique alias ob causas perfectam sanitatem desiderantibus, triplici fere modo expediri curatio ista perfecta poterit. Primus operandi modus hic est. Æger supra mensam lectumve resupinatur, diligentissimeque ab adstantibus quatuor vel quinque viris robustis continetur, aut vinculis etiam, manibus pedibusque injectis, ubi opus id esse judicatur, constringitur; quemadmodum scilicet supra jam tum circa celotomiam præcepimus. Deinde scrotum circa superiorem partem istam, qua humor noxius continetur, scalpello Tab. I. litt. G. vel I. a latere inciditur, donec in cavum scroti perveniat.

*Curatio perfecta quomodo fiat.*

Heisteri Chirurgica Tom. III.

S.

tur;



tur : immissoque in istam plagam vel specillo fulcato , vel , quod fere melius, sinistrae manus digito indice, & per adhibitum scalpellum aut forficem scrotum ad fundum usque dividitur : quo nempe facilius effluere , quicquid humoris vel alias corrupti aut vitiosi intus collectum est , valeat . Humore , quemadmodum diximus , emisso , ipse testiculus exploratur . Qui ubi salvus adhuc esse atque illibatus deprehenditur , linamentis carptis vulnus hoc scroti universum statim expletur , supra datis spleniis atque fascia , litt. T formam præ se ferente . Diebus proximis , quando priora illa linamenta exciderunt , totum vulneris cavum per adhibitum unguentum digestivum & linamenta repletur ac deligatur ; ut hoc ipso duræ istæ atque callosæ sacculi tunicæ ad suppurationem perducantur , separentur , atque sic venulæ istæ , unde humor noxius antea profluxit , penitus extirpentur , ne redire facile malum pristinum queat . Sicubi autem membranæ istæ nimis crassæ nimisque induratae sunt , haud satis proficere in illis exedendis solum *unguentum digestivum* solet . Itaque tunc vel mercurius præcipitatus ruber subinde unguento digestivo admiscetur , vel solus eis superimposito unguento cum linamentis inspergitur ; vel si in nimis duris membranis hoc non sufficere videtur , per adhibitum scalpellum aliquod vel forficem excindere ipsas , quantum quidem fieri potest , primo convenit ; deinde vero , quicquid ex illis superest , præcipitato rubro & alumine usto una cum digestivo applicatis , exedere . Quo equidem rite confecto , per adhibitum balsamum vulnerarium tamdiu vulnus deligatur , donec primo bene mundum ac postea penitus glutinatum sentiatur . Nonnunquam *pinguedinis aliquid* , vel corpus quoddam adiposum præter ipsum humorem , in scroto ab hydrocele infestato , pronatum reperitur . Quod proinde simili ratione , ac membranulæ duriores , partim rescindi & eximi , partim autem per injecta medicamenta rodentia modo laudata , aliave similia extirpari oportebit . Tametsi autem forte , post deopertum scrotum , *vasa seminalia insigniter aliquando tumefacta reperiantur* ; cavendum tamen est , ne continuo testiculus propterea quasi inutilis aut noxius rescindatur , ut nonnulli mox suadent & faciunt ; siquidem ista solius quandoque naturæ beneficio rursus sanescunt . Deligari autem vasa spermatica filo , rescindique testiculus omnino debet , sicuti in cap. de sarcocoele docuimus , quoties vasa seminalia non insigniter tantum induruerunt , sed magnis quoque cruciatibus hominem ægrum affligunt . Dispiciendum quoque porro est , *num testiculus tumefactus forte materiam aliquam fluidam* , sicut quandoque contingit , intus contineat . Si quid enim fluidi intus hære , tactu percipimus , aut lympham , aut pus inibi consistere , rectissime colligimus . Interim neque tunc rescindere continuo , ut nonnulli solent , sed incidere potius atque expurgare testiculum istum conveniet ; ita enim testiculus sæpe rursus sanescit . Sed si forte simul nimis jam tum *induratus* vel *corruptus* idem inveniatur , prædicta ratione ligandus & rescandus , ne in carcinoma forte abeat . Ceterum si forte aliquando contingat , sicut supra laudati auctores referunt , ut in *suprema tantum processus peritonæi parte* , supra septum scilicet processus peritonæi , humor quandoque contineatur ; ipse vero testiculus , diducto licet scroto , non advertitur ; tunc solertissime providendum hic est , ne , dum tunicæ induratae tunc conciduntur , vel exciduntur , ipse simul testiculus imprudenter lædatur .

Altera curationis perfectæ ratio .

VII. Quia vero multi ferrum nimis pertimescunt , scrotum hoc morbo confectatum , rodente etiam medicamento quam aptissime aperiri & liquor peregrinus educi potest . Quem in finem emplastrum longo sed angusto foramine perforatum externo scroti lateri applicari , foramini emplastri lapis causticus aliudve idoneum rodens imponi , hic linamentis , emplastro integro & splenio contegi , omniaque fascia T probe firmari debent , quemadmodum cap. 24. pag. 473. ubi



de rodentibus medicamentis egimus, jam uberius exposuimus. Quodsi forte rodens medicamentum scroti tunicas non omnino perrumpit, crusta specillo vel scalpello, aliove idoneo ferramento perrumpi debet, liquor ejici, cavumque & vulnus linamentis repleri, ac postea, ut modo docuimus, procedendum est, donec æger convaluerit; eaque ratione varios egregie curavi. Ceterum monendum hic est, GARENGETVM a rodente medicamento multa insignia mala hic pertimescere, quia hoc cum liquore morbidो commisceretur & testiculum aggredieretur. Verum hic metus vanus imo nullus omnino est; quia, simulac rodens medicamentum scroti tunicas perforavit, liquor effluens hoc medicamentum repellit & abstergit, vel siquid etiam forte influat, a liquore contento mox temperatur, ita ut lædere intus non possit. Ipse denique usus, optimus in rebus medicis & chirurgicis magister, me docuit, hocce malum minime inde metuendum esse & nunquam aliquid mali inde me observasse.

VIII. *Tertius curationem perfectam instituendi modus* hic est. Funiculus aliquis planus, aut frustulum angustum lineum acus ejusmodi prægrandis, qualem in setaceo commendavimus, (vid. Tab. XVIII. fig. 12.) beneficio, ita per afflictam eandemque supremam ac lateralem scroti partem deorsum versus trajicitur, ne testiculus simul attingatur, ita ut a parte inferiori rursus egredia-  
 tur. (a) Funiculo postea in plaga, sicut in setaceo, relicto, atque semel aut bis quotidie, unguento digestivo prius imbuto, tracto retractoque, non humor tantum noxius paulatim effluit, sed scrotum quoque inflammari atque interius ita suppurare consuevit, ut, quicquid venularum aut tunicarum corruptarum intus est, sensim & a partibus integris abstrahatur, & consumatur. Post viginti vel, pro re nata, etiam post complures dies, postquam scilicet suppuratio maximam partem præterit, & parum vel nihil amplius humoris vitiosi profluit, funiculus ex vulnere rursus extrahitur, ipsumque vulnus glutinatur. Sed si hac ratione satis feliciter suppuratio non succedat, unguento digestivo mercurii præcipitati rubri aliquid admiscere, eoque funiculum istum inungere conveniet, ita suppuratio melius succedit. Sed quicquid tandem harum rerum sit; sane, quia secundum priores illas perfectæ curationis vias (n. 6. & 7.) non commodius tantum extrahi atque expurgari liquor noxius una cum tunicis corruptis, sed accuratius quoque lustrari testiculus, sanus an vitiatum sit, potest, itemque an forte corpus adiposum intus lateat; mirum videri haud quaquam debet, si Medicorum plerique ipsas, quasi tutas magis atque certas, tertiæ huic præferant. Namque ubi forte vel putredo, vel scirrhus, vel alia quædam corruptio vehemens testiculum invasit, salutaris utique videtur, superius circa celotomiam proposita ratione testiculum excindere, vel si corpus adiposum adsit, illud resecare, quam iisdem intus relicto, non ipsam modo curationem dubiam reddere, sed pluribus etiam noxis sive periculis hominem ægrum exponere.

IX. MARINVS, unus ex recentioribus Chirurgis Italis, omnibus reliquis hunc morbum curandi viis præfert, atque etiam tanquam usitatissimam (in Italia forte) commendat sequentem. (b) Præparato prius corpore inciditur scrotum in principio sive parte superiore, mox sub inguine, ea magnitudine, ut per plagam digitus, & postea turunda, digiti crassitudine ac trium digitorum transversorum longitudine ex cera facta, immitti queat: cujus apex paululum incurvata sit. Hæc unguento de althæa inungitur, & cavo scroti immittitur: ubi postquam per horas viginti quatuor relinquitur, pars alterata (forte inflam-

S 2

ma-

(a) Vid. SCVLTT. *armament. chirurg.* Tab. XL. fig. 1. ubi hoc illustratur.

(b) In *Pratica delle principali operazioni* &c. pag. 230.

*Tertia cura-  
tionis perfe-  
ctæ ratio.*

*Quarta cura  
perfectæ viæ  
Marini &  
Ruysschii.*



*mata* ) reperietur . Aqua non evacuatur , & turunda sensim brevior efficitur , prout scilicet cavitas minuitur ; tumor vero emplastro emolliente digeritur . Quando suppuratio bene succedit & pus generatur , turunda *unguento digestivo* GALENI imbuitur , in scrotum vero unguentum rosatum immittitur . Septem diebus præterlapsis turunda oleo hyperici composito inungitur , sinus bene purgatur , & tumore digestivo sive resolutio vulnus sensim imminuitur , carne impletur , tandemque turunda tollitur , & servato victus regimine plaga glutinatur . Præcipit vero auctor in fine , ne operatio hæc , *scorpione dominante* , suscipiatur ; quia hoc curationem valde protraheret . Verum ad signa cœlestia in curationibus chirurgicis respicere velle , absonum atque superstitiosum , ingenuoque Medico indignum esse existimo . RVYSCHIVS etiam & quidem jam ante hunc auctorem fere simili ratione hanc curationem descripsit , dum ait : (a) Si curationem aggredieris aperiendo scrotum a parte superiori ad latus , tumque vulnus turunda oblonga unguento rosaceo , mercurio præcipitato rubro permixto , inuncta oppleveris , donec lenis inflammatio , eique succedens suppuratio parva , membranulas stillantes putrefecerit , tuque eas tenaculo eduxeris , sæpe deinde perfecte sanatas observavi . Denique adhuc hic monendum est , hanc curandi viam succedere , nisi testiculo salvo : contra si vitium in testiculo subesse suspicamur , vel certe cognovimus , ad primam vel alteram confugiendum erit .

Quintus curationis perfectæ modus.

X. Quocirca longe promptiorem eandemque tutiorem curandi viam tentare sibi videntur chirurgi quidam vulgares seu circumforanei , dum scilicet in plerisque ægris , ab hydrocele vexatis , inguine prius inciso , peritonæi processum atque testiculum , perinde ut in enterocèles sectione , protinus vinciunt , e scroto evellunt atque præscindunt ; quantumvis etiam sanus adhuc testiculus extiterit . Quam equidem curandi rationem tantum abest , ut ego probem vel laudem , ut potius graviter reprehendam : quia crudeliter homines miseros illi histriones tractant , qui partem , humano generi conservando usque adeo necessariam & caram eandemque sanam adhuc , quum eadem servari omnino potuisset , flagitiose perdunt extirpantque . Ceterum *curatio perfecta longe melius atque tutius in juvenibus atque viris robustis , ætate non adeo grandibus , quam in ætate nimis proVectis atque debilioribus adhibetur* , ne facile graviora mala superveniant : adeoque consultius esse duco hos , vel non , vel solum cura palliativa curare . Denique maxima semper opus est cautione , *ne qua forte enterocele quadam pro hydrocele habeatur* , neve , dum scrotum incidere volumus , intestinis imprudenter concisis , ægrotus interficiatur .

### Explicatio Tabulæ vigesimæ quintæ .

Fig. 1. Scalpelli quoddam occultum herniarum ( Gallis *histouri herniarie cachee* dictum ) repræsentat , quod nonnulli cum ad hernias incarceratas , tum & ad fistulas nonnullas ani incidendas commendant & adhibent . Hujus pars acuta sive scalpelli intus latens ad litt. A emergit e vagina sive canali suo & scindit , simulatque pars B sive ansa deprimitur . Litt. CCC vaginam sive *canalem* designant , in quo scalpelli delitescit , donec premendo emergat . DD. manubrium totius ferramenti denotat ; E clavum sive axin , circa quam scalpelli , dum ansa B premitur , movetur ; F elaterem , qui scalpelli in canalem sive vaginam , quando vis premens in B remittit , denuo repellit .

Fig. 2. simile fere scalpelli per litt. AB designat , sed extra canalem istum CC  
exer-

(a.) Adversar. anatom. dec. II. 22.





Fran. Sesone Sculp.







exertum , in quo alias occultatur . Pars canalis inferior lamella quadam orbiculari D sive etiam cordiformi est instructa : ne intestina in herniæ incarcerationæ operatione super scalpellum evolvantur , itaque graviter facile lædantur . E aliud manubrii genus denotat , quemadmodum & cardo & elater paulo aliter fabricata sunt .

Fig. 3. exhibet per litt. A scrotum aliquod a mediocri hernia intestina CC, duplicata quasi , in scrotum ( quod hic apertum demonstratur ) devolvi soleant, ex BERENGIERI libro de herniis , gallice promulgato .

Fig. 4. litt. A ex PALFINI chirurgia demonstrat *processum peritonei* , suprema parte , juxta inguen scilicet , adhuc clausum ; sed circa reliquas partes litt. BBBB scalpello deopertum : ubi per litt. C indicatur testiculus , cum vasis spermaticis E ; per litt. D vero sacculus , qui ab interiori peritonæi tunica ab intestinis vel omento , vel ab utroque simul ex abdomine propulsa , distenta & elongata nascitur , atque ab intestinis , aut etiam omento prolapsis , quæ in eodem continentur , ad testiculum fere usque hic extenditur .

Fig. 5. & 6. cum reliquis ad fig. 15. usque repræsentant *subligacula* sive *vincula* , pro continendis in ventre intestinis refusis , apud hernia laborantes quam maxime accomodata . Horum quædam ; ut fig. 6. 12. & 13. ex panno xylino , præsertim pro infantibus , vel corio pro adultis conficiuntur ; alia ex laminis ferreis , corio vestitis , ut fig. 5. 7. 8. & 15. ; nonnulla etiam ex laminis ferreis , articulis quibusdam sive juncturis mobilibus junctis , ut fig. 15. pro commodiori , ut nonnulli volunt , usu fabricantur ; quædam etiam pro iis requiruntur , qui *hernia duplici* , sive qui utrinque intestinorum ramice afflicti sunt , ut fig. 8. & 9. Nonnulla sunt pro latere dextro ramice affecto , ut fig. 6. 7. ; alia pro sinistro , ut fig. 5. 10. 13. 14. & 15. Quædam circa corpus firmantur ligulis sive funiculis , ut fig. 9. 10. 13. alia loris & fibulis , ut fig. 6. 9. 13. alia loris & uncinulis , ut fig. 5. 7. 8. 15. atque rursus alia , alia ratione , ut fig. 11. 12. In omnibus vero scutum , glomus sive pulvinar A , quod paulo durius esse debet , refusis prius , dum æger supinus decumbit , intestinis aut omento prolapsis , annulo musculi abdominis sive loco prolapsus imponitur , cingulum BB ventri circumdatur , & vel ligulis seu funiculis CC , per foraminula DD trajectis , vel fibulis fig. 6. & 14. EE probe firmantur , vel & lora uncinulis fig. 5. 7. 8. 15. aa innectuntur . In quamplurimis vero ejusmodi fasciis , præter cingulum ventrem ambiens , pars quædam dependens , funiculus planus sive lorum adest , ut in fig. 5. 6. 10. 11. 12. 13. & 15. litt. FF , quæ per femina traducitur , atque in parte opposita funiculis , ligulis , fibulis vel uncinulis quam accuratissime jungitur . In fig. 10. litt. a scutum sive glomus A ex parte adversa indicatur ; in fig. 11. vero , quæ ex idoneo corio facta est , litt. b , c , scutum ligneum a parte anteriori , sed litt. d , a parte posteriori , ubi convexum est , ostenditur , quæ pars loco prolapsio imponitur , ejusque globulo sive clavo e e , tria extrema , G , H , I , ubi foramina triangularia adsunt , arcte innectuntur . Plures adhuc diversæ subligaculorum ejusmodi dantur figuræ & varietates : sed hic eas tantum quas præstantiores ceteris esse judicavi , in tyronum commodum exhibere volui .



## C A P. XIII.

*De Hæmatocele.*

*Hæmatocele* I. **H**æmatocele sive hernia sanguinea vocari potest, quando in scroto loco feri-  
*guid.* five aquæ sanguis aut humor saltem sanguineus continetur. Continge-  
 re hoc interdum non solum ipse vidi aliique varii auctores testantur; verum  
 etiam antiquissimus Medicus latinus CELSVS (a) atque ex Græcis PAVLVS  
 (b) hoc jam observarunt. Adeste vero hoc vitium inde conjicimus quando ce-  
 tera herniæ aquosæ supra relata signa adsunt; sed si scrotum ac candelam ex  
 opposito latere inspicitur ac probe consideratur, nulla pelluciditas, sed magna  
 potius obscuritas ad nigritiem vergens conspicitur. Iterdum etiam tunc demum  
 animadvertitur, quando vel acu triangulari humorem contentum educere volu-  
 mus, vel ipsum scrotum hunc in finem aperimus, atque tunc loco feri san-  
 guineum humorem deprehendimus.

*Causa.* II. *Causa* hujus mali ut plurimum est vis quædam externa, contundens, la-  
 cerans, unde venæ in scroto rumpuntur aut conquassantur, ut sanguinem in  
 scrotum emittant; qui vero si diu ibi hæret, corrumpitur, & testiculum etiam  
 lædit, unde varia mala pertimescenda.

*Curatio.* III. Optima curatio in eo consistere videtur, ut scrotum in latere læso in-  
 tegrum incidatur, & sanguineus humor emittatur: postea id probe purgetur,  
 & si testiculus sanus deprehenditur, tentandum, ut vas ruptum rursus consoli-  
 detur & vulnus etiam externum balsamicis rursus consolidetur. Quando vero  
 hoc obtineri nequeat, aut testiculus aut vasa spermatica corrupta essent, cor-  
 ruptio vero nondum in ventrem pervenit, vasa illa in inguine liganda & te-  
 sticulus vitiatus, ut supra scripsimus, excidendus.

## C A P. XIV.

*De partium naturalium hydropo.*

**P**ARTIUM naturalium hydropem aliquam esse statuimus, quoties illæ ab hu-  
 moribus noxiis ac superfluis ita distenduntur, ut digito super illis depres-  
 so, fovea quædam remaneat; si cutis externa lævis penis autem neutiquam re-  
 tractus deprehenditur. Solet autem in istiusmodi casibus inter scroti tunicas exte-  
 riores, & speciatim in tunica cellulosa, humor consistere, atque ita per ipsam  
 sedem suam, naturalium partium hydropem ab hydrocele & enterocoele distin-  
 guere. Nonnunquam partes tantum naturales ab hydropo infestantur, integro  
 atque incolumi existente corpore reliquo; nonnunquam autem, ut in hydropo,  
 universum simul corpus indecenter ab humoribus ejusmodi noxiis affligitur.

Quod

(a) Lib. VII. Cap. 19.

(b) Lib. VI. Cap. 62



Quod ipsum equidem posterius ubi fit, haud sanari partes naturales, nisi reliquo corpore simul restituto & ab hydropo liberato poterunt. Ubi vero non nisi partes naturales distentæ ab humoribus noxiis reperiuntur; insigniter adversus malum istud proficere medicamenta digerentia & roborantia, quæ in hydrocele (§. 3.) proposuimus, interna & externa una cum idonea diætâ, consueverunt. Si neque his malum cesserit, haud alienum sæpe est, in masculis scrotum atque penem, in feminis pudendi labia hinc inde scarificare, atque ita humores sensim emittere; remediis internis & fomentis roborantibus quam diligentissime simul applicatis. Valent hic morifice pro fomento aqua calcis calida, eademque sola vel lapide medicamentoso Crollii roborata, vel spiritus vini atque hujus generis alia medicamenta in œdemate superius (P. I. lib. 4. cap. XVIII.) commendata, siquidem cum spleniis sive linamentis complicatis quam creberrime super scrotum imponuntur. GARENGEOTIO (a) nihil adversus noxam hanc valentius videtur emplastro Norimbergensi, super partem scarificatam imposito, atque hinc inde perforato, ne humor inde profluens reprimatur: quem in finem etiam *empl. de cumino*, itemque *diaphoreticum* MYNSICHTI apta adhiberi possunt. Simulatque autem vulnera, in prima scarificatione facta, coeunt, vel exarescunt, innovari eadem, si res ita postulaverit, facillimo negotio poterunt. Similiter ubi sola scarificatio ad humores extrahendos non satis promte profecerit, haud alienum quandoque fuerit, *circa infimas pudendi partes setaceum aliquod instituere*: qua de re conferri potest DEKKERVS. (b)

C A P. XV.

*De Hydro-sarcocele.*

**H**ydro-sarcocelen inde cognoscimus atque ab hydrocele simplici discernimus, si circa corpus durum testiculi humorem fluctuantem percipimus, & adhuc magis, si post emissum humorem testiculus nihilominus justo grandior atque durior existit. Quamdiu etenim scrotum ab humoribus copiosis est diductum, quandoque vix ac ne vix quidem dignosci ab invicem hydro-sarcocele atque hydrocele simplex poterunt. Neque enim digito vel manu contingere semper testiculum facile licebit, nisi forte exigua admodum humoris copia intus fuerit. Si quis igitur ægrotus a tumore nimio solum liberari cupierit, eadem institui curatio poterit, quam in hydrocele minus gravi præscripsimus. Ubi vero testiculus insigniter tumet & cum duritie quadam dolet, neque ægrotus curationem perfectam extimescit, necessarium utique videtur, hydroceles atque sarcocèles curationem invicem quasi conjunctas adhibere. Itaque scalpello detegi ante omnia peritonæi processus ac postea trajecto filo una cum vasis spermaticis ligari ac tandem simul cum tunica vaginali, quæ cum processu peritonæi continua est, e scroto evelli abscindique testiculus vitiatus debet: ita enim dum vitiatæ tunicæ & venulæ testiculi simul cum testiculo remonentur, & sarcocèle & hydrocele simul curantur. Exemplum ingentis hydro-sarcoceles describitur in CAMERAR. Dissertat. Taurinens. pag. 216. CAP.

(a) In chirurg. operat. cap. de paracentesi, circa finem.

(b) In exercit. practicis pag. 260. SCVLTTETVS exemplum refert scroti in hydropico feliciter perforari, obs. 67.



## C A P. XVI.

*De Hydro-enterocele.*

**H**ydro-enterocelen aliquam incidisse exinde colligimus, sicubi, intestinis repressis, nihilominus eodem in latere tumor aliquis, vesicæ aqua repletæ quod tactum similis, circa testiculum remanet. (a) Quando autem in altero latere hydrocele adest, in altero enterocele, tunc morbus non hydro-enterocele vocatur, sed pro duplici morbo, nimirum enterocele & hydrocele est habendus. Si quis ergo liberari ab istiusmodi malo voluerit, huic gemina semper adhibenda est curatio. Prima eo spectat, ut intestina in ventrem refusa per idoneum vinculum adhibitum quam exactissime contineantur. Altera tollendis aut saltem emittendis humoribus debet esse accommodata, ideoque vel perfecta, vel saltem palliativa, prout ægri hoc desiderant, aut Medicus quam salutarem judicat, est adhibenda. Sed providendum tamen hic quam solertissime semper est, ne forte, ubi intestina & aqua simul in uno latere hærent, scrotum prius aperiatur, quam intestina fuerint in pristinam sedem restituta, atque a ministro quodam intus detenta: siquidem aliud periculum est, ne, dum scrotum inciditur, semel intestinum concidatur, atque ita homo, quem sanare instituimus, temere interficiatur. Ubi vero in diversis scroti lateribus diversi hi morbi sunt, periculum minus est.

## C A P. XVII.

*De pneumatocele sive hernia ventosa aut flatulenta.*

*An detur hernia ventosa.* **I.** POSSE veram pneumatocelen quandam sive herniam ventosam existere & revera etiam sæpe incidere, a quamplurimis auctoribus scriptum equidem est; sed, me iudice, nondum satis luculenter, neque exemplis; neque rationibus manifestis demonstratum. (b) Quin potius ego vereor, ne qui forte Medici ac chirurgi minus perspicaces hydrocelen aut enterocelen aliquam, vel medicamentis curatam, vel sponte sua evanescentem, pro pneumatocele quidem haud raro habuerint, qui tamen talis non erat. Atque id magis etiam ideo, quia nec facie, nec signis satis manifestis, nec curatione per medicamenta ab hydrocele differre pneumatocele traditur. Mihi sane aliquoties contigit, vel hydrocelen & observare & curare in illis, quos alii quidam Medici ac Chirurgis pro ægris a pneumatocele afflictis habuerant, quæ tamen tales revera non fuerunt. Ita & expertissimus MEEKRENIUS in obs. chirurg. caput LI. inscripsit de paracen-

(a) Ipsa sectione aliquando hoc vitium in cadavere quodam deprehendi.

(b) PAVLVS hanc herniam in arteriæ dilatatione consistere putat, Lib. VI. cap. 64. verum hoc neque ratione neque experientia nititur.



*vacantest scroti in hernia flatulenta* : ubi facile ex hac inscriptione quilibet certe crederet, herniam flatulentam revera adfuisse. Si vero caput hoc pertegitur, aquam eductam fuisse deprehenditur, & nullos flatus.

II. *Signa, quibus & cognosci & ab hydrocele dignosci pneumatocele*, secundum *Signa & ratio.* illorum quidem auctorum sententiam, qui eam statuunt, debet, fere sunt sequentia : 1. scrotum manibus contrectatum, vesicæ ab aere distentæ simile videtur; 2. ideoque insigniter leve, & speciatim multo levior, quam si humoribus repletum est, itemque magis pellucidum admota candela deprehenditur; denique 3. si talitro idem percutitur, sonus editur, qualis nimirum edi solet a vesicis inflatis atque digito percussis. Tametsi autem egomet nunquam aliquid istiusmodi observaverim, licet hernias omnis generis quamplurimas viderim atque curaverim, adeoque an talis casus tam sæpe, ut non pauci perhibent, extiterit, merito dubitem; tamen, si qua forte istiusmodi malum aliquando inciderit, hunc in modum curatio poterit institui. Extrinsecus scilicet eadem applicentur medicamenta digerentia ac discutientia, quæ ad hydrocelen tollendam commendavimus, fomenta & emplastra. Ex internis medicamentis præstantissima utique hic ea sunt, quæ cum ad alvum ducendam, tum etiam ad dispellendos flatus proficiunt. Utriusque generis medicamentis diligenter adhibitis, ægri, qui pro talibus habentur, præcipue si juniores adhuc fuerint, haud raro sanescunt. Sin nihil omnia medicamenta profecerint, & tumor subsistere pergat, æger vero ab eo liberari ferro desideret, acum triangularem sive clavum tubulo inclusum (*Trocar*) deprimere in scrotum oportebit, eodemque perforato, quicquid intus est, sive jam aer sit, sive humor, emittere: ubi apparebit, aqua an aer intus fuerit contentus. Ceterum neque a GARENGEOTIO huiusmodi vitium unquam observatum fuisse, exinde mihi fit verosimile, quod in operationibus suis chirurgicis nullam omnino pneumatoceles mentionem fecerit. PAVLI AEGINETAE temporibus eam pro arteria dilatata habuerunt, (a) adeoque ob erumpentis sanguinis periculum, qui nullo modo sisti posset, eam chirurgia aggredi recusarunt.

## C A P. XVIII.

*De ramice varicoso, sive Cirsocele.*

I. **N**ONNUNQUAM venæ spermaticæ circa & supra testiculos atque in perito- *Ramex vari-*  
næi processibus in scroto imo & quandoque supra scrotum in inguine ita *cosus quid*  
mirifice intumescunt, ut vel varicis alicujus, vel intestini avis cujusdam, vel *sit.*  
& calami cujusdam straminei & quandoque scriptorii speciem atque sensum præ  
se ferant, præterquam quod interdum nodos aliquos inæquales eosque paulo  
ampliores simul hinc atque inde contineant, testiculusque magis justo depen-  
deat. Hoc ipsum vitii genus *ramicem varicosum*, *varicocelen* itemque *cirsocelem*  
Medici appellant, quamvis forte rectius *varices vasorum spermaticorum* vocari  
posset. Interdum & venæ scroti in modum varicum intumescunt, ut CELSVS  
jam notavit; verum harum dilatatio cum *Fabric.* ab AQVAPENDENTE re-  
ctius pro varicibus scroti, quam pro hernia habetur: interea tamen sæpe con-  
*Heisteri Chirurgicæ Tom. III.* fun-



funduntur, & pro uno eodemque malo, licet minus recte, habentur.

*Causse.*

II. *Causse* utriusque præcipua a sanguine, vel nimis abundante, vel nimium inspissato atque tenaci videtur esse repetenda. Is etenim dum in venis his hæret, insigniter illas distendere, gravissimasque homini molestias concitare potest. Nonnunquam ab externa violentia quadam vitium illud nascitur: siquidem per illam hæ venæ contunduntur aut debilitantur, atque ita sanguinis cursus impeditur. Interdum quoque juvenes juniores, præcipue illi, quos aut nimia feminis abundantia, aut libido vexat, malum istud, ut aliquoties vidi, præsertim intra scrotum sentiunt. Namque horum venæ propter nimiam sanguinis copiam & versus testiculos impetum, mirum quantum sæpe distendantur. Sed rarius tamen inde incidere morbus aut singularis molestia solet, nec qualiscunque venarum harum dilatatio pro ramice mox aut morbo, ut empirici sæpe facere solent, habenda. Nisi enim cum venarum distentione conjunctæ sunt molestiæ notabiles aut dolores; vix apparet ratio, quare homines, venarum levem quandam his in locis distentionem sentientes, pro ægrotis habere, iisdemque manum medicam, multo minus chirurgicam, adhibere velimus. Aptum tamen consilium, quod infra indicatum est, dari ipsis poterit.

*Curatio quomodo fiat per medicamenta.*

III. Quod si vero nimium quantum hæ venæ increverint, vehementesque dolores aut molestias homini moverint, necessarium utique videtur, adversæ valetudinis præsidia quærere. Poterit autem diversimode curatio hic institui. Namque ubi forte in sanis & vegetis a nimii feminis copia, in venis præsertim spermaticis, exortum malum est, promptissimum idemque valentissimum ejus remedium sæpe est matrimonium, id quod propterea ipsis commendandum. Ubi vero non sufficit, quemadmodum hoc malum in eis vidi, qui in matrimonio vixerunt, aut ubi externa quædam violentia seu contusio vitium illud induxit, parum plerumque medicamenta proficiunt: siquidem per ea difficulter admodum pristino vigori suo restitui nimis graviter diductæ ac debilitatæ aut laceratæ venulæ consueverunt. Interim in hoc malo, quia quam maxime sanguis valde spissus peccare videtur, haud negligenda sunt istiusmodi medicamenta, quæ & inspissatum sanguinem diluunt, & debilitatas venas roborant. Atque de internis quidem medicamentis prudentem Medicum aliquem consulere omnino convenit. Extrinsecus autem præter sanguinis detractionem applicari utiliter fomenta istiusmodi adstringentia atque roborantia poterunt, quæ in hydrocele supra cap. CXXII. præscripsimus.

*Curatio per scalpellum.*

IV. Quod si autem, frustra adhibitis medicamentis omnibus, venarum in scroti tunicis distentarum nodi una cum doloribus subinde increscunt, veteres vel ferrum candens vel ligaturam harum venarum commendarunt: (a) Verum cum hæ curationes nimis vehementes mihi videantur, si varices hi in scroti tunicis sunt, haud prorsus alienum hic esse existimo, quam maxime distentam venam per adhibitum scalpellum eo usque incidere, quousque tumor extenditur, emissis per vulnus istud aliquot sanguinis uncis. Quo equidem rite confecto, linamentis carptis vulnus expletur emplastroque vulnerario contegitur, splenio quodam convenienti atque fascia superimpositis. Denique in sequentibus deligationibus per adhibitum balsamum atque emplastrum vulnerarium vulnus istud glutinatur. Sic enim non a sanguine tantum inspissato atque doloribus corpus liberatur, sed laxa quoque venæ pars per inductam cicatricem validam ita roboratur ac velut munitur, ut non adeo facile rursus diduci a sanguine valet. Si malum hæret intra scrotum, hoc prius inciso una cum processu peritonæi, nonnulli simili ratione deinde procedunt. Interim in utroque malo hor-

(a) Vid. Fab. ab Aquap. cap. de hernia varicosa, in operat. chirurg. & CELSVS Lib. VII. cap. XXII.



hortandus simul æger est, ut & sufficienti & tenui semper potu, & crebra exercitatione, & medicamentis denique sanguinem attenuantibus, diligentissime utatur, non omissa sanguinis missione, bis vel ter quovis anno instituta; contra vero a cibis crassioribus atque durioribus, nec non a nimia vita sedentaria, utpote quibus insigniter sanguis inspissatus, quantum fieri potest, providissime abstineat. Atque hoc consilium iis quoque dandum, in quibus hoc malum incipit, ad majus incrementum & molestias evitandas, aut malum prorsus tollendum. Quidam si hoc vitium valde dolet, vasa spermatica in inguine una cum processu peritonæi ligant, & testiculum una cum vasis varicosis extirpant. Quod si vero vasa ad annulum usque indurata jam sunt, præstat a sectione hac abstinere, quia mors utplurimum insequitur.

## C A P. XIX.

*De testiculorum carcinomate & sphacelo.*

SI testiculi scirrhus in carcinoma, aut inflammatio (a) in sphacelum convertitur, vel & a quibuscunque aliis causis putredo aut corruptio totum testiculum occupavit, miserum, sed unicum tamen fere remedium est, vitiatum ejusmodi testiculum, ne ad inguen atque interiores abdominis partes malum transeat hominemque conficiat, protinus ea ratione excindere, quam in celotomia cap. CXIX. itemque de sarcocoele cap. CXXI. hætenus explicavimus. Quando autem ex parte tantum abscessu quodam corruptus est, non mox totus testiculus ressecandus, sed abscessus aperiendus, purgandus & rursus consolidandus. Utique vero memorabilis hic videtur observatio illa, quam in testiculorum amputatione sive castratione omni salutarem inprimis atque necessariam esse GARENGEOTIVS (b) statuit; ut nimirum musculi abdominis exterioris annuli parte interiori incisa vel resecta vena spermatica a partibus adhærentibus ante semper resolvantur atque circa annulum vel adhuc supra illum vinciantur, quam ipse quidem testiculus attingatur: siquidem hac ratione non mitius tantum ægri tractentur, sed felicius quoque curentur. Quam vero ob causam hoc fieri debeat, haud satis exponit. Contra verendum potius est, conciso hoc annulo, partem hanc abdominis debilitari, atque ad herniam postea generandam aptiorem reddi: ut taceam dolores, quos æger ex sectione hujus annuli frustra, ut mihi saltem videtur, perferre cogitur. Præterea si vasa spermatica prope annulum vel in ipso annulo ligantur, metuendum est, ne inflammatio ad partes internas procedat. Imo si corruptio in vasis spermaticis ad annulum aut supra eum jam processit, ab operatione potius abstinendum.

(a) Quomodo inflammatio testiculorum curanda supra expositum est.

(b) Operat. chirurg. cap. de castratione.



## Qua ratione colis vitia curari debeant.

## C A P. XX.

## De phimosi.

*Phimosis  
quale vi-  
tium sit.*

I. **N**ONNUNQUAM præputium sive summa colis cutis propter gravem inflammationem ita coarctatur, ut nulla ratione reduci post glandem queat. Medici cum Græcis *phimosin* noxæ genus illud vocare consueverunt. Solent autem gravibus ut plurimum incommodis obnoxii esse, quicunque colis noxam istam sentiunt; præsertim si virulentæ veneræ materiæ quicquam glandem inter atque cutem hanc hæserit. Sic enim propter nimiam cutis angustiam illam neque purgari satis commode neque sanari glandis ulcera ista, quæ nostrates cum Gallis *chancres* vocant, possunt, quæ ab impuro veneris usu proveniunt. At proinde mirum haud sit, si, quemadmodum VERDVCIVS (a) observavit, aut gangræna, aut carcinoma, aut gravis saltem glandis atque summæ cutis inflammatio exinde suboritur. Quibus equidem malis incidentibus, aut per se coles ab ipsis his ulceribus absumitur, aut scalpello tamen præscinditur. Accedit, quod ægri hi sæpissime non nisi maximis cum doloribus mittere urinam propter cutis & glandis erosionem, queant. *Causam phimoseos* præcipuam plerumque ab incauto cum feminis impuris concubitu Medici rectissime repetunt. Dum enim virulenta ista, quam sinu vaginæ suæ fovere prostibula solent, materia cutem inter atque glandem remanet; abesse vix potest, quin summa cutis illa, præcipue si paulo longior & angustior eadem fuerit; graviter ex inflammatione intumescat, noxasque hætenus memoratas concitet. Tametsi vero non desunt, quibus ipsa natura usque adeo longam eandemque angustam colis cutem tribuit, ut vel plane non, vel quam ægerime saltem nudari glans contacta valeat; tamen, quum & urina absque molestia mittere, & liberis procreandis operam dare nihilominus ipsi valeant, supervacuum utique videtur, curationem aliquam chirurgicam in iisdem experiri; nisi forte aut inflammatio quædam, aut dolor vehemens, aut insignis molestia, præsertim in concubitu, scalpellum postulaverint. (b) Posse autem homines, justo longiorem penis cutem habentes, longe plerumque facilius, quam reliquos, ab impurioribus feminis infici aut corrumpi, non ex hætenus solum traditis, sed & vel maxime ex ipso rerum usu manifestissime perspicitur.

*Phimosis cu-  
ratio.*

II. Si malum hoc sine venerea labe est, balneando colem satis diu in aqua tepida curatur; sed si ab impura venere pronatum malum est, quam commodissime ut plurimum, adhibitis simul internis idoneis remediis, & cruciatus leniri, & glans exulcerata sanari hoc fere modo poterunt. Ante omnia, pro expurgandis humoribus acris atque noxiis, subter cute summa hærentibus, aqua tepida, præsertim ex hordei decocto atque rosarum melle confecta, creberrime inter cutem atque glandem ope syphunculi injicienda est. Extrinsecus, ad discutiendum tumorem, fomentum sive cataplasma quoddam emolliens atque

(a) Vid. Eiusdem tract. de fasciis, cap. XXVI.

(b) Spectat huc exemplum in *hister. acad. reg. scient. propositum* an. 1706. pag. 31.



que digerens circum tumefactam colis partem applicare convenit. Si gravior inflammatio subest, sanguinem per venas ægro detrahi oportebit. Quibus rite peractis experiendum, an cute reducta nudare glandem in cole flaccido liceat. Sicubi vero tumor, propter nimis gravem glandis exulcerationem, studium nostrum vincit; si malum subinde increfcit; si denique nec ante morbum quidem reduci summa cutis potuit; sane, sine graviotibus periculis exponere hominem ægrum voluerimus, proximum est, ut a ferro sanitatis præsidia repetamus.

III. Fere duplici autem ratione institui operatio ista poterit. Quarum utraque sigillatim ut exponatur, instituti ratio postulat. *Primus operandi modus.* Primus operandi modus hic est. Cutis extrema, quantum fieri potest, solertissime antrorsum versus extenditur, contactaque glans digitis ab administro quodam comprehenditur. Glandem cute contactam sinistrae manus pollice chirurgus reprimat, prominentemque cutis partem per adhibitum scalpellum aut forficem ante pollicem suum præcidat, eum fere in modum, quem in circumcidendis masculis hebraei communiter adhibent. Præcisa, quemadmodum explicavimus, summa eademque nimis angusta colis cute, non reduci tantum facilius cutis reliqua poterit, sed, denudata quoque glande, longe expeditior reliqua ulceris & purgatio & curatio fiet.

IV. Altera curandi ratio sic fere procedit. Superiori eidemque per digitos probe diducto præputio forfex retusa aut globulo etiam instructa subjicitur, atque ita cutis angusta, quantum quidem ad denudandam glandem satis est; conciditur. *Alter operandi modus.* GVILLEMONTIS equidem. (a) PALFYNIUS (b) atque alii proprium huic negotio scalpellum destinarunt, Tab. XXVI. fig. 4. delineatum: sed quæ sit figuræ istius ratio, & cur non æque alio recto scalpello perficienda sit, nondum satis perspicere mihi licuit. Præputio secundum longitudinem diviso, Chirurgorum aliqui partem ejus extremam eandemque superfluam forficis subsidio utrimque rescindunt. Sanguis quidem plerumque hic satis copiose profluit, attamen supprimi statim post confectam operationem haud debet: quin potius omittere aliquam ejus portionem, prout vires ægri atque habitus sunt, conveniet; ne qua facile inflammatio superveniat. Emissio, quemadmodum præcepimus, multo sanguine, linamenta tunc carpta eademque sicca supradantur, atque per injectum splenium & fasciam, partibus naturalibus destinata, deligantur. Cetera eadem faciendæ sunt, quæ circa vulnerum glutinationem alias proposuimus; præterquam, quod primo curationis modo adhibito, quam solertissime providendum semper sit, ne qua forte cutis summa denuo per ipsam glutinationem nimis coarctetur, atque ita homines ægri malo pristino iterum exponantur. Nonnunquam, diviso præputio, a frænulo glans retrahitur, atque penis sic quodammodo incurvatur. Quod ipsum equidem ubi fit, scalpello vel forfice resolvere frænulum decebit. Si gangræna jam tum glandem occupavit, qualiter equidem in exemplo, a VERDVICIO descripto & supra allegato factum esse legimus; necessarium utique est, partem ægram, facta scarificatione, ad usque partes sanas quam creberrime incidere, fomentisque ex ægyptiaco & theriaca, in spiritu vini camphorato resolutis, tamdiu fovere, donec ipsa gangræna cessat. Si qua autem ulcera ejusmodi (chancres) paulo pertinaciora, vix ac ne vix quidem restitui absque remediis mercurialibus internis & quandoque absque leni salivatione hi ægri possunt. Ceterum silentio prætermitti neutiquam hic debet, D. TREWIVM,

ve-

(a) Vid. Opera ejus Gallice conscripta, pag. mihi 437. & 438.

(b) In chirurg. belgice conscripta pag. 176.



veterum amicorum meorum haud postremum , aliquando pro tali ægro , cum Altorfii adhuc mecum esset , proprium instrumentum aliquod hunc in usum excogitasse ; ( vid. Tab. XXV. fig. 5. ) cujus equidem lamellis AA subter cutem insertis , atque elaterii beneficio , post reductam cochleam B , sensim sensimque diductis , haud prorsus infelicitè atque sine scalpello cutem nimis angustam ille diduxit , contactamque glandem denudavit . Sed an semper hocce ferramentum sufficiat , dubito .

## C A P. XXI.

## De Paraphimosis.

Paraphimosis quid sit.

I. QUOMODO phimosis curari sive glans penis contacta deoperiri possit , hætenus explicavimus : transeundum nunc ad vitium contrarium , quod *Paraphymosis* apud Græcos vocatur , indeque nascitur , si præputium ita vel per se curtum , vel & juxta glandem aut nimis constrictum aut tumefactum est , ut super illam reduci prorsus nequeat . Fere semper autem sanguinis in glande circuitus a præputio istiusmodi nimium coarctato ita mirifice impeditur , ut non tumor solum ingens glandis atque gravissima cum doloribus acutissimis inflammatio , sed ipse tandem sphacelus eandem infestet , tandemque colem ita affectum scalpello subjiciat . Solent hujus generis malum ii præ ceteris sentire , qui & nimis angustum a natura præputium habent , & complexu venereo nimium quantum vehementi feminis sese jungunt , virginibus præsertim atque illis , quæ paulo angustiori natura sunt instructæ . Ut proin egregie nonnunquam juniores mariti isti fallantur , qui , dum noxam modo descriptam a concubitu cum sponsis vel uxoribus suis novis sentiunt , cum defloratis atque infectis sese rem habuisse , indeque malum istud sibi contraxisse , opinantur ; quum tamen ab ipsa naturæ angustia & virginitate idem provenerit . Quandoque etiam apud pueros & juvenes oritur , qui ex petulantia vel libidine præputium valde angustum pene flaccido retrahunt , ac deinde , pene rigido facto glandeque tunc intumescente , illud super glandem reducere nequeunt ; unde aliquando mirum præputii post glandem tumorem vidi . Interim negari haudquaquam potest , paraphimosin eos quoque interdum infestare , qui cum feminis impurioribus sese miscent . Dum enim coles atque cutis interior a materia quadam virulenta inficiuntur atque arroduntur , abesse vix potest , quin inflammatio , tumor atque id genus aliæ noxæ , hætenus memoratæ , præputium affligant . Germani , propter externam ægræ partis speciem , *collare Hispanicum* dicere paraphimosin consueverunt .

Paraphimoseos curatio.

II. Paraphimoseos curatio eo potissimum spectat , ut , præputio reducto , glans nuda rursus contegatur . Namque hoc facto , dolores una cum noxis reliquis mox sese remittunt . Interim quia gravis plerumque inflammatio tumefactam penis partem simul infestat , quæ hanc restitutionem difficilem , imo sæpe impossibilem reddit ; nihil abs re Chirurgi faciunt , quando digerentibus atque emollientibus fomentis sive cataplasmatibus , vel vino calido , vel camphorato etiam vini spiritu colem tumentem quam diligentissime involvunt , subindeque , dum deligationem innovant , pene præsertim flaccido , an reduci præputium queat , experiuntur . Simulatque enim glans denudata rursus tecta est ,



est, protinus mala omnia evanescent. At vero quia vinum ac spiritus vini camphoratus propter acredinem suam; cataplasmata vero emollientia, propter ipsam emolliendi facultatem suam, sanguinis motum quandoque versus partem læsam concitant, atque ita penem, satis jam per se tumentem, magis subinde distendunt; promptior utique chirurgis quibusdam ea curatio videtur, quæ per aquam frigidam instituitur. Simulatque enim coles in ipsam demittitur, vel abdomini etiam atque scroto largiter eadem adspargitur, aut cum spleniis imponitur, misso simul largiter sanguine; fere semper, quicquid excitatum fuerat, continuo flaccescit. Cole, quemadmodum diximus, flaccescente, oleo olivarum statim, aut butyro inungere glandem, ut lubrica fiat, convenit. Deinde penis inter manus utriusque indicem atque medium digitos comprehendatur; glans nuda per admotos pollices fortiter reprimatur, ipsa denique cutis per injectos digitos gnaviter extendatur sive attrahatur, donec glandem nudam decenter contegat. Hæc dum fiunt, intensos ut plurimum cruciatus ægri sentiunt, ac perferre coguntur, clamoremque miserabilem edunt. Quem ipsum tamen prudens atque intrepidus chirurgus ita parum curat, ut potius, quantum fieri potest, celerrime ac ex CELSI præcepto, perinde faciat omnia, quasi nullus ex vagitibus alterius affectus oriretur. Atque id magis etiam ideo, quia, præputio reducto, parum aut nihil, quod ad curationem perficiendam desiderari queat, reliquum esse consuevit. Si minus gravis inflammatio penem occupavit, hoc est, si minus virulenta materia eundem infestavit, in aquam tepidam colem demisisse haud raro suffecerit: si modo cetera eadem fiant, quæ facienda esse jam jam proposuimus.

III. Quodsi vero penis tumefactus, propter nimis vehementem inflammationem vel ob mali diuturnitatem, ad gangrænam jam tum spectet, longe optimum fuerit, per incisas, primo in brachio, deinde *in superrori colis parte* venas sanguinem detrahare, eundemque tantisper fluere pati, donec penis flaccidus fiat. Namque tunc reduci præputium ut plurimum superius proposita ratione poterit. Quo equidem facto, vena incisa rursus deligatur. Paulo diversam ab ea, quam hætenus explicavimus, curandæ paraphimoseos viam PETITVS sæpe jam laudatus ingreditur, dum per fasciam aliquam angustam eandemque perforatam, sive fasciæ unienti haud absimilem, glandem tumens firmiter constringit, atque hoc facto eam præputio decenter extenso rursus condit. *Nonnunquam a sero sanguinis ita mirifice præputium distenditur*, ut vesicarum, ab ambustione vel medicamentis vesicantibus excitatarum, speciem præ se ferat, humoremque intus contentum oculis spectandum exhibeat; vel &, quo minus condi glans nuda possit, impediat. Hoc ubi fit, hinc inde concidit per admodum scalpellum vel phlebotomum cutem distentam oportebit, emissoque sero per vinum calidum vulnera expurgari, tandemque cutem supra glandem extendit. Ne qua autem facile, prout fieri quandoque solet, hoc in casu cutis vulnerata cum subiecta glande cohærescat; haud abs re fuerit, ægro imperare, ut quam creberrime urinam in præputium, circa glandem extremam comprehensum, emittat: ipsam vero cutem diligentissime super glandem trahat retrahatque, idemque tamdiu faciat, quamdiu periculum esse videtur, ne glutinari invicem ægræ partes istæ valeant. Aequè autem feliciter impediri perniciofa glutinatio ista solet, ubi frequentissime vinum calidum inter cutem internam præputii atque glandem injicitur, vel etiam linamentum inter glandem & cutem interjicitur. Si qua autem forte præputium cum glande jam tum coaluit, protinus idem resolvi per submissum dentiscalpium, aut phlebotomum retusum, aut scalpellum denique sphærule circa apicem instructum debet; sed adhibita tamen cautione maxima, ne scilicet ipsa glans simul læ-

*Paraphimosis gravior quomodo curatur.*



datur, atque profusio sanguinis concitetur. Præputio atque glande hunc in modum rursus divisus, cetera eadem facienda sunt, quæ de urinæ, vel vini aut linamenti hanc in rem usu paulo antea diximus. Debent autem cutis atque glans hoc semper sollicitius ab invicem detineri quo, difficilius postmodum, si semel firmiter coaluerunt, resolvi eadem possunt. Ceterum facta hac operatione retro adduci colem eundemque ad ventrem leniter deligari oportet; quia, si is dependet, inflammatio cum tumore ob faciliorem sanguinis descensum, subinde increscit. Vidi etiam aliquando, præputium post glandem retractum in magnum tumorem durum abiisse, qui nulla ratione digeri poterat.

*Petiti methodus.*

IV. Denique si nihil isthæc omnia proficiunt, hanc curandi viam PETITVS ineundam statuit. (a) Colem inter atque constrictum præputium scalpellum aliquod minutum idemque curvum, acie sursum sive versus præputium conversa, diligentissime inseritur, donec tumens atque nimis adstricta cutis pars commode per id discindi queat. Si pluribus in locis, quemadmodum id fieri quandoque duobus, tribus vel quatuor in locis, quasi totidem annulis solet, præputium coarctatum est, atque tumefactum, toties repetere idem curationis negotium convenit, quoties ipsa noxæ indoles facere idem postulat. Concisis, quemadmodum diximus, angustis præputii partibus singulis, gnaviter coles per adhibitum vinum calidum fovetur atque abluitur, reductoque super glandem præputio, diligenter pars afflicta deligatur, atque ea ratione glutinatur, quam modo explicavimus.

## C A P. XXI.

### *De cancro & sphacelo, qui in cole nascitur.*

SI qua forte colem gangræna post inflammationem, phimosis aut paraphimosis occupavit; tum ea ratione curari malum oportet, quam supra in phimosis proposuimus. (Cap. CXXIX. §. 3.) Quodsi autem sphacelus aliquis, aut post glandis scirrhum cancer etiam in cole nascitur, tum protinus, quicquid corruptum est, ne ad partes proximas continuo malum serpat, tandemque miserum hominem conficiat, tolli oportet. Modus operandi commodissimus hic est. In urethram tubulus argenteus aut plumbeus, idemque paulo longior, quam ipsa pars corrupta, sic inseritur, ut ultra id, quod corruptum est, transeat. Deinde sana corruptaque proxima colis pars, vinculo lineo vel sericeo satis valenti adhibito, sic deligatur, quemadmodum in tuberculis carnibusque excrecentibus per vincturam tollendis, fieri consuevit. Tum insertus quoque tubulus diligentissime firmatur, ne ex urethra facile excidat, sed urinæ profluenti iter præbeat. Vinculum in pene relinquitur; quin etiam, si commodum idem fuerit, novo quodam & firmiori vinculo superinjecto, die proxima, quantum quidem satis est, intenditur. Sic enim, præterlapsis aliquot diebus, quicquid corruptum est, juxta vincturam decidit. Non sum equidem nescius, chirurgorum aliquos per adhibita ferramenta corruptam colis partem mox præscindere, sup-

(a) Vid. *Gareng. oper. chirurg. cap. de paraphimosis.*



suppressoque ferro candente (a) vel medicamentis adstringentibus sanguine, plagam inflictam haud prorsus infeliciter nonnunquam glutinare: sed quia rarius illa curandi ratio procedit, gravissimasque utplurimum noxas adducit; vix aliter ego possum, quam ut vincturam ferro anteponendam esse statuam. Ceterum ubi non nisi aliqua colis pars demta est, relicta adhuc satis magna, sane vel post ipsam quoque curationem generandi facultas quædam solet esse reliqua; major utique, vel minor, pro diversa scilicet partis superstitis magnitudine. Exempla morbi hætenus descripti quisquis desiderat, is equidem, præter SCVL-TETVM, (b) HILDANVM, (c) atque RVVSCHIVM, (d) DOEBELIVM velim conferat: siquidem hic peculiarem de hoc ipso vitio libellum conscripsit, (e)

C A P. XXII.

*Quomodo resolvi frænulum penis debeat.*

**R**ESOLVI equidem penis frænulum tunc inprimis debet, quando glans inferior sic per idem retro attrahitur, ut penis inde incurvetur, & minus, quam naturaliter decebat, erigi aut extendi valeat, hominesque proinde ad procreandam sobolem inepti fiant. (f) Eandem operationem in hominibus etiam, a gonorrhœa, phimosi atque paraphimosi vexatis, quandoque adhibendam esse, alias admonuimus. Poterit autem eundem fere in modum curatio illa institui, quem ad linguæ frænulum rite resolvendum proposuimus. Nempe frænulum forficis aut scalpelli subsidio diligenter eatenus conciditur, quatenus ad penem decenter extendendum sufficit. Conciso frænulo, linamentis carptis vulnus expletur, penis autem super charta densiori, vel & asserculo quodam tenuiori deligatur, atque ita paulatim directus efficitur. Nonnunquam satis laxum frænulum, sed penis tamen ita curvus est, ut sufficienter extendi prorsus nequeat. Hoc ipsum ubi fit, vitium naturale esse atque ab interna penis constructione proficisci, adeoque difficulter admodum sanari consuevit. Si nihilominus matrimonium inire atque liberis procreandis operam dare istiusmodi homines cupiunt, tentandum est, an vel per medicamenta emollientia in latere nimis adstricto, vel roborantia in latere nimis laxo, ac simul per vincturam modo descriptam, vel denique & per in contracta cute factas plagas sive incisiones leves, in formam naturalem redigi penis curvus queat.

(a) Ut SCVLTETVS obs. 65. fecit.

(b) Observ. 60. & 65.

(c) Cent. III. observ. 88.

(d) Observat. XXX.

(e) Prodiit iste libellus *Lipsiæ anno 1698. 12. cum figuris*, atque sic inscribitur: *Relatio de cole a cancro infecto, sed per adhibitum ferrum feliciter curato.*

(f) Vid. HILDAN. observ. 54. Cent. III.



## C A P. XXIII.

*De verrucis atque id genus aliis tuberculis, quæ in pene nascuntur.*

**Q**UÆCUMQUE penem infestant tubercula, fere semper nasci a venereo quodam morbo consueverunt. Sedes illorum non una est. Quædam enim in præputio, quædam in corona glandis, quædam autem in ipsa glande suboriuntur. Pleraque carnem fungosam vel spongiosam simulant; celeriter crescunt; & subinde etiam dolores concitant. Extirpandis illis quam maxime apta sunt medicamenta leniter exedentia: cujusmodi quidem est pulvis sabinae, vel solus (a) vel cum præcipitato rubro atque alumine usto permixtus, si bis terve tuberculis istis noxiis sub pulveris forma inspergatur; vel cum unguento basilico vel mundific. subactus applicetur. Si qua autem forte paulo duriora sunt tubercula, tum longe optimum videtur, quotidie ipsa lapide infernali leniter tangere sive inungere, donec penitus evanuerint. Si paulo tenuior partis prominentis radix est, vel forficem vel vincturam adhibere conveniet; qualem scilicet in extirpandis verrucis atque tuberculis quibuscunque aliis proposuimus. Sin minus commode vinciri tubercula, propter latiore basin sive radicem, possunt, atque pars extrema paulo durior est, forfice rescindi, quicquid prominet, oportebit, emissoque aliquamdiu, si fluat, sanguine, vino calido partem ægram expurgari atque foveri, ipsam denique radicem per adhibitum lapidem infernalem quotidie inungi, donec penitus extirpata esse deprehendantur. SCVLTETVS equidem ferrum candens ad extirpanda ejusmodi penis tubercula adhibuisse legitur *observ. 65.* illudque etiam *Fabr. ab Aquapend.* commendat, loco mox citato, aliique: quæ vero curandi ratio crudelis mihi nimis videtur. Ceterum ea quoque observatio necessaria hic est, ut non externa tantum, sed & vel maxime interna quoque medicamenta ægris propinentur, quæ ad expellendam veneris materiam virulentam proficiunt; alias, quacunque etiam ratione ablatae sunt, brevi plerumque redeunt.

## C A P. XXIV.

*Qua ratione aperiri urethra sive glans præclusa debeat.*

**I.** FERE duplex incidere casus solet, ubi glans vel urethra impervia debet aperiri. Nimirum 1. si quis masculus recens in lucem editus glandem haud perforatam habet; deinde 2. si in adultis, summa glande præclusa, post glandem urina emittitur. Quibus artificiis utraque mali species & cognoscatur, & curetur, sigillatim nunc expli-

*Quomodo in infantibus glans perforatur.*

(a) Hunc *Fabr. ab Aquapend.* pro secreto præstantissimo venditat, in oper. Chir. articulo de excrecentiis carnis in glande pag. mihi 270.



explicandum est. Atque infantes quidem urethram imperviam habere, inde colligimus, si proximis a nativitate diebus nullum omnino urinæ vestigium in ipsorum vestimentis ac fasciis deprehendimus, & infantes vehementer plorant. Quod ipsum simulatque advertitur, maturanda operatio est, ne qua forte nimia urinæ copia retenta miserabiliter miserum infantem conficiat. Solet autem, pro diversa vitii indole, diversimode curatio illa institui. Nonnunquam enim aliquod saltem urethræ vestigium in glande animadvertitur: siquidem non nisi tenuissima membranula quadam urinæ iter præcluditur. Itaque tunc quam facillimo negotio perfici curatio potest, si scilicet per adhibitum phlebotomum aliquod subtilius, vel & per acum, in cataracta superius descriptam, (Tab. XVII. fig. 5. vel 6.) provide membranula ista perforatur, emissoque lotio, turundula quædam, filo instructa, & in oleo amygdalarum dulci aut alio quovis oleo vulnerario tincta, vel candela tenuis flexilis, vel & filum crassum cera obductum in urethram inseritur ne denuo ipsa præcludatur. *Si paulo crassior & carnosæ magis ea tunica est, quæ iter urinæ præcludit*; tum satius est, pro phlebotomo vel acum oculariam modo commendatam, vel & tenuiorem acum, triangulari apice instructam, (Troica vulgo appellant) adhibere, qualis esse potest ea, quæ Tab. XXVI. fig. 6. repræsentatur. Cetera enim eadem fieri debent ratione, quam hætenus explicavimus. *Quod si autem nullum omnino urethræ animadverti potest vestigium*, communiter infantes miseri, quasi qui servari nequeant, absque auxilio atque curatione omnia multis relinquuntur. Sed præstat tamen, meo quidem iudicio, ad experimentum, ut ÆTIVS ait, procedere, (a) & difficilem curationem aliquam frustrare, quam, neglecta curatione omni, dubiam salutis spem in præsentissimum mortis periculum convertere. Quocirca nihil abs re isti chirurgi faciunt, qui penem istiusmodi præclusum, præsertim si ventri proxima pars ab urina distenditur, instrumentis, quæ jam jam proposita sunt, adhibitis, loco debito perforare, atque urina emissa, curationem reliquam ita perficere instituunt, quemadmodum hætenus præcepimus. Si neque ista via curatio successerit, tum nihil omnino reliquum videtur, quam ut vel infans emoriatur, vel ipsa etiam vesica super osse pubis aut in peritonæo perforetur; ea nimirum ratione quam inferius mox capite de punctura peritonæi explicabimus. Num autem ipsa hæc posterior curandi via in hocce malo apud infantes a Medicorum quoquam tentata unquam sit, mihi quidem non satis constat.

II. In adultis varii esse possunt casus, qui, ut Medici manu glans impervia perforetur, postulant. *Nonnunquam enim urethra pervia quidem est, sed ita tamen, ut non tam ex ipsa glande, quam potius ex alia quadam post glandem posita penis parte, atque hac modo propinquiore, modo remotiore, quin & ex ipso peritonæo urina profluat.* (b) *Nonnunquam præter ipsam glandem alia simul penis atque urethræ pars perforata est*; ut duplicem urina exitum habeat. Fere semper autem hujus generis vitia in ipso statim utero materno nasci consueverunt; ideoque apud ple-rosque quasi naturalia atque a die natali existunt. Interim negari haud potest, suboriri quoque ipsa ex penis ulcere, aut vulnere, vel inde quandoque posse, si aut extrahi calculus aliquis ex fistula debuit; aut urina quoque, dum propter hærentem in urethra calculum effluere nequivit, acredine sua fistulam perrupit & novam viam sibi paravit. Solent hujus generis foramina *difficiliter omnia*, sed alia tamen aliis eo semper difficilius curari, quo & majora sunt, & vesicæ propinquiora. Si nimis amplum foramen est, tum idem glutinari prorsus nequit. *Quibus*

*In adultis quando & quomodo fiat.*

(a) Humanum & plenum benevolentia signum est, in extremis malis etiam ad experimentum procedere. Tetrabibl. Serm. I. cap. 120.

(b) Meatus urinæ inter glandis partem posteriorem & præputium repertus, a RVYSCHIO describitur Thesaur. anat. VIII. pag. 21.



*prope ventrem perforatus penis est*, ii ad procreandam sobolem atque ad matrimonium prorsus inepti censendi sunt: non item illi, quibus vel ex media circiter penis parte, vel & juxta ipsam glandem urina profluit. Namque his concubitum celebrantibus nihil obstat, quo minus tenuissima feminis pars sive aura transire ad uterum queat. (a) Ut proinde summa hic opus sit circumspeditione atque prudentia illis Medicis, qui de rebus, vel ad feminarum imprægnationem vel ad divortium spectantibus, a magistratu ejusmodi in casibus sententiam rogantur. Si per ipsam glandem urina profluit, tametsi foramen istud minus debito loco existat; tamen, quia neque ab urina emittenda, neque a concubitu celebrando homines impediuntur, satius utique videtur a curatione abstinere, quam ferro adhibito, gravem aliquam & sanguinis profusionem & inflammationem in glande, utpote vasis sanguiferis copiosissimis instructa, concitare. Quodsi vero post glandem, vel post ipsum quoque frænulum perforata esse urinæ fistula deprehenditur, tum bina potissimum sunt, quæ perfici a Medico debent, negotia. 1. Primum est, *ut ferramento quodam admoto decenter glans impervia perforetur*: 2. alterum est, *ut altera eademque minus commoda urinæ via, quantum fieri potest, exactissime glutinetur atque claudatur*.

*Operandi  
modus pri-  
mus.*

III. Poterit autem duplici potissimum ratione glandis perforatio institui. Quarum utramque sigillatim ac breviter ut exponamus, instituti ratio exigit. Ceteras enim, utpote minus commodas, merito hic prætermittimus. Scilicet *primus operandi modus* hic est. Glans impervia, post emissam urinam, initio facto ab ista parte, quæ foramen præter naturam continet, per adhibitum scalpellum secundum longitudinem linea recta sic dividitur, ut cavernosa, quæ Medicis appellantur, corpora detegantur quidem, sed nunquam tamen a ferro lædantur. Sanguis, prout hominis vires atque habitus sunt, largiter ex inflicto vulnere emittitur; ne qua inflammatio partem vulneratam facile infestet. Tum, nisi forte jam per se sanguis conquiescit, linamentis siccis, ad cohibendum sanguinem, vulnus impletur atque, superimpositis emplastro & spleniis, rite deligatur. Viginti quatuor circiter horis elapsis vinctura resolvitur, extractisque linamentis carptis, tubulus aliquis plumbeus idemque levigatus sic in plagam inseritur, ut a prima glande, ultra foramen pristinum, ad ipsam urethram pertingat, itaque profluentem urinam excipiat emittatque; donec scilicet ad finem perducta esse curatio judicatur. Foraminis pristini oræ callosæ per adhibitam scarificationem crebro inciduntur, vel, quod satius esse videtur, subtiliores forficis ope, quam subtilissime præscinduntur. Quo etenim subtiliores sunt lamellæ, quæ præscinduntur, hoc melius quoque oræ istæ conjungi glutinarique possunt. Faciunt autem insigniter ad glutinationem promovendam emplastra valde glutinosa, sed angusta, atque comprehendendis plagæ oris adaptata. Neque vero colem universum emplastris ejusmodi angustis circumcingere convenit, ne, propter impeditum sanguinis circuitum, vehementer idem intumescat; neve oræ distentæ rursus ab invicem recedant. Emplastris superimponi splenium leniterque per injectam fasciam deligari, tubulus denique insertus, ne rursus excidat, quam exactissime firmari debet. His confectis, lectulo æger imponendus atque hortandus, ut strenue conquiescat, atque a potu per aliquot dies abstineat; ne scilicet urina ipsum urgeat; vel emissæ etiam, priusquam glutinatum vulnus est, dolores moveat, emplastrisque resolutis, glutinationem impediat. Neque vero resolvi facile primam deligationem, nisi forte necessitas aliqua idem postulaverit, ante tertium vel quartum diem oportebit. Tum facere id ipsum cum adhibita circumspeditione maxima

(a) PAVLVS suadet, ut his glans amputetur lib. VI. cap. 54.



xima decebit , ne vulneris oræ , leviter adhuc cohærentes , rursus divellantur . Ubi jam tum cohærescere ipsa sentiuntur , servare adhuc per aliquot dies vin-  
cturam istam primam decebit . Ubi contrarium est , nova superimponi empla-  
stra glutinosa conveniet , donec firmiter oræ invicem cohæreant . His equidem  
rite confectis , reliqua eadem facienda sunt , quæ in unaquavis vulnere glutini-  
natione facienda esse , supra & sæpius jam declaravimus .

IV. Altera curandi ratio his fere comprehenditur regulis . Acus sive clavus *Oparandi  
modus se-  
cundus .*  
apice triangulo tenuior ( Troicar. vid. Tab. XXIV. fig. 2. vel Tab. XXVI. fig.  
6. ) per glandem imperviam loco debito , in urethram usque , directe provi-  
diffimeque transadigitur . Deinde , ubi sufficiens sanguinis copia effluxit , tu-  
runda bene longa & tenuis , ex linamentis carptis confecta , ad cohibendum  
sanguinem in fistulam recens factam inseritur , & pars deligatur . Ubi jam per  
se sanguis conquiescit , filum crassius cera obductum , vel candela cerea flexilis  
tenuior , qualis scilicet a ductu recens facta recipi potest , immittitur , ne fo-  
raminis sive ductus recens facti latera rursus cohærescant . Altero die turunda  
nova , eademque unguento digestivo imbuta , inseritur ; sed hac tamen adhibi-  
ta cautione , ne ultra foramen illud præter naturam , ex quo hætenus urina  
profluxit , ipsa extendatur , ita , ut urina , quoties opus est , per illud excerni  
queat : donec nimirum novum urinæ iter cuticula intus obductum sit , nam  
alias , si per novam viam mox influeret , dolores in vulnere recenti excitaret,  
& cuticulæ novæ generationem impediret . Itaque per aliquot dies turunda , po-  
stea candela cerea idoneæ crassitudinis , unguento siccante quotidie bis immitti ,  
& urina tamdiu emitti per viam pristinam debet , donec per candelam ceream  
& unguentum siccans cuticulam in recens facta canaliculo pronata esse depre-  
henditur . Namque tum pro turundis atque filis aut candelis flexilibus cereis  
tubulus plumbeus idemque probe levigatus ac satis longus in novam istam pe-  
nis fistulam sic inseritur , ut ultra foramen pristinum idem transeat , urinam-  
que profluentem excipiat transmittatque ; atque deinde commodius institui fo-  
raminis istius præternaturalis glutinatio possit . Solet autem hic fere curandi  
modus adhiberi . Oræ foraminis hujus vel scalpello scarificantur , vel & per op-  
timam adhibitam forficem , quoad fieri potest , subtilissime rescinduntur ; dein-  
de cruentæ per injecta emplastra glutinosa eaque angusta conjunguntur , & eo-  
dem denique modo tractantur , quem supra jam tum ( §. 3. ) circa primam cu-  
randi rationem explicavimus . Præcluso , quemadmodum diximus , foramine præ-  
ter naturam , tubulus plumbeus quoque extrahitur , atque sic universum cura-  
tionis negotium absolutum est . *Nonnunquam istud urethræ foramen præter natu-  
ram existit , ut nulla ratione claudi sive glutinari queat .* Sed neque tunc qui-  
dem penitus abs re illi faciunt , qui nihilominus glandem loco debito perforant .  
Decenter enim perforata glande , novoque canali formato , homines hi ad ge-  
nerationem longe sunt aptiores . Nam licet forte non omnis neque maxima ,  
saltem haud exigua feminis pars in uterum projici , dum concubitus fit , potest .  
Itaque per hanc ipsam curationem generandi facultas iis restituitur , vel saltem  
promovetur & augetur , qui alias , propter connatum penis vitium istud , ad  
procreandam sobolem fere vel prorsus inepti videbantur . Ceterum hæc quoque  
apprime necessaria observatio est , ut post confectam operationem quamprimum  
sanguis per venas detrahatur , idemque negotium , pro re nata , repetatur , præ-  
sertim apud illos , qui boni habitus sunt atque nimia sanguinis copia laborant .  
Namque alias periculum est , cum primis in juvenibus vegetis , ne erectio &  
expansio penis facile sequatur , quæ oras foraminis junctas a se invicem dimo-  
veat aut diducat , atque sic glutinationem impediat , vel omnino irritam efficiat .

V. Non sum equidem nescius esse in chirurgis aliquos , qui ut foramen  
ejus-



De usu futu-  
re & roden-  
tium.

ejusmodi præter naturam præcludant, oras vulneris cruentas per injectam futuram constringunt. Alii summam eandemque obduratam foraminis alieni partem rodentibus medicamentis potius, quam ferramentis tollendam esse statuunt. Sed neutra tamen curandi ratio ejusmodi in casibus magnopere commendanda est. Disruptis enim, ceu fieri plerumque in futura solet, oris tenuissimis, fistula seu potius foramen antiquum non curatur, sed potius ampliatur. Rodentia vero si applicantur, periculum quoque est, ne justo plus cutis exedatur, atque foramen sic nimium diducatur, ut oræ postea jungi nequeant, ac simul dolores atque inflammatio molesta moveantur.

## C A P. XXV.

### Quomodo urinæ incontinentia in masculis curari debeat.

Mali causa  
& curatio.

I. POSSE quandoque in musculis usque adeo insigniter vesicam debilitari, ut urina præter voluntatem atque continuo in caligas aut lectum profluat, maximasque cum afflictis, tum aliis etiam, quibus cum illi versantur, molestias creet, experientia loquitur. Fere duplex autem incontinentiæ hujus solet esse ratio: nonnunquam enim a vesicæ calculo, interdum a sphincteris vesicæ debilitate aut paralyfi ipsa nascitur. Si a vesicæ calculo vitium oritur, tum idem non nisi per lithotomiam sive calculi extractionem curare unquam licet. Quin imo ne per lithotomiam quidem extirpari semper illud ipsum solet; cum potius haud raro inde ortum trahat. Quodsi vero a vesicæ collo seu sphinctere debilitato noxa provenit; tum principio a nervinis atque confortantibus remediis petenda sunt sanitatis præsidia.

Curatio  
alia.

II. Sed quum neque his semper vinci malum queat, mirum non est, varia esse a chirurgis excogitata instrumenta, ad cohibendam molestissimam illam eamque continuam urinæ profusionem accommodata. Sic enim aliqui culeum minutum sive sacculum coriaceum pice obductum; alii peculiare lagenas easdemque minutas, ut scilicet in caligis inter femora commode condi, & libram circiter dimidiam urinæ capere queant, ex orichalco vel ferro albo peni alligant, (vid. Tab. XXVI. fig. 7.) hisdemque urinam profluentem excipiant, eaque repleta urinam rursus effundunt. Sed istud non nisi cum multis afflicti hominis incommodis facere licet. Itaque operæ pretium chirurgi recentiores fecerunt, quando commodiora, id est, subtilia magis atque levia instrumenta pararunt, quibus, quasi claustris, urethra una cum virga blande constringitur, atque ita efficitur, ut pro lubitu interdiu & noctu commodius & contineri & emitti urina valeat, prout machinula hæc levis, corio molli obducta, vel clauditur, vel laxatur. Vid. ejusmodi machinula e NVCKI Exper. chirurgicis desumpta Tab. XXVI. fig. 8. aliaque adhuc aptior fig. 9. quæ arctius laxiusque claudi pro diversa penis crassitudine potest, & ante me, quantum novi, a nemine delineata est; cujus præstantiam in multis ejusmodi ægris sæpius expertus sum.

NVCKII &  
WINSLO-  
VII metho-  
dus.

III. NVCKIUS olim (a) & haud pridem WINSLOVIVS (b) docuerunt, leni-

(a) Vid. in operat. ejus chirurg. fig. 2.

(b) Conf. MORAND. lib. de apparatu alto.











leniri quoque malum istud posse, si ferramentum, quale fere quandoque in herniis applicari solet, & nos ex NVCKIO Tab. XXVI. fig. 10. delineari curavimus, ea ratione, qua etiam in perinæi fistulis comprimendis commendatur; corpori circumligetur, ita ut scutum F perinæo firmiter insistat. Namque hoc modo compressa probe parte posteriori urethræ in perinæo ope trochleæ D. urinam præter voluntatem effluere non posse, sed tum demum exire, quando cochlea hæc pro lubitu relaxatur. Ego vero tametsi hanc methodum non prorsus rejiciam, tamen alteram istam, quæ per claustra modo laudata fit, longe promptiorem & commodiorem esse frequenti usu didici.

*Explicatio Tabulæ vigesimæ sextæ.*

Fig. 1. exhibet enterocelen dextri lateris, prout in oculos, sine ulla sectione incidit: ex MAVCHARTI diss. *de Hernia incarcerata scroti* (unde & duæ sequentes desumptæ sunt.)

AA crura divaricata, ut scrotum cum hernia melius pateat.

B inguen dextrum, ab intestino prolapso in gibbum quasi elevatum.

C inguen alterius sanique lateris, planum & altero depressius.

D penis, ut solet, retractus.

EE scroti dimidia pars, valde tumida atque tensa, ab inguine ad infimam ferre scroti partem.

FF scroti infima pars, non tumida nec tensa, in qua testiculus separatim tangitur ac percipitur, cum intestino non confusus.

GG altera dimidia scroti pars, naturalis figuræ & constitutionis.

HH futura, quæ scrotum in duas dividit partes.

Fig. 2. exhibet scroti dextram seu affectam partem, arte anatomica dissectam.

AA cutis secundum totam scroti longitudinem aperta & ad latus reflexa, ut subjectæ partes in conspectum veniant.

BB membrana adiposa sive cellularis separata & pariter ad latus reposita.

CC annulus musculi obliqui externi; per cujus dilatationem & divaricationem præternaturalem sacci herniales cum intestino incluso prociderunt.

DD tunica aponeurotica sive *dartos*, totum istum pyriformem saccum externum efficiens, prolapsum intestinum atque testiculum includens, in medio aperta & ad latus utrinque diducta, intime adhærens interiori sacco.

E membrana cellulosa inter utramque peritonæi lamellam, hicque inter saccum externum & internum conspicua, &

F inflata ope tubuli F.

G saccus hernialis internus, ex dilatatione laminæ interioris peritonæi ortus, intestinum proxime complectens, in medio dissectus, ut subjacens intestinum

H compareat.

Fig. 3. exhibet formationem herniæ intestinalis in scroto, situm tum intestini prolapsi, tum reliquarum partium in scroto contentarum, cum sacco herniali interno.

A fibræ tendineæ aponeurosi musculi obliqui externi, de quibus fig. 2. litt. DD.

B lamella exterior peritonæi, paulum reflexa antrorsum, quæ naturaliter prolongata sic dictum efficit processum peritonæi, seu tunicam vaginalem vasorum spermaticorum atque testiculi; præter naturam vero saccum hernialem externum, juxta cum membrana aponeurotica fig. 2. litt. DD constituit: quem vero hic repræsentari noluit, ne confusio inter utrumque oriretur saccum.

G la-



**C** lamella interior peritonæi , dilatatione præternaturali in scrotum protrusa , saccum hernialem internum efformans , qui intestina proxime completitur .

**DDD** ejusdem lamellæ in saccum dilatatæ coninuatio usque ad septum , quod tunica vaginalis ordinario supra testiculum efficit , ad latera parum reflexa ; sicut &

**EE** ejusdem paries seu latus inferius itidem parum reclinatum , ut subjacentia vasa spermatica appareant .

**FF** tunica vaginalis , testiculum laxè ambiens , aperta ; hinc

**G** testiculi corpus , sola adhuc tunica albuginea cinctum , restat ; cui superjacet

**H** epididymis seu parastata

**II** corpus pampiniforme seu arteria & vena spermatica inter externam & internam peritonæi lamellam ex abdomine per sic dictum annulum erumpentes .

**L** canalis sive vas , deferens dictum .

**MM** intestini ilei portio , sacco interno inclusa , sed hic exempla & ad latus collocata ; variis gyris intricata .

**Fig. 4.** ostendit *peculiare scalpellum* , a **GVILEMOVIO** excogitatum vel saltem delineatum , pro nimis angusto præputio in *ephimosi* incidendo & glande detegenda destinatum . Aliud ejusmodi , sed apice minus curva , a **PALFYNO** in chirurgia sua delineatur , pag. mihi 176. apice simul globulo ceraceo obducto .

**Fig. 5.** Ferramentum a **D. TREWIO** quondam excogitatum , pro nimis angusto præputio diducendo factum : **AA** sunt duæ laminæ elasticæ , **B** vero cochlea , qua laminæ illæ vel constringi vel relaxari possunt ,

**Fig. 6.** Acum sive clavum triangulari apice instructum , sed admodum tenuem , pro glande penis clausa , præsertim in pueris vel infantibus recens natis perforanda ostendit .

**Fig. 7.** litt. **A** lagenam designat , quam nonnulli , urinæ incontinentia laborantes , peni applicant & corpori alligant , pro urina perpetuo exstillante excipienda . Fieri eadem potest ex ferreis vel orichalceis laminis , & ea quidem amplitudine , ut libram circiter dimidiam liquoris capere , & vestimentis femoralibus apte occultari queat . Littera **B** designat os & collum ejus , quod penem suscipit , atque per annexos funiculos **CC** , circa corpus ductos , alligatur .

**Fig. 8.** designat instrumentum ferreum , corio obducendum , & ex duabus laminis instructum litt. **AA** , quod ad cohibendam urinam sine voluntate profluentem , peni , quasi claustrum sive sera , ad iter utique comprimendum applicatur . **B** indicat cardinem , in quo laminæ moventur , aperiuntur scilicet & clauduntur . **C** verticulum est , quo lamine junguntur & clauduntur , vel pro lubitu etiam aperiuntur ex **NVCKII** operat. chirurg.

**Fig. 9.** aliud fere simile , in eundem usum fabricatum , ferramentum denotat ; ubi litt. **AA** & **B** eadem indicant ac in præcedenti figura : quod vero a præcedenti in eo potissimam differt , quod per certos gradus litt. **C** magis vel minus arctari sive constringi , adeoque & tenuiori & crassiori peni melius accommodari queat : id quod in præcedenti non ita fieri potest .

**Fig. 10.** aliud ostendit ferramentum , idque etiam ex **NVCKII** operationibus chirurgicis fig. **XI.** mutuatum , quod *Brachierium ad urinæ incontinentiam* vocat . Litt. **AA** *Bracherium* ( sive cingulum ferreum ) notat , abdomini circumducendum ; **B** fibula , per quam pars corii pendula sive lorum **C** variis for-



foraminulis perforata , transmittitur , eaque brachium constringitur ac in corpore firmatur . Litt. D. indicatur cochlea , cujus ope comprimitur lamina B , & simul scutum sive annexum capitulum F splenio munitum .

C A P. XXVI.

**De CATHETERISMO, sive modo, quo catheter**  
( a ) *seu fistula aenea aut argentea , vel pro*  
*calculo explorando , vel pro suppressa*  
*urina educenda , demitti in*  
*vesicam debeat .*

I. **C**atheterem seu fistulam aeneam per iter urinæ in vesicam demittere quam expeditissimum videri imperitis sæpe soleat ; tamen usque adeo interdum solet esse difficile , ut ne vel expertissimis quidem ceteroquin Medicis , ac chirurgis , licet diuturnum & frequentem artificiorum eorumdem usum habuerint , feliciter negotium illud semper , varias ob causas & impedimenta , succedat . Solet autem cum in feminis , tum in masculis , propter binas præcipue causas necessaria esse hæc catheteris applicatio . Prima causa est ; ut in hominibus , qui a vesicæ calculo affligi videntur , certo explorari queat , num *re vera calculus aliquis in vesica delitescat , nec ne* . Siquidem cetera calculi signa , ut dolor in vesica , difficilis urinæ excretio , stranguria , ischuria &c. mirum quantum sæpe fallacia esse deprehenduntur , quia eadem mala ab inflammatione , abscessu vel ulcere vesicæ , aut etiam a tumore , circa cervicem vesicæ &c. oriri possunt . Altera causa est , ut quoties urinæ reddendæ difficultas e vitio vesicæ homines affligit , vel eadem prorsus supprimatur , quod vitium Græci *ischuriam* appellant , detrahi per fistulam ejusmodi possit , quicquid urinæ intus cum dolore aliisque magis molestiis , ac præsertim cum magno vesicæ distentu præter naturam ( b ) est collectum . Nisi enim tempestive ab onere hoc suo vesica liberatur , maximum utique periculum est , ne ab intensissimis doloribus , angoribus , inflammatione aut gangrena vesicæ , a spasmis denique aut nervorum distentione , graviter homines aut discrucientur , aut penitus etiam , ut sæpe factum est , consumantur . Neque vero , quod probe notandum , ad quamcunque ischuriam sive urinæ difficultatem sanandam catheteris applicatio necessaria est aut proficit . ( c ) Quoties enim cumque propter

Quando catheter applicetur .

X

renum

*Heisteri Chirurgica Tom. III.*

( a ) Καθετήρ GALENO lib. V. Meth. med. cap. 5. & ÆGINETÆ lib. 6. cap. 59. instrumentum est sive fistula , oblonga , cava , recurva , qua in vesicæ vitiis utimur ; quod vocabulum a Græcis in usu mansit , latinis vero , in CELSO Lib. VII. cap. 26. *fistula* eaque *aenea* dicebatur , a materia , unde confecta erat .

( b ) Ita HILDANVS memorat. Cent. 2. obs. 65. ex ægri cujusdam vesica una vice sex libras medicas urinæ educatas fuisse : in sene vero quodam vesicam proxime ad umbilicum extensam fuisse , ventremque adeo tumidum , ut in muliere gravida . PANAROLVS in vesica ad umbilicum extensa viginti circiter libras urinæ observavit . Pentecost. I. obs. 27. atque apud alios adhuc alia ejusmodi exempla prostant .

( c ) Obiter hic notare lubet , præcipua momenta , quæ alias de ischuria a Medicis doceri solent , in chirurgorum usum hoc in capite hic exponi .



renum vel ureterum vitium siue obstructionem aliquam urina haud redditur; sane quia urina tunc non in vesica hæret, frustra prorsus catheterem adhibe-  
ris. Sed remediis idoneis Medicus tunc rem expedire studeat. Sic si *urina sup-  
pressa in vesica hæreat*, id quod ex dolore & tumore circa pubis regionem po-  
tissimum cognoscitur, siue hæc suppressio a frigore oriatur, (a) siue a diu-  
turniore urinæ ex pudore aliamve ob causam retentione, qua vesicæ fibræ  
musculosæ valde distenduntur ac relaxantur, siue etiam a collo vesicæ spasmò  
contracto, (b) &c. non mox ad catheterem accedendum; quia sine magno  
ægri horrore, imò & sine dolore plerumque immitti nequit; verum idonea  
prius remedia causæ contraria sunt tentanda, eisque nihil proficientibus, tan-  
dem ad eum confugiendum. Ita Fabr. ab AQVAP. (c) pro secreto, præser-  
tim in pueris, commendat *oleum cappar.* alii *oleum scorpionum*, calide vel ante  
focum probe vesicæ inunctum. Ego a *cepis assatis* & pubi impositis, egregios  
effectus vidi. Quandoque blanda ventris per manus compressio, cumprimis si  
a relaxata vesica malum ortum trahat, urinam prodire facit. Interdum etiam  
*suctu* curatur, si in infantibus mulier, nutrix vel obstetrix: in adultioribus ve-  
ro, chirurgus vel alius quicumque, ore penem comprehendat urinamque at-  
trahat siue exsugat. Quoties autem ab inflammatione vehementi cervicis vesicæ  
malum suboritur; tantum sæpe abest, ut ab immissa fistula siue cathetere spe-  
rari auxilium debeat, ut ne demitti quidem tunc instrumentum ejusmodi in  
vesicam, propter ipsius colli angustiam, inflammationem, summumque dolo-  
rem sine periculo queat. Si nihilominus per adhibitam vim idem tentatur,  
quando inflammatio adhuc vehemens est, maximopere verendum est, ne quid  
forte intus laceretur aut disrumpatur; ne sanguinis profusio quædam ingens  
excitetur; ne dolores cum inflammatione augeantur; ne denique grangræna  
cum ipsa morte inducatur. Contra vero quando inflammatio per sanguinis  
missionem, cataplasmata resolventia, clysteres &c. imminuta est, catheter  
sæpe feliciter adhibetur. Ita & *salutariter imprimis adhiberi catheter solet*, 1.  
quoties propter *calculum* aliquem, sphincteri siue cervici vesicæ intus incum-  
bentem, nequiquam emitti urina potest: deinde 2. quoties insignis vesicæ de-  
bilitas urinam reddi naturaliter prohibet; ceu fieri sæpe in hominibus senio-  
confectis, aut puerperis etiam, a difficiliore partu infirmatis, aut & a fri-  
gore haud raro consuevit, aliaque remedia nihil proficiunt. Tum 3. quoties,  
*propter urinam vel ex pudore*, vel ex alia causa quacunque, justo diutius re-  
tentam, usque adeo graviter distenta vesica est, ut inde debilitata ad expri-  
mendam urinam haud sufficiat. (d) Quo equidem casu vitam suam amisisse  
TYCHO BRAHEVS, celebris ille Astronomus, memoratur. (e) Denique  
haud spernendus esse catheteris usus solet, 4. quoties aut *mucus* aliquis, aut  
*sanguis concretus*, aut *pus* glutinosum, aut *corruptæ carnis* particulae, quales  
equidem in renum ulceribus aut vulneribus, vel & post mictum cruentum  
subinde hærescere in vesicæ collo consueverunt, iter urinæ præcluduntur.  
Tandem ac postremo fistulam æneam aut argenteam (f) applicare necessa-  
rium videtur, quoties 5. aut *caruncula*, aut *tuberculum*, aut *abscessus*, aut

cica-

(a) Sicut *Amatus LVSITANVS* cent. 4. curat. 10. *FORESTVS* lib. 25. obs. 18. & *PECHLINVS* lib. 1. obs. 10. notarunt.

(b) Quod idem *PECHLINVS* l. c. notavit.

(c) In operat. chirurg.

(d) Exempla prostant apud *PARÆVM* L. XVI. cap. 48. *FORESTVM* Lib. XVI. obs. 25. & lib. 35. obs. 3.

(e) Ab *HILDANO* lib. de Lithotom. cap. 3. & prolixius a *GASSENDO* in vita ejus L. V. pag. 178.

(f) Olim, ut supra jam notavimus, æneis fistulis usi sunt, hodie vero ut plurimum *argenteæ*, æque probe politæ & læves adhibentur, quales Arabes jam adhibuerunt. Vid. *ALBVCAS.* Lib. cap. 58.



*cicatrix* denique major vel durior post abscessum, in urethra vel circa vesicæ collum nascuntur, aut *prostate inflammata* vel a *scirrho*, *abscessu*, aliave causa nimis tumidæ, quæ, quominus reddi urina valeat, impediunt. Interea quia catheter plerumque non sine difficultate ac dolore, immittitur, nunquam, nisi tentatis prius remediis mitioribus, adhibeatur.

II. Solet autem longe facilius in feminis, quam in masculis istiusmodi fistula sive catheter applicari; siquidem illæ non breviori tantum, sed magis quoque directæ & ampla urethra naturaliter sunt instructæ. Interim vel in ipsis feminis etiam difficulter perfici negotium istud solet, si quis urethræ os externum, posituram vel viam ex anatomicis inspectionibus probe perspectam non habuerit: (a) nam plures foveæ sive lacunæ in principio vaginæ adsunt, quæ facile chirurgum fallunt. Scilicet, ut quis promte os urethræ sive urinæ viam inveniat, necessarium omnino est, eum locum diligentissime circumspicere, qui inter naturæ oras directæ atque latum circiter digitum infra clitoridem est positus. (Vid. Tab. XXIX. fig. 2. D.) Namque hic quædam quasi cicatricula seu exigua fovea urinæ iter demonstrat. Ipse autem operandi modus, qui ab ÆGINETA eleganter *Catheterismus* appellatur, (b) hic est. Resupinari feminam super lectum vel mensam oportet. Tum, cruribus gnaviter ab invicem diductis, extremas naturæ oras alterutra manu chirurgus distendat, vel ab alia quadam persona distendere curet; altera fistulam argenteam vel æneam, (vid. Tab. XXVII. fig. 1. vel 2.) cujus longitudo septem, octo vel novem digitorum esse solet, crassitudo instar calami anserini tenuioris, oleo circa partem extremam B inunctam, loco nunc designato, quam providissime fieri potest, in vesicam compellat. Quo equidem rite factò, urina intus collecta, educto prius stilo, sive filo æneo A & fistula, per foramina B emittitur; sicubi scilicet pro levanda urinæ reddendæ difficultate instrumentum adhibetur. (c) Sin ad explorandum calculum catheter in vesicam demittitur, hinc atque inde convertere ipsum blande convenit, solertissimeque interim observare, num quis forte sonus edatur, aut ab instrumento intus aliquod corpus durum attingatur. Si quid enim istiusmodi advertitur, calculus utique in vesica hærescere non sine ratione conjicitur; sed si sola durities sine sono sentitur, tumor aliquis vel scirrhus subesse quandoque solet. Denique ad catheteres sive fistulas speciatim quod attinet, sciendum est, plerosque quidem Medicos in feminis vel *directas* vel *parum saltem atque vix incurvas fistulas* adhibere, quemadmodum illa est, quæ exhibetur Tab. XXVII. fig. 1.; sed illud tamen minus necessarium esse existimo; quum æque commode in ipsis applicari magis incurvæ, imo & longiores istæ, quales pro masculis variæ, pro varietate staturæ corporis fiunt, (d) valeant. (Vid. Tab. XXVII. fig. 2. 3. 4. & 5.) Ceterum, semel sic educta urina malum sæpe sublaturum est; sed non semper. Nam ubi post semel detractam urinam, nihilominus difficultas ejus reddendæ superest, tamdiu repetere idem negotium decebit, vel etiam fistula quædam intus relinqui potest, donec vel sponte vel ope medicamentorum pristino vigori ita restituta esse vesica deprehenditur, ut urinam pro lubitu reddere valeat. Quam ipsam equidem propter causam consultum est, in parturientibus urinæ difficultatem aliam sentientibus, quamprimum ejusmodi fistula sive cathetere urinam retentam educere; ne par-

*Quomodo in feminis catheter applicetur.*

X 2

tu

(a) WIERVS quidem vult in observat. libello, os urethræ externum in cunctis feminis non eodem loco apparere; sed hoc falsum esse anatome docet.

(b) Lib. VI. cap. 59.

(c) Aliquando cum ruri similis fistula non esset ad manum, calamo anserino mulieri urinam eduxi.

(d) Longiores hic nihil impediunt.



tu diuturniori tandem nimis vehementer extensa vesica ita gravem debilitatem seu nervorum resolutionem sentiat, quæ nullam postea quandoque curationem recipit.

Quomodo in  
masculis ca-  
theter adhi-  
beatur.

III. Longe difficilius in masculis, quam in feminis fistulam istiusmodi demitti in vesicam posse, supra jam tum (§. 2.) admonuimus. Scilicet in masculis usque adeo mirifice inflexa & longa existere urethra naturaliter fœvit, ut, nisi quis & figuram & posituram ejus ex anatomica inspectione probe exploratam habuerit, (vid. Tab. XXIX. fig. 1. A. B. C. D.) & propriis artificiis quibusdam, quæ ab aliis peritis prius viderit, probe instructus fuerit, eaque sæpius in cadaveribus ante rite tentaverit, parum plerumque feliciter fistulam applicandi negotium sive catheterismus succedat. Tametsi autem longe commodius coram demonstrari, quam verbis explicari artificia ista possunt; tamen haud abs re fuerit, breviter hic tyronum in gratiam ea perstringere, quæ circa justam catheteris applicationem præcipua videntur. Primum est, ut pro viris *plures catheteres* sive fistulas, quatuor minimum (CELSVS tres tantum desiderat Lib. VII. Cap. 26. easque neque nimis tenues neque nimis plenas esse vult,) majores scilicet minoresque, tenuiores etiam & crassiores, probe politos & læves, in promptu chirurgus habeat, ut nimirum omni corpori, majori minorique sufficiant. (Vid. Tab. XXVII. fig. 2. 3. 4. 5.) Fig. 2. pro puero ad annum fere sextum, fig. 3. ad annum duodecimum; fig. 4. pro juvene ad annum decimum sextum; & fig. 5. pro adultioribus adhiberi potest. Maximi ex virilibus *longitudinem* decem & quinque digitorum esse voluit CELSVS, minimi novem, quæ magnitudo etiam pro his egregie sufficere potest; medii vero inter hos mediam magnitudinem habere debent. Nonnulli eos *valde tenues* esse desiderant, existimantes, quod quo tenuiores illi sint, eo facilius ipsos in vesicam demitti possent. Verum errant hi, qui ita statuunt; nam hi longe facilius in rugas quasdam vel plicas urethræ, quales sæpissime in senibus occurrunt, se insinuant, ibique hærent, quas plenior commodius præterlabitur. Id quod non solum HILDANVS duplici exemplo confirmat, (a) ubi nec ipse nec lithotomus tenuiorem in vesicam demittere, pleniorum vero, qui cygni pennæ crassitudinem æquabat, facile potuere; verum & RAVIVS & experientia idem me docuerunt. *Optimi vero illi catheteres sunt, qui ex argento*, certa ratione incurvati, & probe politifunt: (b) qui vero intus stylum sive filum argenteum, roboris causa, ne facile plus, quam par est, incurventur, continere debent, litt. AAA. *Si ad operationem ventum est, resupinari hominem afflictum super mensam aut lectum oportet.* Tum Medicus, a latere dextro stans, sinistra quidem manu colemprehendit, eumque sursum elevat; dextra vero justæ pro statura ægri magnitudinis catheterem circa manubrium sive ansam C, eundemque circa partem extremam oleo tinctum, sic ut pars convexa ventrem respiciat, (vid. Tab. XXIX. fig. 3.) leniter in urethram eo usque demittat, donec ad anum pubis os idem pertingat. Hoc facto, sensim a latere sinistro versus ægri ventrem catheteris ansa certo artificio blande invertitur, (c) sic ut pars concava catheteris nunc ventrem spectet, ut fig. 4. indicat; deinde fistula summa B, primo subter pubis os blande deprimitur; mox sursum versus in vesicam caute compellitur; denique stylo sive filo A extracto, (vid. Tab. XXVII. fig. 2. 3. 4. 5.) quicquid urinæ intus est, per

(a) Cent. 2. obs. 65. centur. IV. obs. 65.

(b) Olim aliam figuram, minus scilicet flexam habuerunt, ut apud ANDREAM A CRUCE, HILDANVM, lib. de lithotomia, ALGHIS. de lithot. Tab. V. aliosque videri potest. Sed hi delineati hodie usitatissimi sunt.

(c) Galli hoc vertendi artificium *le tour de Maître* appellant; quia imperiti hoc non facile præstant.



per foramina BB ingreditur, & per alterum circa ansam extremum emittitur, tandemque evacuata urina, ipsa fistula recipitur: Deinde etiam *ægro sedenti* paululumque reclinato, vel *stanti* & ad murum reflexo, catheter sæpe satis commode in vesicam immitti potest: ubi chirurgus ex adverso vel etiam a latere ægri alterutro stans: fistulam prædicta ratione in vesicam demittit. Præterea negotium hoc quoque satis commode, licet a plerisque recentioribus scriptoribus nulla illius fiat mentio; succedit, si æger supinus in lectum vel mensam collocatur, chirurgus vero ad latus ægri sinistrum, juxta ventrem stans, penem sinistra elavat, & versus umbilicum paululum reclinat; postea catheterem, sic ut pars ejus concava ventrem respiciat, in urethram usque ad os pubis immittit, eamque sine illo vertendi artificio sub arcu ossis pubis, dummodo ansam, in formam quasi arcus, genua versus inflectit, in vesicam usque blande impellit; atque hic catheterem applicandi modus prioribus sæpe facilius succedit, cum primis minus hac in re exercitatis. (a) In omnibus vero his modis caute, prudenter ac blande procedendum, ne nimis vi temere iter urinæ a cathetere laceretur, atque hoc ipso magni dolores, ingens sanguinis profusio aut inflammatio periculosa, imo ipsa mors concitentur; novi enim, ab imperitis audacibus sive temerariis hominibus ejusmodi mala induta esse. Interdum semel educta urina totum malum sublatum atque æger restitutus est; interdum vero actio hæc per intervalla sæpius repetenda, si æger sponte urinam reddere nequit: id quod nonnullos ægros brevi ipsos didicisse & præstitisse novi. Nam quia per catheterem non semper causa retentionis urinæ tollitur, sed tantum periculosissimum symptoma, hæc seorsim est curanda: sicuti verbi causa inflammatio, nimia relaxatio vesicæ, caruncula, prostatica nimis tumida, &c. Ita ob inflammationem colli vesicæ catheter initio sæpe in vesicam demitti nequit; sed mitigata aliquo modo per congrua remedia ac sanguinis missionem inflammatione, demitti postea potest, qui initio non poterat. Quando fistula in vesicam demissa urina non promte effluit, ut quandoque contingit, venter manibus leniter comprimendus & fricandus, ita plerumque sequitur; vel *suctu* etiam extrahenda. Si forte ad carunculam prostaticam, quam vulgo caput gallinaginis appellant anatomici: catheter remoratur, ut subinde fieri solet, non vi propellendus, ne forte quid hic lædatur; sed potius paululum retrahendus iterumque blande demittendus, ita sæpe carunculam illam præterlabitur, & vesicam ingreditur. Si caruncula gallica in itinere urinæ introitum impedit, hæc cathetere perrumpenda.

IV. Si ad explorandum calculum in vesicam catheter demittitur, quam diligentissime ipsum postea, ut supra jam dixi, huc atque illuc in vesica dimovere convenit. Simulatque enim durum aliquod corpus instrumento resistit, & simul sonus sive stridor aliquis intus percipitur, fane, quin calculus aliquis intus in vesica delitescat, dubitari vix potest. Sin nihil istiusmodi præsentiscitur, liberam utique a calculo vesicam existere, haud improbabiliter conjicimus, vel saltem de calculi in vesica existentia dubitamus. Similiter si subinde quasi evanescit, quod durum ac sonorum semel atque summo cum studio per fistulam æneam attingimus; tum id indicio est, *exiguum esse calculum* istum, a quo vesica infestatur; vel ipsum in *foveam* sive *diverticulum* quoddam vesicæ, qualia subinde observantur (vid. Tab. XXI. fig. 1. & 2.) sese subduxisse. Contra vero *calculi majoris signum* est, si statim & continuo in duram ac sonoram aliquam materiam fistula dimota impingit. Porro si leniter atque facili negotio trahi retrahique catheter per istius corporis superficiem potest, *levis utique calculus* existat necesse est. Si contrarium fuerit, ac simul urina cruenta, aspera vel aculeis

Qua ratione  
calculi eo explorantur.

obli-



oblita, five, ut CELSVS ait, *spinosa* esse calculi superficies colligitur. (a) Denique si difficulter materia ista dimovetur, aut si valde clarus sonus inde percedit, *major ac durior* esse calculus conjicitur. Sin facile materia instrumento squamulas secum trahens, ex CELSI jam observatione mollior existere calculus consuevit. (b)

*Catheteris  
Flexilis usus.*

V. Ne qua autem continuos atque novos subinde cruciatus ii sentiant, in quibus vel *propter vesicæ debilitatem*, vel *calculus* etiam intus hærescentem, qui continuo cervicem vesicæ obturat, vel urethra; extracta fistula, mox rursus tet; quod vero cum sine dolore aut molestia plerumque fieri nequeat, hoc omnino sibi datum esse chirurgi quidam recentiores (c) existimarunt, ut catheterem argenteum eundemque *flexilem*, ex filis argenteis planis; singulari modo intortis, pro levanda urinæ difficultate, adhiberent. (Vid. Tab. XXVII. fig. 6.) Namque hic per aliquot dies continuos atque tamdiu in cole minori sæpe molestia in vesica relinqui potest, si modo circa ventrem funiculo quodam fuerit firmatus, donec pristino vigori suo restituta esse, atque ad emittendam urinam rimum difficulter admodum in vesicam compelli catheteres flexiles solent; nec demittere, eundemque aliquandiu intus relinquere; quo scilicet ampla & aperilis debet. Ne qua autem forte iter illud denuo collabatur; opera danda est, ut simulatque fistula rigida extrahitur, altera ista flexilis debito artificio & inflexione protinus in vesicam demittatur, inibique tamdiu relinquatur, donec sublata esse urinæ reddendæ difficultas animadvertitur, vel saltem donec ea ægro minimam molestiam creat. HELMONTIVS catheteres æneos & argenteos, tanquam nimis vehementes five atroces omnes rejicit, novumque flexilem, *ex corio præparatum*, & in canalis formam confutum, quem ipse invenerit, laudat, atque ob ejus inventionem sibi plaudat, tanquam qui ob molliem nullum dolorem concitaret. (d) Sed hoc ipso mihi, quam parum in actionibus chirurgicis fuerit versatus, demonstrare videtur: quia profecto mollibus istiusmodi fistulis res vel prorsus non, vel saltem minus recte perfici potest. Ita & Fabr. ab AQVAPEND. ex *cornu* se aliquem flexilem catheterem parasse & adhibuisse scribit; (e) alii ex alia materia. Verum argentei, quia non solum debitum obtinent robur, sed quoque eis & requisita figura optime dari atque egregie poliri five levigari possunt, ut satis commode in vesicam compelli queant, a summis chirurgis pro hoc scopo optimi deprehensi uniceque hodie in usu sunt.

*Observationes  
quadam.*

VI. Nonnulli in curva catheteris parte plura fieri foramina voluerunt, ut NVCHIVS (f) & SOLINGENIVS (g) delinearunt, quo facilius urina effluere queat; verum bina circa extremum sufficiunt, eisque urina egregie ut plurimum ejici potest: plura enim, præsertim ubi corpus urethræ spongiosum, a sanguine ibidem congesto, nimis tumidum est, dum se in foramine ista infinat, ingressum catheteris in vesicam potius remorantur, corpus spongiosum facile

(a) Lib. VII. Cap. 26. N. 2.

(b) Hæc præter experientiam quoque docuit Jac. DENYSIVS, celebris hodie lithotomus Leidensis in obs. chirurg. de calculo.

(c) Inter quos forte primus est SOLINGENIVS vid. ejus chirurg. P. 3. cap. 7. Tab. VI. fig. 17.

(d) Lib. de Lithiasi cap. 3. n. 34.

(e) In operat. chirurg.

(f) In experim. chirurg. pag. mihi 124.

(g) In oper. chirurg. edit. Amstel. Tab. 8.



cile lacerant, atque sic varia incommoda concitant. Quam ob causam PETITVS, chirurgus, aliud catheteris genus, nullo prorsus foramine a lateribus prædito, commendat (a) ceterisque in urina educenda præfert, (vid. Tab. XXVII. fig. 7.) quod foramen in extremo rostro habet, A, globulo pyriformi B clausum. Quando vero hic catheter in vesicam est demissus, styli ansa, C, intus premitur, sic globulus B prodit ex fistula, quemadmodum in vicina figura, litt. D, ostenditur, & urina per eam exire potest. Interea tamen consuetis illis catheteribus reliquis negotium hoc satis feliciter ut plurimum succedit. Denique catheterismus atiam utilis esse potest, quando in variis vesicæ vitiis aliquid in vesicam injicere volumus; ubi vel sypho, vel vesica animalis altero catheteris extremo aptari, eisque idoneus pro morbi ratione liquor in eam impelli potest, id quod ÆGINETA jam novit. (b) Ita etiam abscessus in collo vesicæ, urinæ excretionem impediens, cathetere subinde rumpitur, & urinæ suppressio sic solvitur. Peculiarem quandam dissertationem de hac operatione, titulo de catheterismo edidit quondam Henr. MEIBOMIVS noster, hic Helmstadii, An. 1699.

## C A P. XXVII.

### De caruncula, quæ in urethra nascitur.

I. **N**ONNUNQUAM in hominibus, gonorrhœam vel urethræ exulcerationem expertis, insolens quædam urinæ reddendæ difficultas suboritur, ut non nisi maximo cum nisu vehementissimisque haud raro cum doloribus, ad instar fili tenuis, urina profluat, quin imo tandem ne profluere quidem amplius valeat, sed prorsus supprimatur. Antiquiores equidem, & qui ad nostram usque ætatem floruerunt, Medici a tuberculo quodam intus in urethra nato, quod *carunculam* urethræ vocarunt, noxæ genus illud derivarunt. BRVNNERVS autem celebris quondam Electoris Palatini Medicus, (c) nec non DIONYSIVS in chirurgia, veterum opinione ista rejecta, statuunt, non tam a caruncula, quam potius a cicatrice quadam ab ulcere post gonorrhœam relicto urinæ iter obstrui penitusque tandem præcludi solere. Quod ipsum equidem ne sine rationibus dixisse videantur; utrimque ad observationes, circa istiusmodi homines demortuos atque dissectos institutas, provocant. At enim vero, neque a caruncula, neque a cicatrice, sed potius ab urethræ substantia cavernosa seu spongiosa tumefacta, (ad similitudinem membranæ narium in coryza) urethram præcludi, experimentis in medium adductis, ARNALDVS atque PETITVS propugnarunt (d). Tametsi haudquaquam desint, qui experimentis experimenta opponunt, prioremque sententiam nihilominus veram quoque esse contendunt: (e) quia unius mali plures possint esse causæ. Denique ad hætenus memoratis auctoribus singulis dissentit BENEVOLVS, Chirurgus Italus Florentinus perquam celebris; utpote qui

*Caruncula  
quid sit.*

(a) Vid. GARENGEOT Lib. de Instr. chir. Tom. I. p. 267. sq. qui pro novo invento illud venditat & vehementer laudat. Simile tamen jam delineatum est a DALECHAMPIO in chir. pag. 322. licet pro caruncula urethræ auferenda ab hoc destinatum fuerit.

(b) Lib. VI. cap. 59.

(c) In Ephem. Nat. curios. Cent. I. obs. 71. pag. 143. & 200.

(d) Teste quidem GARENGEOTIO chirurg. pag. 317.

(e) Ut GENSELIVS in Ephem. Natur. curios. Centur. V. & IV. pag. 349.



qui eo libello, quem de hoc vitii genere conscripsit (a) testatur, sese partem illam urethræ sive prostaticarum, quam anatomici caput gallinaginis vocant, fere semper tumidam & exulceratam, nunquam autem carunculam, seu tuberculum in hominibus urinæ reddendæ difficultatem istiusmodi, dum adhuc vixerunt, sentientibus, reperiisse: quæ vero pars ulcerata, prout vel majori vel minori puris copia repleta est, majorem vel minorem urinæ reddendæ difficultatem concitaret. Nam oriri, illud malum, ait, fere semper post gonorrhœam virulentam, atque ejici simul tam in principio mali, quam postea: continuo una cum urina materiam & fibras purulentas. Ego vero, ut, quod res est, dicam, sententias modo propositas, quum omnes expertissimorum virorum observationibus illæ niantur, sic omnino comparatas esse singulas, ut nulla temere ex iisdem sperni, quin potius conjungi cum reliquis unaquæque mereatur. Namque nihil omnino impedit, quo minus, aliam subinde in aliis hominibus noxæ istius causam fuisse, credamus: dum, ut vulgo dicunt, *unius rei plures esse possunt causæ*. Sed quicquid tandem harum rerum sit, sane veram semper morbi hujus causam exploratam habere, nihil magnopere curantis interest: siquidem una atque eadem curandi ratio in singulis casibus istis & adhiberi & prodesse consuevit. Cognoscere autem vitium illud, quod *carunculam* Medici, Galli *carnositè* vulgo appellant, expeditissimum illis est, qui, quas æger molestias expertus sit, relatum accipiunt. Nimirum non usque adeo subito, ut in aliis quibusdam vesicæ morbis, sed pedetentim urinæ iter angustatur, atque tandem præcluditur; æger autem, ut quam creberrimæ urinam emittat, propter continuam ferme a re peregrina in urethra existente irritationem cogitur, & cum urina vel purulenta materia, vel fibrillæ & membranulæ excernuntur. Nonnquam febricula simul ægros infestat. Quam autem præcipue colis interioris partem noxa illa teneat, demisso in urethram cathetere, filo plumbeo vel cereo exploratur. Ubicumque enim progredi vel transire instrumentum illud prohibetur, ibi vitium delitescere conjicitur. Ceterum quia non dolores tantum atque anxietates insignes; sed maxima quoque urinæ reddendæ difficultas, imo vero ipsa quandoque mors concitari ab hoc vitio solet, promptam utique afflictis curationem adhibuisse convenit.

II. Si novum adhuc malum est, atque urethra nondum nimis constricta, tum facili plerumque negotio sanari illud consuevit; si modo has curationis regulas Medicus adhibuerit. Homo afflictus in subsellio seu lecto confideat. Deinde Medicus sinistra manu colemprehendat, dextera autem *filum plumbeum* vel *cereum*, pedis, quasi longitudine & catheteris majoris crassitudine, in oleo tamen prius tinctum, in urethram ad partem usque ægram vel angustam; imo paulo adhuc profundius blande demittat; firmatumque per vinculum, ne excidat, inibi per plures dies relinquat; donec in statum pristinum restituta esse urethra deprehenditur: quo ipso etiam impeditur, ne recens malum increseat. Quoties autem urina hominem afflictum urget, filum cereum sive plumbeum hoc ex urethra recipitur, emissaque urina, denuo in eandem superius proposita ratione demittitur, donec malum omnino sublatum est. Si jam tum inveteratum atque ita comparatum malum est, ut proposito remedio brevi vinci nequeat; necessarium habet visum est Medicorum plerisque, fili plumbei sive cerei partem extremam vitriolo candido, alumine usto, præcipitato rubro, unguento fusco sive ægyptiaco, vel quovis alio medicamento leniter rodente prius inungere, quam in urethram idem compellitur. Quod ipsum equidem negotium aut semel, aut bis, aut pro re nata sæpius etiam in dies singulos repetendum esse voluerunt, donec per rodentia medicamenta sublatis, quæ præter naturam intus increverant, partibus,

*Caruncula  
levior quo-  
modo cure-  
tur.*

(a) Libellus Italico sermone scriptus anno 1725. in lucem publicam editus exstat in octavo, cujus inscriptio vid. supra, ubi de scriptoribus chirurgicis agitur.



tibus, libere rursus profluere urina valeat, variique simul sic curatorum exempla referunt. Verum BRVNNERVS & BENEVOLVS eam curandi rationem, qui nulla caruncula aut caro excrescens adesset, perniciosam magis quam salutarem esse statuunt; quia ipsam urethram eroderent & exulcerarent: adeoque & ego, ubi nulla caruncula adest, ea hic omittenda & potius prædicto blandiori modo satis diu continuandum esse censeo. Nam *facit hic tranquilla potestas, quod violenta nequit*. Ceterum ante semper, quam specillum istud cereum sive plumbeum cum oleo amygdalarum in urinæ iter inseritur, mittere urinam homo afflictus debet: quo nempe diutius postea specillum in urethra remanere, quoque promptius atque potentius partes angustiatas atque ulceratas vel tumidas expandere ac dilatare valeat. Atque hæc facere tamdiu convenit, donec promte rursus emitti urina potest. Sicubi noxa ista diu multumque urethram afflixit, necessarium est, vel post absolutam etiam curationem, per aliquot adhuc hebdomades continuas, ne malum pristinum facile redeat, specillum intus in urethra gestare, vel quotidie saltem ter aut quater eandem immittere & aliquantisper intus relinquere, ut recens parata amplitudo conservetur. Tandem extremam specilli partem emplastro diapalmæ involvere BENEVOLVS statuit, ut hoc ipso paulo valentius urethra in loco affecto diducatur atque sic persanetur. Quæ quidem dum fiunt, longe optimum esse deprehendi, si per aquam calcis aut plantaginis cum paucis saccharo saturni, vel & lapide medicamento Crollii, syphunculi ope injectam, aliosve hujusmodi liquores purgantes atque exsiccantes ulcerata vel tumida urethra subinde eluatur.

III. *Ubi penitus ab ejusmodi malo præclusum esse urinæ iter sentitur, ut nihil omnino reddi urinæ valeat; tum, nisi forte inflammatio subest, a cathetere auxilium repetendum est.* Quando vero leniter per urethræ illam angustiam instrumentum illud demitti nequit; per adhibitam vim aliquam, sed caute tamen, idem deprimere vel intorquere oportebit, atque sic, disrupta caruncula aut cicatrice, compressove ulcere vel cicatrice nimis tumida, urethram rursus dilatare, diducere, sive aperire, atque urinam sic emittere. Post emissam urinam, proximum est, ut prædicta ratione filum plumbeum sive cereum, oleo ovorum aut amygdalarum dulcium tinctum, pro servando urinæ itinere, in urethram demittatur. Quod si vero nec per catheterem, propter inflammationem aut dolores nimios, aperiri urethra posset, & urina tamen graviter hominem afflictum urgeret, vel in ipsum denique mortis periculum conjiceret: novum continuo idemque promptum tentare auxilium oportebit, ne qua forte nimia cunctatio noxam insanabilem aut ipsam mortem reddat. *Scilicet aperiri vesica per adhibitum clavum sive stylum apice triangulari donatum ac tubulo inclusum, (Trocar) vel in perinæo & super osse pubis, ea quidem in regione debet, qua idem fieri ea in curatione calculi solet, quam apparatus altum appellant, quemadmodum id prolixius explicare deinceps constituimus.* Vesica quemadmodum modo præcepimus, perforata, urinaque per tubulum intus in vesica relictum ejecta, ad ipsius mali in urethra sanationem, hætenus propositam, statim est pergendum. Qua equidem eousque confecta, ut æger rursus per urethram urinam emittere queat; proximum est, ut factum in vesica foramen, educto tubulo, ut alias vulnera solent, rursus glutinetur.

IV. *Si ab urethræ inflammatione aliqua urinæ reddendæ difficultas exoritur; Urethræ inflammatio* eaque vehemens sit, tum neque filum cereum aut plumbeum, neque catheterem Medicus mox adhibeat, quia inflammationes ejusmodi his omnibus exacerbantur; sed sanguinem potius homini ægro larga copia per venas detrahat, insimul autem, quemadmodum in inflammatione graviore quacunque fieri debet, medicamenta digerentia interna & externa proponat; & speciatim extrinsecus

*Carunculae  
gravioris  
ratio.*

*Urethræ  
inflammatio  
quomodo  
sananda  
sit.*



fomentis sive cataplasmatibus discutientibus quam solertissime partem ægram foveat, tandemque, paululum temperata inflammatione, vel cathetere, vel filo cereo seu stilo plumbeo in urethram aliquoties per dies singulos demisso, coarctatam colic fistulam decenter rursus diducere studeat. Quando vero levior solum inflammatio adest, urinam cathetere educere licet.

*Observatio-  
nes quædam  
necessariæ.*

V. De cetero circa candelam sive filum cereum, quod in urethram propter ejus angustiam demitti secundum hætenus proposita debet, hæc omnino necessaria videtur observatio, *ne scilicet nimis alte atque in ipsam vesicam idem compellatur*. Hoc etenim ubi fit, periculum est, ne in qua forte ceræ particula inde in vesica secedat, ibidem remaneat, vesicæque calculum aliquem, ut facile fieri posset, sensim progignat. Denique ubi ab ipsius vesicæ morbo quodam, ut *excrescentia, abscessu aut ulcere, vel & ab ejusdem colli aut prostaticarum induratione* urinæ reddendæ difficultas exoritur, tum raro admodum sanari malum istud consuevit. (a) Fila certe plumbea atque cerea, imo & medicamenta ro- dentia prorsus hic inania, quin potius noxia sunt. E contrario, ubi difficultas reddendæ urinæ ab ulcere vel cicatrice in urethra, vel in inflatione ejus, specillis plumbeis vel cereis, oleo inunctis, curatio optime obtinebitur. Imo *cicatrices in urethra subortæ* difficilior equidem, sed tamen ex sententia utplurimum hac ratione quoque extenuari, atque sic urethram decenter rursus aperiri sive ampliari posse, BENEVOLVS, experientia edoctus, statuit, adeoque hæc ceteris præferenda esse remediis hætenus cognitis, quam rectissime docet; præsertim cum & ipse, hæc ita utplurimum se habere, usu cognoverim.

## C A P. XXVIII.

### *Qua ratione protrahi calculus ex urethra debeat.*

*Curatio, quæ  
fit sine se-  
ctione.*

I. NONNUNQUAM in hominibus calculosis calculus minor in urethram sive urinæ iter prolapsus in eadem hærescit, ibidemque non vehementes tantum dolores; sed urinæ quoque reddendæ difficultatem egregiam, imo quandoque omnimodam ejus suppressionem concitat. Hunc igitur ut quamprimum ejicere Medicus studeat, ipsa ægotantium calamitas exigit. Solet autem varia hic urethra calculi sedes esse. Nunc enim in principio urethræ, hoc est, post scrotum, circa perinæum in vesicæ collo vel sphinctere, nunc in media quasi urinæ fistula, ante scrotum, nunc denique longe ab exitu idem hærescit. Interdum in peculiari expansione sive sacco urethræ hæret, qualem DRANIVS obs. chir. 79. Tom. II. descripsit, atque etiam DENYSIVS obs. chirurg. pag. 144. talium mentionem fecit. Ego hoc Anno 1737. ipse calculos in ejusmodi sacco ante scrotum deprehendi, & quidem, quod rarum est, duos excidi ex eodem sacculo infra urethram: quos Tab. XXVII. fig. 16. & 17. delineari curavi. Quonam autem loco is hæreat, partim e doloribus conjiciendum est, partim etiam digitis atque instrumentis admotis explorandum. Curationis modus itidem solet esse varius. Namque primo medicamenta interna urinam moventia, ac simul externa, fomentationes scilicet, cataplasmata, balnea, clysteres, iisdem-  
que

(a) Vide BRUNNERI observationem illam, quæ extat in *Ephem. nat. curios. cent. I. & II. obs. 97. pag. 200.* itemque BENEVOLI libellum supra citatum.



que similia alia aliquandiu adhibentur. Sed si nihil isthæc omnia proficiunt urethra quoque aliquoties per injectum oleum olivarum aut amygdalarum dulcium intus inungitur, ut & via & calculus lubrica reddantur, isque facilius expelli queat; vel etiam tandem ob causam in balneum aliquod emolliens æger immittitur. Aliqui penem post calculum vinciunt, anteriorem autem fistulam sive urethram forti inflatione distendunt, ut via angusta amplior reddatur: quo nempe facilius prodire aut expelli calculus queat. Hujusmodi curationis modum Ægyptiis familiarem esse, auctores quidam, & cumprimis PROSPER ALPINVS in *Medicina Ægyptiorum*, referunt. lib. III. cap. XIV.

II. Si neque tum calculus excernitur, sed urina potius graviter impeditur; valentior utique medicinam tentare conveniet. Et primo quidem si adhuc in cervice vesicæ calculus hærescit, sectione quidem in pirenæo, ubi tactu percipitur, excidi potest, verum quia multi ferrum pertimescunt, reprimi quoque per immissum catheterem in vesicam is poterit. Sed quia metuendum, ne calculus hic in vesica augeatur, & deinde majori longe periculo ægrum exponat, sectionem ego præferrem. Ita etiam si in hoc loco firmitus hæserit, quam ut cathetere repelli queat, gravissimasque noxas hominis concitaverit, vel si eum ob prædictas rationes reprimere nolimus, per adhibitam sectionem istam, quam Medici *Apparatum minorem* vocant, (vid. cap. seq. CXL.) immisso scilicet uno alterove digito, pro calculo sustentando, in anum, decenter eximi debet. Neque enim alia ratione sæpe servari æger poterit. Si prope glandem calculus hærescit, longe optimum fuerit, post adhibita medicamenta superius proposita, (§. 1.) oleis identidem in urethram injectis viam angustam lubricare, & relaxare, atque tum vel per admotos digitos antrosum versus calculum compellere, vel etiam, præcipue in pueris, suctione ore vel mulieris aut nutricis, vel ministri cujusdam calculum hærescentem emoliri. Ita enim vulnus, cicatrix & fistula urethræ optime avertuntur. (a) Si prope exitum calculus hærescit; tum volsella, sive uncinulo, aut specillo quodam oriculario (vid. Tab. VI. fig. 14.) prehendere ipsum leniterque protrahere conveniet. (b) Si ne sic quidem calculus extrahi potest, haud alienum erit, illud instrumentum adhibere, quod MARINVS (c) hunc in usum egregie commendavit descripsitque. (Vid. Tab. XXIX. fig. 7.) Scilicet pars altera A in urethram ultra calculum ante demittitur, eaque calculus capitur; pars vero altera B manu prehenditur calculusque ejus ope protrahitur. Quod si vero hæc curandi rationes aut inflammatio quædam, aut calculi magnitudo, præter omnem spem atque expectationem, irritas reddiderit; tum protinus a ferro sanitatis præsidium petendum esse & TVLPIVS (d) & GARENGEOTIVS (e) statuunt. Namque hic mox glandem supremam forfice adhibita incidit, specilloque sive uncinulo in plagam demisso calculum expellit: deinde vino infuso plagam eluit, linamentisque cum balsamo quodam glutinoso impositis, deligat.

III. Denique si nihil omnino ex hætenus propositis ad protrahendum calculum suffecerit; prouti quidem accidere sæpe solet, si calculus in media fistula hærescit; unicum auxilium superest, ne propter urinæ reddendæ difficultatem atque intensissimos exprimendi nifus & cruciatus æger interimatur, eam colis partem; in qua calculus hærescit, scalpello incidere atque tum calculum

*Curatio que  
ferramentis  
instituitur.*

*Quid facien-  
dum si cal-  
culus in ure-  
thra media  
hærescit.*

Y 2

exi-

(a) Vid. HORNII *chirurg.* nec non TVLPII *observationes*, ubi hac ratione quidam curati sunt. Lib. III. cap. 8.

(b) Exemplum ope volsellæ protracti calculi vid. in Scultet. obs. 63.

(c) Vid. MARINI *practica* fig. 1.

(d) Loco modo citato. Ubi ait: si calculus immoretur prope glandem, seca intrepide, certus cicatricis asperitatem non tam reformidandam in carnosa colis sine, quam in medio membrana- rum ductu.

(e) Operat. *chirurg.* pag. 572.



eximere. Operandi modus hic est. Cutis extrema, quemadmodum CELSVS (a) jam tum præcepit quamplurimum attrahitur, vel prout alii proponunt, (b) retrorsum adducitur, conditaque vel & nudata glande, post calculum penis ligatur; ne qua forte per admotas Medici manus retro idem compellatur. Tum Medicus sinistræ manus pollicem calculo sic objicit, ne antrorsum versus cedere idem valeat. Dextra manu coles a latere recta plaga inciditur, atque tum calculus vel digitis, vel instrumentis, volsella nimirum, specillo aut uncinulo, admotis, evellitur. Calculo extracto, cutis remittitur, vulnus autem idoneo balsamo vulnerario inungitur, emplastroque contegitur. Sic enim fit, ut & incisum colem integra pars cutis contegat, urina naturaliter profluat, & vulneris denique glutinatio expedita magis fiat. Ubi paulo longior plaga facienda fuit, longe optimum erit, fistulam quandam plumbeam in urethram ultra vulnus per aliquod tempus demittere, qua scilicet urina profluens excipitur atque emittatur. Namque si per vulnus eadem profluit, maximum utique periculum est; ne ob acrimoniam urinæ graves admodum dolores & inflammatio moveantur, verum & insigniter glutinatio impediatur, atque fistula denique in urethra excitetur. Poterit autem quam commodissime ab urina sartum tectumque vulnus servari, si diebus ante & post curationem proximis parcissimum æger potum sumserit. Ceterum quod a latere incidendum colem Medici præcipiant, id equidem sine consilio neququam ipsi faciunt. Namque infima colicis pars si conciditur, longe facilius ab urina profluente vulnus infestatur. In superiori autem colicis parte plagam instituere ideo minus consultum videtur, quia tum nimis graviter penis corpora cavernosa concidenda essent, unde gravis plerumque sanguinis profusio cum noxis aliis periculosissimis essent metueda. ALBVCASIS, Arabum Medicus quondam præstantissimus, calculum in itinere urinæ hærentem, *terebrâ* sive ferro perforante, quod delineat, si digitis expelli nequit, diffringendum esse docet. (c) Quod si vero hoc non succedat, penem utrinque juxta calculum ligat, ne huc vel illuc cedere queat, eumque postea excindit. Vid. oper. ejus Pars II. cap. LXI.

Thibautii  
methodus.

IV. Hactenus usitatiorem urethræ incidendæ rationem explicavimus: restat, ut de nova quadam, quam clarissimus quondam Parisiensium Chirurgus THIBAUTIVS excogitavit, atque GARENGEOTIVS descripsit, breviter differamus. Scilicet is colem sinistrâ manuprehendit, atque cutem a latere incidit. Mox urethram, ope scalpelli a corpore cavernoso resolutam, eo loco, in quo calculus hærescit, quique cavernoso corpori fere subjacet, per adhibitum scalpellum linea recta dividit, extractoque per uncinulum aut volsellam calculo, plagam inflictam balsamo quodam glutinoso inungit, eandemque linamentis atque splenio contactam fascia superinjecta graviter deligat. Sic enim fit, ut incisam urethram integra corporis cavernosi pars contegat, itaque citius, quam fieri alias solet, vulneris oræ, sicut asseverant, coalescant.

Quando in  
peculiari  
sacculo hæ-  
ret.

V. Quando in peculiari sacculo hærent hi calculi, tunc, ut mihi videtur, optime eo in loco excinditur, ubi commodissime, & quidem a latere ad latentes calculos accedere possumus; ita enim calculos illos, quorum supra N. I. mentionem feci, & quos Tab. XXII. fig. 16. & 17. delineandos curavi, amplafatis plaga extrahi, sacci cavum primo unguento digerente & postea rodentibus medicamentis, ut mercurio præcipitato rubro, & quandoque etiam lapide infernali mundavi, ac postea balsamo copaivæ & emplastris exiguis glutinantibus

(a) Medic. Lib. VII. cap. 26.

(b) Vid. WIEDENMANNVM in lib. germ. de Lithotomia pag. 58. & 59.

(c) Idem instrumentum quoque proponit PARÆVS aliique. Verum quam facillime urethra hoc ipso graviter lædi potest.



bus vulnus glutinavi. Difficulus vero hic interdum glutinationem succedere vel DRANII docet observatio 79. ubi varia sanandi artificia frustra tentata sunt.

C A P. XXIX.

*De Lithotomia sive calculi vesicæ sectione in masculis speciatim de veteri ista, quæ minori cum apparatu perficitur, & nonnulla de Nephrotomia proponam.*

I. LITHOTOMIAM sive calculi sectionem quando nominamus, eam hic *Calculi unde nascantur.* designamus curationem, qua calculus, aut si quid forte aliud in vesica concretum atque induratum est, prægressa sectione ex eadem protrahitur: hic & CYSTOTOMIA a nonnullis appellatur, a vocabulo Græco Κύστις, quod vesicam denotat, quemadmodum si calculus ex rene excinditur, quod tamen raro contingit, *Nephrotomia* res nuncupatur, utpote de qua deinceps nonnulla dicturi sumus. (a) Solet autem ideo præcipue necessaria esse calculi e vesica extractio sive sectio, quia calculi, urethræ amplitudinem superantes, alia ratione tolli vel ejici e vesica, hætenus perspecta certa ratione nequeunt; sed ejus potius inflammationem atque exulcerationem, urinæ reddendæ difficultatem, imo ejus omnimodam suppressionem, spasmos denique & cruciatus intensissimos concitant, itaque aut sensum hominem conficiunt, aut saltem in statum quam maxime miserabilem ac desperatum conjiciunt. Non sum equidem nescius, esse in Medicis aliquos, qui medicamentis internis diminui, conterri atque expelli vesicæ calculos posse statuunt: (b) sed minus tamen certam vel promptam, nullisque adhuc satis luculentis experimentis comprobatam esse artem illam, res ipsa loquitur, atque exempla illa casus magis fortuitos, quam certam medicamenti viam ostendunt. Vix enim, quantum ego quidem scio, liberari quisquam a paulo majori calculo, nisi per adhibitam sectionem, potuit. Quum tamen dubium non sit, quin ditiores quique, magnates ac splendidiore homines, ne vel maximis etiam sumtibus parcerent, siquidem parari medicamenta ad conterendum calculum valentia possent. Ita nec *Ægyptiacus modus*: quo flatu urethram ita dilatari posse nonnulli perhibent, ut calculus ejici possit, (c) ullo unquam successu, quantum novi, in Europa comprobatus est. Ceterum quia difficilis admodum, maximisque cum periculis conjuncta est calculi sectio, mirum non est, a longinquis retro sæculis atque adeo a prima inde

(a) In omnibus corporis partibus calculos posse generari, imo & inventos esse, non solum varii medici observarunt & notarunt; verum speciatim quamplurima ejus modi exempla collegit atque publicavit CRELLIVS, Lipsiæ 1708. in schediasmate, quod inscripsit, *Marmorea memoria Seligmanni*. Quia vero, ubicunque hærent, noxas & dolores inferunt, hinc si fieri potest, omnes eximendi sunt, quacumque id ratione optime fieri potest.

(b) In actis anglic. notabile ejusmodi exemplum paucis ab hinc annis descripsit & calculos illos diffractos magna ex parte adhuc asservo.

(c) Sicut Pr. ALPINVS in Medicina Ægypt. perhibet p. 104.



de salutaris artis origine in Medicis vel Chirurgis aliquos extitisse, qui, sepositis fere medendi studiis reliquis omnibus, unicam lithotomiam sive calculum secandi artem excoluerunt atque tractarunt. (a) Nisi enim veram vesicæ partium vicinarum structuram atque indolem penitus perspectam habuerint; nisi item enchiridibus sive artificiis ad id necessariis probe instructi atque exercitati fuerint, qui calculi sectionem suscipiunt; verendum magnopere est, ne, qui servari debebat, crudeliter interficiatur.

Calculi unde nascantur.

II. Solent autem, ut experientia docet, pueri sæpius, quam adulti; (b) pauperiorum filii sæpius, quam ditiorum, a vesicæ calculo infestari. Siquidem illi non iusto solum copiosorem, sed crassiores etiam atque stomacho minus convenientem cibum sumere consueverunt; unde primo sanguis atque pituita crassior, deinceps vero ex hac vel renum vel vesicæ calculus aliquis subnascitur. Nam ut plurimum prima calculi causa in renum obstructione vel inflammatione sita esse deprehenditur. Quæ autem ab aliquibus magno numero recenseri solent, calculi causæ reliquæ, ut casei frequens usus, vini rhenani potus, &c. istæ partim incertæ, partim etiam ita comparatæ sunt, ut tuto ignorari a chirurgo lithotomo queant. Fere semper autem in renibus nasci ab initio calculi sueverunt: hinc in vesicam delapsi mirifice ut plurimum atque ad aliquot uncias, quin imo ad unam alteramve libram quandoque crescunt (c) indeque vesicæ calculi communiter appellantur. Namque ubi in renibus remanet, quicquid concretum est, tum renum calculo laborare homines dicuntur. Atque renum equidem calculus, præsertim si paulo major est, nulla prorsus ratione potest tolli, nisi forte lumborum abscessum aliquem idem concitaverit, eoque vel sponte vel scalpello aperto calculus protrahatur: quam sectionem nonnulli Nephrotomiam appellant, ut supra jam indicavi. Contra vero vesicæ calculus, nisi prorsus insolitam magnitudinem is habuerit, evelli utique sectionis beneficio variis artificiis & modis potest. Nonnunquam unicus solum, interdum autem uno plures, duo, tres, decem, aut viginti, aut complures etiam calculi intus in vesica reperiuntur. (d) Porro calculi vesicæ nunc læves sunt, nunc inæquales, asperi & velut spinosi sive acuminati; nunc molliores & quasi gypei; nunc vero duriores, imo durissimi.

Calculus quomodo nascatur.

III. Ante vero semper, quam ad sectionem aggredimur, dispiciendum solertissime est, num revera calculus aliquis intus in vesica delitescat: quia sæpius ejusmodi symptomata oriuntur, quasi calculus adest, ab alia causa, ut tumore, abscessu, inflammatione vel ulcere vesicæ aut cervicis ejus, ubi tamen calculus non adest. Imprudentis enim atque crudelis est, temere homines miseros periculosissima hac curatione, sine summa necessitate, discruciare, imo vero, quod fieri plerumque in lithotomia solet, in præsentissimum mortis periculum adducere; semetipsum vero talem Medicum gerere, qui aut ignorasse morbum, aut fefellisse ægrum videatur. Utique vero calculum aliquem intus in vesica hærescere, his fere signis cognoscimus. Doloris plerumque, pruritus atque æstus in ea parte, qua vesica hæret, sensus est. Urina plerumque difficulter neque sine doloribus redditur. Eadem fere semper pallida sive turbida est, atque pravi odoris. In fundo vitri seu vasculi, quo eadem continetur, ut plurimum materia quædam mucosa, nonnunquam etiam purulenta, imo & in-

(a) Conf. Jusjurandum HIPPOCRATIS, CELSVS Lib. VIII. cap. 26. ÆGINETA lib. III. c. 45. lib. VI. cap. 60.

(b) Hoc ALBVCASIS jam Part. II. cap. 60. alique plures notarunt.

(c) Conf. GROENEVELT, diff. litholog. pag. 34. & 67. DENYS oper. chir. variis in Tabulis CRELLII Schediasma supra laudatum.

(d) Conf. GROENEVELT. loco citato p. 22. & RVYSCH. observ. chirurg. I. pag. 2, ubi quadraginta duo calculi in utroque casu extracti sunt.



interdum, si calculus est aculeatus, sanguinolenta sese ostendit. Ac pruritus quidem cum doloribus omnes istæ partes sentiunt, quæ perinæum inter atque glandem extremam interpositæ sunt. Itaque pueri, a calculo divexati, manibus admotis continuo præputium attrahuntur, atque ita, dum doloris aliquod levamen inde sentiunt, insigniter plerumque extendunt. Sed hætenus quidem proposita calculi signa indubia nequiquam sunt, aut perpetua. Namque nullum fere ex jamjam recensitis malum est, quin aut a vesicæ inflammatione, vel abscessu, vel exulceratione quadam, vel scirrho cervicis vesicæ sive glandulæ prostatæ, aut & ab urinæ acredine, aut aliis denique causis excitari queat, vel soleat. Aliquanto promptior atque certior iste calculum cognoscendi modus est, quem cum ab antiquis Medicis, tum etiam a lithotomis vulgaribus atque circumforaneis hodiernum adhiberi observavimus. Scilicet hi, ægro vel supino vel stante, uno vel binis etiam digitis in ægrotantis anum insertis, alteraque manu pubis regioni imposita, quam curiosissime vesicam proxime intestino recto superimpositam explorant, & gravitate vel duritie quadam reperta, calculum intus delitescere, his ipsis suspicantur, imo certe statuunt. At enim vero neque hoc quidem indicium, quamvis nullo modo contemnendum, prorsus ab errore liberum est censendum: propterea quod, ipsa experientia teste, scirrhus aut callus, aut tumor aliquis, in vesica vel intestino recto, vel glandula prostata subnatus, eundem plane sensum præbere valeat. Certissima igitur calculum vesicæ cognoscendi ratio hæc est. Catheter aliquis conveniens sive fistula ænea aut argentea, ægro supino, capiteque paululum elevato, provide per urethram in vesicam, quemadmodum supra expositum est, (cap. CXXXVII.) demittitur atque leniter huc atque illuc vertitur. Namque tunc durities & sonus calculi tantummodo præsentiam, sed ipsam quoque illius magnitudinem quodammodo significabunt: citius aut serius, pro varia nempe calculorum magnitudine. (a) Nam si facile reperitur, & continuo attingitur, eum magnum esse indicat; si difficulter, aut semel perceptus denuo quasi evanescat, ipsum parvum esse suspicamur. Ceterum fateri omnino cogimur, non catheteris solum applicationem, sed ipsum etiam, quod inde instituitur, de calculo iudicium, difficultatibus quibusdam premi. Nonnunquam enim 1. durities intus animadversa non tam calculum, quam vesicæ partem aliquam induratum atque prominentem sive tumorem aliquem excrecentem designat. Deinde 2. calculus aliquis, præsertim exiguus, in recessibus sive cellulis, quales vesicæ nonnunquam adjunctæ sunt, (b) ita penitus delitescit, ut nulla ratione attingi aut deprehendi ab immissa fistula ænea queat. Denique 3. incidere quandoque istiusmodi casus solent, ubi, quo minus applicare catheterem queamus, propter inflammationem dictarum partium vel alias res circumstantes prohibemur; adeoque digitis in anum insertis vesicam explorare cogimur: quibus etiam magnitudinem ejus satis egregie cognoscimus.

IV. Simulatque vero ex hætenus propositis indiciis cognoscimus, utique *Pregnoſis.* calculum aliquem in vesica delitescere, eundemque ita grandem existere, ut excerni per urethram nequeat, isque gravia symptomata ægro concitet, (c) quia medicamenta aut vana aut saltem fallacissima sunt, miserum, sed unicum tamen adhuc auxilium est, si æger inde liberari cupit, calculum e vesica sectionis ope extrahere. Quodsi ergo ultima quæque experiri, hoc est, calculi sectionem sustinere.

(a) Ratione signorum calculi DENYSIVS uberius consulatur in obs. chir. p. 27. & seq. qui egregie de iis scripsit.

(b) Vid. Tab. XXXI. fig. 1. & 2.

(c) Si gravia symptomata ægrum non exerceant, calculus sæpe ad vitæ finem gestari potest, imo & medicamentis quibusdam demulceri, ut tolerari queat; sicut videri potest in ROVSSETO, WEDELII diss. de lithot. & Ephem. Nat. Cur. Cent. IX. obs. 2.



nere ægro vel agnatis ob mali vehementiam statutum est, id imprimis sibi datum esse æquus & prudens Medicus sciat, ut, quo loco res sit, quantum periculum, quanta item salutis spes adsit, iis aperte significet. Nunquam idem plus promittat, quam præstari forsan certe potest: ne scilicet, ubi ars victa malo fuerit, vel ignorasse, vel fefellisse videatur. Histrionis enim est, lucri tantum captandi gratia quam maxime difficilem atque periculosam ejusmodi operationem suscipere, certissimamque salutem istiusmodi ægris promittere, qui præsentissimo mortis periculo sunt expositi, quanquam enim & instrumentis convenientibus, & novis subinde encheirisis ita mirifice hodie excultum sit calculum e vesica excindendi artificium, ut longe felicius nunc, quam olim quidem factum est, perfici illud queat; neque adeo facile homines, præcipue si boni ceteroquin habitus sunt, si denique Medicus officio suo rite fungitur, ab adhibita sectione emoriantur, ut olim; tamen nunquam non aliquid saltem discriminis calculosorum curationi solet esse adjunctum. Deinde ista quoque necessaria observatio videtur; hoc magis semper difficilem esse curationem, quo grandior, quoque magis inæqualis aut spinosus calculus existit. Nonnunquam enim ita grandis in vesica calculus inest, ut, sicut observationes testantur, nulla ratione protrahi atque evelli exinde possit; (a) *mediocres* tamen, imo etiam paulo majores facilius sæpe, si modo læves sunt, extrahuntur, quam valde exigui; (b) quia difficulter sæpe hi inveniri possunt. Solent autem fere semper hoc majores existere calculi, quo diutius in vesica hæserunt: siquidem ipsi continuum ab arenosa materia, externæ superficiei sensim lamellarum plerumque in similitudinem adhærescente, capiunt incrementum, vel etiam per granula. Ut proinde minus bene sibi met atque aliis consulant, qui calculi sectionem justo diutius aut exhorrescunt, aut differendam aliis persuadent, præsertim si jam valde grandis cognoscitur. Quo enim tardius ad operationem proceditur, eo major fit, eoque sæpe difficilior quoque ac periculosior eadem fiat, necesse est. Denique si jam tum insigniter vel calculo vel alio quodam morbo debilitati ægri sunt; tum itidem valde periculosa, quin imo prorsus quandoque aliena esse calculi sectio consuevit. Siquidem periculum est, ne vel sub ipso opere, vel statim etiam post adhibitam sectionem homines emoriantur. Contra vero quo majores homini calculoso vires sunt, quo melius se habet, quoque læviores ac mediocres magis calculi existunt, ut ut plures in eadem vesica hæreant; hoc quoque promptior esse ac felicior curatio consuevit.

Ante sectionem quid fieri debeat.

V. Quoties igitur cumque diligenter circumspectis atque ponderatis iis, quæ hætenus proposita sunt, calculi sectionem experiri statutum est; tria potissimum considerare ac providere prudens quisque Medicus debet. Nimirum 1. quid ante fieri debeat, quam operatio sive curatio suspicatur: deinde 2. quid in ipsa operatione factu opus sit: tum & denique 3. quid post confectam operationem facere conveniat. Scilicet ante operationem & prudenter is constituat, quis operandi modus, cum varii sint, adhiberi quæ ceteris hic possit aut debeat: deinde β modum operationi tempus eligat: tum γ ægrum hominem ad sectionem quam solertissime præparet: denique δ necessarium instrumentorum apparatus diligentissime instruat: tandem ac postremo ε quam aptissime fieri potest, ægrum hominem in ipsa sectione collocet, deponat vel constituat.

Secundæ rationes variæ quænam sint.

VI. Atque ad primum quidem curandis negotium, sive sectionis methodi deletionum quod attinet, sciendum hic est, quatuor potissimum a Medicis hucusque excogitatas esse atque adhibitas vesicæ calculum excindendi rationes. Prima eaque antiquissima est, quæ minori cum apparatu perficitur, indeque methodus cum parvo appa-

(a) Ita enim cel. Olaus BORICHIVS ob operationem mortuus est: quia calculus tantus fuit, ut extrahi non potuerit. Vid. Vita ejus in conspectu Scriptor. chemic. illustrium.

(b) Docuit hoc ALBVCASIS l. c. itemque Frater JACOBVS.



*apparatu*, vel & *methodus* CELSI, (a) a nonnullis vero *methodus Guidoniana* a *Guidone Cauliaco*, quia eam quoque laudavit, (b) nuncupatur. Altera, quia majori plerumque cum apparatu fieri solet, *methodus cum magno apparatu* itemque *Mariana* *methodus* vocatur. Ad ætatem si respexeris, *methodum* posteriorem *novam* vel saltem *recentiorem* nonnulli appellarunt, utpote binis demum abhinc sæculis a Medicis excultam, istam vero sive priorem *antiquam*, utpote ante bis forte mille jam tum annos in scholis Medicorum explicatam atque per multa sæcula unice ab his adhibitam. Tertiam denique sectionis rationem *apparatum altum* itemque *hypogastricam sectionem* vocant. Siquidem secundum illam in ventre infimo suprema vesicæ pars, super pubis osse nimirum, inciditur; quum in reliquis circa perinæum, sive loco infra partes naturales, intra anum scilicet & scrotum posito, sectio instituitur. Solet autem illa ipsa *methodus Franconica* ut plurimum appellari, propterea quod PETRVS FRANCVS primus fuit, qui eam, necessitate id exigente, exercuit, adeoque ejusdem auctor extitit; quamvis eam postea rursus dissuaserit. His tandem quartus idemque recentissimus secandi modus circa superioris sæculi finem primum a *Fratre JACOBO*, (FRERE JAQVES dicto) monacho Gallò, superadditus atque passim cum maxima omnium admiratione ab ipso primum adhibitus est: quam propterea plerique hætenus *methodum fratris Jacobi*, alii deinde *Ravianam*, alii (c) *lateralem* vocare solent. Nos de hætenus memoratis lithotomiæ methodis singulis, quia omnes haud obiter peruestigavimus atque exercuimus, sigillatim atque ordine tractabimus.

VII. *Temporis* utique rationem aliquam in lithotomia habendam esse, supra diximus, illudque vulgo in *tempus electionis* & *necessitatis* dividere solent. Quod ut planius intelligatur, observandum est, nullam propemodum anni partem sive tempestatem, præcipue in Germaniæ nostræ regionibus, esse, qua suscipi vel expediri calculi curatio nequeat. Æstus enim, quem æstivo tempore sentimus, mediocris satisque præ calidioribus regionibus temperatus plerumque est: frigus autem hyemis furnis nostris sive hypocaustis commode temperari in conclavibus posse, sicut res exigit, ipsa experientia loquitur. Tametsi autem *vernum atque autumnale tempus operationi huic quam maxime aptum sit*; adeoque si nihil urget, illud si non est, expectandum: imprudentis tamen atque adeo crudelis Medici foret, præsertim in Germania, pertinaciter hæc tempestates expectare semper velle, atque interim homines calculosos miserabiliterque discruciatos absque auxilio relinquere. Neque enim exempla defunt eorum, qui propter minus opportunam ejusmodi Medicorum cunctationem, partim a doloribus, partim etiam a noxis supervenientibus aliis, miserrime perierunt, antequam autumnus aut ver accessit: (d) quum tamen iidem servari utique per adhibitam curationem promptiorem potuissent.

VIII. *Preparatio ægri*, siquidem is ceteroquin sanus fuerit, his fere modis instituenda est. Jubeatur is proximis ante sectionem diebus *tenuissimo victu* contentus esse. Deinde, si adultus homo est, sique vires sunt *sanguis per venas* detrahatur, id quod vero in pueris haud opus est: alvus autem medicamentis convenientibus laxetur. Circa vespæram ejus diei, quæ curationem præcedit; vel & mane ipsa curationis die, denuo alvus per admotum clysterem homini ægro ducatur: ne qua forte Medicus a stercore, quod excerni plerumque a calculosis scapello subjectis ipsa operatione solet, in opere suo impediatur. Sin jam tum per

*Tempus lithotomiæ instituendæ commodum.*

*Preparatio ægri quomodo fiat.*

*Heisteri Chirurgicæ Tom. III.*

Z

se

(a.) Namque hanc a CELSO jam tum *lib. VIII. cap. 26.* quam accuratissime atque deinde etiam ab ALBVCase Arabe descriptam deprehendimus.

(b.) In chirurgia sua.

(c.) Ut Jac. DOUGLAS, Anglus, in *lib. de laterali sectione.*

(d.) Vid. DIONIS Chirurg. operat. de Lithotomia & DENYSII operat. chir. pag. 37.



se debilis atque ab aliis noxis infestatus homo est ; tum per adhibita medicamenta convenientia victusque rationem commodam præparare illum ad curationem sustinendam oportebit . Quatuor vel tribus ante operationem horis jusculum aliquod roborans , vel & , more apud Parisinos consueto , vina ova recentia eaque mollia sive sorbilia cum vino optimo ægris præbeantur . Si pueri sunt , unicum ovum præbuisse suffecerit . Denique crines in perinæo , si qui nempe adsunt , abradantur .

*Instrumentorum atque ceterarum rerum apparatus ad pri-sciam lithotomiam necessarius .* IX. *Ad instrumenta , fascias atque apparatus reliquum quod attinet , ea , pro variis lithotomiæ methodis , varia sint , necesse est .* Nos singula figillatim , & primo quidem loco ea descripturi sumus , quæ ad veterem operandi modum sive apparatus parvum necessaria videntur . Scilicet hic ad infligendam plagam unicam scalpellum , ( Tab. XXVII. fig. 8. ) vel , hujus etiam loco , novacula , cum unco quodam ( fig. 10. ) aut forceipe etiam sufficit . Ad deligationem instituendam in promptu esse debent fascia litteræ T formam exhibens , eademque quoad partem directam seu verticalem in duas lineas divisa , quemadmodum scilicet Tab. II. fig. h. demonstrat : deinde splenium aliquod quadratum crassum , & quatuor circiter digitos transversos latum , porro linamenta carpta , & denique pulvis aliquis stypticulus , aut , quod satius videtur , spiritus vini rectificatissimus sive optimus , pro sanguine scilicet , si forte vehementius profluit , cohibendo ; aut acus quædam curvâ cum filo , pro vase ligando .

*Positura ægri .* X. Qualis autem porro ægri hominis , siquidem is adultus est , positura esse debeat , Tab. XXIX. fig. 9. designavimus , pleniusque describere infra studerimus . Hic enim prolixius eandem explicare , ideo minus necessarium visum est , quia non nisi erroneas atque histriones veterem istam lithotomiæ rationem in adultis adhibere consueverunt . Si vero pueri calculosi , secundum veterem lithotomiæ methodum curandi sunt , tunc tamen vel eadem ratione collocandus ; vel bins etiam opus est ministris . Quorum equidem alteruter idemque robustior in sella quadam elatiori consideat , pulvillumque , linamento duplici vel quadruplici atque in terram usque dependente contextum , genibusque impositum contineat . Super hunc ipsum pulvillum homuncio sic deponitur contineturque , ubi Tab. XXVIII. fig. 1. ex TOLETO designavimus . Si jam tum aliquando robustior puer est , minister alter humores ejusdem contineat , ne facile commovere sese is valeat . Denique si major jam tum pueri secandi statura est , ut si anno decimo quarto jam vicinus , tum is collocari haud incommode ista figura poterit , quam , ut jam diximus , Tabula nostra XXIX. fig. 9. vel & TOLETI Tabula VII. designat .

*Lithotomiæ methodus antiqua quam sit .* XI. Puero , quam commodissime fieri potest , disposito , proximum est , ut ad ipsam calculi sectionem Medicus aggrediatur . Solet autem , secundum veterem lithotomiæ methodum , hoc fere modo vesicæ calculus excindi . Ante omnia Medicus sinistræ manus indice atque medio digitis in oleo tinctis atque in anum ægri , rite dispositi , quousque quamque leniter fieri potest , demissis , sursumque versus adductis , & altera manu regioni pubis impressa , calculum inquirat , eum digitis suis ad sinistrum perinæi latus versus anum compellat , eundemque graviter inibi sic digitis illis contineat , ut quoddam quasi tuberculum in perinæo faciat . ( Vid. Tab. XXIX. fig. 5. A. ) Quo equidem facto , partem illam in sinistro perinæi latere prominentem per admotum dextra manu scalpellum idem sic indicat , ut cutis primo cum subjecta pinguedine amplo satis vulnere , litt. BB , atque ipsa tandem inferior vesica ad calculum usque ea magnitudine dividatur , ut extrahi commodè per inflictam plagam calculus queat . Oportet autem quam exactissime singula quæque interposita con-



concidi, ne scilicet a fibrillis, in vulnere forte relictis, calculus protrahendus, præcipue si asperior item extiterit, impediatur; neve, vi illis disruptis, gravissimi dolores, nervorum distentiones atque inflammatio concitentur. Incisa, quemadmodum præcepimus, vesica, (vid. fig. 6. Medicus, posito vel administris commisso scalpello, calculum, (vid. litt. A.) siquidem is minutus est, digitis in ano hærentibus expellat; vel, ubi grandior atque asperior idem extiterit, digitis sursum prementibus atque unco B circa partem superiorem applicato, protrahat. Sin forte calculus relabatur, vel fortius in vulnere hæreat, forcipe etiam investigari atque extrahi potest.

XII. Calculo hunc in modum protracto, necessarium utique videtur, digito; vel cathetere specillove, in vesicam demisso, vid. Tab. XXVII. fig. II.) *Quid post operationem fiat.* quam solertissime explorare, num quid forte præterea ex calculis intus in vesica reliquum adhuc manserit. Solet autem fere semper nonnihil ex calculis reliqui esse, quoties educti latera plana admodum atque lævia existunt, vel calculus extractus fractus cognoscitur. Si quid igitur intus remansit; tum id quam diligentissime, modo jamjam proposito, vel digitis insertis, vel unco, vel & forcipe, vel vossella quadam calculari, quam Medici vocant, extrahere convenit. Si nihil intus remansisse cognoscitur; confecta operatio est & æger in lectum deponitur. Cetera autem, quæ ad deligationem, victus rationem atque vulneris glutinationem pertinent, iisdem plane regulis comprehenduntur, quas inferius circa recentiorum lithotomiarum methodum sive apparatus magnum explicabimus.

XIII. Sed ne quis tandem ignoret, quid de veteri illa *Celsistica*, quam hætenus explicavimus, lithotomiarum methodo statuendum sit, observasse juvat, *Judicium de apparatus parvo.* ab histrionibus equidem sive lithotomis circumforaneis solum communiter illam, tanquam simplicissimam hodiernum adhiberi; recentiores autem Medicos ac Chirurgos plerisque eam rejicere, aut non amplius abhibere, (a) adeoque ab eadem abstinere, atque ceteras potius easdemque recentiores calculos excindendi rationes quemlibet pro captu sive ingenio suo adhibere. Attamen in pueris, ad annum usque decimum quartum, quod tempus & a CELSO & ab ALBVCase huic operationi constitutum est, ubi calculus facile digitis ad perinæum compelli potest, recte meritoque adhibetur. Nam simplicior & facilior modus valde laborioso, me iudice, semper, ubi adhiberi potest, præferendus: præsertim quia tam sæpe & tam diu, non solum olim, verum & nostris adhuc temporibus in pueris atque juvenibus felicissime institutus est. (b) Nam profecto præ Mariano & laterali *hæc habet commoda*, quod primo paucissimis instrumentis & sæpe solo scalpello perficiatur; deinde quod urethra a catheteribus non adeo afficiatur; porro quod vesica a tenaculis sive forcipibus haud facile apprehendatur, eisque graviter lædatur, quia iis hic raro indigemus; præterea quod calculus, facta sectione, facilius reperiatur, atque educatur, quam in Mariano & laterali: ubi quandoque a præstantissimis magistris deprehendi non potuit; (c) denique quia fundamentum dat sectioni laterali circa locum incidendum. Nam CELSVS ait (d) *juxta anum incidit cutis plaga usque ad cervicem vesicæ debet, & ALBVCase propellendum esse* cal-

Z 2

(a) Inter quos adhuc DRANIVS, in Parallele, pag. 51. GARENGEOT. in chirurg. oper. DENYSIVS in obs. chirurg. pag. 95.

(b) Præter nostras observationes conf. MVYSII obs. chir. Dec. XI. obs. 3. MARINI Practica, & DENYSII obs. chir. p. 95.

(c) Quod DENYSIVS de BORTELIO & RAVIO notat, Lib. citat. pag. 57. 69. 71. 90. 91. 109. 122.

(d) Lib. VII. cap. 26.



*calculus docet ad radicem coxæ, ubi postea sectio instituenda.* ( a ) Hinc prædictis in casibus ego ipse eam feliciter exercui, & adhuc quandoque exerceo, atque experientissimus MARINVS quoque eam in pueris varias ob causas addæ difficultatem a calculo, firmiter in vesicæ collo sive in perinæo hærescente, sentiunt, nec tamen vel ab adhibitis medicamentis internis, vel ab æneæ fistula, in urethram demissa, curationem recipiunt, operatio hæc subinde instituenda est. ( Vid. supra cap. CXXXIX. ) Ita & quandoque contingit, ut calculi vesicæ versus perinæum gravitent, sic ut a calculo tumeat, calculusque ibi tactu percipi queat. Hi calculi quoque commode parvo apparatu etiam in adulti excidi possunt. ( c ) Alias in adultis, ut CELSVS & ALBVCASIS jam notarunt, non sine periculo succedit.

Quid nephrotomia  
sentiendum.

XIV. Denique quia *calculi in renibus* etiam sæpe magnum ægris & medicis negotium creant, neque medicamentis semper tolli possunt, ægri vero a sævissimis istis cruciatibus, quos concitant, liberari gestiunt, sed rarius in recentiorum chirurgorum libris de hoc argumento aliquid reperitur, haud alienum ab instituto nostro esse existimo, si, *an in calculo renum sectio locum quoque habeat*, hic pauci disceptaverim. Plerique qui hac de re aliquam in scriptis suis mentionem injiciunt, negotium hoc nimis periculosum judicant, adeoque & illud prorsus rejiciunt. Interea tamen non desunt argumenta, rationes & exempla, quæ ad eam commendandam, præsertim certis in casibus, egregie faciunt. ( d ) Nam primo præsto sunt observationes, ubi ægri a vulneribus renum, quæ a tergo acceperant, sanati fuerunt, ( e ) & quidem interdum sine adeo gravibus symptomatibus. Ut enim alia mihi nota exempla nunc taceam, anno 1735. vir quidam in vicino oppido ab alio in dorso & quidem renis dextri regione satis amplo vulnere, ictu cultri vulnerabatur, ita ut per plures dies sanguis aut urina sanguinea per vulnus & urethram redderetur copiosa; attamen postquam huc Helmstadium translatus meæque curæ subjectus est, intra quatuor fere hebdomades feliciter sanatus est. Adeoque certissimum est, vulnera omnia renum, præsertim si a tergo infliguntur, & in cavum ventris non penetrant, non esse mortifera, ut nonnulli putant, sed sæpius sanari. Deinde HIPPOCRATES, licet a sectione calculi vesicæ suos discipulos dehortetur, tamen ubi de renum morbis agit, ( f ) docet; *cum intumuerit & elevatus fuerit, sub idem tempus juxta renem secato*, & extracto pure arenam diureticis sanato. Si enim sectus fuerit, evasione spes est; sin minus, homini commoritur. Idem repetit l. c. cap. 16. tit. 8. ubi ait; *cum suppuratus fuerit ren, circa spinam intumescit; hunc, ubi sic habuerit, circa tumentem partem secato, profunda maxime sectione juxta renem*. Imo & cap. 18. t. 17. in simili casu præcipit, ut *in ipsum renem secemus*, ( τὰμὲν εἰς τὸν νεφρὸν ) Unde apparet, ipsum renis incisionem, ubi eam opus indicavit, non reformidasse. Ita & ROSSETVS ( g ) atque egregius anatomicus Jo: RIOLANVS ( h ) alique graves ob rationes judicant nephrotomiam haud sine fructu sæpius institui posse, si modo ille locus incidatur, ubi calculus percipitur, cavendo ne arteria aut vena emulgens aut ureter incidatur, & ne vulnus in ab-

( a ) Part. II. cap. LXI.

( b ) MARINI *pratica delle principali operazioni di chirurgia*.

( c ) Id quod DENYSIVS etiam notavit, observ. chirurg. pag. 49.

( d ) Multa eorum congeffit WEDELIVS in diff. de *Lithotomia*, Jenæ 1704. edita.

( e ) Vid. SCHENCK. observat. BOHN. de vuln. lethal. pag. mihi 157.

( f ) Lib. de intern. affect. cap. 15. t. 19.

( h ) Lib. de part. Cæsar. Sect. 3. cap. 7.

( g ) Lib. 2. antheropogr. cap. 26. pag. m. 234.



*dominis cavum penetret*. Inprimis vero hanc sectionem tunc posse imo & debere institui, quando facta a calculo in lumbis tumore aut abscessu, natura viam demonstrat. Id enim non solum SCHENCKIVS, & WEDELIVS, locis citatis, itemque MEEKRENIUS (a) comprobant & suadent; verum etiam egregius ille quondam Medicus & Chirurgus LAVATERVS, natione Helvetius, cum quo An. 1710. Londini, ubi tunc chirurgiam summa cum laude & faciebat & docebat, amice vixi, non solum mihi retulit, se hanc operationem in ejusmodi casu feliciter perfecisse; verum etiam in dissertatione, quam de *Atriteis & Hypospadiceis* An. 1708. Trajecti ad Rhenum publicavit, pagina penultima scripsit: *Nephrotomiam renis alterius, natura per abscessum viam demonstrante, celebro*. Adeoque non perspicio rationem, quare a quamplurimis prorsus damnetur; sed potius chirurgos exhortor, ut eam, natura viam demonstrante, non intermittant, quemadmodum nec ego eam intermitterem: quia hac ipsa non solum vita ægris servari, verum etiam ii a sævissimis cruciatibus, calculo per uncum vel digitos, vel forcipem educto, liberari poterunt. Conf. FONDANVS exempl. 42. fol. 117. HILDANVS cent. VI. observ. 44. TVLPIVS lib. IV. observ. 28.

C A P. XXX.

*De ea lithotomiæ methodo, sive de ista calculi in masculis sectione, quæ magno, ut vocant, cum apparatu instituitur.*

I. SATIS utique promptam esse, aptam ac facilem, quæ parvo cum apparatu *Apparatus magnus cur inventus.* perficitur, calculi sectionem, ex hætenus propositis manifestum est. Interim, prout rectissime jam olim MARIANVS & HILDANVS, (b) ac postea plures alii observarunt, varii admodum incidere casus possunt, qui præsertim in adultis, quam maxime difficilem atque periculosam eandem efficiunt. Nam ubi forte *inequalis ac spinosus calculus* est, sicut quandoque contingit, non vehementes tantum dolores ægri sentiunt, dum in operatione ad perinæum is fortiter compellitur; sed inflammatio quoque & gangræna subinde eo producuntur: imo ipsa calculi inæqualitas etiam impedit, quo minus accurata institui vesicæ plaga pro educendo calculo queat: unde varia circa operationem vel curationem incommoda proveniant, necesse est. Accedit, quod Medicus in sectione facili negotio vel intestinum rectum perforet, vel suosmet digitos lædat, maximamque dehinc calculum apprehendendi excidendique difficultatem sentiat. (c) Deinde si *provectus homo est*, tum ipsa vesicæ amplitudo atque ab ano distantia faciunt, ut calculus, præsertim ubi is retrocessit, difficulter admodum prehendi atque versus perinæum, quantum satis est, compelli; longe difficilius autem, propter vesicæ & intestini recti lubricitatem,

(a) Observ. chirurg. 49.

(b) Lib. de lithotomia.

(c) Hæc vitia plerumque incuria curantis incidunt, & a prudenti facile evitari possunt.



tem, contineri firmiter & quamdiu opus est, valeat. Neque enim digiti solum, si res diutius durat, elanguescunt, sed ipsi quoque calculi ob lubricitatem retro subinde effugiunt, itaque operationem tunc insigniter impediunt, vel retardant, vel prorsus impossibilem aut tamen periculosam reddunt. Ut nihil nunc de eo dicam, quod facile in sinistro latere *concordi vesiculæ seminales*, atque ita homines generandi potentia ex parte privari queat. Hæc igitur potissimum incommoda, & præsertim quia solum pro junioribus inservit & adulti hac ratione a calculo liberari commode non potuerunt, merito effecerunt, aut aliam adhuc calculos eximendi viam Medici sæculo XVI, anno fere 1520, excogitaverint, feliciterque postea sæpius ad hodiernum usque diem peculiaribus instrumentis tentaverint, neque facile priscam illam, ut ut simplicissimam curationem, cumprimis in Gallia, præstantiores Chirurghi postea adhibuerint; nisi forte, ut superiori capite jam dictum est, calculus aliquis in perinæo, sive in postrema urethræ parte seu vesicæ collo ita firmiter hæserit, ut nulla prorsus ratione promoveri aut expelli, vel etiam nec reprimi is potuerit. Inventio hujus methodi recentioris Medico celebri Italo, Cremonensi, FRANCISCO DE ROMANIS sive ROMANO adscribitur; quam vero deinde MARIANVS SANCTVS, ejus discipulus, uberius perfecit ac primum peculiari libello (a) descripsit: quo factum est, ut *methodus Mariana* quoque appelletur, & ob magnum instrumentorum apparatus, *apparatus magnus*; a nonnullis vero recentioribus, quia recentiores nunc prostant, *vulgaris* sive *antiqua*.

Occasio  
ipsum inve-  
niendi.

II. Occasionem inveniendi hanc methodum dedisse mihi videtur tam spontaneus calculorum majorum, qui sæpe apud mulieres observatur, exitus, quam artificialis eorundem in feminis extractio. Quando enim ROMANVS brevem mulierum urethram ita dilatari posse perspexerat, ut calculus vel sponte natura haud raro exeat, vel etiam ope ferramentorum extrahi per eam queat, judicavit, si forte in viris arte tam brevi via in vesicam pervenire liceret, vel tam brevis urethra in his, quam in mulieribus est, fieri possit, reliquam illam brevem urinæ itineris viam sive partem etiam, sicut in mulieribus, ita dilatari posse, ut calculus per eam protrahi queat; nam vesicam ipsam incidere auctoritate HIPPOCRATIS tunc temporis mortiferum, adeoque piaculum esse existimarunt (b). Cogitavit igitur secum, si masculos hac in re feminis similes faceret, hoc est, si per tam brevem viam, ut in mulieribus fit, in vesicam pervenire posset, rem feliciter successuram esse (c). Et profecto si negotium hoc, sicuti est, rite perpendimus, observamus viros re vera hic feminis similes fieri & fere in feminas mutari. Fit enim in hac operandi ratione vulnus in perinæo longum, a scroto versus anum extensum, quod quasi rimam vaginæ repræsentat, vel saltem ejus loco est; iter urinæ in perinæo (vid. Tab. XXIX. fig. 1.) a litt. D ad F vel I inciditur & aperitur, adeoque ab hac rimâ sive vulnere ad vesicam non nisi brevis restat via, sive urethra I L, sicut in feminis: quæ si idoneis ferramentis satis dilatetur, uncis & forcipibus aptis calculos e vesica per eam extrahi posse. Itaque ut scopum hisce meditationibus excogitatum sibi propositum assequeretur, opus fuit, ut ferramenta etiam excogitaret, quibus hæc omnia efficere valeret. Quare pro incidenda tuto urethra *Catheteres sulcatos* primus invenit; sed pro dilatanda eadem, *ductores* & di-

(a) De lapide vesicæ per incisionem extrahendo. Venet. 8. 1535. & Postea Paris. 4. 1540. stylo admodum barbaro.

(b) Vid. ejus aphorism. 18. Lib. VI. CELSVS L. VI. C. 26.

(c) FALCONET. Medic. Paris. in diss. de later. appar. aliter sentit, existimando intentionem auctoris hujus methodi fuisse non urethram, sed cervicem & vesicam ipsam, ut in parvo apparatu, incidendi. Quænam sententia sit verisimilior, lector judicabit.



& dilatantia instrumenta ; pro calculo autem extrahendo , *forcipes* : quæ vero omnia , ut ex MARIANO patet , tunc temporis , sicut principio novorum inventorum fieri vulgo solet , rudia & valde imperfecta fuerunt ; sed successu temporis a variis artificibus emendata & ad magnum hodie perfectionis gradum evecta sunt . Nonnulla vero , quæ in parvo apparatu adhibentur , etiam hic adhiberi possunt .

III. Ad apparatusum igitur magnum , in universum subsequencia potissimum necessaria sunt instrumenta . Primo catheteres aenei sive argentei varii , parvi , magni , tenuiores & crassiores , pro diversitate ægrorum & ætatum , sicut jam cap. 137. §. 3. indicatum est , ad explorandum calculum accommodati ; ( vid. Tab. XXVII. fig. 2. 3. 4. & 5. ) quando de parvo apparatu egimus . Sed pro magno apparatu requiruntur quoque catheteres ferrei sulcati , iidemque rursus varii , pro varia scilicet corporis magnitudine ( vid. fig. 12. 13. 14. 15. ) Deinde scalpellum quoddam ad calculi sectionem perficiendam aptum , quod vulgo *scalpellum lithotomum* appellant , quale illud esse solet , quod fig. 8. delineatur , quodque usus tempore linteolo angusto , ut cuspis tantum emineat , sicut fig. 9. ostendit , involutum sit . Bini ductores ensiformes ( Tab. XXVIII. fig. 2. & 3. ) quos MARIANVS *itineraria* , recentiores a vocabulo gallico *conductores* vocant , quorum equidem alter rostratus & per litt. A designatus , *mas* ; alter , nempe B extremo bifido donatus , *femina* dicitur ; litt. CC vero in utroque ansum designant . Horum loco Medici quidam alium simplicem , concavum sive *canaliculatum* , quem nonnulli HILDANI conductorem appellant , ( a ) *Görgeret* Gallis dictum , ( fig. 4. ) quasi commodiorem , adhibendum præcipiunt ; aliis contra sentientibus . Tum opus etiam est *forcipibus* quibusdam peculiaribus diversæ magnitudinis & figuræ , ut videre est fig. 5. 6. 7. rostris partim directis , ut fig. 5. partim etiam incurvis , ut fig. 6. nec non *unco* peculiari ( Tab. XXVII. fig. 10. ) qui ab exteriori parte levis , ab interiori , qua calculum attingit , asper est , atque oblongo *cochleari* ( fig. 13. litt. AA ) in altero extremo nodulo sive globulo B instructo , Gallisque *bouton* appellato , quod specilli loco usurpatur , & a quibusdam *lapidillum* , a MARIANO *verriculum* vocatur , quia ea vesicam a frustulis purgamus sive everrimus . Denique , sed rarius tamen , pro diducendo nimium vulnere , si paulo grandior calculus est , adhiberi aliquod instrumentum solet , quod *dilatatorium* Medicis nuncupatur : quorum licet varia sint , unicum tantum delineari curavi Tab. XXVIII. fig. 8. ( b ) Hactenus recensita instrumenta singula nonnulli marsupio peculiari sive *pera* quadam , ad instar succinctorii circum coxas deligata , ( vid. Tab. XXIX. fig. 9. litt. H ) comprehendunt ; alii in patina quadam , aqua calida repleta , sic disponunt , ut promptissime capi eadem in ipsa operatione inde queant , vel saltem ante usum aquæ huic , ut leviter calefiant , immergi . Immittitur etiam commode huic aquæ SPONGIA , ut finita sectione , vel alias etiam , si opus est , vulnus ea purgari possit . Similiter ne vestimenta commaculentur , succinctorium atque manicas nonnulli adhibere solent . Circa deligationem eadem fere necessaria sunt , quæ ad primam sive parvam lithotomiæ methodum supra commendavimus ; linamenta scilicet carpta ; fascia T ; splenium quadratum atque crassum , super quo deponi scalpellum lithotomum ad sectionem jam aptatum ( vid. Tab. XXIX. fig. 9. ) potest ; alcohol vini vel pulvis aut liquor quidam ad sistendum sanguinem , si nempe fortius sanguinis profluvium oriatur , vel & parvam acum curvam cum filo , pro

*Instrumenta  
ad appa-  
ratum ma-  
gnum neces-  
saria .*

( a ) Licet a Petro FRANCO lib. de herniis , jam sit delineatus .

( b ) Alia videri possunt apud MARIANVM , Andream a CRUCE , PARÆVM , FRANCVM , HILDANVM , TOLETVM , DIONYSIVM , ALGHISIVM , &c.



arteriis sanguinem fundentibus ligandis , sicut CHESELDENVS præcepit , (a) & denique vasculum cum *olivarum oleo* , in quo tingi instrumenta , dum adhibenda , queant , ut nimirum lubrica fiant , promptiusque in vesicam penetrent.


### *Explicatio Tabulæ vigesimæ septimæ.*

- Fig. 1. Demonstrat *fistulam aneam* sive argenteam , quam *catheterem* Græci appellant , qualis vulgo in feminis , vel ad explorandum calculum , vel ad emittendam urinam adhiberi solet suppressam.
- Fig. 2. 3. 4. 5. Designant *catheteres* sive fistulas argenteas variæ magnitudinis , masculis eundem in finem applicandas , pro varia nimirum ætate atque corporis magnitudine . Litt. AA ansam styli sive fili argentei denotant intus delitescentis , qua filum , quando necessitas id exigit , extrahi potest . BB vero foramina in altero extremo oblonga , quæ utrinque existunt , pro urina transmittenda ; CC habenæ sunt ipsius catheteris.
- Fig. 6. Exhibet *catheterem argenteum* flexilem ; qualem nonnunquam adhibere pro urina emittenda convenit , præsertim quando catheter vel sæpius esset immitendus ; ne urethra inde inflammetur , vel quando calculus omnem urinæ exitum præcludit , ut commodius in vesica relinqui possit . In hoc litt. AB & C idem indicant , quod in figuris præcedentibus.
- Fig. 7. Aliud catheteris argentei genus repræsentat , quod foraminibus laterali- bus est destitutum ; sed foramen sive os tantum habet in extremo rostro A , globulo pyriformi B , tanquam extremo styli intus delitescentis , clausum ; qui globulus , si ansa styli C premitur , prodit , ut in vicina figura D indicatur , quo fit , ut urina suppressa tunc per os fistulæ ingredi & postea per eam effluere queat.
- Fig. 8. *Scalpellum* exhibet amplum , illudque apertum & nudum , quale in sectionibus calculi adhibere vulgo hætenus consueverunt , & *lithotomum* appellarunt.
- Fig. 9. Idem scalpellum designat , frustulo angusto lineo ita involutum atque aptatum , ut non nisi pars aciei , pollicis fere latitudine aa promineat ; quanta scilicet ad sectionem perficiendam necessaria videtur.
- Fig. 10. *Uncus* , ad protrahendum calculum in variis lithotomiæ speciebus quandoque necessarius , denticulis in parte concava aa instructus , ut firmius eum comprehendere valeat.
- Fig. 11. Ferramentum quod in altero extremo AA *cochleare* longum , sed angustum refert , in altero vero extremo teres est , atque nodulo sive globulo instructum , quod *specilli* & conductoris vices præstat , Gallis BOVTON vocatum , quo itidem in calculi vesicæ curatione chirurgi varia ratione uti consueverunt.
- Fig. 12. 13. 14. & 15. designant *catheteres ferreos* , eosque sulcatos , quos in sectione calculi majoris apparatus adhibere solent , ut in sulco ipsorum scalpellum lithotomum apte duci queat . DD manubria ipsorum , E F vero sulcos indicant , a , a , a , in fig. 15. curvaturam catheteris SENFFI denotat.
- Fig. 16. & 17. Duos calculos inusitatæ magnitudinis demonstrant , quos haud pridem ex sacco sive hernia quadam urethræ ante scrotum felici successu ex- cidi .

IV. His ita instructis , proximum est , ut convenienter homo calculosus & depo-

(a) App. ad quartam anatom. edit. pag. 8. & alibi.











*deponatur & contineatur* ; ne facile commovere sese , operantemque Medicum impedire sibi que ipsimet nocere valeat . In quibusdam nosocomiis , ubi scilicet sæpius lithotomia instituitur , peculiaris mensa quædam , huic negotio destinata , ( Tab. XXVIII. fig. 9. ) extat ; cui qua ratione æger ex ALGHISII , lithotomi Itali , sententia imponitur , Tab. XXIX. fig. 9. demonstrat . Nonnunquam pro mensa proprium sedile quoddam solet adhiberi , quemadmodum TOLETUS unum alterumve ostendit , (a) quod vero hodie vix in usu est .

Hiscæ instrumentis deficientibus , mensa quædam communis oblonga , quadrangularis , longitudine fere quatuor , & latitudine trium circiter pedum satis commode sustinere curandum poterit , siquidem sella quædam inversa , fulcramento nimirum dorsi depresso , pedibus vero sive fulcris ejus erectis , super eadem collocetur , pulvillisque & linteis , ut molliter homo jaceat , non extrema solum mensæ pars B , Tab. XXVIII. fig. 9. sed ipsa quoque tabula inclinata C gnaviter contegatur . Debet autem curandus sic deponi , ut extrema mensæ pars B , ( quæ lunata hic mihi est , aliis æqualis ) podicem ; tabula autem inclinata C dorsum ejus sustineant . Denique crura sic reducuntur , ut calces clunibus ad litt. AA admoveantur . Tandem genibus diductis , manus vel circa malleolos , vel , ut RAVIVS solebat , circa poplites externos , adhibitis laqueis sive funiculis idoneis , quam exactissime fieri potest , deligantur , ( vid. Tab. XXIX. fig. 9. & 10. ) ne commovere sese curandus valeat : (b) id quod in explicatione hujus tabulæ uberius exponetur .

V. Oportet autem simul quatuor fere *ministros* prævalentes atque intrepidos pro firmiter continendo ægro adhibere . Bini ex his C C e latere pedes comprehendant , sic ut altera manu pedem extremum , altera genu firment , diligenterque genua diducant . Tertius , a tergo super mensa humeros ægri contineat . Quartus a dextro hominis curandi latere super sedili quodam sic consistat , ut non partes solum naturales ; altera manu , sed & altera , quoties Medicus imperaverit , catheterem rite comprehendere valeat , quemadmodum TOLETUS id delineavit . (c) Quintus denique a dextra Medici consistat , scalpellumque una cum ceteris rebus ad curationem necessariis contineat , eaque , si opus , ministret recipiatque . Nonnunquam tres ministri pro ægro firmando sufficiunt : siquidem illi sic disponuntur , quemadmodum Tab. XXIX. fig. 9. ex ALGHISIO , supra jam laudato demonstrat : (d) nimirum ut duo pedes utrimque comprehendant , tertius vero mensæ diyaricatis pedibus ita insistant , ut ægrum inter femora comprehendat : ita non solum partes naturales reclinare , sed & , ut indicatur , cutem perinæi diducere & intendere potest . Quartus idem præstet , quod modo quinto præcepimus . Subter prima mensæ parte juxta Medici pedes olla quædam , vel & quodcunque vasculum simile constituitur , pro sanguine , atque ceteris sordibus , si quæ prolabuntur , excipiendis . Juxta id *patella cum oleo* ; nec non *olla sive lebes cum aqua calida* collocantur pro instrumentis , non solum calefaciendis , antequam in vesicam immittuntur ; verum etiam pro cruore , sordibus vel & arena , quando forte conspurcata sunt , identidem in operatione expurgandis ; itemque pro vulnere post sectionem ope spongiæ mundando . Præparatis autem , quemadmodum præcepimus , singulis , opus ipsum suscipitur atque hoc fere modo optime perficitur .

VI. Ante omnia Medicus , depositis vestimentis , quæ ipsum impedire possunt ,

*Heisteri Chirurgicæ Tom. III.*

A a

sunt,

*Sectio quomodo fiat ,*

- (a) In lib. ejus de lithotomia : gallice , *Traité de la Taille* , pag. mihi 94. 104. edit. Paris.
- (b) Conf. TOLETI fig. 128. aut ALGHIS. Tab. IX. fig. 2.
- (c) Pag. mihi 240. in edit. Paris.
- (d) *Traçtatu de Lithotomia* . Tab. XVI.



sunt, catheterem ferreum sulcatum, (a) eundemque ratione magnitudinis ægro-  
tantis corpori convenientem, & rostro in oleo prius tinctum, per urethram  
superius proposita ratione (Cap. CXXXVI. §. III.) in vesicam demittat, so-  
lertissimeque, num revera calculus aliquis intus delitescat, denuo exploret; ne  
qua forte, quemadmodum fieri quandoque solet, prima eademque una tantum  
exploratio eundem fefellerit. Si vere intus esse calculus aliquis a Medico atque  
ab adstantibus denuo animadvertitur; incurva catheteris pars intus in vesica &  
urethra versus sinistram perinæi latus, ansa autem una cum pene, catheterem  
continente, versus dextrum ægri inguen blande deprimatur, atque si Medico  
ita placet, ministro, qui manu altera scrotum comprehendit, diligentissime con-  
tinenda tradatur. Sic enim incurva elevata in perinæo catheteris pars urethræ  
illam partem, in qua institui plaga debet, partim visus, partim & quam ma-  
xime tactus, ope digitorum, evidenter satis demonstrabunt. Quo equidem fa-  
cto, Medicus cutem in perinæo digitis sinistræ manus in dextrum hominis cu-  
randi latus adductam, scalpello, quod ab adstante ministro accipit, rite invo-  
luto, (vid. Tab. XXVII. fig. 9.) manu dextra, eodem modo, ut pennam,  
quando scribimus, tenemus, prehenso, circa sinistram eandemque, si longitu-  
dinem spectes, mediam pertinaci partem (b), haud procul a futura perinæi,  
una cum pinguedine atque, facta iterum catheteris, ope digiti, exploratione,  
tandem urethra deorsum versus linea recta sic incidat, ut ad catheterem & qui-  
dem sulcum sive cavam ejus partem scalpellum perveniat, quia in hac metho-  
do non nisi urethra, salva cervice vesicæ, incidi debet (c). Sic enim, pro-  
vide, ducto super catheteris sulcum scalpello, periculum non est, ne, dum in  
urethram idem deprimatur, partes alienæ simul concidantur. Nonnulli sectionem  
a parte fere media perinæi inchoant eamque deorsum producunt; alii vero a  
parte infima, ubi illi desinunt, plagam incipiunt, & sursum versus scrotum  
eam extendunt, sed hoc mihi perinde esse videtur. Vulneris amplitudo exter-  
na; pro vario corporis ægri habitu, ut & pro diversa calculi magnitudine per-  
specta, varia est; fereque semper minimum duos in pueris vel tres aut qua-  
tuor etiam digitos transversos longitudine sua in adultis adæquat: in urethra  
autem plaga (vid. Tab. XXIX. fig. 1.) a litt. D per bulbum E ad initium  
cervicis vesicæ F vel I extendi solet. (d) Quando autem hæc urethræ pars in-  
ferior incidenda, non solum manus & scalpellum aliquo modo sunt inclinanda;  
verum etiam catheter, qui hucusque deorsum erat pressus, CHESELDENO &  
DRANIO auctoribus, elevandus ejusque rostrum ad juncturam sive angulum  
ossum pubis firmiter applicandum; quo fit, ut urethra a recto intestino didu-  
catur, & quantum fieri potest, removeatur, quod alias sine hac observatione  
facile inciditur. Sed probe tunc simul observandum, ne cuspis scalpellis a sulco  
catheteris aberret. Ceterum Medicorum aliqui sectionem sic instituunt, ut pe-  
rinæi cutem ministro, qui scrotum sustinet, diducendam committant, cathete-  
rem vero ipsimet læva manu contineant. Qua equidem in re usque adeo nihil  
perpetuum est, aut necessarium, ut curantis potius arbitrio atque consuetudini,  
quid facere hic deceat, relinquatur.

Quid per se-  
ctionem fiat  
conductori-  
bus.

VII. Vulnere, quemadmodum diximus, satis amplo facto; Medicus scal-  
pel-

(a) Nonnulli etiam *argenteos* adhibent; verum ferreus, dum conductore tangitur, fortio-  
rem sonum edit, quo certiores reddimur nos revera in sulco catheteris esse: hinc plerique ferreos hic  
*argenteis* præferunt.

(b) Videri hoc potest in TOLETI tabula pag. 145. edit. Paris. IV.

(c) Vid. Tolet. l. c. pag. 135.

(d) Urethræ & vesicæ positum in usum lithotomorum eleganter descripsit MORGAGNVS Ad-  
vers. III. pag. 82. & 59.



pellum ei administro reddit, a quo idem accepit; catheteris fulco interim quam diligentissime observato, vel ungue indicis vel pollicis sinistri, si minister catheterem sustinet, in sulcum immisso. Deinde is ex pera sua, vel & ex patina a ministro ductorem marem recipit, eundemque in oleo calido tinctum per catheteris sulcum & vesicæ cervicem in vesicam caute demittit, cavendo ne inde aberret; demissoque in vesicam hoc ductore blande catheterem extrahit. Aliqui cuspidem scalpelli tantisper in catheteris sulco relinquunt, ministroque prudenti detinendum committunt, donec conductor hic in sulcum catheteris est demissus: siquidem periculum quandoque est, præcipue in obesitas, ne sulcus a pinguedine quasi obrutus, visum effugiat, ac postea conductore inveniri nequeat. Verum ductore hoc per sulcum immisso, super ductorem marem ductor deinde femina sic imponitur, ut hæc sulco suo B istius dorsum acutum recipiat, itaque tuto & leniter quoque per cervicem angustam in vesicam descendat. Quo facto, bini ductores isti extus ope manubriorum CC sensim diducuntur; disten- toque hac ratione aliquo modo vesicæ collo, forceps calcularis quædam recta eademque calida ac rostro in oleo prius tincta, exactissimeque clausa, provide inter binos conductores in vesicam deprimitur: quo ipso cervix rursus aliquantulum diducitur. Ego antequam forcipem inter ductores immitto, prius *indicem dextræ oleo inunctum*, inter eosdem blande impello, eoque leniter cervicem vesicæ amplio; quo fit, ut eo recepto, forceps tanto commodius per cervicem jam valde ampliata intret. *Indicium autem certum est forcipem in vesica esse*, si facile aperiri potest. Sed si facile aperiri nequit, certi sumus eam non in vesica esse, adeoque retrahenda & cautius immittenda. Nonnulli chirurgorum Parisiensium, demisso in vesicam ductore mare, antequam feminam immittunt, indicem manus dextræ super ductore hoc, eoque prius ita inverso, ut pars acuta sit inferior, obtusum vero dorsum, superius, per cervicem intrudunt, eoque cervicem diducere conantur. (a) Verum DRANIVS quam sapientissime monet (b), ductorem hunc jam satis angustam illam cervicem vesicæ implere, ut digitum sine metu violentæ lacerationis cervicis, præsertim si chirurgi celeriter, adeoque magna vi, ut sæpe solent, agunt, honoris aut gloriæ illius vano ac perverso, imo noxio sæpe stimulo, quod quam promptissimi præ aliis hic esse velint, concitati, admittere nequeat; adeoque priorem modum hoc præstare existimo. Paulo aliter hic procedunt, qui pro binis hisce ductoribus unicum illum canaliculatum adhibent, quem *Gorgeret* Gallis vocari, supra indicavimus, (vid. Tab. XXVIII. fig. 4.) Hi etenim plaga rite inflictâ, rostrum conductoris hujus per catheteris sulcum in vesicam compellunt, eadem prorsus ratione, quam ad ductorem marem demittendum supra commendavimus: nisi quod nonnulli indice digito quodammodo hoc instrumentum juvent. Ductore igitur hoc in vesicam sic demisso urina, si quæ adest in ea, mox per canalem ductoris effluit, & inde certe, ipsum re vera, in vesica esse, cognoscitur. Hoc perspecto, catheter ex urethra recipitur; chirurgus vero ductorem hunc aliquoties hinc inde leniter rotando movet, ut hoc ipso motu cervix vesicæ sensim ac gradatim ampliatur, sinistraque tunc manu circa manubrium B B ipso comprehenso, dextra manus forcipem clausam, sulco CC viam demonstrante, caute in vesicam deprimit.

VIII. DRANIVS, qui etiam *ductore canaliculato utitur*, eumque ensiformibus præfert, immisso hoc ductore, ut dictum est, in vesicam, antequam forcipem demittit, in canali hujus indicem dextrum prius per vulnus & cervicem, jam a conductore hoc paululum diductam, lente ac pedetentim intrudit, eamque pro commodiori forcipis ingressu digito hoc uberius expandit, ac postea

*Drani observationes.*

A a 2

for-

(a) Ita GARENGEOT. refert artic. de magno apparatu.

(b) Parallele des different. manieres pag. 73. & 156.



forcipem ipsam clausam, sicut antea proposui, blande impellit (a). Ubi vero & forte primus ex sectis cadaveribus notavit, cervicem in magno apparatu omnibus his actionibus non solum expandi sive diduci, sed potius *integram cervicem, a fine incisionis usque ad vesicam ipsam semper fundi ac dilacerari*: quamvis id sine noxa fiat, si modo negotium pedetentim & curate instituitur. Eo enim effici, ut non solum forceps commodius in vesicam demitti, verum etiam calculus postea minori vi minorique periculo educi queat. (b) Blandam vero hanc cervicis & prostaticæ lacerationem tanto minus esse pertimescendam, quanto certius ex incisis cadaveribus esset, eas semper in hac lithotomiæ specie, vel dum forceps immittitur, vel dum expanditur, vel dum calculus extrahitur, majori vi & periculo dilacerari. Conf. ejus *Parallel. p. 72. 73. 155. sq.*

*Quid forcipis  
faciendum.*

IX. Tum forceps versus vesicæ fundum demissa, retractis conductoribus, gnaviter aliquoties, pro uberius scilicet diducendo vulnere, aperitur atque dein, clausa iterum blande forcipe, calculus inquiritur. Nam dum hoc fit, clausam utique servare forcipem convenit; ne qua forte ipsa, dum identidem diducitur atque comprimitur, graviter simul ipsam vesicam comprimat, concutiat discerpaturque, quamque etiam ob causam maxillæ forcipis ita constructæ sunt, ut extrema earum se invicem, quando clauduntur, non attingant (c). Oportet igitur, post repertum demum calculum forcipem utraque manu applicata blande diducere, hinc inde commovere, calculum apprehendere, & quidem, si fieri potest, sic, ut altera maxilla sit infra, altera supra calculum (d), riteque ipso hac ratione comprehenso, eum, forcipe deorsum versus intestinum rectum pressa & hinc atque inde inclinata dimotaque; quantum fieri potest, providissime extrahere, & quidem sic, ut deorsum trahatur; quia partes ibi facile diducuntur & cedunt, superius vero propter ossa pubis cedere non possunt. Solet id facillimo sæpe negotio expediri, si calculus non est magnus & æqualis; difficilius autem, sicubi vel magnus, vel inæqualis atque spinosus idem existit. Quod si vero idem non satis commode prehendi a forcipe potest, id quod ob foveam quandam vesicæ, inprimis intestino recto quandoque impressam, haud raro contingit; tum bini anteriores sinistræ manus digitus, index atque medius, in anum demissi, calculum elevent & in forcipem compellant; donec idem rite comprehendi protrahique decenter queat. *Sed si in superiori parte vesicæ post ossa quibus calculus hæreat, manu parti abdominis inferiori deorsum premendus, ut forcipe vel recta vel curva commodius prehendi educique possit.* Sin vero ad latus vesicæ, sive dextrum sive sinistrum, sese subduxerit, forcipe, sæpe curva, Tab. XXVIII. fig. 6. facilius quam recta comprehenditur atque extrahitur. Ne vero calculus in extractione, nimia vi compressus, rumpatur, haud alienum est alterius manus digitos inter ansas forcipis interponere, quo hoc commode im-

pe-

(a) Hunc modum jam ante DRANIVM descripsit ROSA, Onoldinus, qui meus antea discipulus fuit, in diff. de *calculo vesicæ*, Argentorat an. 1723. edita.

(b) Chirurghi non unum locum observarunt in itinere urinæ, quem in magno apparatu inciderunt. Plerique quidem solum urethram, illæsa vesicæ cervice & vesica, incidendam esse docuerunt, atque ita etiam præcipit, TOLETVS alique plurimi. Verum supra. II. jam monui, FALCONETVM sentire, auctores magni apparatus intendisse & voluisse incisionem cervicis vesicæ, imo & vesicæ ipsius, sicuti in parvo apparatu fieri solet. NOELVS, Chirurgus Aurelianensis apud MERYVM in obs. Chirurg. de lithot. p. 75. ait; *collum vesicæ locum illum esse, ubi semper hac in operatione inciso sit facta*, atque JACOBI methodum non nisi externo incidendi loco a vulgari (hoc est magno) apparatu differre, pag. 74. Sic & modo laudatus ROSA in magno apparatu sphincterem, id est, collum vesicæ, incidendum esse vult, p. 23. Imo SCHAEFFERVS in hac methodo non solum cervicem, verum etiam partem ipsius vesicæ discindi scribit, in Diff. de variis lithotomiæ generibus, Argentorati A. 1724. edita, pag. 7.

(c) Videri hoc apte potest in ea forcipe, quæ Tab. XXXI. fig. 12. exhibetur.

(d) Varia hujus rei commoda indicavit DRANIVS p. 65.



peditur : præstat enim semper , si fieri potest , calculum integrum , quàm fractum extrahere . Si calculus non mox forcipi se offert , DRANIVS forcipem retrahit , digitum vero immittit , eoque calculum quærit , atque ipsum ad os urethræ disponit . Postea forcipem denuo immittit , calculumqueprehendit & educit pag. 63.

X. Ubi autem , comprehenso calculo , forcipis ansæ DD nimium quantum *Forcipis ansæ nimium diductæ quid postulent.* riuictæ sunt , tum vel plane non , vel saltem difficulter admodum & non nisi cum periculo vehementis lacerationis vesicæ , & præsertim cervicis ac prostaticæ glandulæ , extrahi calculus potest . Itaque , quando hoc fit , dispiciendum hic est , quid causæ subsit , quare forceps magis claudi nequeat . Instrumentum , explorationi huic destinatum , est digitus , vel , si hic non sufficiat , specillum illud nodulo munitum , indeque *Bouton* apud Gallos vocatur . ( vid. Tab. XXVII. fig. 11. B. ) Quo equidem intra maxillas forcipis in vesicam depresso Medicus experiatur , num forsan oblongus aut ovo similis calculus existat ; transversumne forceps , an secundum longitudinem calculum contineat . Si transversim apprehensus esse calculus deprehenditur , emittere illum e forcipe , conversumque vel digito vel instrumento modo commendato , circa partem tenuioremprehendere atque tum extrahere conveniet . Fieri enim utique posse , ut calculus aliquis oblongus , idemque altera parte plenior , quam facillimo negotio trahenti Medico pareat , siquidem pars tenuior a forcipe comprehensa est ; quum transversus antea ne cum maximo quidem conamine protrahi is potuerit , ipsa , nisi ego fallor , figura demonstrat . Si nihilominus a comprehenso calculo majore mirifice diducta forceps est ; tum summa ope niti decet , ut calculus tandem vincatur . Itaque Medicus ansas forcipis extremas DD dextra manu ; sinistra vero forcipis partem vulneri propinquam gnaviter comprehendat , atque tunc instrumentum una cum calculo , hinc inde sensim inclinatis manibus ; deorsum blande premendo , protrahere studeat , quia in inferiori parte vulnus facilius , quam in superiori , ob ossa pubis diduci potest . Quod si vero calculi magnitudo & vulneris amplitudinem , & Medici solertiam vicerit ; forcipem aliquam grandem atque denticulatam ( vid. Tab. XXVII. fig. 7. ) quæ vero duplo fere major hac esse potest , ad confringendum calculum adhibere , atque dein , si res successit ; singula calculi frustula sigillatim protrahere conveniet . ( a ) Denique si & grandior & durior calculus existit , quam ut confringi aut educi queat , tum insanabile ut plurimum esse malum consuevit . Adeoque Chirurgis prudentioribus quibuscunque satius visum est ; in istiusmodi casibus calculum intus in vesica relinquere , atque infecto negotio vel plagam rursus glutinare , vel fistulam relinquere , per quam urina profluat , quam frustra hominem ad mortem usque forcipibus discruciare , ( b ) atque per crudelissimam operationem aliquam efficere , ut sub manibus atque scalpello idem intermoriatur . Quidam , sed bene tamen pauci hodie ex Medicis , ad ampliandam plagam dilatans aliquod ferramentum , quod vulgo *dilatatorium* appellant , quemadmodum fere illud est , quod Tab. XXVIII. fig. 8. exhibui , aliudve simile admovent . Tametsi instrumenti hujus usus non usquequaque tutus aut utilis recentioribus videatur . Namque abesse vix potest , quin propter violentam istiusmodi vulneris dilatationem , & fibræ multæ violenter nimis disrumpantur ; & dolores , satis jam per se vehementes , mirifice adaugeantur atque intendantur , & vesica denique nimium quantum hisce ferramenti agitata una cum partibus propinquis aliis inflammationem , gangrænam , cancrum atque id genus alias gra-

( a ) AMMONIVS dictus est ille Medicus , qui calculum primus diffringi docuit , teste CELSO Lib. VII. Cap. 26. n. 3.

( b ) Quemadmodum olim celebri BORRICHIO contingit , cujus calculus neque educi , neque confrigi potuit ; ut ex vita ejus , scriptoribus Chemicis illustrioribus præmissa , videri potest .



gravissimas noxas sentiat. Nonnunquam fit, ut satis comprimi forceps ideo nequeat, quia calculus fibulae sive clavo (Tab. XXVIII. fig. 5.) ejusdem nimis propinquus est. Itaque tum per demissam cochlearis angustiori illius ansam capitata, (Bouton.) Tab. XXVII. fig. 11. B, vel per digitum etiam, si fieri potest, reprimi calculus, quantum satis videtur, debet. Ceterum ut ne calculus facile forcipis clavo nimium propinquus fiat, longe optimum fuerit, forcipem has ita construere, ut non nisi extrema maxillarum pars dentibus instructa sit, reliqua autem ad clavum usque laevis atque plana existat, quemadmodum etiam eas Tab. XXVIII. fig. 5. & 6. litt. A ad B exhibuimus. Sic enim calculus sua velut sponte a clavo recedit, neque facile, nisi inter primas sive extremas maxillarum partes hærescit. (a)

Educo cal-  
culo quid fa-  
cere debeat.

XI. Protracto, quemadmodum præcepimus, calculo, necessarium utique videtur, præcipue si plana sunt educi calculi latera, per digitum, vel si hic non sufficit, per demissam ansam specilli cochlearis capitata B (Bouton) experi-ri, num forte alius adhuc calculus aut frustra intus in vesica delitescant; id quod ante sectionem cognosci non potest. Si quid enim intus remanserit, de- nuo demitti forceps vel per digitos, si fieri potest, vel per admotos conducto- res in vesicam debebit, atque calculus alter, vel etiam plures si sunt, jamjam explicata ratione protrahi. Atque id ipsum negotium tam diu repetendum est, donec nihil quicquam ex calculis, aut confractorum a forcipe calculorum fru- stulis majoribus intus reliquum esse deprehendatur. Sicubi arena tantum, aut mi- nuta diffracti calculi frustula intus remanserunt; tum, ad ejiciendas reliquias istas, vel cochleare illud oblongum (Tab. XXVII. fig. 11. A) in vesicam de- mittere conveniet (b), vel etiam, præsertim si æger jam debilis, expulsio eo- rum naturæ relinquenda; nam urina plerumque omnem arenam & minuta fru- stula eluit atque expurgat: ne æger nimis debilitetur. Diligentissime tandem expurgata, quemadmodum proposuimus, vesica, Medici quidam protinus tubu- lum quendam satis amplum, (vid. Tab. 2. fig. P.) eumque vel rigidum, vel, ut alii volunt, flexilem aut turundam similem in plagam immittunt, empla- stro, splenio atque fascia T superimpositis. Sic enim quam commodissime pur- gari ab arena atque sordibus reliquis vesicam posse, iidem opinantur. Tametsi ego alii que cum Fratre JACOBO atque RAVIO contrarium faciendum nihil- que immittendum esse statuunt. Neque ad ipsum equidem sine ratione. Quam- admodum enim, tubulis atque turundis omnibus remotis, cruor atque arena sa- tis commode ex aperto vulnere profluunt atque ab urina eluuntur; sic e con- trario, adhibitis illis, ea non solum retinentur, & mala varia inde concitan- tur; verum etiam fistulae his ipsis haud raro excitantur. Nonnunquam calculus; dum extrahere illum nititur, ex forcipe se subducit elapsusque intus in vulnere hære- scit. Quod ipsum equidem simul atque id fieri velle percipimus, tentandum, ut sine extractione forcipis ipsum firmiter comprehendamus & educamus. Sed si hoc jam factum est, protinus per demissos in anum, ceu supra præcepimus, binos digitos, oleo inunctos, versus vulnus propellere calculum, atque vel per forcipem, vel per admotum in parte superiori uncinulum, (vid. Tab. XXIX. fig. 6.) leniter extrahere conveniet.

Expli-

(c) FRANCUS de ErancKenau, in Act. Erud. Lipsiens. An. 1726. pag. 42. meminit machinæ cujusdam, qua Chirurgus lithotomus Hafniensis loco forcipis utitur pro calculo post sectionem e vesica educendo; quæ ex balænæ ossibus & vesica bubula composita est, & qua læsionem vesicæ quæ alias forcipibus facile fit, evitare studet. Verum neque veram magnitudinem & fabricam describit, neque modum, quo adhibenda, satis manifestat.

(b) Verriculum illud appellavit MARIANVS lib. de lithotom. a verrendo, quia vesicam ever- tit, id est, expurgat.







Fig. 2.




Fig. 3.




Fig. 4.




Fig. 8.



Fig. 5.



Fig. 6.




Fig. 7.





Fig. 1.



Fig. 9.





*Explicatio Tabulæ vigesimæ octavæ.*

- Fig. 1. Designat, qua ratione ex CELSI ac TOLETI doctrina *contineri pueruli* queant, in quibus calculi sectio instituitur: quæ vero non satis apta nec commoda.
- Fig. 2. & 3. Binos *ductores* sive *conductores* illos *ensiformes* demonstrant, qui a multis & in apparatu majore & laterali adhiberi lithotomis solent. Horum alter, quem fig. 2. repræsentat, nostra quodam minuto eodemque oblongo & obtuso instructus, (vid. litt. A) *mas*; alter autem, idemque crena (vid. fig. 3. lit. B) præditus, *femina* plerumque nuncupatur.
- Fig. 4. *Conductorem* illum *concauum* sive *canaliculatum* ostendit, quem alii adhibere ad calculi sectionem, imo & præcedentibus præferre solent, *Gorgeret* Gallis vocatum, in quo litt. A nostrum indicat, quod sulco catheteris immittitur; BB manubrium cruciforme; CC canalem in quo primo digitus, deinde & forceps ad vesicam demittitur.
- Fig. 5. *Forceps* sive *volfella* quædam *directa*, pro extrahendis a vesica calculis, (quorum & majores subinde requiruntur) denticulis solum in nostri extremo intus instructa.
- Fig. 6. Similis quædam *incurva* iisdem usibus destinata, præsertim si calculus in latere quodam hæret.
- Fig. 7. *Forceps* quædam repræsentatur, majoribus dentibus, eisque acutioribus ac pyramidalibus prædita, grandioribus nempe calculis intus in vesica diffringendis accommodata: quæ vero duplo fere major hac esse debet, ut tanto major vis ea exeri queat.
- Fig. 8. Instrumentum, diducendis, ubi opus est, vulneribus lithotomo factis adaptatum, indeque *dilatatorium* Chirurgis vulgo appellatum, simplicissimum inter ea, quæ a variis auctoribus delineantur: quia vero omnia vix amplius aut raro saltem in usu sunt. Rostrum A, ciconiæ nostro fere simile, vulneri inferitur; brachia BB ad se invicem comprimuntur, ita rostrum auxilio cardinis C diducitur.
- Fig. 9. Per litt. AAAA *mensa* quædam, ad commodius instituendam lithotomiam accommodata, repræsentatur. Litt. B locum illum demonstrat, super quo desidere homo calculosus debet, paullo sinuatum, ut externis anterioribus AA pedes commodius niti queant. C fulcimentum designat, dorso sustinendo adaptatum; quod ipsum, majoris commoditatis gratia, bacillo sive fulcro ferreo D elevato vel depresso, diversimode pro lubitu Chirurgi, nimirum nunc altius, nunc depressius, potest disponi.
- XII. Hactenus, quomodo rite confici operatio calculusque educi debeat, <sup>Deligatio</sup> explicavimus. Sequitur, ut, *quid*, *confecta illa*, *facere deceat*, exponamus. <sup>quomodo</sup> *fiat*. Scilicet ægrotus, purgata ope spongiæ plaga, resolutisque vinculis, ante omnia & mox in lectulo deponendus, panno quodam ceraceo sive cera obducto, pannoque alio magno lineo complicato atque ab alterutra parte probe convoluta, podici subjectis; ne qua forte pulvinaria aut lectus ab urina & cruore, proximis ab operatione diebus ex vulnere promanantibus, corrumpantur. Ægro hunc in modum deposito, glomus aliquod, ex linamentis carptis factum, super plagam imponendum. Si vires sunt, & *sanguinis fluxus* adest, longe optimum fuerit; ut sanguis aliquandiu fluat, concedere; hoc enim impedit, ut CELSVS jam docuit, ne qua forte gravis inflammatio superveniat. *Sicubi vero nimia sanguinis profusio suboritur*; quod rarius tamen fieri, operatione pru-



prudenter instituta, solet; tum spiritu vini optimo, seu rectificatissimo, aut alio liquore styptico, glomus lineum madefacere, vel & pulvere quodam, suppressendo sanguini accommodato, conspergere decebit; eoque digitorum ope arteriam sanguinem fundentem aliquandiu, donec remittat, comprimere. Glomeri lineo deinde alia linamenta contorta & splenium crassius quadratum, sed absque emplastro tamen, superimponitur, firmiterque per injectam fasciam T (vid. Tab. II. fig. h) vel & istam, quæ quatuor capitibus est instructa, fig. d. deligatur. Quodsi his non cedat, acu curva, filum trahente, arteria ambienda, eaque liganda. (a) Namque vero abs re facere Gallorum Chirurgi videntur, dum ad præcavendam inflammationem *rosarum oleo scrotum, perineum atque abdomen primis quatuor diebus subinde inungunt*, linamentisque oxycrato humectatis contegunt, antequam vincturam instituunt, alii solum oxycratum cum magno splenio ventri imponunt. Multi ex chirurgis in prima deligatione, licet nullum sanguinis profluvium adsit, gnaviter fasciam constringunt, itaque optime maturari vulneris glutinatione posse statuunt. Contra vero alii tunc fasciam non nisi quam lenissime primis diebus constringunt; quonempe facilius emitti ex vulnere possit, quicquid forte arenæ, calculorum minutorum, vel cruoris intus in vesica remansit. Rursus alii, propter eandem rationem, cum clarissimo RAVIO nullam omnino, nisi forte nimia sanguinis profusio id postulaverit, fasciam adhibere proximis a curatione diebus solent. Primam deligandi rationem qui adhibent, ii deligato vulnere, pedibus quoque circa genua vinculum iniiciunt, ne scilicet, cruribus forte diductis, impediri glutinatio queat. Posteriores autem, eundemque, meo quidem iudicio, meliorem deligationis modum qui sequuntur, illi post alterum demum tertiumve diem istiusmodi vincturam instituunt; ne quid scilicet ex arena, aut calculis, aut cruore intus in vesica remaneat, novoque calculo generando materiam præbeat.

Post deligationem quid fieri debeat.

XIII. Facta deligatione, decoctum ex hordeo sive *ptisana*, vel & emulsiō roborans & simul blande soporifera, larga satis copia, propinari ægro debet, non ad somnum modo conciliandum atque vires reparandas, sed etiam ad vesicam a cruoris atque arenæ calculorumque minutiorum reliquiis probe eluendam expurgandamque. *Victus ratio* eadem servanda est, quæ graviter vulneratis atque febricitantibus solet præscribi. Nempe initio decoctum hordei seu ptisanam cum admixto, ad saporem gratum conciliandum, sirupo refrigerante, quasi potum quotidianum proponere conveniet. Postmodum autem, si ab æstu aut febris immunis æger manserit, vel & hæc jam præterierit, tenuem cerevisiam præbere licebit, vel aquam paucō vino admixto. Solertissime interim vitatis, quæ acria, salsa aut aromatica sunt, quæque nimis calefaciunt, omnibus. *Conclave*, in quo æger decumbit, neque calidum nimis, neque nimis frigidum etiam, sed quam maxime temperatum aerem contineat. Si calorem præter naturam aut febriculam æger senserit, sanguinem protinus per venas detrahare, alvum clysteribus citare, & medicamenta denique refrigerantia proponere oportebit. His equidem noxis superatis, scire licet, feliciter curationem procedere, adeoque fere semper ad sanitatem homines ægros pervenire. Contra vero si post tertium, quartum vel quintum diem frigus atque horror incidunt, si vehementes febres sunt, si denique singultus, nausea, vomitus atque nervorum distentio superveniunt, vel si sup-

pura-

(a) COLOTVS lib. de lithotomia p. 131. refert, se ejusmodi vulneris hæmorrhagiam, nullis remediis cedentem, venæ sectione cohibuisse, ter intra 24. horas instituta: suadetque eam his in casibus ad animi usque deliquium instituendam.



puratio non rite succedat, aut vulnus aridum fiat, certissima plerumque mors insequitur. *Initio semel aut bis quotidie*, linamentis carptis cum unguento digestivo, ceu fieri communiter in vulneribus solet, adhibitis, splenioque, in spiritu vini calido, oxycrato, vel & in quocunque alio fomento, adversus, inflammationem valente; tincto, super linamenta carpta imposito leniter deligatur. Post tertium enim quartumve demum diem medicus constringere fasciam, mea quidem sententia, conveniet; id quod & sequenti tempore faciendum, & quidem suppuratione rite facta, glutinationeque succedente, loco unguenti digerentis vulnus semper antea balsamo bono vulnerario, nimirum balsamo *copaivæ* aut ARCÆI calido probe inungendum, linamenta carpta superimponenda, emplastrisque glutinosis quam exactissime comprehendendum, spleniis utrinque supernectis. *Atque ista quidem fieri bis quotidie ac tam diu debent, donec vulneris ora sensim coalescunt*: ubi solo linamento arido cicatrix optime promovetur, si semel tandem in die una cum emplastro injiciuntur. Solet autem insigniter glutinatio maturari, si ægrotus quam diligentissime genua continet, inque latus dextrum ut plurimum, quantum scilicet fieri potest, cubat. His aliquamdiu observatis, modo in dorsum, modo in latus alterutrum cubare pro lubitu ægrotus poterit; dummodo id tranquille fiat, atque is genua strenue continuerit. Quod ipsum equidem ut melius & constantius, præsertim in pueris, fiat, necessarium sæpe videtur, gnaviter eadem, & quam commodissime fieri potest, vincere, atque ægroto, donec glutinatio magna ex parte facta est, constantem in lectulo quietem imperare. Neque enim surgere is, neve ambulare prius debet, quam urina pleraque & fere omnis per viam naturalem rursus profluxerit, atque, ut dictum, maxima ex parte vulnus glutinatum sit. Solet id ipsum, præsertim in pueris & juvenibus, & ubi calculus parvus & lævis fuit, quandoque intra octiduum fieri. Atque tum ambulatio vulneris glutinationem reliquam urinæque per viam debitam emissionem non solum non impedire, sed promovere quoque interdum consuevit. Neque vero alienum fuerit, post sextum vel septimum diem experiri, annon, vulnere per impositam manum diligenter compresso, per viam consuetam rursus emitti urina queat; nisi scilicet sua sponte jam tum idem factum fuerit. Quoties interim cunque linteola subjecta a lotio valde madida sunt atque spurca, toties eadem, quantum quidem satis est, protrahi ac mutari debent, ne partes vicinas cum dolore erodant.

XIV. Denique observationes quasdam, quas *cautelæ* vulgo appellant, scitu hic adhuc necessarias, in tyronum gratiam nunc proponam: & quidem primo, si *calculus forte post sectionem longa investigatione vel inveniri, vel ob quamcunque causam educi nequeat, atque curandus debilis fiat*, ne omnino conficiatur, quiescendum aliquamdiu, præsertim si ceterum adhuc vegetus est; donec vires recollegerit, atque interea roborans aliquod medicamentum ipsi exhibeatur. Sed ubi æger valde debilis est, aut deliria aut nervorum distentiones superveniant, æger in lectum reponendus, & per unum alterumve diem, imo & plures, donec etiam seppuratio vulneris subsequatur, ab opere prorsus abstinendum, sicut jam ALBVCASIS, FRANCVS (a) HILDANVS (b) COLOTVS (c), SAVIARDVS (d) alique præceperunt, donec scilicet vires redierint, & calculus specillo percipi queat; nam nunquam æger ultra vires in tabula detinendus, ne forte sub ipsa actione chirurgica

*Cautelæ  
quædam præ-  
ponuntur.*

*Heisteri Chirurgiæ Tom. III.*

Bb

pe-

(a) Lib. de herniis.

(b) Lib. de lithotomia cap. XV.

(c) Lib. de lithotom. p. 182. 183.

(d) Obser. Chirurg. p. 206.



pereat : postea vero opus denuo aggrediendum . Nonnunquam materia quædam *spongiosa* atque corrupta simul cum ipso calculo protrahitur . Quod ubi fit , indicium est , abscessum aliquem , vel etiam carunculam sive carnem excrescentem intus in vesica subortam fuisse . Adeoque tunc vel in præcipiti homines ægri sunt ; vel fistula saltem in perinæo facile remanet . Sicubi forte hominibus adultis , qui curationem calculi sustinere constituerunt , *applicari catheter nequeat* ; quæcunque tandem noxa vel causa id prohibeat , qualis esse potest cervicis inflammatio , caruncula , phimosis vehemens , calculus cervicis impactus ; tum aut secundum priscam lithotomiæ rationem , parvo apparatu , super digitis institui vulnus debet , aut , ex Petri FRANCI exemplo , ( qua de re mox uberius dicturus sum ) super ossibus pubis scalpellum admoveri . Si *intestinum rectum* principio operationis ob nîsus a calculi doloribus concitatos *procidit* , quemadmodum haud raro contingit , ejusque tantum pars exigua sit , relinqui & finita operatione digito restitui potest . Sed si magna sit , mox reponenda , atque ne in altiore recidat , ope splenii a ministro sustinendum est . Sin hoc in medio , vel circa finem operationis contingat , relinqui potest , donec hæc absoluta sit ; ubi , remittentibus doloribus sæpe sponte retrahitur , vel , si hoc non fiat , digitis refunditur . Sicubi autem in jam olim secto iteranda calculi sectio est , tum in ipsa parte illa , in qua cicatrix vel fistula est , novum instituere vulnus conveniet . Neque vero nimis parvâ facienda plaga est , præsertim in cute ; ne scilicet nimis difficilis fiat calculi extractio quum tamen glutinatio , experientia teste , æque promte & feliciter in vulnere ampliori , ac in angustiori procedat . ( a ) Attamen quando calculus inter extrahendum in vulnere ob angustiam detinetur , scalpello vel forfice , loco ubi hoc commodissime fieri potest , vulnus ampliandum . Sed si major , quam ut educi queat , deprehenditur , præstat abstinere , quam violenta tractione ægrum interficere . Si forceps curva immittenda , rostri extremum sursum spectet , & annuli habenæ altius contineantur ; rectæ tamen ut plurimum sufficiunt . Ita etiam loco scalpelli vulgaris Tab. XXVII. ii adhiberi quoque hic poterunt , qui Tab. XXXI. fig. 8. & 18. delineati sunt . Solet autem , pro diverso ægrotantium corporum habitu , nunc post decimum quintum , nunc circa vigesimum diem , nunc mox per tertiam vel quartam ut plurimum septimanam , nunc denique ob varias causas & impedimenta serius glutinatio vulneris absolvi . Quoties forceps denuo in vesicam demittitur , digitum semper , vel conductorem , vel cochlearis ansam capitatam ( *Bouton* ) submittere decebit , ne qua forte a via debita forceps aberraret , vesicæque propinquas partes quasdam graviter attingat . Si planus atque latus esse calculus persentiscitur , tum non tam latera ejusdem , quam potius superior atque inferior pars apprehendi a forcipe debet . Denique si paulo vehementiores vesicæ dolores post confectam operationem ægrotus senserit , lac calidum vel decoctum quoddam demulcens per syphunculum aliquoties in vesicam per vulnus injicere conveniet . Quodsi autem ab ipsa calculi magnitudine atque asperitudine graviter affecta aut læsa esse vesica conjicitur , longe optimum fuerit , decoctum hordei vel & cujuscunque herbæ vulnerariæ cum rosarum melle identidem calidum in vesicam compellere . Ad idem proficiet vinum calidum gallicum , in quo myrrha fuit decocta , addito melle rosarum . De ceteris , quæ operationem hanc insequuntur , noxis , præter TOLETVM , GREENFILDIVM atque ALGHISIVM , prudens aliquis Medicus velim consulatur . De commodis vero & præstantiâ hujus methodi præ aliis DRANIVS legi potest in egregio libello , cujus inscriptio

( a ) Cognoverunt hoc præter recentiores jam veteres , ut CELSVS , ALBVCASIS , ÆGINE TA , aliique .











ptio est, *Parallele* &c. GARENGEOTIVS contra in operat. chir. & DENYSIVS in obs. chir. eam maxime impugnarunt, atque ante hos jam uterque DOUGLASIVS, in lib. de alta & laterali operatione, itemque CHESELDENVS & MORANDVS, ubi de iisdem operationibus agunt.

*Explicatio Tabulæ vigesimæ nonæ.*

Fig. 1. repræsentat *urethram masculinam* a reliquis fere omnibus penis partibus resolutam, una cum *vesica*, glandula prostatica, atque intestino recto a latere sinistro inspectam, atque ita figuratam, ut ad naturalem ejus posituram ac figuram demonstrandam & cognoscendam multum faciat, ex juvene quatuordecim ferre annos nato. Litt. A glandem, B C D E F urethram ejusque naturales flexus, & speciatim E bulbum, F partem membraneam urethræ dictam, G vesicam ipsam sive corpus vesicæ, H fundum ejus, I K L cervicem sive collum vesicæ, glandula prostatica cinctam, a fibris muscularibus denudatam; quæ sphincterem vesicæ alias constituunt, ut ea clarius videri queat, & quidem I principium sive apicem ejus, K ipsam glandulam, L finem ejus denotat; M N partem vesicæ inferiorem recto intestino vicinam, quæ sinum sinistrum vesicæ efficit, & sæpe fovea etiam hic adest recto intestino quasi impressa, in qua calculi hospitantur; N O P partem vesicæ posteriorem, os sacrum & cavum abdominis respicientem, ac peritonæo obvolutam; Q R anteriorem, quando erecti sumus; superiorem vero, quando supini decumbimus; quæ in alta operatione inciditur & a lamella interiori peritonæi non cingitur, sed libera ac separata est a cavo abdominis; cum pars vesicæ N O P H Q hæc peritonæi tunica obvoluta sit cavumque abdominis respiciat, ut in vesica flatu vel aqua probe in cadavere inflata, egregie conspicui potest: qua vero de re *Tab. XXX.* plura. S S *intestinum rectum*, vesicæ adjunctum; T *sphincterem ani*, sive muscolum, intestino recto constringendo destinatum; V partem vesiculæ seminalis sinistræ; XX. interstitium inter *intestinum rectum*, bulbum & cervicem vesicæ, partim substantia cellulari, partim fibris muscularibus a sphinctere & levatore ani provenientibus repletum.

Fig. 2. ostendit, ALGHISIO auctore, a latere sinistro qualis sit vesicæ atque urethræ positura in feminis, nexuque cum utero & vagina ejus. Sic enim littera A *vesicam*; B B *sphincterem*, *urethram* C C includentem. D *os urethræ* externum in vaginam hians. E *clitoridem cum præputio*; F F *nymphas*; G G *pudendi labia*; H *os uteri externum*, quod & *os vaginæ* dicitur; I I *vaginam ipsam*; K denique *uterum* designant. Ut vero etiam *os uteri internum* hic exhiberem, vaginam apertam & in ea hoc os uteri litt. L aliquo modo indicare volui.

Fig. 3. Quomodo catheter sive fistula ænea in urethram & postea in vesicam sit immittendus, ostendit. A est manus sinistra penem comprehendens & elevans; B manus dextra catheterem in urethram insinuans, & quidem sic, ut primo partis ejus curvæ facies convexa. C, deorsum penis itemque ventrem respiciat.

Fig. 4. indicat, qua ratione catheter, quando ad bulbum usque urethræ fig. 1. E intravit, invertendus sit, ut postea pars concava A ventrem spectet, atque extremum rostrum B apta versione per cervicem vesicæ in cavum ejus propelli queat. C manubrium catheteris, quod manu dextra in hunc finem regitur.



Fig. 5. exhibet , quomodo secundum *vetustissimam* sive *Celsificam* lithotomiæ methodum , duo digiti in anum immitti , calculus cum vesica & cervice ejus ad perinæum compelli , tandemque in prominentem perinæi partem A demitti scalpellum vulnusque BB fieri debeat . Figuræ fundamentum TOLETVS supeditavit in libro ejus de lithotomia , locum vero & figuram vulneris ego addidi .

Fig. 6. demonstrat , quomodo calculus A , in vulnere hærens , adhibito uncinulo B , per vulnus inflictum , si solis digitis ejici nequit , extrahi e vesica debeat ; eodem TOLEIO auctore .

Fig. 7. MARINI *instrumentum* exhibet æneum , calculis ex urethra eximendis vel extrahendis accommodatum . Littera A partem illam extremam sive anteriorem tanquam ansam indicat , quæ insinuari in urethram ultra calculum debet , ut nimirum illa reducta , calculum , tanquam ansa , comprehendere ipsumque caute evellere queat . B manubrium ejus indicat , manu , dum calculus quæritur , prehenditur & extrahitur , continendum .

Fig. 8. Vesicam pueri a parte anteriori spectatam sistit . AA est collum sive cervice vesicæ & initium urethræ . BB corpus vesicæ , C fundus cum vicina parte urachi ; DD prostata glandula urethram complectens ; EE vesiculæ seminales utrimque aliquo modo conspicuæ , supra quibus in adultis in loca FF prominentiæ se exhibent , quæ intus cava & sinus quasi utrinque efformant , quæ prominentiæ proinde *sinus* vesicæ apte vocari possunt , in quibus calculi sæpe hospitantur , ( de quibus inferius plura , ) quæ vero in infantibus & pueris ut plurimum adhuc desunt , sic ut vesica puerorum figura multum differat ab adultorum . Nam in ambobus quidem pyriformes sunt , sed sic tamen , ut in pueris juxta cervicem angustiores sint , ut hic conspicitur , & in parte superiori ampliores . In adultis contra vesicæ ampliores sunt versus fundum sicut hic fig. 1. itemque Tab. XXXII. fig. 1. & 2. conspici potest .

Fig. 9. ex ALGHISIO designat , quomodo ex sua sententia adulti in calculi sectione debeant deponi ac contineri ; quod a TOLETI aliorumque recentiorum modo aliquo modo differt . Namque littera A ægri hominis posituram ; B chirurgum , & quomodo is manu sinistra catheterem , dextra vero scalpellum in ipsa actione contineat , exhibet . CC binos ministros , pro continendis ægri pedibus , utrinque juxta mensam constitutos ; altera manu pedem extremum , altera genu continentes . D ministrum illum , qui supra tabulam & hominem ægrum divaricatis pedibus constitutus eum detinet , manibus vero & scrotum sursum versus adductum comprehendit , ac simul perinæi cutem gnaviter diducit ; EE pulvillum coxis subiectum ; F vasculum vero excipiendo sanguine , ( quandoque & fæcibus ) subter mensa positum ; G partem illam , in qua fieri plaga debet , commostrant . H *peram* seu marsupium , pro continendis instrumentis , ad operationem instituendam necessariis , destinatum , atque funiculi beneficio circum coxas deligatum ; quæ seorsim exhibetur Tab. XXX. fig. 6.

Fig. 10. laqueum planum exhibet , quo RAVIVS uti solebat pro manu cruri alliganda . A est ansa , qua carpum comprehendebat ; BB vero duo ejus extrema seu frondes , quibus manus cruri jungebatur ; qua de re inferius plura.



## C A P. XXXI.

*De lithotomia, quæ fit alto, ut vocant, cum apparatu, sive de methodo Franconica, aut hypogastrica, hoc est, calculum ex vulnere super osse pubis facto extrahendi.*

I. **P**RÆTER binas illas, de quibus hætenus tractavimus, usitatiores lithotomiæ methodos, alia quædam eademque *tertia* in scriptis chirurgorum hodie proponi solet atque commendari; methodus scilicet FRANCONICA, a PETRO FRANCO, Chirurgo Gallo, inventore sic quondam vocata itemque a loco sectionis, quia *medium* hypogastrium inciditur, HYPOGASTRICA SECTIO, vel & Cystotomia hypogastrica. Communiter quoque eadem APPARATVS ALTVS (Gallis *Appareil haud*) dicitur, propterea, quod in medio hypogastrio sive pube *anterior vesicæ pars*, (hominem in situ erecto considerando) vel *superior* vesicæ pars, quando scilicet æger supinus decumbit, pro extrahendo calculo, hic inciditur; cum in parvo, majori & laterali apparatu plaga infra scrotum in perinæo incidatur. Vix autem semel nova ista calculum curandi ratio ab auctore ejus adhibita fuerat, quum mox in desuetudinem rursus eadem abiret, penitusque tandem in scholis Medicorum exularet; nisi quis forte explodendi solum causa de ea loqueretur. Tametsi enim primus ejusdem auctor feliciter eandem in puero bimulo Laufannæ A. 1560. instituerat, propterea quod *calculum, qui ovum gallinæ æquabat*, in perinæo educere non poterat (a); tamen quando is, necessitate, ut ait, parentumque precibus commotus, qui mori illum, quam tam misere vivere malebant, illam susceperat, felicemque curationis exitum fortunæ potius, quam artitribuendum esse indicaverat; tantum abest, ut ipsam commendaverit, ut potius eandem, ut summe periculosam & quasi temerariam reprobaverit chirurgisque ægrisque dissuaserit. Atque id ipsum quidem magis ideo, quia vulnus in superiori sive membranacea vesicæ parte factum veteribus, a tempore jam HIPPOCRATIS (b) lethiferum utique videbatur. Interim ab eo tempore in Medicis atque chirurgis sagacioribus quandoque haud omnino desuere, qui & rationibus ex anatomia sive fabrica partium desumptis; & experientia sive exemplis inducti statuerunt, promptam utique, facilem ac tutam esse posse, quæ super pubis ossibus instituitur, calculi sectionem (c), quis modo vesicæ verum situm extra peritonæum, itemque ejus cum

*Prima methodi hujus fata quæ sint.*

(a) Vid. lib. ejus titulo: *Traité des Hernies*, cap. 33. pag. mihi 139. 140.

(b) Aphor. 18. Sect. VI. & CELSI L. VII. Cap. 26.

(c) Ut ROSSETVS de partu Cæsar. Cap. 7. HILDANVS libr. de lithotom. in operib. pag. m. 732. 733. Nicolaus PIETREVS Medicus Paris. in quæst. Medica *An ad extrahendum calculum dissecanda ad pubem vesica*, edita Paris. 1635. Jo. RIOLANVS anthrograph. Cap. XXVIII. de vesica, pag. 149. ubi ait. *ex illo situ cognosces cystotomiam in imo hypogastrio perfici posse extrahendum calculum, illæsa & integra ventris capacitæ*. TOLETVS lib. de Lithot. Cap. XIII. SOLINGENIVS in operat. chirurg. PROBY in Act. Anglic. a 1700. & Act. Erud. Lips. An. 1701. pag. 230. DIONYS. operat. chir. demonstrat. III. ubi de lithotomia agit, GREEMFIELDIVS lib. de calculo, lingua anglica Londin. A. 1710. edito p. 152. GARENGEOT operat. chirurg. Tom. I. p. 357. edit. I.



cum partibus vicinis nexum & conformationem rite cognoverit, & quomodo ad corpus vesicæ idoneo loco, sine læsione fundi ejus, perveniendum sit, rite dixerit (a). Nam illum non esse impossibilem, quia primum modo laudatus chirurgus atque fortuitus apparatus alti auctor, PETRVS FRANCVS, feliciter admodum istam primum perfecit, sed & BONNETVS, deinde, celebris quondam apud Parisinos chirurgus ac lithotomus; haud infeliciter curationem hanc quoque olim Parisiis adhibuit: quemadmodum illud TOLETVS (b) memorat: qui quidem simul ipsum *agendi atque curandi modum*, fere ut FRANCVS, *proposuit, sic fere describit*. Minister scilicet aliquis, binis digitis anterioribus in ægrotantis anum insertis, quam diligentissime calculum vesicæ sursum ad superiorem vesicæ partem compellat, eumque ita contineat. Tum ipse chirurgus super pubis ossium juncturam, juxta infimam albæ lineæ partem, scalpello adhibito cutem primum una cum subjecta pinguedine ac postea musculis, & ipsa denique vesicæ fundo sensim concidat, ac deinde aperta vesica calculum, intus hærescentem, (dilatato prius vulnere ope ferramenti aperientis sive dilatantis) forcipis beneficio protrahat. Quo facto, vulnus per adhibitum balsamum vulnerarium ea ratione glutinare is studeat, quam generatim in glutinandis abdominis vulneribus Medici præscribunt. De implenda vero prius vesica ope aquæ vel alterius idonei liquoris & syphonis; quod ROSSETVS tamen jamdiu antea docuerat, TOLETVS nil præcipit. FRANCO BONNETOQUE, qui hanc operationem perfecerunt, adjungendus hic est GREENFIELDIVS, Batavus quidem natione, sed Medicus & lithotomus quondam apud Londinenses clarissimus. Namque is commemorat (c), se itidem, *necessitate coactum, calculum aliquem, hac methodo, facto scilicet super pubis ossibus vulnere, feliciter eduxisse*. Quænam autem necessitas vel causa illa fuerit, quæ id ipsum facere postulaverit, haud memoravit, licet verisimile sit, ipsum calculum educere in perinæo non potuisse. Ita & HILDANVS, quamvis primo generatim hanc sectionem dissuasit, postea tamen scribit (d): *si calculus ingentis fuerit magnitudinis &c. sectionem illam, de qua scribit FRANCVS, sectioni quæ in collo vesicæ fit, id est apparatus majori, præferrem; calculus enim, si propter magnitudinem ad inguen (dicerem vult vel debet ad pubem) attollitur, minor cum calore & periculo in pube, quam per collum vesicæ angustum extrahi posse, plane mihi persuadeo*. Si vero calculum magnum hic extrahi commodius, quam majori apparatu, posse putat & agnoscit HILDANVS, minor sane tanto facilius minori dolore ac periculo educi poterit. Sic PETREVS quoque eam valde commendat (e), atque maximus etiam Gallorum anatomicus RIOLANVS ipsam fieri posse ex situ & fabrica vesicæ manifeste evincit (f), imo & eam quoque *suo tempore revera factam esse* scribit (g). Præterea DIONYSIVS, unus ex primariis scriptoribus chirurgicis Gallis hujus sæculi, hanc methodum, ob easdem rationes, impleta prius liquore tepido vesica, non modo succedere posse, verum eam etiam *optimam* videri, parvoque & magno apparatu præferendam esse docuit, si modo usu magis comprobata esset (h), FAGONIVMQVE Regis tunc temporis me-

(a) Guido PATINVS etiam de hac operatione scripsit in BARTHOLINI Cent. IV. epist. XX. & XXI. An. 1662. Verum eam contempsit.

(b) In lib. de lithotomia, cap. XIII.

(c) In libr. de calculo. Londini an. 1710: lingua anglicana edito, pag. 152.

(d) Libr. de lithotomia in oper. chirurg. p. m. 732. 733. sed male hanc sectionem *inguinalem* appellat; quia non in inguine, sed hypogastrica & pubis regione instituitur, atque inde etiam *hypogastrica* vocetur.

(e) In dissert. supra laudata.

(f) In Anthropograph. Cap. XXVIII.

(g) Ibid. pag. 816. ubi ait: operatio hæc olim tentata & nunc administratur satis feliciter.

(h) In operat. chirurg. demonstrat. III. artic. XIV. pag. 193.



medicum primarium ejusdem esse sententiæ asseverat . Unde patet , Gallos plures , eosque sæpius pro hac calculum e vesica extrahendiratione scripsisse & pugnasse . Denique in Act. Acad. Reg. Londinensis , an. 1700. pag. 455. , notabile describitur exemplum , quo *Chirurgus* , nomine PROBY , *alta operatione calculum viginti feliciter extraxit* ; de quo infra , ubi de modo calculum in mulieribus educendi proponam , uberius acturus sum . Hic solum miror , quod licet in laudatis actis Anglicanis & deinde etiam in altera Chirurgiæ meæ germanicæ editione , quæ An. 1724. prodiit , relatum sit , tamen nullus Anglorum , quorum tamen multi de hac operatione disputarunt , ullam ejus mentionem fecerint ; unde suspicandum illud ipsis haud cognitum fuisse . Ita nec Galli , qui de argumento hoc scripserunt , nobilem hanc observationem notarunt , nisi post me solus Camillus FALCONET , Medicus Parisinus , in quæstione Medica , Chirurgica ; *An educendo calculo , ceteris anteferendus sit apparatus lateralis ?* edita Parisiis An. MDCCXXX. pag. 6. Quæ igitur quum ita sint , mirum utique videri poterat , qui factum sit , ut præstantissimi quique chirurgi sive lithotomi & cum primis Galli , novam illam simplicioresque ac felici successu aliquoties peractam curandi rationem nihilominus prorsus neglexerint atque abjecerint (a) ; quum tamen reliquis facilior , longe simplicior atque ob multas rationes tutior , paucioribusque symptomatibus obnoxia eadem videatur ; *neque verendum facile sit , ne partes generationi aut urinæ excretioni servientes , ut vesicæ sphincter , aut ureter , aut urethra , aut intestinum rectum , aut arteriæ venæque majores , qui hic nullæ tales sunt , concidantur vel lacerentur , neve fistula quædam in perinæo aut incontinentia urinæ , aut impotentia aut sanguinis nimia profusio , inde concitetur : utpote quæ commoda , præter alia , doctissimus ROSSETVS jamdudum egregie de hac methodo exposuit , libr. de partu cæsareo , eamque propterea vehementer commendavit , ostendendo simul hæc vesicæ vulnera , si cum abdominis cavo non communicant , & urina in illud influere nequeat , non esse mortifera .*

II. Atque his ipsis equidem similibusque aliis rationibus probe ponderatis , *A DOVGLASIO instaurata .* Franconicam istam calculos super pubis ossibus excindendi rationem spretam , quasi postliminio in scholas chirurgorum reducere atque instaurare studuit Jacobus DOVGLASIUS , Medicus Londinensis eruditissimus , qui partim ex ratione , nimirum ex situ , fabrica & nexu vesicæ , partim ex eis , quæ alii hac de re scripserunt , in confesso Acad. Reg. Lond. An. 1718. ostendit , *calculum revera ex superiori sive anteriori corporis vesicæ parte , quando sectio rite instituatur , excindi posse* ; ac deinde frater hujus ; Joannes DOVGLASIUS ; chirurgus apud Londinenses celebris , ipso opere in homine vivo calculo laborante an. 1719. hoc præstitit , pauloque post id publicavit , edito circa annum 1720. libello singulari , LITHOTOMIA DOVGLASIANA inscripto : Utpote in quo non solum argumentis quamplurimis , ex anatome præsertim petitis , idem confirmavit , & singula simul novæ hujus lithotomiæ præ vulgari commoda recensuit ; sed quod caput rei est , exemplum quoque notatu dignissimum adolescentis , sexdecim annos habentis ; in quo feliciter eandem ipse primum adhibuerit ; cum ipsa incidendi & calculum extrahendi ratione , proposuit (b) . Haud ita diu post eandem

(a) GARENGEOT. refert cap. de *alto apparatu* , unum inter optimos lithotomos Parisinos ; & nominatim THIBAVTUM , licet commoda hujus methodi agnoverit , *nunquam tamen in homine vivo eum instituere voluisse* eumque propterea redarguit . Sed quæro , cur ipse hoc non præstiterit ?

(b) LISTERVS quidem , nobilis quondam Medicus Anglus , in itinere parisiensi ; quod anno 1699. Londini edidit , affirmat pag. mihi 238. , se jam olim in Act. Acad. Reg. Lond. aliquid *de operatione hac instauranda scripsisse* ; verum quia locum non addit , ubi hæc scripsit , eum reperire non potui . Si vero res ita se habet , aliquo ortæ instaurationis gloria ipsi prorsus denegari non poterit .



dem operandi rationem & a DOVGLASIO & a CHESELDENO, & ab aliis chirurgis Anglis sæpius feliciter institutam esse ex litteris primo amicorum in Anglia tum degentium, & deinde etiam ex novis libris hac de re postea publicæ luci expositis, uberius intellexi (a).

Quando & quo successu ipsam primam instituerim.

III. Ego vero cum & rationibus ex anatome petitis, & a ROSSETO, DIONYSIO ac DOVGLASIO propositis hisdemque sat gravibus ac manifestis, experimentisque jam alias cum in cadaveribus a me sæpius institutis, tum & in vivis a DOVGLASIO, CHESELDENO, aliisque Anglis sat felicibus ac multis comprobata reperirem novam istam lithotomiæ methodum; ipsemet quoque illam primum, eadem ac FRANCUS & GREENFIELDVS necessitate inductus, anno 1723. mensis Aprilis die XVII. in viro quodam calculoso, qui tricenario jam major erat, hic Helmstadii tentare nullus dubitavi; dum calculi fragmentum aliquod magnum, quod per plagam in perinæo, *Raviano modo* (quem alias jam aliquoties & forte primus inter omnes post RAVIVM, ut infra uberius exponam, exercueram) a me factam, commode forcipe apprehendere, adeoque nec extrahere poteram, quia forte in foveam sive diverticulum vesicæ, qualia sæpe ab auctoribus observata sunt (b), recesserat, facto, præsentibus multis medicinæ studiosis & chirurgis, proxima post primam operationem die, sine ulla vesicæ repletione, utpote quæ ejusmodi in casibus ob vulnus inferius fieri nequit, super pubis ossibus, ad ductum ROSSETI & DOVGLASII in corpore vesicæ vulnere, eoque ope scalpelli curvi, cuspide lenticulata (Tab. V. fig. 5.) fursum deorsumque dilatato, digitorum ope satis cito & facile, illud protraxi (c). Nam miserabilis hic homo propter intensissimos, quos continuo perpeffus est, dolores anxius auxilium flagitabat, atque emori potius; quam diutius a calculo extorqueri malebat. Primis quoque ab operatione diebus satis bene æger sese habebat. Circa diem vero quintam vel sextam horror atque postea mox æstus aliquis ipsum invadebant. His per adhibita medicamenta convenientia mitigatis, mirifici lumborum atque dorsi dolores, quos ante operationem jam tum idem senserat, cum nausea atque debilitate virium remanebant. Vulnus tam superius quam inferius absque doloribus quidem erant; sed purgationem tamen atque glutinationem, cum primis superius, haudquaquam recipiebat (d). Tametsi enim emplastra insigniter glutinantia atque fascia lata uniens (vid. Tab. V. fig. 8.) qualis adhiberi communiter in istiusmodi vulneribus abdominis solet, cum balsamo vulnerario præstantissimo atque splenis oblongis & crassis utrinque juxta hanc plagam impositis, quam diligentissime applicabantur; urina tamen nihilominus inde prorumpebat; per fistulam autem naturalem sive urethram nihil omnino, per vulnus vero inferius parum profluebat. Tandem post quatuor septimanas homo ægrotus, debilitate summa atque nausea continua confectus, emoriebatur (e). Inciso cadavere, vesicæ vulnus

(a) Præcipui ex his sunt W. CHESELDEN *Treatise on the High operation for the Stone*, hoc est, Tract. de alta operatione Lond. 1723. 8. *Anonymi* Cystotomia hypogastrica Lond. 1724. 4. Essay on Lithotomy by Dr. MIDDLETON. 4. Lond. 1727. Traité de la Taille au haut Appareil, de Mr. MORAND Paris. 1728. &c. DOVGLAS dissertation on the High operation 1729. in qua sexaginta homines hac ratione a variis, maximam partem feliciter, sectos indicat.

(b) Conf. Tab. XXXII. fig. 1. & 2. RIOLAN. Anthropogr. Cap. XXIII.

(c) ROSSETVS, DOVGLASIVS, CHESELDENVVS, MIDDLETONVS, MORANDVS, DRANIVS, GARENGEOTVS; alique volunt, ut vesica semper prius liquore impleatur. Verum FRANCUS, GREENFIELDII, ROSSETI pag. 282. BERRIERI apud MORANDEM lib. de alto apparatu p. 249. descriptum & hoc meum exemplum demonstrant, rem etiam sine repletionem succedere, si modo res rite, ut infra docebo, cauteque instituat.

(d) DOVGLASIVS alique Angli quoque notarunt, quod, ubi vulnus suppurationem & purgationem non admisit, ægros non servari potuisse.

(e) Doctiss. WINSLOVIVS in Epist. ad MORANDVM de alto apparatu data, quæ in MORANDVM



vulnus inferius partim in cervice, partim in ipsa vesica erat; superius vero circa partem superiorem decenter institutum esse advertebatur. Neque enim abdomen aut peritonæum deopertum, neve læsa aut corrupta intestina, neve sanguinis aut urinæ quicquam in abdominis cavo reperiebatur. *Renes autem insigniter ab ulceribus atque purulenta materia distenti* veram dolorum in lumbis & dorso intensissimorum, ceterarumque noxarum gravissimarum, atque ipsius denique mortis causam manifestissime demonstrabant.

IV. Sed quicquid tandem harum rerum sit; tamen, ut aperte, quod res est, dicam, primum istud lithotomiæ altioris specimen meum, quantumvis etiam prompta operatio fuerat, efficiebat, ut, contra, quam ROSSETVS atque DOVG-GLASIVS scripserant, insigniter utique dubiam, præcipue si *ad vulneris glutinationem* respexeris, novam istam calculos super pubis ossibus excindendi rationem esse, ego arbitrarer. Neque id ipsum quidem absque gravissimis rationibus. Quum enim primo, quemadmodum ex anatomicorum institutis patet, inferior vesicæ pars sive cervix sphinctere valido instructa sit & quasi præmunita; ipsaque urina non tam sponte sua profluat, quam potius a vesica, naturaliter & cum vi quadam per tunicam suam musculosam sese contrahente exprimatur; mirum videri haud quaquam debet, quod, simulatque vesica, per intus collectam urinam velut irritata, sese constringit, citius aut facilius ex aperto, nullumque sphincterem habente vulnere, quam per consuetum, atque angustum sphinctereque clausum iter suum prorumpat, itaque mirifice glutinationem impediat. Accedit, quod ejusmodi vulnerum abdominis oræ non nisi difficillime conjungi soleant atque glutinari: siquidem a musculis abdominis obliquis & transversis, ab alba sive media ventris linea versus vertebrae & ilei ossa extensis, continuo eadem distenduntur.

V. Neque vero glutinationis difficultas ab orarum vulneris distentione tantum, sed inde quoque ut plurimum nascitur, quod *deligatio protinus a profluente urina vitiatur atque prorsus inanis redditur*. Quantumvis enim magno egomet studio id egerim, ut in homine isto calculoso, quem secundum altam hanc lithotomiæ rationem tractaveram, bis vel ter quotidie vulneris oræ comprimerentur, atque, balsamo vulnerario optimo inunctæ, per emplastra glutinantia longissima, fereque abdomen integrum cingentia, quam exactissime invicem conjunctæ continerentur; & splenia denique bene longa atque crassa, utrinque juxta plagam posita, fasciæ unientis prælongæ robustæque subsidio deligarentur; tamen nihil isthæc omnia proficiebant: quin splenia potius atque fasciæ, emplastris glutinosis ab urina profluente resolutis, ita semper brevi madefiebant, ut quam frequentissime quidem per dies singulos innovari vinctura deberet: sed glutinatio tamen vulneris nihil interim succederet. Atque ut ne quis forsan opinetur, nos aliquid omisisse vel neglexisse eorum, quæ ad istiusmodi vulneris glutinationem necessaria sint, observasse juvabit, neminem adhucdum glutinationis modum meliorem eo, qui a nobis est adhibitus, proposuisse. Quin imo DOVG-

*Heisteri Chirurgica Tom. III.*

Cc

GLA-

RANDI lib. de hac operatione Parisiis A. 1728. edito, continetur, scribit pag. 329. *Apparatum in Anglia a DOVGGLASIO, in Gallia vero a MORANDO esse instauratum* utpote qui eum a. 1727. primus Parisiis, ut ipse refert, instituit. Ego vero quia eum jam diu ante MORANDVM, quod præfiscine dixerim, nimirum a. 1723. perfeci, primus forte ero, qui & inter Gallos & inter Germanos ipsum instituit, rem quæ totam jam a. 1724. in altera chirurgiæ meæ editione descripsi, imo & ad WINSLOVIVM ipsum in epistola d. 14. May 1723. Helmstadii data, quæ in libello DOVGGLASII, mox citando, continetur, perscripsi. Quare miror, cur nemo neque inter Gallos neque inter Britannos, qui post a. 1724. de hac operatione scripserunt, hujus rei mentionem fecerit, solo Jo. DOVGGLASIO excepto, in diff. de *alta operatione* an. 1729. edita, pag. 126. & 128. cum tamen mea chirurgia satis & in Hollandia & in Germania ubique nota fuerit, eamque etiam SERMESIVS, Medicus Amstelodamensis, in Lithotomia Douglassiana, quam a. 1726. belgica lingua Trajecti ad Rhenum edidit, jam descripserit.



GLASIVS, perinde ac GREENFIELDIVS fecit, in libello suo ne verbum quidem de glutinationis modo sive artificii addit; dum non nisi generatim illud scripsit, se hominem calculosum intra quatuor septimanas in sanitatem pristinam restituisse.

*Glutinatio  
vulneris  
subinde dif-  
ficillima.*

VI. Ex jam jam propositis luculentissime, si quid ego video, apparet, egregie utique falli eos, qui lithotomiam altam præ ceteris calculum educendi modis a facili & promptissima vulneris glutinatione commendabilem esse statuerunt. Quod enim ipsi, urinam, secundum naturales corporum fluidorum regulas, longe facilius ex infima vesicæ parte, hoc est, per colic fistulam, quam per vulnus in suprema vesicæ parte factum, profluere, neque facile fistulam quandam in perinæo, ceu fieri quandoque in communibus lithotomiæ methodis, propter urinam continuo destillantem, solet, excitari per lithotomiam altam posse judicarunt, id nihil esse, prudentiores quique facile intelligunt. Quandoquidem enim urina non tam proprio pondere suo per fistulam penis elabitur, quam potius a vesica naturaliter coarctata, diaphragmate opitulante, exprimitur, abesse vix potest, quin citius ex vulnere diducto, quam per urinæ fistulam sive urethram, sphinctere valido clausam, profluat: Atque id ipsum equidem, nisi ego fallor, in causa mihi fuisse videtur, quare chirurgi operandi modum istum, licet satis feliciter a quibusdam, ut supra dictum est, adhibitum, unanimi propemodum consensu diu omnino spreverint. Quod autem nemo illorum vetustiorum, qui curandi rationem illam descripserunt, de mirifica ista glutinationis difficultate, vel & universim de glutinationis artificio mentionem fecerit, id ipsum equidem tantum abest, ut forte fortuna factum sit, ut callido potius consilio atque propterea factum esse videatur, ne qua forte difficilioris glutinationis istius culpa curantis imprudentiæ tribuatur. Rari enim atque adeo rarissimi Medici sunt, qui vel HIPPOCRATIS, vel meo etiam exemplo, curationes suas minus feliciter confectas aperte describant, posterisque in exemplum prudentiæ proponant. Plerique enim, nec sine ratione quidem, verentur, ne imprudentiores atque invidi materiam calumniandi inde arripiant, neve a Medico interfectos statuunt, qui servari propter ipsam noxæ gravitatem nulla ratione poterant. BONNETVM aliquoties in hominibus calculosis lithotomiam altam adhibuisse, TOLETVS equidem scribit; (vid. supra N. 1.) sed ex aliorum hominum relationibus. Quo successu quibusve artificii vulneris glutinatio instituta sit, neque a BONNETO, neque a TOLETO memoratum legimus. Quin BONNETVM atque Gallorum chirurgos plerosque postea fere omnes secundum communem sive majoris apparatus lithotomiæ methodum calculosos ad hæc usque nostra tempora postmodum tractasse, testis est historia atque recentiorum experientia. Ut proinde nihil a veritate alienum statuere nobis videamur, si dixerimus: rarissime a BONNETO atque forte non nisi tum lithotomiam altam susceptam fuisse, quando calculi secundum communem curandi rationem excindi vel protrahi neutiquam potuerunt. (a) Forsan enim indecorum atque ab excellentis Chirurgi auctoritate alienum ipsis visum est, fateri, plagam aliquam, quæ levior multis videri poterat, vel nullam omnino, vel difficillimam saltem curationem

(a) Posse enim quandoque graves istiusmodi casus incidere, ubi nec ab excellentissimis quidem chirurgis protrahi calculus ex plaga in perinæo facta queat, non ex FRANCI atque GREENFIELDII exemplis tantum, sed ex apertis quoque chirurgorum recentiorum atque expertissimorum relationibus manifestum est. vid. RVYSCHIVS observ. 87. Vita OLAI BORRICHII, in conspect. script. chem. illustr. SERMESIVS in lib. de lithotomia DOUGLAS. ubi aliquot extant hujus rei exempla in præfatione. DENYSIVS obs. chirurg. ubi ipse RAVIVS calculum extrahere non potuit, p. 69. 61. aliaque, ubi alii id non potuerunt, pag. 90. ad 92. item præfatio COLOTI libro de lithotomia præmissa pag. 43.



nem recipere. Gallos autem una cum BONNETO præstantissimisque chirurgis aliis, propter glutinationis præcipue difficultatem, ab alto apparatu hætenus abstinuisse, haud improbabiler inde conjicimus, quia præter hanc nulla sufficientis ratio patet, quare ipsi communem lithotomiæ rationem eamque nondum adeo, ut nunc est, excultam, novæ isti posthabuerint, quæ prompta imprimis est, atque propter varia commoda, N. 1. circa finem a nobis relata, commendabilis. Faciamus autem denique, feliciter glutinationem a DOVGLASIO institutam esse, utpote in homine juvene atque robusto, calculumque haud valde magnum sentiente; tamen quo minus perpetuum altoque apparatui proprium esse commodum illud judicemus, diversi utique calculosorum habitus prohibent. Sæpius enim, quemadmodum ex exemplo a me proposito liquet, calculi curatio istiusmodi hominibus adhibenda est, qui, & natu jam tum grandes sunt, & a quamplurimis noxis aliis ita graviter infestati & quasi jam confecti, ut aut difficulter admodum, aut prorsus etiam non perducere ad glutinationem vulnera istiusmodi valeant. Quam equidem propter causam nihil a prudentis Medici officio alienum admittere censi nos poteramus, siquidem tunc statueremus, lithotomiam altam pro præstantissima calculum secandi ratione neutiquam haberi neque tuto commendari chirurgis ante posse, quam promptiora ac certiora plagam glutinandi artificia & a Medicis excogitata sint, & quamplurimis exemplis comprobata. Quod enim TOLETUS existimat, vulneris hujus glutinationem æque promptam esse, atque illa, quæ fit in abdominis vulneribus reliquis; id ipsum indicio est, virum clarissimum experimentis hac in re destitutum fuisse, atque solum conjecturis fallacibus locum dedisse. Ceterum an hic in apparatu alto supra vesicam cum fructu institui, a ROSSETO atque SOLINGIO (a) commendata, *gastrophia* possit, dubito; cum hæc vesicæ puncturæ facile gravia mala concitare possint, & nonnulli prudentiores chirurgi facere hujus rei experimenta quædam, sed sine emolumento sustinuerint. (b)

VII. Hætenus, quid olim atque anno præcipue supra millesimum septingentesimum vigesimo quarto, quum has institutiones meas chirurgicas lingua germanica conscriptas in lucem denuo emitterem, de lithotomia alta senserim, explicavi: (c) sequitur, ut, quid nunc jam de illa sentiam, uberius exponam. Scilicet postquam ego penitus singula, quæ in hac ipsa curandi ratione factu necessaria sunt, una cum recentioribus feliciter admodum a DOVGLASIO, CHESELDENO, THORNHILLIO, SMITHIO, PYO, MAGGILLIO, MORANDO, me atque aliis confectæ curationis hujus exemplis circumspexi haud obscure ex quamplurimis promte ac feliciter curatis intellexi, maximam illam glutinationis difficultatem non tam a vitio methodi vel ab ipsius vulneris loco aut gravitate, quam potius a pravo corporis habitu aliisque morbis junctis provenire. Namque in hominibus junioribus, præsertim pueris ac juvenibus, cetera sanis facile ut plurimum & feliciter vulnus glutinatur; sicubi junctam modo vincturam aliquam sive deligationem cum unguento primum digestivo atque balsamo dein vulnerario communi, balsamo scilicet *copaivæ*, aut ARCÆI, aut simili alio, una cum conveniente victus regimine diligenter chirurgus adhibuerit. Quod ipsum equidem eo confidentius asseverare nunc ausim, quo magis luculenta istiusmodi hominum exempla sunt, quos feliciter DOVGLASIS, CHESELDENVS, & alii modo nominati, atque egomet

*Præsertim in illis, qui mali habitus sunt.*

Cc 2

ipse

(a) Loc. citat.

(b) Middleton lib. cit. p. 35. Morand Tr. de alto appar. p. 132. Præbisch de alt. oper. p. 7.

(c) Supra jam §. III. monui, neminem Gallorum & Anglorum, qui post annum 1724. de hac re scripserunt, hujus observationis mentionem fecisse, solo Jo. DOVGLASO excepto.



ipse postea secundum istam lithotomiæ rationem pristino vigori suo restituimus ; & quorum ultimorum quorundam prolixior jam facta mentio est in illa *dissertatione* , quam *de alto apparatu* anno jam 1728. in lucem publicam emisi . Ut proinde facere aliter haudquaquam possimus , quam ut hanc calculos super pubis ossibus excindendi rationem *in pueris* , (ac *juvenibus* ceteroquin sanis , quorum nullus mihi adhuc mortuus est , & quales etiam fere omnes a prædictis viris restituti sunt , egregiam multisque in casibus haud contemnendam lithotomiæ methodum esse statuamus ( *a* ) præsertim si calculus altius in iis hæret , quam ut pro parvo apparatu ope digitorum ad infimam perinæi regionem , quemadmodum subinde fit , commode propelli queat ; vel forte asper valde & spinosus percipiatur . In pueris tamen & infantibus , qui vehementer clamant , ut nulla prorsus vesicæ repletio propterea fieri queat , quale exemplum MORANDVS descripsit , ( *b* ) si calculus non spinosus & ad perinæum digitis deduci potest , ego *parvum apparatus alto* , *tanquam certiore & minus periculosum* , præfero .

*Cavendum  
ne mors cal-  
culoſorum  
operationi  
huic tribua-  
tur .*

VIII. Non sum equidem nescius , exstare utique exempla eorum , qui post confectam hanc operationem , modo citius modo tardius , expirarunt . Sed quia & post alias methodos nonnulli , imo multi subinde moriuntur , nimis justa collectio foret , si quis statueret , ab vulneris hujus in parte anteriori vesicæ gravitate , vel a vitio quodam alio huic methodo annexo , eosdem semper periisse . Fere singulos etenim , qui post adhibitam lithotomiam altam emortui sunt , cum propter pravum corporis habitum viresque jam nimis detritas ; tum & vel maxime propter gravissima *renum & vesicæ ulcera* interiisse , incisorum cadaverum lustratio quam manifestissime demonstravit . ( *c* ) Præterea in ætate provectioribus sive *senioribus* trigessimum annum supergressis , quia hi plerumque diu a calculo conflictati , atque vel gravi ulcere renum aut vesicæ , vel alio quodam morbo simul laborant , vel viribus jam nimis exhausti sunt , eam ut plurimum haud feliciter succedere in meis ægris & in eis , qui a DOVGLASIO describuntur , ( *d* ) imo & in MORANDI exemplo ( *e* ) observavi ; dum quidem vel ob hæc vitia , alii ex abscessu in cellulari circa vesicam substantia suborto , alii ex cancro vesicæ perierunt : adeoque in virili & senili ætate illam vix amplius institutam , nisi necessitas forte quædam & cum primis ea , quando calculus in perinæo educi non posset , hoc exigat . Cavendum itaque diligenter est , ne , si qui forte servari nulla curandi ratione alia potuerunt , ipsorum mortis culpa temere in lithotomiam altam , ut nonnulli fecerunt , conjiciatur : neve statuatur , longe gravius homines calculosos periclitari , longeque facilius emori , siquidem lithotomiam altam ipsi sustinuerint , quam si secundum communem , id est , magnam , aliamve secandi rationem fuerint tractati . Ceterum quo facilius innocentissima illa curandi ratio ab injustis criminationibus vincetur , chirurgorum est prospicere : *ne qua facile ista calculum secandi ratio in illis adhibeatur , qui aut insignem corporis jam debilitatem aliquam , aut gravissimas noxas alias sentiunt , aut ultra annum trigessimum constituti sunt .* Nam nullus adhuc ex pueris & juvenibus , quos hac ratione a calculo vesicæ liberavi , mihi mortuus est , & plerique etiam alii ab aliis

( *a* ) Ita etiam a DRANIO lib. qui *Parallele* inscribitur , pag. 105. & GARANGEOTO multis in casibus præstantissima operatio habetur , *une operation excellente* chirurg. T. II. p. 274. si modo chirurgi limites peritonæi circa vesicam probe observent .

( *b* ) Lib. de alto apparatu pag. 249. & 250 .

( *c* ) Optime præ ceteris hoc videri potest ex DOVGLASII diff. *de alto apparatu* in qua plurima ejusmodi exempla referuntur , præsertim in Append. p. 85. & seq .

( *d* ) Ibid. & præsertim pag. 91 .

( *e* ) Descriptio in libello de alta operatione , *Traité du haut appareil* p. 212 .



aliis servati sunt ; ( *a* ) sed solum seniores ; qui trigessimum jam annum superarunt , vel alias a morbis fere confectis fuerant . Ceterum , quemadmodum etiam rectissime DOUGLASIUS observavit , *malum plerumque certissime signum esse solet , si neque suppuratio , neque expurgatio vulneris rite procedunt.* E contrario illi , in quibus feliciter suppuratio succedit , id quod in junioribus & ceteroquin sanis plerumque bene contingit , fere semper ad sanitatem perveniunt .

IX. Quid de calculi per adhibitum apparatus altum curatione statuentum sit , explicavimus : sequitur , ut ipsum *operandi modum* , & cumprimis quomodo ego eum instituere solitus sum , paulo curatius exponamus . Antequam vero hoc fiat , opus esse existimo , ut in tyronum gratiam nonnulla *de vesicæ situ , nexu , conformatione & habitu* prius moneam ; quia scientia horum accurata summe hic est necessaria . Igitur si cadaver virile aperitur & in vesicam inquiritur , ea ut plurimum , præsertim si vacua est , ita collapsa & sub ossibus pubis atque intestinis abscondita latet , ut vix quicquam de ea in conspectum prodeat . Sed si vel flatu vel injecta aqua ipsa repletur , gradatim extenditur , & tandem notabiliter supra ossa pubis versus umbilicum sese expandit , ut magna eaque superior ejus pars ; corpus nempe & fundus , egregie conspici queant . Hoc ut tyronibus melius innotescat , figuras nonnullas Tab. XXX. maximam partem ex præstantissimo CHESELDENO mutuatas ( *b* ) , hic in auxilium vocabo . Itaque fig. 1. indicatur cadaver situ obliquo , paulo ad dextrum latus inclinatum , & in eo potissimum venter , in quo remotis tegumentis communibus & musculis abdominis peritonæum intestina obtegens & cum primis vesica litt. A magna ex parte , quoad corpus & fundum se ostendit , decem unciis aquæ ( *c* ) repleta . B urachus , quo umbilico nectitur ; CC arteriæ umbilicales ; & DD ossa pubis , tegumentis reflexis tecta , ut sic quantum vesica bene repleta super ossa pubis in ventre emineat , patefcat . Fig. 2. exhibet abdomen penitus , remoto sive dissecto etiam peritonæo , apertum , & in eo vesicam viginti unciis aquæ distentam ; sed sic , ut interior peritonæi lamina AAAA , quæ firmiter hic ei adhæret , relicta , exterior , cellulosa scilicet , quæ musculis abdominis proxima , ablata sit . Lit. BB denotant illam vesicæ partem , musculis abdominis , & cum primis pyramidalibus & rectis proximam , remota lamina exteriori cellulosa , ita , ut fibræ musculosæ ejus in conspectum veniant . CCCCC limites laminæ peritonæi interioris , vesicam & cumprimis ejus fundum obtegentis , ubi intestina eam tangunt & qua vesica ex cavo abdominis excluditur . ( *d* ) DD ossa pubis EE intestina ; BB vero locum medium corporis vesicæ distentæ , qui in operatione alta inciditur . Fig. 3. designatur *dimidia eaque dextra pars abdominis aperta* , tegumentis & intestinis ablatis , in situ recto . Littera AA , vesicæ pars suprema , *quæ proprie fundus appellatur* , peritonæo obtecta , cavum abdominis respiciens , & quam intestina attingunt , cujus terminus

*Vesicæ situs  
& habitus  
ratione  
hujus operationis .*

( *a* ) Patet hoc ex eodem DOUGLASII libello & ex aliis scriptoribus , qui hac de re commentati sunt .

( *b* ) Libro de alto apparatu , anglice conscripto . An. 1723.

( *c* ) *Modum vesicam* pro hac curatione prius aqua vel liquore alio conveniente replendi primus docuit ROSSETVS , lib. de partu cæsareo , pag. mihi 263. & seq. edit. Paris. an. 1590. Hoc vero non semper absolute esse necessarium , partim FRANCI , partim exemplo alio a ROSSETO pag. 282. relato , aliisque infra indicandis cognosci potest .

( *d* ) GARENGEOT quidem perhibet , *vesicam extra ventrem esse* ; ( *hors du ventre* , Chirurg. T. II. pag. 274. ) verum hoc falsum mihi esse videtur . Est quidem vesica extra peritonæum , præsertim si collapsa est , sed non extra ventrem : quia sita est in pelvi , quæ est cavitas illa abdominis inferior , quam ossa innominata & os sacrum efficiunt , quæ consensu omnium reliquorum anatomicorum ad ventrem pertinet . Quæcumque igitur pars in hac pelvi est , illa etiam in ventre si ve abdomine sita est .



nus sive limites in vesica distenta ad litt. aaaa. BBB, ipsum corpus vesicæ, valde extensum, in latere dextro, musculis abdominis alias junctum, quod cum cavo abdominis non communicat, sed per limites peritonæi aaaa ab ipso distinctum & separatum est, atque si læsum vel incisum est, inter terminos aaaa, urinam non in abdomen effundit, sed extra corpus; & speciatim in alto apparatu, super pubem bb, locum, ubi in alta operatione vesica incidi solet, ubi vulnera vesicæ non sunt lethifera; CCC, arteria umbilicalis dextra; DD, urachus; E, os pubis parte tegumentorum tectum; F, ligamentum latum hepatis; G, pars hepatis; H pars renis dextri; I, pars ureteris dextri; KK, membrana adiposa; L, musculus pyramidalis sinister; MM, musculus rectus sinister. Fig. 4. indicare volo abdomen apertum, & in ipso *vesicam*, eo in statu, quando parum vel modice distenta est: ubi AAAAA fundum ejus peritonæo cinctum, ostendit, cujus læsio mortem infert; BBB vero, partem vesicæ extra peritonæum, inter hujus limites, linea CCC indicatos, & ossa pubis DD, hic valde angustam sive exiguam, (a) ut inde intelligatur, quam caute tunc procedendum sit, quando vesica parum vel nihil distenta, operatione alta calculus inde extrahendus; & quomodo tunc *incisio vesicæ non amplo, sed angusto scalpello*, quam cautissime sit perficienda. Quando enim vesica in fundo, hoc est, in suprema, sive ea parte vulneratur, ubi interna peritonæi lamella cingitur, & urina per vulnus in abdomen influere potest, nimirum in parte AAA fig. 2. 3. & 4. ubi peritonæi interna lamella cincta, lethiferum est vulnus, atque non nisi in parte extra peritonæum BBB, vesicam incidere hic licet. EE intestina indicant.

*Operandi  
modus quid  
sit.*

X. His fundamenti loco præmissis, sine quo temere quis hanc operationem suscipit, sequitur nunc *ipsa alta sic dicta sectio sive operatio*. Scilicet, præmissa, ut decet, præparatione, (b) ægrotus ante omnia super mensam lectumve sic resupinatur, ut nates paulo altiores sint capite, diligenterque quoad manus, pedes, coxas, caput atque pectus ab adstantibus robustis comprehenditur; *vix enim, ut ligetur*, si idonei ministri præsto sunt, ob metum, qui ægris inde sæpe incutitur, hic opus est: quam etiam ob causam nonnulli *lectum tabulæ præferunt*. (c) Capiti etiam pulvinar subjiciatur, ut sic dorsum quasi vacuum sit, quo musculi abdominis aliquo modo relaxantur. Deinde catheter aliquis cavus argenteus, idemque in altero extremo fistula flexili vel *coriacea*, vel ex aspera arteria galli indici, cum DOUGLASIO, vel, ut CHESELDENVS præcepit, ex uretere bovis, vid. Tab. XXX. fig. 5. AA., DDD atque syringa ampliori instructus; quæ cum tubo C conveniat, leniter ac pedetentim in vesicam demittitur, itaque tanta aquæ tepidæ, vel decocti hordei, aut lactis portio in eandem blande compellitur, quantam æger sine insigni molestia aut dolore perferre potest, aut quanta quidem sufficere pro explenda atque aliquatenus saltem distendenda vesica videtur. (d) Quo rite peracto, catheter hic a vesica retrahitur, atque penis mox, ne qua injecta rursus effluat, ab administro quodam comprehenditur, & urethra gnaviter comprimitur, vel ad perinæum etiam depri-

(a) In BIDLOI Tab. 41. hoc spatium adhuc angustius, attamen una cum peritonæi plicis ad latera bene repræsentatur.

(b) Hæc quanti sit momenti ratione & exemplis docet MIDDLETON. lib. cit.

(c) Ut CHESELDENVS lib. de alta operat. p. 6. MORANDVS & WINSLOVIVS in *Morand.* lib. de alto apparatu pag. 232. & 331. quo vero ROSSETVS jam præcepit lib. cit. p. 270.

(d) Nonnulli & inter hos etiam GARENGEOT. l. c. p. 250. volunt, ne eousque extendatur aqua vesica; *donec per gibbum sive tumorem in pubis regione sentiri queat*. Sed hoc quidem in mortuis, verum, ut usu didici, ob spasmos & ob dolores in vivis vix cognosci potest. Imo exempla apud CHESELDENVM referuntur, ubi vesica a nimis magna injectæ aquæ copia disrupta est. SOLINGENIVS suadet, ut *flatu, folle injecto*, vesica distendatur, in oper. chirurg. p. m. 259. sed hoc nihil prodest, imo, ut noxium, jam a ROSSETO rejectum est, l. c. p. 276.



primitur ; vel etiam ligula vel funiculo plano modice constringitur . Tum a dextra ægri stans , jubeo , ut prudens aliquis minister , indice & medio digitis in anum curandi insertis , calculum cum vesica sursum pellat sive elevet , ego vero cutem primo cum pinguedine atque deinde pedetentim & gradatim abdominis musculos , per adhibitum scalpellum quoddam exiguum , quale videri potest Tab. XII. fig. 14. vel aliud simile , ( a ) in manubriolo probe firmatum , super pubis osse , vel in ipsa linea alba , ( b ) vel tamen mox *juxta infimam albæ lineæ partem* , ( vid. Tab. XXX. fig. 3. bb , vel fig. 4. B C linea recta sensim , & quam providissime fieri potest , incido . Debet autem plaga externa in pueris tres circiter digitos latos , in adultis vero quatuor digitorum vel palmæ amplitudinem longitudine sua adæquare . Denique simul ac digitis alterutrius manus in vulnus insertis ; & cumprimis indice sinistro summam pubis ossium partem & supra horum juncturam humorem istum , qui vesicam distendit , persentisco ; ( quod ipsum tamen , præsertim in vesica parum vel modice etiam distenta , vix vel saltem non tam facile , ut nonnulli perhibent , ob spasmos partium in operatione , vel ob vesicam duriores , aliasve ob causas contingit ) tunc vel prædicto scalpello , vel etiam falcato , eoque acuto , vesicam , ut mox uberius dicam ; proxime supra juncturam ossium pubis incido ; vel etiam , ut semel commodissime & non sine successu feci , *acu sive clavo cuspidi triangulari* ( Troicar ) sive cannula , Tab. XXIV. fig. 2. eam aperio . Verum si vesica parum , vel prorsus non repleta est , cautius , ne fundus vesicæ lædatur , agendum . Nam tum indice manus sinistræ , vulnere juxta pubis ossa inserto , ( c ) peritonæum , quod tunc ossibus pubis vicinum est , & quasi incumbit , a pubis ossibus sursum blande diduco , ne vel hoc , vel fundus lædatur , & scalpellum angustum sive tenue , vel etiam acum illam triangulari cuspidi provide juxta pubis ossa in vesicam , *sed non in fundum* , ut nonnulli male docent , verum *in corpus vesicæ & quidem oblique sub ossibus pubis versus cervicem ipsius* ; sicut ROSSETVS jam dudum recte docuit , ( d ) demitto , sic tamen ut exiguum cuspidi tantum fiat vulnusculum . Quo quidem facto , pars liquoris vel aquæ injectæ , vel urinæ etiam retentæ , statim ex hoc vesicæ vulnusculo prorumpit . ( e ) Per idem vero foraminulum sive plagam mox scalpellum incurvum aut directum , sed lenticulatum , sive nodulo loco cuspidis instructum , ( vid. Tab. V. fig. 3. 4. & 5. in vesicæ cavum infero , directoque sursum , versus vesicæ fundum lenticula sive globulo , aut obtuso apice , vesicam quoque sursum versus ducto scalpello , ad unum vel binos digitos , pro ægrorum magnitudine , prudenter concido : ita vix & ne vix quidem peritonæum vel fundus vesicæ læditur , sed solum corpus vesicæ Tab. XXX. fig. 2. BB , & quidem prope cervicem ac circa medium aperitur ; peritonæum vero AAA fig. 2. 3. & 4. manet integrum , atque nondum adhuc hoc modo illud læsi . Sunt qui volunt , *vesicæ incisionem a parte superiori esse inchoandam & quidem mox sub uracho , & inde ad os pubis continuandum* , id-

( a ) Vid. Tab. XXXI. fig. 8. vel fig. 18. quale ALBVCASIS jam pro calculo excidendo commendavit Part. II. Cap. LX.

( b ) Quidam , atque inter hos potissimum etiam GARENGEOT , *sectionem lineæ albæ periculosam adeoque serio vitandam esse præcipiunt* . Sed non solum experientia , optima rerum magistra , hanc cautionem vanam esse , me & plerosque supra laudatos viros , qui hanc operationem ipsi perfecerunt , docuit , eamque æque facile , ut musculi , rursus glutinari ; conf. MORANDI lib. de alta operatione pag. 92. 209. 245. 350. Verum WINSLOVIVS in eodem libro pag. 336. , istam cautelam nullius momenti & fere ineptam esse asseverat .

( c ) Hic modus a nullo , quantum novi , est descriptus .

( d ) Lib. de partu cæsareo , pag. mihi 271.

( e ) Qui amplo scalpello vesicam hic perforare vult , facile ejus fundum lædit , eique vulnus letiferum infligit .



idque unica sectione, (a) hanc meam incidendi rationem, quam a ROSSETO ac DOUGLASIO didici, damnant atque periculofam proclamant, hacque in re *maximum totius operationis periculum consistere affirmant*, (b) id quod ipsis libenter concedo. Verum quia raro & vix unquam certi esse possumus, quousque distenta vesica, & ubi locus ille sit sub uracho, quem incidi volunt, meam modo descriptam securiorem esse judico, praesertim si scalpello lenticulato, quem tamen nonnulli illorum etiam rejicere videntur, cogitate & prudenter fiat. Hac enim ratione nunquam adhuc peritonaeum dissecai, licet operationem in aliquot casibus, ubi nulla vel saltem parca admodum vesicae repletio aderat, rite perfecerim; *cum e contrario illi, qui a parte superiori incisionem inchoarunt*, licet vesicam probe & quantum forte fieri potuit, repleverint, *peritonaeum conciderint*, & aegri cum gravibus symptomatibus mortui sunt. (c) Praeterea mea incidendi ratio tam in vesica bene impleta, quam etiam in eis casibus, ubi parum vel nulla prorsus ratione repleta vesica est; ergo in omnibus succedit: alter vero modus non nisi in vesicis multum aut quam maxime distentis succedit: quare & THIBAVTVS, magnus haud pridem lithotomus Parisinus, ut WINSLOVS & MORANDVS referunt, (d) eam huic praetulit. Ut plurimum vero quando vulnus vesicae inflixi tantum, ut digitum juxta scalpellum lenticulatum immittere possim, indicem sinistrae manus immitto, eum versus fundum vesicae in formam unci incurvo, eo vesicae partem superiorem versus umbilicum blande traho, & plagam deinde ope scalpelli uberius, deorsum verso scalpello, ad ossa pubis & collum vesicae diduco; quo ipso ea ut plurimum satis ampla fit. Interea tamen mox postea alterius quoque manus indicem in vesicam demitto, eoque & calculi situm & magnitudinem & an forte, si calculus magnus, uberius vulneris diductio necessaria sit, exploro: atque hac re perspecta, si uberius dilatatio opus est, digito in vesica adhuc relicto, ipsam paululum attollo, ac vulnus scalpello lenticulato vel sursum vel deorsum, vel utrinque quantum pro calculi magnitudine satis esse ac tuto sine laesione fundi fieri posse judico, dilato. (e) *Sin vero in calculo minori plaga jam satis ampla est*, scalpellum pono atque administrum illum, insertis in aegroti anum digitis anterioribus, *calculum, quoad fieri potest*, iterum quam diligentissime sursum versus compellere jubeo: ipse vero vel per immisos digitos, quando calculus parvus est, ut quandoque feci, vel &, ubi digiti, (nimirum si calculus magnus) soli haud sufficiunt, per demissum ope digitorum uncum, Tab. XXVII. fig. 10. aut forcipem calculariam, prout commodissime comprehendi potest, eundem protrahere studeo. (f) Quibusdam, *qui catheteris immissionem & aquae injectionem pertimescebant*, infusum theae largiter antea bibendum dedi, clausa interim ferramento Tab. XXVI. fig. 9. urethra, ut vesica ab urina distendi aliquantulum potuerit, atque sic eam & apte incidi & calculum commode extrahi, licet sint, qui hoc fieri posse negent. (g) *In his, ubi calculum per vulnus in perinaeo educere non potui*, id

(a) Vid. CHESELDEN. de alta operatione. MIDDLETON de lithot. p. 17. 18. MORAND. Tr. de alto apparatu, pag. 93. 94.

(b) MIDDLETON loc. cit. pag. 20. MORAND. p. 100.

(c) MIDDLETON p. 35. 36. MORAND. p. 131. 134.

(d) MORAND. lib. de alta operat. pag. 333.

(e) Perhibent varii ac si vulnus post primam incisionem in hoc modo diduci amplius non posset aut liceret; verum scalpello lenticulato hoc tuto fieri potest.

(f) Pro vitio altae operationis reputat DENYSIVS pag. 113. quod calculus digitis subinde extrahi queat; quod vero inter commoda referendum maxima.

(g) ROSSETVS quidem jam hunc *vesicam implendi modum proposuit*, pag. 269. & 275. & qui dem speciatim copiose haustis *aquis spadensibus* aliisve similibus diureticis liquoribus; sed nullus novi inter Anglos aut Gallos, qui hanc operationem perfecit, & hunc hac in re secutus fuerit.



id quod bis mihi accidit, & ubi vesica neque aqua injecta, neque urina retenta ob prædictum vulnus, distendi potuit, quemadmodum id & GREENFIELDIO & forte etiam FRANCO contigit, cute, pinguedine inter rectos abdominis musculos caute incisus, digitum indicem manus sinistræ inter os pubis & peritonæi membranam (conf. Tab. XXX. fig. 4. BB & BIDLOI Tab. 41.) prudenter inferui, eoque hanc ab osse pubis quam cautissime ita sensim diduxi, ut vesicam prædicta ratione, primum exiguo, dein ampliori vulnere incidere, calculumque postea ex ea, sine læsione peritonæi aut fundi vesicæ, educere potuerim. *Hujus quidem artificii recentiores, qui de alto apparatu scripserunt, haud meminerunt*; licet in ejusmodi casibus, ubi ceteris methodis calculus protrahi nequeat, insignem usum habere, vesicæque proinde hac in methodo, per injectionem repletio, ut usus docuit, non adeo semper aut absolute, ut multi volunt; sit necessaria. Attamen longe major cautio & diligentia hic est adhibenda, quam ubi vesica liquore repleta est.

XI. Perhibent nonnulli *fundum vesicæ in hac operatione incidendum, calculumque per eum eximendum esse*, & inter hos etiam GARENGEOTVS in operat. chirurg. suarum editione. Sed male imo pessime. Nam hoc falsissimum est, & errorem gravem indicat, qui ex non rite intellecta vesica diversisque ejus partibus provenit. Sciendum enim est, GARENGEOTVM in *splanchnologia* sua nihil quicquam, ubi de vesica agit, de ejus divisione ac diversis illius partibus proponere, quæ tamen in curationibus chirurgicis & vulneribus, quæ in vesica occurrunt, ac præsertim in variis calculum e vesica eximendi modis, scitu summe sunt necessariae, nisi tyrones in gravissimos imo lethiferos errores inducere velimus. Alii vesicam tantum in collum & fundum, omisso prorsus vesicæ corpore, sed male quoque, distinguunt; atque hi, si de operatione alta sive hypogastrica sectione scribunt, fundum in hac curatione incidendum esse docent: cuius tamen incisio ut plurimum, sicuti jam dixi, & quamplurimi prudentes Medici sentiunt, mortalis est: quia urina sic in cavum abdominis influit (a), putrescit & hominem sic interficit (b). Itaque si accurate & rite de vesicæ partibus agere velimus, ea, ut jam dudum in compendio meo anatomico feci, in collum sive cervicem, corpus vesicæ & fundum dividi debet, eadem prorsus ratione ac lagena (quia, ut RIOLANVS (c) alique varii recte docent, similitudinem cum lagena habet atque quam aptissime cum ea comparatur) in collum lagenam ipsam, sive corpus lagenæ, & fundum ejus dividi solet. Absonum autem est omne id, quod collum lagenæ nomine comprehendere, cum fundus, vulgi etiam consensu nihil aliud denotet, quam partem lagenæ extremam sive infimam, collo oppositam: adeoque & illud in vesica, licet in corpore lagenam inversam repræsentet, (vid. Tab. XXIX. fig. 8. vol. Tab. XXXII. fig. 1. & 2.) ita intelligendum erit. Igitur Tab. XXIX. fig. 8. litt. AA, denotat collum vesicæ; BB, vesicam ipsam, sive corpus vesicæ; C vero fundum, licet pars sit ratione situs in corpore nostro, dum erecti sumus suprema, DD glandulam prostatam; EE, partem vesicularum seminalium e puerulo. Nam vesica alias vulgo

*Fundus vesicæ an incidendus.*

*Heisteri Chirurgicæ Tom. III.*

Dd

con-

Attamen & hunc modum succedere, præter mea exempla, probat experimentum PROHEBISCHII Chirurgi Germani, Borussici, qui hac ratione quoque felici successu puerum duodecim annos natum a calculo liberavit & sanavit, licet peritonæum ita inciderit, ut intestina proruperint; quemadmodum hoc in peculiari schediasmate de operatione alta, lingua Germanica A. 1727. Regiomonti publicavit. Attamen WINSLOVIVS suadet, ut hunc in finem æger per aliquod tempus ante sectionem, post haustum copiosum potum tenuem, retentioni multæ urinæ sensim assuescat, & vesica sic gradatim magis expandatur. vid. MORAND. l. c. pag. 310.

(a) Hac de re jam nonnulla dixi in diff. quæ de *Anatomes majori necessitate in chirurgia, quam Medicina agit*, pag. 33.

(b) Conferri potest ALGHISII Lithotom. p. 94.

(c) Anthropogr. cap. XXII. de vesica.



consideratur ac si e corpore exempta esset ; ubi ea pars angusta , per quam laciones vesicas inflant , *collum* sive *cervix* , pars huic opposita , atque tunc inferior *fundus* , sicut in lagena ; reliquum vero *vesica ipsa* sive *corpus vesicæ* jure meritoque appellatur : quod , ut ROSSETVS jam recte docuit , incidendum , non fundus (a) . Quemadmodum vero in hac operatione *facies corporis vesicæ anterior , media & inferior* , ut in Tab. XXIX. fig. 8. litt. BB. & Tab. XXX. fig. 2. BB ; ita in parvo seu *Celsistica* & laterali operatione *facies corporis vesicæ inferior & lateralis* Tab. XXIX. fig. 1. quem *basin* nonnulli haud inepte appellant , sine damno inciditur ; in *neutra vero fundus* . Quotiescunque enim fundus Tab. XXX. fig. 2. 3. & 4. AAA , vel etiam ea pars corporis vesicæ posterior , quæ cavum abdominis respicit , peritonæi lamina interna obducta , perforatur , ita ut urina per vulnus in abdomen influere queat , toties ejusmodi plaga , ut supra jam dixi , mortem post se trahit , Adeoque non sunt audiendi , qui *fundum vesicæ in hac methodo incidendum esse tam audacter pronunciat* ; imo hanc sententiam ipsi ROSSETO adscribunt , qui tamen hoc nusquam præcepit ; sed solum corpus BB , inter cervicem & fundum , ubi vesica a lamina peritonæi interna libera est , ut supra jam demonstravi , incidi vult . Ita etiam magnus RIOIANVS l.c. tam distincte de *cervice* , corpore , & *fundo vesicæ* differit , ut mirandum , recentiores plerosque Gallos hanc , mea quidem sententia , adeo magni momenti distinctionem fere prorsus neglexisse , & fundum quasi rem nullius momenti , incidendum præcepisse . Angli contra plerique cum ROSSETO & mecum corpus incidendum esse docent , & inter alia & hoc patet ex iis etiam verbis , quæ MORANDVS ex MIDLETONO gallice vertit (b) , quando dicit , *si incisio corporis vesicæ satis ampla est* ) *quand l'incision dans le corps de la vessie est suffisamment étendue* .) &c.

Post operationem quid fieri debeat .

XII. Calculo eum in modum N. X. proposui , educto , proximum est , ut digitis in vesicam demissis , chirurgus denuo exploret , num quid forte præterea intus delitescat , quod extrahi oporteat : id quod hac in methodo melius , quam ulla alia fieri potest , imo & certius . Si nihil alieni intus reliquum est , mox , tecto linteolo aut spleniolo vulnere in lectum ægrotus deponitur , & vulnus deinde primo linamentis aridis super ejusmodi linteolo , ne linamenta carpta in vesicam incidant , splenioque contactum mantili quodam longo & complicato , circum abdomen injecto , leniter comprehenditur , quemadmodum scilicet fieri in abdominis vulneribus reliquis solet . Aliquot horis ab operatione elapsis , vulnus linamentis carptis unguento digerente inunctis & emplastro contegitur , splenioque crasso , aqua calcis calida , cui spiritus vini camphoratus cum lapide medicamentoso vel & sale ammoniaco admixtus est , aut oxycrato , aut vino calido cum herbis digerentibus decocto , madente , super maximam abdominis partem frequenter imposito , per mantile circum corpus injecto gnaviter deligatur . Idem negotium per quatuor vel quinque primos ab operatione dies continuatur , ne qua forte gravis inflammatio ægrum affligat : ubi etiam quandoque , detecto vulnere ventri imponi potest , ut si quid noxii intus sit , illud per vulnus effluere queat . His diligenter observatis , in juvenibus & pueris ceterum sanis , imo & quandoque *viris & senibus vegetis ac robustis* ; sicut & de his nonnullæ observationes prostant (c) , non suppuratio solum feliciter , succedit , sed vulneris quoque purgatio intra septem , novem , decem , aut duodecim fere dies ab-

(a) Lib. de partu cæsareo , mihi pag. 261. 271. 272. edit. Paris. An. 1590.

(b) Traité de la Taille en haut appareill p. 99. conf. & pag. 52. DOUGLAS. diff. de alta operat. p. 87. & alibi . DRANIVS etiam hanc differentiam bene observat Parallela : pag. 176. 188. 189. & alibi .

(c) In DOUGLASIO differt. de alto apparatu , itemque in MAGGILLI observat. in MIDLETONI libello de hac operatione & alibi recensitis .



absoluta esse deprehenditur. Itaque tum vulneris deligatio, *copaiva* aut ARCÆI balsamo adhibito, semel aut bis quotidie innovatur; orisque hiantibus per imposita emplastra glutinosa eademque angusta, quam, quemadmodum alias in futura sicca fieri solet, exactissime comprehensis. Namque citius eadem applicare, non supervacuum modo sed perniciosum quoque esse existimo: quia purgationem vulneris & vesicæ impediret. Super emplastra fasciam aliquam unientem injicere, vel & mantile hætenus adhibitum paulo firmiter constringere convenit, atque id ipsum tam diu facere, donec absoluta esse vulneris vesicæ glutinatio advertitur, & urina per naturale iter omnis rursus profluit: ubi reliquum linamentis aridis exsiccat. *Solet autem in quibusdam ægris tertia hebdomade, in aliis autem quarta, imo & paulo serius plaga glutinari, pro diverso ægrorum habitu & valetudine reliqua.*

XIII. *Simul atque surgendi, sedendi atque ambulandi facultatem ægri receperunt*, vel & ubi tale quid faciendi desiderium ostenderunt, vel etiam in latere decumbere voluerunt, ego quidem illud facere nequaquam illi prohibui neque etiam DOUGLASIUS hoc fecit, licet sint, qui perhibent, ægris cum magna molestia semper in dorso decumbendum esse (a). Exstitit inter illos, & quos egomet curavi, juvenis aliquis tredecim annos natus, qui septimo jam tum ab adhibita sectione die, longi decubitus pertæsus, me inconsulto & in-scio, absque noxa omni & surgere & ambulare coepit, glutinatione interim haudquaquam impedita, sed potius quarta hebdomade obtenta. *In quibusdam ægris materia quædam mucosa atque arenosa intus in vesica eam fistulam obstruit, per quam naturaliter emitte urina consuevit. Quod ipsum equidem ubi forte accidit, longe optimum erit, ægro in alterutrum latus deposito, aquam tepidam per colem in vesicam compellere, eaque materiam noxiam per vulnus expellere; vel & ejusmodi fistulam æneam, qualis ab anatomicis pro vesica, ureteribus, aliisque partibus inflandis adhiberi solet, in colem demittere, inflatoque spiritu mucum istum dissipare, perque vulnus ejicere. Namque hoc facto, postea urina per viam naturalem & consuetam rursus profluit. Feliciter id ipsum artificium, & primus quidem, RVNGIUS, præstantissimus Bremensium Chirurgus; idemque arte & experientia præstans, postquam prius feliciter hanc operationem Bremæ a me perfici viderat, adhibuit. Quod si calculus inter extrahendum forte frangatur, frustula vel digitis commode eximi possunt; vel si hoc fieri rite nequeat, ROSSETVS, jam perquam idoneum ferramentum, instar cochlearis angustii & peculiari modo incurvati, excogitavit atque delineavit, pag. 280. quo id apte confici ac simul sabulum, si quod adsit, emoliri poterit. Pro glutinatione quoque vulneris promovenda ROSSETVS jam cathetrem per urethram in vesicam immittendum suavit, ut per eum urina continuo effluere queat, ne per plagam exitum moliri cogatur. Imitatus hoc est MORANDVS cathetere brevi, atque egregiam utilitatem inde percepit. vid. lib. ejus de alta operat. pag. 240., itemque pag. 254., ubi specillum plumbeum immiserunt, quod DRANIVS antea commendaverat. vid. pag. 341.*

XIV. Sed ne frustra excogitata videatur alta hæcce calculum extrahendi ratio, præcipua quædam commoda ejus & quibus in rebus prioribus methodis præstare videtur, paucis nunc ordine considerabimus. Et primo quidem quia in hac operatione sphincter sive cervix vesicæ, ut & urethra ac prostata glandula non inciduntur, sed integra manent & neque a scalpello aut forcipibus, neque ab alijs ferramentis, neque ab extrahendo calculo, dum educitur, ut supra jam dixi, ulla ratione læduntur, nec incontinentia urinæ, nec fistula perinæi aut urethræ inde est metuenda;

Dd 2

quæ

*Quid observandum sit præterea.*

*Commoda & præstantia hujus methodi.*

(a) Ut DENYSIUS observat, de calculo.



quæ sæpe illos , qui magno , imo etiam laterali apparatu curati sunt , affligere solent (a) . 2. Quando *calculus magnus* aut *asper* , aut *angulosus* , vel *spinofus* est , cervix vesicæ ac prostata in magno , imo & in laterali apparatu , vehementer dilacerantur & læduntur , vel saltem facile ita lædi possunt , unde sæpe dolores vehementissimi , inflammationes , gangrænæ vesicæ , convulsiones & mors subsequi solent (b) : in hac vero methodo , ubi vulnus in corporis vesicæ parte anteriori , mox supra ossa pubis , inciditur , tales læsiones in cervice & urethra inde non sunt pertimescendæ . Ita 3. eandem ob causam *partes generationi famulantes* , ut muscoli penis , glandula prostata , vesiculæ seminales earumque ductus excretorii , lædi nequeunt ; a quarum vel in magno vel laterali apparatu læsione homines haud raro ad generationem minus apti redduntur , vel generandi facultate omnino privantur . 4. *Nec ureter* , *nec intestinum rectum* , *nec magna vasa sanguifera* , quæ in ceteris methodis sæpius & facile læduntur , & quibus periculosa sanguinis profusiones , aliaque gravia mala sæpe concitantur , in Franconica hac offenduntur : quia non nisi minores venulæ per superiorem vesicæ partem distribuuntur , (c) atque intestinum rectum & ureteres quam longissime a loco plagæ distant . 5. Si *calculus* ex suis signis *asperum* aut *aculeatum* esse cognoscimus , ( id quod dolores vehementiores & frequens urina cruenta , præter tactum , qui digitis in anum immixtis instituitur , potissimum indicare solent ) parvo , imo & magno & laterali apparatu vix is , aut saltem sine summo periculo ; educi potest , quemadmodum ratio & plurimorum auctorum experientia demonstrant ; hac vero methodo satis commode , quia vulnus vesicæ amplius & facile uberius , si opus , ampliandum , educi poterunt . 6. *Paucioribus fieri potest instrumentis* , quam major & lateralis apparatus , atque calculi sæpe solis digitis eximi possunt , quales simplices methodi in chirurgia reliquis magis compositis , difficilioribus & abstrusioribus ut plurimum præstantioribus chirurgis præferri solent . 7. *Catheteribus sulcatis neque urethra neque vesica fatigatur* , *irritatur aut vexatur* ; unde tamen sæpe inflammationes productas esse TOLETVS , (d) aliique gaves auctores testantur . 8. Si in majori & laterali apparatu *ductores & cumprimis mas aut femina* , paullo vehementius vel profundius in vesicam impelluntur , haud raro iis vulnerata aut omnino perforata & hoc ipso mors inducta est , ut ipse GARENGEOT testatur (e) ; id vero quod in alto apparatu non metuendum ; quia his ferramentis hic non utimur , neque iis opus est . 9. Non necessarium est , ut ægri laqueis ligentur , & in talem formidolosam posituram , qualis in magno apparatu obtinent , collocentur (f) , qua ægri meticulosi & debiles sæpe , ut nonnulli notarunt , jam ante operationem fere exanimantur (g) . 10. *Nulla alia in methodo tam accurate & profunde digitis in vesicam pertingere possumus* , quam in hac , adeoque nec tam curate qualis calculus , vel quot adsint , qua ratione commodissime extrahantur , & an omnes extracti sint , explorare valemus : igitur etiam omnium minime , ne quidam calculus , vel etiam aliquod saltem ejus fragmentum reli-

ctum

(a) Perspici hoc potest ex JACOBI curationibus apud MERYVM in observat. DIONYSIVM in chirurg. cap. de lithotomia .

(b) Hinc ne hoc fiat , DENSIVS præcipit , ut statim ab operatione desistamus , si calculus angulosus vel ramosus percipiatur , p. 123. in observat. de calculo .

(c) Unicum exemplum , ubi larga sanguinis observata est profusio , refertur a MIDDLETONO p. 43. alterumque ubi æger inde mortuus esse dicitur ; quod tamen rarissimum , & plerumque vix tantillum profunditur .

(d) Lib. de lithotom. cap. XIII.

(e) Tom. I. edit. 1. cap. de lithot. pag. 352. exemplum etiam videri potest in SAVIARD obs. 37.

(f) Vid. ibid. figura cap. XVI. pag. 128. adjuncta , & ALGHIS. lib. de lithotom. Tab. 9. fig. 2.

(g) Vid. WINSLOVIVS epist. in Morandi lib. de alto apparatu pag. 331.



ctum sit, metuendum; sed omnia quam optime & curiosissime hic eximi expurgarique possunt, DENYSIVS, maximus methodi Ravianæ laudator, tamen fatetur (a) *calculos minores Raviana methodo difficulter inveniri; sed hoc omnibus methodis commune esse*. Verum alto apparatui hoc non commune est, eoque facile reperiuntur, sicut hoc experientia frequens docuit, & ipse postea pag. 117. id concedit. Imo ubi calculus parvus, ut Raviana methodo forcipe reperiri aut comprehendere nequeat, idem ab operatione desistendum esse vult p. 120. qui tamen, si alto apparatu operatio instituta fuisset, certe & facile educi potuisset: nullumque adhuc prostat exemplum, ubi calculus parvus alto apparatu educi non potuisset, atque chirurgus ab operatione propterea desistere coactus fuisset. Hinc profecto hac in re & magno & laterali apparatui præstat. 11. Si calculus vesicæ adhereret, sive cum ea concretus esset, quod tamen cum ROSSETO, DOUGLASIVS & multi alii negant, attamen præter antiquiores, MIDDLETONVS & THORNHILLIVS sua experientia denuo confirmant (b), quemadmodum & ipse notatu dignum ejusmodi exemplum, una cum multis aliis vidi, manibus tetigi, & descripsi (c), digitis in vesicam immisiss ille inde sæpe resolvi poterit (d). Aut si nimis magnus, quam ut educi possit, deprehendatur, ægrum, sicut aliis methodis sæpius fecerunt, ad mortem usque non torquemus; sed ab uberiori extractione & cruciatu in tempore abstinere possimus, ne ægrum crudelissime interficiamus. 12. Calculus hic non tam facile inter extrahendum frangitur, quam in majori apparatu sæpe fieri solet: quia non per tam angustam viam, sed per satis amplam & patentem educitur; quæ præterea adhuc facile calculo majori cedit & extenditur: quia vesica hic se longe facilius, quam in cervice ejus se diduci patitur. Etsi etiam frangeretur aliquis nimis mollis, digitis, cochlearibus peculiaribus aliisve idoneis instrumentis frustra facilius, quam in aliis methodis, certiusque & reperiri & educi poterunt: testibus laudatis Gallis atque Britannis. 13. Calculi longi, sed transversim positi, omnibus reliquis calculos extrahendi modis vel vix, vel nonnisi difficillime & nonnisi summis doloribus & periculo extrahi possunt (e); alto vero apparatu quam facillime: quia altero extremo hic digitis vel forcipe commodissime comprehenduntur atque sic facile ejiciuntur. 14. Si ob foveas vel plicas vesicæ, quales jam RIOLANVS observavit (f), aliamve ob causam calculus apparatu magno aut laterali inveniri aut protrahi non posset; quemadmodum sæpe factum est, vel is etiam si catheter sulcatus ob inflammationem vel tumorem cervicis aut prostaticæ, vel dolorem nimium vel ob cicatricem, duritiem, tuberculum, aut calculum in urethra vel cervice (g), vel ob præputii nimiam angustiam sive phimosis (h), vel si ægri nimium catheterem metuunt & averfantur, vel prorsus ab eo abhorrent, qualia exempla mihi nota atque ab aliis etiam observata sunt, immitti non posset, tanquam extremum remedium & sacra quasi anchora esse potest apparatus altus; quemadmodum etiam fuit FRANCO, GREENFIELDIO, mihi & forte aliis, vel saltem adhuc aliquando esse poterit: quasque etiam ob causas variis in casibus CHESELDENVS, MORANDVS & GARENGETVS

(a) Observat. chirurg. de calculo p. 109.

(b) Vid. MIDDLETON. l. c. p. 44. & MORAND. Tr. de Alt. appar. p. 152.

(c) In diff. mea de alto apparatu p. 43.

(d) Vid. lithotom. Douglass. Edit. II. pag. 65.

(e) Simile fere exemplum videri potest in SAVIARDI. observat. 103. pag. 427.

(f) Anthopogr. cap. XXIII.

(g) Fautum operationis altæ exemplum, ubi ob calculum, cervicis vesicæ impactum, catheter in vesicam immitti non potuit, refert COLOTVS, infensissimus alias operationis altæ hostis, in libro suo de lithotomia pag. 45. conf. & SAVIARDI observat. p. 203.

(h) Quod TOLETVS l. c. cap. X. & XIII. notavit.



TVS eam majori apparatusi præferunt (a). In pueris vero & adultis humilioris staturæ etiam *parvi apparatus* in ejusmodi casibus sæpe utiliter adhiberi poterint. Quod vero 16. quamplurimi inter præcipua commoda hujus methodi etiam referre velint, ac nominatim ROSSETVS & PIETREVS (b), eam *perfacilem*, imo omnium *facillimam* esse, atque tam facilem, *ut a quovis fere chirurgiæ tyrone perfici queat* (c), quia rectissima & brevissima via, per tegumenta & musculos incisos, sine ambagibus urethræ; mox in vesicam pervenire possemus, tunc quidem forte solum verum est, *si vesica satis repleta & a liquore probe distenta est*. Verum ubi hoc non est, nec ob graves rationes forte repleri potest, *profecto haud pro adeo facili*, sed sane propter spatium inter ossa pubis & peritonæum, per quod in vesicam ingredi oportet: angustissimum & facilem fundi vesicæ mortalem læsionem, præsertim si quis vesicam a parte superiori ad inferiorem; hoc est a regione urachi pubem versus, ut quidam suadent, incidere velit, pro DIFFICILLIMA reputare jure poterit, quæ verfatissimum & anatomicum & chirurgum requirit. Sicut id facile omnes prudentiores; qui rem rite perpendent, confitebuntur: & propterea quamplurimi a ROSSETO ad hæc nostra tempora, qui de alta operatione præceperunt, etiam vesicæ ante sectionem, repletionem, tanquam rem vel absolute vel saltem summe hic necessariam commendarunt. Hanc etiam ob difficultatem & simul perspectam necessitatem TOLETVS, nobilis ille lithotomus, prudenter monet (d), *ut is, qui alto apparatu calculum educere velit, plura prius in cadaveribus instituerit experimenta & quidem (quod notatu dignum) etiam evacuata prius urina*; alias in difficili casu, ubi vesica impleri nequit, eam rite, imo sine summo periculo mortis, instituere non poterit.

Objectiones  
quædam contra hanc methodum.

I. Eam esse  
impossibilem.

XV. Videamus tandem, antequam finem huic capiti imponamus, adhuc nonnullas ex objectionibus præcipuis & recentissimis contra hanc methodum, quibus forte alias non satisfacimus, easque ea, qua par est, modestia, non altercandi, sed solum veri & incrementi artis lithotomicæ amore excutiamus. DENYSIVS, chirurgus lithotomus Leidensis, qui RAVII primo, dum viveret, minister fuit, postea vero ejus in arte lithotomica successor factus est, & nunc strenuus ejus methodi defensor, ait (e) *apparatum altum in plurimis, multas ob rationes, esse impossibilem*, & eos, qui alto apparatu liberari a calculo nequeunt, sua, id est, *Raviana methodo liberari posse*. Sed voluissem, ut demonstrasset primo multos illos casus, in quibus hæc operatio, ut perhibet, esset vel fuisset *impossibilis*, & deinde ut exemplo vel unico probasset, ubi scilicet calculus apparatu alto educi non potuisset, qui deinde *Raviana vel laterali sectione* ductus fuisset. Mihi profecto ejusmodi exemplum haud constat. Contra jam supra indicavi, me in duobus ægris calculos apparatu alto eduxisse, quos *lateralis*, licet forte haud mediocriter & in hoc versatus fuerim, *in perineo extrahere non potueram*. Ita & exempla refert DENYSIVS, ubi ipse RAVIVS cal-

(a) Vid. Hist. Acad. Regis Paris. An. 1728. & GARENGEOT operat. chirurg.

(b) In diss. An ad extrahendum calculum dissecanda ad pubem vesica? Parisiis 1635. edita ubi ait; *dissecanda ad pubem vesicæ & ex ea calculi eximendi ratio perfacilis est*.

(c) Ita nonnullos Parisienses perhibere refert WINSLOVS in MORANDI libello sæpius laudato pag. 329.

(d) Lib. de lithotom. cap. XIII.

(e) In observ. chirurg. de calculo & lithotomia An. 1731. edit. in præf. p. 4. in qua præfatione etiam asseverat, se librum hunc suum evulgare, *ut illorum, quæ in praxi lithotomica Raviana observavit, orbem participem redderet*, idemque in exordio pag. 2. repetit; verum hoc non fecit. Nam Ravianam methodum prorsus non describit, id quod tamen, quia promiserat, expectabam, ipseque forte optime potuisset. Sed solum toto libro evincere conatur, *eam iteris præstare*, RAVIVM ejus esse inventorem, *seque ea feliciter uti*.



calculus educere non potuit (a) : aliudque ubi id præstantissimo quodam lithotomo Amstelodamensi BORTELIO , a quo sæpius hanc operationem , magno apparatu peractam , dexterrime perfici vidi , accidit (b) . Concedit quidem apparatu alto nonnullos & cum primis pueros , a calculo præsertim si parvus esset , liberari posse ; ( adeoque eum ipsum non prorsus contemnit ) sed non omnes . Verum hic rursus moneo , mihi nullum hucusque exemplum innotuisse , ubi æger , apparatu alto , ubi institutus est , a calculo liberatus non fuisset , aut ab exercitato magistro liberari non potuisset , quamvis etiam calculi satis magni fuerint (c) ; adeoque hoc primum fuisset probandum . E contrario quam plurima nota sunt exempla , ubi ceteris methodis educi non potuerunt .

XVI. Opponit præterea operationem , quæ apparatu alto fit , diuturniorem laterali esse (d) . Sed si vesicæ impletionem excipis , utpote quæ ad sectionem siue ipsum sectionis actum proprie non pertinet , sed ad antecedentia , & præparationem sectionis , imo quæ etiam non semper , ut supra ostendi , absolute hic necessaria est , sectio & extractio calculi sane æque cito sæpe fieri possunt , quam in laterali & magna , si modo res rite instituitur & nullum notabile impedimentum incidat . Nam & in magno & laterali apparatu difficultates aut impedimenta subinde incidunt , quæ operationem diuturniorem efficiunt atque quam maxime prolongare solent , sicuti ipse DENYSIVS nonnulla ejusmodi exempla & observationes refert . (e) Imo asseverare audeo , casus sæpe incidere , ubi alto apparatu operatio citius est absoluta , quam laterali : v. g. si calculus in foveam quandam (f) vel in partem dexteram aut superiorem vesicæ , vel sub ossa pubis , sese subduxit , vel ubi parvus est . Nam quia digitis ad omnes partes interiores vesicæ , ut supra dictum est , pertingere , adeoque calculus , ejus situm & magnitudinem rectius digitorum tactu quam omnibus ceteris modis cognoscere possum , præsertim si minister digitis in anum insertis vesicam cum calculis contentis sursum pellit , eamque sustinet , facili sæpe negotio solus digitis , ut DOUGLASIVS , CHESELDENVUS , MORANDVS , ego aliique experti sumus , alias vero , si major , uno vel forcipe in auxilium vocato , educi potest , qui in laterali vel magno apparatu haud raro diu frustra investigatur & quandoque adhuc longius tempus , donec comprehendere & educi queat , requirit , quia quilibet forcipe in his non nisi , ut cæcus , in tenebris palpando , calculus quærere & quasi forte fortunaprehendere cogitur . (g) Digitos vero in apparatu alto ad omnes , imo ad partes etiam infimas usque vesicæ elevatae inferere , hisque certius & accuratius calculos , eosque etiam exiguos invenire , comprehendere & educere valeo ; ubi magno & laterali apparatu , præsertim parvi , tam facile & tam certe deprehendi educive , sicut ipse innuit , (h) sæpe nequeunt . Præterea , ut DOUGLASII , CHESELDENI MORANDI aliorumque observationes nunc taceam , ut plurimum hæc operatio satis cito mihi

(a) Ibid. pag. 69. & 71.

(b) Pag. 91. 92. imo & in præfatione ad COLOTI librum de lithotom. pag. XLIII. exempla magni apparatus indicantur , ubi post sectionem calculos reperire non potuerunt ,

(c) Vid. Tab. XXXII. fig. 6. & figuræ in diss. nostra de alto apparatu : imo DOUGLAS. CHESELDEN , DRANIVS , MORAND. aliique hunc pro calculis magnis aptissimum judicant .

(d) In præfat. p. 5. & libro ipso pag. 99.

(e) Loc. cit. p. 57. ubi asseverat , RAVIVM tres horæ quadrantes in calculo quodam inquirendo & extrahendo consumpsisse , conf. p. 69. 71. 90. 91. ut exempla a me , SERMESIO , in lithot. Douglas. aliisque observata nunc taceam .

(f) Quales in vesica , quam ego in cadavere quodam inveni , Tab. XXXII. fig. 1. & 2. conspiciuntur , & a RIOLANO aliisque notatæ sunt .

(g) Fatetur , id ipsum DENYSIVS pag. 91. & hanc ob causam ad altum apparatus tentandum impulsus sum , licet reliqui mihi probe essent perspecti .

(h) Loco citato pag. 55. 90. eamque ob causam etiam operationem differre jubet .



mihi successit; quamvis calculos satis magnos, quales nimirum supra modo indicavi, imo & satis asperos extraxerim.

3. *Eam esse magis dolorificam.*

XVII. Postea asseverat DENYSIVS *operationem altam laterali magis esse dolorificam*. (a) Verum nec hoc certum est, illudque observare haud potui. E contrario vidi ægros & inter hos etiam pueros, qui alias haud leviter vociferantur, tam levia doloris signa in hac operatione edidisse, ut vix clamaverint. Fateor quidem, quod, quo major & inæqualior calculus fuit, eo majores ut plurimum dolores ægri senserint; verum hoc omnibus methodis commune est. Interea tamen magnorum illorum calculorum qui in diff. nostra *de alto apparatu* fig. 1. & 2. exhibentur, extractio, tam lenis ægro illi visa est, ut dolores ejus vix, si cum calculi doloribus eos comparaverit, pro doloribus reputaverit. (vid. si lubet, hujus diff. pag. 43.)

4. *Eam in parvis vesicis fieri non posse.*

XVIII. Deinde perhibet eodem loco, *apparatum altum in omnibus & præsertim etiam pueris, & juvenibus, ob vesicas parvas adhiberi non posse*. Sed respondeo, ubi & in quibus hætenus a peritis adhibita est, ac præsertim juvenibus, imo pueris trium etiam vel quatuor tantum annorum, aut etiam minoris adhuc ætatis (b), ea fieri non solum potuit, sed facta quoque est & plerumque feliciter: sicut scripta DOVGLASII, CHESELDENI, MIDDLETONI, MORANDI & mea hac de re satis evincunt. Existimat tamen, & potissimum pag. 99. & seq. ad pag. 105. cum GARENGETO (c) & nonnullis aliis *vesicam necessario eousque aqua distendendam esse, ut supra os pubis multum ascendat*; hoc vero in parvis & crassis vesicis fieri non posse, *ideoque hunc modum in omnibus non succedere*. Fateor quidem in magnis & probe distentis vesicis operationem hanc promptius & securius fieri posse; dixi vero jam supra, *tantum vesicæ extensionem, si commode fieri nequit, non esse absolute necessariam, si modo quis artificium in vesicam modice etiam tantum distentam* (d), *vel etiam prorsus collapsam præveniendi, quod supra descripsi, recte novit, sic ut vitium hoc non methodo, sed artifici hic non satis apto sive exercitato sit adscribendum*. Ita enim in omnibus illis exemplis, quæ supra recensuimus, ubi calculus, factò prius vulnere in perinæo educi nequivit, itemque in FRANCI & ROSSETI nulla facta est vesicæ repletio, & tamen ex collapsa vesica sine fundi aut peritonæi læsione calculi feliciter extracti sunt. Sic quoque PROEBISCHIVS, chirurgus Prussicus, sicut in diff. *de alto apparatu* pag. 53. descripsi, & ego aliquoties *calculos hac methodo e vesica sine ulla liquoris injectione*, sed compressa solum blande urethra & retenta aliquamdiu, post potum largum infusi Theæ, urina, feliciter & facile eduximus (e): ut taceam BERRIERI exemplum a MORANDO descriptum (f), aliaque, ubi puero quatuor annos nato, ob vehementes clamores vesica liquore extendi non potuit; attamen vesica rite est incisa & calculus feliciter extractus.

*Aliæ adhuc objectiones.*

XIX. Denique pag. 101. objicit, *impleta vesica penem vel vehementer digitis vel ligamento aut funiculo esse comprimendum, ne liquor effluat, antequam vesica sit incisa: inde oriri tumores, inflammationes, aliave pericula*. Verum nulla talia mala, quantum mihi constat, adhuc inde sunt observata; quia blanda, vel

(a) L. cit. p. 99.

(b) Conf. præfat. in COLOTI lib. de lithot. pag. XXXVII. qui infantes XVIII. menses nato: se hac methodo secasse asseverat.

(c) Operat. chirurg. p. 280. Tom. II. & alibi.

(d) Agnovit hoc quoque auctor præfationis COLOTI libello de lithotomia præfixæ pag. 37.

(e) Hunc modum vesicam urina implendi, valde quoque commendat WINSLOVIVS in MORANDI lib. de alto apparatu, p. 319. inprimis si ægri diuturniori retentioni per aliquot dies assuescat.

(f) Eodem lib. de alto apparatu pag. 550. 260.



vel saltem non nimis vehemens compressio, urethram satis comprimit, ne liquor in vesica contentus effluere possit: id quod imprimis etiam commodissime præstiti, ut supra jam dixi, eo ferramento, quod Tab. XXVI. fig. 9. ad urinæ incontinentiam proposui. WINSLOVIVS ferramentum in hunc finem commendat, quod NVCHIVS in operat. chir. fig. 11. delineavit (a), quod & in nostra Tab. XXVI. fig. 10. prostat. Tandem etiam tradit, quod ægri, alto apparatu secti, cogantur semper supini decumbere. Sed hoc ita non est, nam in latere, imo in ventre etiam, si lubet, decumbere subinde possunt; quin, ut hoc faciant; DOVGLASIVS, MORANDVS, WINSLOVIVS alique, præsertim suppuratione facta, pro glutinatione vulneris promovenda, potius suadent & præcipiunt. Postremo objicit, frustra calculi & arenulas majori incommodo hac, quam laterali methodo tolli, pag. 108. & 116. Sed præterquam quod calculi in hac methodo, ob magnam satis plagam, quæ hic fieri plerumque potest, & ob minorem vim in extrahendo, dum solis sæpe digitis extrahi queunt; rarius frangantur, ego potius arbitror, ut supra jam demonstravi, in nulla alia melius & commodius frustra, si quæ sint, aut minores calculi, qui, faciente ipso DENYSIO, difficulter laterali & magna operatione protrahuntur, pag. 119. 122. tolli posse: quia digitis, elevata cumprimis vesica per ministrum a parte inferiori, quam facillime percipi, prehendi atque vel his solis, vel idoneo cochleari, ad similitudinem ROSSETI conformato, aliisque ferramentis eximi possunt; quod in nulla reliquarum methodo, sicut omnes quoque, qui de hac re scripserunt, uno ore fatentur, tam commode ac tam certe perfici posse existimo. (b) Ita quod pag. 118. asseverat, homines alta operatione curatos urinam diu continere non posse, & meæ & aliorum experientiæ, qui de hac re consuli possunt, repugnat. Ceterum omnia illa commoda, quæ hic auctor laterali sive Ravianæ sectioni, pag. 119. adscribit, etiam altæ merito tribui possunt: atque ipse etiam DRANIVS fatetur, hac methodo calculos majores securius, quam magno apparatu (c), educi posse: imo & CHESELDENVUS, teste MORANDO, ob varia commoda eam magno apparatu præfert.

XX. Sed ne quis existimet, me altam hanc calculum educendi rationem solam commendare aut adhibendam semper promiscue velle, & reliquas con- Ubi alta operatio minus conveniat. temnere; paucis quoque nunc indicabo, ubi eam minus convenire censeam. Et primo quidem experientia & mea & aliorum didici, eam in senibus plerumque, imo & in iis, qui trigessimum jam annum superarunt, ut plurimum non tam bene succedere, quam in pueris & juvenibus, & plerosque horum mori, quemadmodum hoc ex MIDDLETONI lib. de lithotomia & DOVGLASII dissertatione de alto apparatu, ut alios nunc taceam, patet; ubi in primis SMITHII verba notatu digna sunt, pag. 91. qui scribit; omnes qui annos 30. vel 40. superaverant, in quibus hanc operationem instituerat, uno excepto, mortuos esse. Ego quatuor, qui hos annos excefferant, hac ratione secui, sed omnes morti sunt. Deinde vix aut rarissime ii evadunt, qui morbis aliis, & præsertim ulcere renum aut vesicæ, vel tabe jam valde debilitati sunt, itemque qui scirrhus vesicæ laborant, omnes enim, qui de hac operatione hætenus scripserunt, sectionem, quæ in perinæo instituitur, his in casibus illa præstare asseverant: quia vesica melius & purgari & plaga ejus facilius consolidari posset, (d) atque simul experientia, rerum optima magistra, hanc sententiam confirmasset. Denique in vesicis parvis, quæ ex pauca urinæ copia, quam continere possunt,

*Heisteri Chirurgice Tom. III.*

Ee

& ex

(a) Eodem lib. pag. 320.

(b) Conf. inprimis MORAND. de alt. appar. p. 289.

(c) Parallele pag. 191. 192.

(d) Vid. MORAND. p. 280. DRANIVS Parall. p. 181.



& ex difficili catheteris in vesica motu cognoscuntur, *difficilius longe altus adhibetur apparatus, quam in amplis*, (quas ex contrariis dijudicamus indiciis). Adeoque nisi necessitas id urgeat, & quis in collapsis etiam vesicis, sine peritonæi & fundi vesicæ læsione aperiendis, probe non sit excitatus, aliam potius, cui certius confidet; methodum sibi eligat, auctor sum. *Interea tamen in omni parva vesica, ut nonnulli perhibent, non est impossibilis, quemadmodum jam supra docui, & nisi me omnia fallunt, evici.* Manifestum vero est ex his, *quod pro diversitate agrorum, vesicam, calculi aliarumque rerum una methodus præ altera nunc minus, nunc magis conveniat, & quod propterea chirurgus omnes rite callere debeat.* Si quis forte plura, ad lithotomiam altam spectantia, nosse aut legere cupit, is virorum expertissimorum ROSSETTI, DOUGLASSII, CHESELDENI, MIDDLETONII, MORANDI, DRANII imo & GARENGETI de hoc ipso argumento scripta luculenta consulat, addita, si placuerit, nostra dissertatione illa, quæ anno 1728. *de alto apparatu*, Helmstaedii in lucem est emissa: ubi plura, quæ ad ejus commendationem faciunt, invenire poterit.

### *Explicatio Tabulæ trigesimæ.*

Fig. 1. 2. & 3. ex CHESELDENI libello anglico de alto apparatu, *ad vesicæ habitum, quando liquore est distenta, demonstrandum mutuata, ad operationem hanc tanto melius illustrandam atque intelligendam.* Quia vero prolixè satis N. IX. hujus capitis explicatæ sunt, ob molestam repetitionem evitandam lectorem illuc ablegare volumus.

Fig. 4. Ostendit quoque abdomen apertum: sed in ipso *vesicam eo in statu, quando parum vel leviter tantum, sive ab urina, sive ab alio liquore diducta est, ut pateat, quam exiguum tunc sit spatium inter ossa pubis, & fundum vesicæ, peritonæo tectum, AAA, per quod tunc in vesicam, BB, intrandum.* Uberior vero explicatio eodem loco videri potest.

Fig. 5. *fistula* designatur, per quam vesica pro hac operatione liquore commode impleri potest; quoque ex CHESELDENO depromta. AA., *catheter cavus est argenteus, & rigidus, qui per urethram in vesicam demittitur.* B, foramen in utroque latere, per quod liquor injiciendus vesicam intrat. C, *lobulus æneus syphoni proprio adaptandus.* DDD, *fistula flexilis vel ex corio, vel ex uretere bubulo constans; qua mediante catheter & tubulus æneus rigidus ea ratione conjunguntur, ut injecto minus dolores curando inferat, quam si tota, ut ROSSETTI, fistula, esset rigida.* E, locus, ubi fistula flexilis cum cathetere ope fili firmiter juncta, & simul *transversus clavus* est, qui pro habena inservit, ut commodius, dum injectio fit, catheter immobilis, ob dolores evitandos, contineri queat.

Fig. 6. *Pera* sive *marsupium* exhibetur, cum ferramentis ad lithotomiam necessariis, certo ordine dispositis, qualis a lithotomis quibusdam præcingitur, ut in Tab. XXIX. fig. 9. in persona B conspicitur, & qua etiam RAVIVS semper usus est, quo instrumenta hæc ipsis mox ad manum sint, nec opus sit, ea prius ab adstante forteque minus attento ministro petere. AAAA est ipsa *pera*; BB. *Instrumenta* certo ordine in ea disposita, CC. *Valvula* sive operculum, quod jungi potest nodulis DD, atque sic instrumenta occultari, ne æger ea videat: eaque ipsi horrorem incutiant; EE, *funiculi*, quibus circa ventrem firmatur.



Fig. 5.

Fig. 1.




Fig. 2.




Fig. 4.





Fig. 3.



Fig. 6.









## C A P. XXXII.

*De artificiis a Fratre Jacobo ( Frere Jaques )  
in calculi sectione adhibitis , itemque  
de methodo Raviana & laterali  
hodie dicta .*

I. QUANDOQVIDEM nova ista , quam circa superioris sæculi finem famosus ille lithotomus ; Frater JACOBVS dictus , frequentare sustinuit , calculum secandi ratio , omnium tunc fere oculos in se convertit , atque etiam nunc rursus hisce temporibus multum rumoris atque negotii Medicis ac lithotomiæ Professoribus faceffit , haud omnino abs re facturi nobis videmur , si illius hominis studia atque fata præcipua , quæ ad notitiam nostram pervenerunt , una cum novis illis quæ inde orta sunt , artificiis chirurgicis describerimus . Nempe annus supra millesimum & sexcentesium nonagesimus circiter septimus agebatur , cum obscurus aliquis idemque miserrimus monachus , sive *eremita* , ut a nonnullis vocatur , FRATER JACOBVS ( *Frere Jaques* gallice vulgo dictus ( *a* ) , apud Parisinos ex remotioribus Galliæ provinciis adventaret , vili vestitu , parcissimo vilissimoque victu contentus , pecunia omni constitutus ; sed animi tamen candore & simplicitate , quemadmodum Galli auctores referunt , commendabilis . Hic nemini fere non promptam suam eandemque tutam & a chirurgis adhuc dum ignoratam , calculos e vesica exscindendi artem suam , una cum quamplurimis de feliciter confecta calculi per scalpellum curatione variarum provinciarum gallicarum testimoniis ostentabat afferebatque . Pretium laboris nullum , vel saltem perexiguum , quantum scilicet instrumentis atque calceis reparandis vel refarciendis sufficeret , poscebat . Tandem is ad Medicos regios chirurgosque præcipuos Parisienses accedebat eisdemque , ut hominum calculosorum , in urbis & magnis noscomiis passim decumbentium , per novam artem suam curandorum potestatem sibi facerent , postulabat . Quod ipsum equidem ne absque ratione videretur facere , cum præcipue in finem Parisios venisse , ut meliorem quandam calculos exscindendi rationem ipsos doceat , graviter is asseverabat . Æquissimam hanc , qualis quidem FRATRI JACOBO videbatur , conditionem , non sine maxima ipsius indignatione , chirurgi & cumprimis lithotomi Parisini , initio spernebant , tandem autem , cum instaret , novitatis & , ut dicunt , curiositatis gratia , experimentum aliquod in cadavere , calculo prius in vesicam injecto , ut fieret , permittebant .

*Qualis homo fuerit , qualiterque a Parisinis acceptus sit Jacobus .*

II. Cadavere accepto , Frater ille JACOBVS , quamplurimis Medicis atque chirurgis præsentibus , hunc fere in modum calculi sectionem instituebat . Primo , cadavere in tabula resupinato , & ut in præcedenti methodo moris est , detento , catheterem aliquem teretem sive rotundum , haud sulcatum , in vesicam ,

*Qualem calculi sectionem in cadavere is primum adhibuerit .*

Ee 2

( *a* ) Ejus cognomen BEAVLIEV fuisse quidam auctores referunt , & patriam Vesontium , *Beisançon* in comitatu Franciæ , *Franche-Comte* ; alii Beaufortium , *Beaufort* , oppidum prope Vesontium .



ficam, consueto modo, demittebat (a) ejusdemque subsidio in sinistram perinæi partem vesicam deprimebat. Deinde per scalpellum quoddam lithotomum, vulgari longius, plagam juxta perinæum, sed paulo aliam, quam quæ fieri communiter solet, faciebat. Namque is ferrum, parti ano proxime admotum, sursum versus ita ducebat, ut linea quadam recta, binos circiter latos digitos in sinistro latere a perinæi futura remota, quoad altitudinem vero ad mediam ferme perinæi partem oblique ascendente, quicquid cutem inter & catheterem positum erat, una cum cervice vesicæ, imo & ipsa vesica, sed salva tamen manente urethra reliqua, concideret. Tum, digito per vulnus in vesicam demisso, calculum ejusque situm explorabat. Eo facto, instrumentum aliquod, cochleari haud prorsus absimile, ad instar ductoris, itidem per vulnus in vesicam deprimebat; immissaque hujus ductu forcipe calcularia consueta, ductorem istum retrahebat. Denique calculum intus hærentem hac forcipe prehendebat eundemque quam promptissime cum plerorumque admiratione protrahebat; quamquam is magnitudine sua gallinæ ovum fere adæquaret.

*Quale judi-  
cium de ista  
operatione  
latum sit.*

III. Confecta hunc in modum operatione, incisoque a chirurgis cadavere, deprehensum est, primo perinæi cutem cum subjecta pinguedine ad binorum circiter digitorum latorum amplitudinem, a novo isto lithotomo fuisse concisam; deinde plagam istam inter binos penis musculos, erectorem videlicet atque acceleratorem, in sinistro perinæi latere, ipsis musculis salvis existentibus, ad usque vesicæ cervicem sive collum penetrasse, tandemque ipsam vesicam, ad pollicis amplitudinem, linea recta perforatam, atque per id ipsum foramen calculum eductum fuisse. Igitur rebus hisce probe perpensis abesse vix poterat, quin vel prudentissimorum etiam Medicorum aliqui statuerent, & cum primis MERIVS, unus ex primariis tunc chirurgis Parisinis, novum hanc JACOBI lithotomiam, communi calculum per majorem apparatus excindendi ratione, longe utique præstantiorem esse, minorique cum periculo conjunctam. Quoties enim cunque apparatus vulgaris sive major adhibetur, necessarium utique est, ut non urethra solum incidatur, sed vesicæ quoque collum angustum & sphincter, una cum glandula prostatica violenter & insigniter diducatur, tandemque calculus, præsertim si paulo major est, per id ipsum foramen, adhibita violentia maxima atque haud sine læsione prædictarum partium protrahatur. Interim quia chirurgorum expertissimorum, præsertim lithotomorum, plerisque istæc nova operandi ratio, quemadmodum circa res novas fieri solet, displicebat, mirum non est, quod JACOBO in homine vivo eandem adhibere haud permittere voluerint.

*Jacobus ho-  
mini vivo  
calculus ex-  
scindit.*

IV. Itaque JACOBVS indignabundus a Parisiensibus ad aulicos atque Medicos regios, qui tunc temporis in villa regia, *Fontainebleau* dicta, cum Rege degebant, discedebat, eosdemque & litteris commendatitiis; & testimoniis, & exemplis eorum, quos feliciter ipse sua methodo a calculo alibi liberaverat, commovebat ut novam istam curandi rationem in juvene quodam futuro, vesicæ calculum sentiente, instituere permetterent. Dictum factum. JACOBVS hominem illum calculosum, Medicis atque Chirurgis regiis præsentibus, ita feliciter atque promte, prædicta illa ratione, a calculo liberabat, ut, non sine maxima omnium admiratione, vix tribus septimanis elapsis, æger iterum ambulare per plateas quam commodissime posset, nullumque malum gravius, quemadmodum fieri haud raro in istiusmodi curationibus solet, persentisceret.

*Maximam-  
que sibi au-  
toritatem  
conciliabat.*

V. Faustissimo illo curationis specimine omnium fere imo & ipsius Regis oculos in se convertebat JACOBVS, efficiebatque, ut plerisque Parisiis etiam

vi-

(a) Hunc catheterem vulgaribus ampliore, sive crassiore, fuisse nonnulli referunt; quem tamen facillime in vesicam demisit, vid. BVSSIERII relatio in Act. Angl. a 1699. & DOUGLAS. Histor. operat. lateral. p. 19. &c.



videretur Medicus, a clementissimo Numine eum in finem humano generi concessus, ut novam aliquam eandemque ceteris longe præstantiorem calculi excindendi rationem instituat doceatque. Proinde quum is vere anni 1698. venia Regis instructus ad Parisinos rediret, hominibusque calculosis quamplurimis manum medicam adhiberet, tanta semper spectatorum confluebat copia, ut milites tandem ad cohibendam atque arcendam hominum turbam essent adhibendi.

VI. Nequis autem forte ignoret, qualiter homines calculosos JACOBVS *Ejus agendi modus.* tractaverit, sciendum est, *nullam omnino*, neque sanguinis per venas emissionem, neque alvi expurgatione, neque victus ullo regimine, ægrotantium *præparationem* fuisse institutam; quemadmodum equidem alias in istiusmodi curationibus a prudentioribus Medicis fieri consuevit. Porro *vincula nulla* pro ligandis ægris, ut alias mos est, adhibebantur; sed homines ægri super mensa quadam resupinabantur, reductisque versus nates pedibus, ab aliquot solum ministris robustioribus continebantur. In ipsa calculi educatione, quemadmodum DIONYSIVS (a) alique referunt, *usque adeo improvidum fere semper atque crudelem sese noster gerebat*, ut vel maxime intrepidi etiam chirurgi horrescerent, miserorumque hominum illorum, qui JACOBI manum experiebantur, vicem dolerent. (b) Similiter vulneris infligti deligationem victusque rationem, calculo extracto, ita parum JACOBVS curabat, ut curam istam ipsi suadentibus respondere soleret: *sufficit, me calculum misero eduxisse; Deus ipsum sanabit.* (c) *Feminas calculosas* eadem, atque masculos, ratione tractabat, sed fere semper, & quasi re bene gesta, uteri vaginam simul concidebat, perhibendo, vulnera hæc nullius esse momenti.

VII. Ut quis igitur æquum & accuratum de Jacobæa ista lithotomia judicium ferre queat, necessarium utique videtur, adhibitæ *curationis illius exitum* *Curationis exitus quis fuerit.* quam diligentissime circumspicere. Scilicet parum plerumque feliciter a JACOBO susceptæ curationes successerunt. Namque si vera sunt, quæ MERIVS, celebris eo tempore apud Parisios chirurgus, in singulari de hoc ipso argumento modo laudata commentatione gallica, anno 1700. Parisiis in lucem edita, scripsit; *e sexaginta* hominibus calculosis, quos dicti anni ejus vere Parisiis curandos JACOBVS suscepserat, *quinque & viginti expirarunt*; tredecim convalescerunt, reliqui aut fistulam aliquam, aut urinæ incontinentiam post confectam curationem senserunt. Quin & DIONYSIVS, itidem celebris apud Gallos chirurgus, in institutis suis chirurgicis septem post modo laudatum MERIVM annis scriptis, (d) suo tempore plus, quam dimidiam adhuc ægrotantium, quos JACOBVS a calculo liberaverat, partem adhuc postea ex variis symptomatibus esse extinctam; quid quod Jacobæam calculos excindendi rationem usque adeo crudelem atque imprudentem extitisse, ut mirum videri haud quaquam deberet, si ægri ad unum omnes expirassent. Atque ut majorem dictis suis fidem faceret DIONYSIVS, in exemplum quoque adduxit sutorem illum juvenem, quem, ceu supra scriptum est, Jacobus in arce regia *Fontaine-bleau* a calculo liberavit. Qui tametsi admirabilem JACOBO nominis celebritatem conciliavit, tamen non fistulam modo in perinæo semper retinuit; sed continuam quoque inde corporis sensit imbecillitatem, tandemque necdum elapso bien-

(a) In chirurg. sua, cap. de lithotomia.

(b) Idem testantur LISTERVS, Med. anglus; in itinere suo Parisino, itemque MERIVS in observat. de lithot. LAVNAY diss. de la Pierre, in præfat. & cap. XI. & XII. atque SAVIARD. in observ. chirurg. p. 454.

(c) Je lui ay tiré la pierre; Dieu le guerira.

(d) Anno nimirum 1707. Paris. 8.



biennio miseram vitam cum morte commutavit . Contra vero , quemadmodum idem DIONYSIVS memorat , ex viginti duobus ægris , lithotomiam eodem vere , sed aliorum chirurgorum ministerio expertis , tres tantummodo perierunt , reliquis fere omnibus in vigorem pristinum quam felicissime restitutis . (a)

*Cadaverum  
inspectio  
quid docue-  
rit .*

VIII. Incisis atque exploratis illorum cadaveribus , quibus JACOBVS calculum exciderat , deprehensum est , modo laudatis auctoribus testibus , *vesicam* haud raro ab urethra prorsus rescissam extitisse . In aliis cancer sive *sphacelus vesicæ* atque *intestina* occupaverat . Rursus in aliis *penis muscoli* , nervi , vasa denique sanguifera scalpello resecta erant . In quibusdam *elevator ani cum vasis hypogastricis* dissectus reperiatur . In aliis *vesicæ pars illa , quæ abdominis cavum respicit* , bis , ter vel quater etiam perforata sentiebatur . Rursus in aliis *vesicæ* vulnus inæquale admodum erat atque hinc inde quasi laceratum & distortum . Denique in nonnullis *intestinum rectum simul erat concisum* ; indeque ratio patebat , quare stercus per vulnus effluerit . In quibusdam feminis , quibus lithotomiam JACOBVS adhibuerat , *uteri vagina simul cum vesica atque intestino re-cto incisa* deprehendebatur . Ut proinde mirum non esset , quod earum aliquibus alvi fæces per ipsam uteri vaginam profluerent . Nonnunquam sub ipsa operatione , propter vasa sanguifera ampliora , quæ juxta posita erant , dissecta , usque adeo gravis suborta memoratur *sanguinis profusio* , ut ægri statim sub ipso ferro , vel tamen paulo post expiraverint .

*In quonam  
præterea Ja-  
cobus aberrav-  
erit .*

IX. Neque vero , ut laudati viri observarunt , *in eodem semper loco vulnus instituere* , pro extrahendo calculo , JACOBVS consuevit ; sed eam quandoque perinæi partem concidere sustinuit , quæ parte altera , quam in aliis perforaverat , binis pollicibus aut altior erat aut depressior . Ut proinde abesse haud potuerit , quin propter inconstantiam & negligentiam suam *modo hæ , modo istæ corporis partes damnum aliquod senserint* . Deinde , quod maximum solet esse chirurgicæ artis impedimentum , *ab instrumentis chirurgicis usque adeo imparatus erat* JACOBVS , ut novaculam vulgarem quandoque pro scalpello suo lithotomo , ad excindendos calculos accommodato , applicaverit . Quin egomet a Batavis , dum in Hollandia commoratus sum , jam an. 1706. relatum accepi , JACOBVM nostrum , postquam ex Gallia in Bataviam adventasset , ibique multos a calculo liberandos suscepisset , aliquando , *deficiente scalpello proprio , cultrum aliquem communem* , eundemque satis retusum ad excindendum calculum adhibuisse ; adeoque curationem suam ita plerumque instituisse , ut non potuerit non incommodis atque periculis gravissimis homines miseros exponere . Idem quum Parisiis adhuc degeret , juvenem aliquem calculosum , ut *ut calculus in urethra post scrotum in perinæo hærescere adverteretur* , tamen more suo consueto , hoc est , ita tractasse , ut partem ano proximam inciderit ; quum tamen longe commodius atque promptius , sicut alii prudentes chirurgi facere consueverunt , extrahi calculus per vulnus eo loco perinæi factum potuisset , in quo hærescere sentiebatur . Qui quidem operandi modus vel maxime demonstravit , JACOBVM nihil minus , quam rationem atque prudentiam , certumve locum aut certam prudentemve methodum in curationibus suis adhibuisse ; sed temeraria & empirica tantum ratione egisse , quemadmodum forte apud circulatorum quendam vidit . Quod ipsum equidem eo minus mirandum videtur , quod is rerum anatomicarum atque artificiorum chirurgorum fere omnium prorsus *ignarus* esset ;  
nisi

(a) Varias alias observationes huc spectantes in descriptione modo jam laudati itineris sui Parisiensis suppeditat celeberrimus iste Anglorum Medicus , MARTINVS LISTERVS , utpote qui eo tempore Parisiis degit , quum FRATER JACOBVS in his ipsis operationibus instituendis laboraret : titulo , *A Fourny to Paris* , Lond. 8. 1699. cujus scriptores recentiores plerique & cumprimis omnes Galli , nullam prorsus mentionem faciunt .



nisi quod *herniis etiam scalpello curandis*, quoties occasio se offerret, manum admoverit. Tamen, quia in hac curatione pessimo histrionum sive celotomicorum vulgarium more, qui orbem pervagantur, sine necessitate, in pueris etiam testiculum semper excidit; hac ipsa imprudentia sua satis superque declaravit, sese artem suam omnem ab histrione forte aliquo sive empirico accepisse: nam ubi artem suam didicerit, nusquam, quod novi, tunc temporis; ubi revelavit. (a)

X. Calculosis quamplurimis usque adeo imprudenter atque infelicititer tractatis, ipsoque tandem Duce bellico tunc valde celebri, Mareschallo de LORGE, Parisiis altera statim post confectam sectionem die diris cruciatibus extincto, FACONIO autem archiatro per MARESCALLVM, chirurgum prudentissimum servato, abesse vix poterat, quin JACOBVS, conversa velut in ignominiam gloria, quam maxime ignarus atque imprudens chirurgus a plerisque Parisiis pronuntiaretur. Quo facto is, relicta Lutetia, alias postea Galliae provincias, deinde Bataviam, & cumprimis Amstelodamum & Lugdunum Batavorum atque quamplurimas postea Germanorum regiones, ac nominatim tractum Rheni & Moeni, Aquisgranum, Coloniam Agrippinam, Viennam austriacam, denique Argentoratum, Francofurtum ad Moenum, & tandem Heidelbergam ac iterum Argentoratum peragravit, fereque ubivis locorum artem suam exercuit: sed aequae tamen, ut antea, ut plurimum infelicititer. Siquidem is ubique, primis praesertim annis, ob inepta instrumenta, temeritatem, crudelitatem & turpem negligentiam suas curationes ita instituit, ut sagacis atque prudentis chirurgi laudem & nomen, quantopere etiam ab initio extolleretur, tandem nusquam fere reportaverit. Attamen quamvis res ita se habuerit, observatu tamen dignum videtur, quod paucis notum atque ex Clar. SALZMANNI, Medici & Anatomici Argentoratensium celeberrimi, litteris quondam & hoc ipso adhuc, quo haec scribo, anno, nimirum 1737. mense Decembri ad me datis, intellexi, fratrem JACOBVM tandem priorem suam calculos secandi methodum emendasse, atque anno 1712. & principio anni 1713. Argentorati feliciter admodum, cathetere fulcato adhibito, artem suam in sexdecim aëgris exercuisse: (b) quin & eam veterem eamque parum cautum morem ipsi exprobraret, ingenuè sibi professum esse atque in aurem, ut ajunt, dixisse, se a pristina sua eademque temeraria secandi ratione ab unius anni circiter tempore abstinere atque prudentius aëgros suos tractare coepisse. (c) Id quod, quia huc usque plerisque, si for-

JACOBVS  
male audire  
cepit.

(a) Apud MERIVM in observat. de methodo JACOBI pag. 43. Medicus aliquis eam jam olim adhibitam fuisse asseverat. Unde ego suspicor, aliquem chirurgum vel circulatorem, haud prorsus imprudentem, fuisse, qui vel ex CELSI vel GVIDONIS lectione, vel forte quoque ex ratione hanc calculi sectionem sibi finxerit, eamque etiam una cum herniarum sectione instituerit. Hujus operationes JACOBVM hunc, qui forte famulus ejus erat, saepe vidisse, eumque postea, quia audacissimus erat, imitari voluisse: quamvis sine anatomes scientia & sine requisita prudentia hoc fecerit. Novi simile prorsus exemplum, ubi circumforaneus, qui inter alias etiam nundinas Francofurtenses olim saepe visitabat, servum habebat, cui equorum suorum curam commiserat. Verum, quia homo robustus erat, ipsum quoque ad continendos aëgros, hernia vel calculo secandos, adhibebat. Postquam vero hic multas operationes sic viderat, hos deserebat, & ex stabulario operator factus, ipse operationes, quantvis haud adeo prospero successu, perficiebat. Sed hac de re plura deinceps.

(a) Solum igitur Argentoratuni est, unde vere cognovi JACOBVM feliciter curasse.

(b) Quam prudens, ut rectius forte dicam, quam felix etiam Argentorati fuerit JACOBVS, hoc tamen Francofurto ad Moenum ex mea patria, certis documentis, & quidem nominatim per D. GLADBACHIVM, Medicum, & SVTORIVM, chirurgum hujus loci praestantissimum, accepi, cum a. 1713. a primo vere ad septembrim usque ibidem fuisse, duosque a calculo (praeter varios, quos hernia scalpello curavit) cathetere fulcato ibidem secasse, quorum vero alter paucis mox ab operatione diebus publico in nosocomio ibidem perierit. Quare & Medici & Chirurgi Francofurtenses ejus peritiam non valde laudant, atque simul affirmant, eum hominem & in scientiis & in moribus adhuc tum valde rudem fuisse, qui ne vulnus quidem deligare, imo vix legere aus scribere potuerit. Sed hac re posthac plura.



si forte non omnibus, qui hac de methodo scripserunt, dum nullam hujus rei mentionem fecerunt, ignotum esse videtur, pro supplenda historia JACOBI hic indicare volui. Consentanea etiam his sunt, quæ FEHRIVS, Medicus Helvetius, in disputatione *de calculo vesicæ ejusque per sectionem auferendi methodo novissima, præstantissima & facillima*, Basileæ an. 1716. evulgata, pag. 23. de JACOBO memorata legimus, qui ex sexdecim superioribus annis Argentorati factis, non nisi unicum senem, ætate confectum, quemadmodum prædixerat, desideratum esse tradit, ubi etiam pag. 17. & seq. sat luculenta lithotomiæ Ravianæ, diu antequam ALBINVS suam edidit, existat descriptio, utpote quam sæpius a RAVIO institutam se vidisse affirmat. Idem fere JACOBI emendatione & felici, quam Argentorati exercuit, secandi ratione refert SCHÆFFERVS, Stuttgardienſis, Wirtenbergicus. (a) Ita etiam EISBACHIVS, haud incelebris quondam Medicus, qui Dusseldorffii Medicinam fecit, sed Argentorati antea vixerat, asseverat, ex viginti, quos ab ipso quam promptissime secari viderit, vix ullum desideratum, omnesque sine fistula relicta sanatos esse; (b) sed tempus sive annum atque locum, ubi hæc viderit, non addidit; suspicor autem hoc Argentorati factum esse, quia illo circiter tempore ibi degit.

Quousque  
bona atque  
laudabilis  
sit JACOBI  
lithotomia.

XI. Sed quicquid tandem harum rerum sit, tantum tamen abest, ut JACOBI isthæc prima ac mala, quin potius imprudens ac temeraria potius calculum secandi ratio, si modo a prudenti medico aut chirurgo instituitur, pernicioſa prorsus fuerit atque inutilis, ut potius egregias Medicis atque chirurgis suppeditaverit aliis etiam in morbis prudentiæ medicæ regulas. Sic enim, quemadmodum rectissime jam observatum est a DIONYSIO, (c) ex Jacobæa lithotomiæ methodo i. egregie emendari ac perfici perinæi punctura potest, pro urina suppressa educenda. Namque vesica longe tutius atque commodius, quam ipsius cervix, quemadmodum communiter factum est, clavo sive acu, cuspidem triangulari donato (Trocarn vulgo dicto) hac in curatione perforari ea parte potest, quam JACOBVS in excindendo calculo perforavit. Sed de isto quidem argumento prolixius disputabitur deinceps. Tum 2. ipsa quoque calculum curandi Jacobæa methodus sat feliciter atque tuto adhiberi a chirurgis prudentibus atque anatomiam probe callentibus potest; dummodo illi errores evitentur, quos JACOBVM identidem ex imprudentia & anatomies ignorantia admisisse hætenus ostendimus. Sed qua tandem ratione evitari ac præcaveri errores illi, perficique Jacobæa lithotomiæ ratio rite debeat, modo laudatus DIONYSIVS nequitquam declaravit.

Meliori  
methodo occa-  
sionem de-  
dit.

XII. Operæ vero pretium fecisse celebris ille chirurgus Parisinus, MERIVS censendus est, dum in libro supra laudato hanc fere curandi viam in calculo extrahendo chirurgis ineundam suavit; quamvis paulo post eam omnibus viribus rursus dissuaserit atque rejecerit. Scilicet pro cathetere cylindrico, non sulcato, qualem JACOBVS olim adhibuit, catheterem sulcatum, ut in magno apparatu, adhibendum esse. Hunc ipsum catheterem in vesicam prius demissum, sinistraque deinde manu comprehensum, more JACOBI, gnaviter versus sinistram perinæi latus deprimendum. Tum catheteris hujus ductu per admotum scalpellum idoneum, vel etiam consuetum in magno apparatu lithotomum, JACOBI exemplo, perinaum una cum collo & vesicæ parte ista, quæ collo proxima est, primo incidendum, ferroque deorsum & oblique sinistram versus ischii

(a) In dissert. de variis lithotomiæ generibus, Argentorati an. 1724. impressa, pag. 24. in qua vero, loco anni 1711. sicut SALZMANNVS me monuit, an. 1712. scribere debuisset.

(b) In Medicina sua practica, vernacula nostra ad mentem STAHLII conscripta, cap. de calculo, quæ Argentorati an. 1715. & postea adhuc sæpius impressa est.

(c) Libr. de operat. chirurg. cap. de lithotomia, ubi de fratre Jacobo itemque & de punctura perinæi agit.



ischii os super catheterem tracto, vesicam, quantum quidem ad extrahendum calculum sufficit, providissime aperiendam. Vulnere hunc in modum inflicto, ductorem, deinde excavatum sive *canaliculatum*, quem Galli *Gorgeret* vocant, rite, & quemadmodum in majori apparatu fieri alias quoque solet, in vesicam demittendum, adhibitaque tandem forcipe quadam convenienti, calculum protrahendum. Tametsi autem MERIVS, lithotomiæ hujus Jacobæ in mente correctæ, ut nihil hic dissimulem, primus & verus videatur auctor; nunquam tamen ipsemet in homine quodam vivo hanc curandi rationem tentavit; (a) imo paulo post eam, licet emendatam, prorsus, ut jam dixi, rursus rejecit, & noxiam proclamavit, vulgaremque, quæ magno apparatu fit, huic præferendum duxit. Interea, nisi me omnia fallunt, consiliis tamen suis primis effecit, ut primo Parisinus quondam ille chirurgus regius celeberrimus, *Mareschallus* haud ita diu post JACOBVM, emendatæ lithotomiæ hujus experimenta eaque felicissima Parisiis fecerit; (si vera sunt, quæ LISTERVS supra laudatus in descriptione itineris suis Parisiensis, pag. 239. refert) cujus vero rei, quia nulla apud scriptores recentiores Gallos æque ac Anglos, quod miror, mentio fit, (b) utile esse duxi, ut inde ipsam rem hic referam, quemadmodum post reditum *Listeri* in Angliam, ab alio Anglo docto, prout ipse eum appellat, cui nomen PROBIE, Parisiis tunc adhuc commorante, qui cum ipso vere hujus anni 1698. operationes Monachi istius aspexerat, die 2. Augusti ad LISTERVM perscripta erat, ex anglico latine versam, quæ ita se habet. *Chirurgi (Parisienses) JACOBVM vehementer increpant, quamvis ejus methodum sequantur. Nam Mareschallus ab eo tempore secundum methodum illius secuit, ea solum differentia, quod catheterem sulcatum adhibuerit. LE RVE, alter nosocomii caritatis chirurgus, veterem modum, eo tempore, quo Mareschallus JACOBI, adhibuit; verum non tam bono, quam Mareschallus, successu. Omnes enim, qui ab hoc secti sunt, adhuc vivunt, & optime se habent, dum alter unum alterumve amisit. Imo qui vivunt, non tam cito, ac illius curati sunt. An autem vel ipsemet MARESCHALLVS, vel alii etiam ipsius exemplo eundem operandi modum postea iterum atque sæpius apud Parisinos adhibuerint, dubito, vel saltem, quantum ego quidem scio, haud constat. Miror saltem nihil inter Gallos hac de re constare; quamvis MARESCHALLVS paucis demum ab hinc tempore obierit, & experimenta prima a MORANDO & PERCHETO Parisiis 1730. juxta CHESELDENI emendationes instituta, ut ipse MORANDVS refert, (c) aspexerit. GARENGEOT, vero perhibet, PERCHETVM primum esse, qui post JACOBVM sectionem lateralem Parisiis instituerit operat. chir. T. II. pag. 230. id quod Galli optime dijudicare ac decidere poterunt.*

XIII. In Belgio vero postea RAVIVM, Germanum, & Medicum clarissimum, quem & in anatome & in chirurgica præceptorem habui, eumque diu secutus sum, (d) quam diligentissime novam hanc eandemque correctam lithotomiæ rationem frequentasse, nemo facile ignoraverit, nisi in historia Medico-

*De methodo Raviana.*

*Heisteri Chirurgiæ Tom. III.*

F f rum

(a) GARANGEOT hoc MERIO vehementer exprobat, operat. chirurg. T. II. p. 187. verum ut MORANDVS in Mem. Acad. Reg. Paris. 1731. tradit, nec ipse hoc in vivo adhuc tentare ausus est.

(b) Unicus quidem DOUGLASIVS post me verba LISTERI in historia sua lateralis operationis p. 37. ad 39. edit. Lond. retulit; verum inde non deduxit, quod MARESCHALLVS primus fuerit, qui in vivis post JACOBVM eam instituerit, qui tamen, si vera sunt, quæ LISTERVS scripsit, revera primus fuisset; neque etiam LISTERVM erroris arguit.

(c) Memor. Acad. Reg. Par. 1731.

(d) Nam a vere anni 1706. ad Octobrem usque anni 1710. in Belgio vixi maximamque hujus quinquennii partem Amstelodami consumsi, & ad RAVII curationes sedulus animum applicavi.



rum recentissima prorsus hospes fuerit. (a) RAVIVS enim, postquam non modo Fratrem JACOBVM, sæpius hanc sectionem perficere in Hollandia viderat, quemadmodum & ALBINVS pater & ALBINVS filius referunt (b) atque ego ex RVYSCHIO, altero meo in anatome & chirurgica doctore, aliisque Medicis & Chirurgis Amstelodamensibus sæpe olim intellexi; sed ea forte quoque, quæ pro emendanda lithotomiæ methodo Jacobæa, MERIVS jam suppeditaverat consilia, perceperat, imo & LISTERVS de MARESCALLO libro citato jam an. 1699. retulerat, adjutusque & audacia insigni chirurgica & egregia scientia anatomica, primo eandem, ac Frater JACOBVS & veteres, perinæi partem, ipsamque mox *cervicem* (c) & *vesicam*, sicut JACOBVS, teste, MERIVS, solitus est, incidit; quemadmodum egomet, dum Amstelodami fui, sæpius vidi (d). Deinde *catheterem* quoque *fulcatum*, quem MERIVS suavit, usurpavit, sed ad normam JACOBI, *vulgari paulo crassiore* pro infligendo vesicæ vulnere adhibuit (e). Tum loco ductoris canaliculati binos *ductores ensiformes*, marem scilicet & feminam, Tab. XXVIII. fig. 2. & 3. *scalpelli* item & *forcipem*, quibus secundum vulgarem lithotomiæ methodum Medici utuntur, applicavit; ægrotantibus vero eundem fere in modum supinum dispositis, natibus probe elevatis, quem itidem JACOBVS servasse memoratur (f). Attamen eos *aliter, quam vulgo fieri & delineari solet*, ligavit (g); id quod a paucis rite descriptum, imo a plerisque, qui de Raviana methodo scripserunt, prorsus neglectum reperio; quod tamen ad historiam hujus supplendam necessarium esse existimo: idque tanto magis, quia ejus modus ligandi minus quam vulgaris ægros terrere solet; dum de vulgari ipse TOLETVS asseverat, *quod magnopere augeat metum & terrorem ægrorum*, atque WINSLOVIVS ex hoc terrore mortem notaverit (h). Itaque longissimi illi laquei, quibus alii utuntur, qui cervicem aliasque partes miris ac formidandis ductibus ambiunt, *duos*

RA-

(a) *Ravianam lithotomiæ methodum* singulari eaque docta commendatione: anno 1725. edita, titulo, *Index supellestilis anatomice*, Bern. Sigfrid. ALBINVS filius, Medicinæ anatom. atque chirurg. apud Leidenfes Professor, una cum instrumentis in eadem adhibitis, descripsit. Tamen scalpelli, ab ALBINO Tab. I. fig. 5. designatum, plane diversum sit ab eo, quod eo tempore, quo ego Amstelodami vixi, ab eodem adhibitum egomet vidi, meumque scalpelli Tab. XXVII. fig. 8. tunc juxta ejus scalpelli & apud eundem artificem, qui scalpella aliaque instrumenta ejus conficere solebat, in domo, cui nomen & signum erat, *campanæ cæruleæ*, quod signum etiam in ipsa scalpelli figura expressum est, confici curavi, quodque alias adhiberi vulgo a chirurgis in apparatu magno consuevit. Non enim video rationem, quare hoc illi substituerit, cum nulla in re illo præstare mihi videatur.

(b) Ille, in oratione in obitum DAVII p. 28. hic in supellest. modo laudata.

(c) Id quod ALBINVS pater notavit l. c. pag. 29.; licet filius; DIONYSIVS alii que velint, eum solum vesicam; intacta cervice, incidisse.

(d) Ego dum tempore & postea hanc operationem in cadaveribus sæpe tentavi, semper non solum vesicam, sed cervicem quoque ejus incisam deprehendi; verum tunc me errasse putaveram, atque artificium solum incidendi vesicam me non satis nosse, existimaveram.

(e) Quod *crassior* vulgari fuerit, sicuti JACOBI mihi fieri dixit RAVIVS ob sectionis securitatem, ut tanto facilius incidi & scalpelli tam facile ab eo non aberrare possit, illudque etiam ex ALBINI fig. 1. itemque ex nostr. Tab. XXXI. fig. 1. videre licet; quamvis nullus hoc, quantum novi, in publico scripto notaverit vel indicaverit. Quod vero vulgaribus *majorem curvaturam* habeat, ut ALBINVS filius scribit, facta cum illis collatione, non perspicio. Nam pro magno apparatu requiritur jam catheter valde incurvatus, & ut GARENGEOT ait, *a grande courbure*, cap. de magno apparatu.

(f) Situs, quem RAVIVS suis curandis dedit, melius, quam forte ab ullo alio, describitur ab ERNDELIO, in itinere suo Anglico & Batavo, p. 119. Unde etiam patet, RAVIVM quandoque *arcule*, quemadmodum ipse quoque vidi, *ægrum imposuisse*, ubi apta tabula deficiebat. Falsum igitur est, quod GARENGEOT perhibet, operat. chirurg. Tom. II. p. 192. RAVIVM *ægros, ut in magno apparatu, collocasse & ligasse*, quemadmodum ipse sæpius vidi.

(g) Vid. TOLETI liber de lithotomia cap. XVI. & ALCHISII lib. de lithotom. Tab. XI. & XVI.

(h) In epistola annexa MORANDI lib. de alto apparatu.



RAVIVS habebat laqueos breves eosque planos, ex lana (a) confectos, (qui vero etiam ex lino vel serico constare possunt) quorum quilibet non nisi quatuor circiter pedes longus sit, alteroque, facta prius ansa, ut Tab. XXIX. fig. 10. A indicatur, manum dextram circa carpum prehendebat eamque ad dextram tibiam sive pedem; altero autem sinistram manum eadem ratione ad sinistram tibiam; verum non circa malleolos, ut alias fieri solet, sed mox infra genua supra suras scilicet, alligabat (b). Qua ipsa equidem curandi ratione usque adeo frequenter atque feliciter ut plurimum usus est RAVIVS, ut neque MERIO, neque MARESCHALLO, auctoribus, sed RAVIO eadem a plerisque hucusque accepta referatur, indeque *methodus lithotomiae Raviana* a quamplurimis hactenus nuncupata sit. Ab eo vero tempore, quo celeb. Jacob. DOUGLASIVS libellum de *lateralis operatione* Londini an. 1726. anglico sermone, edidit, qui postea an. 1728. latine versus Lugduni Batav. prodit; in quo, quomodo JACOBVS & RAVIVS olim, sed & nuper CHESELDENVS Londini hanc methodum instituerit atque emendaverit, describit, *operatio* sive *SECTIO LATERALIS* appellari coepit, quia magis in latere perinaei, quam in magno apparatu, imo & *in latere vesicae incisio instituitur*, quæ in majori apparatu solum in urethra fit.

XIV. Antequam vero de hac aliisque aliorum emendationibus agam, non nulla prius adhuc, quæ ad RAVIVM ipsum ejusque deinde secandi modum pertinent, quæque longo usu & meditatione hac in re observavi, hic proponam. Absolutis scilicet jam meis studiis medicis in Germania, fama tunc celeberrimorum Medicorum in Belgio tunc viventium excitatus, Belgium adii, ibique per quinquennium fere, anatomes potissimum & chirurgiæ, quarum amore flagrabam, excolendæ gratia commoratus, atque primis annis Amstelodami, præter cel. RVYSCHII etiam RAVII in his informatione usus sum; ultimis vero alios studiosos juvenes rursus anatomicam & chirurgicam docere coepi, ubi interea occasionem habui non solum sæpius RAVII operationes videndi, verum etiam me ipsum in eis imitandis in cadaveribus exercendi, aliisque in iisdem postea demonstrandi, dum licentia mihi a RVYSCHIO, altero meo præceptore, & anatomes ac chirurgiæ Professore publico, data erat cadavera pro lubitu in nosocomio disseccandi, atque in usum chirurgicum adhibendi. Unde tandem factum est, ut talem mihi hac in re scientiam comparaverim, ut non dubitaverim, eam aliquando etiam in vivis tentare. Cum vero an. 1709. Tornacum in Brabantia a foederatis esset obsessum, & ut medicus castrensis, RVYSCHII commendatione, exercitum foederatorum Belgii, quem ab an. 1707. jam secutus eram, denuo sequeretur, atque Audenardæ nosocomium pro ægris & vulneratis institueret, ibi tandem inter alios ægros & vulneratos, opportune juvenis xv. annos natus, calculo vesicæ laborans, se curandum mihi offerebat, quem methodo & instrumentis Ravianis, præsentem chirurgo Hollandorum tunc primario, Dn. DE QVAVRE aliisque in fine mensis Augusti feliciter a calculo duarum unciarum liberabam, Anno 1710. ad Professionem medicinæ, anatomes & chirurgiæ suscipiendam Altorfium vocabar; verum prius Angliam adii, atque etiam a Medicis & chirurgis præstantioribus, inprimis CYPRIANO, RVSSIERO, ac LAVATERO proficere ibique studui, & tandem circa finem hujus anni ad Academiam Altorfinam abibam. Ibi an. 1712. puerum septem annos natum Papenheimio oriundum, & calculo vesicæ laborantem, Raviana ratione, quemadmodum eam paulo ante in lectionibus & demonstrationibus meis chirurgicis docueram, in conspectu multorum Medicinæ studiosorum, extrahebam;

Ff 2

id

(a) ERNDEL. l. c. pag. 120.

(b) Hoc etiam notavit FEHRIVS in diss. jam supra laudata de calculo vesicæ &amp;c. pag. 17.



id quod postea variis in locis & cum primis postquam Helmstadium veni, aliquoties hic & alibi præstiti (a). Unde certum esse puto, me primum forte, quantum ego saltem cognoscere potui, esse, qui eam post RAVIVM in vivis hominibus institui, eamque etiam non solum in demonstrationibus meis chirurgicis ab eo tempore, quo chirurgiam docui, nimirum ab anno 1708. semper proposui & in cadaveribus sapissime demonstravi, verum etiam in mea chirurgia, quæ anno 1718. Norimbergæ primum germanice & postea aliquoties adhuc prodiit, breviter mox sequentibus verbis, cap. de methodo fratris JACOBI §. xi. descripsi. Postquam nimirum ostendi, JACOBI methodum quemadmodum ab ipso olim instituebatur, nihil valere, varios vero fuisse, qui eam varia bona continere, si modo a viris quibusdam prudentibus atque in anatome probe versatis, errores ejus corrigerentur, agnoscerent, nullus autem esset, qui illam in homine vivo tentare ausus esset, tandem hæc posui, quæ totam rem brevissime exhaustire videntur, licet a nullo recentiorum, qui de hac rescripserunt, observata inveniam. Scilicet *Ravius hanc methodum mihi emendasse videtur: hic enim, quemadmodum vidi, sequitur fratrem Jacobum in loco incidendi sive incisionis, mutat vero instrumenta, atque in incisione cathetere utitur sulcato & postea ductoribus mare ac femina, sicut in magno apparatu atque hac ratione hanc operationem felicissime perficit.* Paulo post §. xii. ubi de comparatione hujus cum magno apparatu disputavi, hæc verba protuli. *In emendata JACOBI methodo a RAVIO difficile est, tam profundum vulnus (quantum scilicet hac in methodo præ magno apparatu requiritur) ad catheterem usque in vesica denudandum facere, sine vicinarum partium læsione.* Quod judicium postea, meo nomine suppresso, ab aliis usurpatum inveni. Atque hæc verba de hac methodo eo tempore, quo nemo, præter me, de ea vel imitanda vel excolenda sollicitus, sed altum contra ubique silentium erat, pro re magni momenti, paucis indicanda, sapientibus sufficere putavi. Verum quia nunc hæc controversia, quæ diu quievit, ab aliquo tempore vehementer rursus cœpit agitari, & de commodis sive præstantia illius præ ceteris methodis disputari, etiam prolixius de ea nunc agere omniaque, quæ tam a RAVIO quondam vidi, audivi & observavi, quam quæ vel meditando, vel legendo, vel experiundo præ aliis de hac ipsa adhuc notavi, quæ aliquam lucem vel utilitatem huic doctrinæ atque historiæ RAVII afferre possunt, adjicere volui, ut historia ejus tanto fiat perfectior.

Observationes alie ad RAVIVM pertinentes.

XV. Præter eas vero res, quæ N. xiii. de modo ligandi Raviano, de majore catheteris crassitudine, de scalpello ejus &c. jam proposui, quæ ab aliis prætermissa sunt, nonnulla adhuc, quæ ad hanc rem & vitam magni hujus chirurgi pertinent, dum intime eum ejusque fata novi, hic monebo: & primo quidem, quod GARENGEOTVS asseveret, *Senatum Amstelodamensem ipsi pileum doctoris, ob merita sua in chirurgiam procurasse, qui & ipsi primum locum in Anatomia conferre voluerit.* (b) Verum GARENGEOTVS hic valde errat, atque ex descriptione ejus vitæ, quam ipse pag. 93. & seq. dedit, rem melius scire ac cognoscere potuisset. Nam senatus Amstelodamensis hoc, quod ille dicit, minime fecit. Antequam enim huic vel nomine tantum notus erat, & antequam vel ullam operationem chirurgicam Amstelodami perfecerat, imo

an-

(a) In DOUGLASII libello, cujus inscriptio, *dissertatio de alta operatione* pag. 128. epistola continetur, quam an. 1728. ad ipsum dedi, in qua significo, me Bremæ ægrum alterum *Raviana*, alterum *alta operatione* a calculo liberasse. Conf. & mea diss. de alto apparatu p. 11.

(b) Operat. chirurg. Tom. II. pag. 92. edit. 11. ubi ait: *On verra, que la bonne chirurgie lui attira l'estime entiere des Magistrats d'Amsterdam, qui voulant lui donner la premiere chaire d'Anatomie, lui procurerent un honnet de Docteur en Medecine, qui ne lui eouta qu'une dissertation sur l'origine & la Regeneration des dents.*



antequam adhuc sedem Amstelodami fixerat, jam gradum doctoris, consueto modo, Lugduni Batavorum quæliverat, atque etiam impetraverat, paulo scilicet post, postquam ex Gallia in Belgium & nominatim Lugdunum Batavorum redierat, (a) anno nimirum 1694. die 11. Maii, sicut GARENGEOT ipse pag. 98. refert. Tunc vero demum, ut ALBINVS, filius, in vita ejus recte refert fol. 3. & GARENGEOT ex ipso p. 98. *vita erraticæ & vagæ pertasus, Amstelodamum sibi sedem stabilem certamque delegit, ubi & anatomen alios docendo & medicinam, eam imprimis, quæ manuum opera curat, exercendo, sua se sustentaret industria.* (b) Igitur inde patet, senatum Amstelodamensem, ut GARENGEOT pag. 92. perhibet, ipsi pileum Doctoris non procurasse, sed eum tunc adhuc prorsus ignorasse eoque honore jam ornatum fuisse, antequam Amstelodamum veniret illudque pro sede fixa eligeret. Ita etiam falsum est, quod senatus ipsi primam in anatome cathedram sive locum dare voluerit. Nam RVYSCHIVS hunc jam a triginta annis, antequam RAVIVS Amstelodami vel cognitus erat, habuerat, atque egregie, ut omnibus notum est, ornaverat, eumque etiam adhuc diu post abitum ejus Leidam, imo etiam post mortem RAVII habuit atque ad mortem usque suam retinuit: nec ulla fuit ratio, quare hunc locum præstantissimo optimeque merito RVYSCHIO adimere, & novo adventanti homini, qui nihil tunc adhuc notatu dignum præstiterat, (c) dare debuisset. Imo jurare ausim, senatum nunquam hac de re vel cogitasse; neque unde GARENGEOTVS hæc hauserit, concipio. Contra sciendum est, quod veri causa hic scribo, RAVIVM ne locum quidem secundum in anatome, multo minus primum, neque Professoris locum aut dignitatem Amstelodami unquam obtinuisse; sed, ut doctor quidem privatus, sicuti cuilibet fere ibi licet, atque ego etiam feci, ibidem docuisse. (d) Recte etiam ALBINVS asseverat, RAVIVM Medicinam, quæ manuum opera curat, Amstelodami exercere voluisse: nam de curationibus morborum internorum parum erat sollicitus; vel etiam, si verum fateri licet, eas non satis intelligebat. Interea tamen aliquamdiu post JACOBI eremita ex urbe Amstelodamensi discessum, majori animi contentione huic speciatim operationi se dabat, (quam antea, dum recens ex Gallia veniebat, vel prorsus non, aut saltem parum adhuc exercuerat) & cum sensim felici sua calculum secandi ratione magis inclaresceret, tandem a senatu urbis lithotomi sive operationis publici titulo (Stads Operateur) condecoratus est. Deinde neque hoc reticendum, quot eum seriem, sive cursum, ut vocant; operationum chirurgicarum studiosis, quandoque hoc ab ipso desiderantibus, magno, ut solebat, pretio ostenderet (e), & ad lithotomiam perveniret, dicebat, de hac operatione quia ab ea potissimum subsistere & vivere cogor, nihil propono, si etiam aliquid de ea dicere deberem, veritatem vobis non dicerem, (nam valde avarus & invidus erat) adeoque silere malo. Si hanc artem discere potest, quando me ipsum in vivis exercere videtis, hoc vobis erit licitum. Ceterum CELSVSVM de ea legere potestis: id quod mihi diu ænigma fuit, nec tandem illud inde concludebam, eum locum ope catheteris esse incidendum, quem CELSVS super calculo sine cathetere incidere docuerat. Meo præterea tempore, & specia-

(a) Cognosci hoc uberius potest cum ex oratione laudata ALBINI Patris, tum ex vita RAVII ab ALBINO filio descripta.

(b) Conf. RAVII Responso ad defens. RVYSCHII pro septo scroti, in principio.

(c) Id quod etiam ex ALBINI patris oratione cognosci potest, pag. 20.

(d) Si quis hac de re certius adhuc instrui velit, inspiciat RVYSCHII Epist. anat. XIII. pag. 21.

(e) Hoc ALBINVS Pater, l. c. p. 23. asseverat: nam Amstelodami pro demonstrationibus suis anatomicis & chirurgicis, centum nummos imperiales unciales quilibet auditorum ipsi solvere cogebatur.



ciatim jam anno 1706. & 1707. in animo ipsi erat epistolam vel dissertationem-  
culam quamdam edere *de neglectis quibusdam in oculo & aure*, (nam ad ma-  
jora opera conscribenda patientia & forte alia ipsum deficiebant) ubi præcipue  
*apophysin illam mallei*, quam *Ravianam* quidam appellant, describere ac deli-  
neare volebat, imo ut mihi & multis aliis sæpius narraverat, figuras ad res  
has neglectas pertinentes jam in chalcographi manibus esse. Verum neque hoc  
neque aliud quid postea, si orationem inauguralem, quam cum Professionem  
Anatomix & Chirurgix Lugduni Batavorum, post BIDLOI mortem susceperet,  
habuit, excipias, evulgavit. Denique prætermittere non possum, DENYSIVM,  
chirurgum & lithotomum Leidensem; quem supra jam laudavi, in observat.  
chirurg. de calculo & lithotomia an. 1731. editis, in præfatione & exordio scri-  
bere, *se hunc librum evulgasse, ut illorum, quæ in praxi lithotomix RAVII ob-*  
*servaverit orbem participem redderet*. Verum methodum RAVII (quam hic sibi  
in articulo mortis revelasse affirmat) nusquam, ut supra jam indicavi, descripsit;  
sed in eo maxime occupatus est, ut evincat, RAVIVM ejus esse inventorem,  
eam ceteris præstare, eamque sibi feliciter succedere.

*Cheseldeni*  
*modus pri-*  
*mus, seu po-*  
*tius Bamber-*  
*gi.*

XVI. CHESELDENVUS celeberrimus nunc Britannorum chirurgus, dupli-  
ci adhuc ratione rem lithotomicam postquam sectionem, quam *hypogastricam*  
sive *altum apparatus* vulgo vocant, quamque antea post Jo. DOVGLASIVS  
mira & dexteritate & felicitate sæpius exercuerat, ut *Ravianam* etiam experi-  
retur, rursus reliquit) emendavit, & sequentes secandi rationes, tanquam an-  
tea notis præstantiores, una cum diversis novis ferramentis in illarum locum  
substinuit. Prima quidem earum, quæ *Ravianæ* aliqua emendatio esse debet,  
alio quodam Medico Anglo, cui BAMBERI nomen, teste DOVGLASIO (a)  
Londini in publico nosocomio prius exercitata fuit: quem vero in omnibus RA-  
VIVM, quemadmodum ALBINVS ejus modum proposuit, *prorsus secutum* esse  
scribit DOVGLASIVS; *nisi quod vesicam prius modice aqua, ut in alta sectio-*  
*ne dictum est, repleverit*, atque hac ratione ipsum quam plurimos a calculo  
æque feliciter ac quondam RAVIVS liberasse. Doleo autem, DOVGLASIVM  
hic non docuisse, qua ratione aqua, quæ per cavum catheterem sine dubio in-  
jecta fuit, in vesica detenta sit, quando hunc catheterem rursus extraxit, ac  
postea catheterem sulcatum *Ravianum* in vesicam immisit: dum interea omnem  
fere aquam rursus effluxisse verisimile est; adeoque vesicæ per aquam repletio  
parum vel nihil hic prodesse potuit & quasi inutilis fuisse videtur. CHESEL-  
DENVS vero *varia in Ravianam mutavit, & sequenti ratione novam suam in-*  
*stituit*.

*Ipsius Che-*  
*seldeni.*

XVII. Mensa scilicet, figuræ quadratæ, in quam ægros collocavit, altior  
erat eo in extremo, cui nates ægri niti debebant, quam in altero (b): postea  
ægri supini & natibus & capiti pulvinar subjecit, sic ut venter declivorem,  
quam caput & nates haberent, situm acquireret. Nates itaque ægri altiori  
mensæ extremo ita imponebantur, ut ultra hujus limites paulo prominere-  
nt; genua a se invicem diducebantur, atque quantum commode fieri poterat, fle-  
tebantur, tandemque *carpi* cum *malleolis* colligabantur. Hoc in situ tribus mi-  
nistris continebatur, quorum duo utrinque genua & pedes, tertius vero juxta  
caput ambabus manibus humeros ægri ita sustinebat ac firmabat, ne æger in  
curatione se retrahere atque a chirurgo recedere possit. Hoc in situ CHESEL-  
DENVS *catheterem cavum ac simul sulcatum ferreum* per urethram in vesicam  
con-

(a) In *Hist. operat. lateralis*, supra nominata.

(b) Tabulæ hujus longitudo sit trium pedum cum dimidio, latitudo autem duorum circiter;  
cum dimidio, altitudo trium.



consueta ratione demisit (a), atque per eum, ut in alto apparatu (b) fieri consuevit, aquam tanta copia in vesicam injecit; quantam æger sine insigni dolore perferre potuit (c). Hujus refluxum ut impediret e vesica, funiculum laneum (flanel) peni, relicto cathetere illo in vesica, circumjecit, penemque eo constrinxit. Extremum catheteris postea prudenti ministro sustinendum dedit; non ut sulcum ejus versus locum incidendum premeret, (ut alias in majori apparatu & Raviana methodo fieri solet) sed solum ut curet, ne catheter & vesica, ob rationes mox dicendas, resiliat (d). Hoc facto CHESELDENVUS in sella confidet, cum mensæ altitudine, in qua æger decumbit, ita respondente, ut sectionem sedens commode perficere possit, scalpelloque, acie convexa donato, primo plagam facit, incipiendo pollicis latitudine supra anum in latere sinistro suturæ perinæi, inter musculum acceleratorem urinæ sive constrictorem urethræ & erectorem penis, (sicut JACOBVS & RAVIVS,) eamque oblique descendendo ad latus sphincteris ani externum, ad duorum pollicum cum dimidio vel trium aut quatuor pollicum longitudinem, pro diversitate ætatis & magnitudinis ægri, extendit: atque hanc primam incisionem uno actu sive sectione, (quod RAVIVS pluribus faciebat) per omnem cutem, pinguedinem & partem levatoris ani perficere studet. Simulac hoc factum est, indicem sinistræ manus in medium hujus vulneris immittit, eoque intestinum rectum ad latus reprimat, ne facile a scalpello postea lædatur: atque tunc, prehenso alio scalpello, eoque falcato, dextra manu cuspidem ejus (sursum spectantem) juxta digitum sinistræ in vesicam, inter vesiculam seminalem & os ischium hujus lateris impellit (e), depressaque manu (dextra) alteram sive secundam hanc incisionem sursum continuat, donec cuspis in parte suprema prioris incisionis rursus prodeat. Vesica hoc modo aperta (f), digitum indicem levæ manus per hoc vulnus in cavum vesicæ demittit, eoque, calculo percepto & firmato, forcipem super hoc digito (sine ductore alio) immittit, calculumque ea prehendere operam dat: quo prehenso, digitum rursus extrahit, forcipeque utraque manu comprehensa calculum majore vel minore negotio educit, prout hic vel major vel minor, lævior vel inæqualior, aut etiam plaga vel amplior vel angustior est. Si plures uno adsint calculi, digitum illum & deinde etiam forcipem denuo in vesicam intrudit, eosque eadem, ac modo diximus, ratione extrahit. Durante hac operatione catheter semper manet in vesica, ministerque, qui eum sustinet, nihil aliud agit, quam, ne surgat vel excidat catheter, curet, hoc est, ut ejus prolapsum impediat: atque hoc modo CHESELDENVUS vesicam satis, pro immittenda forcipe supra ejus digito sine ullo alio duce sive ductore, depressam credit, & quoniam vesica ante sectionem aqua est repleta, incisionem in  
sulco

(a) Optandum esset, ut DOVGLASIVS hunc catheterem delineari curasset; dum sine figura ex sola hac brevi descriptione vix concipi queat, quomodo catheter ferreus cavus & simul sulcatus esse queat.

(b) Qui DOVGLASII libellum latine vertit, hic pro apparatu alto, posuit apparatu magno, sed male, ut sensus etiam docet.

(c) Exempli loco septem uncias aquæ, in juvene octodecim annos nato, qui calculum habebat sex unciarum, intrasse refert. Quam vero quantitatem semper ex ægri sensu & dolore dijudicandam esse docet: cum nulla certa pro vesicarum diversitate constitui queat.

(d) Quomodo autem impediverit CHESELDENVUS, ne per catheterem cavum, cole licet ligato, aqua rursus reflueret; id quod tamen necessario fieret, nisi illud certa ratione impediretur, DOVGLASIVS haud indicat. Nam hæc relata ligatura solum impedit, ne inter catheterem & urethram aliquid effluat; verum ne qua per fistulam catheteris refluat, impedire nequit. Igitur & catheter peculiari quoque ratione claudendus fuit: digito forte ministri, vel peculiari quadam ligatura alia.

(e) Id quod forte, quod scilicet scalpello in vesicam pervenerit, ex effluxu aquæ injectæ vulnere, de quo tamen DOVGLASIVS nihil dicit, cognoscitur.

(f) Dubio an non etiam simul cervicem inciderit, licet solum de vesica hoc asseveretur.



*fulco catheteris fieri non posse, sive necesse non esse, ut sectio in fulco fiat; neque metuendum esse, quin catheter forcipe corripatur, si modo, dum hæc in vesica est, debita cura sive cautela adhibeatur, ut calculus solusprehendatur. In hac methodo tantum unus aut duo arteriarum ramuli inciduntur, unde aliqua sanguinis profusio, quæ tamen sæpius non contingit, metuenda: interea tametsi, vulnere spongia humida probe purgato, sanguinis fluxus perseverat, mox arteriolas illas ( filo beneficio acus curvæ vid. Tab. XXXI. fig. 14. circumducto ) ligat, vulnereiue linamentis aridis vel etiam unguento digerente inunctis aliisque deligationis requisitis prospecto, ægrum lecto imponit, atque hac ratione, si nullum peculiare impedimentum incidit, totam operationem intra unicum minutum, sive intra sexagesimam horæ partem, a prima incisione ad calculi usque extractionem computando, ut plurimum, ut DOVGLASIVS refert, absolvit.*

XVIII. Interea tamen res quædam subinde in hac operatione incidunt, ob quas nonnullas actiones ejus subinde mutare cogitur CHESELDENS, nimirum  
 1. quando calculum forcipe arripuit, atque in eo extrahendo, vel ex magno renixu, vel ex alio quodam signo *calculum valde magnum esse intelligit*, ne ægrum ob violentam, quam hinc perferre cogeretur, partium dilacerationem, periculo & cruciatibus exponat, *vulnus vel forfice in parte ejus superiore, vel scalpello in inferiore, nova adhuc incisione ampliare studet (a)*. 2. Si, facta altera incisione, dum digitum in vesicam demittere studet, *catheterem in vulnus illapsum esse sive irruisse sentit (b)*, id quod vel motu sive agitatione ægri vel aliis de causis quandoque incidere potest, digitum retrahit & loco ejus ductorem canaliculatum (*gorgeret*) in sulcum catheteris impellit, super quo deinde forcipem consueta ratione immittit: *atque hanc unicam ob causam, dum hoc subinde contigit, catheterem sulcatum omnino tereti hac in curatione præfert (c)*. 3. Si minister, qui catheterem sustinet, *catheterem loco calculi, (vel una forte cum calculo) forcipe prehensum esse percipit*, id quod tamen raro contingere asseverat CHESELDENS, catheterem mox extrahi jubet, calculumque tunc prehendere & extrahere studet, sine illo commodo, quod alias catheter ipsi afferret, dum vesicam deorsum premit, pro faciliore forcipis supra digitum, sine alio ductore, immisione in vesicam (*d*), quando forte eam plus una vice immittere opus esset. 4. Quando vel *ob parvitatem, vel situm calculi* hanc methodum vel faciliorem vel securiorem esse judicat (*e*), digitos suos in anum ægri demittit, calculoque eis versus vulnus pressio, altera manu sine forcipe (fere ut in parvo apparatu) ipsum ejicit. 5. Quando vel digito, vel ex renixu, quem calculus creat, dum ipsum extrahere conatur, percipit, *adesse quoddam impedimentum, remoram sive constrictionem, vel ab uretere, vel a membranis sive plicis inusitatis vesicæ circa illum, digitos suos quoque in anum immergit, eisque, ut partem illam ad os vulneris protrudat, studet, atque tunc scalpello res vel membranas illas, quæ remoram faciunt, refecat, sicque calculus a remora resolutus facile educitur. Atque ex his, ait DOVGLASIVS (f), facile, quales scilicet mutationes & emendationes Ravianæ methodo adjecerit acutissimus CHESELDENS, intelligi potest: ad quas*  
 eo

(a) Ibidem docent FEHRIVS in diff. de calculo pag. 19. & DENYSIVS in obs. de calculo pag. 108.

(b) Quid DOVGLASIVS his verbis (*catheterem in vulnus illapsum esse*) velit, ego non satis intelligo.

(c) Quare autem ductor hoc in casu necessarius sit, & digitus pro forcipe immittendo, qui alias sufficit, hic CHESELDENO non sufficiat, haud indicatum reperio; neque rationem hujus rei facile perspicio.

(d) Neque hic mentem auctoris satis comprehendo.

(e) Neque hoc mihi perspicuum est.

(f) In Hist. lateral. operat. angl. conscript. pag. 87.



eo magis attendendum , quia hoc modo quam felicissime plures a dirissimis calculorum tormentis ipsum liberasse , DOVGLASIVS docet , (a) *neque ullum eorum , quos huic methodo subiecit , dum hæc scribebat , desideratum esse .* Unicum tantum adhuc monet , quod ad perfectionem ejus facere posse putat : nimirum quod *forcipis parum incurvatæ* quibusdam in occasionibus usus , loco rectæ , quam hætenus tantum adhibuit CHESELDENVS , præstantissimus esse queat . Sæpius enim se observasse , ait , *calculus longe facilius extrahi , quando eo in latere vesicæ , ubi vulnus est , hæret , quam si in altero aut opposito ejus latere , sive in sinu dextro vesicæ situs est ; præsertim si eo in loco vesicæ , ut quandoque sit , cavæa est præter naturam (b) : quibus in casibus forcipe paulo incurvata facilius quam recta calculum comprehendi educique posse existimat DOVGLASIVS.*

*Cheseldeni  
modus alter.*

XIX. Attamen quam apta , facilis , secunda atque perfecta etiam hæc calculum secandi ratio & CHESELDENO & DOVGLASIO visa est , tamen paulo post , ob ulcera , ut ait , foetida , quæ urina in cellulari circa intestinum rectum membrana subsistens , sæpe concitabat , *etiam hanc rursus abdicavit CHESELDENVS , ac sequentem , quam ceteris omnibus tunc præstare judicant , excogitavit* atque magno cum successu in usum adhibuit . Nimirum , ut ipse refert (c) ægrum , ut in magno apparatu , ligat : verum ipsum tabulæ horizontali , variis tegumentis coopertæ , & tres pedes altæ , ita imponit , ut caput ejus solum paulo sit elatius . Postea tam longam incisionem , quam apte fieri potest , facit , inchoando , ubi in magno apparatu incisio desinit , & continuando eam deorsum inter musculum acceleratorem urinæ & erectorem penis , in latere intestini recti . Deinde catheterem in vulnere quærit , eoque reperto , glandulam prostatam recta versus vesicam incidit , reprimendo interea uno alterove manus sinistrae digito intestinum rectum , ( ne scilicet a scalpello lædatur . ) Reliqua hujus operationis eodem modo , ut in magno apparatu , peragit ; nisi quod venas , si quæ forte lædantur , filo acu curva circumjecto , liget .

XX. Quæ vero breviter paucis a CHESELDENO hic de hac methodo tradita sunt DOVGLASIVS uberius diducit atque exponit (d) . Nimirum omnia primo facit ; quæ in magna & laterali operatione fieri solent : hoc est , ægrum in tabula , ut supra §. XVI. vel modo dictum est , rite collocat & ligat atque catheterem suum ( quem vid. Tab. XXXI. fig. 5. ) qui a vulgari parum differt , in vesicam immittit . Verum in ipsa sectione , postquam externe amplum vulnus supra descripta ratione fecit , apicem sui scalpelli , qui a vulgaribus atque hætenus usitatis & figura & amplitudine multum recedit , ( conf. Tab. XXXI. fig. 8. ) catheterem versus , qui in urethra & vesica hæret , talique sulco concavo sive lunato , ut fig. 4. & 7. indicatur , donatus est , ita dirigit , ut finem sive partem posteriorem urethræ , mox post bulbum , ipsum collum vesicæ & nominatim glandulam prostatam , ac denique initium vesicæ recta linea in latere satis incidat . ( vid. Tab. XXIX. fig. 1. litt. I. K. L. ) *Plaga sic satis magna facta , e sella surgit , & vesicæ vulnus , immisso digito indice manus sinistrae , paululum diducit , ac deinde peculiarem ductorem ad similitudinem quidem vulgaris ductoris canaliculati , quem gorgeret vocant , accedentem , ( vid. Tab. XXXI. fig. 9. ) obliquo tamen manubrio litt. AA structum , sibi porrigi jubet , quem rostro suo B , ut alias cum vulgari moris est , in sulcum catheteris & postea*

*A Douglassio  
uberius exponitur .*

*Heisteri Chirurgica Tom. III.*

G g

in

(a) Idem confirmat MORAND. In Memor. Acad. Reg. Paris. 1731.

(b) Vid. Tab. XXXII. fig. 1. & 2. Vesicam quoque variis plicis donatam descripsit & delineavit , RVSSIERVS in Act. Philos. Anglic. N. 268. pag. 752. & MOTTIVS in compend. hor. actor. part. anatom. p. 74.

(c) In append. ad quartam anatomes suæ editionem pag. 7.

(d) In peculiari libello anglico , cui *Appendix ad historiam lateralis operationis* est inscriptio , atque an. 1731. prodit 4.



in vesicam ipsam immittit, eoque ut plurimum simul calculum sentit, id quod efficit, ut tanto facilius eum deinde comprehendere queat. Hujus ductoris manubrium manu læva arripit, super hunc, extracto cathetere, forcipem sive tenaculam suam (fig. 11.), quæ etiam circa habenas AA paulo aliter, quam hætenus usitatae, efformata est, facie plana sursum spectante ductu canalis ipsius quam cautissime in vesicam immittit, & dum in ejus cavum eam pervenisse cognoscit, ipsam, exempto prius conductore utraque manu circa habenas amplectitur, rostro adhuc clauso calculum quærit, eoque reperto, rostrum aperit, atque operam dat, ut inferiorem rostri laminam sive maxillam sub calculum submergat; quo fit, ut calculus commodius comprehendatur. Itaque sic ipsum apprehendit, eumque postea utraque manu, dextra circa extrema, sinistra circa medium applicata, lento motu, ut partes aptius diduci expandique possint, educit; id quod blanda forcipis in omnem sensum rotatio egregie promovet, curando ne forcipi se subducatur: quod ubi forte imminere agnoscit, eum denuo comprehendere, sed sine forcipis extractione, molitur. *Si calculus amplius & levis est*, atque in eo vesicæ sinu, ubi vulnus, situs est, *illum quam facillime*, in omnibus ægris & in omni ætate, extrahit. *Sed si calculus vel valde exiguum, vel non commode situm esse intelligit*, ut is forcipe facile comprehendendi nequeat, hanc mox retrahit, atque digito in vesicam immisso eum invertere, & *ex plicis vesicæ*, quibus sæpe innexus hæret, *expedire studet*. Postea ductorem suum supra digitum hunc denuo intrudit, digitum deinde retrahit, ductoremque postea ita invertit, ut cava ejus pars sursum rursus spectet: in hac forcipem denuo immittit: calculum, ut antea dictum est, quærit & quam cautissime sine omni præcipitantia educit. Denique *ne calculus in extractione facile diffringatur*, unum alterumve digitum inter habenas forcipis immittit, ut ne fortius, quam opus est, a maxillis forcipis comprimatur, impediat. *Quod si tamen*, non obstante hac observatione *rumpatur, vel si plures calculi simul adsint*, singulos, vel singula etiam frustra sensim extrahit, repetendo immisionem digiti & forcipis, si super hoc fieri potest; vel ductoris & forcipis, quoties opus est; id quod, si modo caute fiat, nihil quidquam damni inferre asseverat. *Vulnus externum* eo fere in loco facit, quo JACOBVS & RAVIVS id fecerunt; sed *longius supra & infra illud producit*: eum in finem, ut commodius per vulnus amplius ferramenta quæque in vesicam immitti, calculique, præsertim majores, facilius educi queant. Interne vero, dum *finem urethræ, totum vesicæ collum & simul partem vesicæ* huic proximam incidit, id agit, ut nimirum & interne juxta vesicam & in ea primo ampliorem plagam, sine intestini recti læsione (quod alias in methodo laterali, ut ait, facile lædi potest) efficere, & deinde calculos, cum primis majores commodius protrahere valeat. *Quod si forte arteriola quedam exterior plus, quam par est, sanguinem fundit*, ut jam dictum est, acu parva eaque curva, linum trahente illam ambit & postea ligat. Sin profundius sita est, quam ut ligari queat, liquore styptico sanguinem cohibere studet. Extracto calculo linamenta cum digestivo unguento vulnere imponit, ægrumque mox in lectum transfert, ac tandem fascia vulnus lenissime constringit; posthæc bis in die vulnus deligat. Atque ex his patere ait, hanc CHESELDENI methodum ex vulgari, quam majorem apparatus vocant, & Raviana quasi composita esse, aut ut ego quidem existimo, ipsam Ravianam esse.

*Cheseldent  
modus ter-  
tius.*

XXI. Denique monendum hic restat, diligentissimum & ingeniosissimum CHESELDENVM in inquisitionibus & experimentis ulterius progressum esse, & paulo post adhuc magis suam methodum emendare studuisse, atque alia adhuc ratione incisionem internam fecisse; & quidem sic, ut facto prius vulnere



nere externo , scalpellum primo in partem posteriorem catheteris , nimirum in vesicæ partem inferiorem & lateralem , ( sive in sinum vesicæ sinistrum ) post glandulam prostatam & supra vesiculas feminales immiserit , vid. Tab. XXIX. fig. 1. post lit. L. ac deinde incisionem sive plagam hanc antrorsum per sphincterem vesicæ & substratæ glandulæ prostatæ partem sinistram , in urethræ partem membranæ usque ad bulbum ejus produxerit per litt. K. I. F. eodem fere modo , ut N. XVII. in prima ejus methodo dictum est ; hac enim ratione certius evitari intestini recti læsionem , quam in præcedenti & Raviana , ubi facilius læderetur . Præterea in præcedenti incidendi modo bulbum urethræ ob stare asseverat , ne sulcus catheteris , tam commode , quam in posteriori hoc reperiri ac incidi queat : quemadmodum DOVGLASIVS in supra jam citata appendice id uberius pag. 12. indicavit . MORANDVS nihil adhuc de hac methodo proponit , sed præcedentem N. XIX. descriptam pro optima declarat ( a ) . Denique inter CHESELDENI emendationes , quas lithotomiæ attulit , DOVGLASIVS etiam refert , 1. quod si post operationem in curatione pulsus curandi debilem deprehendat , vesicatoria brachii ejus , ad vires suscitandas , bono cum effectu imponat ; 2. quando vulnus incipit fieri callosum , vesicatorii frustulum ei immittat , eoque callum exedat : ita postea novam sanamque carnem rursus propululare & vulnus claudi ; 3. si vulnus putridum fiat , parum viridis æris unguento digestivo misceat .

XXII. DRANIVS , chirurgus nobilissimus Parisinus , quem sæpius quoque jam laudavimus , in egregio libello gallico ( b ) , totum lithotomiæ negotium , id est , omnes hucusque ( cum scilicet librum suum ederet ) adhibitos calculum secandi modos , quam accuratissime peruestigare , atque quam plurimis in cada- veribus institutis experimentis non solum illustrare , sed in plenam lucem expo- nere sedulo adlaboravit , magnopere studio & fabricam partium incidendarum ac lædendarum , & commoda & incommoda uniuscujusque modi indicavit , quibusque in casibus modo hæc , modo alia methodus aptissime adhiberi queat , pruden- tissime edisserit : atque propterea vult , ut chirurgus genuinus , qui calculi vesicæ curationem suscipere cupit , omnes probe perspectas habeat , & in omnibus exercita- tus sit , quia omnes certis in casibus bonæ esse possunt ( c ) . Interea tamen eam , quæ apparatus magnus appellatur , variis rationibus ceteris præferre videtur ; si modo in ea nonnulla artificia sive encheireses cautius ac prudentius , quam a multis vulgo fieri solet , instituantur : inter quæ fere ea sunt primaria , quæ supra cap. de magno apparatu §. VII. & VIII. ex eo adduximus , & cum pri- mis , ut collum vesicæ ope ductoris canaliculati & digiti indicis quam blandissime diducatur atque ad vesicam usque findatur : hoc enim modo fere idem fieri di- gito , & quidem satis tuto & haud adeo magno dolore , quod in laterali scal- pello . Quando vero hoc imprudenter , celeriter & cum impetu fieret , sicut nonnullis mos esset , lacerationem hanc , graviores , quam quæ digito blande in- stituitur , concitare dolores atque magis periculosam esse : imo collum vesicæ haud raro hoc impetu temerario ab ipsa urethra prorsus avelli : unde necessa- rio gravia mala , inflammatio , gangræna , convulsiones & mors sæpe induce- rentur . Adeoque maxime eos hic redarguit chirurgos , qui ut ceteris promptiores at- que expeditiores vanæ gloriolæ causa videantur , quam celerrime & cum impe- tu forcipem intrudunt , similique impetu calculum quoque evellunt ; cum hoc ipso pestiferas sæpe lacerationes cervicis vesicæ & urethræ efficiant .

Dranii sen-  
tentia & ob-  
servationes .

G g 2

XXIII.

( a ) In Memor. Acad. Reg. 1731.

( b ) Quem inscripsit : *Parallele des différentes manières de tirer la pierre hors de la vessie* , par Henry Francois le DRAN &c. a Paris , 1730. 8. c. figur.

( c ) Idem sentit MORAND. Memor. Ac. Reg. Par. a. 1731. , atque DENYSIVS quoque ait , omnes veterum modos non esse rejiciendos l. c. pag. 97.



*Ejusdem de  
aliis modis  
opinio.*

XXIII. Ceterum & *apparatus alto* & *apparatus laterali* laudes suas non detrahit ; sed ostendere & evincere primo adlaborat , in laterali , ut modo jam diximus , prostaticam & collum vesicæ scalpello discindi , vel scindendo aperiri , quæ in magno apparatu , secundum ejus doctrinam , digito blande finderentur : adeoque non adeo magnam inter hos duos intercedere differentiam contendit . *Altum apparatus tuto adhiberi posse* eis in casibus , existimat , ubi *vesica ampla* atque satis dilatari queat : id quod inde conjiciendum esse ait , quando æger non adeo diu calculo laboravit , & largam satis urinæ copiam continere valet . *Perniciosum* vero illum ipsum esse in eis , quibus *vesica arcta* aut *callosa* , ut discindi satis nequeat : id quod ut plurimum in iis contingeret , qui jam a longo tempore calculo laboraverint & sæpissime urinam excernere cogantur . *Lateralem sive Ravianam* & *Chefeldenianam* methodum melius quam vulgarem adhiberi , quando calculi valde magni essent : quia hi e corpore vesicæ per vulnus amplum & facilius hic adhuc dilatandum , commodius educi possent . Carpit vero hic catheterem RAVII , (a) quem ALBINVS delineavit , quamvis , ut nihil hic dissimulem , DRANIVS longe alium & quidem rostro multum breviori , quam ALBINI est , pag. 107. delineaverit , asseveratque , tali cathetere corpus vesicæ apte incidi non posse , dum nimis facile , imo fere semper & necessario e vesica elaberetur , quando in eum situm disponderetur , in quo in operatione continendus esset : adeoque aliam catheteris pro hoc scopo figuram , quam aptiorem esse judicat , exhibet , ( vid. Tab. XXXI. fig. 17. ) qui simul in sulco ad certum spatium litt. ee. perforatus sive hiato aut foramine longo præditus est ; cujus ope quam commodissime vesica juxta collum ejus aperiri & per hoc postea vulnus , ope ductoris canaliculati ( *gorgeret* ) forceps facile immitti , calculusque ea educi posset . (b) *Scalpellum* etiam peculiare exhibet , circa apicem , (quæ acutior ipsi est) paululum a vulgaribus diversum (vid. fig. 16.) ; quod in magno apparatu & *Raviana* & *Chefeldeniana* methodo , ( si revera diversæ sunt ) apte adhiberi posse censet .

*Speciatim de  
parvo appa-  
ratu.*

XXIV. Sed de parvo apparatu tam sinistre judicat DRANIVS pag. 51. ut ne comparatione quidem eam cum ceteris dignam , sed perniciosam potius promiscue reputet : nisi forte pro calculo ex urethra , vel potius collo vesicæ excindendo . Attamen si consideramus 1. quod vulnus eodem in loco , quo in laterali methodo , cervici & corpori vesicæ infligatur , atque hæc duæ methodi , sicut variæ præstantissimi viri mecum sentiunt , (c) vix nisi instrumentis differant , atque sic non nisi veterum methodus emendata sit ; adeoque hinc eadem fere habeat commoda ; 2. quod tam diu , per xvi. scilicet & quod excedit sæcula , solus in usu fuerit , & non solum eo tempore , verum etiam adhuc hoc & superiori sæculo , variis in Europæ partibus , quamvis major apparatus jam cognitus esset , multi eo a calculo feliciter liberati sint ; (d) præsertim si a prudentibus & pe-

(a) In Indice suppellectilis RAVIANÆ sæpe jam citato fig. 1. & 2.

(b) Ejusmodi *hiatum* sive *foramen* in cathetere fulcato jam SERMESIVS quoque mihi proposuisse videtur , pag. 176. lib. de lithot. Douglass.

(c) Ut WINSLOVIVS , MORANDVS , FALCONETVS.

(d) In Germania frequens fuit , Medici & chirurgi Angli de eo , tanquam de re satis trita , *the operation on the Grip* , vel *upon the Grip* , luquuntur ; atque ipse DOUGLASIVS Lib. de lithot. ait , eum a quibusdam in parvis nominibus adhuc institui . ITALI quoque adhuc eo , ut supra ostendi , utuntur . In Gallia superiori sæculo famulus ille RAOVX ipso etiam Parisiis & alibi feliciter sæpe usus est , ut ex MERYI observ. de lithot. pag. 7. 12. & alibi videri potest . Ita TOLETVS quoque superiori sæculo adhuc satis pro parvo erat apparatu . Nam postquam magnum vel magno apparatu fieri potest ; quasi hoc ipsi perinde esset . SAVIARD. scriptor hujus sæculi Parisiensis , eum in puella se instituisse affirmat , obs. chir. 86. Ita & DIONIS in chirurg. sua pag. 182. scribit : *l' on taille toujours par le petit appareil ; mais aujour d' hui l' on se sert de l' une* & de



& peritis fuerit institutus : 3. quod , experientia teste , *sæpe adhuc feliciter , præsertim in pueris & juvenibus* , non solum a circumforaneis , verum etiam a me , a MARINO , expertissimo Chirurgo Italo , (a) aliisque adhuc hodie perficiatur ; neque 4. *in pueris & juvenibus annum decimum quartum* nondum egressis , itemque *in adultis & viris parvæ staturæ* , (b) ulla appareat gravis ratio , quam forte sola calculi aculeata superficies , ( quæ tamen in pueris rarissime occurrit ) quare prorsus contemni debeat , & 5. *paucissimis instrumentis , fereque solis manibus , si scalpellum excipias* , haud raro perfici queat , id quod alias apud prudentes Medicos multas curationes chirurgicas præ aliis abstrusioribus methodis ob gratam simplicitatem extollit ac commendat , testibus chirurgis præstantissimis , eam non prorsus rejiciendam , sed potius retinendam prudenterque & uberius excolendam esse , plaga præsertim eo loco eisque in partibus , ut in laterali operatione incisa , sicut ÆGINETA & ALBVCASIS docent , omnino statuo ac suadeo . In adultis quidem & præsertim iis , qui proceri sunt , varia incommoda ipsum premunt ; atque hinc factum esse existimo , quod CELSVS solum pueros & juvenes ad annum decimum quartum huic curationi idoneos judicaverit ; adultiores vero exclusit . Attamen & in his eum etiam succedere denuo , ut modo dixi , contendit MORANDVS in laudat. Memor. Ac. Reg. 1731. si modo res rite instituat .

XXV. GARENGEOTVS , qui in priori editione operationum suarum chirurgicarum nihil quidquam , *neque de alta operatione , neque de methodo laterali* , quasi nunquam de iis aliquid vel cogitatum vel scriptum fuisset , dixit ; jam in posteriori sive altera editione , postquam tot alii , ac præsertim Germani & Angli , cum de alta , tum de laterali operatione & prius scripserunt , atque etiam utramque cum successu perfecerunt , *operationem lateralem tandem quoque proponit* , attamen simul subito super omnes reliquas non solum extollit , licet eam nunquam in homine vivo ipse instituerit (c) ; verum etiam *omnem & inventionis & perfectionis gloriam solis Gallis vindicare* contendit . Miror vero quare , cum res gestæ fratris JACOBI Parisiis non fuerint incognitæ atque jamdudum indicatæ & a MERYO & a DIONYSIO in scriptis publicis emendationes Parisiis satis perspectæ essent , ipse non prius , quam Germani & nominatim ALBINVS (d) & ego (e) atque Angli , præsertim vero Jac. DOVGLASIVS & CHESELDENVVS (f) de his rebus scripserint , aliquid proposuerit & emendationes atque perfectiones , quas solum civibus suis adscribere vult , non citius indicaverit . Ut nunc taceam BVSSIERVM (g) , LISTERVM (h) , LAVNAYVM (i) , SAVIARDVM (K) , ERNDELIVM (i) atque FEHRIVM

*Garengeot  
Gallis perfectionem ad-  
scribit .*

qui

*de l'autre manière* : unde satis patet , eo tempore in Gallia parvum adhuc apparatus valde in usu fuisse . Imo & MORANDVS eum laudat atque se ipsum illum quoque perfecisse affirmat , in Memor. Ac. Reg. Paris. 1731.

- (a) Vid. ejus practica *delle principali & più difficili operazioni di chirurgia* .
- (b) Imo de adultis promiscue hoc asseverat MORANDVS in loco modo citato .
- (c) Id quod MORANDVS docet in Memor. Acad. Reg. 1731. ubi de laterali sectione disserit , licet Meryo exprobrat , quod ille eam non instituerit .
- (d) In libr. suppellect. anatom. sæpius citato .
- (e) In Germanica chirurgiæ meæ editione .
- (f) In libris sæpe laudatis , præsertim vero in DOVGLASIS Histor. lateralis operationis .
- (g) In Act. phil. anglic. An. 1699.
- (h) In itinere suo parisiensi , 1699. Londini edito .
- (i) Differt. sur les Maladies & sur les operations de la pierre a Paris 1701. 12.
- (K) In observat. suis chirurg. Paris 1702. edit. obs. 109.
- (l) In itinere suo Anglico & Batavo. Amstel. 1711. edit. ubi hic notare lubet , hunc ERNDELIVM , Saxonem , & postea regis Poloniæ archiatrum , meum commilitonem apud RVYSCHIVM & RAVIVM fuisse , sicut & mei mentionem facit in libri hujus pag. 146. verum nonnisi per quinque menses Amstelodami degit , cum ego per tot fere annos ibi vixerim .



(a), qui omnes jamdudum ante ipsius libri primam editionem de hac methodo scripserunt, ut propterea etiam jam merito aliquid de ea dicere potuisset, imo debuisset, si ipsi ea cognita fuisset. Spero tamen, si rem penitus perpendet, ipsum etiam aliquid honoris hoc in negotio & Germanis & Anglis relicturum esse, præsertim cum certissimum sit, quamvis etiam MERYVS emendationes methodi JACOBI indicaverit, & MARESCALLVS (si vera sunt, quæ ex LISTERO supra adduximus) eum primus imitatus fuerit, Gallos, & ipsos etiam hos duos coryphæos, hanc methodum mox rursus abdicasse, impugnasse, & tanquam inutilem & noxiam prorsus rejecisse (b), RAVIO eum honorem adscribendum esse, *quod hanc methodum, quam omnes Galli rejecerunt, atque in vivis tentare nequidem ausi sunt, in usum sive praxin deduxerit*, constanter, quamdiu vixit & valuit, retinuerit, uberius excoluerit ac perfecit, eoque ipso primum mihi (c), post vero DENYSIO Belgæ (d), ac tandem etiam laudatis Anglis occasionem, hunc e vesica calculum excidendi modum & in mortuis & in vivis experiendi imitandique dederit, sine quo forte in æternis apud Gallos & GARENGEOTVM mansisse tenebris, atque oblivioni fuisset traditus sempiternæ. (e) His vero eorumque faustis promissimisque curationibus *post triginta fere demum annos excitati tandem Galli*, eam, quam antea, licet jam scriptis publicis emendatam, unanimi consensu rejecerant, & ex Gallia exterminaverant, calculi secandi rationem in lucem rursus protrahere experiri denuo statuerunt, atque inter hos potissimum Clar. MORANDVS, qui hanc ob causam non culpando, sed potius laudando instituto An. 1729. dum multi alii Galli, & inter hos præcipue GARENGEOTVS hoc vituperat, & in chirurgia nihil extra Galliam disci posse, sibi aliisque persuadere volunt (f), iter Londinum fecit (g), ut eam a dexterrimo CHESELDENO rite videret atque disceret, qui deinde Parisios reversus hanc ipsam etiam in agris variis, sicut infra uberius exponemus, cum successu tentavit.

In-

(a) In dissert. de calculo Basileæ 1716. evulgata.

(b) Prolixius & eleganter de hac inventionis gloria agit ALBINVS, pater, præceptor quondam meus venerandus, in oratione funebri, in obitum RAVII Lugduni Batavorum 1710. dicta, ubi inprimis, pag. 30. & seq. ait: *Jam videtis cur lithotomiæ progressus tam prolixè enarraverim, ut appareat tot sæculorum opus a nostro RAVIO demum perfectum esse. — Si unquam sectionibus occasio data, id Lutetiæ Parisiorum factum est. — Sed tantum abest ut hanc methodum invenerint, ut ne jam quidem (nimirum a. 1719. cum hæc oratio dicta sit) postquam rei tam insolentis fama ad illos pervenit, ejus periculum facere audeant. Imo pergit postea p. 32. & 33. cum Galli viderint monachum illum experimenta non nisi per mortes agere, neminem, qui illum imitetur, repertum esse, atque ipsum MERIVM, postquam e sexaginta ab illo sectis tantum tredecim rite curatos videret, ipsius methodum, quæ principio ipsi placuerat, prorsus deinde damnas ac ut summe noxiam proclamasse ac rejecisse. Talem vero qui aliquam rem contemnit; damnat, rejicit, aliamque præfert, pro verò auctore aut inventore haberi minime posse. Conf. cumprimis cap. XIV. ex observat. MERY de methodo JACOBI, ex quo hæc res satis erit manifesta.*

(c) Jam an. 1728. in dissert. mea de alto apparatu pag. 11. monui, RAVIVM binas lithotomiæ methodos, JACOBI scilicet & magnum apparatus prudenti consilio conjunxisse, ita, ut eodem quidem, quo JACOBVS loco, incisionem, sed instrumentis magni apparatus, quemadmodum jam in prima chirurgiæ meæ editione a. 1718. cap. de methodo fratris Jacobi, docui, perfecit. Atque ob easdem etiam rationes methodum CELSI, aliorumque veterum, qui eodem, quo Jacobus, loco incisionem faciendam docuerunt, cum Mariano sive magno apparatu combinavit.

(d) Vid. observ. ejus de calculo.

(e) Auctor præfationis libelli de lithotomia COLOTI pag. 71. idem affirmat; verum jam antea pag. 58. sapienter dixit: *Le frere Jaques a prevenu M. RAV; mais il n'ote rien à la gloire de ce sçavant Medicin: son genie, ses lumieres, son industrie ont rectifié une methode incertaine, pleine de dangers, & presque toujours funeste; ses soins lui ont donc plus de sureté, & lui mériteront peut-être la preference &c.* Uberius de RAVII meritis ejusque methodi præstantia conferri meretur, quod idem auctor pag. 71. & proxime sequentibus hac de re docte atque eleganter disserit.

(f) Eandem superbiam atque opinionem graviter redarguit Auctor præfationis modo laudatæ in lib. COLOTI de lithotomia pag. 80. & seq.

(g) Vid. Memor. Acad. Reg. Paris. 1731. & GARENGEOT in oper. chir. cap. de sect. laterali.



Interea dum hoc in itinere erat, varii Galli & inter hos etiam GARENGEOTVS & PERCHETVS Nosocomii caritatis chirurgus hac de re incitati adductum ALBINI & CHESELDENI in cadaveribus experimenta instituerunt, & postquam ex his se satis ad hanc operationem perficiendam idoneos crediderunt, PERCHETVS, ut GARENGEOTVS refert (a) eam Parisiis primus post JACOBVM feliciterque sequenti ratione in puero perfecit.

XXVI. Præparatione scilicet ægri præmissa, die operationi destinato, bihorio vel trihorio ante operationem, clysterem, ut alias fieri solet, ei injiciendum curant; postea ipsum tabulæ firmæ ad lucem claram rite dispositæ, quæ duorum circiter & dimidii pedum altitudinem habeat, imponunt, postquam eam prius tegumentis & duobus pulvinaribus, (quorum alterum, extremo cui nates incumbere; alterum ubi caput quiescere debet, subjiciendum) contexerant, hisque rursus linteum magnum, aliquoties duplicatum, superimposuerant, quem deinde, ut in magno apparatu ligant. Ægro ligato, ipse ita, ut nates extremo tabulæ luci adversæ insistant, collocatur, pedesque, ut alias, a duobus ministris continentur; tertius vero, vel in robustis ægris etiam quartus, humeros ægri firmant, ut nulla ratione se movere, multo minus recedere possit: quia firmissimus decubitus hic summe esset necessarius (b). Tandem ministrorum seu adjuvantium dextrimus post eum, qui sinistram pedem sustinet, collocandus, ubi ex horum sententia commodissime, contra quam vulgari methodo fieri solet, & scrotum & potissimum catheterem fulcatum, (quem RAVIVS ipse sustinebat) continere potest, qua in re CHESELDENVVM imitantur, ut sic chirurgus ambabus manibus commodius in ipsa operatione uti queat. Post hæc hic catheterem ferreum, profunde sulcatum, & valde incurvatum, cujus rostrum longum sit, & manubrium amplissimum, ut firmitus comprehendi queat, oleo prius tinctum, in vesicam demittit, (de amplitudine vero ejus nihil dicit GARENGEOTVS). Quem ubi intrasse percipit, manubrium manu sinistra ad inguen ægri dextrum blande inclinat, & rostrum indice dextræ inter futuram perinæi & tuber ischii investigat, observando, ne hoc rostrum varias ob rationes ipsum ischium attingat. Deinde ansam catheteris in hoc situ ministro huic usui destinato dextra tenendum tradit, sic ut pollice anteriorem, digitis posteriorem laminæ partem comprehendat; cavendo ne ulla ratione vacillet, aut eum commoveat, aut a loco aberret; læva vero scrotum elevet & ad latus dextrum paululum reclinet, quo ipso cutem etiam perinæi aliquo modo tendit. Chirurgus postea sinistra cutem perinæi indice futuræ imposito oblique ad dextrum femur trahit, manu vero dextra scalpello primam incisionem, eamque obliquam, per cutem & pinguedinem facit, incipiendo ad digiti distantiam a perinæi futura & lineæ latitudine supra locum maxime eminentem curvaturæ catheteris, eamque usque ad tuber ischii oblique extendendo: adeoque, sicubi RAVIVS a parte superiori ad inferiorem descendendo. Nam JACOBVS a parte inferiori ad superiorem ascendere solebat. (c) *Ratione profunditatis* hujus primæ incisionis obser-

*Ejus & Percheti modus.*

van-

(a) Chirurg. cap. de laterali sectione Tom. II. pag. 186. & 197.

(b) L. c. pag. 210. & seq.

(c) Quia nonnulli asseverant RAVIVM rectam fecisse incisionem externam, hinc quidam (ut GARENGEOT. p. 198. T. II.) hoc redarguunt & inferunt, ergo cum non obliquam fecisse, atque varias noxas inde deducere conantur. Verum ego semper vidi, ipsum talem obliquam sectionem instituisse, qualis dudum ab ÆGINETA Lib. VI. cap. 60. & hic modo descripta est, & quia ejusmodi obliqua linea quoque recta est, dum revera neque curva neque lunata est, qualem CELSVS fieri jussit, illi mihi non errasse videntur, qui ipsam incisionem rectam fecisse scribunt. Attamen ejus recta erat semper simul paululum obliqua, & ut ALBINVS filius recte ac perspicue scripsit, a superioribus ad inferiora & exteriora, idest, versus ossis ischii tuber nonnihil ducta, ut nempe a recto intestino recederet. Sed quid hoc aliter est, quam linea obliqua? Sciendum enim est, lineam rectam posse esse vel directam, vel transversam, vel obliquam.



vandum, quod ea in macilentis una sectione vel actu fieri queat, in obesioribus & robustioribus vero duabus vel tribus; id quod tamen a prudentia atque dexteritate chirurgi dependet. Hoc facto indicem manus sinistrae in medium & fundum vulneris immittit, non ut intestinum restum, ne laedatur repellat, sicut **CHESELDENV**S vult; verum ut sulcum catheteris tam profunde, quam fieri potest, quærat; imo & hunc si forte loco cesserit, rite rursus disponat. Nam rectum lædi non posse, si modo incisio, ut dictum est, decenter fiat & catheterem facile quoque sic inveniri asseverat. *Tum, quia primaria sectio nunc fieri debet*, ministri omnes suum ut rite faciant officium & ne æger sese moveat, curare, ut **RAVIVS** eo momento facere solebat, imperat, atque ope scalpelli sui primo incidit urethram, dirigendo scalpellum in sulcum ope unguis indicis sinistrae, mox collum vesicæ in latere, ac denique elevando manum sic, ut dorsum cuspidis scalpelli sulco catheteris innitatur, acies vero ad vesicam respiciat, ipsum corpus ejus ad digiti transversii circiter latitudinem & ultra, si fieri potest, aperit; *nam in hoc omne commodum & præstantiam hujus methodi consistere recte monet*: ubi vero indice sulcum nudum & simul scalpellum, ne forte a sulco aberraret, semper sequi debet. Incisione sufficienti facta, quando nimirum sulcum ad duorum circiter digitorum transversorum latitudinem nudum sive detectum sentit, scalpellum retrahit, relicto indice in sulco, dextra ductorem canaliculatum prehendit, ejusque rostrum, duce ungue indicis, sulco catheteris immittit. Postea digitum retrahit, atque hac manu ansam catheteris, quam huc usque minister sustinuit, amplectitur, eaque paululum ad se inclinata, eodem tempore conductorem in sulco catheteris ad vesicam demittit, id quod rite factum esse ex urinæ effluxu e vulnere manifestum est, quam mox profluere viderunt. Hoc facto, catheterem hinc inde leniter vacillando extrahit, ductoris vero ansam manu sinistra arripit, atque indicem dextræ primo in canale ductoris blande in vesicam intrudit: id quod lenissime vulnus diducit, viamque facilem forcipi præparat. Itaque mox postea manu dextra forcipem per canalem ductoris in vesicam blande impellit, id quod tunc ut plurimum satis facile fieri potest. Læva post hæc ductorem educit, forcipemque valde, ad vulnus uberius sensim dilatandum, aperit, ac deinde clausa rursus forcipe calculum quærit, prehendit atque, ut alias dictum est, protrahit. Calculo extracto, index denuo in vesicam immittitur, ut exploretur, an alii forte adhuc calculi supersint: quod si sit, forceps super hoc digito, vel super ductore globoso, (*Bouton*) denuo impellitur & calculi reliqui eadem ratione extrahuntur. Præcipua quidem momenta hujus actus **GARENGEOT** figuris aliquot illustrare satagit; quæ vero tam male exaratae sunt, ut id, quod indicare conatur, ego cum multis aliis inde cognoscere non possim. Denique nec hoc est prætermittendum quod cum **DOUGLASIO** contra **ALBINVM** filium, moneat, (*a*) *solam vesicam hac methodo incidi non posse: verum semper simul cervicem vesicæ & prostatam a latere, atque non nisi exiguam vesicæ partem*, sicut etiam **MORANDVS** notavit: ubi quoque peculiare parvum scalpellum delineatur (*b*) quod Tab. XXX. fig. 18. a **CHESELDENI** fig. 8. non multum abluens, repræsentari quoque curavi.

*Sensui methodus lateralis.*

XXVII. Tandem ab instituto nostro haud alienum erit, si quid alii adhuc Germani, præter **RAVIVM**, **ERNDELIVM**, **FEHRIVM**, **ALBINVM**, me, aliosque in hac laterali methodo excolenda atque perficienda præstiterint, quantum ad meam notitiam pervenit, hic utilitatis publicæ causa cum lectoribus

(a) Ibidem pag. 204. 205.

(b) Parvum ejusmodi scalpellum pro hac curatione primus commendavit & delineavit **ALBV-CASIS** L. II. cap. 61.



ribus communicavero . Speciatim vero hic adhuc proponam & describam , quid SENFFIVS , chirurgus regius Berolinensis , ibidemque chirurgiæ publicus nuper in splendido nosocomio regio charitatis Professor atque operationum chirurgicarum demonstrator dexterrimus , sed pro dolor ! haud pridem in magnum chirurgiæ detrimentum defunctus , hac in re fecerit , & *quomodo ille lateralem sectionem feliciter quoque sæpius instituerit* . Hæc vero ex relatione filii mei hic addo , utpote qui per magnam partem anni 1735. & 1736. Berolini degit , atque in arte chirurgica ejus quoque informatione ac manuductione usus est , hancque operationem aliquoties ab ipso , tam in cadaveribus , quam in vivis , magna cum dexteritate perfici vidit , quæ ita se habet . Clariss. SENFFIVS , cum in aliis actionibus chirurgicis administrandis , tum in extrahendo e vesica calculo exercitatissimus , *omnibus hætenus notis methodis lateralem sectionem anteferendam putavit* , eandemque sequentem in modum instituit . Ager collocabatur in tabula hujus altitudinis , ut chirurgi in genua prostrati regionem umbilicalem ( ita enim ipse hanc altitudinem describebat ) attingeret . Tabula antea tegebatur duobus pulvinaribus ; altero , natibus , altero , capiti subjectis . Nates ægri versus extimam tabulæ oram , luci oppositam , protrahebantur ; duo ministri utrumque pedem , ad nates reflexum , & cum manu ope laquei junctum , firmiter detinebant ; ( quos vero in pueris non ligabat ) tertius a tergo humeros firmabat , quartus tabulam ascendere jussus in genua super decumbentem , ita se projiciebat , sicut ALGHISIVS delineat , ( & ego ex illo Tab. XXIX. fig. 9. D ) ut dextra manu genitalia reclinaret utriusque vero manus digitum indicem sic perinæo applicare , ut locus sectionis medium illorum occuparet & cutis ibidem quodammodo tenderetur , quo sectio tanto accuratius fieri & catheter in perinæo rectius sentiri posset . Quintus minister ad instrumenta & continenda & porrigenda paratus erat . Omnibus ita præparatis , chirurgus noster *catheterem sulcatum , ex argento confectum* , tenuem admodum , (a) comparatione cum vulgaribus & RAVIANO instituta , magis etiam vulgari & Raviano incurvatum ( ita nimirum ut in Tab. XXVIII. fig. 15. litt. aaa indicavi ) oleoque illitum , vesicæ immittebat & denuo de præsentia calculi se & adstantes certiores reddebat . Hoc facto in genu dextrum , ut RAVIVS , se prosternebat & manu sinistra habenam catheteris versus inguen dextrum , sed rostrum ejus versus tuberculum ischii flectebat , catheteremque ipse , sicut RAVIVS solebat , in operatione sustinebat , atque inter anum & tuberculum hoc cutem primo ac pinguedinem scalpello dissecabat lithotomo lato , vulgaribus vix dissimili , linteoque eadem ratione ad dimidium usque involuto . Postea scalpellum suum lithotomum ore aliquantisper prehendebat & dextro indice catheterem in vulnere inquirebat , hocque invento scalpello ex ore retracto , in ejus sulco , ut RAVIVS , incisionem faciebat . Deinde scalpello in sulco firmiter detento , sinistra manu catheteris manubrium ad se paululum flectebat , dextra vero , scalpellum tenente , rostrum catheteris introrsum cedens prosequabatur atque sic vesicam uberius incidebat . Hoc facto , catheterem quarto ministro in hoc situ adhuc tenendum tradebat , ipse vero sinistra manu juxta scalpellum in vesicam conductorem marem demittebat , postea scalpellum ex vulnere & sulco catheteris extrahebat atque conductorem feminam ( ex argento , uti mas , confectum ) quoque super hoc , ut alias moris est , immittebat . Exempto deinceps etiam cathetere inter conductores hos , ut RAVIVS faciebat , forcipem immittebat & eadem conductoribus prius extractis , calculum indagabat atque tanta dexteritate & promptitudine protrahebat , ut vix duo vel tria

*Heisteri Chirurgiæ Tom. III.*

Hh

mi-

(a) Vix dimidiam partem amplitudinis quam Ravianus , habet , atque hic solus inter omnes hic *cathetere argenteo* usus est ; unde patet & argenteis catheteribus rem hanc optime succedere .



minuta in hac operatione perficienda consumeret. Quas partes intus inciderit, asseverare certus haud possum: quia occasio mihi non fuit ejusmodi cadaver aperiendi atque partes dissectas peruestigandi. Quos autem vivos secuerat ægros, omnes, quos ego vidi, evaserunt: adeoque nec in his examinari res potuit. Ejus mens, ut ipse dixerat, fuit, solam incidere vesicam, atque in hoc methodum Ravianam sive lateralem consistere & existimavit & publice docuit, quemadmodum etiam tu & ALBINVS, filius, RAVIVM fecisse scripsistis: nam ex his scriptis ipsum hanc methodum potissimum didicisse videtur, eamque etiam imitari & sequi voluit, nisi quod cathetere magis incurvato ac tenuiori eoque argenteo, ut jam dixi, usus sit. *Tenuiorem vero catheterem* propterea sibi fabricari curavit, quia facilius eum ad vesicam demitti posse existimavit, (a) sed *argenteum*, ob nitorem. Quoniam vero longe magis, vulgari- bus & Raviano, incurvatus fuit, hoc ipso autem urethra ac vesicæ cervix magis ad perinæum compelluntur, verisimile mihi est, ipsum non solum ve- sicam, verum etiam cervicem incidisse.

Quid Mo-  
randus præ-  
stiteris.

XXVIII. Postremo MORANDVS, unus ex primariis nunc chirurgis Pari- sinis & societatis Regiæ collega, prudentissime quoque ratiocinatur de diversis lithotomiæ methodis, *easque omnes*, si a prudentibus ac peritis juxta optimas emendationes perficiantur, *utiles esse* statuit, *ut multiplicationem ipsarum non no- xiam, sed potius emendationem quandam atque pro varietate calculorum ac vesica- rum ægrorum* (imo & ipsorum ægrorum) *certis in casibus utilissimam esse*; (b) nullamque promiscue contemnendam aut rejiciendam, quia & ratione & expe- rientia nituntur, sustinet: seque omnes probe & peruestigasse & perfecisse. Postquam vero de *alta operatione libellum* a. 1728. scripserat, se quoque *latera- lem describere voluisse* affirmat. Sed cum de insigni ac prospero successu, quo Cel. CHESELDENVVS Londini recentissime hanc operationem perficeret, inau- diret, desiderium ipsum cepit, CHESELDENI prius modum & artificia qui- bus in ea uteretur, suismet ipsis videndi oculis, atque hanc ob causam ve- re An. 1729. inter Londinum fecit, & non solum methodum, qua ægros calculo laborantes curret, diligenter aspexit, verum etiam de eo frequentes ser- mones, qui negotium hoc illustrare possint, cum ipso miscuit; imo reversus Parisios idem commercium adhuc per litteras cum ipso continuavit, atque in cadaveribus quamplurima prius experimenta instituit, sic ut totam tandem hanc rem se satis perspexisse & quasi exhaustisse crediderit. Certiores etiam nos fa- cit, CHESELDENVM *altam operationem*, qua antea felicissime usus erat, ob aliam causam *non intermisisse aut reliquisse*, quam ea solum inten- tione ut experiretur, an non in adeo ipsi prædicata Raviana secandi ratione adhuc meliorem, quam alta esset, deprehendere queat methodum. Ubi postea refert, quomodo CHESELDENVVS experimenta, partim imitando & sequen- do ALBINI descriptionem methodi Ravianæ, partim vesicam prius aqua im- plendo, fecerit; (c) verum utraque hac ratione urinam post operationem in adiposa sive cellulari substantia, quæ intestinum rectum ambit, sæpius hæsisse, atque *ulcera putrida & sordida* inde ibi concitata esse, unde varii mortui ef- sent, CHESELDENVVS contendit. (d) Præterea ex sententia CHESELDENI mo-

(a) Licet HILDANVS, JACOBVS, & RAVIVS, ut supra dictum est, contrarium senserint.

(b) In Memor. Acad. Reg. Paris. 1731.

(c) Descripsi has jam methodos prolixius §. XVII. XVIII. & XIX.

(d) Sed ut verum fatear, post RAVII operationes hoc nunquam accidisse vidi, neque mihi in hac methodo hoc nunquam contigit. Neque etiam ratio adducitur, quare hoc factum sit, & quo- modo hoc CHESELDENVVS sua secandi ratione impediat: dum in externa incidendi ratione item- que in loco, quem RAVIVS incidere solitus est, nullam perspicio alicujus momenti mutationem, quæ hoc impedire valeat.



monet, ne ille, qui catheterem sustinet, ulla ratione ipsum antrosum premat: quia alias totus sphincter facile discinderetur. Deinde ne vulnus in membrana adiposa juxta rectum nimis profundum fiat (forte ne urina facile ibi hæreat & putrescat.) Porro ulceratam vesicam hac methodo melius, quam ulla alia mundari posse; & denique, quod maxime hunc modum commendat, esse, quod calculus magnus, quem alius chirurgus Mariana methodo educere non potuerit, CHESELDENVS præsens, ampliato sua methodo vulnere, promptissime eduxerit. Tandem post multa experimenta præsentente MARESCHALLO, chirurgo nuper Regis primario, atque in hac re expertissimo multisque aliis Medicis & chirurgis; (a) An. 1730. hanc operationem prospero cum successu factam esse Parisiis MORANDVS narrat, & ex sexdecim ægris, quorum octo PERCHETTUS & octo ipse, MORANDVS scilicet, secuit, quemlibet non nisi unicum desiderasse; cum contra ex duodecim, qui magno apparatu tunc temporis in nosocomio ibidem secti fuerint, quinque obierint. Inter commoda hujus methodi, præter ea, quæ jam supra indicavimus, MORANDVS adhuc refert, quod facilius & certior sit Mariana: quia indice duce omnia certius perficerentur, ne damnum facile concitari ægro queat. Deinde operationem breviorē & minus dolorificam esse Mariana, magnosque calculos facilius ipsa educi posse &c. Posthæc methodum RAVII, prout ALBINVS eam descripsit, nimis intricatam & difficilem pronunciat, dubitatque cum DOUGLASIO, GARENGETTO & FALCONETO an RAVIVS revera ita secuerit (b) & denique perfectiorem de laterali operatione tractatum quam nunc habemus, promittit.

XXIX. Posthæc varia MORANDVS profert, quæ ad historiam hujus methodi illustrandam facere posse existimat. Quia vero jam dudum verum ejusmodi historiam & cumprimis etiam fratris JACOBI, tanquam primi ejus cogniti auctoris, exoptavi, (c) atque varia jam ipse de hac re collegi, pace Cl. MORANDI nonnulla, quæ mihi in ejus recensione dubia videntur, aut ego revera aliter se habere certus cognovi, monebo, ut verum adhuc in posterum. rectius indagari & perfectior hujus methodi historia conscribi queat. Nimirum MORANDVS contra sententiam vulgarem & ibique receptam evincere conatur, JACOBVM mox post indicatas emendationes a MERYO (§. 12.) aliisque factas, (inter quos etiam FAGONIVM, Regis Medicum tunc primarium ac celeberrimum, nempe FELICEM Regis chirurgum præcipuum, nominat) bene & feliciter, eadem prorsus ratione, ut CHESELDENVS, (§. 19.) constanter fecasse, id quod ex simplici relatione operationum, post censuram MERYI factorum, ut ait, satis cognosci posset. Ad quod vero probandum asseverat, JACOBVM An. 1699. Aquisgrani sexaginta circiter a calculo secuisse, & maximam eorum partem sanatam fuisse. Deinde vere An. 1701. Versaliis iterum triginta octo, qui omnes sanati fuerint, aliosque eodem adhuc anno eadem felicitate in Picardia. Anno autem 1703. Parisiis rursus viginti tres, qui omnes, solo MARESCHALLO de LORGE excepto, feliciter evaserint. Sed dubia, mihi circa hanc relationem orta, sunt varia eaque haud levia: & primo quidem, quod historiæ hæ & præsertim Aquisgranensis, quæ omnem apud me fidem superat, nullo testimonio certo aut fide digno munitæ sint: nam in MERYI observ. pag. Hh 2 89.

(a) MARESCHALLI hic rursus fit mentio, sed an ipse olim hanc operationem jam A. 1698 instituerit, ut supra ex LISTERO indicavimus, neque affirmatur, neque negatur: adeoque mihi dubium est, an revera eam exercuit, velimque ut a Gallis verum hic demonstretur.

(b) RAVIVS revera ita secuti, quantum visu cognosci aut perfici poterat. An vero solam vesicam, ut olim etiam putavi, inciderit, nunc quoque dubito, ob rationes supra prolatas.

(c) Ex cerebro JACOBI ipsam graves ob rationes haud natam esse credo; sed, ut supra jam dixi, ipsum eam ab alio prudentiori, quisquis ille fuerit, vidisse ac didicisse existimo. Interea tamen vera ejus historia scitu erit admodum grata.



89. edit. Paris. refertur, ipsum illuc, scilicet Aquisgranum, pro viro quodam secundo vocatum esse; hoc est, pro unico. Deinde illi, quibus Germania nota est, sciunt, calculum vesicæ in ea rarum esse morbum, & in multis magnis, atque adhuc majoribus, quam Aquisgranum est, urbibus, & magnis simul populosisque his adjacentibus regionibus, imo spatio decem & plurium milliarium germanicorum sæpe vix unicum hoc morbo afflictum, multo minus sexaginta simul in una urbe deprehendi; adeoque ob rationem horum ægrorum in Germania, ii, qui nihil aliud sciunt, quam calculi sectionem, misere vivere coguntur. Ex mea patria, Francofurto scilicet ad Mœnum, certa fide cognovi JACOBVM a 1713. per sex menses ibi commoratum esse, & tamen non nisi duos in tota urbe & ampla vicinia repertos fuisse, qui curationem hanc subierint, ut ex infra dicendis uberius patebit. Quare vix credendum, hanc relationem, undecunque etiam MORANDVS eam acceperit, genuinam aut veram esse; sed fortiori probatione indigere. Quod Versaliis & Parisiis An. 1701. & 1703. tam multos adeo feliciter a calculo curaverit, dubitare me faciunt, (præter ea, quæ mox infra adhuc proponam) quod neque SAVIARDVS, cujus observationes de hac re An. 1702. prodierunt, (a) & qui nosocomii Dei (l'Hotel Dieu) chirurgus juratus erat, atque priores illas curationes scire potuisset, neque DIONYSIVS, chirurgus Regius, ejus chirurgia An. 1707. Parisiis demum prodiit, quique Parisiis habitavit, operationes etiam JACOBI sæpius aspexit, nihil quicquam de tam felicibus ab ipso peractis curationibus referant; sed potius, & quidem speciatim hic ultimus, longe adhuc vehementius, quam præcedentes, in ipsum, & ejus ineptam, temerariam ac crudelem secandi rationem invehitur, eumque sicut SAVIARDVS, pro temerario & imprudenti chirurgo, qui experimenta per mortem fecerit, aperte declarat ac proclamat, & quod ex primis ab ipso sectis longe plures adhuc, quam MERYVS indicavit, postea vel mortui adhuc sint, vel miserrimam saltem vitam traxerint. (b) Id quod sane, ut ego saltem opinor, DIONYSIVS non scripsisset aut scribere ausus non fuisset, si tam feliciter brevi antea tam multos Parisiis & in vicinia curasset, aut saltem sine contradictione hoc non scripsisset; cum liber ejus eo tempore & quidem cum censura & approbatione censorum prodierit, Regique ipsi dedicatus fuerit, ubi JACOBI res gestæ in recenti omnium adhuc memoria erant, atque tam imprudenter publicis Regique dicatis in scriptis mentiri sine crimine sane haud licuisset, præsertim cum laudatus FAGONIVS, Medicus Regius, ad quem MORANDVS provocat, & forte etiam FELIX alique oculati testes quamplurimi adhuc quales SAVIARDVS & DIONYSIVS mihi fuisse videntur, haud suspicandum, ea ab alio bono verique amante viro repressa & refutata mox fuissent: nisi quis forte statuere voluisset, tales tunc temporis Parisiis non fuisse. Id quod vero omnibus, qui tunc vixerant, ignominiosum esset, & a me credi nondum potest, præsertim cum nullus hunc DIONYSIVS, qui ad probitatem & bonam suam fidem provocat, hucusque hanc ob causam refutaverit, aut mendaciorum eum convicerit; imo & ipse MORANDVS in tota hac dissertatione, quantum memini, ipsum nequidem nominaverit. Provocat equidem MORANDVS ad libellum quemdam HVNOLDI Medici Andegavensis, nunquam typis expressum, sed manu tantum adhuc exaratum, atque, ut ait, elegantibus iconibus exornatum, quem hic FAGONIO, archiatro, dedicaverit, in quo au-

ctor

(a) Vid. ejus observ. 109. p. 454.

(b) In præfatione sua ait: Les portraits que je fais de plusieurs gens, qui ont monté sur la scène pour jouer des rôles dans la Médecine & dans la chirurgie, sont tirés au naturel, l'on peut y ajouter la foi possible, puisque j'en ai connu les originaux, & que dans les histoires que j'en fais, je parle avec ma sincérité ordinaire. In ipsa vero historia JACOBI quam fidelissime relatam esse spondet, ita ut verum inde cognosci queat.



Ator JACOBVM contra MERYVM defenderit, atque ejus modum emendatum descripserit. (a) Verum quia FAGONIVS ad incrementum omnium Medicinæ partium evehendum, sicut multi Galli testantur, semper pronus erat, atque verum, & cum primis nova atque utilia inventa, quale revera hoc fuit, boni publici causa amavit, ipseque (quod adhuc magis) eo tempore a calculo per MARESCHALLVM sectus ac liberatus fuerat, qui tamen magno apparatu usus est, se vero JACOBO committere noluerat, (b) dubito primo cur JACOBI curationi, si ejus modum præstare credidisset, se non submiserit, & deinde cur tam utile scriptum suppresserit, atque typis excudendum non curaverit; cum illud non solum verum docuisset & probasset, sed etiam ingentem ægris & chirurgis utilitatem afferre potuisset. E contrario ex LAVNÆI libello, quem a nullo recentiorum citatum inveni, (c) & quidem primo ex dedicatione, quæ FAGONIO archiatro consecrata est, ac deinde ex ipso libro, pag. 252. & aliis cognovi, auctorem non solum JACOBVM pro inepto & temerario chirurgo proclamare; verum etiam FAGONIVM propterea vehementer laudare, quod ob pravos eventus & tristissimos curationum illius successus *primus fuerit, qui JACOBO se opposuerit*, ejusque operationibus, tanquam rebus summe noxiis, finem imposuerit: quæ sane cum MERYO, SAVIARDO, DIONYSIO & communi fama optime conveniunt, idque etiam auctor præfationis in COLOTTI lib. de Lithotom. pag. 47. confirmat ubi ait: *M. FAGON ne fut pas seduit par le bruit, que faisoit ce Moine; il se mit entre les mains de M. Marechal pour se faire tailler.* Præterea MORANDVS ait, *dolendum esse, quod de Fratre JACOBO huc usque non nisi secundum relationem MERY judicatum fuerit.* Sed regerere mihi, solo veri amore, liceat, hoc minime secundum hunc solum factum esse; verum etiam secundum BVSSIERIVM, LISDERVM, SAVIARDVM, LAVMÆVM (d) & modo laudatum DIONYSIVM, qui omnes tunc temporis Parisiis fuerunt, & res ejus gestas suis oculis inspexerunt. Constatque ex his unanimi consensu & uno quasi ore, omnes, qui circa illud tempus publico in scripto aliquid de JACOBO retulerunt, male, nullum autem bene, quantum scio, (saltem in publico scripto) de ipso ejusque methodo scripsisse. Conf. quoque ea, quæ ex SALTZMANNI litteris supra §. X. jam retuli: ubi JACOBVS a. 1712. ipse confessus est, *se male hætenus curationes suas instituisse & nonnisi a brevi tempore recte eas perficere.*

XXX. Porro de rebus a JACOBO in Hollandia præstitis multa eaque etiam magna prædicat MORANDVS & cum primis, quod Amstelodami A. 1703. tam feliciter, tantoque cum applausu calculi sectionem perfecit, ut Magistratus Amstelodamensis eum numismate aureo, cum inscriptione, PRO SERVATIS CIVIBVS, remuneraverit, isque etiam aliquoties ibidem æri incisus fuerit. Ego, qui jam tempore verno A. 1706. ut supra jam dixi, Amstelodamum veni atque per aliquot annos ibi commoratus, imo & cum præstantissimis tunc Medicis ac chirurgis hujus urbis diligenter versatus sum, in univ-  
sum nihil boni de JACOBO ejusque operationibus, neque etiam de illo numismate aliquid audivi. Hinc velim, ut indicasset MORANDVS, unde hæc acceperit. E contrario ex oratione funebri, quam ALBINVS pater, in obitum RAVII Lugduni Batavorum dixit, supra jam laudata, itemque ex vita RAVII, quam ALBINVS filius descripsit, manifeste patet, JACOBVM æque  
male

(a) *Titulo: Histoire du procédé de Frere Jacques, par Mr. Hunauld &c. M. S.*

(b) Teste DIONYSIO in Histor. Fratris JACOBI pag. m. 210.

(c) *Inscriptio libri est: Dissertation physique & pratique sur les Maladies & sur les opérations de le pierre, a Paris 1701.*

(d) Qui affirmat, se libellum suum eum in finem conscripsisse & edidisse, ut *peffimam JACOBI methodum manifestaret*, quo cavere ab ipso discamus.



male ibidem operationem suam perfecisse, ac A. 1698. Parisiis & Aurelii, eodemque prorsus errores, quos & MERYVS & DIONYSIVS & NOELIVS (a) & LAVNÆVS, (b) & alii indicant, quoque hic commisisse. Nam si tam feliciter & sine erroribus gravibus secuisset, quomodo & quam ob rem RAVIVS in ipsum tam acriter, ut ALBINI referunt, invehi potuisset? ob graves enim errores, quos commisit & quos ex incisis cadaveribus a JACOBO sectis, aut mere interfectis, invenit vel detexit RAVIVS, tam acerbe eum reprehendebat ejusque tandem famam superabat. Imo celeberrimum Medicum Batavum, qui eo tempore in Hollandia jam vixit, & adhuc nunc vivit, veri causa nuperrime adhuc rogavi, ut quo tempore hic JACOBVS in Hollandia fuerit, & quid præterea de rebus ejus gestis sciret, candide mihi præscriberet; ille mense Decembri anni 1737. respondit: "*Jacobus Beaulieu Amstelodami fuit, artemque suam exercuit anno sæculi elapsi 1699. & quidem successu, ut ubique, primo laudato, mox infausto. Donatus tamen ibi a Magistratibus urbanis instrumento ad artem pertinente aureo, cum inscriptione OB CIVES SERVATOS: (c) Venit inde Leydam & hospitio exceptus a Carolo Drelincurtio, juniore; exercuit artem & ibidem, a multis primo elatus ad sidera, paulo post culpatus ab omnibus, audacis & temerariæ crudelitatis damnatus. Ravivus eo tempore evulgabat diaria successuum in iis, quos Gallus secuerat, & in iis, quos ipse tunc tractavit: re collata, occidit, loca reliquit Jacobus frater; & inclavit ad supremum, quo mortem obiit, in diem semper fortunatior RAVIVS.*" Interea tamen quia vulgus Batavum JACOBO, partim ob sacerdotalem sive ecclesiasticam ejus vestem ac habitum, partim quia gratis ægros secabat, quod RAVIVS aliique non faciebant, & quia primas suas operationes quam promptissime perficiebat, valde adhærebat, quasi persona sancta & a Deo missa esset, & deinde forte etiam ob tumultus, ad quos Amstelodami plebs valde proclivis est, evitandos, Magistratus quam prudentissime RAVII impetum reprimere studuit; imo etiam aureo quodam munusculo JACOBVM exhilaravit.

*Adriani Verdunii relatio de Jacobo.*

XXXI. Ut vero historia JACOBI, & præsertim res ejus in Hollandia gestæ, adhuc clariori luce irradiantur, addam hic in compendio, quæ *Adrianus VERDVNIUS*, unus nunc inter seniores ac primarios Amstelodamensium chirurgos, filius *Petri Adriani VERDVNII*, qui novam illam tibie amputandi rationem, de qua supra egimus p.76.T.II. invenit, vel saltem emendavit ac bene descripsit, mecum prolixius epistola quadam benevole, Decembre quoque mense, anni 1737. cum reliqua hujus capitis jam absolveram, communicavit, quique quamplurima de eo optime scire potuit; dum non solum Amstelodami, verum etiam aliis Hollandiæ in urbibus constanter ipsum comitatus est, & sæpius forte, quam ullus alius; ipsius curandi rationes aspexit. Ille itaque sic refert: *Jacobus de Beaulieu vilibus parentibus natus erat & nunquam chirurgiam didicerat, sed servus (ut ego supra §. IX. suspicatus sum) apud circumforaneum quemdam lithotomum & celotomum fuit, quem diu & potissimum etiam in castris secutus est: ubi JACOBVS (ut ipse VERDVNIO narraverat) post prælium quoddam in cadaveribus experimenta instituit: ut in vivis deinde rem melius exequi possit. Tandem postquam in Gallia & Aquisgrani multas curationes chirurgicas perfecerat atque fama ejus etiam in Hollandiam venerat, a nobili quodam Hollando a. 1699. ad sarcocelen curandam Parisiis, ubi eodem vere fuit, Zutphanium vocatur esse (d),*  
ubi

(a) In observ. MERYI de *Jacobi* methodo pag. 73.

(b) Libro modo citato.

(c) Hac de re mox plura dicturi sumus.

(d) Tempus anni sive mensis, quo in Hollandiam venit JACOBVS, nullus Batavorum addidit, suspicor autem illud circa finem veris fuisse.



ubi etiam venit atque operationem hanc , præfente BIDLOO , in ipfo instituit , ac fimul ibidem multas hernias & nonnullos calculo laborantes fcalpello curavit . Sed tertia circiter parte curationis absoluta , VERDVNIOS , patrem fcilicet & filium , a fratre illius ægri ( cui jam diu antea , cum ab ipfo hoc ob malum confulerentur , fectionem fuafcrant ) litteras accepiffe , quibus ipsis fignificabat , JACOBVM fecum proxime Amftelodamum venturum feque hunc celebrem virum ipsis coram commendaturum efle . Quid fit ? eo ipfo adhuc die a meridie convocantur ad D. GVENELLONIVM , Nofocomii Amftelodamensis Medicum tunc ordinarium atque primarium , una cum variis aliis artis peritis Amftelodamensibus , ubi fratres nobilis illius , qui ad ipfos fcripferat , cum JACOBO erat , ubi cum ipfo colloquebantur & instrumenta ejus , quæ ipsis demonftrabat , contemplabantur . *Catheterem ipsius tunc adhuc fine fulco fuiſſe , ait* , & primam ejus operationem ipfos vidiffe in puero caſtellani diverforii Magnatum dicti ( belgice *het Heerelogement* ) cui juſſu conſulum Amftelodamensium BERNAGIVS chirurgiæ tunc prælector , Medici urbis primarii & Medici noſocomii intererant : quam magna dexteritate , ludendo quaſi , ac breviffimo temporis ſpatio perficiebat , ita , ut omnes eam non ſolum admirarentur , ſed & ſummis laudibus , etiam coram ipsis conſulibus extollere cogerentur . Quo factum eſt , ut conſules ipſum non ſolum ſuis ſuntibus in optimo hoc diverſorio ali , ſed & rhedam ad ejus nutum ſemper præſto efle juberent , atque hoc ipſo contigit , ut ægri quamplurimi herniis vel calculo vexati mox ad ipſum quaſi convolarent .

XXXII. JACOBVS vero in calculoſis ſequenti fere ratione Amſtelodami ſuas curationes instituit . Immiſſo ſcilicet tereti ſuo cathetere ferro in veſicam , ejus roſtrum latus perinæi ſiniſtrum verſus premēbat & ſcalpellum ſuum acutum juxta latus ſiniſtrum ani ſurſum ad catheterem uſque intrudebat , donec hunc ſcalpello ſentiret ; & deinde juxta catheteris latus dextrum incifionem ſuam faciebat , curando , ut omnia , quæ cutem inter & catheterem ſunt , probe diſcinderet ; atque tunc in retrahendo ſcalpello plagam cutis dilatabat . Poſtea indice ſiniſtro an catheter probe denudatus ſit , explorabat , eoque cognito , juxta hunc digitum ductos rem ejus , *annulo inſtructum ( a )* , ſed anteriori in parte acuminatum , in veſicam demittebat , ac deinde alterum ſine annulo ſive oculo ( *ſonder oog* : ) atque inter hos forcipem , qua calculum deinde educebat . Hac vero ratione poſtea quotidie eum ſecare vidimus . Sed in tanta ægrorum copia aliter fieri vix potuiſſe refert VERDVNIVS , quam ut multos errores ( ob nimiam forte feſtinationem ) committeret . Interea tamen *hoc tempore ipſum catheteres fulco inſtructos fabricari ſibi curaffe ( b )* ; verum vix per trium hebdomadum ſpatium eum ſic egiffe , cum iter in Hollandiam australem , Harlemum ſcilicet , Leydam , Delphos , Roterodamum &c. ſuſcipere ( c ) , quorſum VERDVNIVS noſter ipſum quoque non comitabatur ; ubi etiam plures calculi & herniæ ſectiones perficiebat . Inde Amſtelodamum reverſus ægrotorum confluxus jam valde imminutus erat , ita ut poſt ſeptem circiter hebdomades , quibus in Hollandia fuit JACOBVS , in Galliam reverti vellet . VERDVNIVS itaque ipſum rurfus Sylvam Ducis ( *tot in den Boſch* ) comitabatur , ibique cum ipſo , ( quia curandi ſe offerebant ) per tres hebdomades commoraba-

*Quomodo in  
Hollandia  
Jacobus cu-  
raverit .*

( a ) In epiſtola VERDVNII , quæ belgico ſermone ad me data eſt , exſtant verba *Gorgeret mee een oog* , hoc eſt *cum oculo* : ſed quia hoc vocabulum in ferramentis eſt , ancipitis ſignificationis , & ſæpe tantum foramen ; ut in acubus denotat , dubius hæreo , utrum hic annulus an foramen quoddam intelligendum . Quia vero SALTZMANNVS mihi retulit , JACOBVM Argentorati ductore , annulo prædito , uſum efle , ſuſpicio eum jam Amſtelodami talē adhibuiſſe .

( b ) Utrum ſponte hoc fecerit , an alicujus ſuaſu , haud patet .

( c ) Conſtat ex hoc & ſequentibus quam ſubito plerumque loca mutaverat , antequam ægri curati fuerint , & antequam curationis exitus exſpectaverint .



batur ; ubi operationes rursus tam frequentes erant , ut aliquando uno pomeridiano tempore sexdecim secaret , inter quos infans erat unius anni , utroque latere hernia laborans , quem ab uberibus matris detrahebat & secabat (a) . Dolendum esse , ( ait per jocum VERDVNIUS ) hunc infantem mox postridie obiisse ; quia alias ad canendum ( quia penitus castratus fuit ) optime educari potuisset . In hoc loco etiam erat , pergit VERDVNIUS , ubi a consulibus Amstelodamensibus *aureum lapidillum* (b) , quem ante ipsius Amstelodamo discessum jam confici jusserant , eo animo , ut ipsi illum , in signum grati animi , JACOBO traderent , acceperam , quem eorum nomine una cum epistola ipsi tradebam . In dorso ejus arma erant urbis Amstelodamensis , corona ex foliis quercinis cineta , & super his verba OB CIVES SERVATOS , magna arte incisa (c) .

*Quale munus a consulibus accepit.*

*Observationes post obitum Jacobi.*

XXXIII. Domi iterum reversus VERDVNIUS mala , quæ curationes JACOBI secuta sunt , una cum aliis observavit ; nam puer , quem primus & tam promte secuerat , & quo tantam in Hollandia famam consecutus fuerat , nondum sanatus erat ; multi interea perierant , alii fistula perinæ ; alii incontinentia urinæ laborabant , alii aliis malis affligebantur . Præterea plus una vice calculum , facta incisione , reperire non potuit ; sed re infecta ab opere abstinere coactus est . In quodam ægro tres calculos quidem eduxit ; sed duos in vesica reliquit : in aliquo faeces per vulnus & penem excretæ sunt . pessimus omnium casus , cujus etiam testis fui , pergit VERDVNIUS , erat Hagæ Comitum , ubi vespere hora fere decima adventabat , & ad *Dn. de Eythuyssen* , fratrem *Dni. de Alsen* , adhuc adveniens , eum mox cathetere explorabat , calculoque reperto hunc Dominum noctu hora decima & dimidia mox tabulæ imponebat , & sectionem in ipso instituebat ; sed deinde nullum calculum reperire poterat , licet diu eum , sed frustra , investigaret , Post quindecim vero dies litteras a REVERHORSTIO , Professore tunc Medicinæ Hagienſi celebri (d) , VERDVNIUS accipiebat , quibus se in cadavere hujus viri decem magnos in vesica calculos deprehendisse significabat . Ex his satis patere potest , ( concludit VERDVNIUS ) JACOBVM temere & sine ratione ægros suos tractasse . Haftenus *Verdunius* .

*Sermesii & Saltzmanii relata de Jacobo.*

XXXIV. Quod vero illo tempore , quod in Hollandia fuit , adhuc sine certa methodo & male imprudenterque secuerit , uberius partim ex SERMESIO , Medico & chirurgo Amstelodamensi adhuc , ni fallor , vivente (e) , Patre ibidem Medico olim nato , qui ambo illo , quo JACOBVS Amstelodami fuit , tempore hac in urbe vixerunt ; filius vero & hic & Lugduni Batavorum studia medica mecum excoluit , ipsamque tandem lithotomiam , post abitum RAVII Am-

(a) Hac ex relatione patet , ut quoties de operationibus aut sectionibus JACOBI scriptores referant , ipsos & calculos & hernias omnis generis simul intelligere , alias tanta copia a calculo sectorum non fuisset .

(b) *Lapidilli nomine* uncum vel cocleare , quo in calculi extractione utimur , intelligi vulgo solet .

(c) Ex hoc & præcedentibus disci potest , donum JACOBO datum , non *nummum aureum* , ut MORANDVS scribit , sed instrumentum fuisse aureum .

(d) Hic est ille REVERHORSTIVS , de quo libellum habemus *de motu bilis circulari* , *Hepatis & vesiculæ felleæ anatome* , itemque epistolam , *de novo artuum decurtandorum methodo* , ad RVYSCHIVM in Epist. hujus XIV. in qua etiam varia attamen fere contraria de successibus curationum JACOBI refert : utpote qui primo pag. 3. hujus epistolæ tanquam felices prædicantur , omisso tamen prorsus hoc casu , quem ad VERDVNIVM antea dederat ; deinde vero pag. 6. mox subjungit *ab hernia intestinali ab eremita sectos , licet saluti proximi jam viderentur , ut plurimum tamen postea mortuos esse* . Itaque quid non factum erit cum calculo sectis .

(e) Lib. de lithotomia Douglassiana , ubi pag. 171. de JACOBO scripsit , *ipsum suam calculum secandi rationem ignorantia & crudelitate horrendam facisse* .



Amstelodami exercuit, partim ex eo quam manifestissime evictum esse arbitror, quando sæpius jam laudatus SALTZMANNVS Medicus & Professor Argentoratensis, qui adhuc vivit & instar omnium esse potest, mihi jam An. 1729. ut supra §. X. jam proposui, & nuperrime adhuc scripserit, quod JACOBVS An. 1712. & 1713. potissimum tamen An. 1712. (a) hanc operationem Argentorati in sexdecim personis feliciter perfecit. Cum vero ipsi errores, quos olim commisit, blande amiceque exprobraverit, JACOBVS respondit: *verum est me male olim secasse, sed annus est, quod hanc demum operationem perfecte perficiam.* (b) Idem SALTZMANNVS mihi retulit, JACOBVM hunc post biennium adhuc semel Argentoratum rediisse; sed ob defectum ægrorum ipsum tunc per paucos secasse. Præterea significavit, ipsum in calculosis adhuc tum nihil aliud quam sectionem & calculi extractionem præstare potuisse; modum vero vulnus rursus glutinandi aut symptomatibus quibusdam succurrendi, illum adhuc prorsus ignorasse, idque, sicut Parisiis, ab aliis chirurgis perficiendum fuisse (c). In sectionibus porro, quas Argentorati instituit, eum *scalpello* usum esse cultro vulgari, quo, dum cibum capimus, uti solemus, omnino simili (d); *cathetere* vero *fulcato* valde incurvato (*a grande courbure*) atque *ductore* canaliculato (*gorgeret*) vulgaribus simili, ea solum differentia, quod loco rostri *nodulum* in extremo habuerit, (*un petit bouton*) & loco manubrii cruciformis, *annulum* (e): quem, postquam indicem dextrum in vesicam immisit, antequam catheterem suum recepit, supra hunc digitum intrusit, & beneficio ductoris postea forcipem, Digito ipsum simul calculi situm, figuram & magnitudinem explorasse, indeque qua forcipe quovis in ægro utendum judicasse. *Forcipes* ejus magis vulgaribus planas fuisse, & intus ad oras latum extitisse marginem, dentibus vacuum; ne iis vesica facile prehendi collidive potuerit. Figura & ductoris & forcipis, quibus Jacobus Argentorati usus est, nuper D. TREWIV Med. Norimb. mihi misit.

XXXV. Ex eadem igitur epistola alius adhuc error resolvi forte poterit. Nimirum MORANDVS ibidem refert, Jacobum ab itineribus multis tandem lassum, A. 1712. in patriam Vesontionem (*Besancon*) rediisse (f), ibique A. 1714. anno circiter sexagesimo mortuum esse. Verum quando A. 1713. & 1715. Argentorati adhuc fuit & prædictas ibidem operationes perfecit, sicut SALTZMANNVS, testis oculatus, refert, certum erit, illum, qui MORANDO hoc & alia similia significavit, plures ipsi errores suppeditasse. Id quod tanto magis inde etiam confirmatur; & extra omne dubium ponitur, quod ex supra nominatis Medico & chirurgo e mea patria, Francofurto scilicet ad Mœnum, imo etiam publico hujus urbis nosocomii testimonio accepi, JACOBVM quoque An. 1713. a vere ad septembrem usque ibidem fuisse, & duos, (nam plures in ampla & populosissima hac civitate ejusque vicinia invenire non potuit) sectione a calculo, varios autem alios ab hernia, extirpando testiculos, liberasse. Alter tamen eorum, quibus calculum ibi eduxit, paucis ab operatione diebus in no-

*Varia circa Jacobum dubia perpenduntur.*

*Heisteri Chirurgicæ Tom. III.*

Ii

so-

(a) Idem mihi confirmavit D. GOECKELIVS, celebris nunc Medicus Norimberg. qui hoc anno Argentorati degit, & ejus sectionibus sæpius interfuit.

(b) Verba ipsa JACOBI, quæ SALTZMANNVS mihi præscripsit, ita se habent; *Il est vray que j'ay mal taille autrefois, mais il n'y a qu'un an, que je possède l'operation en perfection; j'ai bien tué plus de mille, avant que de l'avoir appris comme je la sçais a present.* En propriam & genuinam confessionem! cui, quid regeri queat, haud video.

(c) Hoc ipsum quoque a modo laudato D. GOECKELIO nuper intellexi.

(d) Sed quia cultri vulgares diversas obtinent figuras, vera scalpelli JACOBI figura ex his verbis cognosci non potest.

(e) Hoc convenit cum VERDVNII relatione §. XXXI. id quod a nullis aliis notatum est.

(f) Alii *Beauforeium* ipsius patriam esse dicunt; oppidum, ni fallor, haud procul a Vesontione remotum, ut MERYVS in l. c.



focomio mortuus est. De utraque hac urbe; Francofurto scilicet & Argentorato, licet plures hic nominet, ubi fuerit JACOBVS, nihil videtur innotuisse MORANDO; quamvis multum laboris, ut historiam, fata & itinera JACOBI nostri rite cognosceret & describeret impendisse asseveret. Præterea inde constat, fratrem JACOBVM a. 1714., ut MORANDVS perhibet, haud mortuum esse. Nam præterquam quod A. 1715. adhuc Argentorati fuerit, etiam Clar. SALTZMANNVS mihi retulit, se ex chirurgo Argentoratensium Regio ac primario Dn. Le MAIRE (a), qui municipes est JACOBI, sive ex eadem, qua JACOBVS patria natus est, nuper adhuc certe cognovisse, eum longe diutius Vefontione vixisse & ad septuagesimum fere ætatis annum pervenisse: adeoque longe serius, quam MORANDVS tradit, ibidem e vita decessisse.

*Speciatim  
de tempore  
quo in Hol-  
landia fuit.*

XXXVI. Porro in tempore, quo in Hollandia fuisse JACOBVS, nescio quo auctore, affirmat MORANDVS, nimirum A. 1703. graviter hallucinatur, illudque variis documentis rectius perspicere potuisset (b). Nam primo ALBINVS pater & ALBINVS filius, etiamsi quidem speciatim annum, quo Amstelodami fuit, non nominent, tamen ita loquuntur, ut inde haud adeo difficulter cognosci queat, JACOBVM prius ibidem fuisse. ALBINVS enim pater, dum modum, quo RAVIVS in prædicta urbe inclarescere cœpit, describere vult, ait (c): *In hoc statu ad nostra usque tempora ars ista (magni scilicet apparatus) mansit, donec A. 1697. JACOBVS primo Lutetiae Parisiorum, deinde Amstelodami & deinceps passim alibi, novam secandi calculi methodum, qua non urethram, sed vesicæ cervicem vulnerabat & calculum extrahebat, profiteretur.* Ex quibus, opinor, haud obscure colligi potest, eum brevi, postquam Parisios reliquerat, in Hollandiam venisse. Deinde ALBINVS filius (d), dum eundem RAVII inclarescendi modum tradere vult, hæc profert: *Venerat forte Amstelodamum iisdem temporibus (quo scilicet RAVIVS demonstrationibus anatomicis & chirurgicis inclarescere sibi que famam ibidem conciliare incipiebat) Frater JACOBVS de Beaulieu, ut & ibi, quemadmodum fecerat in Gallis, novam suam calculosos secandi methodum exerceret. Istis operationibus ejus sæpius tunc interfuit. RAVIVS &c. postea auctor præfationis in COLOTI librum de lithotomia scribit, fratrem Jacobum, Parisiis contentum, in Hollandiam abiisse (e).* Ex his rursus intelligi potest, JACOBVM brevi; postquam in Gallis novam suam methodum exercuerat, Amstelodamum venisse; id quod etiam patere videtur ex RVYSCHII Epist. anatom. 12. pag. 28. quæ data est die 29. Augusti 1699. ubi de JACOBO nostro ejusque nova methodo ac instrumentis, alio longe quam vulgari modo formatis, ita loquitur, ut inde constare queat, ipsum JACOBI curationes, nova methodo institutas itemque ejus ferramenta ante hoc, quo epistola ejus scripta est, tempus jam vidisse; id quod uberius ex ejusdem Epist. 14. manifestum est. Præterea & D. FALCONETVS (f) ait: *Talem se exhibuit JACOBVS frater Parisiis & in aliis passim Galliæ urbibus, tum in Batavia, ultimis pro-*

(a) Monf. le Maître, chirurgien major de l'hôpital du Roy à Strasbourg.

(b) Antequam hæc relationes, quas a celebri illo Medico Batavo, & VERDVNIO chirurgo haud pridem accepi, atque N. xxx. & xxxi. descripsi, ad me delatæ sunt, multo labore & lectione in verum illud tempus, in quamplurimis scriptoribus inquisivi, ea spe fore, ut illud tandem invenirem; quo autem labore supersedere & pleraque hujus paragraphi momenta omittere potuissem, si ipsas prius habuissem. Attamen ut constet, qua via ad hanc cognitionem iverim, & quo modo MORANDVS quoque tempus verum melius cognoscere potuisset, ea, quia collecta & scripta erant, & quibusdam scitu grata esse possunt, atque simul relationes illas egregie confirmant, hic omittere nolui.

(c) In oratione in obitum RAVII pag. 28.

(d) In Ind. suppellect. anatom.

(e) Pag. 47. Le frere Jacques rebuté a Paris, alla en Hollande.

(f) Quæstione medica chirurg. de laterali apparatu p. 7.



proxime elapsi sæculi annis : atque hoc accurate tempus illud erat , quo RVYSCHIVS modo laudatam priorem suam epistolam scripserat , & quo RAVIVS, novus tunc adhuc homo , ad gloriam quam maxime contendebat , atque hac ipsa magnum RVYSCHIVM quasi deturbare studebat . (a) Anno vero 1703. jam in magna , non solum in Hollandia , sed etiam in Germania , propter insignem ejus in re anatomica ac chirurgica peritiam , nominis erat celebritate , ut me ipsum etiam Amstelodamum propterea allicuerit ; attamen fundamenta & principia methodi suæ calculum secandi , quod extra controversiam est , atque ab ALBINIS & ipso etiam MORANDO , aliisque asseveratur , a JACOBO didicerat , cum antea Mariana usus esset . Quomodo vero tunc demum ea didicisset , cum jam hoc anno propter hanc operationem in summa esset celebritate . Præterea a FALCONETO (b) & ipso MORANDO traditur (c) Clar. WINSLOVIVM , qui inter primos RAVII discipulos fuit (d) , RAVIVM Amstelodami jam a. 1698. ( forte scribere voluerunt 1699. ) hanc methodum perficere vidisse (e) . Quod si verum est , necessario inde sequitur , JACOBVM ante annum 1703. ibidem fuisse : id quod WINSLOVIVS interrogatus optime ediffere- re , testari atque varia alia , cum ad JACOBI , tum ad RAVII historiam pertinentia , facile ita illustrare poterit , ut nullum de hac re restet dubium .

XXXVII. Auctor quidem illius dissertationis , quæ loco præfationis præmis- fa est COLOTI libro de lithotomia , scribit : RAVIVM *Parisiis secutum esse* operationes JACOBI ( *M. Rau avoit suivi a Paris les operations de ce Moine* , pag. LIII. ) Sed auctorem hunc hic errasse facile inde constat , quia ex historia vitæ ejus patet , imo & quamplurimi , qui RAVIVM in Hollandia intimius cognoverunt , testari potuerunt , ipsum a. 1694. ex Gallia in Hollandiam rediisse , sedem postea Amstelodami fixisse , deinceps in Hollandia semper mansisse (f) , & inde nunquam Parisios reversum esse , adeoque etiam operationes JACOBI ibidem neque sequi neque videre potuit . Ut autem *verum tempus , quando in Hollandiam pervenerit* , & quod hætenus plerosque eruditos latuit , cognoscerem atque hic indicarem , multum laboris impendi , atque tandem primo a celeberrimo illo Medico Batavo , ( vid. §. XXX. ) qui me nomen suum celare jussit , ac deinde mox etiam a chirurgo Amstelodamensium præstantissimo , Adriano scilicet VERDVNIO , certus cognovi , ipsum , ut supra jam §. XXX. & XXXI. retuli , An. 1699. in Hollandiam venisse , ibique tunc artem suam exercuisse .

*Alius error emendatur & verum tempus indicatur .*

XXXVIII. Quia igitur tot *lacunæ , defectus , dubia & errores in historia* & *fatis viri illius* , qui publice prima fundamenta tam insignis operationis , sicut quamplurimi hodie agnoscunt , in medium proposuit , *occurrunt* , operæ pretium esset , ut quis ejus vitam accuratius , quam hætenus factum est , pervestiget ac describat ; id quod forte in Gallia optime fieri posset , quoniam ibi & natus & mortuus est , atque simul maximam fortassis vitæ suæ partim ibi transegit , ubi forte ab affinibus , amicis , Medicis vel & sacerdotibus varia jam ignota cognosci possent . Suppeditavi hic ego nonnulla loca Germaniæ , ubi fuit & chirurgiam suam , prout indicavi , exercuit : nimirum Francofurtum ad Moenum & Argentoratum , verumque annum , quo in Hollandia fuit , variasque Hollandiæ urbes , ubi curavit , omnibus iis , qui hætenus hac de re scripserunt , adhuc

*Historia Jacobi adhuc imperfecta est .*

(a) Conferri hic potest RAVII Responsio ad RVYSCHII defensionem *de septo scroti* , unde illius animus valde cognosci potest .

(b) Ibidem pag. 7.

(c) In Memor. Acad. Reg. 1731. pag. m. 222.

(d) Vid. RAVII modo citatam Responsionem pag. 10.

(e) Nam ante hunc annum 1699. JACOBI methodus in Hollandia prorsus incognita fuit.

(f) Id quod ex eadem RAVII responsione pag. 9 . perspicui potest.



incognita (a), atque simul res nonnullas scitu dignissimas. Indicavi deinde varia; quæ haud leves ob rationes, quas produxi, suspecta, vel dubia vel erronea prorsus mihi visa sunt, ut ab illis, qui meliorem atque perfectiorem JACOBI historiam aliquando scribere volunt, veritas rerum dubiarum curatius peruestigari queat, sancteque testor, me veri amoris hæc scripsisse, neminemque eorum, a quibus dissentio, his monitis ulla ratione lædere voluisse: adeoque ne malam in partem accipiant spero, rogo atque obtestor.

*Incommoda  
methodi la-  
teralis.*

XXXIX. Interea quam egregie etiam hæc methodus hodie exulta est, tamen *incommoda & difficultates* quædam, quæ evitari omnia nequeunt, subinde ut in magno apparatu hic incidunt; nam 1. *fistula in perineo quandoque orta est* & ob varias causas adhuc sæpe oriri potest, quemadmodum id JACOBO haud raro accidisse, legimus; 2. *Calculi situs transversus*, qui longus est ac magnus; & quod cognosci sæpe ante sectionem non potest, ut supra jam dixi facile efficit, ut sæpe æger, dum chirurgus calculum educere satagit, vehementissime imo ad mortis usque periculum excrucietur, & tamen calculus in hoc situ extrahi nequit; qui vero commode alto apparatu educi potuisset; 3. *situs calculi supra os pubis* & quidem ad formam quasi unci incurvati eique sua figura ita annexi, ut protrahi nequeat, quale exemplum lethiferum SERMESIVS notavit (b), & ego quondam delineavi & descripsi (c), efficere potest, ut calculus vel non, vel saltem perquam difficulter & haud raro sine vitæ periculo educi nequeat; 4. Si calculus *in fovea sive cellula quadam vesicæ hæreat*, vel *valde parvus sit* vel in frustra diffiliat, plerumque ut in magno apparatu, depromi hac methodo commode haud potest (d); id quod etiam in calculis ejusmodi, itemque in *magnis* ipsi RAVIO haud semel accidisse SERMESIVS refert (e). 5. Hic modus etiam non procedit, *si ob quamcunque causam vesica catheterem non recipit*. 6. Ut taceam nunc quod ductoribus vel forcipe in vesicam immis-  
*sa vel perforari, vel prehendi & misere dilacerari queat*, & quæ sunt alia ejusmodi incommoda cum magno apparatu communia, quæ quamplurima esse ipse SAVIARDVS, expertissimus quondam Parisiensis lithotomus, qui septingentis & pluribus calculum secavit, asseverat; quæ calculi in magno adeoque etiam plerumque in laterali apparatu extractionem difficilem & periculosam efficiunt (f). 7. *In mulieribus*, adultis saltem (g), lateralis sectio vix cum emolumento ac sine vaginæ perforatione institui potest, nullaque certa prostant exempla, ubi hoc in adultis feliciter factum sit, imo experimenta in mortuis instituta, ut JACOBI nunc prætermittam, ostendunt, sine læsione vaginæ, quin & sæpe intestini recti, hac via ad vesicam aditum non dari: conf. quoque SERMESIVS, qui etiam hunc in finem experimenta in cadaveribus, sed non nisi cum vaginæ læsione instituit. pag. 182. Adeoque propter has aliasve causas altus apparatus sæpe huic præferri meretur, si alia simul conspirant.

*Lithotomia  
operatio an-  
teps est.*

XI. Denique quantumvis gnaviter in excolendis perficiendisque calculum secandi artificiis, ut ex dictis patet, celebres & Medici & chirurgi defudarunt, *ipsum*

(a) DOUGLASSVS in Hist. lateralis operationis egregie quidem JACOBI historiam proposuit: verum ut ipse fatetur, multa in ea adhuc deficere quæ scire non potuit, & inter alia etiam tempus, quo in Hollandiam venit; quod ego vero post multos labores tandem patefeci.

(b) In Lithotom. Douglass. in præfatione.

(c) In Annal. Acad. Juliæ semestri XII. fig. 3. & 4.

(d) Minores calculos (adeoque & frustra minora) ipse DENTSIUS fatetur hac methodo difficulter extrahi posse, ut supra jam dixi.

(e) Lib. cit. pag. 180.

(f) Conf. ejus observat. chirurg. p. 428. ad 430. & 444. ac seq.

(g) Ravius unius puellæ mentionem fecit, in qua hanc methodum exercuerit; plura exempla nota non sunt.



*ipsum tamen opus satis periculosum atque anceps adhuc est*, ut nulla omnino lithotomiæ methodus exsistat, quæ tuto semper adhiberi queat, & quæ non cum gravibus sæpe, præsertim certis in casibus, conjuncta sit incommodis atque periculis, maxime si quis una sola uti eique solum adstringere se velit. Quæ quidem tantum abest, ut tolli vel præcaveri omnino omnia queant, ut varias ob causas ne definiri quidem in universum adhuc, quæ tutissima reliquisque semper præferenda sit lithotomiæ methodus, satis certo possit; sed judicio boni chirurgi, quam pro rerum circumstantium varietate seligere velit, relinquendum; adeoque ut omnes probe discat & calleat, opus est.

XLI. MINOR APPARATUS *difficillime succedit in calculis aculeatis*; deinde in calculis *valde magnis*, qui digitis satis contineri nequeunt, & denique *in hominibus valde proceris*, ubi ob longam vesicæ ab ano distantiam calculus satis apte comprehendi & ad perinæum propelli nequit, altum vel lateralem magis convenire existimo. Contra in pueris & adultis parvis, ubi calculus non valde magnus, nec aculeatus, quales plerique sunt, & ubi ad perinæum compelli potest, ob antiquam simplicitatem & ob pauca instrumenta, quibus hic indigemus, quicquid alii contradicant, & cum primis etiam in calculo cervici vesicæ innexo, commodissime adhibetur, atque propterea tunc ceteris præferri meretur, APPARATUS ALTUS in *senibus & debilibus*, aut ubi vires jam prostratæ sunt, itemque in ulcerata vesica, experientia teste, ut plurimum periculosus adeoque haud suadendus est, ut supra jam indicavi, N. XXI. Contra in pueris & juvenibus, quamvis etiam calculi magni sint, egregie convenire observatum est. Ita & si calculi sint parvi, quales & magno & laterali apparatu, ut plerique fatentur, difficillime sæpe inveniuntur, imo interdum prorsus reperiri adeoque & emoliri nequeunt; aut si plures minores adsint, vel fragilis calculus, ii omnium optime hac methodo educi possunt, sed probe semper observandum, ne fundus vesicæ incidatur, APPARATUS MAGNUS, licet incisio facilius minusque periculosa hic sit, quam in alto & laterali operatione, quia solum urethra scalpello sauciatur; tamen vix nisi pro parvis, mediocribus & lævibus, vel saltem non valde magnis calculis, aptus est existimandus: in valde magnis vero, aculeatis aut inæqualibus nimis vehemens cervicis vesicæ extensio, laceratio & corruptio inde est metuenda. Sed in *vesica ulcerata*, si calculus non est valde magnus aut inæqualis, alto apparatu eum præstare arbitror: quia vesica deorsum melius purgari potest, JACOBÆA ista, MERIO, RAVIO CHESELDENIOQUE potissimum auctoribus correctæ, calculum secandi ratio in eo quidem majori apparatu præstat, quod longe promptius, quam in hoc fieri solet, ea adhibita, extrahi calculi grandiores possint; sed infligendi tamen vulneris negotium in ipsam usque vesicam, quia hoc multo profundius, quam in mariana, fieri debet, ubi solum urethra in perinæo inciditur, difficilior etiam longe, imo & periculosior mihi videtur (a). Quum enim alte admodum per partes vesicam hic tegentes atque includentes, præsertim multam pinguedinem in pinguioribus, demitti, scalpellum debeat, & intestinum rectum ac vesiculæ seminales huic circa locum incidendum proxime adhæreant, magnum utique periculum est, ne aut a cathetere submisso scalpellum aberret & partes vicinæ nobiles modo nominatæ graviter lædantur (b), vel ipsa etiam vesica, ut JACOBO sæpius contigit, perforetur. Contra vero *major ap-*  
*pa-*

*Cautiones  
circa electio-  
nem methodi.*

(a) Idem etiam de hac methodo ALBINUS mecum statuit, eo ipso libello, quo Ravianam methodum præ ceteris commendavit.

(b) Quamvis & in parvo & laterali apparatu *vesicula seminalis facile & sæpe lædatur*, quemadmodum DRANIVS l. c. alique docent, tamen hoc plerumque sine noxa fit; nam & hæc, sicut reliquæ partes incisæ, rursus sanescit, nullumque ut plurimum damnum infert.



*paratus*, ea præcipue de causa difficilis & sæpe periculosus est, quod secundum ipsum difficillime & vix sine gravi extensione aut omnimoda colli vesicæ laceratione paulo grandior, vel mediocris etiam calculus, si forte paulo aculeatus est; extrahi tuto queat. Quoties enim cunque vesicæ cervix, prostrata, sphincter atque urethra justo violentius diducuntur, aut prorsus lacerantur, præsertim a calculis aculeatis vel majoribus, verendum utique est, ne vel ingens sanguinis profusio, aut gravis inflammatio, gangræna, cancer vesicæ, vel præsentissimum mortis periculum suboriantur; vel urinæ saltem incontinentia, aut fistula in perinæo, cum pessimis id genus noxis aliis, quemadmodum etiam sæpe fit, subsequantur. Ut nihil nunc de ceteris dicam incommodis, quæ frequentissime, nisi quam cautissime & ea, ut DRANIVS docuit, ratione instituatur, cum eadem soleant esse conjuncta, ut jam supra satis exposui (a). Unde etiam fit, ut quidam hanc; alii aliam pro diversitate ægrorum & cuiusvis vel ingenio vel consuetudine seligant ac præferant: utilissimumque proinde est, consentientibus DRANIO, MORANDO & aliis, ut Medicus lithotomus omnes probe noscat, & pro rerum varietate maxime idoneam seligere valeat. *In unica mariana methodo vesica non inciditur, sed solum urethra, in omnibus vero reliquis ipsa vesica & quidem ipsum semper ejus corpus. Verum in alto apparatu pars ejus inferior & anterior; in parvo & laterali autem inferior & lateralis: ita ut hæ tres in loco vulnerandi vesicam non adeo non multum differant, sed potissimum modo & ferramentis.*

*Calculi curationem experti denuo nonnunquam calculos sentiunt.*

XLII. Denique illud etiam observatu dignum hic videtur, *homines, qui semel calculo laborarunt, quantumvis etiam feliciter, & quacunque demum ratione a calculo liberati fuerint, tamen haud raro iterum a novis calculis infestari.* Sic enim apud RAVIVM puerum vidi, qui tertium a calculo sectione liberabatur, atque ut ex ceteris multis unicum alterumve tantum in medium proferam exemplum, mercator quidam *Furthensis* (nobile quoddam oppidum prope Norimbergam) tametsi prudentis atque experti quondam chirurgi manum medicam expertus semper fuerat, quater tamen sustinere lithotomiam fuit coactus; quum novus subinde calculus, circiter annuo spatio elapso, renasceretur (b). Ita DENYSIVS quoque exemplum refert hominis quinquies lithotomiam experti, ubi semper magnus calculus eductus est (c). Sed cavendum tamen magnopere est, ne chirurgi aut ignorantia aut imprudentia calamitatis hujus causa temere accepta referatur; neve, prout fieri quam sæpissime ab ignaris & malevolis aut invidis etiam solet, famæ ipsius atque laudibus propterea detrahatur. Neque enim in Medici potestate unquam positum est præcavere, ne prima noxa, quæcunque ea etiam fuerit, semel sanitati restitutum hominem denuo invadat. Quid enim, quæso, obstat, quo minus eadem causa, quæ semel hominem calculosum effecit, præsertim vitiosi vel corrupti renes aut vesica, denuo atque iterum, post optime licet adhibitam operationem calculum aliquem novum, idque nunc citius nunc tardius, producant incrementumque paulatim capiant, adeoque & calamitatem novam & novam omnino curationem postulent, si æger inde liberari rursus concupiscit?


*Expli-*

(a) Uberius de his legi meretur DOUGLASIVS in hist. later. operat. MERIVS in obs. de meth. secandi fratris JACOBI. Auctor præfationis in COLOTI libro de Lithotomia. DRANII Paralell. p. 69. & seq. GARENGEOT operat. chirurg. articulo de laterali operat. aliique.

(b) Vid. Misc. A. N. C. Dec. 2. observ. 177. a VOLKAMERO, Medico cel. Norimbergen-

(c) Observat. chirurg. p. 24.











Explicatio Tabulae trigesimæ primæ.

- Fig. 1. repræsentat catheterem RAVII *fulcatum* e latere visum, ut vera figura & crassitudo ejus appareant, sicuti ab ALBINO delineatus est. Sed sciendum, anno 1706 & 1707, cum ejus discipulus essem, ipsum fulcatis vulgaribus usum esse, quales Tab. XXVII. exhibui: solum, quod, ut supra monui, crassiores fuerint, ob usum indicatum. Litt. A designat manubrium ejus a latere visum. B locum, ubi curvaturam ejus majorem esse ALBINVS affirmat, quam in vulgaribus. Ubi tamen hæc curvatura mihi potius minor, saltem non major videtur, quam in eis, quo TOLETVS *lib. de lithotomia*, ALGHISIVS Tab. XI. fig. 1. GARENGEOTVS, DRANIVS, ego aliique pro majori apparatu delineavimus. Litt. C rostrum longius & rectius indicat.
- Fig. 2. Manubrium hujus catheteris oblique repræsentatur, ut ejus conformatio rectius pateat, quod tamen etiam vel cordis, ut in vulgaribus, Tab. XXVII. vel in CHESELDENI cathetere, Tabula hac XXXI. fig. 6., vel annuli formam, ut in DRANII fig. 17., habere potest.
- Fig. 3. Catheteris Raviani partis *fulcatæ* rostrum sive extremum sistit, ut inde appareant aa margines extremi, tenues quidem, sed tamen obtusi & læves; b b fulci amplitudo; C mucro obtusus & lævis, & quomodo sulcus ad eum terminetur.
- Fig. 4. *Sectio transversa partis fulcatæ* hujus catheteris exhibetur, ut pateat, qua ratione primo margines extremi, tenues, obtusi, ad se mutuo, lunata quasi forma, incurventur, & deinde, quam profunde sulcus ei incisus sit, ne scalpellum facile inde aberrare queat.
- Fig. 5. Ostendit CHESELDENI catheterem *fulcatum*, qui Raviano & vulgari tenuior est, minusque incurvatus aa manubrium indicat, cordiforme; b b partem ejus rectam sive corpus; CC partem incurvatam & *fulcatam*; d rostrum *fere rectum*, DOUGLASIVS illud omnino rectum vocat, (*The Rostrum or Beak which is strait*).
- Fig. 6. Hujus catheteris manubrii partem planam, ejus corpus totum partemque aliquam *fulcatæ* demonstrat.  
a manubrium cordiforme;  
b b corpus, quousque teres est;  
c c pars ejus *fulcata*, quantum in hoc situ conspici potest.
- Fig. 7. Portionem rostri recti & quidem juxta extremum catheteris Cheseldeniani ob oculos ponit: litt. a a margines sive oras; quæ ut in Raviano obtusæ atque læves sunt, b extremum, quod apertum est; cum alias clausum erat in aliis, & in obtusum apicem desinebat. (Sed non video, quem in finem, hoc extremum apertum esse velit, secus ac in aliis? nullamque hujus rei rationem profert.)
- Fig. 8. *Scalpellum lithotomum* CHESELDENI indicat, cujus cuspis exacte in medio ejus existit, & in manubrio a a fixum est.
- Fig. 9. sistit *ductoris* CHESELDENI partem concavam, sive canaliculatam: & quidem litt. AA manubrium ad sinistrum latus inflexum, pro commodiori forcipis introductione in vesicam;  
BB ductorem ipsum canaliculatum;  
C rostrum sive extremum partis angustioris in nodulum planum desinens.
- Fig. 10. repræsentatur seorsim rostri sive *extremi noduli pars lateralis* ac plana hujus ductoris.



Fig. 11. *Manubrium hujus ductoris* directo aspectu ostenditur, ut ejus amplitudo conspici queat.

Fig. 12. visui sistit *forcipem calculariam* CHESELDENI minorem & ordinariam, qua frequentissime utitur. Nam pro majoribus calculis forcipem, tres quasi pollices hac majorem, delineat DOUGLASIVS.)

AA manubria indicant, quorum extrema in uncorum formam inflectuntur, quæ in aliis similitudinem annulorum obtinent. In majori alterum in forma unci, alterum in forma annuli exhibet.

BB rostri duæ maxillæ sive laminæ: quæ vero non omnino claudi possunt; ne vesicam in quærendo calculo facile prehendant, collidant & male afficiant.

Fig. 13. ostenditur *interior facies alterius maxillæ*, quæ concava est, & denticulis multis retrorsum spectantibus in parte tantum extrema instructa, pro calculo firmiter retinendo.

Fig. 14. *Acum* CHESELDENI, qua ad arterias hac in operatione, si opus est, ligandas utitur, a latere visam exhibet.

Fig. 15. litt. a acus hujus partem convexam & angulosam circa cuspidem; b ejus partem concavam sive internam eamque lævem indicat.

Fig. 16. DRANII *scalpelli lithotomum* demonstrat, & quidem litt. A cuspidem, lineæ BB loca, quousque cuspis scindens est, CC duæ alæ manubrii.

Fig. 17. *Catheterem novum* DRANII repræsentat, quo utitur ad lateralem calculi operationem, loco Raviani, perficiendam; a a manubrium denotat; a. b partem rectam sive corpus; b b b partem incurvatam sive concavam; c c c sulcum in parte convexa; d extremum obtusum & clausum, e e per lineas adjunctas longitudinem foraminis longi sive fissuræ, quæ in sulco est, indicant.

Fig. 18. *Scalpellum* exhibet, quod GARENGEOTVS pro *sectione laterali* perficienda in operat. chirurg. delineavit & commendavit.

## C A P. XXXIII.

### *De Perinæi sive vesicæ punctura.*

*Perinæi & vesicæ punctura quid sit.*

I. **P**ERINÆI puncturam Medici quondam eam vocarunt actionem chirurgicam, quando suppressa urina sive in ischuria fistulam æneam per iter urinæ in vesicam ad eam educendam immittere non potuerunt, sed in perinæo hanc ob causam puncturam ad vesicam usque instituerunt, quare hanc curationem puncturam seu puncturam perinæi salutarunt (a). Quoniam vero postea & hoc præsertim tempore, hæc punctura non solum in perinæo, verum etiam in hypogastrio instituta est, atque adhuc hic institui solet, imo etiam in perinæo ipsa vesica pungitur, *vesicæ punctura sive punctio* rectius appellari videtur, quæ curatio tanti existimata est momenti, ut nisi in tempore instituat, ægri pereant, at propter periculum, quod fovet, vix nisi a præstantissimis & anatomes

(a) *Urina supprimitur vel vitio renum*; quo in casu nulla urina in vesica colligitur, aut continetur, adeoque ea etiam nulla chirurgica curatione emoliri potest; *vel vitio in vesica aut urethra existente*: de qua mox proponemus. Si in vesica hæret urina suppressa, id quod ex dolore & tumore supra pubis regionem, ut & ex tumore intestino recto incumbente, si digitum ano immittimus, cognoscitur, triplici in universum ratione inde educi potest; nimirum *vel cathetere*, quando hic in vesicam demitti potest: qua de re supra cap. 187. de Catheterismo diximus: *vel ipsa lithotomia*, quando scilicet calculus ischuriæ causa est, de qua mox præcedentibus capitibus egimus; *vel denique incisione aut punctura vesicæ*, quam hic exponemus.



mes expertissimis chirurgis hætenus est tentata . Itaque perinæi puncturam instituire Medici tunc potissimum solent , quum urinæ reddendæ summa difficultas in vesica perſentiscitur , eaque neque medicamentis expelli , neque catheter seu fistula ænea aut argentea in vesicam immitti potest . Posse autem quandoque istiusmodi casus incidere , ubi ne vel a præstantissimis quidem chirurgis demitti in vesicam catheter possit , partim frequens experientia loquitur , partim jam cap. 137. indicatum est . Ne quis autem forte ignoret , propter quasnam causas interdum fistulam æneam recipere vesica nequeat ; sciendum est , fieri id ipsum subinde solere 1. *propter graviores aliquam sphincteris aut cervicis vesicæ inflammationem* (a) ; quæ naturalem urinæ viam usque adeo insigniter quandoque coarctat , ut nulla omnino ratione deprimi in vesicam catheter valeat ; quin & , violentia quadam adhibita non dolores tantum atque inflammatio subinde augeantur , sed urethra quoque perrumpatur , imo vero sphacelus haud raro atque ipsa mors concitentur (b) . Deinde 2. coarctari etiam urinæ iter mirifice solet , *quoties caruncula quadam , cicatrix , seu durum aliquod tuberculum , aut vesicæ collum aut ipsum urinæ iter obstruit* . Tum 3. eandem quoque calamitatem fenes sæpe experiuntur , quando urethra valde constricta aut collapsa est ; vel propter justo majores in ea rugas urinæ iter ita impeditum est , ut nihil transmittat ; vel etiam 4. *ubi spongiosæ itineris urinæ partes a sanguine hic congesto nimis intumescunt , ita ut ne tenuis quidem quandoque fistula transmitti queat* . Tandem 5. simile quid fieri a *prostatis justo grandioribus aut scirrhis* nonnumquam posse , observatum est , non solum a MORGAGNIO , Medico atque anatomico præstantissimo (c) , itemque a COLOTO (d) ; sed nuper etiam a me hic Helmstadii in viro quodam ; 6. quando *calculus cervicis vesicæ ita impactus & quasi incuneatus est* , ut neque urinam neque catheterem transmittat . Quoties igitur cumque propter has aut similes forte alias causas urinæ reddendæ difficultas exoritur , neque catheter in vesicam demitti commode possit , neque remedia cap. 137. commendata proficiant , sane , nisi deferere homines , in præsentissimo vitæ periculo versantes , voluerimus , aliud excogitandum est artificium , quo adhibito manu emoliri urinam queamus .

II. Solet autem variis modis hoc fieri ; de quibus singulis sigillatim ac breviter nobis nunc est differendum . LAVNÆVS in diff. sua de calculo supra laudata , pag. 187. docet , ad hanc operationem perficiendam nihil aliud requiri , quamposito prius ægro eum in situm , sicut in calculi sectione fieri solet , ut catheter sulcatus in vesicam immittatur , deinde plaga in perinæo , ut in magno apparatu , urethræ scalpello infligatur , postea ductor canaliculatus , ( *gorgeret* ) in sulco hujus catheteris per *cervicem blande in vesicam demittatur* , ita urinam mox effluxuram esse . Verum LAVNÆVS non considerat , hanc curationem sive sectionem , quando catheter in vesicam impelli potest , non esse necessariam ; quia urina sic per catheterem nulla ratione in vesicam demittere valemus . Quare de aliis modis dicturi sumus , ubi catheter intus compelli non potest . Primus itaque idemque communissimus hætenus , ut DIONYSIVS

Prima punctura perinæi methodus.

Heisteri Chirurgica Tom. III.

K k

tra-

(a) Cognoscitur hæc ex dolore & ardore , quos in peritonæo percipit æger , præsertim quando digitis palpatur sive tangitur , & adhuc magis quando chirurgus digitum in anum ægri immittit .

(b) Quid vero , ubi *inflammatio ischuriam facit* , sit faciendum , antequam ad chirurgicas curationes veniamus , jam supra cap. CXXXVII. §. 1. pag. 878. proposuimus .

(c) Vid. Ej. Adversar. anat. III. pag. 83. qui lethalem inde urinæ suppressionem vidit . An vero hæc curatio hic instituta sit , haud memoratur . Mihi tamen videtur , eam hic locum habuisse & varia hac ratione curati dicuntur a COLOTO , lib. de lithotom. cap. de urina suppressa .

(d) Loco modo citato.



tradit (a), & ab antiquioribus jam adhibitus, *modus* hic est. Æger resupinus super lectum aut mensam eo fere modo collocatur, quo fieri id ipsum in curatione calculi solet, atque a ministris aliquot probe firmatur. Hinc Medicus ea perinæi parte, quæ concidi in lithotomia, per apparatus magnum instituta, consuevit, nimirum ad latus sinistrum futuræ perinæi scalpellum aliquod angustum atque anceps, (quale fere illud est, quod Tab. I. litt. I. exhibuimus) in vesicam deprimit. Vere autem perforatam esse vesicam, prorumpens ex vulnere urina significat. Sed retrahi tamen sinistra manu scalpellum ante haud debet, quam primo specillum, ac deinde iuxta hujus latus, retracto scalpello, fistula sive tubulus aliquis argenteus, quatuor circiter digitos aut pollices longus, qualis vel ille esse potest, qui Tab. II. litt. P. vel Tab. XXIV. fig. 3. vel & Tab. XXXII. fig. 4. delineatur, dextræ manus adminiculo, per factum in perinæo vulnus in vesicam fuerit insertus. Idem tubulus, in vulnere relictus, funiculi plani vel fasciæ beneficio circum coxas firmatur, emissioque lotio, per immissam turundulam convenientem, ne continuo urina profluat, obturatur (b). Quoties postmodum urina reddenda est, turundula extrahitur, emissaque urina rursus immittitur; idemque negotium tam diu iteratur, donec inflammatio, aut si quæ alia noxa urinæ viam coarctavit, decenter curata apprehenditur. At enim vero prima hæc curandi ratio eam præcipue ob causam & periculosa & dolorifica magis videtur, quia concisis præter necessitatem urethra ac vesicæ collo, fieri ut plurimum solet, ut non ipsa solum urethræ ac cervicis vesicæ inflammatio intendatur; sed ductus quoque seminales in prostata simul perumpantur, aut graviter saltem facile lædantur.

*Altera curandi ratio.*

III. Quocirca longe tutior atque commodior curandi ratio videtur, si vulnus eadem ratione & iisdem ferramentis in ea perinæi parte instituitur, quæ in *parvo apparatu* vel in *lateralis methodo* perforari consuevit, atque illæsa cervice, in ipsum usque vesicæ corpus continuatur, immissa postea fistula argentea, eadem, ut modo diximus, ratione. Sic enim vesicæ collum una cum urethra salvum manet atque integrum, minoremque homines ægri dolorem sentiunt, inflammatio cervicis haud facile increscit; quin ipsa vulneris glutinatio paulo, quam communiter fieri suevit, promptius longe atque felicius procedit.

*Tertia.*

IV. Sed utriusque tamen his curandi rationibus utique *tertia illa præstat*, qua idem equidem locus, ut in altera methodo modo diximus, perforatur, sed pro scalpello tamen ancipite *clavus* sive *acus cuspide triangulari* donatus ac tubulo sive fistula inclusus (*Trocar*) Tab. XXIV. fig. 1. adhibetur. Instrumento etenim hoc in vesicam depresso, acus statim recipi, tubulo intus relicto, poterit, atque ita non urina solum quam commodissime foras emitti; sed universa quoque curatio longe promptius atque cum minori ægrotantis molestia confici. Neque vero alienum hic fuerit, unum alterumve digitum, qualiter scilicet fieri in calculi sectione sæpe consuevit, (vid. Tab. XXIX. fig. 3.) in anum prius immittere, quam acus hæc in perinæum & vesicam adigitur. Sic enim hic digitis non accuratius modo dirigi instrumentum in vesicam potest; sed præcaveri etiam, ne simul intestinum rectum perumpatur. Neminem de hac specie puncturæ vesicæ adhuc locutum esse, perhibet GARENGEOT operat. chirurg. Tom. II. pag. 205. quamvis non solum ex paulo vetustioribus superioris sæculi RIOLANVS jam docuerit, quod in urina suppressa, ubi catheter in vesicam introduci nequeat, vel vesica in hypogastrio sit perforanda, *vel in perinæo: ubi profunde scalpellum usque ad vesicam lateraliter, donec urina fluxerit,* adi-

(a) In operat. chirurg. demonstr. III. pag. m. 177.

(b) Eandem operationem jam descripsit THEVENIN chirurg. Paris. oper. chir. cap. 121.



*adigendum* ; sic enim se multos ab imminente periculo liberasse , affirmat . Vid. Enchirid. anat. L. 2. cap. 30. , eandemque punctiōnem THEVENINVS loco modo citato , sed scalpello , donec urina prodeat , audacter faciendum esse proposuit , verum etiam hoc sæculo DIONYSIVS in suis operat. chirurg. pag. 211. & ego in prima meæ chirurgiæ editione cap. de perinæi punctura , & forte adhuc alii ante GARENGEOTVM , jam dudum eam commendavimus : CHIRACVM quoque archiatrum regium , hanc methodum certius suppressæ urinae , quam puncturam vulgarem , mederi statuisse MORANDVS docuit in Memor. Acad. Reg. 1731. mihi pag. 213. Ita & TOLETVS jam pro hac cura commendavit *acum ejusmodi apice triangulari* , sed sine cannula , pag. 201. , quam etiam pag. 208. delineavit : qua tam in hoc loco , quam in hypogastrico vesicam perforari apte posse docuit . Quia vero cannula , recepta acuilla , difficulter per vulnus in vesicam demittitur , præstat , mea quidem sententia , ea acus , ubi cannula simul cum acu intruditur .

V. DENYSIVS , Lithotomus Leidensis , hoc urinam e vesica educendi artificium adhuc emendare studuit . Nam , se observasse , dicit , quod demissa acus illa cannulata vulgari ad vesicam , chirurgus sæpe satis certus esse nequeat , an revera in vesica sit ; adeoque acum profundius , quam par est , impellere atque sic vesicam etiam in posteriori sua parte cum mortis periculo perrumpere possit . Quare ad errorem hunc evitandum se excogitasse aliam figuram acus ejusmodi fistula argentea inclusæ , quam hic ex illo Tab. XXXII. fig. 3. 4. 5. exhibere volui (a) : quæ ceteroquin cum vulgaribus & supra delineatis in plerisque rebus convenit . Verum in tubulo sive fistula fig. 3. & 4. circa partem superiorem AA tria , quasi in corona sunt oscula aut foramina , ( quorum tamen in hoc situ duo tantum sunt conspicua ) totidemque , eadem fere ratione constituta , circa partem inferiorem BB ; quæ vero in fig. 3. alium ob situm , ob laminam scilicet CC conspici nequeunt . In fig. 5. autem , quæ acum sive clavum extra fistulam repræsentat , notandum , quod quidem in parte suprema a cuspide ad litt. usque DD , sicut aliæ ejusmodi acus , conformata sit , teres scilicet infra cuspidem triangularem ; verum a litt. DD usque ad principium manubrii EE triangularis prorsus lateribusque excavatis ; quæ latera trianguli hujus D E cum foraminibus fistulæ respondere debent , quando acus in eam demissa est : quo fit , ut simul ac acus fig. 3. in vesicam depressa sit , urina per oscula superiora AA intret , & per inferiora mox rursus effluat ; quo ipso acum vesicam ipsam intrasse certo cognosci posset ; hoc perspecto acum , relicto tubulo in vesica , recipi , urinamque tunc per eum , ut alias evacuari . De simili fere quoque acu corpore triangulari & cannula ejusmodi foraminulis duobus pertusa , TOLETVM loqui memini lib. de Lithotom. cap. XXI. pag. mihi 212. quæ aliis in usu esset ; sed priorem tamen suam , quæ a latere sulco instructa est , huic præfert ; quamvis rationes ejus mihi non satis sufficere videntur .

VI. Nonnulli auctores , ut TOLETVS & COLOTVS in libris suis de Lithotomia , sæpius hætenus citatis , alique modum proponunt , punctiōnem peritonæi instituendi ad *normam fere magni sic dicti apparatus* , in quo , ægro , ut jam indicavimus , rite disposito , catheterem sulcatum in urethram eoque immittunt , donec ad obstaculum illud in urethra perveniunt , quod catheteris consueti ulteriorem progressum impedit ; id quod plerumque circa cervicem vesicæ esse solet . Postea scalpello lithotomo , eadem ratione eodemque perinæi loco , ut in magno apparatu , urethram incidunt , donec apex scalpelli in sulcum catheteris pervenerit ; sed vulnere non adeo amplo , ut in calculi sectione ;

*Punctura perinæi ad modum magni apparatus.*

(a) Eandem ob rationem TOLETVS etiam acum cuspide triangulari & in latere sulcatam se excogitasse ait loco modo citato .



ne ; atque sic ex urethra virili femininam quasi faciunt . Hoc peracto ductorem caniculatum (*gorgeret*) per reliquam brevem urethram sive cervicem vesicam demittunt , atque simulac hic in eam pervenit , urina per hujus canalem effluit ; id quod ductorem in vesicam revera pervenisse certo indicat . Urina evacuata per canalem hujus ductoris tubulum in vesicam immittunt , & , ut antea dictum est , in ceteris procedunt (*a*) . Ambo modo laudati Auctores affirmant , incisa urethra prope cervicem , & evacuata per hanc viam aliqua sanguinis copia , vesicæ sphincterem & prostatam brevi inde ita relaxari , ut non solum catheter , verum & tubulus aut ipse etiam ductor canaliculatus in vesicam , haud adeo magno negotio , demitti queat , recensetque COLOTVS multas a se peractas hac ratione curationes , non solum pro ischuria vesicæ , sed etiam pro ulceribus & fungis vesicæ curandis (*b*) . Attamen pro simplici ischuria tollenda antea descriptos modos N. III. & IV. præstantiores , securiores minusque dolorificos esse existimo : quia ferramentorum per angustissimum vesicæ cervicem immissio graviores dolores concitare videtur , quam si ferramenta & cumprimis acus cuspide triangulari donatæ in corpus ipsum vesicæ immittuntur .

Quarta punctura metho-  
dus ad modum altæ  
operationis .

VII. Egregia denique eademque promptissima operandi ratio ad modum altæ operationis instituenda , hæc mihi videtur . *Acus sive clavus chirurgicus tubulo inclusus , modo laudatus , supra pubis ossium juncturam , hoc est , ea parte quæ in curatione calculi , per altum apparatus instituta , solet incidi , in anteriorem corporis vesicæ partem provide deprimitur , receptaque acu , per tubulum , in plaga relictum , urina emittitur . Tubulus circum corpus gnaviter & alligatur & obturatur , ut , pro re nata , non emitti solum , sed contineri etiam urina valeat ; donec nimirum sublatum malum est , a quo reddendæ urinæ difficultas fuit suborta . Namque eo facto tubulus recipitur factumque abdominis vulnus per adhibitum copiavæ balsamum , superimposito linamento & emplastro , glutinatur . Quantumvis autem raro hæcenus adhiberi a chirurgis hæc operandi ratio hoc in morbo soleat , tamen nihil omnino impedit , quo minus nos cum ROSSETO (*c*) , RIOLANO (*d*) , TOLETO (*e*) , aliisque commodissimam atque præstantissimam eandem pronunciemus . Quemadmodum enim ex Anatomicorum experimentis , vesica per aquam vel aerem distenta , patet , absque omni periculo perforari partem illam posse ; sic præter modo laudatos , TVRBIERVS , chirurgus Parisiensis , teste COLOTO (*f*) urinam feliciter hic eduxit , ac postea MERIVS quoque identidem & quam felicissime operandi modum istum apud Parisinos jam dudum aliquoties adhibuit (*g*) , eumque etiam DOUGLASSIVS (*h*) & MIDDLETONVS (*i*) tamquam faciliorem minusque periculosum , quam qui in perinæo fit , commendant .*

Quid post  
operationem  
fieri debeat .

VIII. Nonnumquam præsertim in natu grandioribus , itemque illis , qui a vesicæ fistulæve in urethra collo , prostaticis scirrhis induratis ; calculo valde magno ,

(a) SAVIARDVS se simili ratione egisse refert observat. 71 ; sed loco ductoris canaliculati se cathetere rectum , quali pro feminis utimur , per vulnus & cervicem in vesicam immisisse , atque per hunc urinam eduxisse .

(b) Cap. de suppressione urinæ pag. 218.

(c) Lib. de partu Cæsareo pag. mihi 263.

(d) Anthrographia pag. 149. & pag. 816. itemque in Enchirid. anatom. cap. XXX. ubi de vesica agit .

(e) Lib. sæpe citato , cap. 21.

(f) Lib. de lithotom. pag. 45.

(g) Hist. de l'Acad. des sciences an. 1701. pag. 378. & GARENGEOT. operat. chirurg. edit. I. Tom. I. pag. 94.

(h) Lithotom. Douglass. pag. 75. & 105. edit. II. ejusque Syllabo oper. chirurg. p. 32.

(i) Lib. de alta operat. pag. 52.



gno, vesica paralytica, aut pertinaci malo quodam alio, urinæ difficultatem sentiunt, quando mali causa tolli nequit, per omnem vitam gestari fistula argentea in vesica debet; attamen his in casibus hæc *fistula cochlea claudi* potest ac debet, ne urina præter voluntatem effluat, sed quando ægro eam evacuare lubet. *Ubi vero non nisi a caruncula seu cicatricula* quadam urinæ iter est præclusum, tum, post confectam vesicæ perforationem, opera danda est, ut per insertum filum quoddam cereum aut specillum plumbeum, ceu supra (cap. CXXXVIII.) positum est, naturalem urinæ viam suam paulatim repetat, demtoque tandem tubulo decenter, quemadmodum in calculi curatione præscriptum est, vulnus coalescat. *Si carnes putridæ aut fungi* in vesica, injectionibus detergentibus & suppurantibus sæpe tolluntur (a); sed præstat tunc vesicam potius in inferiori, quam superiori parte incidere. Denique *si paulo gravior inflammatio vesicæ collum infestavit*, urinamque naturaliter reddi prohibuit, necessarium utique videtur, post confectam operationem, sanguine per venas affatim detracto, adhibitis item clysteriis, cataplasmatibus denique digerentibus, super inferiorem atque superiorem vesicæ partem diligenter impositis, internisque medicamentis haud neglectis, tempestivam ejus, quod coit vel induruit, resolutionem tentare. Cetera etenim eadem fiunt, quæ de vulneris glutinatione hætenus proposuimus. *Tumoris autem atque inflammationis resolutio* nisi ante diem tertium fit, raro admodum sanescere ægri consueverunt.

IX. In urinæ retentionibus sæpe quoque *incidere vehementes simul scroti in* *Observationes quædam.* *inflammationes solent*, quæ haud raro in magnos abscessus, imo & in gangrænam scroti desinunt; quemadmodum præstantissimus quondam lithotomus COLOTVS libro de lithotomia plures notatu dignissimas affert observationes, & præsertim pag. 236. 240. & seq. His in casibus præ omnibus urinam per vulnus, in perinæo factum, esse educendam docet; deinde vero scrotum ad testiculos usque, ubi gangræna est, incidendum, ut nihil sanguinis, quod hic subsistat aut quiescat, relinquatur, atque forte uberius corrumpatur: partem vero læsam deinde digerentibus & balsamicis, ut alias in his malis fieri solet, tractandam. Fistulam argenteam in pene, dum curatio durat, conservat, ne urina per vulnus in partes læsas influere atque dolores aliave mala ibidem inducere queat. *In casibus ubi tota urethra facta erat callosa & angustissima*, ut nullum prorsus catheterem recipere posset, urethram in perinæo incidit sine cathetere immisso, deinde stilum per cervicem in vesicam intrusit, callum laceravit, suppurationem largam produxit, eoque ipso eum resolvit, & partes has in statum naturalem restituit pag. 241. 245. & seq. *& si quæ in perinæo fistulæ simul aderant, quemadmodum hoc aliquoties erat, eas adurendo curavit.* Denique monendum est, mature vel *justo saltem adhuc tempore ejusmodi curationes esse instituendas*; nam nisi hoc fiat, ægrique jam nimis debiles sint & confecti, frustra deinde sæpe omnis solet esse medela: id quod COLOTVS egregiis confirmat observationibus pag. 250. & seq.

## CAP.

(a) COLOTVS hujus rei varias faustas curationes recenset, l. c. p. 235. & seq. itemque pag. 273. 277. conf. de *fungis vesicæ* TOLET. pag. 206.



## C A P. XXXIV.

*De fistula perinæi.*

*Que sit fi-  
stularum ha-  
rum natu-  
ra.*

I. **A**CCIDERE quandoque solet, ut vel post calculi per scalpellum curationem, vel perinæi aut vesicæ puncturam; vel & propter abscessum aliquem in perinæo circa urethram &, ut nuper vidi, propter scirrhum prostaticæ glandulæ, similemque noxam aliam, aut & propter ægri pravum habitum vulnus inflatum vel ulcus glutinari nulla ratione queat, sed ejusdem oræ indurescant fistulamque sic efficiant, atque ita urinam maxima cum molestia loco valde incongruo transmittant; quam illo loco *ἑποπυάδα* Græci vocant. (a) Interdum quoque in perinæo a malignis abscessibus istiusmodi fistulæ subnascuntur, quæ sub cute inter pinguedinem hinc inde ad ipsum usque intestinum rectum, vel scrotum etiam, sed salva tamen persistente urethra, discurrunt: quæ verò, quia urinæ nihil quicquam emittunt, fistulæ urinariæ non sunt, sed ea ratione curari possunt atque debent, quam generatim de fistulis supra proposuimus. Solent autem prioris generis fistulæ inde sæpe pronasci, sicubi vel *turunda* atque *tubuli* secus, quam fieri decebat, vel saltem diutius quam par est, in curatione vulneris, post eductum calculum relictæ, *adhibentur*; vel si a grandiori eodemque inæquali calculo perinæi partes quædam graviter distenduntur, lacerantur atque perrumpuntur; vel denique *si quis calculus intus in urethra hærescit*, eam obstruit, paulatimque urina partes urethræ proximas atque ipsam cutem acrimonia sua exedit, præsertim si ægri ceteroquin mali sint corporis habitus.

*Prognosis.*

II. Ad fistularum igitur earundem curationem quod attinet, observari meretur, eandem, pro vario corporum ægrorum habitu, ipsiusque mali gravitate, utique esse variam. Quoties enim cunque vel nimis ampla fistula est, & pars urethræ larga excidit, vel pessimi habitus atque debilis homo est; sane vel difficulter admodum, vel plane nunquam etiam curari noxa ista haud raro solet. (b) Similiter quo dura magis atque inveterata fistula est, hoc difficilior callus tollitur, eo quoque difficilior ac rarius ægri hi ad sanitatem redeunt. Contra vero quo minor atque angustior, quoque minus item indurata fistula est, quo æger est magis juvenis, quo denique melioris habitus est, hoc feliciter quoque ac promptius ipsa curatio procedit. *Si scirrhus simul adest in glandula prostatica*, fistula hæc non curatur, nisi prius curato aut resoluta scirrhus: id quod vero difficillime succedere usu didici.

*Curatio.*

III. Potest autem fere duplici modo *fistularum harum curatio* institui. Namque i. turundam, tubulum, aut si quid forte aliud intus continetur, quod fistulam fecit, protinus remove convenit. Tum, ægro super lectum aut subfellium ita deposito, quemadmodum fit in calculi curatione, indurata fistulæ latera, quam subtilissime fieri potest, excendantur, adhibitoque pulvere aut balsamo etiam vulnerario, per emplastra glutinosa longa atque angusta, splenia item angusta, utrimque superimposita, quam exactissime vulnus constringatur. Eo facto ægrotus, lectulo impositus, genibus vinculo comprehensus, strenue conquirere jubeatur: quo nempe facilius oræ vulneris invicem coalescant. Primis post operationem diebus vel nullus omnino, vel parcissimus saltem potus

(a) Vid. CELSUM Lib. VII. cap. 26. n. 2.

(b) Hac de re etiam jam egit CELSVS Lib. VII. cap. 27.



tus præbeatur ; ne urinam sæpius excernere cogantur . Vinctura non nisi post alterum tertiumve diem innovetur , quando æger tamdiu urinam continere potest . Vulnere maximam partem ita glutinato , haud abs re fuerit , ægro , quem admodum fieri in curatione vulneris calculosorum solet , permittere , ut præsertim si juvenis adhuc est , leniter sensim obambulare incipiat . Nisi enim nimis maligna sit fistula , spes utique est , fore , ut ad sanitatem pristinam ægrotus tunc redeat . 2. Altera fistulam , quæ in perinæo est , curandi ratio sic fere comparata est . Oræ fistulæ induratae , Medici callum vocant , medicamento rodente applicato extirpantur , ipsumque vulnus , crusta per unguentum basilicum vel digestivum diligenter remota , balsamo vulnerario atque emplastro glutinoso adhibitis , eo modo glutinatur , quem modo jam tum descripsimus . Atque ad medicamenta quidem rodentia quod attinet , commendari præ ceteris hic merentur trochisci de minio , (a) itemque lapis causticus vel infernalis ; vel mercur. præcipitat. alb. cum ARCÆI balsamo permixtus , vel etiam in recenti emplastri vesicatorii frustulum immissum , quod CHESELDENVUS adhibere solet , teste DOUGLASIO , in Hist. lateral. operat. append. p. 19.

IV. Ceterum observasse hic expedit , fistularum , quæ perinæum affligunt , curationem lente admodum quandoque procedere ; præsertim si paulo amplior fistula est ; si duræ fistulæ oræ non satis accurate sunt excissæ vel exesæ ; si denique homines ægri non satis diligenter conquiescant , neque juxta vietus rationem servant . Quodsi ergo , propter has atque id genus alias rationes , factis licet iis omnibus , quæ hætenus hanc in rem proposuimus , nondum liberati a noxa ista pessima ægrotantes valeant , quin fistulæ oræ denuo indurescant ; necessarium utique videtur , idem curationis negotium denuo iterare , donec tandem ægro perinæi pars consanuisse reperiatur . Nonnumquam 3. feliciter fistulæ sanescunt , ubi , exciso eo , quod intus induruit , cruentæ vulneris oræ sutura quadam convenienti , hoc est , unico pluribusve vinculis lineis , pro re nata , injectis , gnaviter constringuntur : reliquis eodem modo factis , quem supra descripsimus , filamentisque simulac cohærescere vulneris oræ sentiuntur , concisis atque denuo extractis . Quandoque etiam 4. opus est , ut , durante curatione , catheter cavus in vesica & urethra contineatur , quo omnis urina per hanc effluat , eaque sic a vulnere , cujus glutinationem magnopere impedit , avertatur . (b) Denique si paulo angustæ perinæi fistula est , quam ut tractari commode prædictis rationibus queat ampliari eadem vel per insertam spongiam aliquam præparatam , vel per adhibitum scalpellum debet . Memorabile gravioris ejusmodi fistulæ exemplum aliquod felicissimamque ipsius curationem suturarum potissimum ope peractam alias , si Deus voluerit , in observationibus nostris sumus descripturi .

V. Hætenus quadruplicem fere perinæi fistulas curandi rationem explicavimus : superest , ut breviter , quid de quinto fistulas tractandi artificio , quod *Cura palliativa* palliativum vocare solent , statuendum sit , exponamus . Scilicet spectare huc videtur instrumentum illud , quod a NVCKIO (c) atque SOLINGIO (d) eum in finem , a me vero contra urinæ incontinentiam Cap. 136. ex VINSLOVII commendatione est propositum (e) , ut continuâ urinæ per fistulam destillatio , dum

(a) Vel illi trochisci , quos TOLETVS cap. XXIII. pag. m. 246. commendat , ex pulvere , qui in fundo aquæ phagædenicæ reperitur , parati .

(b) Hoc COLOTVS sæpius & cum successu , variis in urethræ plagis difficulter alias sanandis , se fecisse refert , l. c. cap. de urinæ suppressione .

(c) Vid. Ej. libellus de encheiridibus vel artificiis chirurg. fig. XI

(d) Vid. Ej. chirurgia , edit. Batav. Tab. VII. fig. 16.

(e) Vid. Tab. nostra XXVI. fig. 10.



dum ab eo comprimitur, clauditur, & quasi obturatur, impediatur, atque ita malum, quod extirpari haud omnino potest, aliquo saltem modo mitigetur: sed, ne quid ego dissimulem, instrumentum illud neque satis certe, neque satis commode, hoc in malo applicari ægris posse, ipse rerum usus docuit: quia urina facile præterlabitur. Interea valeat, quantum possit.

### *Explicatio Tabulae trigesimæ secundæ.*

**Fig. 1.** Ostendit *vesicam humanam* e corpore virili, a parte anteriori, in qua variæ eminentiæ cavæ, sive foveæ aut cellulæ, inflata vesica, conspici potuerunt, quales sæpe pro calculorum diverticulis inservire possunt. Litt. AAAA ostendunt ipsam vesicam figura naturali pyriformi.

B est glandula prostatica, cervicem vesicæ ambiens, filo juxta urethram contracta.

C cavea seu fovea præter naturam major, e dextro & posteriori vesicæ latere prorumpens.

D minorem ejusmodi caveam denotat.

E diverticulum ejusmodi ostendit e sinistro & posteriori vesicæ latere prodeuns.

F simile diverticulum in fundo vesicæ proveniens.

a a a vasa sanguifera, quæ hic se ostendebant, aliquo modo indicant.

**Fig. 2.** Eandem ostendit *vesicam a parte posteriori consideratam*.

AAAA vesicam ipsam, ut in præcedente figura, designant.

B glandulam prostaticam.

CDEF diverticula eadem, quæ his litteris in præcedenti figura indicata sunt, quomodo a parte posteriori se visui exhibuerant.

GGGG minora diverticula, qualia in parte anteriori non aderant.

a a a a vasa sanguifera hac in parte conspicua ut in priori.

**Fig. 3.** *Acus triangularis in fistula argentea inclusa DENYSII*; quæ a vulgaribus in eo differt, quod circa partem superiorem, in cannula sive fistula AA tria adsint foraminula sive oscula, quorum duo hic conspiciuntur, tertium vero in parte posteriori latet, per quæ urina in fistulam intrare potest. B cuspis triangularis; CC lamina cannulæ sive tubuli duobus foraminulis instructa. D manubrium.





**Fig. 4.** *Solam cannulam sive fistulam hujus ferramenti ostendit*: AA foramina sive oscula cannulæ superiora, ut in fig. 3. BB autem similia indicantur oscula circa partem fistulæ inferiorem, per quæ urina rursus effluit; quæ vero in fig. 3. ob alium situm propter laminam CC conspici nequeunt.

**Fig. 5.** *Acus sive clavus ferreus nudus* atque e fistula fig. 4. extractus ostenditur. DD pars suprema infra cuspidem, quæ rotunda sive cylindrica est, ut fistulæ accurate se accommodet; pars vero a D D ad principium manubrii E E, triangularis, & lateribus paululum excavatis est, quæ urinæ transitum præbent. F manubrium. Uberior explicatio videri potest Cap. CXLIV. §. V.

**Fig. 6.** *Calculus representatur peculiaris & figuræ & magnitudinis*, quem alto apparatu satis facile extraxi. Pondus habuit quatuor fere unciarum, quem propterea etiam hic exhibeo, quia nonnulli perhibent, calculos paulo majores alto apparatu educi non posse.

AA pars amplissima ejus, quæ situm habebat versus cervicem vesicæ. B parva eminentia, quæ ori urethræ insisteret; C pars ejus superior quæ vesicæ fundum respiciebat.





Fran. Sesone Sculp.







Fig. 7. Indicat catheterem argenteum , rectum & cavum , pro feminis , peculiar-  
rem & diversum ab eo , quem supra exhibuimus Tab. XXVII. fig. 1. AA  
sunt annuli duo circa manubrium ; B foramen in latere circa extremum ,  
quod in vesicam demittitur , ex parte hoc in situ tantum conspicuum ; cui  
simile in altero latere respondet .

CCC sulcus in parte convexa , variis usibus destinata , & cum primis ut hu-  
jus ope vel ductor mas in vesicam , ubi opus est , commode impelli , aut  
scalpellum , quando forte cervix vesicæ incidenda eo , quemadmodum in aliis  
catheteribus sulcatis , securius duci queat ,

*Quomodo curari debeant istæ noxæ , quæ naturalia  
feminarum infestant .*

C A P. XXXV.

*Quomodo curari debeant feminae , quibus  
naturalium oræ inter se sunt glutinatae .*

I. **S**OLENT quandoque istiusmodi puellæ nasci , quæ propter glutinatas in utero *Mali natura*  
materno naturalium oras , urinam emittere haud quaquam possunt ; id quod *triplex*.  
inde plerumque patet , quando primis a partu diebus haud mingunt , sed per-  
petuo clamant ; & quibus proinde brevi pereundum esset , nisi tempestitiva per  
scalpellum curatio adhiberetur : nam vel mingendum est , vel moriendum .  
*Aliæ aperturam quidem habent exiguam pro urina vel libere , vel cum magna*  
difficultate & non nisi guttata (a) emittendum ; attamen os vaginæ uteri vel  
hymenis , quod vocant , *membrana* , vel alia quadam præter naturam clausum  
est ; quo fit , ut quando adolescunt & ad annos pubertatis , quibus menstrua  
fluere debent , perveniunt , hæ nec concubitum admittere , nec menstrua pro-  
dire possint , sed a sanguine in vagina collecto , subinde dolores sævissimos ,  
tumores ventris , animi deliquia , quandoque deliria aliaque gravissima mala  
patientur , sicuti plures notarunt auctores (b) , unde tandem hoc malum pru-  
dentibus Medicis demum innotescit : quibus *atrete* vel *imperforata* etiam voca-  
ri ejusmodi puellæ consueverunt . ARISTOTELI hoc malum etiam jam co-  
gnitum fuisse , ex eo patet , quando scribit : (c) „ *Feminis nonnullis os uteri*  
„ *ab ineunte atate ad tempus usque menstruorum compressum concorporatumque per-*  
„ *severavit , mox urgentibus menstruis , doloreque infestante , aliis sponte disruptum*  
*Heisteri Chirurgicæ Tom. III.* L1 „ *est,*

(a) Tale exemplum describit ROONHVYSIVS lib. II. observat. cap. de clausura uteri obs. I.  
pag. 114. edit. Amstel.

(b) Inter quos sunt BENIVENIVS , lib. de abdit. morbor. caus. cap. 28. CABROLIVS , obs.  
anatom. 23. FABRIC. AB AQUAP. in oper. chir. cap. de hymene imperforato HILDANVS Cent.  
III. obs. 60. SCHENCKIVS Lib. IV. de part. genital. SOLINGEN. in obs. V. ROONHVYS. obs.  
chir. p. 124. MEEKREN obs. chirurg. 55. MAVRICÆVS in obs. de morb. gravid. 231. 495.  
RVYSCHIVS obs. chir. 32. SAVIARD. obs. chirurg. IV.

(c) De generatione animal. Lib. IV. Cap. 4.



est, aliis dissectum a Medicis (a). Nonnullæ interierunt, cum aut per vim disrumperetur, aut disrumpi non posset. Aliæ denique etiam sunt feminæ sive puellæ, quibus os vaginæ membrana quidem clausum est, attamen foramen ea habet, vel etiam interdum diversa foraminula (b), per quæ menstrua suo tempore prodire quidem possunt, sed concubitus tamen eamittere nequeunt: id quod plerumque tunc demum, quando nubunt, cognoscitur.

*Variationes  
quadam.*

II. Malum ipsum præterea & præsertim prius in variis puellis solet esse variū. In quibusdam enim vestigium aliquod sive indicium apparet ejus foraminis sive meatus, ex quo naturaliter emitti lotium debebat, & qui simul ad vaginam uteri utrumque ipsum ducit. In aliis contraria ratione res sese habet, nihilque ejusmodi observatur; quæ proinde, quia nimis crassa ac densa carne clausæ sunt, aut vagina forte simul coalita, vel nunquam vel saltem longe difficilius sanationem recipiunt. Rursus in aliis recens natis urina abundans & in vagina forte collecta, vel in adultis, ubi urinæ quidem iter patet, sanguis menstruus insigniter quandoque pudendi labia distendit atque sic naturalem & vaginæ & urinæ viam demonstrat, quemadmodum id plerique modo citati auctores observarunt. Interdum hoc in utero matris evenit, adeoque connatum; sicuti præter ARISTOTELEM etiam CELSVS jam notavit (c); sæpe vero demum oritur in adultis post exulcerationem quandam oris vaginæ & in primis post partum difficilem, quando in eo hæ partes vel vehementer dilacerantur, inflammantur, aut exulcerantur, & postea oræ vel omnino coalescunt (d), vel solum tam exiguum foraminulum relinquitur, ut quidem sanguinem menstruum, transmittere valeant, sed virum tamenmittere non possint (e). Igitur quia in recens natis subinde lotii impedit excretionem, in adultis vero 1. fluxum menstruorum, 2. concubitus, 3. conceptum, & 4. partum; ejus curatio valde est necessaria.

*Diagnos. &  
prognosis.*

III. Cognoscuntur hæc vitia in recens natis primo, si primis diebus, ut jam dixi, non mejunt; ac deinde visu & tactu, in adultis vero, ubi os vaginæ membrana quadam omnino clausum, defectu menstruorum, doloribus vehementibus in pube, lumbis, ventre, pallido faciei colore, ventre tumido, &c. optime vero tandem atque certissime, quia omnia prædicta indicia fallere possunt, tactu & visu (f); sed in eis ubi parvum foraminulum in membrana hymenis, ut menstrua transire possint, tunc, quando nubunt aut concubunt, ex valde impedito ac difficili aut imperfecto concubitu, quando scilicet ejusmodi puellæ in concubitu penem recipere nequeunt. Quod ad prognosin attinet, si naturalium oræ tenui membrana aut hymene clausæ sunt, sæpe hæc a cole virili in concubitu disrumpitur; vel si hic forte non sufficiat, curatio per scalpellum chirurgus satis facilis est. Sed si hic coalitus est fortis & profundus, adeoque ope crassæ substantiæ carniæ, difficulter curatur; quia non solum facile vesica vel intestinum vicinum lædi potest, quemadmodum hoc ROONHVYSIO aliquando, ut ipse fatetur, contingit (g); verum etiam curatio, ut satis ampla  
via

(a) Intelligi ex his potest, quam antiqua jam sit hæc curatio, & quam experti ac prudentes jam Medici eo tempore in curandis ejusmodi malis fuerint.

(b) Exemplum ejusmodi recenset HILDANVS, cent. III. obs. 60.

(c) Lib. VII. Cap. 28.

(d) Id quod ROONHVYS. vidit. l. cit. pag. 125. obs. 2.

(e) Exempla legi possunt partim in modo citatis auctoribus, & præterea in PLATERI prax. med. P. I. Lib. 2. Cap. 17. BAVHINI anatom. Lib. 1. Cap. 49. FORESTI obs. Lib. 28. obs. 55. BECKERO in Pædiocætonia inculp. pag. 35. & seq. qui hoc malum etiam ab exulceratione a variis inducta notavit. NOLET. observ. curieuses obs. 13. p. 46.

(f) Curavi aliquando virginem, ubi omnia prædicta signa cum magna clausionis vaginæ suspicionem aderant: attamen visus & tactus docebant, hoc vitium non adfuisse.

(g) Vid. ejus observ. Lib. II. observatio, de uteri clausura, sexta.



via conservetur , non adeo facile succedit , sed sæpe multum laboris requirit .

IV. Ut quis ergo *prudenter atque feliciter tractare istud mali genus* queat , ne- *Curatio ubi  
membrana  
clauditur .*  
cessarium utique videtur , noxæ hujus indolem atque conditionem quam dili-  
gentissime prius circumspicere . Si quod enim itineris urinæ atque vaginæ ute-  
ri vestigium adest , adeoque tantum membrana hæc via clausa est , incidere  
membranam istam , quæ vel urethram & vaginam , vel alterutrum occludit ,  
scalpello , vel linea recta , a parte superiore ad inferiorem , vel ut CELSVS  
docet ( a ) , duabus lineis inter se transversis , ad similitudinem litteræ X ,  
convenit , ad normam ejus foraminis , quod naturaliter inesse feminarum  
naturalibus consuevit , aut *si foraminulum vel in parte oris vaginæ superiori vel  
inferiori adest* , forfice ; aut etiam , specillo falcato prius immisso , scalpello  
falcato ( b ) , cavendo ne urinæ iter , multo minus ipsa vesica violetur : dein-  
de undique illam membranam , si opus esse judicatur excidere . Posthæc tu-  
rundula quædam conveniens basilico seu digestivo unguento primis diebus inun-  
cta , in plagam istam inferenda , & ne excidat , fascia firmanda postea un-  
guento exsiccante , ut de cerussa vel diapomphilos , turundula illinenda , idem-  
que per aliquot dies & tamdiu faciendum , donec nullum novæ cohæsionis peri-  
culum superest . *Quod si vero membrana crassa sive caro increvit & nullum omni-  
no viæ naturalis vestigium subest , qua parte uteri vagina delitescat* , digito an non  
cavum sive meatus vaginæ post hanc percipi queat , curiose explorandum est ;  
eoque explorato , locus signandus , scalpelloque linea recta , ut antea dictum  
est provide adhibito ampla satis plaga , incidendus : tum ab ora , vel volsella vel  
hamo apprehensam , tanquam habenulam , ut via ampla fiat excidere ( c ) .  
Reliqua eadem sunt quæ modo præscripsimus , nisi quod circa finem , quando  
jam ad sanitatem tendit *plumbea fistula* eaque satis ampla , medicamento cica-  
tricem inducente , illita , intus danda sit , eodemque medicamento plaga fo-  
venda , donec ad cicatricem perveniat .

V. Nonnunquam *recens nuptæ* , vel & quandoque aliæ in matrimonio jam *Curatio ubi  
os uteri ni-  
mis angu-  
stum .*  
viventes *mulieres usque adeo angusto vaginæ osculo a natura sunt instructæ* ( d ) ,  
vel per exulcationem quandam id sibi vitium contraxerunt , undecunque etiam  
illa orta sit , ut colem virilem adeoque & concubitum admittere haudquaquam  
valeant ; quamvis per hoc sanguis menstruus excerni queat . Oportet autem ,  
quemadmodum egomet haud infelici experimento in ejusmodi casu , sartoris  
cujusdam uxore aliquando feci ( e ) per adhibitum scalpellum & in lateribus &  
in parte inferiore , profundis satis plagis , resectisque oris supervacaneis , de-  
center foraminulum angustius amplificare , prouti quidem chirurgus id commo-  
dissimum atque ægræ utilissimum videtur , ac deinde amplam turundam una  
cum linamentis aridis contortis immittere . Deinde in sequentibus deligationi-  
bus , quæ quotidie , proximo a sectione die excepto , bis fieri debent , ne a  
retenta materia & sordibus foetor nimis molestus oriatur , vulneris inflicti late-  
ra balsamo vulnerario immisso , postea idoneo pessa , præsertim vel ex spongia  
præparata , vel eo radicibus intumescantibus , ut tanto melius diducantur ,  
tamdiu fovenda sunt , donec ad sanitatem tendant ; denique *plumbea fistu-  
la satis ampla* , similique medicamento , ut modo dixi , illita , quotidie &  
tamdiu intus demittenda , donec fanescant , neque coalescere rursus valeant

L l 2

Quan-

( a ) Loco modo citato .

( b ) Ita HILDANVS facit vid. obs. 61. Centur. 3.

( c ) Si forte ejusmodi in casu sanguis largius fuit . CELSVS linamenta implicita immittenda  
aceto prius tingit & tertio demum die fasciam solvit .

( d ) Exempla habent HILDANVS Cent. 3. obs. 60. & SAVIARDVS obs. chir. 32.

( e ) Ejusmodi etiam exemplum refert HILDANVS Cent. III. obs. 60. ubi maritus jam de di-  
vortio cogitabat , mulier vero curata est .



*Quando vero os vaginae non quidem a die natali, sed ab ejusmodi causis externis, quas supra §. III. retuli, valde costrictum atque ita angustatum est, ut penem admittere nolit, quale exemplum & ego paulo post in cantoris cujusdam uxore, a partu difficillimo ortum, vidi, eadem ratione, quam antea descripsi, procedendum, ita enim feliciter curationem & in ea quoque perfeci. Similem fere casum refert SAVIARDVS observat. chirurg. XXXII. pag. 149.*

*Peculiare curationis exemplum.*

VI. Singulare admodum exemplum, præter supra jam indicatum, adhuc refert CABROLIVS (a) de peculiari quadam atreta, octodecim quasi vel viginti annos nata, ubi urinæ iter crassiuscula membrana occlusum erat, atque omnem urinam per umbilicum, (ac verisimiliter per urachum) qui in cristæ sive rostri galli indici similitudinem, longitudine quatuor digitorum, prominebat & dependebat, constanter emittebat, id quod magnum & fere intolerabilem, urinæ quasi putridæ, fœtorem concitabat. Ad hoc duplex & molestissimum malum sanandum CABROLIVS primo membranam illam crassam, itineri urinæ protensam, incidebat, & pro transitu urinæ libero conservando, fistulam plumbeam per hunc meatum ad vesicam usque demittebat. Altero die ad umbilici vitium curandum procedebat, ubi parti illi ad umbilicum prominenti, per quam urina huc usque profluebat, ligaturam filo forti ceraque obducto ita, ut in vulgari hernias, secandi ratione fieri solet, injiciebat, eam infra ligaturam refecabat, ferroque deinde adurebat, & post crustæ lapsum partem læsam mundabat, siccantibusque, ut alias in ulceribus mos est, cicatricem inducebat, id quod duodecim dierum spatio contingebat: quo perfecte puella curata erat. „ Si igitur ejusmodi casus denuo inciderent, eadem ratione curatio, omissa „ solum unctione, utpote minus hic necessaria, ægris tamen & adstantibus utplurimum valde terribili, institui commode posset.

## C A P. XXXVI.

### *Quomodo aperiri ipsa vagina profundius occlusa debeat.*

*Mali naturalia.*

I. PRÆTER malum modo expositum accidere nonnunquam in sexu feminino solet, ut non tam urinæ iter aut labia sive oræ pudendorum clausæ sint, sed potius membrana quadam præter naturam profundius vaginam occupet, vel parietes ejus omnino conserbuerint, præclusaque sic ipsa vagina efficiat, ut non sanguinis tantum menstrui fluxus in adultis impediatur, sed instante præsertim menstruo fluxu eadem, ac in præcedenti malo, ratione acutissimi quoque ventris & coxarum dolores, ventrisque tumores una cum nausea, macie, vigiliis, reliquisque supra indicatis malis, imo ipso aliquando furore inde suboriantur. Quandoque hoc malum ex utero matris habent; sæpius autem causam externam & præsertim partum difficilem, prægressa violenta vaginae laceratione, ac inflammatione (b), aut suborta aliunde prius exulceratione sequitur (c). Sæpius ejusmodi membrana haud adeo procul ab ore vaginae existit, quandoque circa me-

(a) Observat. anatom. XX.

(b) Exempla refert ROONHVYSIUS l. citat. pag. 125. & 129.

(c) Ita enim BENIVENIUS a lue venerea quoque hoc malum ortum esse notavit, lib. de abditis morbor. causis, Cap. 31. BECKERVS vero a variolis, loco capite præcedenti citato.



*medium (a)*, interdum vero *profundius in vagina* deprehenditur. Interdum *tota vagina*, sæpius magna ejus pars concreta aut saltem crassa carne oppleta est; & si hæc concretio profunda, difficilis & periculosa subinde est curatio: quia facile vel vesica vel intestinum rectum, ut supra jam capite præcedenti §. III. dixi, violari aut perforari potest. Quandoque membrana non totam vaginam claudit, aut parietes non in totum coaluerunt, sed foramen pro mensium transitu reliquum est. Tametsi autem istiusmodi feminarum naturalia concubitus perfectum haud admittant, & propterea novi conjuges, præsertim si ad superstitionem paulo sint proclives, tunc sæpe credant, se nescio quibus artibus malis aut fascinos affectos esse, vel maritus etiam existimet, feminam ad matrimonium sive generationis negotium ineptam esse, atque subinde jam de divortio cogitet, sæpius tamen observatum est, licet penis in vaginam immitti haud potuerit, quasdam earum nihilominus factas fuisse gravidas (*b*); quibus tamen arte adhuc succurri potest. BECKERVS præterea, Medicus Hassus, peculiare ac lepidum hac de re narrat *exemplum de lasciva puella*, quæ clausa vagina ex utero matris nata erat. Hæc enim, postquam experimentis cognoverat, se a variis stuprari non potuisse, multos deinde & præsertim milites vegetos ad certamen venereum proterve provocavit; eos vero omnes, concubitus cum ipsa rite celebrandi claustrumque sive munimentum hoc virginitatis perrumpendi spe frustravit atque emuncta pecunia, quod nihil possent, derisit. Tandem vero chirurgi cujusdam curæ se commisit, ut obstaculum illud concubitus impediens ipsi tolleretur. Hic autem curationem suam tam bene perfecit, ut paulo post hanc puellam imprægnaverit, & gemelli denique, quos peperit, felicitis suæ curationis testes fuerint (*c*).

II. Quod ad curationem hujus mali attinet, ea in junioribus puellis satis prompta est, sicubi modo membrana ista præter naturam tenuis & non multum ab ore vaginæ remota est, atque ut supra dictum, provide inciditur. In adultis vero fieri id ipsum commodius vix potest, quam ubi in non gravidis sanguis menstruus eandem distendit, quemadmodum præter supra laudatos, BENIVENIVM, CABROLIVM, FABRICIVM, ab AQVAPEND. ROONHVYSIVM, SOLINGENIVM, MEEKRENIUS (*d*) RVYSCHIVS (*e*) NABOTHVS (*f*) AMYANDVS (*g*) alique fecerunt: siquidem ipsi referant, non mirificam modo cruoris spissi atque foetentis liquoris quandoque copiam e naturalibus post incisam hanc membranam vaginam occludentem profluxisse; sed feminas quocque protinus ab ingentibus & mortem quasi minitantibus calamitatibus, quas antea senserant, confanuisse, plagam denique inflictam absque adhibitis fere medicamentis, cumprimis tamen aptis turundis, pessis ex cera, aut fistulis sive cannulis, præsertim ex plumbo paratis, satis feliciter ad cicatricem pervenisse. Quodsi vero *membrana eaque crassior, profundius in vagina hæreret*, sive ea foraminulo prædita sit sive non, eadem quidem ratione, sed cautius tamen, ne vel intestinum rectum vel vesica violetur, incidenda atque exciden-

*Curatio.*

(a) Vid. ROONHVYS. l. c. pag. 136.

(b) Vid. SOLINGENIVS observ. de mulier. morb. 34. ROONHVYSIVS lib. cit. obs. pag. 127. & 130. MAVRICEAV obs. 489. & 583. RVYSCHIVS obs. 22. BOHNIVS in circ. anat. progymn. I. COWPER in Ast. Anglic. BECKER. l. c. p. 22.

(c) In Pedioctonia inculcata §. XXVII. pag. 37.

(d) In observat. suis Cap. 52.

(e) Observat. 32.

(f) In diff. de sterilitate §. 4.

(g) In hoc casu mulieri post puerperium earunculæ concréverant, ita ut postea sanguis menstruus non potuerit exire, sed hic in vagina collectus urethram compressit, ut urina inde fuerit obstructa. Verum incisis partibus concretis ab utroque malo liberata est, vid. Ast. philos. Anglic. No. 422. pag. 259. & in Epitome horum actorum a MARTYNIO editor. part. III. pag. 540.



da est ; cetera deinde eadem fiant oportet , eaque adhuc longe majori cura , ut via satis ampla conservetur . Neque alienum hic sæpe est *speculum uteri* simul in auxilium vocare ( vid. Tab. XXXIV. fig. 15. ) partim ut locum læsum curiosius inspicere , partim ut deinde in curatione cautius secare valeamus .

*Quomodo in gravidis instituenda .*

III. *Si gravida aut parturientes* ab istiusmodi malo affliguntur , tempestivam utique curationem adhibere convenit ; ne qua forte pariendi difficultas cum gravissimis noxis aliis superveniat . *Præstat tamen , si ejusmodi noxa in gravida sentiatur , ante partus tempus , & quidem diu ante , hanc membranam incidere ;* quia in ipso partu foetus post eam latens , scalpello facile lædi posset ( *a* ) . Interea tamen , quando curatio etiam , vel ob ignorantiam vel negligentiam gravidarum , ad partus usque tempus differtur , fieri ea quidem adhuc tunc potest ; attamen maxima cura habita , ne ab admoto scalpello foetus in partu post eam latens vulneretur . Oportet itaque exiguo tantum vulnuscule membranulam istam alienam quam cautissime primo incidere , deinceps autem , quicquid concidendum restat , vel per insertum scalpellum globulo præmunitum , ( vid. Tab. V. fig. 4. vel 5. ) vel si talis præsto non est , immisso prius specillo fulcato ( *b* ) , vel per forcipem idoneam , vel per consuetum scalpellum chirurgicum , quam providissime fieri potest , concidere . MAVRICÆVS ejusmodi in casu jussit , ut obstetrix digito hanc membranam vi dilaceret ( *c* ) : verum quia laceratione facile gravia mala induci possent , ferrum præferendum esse existimo .

*Observationes necessariae .*

IV. Monendum tamen adhuc est , quod *si vagina non membrana , sed densa carnea substantia clausa sit* , eaque profundius in vagina sita , aut parietes ipsi vaginæ inter se glutinati sint , difficilius longe & quandoque non sine periculo illius fieri divisionem ; ita ut quandoque a curatione præstet abstinere , quemadmodum etiam BENIVENIVS olim propterea fecit ( *d* ) , quam eam temere aut saltem cum gravi periculo instituere . Vel si etiam in minus periculoso casu curatio hæc instituat , scire tamen convenit , nisi hæc pars diu per turundas bene intumescences & idoneos tandem tubulos aut fistulas sive pessos , postea probe distenta servetur , eam brevi post curationem facile rursus ita constringi , ut concubitum sive penem deinde non admittat . Hoc enim non solum mihi aliquando contigit , ut curationem iterare propterea coactus fuero ; verum & ROONHVYSIVS idem usum didicit atque ut a chirurgis probe observetur , monuit ( *e* ) . Quando autem vaginæ latera sive parietes prorsus conserbuerunt , & præsertim paullo profundius , quemadmodum ego hoc etiam aliquando in lanionis uxore hic vidi , cui malum a partu difficili ortum erat , sectio quoque valde periculosa est ; adeoque & ego in ejusmodi casu , quamvis alias in curationibus chirurgicis minime timidus sim , potius ab ea abstinere , quam cum periculo eam suscipere malui , licet conjuges ex prolis amore id vehementer desideraverint . Sed si crassa carnea substantia vaginæ meatus oppileatur , licet hæc incisa & divisa sit , tamen subinde caro ita inde luxuriat , aut ita indurata & callosa est , ut non solum pars quædam orarum , ubi tutissime hoc fieri potest , re prius rite oculis , digitis imo & speculo oculi considerata , excidenda sit ; verum etiam caro repullulans aut luxurians rodentibus & siccantibus medicamentis , præter idoneas turundas ac fistulas plumbeas reprimenda , donec via satis ampla facta & parietes probe firmati sint ; alias facile vagina denuo coalescit , aut saltem adeo angusta rursus redditur , ut curationem omnem , quæ  
& agræ

( *a* ) Ita feliciter hoc ejusmodi in casu ante partus tempus præstitit BECKERVS l. c. §. 31.

( *b* ) Exemplo RVYSCHII , ceu patet ex jamjam proposita observ. 22. ubi res figura illustratur.

( *c* ) Observat. de gravidis , obs. 789.

( *d* ) Lib. de abdit. morb. causis cap. 31.

( *e* ) Observ. chin. Lib. 2. ubi de clausis vaginis egit.



& ægræ & Medico molestissima hic est, inanem reddat. Conferri in ejusmodi casibus omnino meretur & ROONHVYSIVS loco supra nominato & BECKE-RVS, libro sæpius jam citato, §. XXVIII. & seq. ubi per observationes & exempla rem egregie illustrent. ROONHYSIVS etiam *de modo agit aperiendi os uteri internum clausum* (a); verum quia hoc vix vel difficillime videre, adeoque etiam vix tuto incidere, & forte adhuc difficilior apertum servare poterimus; dum accessus denegatur hic fere omnis.

C A P. XXXVII.

*Quid fieri debeat, si justo longius clitoris excreverit.*

I. IN quibusdam feminis ita mirifice clitoris increscit, ut membri virilis speciem quandoque præ se ferat, ipsisque feminis hermaphroditarum nomen conciliet (b): tametsi nullum in eadem extet foramen sive canalis, per quod vel urina vel semen emitti queat. Interim quia minus decora partis hujus magnitudo, propter insignem quam sibi plerumque conjunctam habet, concumbendi difficultatem, haud exiguas easdemque varias utrisque conjugibus creare solet nauseas atque molestias; mirum non est, identidem chirurgos, ut medicam huic malo manum adhibeant, implorari. Apud Arabes equidem & Ægyptios frequentissimum esse, ut nonnulli referunt, noxæ genus illud consuevit; adeoque puellis statim recens natis, quicquid indecenter prominet, rescinditur, inter Europæos autem rarius adhiberi curatio ista solet: propterea quod feminarum nimia clitoride præditarum, alias lasciviendi studium, alias aut verecundia, aut cruciatuum metus a curatione abstrahit. Sed ne qua tamen forte chirurgus, quid facere in istiusmodi curatione deceat, ignoret; observasse juvabit, duplici admodum via in istiusmodi casibus posse procedi. Vel enim 1. (per injectum vinculum, quicquid supervacuum est, quemadmodum scilicet supra in tuberculorum atque penis corrupti curatione proposuimus, aufertur; vel & 2.) per scalpellum aliquod chirurgicum pars indecora præscinditur, emissioque, quantum sufficere videtur, sanguine, medicamentis sanguinem cohibentibus plaga fovetur, ac deligatur, tandemque, qua par est, diligentia, ut vulnus aliud rursus glutinatur. Apud Indos ferramentis candentibus applicatis feminas nimis longa clitoride instructas curari, auctor est BALLONIVS.

CAP.

(a) Loc. cit. pag. 133. & seq.

(b) Exempla huc facientia clitoridum nimis magnarum passim obvia sunt, apud TVLPIVM, GRAAFIVM, PLATERVM, RHODIVM, PLAZZONVM, PANAROLVM, PAVLINVM atque alios.



## C A P. XXXVIII.

*Quomodo nymphas feminarum justo ampliores tractare conveniat.*

I. **N**ONNUNQUAM ita largiter in feminis nymphae crescunt, ut non longe solum ultra pudendorum oras sive labia propendeant, sed identidem quoque & in ambulando & in sedendo, imo & in concubitu molestae fiant, adeoque curationem aliquam postulent (a). Quae ipsa equidem ut institui feliciter queat, facienda sunt sequentia. Primo resupinari feminam oportet, cruribus atque pudendorum labris diligenter ab invicem diductis. Deinde chirurgus nympham aliam post aliam, sinistra manu comprehensam, per admotam dextra forcem, quantum quidem abundare videtur, praescindat. Quandoquidem autem prout MAURICÆI experimentum demonstrat, aliquando periculum utique est, ne a nimia sanguinis profusione animi deliquium agra patiatur, quemadmodum agra hujus contigit (b), necessarium omnino videtur in promptu habere istiusmodi medicamenta & externa & interna, quae ad cohibendum sanguinem & ad agram a deliquio liberandam faciunt. Quibus singulis rite peractis, vulnus per adhibitum balsamum vulnerarium glutinari quam facillimo negotio poterit (c). Exemplum extirpatae nymphae gangraena corruptae refert SOLINGENIVS observ. cit. 80.

## C A P. XXXIX.

*Qua ratione vaginam, a tuberculis, fungis, ficubus, carunculis &c. infestam, curare conveniat.*

*Maligna natura.* I. **S**OLENT quandoque varii generis variaeque magnitudinis ac figurae, saepissime tamen fungum, aut ficum, aut pyrum, aut campanae pistillum, representantes carnes sive tubercula aut carunculae, non externas solum, sed internas quoque vaginae partes, easdemque modo anteriores, modo posteriores sive superiores infestare, atque ita mirifice interdum succrescere, ut ad usque genua pistilli campanae figura interdum propendeant, maximumque non modo tedium & molestiam, sed concubitus quoque & partus impedimentum, dolores interdum vehementes, imo gangraenae aut canceri periculum, nisi tempestiva curatio intervenierit, adducant, & quando magna sunt, sarcomata uteri tunc a quibusdam appellantur. CELSVS (d) & TVLPIVS (e) ea simpliciter fungos, SOLINGENI-

(a) SOLINGENIVS exemplum quod vidit, refert observat. suis de morbis mulier. obs. 20.

(b) Vid. observat. ejus 174.

(c) Singulare curationis hujusmodi exemplum quoque PANAROLVS exhibet, Pentecost. 4. observ. 3.

(d) Lib. VI. cap. 18. n. 11.

(e) Observ. lib. III. cap. 33. & 34.



GENIVS vero *figus* & quidem *cancrofas* nuncupant (a); sed hic male & sine ratione *cancrofas* eas promiscue appellat: quia levi negotio ipsas curavit; quod in cancris ita facile fieri non solet. Quo magis ori vaginæ propinqua, eo facilius tolli possunt; contra vero, quo profundiora: ita ut TVLPIVS inauditum & insolens opus vocaverit, cum chirurgus ejusmodi fungum aliquando resecurit. Nonnulli ea pro uteri procidentia habere solent; sed male, ut infra ostendam.

II. Oportet autem in istiusmodi casibus eandem curandi rationem adhiberi, quam generatim ad tubercula, sarcomata sive carnes excrecentes superius (Cap. VIII.) proposuimus, dum, vel a *vinctura* (b), vel a *scalpello*, vel a *vinctura simul & scalpello* (c), vel & a *medicamentis rodentibus* petenda esse sanitatis præsidia declaravimus. Quanquam sollicitè cavendum hic est, ne qua forte ipsum uterum prolapsum, quasi partem præter naturam progenitam atque indecentem, imprudenter rescindamus. Ceterum quia hæc partium naturalium vitia non propter ipsam modo habitudinem suam, narium polypis sive carunculis quam maxime similia, sed ita quoque alte interdum posita uteroque propinqua sunt, aut ex ipso utero proveniant (d), ut secundum hætenus propositas curandi vias extirpari nequeant; necessarium utique visum & FABRICIO ab *Aquapendente* & DIONYSIO est, per adhibitam volsellam, sive *forcipem*, qualem ad narium polypos educendos commendavimus, (vid. Tab. XIX.) tamdiu partem istam alienam contorquere, donec eadem resoluta esse sentiat. Sed ante tamen, quam id ipsum curationis negotium suscipitur, diligentissime singula circumspicienda sunt, ne, quos sanare cupimus, gravioribus periculis exponamus (e). VOLTERVS, Chirurgus Germanus, equidem scribit (f), feliciter sese quamplurima eademque varia partium naturalium in feminis carnes excrecentes sive tubercula *per admotum scalpellum aliquod candens extirpasse* (g); ego vero istam curandi rationem tantum abest, ut in exemplum chirurgis aliis proponam, ut potius verear, ne maxima ægrarum pars vehementer ab eadem, quasi nimis crudeli, abhorreant. SOLINGENIVS refert, se fungum *cancrosum* e vagina mulieris feliciter extirpasse & mulierem brevi convaluisse, obs. 29. modum vero, quo hoc præstiterit, silet; neque indicat, quam ob causam hoc vitium *cancrosum* appellaverit.

(a) Observ. de morb. mul. 29. & 56.

(b) Videri potest exemplum figura illustratum apud MEEKREN. obs. chirurg. c. 51.

(c) Sic enim non modo olim MEEKRENIVS, loco modo citato, sed & nuper cel. VATERVS, ut in singulari de *sarcomate uteri* dissertatione memorat, haud prorsus infelicitè sese feminam ab istiusmodi noxa infestatam curasse, postquam, *vinculo circa tuberis radices trajecto*, quicquid præter naturam increverat, gnaviter præciderit; id quod ego quoque jam aliquoties feci.

(d) Exemplum vid. in KERKRING specileg. anatom. obs. 53.

(e) Observationes huc spectantes obviæ passim sunt apud TVLPIVM lib. III. obs. 33. 34. KERKRING specileg. obs. 53. MEEKREN. obs. cap. 54. SOLINGENIVM obs. 29. & 56. RVYSCH. obs. 6.

(f) In libello german. cui titulus: *Hebamnen-Schule* (Schola obstetricum) p. m. 48.

(g) Veteres hic ferro hæc mala adussisse ex CELSO patet, lib. VII. cap. 30. n. 11.



## C A P. XL.

*Quomodo vesicæ calculus educi in feminis  
debeat.*

*Feminae rari-  
us vestrae  
calculis affliguntur.*

**I.** **R**ARIUS equidem in feminis, quam in maribus institui calculi curatio solet, quia rarius, varias forte ob causas, eo infestantur. Nam primo tantos, ut viri in diæta plerumque errores non committunt, ac deinde, quum breve admodum idemque laxum ut plurimum apud illas urinæ iter est, fane si qui forte in iisdem pronascuntur, aut ex renibus ad vesicam deferuntur calculi, ii plerumque parvuli ob amplam urinæ viam statim & per se excidunt, neque diu inhærescunt; aut, si vel maxime inhæserint atque increverint, nihilo tamen minus eosdem sua velut sponte atque sine adhibita curatione frequenter excidere, ex quam plurimis iisdemque sat luculentis multorum auctorum exemplis est manifestum. Sic enim mihi met ipsi oblatus est calculus, unciarum duarum pondus adæquans; figura & magnitudine parvi ovi gallinacei aliquantulum compressi, quem adhuc possideo & quem femina quædam rustica in vicinia post diuturnos eosdemque vehementissimos parturientium angoribus haud absimiles, ventris dolores, e vesica tandem emisit, atque hoc ipso mox ab omnibus incommodis liberata est (a). Quam ob rem observatur ubique quinquaginta fere & plures sexus masculini sectionibus calculi subijci, antequam vel unica mulier ei subijciatur: imo MOLINÆVS vix ex centum a calculo sectis unicam esse mulierem ex Parisiensium observationibus patere existimat.

*Nonnunquam insti-  
tui in femi-  
nis calculi  
extractio de-  
bet.*

**II.** Quanquam autem feliciter sæpe atque solius naturæ beneficio a vesicæ calculis feminæ liberantur; tamen in quibusdam ita firmiter calculi forte ob vesicæ cervicem angustiores, vel sphincterem vesicæ strictiores aut rigidiores, in vesica hærescunt, ut sponte inde non excernantur, sed ut in viris mirifice increfcunt, doloresque & cruciatus vehementissimos commovent, ut tandem curationem aliquam suscipere eumque educere conveniat, siquidem a cruciatibus atque noxis reliquis inde provenientibus liberare feminas miseras voluerimus. Et fane, ubi medicamenta, ad expellendos valentia, parum proficiunt, in manu quærenda erunt sanitatis præsidia.

*Calculi cura-  
tio feminis  
sæpe absque  
scalpello fieri  
potest.*

**III.** Solent autem feminæ calculosæ in eo maribus feliciores ut plurimum existere, quod liberari sæpe a vesicæ calculis absque adhibito scalpello & absque

(a) Alias easdemque memorabiles huiusmodi observationes suppeditant BORELLVS *Cent. II. obs. 22.* ubi calculus proponitur ovum anserinum adæquans, sponte e muliere excretus; KERK-  
RINGIVS *specil. anat. obs. 67. pag. 163.* ubi calculus ejusmodi tres uncias pondere superans exhibetur, BARTHOLINVS *hist. anat. cent. 1. hist. 71.* calculum gallinæ ovum adæquantem, qui sponte excretus est, describit; In *Miscell. nat. cur. Dec. I. an. VI. VII. obs. 7.* calculus ita excretus sistitur unciam unam & dimidiam habens; it. *Decur. ejusd. an. VIII. obs. 11. pag. 20.* it. *Dec. II. an. 2. obs. 180.* sistuntur bini calculi, uncias duas & dimidiam habentes, & in *Dec. III.* adhuc plura exempla referuntur, itemque a GRAAFIO lib. de organ. mulier. & in Act. Philos. Londinensibus. Inprimis autem memorabiles calculi videntur ii, quamplurimi, quos ex feminæ cujusdam vesica per longum tempus & quotidie fere Wolfenbutele emissos, expertissimus Guelpherbytano-  
rum Medicus; D. HIERONYMVS peculiari commentatiuncula jam an. 1711. edita, descripsit, mihi-  
que etiam illos, dum quamplurimos adhuc ferebat, demonstravit: siquidem nonnulli eorum duarum unciarum pondus habuerunt. Ceterum adhuc conferri hic possunt SENERTVS, TVLPIVS, *obs. 5. lib. 3.* MEEKRENIUS, MIDDLETONVS *hist. xi.* & ex hoc MORANDVS de alto apparat. p. 146. COLOTVS, lib. de lithotom. p. 289. qui ovum anserinum æquavit, atque alii plurimi, qui calculos magnos e mulieribus sponte excretos notarunt.



periculosa sectione, per solam fere urethræ seu vesicæ cervicis diductionem valeant. Atque id magis, etiam ideo, quia, experientia teste, insigniter atque ad stuporem propemodum distendi vesicæ collum sæpe sine damno in iisdem potest: hoc enim non solum probant exempla magnorum calculorum sponte resectorum sive excretorum; verum etiam quamplurimorum Medicorum & Chirurgorum præsertim lithotomorum illustrium, HILDANI scilicet, TOLETI, GREENFIELDII, ALGHISII atque aliorum recentiorum testimonia. Admirabile inprimis inter ea illud est, quod extat in *Miscell. nat. cur. obs. Dec. II. an. X.* pag. 147. siquidem hic femina quædam a vesicæ calculo, quinque unciarum cum dimidia pondus continente, per solam urethræ diductionem feliciter admodum liberata esse memoratur. Neque vero minus illustria sunt, quæ passim in *actis philosoph. Anglic. N. 202. 236.* & alibi descripta reperiuntur, modo dictæ curationis feliciter in quamplurimis feminis, junioribus æque ac ætate grandioribus institutæ, specimina, quamvis in junioribus res plerumque feliciter succedat, quam in senioribus aut vetulis.

IV. Igitur longe minor in feminis, quam in maribus, ad conficiendam calculi curationem instrumentorum apparatus sufficit. Interea tamen diversæ, imo plures excogitatæ sunt calculos e vesicis feminarum educendi rationes, quam in viris descripsimus. Dividi tamen melioris doctrinæ causa possunt, ut in viris, *in methodum, quæ apparatu minore, majore, alto, & quæ laterali perficitur.* Quælibet tamen fere horum rursus diversos habet agendi modos. De prima, primum proponemus. Hæc vero varia rursus ratione instituitur pro varia rerum circumstantium aut malorum accidentium varietate. Antequam vero eam aggrediamur, deliberandum primo est, quam curandi viam, dum variæ sunt, sequi velimus. Antiquissimus est, quem CELSVS describit & vulgo *apparatus minor* vocari solet.

V. CELSVS (a) igitur, vetustissimus auctor, ubi *parvulus est calculus, scapellum supervacuum esse ait*; quia is urina in cervicem sæpe compellitur, & quando non sponte excidit, sed ei inhæret, cum unco sine noxa, educi posse (b). At in majoribus calculis virgini subijci digiti tanquam masculo per anum, mulieri per naturalia ejus debent. Tum sub ima sinisteriori ora perinæum incidendum, & calculus, ut in viris educendus (c), ALBVCASIS, antiquus chirurgus Arabs præcepit (d), ut eadem ratione duo digiti, sicut modo dictum est, vel in vaginam, vel in anum demergantur, calculus quærat, perinæum versus gradatim prematur; & quidem, quantum fieri potest, deorsum ad latus ani sinistrum, sive ischii tuberculum, ut ibi in perinæo digitis sentire queat, postea eo in loco, ubi calculus percipitur, scalpello super calculo incisio fiat satis ampla usque ad calculum, sine læsione vesicæ; isque sic detectus, digitis in ano hærentibus expellatur, vel ut in viris extrahatur. MEEKRENIUS sic quoque in casu, ubi calculus in femina in urethra hærebat, attamen sponte natura expelli non poterat, digitis duobus in vaginam immisis calculum a tergo comprehendebat & ulterius in urethram urgebat, eumque postea unci beneficio promte & feliciter ejecit (e). Atque hos hætenus plerique secuti sunt, nisi quod nonnulli urethram ferramentis dilatantibus prius paullulum dilatarunt (f); alii *urethram*, ubi id opus esse indicarunt, *inciderunt*, ac deinde vel un-

Mm 2

co

(a) Lib. VII. cap. 26. n. 4.

(b) Eadem ratione SAVIARD. puellæ calculum extraxit, obs. chirurg. p. 376. obs. 86.

(c) Recentiores quidam hic addunt, ut dum sinistra calculus inquiritur, dextra vesicæ imposta ille deorsum prematur.

(d) Part. II. Cap. 61.

(e) Vid. ejus observ. chirurg. cap. 53.

(f) Ut TOLET. lib. de lithotom. cap. XV. sed hoc HILDANVS nimis periculosum esse indicavit, &amp; urinæ incontinentiam inde veritus est.



eo vel forcipe, si digiti parum erant, eos injiciebant: verum tunc potius ad majorem jam apparatus operatio mihi referenda videtur. Cel. ille Anglorum chirurgus Joan. DOVGLASIVS aliam eamque novam minoris apparatus methodum proposuit, & docuit, quam lenissime parvum protrahi posse calculum e vesica feminæ; quando *turunda vel e radice gentianæ, vel & ex ita dicta spongia preparata confecta*, inque urethram earum insertæ subsidio paulatim hoc urinæ inter eo usque dilatetur, donec & demitti commode forceps in vesicam & extrahi per eandem calculus possit. (a) In omnibus vero his modis simulac calculus aliquis intus in vesica delitescere, tam per signa calculi communia, quam potissimum per adhibitum catheterem & digitos (b) certe cognoscitur, eundem plane in modum, quem in viris, ubi de minore & majore apparatu actum est, proposuimus, deponere ac firmare feminam convenit, pudendorum labris atque nymphis ab adjutore quodam juxta constituto, qui in viro scrotum sustentaret, diligenter ab invicem ita diductis, ut luculentissime conspici subter clitoride positum urinæ iter possit. (vid. Tab. XXIX. fig. 2. lit. D.) (Quo equidem rite facto, chirurgus ea ratione, quæ ex modo recensitis ipsi commodissima vel aptissima videtur, calculum emollitur. *Uno extracto*, inquirendum specillo an plures adsint? qui si reperiantur, eadem ratione educantur. Raro in hac methodo, ut ægræ ligentur, opus est, præsertim si calculus est parvus: ubi sæpe super lecto extractio fieri potest si calculosa transversim ei superimponitur.

*Altera methodus eum majori apparatu.*

VI. Altera calculum educendi ratio in mulieribus, *cum majori apparatu*, qui viris adhibetur comparari adeoque & *major apparatus pro mulieribus* vocari potest; quia plura, quam in minori, ferramenta eaque haud multum a virorum diversa, pro ea exercenda requiruntur. Quemadmodum vero in præcedenti, ita & in hac Medici varia incedunt via. Interea tamen *maxime hodie usitata est sequens*. Muliere eadem ratione, ut viri, in majore vel laterali operatione super tabula disposita & ab adjutoribus aut ministris probe detenta, labiisque & nymphis ab aliquo horum rite diductis, chirurgus conductorem marem, (vid. Tab. XXVIII. fig. 2.) mox conductorem feminam (ibid. fig. 3.) per brevem ipsarum urethram in vesicam eo modo inserit, quem supra (cap. 140.) in curatione calculi virorum in apparatu magno proposuimus. Deinde, binis conductoribus illis sensim sensimque diductis, urethra cum vesicæ cervice paululum ampliatur (vid. Tab. XXIX. fig. 2. B C). Tum forceps quædam calcularia, fig. 5. Tab. XXVIII. provide inter hos conductores in vesicam immittitur, eaque demissa, uberius, sed leniter distenditur, atque ita vesicæ collum, B C, quantum quidem satis est, paulatim, quantum calculi magnitudo requirere videtur, diducitur. Denique calculus, forcipe comprehensus, gnaviter ea ratione, quam supra in lithotomia virorum commendavimus, protrahitur. (c) Fieri id ipsum quam facillimo sæpe negotio solet, ubi lævis est atque parvus, vel saltem mediocris calculus. *Sed si paulo grandior idem existit*, majus negotium faceffit: attamen sensim plus diducenda urethra est, donec sequatur. Quando calculus forcipe mox comprehendi nequeat, in mu-

(a) In Act. philosoph. Anglic. N. 399. pag. 318. & in epitome horum Actor. a MARTYNIO edit. Part. III. pag. 538. ut & in libro de alto apparatu sive lithotomia DOVGLAS. edit. II. pag. 55. nam ubi calculus major, ut hac ratione educi nequeant, alto apparatu eum educendum esse suadet.

(b) Digitis calculi magnitudo hic optime exploratur.

(c) Hac ratione eum describunt TOLETVS lib. de Lithotom. Cap. XV. SAVIARDVS obs. chirurg. 72. pag. 314. & GARENGEOT in oper. chirurg. Tom. 2. pag. 83. qui etiam ne quidem mentionem facit alius cujusdam methodi; licet certum sit, calculos subinde minori apparatu educi posse; quandoque vero hanc ab ipso descriptam non sufficere.



mulieribus digitos, indicem scilicet & medium sinistræ manus in vaginam immittat, calculumque iis ad forcipem adducat, ita ut commodius prehendi possit; in puellis vero digiti in anum immittendi, & si puella est minor sive junior, alteruter horum digitorum pro hoc usu sufficere sæpe potest. *Quod si vero propter insigniorem magnitudinem hac ratione educi nequeat*, opera danda est, ut forcipe robustiori vel & majoribus dentibus instructa, (Tab. XXVIII. fig. 7.) comminuatur, atque ita frustulatim educatur. Ubi vero confrigi nequit, aut ob alias rationes eum frangere nolumus, incidere omnino urethram, vel ab alterutro latere, vel &, quemadmodum TOLETVS aliique præcipiunt, utrinque, conveniet. Imo cur non integram cervicem una cum parte vesicæ incidere licebit? dum hoc sine noxa in viris in laterali apparatu fieri innumeris exemplis RAVII, CHESELDENI aliorumque quamplurium edocti sumus? HILDANVS quidem collum vesicæ incidere ausus non est, & plus, quam par est, periculosum id existimavit, vel saltem incontinentiam urinæ inde metuit; (a) verum hodie no tempore hunc metum esse vanum abunde cognovimus. Imo & PARÆVM jam ab hac incisione non abhorruisse, inde mihi satis patere videtur, quia peculiarem catheterem sulcatum pro incidenda, ubi opus est, urethra mulierum non solum commendavit, verum etiam delineavit (b) quem & COLOTVS laudavit: cum hoc aliquo modo ille convenit, vel saltem ejus loco adhiberi poterit, quem Tab. XXXII. fig. 7. delineavimus. Nonnulli enim loco ductorum ensiformium ductore angusto caniculato utuntur, & in hoc, sicut apud viros, forcipem in vesicam demittunt. (c) Si absque scalpello confectum negotium est, supervacua deligatio videtur, omniaque medicamenta vulneraria sive glutinantia. Sed sciendum tamen est, feminarum, quæ curationem illam expertæ sunt, aliquas, præsertim ætate provectiores, aut quæ mali corporis habitus sunt, propter vehementiorem cervicis vesicæ in calculis majoribus distentionem, urinæ incontinentia postmodum laborare; adeoque fomentum roborans per plures dies imponendum esse suadeo, donec hoc malum præterisse intelligamus. Quanquam rarius in junioribus, quam senioribus contingere id ipsum consuevit; adeoque noxa ista non tam chirurgus, quam potius calculi magnitudini ipsiusque corporis imbecillitati accepta ferenda est. Quod si autem scalpellum est adhibitum, tum balsami cujusdam vulnerarii aliquoties in die calide inuncti subsidio decenter glutinare plagam inflictam conveniet.

VII. MARIANVS calculum parvum apud mulieres naturæ relinquendum esse censet; quia hæc cum per cervicem breviorē & laxiorem plerumque expelleret. Sed si magnus fuerit, eandem curationem, quæ de maribus ab ipso proposita est, necessariam esse docet. Verum locus incidendus, ait, (d) „eligatur inter os femoris, & urinæ inter in mulieribus. Posito igitur itinerrario (hoc est cathetere sulcato) in vesicæ canale, quod Medicus extra ad se impingat, ut dictum est, cum incisionem facere superius volebamus. Minister vere capiat cunni labrum ipsius lateris, in quo fieri debet incisio, & ipsum ad se attrahat taliter, quod locus incisionis late pateat: deinde incidat per distantiam unius digiti ab osse femoris, & facta incisione ordine uti debet, quo in administrandis instrumentis utebamur; cum lapidis a viris extractionem tractabamus. Nec quenquam decet terreri, si plus sanguinis ex muliebri quam virili corpore profluxerit, (e) hætenus MARIANVS. Ex supra autem indicato inciden-

Variationes  
quædam.

(a) Lib. de Lithotomia Cap. XXII.

(b) Lib. XVI. cap. 47. pag. mihi 376.

(c) Id quod HILDANVS lib. de lithotom. c. 22. atque etiam TOLETVS docet l. c.

(d) Lib. de lapide vesicæ extrahendo, cap. XI.

(e) Hoc quoque jam CELSVS monuit Lib. 7. cap. 26. n. 4. qui etiam vult, ut in robustis sanguis non mox cohibeatur, quo minor inflammatio oriatur. ibid. n. 5.



dendi loco , nimirum inter eos femoris & iter urinæ , licet non satis perspicue , sicut optarem , descriptus sit mihi tamen constare videtur , MARIA-NVM hic *eundem locum indicasse* , quam Frater JACOBVS & RAVIVS in mulieribus incidere soliti fuerunt . Nonnulli auctores peculiare instrumentum dilatans , quod vulgo *dilatatorium* appellant inter ductores , antequam forcipem impellunt , in vesicam immittunt , eoque cervicem quantum satis esse indicant , diducunt , & postea calculos unco vel forcipe educunt . ( a ) Ego inter duos illos conductores loco ferramenti hujus *digitum indicem* , sicut in magno apparatu supra dictum est , etiam hic prius *immitterem* , antequam forcipem adhiberem ; ita enim formidando illo instrumento dilatante carere cervicem tamen blande ac gradatim diducere possemus . Quidam volunt , ut potius loco violente dilatanionis , præsertim ubi calculus major , super cathere sulcato *urethra mulierum potius* scalpello , ampla plaga , imò usque in corpus vesicæ *incidatur* , ne opus sit eam lacerare , unde graviora , quam a sectione metuenda essent symptomata , ( b ) id quod forte illi non impugnabunt , qui lateralem sectionem in viris , ubi quoque cervix vesicæ & quidem sine noxa inciditur , propugnant , dum melius esse ajunt , cervicem incidere quam lacerare . Alii contra sectionem nunquam esse necessariam sustinere atque pejora mala inde metuenda esse volunt , ( c ) quam a sola dilatatione , præsertim cum tam magni calculi sæpius sine omni noxa sponte rejecti , alii vero post dilatationem sine sectione , arte educti fuerunt , & cumprimis MOLINÆVS , Medicus Dublinensis , ( d ) hoc magno molimine partim ex prædictis rationibus , partim etiam a se visis exemplis recentioribus ; ac primo quidem puellæ sex tantum annos natæ , evincere conatur , ubi PROBYVS , chirurgus egregius Dublinensis , ope speculi vesicæ urethram sine insigni dolore ita ampliavit , ut immissa deinde forcipe brevissimo temporis spatio calculos sine ulla sectione extraxerit , eamque brevi sanitati restituerit . Idem adhuc de duabus adultioribus refert , calculique sic educti figuris expressi sistuntur . Unde concludit , quod si in junioribus parvulis & tenerioribus urethra ita dilatari potest , in adultioribus eam tanto magis sine noxa dilatari posse ; præsertim cum experientia etiam hoc comprobaverit : adeoque urethram aut vesicam nunquam incidendam esse . Propterea etiam puellas vel feminas quæ calculo laborant , monendas esse , vult , ne diu extractionem differant : nam quo diutius expectant , eo major fieret calculus ; & quo major calculus , eo difficilius eum postea educi . Sed monendum hic esse puto , calculos , quos MOLINÆVS sistit , hac ratione extractos , parvos omnes fuisse : nam maximus eorum vis ovum columbinum superat , quales quidem , imò & adhuc majores , hac ratione extrahi posse facile concedo . Verum omnes hac ratione extrahere velle probare non possum : præsertim cum mox alius Anglus , WOODIVS scilicet , neget valde magnos sine sectione educi posse , exemplumque profert *calculi novem unciarum , qui sectione feliciter extractus mulierque sanata fuerit* , quem neminem sine sectione educere potuisse recte contendit . ( e ) Igitur pro diversitate calculorum etiam modos extrahendi , sicut in viris statuimus , variandos atque a prudenti chirurgo eligendos esse omnino existimo . Nonnulli etiam *antequam ductorem marem in vesicam*

( a ) Hoc TOLETVS docet , l. c. cap. XV.

( b ) Ut ROSA & SCHÆFFERVS in diss. de calculo , Argentorati editis , supra jam citatis .

( c ) Ut LAVATERVS , Helvetius , dissert. de calculo pag. 231. Sectione enim , ait , facile gravia induci symptomata .

( d ) In Act. philos. Lond. N. 202. pag. 817. & in LOWTHORP. Epitome horum actorum Vol. III. p. 182.

( e ) In Act. philos. Lond. N. 209. p. 103. & in LOWTHORP. Epit. hor. actor. pag. 185.



eam demittunt, prius specillum vel catheterem sulcatum, quale illud esse potest, quod Tab. XXXII. exhibuimus, immittunt, & in hujus sulco demum ductorem marem & sic postea reliqua ferramenta, debita prudentia. (a)

VIII. Fratrem JACOBVM eandem fere in feminis, quam in maribus, calculi sectionem atque extractionem adhibuisse, historia ipsius docet. (b) Tamen si autem, quod ego sciam, Medicorum nemo, præter unum fortassis RAVIVM, Jacobæam istam feminas seu potius puellas calculosas sanandi rationem quandoque est secutus; (c) quin omnes potius communes istas modo descriptas calculos educendi rationes, propter illius summam difficultatem servarunt; (d) tamen nihil nec a veritate, nec ab ægrotantium salute alienum statuisse mihi videor, si dixerò, utique quam maxime utilem, eandem esse posse, quotiescunque tam magnus esse calculus animadvertitur, ut per urethram absque insigni vi & læsione cervicis aut ipsius vesicæ educi, vix ac ne vix quidem valeat. Haud enim debilitari facile cervix vesicæ solet, ubi Jacobæam secandi rationem adhibuerimus; dummodo sollicitè caveatur, ne qua forte uteri vaginam aut intestinum rectum, quemadmodum JACOBVS facere solitus est, simul concidamus. Hoc enim in feminis, præsertim quæ pepererunt, difficulter evitari, non solum exempla JACOBI ostendunt, verum etiam SERMESIVS supra jam laudatus affirmat, se multis experimentis in cadaveribus mulierum institutis didicisse, methodum lateralem quidem in puellis & virginibus junioribus, sed non in mulieribus, quæ pepererunt, sine vaginæ læsione succedere; (e) id quod & ego sæpius in cadaveribus expertus sum. FALCONETVS quoque probe perspexit, sectionem lateralem multo majores cautiones in feminis desiderare, quam reliquas methodos: adeoque si major calculus non nisi sectione educi possit, vel altam operationem huic præfert, aut vaginam una cum sphinctere ac vesica etiam, super catheterem incidendam suadet; (f) quam incisionem BVSSIERVS super ipsum calculum (g) ad vesicæ cervicem adductum fieri maluit. Addit vero simul FALCONETVS loc. cit. RAVIVM a mulieribus manum abstinuisse, & puellas tantum lateraliter secandas suscepisse. Unde hoc cognoverit FALCONETVS, non addit. Interea tamen hoc ego quoque affirmare possum, me in illo quinquennio, quod in Belgio & potissimum Amstelodami consumsi, nunquam nec vidisse nec audivisse, quod vel unicam RAVIVS mulierem laterali methodo a calculo liberaverit, idemque etiam SERMESIVS, Medicus Amstelodamensis, qui Amstelodami, cum RAVIVS quam maxime floureret, vixit, asseveravit. Haud prorsus absimilis curandi ratio est, quam MERYVS (h) pro mulieribus proposuit & suavit, dum, ad præcavendum cervicis violentam nimis diductionem aut lacerationem & inde subsequentem urinæ incon-

*Alius curandi  
modus per  
methodum  
lateralem.*

(a) SAVIARDVS imperiti chirurgi lithotomiam, quam in puella septem annos nata, magno apparatu perficere voluit, describit: ubi autem vesicam ita laceravit & perforavit, ut paucis horis post misere mortua sit. Obs. chir. 37.

(b) Quæ a MERYO in observ. sæpe citat. & in DOUGLAS. hist. lateralis operationis optime traditur.

(c) Vid. ejusd. orat. de methodo anatomiam docendi, pag. 37. ubi inter tot viros a calculo secutos tantum unius puellæ hoc modo a se curatæ meminisse.

(d) DENYSIVS quidem hanc RAVII methodum in sexu feminino quoque commendat, in observ. de calculo cap. X. sed nullum exemplum refert, quod ipse unquam hac ratione mulierem a calculo liberaverit. De RAVIO tamen adhuc unicum, quod viderit Lugduni Batavor. in puella quatuor annos nata, indicat, in DOUGLASII scriptis de methodo laterali nullum invenire exemplum, quod vel Angli vel Galli mulierem ita curaverint.

(e) In lib. ipsius de lithot. Douglas. pag. 182.

(f) FALCONET. quæst. med. de apparatu laterali pag. 9.

(g) Act. philosoph. Londin. a 1699. pag. 106. & comp. hor. actor. a LOWTHORPIO edit. Vol. III. pag. 185. & seq.

(h) Vid. ejus observationes sur la Maniere de tailler, pratiquee par Frere Jacques pag. 30.



continentiam , præcepit , ut per insertum in feminæ calculosæ vesicam cathet-  
rem aliquem sulcatum , eundemque in maribus adhiberi solitum , gnaviter ve-  
sicæ collum deprimatur , depressumque una cum vaginæ parte proxima atque  
adhærescente incidatur : (a) siquidem hac ratione protrahi calculum posse , ure-  
thra ultra modum neque diducta , neque lacerata , sed solum incisa : quæ læsio  
tantum damnum non inferret , quantum nimis violenta dilatatio aut laceratio  
producere solet . Nam a CELSI jam tempore observatum est , & in axioma  
medicum abiit , *partes sectas contusis aut laceratis minus lædi & facilius quoque  
res integrari* . Ut proinde mirum videri nequitiam debeat , quod HILDANVS  
jam tunc istum fere in modum feminam calculosam feliciter tractaverit , cui  
calculus , ovi gallinacei magnitudine , vesicam & huic nexam partem vaginæ  
attritu ex parte perforaverat ; quam vero plagam vesicæ & vaginæ partim di-  
gito , partim scalpello ad vesicæ collum dilatavit , forcipe calculum feliciter  
produxit , & ægram perfecte restituit . (b)

*Douglasiana  
sive alta me-  
thodus .*

IX. Aliam , a modo explicatis , curationis methodum præstantissimus iste  
Anglorum chirurgus , DOUGLASIUS , proposuit ; & postquam primo docuit ,  
quam lenissime protrahi calculum exiguum e vesica feminæ posse , ubi *turunda ,  
vel ex radice gentianæ , vel & ex preparata spongia confecta* , inque urethram  
insertæ , subsidio paulatim urinæ iter eo usque dilatetur , donec & demitti com-  
mode in vesicam forceps , & extrahi per eandem supra posito modo ( §. V. )  
calculus possit ; tamen ubi paulo grandior calculus intus delitescit , idem DOU-  
GLASIUS auctor est , ut vesica per iter urinæ adhibita syringa ampliore aqua  
tepidâ sufficienti adimpleatur , sicut fere in alto apparatu diximus , compressa-  
que a ministro per digitum vaginæ insertum , urethra , *proximo supra os pubis  
loco* , & modo , quemadmodum in alto apparatu descripsimus , incidatur , tan-  
demque , calculo supra explicatis rationibus extracto , decenter vulnus inflictum  
glutinetur . Qui quidem curationis modus in calculis majoribus , ægrisque ad-  
huc junioribus ac ceterum sanis , minime mihi rejiciendus videtur , atque id  
ipsum tanto magis etiam ideo , quia secundum istam curandi rationem pericu-  
lum nequitiam est , ne aut vesicæ sphincter lædatur , debilitetur , aut urinæ in-  
continentia quædam concitetur ; & deinde quia tam multa exempla prostant  
virilis sexus , quæ feliciter hac ratione , ut supra probavimus , curata , si mo-  
do mulier juvenis & ceterum sana , ut vulneris glutinatio separanda sit . In  
minoribus vero calculis , vel minorem vel majorem apparatus , ob minus pe-  
riculum præferendum esse censeo . Non multum ab hac sententia abludit Cl.  
MORANDVS , qui in mulieribus , si calculus parvus , methodum ordinariam  
præstare judicat , sed si magnus , apparatus altum adhibendum esse , pro evi-  
tanda urinæ incontinentia , symptomata alias frequentissimo & molestissimo ,  
censet .

*Calculus  
quandoque  
fibula nasci-  
tur in femi-  
nis .*

X. Ceterum observatione dignum utique mihi videtur , vesicæ calculos in  
feminis non sua tantum sponte , *sed identidem quoque ab acubus grandioribus  
aut fibulis crinalibus , aut filis cereis* ; aut denique similibus rebus aliis ; vel ad  
pruritum aliquem molestum leniendum , vel ad calculum ab oræ urethræ re-  
pellendum , vel etiam ad explendam lascivarum & impudicarum libidinem ,  
per iter urinæ in vesicam depressis atque intus forte illapsis ac retentis , pro-  
nasci .

(a) Hunc modum LISTERVS ; Medicus Anglus jam ante MERYVM breviter descripsit in Iti-  
nere suo parisiensi pag. 237. ubi ait : *Feminis calculi omnium facillime hac ratione exciduntur ; nempe  
scalpello intra vaginam uteri in vesicam adacto* .

(b) Vid. ejus Cent. I. obs. 68. In Cent. III. obs. 69. aliud exemplum refert læsæ eadem ratione  
vaginæ & vesicæ , per quod ulcus etiam multi lapilli transferunt , hoc vero quoque glutinatum  
est , adeoque ostendit & confirmat , hæc vesicæ vulnera glutinari posse .



nasce . Quoties enim cunque res istiusmodi præter naturam intus in vesica hærescunt , abesse vix potest , quia quæcunque alias urina immerfa corpora brevi materia calculosa obducuntur , quin paulatim hæ quoque in vesica materia arenosa obducantur , tandemque in calculum aliquem prægrandem degenerent , qui , nisi decenter atque opportune extrahitur , gravissimas noxas , imo quam maxime miserabilem mortem sensim inducit . Exemplum huc facientia nec non varias istiusmodi calculorum , in quibus acus aut fibulæ hæserunt , figuras , MOLINETTVS (a) , ALGHISIVS (b) , GREENFIELDIVS , (c) , CHESELDENVIS (d) aliique suppeditant . Inprimis autem mirabile , quin potius incredibile videtur descriptum illud in *actis Anglorum philosophicis an. 1700. N. 260. pag. 455.* itemque *eruditorum Lipsiensibus an. 1702. pag. 230.* (e) puellæ istius , viginti circiter annos habentis , exemplum , quam PROBIVS , chirurgus aliquis Anglus , extracto per vulnus , super offe pubis factum , & quidem sine prægressa vesicæ repletionem , *acu crinali deglutita & ex parte calculosa materia obducta* , feliciter sanasse memoratur ; postquam is eam per consuetum urinæ iter educere frustra studuerat . Namque tantum abest , ut ego credam , fibulam istam , sex circiter digitos latos longam , neque adeo tenuem imprudenterque deglutitam , per ventriculum , ad vesicam usque transmissa fuisse ; ut potius existimem eandem titillationis & lasciviæ ergo a puella vegeti & sanguinei , ut ipse auctor refert , temperamenti , per iter urinæ in vesicam depressam , inibi que relictam , sensim sensimque , ut in prioribus , calculi speciem induisse , ipsam autem puellam ex verecundia vel astutia veram noxæ istius causam dissimulasse . Vero interim haud absimile videtur , ipsum *hoc curationis calculi per altum apparatus exemplum nec Anglis , nec Gallis , qui de alto apparatu scripserunt* , dum scripta sua ediderunt , innotuisse . Vix enim ac ne vix quidem probabile est , viros modo laudatos illud , dum pro asserenda , innovanda & stabilienda alta operatione adeo luculentum est , temere neglexisse , quo tamen velut ad oculum contradicentibus demonstrare potuissent , novam per altum apparatus calculos secandi rationem fieri non solum posse , verum & tunc temporis nobilissimo experimento feliciter jam factum fuisse . (f)

- (a) Diff. anat. pathol. pag. 310.  
 (b) In lib. de lithotomia pag. 12. it. Tab. III. fig. 2. & 4.  
 (c) In comment. de lithotomia anglico sermone conscripta pag. 62.  
 (d) Lib. de alta operatione Tab. X. fig. F.  
 (e) In *Louvothorpii epitome Act. philosoph.* Londin. continetur hæc observatio Vol. III. pag. 162.  
 (f) In *Act. philos. Anglic.* a LISTERO etiam exemplum refertur , No. 168. pag. 882. de puero , ex quo COLOTVS acum ferreum , in calculo hærentem , extraxerit , quam ille ante biennium in vesicam demiserat . E contrario Barolini vidit filius meus SENFFIVM a. 1735. calculum ex viri extrahere vesica , in quo spica sive arista frumenti deprehendebatur : quæ vero , qua ratione in vesicam pervenerit , nec æger sciebat , nec alii divinare poterant .



*De artificiis obstetrici necessariis sive  
De Arte obstetricia.*

C A P. LXI.

*Quomodo facilitari partus difficilior vivo adhuc  
existente fœtu debeat.*

*Primariæ  
observatio-  
nes circa  
partum ne-  
cessariæ.*

**P**artus difficilis dicitur, quando partus non intra breve & consuetum tem-  
pus, unius aut aliquot horarum sponte succedit; sed ob certas causas, quæ  
impedimentum inferunt, justo diutius remoratur, & sine auxilio aliorum vix  
vel prorsus non absolvi potest. Grecis *Δυσωμία* appellatur. *Causæ primariæ sunt*  
*mala corporis conformatio*; ut in gibbosis, & præsertim ubi ossa pelvis, maxi-  
me vero os coccygis & sacrum, male sunt conformata, unde sæpe pelvis tam  
angusta fit, ut manum non admittat (a). Deinde *ætas*, quando vel nimis  
adhuc juvenes ac teneræ, vel jam grandæviores sunt mulieres & primum pa-  
riunt; porro quando *nimis sensiles & meticulosæ*, imo & nimis sanguineæ sunt.  
Præterea quando *ad partus labores nimis cito*, repugnante adhuc natura, *impel-*  
*luntur*; aut quando *aquæ præmature rumpuntur*, aut nimis etiam retardantur;  
denique quando parturientes *immorigeræ dolores veros nisi suis juvare recusant*,  
& tandem quando *situs fœtus a naturali recedit*. Quo plures vero ex his causis  
concurrunt, eo difficilior fieri plerumque solet partus. Quotiescunque autem  
vel Medicus vel chirurgus ad mulierem aliquam parturientem, vel *partus dolores*  
*saltem sentientem*, advocatur, (b) sciscitari ante omnia is debet, *satis ne jam*  
*maturus partus sit*, nec ne: sive, *verumne partus tempus*, novem scilicet men-  
sium, *adsit necne*; itemque *utrum os uteri jam pateat*, an adhuc clausum sit.  
Namque ubi forte verum hoc partus tempus nondum appropinquavit, neque  
infantis membrum aliquod sese jam ostendit, neque *dolores partus veri* adsint  
(c) neque *os uteri adhuc hiet*, non manus tantum ab istiusmodi mu-  
liere, sed medicamenta quoque partum citantia, quam solertissime evitare  
convenit. Quin opera potius danda est, ut vel quiescat; vel in lectulo ægra  
deponatur, diligentissimeque, non sacculis tantum medicatis atque malagmati-  
bus digerentibus & roborantibus super ventrem impositis; sed medicamentis  
quoque internis, a prudenti Medico, pro malorum varietate propositis, iis-  
demque ad *digerendos ac leniendos illos dolores spurios* valentibus, foveatur atque

ro-

(a) Conf. MOTTIVS Cap. IV. p. 159.

(b) De partu naturali ejusque causis ad prolixitatem evitandam, hic non ago; sed requiro, ut hic jam aliunde notus sit.

(c) Dolores partus dividi solent in veros & spurios: veri dicuntur, qui tempore graviditatis absoluto, vel saltem ad finem vergente, incidunt, quique a lumbis incipiunt, & inde per ingui-  
na ad partes naturales progrediuntur; spurii vero sive falsi sunt, qui instar dolorum colicorum in  
superiori & media potissimum ventris parte percipiuntur, & a flatibus, præva victus ratione ac si-  
milibus causis oriuntur: qui vero partum non indicant. In veris etiam os uteri se dilatat, in fal-  
sis vero clausum manet. Conf. Tab. XXXIII. fig. 1. C.



roboretur, ita hi sæpe transeunt, partu legitimo tandem tempore succedente. Accidere enim quam sæpissime solet, ut non pariendi solum difficultatem egregiam, sed ipsam quoque mortem sibi et atque infantibus suis mulieres concitent, sicubi, vel sua imprudentia, vel ab obstetricibus atque aliis forte imprudentibus, aut saltem non satis expertis mulieribus, vel & ab intempestivis partus doloribus sollicitatæ, partum immaturum præmature edere nituntur. Quod si autem novem circiter mensium a conceptione spatium effluxisse, adeoque *verum atque naturale partus tempus incidisse cognoscitur*, verique partus dolores adsint, qui scilicet ex lumbis proveniunt & inde ad pubem descendunt, artus sub doloribus vehementer contremiscunt, tenesmus perpetuus urget, atque *simul os uteri se dilatat*, (quod quomodo explorandum fig. 1. Tab. XXXIII. indicatur) mulier omnia, quæ sui sunt officii, rite faciat, idque vel in lecto, vel in peculiari ad hanc rem accommodato sedili sive sella, nec partus tamen, *ore uteri licet aperto*, partusque doloribus rite incrementibus, feliciter succedit, (nam rebus his omnibus præsentibus, partus alias naturalis ut plurimum succedere solet) utique auxilium efficacius & curationem idoneam adhibuisse necesse est. Antequam vero hanc exponamus, sciendum, Galliæ aliarumque multarum nationum *mulieres decumbendo in lecto parere*. Verum mulierum Germanarum plerarumque mos est in *peculiari sedili*, quale Tab. XXXIII. fig. 14. repræsentatur, *sedendo parere* (a); quem morem etiam varias ob rationes illi præferendum esse censeo: cum primis quia vires suas, dum pedes terræ, dorsum parti sedilis posteriori A, clunes asseri transverso C, sic excavato, ut os coccygis satis commode cedere queat, nituntur, manus vero habenas DD comprehendunt, longe melius exerere, obstetrix vero atque juvantes commodius undique ad parturientem accedere adeoque & ei melius succurrere possunt. Quibusdam in locis, *ubi peculiaris ejusmodi sedilia deficiunt*, duobus vulgaribus, *attamen equalibus utuntur sedilibus*, quæ ita conjungunt, ut ad sex vel octo circiter pollicum spatium a se invicem distent, quæ colligant aut firmant, ut cedere facile nequeant, eisque parturientem ita imponunt, ut unicuique sedili una clunis insistant; anus vero cum naturalibus mulieris cum interstitio sedilium respondeat; quo fit, ut os sacrum & coccygis a compressione libera sint; atque in partu foetui egredienti facile cedere queant. *Apud rusticos multos ac plebejos homines in Germania usu venit, ut mariti, vel robustæ mulieris, in vulgari sedili sedentis, femoribus aut gremio parturiens imponatur*; qui eam brachiis amplectitur ac firmat, atque sic sedilis obstetricii vices præstat (b).

II. Præ omnibus vero obstetrices & medicos obstetricantes *os uteri vel ex Anatome, vel ex figuris Tab. XXIX. fig. 2. L. vel Tab. XXXIII. fig. 1. C.* aliisve libris anatomicis aut obstetriciis *probe nosse decet*. Deinde sciendum, hoc os in mulieribus, & præsertim etiam gravidis, *extra partus tempus ita clausum esse*, ut vix apicem tenuis cujusdam digiti admittat, atque tamdiu ita clausum esse, donec verum parturiendi tempus appropinquet. *Quamdiu autem veri partus dolores nondum adsunt, clausum manet*; sed si dolores viri sunt, *sensim se dilatat*, ut unum ac tandem aliquot digitos facile recipiat, atque in hac uteri apertura *membrana foetum ambientes, ad instar vesicæ aqua distentæ*, imo sæpe quoque per has quænam pars foetus os uteri ingrediatur, aut vicina sit, digitis percipi possunt: unde *instans partus quam certissime cognoscitur*, isque co-  

N n 2
gis

2. Oris uteri  
scientia ne-  
cessaria est.

(a) Quamvis mulieres ut plurimum *sedendo* aut *cubando* pariant; tamen *stando* quoque sæpe parere solent: id quod puellæ, ex furtiva venere gravidæ factæ, quæ partum occultare volunt, haud raro solæ faciunt.

(b) Notare hic placet, veteres & quidem Hippocrates, Celsus, Aegineta & Aetius de foetu mortuo educendo agere; verum de foetu vivo male disposito extrahendo nihil præcipere.



gis hoc os uteri hiat . Ut autem obstetrix aut chirurgus obstetrix aut chirurgus obstetricans os uteri explorare rite sciat , mulieri gravidæ , ejusmodi dolores sentienti , vel ad parietem stanti , vel super lectulo decumbenti , digitum indicem & medium , vel saltem medium , oleo inunctum , per os vaginæ ad uteri os blande immittat ( vid. Tab. XXXIII. fig. 1. ) & utrum apertum an clausum adhuc sit , itemque utrum parum an multum jam pateat , prudenter exploret : atque hac exploratione simul discere potest , sit ne partus jam valde vicinus , an adhuc remotus ; ut & utrum os uteri medium vaginæ directe respiciat , sicut in fig. 1. , an ad latus aliquod inclinet ; adeoque utrum uterus situm habeat rectum , id quod felicem partum prælagit , an magis minusve obliquum ; itemque utrum caput , an pes , manus , aut alia pars foetus exitum molliatur : unde futuri partus facilis aut difficilis haud vana , sed certa admodum desumuntur indicia ; quemadmodum DEVENTERVS Medicus Belga , itemque Jo. van HOORN Medicus Suecus , ac Widemannia , obstetrix Augustana , in egregiis de arte obstetricandi libris quam optime docuerunt ; cum sine hac exploratione omnia , quæ hic aguntur , dubia atque incerta sint . Hoc solum in explorando ore uteri adhuc est observandum , ut exploratio hæc fiat doloribus remittentibus , & dum novi dolores ingruunt , chirurgus vel obstetrix aliquamdiu quiescat , donec dolores hi præterierint , ubi explorationem decenti ratione continuare potest , quo cognoscat , quod cognoscere voluit .

Situs fatus  
noscendi  
qualis .

III. His fundamentis loco præmissis , ad mulierem parturientem vocatus Medicus vel chirurgus ante omnia ex obstetrice , qualis sit infantis in utero positura sive situs , naturalis an præter naturam quam curiosissime exploret . Solet autem quam maxime naturalis atque conveniens positura censeretur , sicubi pronus ita in caput conversus infans sit , ut facies intestinum rectum , occiput vesicam , pedesque sursum fundum uteri respiciant , vertex vero sive bregma directe uteri ori immineat . ( vid. Tab. XXXIII. fig. 2. Ceteræ posituræ omnes pro insolentibus minusque naturalibus habentur . Sed binæ tamen in his sunt , quæ inter posituras naturales adhuc aliquo modo referri , vel saltem pro his quam proximis ac minus insolentibus haberi possunt ; propterea quod infantes in hoc situ adhuc sponte vivique nasci queant , & ubi auxilium adhibendum longe minorem , quam reliquæ , partus difficultatem secum ferant . Altera earum est , Quam infans pedibus primum in lucem prodire occipit , quales partus Agrippi appellantur ( vid. fig. 3. ) altera , quando clunes sive nates ori vulvæ sese opponunt , atque infans proinde præpostere & quasi complicato corpore ex utero egredi nititur . vid. fig. 4. At enim vero non æque semper facilis atque faustus cum his posterioribus infantum posituris conjunctus solet esse partus . Nisi enim prudentis Medici vel obstetricis alicujus moderatione gnaviter iidem promoveantur , sed paulo diutius ita in angustis partus viis hæreere coguntur , ut fieri aliter vix potest , quam ut infans , ob fortem & foetus & funiculi umbilicalis compressionem , tandem ipso emoriatur . Interea tamen ubi pedes infantis primo in conspectum veniunt , tum non servari tantum facilius ; sed si negotium rite instituat , extrahi quoque commodius atque promptius infantes possunt : præsertim si prudentis alicujus obstetricis aut auxilium haud defuerit . Imo vero , ut ne quid hic dissimulemus , ipsa positura ista , ceteris bene sese habentibus , utique quam maxime fere commoda omnium pro Medico obstetricante aut obstetrice est pronuncianda , quia in hoc quam optime puerperæ succurrere potest ; quemadmodum ex infra dicendis uberius patebit . Sin aliter situs aut compositus infans est , quemadmodum perversi ejusmodi situs innumeri esse possunt , eorumque nonnullos fig. 5. 6. 7. 8. 9. 10. 11. 12. delineavimus , non difficilis tantum , sed prorsus non procedere partus ; imo graviter quoque periclitari foetus una cum ipsa

ma-



matre consuevit , nisi opportuna prudentis obstetricis aut chirurgi moderatione aliter idem dirigatur , vel convertatur , atque educatur .

IV. *Qualiter vero in utero situs vel compositus infans sit* , nisi manus aut pes aliquis prominens idem significaverit ; sciscitari vel ex obstetrice oportebit , vel & , ne qua forte obstetricum inscitia , quæ ingens & stupenda sæpe est , turpiter nos fallat , digitis quibusdam , ut supra jam docuimus , vel si os uteri latius patet , & hi forte non sufficiant , *manu provide in uterum* , quando dolores parum remittunt , *demissis (a)* , explorare quam curiosissime decebit . Si caput ori vulvæ proximum , id quod tamen probe ab aliis partibus dignoscendum (b) , atque sic decenter compositus esse infans digitis aut manu deprehendatur , nec tamen satis feliciter succedere partus deprehenditur ; colligendum omnino hinc est , *vel a mulieris parturientis aliquo vitio* , ut vel ob sanguinis nimiam abundantiam , imbecillitate ejus , vel a partium naturalium ejus angustia , clausura , tumore , situ uteri obliquo , aliove illius vitio aliquo ; vel denique *ex parte fœtus a capitis infantis magnitudine inusitata , aut inconveniente hujus situ* , dum mentum , faciem , aures , occiput , humerum , brachium , pectus , dorsum , aliasve partes offert , difficilioris partus rationem esse repetendam . Sicubi forte vires atque partus dolores puerperæ deficiunt , fœtus vero convenientem ac debitum habet situm , vel partus ob partium angustiam , ut in primiparis , vel ob caput paulo majus , succedere nolit , necessarium tunc utique erit , alimentis & medicamentis roborantibus partumque concitantibus a prudenti Medico propositis , ipsi succurrere , manumque oleo prius illita , in vaginam os sacrum versus demissa , os coccygis gnaviter præsertim sub doloribus reprimere , atque sic vias sensim dilatare : siquidem , hoc facto , vires ac dolores partus veri , nisi aliud quid obstat , ut plurimum redeunt , & felicius sæpe mox succedere partus consuevit . Sic si sanguinis abundantia partum remoratur , vena incidenda est . Ubi vero vel nimis angusta , ac præsertim in primiparis , maxime annosioribus , vel sicca nimis naturalia sunt , haud abs re fuerit , butyro , vel pinguedine aut axungia quadam , vel oleo , vel emollientibus hujuscemodi aliis eadem sæpius inungere , atque digitis sensim sensimque , imo tandem manibus , ut mox uberius exponemus , dilatare (c) . Interea si membrana quædam minus naturalis vaginam præcludit , ferramentis adhibitis concidi illa eum in modum debet , quem supra ( cap. 146. & 147. ) explicavimus . Si porro indecenter naturalia intumuerunt , ut transmitti fœtus haud quaquam possit ; tum fomenta seu malagmata digerentia , ex chamomillæ , sambuci & verbasci floribus , herba althææ , malvæ atque id genus rebus aliis confecta , atque cum lacte decocta , identidem superimponi calida debent . Similiter si vaginæ tumor aliquis , fungus major , vel caro excrescens partum difficiliorem efficit , tum extirpare illum , supra Cap. 149. posito modo convenit . Tandem ubi forte partium naturalium nimia angustia adest ex vaginæ vel oris uteri callo , aut similis noxa quædam alia partum impediverit ; vel & ubi forte uterus fuerit laceratus & fœtus in cavum ventris forte illapsus , tum miserum , sed unicum quandoque auxilium est , infantem , qui naturaliter edi in lucem nequit , *adhibita sectione cesarea* , ex utero protrahere : quemadmodum hac de re prolixè satis Cap. III. Tom. III. egimus . Sed si ab ultimis hisce vitiis

libe-

(a) Manus tenues , graciles huic negotio sunt aptissimæ ; crassæ vero atq; amplæ minus .

(b) Sæpius jam imperiti aut imprudentes humerum , nates , genu , cubitum , aut alias partes pro capite habuerunt , atq; sic vehementer in perniciem fœtus & matris errarunt .

(c) Memoratu dignum utique videtur quod a VOELTERO , Chirurgo Germano , lib. de arte obstetr. pag. m. 112. hanc in rem propositum legimus , mulieris istius exemplum , quæ , tametsi septies concepisset , nunquam tamen eniti fœtum , propter egregiam naturalium angustiam , potuerit ; sed liberari potius semper , frustulatim extractis infantibus debuerit . Alia nimis angustis exempla apud alios adhuc leguntur .



*libera esse mulier, decenterque compositus infans deprehenditur, & tamen partus, ob viarum præsertim angustiam, succedere nolit, quamvis adhuc partus dolores adsint; ante omnia mulier ejusmodi partu difficili laborans, emissa prius urina, in situm convenientem & quidem vel more Gallorum transversim super lectum ponatur; natibus in ora lecti collocatis, iisque capite paulo altioribus, vel super sedili ad id proprio (vid. Tab. XXXIII. fig. 15.) eadem ratione deponatur, ut sic foetus paulo relabatur, & manus obstetricantis facilius intrare queat, diligentissimeque ab utroque latere, præsertim quoad genua ac pedes, ab adstantibus mulieribus contineatur. Deinde vagina & uterus cum per adhibita olea, pinguedines vel unguenta, tum etiam per insertos digitos, aut manum integram, si fieri potest, a Medico vel ab obstetrice ante parturientem humili sella sedente, os uteri tam externum, sicut præcipue in primiparis, quam internum, subinde magis atque magis blande dilatentur, imo & tota pelvis, os coccygis manus dorso sensim repellendo ampliatur, præsertim sub partus doloribus, quo ipso paulatim caput descendere & tandem retracta manu prorumpere solet: quod si prehendi potest, blande trahatur; aut si forte aliquali situ obliquo, aut præternaturam, sicut in Tab. XXXIII. fig. 8. & 9. se repræsentat, manu in situm naturalem, si fieri facile potest, dirigatur: non neglectis interim medicamentis idoneis internis roborantibus partumque, si dolores deficient, promoventibus, donec tandem feliciter partus succedat. (a) Sin verò in situm naturalem facile dirigi nequeat, mox pedes quærendi, eisque ut foetus male dispositus protrahendus. Quodsi membranæ foetus duriores sive robustiores sint, quam ut sponte tandem rumpantur, licet os uteri satis dilatatum & caput post eos digitis percipiatur, atque hoc ipso partus diutius, quam par est, retardetur, imo forte & mater debilitetur, vel digitorum unguinibus vel uncinulo rumpendæ. Tamdiu vero a rumpendis membranis abstinendum, quamdiu os uteri nondum satis ampliatum est: quia hoc ipso partus induceretur difficilior. Ceterum in succurrendis mulieribus partu difficili laborantibus, ab instrumentis quibuscunque diligenter abstinuisset atque nudas manus naturalibus applicasse convenit, quamdiu matri vires sunt & vivus existere infans animadvertitur. Siquidem alias periculum est, ne graviter infans ab instrumentis attingatur atque lædatur, imo prorsus interficiatur. Sed si vires ei non sunt & matri a mora mors metuenda, aliter est procedendum, atque foetus vel mature pedibus; vel si hoc forte præstari amplius non possit, pro matre servanda ferramentis est educendus. Præstat enim hic arte & matrem & foetum, si fieri potest, servare, quam naturæ nimis confidendo, ut imperiti atque nimis timidi facere consueverunt, eique negotium temere relinquendo, & foetum & matrem sæpe negligere ac perdere.*

*Monitum  
grave circa  
hanc pos-  
sionem.*

V. Hic igitur situs, quemadmodum hoc loco monere haud alienum est, quo caput foetus ori uteri & vaginæ insistit, licet maxime naturalis vulgo habeatur ac videatur, tamen ob supra jam indicatas causas, præsertim vero quando ob situm uteri obliquum, (b) vel aliam ob causam foetus non vertice cum axe vaginæ respondet, sed potius, latera capitis, vel facies, sicut in fig. 8. & 9. vel aures, vel occiput sese offerunt, sæpe tam difficilem partum concitat, ut foetus haud raro neque viribus naturæ, neque artis auxilio produci vivus ulla ratione valeat. Ut plurimum imperiti capitis foetus magnitudinem sed falso accusant; cum hoc sæpe non majus, quam vulgo esse solet, deprehendatur atque jam angustissimum os uteri transiit. Causæ vero tam difficilis partus, præsertim si latus capitis vel

au-

(a) Notandum hic est, raro partus dolores deficere, quando manus, ut modo dictum est, in uterum agit. Inde enim ita stimulat, ut dolores plerumque satis vehementes inde sequantur.

(b) De hoc primum Siegemunda, obstetrix Branderburgica, postea vero uberius & curatius DEVENTERVS & HOORNIVS egerunt.



aures se offerant , sunt potius plerumque humeri , ossibus pelvis insistentes , unde neque naturæ neque manuum auxilio sæpe removeri queunt : maxime quia manibus caput rotundum & lubricum firmiter satis prehendi & protrahi nequit , adeoque sensim fœtus in utero ita constringitur , ut ipsi tandem moriendum sit . Quo factum est , ut quam prudentissimi & in arte obstetricandi quam peritissimi Professores hosce fœtus situs , quia sub specie boni adeo vehementer quam prudentissimos etiam sæpe fallunt , quam maxime pertimescant , & quousque alios potius juvare malint : quoniam in his manibus in uterum plerumque pervenire , fœtum pedibus comprehendere & extrahere possunt ; in hoc vero , ubi fœtus caput tam vehementer , & quidem plerumque oblique ori uteri ac vaginæ impulsus & quasi incuneatum est , atque simul humeris circa pelvis ossa hæret , præterquam quod principio spe felicitis partus , ubi juvare potuissent , vulgo negligatur , postea manibus chirurgi ingressus adeoque & juvandi potentia omnis denegatur , ita ut neque fœtui neque subinde etiam matri succurrere amplius queant ; sed interitus utriusque testes vel inviti , idque maximo cum mœrore , esse coguntur . Conf. Cap. CXIII. de partu cæsareo §. VI. & alibi , itemque DEVENTERVS , HOORNIVS Svecus ; La MOTTE lib. de art. obstetricandi , alique.

VI. Atque id ipsum equidem cum cognita alias artificia ad hunc partum juvandum nihil proficerent , in causa fuisse videtur , quare PALFINVS , chirurgus quondam Gandavenis haud ignobilis , cum quo amice olim vixi , quum uncis , forcipibus aliisve instrumentis acutis fœtum vivum , metu ne ipsum dilaceremus & interficiamus , sine summa necessitate aggredi haud liceat , duplex ferramentum aliquod , ad instar cochlearis vel unci alicujus recurvum , sed latum tamen , planum atque retusum adaptaverit , quo ad utrumque capitis latus applicato extrahi fœtus absque laceratione capitis aut alius cujusdam gravioris noxæ periculo valeat . ( vid. Tab. XXXIII. fig. 16. ) Vera hujus instrumenti magnitudo , quæ mihi transmissa est , altero tanto major est ea , quam in hac tabula designavimus . Voluit autem idem instrumenti genus tunc maxime adhiberi , quando fœtus adhuc vivit , vel saltem quando fœtum mortuum esse non satis certo constat . ( a ) Accidere enim haud raro solet , ut infantes ac præsertim caput propter difficiliorem ejusmodi partum & diuturniorem in his angustiiis moram , adeo comprimantur , atque inde tam debiles fiant , ut nulla amplius in eis vita percipiatur , adeoque pro emortuis habeantur , adhibitisque ad eos extrahendos uncis acutis communibus miserandum in modum discerpan- tur . Adhibui quidem hæc Palsyniana ferramenta , sed sine successu . Quod si enim caput blande eis comprimitur , fœtus adeo inclusus non sequitur ; si nimis fortiter , periculum est , ne caput tenerum comminuatur . Quæ cum usu didicissem , emendare quidem instrumenta modo dicta Palsyniana studui , atque ambo ope cardinis mobilis in unum redegi ea intentione , ut caput sic eis melius comprehendere queat ; verum & sic negotium mihi non successit . Ita ut pessimus sæpe fœtus hic sit situs , qui vel requirit , ut cæsarea instituatursectio vel ut fœtus sive mortuus sive vivus ad servandam matrem , uncis Tab. XXXIII. fig. 17. vel 18. vel aliis ferramentis extrahatur . Interea tamen infra §. XVI. & XVII. adhuc peculiaris artificia , quibus hoc in rerum statu sibi succurri potest , proponemus .

VII. Sin minus naturaliter atque ita forte compositus in utero infans fuerit , quemadmodum fig. 5. 6. 7. 8. 9. 10. 11. 12. nec non tabulæ passim a SCIPIONE MERCVRIO , WELSCHIO , GVILLEMÆO , MAVRICÆO , VOELTERO , PAVCO , ( *Peu* ) VIARDELIO , SIEGEMVNDÄ , obstetrice Bran-

*Palsynianus  
operandi mo-  
dus.*

*Quid facien-  
dum , si  
positura fue-  
rit præter  
naturam.*

*de-*

( a ) Ita mihi relatum est ab amico , qui hæc ferramenta mecum communicavit ; nam PALFINVS ipse hac de re nihil , quod scio , litteris prodidit .



*deburgica*, DEVENTERO, MELLIO, atque alibi propositæ, demonstrant; sane, nisi aliter idem dirigatur atque manibus invertatur, vix ac ne vix quidem succedere partus valebit, sed & matri & foetui vitæ periculum minuitur. *Tantum enim abest, ut vel medicamenta pellentia vel nisus atque labores mulieris parturientis quicquam in ejusmodi infantum posituris præter naturam proficiant*, ut periculum potius sit, ne foetus tandem forti compressione uteri conficiatur, & ne mater consumptis viribus omnibus, vel superveniente sanguinis larga profusione, vel uteri ruptura aut gangræna tandem quoque pereat, vel saltem grave corporis vitium aliquod superveniat. *Itaque nihil sollicitius agendum hic est, quam ut infans quamprimum perita manu, in uterum decenter immissa, invertatur atque extrahatur.* Multa quidem hoc præstandi artificia ab auctoribus variis describuntur; attamen *varia eorum absona prorsusque noxia sunt* atque in usum plerumque ne quidem adhiberi queunt; (a) verum inverti atque in lucem exponi vix ac ne vix quidem certius atque commodius idem poterit, quam ubi, demissa quam prudentissime manu, oleo illita, in uterum (vid. Tab. XXXIII. fig. 6. 10. & 11.) pedibus quæsitis atque apprehensis, moderatione convenienti adhibita, paulatim is protrahatur. Quam ipsam equidem regulam quasi supremam atque universalem minus naturaliter compositos infantes dirigendi atque extrahendi legem, quemcunque etiam fere situm p. n. obtineant, merito constituimus atque chirurgis quam maxime commendamus; paucis solum exceptis, ubi scilicet caput parum solum a recta via deflectit, facileque in eam dirigi potest. Quo minus enim alias in caput semper converti foetus queat, quemadmodum tamen ex antiquioribus nonnulli, sed in hac arte minus exercitati præcipiunt, non mirifica solum uteri in parturientibus constrictio atque angustia, verum ipsius quoque capitis foetus rotunditas atque lubricitas, ut pro ipso in naturalem situm reducendo atque convertendo in tam stricto spatio satis comprehendi nequeat, ut plurimum prohibent. Imo periculum simul est, ne, si paulo firmitus & quantum pro eo invertendo satis est, idem comprehendatur & comprimatur, sive cerebrum comminatur, sive oculi, sive alia quædam capitis pars, detrimentum aliquod sentiant. Ut proinde ineptum, noxium atque ab ipso rerum usu alienum consilium dare illi videantur, qui, quomodocumque etiam in utero compositos infantes in situm naturalem converti & posse & debere jubent ac statuunt. Imo a MOTTII sententia, qui vult, ut, quamvis etiam foetus caput in situm naturalem verti possit, tamen pedibus potius is extrahatur (a), non sum alienus. Nam plerumque citius pedibus extrahi, quam caput in naturalem situm redigi potest, atque sic puerpera liberata, & foetus plerumque vivus extractus est. Quando autem post multos labores caput in hunc situm redactum est, tunc partus non est absolutus, nec puerpera liberata, sed potius opus naturæ tantum relinquitur, & ut a principio quasi incipiat puerpera, cogitur; id quod sæpe ob vires jam prostratas aliasve ob causas præstare nequit, adeoque vel tunc adhuc post multos exantlatos labores pedes quærendi; ad quos vero ob caput fortius constrictum ab utero manibus tunc pervenire amplius vel non, vel saltem longe difficilius, possumus. Vel foetus interea mortuus est, vel adhuc inter extrahendum moritur, qui antea vivus produci potuisset, mulierque longe vehementius tunc, quam initio afficitur, ut & illa postea sæpe adhuc pereat; vel foetus extremo remedio, ferramenti scilicet, pro matre tantum servanda, est recipiendus. Adeoque revera præstare existimo ejusmodi foetum mature pedibus promere, quam caput ejus in situm naturalem magno & sæpe inutili labore dirigere velle.

## VIII.

(a) V. gr. quando jubent, ut foetus pedibus, brachio, natibus &c. veniens, in caput convertatur &c.

(b) Lib. de art. obstetric. Lib. III. Cap. 32.



VIII. Antequam vero specialius in doctrina de invertendis extrahendisque ex utero infantibus progrediar, a scopo nostro haud alienum erit, hic prius adhuc generatim indicare quibusnam in casibus quam maxime illa infantum inversio & per pedes extractio necessaria sit. Itaque sciendum, eam instituendam esse 1. in omni situ infantum, ubi aliam partem, quam caput & speciatim verticem, in ore uteri offerunt, (vid. figuræ Tab. XXXIII. propositæ, 5. ad 12.) 2. in omni casu, ubi præter caput, adhuc alia corporis pars ex utero prodit, & cum primis manus aut funiculus umbilicalis, si eam vel obstetrix vel chirurgus ita repellere nequeat, ut doloribus novis oriundis denuo ex utero non expellatur. 3. Ubicumque latus aliquod capitis, ut aures, facies, mentum, occiput, ita in exitum ex utero impellitur, ut caput in naturalem situm non adeo magno negotio redigi queat, sicut ex figura 8. & 9. videre licet. 4. Quoties vel dorsum vel venter, ut in fig. 5. & 7. vel latus quoddam ventris ori uteri oppositum est. 5. Etiam in situ foetus prorsus naturali, ubi ob certas causas, de quibus jam antea dictum, partus non promovetur, sed potius metuendum est, infantem vivum nasci non posse, partumque vel foetui, vel matri, vel utrique vitæ periculum minitari: quales causæ sunt, ingens aut periculosum sanguinis ex utero profluvium, vires deficientes, itemque convulsiones aut epilepsia parturientis. His enim omnibus in casibus, quia ingens periculum est, ne & mater & foetus brevi conficiantur, maturanda est huius per pedes extractio. Nam tutius atque melius est, foetum sine mora, ubi & huic & matri vires sunt; pedibus extrahere, quam diuturno alio labore foetum aliter diligere vel educere velle, id quod foetui & matri alienum esse poterit. Denique 6. quando funiculus umbilicalis ante foetus caput ex utero devolvitur. Si enim infans in hoc rerum statu non brevi protrahitur, ob funiculum eum compressum & circulum sanguinis cum matre interceptum perit. His tandem 7. haud immerito addi potest, quando uterus situm habet obliquum, licet foetus rite sit dispositus, nam facilius hic plerumque est foetum pedibus extrahere, quam uterum obliquum in situm directum dirigere aut convertere. In omnibus igitur hisce ac similibus casibus multas ob causas & præcipue quia periculum in mora, extractionem præstat maturare, quam justo diutius differre; quemadmodum præter alios egregie hoc demonstravit DEVENTERVS l. cit. HOORNIVS, Suecus, lib. cit. Cap. VIII. alique.

IX. Verum inter posituras infantis præter naturalem innumeræ una ex quam maxime periculosis pariter atque frequentibus illa est, qua manus vel brachium aliquod exitum molitur, aut omnino in conspectum prodit, ut in fig. 11. videre est; adeoque hanc primo exempli loco hic proponemus. Si in principio partus, præsertim antequam aquæ ruptæ sunt, manus infantis per tunicas percipitur, hic sæpe sponte manum retrahit, si obstetricans digitos ejus suis digitis premit & quasi mordet, ac deinde loco manus aut cubiti quandoque caput offert, partusque tunc haud raro naturalis succedit (a). Sed si aquæ jam ruptæ sunt, digitorum hæc moriunculæ nihil proficiunt: quia tunc ob uterum arctius jam constrictum manum retrahere nequit. Plerique hic suadent, ut obstetricans eam in uterum refundere, & caput ad os uteri adducere, rem naturæ committere, atque postea naturalem partum expectare debeat; verum quia hæc res multo, eoque sæpe inutili labori, imo & magno periculo, dum tempus extractioni maxime opportunum hac repositione sæpe perdimus, obnoxia est, præstat, mea quidem sententia, foetum mox pedibus extrahere. Nam si brachio venit, transversim atque ita positus infans est ut, caput cum collo in altero, pectus cum abdomine & pedibus in altero collatum sit latere, adeoque corpus brachium sequi nequit: & si quis hoc brachio in-

Speciatim si  
brachium  
vel manus  
prodit.

Heisteri Chirurgicæ Tom. III.

O o

fan-

(a) - Hoc Sigismundam; obstetricem Brandeburgicam, primum notasse, observat etiam DEVENTERVS l. c.



fantem fortiter trahendo educere contenderet, quemadmodum imprudentes obstetrices quandoque adhuc faciunt, foetum quidem fortius in vaginam attraheret, sed non educeret; nisi forte imperfectus, vel saltem valde exiguus sit, quemadmodum aliquando vidi: imo hac actione in perfecto brachium citius a reliquo corpore evelleretur, quam infans, praesertim si justam aut forte adhuc paulo majorem & magnitudinem & amplitudinem is habuerit, educi posset. Ne qua forte igitur hunc in modum compositus foetus una cum ipsa matre intereat, id quod brevi & facile saepe fieri solet, *operam dare maximam convenit, ut, dum medicamenta hic parum proficiunt, neque manus restitutio neque capitis in naturalem locum directio utilis sit, quamprimum per demissam manum & brachium, oleo inunctum, idque ubi opus est, ad cubitum usque in uterum, ut fig. 10. & 11. indicant, quesitis & apprehensis pedibus, quemadmodum mox paulo plenius exponemus, aliter dirigatur, invertatur, & represso simul altera manu brachio propendente extrahatur, id quod vero plerumque, praesertim si foetus jamdiu in hoc situ haesit, sine magno labore fieri nequit. Interea tamen hoc difficili ac periculoso situ decenter exposito, sane quibus rationibus tractare ceteros plurimos deceat, quilibet fere prudens, praesertim qui uteri & ossium pelvis fabricam probe intelligit, atque ad situm foetus rite attendit, ex ratione jam per se fere intelligere poterit. Hoc unicum solum adhuc monere volui, ut, quando manum in uterum immittere volumus, hoc semper fiat in vaginae parte recto vicina: nam in superiori parte, ob ossa pubis res non succedit.*

Quomodo hic  
succurren-  
dum uberius  
exponitur.

X. Itaque ut ob rei gravitatem hoc artificium, ubi: *brachium aliquod infantis primo exire tentat, aut jam jam prolapsum est*, dum pro norma reliquorum esse debet, paulo uberius exponatur, sane, ut feliciter ejusmodi partus rite promoveatur, id ante omnia sibi datum chirurgus existimet, ut, quantum quidem fieri potest, *commodissima ratione mulier parturiens deponatur*: sic enim dubium non est, quin, ut in aliis gravioribus curationibus chirurgicis, ita & hic promptius atque feliciter expediri singula queant. Oportet igitur vel *super sella quadam ad id propria*, atque istiusmodi fulcimento dorsali instructa, quod retro deprimi pro arbitrio chirurgi atque velut in lectulum transformari valet, (vid. Tab. XXXIII. fig. 15.) vel *transverso lecto, vel & super tabula quadam aut mensa*, vel super quatuor sedilibus vulgaribus, duobus semper sibi invicem oppositis, pulvinaribus & linteis contextis, resupinam mulierem ita collocare, ut, capite paululum depresso, coxis autem in extrema ora lecti, vel mensae, vel sedilium, reliquo corpore magis elevatis, pedibusque gnaviter diductis; atque a binis mulieribus vel ministris singulatim comprehensis, imus venter in conspectu Medici sit, commodissimeque tractari manibus naturalia atque infans male dispositus possint. His rite factis, *quenam infantis manus ex utero propendeat, circumspiciendum seduloque examinandum est*, quo nempe promptius inde cognosci ac statui possit, in quamnam ventris partem pedes infantis sint conversi, adeoque & quo in loco ii maxime quaerendi sint. Si itaque ex hac contemplatione *in sinistram ventris partem* infantis pedes conversi esse reperiuntur, vid. fig. 11.) manu dextra oleo, vel axungia, butyrove prius inuncta, leniterque juxta infantis brachium in uterum demissa, axilleque hujus subiecta; brachium una cum ipso capite aliquantisper rursus in uterum chirurgus reprimat, ut majus spatium pro liberiori brachii ingressu ac motu hoc ipso acquirat, eodemque facto, *manum cum brachio juxta ventrem foetus profundius sensim attamen sine vi, & hinc inde quasi rotando*, in uterum ad femur & crura demittat, pedesque infantis tandem praeendere studeat. Atque id quidem hoc majori cum solertia ac moderatione is faciat, quo magis difficile saepius est, pedes quam altissime saepe sursum versus exporrectos & a se invicem haud raro valde sejunctos, ap-  
pre-



prehendendi negotium ; interdum tamen , præsertim in recentibus casibus , quando uterus nondum valde est constrictus , & pedes conjuncti satis promte res succedit . *Quam inania vero sunt , non apprehensis pedibus , omnia fere reliqua conamina* , tam difficulter etiam uterus , insigniter quippe coarctatus , sæpe manum chirurgi vel obstetricis recipit : quum tamen ad usque cubiti flexuram eandem intromittere ut plurimum opus sit , ut ex fig. 10. & 11. conspici potest . Quando hoc *brachium chirurgi* , diuturniori paulo investigatione , ut sæpe fit , *valde lassum est* , illud retrahi , atque post aliquas inducias vel eodem rursus brachio , vel & , si chirurgus ita libuerit , altero immisso , *pedes quærendi* . Pedibus hunc in modum receptis , infans decenter attrahitur , eoque ipso vertitur , imo tandem educitur ; ea tamen adhibita observatione , ut non sursum nec recta , sed *deorsum ducatur* : quia angulus ossium pubis ibi amplissimus . Si forte non nisi alteruter pes initio inveniri aut apprehendi potest , ( nam rarius ambo simul in hoc casu comprehendere valemus ) tum is solus provide paululum ex utero protrahitur , *injectoque vinculo seu fascia paulo ampliore* , ne facile lædat , leniter deinde contorto , ne qua forte is relabatur aut retrahatur , sollicite cavetur . Dehinc manus chirurgi denuo juxta pedem extractum in interiori ejus latere , id quod ex pollice pedis cognoscitur , ad usque supremam femoris fœtus partem , atque ab hoc ad alterum demittitur , ( vid. fig. 12. ) descendendo *inde ad pedem alterum* , eoque simili , ut antea dictum est , ratione præhenso atque protracto , bini pedes ob lubricitatem naturalem linteo vel panniculo sicco & calido involvuntur , ut deinde firmitus apprehendi & attrahi queant , atque ita infans , siquidem is pronus in ventrem cubat , paulatim extrahitur . Sed si ob uteri angustiam aliamve ob causam *ad extremum pedem manu pervenire nequeo* , femur arripio , ejus ope fœtum verto , & genu ad os uteri ac tandem pedem educo , hocque ad genu usque ducto , alterum atque sic simul prædicta ratione fœtum educo ( a ) .

XI. *Sin vero resupinus jacere infans inter extrahendum deprehenditur* , ut in fig. 3. tum is , cruribus ad ventrem usque protractis , prehensio utrinque ventre & clunibus , ne pedes distorqueantur , ex præcepto plurimorum prudenter ita debet converti , ut pronus in ventrem jaceat . Namque alias periculum est , ne forte mentum instar unci ossibus pubis inhæreat , sive pubis ossa firmiter infantis mentum comprehendant uterisque simul circa collum fœtus se constringat , eundemque , prout accidere , propter flagitiosam obstetricum quarundam imprudentiam , haud raro solet , miserabiliter conficiant . Contra vero , *qui opportune in ventrem conversi sunt infantes* , *ii facile & feliciter ut plurimum extrahi consueverunt* . Videndum tamen est , per quodnam latus in ventrem converti facillime queat , ut per illud etiam convertatur : nam sæpius observatur , rem in alterutro latere facilius fieri , in contrario autem collum facile distorqueri ; imo si in hac conversione simul *non linea directa , sed spirali extrahatur* , negotium plerumque facilius & quam optime succedit ( b ) . Vel si ad ventrem usque extractus est , eumque vertere nolimus , manus super ventrem & infra arcum ossium pubis in uterum dimittenda , ut dum altera manu fœ-

*Observationes cautelæ quædam.*

O o 2

tus

( a ) Conferri hic meretur ea dissertatio , quæ de partu difficili ex infante brachio prodeunte , sub WEDELII præsidio Jenæ A. 1732. prodiit .

( b ) Omnes fere recentiores fœtum sic supinum dispositum , in ventrem convertendum esse præcipiunt . Verum HOORNIVS , Suecus , vir in arte obstetricia & prudentissimus & exercitatissimus graves ob rationes dubium movet , *an non præstet fœtus ejusmodi non vertere* , sed eos potius aliis artificiis ex arcu ossium pubis solvere , quemadmodum infra uberius exponam : quoniam hoc actu sæpe corpus fœtus quidem converteretur , verum collum ejus potius pessima ratione contorqueretur , quod majus ipsi periculum , & chirurgus postea plus negotii , quam capitis prudens ex ossibus pubis subductio faceretur . Vid. HOORN. obs. 26. pag. 285.



tus educitur, mentum & facies sub manu prolabantur, & ab ossibus retineri nequeant. *Brachium infantis prolapsum tunc omnino in uterum repellere velle*, ut nonnulli docent, prorsus super vacuum, imo sæpe noxium atque interdum impossibile est: siquidem illud, recepto atque extracto pede alterutro, dum foetus sic vertitur, sua velut sponte, vel levi saltem alterius manus auxilio, foetum sequitur & in uterum retrahitur, moxque una cum foetu recipitur: ita ut non opus sit sibi multum negotii, parturienti vero inutiles hoc ipso dolores creare. *Si in dextram ventris partem foetus pedes conversi sunt*, sinistra manu ei commodissime investigantur atque educuntur. Interea tamen hoc dextra etiam fieri potest, si quis forsan sinistra non satis promptus esset. Sed ne quis tamen forsan ignoret, quare infantis pede alterutro extracto, alterum usque adeo provide ad ductum cruris illius demissa manu, prehendere conveniat; sciendum utique est, observationem istam eo potissimum spectare, ne qua forte, si gemelli intus in utero dilitescant, per alienos sive alterius infantis recipiatur, & per frustra adhibitam in extrahendis duorum foetuum pedibus violentiam ambo infantes graviter lædantur (a). Ceterum hætenus proposita operandi artificia, ut supra jam docuimus, sic omnino comparata sunt, ut ad plerasque fere omnes posituras infantum vitiosas egregie proficiant: quemadmodum & ego & plerique in arte obstetricandi exercitatissimi Medici profitentur. Nisi enim in caput, & quidem rite ac directe, ut supra §. 3. dixi, conversus infans est, pedes statim absque longiori mora, & antequam uterus vehementius se stringat, omni studio atque opera inquirendi sunt, iisque apprehensis idem extrahatur; hac enim ratione initio res ut plurimum facile & feliciter tam pro matre quam foetu succedit, atque hic plerumque vivus extrahitur. Si vero diutius, quam par est, cunctatur, uterus tam vehementer se constringit, ut manus non nisi difficillime & intrare & agere valeat, unde multa mala cum matri, tum foetui metuenda. Adeoque prudenti festinatione opus est: atque id magis etiam ideo, quia maximum omnino, ob foetum ab utero vehementius compressum, vitæ periculum in mora esse consuevit.

Conseſſaria  
quædam &  
axiomata.

XII. Atque ex jam dictis subsequencia fere profluunt conseſſaria: 1. *infantes, in pedes conversos, sive pedibus exitum ex utero molientes*, vid. fig. 3.) neutiquam reprimi, multo minus in caput, ut multi olim voluerunt dirigi debere, siquidem hoc vix unquam succedit; verum pedibus ab obstetrice aut chirurgo apprehensis, satis commode & cito, imo ut plurimum longe melius, citius ac certius, quam si capite instet, extrahi iidem solent: dummodo ipsi, pro ut supra jam tum præcepimus, non resupini, sed in faciem atque ventrem cubantes, educantur (b). Præstat tamen plerumque, ut hæc puerperæ resupinæ in lecto, quam in consueta vulgari sella a foetu liberentur. 2. *Si cum pede aut pedibus manus simul se ostendat*, foetus pedibus prehendendus, & ut dictum modo est, excutiendus, repressa simul leniter manu foetus prominente. 3. *Si manus cum natibus sese offerat*, eadem fere ratione est agendum, si pedes prehendi possunt; sin vero prehendi commode nequeant, nates & cum iis totus foetus extrahendus. 4. Quando extracto pede altero, alter inveniri nequeat, attamen natis hujus lateris, hoc indicat, pedem adhuc intus hæ-

ren-

(a) MOTTIVS lib. cit. aliusque recentior scriptor hanc cautelam rident, atque supervacaneam proclamant idque propterea, quia notum esset, gemellos non uni eidemque vesicæ sive membranæ inclusos esse, sed quemlibet suam habere propriam, adeoque & pedes utriusque confundi non posse: sed velim ut hi etiam sciant, membranas utriusque foetus simul rumpi, adeoque & pedes eorum confundi posse: ita ut hæc observatio, licet forte non semper sit necessaria, tamen non omnino mihi negligenda cum MAVRICÆO, DEVENTERO l. c. pag. 195. aliisque videatur.

(b) Nisi forte quis probè artificium illud HOORNII calleat, foetus etiam in hoc situ educendi, prout mox infra n. 8. id indicabitur.



rentem ventri incumbere . quod si fit , unico pede ejusmodi infans educi potest (a).  
 5. Si pede uno fœtus inverti & tamen alter reperiri nequeat , laqueo vel fascia ille comprehendendus & paululum ad os uteri adducendus ; deinde alter investigandus , & cum altero conjungendus , ita versio tandem obtineri potest . 6. Si in extractione fœtus per pedes *funiculus umbilicalis inter femora ejus conspiciatur* , ab uberiori extractione paululum desistendum , funiculusque prius paulo magis ex utero educendus , ita ut quasi ansam faciat : postea pedis unius genu retrorsum flectendum , totusque deinde pes per ansam funiculi transmittendus ; ita postea fœtus libere ac sine noxa extrahi poterit . Si contra *funiculus inter pedes fœtus relinqueretur* , donec totus prodiiisset , funiculus vel umbilicum fœtus lacerare , vel ipse funiculus juxta umbilicum facile rumpi posset , sic ut ligari postea nequiret ; unde funesta sæpe mala oriuntur . 7. De brachiis ; quando fœtus pedibus educitur *chirurgus non sit sollicitus* ; quia ut plurimum facile sequuntur corpus . Imo si seorsim & ante caput ea educere quis velit , collum deinde facile ab ore uteri constricto , nisi aliis artificiis id impediatur , constringeretur , caput sic retineretur , atque mors fœtus aliave mala produci possent , quæ omnia relictis brachiis , vel saltem alterutro , impediuntur . Similiter 8. *ubi tantum per alterutrum in conspectum prodit* , ut in fig. 12. haud quaquam necessarium est , ut , eodem rursus depresso , infans invertatur atque caput ejus recipiatur : neque tamen etiam facile pes hic unicus valde attrahi fœtusque eo solo educi debet ; sed satius est , pedem alterum eumque plerumque tunc vicinum , quando is ad genu usque protractus est , manu quærere , ( vid. fig. 12. ) ut supra jam dictum est , eosque simul apprehendere , atque tum infantem , modo exposita ratione , protrahere . Quando autem pes alter ventri secundum longitudinem appositus deprehenditur , unico pede quandoque , sicut antea monuimus , extractio fieri potest , si modo postea hæc , prehensis natibus , rite promoveatur .

XIII. Porro sicubi infans nates primum ostendit , eisque exitum molitur , quemadmodum sæpe fit , ( vid. fig. 4. ) tum fieri equidem vivus hac ratione partus potest ; sed difficulter tamen , præsertim in mulieribus angustioribus , succedere solet . Quandoquidem enim tunc , complicato velut corpore , pedibus ventri apposis , egredi aut protrahi infans debet , maximum utique periculum est , ne vehementi in angustis his compressione vel miserabiliter idem interficiatur , ut sæpe præsertim contigit , quando mulieres aut solæ pariunt , aut saltem sine prudenti obstetrice ; vel matris saltem naturalia dilacerentur graviterque lædantur . Quocirca nisi jam tum natium pars prodit , aut saltem nimis jam , ut repelli amplius commode nequeat , descendit , resupinare protinus mulierem , coxis elevatis , convenit , repressisque paululum infantis clunibus , pergendo a femore ad genu , pedem aliquem , qui tunc satis ut plurimum vicini sunt , apprehendere , ipsum educere , dein & alterum quærere atque ita ipsum extrahere præstat : imo si uterque pes hic commode comprehendendi non possit , alter solum extrahatur , & ope hujus totus postea fœtus . Quod si autem nates jam nimis descenderunt , atque sic fœtus repelli , vel pes comprehendendi nequit necessarium est , clunibus ejus utraque manu utrinque comprehensis , immissis præsertim digitis , indice vel medio , instar unci ad inguina , mox gnaviter eundem extrahere ; vid. fig. 4. atque id quamprimum facere , ne qua forte propter ipsam moram , diutius quasi compressus nimisque constrictus conficiatur . Si hic infans dorso incumberet , eductis pedibus in ventrem esset convertendus , nisi quis artificium istud calleat , mentum ex arcu ossium pubis subducendi . vid. mox infra n. 8.

XIV. Sicubi autem infantis humeri , capite & collo jam egressis , firmiter in  
 atc= Si fœtus humeris vel capite hæreat .

(a) Exempla hujus rei refert HOORNIVS l. c. pag. 226. 232. 239. & seq.



utero hærescunt , tum digitis utrinque prudenter sub axillis applicatis , alterum extrahi brachium , quod lubentissime sequitur , oportet , & deinde cum hoc simul reliquo corpore attracto totus facile sequitur foetus , præsertim si intestinum rectum versus simul prematur , ubi angulus ossium pubis amplissimus est : id quod & in plerisque aliis casibus observandum . Sed si contra *foetus pedibus primum prodiiisset ac ventre , sed circa brachia vel axillas hæreret* , digitis rursus in uno alterove latere , ubi id commodissime fieri potest , brachium alterutrum , relicto intus altero , caute educendum , & postea hujus & reliqui corporis beneficio totus foetus : id quod sic utplurimum facile contingit , præsertim si foetus pronus decumbit , & inter extrahendum hinc inde blande rotatur . Efficit tunc brachium alterum intus relictum , ut supra jam docuimus , ne uterus circa foetus collum claudi caputque sic retineri queat ; id quod alias facile contingit , & sæpe causa mortis est infanti . Haud raro quoque incidit , ut *infans , qui vel sponte pedibus primum egreditur , vel etiam manu iis educitur , circa collum , constricto uteri ore , præsertim si facies & mentum sursum spectant* , & manus in tempore non inter faciem & ossa pubis interjiciatur tandem hæreat . Quo in situ foetus diu vivere non potest : quia ab ore uteri collum foetus fortiter comprimente , arcte retinetur & quasi suffocatur . Si quis tunc foetum recta eumque vi extrahere allaboret , *facilius sæpe collum , relicto capite in utero , abrumperet* , quam ut foetum tam arcte inclusum , præsertim si supinus est , & mentum sic ab ossibus pubis ad instar unci retinetur , extrahere posset . Quapropter potius opera danda , ut , *si caput foetus pronum est* , manus sub collo ultra mentum & os foetus in uterum demittatur , digitisque duobus maxilla inferior & superior ita , ut nasus in medio eorum sit , prehendatur , premendo simul intestinum rectum versus , atque sic caput simul cum foetu blande educatur . Plerique docent , *ut in hoc situ digiti duo priores in os foetus demittantur , eisque caput excutiat* ; verum quia hac ratione facile tenera maxilla violatur , vel omnino evellitur , prædictum modo artificium hoc præstare existimo , quod HOORNIVS docuit (a) . *Quod si vero situm haberet supinum , & mentum ossium pubis arcui ; ut fieri tunc solet instar unci inhæreat fortius trahendo caput adhuc facilius diduceretur a corpore , quam foetus ex utero educeretur* , quia ossa pubis mentum fortiter remorantur . Quare ne foetus hic suffocetur & pereat , imo & ne caput foetui viventi avellatur , mulier in convenientem situm resupinanda atque altera manu mox in vaginam superius inserta mentum una cum maxilla superiori , ut modo diximus , comprehendendum , altera manu regioni pubis imposita , caput diligenter intestinum rectum versus deprimendum , attracto simul leniter infante ab adstante muliere , donec tandem prodeat : id quod vero plerumque , quia ossa pubis valde resistunt , non nisi difficulter succedit , atque chirurgus utplurimum multum laboris ac negotii facessit , & tamen foetus raro sic vivus extrahitur . Facilius autem negotium hoc procedere existimat HOORNIVS. (b) , quando *adstans hunc foetum pedibus comprehendit* , eos una cum foetu sursum attollit , & simul leniter trahit , dum chirurgus vel prædicto modo agit ; vel sinistra manu , occipiti subjecta , os coccygis probe reprimat , dextra vero prædicta ratione faciem ; ita primo cervix & occiput , atque ultimo facies prodibit , sic ut mentum foetus ab ossibus pubis matris , eo fere modo subducatur & evolvatur , quemadmodum uncus ita hærens extorqueri potest . Quandoque autem fit , observante eodem HOORNIO (c) , *ut dum foetum supinum in situm pronum invertimus , caput tamen non simul*

ver-

(a) Lib. de arte obstetric. p. 114. &amp; p. 283.

(b) Lib. de arte obstetric. obs. 26. p. 288.

(c) Ibid. pag. 289. &amp; in obs. 21.



vertatur ; sed collum intorqueatur atque educto foetu ad collum usque is æque mento post ossa pubis instar unci hæreat , ac si non fuisset conversus . Quod si contigit , vel eadem ratione , ut modo docuimus , vel & manibus prudenter & quidem mature interjectis , succurrendum est . Si ejusmodi foetus jam mortuus esset , simili modo educi , sed majori vi prehendi & evelli potest .

XV. Subsistere hic atque non plura de artificiis obstetricandi proferre pri- Alia ad hos  
præcepta ex  
primariis.  
mum in animo mihi erat , quam quæ ad foetum brachio prodeuntem , in exem-  
plum proferre volui , pertinent , eosque qui plura hac de re scire cupiunt , ad  
scriptores supra laudatos ablegare volui . Verum ut nobilis hæcce chirurgiæ pars  
paulo perfectior hic habeatur , nonnulla adhuc in tyronum gratiam , qui forte  
multos libros sibi comparare nequeunt , præcepta circa hoc negotium hic ad-  
dam , quæ ex primariis mihi esse videntur : ut 1. quando integris adhuc mem-  
branis , oreque uteri satis aperto , *pars alia , quam caput , tactu percipitur* , ut  
pes , manus , cubitus , axilla , genu , funiculus umbilicalis &c. membranæ un-  
guibus aut ferramento dirumpendæ , id quod tunc tuto fieri potest , pedes in-  
vestigandi , eisque foetus ejiciendus . 2. *Si caput non rite dispositum esse sentit* ,  
illud si parum aberrat , & commode hoc fieri potest , in situm naturalem ma-  
nu dirigat ; quod vero si facile fieri nequit , ne foetus conficiatur , protinus pe-  
dibus educendus : 3. *Ubi aquæ nimis cito rumpuntur* , & antequam obstetricans  
adlit , explorandum , an pars quædam foetus percipi queat . Si nulla , exspe-  
ctandum , donec aliqua se tactui manifestet . Quare si caput adesse cognoscimus  
rite dispositum , partus tandem plerumque faultus subsequitur ; sed si alia pars ,  
mox pedes querendi . 4. *Quando foetus principio partus mento ac facie exitum mo-  
liri percipitur* , atque fronte ossibus pubis insistit , qui situs satis quoque diffici-  
lis est , tunc facies manu dextra , ita , ut index & medius digitus sic maxillæ  
superiori adhibeantur , ut nasus foetus sit in medio , intestinum rectum versus  
deprimatur ; sinistra vero manu extus pubi ac capiti foetus imposita , caput hu-  
jus deorsum , infra ossa pubis , atque sic in vaginam & naturalem viam com-  
pellatur , id quod etiam , & subinde adhuc facilius fieri potest , si manu sini-  
stra in vaginam demissa , os coccygis gnaviter reprimatur , dextra vero , ut mo-  
do dictum est , facies foetus deprimatur . Quodsi vero foetus jam paulo diutius  
ita hæsit , in eundem situm supinum , ut antea diximus , puerpera est collocan-  
da , atque *recta capitis dispositio , prædicta ratione , est tentanda . Quæ autem si  
brevis obtineri nequit* , aut etiam molesto hoc labore supersedere velimus , mox  
sub ventre foetus manu ad pedes est progrediendum , iisque foetus , represso simul  
altera manu capite infantis , emoliendus : atque *sic etiam in aliis casibus , ubi  
aquis ruptis , caput a latere vel alias non satis bene dispositum esse intelligitur , est  
agendum* , idque inprimis sub ingruentibus doloribus ; ubi res , auxiliante natu-  
ra , optime succedit . Sed si hoc in ordinem redigi brevi nequit , foetus semper  
mox pedibus , ne emoriatur , educendus . 5. *Si collo vel humero venit , & caput  
ad latus inclinatum* , sicut forte in fig. 8. Tab. XXXIII. principio humerus sub-  
inde reprimi & caput adduci potest , muliere resupinata ; alias , si hoc non bre-  
vi succedit , mox , ( quod præstare existimo , ) pedes quærendi . 6. *Si foetus  
capite prono simul cum alterutro brachio in vaginam intrat* ; altera manus sub facie  
foetus ita in vaginam demittatur , ut super os foetus ad maxillam usque inferiorem  
progrediatur , sicque hæc comprehendatur , altera manus sive humerus arripiatur ,  
atque sic ambabus manibus deorsum trahatur , ita postea reliquum sæpe sequitur . (a)  
7. *Si utraque manus cum capite vaginam intrare nititur* , pedibus extrahendus . 8. *In quo-  
vis situ transverso foetus pedibus producendus* . 9. *Funiculo umbilicali cum capite prolapso* ,  
hic

(a) MOTTIVS quoque exemplum habet , ubi caput cum brachio prodire tentavit ; quem foe-  
tum etiam hac fere ratione feliciter produxit . obs. 18.



hic cito, muliere supina reclinata, post caput repellendus, alias brevi foetus, ut jam dictum est, perit. Si vero hic sive in hoc, sive in alio situ intus contineri nequeat, sed semper rursus, ut interdum contingit, prolaberetur, oportet foetum, ne moriatur, quod facillime fit, protinus pedibus promere. 10. Si foetu legitime prodeunte funiculus collo circumductus est, foetus non ita periclitatur, quam in praecedentibus casibus; attamen simulac hoc a chirurgo vel obstetrice observatur, a collo is, si fieri potest, devolvendus, & postea reliquus foetus uberius educendus. Sed si hoc commode fieri nequeat, & periculum est, ne hic disrumpatur, juxta collum is resecandus; & ab adstante tantisper, donec infante nato rite ligari queat, comprimendus. 11. Si gemelli adsint, id quod cum ex aliis signis, tum potissimum ex eo cognoscitur, quando altero foetu nato in secundinas inquirimus & vel adhuc alium foetum, vel si aquae hujus nondum ruptae sunt, aliquam adhuc magnam vesicam aqua distentam, in utero tactu percipimus. Quae si cognoscimus, funiculus prioris infantis mox resecandus ac juxta foetus umbilicum more consueto ligandus. Postea si alterius foetus membranae jam ruptae sunt, isque capite recta descendit, manibus ejus progressum juvare possumus ac debemus. Sed si perversum habet situm, mox pedibus apprehendendus atque extrahendus. Quod si vero aquae ejus nondum ruptae essent, non expectandum, donec haec sponte rumpantur; quia hoc partum, ut saepe observatum est, cum periculo matris & foetus, diu protrahere posset: nam os uteri se rursus constringeret, foetuique postea non commode succurrere valeremus. Adeoque praestat tunc membranas ejus mox disrumpere, id quod eo tempore sine omni damno fieri potest, & matrem saepe hic ut plurimum jam satis languidam, dum uterus adhuc satis patet, a foetu liberare.

De partibus  
difficilibus  
capite aut  
utero male  
disposito.

XVI. Quando in principio partus, vel saltem mox post effusas aquas, os uteri adeoque & foetus capitis vertex non directe cum vagina respondere; sed vel ad latus alterutrum, vel retrorsum os sacrum versus vergere, aut ossa pubis patere deprehenditur, periculosissimus fere omnium inde metuendus est partus; quia hoc plerumque, ut supra jam §. IV. & V. dictum est, ab utero non directe; sed oblique in ventre, ob quamcunque causam hoc factum sit, posito, oriri solet: id quod Medicus in principio tactu, cum ex situ oris uteri ad latus aliquod conversi, tum & ex ipso gravidæ ventre, ubi uterus cum foetu quam maxime prominere conspicitur vel tangitur, innotescit. (a) Tunc enim puerpera, quia partus ita vix naturaliter sine manuum ope succedit, nisi forte hæc obliquitas valde sit exigua, mox supina vel in lecto, vel in sella idonea est reclinanda, natibus, ut saepe diximus, pectore magis elevatis, & tentandum, an altera manu in vaginam inserta os uteri & simul sic caput in rectum situm converti queat; id quod tanto melius aut saltem tunc bene succedit, si, dum e. gr. foetus caput ad dextrum os ischii inclinet, adeoque uterus cum natibus & pedibus in sinistro hypochondrio percipiatur, altera manu in vagina os uteri & caput foetus, sub singulis partus doloribus, ab ischio dextro versus sinistrum, uterus vero cum reliquo foetu, vel altera chirurgi manu, vel ab adstante prudenti extus in latere abdominis blande e sinistro hypochondrio dextrum versus compellatur; ita saepe fit, ut caput tandem, modo tamen citius, modo tardius, recta in vaginam intret, & partus legitime succedat. Sin vero contra os uteri & caput foetus os ischii sinistrum respiciant, manibus contrariæ instituendæ sunt actiones: atque ex his etiam judicari poterit, quid faciendum, si os uteri vel vertex foetus ad os sacrum, ut saepissime fit, vel ad os pubis sit conversum. Nam si prius,

(a) Conf. hac de re uberius DEVENTER. qui hos perversos uteri situs primus quam optime extricavit; itemque HOORNIVS, Suecus, qui quoque bene hoc de negotio differuit. lib. cit. p. 76. & seq.



prius, os uteri ab osse sacro altera manu removendum, altera venter supra ossa pubis propendens externe repellendus, donec vaginæ directe insistat; postea fœtus ulterior, ut alias fieri solet, (§. IV.) descensus promovendus. De omnibus vero his casibus notandum, *quod si brevi hæc conversio uteri & fœtus fieri non possit*, aut fœtus jam paulo diutius in hoc situ hæserit, ne aut fœtus aut forte etiam mater pereat, præsertim si simul sanguinis ex utero profusio, nervorum distentiones, aut animi defectiones superveniant, *pedes sint quærendi*, iisque, ut sæpe dictum est, fœtus extrahendus, quam modum etiam præcedentibus tanquam faciliorem & promptiorem plerumque præfero.

XXVII. Denique unus ex difficillimis casibus hodie merito agnoscitur, *si fœtus caput aliquando tam profunde in vaginam descendit, ut etiam conspici queat; attamen ibi hæreat & uberius egredi imo & manibus vix & ne vix quidem educi possit*. Hæc enim positura in principio, ut modo præcedens, *sub specie boni & naturalis situs* etiam quam cautissimos plerumque fallit, ut supra jam §. V. dictum est, & tamen tandem, præsertim quia fœtus vivat an mortuus sit, certe sæpe scire non possumus, fœtusque & mater facile pereunt, nisi is adhuc vel manibus vel ferramentis in tempore educatur. *Pro causa hujus partus difficillimi plerumque caput nimis magnum* accusatur: quod tamen, quia jam angustissimum os uteri transit, causa vera ut plurimum non est; sed potius *os uteri & humeri fœtus male dispositi*: quorum alter ossibus pubis, alter spinæ dorsii insistit, ut HOORNIVS recte notavit: dum plerumque in hoc situ etiam *auris altera sursum, altera deorsum respicit*. Quoniam vero humeri in hoc situ ab ossibus pelvis retinentur, atque vix aut profecto non nisi difficillime, aut sponte, aut manibus obstetricantis removeri queunt, *duplex tamen adhuc via tentari potest*, & quidem 1. indicibus vel etiam duobus anterioribus utriusque manus digitis caput, præsertim sub ingruentibus partus doloribus, a pubis ossibus deorsum intestinum rectum versus sensim depellendum, ut sic, quantum fieri possit, ad hoc intestinum & os coccygis descendat. Postquam hoc aliquoties factum est, omnibus quatuor utriusque manus digitis capiti circumjectis descendendum, & *vulvæ labra iis pedetentim diducenda, ac simul tandem infra caput fœtus vi reclinanda, ut hac ratione caput ex vinculis suis aliquo modo liberetur*: donec manus post aures vel post occiput applicari eisque caput ejici possit, id quod sæpe, ut HOORNII observationes testantur, satis bene succedit. (a) Interdum vero hoc non succedit, sed *requiritur simul, ut brachium, præsertim inferius queratur*, hoc deinde educatur atque hujus simul ope fœtus ab ossibus pubis liberetur ac producat. (b) 2. *Altera via est*, ut postquam digitis, sicut modo dictum est, caput, quantum fieri potuit, deorsum intestinum rectum versus pressum est, manus sinistra, pollice excepto oleo inungatur, & sub capite in vaginam eoque demittatur, donec extrema digitorum caput ita amplexa sint, ut hoc tanquam globum fere contineant. Postea digitis dextræ manus a parte superiore, sub pubis ossibus caput comprehendendum, & si dolores deficiant, jubendum, ut omni, qua potest, vi parturiens premat, quo fœtum promoveat, eodemque tempore Medicus manibus suis utrinque caput trahit, ac simul labia pudendorum ac perinæum post caput fœtus a parte inferiore repellere studet: id quod sæpe satis feliciter, teste HOORNIO, pag. 150. & obs. 28. p. 298. peragi potest. *Capite educto*, fœtus circa collum altera manu comprehenditur, & caput oblique, ac vacillando quasi, sursum trahitur; altera vero manu sub collo in uterum demissa, vicinum brachium quærit, apprehendit, educit, ac simul oblique trahendo fœtum sic vertit, ut ventri incumbat: quo facto, nullo fere

Heisteri Chirurgiæ Tom. III.

P p

postea

(a) Conf. HOORNII. obs. 27. 28. 29. & 30.

(b) Quemadmodum HOORNIVS pag. 148. lib. de arte obstetr. idem docet.



postea negotio extrahitur, imo fere sponte profilit. Quando vero omnibus hisce artificiis caput protrahi non possit, quemadmodum quandoque incidere solet, sicut non solum usus, sed & expertissimorum obstetricantium MAVRICÆI, DEVENTERI, HOORNII, MOTII aliorumque exempla docent, & matris sensim vires imminuantur, aut nervorum distentiones, aut sanguinis profusiones largiores superveniant, eique vitæ certissimum periculum immineat, ut hæc tamen conservetur, nullum aliud tunc, nisi extremum remedium superest, nimirum ut foetus, licet forte vivus adhuc sit, tanquam mortuus, necessaria immisericordia sive crudelitate ferramenti educatur, quia alias & illi moriendum esset. Hoc autem fieri potest, 1. vel aperto capite & scalpello aut forfice, & cerebro digitis aut & cochleari extracto: id quod postea collapsum facilius vel solis manibus, vel forcipe magna calcularia, vel ut DEVENTERVS suadet, (a) fascia latiori, post caput injecta probeque contortaprehenditur & educitur, eumque etiam modum subinde succedere cerebro non extracto, asseverat. Sin vero minus adhuc succedat, cerebro quamvis exempto humerum ab ossibus pubis liberandi sunt, foetusque iis protrahendus. Vel 2. unco Tab. XXXIII. fig. 17. & 18. cujus loco HOORNIVS in casu necessitatis, tantum clavum magnum, paulo in unci formam incurvatum, cui laqueus, ut fortius trahi queat, junctus est, commendat; vel 3. peculiari machina tractoria MAVRICÆI, cujus figura apud ipsum videri potest, sub nomine ductoris capitis sive gallice, *Tire tete*: quæ tamen uncis minus & DEVENTERIO & HOORNIO & mihi commoda videtur. Idemque fere & in aliis casibus, ubi manibus foetus educi nequit, & cumprimis etiam in quibusdam monstris, duplici v. gr. capite præditis, observandum est, si mater vitæ periculum incurrit (b).

*Finis Partis Primæ Sect. IV. Tomi III.*

IN-

(a) In arte obstetric. pag. 272., & seq.

(b) Conf. MAVRICEAV lib. II. cap. 29. LA MOTTE lib. IV. cap. 14. p. 669.



# INDEX CAPITUM

## TOMI TERTII.

### Partis II. Sectionis III.

**D**E vitiis colli, quæ manus atque ferri  
adjumento sanantur.

- CAP. I. Quomodo animalium atque piscium of-  
ficula, prunorum nuclei, acus item, hujus-  
demque generis aliæ res extrahi e faucibus  
debeant. 3  
II. De excutia ventriculi. 4  
III. De cervice curva sive capite obstipo. 5  
IV. De bronchotomia; Laryngotomia seu tra-  
cheotomia. 6  
V. De struma, scrophula & bronchocele. 10  
VI. De setaceo. 13

CAP. I. Part. II. Sectio IV. De præcordiorum  
vitiis, quæ manu aut scalpello curantur.

- II. Quomodo mammarum papillæ elici atque  
extendi vel etiam lac elici ex iisdem de-  
beat. 15  
III. De papillis fissis atque exulceratis. 16  
IV. De carcinomate sive cancro mammarum. 17  
V. De paracentesi, vel pectoris perforatione. 23  
VI. Quomodo sterni terebratio fieri debeat. 26  
VII. De dorso incurvato sive gibbo. 27

De gibbis valgis & varis Dissertatio plech.  
M. Aurelii Severini hic adjecta. 28

CAP. I. Part. II. Sectio V. De vitiis abdomi-  
nis quæ manu & scalpello curantur.

- II. Quomodo vinciri funiculus umbilicalis de-  
beat. 65  
III. Quomodo per institutam in abdomine pa-  
racentese in aqua emitti hydropicis in ascie-  
te debeat. 66  
IV. De sectione sive partu Cæsareo, sive quæ  
ratione fœtus ex ventre quandoque excin-  
di debeat. 70  
V. De Herniis in universum & speciatim,  
quomodo umbilicus indecore prominens,  
(hernia umbilicalis vulgo dictus;) ma-  
nuum ope curari debeat. 91  
VI. De herniis ceteris & speciatim nunc de  
ventris hernia, sive hernia ventrali. 101  
VII. De bubonocoele sive inguinis ramice, aut  
hernia inguinali. 104  
VIII. De bubonocoele sive hernia inguinali in-  
carcerata. 108  
IX. De hernia crurali, sive femorali. 117  
X. De intestino in scrotum devoluto sive her-  
nia scroti: Speciatim de Enterocoele. 119  
XI. De epiplocele sive omenti prolapsu. 129  
XII. De herniis spuris & quidem primo de  
sarcocoele & castratione. 131  
XIII. De hydrocele. 134  
XIV. De Hematocoele. 142  
XV. De partium naturalium hydrope. ibid.

- XVI. De hydro-sarcocoele. 143  
XVII. De hydro-enterocoele. 144  
XVIII. De pneumatocoele sive hernia ventosa  
aut flatulenta. ibid.  
XIX. De ramice varicoso, sive Cirsocele. 145  
XX. De testiculorum carcinomate & spha-  
celo. 147  
XXI. De phimosi. 148  
XXII. De Paraphimosi. 150  
XXIII. De cancro & sphacelo, qui in cole na-  
scitur. 152  
XXIV. Quomodo resolvi frenulum penis de-  
beat. 153  
XXV. De verrucis atque id genus aliis tuber-  
culis, quæ in pene nascuntur. 154  
XXVI. Quæ ratione aperiri urethra sive glans  
præclusa debeat. ibid.  
XXVII. Quomodo urinæ incontinentia in ma-  
sculis curari debeat. 158  
XXVIII. De catheterismo, sive modo, quo ca-  
theter seu fistula ænea aut argentea,  
vel pro calculo explorando, vel pro  
suppressa urina educenda, demitti  
in vesicam debeat. 161  
XXIX. De caruncula, quæ in urethra na-  
scitur. 167  
XXX. Quæ ratione protrahi calculus ex ure-  
thra debeat. 170  
XXXI. De Lithotomia sive calculi vesicæ se-  
ctione in masculis: speciatim de ve-  
teri ista, quæ minori cum apparatu  
perficitur: ubi & nonnulla de nephro-  
tomia proponam. 173  
XXXII. De eâ Lithotomiæ methode, sive de  
ista calculi in masculis sectione, quæ  
magnâ, ut vocant cum apparatu in-  
stituitur. 181  
XXXIII. De Lithotomia, quæ fit alto, ut vo-  
cant, cum apparatu, sive de Metho-  
do Francônica, aut hypogastrica,  
hoc est, calculum ex vulnere super  
osse pubis facto extrahendo. 197  
XXXIV. De artificiis a Fratre Jacobo (Frere  
Jacques) in calculi sectione adhibi-  
tis: itemque de methode Raviana &  
lateralis hodie dicta. 219  
XXXV. De perinæi sive vesicæ punctura. 256  
XXXVI. De fistula perinæi. 262  
XXXVII. Quomodo curari debeant fœminæ,  
quibus naturalium oræ inter se sunt  
glutinatæ. 265  
XXXVIII. Quomodo aperiri ipsa vagina pro-  
fundius occlusa debeat. 268  
XXXIX. Quid fieri debeat, si justo longius clitoris  
excreverit. 271  
XL. Quomodo nymphas feminarum justo am-  
pliores tractare conveniat. 272  
XLI. Quæ ratione vaginam uteri, a tuberculis  
fungis, ficibus, carunculis &c. infesta-  
tam, curare conveniat. ibid.







# D. LAVRENTII HEISTERI

SERENISS. BRUNSVICENS. LUNEBURG. DUCIS  
Consilarii Aulici & Archiatri, Medicinæ, Chirurgiæ ac Botanices  
in Regia atque Ducali Academia Julia, quæ Helmstadii est,  
Profess. Publici, Academiæ Scientiar. Cæsareæ Regiæque  
Londinensis atque Berolinensis Collegæ

## INSTITVTIONES CHIRVRGICÆ,

IN QVIBVS


QVICQVAD AD REM CHIRVRGICAM PERTINET OPTIMA  
ET NOVISSIMA RATIONE PERTRACTATVR,

Atque in tabulis multis æneis præstantissima ac maxime necessaria  
instrumenta, itemque artificia, sive encheirises præcipuæ &  
vincturæ chirurgicæ representantur.

OPVS TRIGINTA ANNORVM,

Quod in hac novissima Editione Neapolitana Dissertationibus cum AVCTORIS,  
tum aliorum selectis ad rem Chirurgicam spectantibus auctum atque  
mendis typographicis, quibus Veneta scatebat quam diligentissime  
expurgatum prodit in lucem.

TOMVS QVARTVS.



NEAPOLI MDCCXLIX.

EXPENSIS ANTONII CERVONE.

APVD JOSEPHVM RAYMVNDVM, ET DOMINICVM VIVENTIVM.

SVPERIORVM FACVLTATE.



# THE REGISTER

Published daily, except on Sundays and public holidays, at the REGISTER OFFICE, 1, ABchurch Lane, London, E.C. 4.

## CHURCHYARD

For the purpose of the Churchyard, the following is a list of the names of the persons who have been buried in the Churchyard since the 1st of January, 1900.

1900



1900

1900





# INSTITUTIONVM CHIRVURGICARVM. PARTIS SECVNDÆ.

## SECTIO QUINTA.

### C A P. I.

#### *Qua ratione partus emortuus ex utero excutiatur.*

I.



UANDOQV IDEM, intus emortuo partu, præsertim si minus naturalis ejusdem positura fuerit, insignem pariendi difficultatem mulieres sentiunt, etiam atque etiam necessaria esse ipsarum per manus curatio, consuevit. Neque vero propter unas rationes incidere, partu emortuo, tametsi vel maxime naturaliter idem compositus sit, pariendi difficultas ista solet; sed partim inde provenit, quia, propter matris debilitatem, vel deficientem infantis commotionem, aut nullos omnino, aut saltem perexiguos partus

*Sæpe partus emortui excutendi.*

dolores mulieres sentiunt; partim etiam, quia *nisus iste infantis mortui*, quo, tanquam stimulo mirifice alias naturalis promoveri partus solet, *deficit*; partim & denique quia infantes nonnunquam propterea in utero decedunt, quod iusto tempore in lucem prodire *propter prævum situm, aut nimiam capitis magnitudinem* aliamve malam conformationem, aut vulvæ & cumprimis ossium pubis, quale exemplum jam supra indicavi, angustiam haud valuerint. Oportet autem hic ante omnia, & quam fieri potest diligentissime, verene jam mortuus, an vivus adhuc infans sit, explorare, ne vivum adhuc infantem temere ac præmaturre in partu difficili ferramentis aggrediamur, sumque sic vel interficiamus vel saltem graviter lædamus ac laceremus. Atque id ipsum magis etiam ideo, quia maximam partem incerta sunt atque fallacia, quæ proponi communiter solent, dijudicari.



*dicationis hujus in utero indicia* : præsertim si vel in axillam , vel in clunes , vel in dorsum , vel & in alterutrum capitis latus conversus esse infans deprehenditur ; siquidem his in partibus vel nulla omnino , vel saltem perobscura & incerta vitæ fœtus in utero signa sese ostendunt , ita , ut facile mortuum existimemus , qui tamen adhuc vivit , licet sæpe valde jam a partu diuturniori sit debilis .

*Signa partus emortui .*

II. Scilicet , ( *ut ex hisce signis præcipua tantum commemorem* ) emortui esse in utero infantes communiter censentur , 1 ) si mulieres ex partu laborantes per aliquod tempus *nullam amplius omnino fœtus jam tum maturi commotionem* , sed gravem potius ac molestant in ventre molem quandam persentiscunt , quæ in eam semper partem , in quam ipsæ sese convertunt , prolabitur : deinde 2 ) si *crebri horrores cum animi deliquiis atque desidendi stimulo* sive tenesmo mulierem prægnantem exercent ; item 3 ) si *spiritus ex ore emissus graviter olet* ; vel & 4 ) ubi pessimi & cadaveri similis odoris materia ex utero profluit ; 5 ) *venter semper frigidus percipitur* . Similiter 6 ) VIARDELIO (a) & GOVEYO (b) testibus , indubium partus emortui indicium habetur , si *meconium sive nigrum illud infantum regens natorum stercus* ex vulva mulieris parturientis effluit . At enim vero contraria nonnunquam ratione rem sese habere , jam dudum variis exemplis ipse rerum usus me edocuit , aliique idem jam sæpius observarunt (c) . Ut ne quid enim hic dissimulem , fateri omnino cogor , memet ipsum olim , hoc atque aliis signis aliquando inductum , infantem aliquem pro emortuo habuisse , atque proinde velut emortuum eduxisse ; quem tamen vivum , postea aduc extitisse cognoscebam . Certa igitur magis atque manifesta propemodum partus emortui signa , una cum recensitis prioribus , meo quidem iudicio : sunt : (α) si aut *funiculus umbilicalis , aut secunda e vulva propendent atque frigent* , nullusque arteriarum pulsus in iis amplius persentiscitur . Similiter (β) ubi vel *in brachio , vel in pede aliquo propendente* , nullus pulsus , calor aut digitorum motus amplius , sed frigus potius cum livore vel nigredine persentiscitur ; præcipue si *cuticula vel sponte , vel per admotos huic parti digitos statim a cute reliqua resolvitur* . Denique (γ) in infantibus in caput conversis adeoque naturaliter compositis haud prorsus improbabile mortis signum est , si- cubi ista capitis pars , in qua cranii ossa adhuc deficiunt , ( *Medici bregma seu fonticulum aut & fontem pulsatilem dicunt* ) insigniter depressa & flaccida est , ut ossa cranii vicina , quasi acuta ac mobilia deprehenduntur , locusque hic nullum arteriarum pulsum amplius exhibet ; nam si adhuc vivunt , hæc pars dura & aliquo modo prominens percipitur , & quidem sæpe cum pulsu arteriarum . Sed cavendum tamen hic est , ne statim pro emortuis habeamus illos infantes , in quibus nullum arteriarum in capite pulsum persentiscimus . Nonnunquam enim , præsertim si debiles admodum sunt infantes , ita quoque debilis esse arteriarum pulsus solet , ut percipi haud quaquam ab admotis digitis valeat . Certius vero signum est , si *cuticula quoque a cute cranii recedit* . Si autem vere mortuus est , humoresque qui naturaliter fœtum ambiunt , jam tum ex utero profluxerunt , citissimum parturientibus ferendum est auxilium ; ne scilicet ab infantis emortui putrefactione , quæ opinione citius fieri tunc sæpe solet , gravissimas noxas , febres pessimas atque ipsum mortis periculum ipsæ experiantur . Quod si autem citra partus dolores adeoque ante legitimum partus tempus , infans ali-

(a) In libro de arte obstetricia .

(b) In libro de vera chirurgia ( *Chirurgie veritable* ) pag. 428. quanquam ibi observationem aliquam contrarium evincens simul proponit .

(c) Ut videri potest apud MAVRICÆVM , in obs. VOELTERVM lib. cit. &c.



## Qua ratione partus emortuus ex utero &c. 5

aliquis in utero emoritur, atque amnii liquor effluit; tum, experientia quidem teste, nihil impedit, quo minus infans per aliquot septimanas, imo menses, in-  
tus in utero permanere absque putrefactionis periculo possit; quemadmodum  
aliquot ejusmodi exempla novi, (a) adeoque præsertim si mulieres ejusmodi  
ceterum bene sese habent, tunc satius videtur, donec ipsa natura tandem par-  
tus dolores concitet, foetumque emortuum propellat, exspectare, quam medi-  
camentis aut manibus adhibitis intempestive & violenter ipsum ejicere.

III. Si sub ipsis partus doloribus ac laboribus infans emoritur, nec tamen minus  
decenter, sed naturaliter compositus esseprehenditur; non statim, quamdiu sci-  
licet de morte non satis certi sumus, unci aut alia admovenda sunt instrumen-  
ta; imo quia mulieres etiam manus chirurgi non mox admittere volunt, me-  
dicamenta roborantia partumque non minus, quam partus dolores concitantia  
parturientibus præbenda; laud prorsus interim neglectis, præsertim apud debi-  
liores mulieres, clysteribus valentioribus: siquidem ipsæ cum ad excitandos  
partus dolores, tum ad expellendum foetum egregie ut plurimum faciunt. Sed  
cautione tamen hic opus est, ne nimis magna copia medicamenta istiusmodi  
roborantia partumque promoventia adhibeantur, neve propter nativam eorun-  
dem vehementiam & calorem febres acutæ aut periculosa vel prorsus etiam le-  
thifera sanguinis profluvia concitentur. Itaque si parum aut nihil proficere  
istiusmodi medicamenta sentiuntur, quamprimum, ne foetus in magnam pu-  
tredinem abeat, studendum, ut manu ope, quibus simul dolores partus  
concitantur, educatur. (b) Atque ut feliciter hoc procedat, mittere ante  
omnia, ut in vivo foetu, urinam mulier prægnans debet. Sin mitti naturali-  
ter, propter compressum ab infantis capite vesicæ collum, sic ut haud raro  
contigit, urina nequit, per admotum catheterem aut femininum aut masculi-  
num, Tab. XXVII. fig. 1. 2. ad 5. illa educenda est. Educta urina mulier vel  
in sella quadam ad id propria (Tab. XXXIII. fig. 15.) vel & super lectulo  
eum in modum deponatur, quem supra jam tum (cap. preced. §. IV. & X.)  
proposuimus. Tum chirurgus alterutra, vel si fieri potest, utraque manu  
adhibita, quemadmodum capite præcedenti dictum est, infantis caput, quomo-  
docunque id apte fieri potest, prehendere, eundemque paullatim extrahere annita-  
tur, aut pedes inquirat, eisque foetum educat, si capite protrahi non possit.  
Præterea tentari potest modus ille fasciam paulo ampliorem capiti injiciendi, quam  
ex DEVERTERI consilio capite præcedenti §. XVII. laudati. Si neque tunc  
quidem negotium succedit, necessarium utique videtur, idoneos quosdam uncus  
undique læves hanc in rem adhibere; qualis inter alios multos, quos auctores de-  
linearunt, ei esse possunt, quos Tab. XXXIII. fig. 17. & 18. imo etiam 22.  
qui duplici rostro instructus est, exhibuimus: qui quam prudentissime infantis  
capiti idoneo loco, ut oculo, auri, ori, interdum etiam fronti vel occipiti  
sunt infigendi, iisque foetum deorsum trahendo caute protrahi; vel si hi alii-  
ve similes deficiant, more HOORNIANO, clavo magno, in unci similitudi-  
nem inflexo (c). CELSVS vero, qui profecto expertus in hac curatione mi-  
hi fuisse videtur, sapientissime suadet, ne quolibet tempore foetus trahatur.  
Nam si compresso vulvæ ore, ait, id tentatum est (d), non emittente eo,  
in-

Quid fieri  
debeat, si  
naturaliter  
compositus  
est infans.

(a) Memini me ejusmodi exemplum vidisse; ubi mulier per duos integros menses, foetum  
mortuum & quidem sine omni incommodo gestavit, donec tandem partus dolores sponte accesser-  
int, & facili negotio foetum mortuum expulerit. Exempla alia apud plures auctores reperiuntur.

(b) Hæc operatio una ex antiquissimis jam est, ut videre est in HIPPOCRATIS lib. de morb.  
mulier. & speciatim ex peculiari libello de foetus extractione. Conf. etiam FONTANI libellus  
de foetus extractione per uncum.

(c) Vid. cap. præcedens §. XVII.

(d) Lib. VII. cap. 29.



infans abrumpitur & unci acumen in ipsum os vulvæ delabitur, unde ingens periculum mortis sequetur. Igitur compressa vulva (*hoc est, doloribus cessantibus,*) conquiescere; hiantem vero, (*hoc est, doloribus presentibus*) leniter trahere oportet. Trahere autem dextra manus uncus, sinistra intus posita infantem ipsum, simulque dirigere uncum debet. Hactenus CELSVS. Quod si autem forte infantis caput usque adeo magnum existit vel tam oblique positum, sic ut traduci per vaginam uteri integrum haud quaquam valeat, quemadmodum haud raro contingit, *aperiri juxta fonticulum alium, qui se offert, capitis locum, vel digiti, vel & scalpelli, vel forficis acutæ* adminiculo idem oportet, extrahere per immisos digitos cerebro, ita deinde comprimi, ut promptius educi atque commodius secundum hactenus propositas rationes vel una vel utraque manu valeat. MAVRICÆVS equidem, celeberrimus & versatissimus ille in arte obstetricia magister, peculiare quoddam instrumenti genus, tam pro capite aperiendo, quam pro eoprehendendo, quod capitis ductor, gallice *Tiretete* appellat, & in ejus libro de arte obstetricia videri potest, hunc in usum proponit, quod inciso juxta fonticulum per scalpellum anceps vel aliud vulgare, capite, feliciter identidem a semet ipso in ejusmodi casibus adhibitum esse memorat illudque vehementer extollit; sed minus tamen, ut præcedenti capite jam diximus, necessarium instrumentum illud adeo compositum mihi videtur, quia, rite confectis iis, quæ jamjam præscripta sunt, satis promte atque feliciter absque illo, solis scilicet simplicioribus illis uncis fig. 17. & 18. aut clavo incurvo, aut sola manu, aperto prius craniò, cerebroque exempto, sicut sæpius expertus sum, extrahi fœtus emortuus in tali situ potest (a).

*Si fœtus emortuus minus naturaliter est compositus.*

IV. *Si minus naturaliter compositus esse fœtus emortuus deprehenditur*, tum operam dare convenit, ut CELSVS jam docuit, *ut manu apprehensis pedibus idem convertatur atque extrahatur*, eadem prorsus ratione, quam circa infantes vivos minus naturaliter dispositos supra capite præcedenti explicavimus, id quod haud difficulter sæpe perficitur. In quo ipso tamen negotio maxime adhibenda est cautio, præsertim si jam tum a putredine corruptus fœtus est, ne qua forte inter extrahendum justo majori celeritate aut violentia adhibita, *caput infantis a reliquo corpore avellatur & in utero relinquatur*. Namque ubi hoc post eductum infantis corpus intus in utero remanet, nec mox educitur, antequam os uteri se claudit, in quam maxime graves noxas, quin & præsentissimum vitæ periculum mulieres conjiciuntur caputque deinde haud facile extrahi potest: adeoque opera danda, ut mox post fœtum extractum quoque educatur.

*Si caput extracto corpore, intus remanet.*

V. Quandoquidem autem, cum propter rotundam figuram, tum & propter mirificam lubricitatem suam non satis commode manu prehendi avulsum intusque relictum caput potest, sane haud abs re faciunt, qui, digitis in os hujus capitis, aut in foramen magnum ossis occipitis protinus injectis, protrahere fatagunt. Quo equidem adhibito artificio feliciter egomet istiusmodi infantum capita identidem ex utero satis facile & absque instrumentis eduxi. Sin digiti haud sufficiunt, *lintheum aliquot instar fasciæ ulnæ longitudine & quatuor fere pollicum latitudine in uterum immittatur*, & facta eo ansa comprehendatur, ita sæpe satis commode hoc educitur. *Alias etiam uncus aliquis*, huic negotio accommodatus, ex modo laudatis in infantis emortui vel os, vel orbitum, vel nares, vel occipitis foramen, vel & in similem partem aliam, firmiter infigi potest, submissa prius, ex CELSI præcepto §. III. capiti manu sinistra, qua uncus intus etiam dirigitur, ne uterus inde violetur, ac postea paulatim & quam providissime caput relictum ope hujus unci & manus simul extrahere convenit.

*Quod*

(a) Idem docet DEVENTERVS & HOORNIVS Suecus, lib. de art. obstetric.



*Quod si forte nimis magnum est*, id prius altera manu ad os uteri adducendum, altera aperiendum, cerebrum ejiciendum, & postea reliquum manibus aut simul unco quam cautissime educendum. Clarissimus AMANDVS, vir in arte obstetricia expertissimus, ne uncis facile uterus mulieris lædatur, peculiari sacculo quodam in forma retis fabrefacto, hanc in rem utitur, quo caput comprehendit, ope funiculorum illum claudit, sic ut caput intus comprehendatur, ac deinde illud post injectum sacculum absque periculo extrahit: (a) qui vero admodum difficulter capiti injicitur, prædictique modi profecto facilius & minori apparatu succedunt.

VI. Nonnunquam infantes, in ipso partu intermorientes, ita insigniter *brachium ex mulieris pudendis protendunt*, ut, propter hærescentem in angustiiis illis humerum adeoque nec brachium in uterum reponi illud haud quaquam valeat, imo nec debeat, præsertim si jam diu ita hæsit. Quod ubi fit, manifestumque mortis indicium ( §. I. litt. B ) adest, *brachium scilicet lividum vel nigrum ac frigidum, pulsus in arteria carpi absentia nullus amplius motus in hujus brachii digitis, & recessus cuticulæ a cute*, tentandum prius est, an, femina prius reclinata & in convenientem situm disposita, manui chirurgi juxta brachium foetus accessus adhuc detur in uterum parturientis, & ad pedes foetus. Quod si fieri potest, quemadmodum revera sæpe fit, præsertim si partus nondum diu duravit, *pedes infantis sine mora sunt quærendi*, eisque ipse infans prædicta superius ratione, sicuti vivus extrahendus. Sed si vel propter nimis tumidum brachium, vel propter uterum nimis constrictum manus chirurgi in uterum demitti nequeat; id quod tamen raro incidit, vel extorqueri ex scapulæ articulo, vel quam cautissime rescindi brachium juxta humerum oportebit. Longe vero optimum hic est, quam diligentissime brachium prius extendere atque in unum sensim diu contorquere, quam scalpellum admovetur. Sic enim, partim extensis, partim disruptis ligamentis, accuratius & securius excindi ex humero brachium poterit. Ne autem ipsa forte simul parturiens graviter scalpello attingatur, scalpellum quoddam capitatum seu sphaerula circa apicem munitum, quale Tab. V. fig. 4. & 5. exhibetur, hic quondam aliquoties feliciter adhibere solitus sum. Resciso brachio, experiri convenit, an nunc manu pedes comprehendi, eisque comprehensis extrahi foetus possit.

VII. Sed quandoque, vel propter firmiter in uteri collo hærescentem humerum, vel foetum transversum & uterum vehementissime constrictum, qui foetum quasi in globum constringit, ut manibus dirigi nequeat, magnosque cruciatus, quos manus immittenda ejusmodi in casus parturienti sæpe creat ita ut iis in sustinendis vix pares sint imo periculum sit ne uterus adhibita majori vi rumpatur, atque mulier ita interficiatur (b), vix ac ne vix quidem eam tam alte, quam pro pedibus quærendis sæpe opus est, inferere licet. Igitur tunc ex CELSI jam dato consilio, consultius, esse puto pectus atque abdomen infantis, vel digito, vel forfice acuto, vel unco Tab. XXXIII. fig. 17. & 18. adhibito provide aperire (c) extractisque visceribus atque intestinis, vel & costis nonnullis videntur,

(a) *Nouvelles observations sur la pratique des accouchemens*, pag. GARENGEOT traité des instrumens, edit. II. pag. 341.

(b) *Uterum disrumpi posse in partu*, non solum ipse exemplum vidi, sed plura exempla apud auctores descripta sunt. Conf. diss. nostra de foetu ex utero matris mature excidendo, STALPART. van der Wiel. in observat. aliiq.

(c) *Sunt quidem, qui gloriantur, se foetus semper sine ferramentis educere posse*, & in eos acerbè invehunt, qui quandoque ferramentis ejusmodi in casibus difficilioribus utuntur; inter quos cumprimis est VIARDELIVS, DEVENTERVS, & MOTTIVS sive de la MOTTE, *Traité des Accouchemens*, & ii, qui approbarunt ejus librum. Interea tamen non solum in DEVENTERI, sed & in MOTTII libro exempla referuntur pag. 418. 424. 426. 431. ubi ambo manibus solis rem ex-

*Si brachium ex utero protendit.*

*De ancorum usu, & præsertim necorum.*



dum, an corpore hunc in modum extenuato, propriusque ad collum uteri accedentibus clunibus, pedes reperiri; iisque repertis sic tandem protrahere foetum liceat: id quod semper, quoties hoc feci, feliciter mihi successit. Si qua autem forte, quemadmodum subinde accidere propter nimis coarctatum uterum consuevit, *pedes nondum apprehendi queunt*, tum clunes protinus a subiecta manu comprehendi, supraque in eisdem immisso unco protrahi debent. Namque tum pectus atque caput sua velut sponte insequuntur; sed ita tamen, ut, ne quid dissimulem, aliquæ prius haud raro partes a reliquo corpore avulsæ sint (a). *Ne vero, dum hoc ego, graviter hic uterus ab unco afficiatur*, singularis in eo moderando necessaria est prudentia, atque simul quam maxime necessarium mihi visum est, *manubrium ejus ita sulcare*, ut solius tactus beneficia dijudicare semper valeam, quomodo dirigi instrumentum debeat, *ut pars ejusdem acuminata nunquam ad uterum, sed ad foetum semper spectet*, (vid. Tab. XXXIII. fig. 19. litt. a a a a) id quod in manubriis sine ejusmodi notis observari rite non potest; unde factum est, ut sæpe uterum & vesicam misere laceraverint. Hac autem simul adhibita prudentia quamplurimos infantes mortuos feliciter egomet hac ratione ex utero eduxi, mulieresque sine omni relicta noxa servavi. In hoc manubrio etiam notari meretur, quod, quoniam quandoque foetus, præsertim si valde magnus, tam vehementer constrictus est in utero, ut una manu mea, quia altera in utero sub foetu est, vires sufficientes pro ejusmodi foetu extrahendo non habuerim (b). Quare ubi hoc incidit, circa partem bb, *quæ collum ejus dici potest*, laqueum injeci satis robustum, quem obstetrix vel alia adstans mulier tuncprehendere, & extractionem, dum ego manubrio traho & ipsam simul trahere jubeo, promovere valde potest, quæ commoda in vulgaribus cylindricis aut angulosis manubriis defunt.

Forcipes  
hæc in re  
usus.

VIII. Neque vero prorsus abs re faciunt, qui forcipes paulo grandiores, quales nimirum ad educendos calculos supra (Tab. XXVIII.) descripsimus, hunc in finem certis in casibus proponunt, atque uncis ceterisque instrumentis omnibus cum RYFFIO, antiquo chirurgo, Germano (c), & celebri quondam Jennisium Medico ac chirurgo SLEVOGTIO (d) anteponunt, propterea quod non solum uterus haud ita facile quam ab uncis prehendi, adeoque neque lacerari, verum etiam chirurgi manus non lædi ab iisdem valeat. Interea tamen haud minor diligentia in usu forcipum quam uncorum adhibenda videtur, ne scilicet os aliave pars uteri eis arripiatur, isque vel protrahatur, vel misere laceretur.

Hoornii pe-  
culiare arti-  
ficium.

IX. HOORNIVS sæpe laudatus adhuc peculiarem, novum, eumque breviorum modum, *foetum mortuum cum brachio arctissime in vagina uteri hærente*, in-

pedire non potuerunt; sed ad ferramenta confugere coacti fuerunt. Ita ut gloriations mihi, MAURICÆO, VOLTERO & HOORNIO Sueco, tantum videantur eorum, qui hoc asseverant, aut non satis difficiles & inveterati casus ipsis inciderunt; dum revera subinde quam difficillima occurrunt, ubi manus solæ, quantopere etiam annitebar non sufficebant, Conf. HOORNII observat. 29. 30.

(a) VIARDELIVS, qui magno molimine ferramentorum usum in foetu etiam mortuo extrahendo impugnare & rejicere conatur, atque ad suam sententiam confirmandam exemplum refert, ubi foetum mortuum capite in vaginam uteri hærentem, ingenti labore, post horam tandem manibus extraxerit; mater vero ex gangræna vulvæ paullo post mortua sit. Profecto si uncus hic mature capiti hujus infantis rite infixus aut etiam cerebrum prius evacuatum fuisset, intra pauca horæ momenta & fere sine dolore educi, imo & certius servari mater potuisset. Nam diuturnis illis manuum in utero agitationibus ac moliminibus, quibus brachia foetus quæsit eumque iis tandem eduxit, longe vehementius mater & uterus ejus læditur, quam si uncus prudenter capiti foetus injicitur, eoque foetus protrahitur.

(b) Hac de re etiam conqueritur HOORNIVS in suis observationibus.

(c) In libro ipsius de arte obstetricia.

(d) Vid. ejus program. de instrum. Hippocras. ad foetum extrahendum.



invenit atque descripsit : qui in eo consistit , ut , quando ad pedes pervenire nequit , collum , utpote quod in foetibus valde adhuc tenerum est , vel scalpello a reliquo trunco resecet , vel unco idoneo quam cautissime auferat . Hoc enim facto , vel sponte mox prorumpit ex utero foetus , vel tamen , dum brachium propendens attrahitur , quod Medico tunc loco habenæ inservit , quam facillime excutitur . Caput vero deinde seorsim mox vel manu , vel aliis antea propositis artificiis , si manus parum esset , ejiciendum . Monerè tamen volui , CELSUM idem jam præcepisse in casu , ubi foetus sine prolapsio brachio fere transversus situs est , & cervix replicatur retroque caput ad reliquum corpus spectat , forte ut in Tab. XXXIII. fig. 8. Nam ait , *remedio est , cervix præcisa , ut separatim utraque pars auferatur .*

X. Ceterum quamvis ferramenta ego non rejiciam , sed eis , ubi necessitas id exigit , utar , iterum tamen atque iterum hic admonendum esse censeo , *ea non nisi summa necessitate illud exigente atque tum demum educendis ex utero infantibus admovenda esse , quum nihil omnino spei reliquum est , fore , ut solarum manuum subsidio extrahere ipsos liceat , ut puerpera ex longiori mora in vitæ periculo versetur . Tutius enim manibus , quam instrumentis expediri hic in loco fere obscuro rem posse , quilibet per se intelligit . Similiter chirurgi etiam atque etiam denuo hortandi sunt , ne instrumenta prius admoveant , quam de foetus in utero hærescentis morte fuerint certissimi . Vix enim absolvi ab imprudentiæ , negligentiae imo crudelitatis vitio chirurgi illi possunt , qui foetum adhuc vivum atque discerptum vel dilaceratum ex utero protrahunt ; nisi peculiares causæ & cumprimis etiam ingens debilitas ac brevi metuenda mors matris , si foetus diutius relinqueretur , id exigant : hoc enim in casu , quamvis Romanæ Ecclesiæ doctores hoc admittere nolint , ut jam supra cap. de partu cæsareo indicavi , tamen ne duo simul pereant , quorum alter servari potest , consentientibus viris Ecclesiæ nostræ doctissimis , foetui , cumprimis ubi dubium est , an adhuc vivat , ut mater servetur , vim inferre , hoc est , ferramentis eum extrahere , salva conscientia licet (a) . Tametsi vel sagacissimi etiam chirurgi hac in re humani aliquid interdum passi fuisse memorantur , ut foetum , quem ipsi , puerpera & adstantes mortuum crediderant , adhuc præter opinionem vivum vel semivivum extraxerit (b) . Quam equidem propter causam mirum neutiquam videtur , quod CELSVS partum ex utero excutiendi artem inter quam maxime periculosas atque difficillimas , quæ summam prudentiam moderationemque desiderant , numeraverit (c) : quia ea operatio interdum per plures horas durat , atque inter gravissimos labores chirurgo multum sudoris atque virium exprimit . Contra vero ubi foetus adhuc certe vivit , & parturiens mulier adhuc robusta sentitur , nunquam ferramenta injicienda sunt (d) . Ceterum , quæ ad extendendum uterum applicari a quibusdam hic solent , uteri specula , ab ALBVCASI , SCVLTETO , MAVRICAO*

*Heisteri Chirurgiæ Tom. IV.*

B

alii-

(a) Conf. HILDANI epist. 3. & 4. VALENTINI epistola , an licent foetui vim inferre , ut servetur mater Francof. 1720. HOORNIVS Suecus , lib. sæpe citat. variis in locis . VOELTERVS lib. cit. cap. 7. BECKERI Pædioctonia inculcata ad servandam puerperam 4. Giesæ 1729. & quæ nos supra cap. CXIII. de partu Cæsareo hac de re prolixè satis proposuimus .

(b) Conf. HILDANVS in epist. de bernia uterina , itemque in epistola 3. & 4. & MAVRICÆVS obs. 584.

(c) Medicinæ libro VII. cap. 29.

(d) Conf. de hac re etiam BOHNIVS in diff. de Abortu salubri , qui matris primariam curam his in rebus esse docet , itemque BOERHAVIVS , qui in Aphor. suis §. 1309. vult , ut si mater & foetus simul servari non possent , alter eorum servetur . Melius enim , ait , est perire vel aliter periturum foetum , salva matre quam perire certo utroque , ut & STALKOPFFII epist. qua inquiritur , utrum maritus salva conscientia a medico postulare possit , ut in salutem conjugis foetus vivo , imo & adhuc robusto manus inferat violentas ? in Annal. physico-medic. Vratislav. An. 1719. pag. 750. atque quæstio in casu necessitatis gravibus rationibus affirmando deciditur .



aliisque delineata meo quidem aliorumque quamplurimorum hodie Medicorum ac Chirurgorum judicio parum utilia, quin & propter facilem uteri læsionem haud parum quandoque pernicioſa ſunt cenſenda.

## C A P. II.

*De nimio ſanguinis apud mulieres gravidas profluvio, quod vulgo uteri hæmorrhagiam appellant.*

Unde hoc I.  
malum oria-  
tur.

**Q**UANDO mulieri gravidæ, eidemque cumprimis partui vicinæ, ſanguis iſque modo parvus, modo copioſus, per naturalia effluit, hæmorrhagia uteri hoc profluvii genus appellari ſolet, a menſium fluxu, quia in gravidis contingit, longe diverſum. Oriri apud nonnullas prioribus præſertim menſibus ſolet a ſanguinis abundantia; qua vel vaginæ uteri, vel ipſius uteri quædam vaſa ſanguifera aperiuntur, & ſanguinem abundantem atque sæpe ſimul paulo fervidiorem emittunt; ſæpius vero & utplurimum, ultimis menſibus, a placenta ab utero, vel ex parte vel in totum reſoluta: id quod vel a vi quadam externa, ut lapſu, ſaltu, ictu aliove vehementiori motu fieri poteſt; vel a ſanguinis nimia copia aut fervore; vel, ut recentiores quidam ſuſtinent, a placenta ori matricis adhærente, ſed graviditate ad finem vergente, dum os uteri ſenſim ſe dilatat, inde diducta & quaſi avulſa: (a): unde non poteſt non fieri, quin quo magis os uteri a partus doloribus expanditur, eo magis placenta inde avellatur, eoque major ſanguinis profuſio inde ſubſequatur; quæ propterea sæpe tam vehemens eſt, ut mulieres parturientes haud raro brevi quam maxime debilitet, periculumque ſit, ne, niſi opportune, antequam ſcilicet nimis debilitetur, (id quod ex ingruentibus animi deliquiis conſtat) foetus manibus extrahatur, una cum ipſo infante mater ipſa brevi perimatur. (b).

Diagnos. &  
prognosis.

II. Malum hoc cum ex relatione ægræ, tum ex viſu copioſi ſanguinis profluentis ſatis cognoscitur; verum utrum ex vagina tantum, an ex utero quoque proveniat, vix niſi exploratione oris uteri per digitos dignoſci poteſt. Nam ſanguinis hunc fluxum non niſi ex vagina provenire conſtat, quando digitis in vaginam demiffis, os uteri clauſum deprehenditur, atque ſimul hæmorrhagia parca aut modica ſolum eſt. Contra ſi hæc larga & ſimul os uteri apertum reperitur, atque in eo non caput infantis, ſed corpus quoddam ſpongioſum, quod placenta eſſe ſolet, digitis percipitur, ſanguinem ex ipſo utero, ob placentam vel ex parte vel totam, ut diximus, ſolutam, provenire indicat; qui caſus priori longe eſt periculoſior. Præterea quo largius eſt illud ſanguinis profluvium, eo magis periculoſum eſt, & niſi, incidente animi defectione promptum auxilium adhibeatur, & foetus & mater

(a) Vid. HOORNIVS, Suecus, lib. cit. pag. 27. BRUNNERI diſſ. de partu p. n. ob ſitum placentæ ſuper orificium internum uteri. Argentorati edita 1730. & STVARTI diſſ. de ſecundinis ibid. A. 1736. evulgata p. 36.

(b) Anno 1737. hic Helmſtadii grvida partui vicina, alias ſatis robuſta, inopinato tam vehementi ſanguinis ex utero profluvio, ſine externa aliave manifeſta cauſa corripiebatur, ut intra unius horæ ſpatium, licet obſtetric ſatis perita præſens fuerit, diem obierit. Maritus moroſus ſectionem cadaveris, quam deſiderabam, admittere noluit, adeoque cauſam hujus mortis ſubitanæ indagare non potui.



# *De nimio sanguinis in gravidis profluvio. II*

mater vitæ periculum incurrunt. Imo quando mulieres ejusmodi manus jam sunt frigidaë, oculi caligant, pulsusque valde debilis, ac sudor frigidus una cum nervorum distentione adsint, quemadmodum in vehementi tali profluvio tandem, sed modo citius, modo tardius, fieri solet, malum plerumque desperatum & mors præ foribus est, adeoque a manuum curatione tunc præstat abstinere, ne Medicus interfecisse videatur, quam fors sua, ( hoc est alia causa ) peremit.

III. Si a sanguinis copia & orgasmo sive calore justo majore hæc ejus profusio oriatur, sæpe sanguinis e brachio missione, atque medicamentis sanguinis calorem nimium temperantibus, imo & blande adstringentibus, adjuncta simul quiete corporis & mentis, victusque legitima ratione cohibetur. *Sed si hæc profusio sit largior, ex ipso utero proveniens, atque remediis his non cedat, solutæ ab utero placenta ortum plerumque debet; quæ proinde non, nisi foetu & secundis manu extractis, cohibetur; quia uteri vasa sanguifera aperta, & a foetu intus contento diducta, se, quamdiu foetus intus est, constringere nequeunt. Itaque quando cognoscimus medicamenta parum proficere, contra autem fluxum sanguinis continuare imo augeri, gravidamque magis magisque debilitari, imo animo linqui, nihil aliud auxilii superest, quam foetus prompta per manum ex utero extractio: quæ his fere adhibitis artificiis perficitur.*

*Quomodo  
foetus extra-  
hendus.*

IV. Ante omnia mulier super mensa lectulove transverso supina, calcaneis retractis diductisque probe cruribus atque clunibus paullo elevatis, ita deponatur & contineatur, quemadmodum circa partum difficiliorem jam supra indicavimus. *Quomodo  
foetus extra-  
hendus.* Eo facto, chirurgus manum oleo seu pinguedine inunctum per vulvam ad usque ipsum uteri osculum blande demittat, primoque, nisi jam hoc per se, ut quandoque fit, satis pateat, unum, mox binos, denique reliquos paullatim digitos sed summa tamen cum moderatione in uterum inferere idemque sic sensim sensimque diducere studeat, ut integram tandem manum intromittere valeat. Quod ipsum equidem quam difficulter sæpe fieri soleat, dici vix potest, præsertim si placenta, ut haud raro in his casibus fieri solet, circa os uteri sita sit, eique magna ex parte adhuc cohæreat. Attamen summa ope atque industria, ut hoc fiat, niti decet: aque placenta, ubi minime adhæret, digitis & tandem manu in tantum leniter removenda, quantum opus est, ut hæc integra immitti queat; cavendo, ne major, quam pro manu immittenda opus est, placenta ab utero separatio fiat; quia hac ipsa largior, quam jam est, sanguinis profusio, quæ mortis causa esse posset, concitaretur. *Si ab utero soluta circa os uteri hæreret, & chirurgus impedimento, ne ad foetum accedere posset, esset, eam ante foetum extrahit HORNIVS (a), & deinde foetum. Vel si placenta nimis hic cum ore uteri concreta esset, quam ut manum suam chirurgus immittere valeret, digitis ea perrumpenda, donec manui accessus pateat; Naturæ enim negotium committere aut per expectationem hic curare velle, nimis periculosum bonoque Medico indignum est, adeoque minime suadendum. Manu itaque in uterum depressa, pedes infantis mox quærendi, eisque foetus, quamvis etiam forte nondum maturus sit, ut mater servetur, extrahendus. Sed quia foetus membrana tunc sæpe nondum sunt disruptæ, discerpi per admosos digitorum ungues prius debent, vel etiam per uncinulum, ut supra jam diximus, si duriores sint, ut pedes rite comprehendere queant; qui tunc ut plurimum facile deprehenduntur, quia ori uteri plerumque in his casibus vicini sunt. Sed si membrana foetus jam disruptæ, ut quandoque fit, percipiuntur, id quod ex partibus foetus nudis cognoscitur, non opus est eas discerpere; sed mox, ut dictum est, pedibus foetus comprehendendus atque educendus. Fieri id ipsum faciliiori negotio consuevit, si pedes ori*

B 2

vul-

(a) Libro citato pag. 28.



vulvæ imminent . Longe vero difficilius existere operandi negotium istud solet , sicubi jam in caput conversus & ad partum paratus esse foetus deprehenditur : quia satis firmiter comprehendi caput lubricum hic vix potest ; neque pedes tunc , quia sursum spectant , tam facile reperiuntur . Interea tamen omni studio investigandi , eisque foetus educendus . Foetu hunc in modum ex utero matris educto , statim etiam & sua velut sponte excidere secundæ , utpote satis jam tum resolutæ , ut plurimum consueverunt ; sed si forte ex parte adhuc adhæreant , manu leniter solvendæ & ejiciendæ . His protractis , sanguineque concreto intus latente manu expurgato , ( ne dolores post partum concitet ) sensim sensimque parcius fluere , tandem autem , præsertim post observatam quietem strenuam atque adhibita medicamenta convenientia interna & externa , penitus conquiescere sanguis solet : quia uterum jam se ac simul vasa sua antea aperta contrahit , atque hoc ipso sanguinis profusio paulatim cessat . Interim ut facilius una cum sanguine reparari vires in mulieribus his ægris eisque ut plurimum valde debilibus queant , eadem omnino hic sunt facienda , quæ universe post sanguinis profusiones nimias supra commendavimus . Scilicet sæpius modice calidas præbere illis sorbitiones convenit : quales nimirum e jusculis quibuscunque , lacte calido , amygdalarum emulsione , vel & gelatinis , vel denique e cerevisia calida præparantur , aquisque simul ac potiunculis roborantibus . Ceterum observasse hic juvabit , mulieres istiusmodi ægras , nisi ante horam sextam ipsæ intermoriantur , fere semper convalescere ; quia interea sanguinis fluxus cessat , & mulieres hoc ipso tempore a novis eisque tenuibus alimentis rursus aliquales vires colligunt ; reliquas autem , quæ decedunt , a nimia sanguinis profusione & inde pendente nimio virium defectu , ob nimis tardam foetui extractionem absumi : adeoque hæc foetus extractio in similibus casibus , ut jam monuimus , non nimis diu , hoc est , non ultra instantes animi defectiones , differenda . Novi multas mulieres , quæ vel ex rejecta aut neglecta hac curatione , vel ex nimis tarde ea admissa , in flore ætatis perierunt . Curationis hujusmodi exempla quibus nosse cupiunt , inter alios etiam MAVRICÆVM velim consulant (a) .

### C A P. III.

#### *Quomodo secundas sive secundinas extrahere conveniat .*

*Si facile resolvitur secundina possunt .*

I. **S**ECUNDINÆ , veteribus secundæ dictæ (b) , sunt eæ partes , quæ foetu edito , secundo quasi partu a puerperis eduntur , constantque ex funiculo umbilicali , membranis , chorio scilicet & amnio , quibus foetus in utero inclusus erat , & denique ac potissimum ex placenta uterina dicta : hac enim exclusa , etiam reliquæ ut plurimum exclusæ sunt . Dico ut plurimum : nam interdum , exclusa placenta , membranarum pars utero adherens intus remanet , & putrefactione multa gravia mala concitat (c) . Hæ sæpius etiam ab exposito in lucem infante , ac sua velut sponte , excidunt , vel nifi beneficio a puerpera exprimuntur . Sed interdum tamen singulari prudentique studio resolvere ipsas convenit : quando

(a) Observations sur la grossesse , vid. index titulo : Perte de sang & observations derniers , obs. 89.

(b) Vid. CELSVS lib. 5. cap. 25. & lib. VII. cap. 29.

(c) Testatur hoc PAVCVS l. c. p. 499. & 504. atque AMANDVS lib. cit. p. 38.



do scilicet foetum natum non sequuntur, vel ob insignem magnitudinem (a), vel quando forte cum utero fortius cohærent, aut quando post abruptum ob quamcunque causam, funiculum umbilicalem placenta cum annexis membranis foetus intus remanent. Nisi enim quamprimum ipsæ excutiuntur, maximum utique periculum est, ne os uteri claudatur, ut postea vel difficilius prorsus non exeant, eæque intus putrescant, atque gravissimos cum malignis febribus dolores, aut *lethiferas sanguinis profusiones* (b), quin & mortem ipsam, ut quamplurimi testantur auctores, concitent (c). Non sum equidem nescius, *Medicorum aliquibus eam secundarum extractionem, quæ manu fit, supervacuum ideo videri*, quod ipsæ vel brevi sponte, vel etiam jam tum putrefactæ post aliquot demum dies, imo hebdomades per se nonnunquam procidant (d); sed magis tamen providum atque tutum eorum judicium esse arbitror, qui, ad ejiciendas ex utero secundas; nisi naturaliter foetum mox sequantur, manum continuo adhibendam, cum HIPPOCRATE, CELSO plurimisque recentioribus Medicis præcipiunt (e): quia quamplurima præstant exempla, mihiq; ipsi varia nota sunt, ubi puerperæ relictis secundis misere a variis gravibus malis, ut doloribus enormibus, profusionibus sanguinis vehementibus, febribus pessimi moris conflictatæ vel omnino mortuæ sunt. Igitur, nisi gravis quædam ratio contrarium postulaverit, non sunt demittendæ, sed tandiu contineri mulieres, foetum enixæ, in sedili suo vel alias consueta partus positura debent, donec a secundis omnibus, dum pars relictæ sæpe gravia mala movet (f), decenter sunt liberatæ. Oportet autem hic ante omnia providere, ut celeriter & mox post partum, ubi uterus adhuc satis apertus, singula expediantur: ne scilicet, prouti fieri naturaliter solet, os uteri post foetum editum, sensim rursus coarctetur, & manibus deinceps accessus denegetur; adeoque posthæc vel plane non, vel saltem difficulter admodum extrahere, quicquid alieni intus remansit, liceat. Nisi ergo secundæ, confecto partu, statim sequantur, mox ad ductum funiculi umbilicalis dextra in uterum immittenda, placentaprehendenda atque blande educenda (g); *sed si paulo fortius intus adhæreat*, necessarium omnino est, infantis funiculum umbilicalem ex utero propendentem ea ratione abscindere ac prope foetus umbilicam ligare, quam supra (cap. CXI.) descripsimus: tum funiculi resecti & cum placenta adhuc nexi parte extrema ductibus aliquot circum sinistrae manus digitos gnæviter involuta, dextra vero, duce hoc funiculo umbilicali, in uterum demissa & ipsi placenta admota, vid. Tab. XXXIII. fig. 9. leniter trahere manumque blande agitare, donec tandem secundæ ab utero recedant, & trahentem sequantur. (h) Sine sic quidem negotium adhuc succedit,

(a) Vid. hac de re MAURICÆI obs. 526.

(b) Conf. ejusd. observ. dernieres obs. 25.

(c) Ut TVLPIVS lib.4. obs.42. MAURICÆVS multis inobservationibus, COHAVSIVS in *Luccina Ruyschiana*; qui multa exempla multis ex scriptoribus collegit.

(d) Hoc cumprimis Cel. RVYSCHIVS ultimis vitæ suæ annis docuit, in libello 1725. & 1726. Amstelodami, de uteri placenta, edito.

(e) Referendi huc, præter ceteros, sunt HILDANVS in epist. ad DOERINGIVM, GVILLEMÆVS, MAURICÆVS, RVLOVIVS, DIONYSIVS, PAVCVS, VIARDELIVS, DEVENTERVS, MOTTIVS HOORNIVS Suecus; & cumprimis LEPORINVS ac COHAVSIVS peculiaribus libellis contra RVYSCHIVM, itemque *dissert. de non differenda secundinarum extractione* HORTTRANFTI, Lipsiæ 1735. edita 4. & STVARTI de secundinis, Argentorati 1736. alique.

(f) Vid. DEVENTER. l. c. cap. 33.

(g) Sunt qui scribunt, veteres hunc modum secundinas extrahendi ignorasse: verum qui CELSVS lib. VII. cap. 29. legent, eum hoc jam quam accuratissime scivisse & docuisse perspiciunt.

(h) Multi suadent, ut solum funiculus extra uterum trahatur, donec placenta sequatur. Verum hoc minus suadendum est, quia funiculus sic sæpe rumpitur, & postea placenta longe difficilius educitur, præsertim tenuis aut putridus: adeoque præstat manum mox ad ipsam usque placenta in uterum demittere.



dit, non solum altera manu, vel etiam ab adstante muliere, fricandus blande venter est, quo ipso subinde facilius solvitur; verum etiam hortandæ mulieres sunt, ut tussis atque sæpe repetiti nîsus beneficio, perinde scilicet, ac in ipso partus negotio fieri solet, exprimere paulatim secundas nitantur: ita sæpe ab utero solvuntur & deinde facile ejiciuntur. Ceterum summa in trahendo funiculo umbilicali & placenta necessaria moderatio est, ne qua forte paulo fortiori tractione uterus, ut quandoque imprudentibus obstetricibus contingit, simul extrahatur, unde summum vitæ periculum, sicut infra uberius exponemus, imminet. Præterea *educta placenta manus iterum*, sicut CELSVS olim jam rectissime præcepit (a) *in uterum demittenda*, eaque non solum grumi sanguinis concreti, si qui adsunt, aut etiam *secundinarum forte relictarum frustula* expurganda, quæ alias relictæ dolores vehementes post partum & profluvia sanguinis graviora concitant; verum denique etiam *manus in pugnum contracta aliquamdiu adhuc in utero continenda*, donec sensim uterus æqualiter se constringat, quibus ipsis varia gravia mala, quæ alias sæpius sequi solent, præcaventur.

*Si firmiter  
secundæ in-  
tus hære-  
scunt.*

II. Ubi vero firmiter adhuc secundæ intus hærescunt, quam ut vel prædicta ratione protrahi queant; necessarium utique est, paulatim secundas ab istis uteri partibus, quibuscum adhuc cohærent, digitis interjectis resolvere. Quod ipsum equidem ut plurimum non usque adeo difficulter fieri posse; præsertim si aliqua in parte jam ab utero solutæ sunt, & pollex extremo funiculi sive centro quasi placentæ infigatur, digiti vero reliqui, inter placentam & uterum interjecti, solutam placentæ partem amplectantur uberiusque resolvant atque educant, frequens rerum usus me docuit. *Sed ubi firmiter adhuc cum utero secundarum partes omnes cohærere sentiuntur*, difficilior longe casus est; attamen danda opera est, ut per digitos, præsertim vero indicem & medium, primo in parte aliqua extrema sensim sensimque ab utero resolvantur, atque solutæ postea, ut modo dictum est, comprehendantur & extrahantur. Vel si hoc fieri oborarum fortiolem concretionem nequeat, *ea circa medium digiti perforanda & inde uberius solvenda*. Sed maxima tamen cum moderatione perfici ea singula oportet, ne scilicet vel per ungues digitorum, vel per vehementiorem avulsionem graviter uterus lædatur, aut violenter simul una cum secundis extrahatur. Nam dantur profecto subinde casus, ubi tam firmiter cum utero concretæ sunt, ut sine vi, sicut ipse experius sum, inde deduci nequeant; imo PARÆVS mentionem facit secundinarum, quas nulla ars evellere poterat: (b) qui vero casus, si vi præsertim evellantur, matri plerumque lethiferi sunt, ut varii annotarunt. (c) Igitur nisi absque insigni adhibita violentia solvi ac educi possunt, satius utique interdum videtur, a manuum opere abstinere, & a medicamentis pellentibus, qualia hic, ut sæpius experientia cognovi, specifica sunt *pulvis ex arefacto anguillæ hepate una cum bile*, vel *myrrha & borace confectus*, cum aqua pulegii ac cinamomi aliquoties mulieri ingestus; vel pilulæ aloeticæ & cumprimis Bocherianæ, vel his similes, sanitatis præsidia petere, quibus tamen etiam adjungere possumus *clysterem* aliquem *acriorem sive fortiolem*, itemque *suppositoria sive glandes alvum citantes*, vel & pulverem sternutatorium, quem HIPPOCRATES jam laudavit, cetera vero naturæ potius benignitati committere, quam violenta manus applicatione vel placentam nimis adhærentem & cum utero firmiter concretam, una cum ute-

ro

(a) Loco modo citato.

(b) Lib. de generat. homin. cap. 18.

(c) Vid. ZACVT. LVSITAN. oper. Tom. II. cap. 19. SOLINGEN in Embryulc. cap. 34. SIEGISMUNDA, obstetrix Brandenburgica, lib. de art. obstetric. p. 257. RVYSCHIVS Adv. anat. Dec. 11. p. 30. 31.



ro graviter dilacerare eoque ipso gravius aliquod periculum aut mortem ipsam, ut multi observarunt, concitare. Similis adhibenda est prudentia, si tum demum ad excutiendas secundas chirurgus advocatur, quum, propter communem plerumque obstetricum imprudentiam & cunctationem, ita jam tum præclusus rursus de utero deprehenditur, ut manus in eundem sine vi penetrare, pro comprehendendis secundis nequeant.

III. Quando funiculus umbilicalis vel ex imprudenti obstetricantis tractatione, vel ob nimiam tenuitatem ac debilitatem, quæ sæpe in eo observatur, vel etiam ob putrefactionem, præsertim quando foetus jamdiu mortuus in utero hæsit, disruptus est, cum primis juxta placentam, ita ut sic is viam ad hanc nobis monstrare amplius nequeat, difficilius longe placenta in utero obscuro, quorsum visu pertingere non possumus, deprehenditur, potissimum quando adhuc intime cum utero cohæret; quia ipsa tunc difficulter ab uteri substantia solo tactu distinguitur, maxime si quis his in rebus minus adhuc est exercitatus, atque sic facile uterus loco placentæ comprehendendi ac graviter violari posset. Adeoque magna cura est adhibenda, ut placenta ab utero tactu rite distinguatur. Quando forte adhuc particula quædam funiculi umbilicalis juxta placentam superest, isque non penitus abruptus est, circa hunc placenta comprehendendi & blande educi debet. Quando autem penitus abruptus est, tunc cognosci & dignosci ab utero debet ex substantia, quam obtinet, vasculosa & inæquali, dum vasa majora sanguifera, qualia fere in Tab. XXXIII. fig. 13. conspiciuntur, digitis in ea nervorum sive funiculorum ad instar, percipi possunt; ubi manu comprehendenda & vacillando sive hinc inde motitando ab utero blande solvenda atque extrahenda: id quod commodius fit, si chirurgus alteram manum illi abdominis lateri, quod præ altero elevatum ac durum est, atque subjectam placentam indicat, superimponit, eamque leniter comprimit, vel idem adstantem mulierem facere jubet. Notandum denique hic est, DE-VENTERVM lib. sæpe cit. Cap. IX. & nonnullos alios docere, placentam semper fundo uteri adhærere adeoque eam ibidem quærendam esse, verum GRAAFIUS, (a) SLEVOGTIVS, (b) HOORNIVS Suecus (c) BRVNNERVS (d) ego (e) alique jam dudum contrarium docuimus; hinc si in fundo non percipitur, tunc vel in lateribus, vel in parte anteriori vel posteriori quærenda est, donec tandem inveniatur; ubi solvenda &, ut dictum est, ejicienda. Educta placenta semper examinanda utrum integra an pars forte ejus intus relicta sit. Si hoc sit, manus denuo ingerenda, relicta pars investiganda & quoque una cum concreto sanguine extrahenda.

*Quomodo extrahendus sit funiculus abruptus.*

IV. Non possum, quin paulo nunc prolixius hic eam curandi rationem exponam, quam celeberrimus Amstelodamensium quondam Medicus, RVYSCHIVS, paucos ante annos, contra communem Medicorum sententiam, libello singulari hanc in rem edito, proposuit. Scilicet is nullam fere artificialem resolutionem ad ejiciendas ex utero secundas, adhibendam, sed naturæ potius bonitati & peculiari cuidam musculo orbiculari, quem in fundo uteri hunc in finem adesse vult, easdem relinquendas esse; siquidem manum quam lenissime trahentem non continuo ipsæ sequantur, statuere videtur. Atque id magis etiam ideo, quia ipsemet, Medicus quippe nonagenario tunc major, ex longo harum rerum usu se didicisse affirmat, nunquam fere non graves admodum noxas suboriri, si per insertas in

*Ruysschii sententia explicatur.*

ute-

(a) Lib. de part. genital. mulier. in oper. ejus p. 206.

(b) Diff. de secundinarum retentione, itemque in peculiari schediafmate de incerta placentæ fede.

(c) Lib. sæpe citato pag. 62.

(d) Dissert. de partu p. n. ob situm placentæ super orificium uteri internum.

(e) In compend. anatom. §. 242. ubi de placenta agitur.



uterum manus secundæ ab utero resolvantur : quin & quamplurimas mulieres , quæ artificiosam istiusmodi curationem senserint , miserabiliter confectas esse ; contra vero plerasque fere omnes , in quibus secundæ , paulo firmitus adhærescentes relictæ fuerint , satis feliciter consanuisse , partibus ænis solius naturæ beneficio sensim ex utero ejectis . Itaque summam semper adhibendam hic esse curationem præcipit , *ne temere unquam istiusmodi curatio suscipiatur* . Ego vero quemadmodum diffiteri nequeo , & mihi , & Medicis expertis aliis , & Obstetricibus denique expertissimis in promptu esse non pauca istiusmodi mulierum exempla , quæ ab intus relictis secundis sunt extinctæ , ( a ) , sic firmiter quoque persuasum habeo , RVYSCHIVM non quamcunque secundarum extractionem , sicut nonnulli perhibent , prohibere voluisse ; *sed tantum istam , quæ cum violentia est conjuncta* , quemadmodum manifeste videre licet ex Advers. ejus anatom. Dec. II. pag. 30. & seq. utpote quam quoque ipse cum multis aliis , supra jam nominatis , mortiferam observavi , dum mulier paulo post extincta est . Facere itaque aliter vix ego possum , quam ut statuam , *haud intus relinquendas , neque intus committendas esse secundas , quæ citra violentiam , ut supra docui , resolvuntur , quæ extrahi ex utero possunt* ; quæ vero sine insigni violentia excuti nequeunt , ( quales tamen raro occurrunt ) vel si puerperæ convulsiones superveniunt , illas relinquendas & ægras prædicta ratione , medicamentis scilicet , tractandas esse . *Ubi enim prodesse non potest* , ( juxta tritum illud antiquorum medicorum præceptum ) *cave ne noceas* : nam successu temporis sæpius sponte adhuc excernuntur , ut auctores quamplurimi notarunt ( b ) , atque ego ipse aliquot exempla notavi .

Quid præterea circa secundarum extractionem observandum .

V. Si qua forte , uno foetu extracto , gemelli aut plures infantes intus esse in utero sentiuntur , cavendum omnino est , ne quid secundarum primi foetus prius extrahatur , quam infantes singuli in lucem sunt expositi . Posse etenim hac observatione neglecta , mirificam , eandemque non reliquis modo infantibus , sed ipsi quoque matri lethiferam sanguinis profusionem suboriri , rerum frequens usus me aliosque satis docuit . *Quodsi autem jam tum ex neglecta matura extractione putrefactæ vel corruptæ secundæ reperiuntur* , providere omnino convenit , ne simul uterus corrumpatur . Oportet autem , ad servandum atque a putredine vindicandum uterum , si manu vel digitis extrahi nequeunt , decoctum aliquod vulnerarium , v. gr. ex herba agrimonix , scordii vel absynthii cum admixta mellis rosarum atque elixir proprietatis portione quadam , vel & liquorem similem alium expurgantem atque emollientem , syringæ atque fistulæ , *tabula VI. fig. 12. & 13. delineatarum* , subsidio aliquoties per dies singulos injicere atque identidem clysteres acriores immittere , idque tam diu facere , donec materiæ corruptæ atque alienæ nihil intus reliquum esse animadvertitur . Non neglectis interim medicamentis iisdemque cum ad præcavendam putredinem , tum ad expellendas secundas accommodatis ; qualia supra §. II. commendavimus .

Si placenta in peculiari sacculo aut diverticulo contineretur .

VI. Si placenta ab utero , per spasmum forte constricto , ita retinetur , quasi in peculiari sacculo aut diverticulo contineretur , qualia exempla nonnulli recentiores referunt ( c ) , difficulter quidem ea , præsertim ab harum observationum ignavis de-

( a ) Conf. etiam hic potest LEPORINI scriptum germanicum de secundinis & COHAVSII Lucina Ruyschiana , itemque HORTTRANFFTI diff. supra laudata de non differenda secundinarum extractione .

( b ) Ut HIPPOCR. de morb. mulier. LIB. I. AETIVS Tetrabibl. Lib. IV. Serm. 4. C. 24. ÆGINETA Lib. VI. Cap. 75. PARÆVS lib. de generat. hominis Cap. 18. BARTHOLINVS , SOLINGIVS , MAVRICÆVS , RVYSCHIVS alique recentiores plurimi .

( c ) Ut PEV sive PAVCVS Lib. cit. pag. 494. 508. 511. 512. MEYFELDIVS diff. de partu difficili , ex spastica strictura uteri circa placentam . Altorfii 1732. edita pag. 8. & 17. HORTTRANFFT. in diff. de non differenda secundinarum adhærentium extractione , Lipsiæ 1735. pag. 21. & STVARTVS diff. de secundinis Argentorati 1736. evulgatis .











deprehenditur, qui placentam prorsus deficere forte putabunt. Attamen quibus hæ observationes perspectæ sunt, ut ejusmodi placentam, quasi in carcere detentam, educant, funiculum umbilicalem, quasi filum ariannæum, manu sequuntur, & quando hæc ad os illius diverticuli, quod ut os uteri circa instantem partum connivet, primo digitum unum atque alterum, postea simul reliquos etiam digitos in conum contractos in os illud demittunt, hisque deinde expansis hoc diducunt, donec integram manum inserere, placentam arripere atque educere valeant. Ceterum si quis plures de retentis secundis legere observationes cupierit, is præter alios cumprimis MAURICÆVM (a) MOTIVVM (b), COHAVSIVM (c) aliosque velim consulat.

### Explicatio Tabulæ trigesimæ tertiæ.

Fig. 1. Ostendit quomodo in parturientibus os uteri internum digito uno alterove, num directum uterus habeat situm an obliquum, itemque utrum adhuc adstrictum an apertum sit os uteri explorandum; ut inde de partu naturali vel præter naturam, facili vel difficili, instante vel remoto, chirurgus aut obstetrix rite judicare, & quid faciendum inde concludere possit.

A, est uterus gravida.

BB, vagina aperta & oræ dissectæ reclinatæ.

C, os uteri internum in situ recto, naturali & bono, sed adhuc clausum.

D, manus explorans digitum indicem, vel etiam, ubi fieri potest, simul medium per vaginam ad os uteri demittens, pollicem vero sursum erigens ac reliquos digitos deprimens, ut tanto facilius ad os usque uteri pertingere, ejusque constitutionem ac situm explorare queat. Quando vero hoc os uteri C sive ad B dextrum sive ad B sinistrum vergit, sive antrorsum ad os pubis, sive, quod frequentissimum est, retrorsum os sacrum versus, situm uteri obliquum & partum difficilem aut laboriosum indicat.

Fig. 2. Naturalem infantis in partu posituram repræsentat, ubi caput, per os uteri & vaginam, sub pubis arcu, sive ossibus prorumpit. Litt. A infantem, B B, uterum apertum, ut situs foetus in partu naturali & maxime usitato conspici queat; CC, ossa pubis, DD, ossa ischii, EE, ossa ilei, F, funiculum umbilicalem; G, denique secundas, utero adhuc adhærentes designant.

Fig. 3. Infantem pedibus tempore partus exitum quærentem demonstrat.

Fig. 4. Foetum natibus ex utero prodeuntem, & quomodo digitis utrinque adhibitis hic partus promoveri queat, exhibet.

Fig. 5. Infantem repræsentat transversim positum; sed cujus dorsum vaginæ & ori uteri accumbit, una cum manu chirurgi, quæ ad foetus pedes quærendos foetumque eis invertendum in uterum demittitur.

Fig. 6. Designat foetum pedibus manu comprehensum & inversum & quomodo hic educendus.

Fig. 7. Infantem sistit, cujus venter uteri ori & vaginæ opponitur, atque simul quoque transversim positus est: quo in situ sæpe simul funiculus umbilicalis cum vitæ foetus magno periculo ex utero procidit.

Fig. 8. Foetus est, cujus caput sinistro ossium pelvis lateris insistit, cujus vero collum ab utero se constringente plerumque valde contorquetur; unde partus difficillimus imo impossibilis sæpe oritur.

Heisteri Chirurgicæ Tom. IV.

C

Fig.

(a) Cap. 9. Lib. II. de morbis mulierum pregnantium ac parturientium, nec non in libro observationum.

(b) In observationibus de arte obstetricia.

(c) In Lucina Ruyfchiana.



- Fig. 9. Exhibetur *infans capite ad dextrum pelvis latus inclinans*, & quomodo quandoque, præsertim mox post ruptas aquas, ejusmodi caput manu insitum rectum converti queat.
- Fig. 10. Foetus repræsentatur, qui cubito vel humero ori uteri insistebat, & quomodo in hoc, aliisque plerisque posituris p.n. pedes manu ad cubitum usque in uterum demissa investigari, eorumque ope foetus converti a pedibus arreptis extrahi debeat, sicut fig. 6. ostensum est.
- Fig. 11. Indicatur, quomodo *infans brachio prolapso*, manus juxta hoc ad pedes quærendos immittenda, foetusque ea educendus sit.
- Fig. 12. docetur, quomodo *infans altero pede prodiente, vel arte edueto*, manus ad alterum quoque pedem quærendum & educendum intus sit demittenda.
- Fig. 13. Proponitur quomodo foetu excluso, si secundæ non mox sequuntur, funiculus umbilicalis sinistra manu comprehendi, dextra vero ad ductum funiculi umbilicalis usque ad placentam in uterum insinuari, hæc ipsa comprehendi, & blande ab utero diduci debeat.
- AA, est funiculus umbilicalis :  
 B, manus sinistra eum comprehendens ;  
 CC, uterus ejecto foetu jam valde collapsus  
 D, manus dextra in uterum demissa placenta  
 E, comprehendens.
- Fig. 14. Sellam exhibet, *partus negotio accommodatam*; quali nostrates mulieres partus tempore plerumque utuntur. AA indicat ejus latus posterius sive dorsum sedilis; BB, partes laterales; C, partem, cui insident parturientes, in medio excavatam, ut os coccygis liberum sit; quo facilius foetui egredienti cedere queat. DD, habenæ, quas manibus comprehendunt.
- Fig. 15. Sellam aliam, eidem usui destinatam demonstrat, dorso versatili instructam, ut mox, si partus præter naturam incidat, reclinari & quasi in lectum converti atque foetus facilius educi queat, id quod tamen etiam in alio lecto, si ejusmodi sella deficit, quando transversim parturiens ei imponitur, imo etiam in mensa quadam fieri potest.
- Fig. 16. Ideam sistit ejus *ferramenti sive hami lati & retusi*, quem PALFYNVS pro infantibus vivis, aut quorum mors adhuc dubia, capite pertinacius in vagina hærentibus, sine noxa protrahendis commendavit. Vera ejus magnitudo altero tanto illum superat, quem in hac tabula designare potui. Duo autem semper in promptu esse debent, ut nimirum ab utroque latere caput iis comprehendi atque sic tanto facilius educi queat.
- Fig. 17. & 18. Designant *uncos commodissimos*, a latere spectatos, quibus in extrahendis infantibus, ubi opus est, uti soleo. Litt. A eorum cuspides; dorsum indicant.
- Fig. 19. Manubrium uncis his adaptatum; quod primo variis fulcis, a a a a a, in parte, quæ dorso unci respondet, instructum est, eo fine, ut solius tactus beneficio, dum pollice iis impono, semper sciam, me cuspidem unci foetui, non utero infigere, ne uterus eo lædatur, aut laceretur. Deinde locus bb excisus facit, ut laqueus hic jungi possit, quo adstans vel minister extractionem, quæ subide difficillima est, juvare possit.
- Fig. 20. Cuspidem unci seorsim a parte anteriori ostendit.
- Fig. 21. Cuspidem unci duplicem exhibet, qui quandoque adhiberi potest.



## C A P. IV.

*Qua ratione molas uteri excutere conveniat.*

I. SOLET quandoque in utero vel ex concreto sanguine menstruo, vel e secundarum reliquiis, vel & ex ovulo quodam mulieris minus decenter fecundato, substantia vel materia quædam carnosæ atque informis pronasci, quæ mulieribus multa sæpe incommoda concitare potest, & a Medicorum filiis *mola uteri* solet nuncupari. Rarius apud viduas atque virgines, frequenter autem apud mulieres in conjugio viventes istiusmodi casus incidere, manifestum est experientia. Interea tamen quandoque & in illis observatæ sunt, & præsertim in vidua honestissima etiam aliquando ejusmodi molam vidi (a). Si ad molarum figuram & magnitudinem respexeris, mirificam earundem differentiam existere cognosces. Quædam earum nusquam cum utero cohærescereprehenditur; aliæ per unam alteramque venam aut fibram carneam cum eodem conjunctæ sunt; aliæ denique firmiter admodum ipsi adhærescunt (b). Ut plurimum eadem solæ; sed interdum tamen una cum foetu quodam progignuntur. Si absque foetu mola progignitur, post alterum plerumque vel tertium mensem, sua velut sponte atque ad instar infantis alicujus, prægressis partus quasi doloribus ab utero expellitur. Quod ipsum equidem ubi fit, æque propemodum gravibus, quin & interdum longe gravioribus, ac in naturali infantis partu, doloribus aliisque incommodis mulieres exercentur. Nonnunquam a partu molarum usque adeo larga profusio sanguinis suboritur, ut in præsentissimum vitæ periculum mulieres adducantur. Interdum molæ per complures menses atque ita diu in utero persistunt, ut communem infantis alicujus & abdominis præ se ferant magnitudinem.

*Mola uteri  
quid sit.*

II. Primis quatuor mensibus statui vix potest, utrum infans an mola quædam intus in utero mulieris gravidæ delitescat: siquidem communiter eadem utrobique signa sese ostendunt. Postmodum vero sensim sensimque discriminis alicujus indicia observantur. Namque ubi mola quædam intus in utero continetur, 1. mulieres ne post quartum quidem vel quintum ab imprægnatione mensem commotionis aliquid rei vivæ in utero contentæ, ceu fieri naturaliter in vere gravidis a foetu solet, persentiscunt. Deinde 2. a mola venter mulieris æqualiter ubivis intumescit; quum e contrario ab infante pars ventris umbilico proxima, vel & alterutrum latus magis, quam partes ejusdem reliquæ promineant. Porro 3. mola modo in hanc, modo in istam ventris partem delabitur, pro varia nempe mulieris positura vel corporis conversione; quod aliter omnino sese habet, sicubi verum eundemque vivum infantem aliquem uterus continet. Denique 4. in mammis earum, quæ molam in utero gerunt, parum plerumque aut nihil lactis colligitur; quum e contrario gravidarum mammæ sensim sensimque magis ab eodem distendantur. Tandem 5. quoque mulieres graviora plerumque a molis, quam a veris infantibus incommoda sentiunt: neque enim facies modo colorem tetrum ostendit; sed uni-

*Mola quibus  
signis cognoscatur.*

C 2

ver-

(a) Idem jam notavit MAURICEAV in observat. suis ult. obs. 33. KERKRINGIVS Spicileg. anat. obs. 81. quæ vehementissimis doloribus rejecta fuit.

(b) Exempla quædam huc spectantia descripta leguntur apud HILDANVM cent. II. obs. 52. GVILELMÆVM, lib. de gravidit. cap. IV. obstetricia Brandenburg. in præfat. nec non apud CONNORIVM in diss. med. physica de humani uteri sarcomate, pag. 57. SAVIARD. obs. 36.



versum quoque corpus cum cibi fastidio mirifice languescit, & frequenter doloribus ac cruciatibus circa lumbos & in pubis regione torquentur: unde tandem foetus haud in utero, sed molam quandam gestari intelligitur. Nonnunquam affectus modo propositos hydropis quoque imminetis signa existere posse, res ipsa, credo, loquitur.

*Mola quomodo excutiantur.*

III. Simul atque ex his atque id genus aliis indiciis constat, molam quandam, non autem verum infantem intus in utero delitescere, a medicamentis expellentibus, hisdemque a prudenti Medico propositis, capienda sunt curationis primordia (a). Quodsi autem, prout fieri quandoque solet, medicamenta ejusmodi nihil proficiunt, chirurgum aliquem harum rerum peritum, vel idoneam obstetricem adhibere convenit, qui manus adminiculo protrahere ex utero partem istam alienam studeat. Quandoquidem autem uterus clausus manum medicam haud facile admittit, necessarium utique videtur, per adhibita medicamenta alvum citantia atque educentia, clysteres item vehementes, fomenta & balnea partus dolores excitare, os uteri emollire atque ita simul uterum paulatim aperire. Namque hoc facto, unus alterve digitus primo demitti, mox autem, utero sensim sensimque diducto, manus integra deprimi, atque mola eo modo comprehendendi poterit, quem supra jam tum (Cap. CLIV. de foetu in hæmorrhagia uteri educendo explicavimus. *Sicubi cum utero mola concrevit*, quemadmodum sæpius fieri solet, tum per admotos digitos decerpere illam ea ratione convenit, qua idem perfecisse HILDANVS legitur (b). Si firmiter nimis cum utero mola cohærescit, ut digiti parum sint, forficem quandam longiorem, sed retusam tamen, qualem nimirum *obstetrix Brandenburgica* designavit (c), & nos ex ea tab. XXXIV. fig. 1. delineari curavimus, prudenter admoveere eaque molam, ut hæc obstetrix se fecisse scribit, resecare oportet. Denique si paullo grandior mola existit, quam ut integra extrahi valeat, tum vel digitis, vel scalpello quodam falcato longiore, vel & unco (fig. 11. aut 12. Tab. XXXIII.) quam cautissime discerpi eadem atque sic particulatim extrahi debet. Si qui plures de molarum natura & educatione observationes nosse desiderant, hi ut HILDANI, ROONHVSII atque MAVRICÆI observationes perlustrant, etiam atque etiam suademus. Ceterum si nulla graviora incommoda molæ concitant, nulla hisce mulierculis vis inferenda; multæ enim ad senectutem usque sine notabili noxa eas circumferunt. Conf. hanc ob causam HILDANI Epistolæ laudatæ.

## C A P. V.

### De uteri prolapsu.

*Quotuplex sit procidentia uteri.*

I. **U**teri equidem procidentiam, quasi rem impossibilem atque ab ipsa natura prorsus alienam, Medicorum aliquibus eisque recentioribus superiori sæculo non solum propositam, verum & mordicus defensam fuisse, nemo facile, nisi

(a) Conf. hac de re HILDANI Cent. Epistolæ. epist. 38. & 39. pag. mihi 984.

(b) Cent. 2. obs. 52. conferantur quoque epistolæ modo citatæ.

(c) In præfatione libri de arte obstetricia, germanicè editi, & a SOLINGENIO in belgicam linguam translati.



nisi rerum in republica medica gestarum ignarus, ignoraverit (a). Posse vero utique apud mulieres quasdam uterum ex abdomine per pudenda foras procidere, ex quamplurimis Medicorum expertissimorum; tam antiquiorum, quam recentiorum observationibus est manifestum (b). Quarum equidem recentissimas pariter atque luculentissimas merito suo existimamus illas, quas celeberrimus RVYSCHIVS quondam in observationibus chirurgicis, obs. I. VII. IX. & X. hanc in rem proposuit, figurisque sat elegantibus atque perspicuis dilucidavit. Nos binas ex his Tab. XXXIV. fig. 2. & 3. repræsentavimus. Post RVYSCHIVM laudandi nobis hic adhuc sunt SAVIARDVS, chirurgus Parisiensis, qui decem circiter exempla a se observata recenset (c). Deinde Joan. Maur. HOFFMAN-NVS (d), Altorfinus quondam Medicus, itemque SCHACHERVS, Medicus nuper Lipsiensium clarissimus (e), SLEVOGTIVS & VATERVS; hi enim omnes haud adeo pridem veras uteri procidentias, quasi testes hujus noxæ oculati viderunt & descripserunt. Denique nuperrime BVRGGRAVIUS, Medicus Francofurtensis, una cum aliis Medicis ibidem verum uteri prolapsum conspexerunt (f). Ita & ipsemet aliquoties veros uteri prolapsus me videre memini. Quando uterus solum in vaginam usque descendit, *descensus uteri*, quando autem ultra & extra vaginam prolabitur, tunc proprie *uteri prolapsus* sive *procidentia* appellatur. Solet autem duplex admodum uteri procidentia existere: quarum altera fit *absque uteri inversione* adeoque tum circa extremam ejus partem os uteri, quod vulgo internum vocatur, conspicitur; (vid. fig. 2. litt. C) altera cum *inversione*, ubi os uteri non conspicitur, (vid. fig. 3.) quemadmodum prælaudati auctores utrumque testantur.

II. Distingui vulgo solet uterus non inversus ab inverso, ut modo dictum est, ex ore uteri, quod se in non inverso, sicut in Tab. XXXIV. fig. 2. litt. C. exhibuimus, repræsentat, eoque etiam vulgo a vaginæ prolapsu, imo & a fungis vaginæ distingui solet. Observatu tamen quam maxime dignum est, a Cl. D. WIDMANNO, Academiae Cæsareæ Naturæ Curiosorum nunc directore, peculiarem admodum totius vaginæ tunicæ internæ sive rugosæ prolapsum, non solum descriptum, verum & eleganter ac perspicue delineatum esse, (g) ubi prolapsus hujus vaginæ tam accurate os uteri finxit, ut quilibet ante cadaveris sectionem crediderit, verum uteri prolapsum adesse; cum tamen revera non nisi tunicæ rugosæ vaginæ prolapsus fuerit, & uterus ipse in ventre loco

*Diagnos.*

(a) Referendi in hunc censum potissimum sunt MEEKRENIUS, *observat. cap. 54.* ROONHUISIUS obs. chir. Lib. II. cap. de vaginæ prolapsu, pag. 86. in edit. belgica. HORNIVS in microtechn. Sect. II. Part. I. §. 28. BARBETTIVS in chirurg. edit. Genevens. pag. 518. & seq. VANDER BEEKE lib. de *procidentia uteri*, KERKRINGIVS in specileg. anatom. obs. 20. VERDVICIVS in patholog. chir. atque ab his citati auctores alii.

(d) AETII puta, ÆGINETÆ, ROSSETI lib. de part. cæs. FABRICII ab *Aquapendente*, BERENGARII CARPI, PLATERI, PARÆI, PLEMPHII, LANGII, FERNELII, HILDANI, MARCHETTI, VESLINGII Syntagm. anat. cap. VII. BARTHOLINI, HILDANI, STALPARTII, PECHLINI obs. 20. SOLINGENII obs. 35. 30. MAVRICÆI de morb. gravid. Lib. III. cap. VI. & observationibus ejus, ubi quamplurima exempla refert.

(c) In obs. chirurg. obs. X. XI. XII. XIII. & XV.

(d) *Ephem. nat. cur. Cent. IV. pag. 261.*

(e) In program. anat. an. 1721. hac de re emissio.

(f) Vid. *Commerc. litterar. Norimb. a. 1733. pag. 362. conf. simul diff. WESENFELDII de inversione uteri*, sub præsidio BERGENII Francof. ad Viadr. 1732. evulgata. Neque hic silentio prætereundum, quod, cum David vander BEEK & GARMERVS, ambo Medici quondam Hamburgenses, acerbis hac de re lites inter se habuerint, atque ille uteri procidentiam negaret & impugnaret, GARMERVS vero ipsam affirmaret atque defenderet, a Collegio autem Medico Academiae nostræ Helmstädiensis tunc, anno nimirum 1684. sententia super hac re Hamburgo deferretur, Collegium hoc pro GARMERO steterit, atque in responso sicut acta collegii nostræ testantur, procidentiam uteri sua quoque experientia doctisque rationibus confirmaverit.

(g) Vid. *Ephem. Nat. Cur. Cent. VIII. obs. 98.*



co suo repertus sit . Operæ pretium esse credidi , ut figuram IDMANNI , quamvis magnitudine naturali diminutam , huc transferrem ( vid. Tab. XXXIV. fig. 4. ) ut Medici tanto prudentius in cognoscendis & distinguendis his vitiis procedant , nec ejusmodi vaginæ prolapsus temere pro vera uteri procidentia habeant , ne inde errores in curatione noxii oriantur . Adeoque osculum ejusmodi in tali prolapsu ( vid. lit. F. ) non pro infallibili signo uteri prolapsi , ut plerique hæcenus tradiderunt , habeant ; sed partem prolapsam curatius considerent , donec certe dignoscere queant sitne vagina tantum an ipse uterus prolapsus . WIDEMANNVS quidem nullum signum certum sive pathognomoniam , quod vocant , protulit , quo vaginæ ejusmodi prolapsus a vero uteri prolapsu distingui certo possit ; attamen ait , se specillum per hoc foramen sive os , litt. F , quod os uteri mentiebatur , immisisse , quod longe profundius , quam uteri cavum est , intraverit , nimirum ad dimidii fere pedis longitudinem . An vero hoc signum semper occurrat , pluribus experimentis erit probandum . Ceterum meretur , ut notatu dignissima hæc observatio prædicto loco evolvatur , atque cum cura uberius perlegatur

*Prolapsus  
uteri & va-  
ginæ difficul-  
ter distin-  
guuntur .*

III. Ceterum uteri & vaginæ prolapsus non modo valde difficulter sæpe cognosci , sed & a se invicem distingui , vel inde etiam patere potest , cum aliquando factu sit , ut Medici & chirurgi Tolusani , imo & quamplurimi Parisini , puellam , quæ triginta fere annos habebat , & a pueritia jam uteri procidentia laborabat , pro *hermaphrodito* propterea haberent , atque speciatim pro ejusmodi hermaphrodito publico actu declararent , ubi sexus masculinus prævaleret . Senatusque simul Tolusanus sub gravi fustigationis poena juberet , ut puella hæc vestes muliebres deponeret , & in posterum vestibus virilibus incederet . Postquam vero SAVIARDVS hunc ita putatum hermaphroditum Parisiis rite examinaret , veram puellam hunc vestibus virilibus incedentem & gladio alligatum juvenem esse cognovit , utroque in locum naturalem reposito , in puellam rursus transmutavit , quæque deinde etiam jussu Regis vestimenta muliebria loco virilium rursus assumsit . Temere admodum Tolusanos de hac puella judicasse etiam inde colligo , quia in historia hac lepida , quam SAVIARDVS observ. sua xv. prolixius describit , nihil quicquam occurrit , quod vel penem vel testiculos indicasset ; sine quibus tamen ego non perspicio , quomodo aut quare aliquis vir dici queat ; præsertim cum mammas habuerit prægrandes , ac faciem muliebrem , qua sine dubio etiam barbæ defectus intelligitur .

*Ejus causæ .*

IV. Causam prolapsus uteri generatim a nimia ligamentorum uteri atque vaginæ debilitate indeque sensim facta eorum relaxatione repetendam esse , res ipsa loquitur : unde *sæpius observatur , hoc malum sequi partum difficilem* , vel alios conatus vehementiores . Interea tamen prorsus insolens non est , ipsas etiam *virgines & puellas* aliquando hoc vitio laborare . ( a ) Altera procidentiae species est , quando *uterus prolapsus ad instar sacculi inversus* , ita ut interior ejus facies fiat exterior , esse animadvertitur , uteri ore sive orificio tunc , utpote intus in vagina latente , non conspicuo . ( vid. fig. 3. B ) Atque hujus quidem generis , præter multas inter supra citatas , ea quoque procidentia est , quam & curasse & descripsisse GENSELIVS legitur . ( b ) Et sane quia in istiusmodi casibus uterus propendens *mole sive carnis alicujus cruentæ atque inde-*

*cen-*

( a ) Exempla legi possunt in GRAFIO lib. de organ. mulier. MAVRICÆO obs. 96. SAVIARD. obs. XIII. & XV. Misc. Nat. Cur. Dec. I. An. VI. & VII. obs. 73.

( b ) Vid. Ephem. Nat. Cur. Cent. II. obs. 193. ibidemque citati scriptores alii . Conf. quoque Henr. van SANDEN observ. de prolapsu uteri inverso ab excrescentia &c. Regiomonti A. 1723. edita in 4. ubi variae aliae ejusmodi observationes referunt.



centis speciem exhibet, mirum non est, a chirurgis atque obstetricibus imperiti-  
 ribus malum haud cognosci atque ejusmodi uterum prolapsum ruditer quando-  
 que tractari, quin & cum præsentissimo miserarum mulierum vitæ periculo,  
 violenter convelli. (a) Neque vero incidere fere unquam gravissimum istius-  
 modi malum consuevit, nisi quando uterus cum secundinis extrahitur, vel ubi  
 mox a partu & præsertim difficiliore usque adeo distentum uteri os internum est, ut  
 quam facillimo negotio, sine caussa perspecta ipsum transmittere uterum va-  
 leat; (b) vel denique nisi mulieres a partus doloribus vel post confectum quo-  
 que partum remanentibus, ita graviter exercentur, ut, vehementi nisu adhi-  
 bito, uterum tandem invite per os uteri patens & per vulvam exprimere co-  
 gantur, vel saltem imprudenter expellant. Sed quicquid tandem harum rerum  
 sit, sane, nisi confestim uterus in sedem naturalem restituitur, vehementer brevi  
 incrementum, & citissima fere semper mors, ut prælaudatorum auctorum quamplurimi  
 testantur, insequitur: adeoque omni modo festinandum, quia maximum in mo-  
 ra hic periculum est (c).

V. Simulatque igitur vel sine vel una cum secundis foras procidere uterus *Curatio uteri  
 prolapsi, &  
 conversi.*  
 animadvertitur, id sibi datum ante omnia chirurgus vel obstetrix sciat, ut  
 evacuata prius urina, ne vesica repleta obstet, & resupinata ægra coxis ele-  
 vatis, cruribusque diductis, prudenter per admotos digitos prius resolutis, si-  
 quidem cum utero eadem forte adhuc cohærescant, secundis, quantum qui-  
 dem fieri potest, manu celerrime in sedem pristinam uterum blande restituant.  
 Hoc commodissime perficitur, quando obstetricans inferiorem uteri propenden-  
 tis partem fig. 3. litt. C, digitis tribus mediis mox primo in vaginam, ac  
 deinde ope totius manus in ventrem sive locum naturalem blande repellat.  
 Hoc facto, manus intus in utero in formam pugni constricta aliquamdiu deti-  
 neatur, donec hic usitatam suam in puerperis figuram rursus assumerit, ubi  
 tandem leniter retrahitur. Quod ipsum equidem fieri hoc facilius consuevit,  
 quo magis diductum proximis ab ipso partu momentis os uteri una cum vagi-  
 na existit. Utero, quemadmodum præcepimus, reposito, figuraque consueta  
 ipsi reddita, confestim ægram in lectulo supinam deponere graviterque admo-  
 nere convenit, ut, probe invicem conjunctis cruribus, gnaviter quiescere  
 studeat; Nam tunc sæpe sola quies & decubitus, pro curatione sæpe sufficiunt.  
 Attamen nec alienum erit per aliquod tempus spleniis & fascia idonea os va-  
 ginæ claudere, ne uterus facile supervenientibus forte doloribus post partum,  
 tussi vel sternutatione fortiori relabi possit. Namque hoc facto, uteri os ita  
 sensim rursus coarctatur, ut postea se invertere ac procidere uterus per illud  
 denuo nequeat atque malum ita curatum sit. Si justo diutius uterus prolapsus  
 propendet, ut plurimum mulieres brevi, ut observationes HILDANI, STAL-  
 PARTII, RVYSCHII, SAVIARDI, aliorumque quamplurimorum laudato-  
 rum scriptorum docent, emoriuntur; nam uteri os a parte uteri superiori pau-  
 latim ita constringitur, ut mox inflammetur ac deinde refundi uterus per illud  
 nulla amplius ratione queat; sed sphacelo propter sanguinem hic hærentem &  
 corruptum contracto, miserabiliter ægræ brevi conficiantur. Si tamen forte non-  
 dum desperatum prorsus malum esset, dum chirurgus ad mulierem ex utero pro-  
 lapso

(c) Memorabilem casum hanc in rem suppeditavit HILDANVS pag. 904. BARTHOLINVS  
 Cent. II. hist. 91. STALPARTIVS Cent. I. obs. 67. MARCHETTUS obs. 61. MVRALTUS Misc. N.  
 C. Dec. II. an. I. obs. 112. SAVIARD. obs. XV. itemque *Commerc. litterar.* Nor. An. 1733. pag. 302.

(d) Hoc præter RVYSCHIVM locis citatis, ut & in *Advers. suis anatom.* dec. II. obs. X. p.  
 37. 38. observavit MAVRICÆVS lib. de morb. mul. lib. III. cap. VI. & observat. suis, observ. 355-  
 685. Starpalt. *vander VViel* obs. rar. Cent. I. obs. 67. & M. N. Cur. variis in locis.

(a) Quod uterus ab excrecentia intus enata invertatur, ut SANDENIVS scripsit, inter ra-  
 rissimos casus referendum est.



lapso laborantem adsciscitur, opera utique danda est, ut & ab inflammatione sua uterus tumefactus liberetur, & quamprimum fieri possit, suis sedibus restituatur. Debet autem his fere modis negotium illud institui. Ante omnia larga sanguinis copia per venam detrahenda ac deinde urina emittenda; ne quod forte obstaculum a distenta vesica uterus sentiat. His peractis, sic omnino, ut modo diximus, deponere mulierem convenit. Insimul uterus aqua aut lacte calido quam diligentissime fovetur, atque butyro sive oleo calido inungitur; vel fomentis denique seu malagmatis digerentibus atque emmollientibus tamdiu comprehenditur, donec ita mollis atque lubricus fiat, ut prædicta ratione refundi per admotas chirurgi manus valeat. (a) Nisi enim tempestive reponi potest, vix ac ne vix quidem convalescere, nec vel utero quidem ligato aut exciso, quemadmodum nonnulli putarunt, mulieres consueverunt. RVYSCHIVS enim exemplum refert, ubi chirurgus uterum ejusmodi propendentem ligatura auferre voluit; sed res non successit & mulier brevi mortua est (b).

Quid fiat si  
uterus prolapsus non est  
inversus,

VI. Longe minori cum periculo conjuncta esse illa uteri procidentia consuevit, quæ non partus tempore, sed alias a nimia ligamentorum debilitate proficiscitur, quæque uteri haud inversi os repræsentat: quo signo non solum ab utero inverso, sed etiam a fungis sive tuberculis e vagina sæpe excrescentibus utplurimum distinguitur, conf. supra §. 2. Namque tum haud facile verendum est, ne partes usque adeo flaccidæ inflammationem aut sphacelum, quemadmodum in priori specie facile fieri solet, sentiant. Interim sciendum hic adhuc est, non solum mulieres quæ pepererunt & forte difficiles partus senserunt, ejusmodi procidentis uteri laborare; verum etiam quandoque, ut supra jam scripsi, mulieres, quæ non pepererunt; imo & virgines atque inter has vestales quoque, ac interdum etiam puellas juniores, quemadmodum ex MAURICÆI obs. 96. & variis SAVIARDI aliorumque observationibus conspici potest, prolapsus hujusmodi uteri pati. Ubi justo diutius absque curatione uterus talis propendens relinquitur, non molestiam modo egregiam, sed & urinæ difficultatem atque insignes quoque coxarum dolores, uteri propendentis exulcerationes, quin imo quandoque inflammationem aliquam cum sphacelo, sæpius vero scirrhum vel carcinoma mulieres haud raro experiuntur. Et sane quo tardius medicina huic malo adhibetur, hoc difficilius, quia sæpe valde increfcit & augetur, reponi, nedum contineri in sede sua naturali absque machinamentis uterus solet. (c) Vix enim ac ne vix quidem prohibere licet, quo minus vel ab ambulatione, vel a corporis aliqua commotione, vel denique a sternutatione atque tussi, denuo is prolabatur, præsertim si fascia vel vinculo, vel idoneo instrumento non coercetur. Quodsi forte carcinoma jam tum vel gangræna uterum prolapsum occupavit, frustra omnino, quemadmodum observatum est a RVYSCHIO obs. 9. idem reponitur: si quidem, illo reposito, longe gravioribus, quam antea, doloribus aliisque incommodis mulieres discrucari testatur.

Curatio.

VII. Si igitur nondum carcinoma aut gangræna propendentem uterum occupavit, bina potissimum Medico expedienda sunt curationis negotia. Primum est, ut decenter in locum suum uterus restituatur; alterum, ut, ne denuo procidere is queat, solertissime precaveatur. Ad primum quod attinet, observasse juvabit, ute-

(a) Hic in mentem mihi venit, an non in ejusmodi casibus desperatis scarificationes uteri turgidi & inflammati, quemadmodum in aliis inflammationibus gravioribus & cancrum spectantibus cum fructu instituti queant? Mihi tentari eas posse haud alienum videtur.

(b) Exemplum uteri inversi & feliciter restituti videri adhuc potest in Mauricæi obs. ultimis, obs. 138.

(c) Inter alia hæc disci potest ex variis & RVYSCHII & SAVIARDI observationibus supra citatis.



uterum prolapsum, nisi forte jam tum inveteratum aut mole auctum valde istud malum est, facile plerumque reponi, dummodo mulier ea ratione, quam paulo ante (vid. §. V.) descripsimus, capite scilicet depresso, & natibus elevatis, gnaviterque ab invicem diductis cruribus, deponitur, eoque facto, uterus per vulvam in locum suum naturalem digitorum vel & candelæ robustioris cereæ subsidio decenter restituitur. Sæpius etiam observatur mulieres ejusmodi malo afflictas sibi ipsi uterum facillimo negotio in locum naturalem refundere. Sed si malum jam est inveteratum, aut saltem uterus paullo amplior, quam ut facile refundi queat, aliquamdiu fomenta digerentia sunt adhibenda, urina & alvus evacuanda ut sic tanto facilius tandem eundem repellere in suum locum valeamus. Ne qua autem forte, post adhibitam curationem istam, denuo uterus procidat, præcavere difficile ut plurimum atque adeo difficillimum sine idoneis fasciis aut machinamentis solet esse negotium; siquidem ægre admodum sustineri uterus a vaginæ tunicis uterique ligamentis laxioribus atque debilioribus potest. Interim haud abs re fuerit primo per plures dies in lecto quiescere ac deinde suffumigiis roborantibus, per tubulum Tab. XXXIV. fig. 14. ad vaginam interventu idonei infundibuli admissis, liquoribus item idoneis siphone injectis fomentisque aromaticis & adstringentibus cum vino rubro paratis, solerter eas partes excitare, quæ propter nimiam debilitatem suam sese remiserunt. Denique fasciam aliquam, litteræ T haud ab similem, circum corpus involvere atque ita, imposito prius vulvæ splenio, quantum fieri potest, diligentissime uterum continere. Quando uterus forte jam nimium intumuit, ut propterea reponi nequeat, fomentis digerentibus antea aliquandiu foveri debet, donec imminuta mole refundi queat, mulierque aliquamdiu post in lecto conquiescat, ne facile rursus relabi possit. Quando ejusmodi uterus aliquo modo exulceratus est, ut haud raro contingit, hoc impedire aut retardare ejus repositionem non debet; sanari enim hæc exulcerationes melius utero in locum naturalem restituto, quam si in loco p. n. extra corpus propendet, SAVIARDVS etiam, observationibus citatis jam notavit & suasit. Ita hic etiam vidit uteri prolapsum magnum una cum calculo in vesica & quidem in virgine: ubi primo uterum restituit, deinde calculum e vesica extraxit, atque sic ægram a duplici malo, ita tamen, ut pessum gesserit, liberavit. Vid. ejusd. obs. XV.

VIII. Si nimis jam tum inveteratum atque ita pertinax malum est, ut modo proposita curandi artificia uterum non retineant; unicum idemque communissimum superesse auxilium videtur, illum, qui naturaliter & per se contineri haud potest, instrumento quodam, quod pessum vel pessarium vocant, in vaginam uteri immisso reprimere. Solent autem apti præ ceteris ii pessi existere, qui vel ex ligno buxæ aut fraxineo aliove duriore, vel etiam ex subere ad id accommodato, ceraque probe obducto conficiuntur (a) atque perforati existunt (vid. Tab. XXXIV. fig. 6. 7. 8. 9.) Pro ditioribus aut nobilioribus etiam ex ebo-re, aut argento vel auro excavato fieri poterunt. Istiusmodi pessus aliquis, jussæ magnitudinis atque habitudinis, ne scilicet facile excidat, in vulvam profunde ad usque ipsum uteri os digitis decenter deprimatur, &, ne qua facile, dum ambulant hæ mulieres, indecore excidere in humum is queat, itemque ut pro lubitu eos extrahere & mundare subinde possint, funiculi cujusdam beneficio, vid. Tab. XXXIV. fig. 6. & 10. cingulo ventri injecto decenter alligatur. Et justam quidem magnitudinem habere ii pessi censendi sunt, quos primo tempore non nimis facile, sed non nisi ægre admodum vulva recipit: ut certius maneat,

Quibus instrumentis uterus debilis contineatur.

Heisteri Chirurgiæ Tom. IV.

D

neat,

(a) Quando ejusmodi pessi cera non sunt obducti, subinde valde intumescunt, putrescunt, ac multa incommoda procreant, sic ut multo labore haud raro & quidem per frustra tenaculis sint educendi. Conf. si lubet hæc de re MAVRICÆI obs. 182. & SAVIARDI observatio XIII.



neat, utrumque melius reprimat, atque his duplo interdum majora requiruntur (a). *Perforata vere existere pessaria* eum in finem commodum est, ne sanguinis menstrui aliarumve fordium fluxus ex utero impediatur. Itaque minus salutaria minusque commoda videntur ea pessaria, quæ, ut figura 10., ovi aut pyri formam aliquam præ se ferunt: qualia nimirum & quidem ingentis magnitudinis a PARÆO, HILDANO, SCVLTO, ROONHVSIO aliisque hunc in finem proposita passim ac descripta deprehendimus. Ut nihil nunc de eo dicam, pessariis perforatis in naturam insertis, & *semen maris ad sobolem procreandum* (b), & suffimenta roborantia cum liquoribus ad confirmandum uterum laxiorem immitti nihilominus in uterum posse: quæ singula ab iis pessariis, quæ foramine destituuntur, penitus impedi consueverunt. De cetero tantum abest, ut graves molestias ab istiusmodi pessis, quando rite confecti sunt, mulieres sentiant, ut gestare illos, præsertim ubi semel natura iis assuevit, absque omni fere molestia queant. Denique hic etiam notandum, quasdam mulieres prolapsu uteri laborasse, quando non gravidæ fuerunt; quæ vero postquam gravidæ factæ sunt ab eo liberabantur. vid. PECHLINI obs. 20. & SAVIARDI obs. XII. uteri enim gravidæ amplitudo prolapsum tunc impedit. Interea tamen graviditas uteri descensum & aliqualem prolapsum live descensum non semper impedire probat MAVRICEAV obs. 6. 67. 95. SCHELHAMMERVS in M. N. Cur. Dec. II. A. IX. obs. 149. HVNERWOLFF. in Dec. III. A. I. obs. 114. SAVIARD. obs. XV. NOLET. obs. curieuses obs. VII. & WIDMANNVS Ephem. N. Cur. Cent. VIII. observat. 98. *ubi uteri os extra vulvam una cum capite fœtus tangere potuerunt.*

De pessis ferreis elasticis.

IX. SAVIARDVS in diversis observationibus pessi cujusdam ferrei, elatere donati, meminit, quem egregie præ ceteris, & tanquam præstantissimum ad continendum uterum prolapsum commendat; verum figuram, fabricam ac magnitudinem silentio præterit, ut qualis fuerit, nemo forte facile divinare poterit (c). GOELICKIVS vero, Cel. Medicinæ professor Francofurti ad Viadrum jam olim dissertationem quandam Halæ 1710. edidit, qua novum artificium curandi procidentiam uteri veram describit, in qua dissertatione non solum *pessum quoque ferreum ex filo scilicet ferreo elastico*, eoque aliqua ratione in formam coni contorto, laudavit, verum etiam figuram ejus, sed valde minutam repræsentavit; attamen quoque qualem longitudinem aut amplitudinem obtinere debeat; non exposuit. Ego vero eum hic Tab. XXXIV. fig. 11. perspicuitatis gratia paulo auctiorem eaque forte magnitudine, quam habere poterit, delineare studui, ut clarior ejus sit idea sive imago. Intus eum linteo, extus corio tenui atque subtili ne facile lædat, obduci vult, basique coni utrinque funiculos jungi vult, ut ope eorum pro lubitu extrahi queat. Quando immittendus, eum paululum comprimendum esse docet, qui vero postquam immissus, vi sua elastica se aliquo modo expanderet, atque sic tam firmiter hæreret, ne vel ipsius vel uteri prolapsus facile pertimescendus sit. Fatetur quidem secum eo nondum experimentum fecisse; attamen cum omnes requisitas condiciones habeat, quæ in bono pessa desiderari queant, se de ejus præstantia non dubitare. Interea tamen vereor, ne in loco tam humido rubigine, cui ferrum quam maxime obnoxium est, brevi semper tempore exedatur atque corrumpatur: quapropter hætenus, quoties opus fuit, non nisi ligneis cera obductis, ad normam fig. 6. 7. vel 8. potissimum justæ magnitudinis usus atque his scopum meum satis affecutus sum.

CAP.

(a) Videri ejusmodi magni pessi possunt in DEVENTERI libro de arte obstetricandi cap. 29.

(b) Pessos hos coitum & imprægnationem non impedire probat BAVHINVS lib. de sect. Cæs. pag. 126. 142. & seq. MAVRICEAV obs. 40. 115. 217.

(c) Vid. ejus obs. XIII. & XV.



## C A P. VI.

## De procidentia vulvæ seu vaginæ uteri.

**N**ON ab imperitis tantum obstetricibus atque aliis mulieribus, sed ab ipsis quoque Medicis atque chirurgis, viris ceterum satis expertis & doctis, identidem vaginæ procidentiam cum uteri procidentia confundi, eodemque ut plurimum nomine utrasque designari, manifestum est experientia (a). Sed discerni tamen ab invicem eæ possunt, si modo partim ad ea, quæ de ipsius uteri figura & indole in sectionibus anatomicis visu deprehenduntur; partim quoque ad ea procidentia uteri signa, quæ superius capite præcedenti jam explicata sunt, gnauiter attenderimus. Namque vaginæ procidentiam aliquam factam esse statuimus, si non tam uterus, quam potius vagina, eaque vel integra, ut Tab. XXXIV. fig. 4. indicat, vel hujus tantum pars, quocunque tandem casu eadem relaxata fuerit, ex pudendis propendet. Solet igitur gemina præcipue calamitatis hujus differentia existere. Namque præter modo dictum casum interdum *universa vagina seu vulva ita laxa evadit, ut, quasi caro cruda vel cruenta annulique crassi carnei figuram præ se ferens*, propendeat; magis minusque tumens, pro varia causarum, unde pronatum malum est, nec non circumstantium rerum aliarum conditione, prout ipsemet similes procidentias vidi. Si graviter cum inflammatione quadam, præsertim in partu difficili quemadmodum ego observavi, vulva prolapsa tumet, præsentissimum sæpe sphaceli periculum subest (b). Si parum aut nihil tumet, quicquid prolapsum est, vel si absque inflammatione tumor est: tum citra magnam molestiam & quam diutissime nonnunquam sine omni periculo tolerare istiusmodi casum mulieres possunt. Interdum autem *aliqua tantum vaginæ pars*, vel propter nimium in elevandis aut deprimendis corporibus, vel & in partu difficili adhibitum nisum, vel etiam ob humorum noxiorum hic congestionem ita laxa fit & extenditur vel increfcit, ut secus, quam naturaliter decebat, extra partes pudendas prodeat, imo sæpe instar uteri aut fungi majoris propendeat, ipsiusque uteri prolapsi speciem exhibeat. Multi ejusmodi malorum luculenta exempla notarunt (c); maxime tamen memorabilem noxæ hujus casum capite LIV. observationum suarum MEEKRENIUS proposuit, atque figuris illustravit; sed facile tamen ex jam dictis patet, hujus generis malum non tam pro uteri procidentia, quam potius pro partium naturalium tumore, fungo; ficu, sarcomate sive carne excrecente habendum, adeoque vel vineturæ, vel scalpelli subsidio curandum esse, ea videlicet ratione, quam supra cap. CL. explicavimus. Ut ne quis autem forte ignoret, quibus indiciis dignosci ab invicem uterus prolapsu conversus atque vulvæ tuber aliquod sive fungus debeant; sciendum est, uteri conversi procidentia non nisi mox post partum & subito quidem contingere: vaginæ autem, sive partis ejusdem, justo forte largius increfcantis, tubera sensim plerumque & velut sine sensu extra partus tempora pronasce. Studio dixi plerumque talia hæc fieri: siquidem egomet circiter

Vulvæ procidentia quod duplex sit.

D 2

anno

(a) HILDANVS cent. IV. obs. 60. 61. & 62. tres de utero prolapsu refert observationes; sed ex nulla clare constat, uteri an vaginæ fuerit prolapsus. Præterea adhuc multos ex his in libro de uteri procidentia pag. 19. seqq. memoravit David van de BECKE & nos capite præcedenti.

(b) Ejusmodi casus etiam refertur a SOLINGIO obs. 26. & NOLET. obs. curieus. obs. V.

(c) TVLPIVS Lib. III. Cap. 33. & 34. ROONHVYSIUS obs. chirurg. Part. II. p. 68. KERK-RING. obs. 53. BONET. Med. Septentr. Vol. II. obs. 33. Misc. Nat. Cur. variis in locis.



anno hujus sæculi vigesimo observavi, apud mulierem aliquam nobilem sub ipso partu difficili, quem eadem sustinuerat, foetu adhuc in utero contento, usque adeo subitam factam fuisse partis vaginæ procidentiam, ut vix dum elapsis quatuor & viginti horis fungus sive tuber aliquod, binorum pugnorum magnitudinem adæquans, e vulva pronatum atque protinus a sphacelo correptum conspiceretur, quod miseram mulierem, foetu licet feliciter adhuc extracto, miserabiliter intra octiduum conficiebat. Ceterum ex jam dictis haud obscure, arbitror, liquet, mirum non esse, quod Medicorum aliqui, non satis diligenter consideratis iis signis, quibus uteri & vulvæ prolapsus distingui ab invicem debent, statuerint non uterum modo prolapsum sine vitæ periculo excisum quandoque esse (a), sed ipsas quoque mulieres istas, utero licet destitutas, & concipere, & in lucem edere foetum aliquem potuisse (b). At enim vero, post excisum vulvæ tuber aliquod propendens, sicut in figura 5. fuit, vel forte etiam ubi tota interior vaginæ tunica rugosa in forma uteri prolapsi procidit, sicut in WIDMANNI observatione Tab. XXXIV. fig. 4. factum est; concipere & parere rursus mulieres posse, nemo sanus facile negaverit: quo minus autem, extirpato utero, gigni foetus aliquis possit, ipsa rerum natura prorsus prohibet, adeoque ejusmodi historiæ pro fabulis merito sunt reputandæ.

Curatio ubi  
inflammatio  
abest.

II. Explicata hujus mali conditione atque indole, ad curationem ut progrediamur, instituti ratio postulat. Et vulvæ quidem tubera, procidentia speciem aliquam præ se ferentia, quibus modis sanare conveniat, supra jam tum (cap. CL.) explicavimus. Quoties autem cunque vagina, ad instar magni annuli cujusdam cruenti, duri atque inflammati, prolapsa esse deprehenditur, fane, nisi opportune, quicquid prolapsum est, restituitur, periculum est, ne aut gangræna, quemadmodum ego vidi, aut scirrhus partem propendentem infestet. Minus vero periculum est, si prolapsa pars flaccida, & nulla inflammatio adest. Oportet igitur, si nondum inflammatio accessit, fomento quodam roborante & digerente partem prolapsam ante excitare, quam ipsa reponatur, vel protinus etiam digitorum vel cereæ cujusdam candelæ crassioris subsidio in naturalem sedem suam profunde restituere. Eo facto agræ mulieri imperandum est, ut, diligenter invicem conjunctis vel & decussatim complicatis pedibus, per aliquot dies continuos strenue in lecto suo conquiescat: hac enim ratione fit, ut malum rursus dissipetur & ægra sanescat. Interim longe optimum erit, herbis roborantibus, digerentibus, aromaticis atque adstringentibus, cum vino, præsertim rubro, decoctis, vel & aqua calcis cum vini spiritu mixta, diligentissime partes naturales fovere; identidem autem suffimenta valentia, cujusmodi e mastiche, olibano, myrrha, succino similibusque rebus aliis fiunt, tubuli ad id accomodati (vid. Tab. XXXIV. fig. 14.) infundibulique subsidio, in vulvam immittere; hisdemque rite confectis, fascia T naturam semper quam exactissime comprehendere. Sic enim feliciter quandoque pristino vigori suo vaginæ prolapsæ restituantur; præsertim si recens adhuc illud malum est; si item medicamenta interna convenientia simul adhibentur. In quibusdam mulieribus aquæ medicatæ, thermæ præsertim aut aquæ martiales, quæ acidulæ vulgo vocantur, egregie ad sanitatem reparandam hic proficiunt. Si jam tum ita inveteratum malum est, ut hætenus propositis medicamentis in statum pristinum restitui vulva propendens nequeat, fane cum ad leniendam noxam, tum & vel

(a) Tale exemplum refert BARPVS, itemque PARÆVS Lib. XXIII. cap. 41.

(b) Memorandi hic sunt MOLINETVS diff. anat. pathol. lib. 6. cap. 12. MOENICHIVS obs. 4. aliique plures, quos recensuit MEEKRENIUS jam laudata obs. 54. E contrario NOLETVS obs. V. refert, vaginæ in puerpera prolapsam, sphacelo corruptam & ablatam, quæ postea rursus peperit: quales revera etiam hi ultimi fuerunt.



& vel maxime ad præcavendas calamitates graviores, nihil omnino reliquum videtur, quam *ut continuus fasciæ modo laudatæ usus mulieri præscribatur*; hac enim naturalibus decenter applicata, efficitur, ut, circa gangrænæ scirrhiq̃ue periculum, negotiis suis utcunque fungi mulieres istæ queant.

III. *Quodsi autem inflammatio quedam partem propendentem jam tum occupa-* Curatio ubi  
inflammatio  
vel sphace-  
lus.  
vit; tum opera utique danda est, ut, qualiter fieri in inflammationibus reli-  
quis solet, non fomentis solum & malagmatis discutientibus extrinsecus imposi-  
tis (a) sed medicamentis quoque internis ad idem valentibus prudenter inge-  
stis, non omissa sanguinis detractio, inflammatio prius deliniatur, quam vul-  
va propendens in naturalem sedem suam restituitur. Inflammatione vero dige-  
sta, prolapsus reponitur, &, ut modo docuimus, tractatur. Si quis vero ejus-  
modi prolapsum, nondum temperata inflammatione vulvæ, reponere vi vellet,  
periculum maximum esset, ne gangræna cum citissima morte miseram mulie-  
rem conficiat. Sin vero mitior adhuc esse inflammatio deprehenditur, tum  
utique sæpe sine periculo refundi vulva prolapsa potest; tumor enim, recondi-  
ta intus vagina, a calore corporis naturali optime plerumque digeritur. Deni-  
que si jam tum a sphacelo infestata vulva propendens aut fungus ejusmodi animad-  
vertitur, id quod ex nigritie & foetore cognoscitur, protinus & scarificationes  
in vitiata parte instituere, fomenta aut malagmata digerentia superimponere &  
reliqua omnia facere convenit, quæ ad sphacelum supra (P.I. L.III. cap.XIV.  
pag. 320. & seq.) proposuimus.

## C A P. VII.

## De feminis urinæ incontinentia laborantibus.

I. SOLENT ut plurimum eæ feminæ urinæ incontinentiam aliquam sentire, Mali natura.  
quibus vel a difficiliore partu, vel a vesicæ calculo majori, violenter  
præsertim extracto, vesicæ cervix sive sphincter nimium quantum est debilita-  
tus. Nonnunquam sine violentia externa, & sua velut sponte, sphincter ve-  
sicæ ita sese remittit, debilitate scilicet, aut nervorum resolutione, ut offi-  
cium suum præstare amplius nequeat. Simile quid maribus quandoque accidere,  
supra jam tum (cap. CXXXVI.) observavimus. Sed quicquid tandem harum  
rerum sit, sane malum ipsum ita sæpe, præsertim si jam inveteratum aut a  
nervorum resolutione ortum, comparatum est, ut neque medicamentis inter-  
nis, neque artificiis chirurgicis vinci hætenus vix potuerit.

II. Attamen si a calculo extracto, præsertim in puellis aut junioribus mu-  
lieribus malum ortum est, sæpe vel sponte natura, vel adhibitis simul reme-  
diis roborantibus internis & externis, cap. 158. §. 2. indicatis, curatur. Sed si  
vel inveteratum aut prædictis medicamentis haud cedit, pro insanabili hæte-  
nus fere a Medicis judicatum est. Tandem tamen HILSCHERVS, clarissi-  
mus apud Jenenses Medicus atque Professor, peculiari *dissertatione* quadam hanc  
in rem edita (b), significavit, vix ac ne vix quidem commodius sanari noxæ  
genus illud posse, quam per adhibitum istiusmodi pessum sive anulum, justæ  
ma-

Curatio.

(a) HOORNIVS hunc in finem valde laudat muriam simplicem, calide sæpe applicatam,  
lib. sæpe citato.

(b) De urinæ incontinentia. 4. Jenæ edita.



magnitudinis , qualis ad impediendam uteri procidentiam in vagina uteri adhiberi solet . ( vid. Tab. XXXIV. fig. 6. 7. 8. ) Namque hujusmodi pefso vel annulo decenter sub urethram in vulvam immisso , ita firmiter comprimi ac præcludi iter urinæ , supra vulvam posito , ( vid. Tab. XXIX. fig. 2. B C ) potest , ut pro arbitrio & contineri & emitti urina valeat .

## C A P. VIII.

*De rupto perinæo in mulieribus .*

**P**OSSE quandoque in mulieribus perinæum , five carnem illam , quæ medio naturam inter & anum loco posita est , perrumpi , nemo facile , nisi qui rerum chirurgicarum plane expers est , ignoraverit . Solet autem noxa hæc eas plerumque mulieres affligere , quæ vel a grandiori , vel complicato atque inclunes converso , vel denique a monstroso fœtu partum difficiliorem experiuntur . Ne qua autem forte plura eademque graviora ex neglecta vulneris hujus curatione suboriantur ( a ) , sequentia , & quamprimum quidem , fieri oportet . Ante omnia vulnus vino calido vel muria eluatur atque expurgetur . Deinde vel balsamo vulnerario decenter inungatur , vel , quod melius est , pulvis sarcollæ aut mastichis inspergatur . Tum , si plaga non adeo magna est , emplastris glutinosis conjungi oræ ejus debent . Sin vero magna , emplastra glutinosa vix sufficiunt ; verum præstat , ut ope acus curvæ & fili cerati duplicis futura quadam nodosa , perinde ut in aliis vulneribus profundioribus fieri solet , instituatur . Cetera enim eadem fiunt , quæ universe de vulneribus supra præcepimus . Sed imprimis tamen providere hic convenit , ut , probe conjunctis pedibus , strenue in lectulo suo mulier ægra quiescat , & quotidie bis vel ter a sordibus probe purgetur , donec glutinatum esse vulnus deprehenditur . Quando autem principio negligitur , ut in SOLINGII observatione 82 , perfectam curationem sæpe non amplius admittit .

*De Ani vitiis & de curationibus circa anum .*

## C A P. IX.

*Qua ratione adbiberi clysteres sive lotiones debeant .*

*Clysteres qui  
ope vesicæ  
injiciuntur .*

**I.** **C**lysterum nomine designari medicamenta liquida , quæ , pro variis humani corporis noxis curandis , injici & speciatim in anum consueverunt , vel lippis ac tonsoribus notum est ; a κλύσω abluo . Græcis etiam *enemata* , hoc est injectiones dicuntur ; lotiones vero latinis , teste CELSO quoque

( a ) Pessimum ulcus inde ortum notavit SOLINGIVS obs. 81.



que appellantur (a) , unde Callorum vocabulum *Lavement* mihi ortum esse videtur . Apud Germanos & passim quoque apud Batavos vesica quædam vitulina aut similia , imo & bubula & in extremis utrinque perforata hunc in finem adhiberi solet . vid. Tab. XXXIV. fig. 12. A A , quæ in pueris parva , in adultis vero magna esse debet , ut libram liquoris & plus continere queat . In alterutro foramine sive extremo fistula sive tubulus quidam osseus quam diligentissime firmatur B B ; & post hunc vesica filo crassiori C C constringitur , ne quid sine voluntate per fistulam præmature effluere queat . Per alterum foramen liquor idoneus , qualem morbus desiderat , in vesicam hanc infunditur : quo quidem infuso , vesica prope alterum hoc extremum sive partem D firmiter quoque deligatur , ne quid & hic effluere possit , donec in anum emitti liquor debet . Quibus ita instructis , fistulam osseam butyro sive oleo inungere , atque sic in anum hominis ægri , in alterutrum latus , capite declivi , cubantis , provide deprimere convenit . Tum , vinculo juxta hanc fistulam C resoluta , graviter vesica A manibus chirurgi comprimitur , atque ita liquor contentus in intestina crassa exprimitur . Denique , his confectis , fistula rursus ex ano recipitur ; æger autem tam diu in lectulo eodem fere in situ quiescere jubetur , donec medicamentum immissum sursum exitum vi quasi molitur . Nam , ut CELSVS ait , *non primæ cupiditatē dejectionis æger protinus cedere debet ; sed ubi necesse est , tum demum desidere .*

II. Batavi , Galli atque aliæ quædam nationes pro vesica syringam sive *si-Clysteres ubi phonem* e stanno confectum , eundemque ita amplam , ut libram aut paulo plus, *syringæ sub-* quam libram humoris , eadem recipiat , adhibere consueverunt . Fistula syringæ *fidio inji-* anterior , quæ in anum deprimatur , haud multum absimilis quidem illi est , *ciuntur .* quam vesicæ innectendam modo proposuimus ; sed liquores tamen longe promptius longeque fortius , adeoque & longe altius in crassa expelli intestina posse , res ipsa loquitur . Interea tamen vesica ejusmodi commodius non solum circumferri & in via occultari potest , quam ingens ejusmodi siphon ; verum & infantibus & puerperis minori fere cum dolore aut molestia adhiberi . Quandoquidem autem aliqui , *verecundie studio ducti , quidvis potius admittere , quam nudare atque aliis ostendere podicem malunt ;* sane nihil abs re fecisse ii chirurgi videntur , qui fistulam quandam coriaceam satis longam , dimidiæ circiter ulnæ Parisinæ longitudine , eamque flexilem , tubuloque convenienti instructam , syringæ applicarunt . Sic enim æger ipsemet , tecto corpore universo , & fistula in anum inferere , & liquorem sibi injicere , vel saltem cuivis alii , pro exprimendo liquore , syringam committere potest . Consulendi hanc in rem sunt HILDANVS cent. I. obs. 78. BARTHOLINVS Hist. anat. 66. cent. VI. GRAFIVS in libro peculiari de clysteribus , JUNGHENIVS in chirurgia sua , germanice edita , ut & VALENTINI in libro , quem *Polychresta exotica* inscripsit , pag. 87. ubi siphones ejusmodi una cum fistula coriacea & modo eos applicandi possunt conspici . Ceterum quam solertissime semper providendum hic est , *ut neque frigidi nimis , neque nimis calidi , sed tepidi sint ii liquores ,* qui pro clysteribus adhibentur . Namque graviter ut plurimum intestina cum a frigore (b) , tum etiam a calore nimio læduntur .

III. Quales autem liquores , qua copia , quibus denique in morbis eos adhibere conveniat , Medicorum est præcipere . Interea tamen ne chirurgus prorsus ignarus sit liquorum huic usui maxime idoneorum ex CELSI doctrina præ- *Clysterum materia quæ sit.* ci-

(a) Lib. II. cap. 12. n. 2. & alibi . Miror significationem hanc hujus vocabuli neque in Lexicis medicis , neque in aliis Lexicis reperiri ; imo vix unquam hodie in aliis libris medicis hoc sensu usurpari .

(b) A Clystere frigido mortem notavit BARTHOLINVS Hist. anat. 76. Cent. I.



cipuos hic commemorabo , qui & hodie adhuc optime valere poterunt . Hic enim ait (a) : si levi medicina contenti sumus , hoc est si levi tantum clystere indigemus , pura aqua sufficere potest ; si paulo valentiori , mulsa ; si leni , aqua in qua scænum græcum , aut ptisana , aut malva ( aut alia emolliens herba ) decocta sit : si reprimendi causa , ex verbenis (b) . Acris autem est marina aqua , vel alia sale adjecto : at utraque decocta melior est . Acrior fit adjecto vel oleo , vel nitro , vel melle quoque ( vel his simul ) . Si acrior est lotio , eo plus extrahit , sed minus facile sustinetur . Si leniendi aut demulcendi gratia , verbi causa , in calculo aut dysenteria adhibetur , lac vel solum calidum , vel cum chamomilla aut veronica decoctum , melle aut theriacâ adjecta usurpari potest ; quandoque etiam solum oleum , ut GALENVS in colica jam fecit , injicitur .

Clysterum  
usus quis .

IV. Quod vero ad usum eorum attinet 1. , salutariter ut plurimum clysteres iis abhibentur ; quibus moveri sive resolvi alvus justo vehementius adstricta debet . Similiter 2. ad mitigandos cruciatus , quos ab effectibus colicis , calculis , dysenteria , hæmorrhoidibus dolentibus , atque id genus aliis calamitatibus homines quidam in abdomine sentiunt . Porro 3. ad revulsionem aliquam , in hominibus sopore nimio , apoplexia , deliriis , phrenitide , similibusve aliis capitis noxias correptis , a parte affecta instituendam . Tum etiam 4. ad partum difficiliorem , sive vivus , sive jam mortuus infans sit , promovendum , præsertim ubi alvus adstricta est ; nec non ad ejiciendas secundas , tenaciter aut diutius , quam par est , in utero hærescentes .

Clysteres  
etiam nutri-  
re possunt .

V. Denique 5. haud exiguum clysteres quoque usum præstant , in sustentandis atque alendis iis , qui , propter læsam deglutitionis facultatem , parum aut nihil nutrimenti per os assumere valent . Ubi longe optimum videtur liquoribus nutrientibus , hisdemque vel ex jusculis carnis , vel ex lacte , vel cerevisia vel jusculis ex hordeo atque avena decoctis ac præparatis , ( quibus subinde , nisi morbus repugnat , aliquid vini , roborandi causa , addi potest ) atque identidem in ægri hominis anum profunde injectis , tamdiu illum sustentare ac fovere , donec & morbus & deglutiendi difficultas paulatim sese remiserint . Cujusmodi quidem clysteres nutrientes non a recentioribus demum Medicis adinventos , sed pridem jam tum , & ab antiquissimis salutaris artis doctoribus , præcipue autem a CELSO , qui ptisanam vel alicæ cremorem pro hoc scopo laudavit (c) , gnaviter admodum jam commendata fuisse , testis est historia (d) : licet sint atque fuerint quamplurimi Medici , qui inutiles atque frustraneos prorsus ipsos judicaverint . Inprimis autem , ut alia ab auctoribus notata nunc taceam , memorabile videtur recens exemplum ejus feminae , quam per quatuordecim dies integros feliciter absque omni cibo , per os ingesto , propter deglutiendi impotentiam per adhibitos clysteres ejusmodi nutrientes sustentatam esse atque sanatam , GARENGEOTIVS in operat. suis chirurgicis refert . Nam sunt revera in intestinis crassis vasa lymphatica sive lactea , quæ humores nutrientes injectos absorbere & ad sanguinem devehere possunt (e) ; quo fit ut haud raro clyster injectus , non redeat , sed maneat , ut ipse aliquoties vidi .

VI.

(a) Lib. II. cap. XVI. n. 2.

(b) CELSVS hoc vocabulo sæpe utitur , sed dubito an vulgarem verbenam intelligat : suspicor potius eum semper generatim herbas roborantes intelligere , ubi de verbenis loquitur .

(c) Lib. 3. cap. 19. id quod Cel. MORGAGNVS in Epist. 1. in CELSVM notavit , pag. 12. & 13. qui itaque clysterum nutrientium inventor fuisse videtur . ORIBASIVS deinde & AETIVS eos etiam commendarunt .

(d) Ita gravida , per spatium sex hebdomadum a cibo & potu abhorrente , clysteribus nutrientibus conservata est , vid. HILDANVS Cent. IV. obs. 30. conf. & Zacut. Lusitan. Med. Princip. Hist. Lib. I. hist. 9.

(e) Vid. compend. anatom. nostrum , ubi de vasis chyloferis N. 213. agitur : itemque Ephem. Nat. Cur. Cent. V. pag. 234.



VI. Novum plane ( si cum præcedentibus compares ) atque in primis effi- Clyster ex  
tabaci fumo.  
cax istud clysterum genus est , quod ex tabaci fumo primo quidem Angli , quan-  
tum mihi constat , deinceps autem aliæ quoque Europæ nationes medicinæ loco  
aliquando adhibuerunt . Scilicet ubi ceteri clysteres nihil ad movendam alvum  
proficiunt , præsertim autem apud homines , *hernia quadam incarcerata aut ilia-*  
*ca passione laborantes* ; vel alios quoque , si lubet , in aliis morbis per proprium  
instrumentum aliquod fumus tabaci larga copia in anum inspiratur . Siquidem ,  
eo facto , promptissimum fere semper auxilium ii homines sentiunt , qui prorsus  
desperata alvi obstructione laborare judicantur , si modo adhuc in tempore ad-  
ministratur . Varias easdemque præcipuas *machinas* , hunc in finem adhiberi so-  
litas , primus , quod sciam , Th. BARTHOLINVS ( *a* ) , ac deinde STISSE-  
RVS noster , Helmstadiensis quondam Medicinæ Professor ( *b* ) , postea & DFK-  
KERS ( *c* ) , atque item VALENTINI ( *d* ) descripserunt . conf. Tab. XXXIV.  
fig. 13. ) Quantumvis autem variæ eadem sint , in eo tamen singulæ conve-  
niunt , ut e capsula quadam ferrea seu ænea A , ejus amplitudinis , ut tabaci  
circiter dimidiam unciam capiat , eademque binis fistulis instructa , consistat :  
quarum quidem altera B , ossea est , atque in anum deprimi solet ; altera ea-  
demque isti opposita C , sic omnino conficitur , quemadmodum os in buccina ,  
quod buccinatores inflare solent , vel quoque ex ære , vel ex osse aut ebore  
confecta , ut , ore vel ipsius ægri , vel alius cujusdam hominis robusti admoto ,  
fumus tabaci E , in capsula A , prius incensi , spiritu per fistulam B in anum  
propelli queat . Debet autem fumus ille tamdiu in anum inspirari , donec de-  
jectionis stimulum satis vehementem ægri persentiscunt . Si nihil uncie tabaco  
impletæ fistulæ fumus ad alvum excernendam proficit , identidem iterare nego-  
tium illud convenit , donec quæsitum effectum præstet . Similiter si nicotiana  
vulgaris sive debilior ad hoc negotium haud sufficit , ut ego vidi , valentior  
istam , quæ a canistro nomen *canaster* habet , aliamve similem fortiore substi-  
tere decebit . Quam equidem observationem longe quandoque utilissimam esse ,  
ex ipso rerum usu egomet didici , ubi nimirum in pertinaci hernia scroti incar-  
cerata vulgari nicotiana nihil efficere potui ; sed res mox ex voto valentiori  
illa successit , ubi æger jam pro desperato habebatur . Idque deinde in hoc mor-  
bo apud alios multos ita semper feliciter mihi & aliis postea hic successit , ut  
nunquam ad scalpellum in eo accedere mihi adhuc opus fuerit . Videtur enim  
mihi acris nicotianæ fumus intestina intus ita stimulare , ut in minorem non  
solum diametrum se constringant , verum etiam , ut hac constrictione intestina  
prolapsa simul in ventrem retrahant . Ceterum non solum GRAAFIUS , sed  
& LANZONVS peculiarem de Clysteribus dissertationem edidit Ferrariæ An.  
1691. in folio .

( *a* ) In histor. anat. 66. Cent. VI.( *b* ) In epist. de machinis fumiductoriis curiosis Hamb. 1686. edita .( *c* ) In exercitat. suis practicis . pag. 795.( *d* ) In polychrestis exoticis , pag. 73.



## C A P. X.

*De suppositoriis, sive glandibus alvum citantibus.*

**S**uppositoria dum nominamus, conulos, globos sive glandes medicatas atque alvum citantes, sive, quod idem est, ejusmodi conulos sive globulos, qui alvi laxandæ causa in anum immittuntur, designamus. Fieri eadem communiter hodie apud nos solent saponis, sacchari vel aluminis frusto vel & candelæ sebaceæ extremo circiter ad pollicis transversæ longitudinem atque digiti amplitudinem; minorem tamen in infantibus, crassiores autem paulo etiam in adultis esse possunt. Nonnunquam a pharmacopœis ex Medicorum præscripto suppositoria sic præparantur, ut ægri hominis noxæ atque conditioni sint accommodata: v. gr. ex melle, sale, pulvere aloes, colocynthidis &c. in conuli vel glandis formam redactis. Si unum suppositorium absque alvi dejectione excidit, novum idque forte acrius immittere convenit, atque id ipsum, nisi aliud quid repugnet, tamdiu repetere, donec alvus resoluta esse deprehenditur. Sed ante tamen, quam in anum ipsa immittuntur, oleo semper aut butyro inungantur, ut tanto facilius intrent. Sunt, qui pro glandibus illius teretibus aut coniformibus rotundas, globulorum similitudine adhibere consueverunt: dum scilicet globulos saccharinos, in pharmacopoliis speciatim pro hoc usu prostantes, vel frustulum lintei quoque tenuis, idemque cum portiuncula butyri duri ac saliti in globuli formam redactum, in anum immittunt, qui egregie sæpe alvum laxant. Si quæ ulcera intestinum rectum infestant, commoda imprimis ea suppositoria videntur, quæ ex rosarum melle, pulvere mastichis & myrrhæ, vel & colophonii parantur. Denique suppositoria valentiora, stimulantibus scilicet sive acribus imprægnata, insigniter cum ad difficiliorem partum, si naturaliter dispositus infans est, tum etiam ad secundas, tenaciter in utero hærescentes, expellendas proficiunt. Dum adhibenda, æger eum in situm disponitur, ut in clystere applicando diximus & suppositorium digito in anum blande compellitur.

## C A P. XI.

*Quomodo aperiri anus clausus debeat.*

*Vitium  
istud quale  
& quod duplex  
sit.*

**I.** HAUD prorsus insolitum est in infantibus quibusdam recens natis, secus, quam naturaliter decebat, anum penitus clausum deprehendi; quos Medici atretos vocare solent. (a) Utique vero istiusmodi vitio infantes laborare, inde ut plurimum statim intelligitur, (nisi forte jam antea fuerit observatum) si proximis a partu diebus nihil omnino stercoreis excernitur. Interea tamen sæpe adhuc citius sciri posset, si modo obstetrices mox, dum infantes recens natos

(a) Exempla notavit WIERVS, lib. observat. Medic. HILDAN. obs. 73. cent. I. ROONHUYSTVS obs. V. part. I. & part. II. circa finem obs. 1. 2. 3. MAVRICÆVS in observ. & SAVIARD. in observ. chirurg. III. aliique plures.



tos lavant & mundant, semper, sicuti deceret, partes pudendas inspicerent, & an rite conformatae sint, observarent, nam alias saepe sero medicina paratur, quemadmodum recte id monet ROONHVYSIVS. (a) Ipsius autem vitii conditio varia est, pro varia scilicet tegumenti illius, quo anus praeccluditur, crassitie. Ut plurimum eam partem, quae perforata esse naturaliter debebat, signum aliquod, ut prominentia; vel fovea quaedam demonstrat; sed quandoque tamen nihil ejusmodi obtinet. *Nonnunquam tenuis solum membrana podicem obstruit*; nonnunquam autem caro solida eademque nunc tenuior, nunc crassior, excrementorum viam intercludit. (b) Quomodo autem cunque malum comparatum sit, sane, nisi quamprimum anus perforatur, & porta haec aperitur, abesse neutiquam potest, quin, iusto diutius retento stercore, quod *meconium* vocari solet, gravia ventris tormina, vomitus icterus, nervorum distentiones, epilepsia & tandem stercoreis vomitus miserabiliter infantem absumant. Atque membrana quidem sive tenuis caro viam naturalem si claudit, tum vel quasi a cicatricula quadam, vel & a stercore illo, quod membranam sive carnem protrudit, eum locum demonstrat, qui viam praebere facibus debebat. Itaque tunc facili negotio institui curatio potest. Contra vero difficulter admodum & haud sine periculo perforari anus solet, ubi caro quaedam densior intestinum rectum praeccludit, ita ut nulla ejus cavea vel prominentia percipiatur. Denique, quod semel atque iterum egomet observavi, vel universum intestinum rectum ad colon sive supremam ossis sacri partem usque clausum est, vel prorsus quoque deficit: & intestina circa infimam lumborum, aut supremam ossis sacri partem desinunt, tunc frustaneum esse curationis studium omne consuevit (c). ROONHVYSIVS exemplum refert, ubi intestinum rectum in vesicam desinebat (d).

II. Sicubi ita comparatum malum est, ut sanitatis quaedam spes superasse videatur, *tum universum curationis negotium eo redit, ut anus sive finis intestini recti decenter aperiatur*. Quod ipsum ut feliciter fiat, sequentia observare oportet. Ante omnia infans ita vel deponi, vel a ministro quodam in gremio contineri debet, ut & clare cernere & commode tractare anum Medicus valeat. Deinde phlebotomus aut scalpellum quoddam anceps, phlebotomo paulo majus, provide per membranam aut carnem istam tenuem, fere ut in abscessibus aperiendis fieri solet, in intestinum rectum demittatur. (e) Rite id ipsum confectum esse, meconium sive nigrum stercus, inde profluens, facile demonstrabit: id quod, quantum sponte fluit, effluere permittimus. Eo facto, digitus, oleo inunctus, per novum foramen illud in intestinum rectum demittatur, curioseque per eundem exploretur, satisne jam tum ampla stercoreis via existat, nec ne. Namque ubi paulo angustior adhuc ipsa cognoscitur, necessarium utique est, vel secundum longitudinem vulnus modo inflictum, aut sursum aut deorsum, aut utrinque, prout quam maxime idoneum id perspicimus, continuare, vel & nova eademque transversa plaga foramen istud ampliare: siquidem hac ratione commodius figurari in anulum anus solet. Tum expectare chirurgus rursus debet, donec infans, quicquid forte stercoreis intus retentum servaverat, dejecerit. Stercore, quantum satis videtur, emisso, turunda quaedam grandior, oleo unguentove vulnerario inuncta, ne denuo anus coalescat, in plagam recentem deprimatur, filo robusto sive funiculo, qui eidem inne-

*Membrana vel caro tenuis quomodo perforatur.*

(a) Obs. V. part. I.

(b) Utriusque exemplum tradit SAVIARD. obs. 3.

(c) Vid. observ. in *Ephem. Nat. Cur.* cent. IV. pag. 463.

(d) Obs. II. part. II.

(e) Vid. SCVLTEI Tab. 45. fig. 8.



xus est , propendente , ut , si forte intus se subducāt , hoc ipso retrahi queat . Quotiescunque deinceps stercoris aliquid excernitur , toties novam quandam turundam & tamdiu quidem , sed post aliquot dies unguento siccante imbutam , quale illud de cerussa est , immittere in plagam istam convenit , donec ejus oræ exaruisse , adeoque nullum omnino coalitionis periculum superesse animadvertitur . HILDANVS circa finem curationis loco turundæ *fistulam plumbeam* , unguento de cerussa imbutam , immisit . (a) Ne qua autem facile turunda vel fistula excidat , splenium aliquod aptum super plagam imponendum est , atque per adhibitam fasciam , quæ litteræ T figuram habet , graviter firmandum . Deinde etiam si forte postera vel tertia quaque die , *nondum satis amplum esse foramen , prima die institutum , persentiscitur* , nihil omnino impedit , quo minus vel tum etiam decenter , quantum satis est , ampliare illud ipsum chirurgus studeat .

*Apparatus  
sic ante se-  
ctionem non  
preparan-  
dus .*

III. Ceterum , quod alios fieri debere supra sæpius in aliis operationibus proposuimus , ut nimirum ante semper eæ res , quæ ad vulneris deligationem pertinent , instruantur , quam vulnus ipsum infligatur , id in præsentī curatione minus necessarium ; imo vero quandoque , quia periculum hic sæpe in mora est , præsertim quando infans ejusmodi jam per aliquot dies vixit , perniciosum esse consuevit . Ut enim quam celerrime anus clausus perrumpatur , miserrima sæpe infantis conditio postulat ; ita quamprimum etiam incidatur : res autem ad deligationem necessariæ satis utique commode parari interea possunt , dum stercus ex vulnere profluit ,

*Caro cras-  
sior quomodo  
incidatur .*

IV. *Quod si autem membrana sive caro quædam crassior naturalem excrementorum viam intercludit* , difficilius equidem servari infantes solent ; (b) sed satius tamen videtur , frustra quandoque hanc curationem tentare , ubi aliqua adhuc spes superest , quam sine auxilio infantem miserum certæ morti relinquere . Oportet autem in isthoc curationis negotio ita procedere . Primo digitus admotus exploret , num quod forte intestini recti vestigium , fovea sive meatus sese ostendat . Is locus , sub quo positus esse meatus sive fovea persentiscitur , atramento signetur , atque dein ad digiti transversī circiter longitudinem concidatur . Facto eo vulnere , si fæces nondum prodeant , denuo subjectus intestini meatus digito depresso investigetur , eodemque detecto , vel uno ictu , vel & paulatim ad usque viam intestini patulam anus perforetur ; sed ea tamen cum moderatione , ut ferri acies non ad pubem sive vesicam , sed ad os sacrum respiciat : siquidem alias periculum est , ne aut vesica in pueris , aut vagina in puellis , aut hæc una cum vesica graviter afficiatur . Ano , quemadmodum diximus , perforato , cetera fieri eadem ratione oportet , quam supra (§. 2.) explicavimus .

*Si nullum  
quomodo in-  
sidatur .*

V. *Si nullum omnino intestini recti patentis indicium est* , tum illud vel solidum est , vel prorsus , ut ipse vidi , deficit ; adeoque , si non desperatam , tamen quam maxime difficilem curationem reddit . Interim neque tunc quidem sine auxilio prorsus relinquere infantes miseros convenit ; ne videlicet mortem certissimam expectare , quam curationem dubiam tentare maluisse videamur . Itaque tum , qua parte commodissimum atque tutissimum videtur , vel clavus triangularis (Tab.XXIV. fig.2.) vel angustum scalpellum prudenter eousque deprimi in anum oportet , donec intestini foramen aliquod exitu fæcum sese ostendat (c) .

Fo-

(a) Obs. 73. Cent. I.

(b) Exemplum aliquod hujusmodi ROONHVYSIUS proponit Part. I. obs. V. Add. LVDOVICI oper. omn. pag. 616.

(c) Ejusmodi exemplum habet SAVIARD. obs. 3. ubi scalpellum ad trium digitorum latitudinem immittere coactus est , attamen sic infantem servavit .



Foramine hunc in modum instituto, scalpello illud, quantum satis videtur, sursum deorsumque ampliandum, fœcibusque, ut supra diximus, emissis, opera danda est, ut, si qua forte largior sanguinis profusio, propter quamplurimas venulas incisas, suboriat, oportunitatem ei, ubi opus est, remedium adhibeatur. Itaque necessarium videtur, turundam aliquam satis grandem, funiculo instructam, medicamentoque, ad cohibendum sanguinem accommodato, inunctam in vulnus inflictum immittere; cetera vero eadem facere, quæ hætenus præscripsimus. Post duodecim vel & viginti quatuor horas, demere, nisi eadem per se exciderit turundam istam convenit; mox autem, expurgatis prius fœcibus, aliam, unguento prius digestivo per aliquot dies, deinde siccante quodam illitam, in locum prioris donec absoluta glutinatio est, substituere. *Quodsi autem, nec profundissima quidem plaga istiusmodi facta intestinum aperiri potest, tum nulla prorsus ratione servare infantem licebit, verum vomitu violento eoque diuturno stercoreo & convulsionibus morietur. (a).*

VI. ROONYSIVS in appendice observationum partis II. obs. I. exemplum refert infantis puellæ quatuor menses natæ, *ubi quidem foramen aderat in ano, sed adeo exiguum & angustum, ut mater fæces semper manibus multo labore exprimere cogeretur, tandem vero ob frequentiore forte compressionem intumescendo ano foramen sive exitus fæcum ita claudebatur, ut nullas amplius transmittere vellet; unde venter intumescerebat, ac dolores vehementissimi una cum febre atque anxietatibus oriebantur, quæ infanti interitum minitabantur. Sine mora itaque anum hunc primo scalpello phlebotomo incidebat, & postea forfice uberius utrinque eum dilatabat, quo facto, ingens copia excrementorum excernebatur, venter mox detumescerebat, & reliqua symptomata quoque minuebantur, vulnusque, ut §. II. dictum est, glutinabatur. Ita & SCVLTETVS exemplum ani non satis perforati refert (b). In quibusdam puellis, anum naturaliter clausum habentibus; fæces ex intestino recto in vaginam uteri dejiciuntur. Quod ipsum equidem mali genus tantum plerumque abest, ut curationem aliquam admittat, ut miserabiliter potius, si superstites manent, per vitam omnem feminas miseras affligat.*

*Peculiare  
quædam ob-  
servationes.*

## C A P. XII.

### De ani procidentia.

I. **Q**UIBUSDAM hominibus, tam infantibus, quam adultis, intestinum rectum usque adeo mirifice per anum sæpe procidit, ut vel ad aliquot digitos, vel ad palmum, vel amplius denique propendeat. Memorabile admodum vitii hujus exemplum MVRALTUS proponit, (c) dum feminam quandam describit, cui a partu difficiliore intestinum rectum ad *ulnæ*, SAVIARDUS vero aliud ubi ad pedis longitudinem & quidem in infante prociderit. Neque vero molestum tantum, sed & cum mirificis doloribus conjunctum esse illud vitii genus consuevit, præsertim hominibus laboribus atque itineribus deditis; dum gravis quandoque inflammatio ac tumor cum gangræna vel cancro propendentem intestini partem occupat: cujusmodi etiam exemplum aliquod circa finem observationum suarum chirurgicarum MEEKRENIUS proposuit.

II.

(a) Exempla quædam huc spectantia ROONHVYSIVS proponit *Lib. 2. obs. 2. & 3.*

(b) In Armament. suo observat. 71.

(c) Misc. A. N. C. Dec. 2. A. 1. pag. 281.



*Causa &  
prognosis.*

II. *Prima mali hujus causa* ab intestini recti nimia laxitate vel debilitate sine dubio repetenda est : ad quam accedere postmodum solent , tum gravis quædam vociferatio vel clamores infantum , tum tenesmus , vehementiores an ex hæmorrhoidibus dolores , dysenteria , vesicæ calculi aut exulcerationes , partus vel & stercoris excernendi difficultas , & si quæ alia sunt hujusmodi . Si recens adhuc malum est , tum facilem utique curationem illud utplurimum recipit . Quo magis autem illud inveteravit , hoc difficilius quoque utplurimum sanescit , & cum primis in debilioribus aut qui mali sunt corporis habitus . Imo vero si inveterata intestini debilitas noxam illam induxit , quidvis potius impetrare quam perfectam sanationem licebit . Denique ubi *gangræna vel cancer* jam tum partem prolapsam infestavit , nihil amplius ad curationem restat , quam ut vel medicamentis lenientibus , quicquid indecenter ex ano propendet , foveatur , ac demulceatur , vel penitus etiam , si fieri tuto potest , ut si pars tantum ejus protuberaret , simili propemodum ratione , ac de vulvæ tuberculis & procidentia præcepimus , rescindatur .

*Intestinum  
quomodo re-  
ponatur.*

III. Quisquis autem forte chirurgus ad hominem isthoc vitio laborantem adsciscitur , is , abjecta mora omni , partem ani prolapsam restituere in sedem naturalem ante satagat , quam de causis mali explorandis aut deligandi ratione multum sollicitus sit . Quo diutius enim intestinum propendet , hoc magis quoque utplurimum tumor cum inflammatione ingravescit ; hoc item difficilius esse curatio consuevit . *Debent autem , pro intestino reponendo , sequentia fere fieri .* Ante omnia æger pronus in faciem , vel super lectulo vel mensa procumbat . Eo facto , intestinum prolapsum præsertim ubi sicca ejusdem superficies est , calido sive vino , sive spiritu vini vulgari , sive lacte , sive aqua denique calida diligentissime primo per spongiam aut linamentum complicatum , idemque ex calido istiusmodi liquore quodam expressum , foveatur , mox autem per adhibitos binos digitos , linamento tenuiori involutos , leniter in locum debitum ita reprimatur , quemadmodum de intestinis per ventris vulnus prolapsis supra præcepimus . *Quod facili utique negotio fieri utplurimum solet ; si tumor cum inflammatione nondum invaluit .* Si graviter jam tum pars intestini prolapsa intumuit , præter sanguinis detractionem fomenta tunc digerentia tamdiu adhibenda sunt , donec ea rursus detumescat , atque postea refundi queat . Hoc vero quandoque tam difficulter succedit , ut unus chirurgus huic negotio non sufficiat , sed alterius ope indigeat (a) . Quibus vero diu jam tum atque sæpius imbecillum intestinum prolapsum est , nam nonnullis hoc toties , quoties alvum exonerant , incidit , hi *plerumque ipsimet suis* digitis atque sine chirurgi auxilio reponere idem possunt ; vel saltem facile etiam a chirurgo reponitur . In his igitur sanatio omnis eo spectat , ut medicamentis convenientibus intestinum roboretur atque contineatur , ne procidere denuo valeat .

*Intestinum  
repositum  
quomodo  
contineatur.*

IV. *Ad intestinum autem prolapsum , ne denuo idem prolabatur , decenter roborandum atque continendum ,* major utique , quam ad reponendum , ars atque industria necessaria est . Debent autem sequentia fere hunc in finem perfici . Ante omnia confici *bina splenia crassiora* oportet ; alterum quidem oblongum , inter medias clunes secundum longitudinem injiciendum ; alterum vero quadratum , quod super splenium illud oblongum atque ipsum anum imponitur atque per adhibitam fasciam T vel ex linteo , vel e xylino panno confectam , diligenter firmatur . Neque vero sicca , sed decocto quodam roborante calido madafacta superimponere splenia ista convenit . Et valentissimum equidem hic esse decoctum solet , quod ex *rad. bistortæ , tormentillæ , cort. granator. quercus ,* atque

(a) SAVIARDI observ. XIV.



atque hujus generis rebus aliis, cum vino præcipue rubro, decoctis paratur. Identidem autem foveri eo decocto intestinum prolapsum debet, toties nimirum, quoties idem denuo prolabitur; quod, experientia quidem teste, ad singulas propemodum stercoreis dejectiones, in quibusdam hominibus, aliquamdiu jam hoc malo conflictatis, ut supra jam dixi, aut etiam quoties ambulant, aut vim aliquam exerunt, usu venire consuevit. Si paulo gravior noxa est, insigniter etiam ad roborandum intestinum proficit pulvis ex mastiche, colophonio, terra japonica & draconis sanguine, confectus, atque post adhibita fomenta parti propendenti largiter ante semper adpersus, quam repositio & vinctura instituitur (a). Haud abssimilem virtutem subinde præstant *clysteres roborantes*, quales ex vino rubro, (præcipue illo, quod *Pontac* dici communiter solet) cum herbis roborantibus, aromaticis & adstringentibus decocto, parantur. His aliquamdiu diligenter factis singulis; quam sæpissime homines, nisi forte nimis jam tum inveteratum aut desperatum malum est, sanescunt.

V. Si qui vero, nec post illam quidem curam adhibitam, convalescunt, his <sup>Quid in gravi-  
viori malo  
faciendum.</sup> non suffimenta solum e mastiche, thure, succino, pipere nigro, aliisque id genus medicamentis valentioribus confecta, sellæque perforatæ subjecta, adhibere, sed esculenta quoque arida, dura, crassa, atque alvum adstringentia graviter prohibere convenit; ne scilicet, propter alvum adstrictam, ob nimium excernendi conatum denuo intestinum in dejectione protrudatur. Post quamcunque alvi exonerationem & fomenta prædicta & vincturam iterare decet. A vomitu atque sternutatione, quantum fieri potest, itemque motu corporis vehementiori solertissime abstinendum, strenueque tamdiu conquiescendum, donec sublatum esse malum persentiscitur. DIONYSIVS equidem cum quibusdam auctoribus aliis statuit; feliciter præcaveri iteratam ani procidentiam posse, si super sella quadam, rimam circiter binis digitis æqualem habente, vel ad nummi grandioris amplitudinem perforata, æger semper, si alvum exonerare vult, desideat, itaque intestinum prolapsurum quasi reprimat (b). Nonnulli *fistulam plumbeam* restituto intestino in anum immittunt, eaque relapsum impedire student. Interim si vetus atque a graviore partium debilitate pronatum malum est, nihil omnia hæc medicamenta atque artificia chirurgica quandoque proficiunt; sed splenia semper cum fasciis applicari hominibus ægris debent, quæ intestinum in loco naturali semper contineant, nisi gravioribus periculis exponere ipsos voluerimus.

## C A P. XIII.

## De variis ani tuberculis, condylomate, crista, ficu, fungo.

I. INTERDUM anus a tuberculis, in ima intestini recti parte, tam intus <sup>Cujusmodi  
ea tubercula  
sint.</sup> quam extus pronatis, infestatur. Quæ tametsi, propter variam magnitudinem ac figuram, in varias species tribuantur, atque modo *condylomatis* (c),  
mo-

(a) SAVIARDVS hunc in finem turundam post restitutionem intestini adstringentibus conspersam in anum immisit. l. c.

(b) In operat. suis chirurg. cap. de ano prolapso.

(c) Vid. CELSVS Lib. 6. cap. 18. nu. 8. & Lib. 7. cap. 30. nu. 2. atque AEGINETA Lib. VI. cap. 80.



modo *cristæ*, modo *ficus* aut *fungi* titulo insigniantur; tamen in eo convenire singula videntur, quod partim a nimio, partim etiam a corrupto atque circa has partes & potissimum in glandula forte quadam hærescente sanguine proveniunt, atque ita, *quemadmodum polypi in naribus, & tubercula in vulva sensim excresecunt*. Sæpius etiam in iis oriri solent, qui hæmorrhoidibus subjecti sunt. Neque vero molesta solum, sed cum doloribus quoque interdum satis acutis, imo vero cum egregia desidendi difficultate conjuncta esse ea noxa solet, ideoque auxiliatricem chirurgi manum postulat. Quæ in locis obscænis sunt, ejusmodi tubercula, pessimæ a CELSO pronunciantur. Lib. V. cap. 28, n. 14. imo etiam haud raro aliquid venerei mali hic latere perspexi. Hinc mirum non est, quod a veteribus pessimæ sint pronuntiata; quia mali venerei curam ignorarunt.

*Ceratio* II. In curatione horum malorum procedendum fere est, ut in aliorum tuberculorum carniūque excresecientium curatione supra (P. II. cap. XXVII. & *quomodo inspicuenda* CL.) proposuimus. Oportet nimirum *nisi nimis ampla radix est*, vel victuræ, vel forficis, vel scalpelli adminiculo, quicquid alienum videtur, extirpari; quibus modis jam varia ejusmodi sanavi. *Si paulo latior radix est*, ut ligari forte nequeat, scalpellum conveniens vel forfex in manus sumenda, quo tuberculum, unco seu vossella prius comprehensum, quam exactissime excindatur. Vulnere hunc in modum facto, fluere sanguis, ad præcavendam inflammationem, aliquantisper, prout ægri hominis vires sunt, debet. Deinde, supradatis medicamentis sanguinem reprimentibus, linamentis carptis & spleniis vulnus deligetur. Denique vero balsamus vulnerarius cum unguento tandem quodam siccante, ac denique linamenta arida ad promovendam glutinationem adhibeantur. Si quid forte alieni post primam operationem in subsequentibus deligationibus remansisse observatur, opera danda est, ut aut forficis subsidio funditus idem tollatur, aut vitriolo cœruleo, lapide infernali similibusque medicamentis adurentibus penitus exedatur. Imo etiam ita sæpe se habent, ut *medicamentis exedentibus*, integra, quemadmodum jam aliquoties feci, satis commode tolli queant, id quod CELSVS jam l. c. docuit, si modo cura adhibeatur, ne intestinum aut sphincter eis lædantur. Si medicamentis ea tollere non potuerunt veteres, *ferro ipsa adurere docuerunt*, vid. CELSVS Lib. VI. cap. 18. n. 11.

## C A P. XIV.

### *Quid faciendum si justo largiores sunt hæmorrhoides.*

I. IN quibusdam hominibus, cum coxarum atque intestini recti doloribus, sed ut plurimum tamen sine febris atque intestinorum reliquorum cruciatibus, ora venarum, per intestinum rectum passim dispositarum, quæ hæmorrhoidales vulgo dicuntur, sanguinem per anum, & in quibusdam quidem certis, in aliis vero incertis temporibus effundunt. Medici affectum illum hæmorrhoidum simpliciter, vel hæmorrhoidum fluentium titulo communiter designant. Si mediocriter & cum sanitate hominum sanguis hic subinde effluit, tantum abest, ut in morbis hæmorrhoides istæ ponendæ, multo minus supprimendæ sint, sed ut saluta-



Iutares potius quam plurimis reputari atque adeo naturæ vigori ac beneficiis accenseri debeant, quæ hac ratione sanguinem abundantem & noxium per intervalla e corpore expellit. Siquidem tum insigniter sæpe a variis noxis, cum primis malo hypochondriaco, melancholia, renum morbis, mania, podagra, asthma, ischiatico malo corpus levatur atque excitatur (a). Ubi vero nimis magna copia sanguinis ex his venis ex ano profluit, ita ut ægri vires amittant, periculum utique videtur, ne paulatim corpus cum egregio virium detrimento exhauriatur, vel hydrops inde subsequatur: ita ut opportuna tum curatio instituat, ipsa, nisi fallor, rerum necessitas postulat. Atque antiquiores quidem nonnulli Medici, ubi medicamenta adstringentia parum proficiebant, quæ mox, licet male, adhibebant, ferro cadente admoto venarum ora, sanguinem fundentia, gnaviter adusserunt: demonstrante id SCVLTETO Armam. chirurg. Tab. XLIV. Alii acu curva cum filo trajecto, vincturam harum venarum earumque, si adsunt, capitulorum, adhibuerunt. Recentiores autem, vel ipsa experientia magistra, didicerunt, veterem hanc curandi rationem, præsertim quæ igne instituitur, non nimis tantum crudelem esse, sed & plerumque prorsus perniciosam; & rectius plerumque facere, qui aut nullam prorsus ad hæmorrhoides fluentes curationem adhibent, si præcipue mediocriter ipsæ fluunt; aut, si iusto largius sanguis effunditur, saltem non nisi ab internis, eisque non adstringentibus, cum primis fortioribus, sed temperantibus solum medicamentis sanitatis præsidia repetunt: non neglecta sanguinis abundantis per venas detractione.

II. Interea quia sunt, qui continuum vel frequens saltem istud sanguinis ex ano profluvium ita moleste ferunt, ut venarum ora sanguinem fundentia, quorum sæpe varia sunt, quam primum velint glutinata. Quorum equidem desiderio tantum abest, ut temere chirurgus satisfaciat, ut potius, quantis cum incommodis glutinatio ista conjuncta plerumque sit, cum ut plurimum morbi modo nominati, aut mors ipsa inde subsequantur, graviter ipsis ostendere fatagat, & ut propterea a Medicis auxilium petant. Si nihilominus curationem aliquam chirurgicam ipsi flagitent; si item aliquanto largius profluvium sanguinis sentiant; tum adhibitis simul aliis remediis idoneis aliqua venarum ora si ve capitula glutinari nihil prohibet; dummodo unum vel alterum, ut HIPPOCRATES jam docuit (b), apertum relinquatur. Oportet autem sanationis negotium his fere modis institui. Ante omnia sanguis multus per venam detrahatur; deinde alvus lenibus & temperatis remediis ducatur, aliaque idonea remedia a Medico ordinentur, ac denique sex vel quatuor ante operationem horis, ad eluenda atque exhaurienda intestina, clyster sive lotio conveniens adhibeatur.

III. Tum ubi ad operationem ipsam veniendum est, æger vel super mensam vel lectum transversus & pronus in ventrem ita deponatur, ut pedibus humum contingat; vel &, ubi visum fuerit, super lecti latere idem sic decumbat, quemadmodum fieri in clysterum applicatione communiter solet. Eo facto, bini ministri pedes atque nates hominis ita distendunt, ut & accurate hic spectari & tractari singula valeant. Tum chirurgus, quando venæ sine tuberculis si ve capitulis hiant, filo acus curvæ beneficio circumjecto ligat; quando vero simul tuberculorum forma tument, vena turgente per vossellam comprehensa, quicquid præter naturam & tumet & sanguinem fundit, vel filo circumducto liget, vel forcice rescindat, atque hoc, si plures sunt ejusmodi venæ, repetat; sed tamen, ut supra jam posuimus, foramine venæ uno, eodemque minutissimo,

Heisteri Chirurgica Tom. IV.

F

sa-

(a) Observante jam HIPPOCR. Sect. VI. aphor. XI. XXI. & CELSO Lib. 6. c. 18. n. 9.

(b) Aphor. 12. sect. VI.

Quomodo  
temperari  
hæmorrhoides  
aperte de-  
beant.

Quomodo ca-  
ratio chirur-  
gica insti-  
tuenda.



superstite manente. Denique vero post aliquot temporis intervallum, si sanguis venarum resectarum sponte non quiescat, plagas inflictas singulas medicamentis sanguinem cohibentibus, linamentis carptis & spleniis cum fascia T decenter superimpositis foveat, tandemque sequentibus diebus medicamentis idoneis, ad conficiendam glutinationem, identidem adhibitis. Si quid forte alieni adhuc remansit, quod extirpare cruor in prima operatione forte prohibuit, id ipsum post resolutam deligationem primam aut alteram, si observetur, vel excindi, vel rodentibus applicatis exedi satis commode poterit. *Nonnunquam adeo alte in intestino recto posita sunt venarum ista tubercula turgentia ac sanguinem fundentia,* ut, cum difficulter admodum alia ratione claudi possint, ferrum aliquod candens nonnulli veterum adhibere consueverint. (a) Sed minus tamen commode, minusque tuto id ipsum fieri, res ipsa, credo loquitur. Quam equidem ob rem commodior curatio videtur, si per adhibitum ita dictum *ani speculum* (vid. Tab. XXXIV. fig. 15.) anus, quantum apte fieri potest, extenditur, nodique passim obvii filo ligentur, vel venæ apertæ linamentis adstringentibus conspersis obturentur, siquidem hoc facto adhibitis simul remediis idoneis internis, mirifice utplurimum sanguinis istæ profusiones nimix se remittunt; attamen ut ad ultima hæcce externa accedamus raro opus est.

## C A P. XV.

*Quomodo hæmorrhoides cæcas curare conveniat.*

*Vitii natura  
explicatur.*

I. **N**ONNUNQUAM venæ, in intestino recto & circa anum passim obviæ, non sine maxima hominis molestia ac doloribus usque adeo insigniter a sanguine intus comprehenso turgent, ut quædam earum capitula quasi tubercula eademque nunc pili, nunc acini vitis, nunc nodi cujusdam, nunc ovi columbini magnitudinem habentia, nunc in digiti quandoque longitudinem exposita, exinde proveniant. Medici noxam istam *hæmorrhoides cæcas* vulgo nuncupant, rectissimeque per tactum & colorem a ceteris ani tuberculis discernunt. Namque hæmorrhoides cæcæ sanguine eoque utplurimum crasso hic stagnante livent aut nigricant, depressoque digito vesiculæ liquore repletæ sensum aliquem præbent: quod aliter sese habere in veris tuberculis ac fungis sive condylomatibus, manifestum est ex supra positis. (vid. cap. 165.) Sed varia tamen esse vitii hujus conditio solet. Quædam enim istiusmodi venarum tubercula sive capitula mollia existunt, atque vel nullum tunc plerumque vel levem saltem dolorem concitant; quædam autem egregiam duritiem præ se ferunt, & nonnunquam dolores mirificos cum inflammatione quadam inducunt, imo quandoque ita miseros homines discruciant, ut neque federe, neque stare, neque ambulare ipsi valeant, sed opinione citius quandoque, ut ut sine mortis periculo, ob vehementissimos cruciatus mente deficient.

*Causæ &  
Prognosis.*

II. Solent autem utplurimum hæmorrhoides cæcæ *apud eos homines suboriri, quibus & sanguis abundat; & alvus sæpius est adstricta*, quibusque proinde ipsa naturæ vis hæmorrhoides apertas sensim intentat. Ex feminis eæ præsertim hæmorrhoidibus cæcis opportuna sunt, quæ aut graviter admodum aliquando ex partu laborarunt, aut suppressa menstrua sentiunt, aut gravidæ sunt, & cum primis sanguineæ. In his omnibus venæ ob copiam sanguinis usque adeo infl-



insigniter quandoque turgent, ut sanguinem paulatim fundere ipsarum ora incipiunt, atque ex tumentibus sive cæcis apertæ sive fluentes fiant, idque non sine mirifico interdum salutis periclitantis præsidio. Ceterum quia tumentes ac cæcæ hæmorrhoides *cum intensissimis sæpe doloribus conjunctæ esse solent*, mirum non est, si & ani spasmus aliquis sive constrictio & desidendi difficultas cum angore maximo subinde incidat; isque usque adeo, ut nec vel clysteres quidem ægris applicari queant. Nonnunquam valde *prurientia eademque molesta ulcera exinde proveniunt*: si præsertim ante quartum vel quintum diem venarum nodi isti haud fuerint resoluti. Denique haud prorsus insolitum est, hæmorrhoides cæcas, nisi opportuna sanguinis inspissati hic hærentis resolutio vel emissio accesserit, in abscessum gravem vel perniciosissimam *ani fistulam* quandam degenerare.

III. Ad feliciter instituendam hæmorrhoidum cæcarum curationem, ubi tubercula illa pauca & parum molesta sunt, nullam fere curationem requirunt; verum interdum plura simul anum infestant, & ut pisa magna vel acini vitis anum cingunt, sic ut ægri difficulter sedere, equitare aut etiam alvum exonerare queant. Quibus in casibus nisi sponte aut spiritui vini applicato cedant, promptum est remedium, ea vel omnia, vel saltem quæ maxime molesta aut longa sunt, *ligaturis ope* fili sensim tollere. Sed si gravis quædam *inflammatio conjuncta est*, adhibere ante omnia convenit & sanguinis missionem & medicamenta interna temperantia ac lenientia, a prudenti Medico proposita: habita tamen simul victus ratione, quantum fieri potest, prudentissima. Extrinsecus supra danda sunt fomenta sive malagmata, quæ & inflammationem leniunt, & quicquid indecenter congestum est, discutunt. Ad idem proficiunt *unguentum, nutritum dictum, delinaria*, butyrum recens, oleum amygdalarum & similia, identidem partibus afflictis illita. Similiter egregiam eandemque promptissimam quandoque virtutem hic præstant, *spiritus vini calidus* cum linteolo supra datus, clysteres item emollientes atque educentes, & denique, quando forte hæc parum proficiunt, *hirudines sive sanguisugæ*, venis turgentibus, ad exhauriendum sanguinem hic hærentem, applicatæ. *Ubi vero sanguisugæ vel deficiunt* vel partibus nimia inflammatione vexatis adhærescere nolunt, vel ægris etiam forte horrorem incutiunt, necessarium utique videtur, *phlebotomo quodam nodos istos sive tubercula incidere*, emissioque prout ægri hominis vires sunt, sanguine, linamenta carpta cum spleniis atque fascia T superimponere; deligationem denique tamdiu innovare atque iterare, donec malum penitus sublatum esse deprehenditur. Mirum quantum celeriter quandoque id ipsum fieri, testis est experientia (a). Quandoque *tubercula venarum dolentia profundius in recto intestino sita sunt*, ut commode ad ea accedere non possimus, nisi speculo ani Tab. XXXIV. fig. 15. viam dilatemus: Quando hac ratione detecta sunt, vel phlebotomo incidi, vel forfice refecari possunt: ita enim sanguis inspissatus & noxius hic hærens emittitur, atque dolores exitu sanguini hærenti procurato, mox minuuntur. Nonnunquam vulnerum inflictorum ora ita parum coalescunt, ut *potius ex hæmorrhoidibus cæcis apertæ fiant*, atque ita homines cum stercore, præsertim si adstrictior alvus est, semper vel sæpius saltem sanguinis aliquid simul excernant. Qui quidem affectus tametsi molestia haud prorsus careat, tamen non mirifice solum ad imminuendos dolores, ex hæmorrhoidibus cæcis perceptos, proficit; sed quam plurimarum etiam noxarum, & nominatim quidem *mali hypochondriaci, morborum renum ac vesicæ, podagræ, arthritidis, ischiadici mali* &c. materiam quasi detrahit, atque sic ægros ab iis vel liberat, vel sal-

*hæmorrhoidum cæcorum curatio*

(a) Conf. & histor. morbor. Uratistav. pag. 195.



tem morbos hos multo leniores reddit, si præsertim leniter sanguis fluit ac simul sollicita victus ratio servatur: unde factum est, ut multi hodie Medici tanti hunc hæmorrhoidum fluxum faciant, ut omnibus fere ægris illum & suadere & concitare studeant; cum quibus vero ego promiscue, quia multa & incommoda & morbos quoque concitare solet, non consentio; sed si morbi aliter curari possunt, quemadmodum id sæpe fieri potest, eum potius avertendum esse censeo.

*Præcaveri hæmorrhoides quomodo possint.*

IV. *Se ne quis tamen forte ignoret, quibusnam præsidiiis præcaveri atque averti hæmorrhoides cæcæ imo & fluentes ab illis sine noxa debeant, quos ipsa velut natura opportunos ipsis reddidit; attamen nondum in consuetudinem abiit; sciendum est, nihil fere non expectari a bona temperata & parca victus ratione hic posse: interim adhuc certius illi sibi prospiciunt, qui non semel tantum aut bis, sed & sæpius, si valde sunt sanguinei, per annos singulos sanguinem per venas sibi detrahendum curant, ut sic abundantia sanguinis subinde minuatur, utpote in qua præcipua hæmorrhoidum hæret causa; sed identidem quoque pulverem aliquem temperantem, aut decoctum ex millefolio, ad instar potus theæ adhibent; sollicitè vitatis singulis, quæ aut nimis calefaciunt, aut alvum adstringunt. Cujus equidem generis sunt aloë, myrrha, crocus, medicamenta item atque esculenta & potulenta similem virtutem habentia; vinum nimium & cumprimis crapula; similiter iracundia, vehemens corporis agitatio, venus nimia, vel equitatio & forsan alia. Si nihilominus intestini recti venæ cum dolore indecenter turgere incipiunt; tum, præter sollicitam victus rationem, resolventia sanguinemque temperantia medicamenta interna; extrinsecus autem fomenta & malagmata atque id genus alias res, quæ ad leniendum faciunt, adhibuisse proficiet. Si qua autem forte nimis vehementibus cruciatibus ægri afficiuntur, vel sanguisugas, vel scalpellum, ut supra diximus, admoveri oportebit.*

### *Explicatio Tabulæ trigesimæ quartæ.*

- Fig. 1. ostendit *uterum cum mola intus adnata*, A. qualem SIGISMVND A, celebris quondam & expertissima obstetrix Berolinensis in nobili muliere, quæ in præsentissimo vitæ inde erat periculo, magna obtusaque ad apices forcipe feliciter amputavit. Vid. liber ejus de arte obstetricandi in præfatione.
- Fig. 2. *Uterum prolapsum haud inversum* demonstrat: litt. AA partes pudendas; B ipsum uterum extra eas propendentem; C denique os uteri internum dictum, nunc extra pudenda prolapsum.
- Fig. 3. *Uterum prolapsum & simul inversum*: AA partes pudendas; B. uterum inversum propendentem, nusquam comparente ipsius osculo, quod fig. 2. ad litt. C, conspicitur, ambæ ex RVYSCHII observationibus; C pars inferior hujus uteri inversi, sine osculo.
- Fig. 4. *Peculiarem sistit procidentiam*, quæ quidem verum uteri prolapsum mentiebatur; attamen talis non erat; sed tantum vaginæ, ex observatione Cl. WIDMANNI in *Ephem. Nat. Curios. Cent. VIII. obs. 98.* ubi historia morbi prolixius describitur & partes longe ampliores, sicuti erant delineantur. Nos hic maxime necessaria tantum indicabimus: ut litt. A A notant labia pudendorum, B B nymphas; C inter illas delitescentem clitoridem; D D D corpus propendens, uterum prolapsum referens; id quod tamen non nisi tunica integræ interioris vaginæ relaxatio, prolapsus & in tumorem mutatio erat: E ejus radicem in vagina uteri; F ejus basin sive partem ampliorē.











rem cum osculo os uteri internum menties : quod a recedente tunica vaginæ ab ore uteri interno, quod naturaliter obduxerat, ortum traxit ; G H ipsum uterum in pelvi integrum repertum ; omiſſis hic brevitatis cauſſa tubis, ovariis & ligamentiſ ejus, tamquam rebus huc non pertinentibus.

Fig. 5. ex MEEKRENII *obſervat. chirurg.* deſumpta, ad *procidentias uteri & vaginæ illuſtrandas* : litt. A indicatur uterus ; B ejus collum ; C os ejus internum ; D pudendum ; EE vagina uteri incifa & aperta ; F radix reliqua tumoris e vagina pronati qui procidentiam uteri inverſi mentiebatur ; G funiculus, quo radix tumoris, dum auferebatur, ligata erat.

Fig. 6. 7. 8. 9. & 10. varia *peſſorum* ſive *peſſariorum* genera repreſentant. Horum primus fig. 6. eſt *rotundus* inſtar annuli, eique funiculus junc-tus eſt, cujus ope cingulo alligari, & ſi placet e vagina extrahi poteſt. Alter fig. 7. *ellipticus* ſive ovalis ; tertius fig. 8. fere *quadratus* ; quartus denique fig. 9. *triangularis*. Singuli hi perforati ſunt in medio & vel ex ſubere vel ligno idoneo ceraque obducto ; vel etiam pro ditioribus ex argento aurove cavo conſtare poſſunt. Tandem ultimus fig. 10. ſolidus eſt, & figuram ovi obtinet, prioribus vero minus idoneus.

Fig. 11. eſt *peſſus ex filis ferreis contortus*, conicus & elatiſticus : ex GOELICKII deſcriptione : cui etiam funiculus junc-tus eſt. Si vero in oppoſito latere ei adhuc alius funiculus jungitur, tanto commodius poſtea extrahi poteſt.

Fig. 12. *machinam clyſteri injiciendo* adaptatam deſignat, qua Germani ut & Bata-vi vulgo utuntur. Litt. A A *veſicam* denotat cum liquore contento : quæ vera in adultis duplo vel triplo amplior, quam hic indicatur, eſſe ſolet, pro libra circiter, & quod excedit, liquoris continenda ; B B *tubulum* ſive *fiſtulam offeam* ano immittendam ; per quam liquor in inteſtina injicitur ; CC vinculum ſuperius, quod, poſtquam fiſtula in ano eſt, ſolvitur ac removetur ; DD vinculum inferius, quo veſica clauditur, ne liquor immiſſus elabi queat.

Fig. 13. exhibetur machina pro *clyſtere*, ut vocant, *tabacali*, ſive pro fumo tabaci in anum & inteſtina impellendo. A capſulam, qua tabaci folia diſſecta continentur incenſa, ex orichalco paratam ; B fiſtulam offeam, quæ in anum demittitur ; C fiſtulam ore comprehendendam per quam aer, poſtquam nicotiana incenſa eſt, una cum fumo hujus fortiter impellitur, ita ut per fiſtulam coriaceam flexilem D D, fumus E, in inteſtina ingrediatur ; repræſentat.

Fig. 14. denotat fiſtulam æneam pro fumo aut vaporibus in vaginam uteri immittendis. A pars ſuprema multis foraminulis, perſuſa, quæ vaginæ inferitur. B pars infima aperta, quæ infundibuli fiſtulam recipit.

Fig. 15. *Speculum ani*, ſive ferramentum ano (imo & vaginæ uteri) diducendo, pro vitiis quibuſdam, intus deliteſcentibus, perquirendis meliusque & cognoſcendis & curandis deſtinatum. Litt. A A. & B B denotant roſtrum coniforme, cavum, ex duabus alis, ſive canalibus A A & B B conſtructum, qui clauſi, tubum quaſi conicum efformantes, ano vel vaginæ, paululum calefacti & oleo prius inuncti, blande immittuntur. Quando vero manubria ſive habenæ C & D ad ſe invicem manu comprimuntur, roſtra ſive duo canales ſenſim diducuntur atque anum vel vaginam dilatant, ut introſpicere & vitia latentia examinare queamus. Ad litt. E ambæ laminæ hujus ferramenti ope clavi, ad modum ginglymi ita junguntur, ut roſtrum claudi & aperiri pro lubitu poſſit.



*Qua ratione homines fistulam ani sentientes tractare conveniat.*

C A P. XVI.

*De Ani fistulis.*

*Ani fistula  
quid & quo-  
plex sit.*

I. **P**ROPRIAM etiam num animadversionem ea ulcera desiderant, quæ anum, sive partes intestino recto propinquas, infestant, atque ea, quæ recentia adhuc sunt, & bonum pus fundunt, *abscessus ani*; quæ vero plus minusve inveterata, vel & callosa sunt, saniemque tenuem & graveolentem nunc minori nunc majori copia, continuo emittunt, ea proprio nomine ab antiquissimis jam temporibus *fistulæ ani* a Medicis nuncupari (a) atque in varias species; pro varia mali conditione, distribui solent. *Quedam enim ani fistulæ parvæ admodum sunt ac recentes, vel saltem minus inveteratæ; aliæ altius penetrant, attamen angustæ sunt; aliæ contra inveteratæ & ita graves profundæ atque amplæ, ut intestinum rectum, cute atque adipe prorsus nudatum, sit conspicuum.* Cujusmodi equidem casus gravissimos memet ipsum aliquoties observare memini. Nonnunquam *sine callo notabili adhuc recens fistula est*: pleræque vero duritiem aliquam sive callum tenuiorem vel crassiorem, præsertim circa osculum, habere observantur. Interdum *via recta atque unica* fistula subter tendunt; interdum vero *multiplices* admodum eæ sunt ac *tortuosæ*. Quo autem commodius singulas & considerare & tractare liceat, haud abs re fecerimus, si ubi cum melioribus chirurgis *triplicem fistularum ani differentiam* constituerimus. *Ad primam* eas referimus, quæ intestino recto atque ani sphinctere non perforatis sed integris adhuc existentibus, ex uno alterove ore suo, prope anum conspicuis, tenuem; ut jam diximus, atque mali odoris materiam quandam excernunt, fereque semper duritiem aliquam præ se ferunt. Quam alte & ad quasnam partes eadem penetrent, demisso specillo in sinum, indice vero alterius manus, oleo illito, in anum, explorare convenit: tunc enim in non perforatis haud sine medio ferramentum digito occurrit sed per medium corpus, scilicet intestinum integrum & non perforatum (b): ubi vero simul crassum an tenue sit illud medium judicandum (c). *Nonnunquam ita flexuosis sinibus subter istæ procedunt*, ut nec specillo quidem solertissime licet depresso pervestigare satis interiorum rivulorum conditione licet eos tamen magnos aut multos esse ex copia saniei sive puris quotidie effluentis intelligimus. Necessarium itaque ad uberiores hujus fistulæ explorationem tunc videtur, *lacte calido per syringam intromisso dispicere*, quantum forte intret & capiat & num quid forte lactis injectis rursus per anum profluat. Id enim nisi fit, haud perforatum adhuc esse intestinum judicatur; contrarium vero patet, quando lac inde refluit, aut

(a) Vid. Hippocr. Lib. de fistulis & CELSVS Lib. 7. cap. 4. §. 4.

(b) Docuit hoc jam ÆGINETA Lib. VI. cap. 78.

(c) Quando specillo has fistulas explorare volumus, semper prius digitum in anum immittendus; quia periculum alias est, ne intestinum specillo & quidem loco incongruo facile perforetur.



aut digitus in ano nudum specillum sentiat. Posse interim, nondum interrupto intestino, *tunicas ejusdem externas valde erosas atque tenues*, vel ab invicem quandoque quasi resolutas, sinibus interjectis existere, usus ostendit ubi curatio constans sine secto intestino nonnunquam obtinetur. Altera fistularum species habetur, si duplici aut multiplici ex ore, quorum aliud intus in intestinum rectum hiat, aliud autem extrinsecus prope anum conspicuum est, sanies effluit; qualis aliqua ratione indicatur Tab. XXXV. fig. 1. CC. Manifestius id ipsum cognoscitur, si specilli altera manu fistulæ inserti caput digitus alterius manus in anum demissus nudum attingit; vel clyster etiam sive lac aut alius quidam liquor in anum injectus ex fistulæ ore externo simul effluit, imo etiam quandoque fæces, flatus & lumbrici ex fistulæ ore externo prodeunt (a). Denique tertia species eas fistulas comprehendit quarum os in ipsum intestinum rectum hiat, salvis existentibus partibus externis ano contiguis; qualis indicatur eadem fig. litt. F.G. Has occultas, cæcas, imo & imperfectas; priores, manifestas & perfectas appellare consueverunt. Cæcas sive occultas materia corrupta ex ano quotidie profluens demonstrat, præsertim si partes externas nullum ulcus infestat; si item homines hi juxta anum duritiem aliquam vel tumorem cum doloribus persentiscunt. Nonnunquam os fistulæ internum alte admodum an in intestina positum esse deprehenditur; plerumque autem prope ani sphincterem, vel in eodem idem est conspicuum: prout utrumque ex fig. 1. parere potest. Sed quicquid tandem sit, locus sane afflictus pervestigari quam accuratissime debet subinde potest, si vel digitus oleo seu butyro inunctus provide in anum demittitur, eoque os fistulæ internum quam solertissime exploratur; vel si hoc non sufficiat, ani quoque speculo aliquo adhibito, quale Tab. XXXIV. fig. 15. representavimus, aliove idoneo. Interdum vero hæc internæ ac molesta investigatio haud necessaria est, quando nimirum sedes sive sinus fistulæ externo tumore ac duritie satis cognoscitur.

II. Fistulæ, geminum os habentes, quorum alterum in intestinum, alterum extrinsecus hiat, perfectæ aut completæ; reliquæ autem, quarum unicus tantum modo exitus est, imperfectæ, Gallis incomplettes quoque appellari solent. Posterior species denuo in binas species inferior distribuitur: liquidem pro diverso exitus loco fistulæ ani imperfectæ sive incompletæ nunc externæ sunt, nunc internæ. Porro fistularum aliæ simplices, aliæ vero complicatæ seu composita nuncupantur. Prior denominatio eas comprehendit, quibus non nisi partes molliores, cutis videlicet, pinguedo vel & intestinum perumpitur; & quarum proinde aliæ in alterutrum podicis latus aliæ antrorsum contra perinæum, urethram, vesicam (b) aut scrotum; aliæ retrorsum contra os sacrum & coecygis prodeunt. Posterior idemque fistularum complicatarum nomen eas fistulas designat in quibus os coecygis, sacrum vel ischii, vel vesica, vel iter urinæ apud masculos, vel apud feminas vagina uteri, ut MUSITANUS observavit (c), usque adeo graviter exedunt ut vel dubia fiant stercoris atque urinæ itinera, vel & quandoque in ipsum ventrem fistularum rivuli procedant; quæ omnium perniciosissimæ. Quædam illarum parvæ & parum molestæ sunt, atque in magnam usque senectutem sine insigni incommodo, ut nonnulla mihi exempla nota sunt, geruntur; quædam autem non modo cum doloribus intensissimis, ut nuperrime adhuc vidi, sed & cum virium & corporis extenuatione febricula atque cum quamplurimis aliis incommodis solent esse conjunctæ. E contrario virum novi,

qui

Reliquæ fistularum differentie explicantur.

(a) Hoc ÆGINETA quoque jam notavit. loc. cit.

(b) ALBVCASIS jam docuit, dari ani fistulas, ad urethram & vesicam penetrantes; Part. II. cap. 80. quales etiam jam notavi.

(c) Trut. chir. Tom. I. de tumor. cap. 6 3.



qui aperta fistula valebat, ea vero consolidata, podagra mox agrotabat; eaque de-  
nuo aperta, iterum valebat, hocque ita aliquoties factum est. Nonnullæ  
osculum adeo angustum obtinent ut vix conspici aut specillo explorari queat, &  
subinde tantum tuberculo se manifestat, in quo, re quam curiosissime explo-  
rata, parvum foraminulum, quod janua quasi ad fistulam est, apprehendi-  
tur; in aliis autem amplius adest hiatus. In quibusdam non nisi unica eadem-  
que simplex via est contra vero in aliis fistula ac rivuli multiplices ex uno fon-  
te vel ore diducuntur. Similiter aliæ aliis altius aut longinquius procedunt. De-  
nique aliæ rectæ, juxta intestinum rectum subter tendunt, aliæ vero sub cute  
obliquæ aut transversæ existunt; sinusque plurimos & quam maxime tortuosos  
comprehendunt. Qui proinde non nisi difficulter admodum pervestigari solent at-  
que explorari, adeoque & difficiliter curari consueverunt.

*Fistula ani  
quomodo ex-  
ploretur.*

III. Solet autem fistularum ani exploratio his fere modis hodie institui. Æger  
supra mensa sive lecto sic deponitur, ut ventri incumbat cruribus probe diductis (a)  
quemadmodum in hæmorrhoidum cæcarum sanatione proposuimus. (cap. 166. §. 3.)  
Tum minister aliquis gnaviter clunes ab invicem distendit, quo nempe com-  
modius digitum in oleo sive butyro tinctum, deprimere in anum liceat. Nam-  
que universe hic in ani fistulis intestino propinquo explorandis ea semper, ut  
jam diximus, necessaria est cautio, ut ne facile specillum in fistulam alte depri-  
matur, nisi digitum prius in anum demiseris. Siquidem alias periculum est,  
ne qua forte integrum intestinum, a depresso specillo loco incongruo per-  
rumpatur, noxam graviolem & curam difficiliolem efficiat. Postquam, ea  
moderatione adhibita, depressum specillum est, dimittere rursus clunes de-  
cebit, ut nempe naturalem posituram suam ille recipiant, neve viarum  
distortarum latera atque anguli specilli progressum impendant. Ubique vero,  
clunibus naturaliter compositis specillum leniter depressum atque hinc inde  
blande directum progredi ulterius nequit; ibi fistulæ terminus esse ut plurimum  
suevit.

*Causa mali  
& exitus.*

IV. Principium sive causa hujus mali esse communiter solet venarum, per  
quas hæmorrhoides transeunt, exulceratio, vel & abscessus quicumque alius, juxta  
intestinum rectum cum primis in copiosa pinguedine, quæ hoc cingit, pronatus.  
Nasci autem quam sæpissime istiusmodi abscessus solent vel a gravi quadam po-  
dicis contusione, vel ictu, vel lapsu, vel vulnere, vel intestini recti inflammatio-  
ne, vel dysenteria (b) vel partus difficultate, (c) vel morbo venereo, vel vehe-  
menti equitatione, vel & a sexcentis causis aliis, quæ hanc regionem lædere  
possunt. Equites in primis hujusmodi noxas experiri solere, in castris a fre-  
quenti & præsertim vehementiori equitatione, æstuante præsertim cælo institu-  
ta, manifestum est experientia illorum, qui castrensiu Medicorum munere  
funguntur, ubi quamplurimos equites fistulis ani laborantes olim vidi. Poss-  
autem hujus generis abscessus in fistulam ani degenerare; si vel ex pudore vel alia  
causa negliguntur, & præsertim justo tardius illi aperiantur, aut juxto forte  
negligentius expurgentur, mirum videri vel dubium haud quaquam oportet.  
Fieri enim aliter vix potest, quam ut materia ista corrupta, quæ intus remansit,  
pinguedinem una cum intestino propinquo partibusve aliis vicinis ita graviter,  
sensim arrodât, atque exulceret factisque sinibus aut callis ita mirifice anum  
aliasve partes propinquas affligat, ut, nisi ferrum applicetur nihil omnia medi-  
camenta proficiant. In exemplum hic proponi meretur LUDOVICVS XIV.  
glo-

(a) Veteres supinos agros collocarunt, femoribus retractis atque disjunctis, ut videre est ex  
ÆGINETA lib. VI. cap. 78. id quod quandoque haud alienum esse videtur.

(b) Ab hac MARCHETTUS fistulam ani notavit, Lib. de fistulis.

(c) Vid. TVLPIUS Lib. IV. cap. 40.



gloriosissimæ memoriæ , Rex quondam Gallorum potentissimus : utpote qui, frustra per longum tempus adhibitis medicamentis omnibus ab expertissimis licet atque excellentissimis Gallorum Medicis atque chirurgis quibusque propositis, liberari ab ani fistula prius haud poterat, quam scalpellum admoveretur (a). Quæ quum ita sint, id sibi datum chirurgus quisque prudens sciat, *ut quam celerrime ad scalpellum procedat, simul atque in hominibus, ani inflammationem vel abscessum aliquem sentientibus, vel extus, vel etiam digito in anum demisso, puris aliquid intus collectum esse persenserit.*

V. At enim vero *quo gravior fistula est, quo profundior, quo major pinguedinis atque intestini recti & cumprimis sphincteris copia corrupta, aut exesa, quo amplior, quoque duriori callo circumseptus sinus, quo magis vetustum malum, quo ægri debiliores; (b) quo magis denique ætate provecti, quoque pejoris habitus homines sunt; hoc magis quoque difficilis, quin imo plane impossibilis ac desperata subinde esse curatio consuevit. Cumprimis autem quo magis alte posita fistulæ apertura sive os in intestino est, eo majus est periculum majora discindendi vasa sanguifera, unde sanguinis lethiferæ profusiones sunt observatæ, quæ vix hic ligari, nec facile ob resistentis durioris corporis hic in vicinia defectum compressione ac stypticis cohiberi possunt, (c) adeoque eo minor quoque sanitatis spes reliqua est. Et sane nisi digitus in anum depressus fistulæ os attingere valet, verum illud adhuc profundius latet, sine vitæ periculo, ob metum lædendarum venarum majorum, sectio institui nequit; adeoque tunc parum plerumque, imo vero nihil omnia chirurgi artificia proficiunt. Ut proinde mirum videri haud quaquam debeat, quod GARENGEOTUS (d) scribat, rectius omnino chirurgum facere, si, rebus ita sese habentibus, penitus ab operatione manus abstineat, quam si, facto gravissimo vulnere, concisisque venis amplissimis; quæ ea in intestini hujus parte sunt, in præsentissimum lethiferæ sanguinis profusionis periculum miserum hominem conjiciat, cujus equidem consilio tantum abest, ut ego contradicam, ut potius statuam, prudentis utique Medici esse, non nisi dubiam semper sanitatis spem iis hominibus, qui ani fistulam quandam sentiunt, proponere; quantumvis etiam principio parum periclitari iidem videantur. Accidere enim haud raro solet, ut, post admotum ferrum, non plures tantum fistulas sinus, sed ita quoque alti ac gravia ossium juxta positorum, vesicæ, urethræ, vaginæ atque ipsius uteri in sexu sequiori vitia sese ostendens, quæ vel nullam omnino, vel saltem non nisi ancipitem curationem recipiunt. Abscessus ani sæpe redeunt, ut veræ fistulæ curandæ: nam non nisi secto intestino & ani sphinctere curantur. In gravidis fistulæ ani curatio non est suscipienda, sed expectandum donec a puerperio rursus prodierunt. Nam MAURICÆUS abortum & mortem inde notavit (e). Si quid etiam his in fistulis in vesica, vel urethra, vel utero, vel ossibus denique vicinis arrosus est, desperatum utique malum utplurimum esse consuevit (f). Ita & cæcæ sive occultæ longe difficilior plerumque curantur manifestis, Contra vero si recens adhuc & externa tantum fistula est, vel etiam si perfecta, ut in fig. 1. CC. attamen non nisi*

Prognosis.

Heisteri Chirurgica Tom. IV.

G

pin-

(a) Historia hæc notatu digna legi potest in DIONYSII chirurgia cap. de fistula ani; ubi simul summa hujus Regis erga Medicos & chirurgos ipsum curantes liberalitas cognosci potest.

(b) Exemplum de ægra debili, quæ altero a sectione die mortua est, refert SAVIARDVS obs. 50.

(c) Vid. SAVIARDVS obs. 49. Ita PALFINVS exemplum recenset, ubi sanguis quidem per vulnus non penetravit, sed in intestina omnis effusus est, unde æger mortuus, operari. chirurg. Cap. XX.

(d) In operat. chirurg. cap. de fistula ani.

(e) Vid. ejus observat. 618.

(f) *Fistulam ani, quæ vesicæ cervicem perforavit, aut ad femoris articulum consistit, insanabilem pronunciat ÆGINETA l. c.*



pinguedo eaque pauca cum modica tantum intestini recti, aut sphincteris parte exesa est; si nondum ad ceteras partes propinquas modo nominatas vitium transiit; si item non usque adeo alte fistula penetravit, si non nimis multiplex sinus est; si non nisi leviter sinuum latera induruerunt atque occalluerunt; si denique boni habitus corpus est, ægerque adhuc juvenis vel saltem juventuti proximus, feliciter ut plurimum fistulæ ejusmodi sanescunt, sic tamen, *ut majus semper in ferro, quam medicamentis præsidium sit*. Atque simile prorsus judicium esto, *de iis fistulis occultis live internis*, quarum os ab extremo ani sphinctere, ut in fig. 1. F. G. non usque adeo longe distat. *Fistulæ externæ, parvæ, in nonnullis diu sine notabili molestia perferuntur*; imo si natura iis assuetæ; quasi per fonticulum humores noxios hic expellit, hominesque ab aliis morbis, quibus alias obnoxii fuerunt, præservant, ut aliquot exempla mihi nota sunt, qui eis ad magnam & vegetam senectutem pervenerunt: adeoque sæpius hos non curare, quam curare præstat, sicut alias ubi de antiquorum ulcerum curatione egimus, quoque monuimus. *Quando in fistula externa vel etiam abscessu paries intestini recti ab exulceratione ita erosus est, ut digito in anum, specillo autem in fistulam immisiss, valde tenuis deprehendatur*, malum non curatur, nisi intestinum eo loco una cum sphinctere, ut infra mox proponemus, discindatur, quamvis intestinum ab ulcere non sit perforatum. (a) Contra ubi eodem explorandi modo crassum adhuc esse intestinum cognoscitur; ulcus sine violatione aut perforatione ejus curari sæpe potest. Ita & *fistulæ recentes cum lue venerea conjunctæ ab ea ortæ*, curatione mercuriali & sine sectione haud raro curantur (b).

Ægri præparatio & fistulus.

VI. Hactenus, quæ fistularum natura sit atque indoles, demonstravimus. Ad curationem vero earum, quæ ad curationem idoneæ sunt, explicandam quum progredimur, sane nihil abs re facturi nobis videmur, si primo loco *de fistulis perfectis live completis*, de reliquis autem deinceps tractaverimus; *propositis enim, quæ ad completarum fistularum sanationem spectant, artificijs*, dubium non est, quin promptior futura sit atque magis expedita de fistulis reliquis explicatio. Decet autem *ad fistularum completarum curationem* perficiendam sequentia facere. Simulatque nimirum cum ægri hominis, tum ipsius fistulæ talis conditio esse animadvertitur, qualem, ad salutis spem concipiendam, necessariam esse declaravimus, (§. V.) primum Medici negotium in eo positum est, ut decenter homo ægrotus ad futuram curationem præparetur. Itaque proximis ante operationem diebus & alvum laxare, & nisi vires deficiunt, sanguinem per venas detrahare convenit; *sed si debiliores*, hæc omittenda atque roborantia potius adhibenda, victus interim ratione servata, quantum quidem licet, solertissima, atque pro ratione ægri convenientissima, adhibitisque medicamentis ad leniendum atque corrigendum sanguinem, prout res exigit, quam maxime idoneis. Tandem ut *ne stercus curantem in sectione Medicum impediat* neve nimis cito rursus resolvi vinctura prima debeat, necessarium utique videtur aliquot ante operationem horis *agro clystere intestina eluere*, atque ita ejus alvum prius exhaustum; proxime autem ante sectionem *urinam emittat*, ne vesica distenta facile lædatur. Ad posituram ægri quod attinet, eadem hic necessaria observatio videtur, quam supra jam tum, ubi de exploratione harum fistularum §. 3. proposuimus, ut nimirum ventri incumbat, commendavimus. Veteres quidem, ut ex ÆGINETA l. c. patet, ægrum supinum collocarunt femoribus retractis; sed Gallorum recentissimis chirurgis, ut GARENGEOTIVS refert, ad hanc operationem commodissime dispositus æger videtur, *si in latere ad similitudinem eorum, quibus clysteres in lecto applicantur*, juxta primam lectuli oram, prolato

po-

(a) Notavit hoc jam SAVIARDVS obs. chirurg. 49. pag. 223.  
(b) Conf. DRANII observat. 85.



pedice reductisque genibus idem decumbit. At, quanquam in hoc situ quandoque sectio hæc satis commode perfici queat, casus tamen se mihi obtulerunt, ubi ob peculiarem fistulæ constitutionem aptius in priori situ negotium succedebat.

VII. Ægro igitur, prout commodissimum videtur, disposito, proximum est, *Fistula per* ut apto instrumento, quorum vero quamplurima hunc in finem excogitata sunt, *fecta cura-* sectio requisita perficiatur. *tio.* Ab antiquis jam temporibus scalpelli peculiare genus sub falcis fere forma pro his morbis curandis in usu fuit, quod *syringotomus*, a *syrinx* fistula, græco appellarunt vocabulo, quorum nonnullæ species usitatores Tab. XXXV. fig. 4. 5. 6. & 7. repræsentantur, & in quibus litt. A B scalpelli partem acutam sive scindentem, B C vero, partem obtusam ac teretem, sive stylum, qui flexilis esse debet, indicat, & D D eorum dorsum ac convexum. Et quamvis quidem a nonnullis tanquam inutiles rejiciuntur; usu tamen didici, illis revera sapissime id, quod opus hic est, quam commodissime, præsertim in fistulis non adeo profundis, perfici posse. *Ufus eorum hic est*, *Syringotomo* quodam vel majore, vel minore, pro diversa fistulæ profunditate, extremo C, dum digitus index alterius manus, oleo prius inunctus, in intestino recto est, in externam fistulam depresso, atque per interiorum sinum hujus digiti ope ita promotus, ut capitulum C ex ano tandem promineat, prehensio deinde utroque extremo quicquid inter utrumque fistulæ os medium est concidatur (conferri potest SCVL-TET. Tab. XLV.) qua sectione sphincter quidem ani, sed in ceterum sanis, sine noxa semper dissecatur. (a) Ubi vero paulo profundior interna fistula est, quam ut syringotomi capitulum, per eandem trajectum, per se facile prodire ex uno valeat, digito in anum demisso majori opera, sed prudenter illud ita inflectat & dirigat, donec ex ano prodeat, eodemque facto chirurgus intestinum ea ratione discindat, quam modo explicavimus. Quoniam vero *superior oris fistula in intestino pars ut plurimum callosa est*, & hac curandi ratione non inciditur, attamen si non inciditur, hæcce calli pars cum reliqua non coalescit, sed facile novo malo occasionem præbet, hinc oportet, ut vel apice horum scalpello- rum pars intestini vicina ad duarum vel trium linearum spatium supra foramen fistulæ perforetur, & sic simul dissecetur; vel si hoc forte factum non sit, oportet, ut post sectionem vel mox, vel si sanguis obstaculo est, sequentibus diebus pars illa callosa forfice seorsim adhuc incidatur, vel omnino resecetur.

VIII. Sed sciendum tamen hic est, Medicorum aliquos existimare, *scalpel-* *Instrumenta* *recentiora,* *ad ani fistu-* *lam adhibere* *solita.* *lum istud falcatum cuspidemque retusa instructum*, quod supra (Tab. V. fig. 3.) delineatum est, vel aliud huic simile ad incidendas ani fistulas, longe commodius sæpe modo laudatis syringotomis adhiberi, propterea quod manubrium manus incidendis virtutem egregie perficiat. Horum ego sententiam tantum abest, ut rejiciendam putem, ut potius & propriis & aliorum experimentis in minus profundis fistulis consentaneam pronuntiem. Ut enim nihil nunc de eo dicam, feliciter aliquoties a memetipso in incidendis ejusmodi fistulis scalpellum hoc adhibitum esse, Galli certe chirurgi, ut quam felicissime curationem fistulæ in Rege suo perficerent, simile scalpellum aliquod, sed capitulo sive nodulo in apice præditum (id quod tamen haud necessarium est) petitoque a persona, cui applicabatur, nomine, *scalpellum sive syringotomum regium* (*Bistouri Royal*) voca-

(a) Putarunt multi cum ALBVCASI Part. II. cap. 80. aliisque veteribus, ex sphinctere ani dissecto necessum esse, ut fecus effluxus involuntarius sequeretur, eumque propterea vitandum esse præceperunt; verum usus docuit, eum non semel tantum, sed aliquoties in ceteroquin bene sanis, ubi opus est, sine noxa discindi posse, & si forte hoc malum post hanc curationem aliquando sequitur, illud potius vehementiori corruptioni & destructioni sphincteris ab ulcere seu erosione adscribendum esse.



catum, adhibere nulli dubitarunt. Sed nolim tamen ad quascunque fistulas sine discrimine hoc nostrum aut regium istud scalpellum applicari: siquidem ad istas; quæ paulo altius positæ sunt, minus apta sunt. Itaque nihil abs re fecisse clarissimus BASSIVS, chirurgiæ Professor Hallensis, censendus est quando in dissertatione de ani fistula (a) novum, quod chirurgum primarium Argentoratensium, *le Mairium*, auctorem habere nonnulli mihi retulerunt, idemque cuspide argentea prælonga & flexili munitum scalpellum (vid. fig. 8.) descripsit. Quo equidem rostro C, eadem, ut No. VII. docui ratione in fistulam depresso diligenterque per sium anumque trajecto, quandoque longe commodius, quam per admota instrumenta præcedentia, concidi partes inter utramque fistulam medix possunt. In eodem finem commodè adhiberi quoque potest scalpellum syringotomum fig. 3. Tab. XXXV. quod GARENGETIVS quidem descripsit sed non nisi partem ejus delineavit, *lib. de Instrument. chirurg. Tom. I. pag. 337.* quod eodem prorsus usurpatur modo, ut syringotomi priores; verum ob habenam EE adjunctam validius comprehendi & partes incidendæ facilius diffecari possunt. Sed nimis longum hoc rostrum CD, minus commodum deprehendi, aliudque fabricari curavi, cujus rostrum tantum ad lit. F. extendebatur, quo commodius rem perfecit.

Curandi rationes alie.

IX. Sunt, qui syringotomorum & scalpelli descriptorum loco *specillum, filum* sive *stylum argenteum, eumque flexilem*, in externum fistulæ foramen demittunt: quem deinceps per internam intestini fistulam trajectum, indice digito, in anum depresso, ita inflectunt atque dirigunt, ut quædam ejus pars ex ano promineat. (vid. Tab. XXV. fig. 1. DD) Tum, apprehensis fili argentei binis capitibus HH, quicquid carnis C, C, B, E, comprehensum est, leniter trahunt, admotoque scalpello, cumprimis falcato, aut forfice idonea discindunt. Hæc ipsa operandi ratio, licet ex antiquissimis sit, & ab ÆGINETA loco citato jam descripta) commoda inprimis atque ita præ aliis comparata esse GARENGETIO videtur, ut denuo revertentis mali periculum per eandem adimatur. Et quamvis & ego hunc modum antiquissimum magnificiam; tamen quibus argumentis indutus ita sentiat hic auctor, & qua ratione hoc magis quam præcedentes curandi viæ efficere queat, (ut scilicet hoc malum ita curatum minus redeat, quam si alio modo curatum est) nondum ego satis pervideo. Alii specillo quodam sulcato flexili, ut Tab. I. litt. M. vel Tab. XXXV. fig. 2. in fistulam externam depresso atque ad intestinum rectum, quam exactissime fieri potest, promotum, posteaque per anum reflexo, carnem sulco imminentem scalpello seu forfice conveniente dividunt. Quem quidem operandi modum recentiores nonnulli ceteris operandi modis omnibus anteferendum esse in earum fistularum sanatione statuunt, quæ alte admodum in intestino positæ esse advertuntur: sed qua in re & quam ob causam præcedenti præstent, ego quoque haud perspicio. Verum quoque tandem ex his recensitis modo res perficiatur, maximam sane prudentiam atque moderationem semper adhibuisse convenit, ne qua forte, grandioribus intestini recti vasorum ramis concisis, id quod in nimis profundis fistulis quandoque contingit, noxia quædam aut prorsus *lethifera sanguinis profusio concitetur.* (b) Plaga hunc in modum instituta, cruor ante omnia diligenter abstergetur, absterfoque cruore, quam curiosissime vulnus exploretur, atque, *num quis forte sinus vitiosus, aut callus, aut fibræ corruptæ adhuc delitescant, circumspiciatur.* Namque sinus aut rivulus aliquis offenditur, digito; specillove decenter immisso, caro superposita forficis aut scalpelli convenientis adminiculo conciditur; quo nempe ac-

cu-

(a) Halst an. 1718. jam edita.

(b) Testatur hoc SAVIARD. obs. chirurg. 49. & PALFINVS operat. chirurg. cap. 20.



curatius conspici atque expurgari vitiatæ partes singulæ queant (a). Quicquid autem ex callo vel fibris vitiatis intus reliquum esse deprehenditur, id, simili instrumento adhibito, siquidem tuto id facere licuerit, partim excinditur, partim quoque scarificatur, seu crebro admodum scalpello vel forfice inciditur. Sic enim & promptior & largior suppuratio insequitur, longeque commodius paulatim extirpari per medicamenta adurentia & mundantia, quicquid forte indecenter induratum, putridum ac corruptum est, consuevit. Interim, ut apertissime dicam, quod sentio, longe plerumque felicius atque promptius perfici vulneris & purgatio & glutinatio solet, si quam primum & quam exactissime pinguedo corrupta atque indurata omnis in vulnere deprehensa per admotum scalpellum vel forficem excinditur. Ad deligationem vero atque curationem reliquam quod attinet, de his latius exponere deinceps instituemus.

X. Alium adhuc has fistulas curandi modum una cum peculiaribus quibusdam *Rungii me-* in hunc finem excogitatis ferramentis, quæ alibi descripta non reperi, mecum *us describi-* aliquando, cum Bremæ ægros nonnullos a calculo liberandi causa degerem, *tur,* communicavit supra jam laudatus Bremensium Chirurgus RVNGIVS. Nimirum tria hic adhibet ferramenta, quæ sunt primo peculiare *specillum sulcatum.* (vid. Tab. XXXV. fig. 9.) A B a latere aliquo modo repræsentatum vel ex ferro vel ex argento fabricatum, cum manubrio C D, quod ad locum E ita extrorsum inflexum est, ut specillum & manubrium angulum ibi obtusum efficiant, specilli vero sulcus quomodo se habeat, si directe visui objicitur, fig. 10. ostenditur. Altera ferramentum est *canalis*, digiti quasi crassitudine in diametro, similiter vel ex ferro vel argento exaratus, fig. 11. A B, cum simili manubrio, eodemque ad angulum obtusum in loco B, attamen in contrarium sensum, modum inflexo, prout hic exhibetur; cujus vero canalis cavum conspectu directo fig. 12. demonstrat. Tertium est *scalpellum rectum*, angustum, longum & acutum, fig. 13. Quando igitur his ferramentis uti volumus, (fin- gimus; fistulam esse in ani latere sinistro, ut in fig. 1. C C) ferramentum si- ve canalis fig. 11. A B, aquæ tepidæ prius immersus, & deinde oleo inunctus; in intestinum rectum blande demittitur, ejusque manubrium D, prudenti mi- nistro probe ac firma stabilique manu sustinendum committitur. Ipse vero chi- rurgus specillum sulcatum fig. 9. eadem, ut modo diximus, ratione, aqua cali- da tepesactum & oleo inunctum, per os fistulæ externum totum fistulæ meatum tandemque ejus os internum C C, oblique ita demittit, ut apex A in cavum si- ve fundum canalis fig. 11. ingrediatur, eique probe insistat; id quod factum esse partim tactu, partim auditu, partim etiam digito per anum immisso co- gnosci potest. His rite peractis, chirurgus manu sinistra manubrium specilliprehendit, scalpellum fig. 13. per sulcum hujus specilli & fistulam C C, usque ad canalem fig. 11. demittit, eoque ad ductum canalisi, ab interiori intestini parte ad exteriorem si- ve anum, totam fistulam incidit. Incisa atque aperta hoc modo fistula, purgatio fistulæ, deligatio, ceteraque eadem pro ea curanda sunt facienda, quæ mox infra in universum proponemus. Hæc methodus in paulo profundioribus fistulis præ ceteris adhibenda esse videtur; quia apices syringoto- morum imo & stylo- rum, non nisi difficillime & sine laceratione intestini, aut quandoque prorsus non in ejusmodi fistulis profundioribus ita inflecti possunt, ut per anum redeat. Summa vero cura est adhibenda, ne scalpellum extra ca- nalem divergat aut aberret, quia inde gravis læsio intestini recti aliarumque

vi-

(a) Hæc vero vel ob morositatem, vel debilitatem, vel pusillanimitatem ægri non semper mox in prima actione efficere licet; cum pusillanimes aut morosi ægri ulteriorem explorationem & sectionem prima vice, ut usu didici, nulla prorsus ratione admittere velint; debiliores vero & qui forte multum sanguinis amiserunt, interdum non possunt; ita ut necessario ad deligationem sit progrediendum.



vicinarum excitari posset; quam vero ob causam, ut scilicet hoc evitetur, canalis hic fig. II. adeo amplus est. Si fistula esset in dextro ani latere, contrario modo hæc ferramenta esse adhibenda, res ipsa loquitur. Fuerunt quidem, fa-  
teor, jam alii, qui in incidendis hisce fistulis canalem quendam & quidem re-  
ctum in anum immiserunt, & postea ope scalpelli recti vel falcati sinum ape-  
ruerunt (a); imo & RAVIVM hanc curandi rationem in demonstrationibus  
suis chirurgicis commendare memini. Verum hæc RVNGII instrumenta ob  
figuram inflexam faciunt, ut chirurgus hac ratione commodius scalpellum di-  
rigere atque sic melius evitare queat, ne quid aliud, quam fistulæ sinus, in-  
cidatur, adeoque & ea merito aliis similibus hætenus notis præferenda esse  
cenleo.

Externa le-  
vioris fistule  
curatio.

XI. Si externa tantum eaque recens, atque non nisi pinguedinem inter & cu-  
tem sita fistula sive abscessus est, salvo adhuc dum existente ani sphinctere at-  
que intestino, tum his fere modis instituere curationem decebit. Primo fistula,  
nisi jam per satis ampla, sed, ut sæpe contingit, angusta valde fuerit, per in-  
sertam spongiam preparatam, vel radicem gentianæ, aliasve similes res intume-  
scentes; quantum quidem satis est, paulatim ampliatur. Deinde rodentibus me-  
dicamentis primo illum in modum expurgatur & postea glutinatur, quem uni-  
verse de fistulis præscripsimus. (vid. supra Part. I. pag. 363.) Nonnunquam  
satiùs est, protinus scalpellum adhibere, eoque immisso, ut ÆGINETA jam do-  
cuit, (b), simplici sectione cutem incumbentem rescicare; vel etiam tunc,  
quando turundis intumescensibus satis dilatari nequit, eamque eo incidere, do-  
nec rite pateat, & callus simul ablatus sit, postea linamentis carptis fistulam  
sub prima deligatione sic implere, ut sufficienter ipsa illis diducatur, & sicubi,  
post primam vincturam resolutam, plures fistulæ sinus sese ostendunt, decenter  
& iidem incidantur. Similiter si quid ex callo sive partibus induratis aut cor-  
ruptis in sequentibus adhuc deligationibus deprehenditur, illud omne vel per  
admotum scalpellum aut forcem rescindi, vel rodentibus adhibitis, cumprimis  
verò mercurio rubro præcipitato, paulatim exedi oportet. Valentissimum atque  
commodissimum hic esse affirmat, MONNIERIVS unguentum apostolorum  
(c) Extirpatis hunc in modum partibus vitiatis, unguentum digestivum, cum  
admixto oleo ovorum, supra dare solertissimeque vulnus deligare convenit. De-  
nique si nulli amplius fistulæ sinus abditi superesse deprehenduntur, si sanies in  
pus spissius mutari, si nova eaque firma ac sana caro increscit; si item mate-  
ria tenuis & decrescere, & colorem sensim cum odore in melius mutare inci-  
pit, nihil omnino ad perfectam sanationem reliquum videtur esse, quam ut  
balsamo vulnerario, aqua calcis, spiritu vini, vel & linamentis tandem siccis  
pars afflicta quotidie diligetur. Interdum loco aperturæ fistulæ externæ, ut su-  
pra jam dixi, & aliquoties vidi: exiguum tuberculum se ostendit, in quo, si res  
accurate pervestigatur, minutissimum foraminulum, quæ janua quasi est ad si-  
num, modo facilius, modo difficilius deprehenditur: quo in casu forcice ante  
omnia illud rescico; sic amplior postea mox fistulæ ductus sive sinus deprehen-  
ditur, qui postea, ut dictum modo est, ampliatur, inciditur & curatur.

Graviores  
curatio.

XII. Quodsi autem usque adeo alte jam tum ejusmodi fistula externa pene-  
travit, ut ani sphincterem vel ipsum intestinum infestaverit, vel saltem partes ju-  
cta positas multum eroderit, ita ut intestinum admodum tenue deprehendatur, fe-  
re

(a) Vid. MASIERI oper. chirurg. pag. 188. ubi canalis istiusmodi attamen longe alia species, delineata est.

(b) Loco antea citato.

(c) In peculiari lib. de fistula ani conscripto, pag. 131. ubi multum rodentibus tribuit me-  
dicamentis.



re nunquam sperare perfectam sanationem aliquam, sine perforato & conciso, una cum sphinctere, ut supra jam docuimus, intestino licebit. Solet autem quam commodissime negotium illud confici, si, ægro rite collocato, digito provide in anum depresso, aut syringotomus quidam, & cumprimis aliquali cuspi- de præditus, ( *vid. Tab. XXXV. fig. 5.* ) aut acus *fig. 2.* aut stylus denique vel specillum non adeo obtusum, per fistulam externam ad fundum fistulæ, intesti- num rectum versus, demittitur, eoque intestini paries vicinus, ubi digitus in- dex capitulo specilli se ei opponit, perforatur ( *a* ), sed ea tamen instrumenti moderatione, ut ne qua forte alia simul intestini pars, multo minus vesica vio- letur. Intestino sic perforato proximum est, ut instrumentum immissum ab in- ferto in anum digito prudenter dirigatur sive inflectatur atque ex ano protraha- tur, ut commode incidi, secundum hæcenus in fistula perfecta. No. VII. VIII. & IX. explicatas regulas; & hæc fistula imperfecta queat, quæ hac ratione in perfectam mutatur. Tandem ubi fistula ipsi ano quidem propinqua est, *sed si- nus tamen sub cute non tam contra intestinum, quam potius contra perinaeum sive latus alterutrum ani tendit*, commodissimum utique videtur, vel scalpello vel forcice eam ita incidere, ut ubique satis pateat, inflicturnque vulnus quam fo- lertissime & purgare & glutinare, ut antea docuimus. Denique hic monemus, posse etiam in his fistulis incidendis, præsertim si paulo profundiores sunt, ca- nalem *Tab. XXXV. fig. 11.* aliumve similem in anum supra descripta ratione adhiberi maxime si ceteris forte laudatis instrumentis res satis commode expe- diri nequeat, atque scalpelli *fig. 13.* beneficio sinus totus incidi. Sed cautissime agendum ne quid aliud temere lædatur.

XIII. Ad tertium fistularum ani genus *fistula interna, occulta sive cæca* so- lent referri. Quæ quum extrinsecus tectæ sint atque clausæ, minus perfecto commode institui curatio poterit, nisi ferro admoto *externe vulnus sive foramen aliquod, pro aperiendis sinibus occultis*, incidatur. Solet autem quam maxime commodus ad id iste locus haberi, quam *aut tumor aliquis, aut durities, aut dolores, aut rubedo denique demonstrat*: si præsertim digitus admotus sinum ali- quem subjectum inibique collectam aliquam materiam corruptam, ut alias in abscessibus, persentiscit. Quibus equidem diligenter exploratis singulis, ægroque ut supra positum est, collocato atque ab adstantibus firmato, a latere ani tu- mor digitis perceptus vel scalpello incidendus, donec in sinum perveniamus; vel si cautius adhuc agere volumus, partem vitiatam cum tumore intus com- prehenso, digiti in anum demissi adminiculo, gnaviter extrorsum versus pro- pelli, atque tum phlebotomo blandiori, aut scalpello quodam convenienti, quantum satis videtur, perforari oportet. *Sic enim fistula cæca atque imperfecta in completam sive perfectam convertitur*, atque ita curatio commodior efficitur. Facto hunc in modum vulnere illud postea scalpello vel super digito, vel super specillo sulcato ampliandum, eoque satis amplo reddito linamentis carptis inje- ctis supraque datis spleniis & fasciis, pars afflicta prima vice decenter deliga- tur. Deinde, resoluta nimirum vinctura prima, vulnus inflicturn, pro re nata, si opus esse videtur, adhuc magis ampliatur, solerterque, investigatis fistulæ si- nibus singulis, aut corruptis intus partibus; intestinum quoque discinditur ac posthæc eadem plane curandi ratio adhibetur, quam ad fistulas completas supra jam tum præscripsimus ( *a* ).

XIV. Quodsi autem hæcenus proposita signa deficient, vel saltem non suf- ficere videantur, sed digitus tamen, in anum demissus, intestini recti fistulam  
Curatio fi-  
stularum cæ-  
carum.  
Alia curan-  
di ratio.  
quan-

(a) Hoc jam scivit & descripsit ÆGINETA loc. cit.

(b) Obs. de ejusmodi fistula similisque fere curatio legi potest in DRANII obs. 82.



quandam cum vel sine speculi ani ope ( vid. Tab. XXXIV. fig. 15. ) sentiat, sequentem in modum instituere curationem conveniet. Ante omnia filum paulo amplius sive stylus argenteus flexilis atque ad unius vel binorum circiter pollicum longitudinem inflexus, ( vid. Tab. XXXV. fig. 14. ) sinistrae manus digiti cujusdam adminiculo in anum ita demittitur, ut pars inflexa A, paulatim insinuari in intus positam fistulam, G fig. 1. ( ani speculo, si opus fuerit, simul applicato ) investigatam, queat. Eo facto, manus dextra filum sive stylum, circa alterum caput B apprehensum tantisper adducit, donec is, tuberculo quodam capite suo A prope anum, juxta litt. F, excitato, sese vel visui vel tactui ostendat. Tum filum hoc argenteum sinistra manu circa caput B comprehenditur, pars autem cutis ano propinqua & paulum ab adducto fili capite A elevata, scalpello gnaviter inciditur, donec hoc caput in vulnere facto appareat. Porro filum hoc, comprehensa parte A ex vulnere jam prominente, uberius ita inflectitur, ut per fistulam, sicut in fig. eadem litt. DD. videre est, quasi quadam habena, adduci discindique partes comprehensae valeant. Ceterum nihil forsan abs re alienum quoque fieret, si quis in fistulis ejusmodi occultis, non profundis sed ano vicinis, pro stylo sive filo hoc argenteo, jam jam descripto, syringotomum quendam, fig. 3. 4. 5. 6. 7. probe inflexum ad eas detegendas & incidendas adhiberet.

Quid fieri  
post opera-  
tionem de-  
beat.

XV. Sed quoque tandem modo vulnus inflictum, remotisque partibus induratis ac vitiatis expurgatum sit; sane, *ad perficiendam sanationem reliquam sequentia facere oportet*. Primo vulnus integrum linamentis carptis & panniculis contortis, quantum quidem fieri potest, exactissime impleatur: quo nempe commodius & ampliari fistulae sinus & expurgari postea queat. Si paulo gravior sanguinis profusio incidit, linamenta, quae primo loco inferuntur, pulverem aut liquorem, cohibendo sanguini accommodatum, contineant. Similiter ubi paulo profundior fistula est, glomera linea, quae in infimum fistulae sinum deprimuntur, filum robustius sive funiculum aliquem connexum semper habeant: namque hoc facto, verendum neutiquam est, ne, dum vinetura innovatur, linamentorum aliquid imprudenter intus relinquatur. Super linamentis multis triplex splenium imponatur: quorum primum seu infimum angustum quidem sit, sed longum tamen atque crassum; alterum paulo latius; tertium denique atque id supremum, fere quadratum; perinde scilicet, ac in procidentia ani proposuimus. Complatanis hunc in modum singulis, fascia T vel ex linteo, vel ex panno xylino confecta, firmiter ac decenter applicetur. Tum aeger lectulo imponatur, atque, si sanguinis copia est, vel si parum sub ipso opere sanguis fluxit, ne qua forte inflammatio superveniat, sanguis e brachio educatur. Neque autem facile ante diem secundum vel tertium deligatio prima resolvatur; nisi forte alvum deijciendi necessitas quaedam id flagitet. Ubi vero, quemadmodum fieri quam saepissime solet, inanis tantum desidendi cupiditas persentiscitur, satius omnino videtur, manum tantisper abstinere, quam protinus vineturam resolvere. Quoties autem cunque postmodum seria desidendi cupiditas est, resolvere vineturam convenit; quo & commodius exonerari alvus & a sordibus libera servari vinetura possit. Si quid forte stercoreis inter exonerandum in fistulam penetraverit, opera danda est, ut vel per spongiam cum vino calido adhibitam, vel & per linamenta sicca exactissime rursus extergatur; postmodum autem, ne vulneris orae justo citius coeant, sed semper bene pateant, linamentis carptis denuo & quam exactissime vulnus semper impleatur. Si quid autem forte ex callo sive partibus induratis vel corruptis in sequentibus deligationibus reliquum esse advertitur, ubi cumprimis fundus mali probe considerandus, linamenta carpta unguento digestivo cum admixta praecipitati rubri sive aegyptiaci portiuncula



la inungere convenit ; atque id ipsum per dies singulos tamdiu facere , donec penitus extirpatas esse vitiatas partes ex carne rubicunda ac sana deprehendimus . Reliqua enim , *que ad vulneris glutinationem pertinent* , negotia iisdem plane rationibus expedienda sunt , quas supra jam tum commendavimus . ( *vid. supra §. 9.* ) Ceterum primis quatuordecim post confectam operationem diebus quam maxime sollicitam adhiberi curationem oportet , *ne quis forte fistulæ sinus vitiosus non exploratus relinquatur* , neve ferrum ab iis partibus vitiatis temere abstineatur , quas rescindere vel aperire , propter ægri vel morositatem vel debilitatem , in prima operatione haud quaquam licuerat . Utique vero *fistulæ unum alterumve sinum nondum satis exploratum vel apertum superesse* , partim aspectus , partim specillum depresso demonstrant ; partim autem & quam maxime *materiæ profluentis tum copia , tum nondum immutatus & color , & odor , & habitus significant* . Simul atque enim satis purum vulnus est ; & jam tum ad sanitatem fistula spectat , materia minus copiosa profluere sensim incipit , eademque subalbida , modice crassa , & parum vel certe minus graviter olens . Itaque tum carnem undequaque incrementem , balsamicis remediis decenter nutrire paulatimque linamentis aridis tandem perficere glutinationem decebit . *Cibus denique in omnibus istiusmodi casibus dari debet parcus , temperatus ; idemque humidus ; neque facile , præsertim principio , permittendum , ut ægrotus præter iuscula cibi crassioris quicquam assumat ; ne qua forte cum egregia curantis molestia maximoque glutinationis impedimento , frequentior desidendi cupiditas iusto crebriorem vincturæ resolutionem postulet .*

XVI. *Fistulas complicatas vel cum carie vel cum ulcere vesicæ aut urethræ* difficillime curationem admittere atque omnem fere medelam respuere , jam supra asseveravimus . Interea tamen quando *vel os ischii vel coccygis carie vitiatum esset* , ulcus non solum satis dilatandum , ut liber ad locum læsum accessus datur ; sed deinde medicamenta quoque ad cariem tollendam propria gnaviter superdanda ; ubi inprimis essentiam aristolochiæ rotundæ quam valentissimam deprehendi , non neglectis intus remediis idoneis mercurialibus atque lignorum decoctis ad sanguinem a scorbutica vel venerea lue , quæ sæpe iuncta est , purgandum atque liberandum , donec tandem os vitiatum mundum sit atque fundus carne sana rursus contegatur , ubi postea ulceris reliqui , ut aliorum simplicium ulcerum glutinatio consuetis remediis perficitur . *Fistulæ , quæ cum vesicæ aut urethræ ulcere conjunctæ ceteris adhuc peiores sunt* , atque nullam ut plurimum curationem admittunt . Attamen si , præter modo laudata interna medicamenta , externe ulcus diligenter purgatur , & medicamentis balsamicis probe nutritur , vitia circa has partes , præsertim si non prorsus desperata sunt , in ægris ceterum adhuc valentibus ac robustis , subinde curantur , quæ aliis remediis vinci non possunt .

*Quid in fistulis complicatis agendum .*

XVII. Non sum equidem nescius , *multiplicia adhuc passim ab auctoribus , præsertim veteribus , ut HIPPOCRATE ( a ) , CELSO ( b ) , ÆGINETA ( c ) , ALBUCASI ( d ) &c. fistulas ani , tum ligatura , tum ferro candente , tum rodentibus denique medicamentis adhibitis , curandi artificia proponi , quæ* vero studio prætermisi ; quia tantum abest , ut hætenus propositis meliores existant , ut potius , quando rite inter se conferuntur , minus aptæ minusque convenientes censi jure merito queant ac debeant . Ceterum silentio neutiquam hic prætermittendum ; *alvi plerumque incontinentiam aliquam eos sentire quibus*

*Observationes quedam huc spectantes recensentur .*

*Heisteri Chirurgicæ Tom. IV.*

H

pro-

( a ) Lib. de fistulis .

( b ) Lib. 7. cap. 4. §. 4.

( c ) Loco supra citato .

( d ) Part. 2. cap. 80. qui nullum alium curandi modum novit , quam ustionem .



propter fistulam quandam propinquam *sphincter* ani vel nimis est erosus, destruetus ac debilitatus: quum tamen is in hominibus valentioribus & ubi minus erosus est, vel bis vel ter, ut supra jam dixi, vel pro re nata, sæpius etiam discindi, absque magno incommodo vel infirmitatis periculo, queat. Nonnunquam vel agroti ætas, vel imbecillitas, vel & ipsius mali gravitas, præsertim quando nimis alta aut profunda est fistula, quo minus institui operatio quædam possit, prohibet. Itaque tunc opera danda est, ut partim per injectos liquores purgantes, partim etiam per adhibita medicamenta lenientia ac balsamica identidem noxa cum doloribus mitigetur. Denique quo magis miseranda eorum hominum conditio est, qui fistulæ ejusmodi gravioris curationem sustinere coguntur, hoc magis profecto ridicula Gallorum quorundam stultitia videtur, qui olim, tametsi nihil minus quam ani fistulam senserint, tamen ut eandem cum rege suo LVDOVICO XIV. & noxam & curam experti viderentur, in ostentationem quasi & gloriam conversis molestiis, ut fistulæ ani curatio sibi adhiberetur, a chirurgis flagitarunt; teste quidem ac censore ineptissimi desiderii hujus gravissimo DIONYSIO, chirurgo Gallo expertissimo (a) Et sane,

*Spektatum admissi risum teneatis amici!*

Prudentia  
regulæ quæ-  
dam adhuc  
proponun-  
tur.

XVIII. Quandoquidem autem difficillimis utique chirurgorum operibus accenferi fistulæ ani gravioris curatio merito debet, operæ sane pretium fecerimus, sicubi cautiones quasdam hæsdemque ad emendandam rectiusque perficiendam fistularum ani curationem insigniter utiles, hic adhuc proposuerimus. Scilicet 1. ita incidere fistulam graviolem oportet, ut vulnus externum semper aliquando latius, quam imus fistulæ sinus vel fundus existat: liquidem, eo facto, ut in aliis, ita & in his curatius & purgari & felicius glutinari fistula queat. Imo vero ut hoc melius fiat, necessarium quandoque est, binis lineis, decussatim factis, partem vitiatam incidere, atque dein quicquid duri vel corrupti intus, ac præsertim in fundo fistulæ, esse deprehenditur, quam exactissime fieri potest, per admotum scalpellum aut forficem exscindere; nisi enim hoc rite fiat, fistula non recte curatur, & facile redit. Solet autem commodius atque tutius id ipsum quandoque perfici, ubi aut vossellam aut hamum, ad continendas partes ejusmodi alienas adhibuerimus: sic felicius postea rescinduntur. 2. Ne in dilatandis ope scalpelli hisce fistulis graviter intestinum lædatur, ita semper admoveere scalpellum convenit, ut non contra intestinum, sed contra ischii os sive extrorsum idem dirigatur. 3. Si fistulæ externum foramen ano haud propinquum, sed in mediis clunibus positum est, atque ita, ut sinus cuti proximus sit, paulatimque versus intestinum rectum procedat, oportet specillum quoddam sulcatum in imum fistulæ sinum deprimere, & ad ductum ejus, forfice aut scalpello admoto, cutem supra positam provide discindere. Vulnus deinde linamentis aridis probe repletur ac diducitur, alteroque die fistulæ natura probe exploratur: qua probe perspecta, reliqua deinceps eadem facienda, quæ supra hanc in rem præscripsimus. 4. Si jam tum exulceratum ac perforatum intestinum est, ut in completis esse fistulis solet, stylus aut capitulum specilli vel syringotomi, quicumque sit, non tam per osculum fistulæ internum quam potius ad duarum circiter linearum latitudinem per supra positam intestini partem integram deprimi in intestinum debet; quo nempe rectius rescindi, id quod in ore fistulæ interno induruit ac callosum est, valeat. Ubi vero per ipsum fistulæ os internum ferramentum penetravit, necessarium est; post concisum intestinum & sphincterem; ipsius quoque intestini partem fistulæ contingant induratum superiorem, circiter ad linearum duarum sive calami

(a) In operat. chirurg. suis, cap. de fistula ani,



lami straminei latitudinem forfice concidere . 5. Si forte aliquod vas sanguiferum simul est perruptum , quod multum sanguinis fundit , curvam acum , quæ filum ducit , si fieri potest , subter trajicere , eoque extremam vasis partem ligare convenit . Sin vero deligare venam haud licet , spleniolum e styptico liquore expressum super venam concisam imponatur ac per dimidiam quasi horam , donec crustam venæ induxit , digito probe deprimatur , expletoque postea vulnere glomeribus lineis fortiter contortis , impositisque desuper spleniis aliquot paulo crassioribus , solito firmior deligatio instituat ; insuper æger strenue conquiescat , & minister aliquis gnaviter aliquamdiu per impositam manum comprimere viæcturam jubeatur (a) . 6. Deligatione facta , quando forte post aliquot horas urinæ difficultas sentitur ; hortandus æger est , ne minus moderate urinæ reddendæ difficultatem istam ferat , quia hoc malum plerumque brevi sponte cessat . 7. Si venereum malum cum ani fistula conjunctum est , hæc non facile nec tuto curatur , nisi prius illud tollatur ; hoc vero sanato , sæpe fistula sine sectione curatur . 8. Quam ARNOLDVS , pro deligandis ani fistulis , excogitavit & commendavit fasciam singularem , atque diligenter & descripsit & communi fascia longe præstantiorem pronunciavit GARENGEOTIVS , eam quoque infra Part. III. de fasciis descripsi ; adeoque ea , si lubet , loco vulgaris adhiberi potest (b) . Tandem 9. ubi sensim glutinari vulnus incipit , turundam quandam ex linamentis carptis ad digiti magnitudinem confectam & pompholyge obductam , GARENGEOTIVS in anum deprimi jubet ; quo nempe felicius siccari sanescens plaga queat . Sed hoc sæpe non est necessarium ; quia plerumque linamenta arida , ulcere probe purgato carneque repleto , pro hoc scopo sufficere deprehendi . Utiles observationes de fistulis ani legi possunt apud DRANIVM obs. 82. 83. ad 86.

## C A P. XVII.

## De ani abscessu.

I. DE ani equidem abscessu breviter jam tum & quasi aliud agendo superiori capite differuimus . Interim quia primum fistulæ ani principium in abscessu juxta anum plerumque positum esse videtur , cognitaque probe hujus abscessus natura & curandi ratione dilucidius , quæ fistularum indoles earumque præservandi ac curandi ratio sit , perspicere licebit ; nihil utique abs re facturi nobis videmur , si singularem hoc loco de ani abscessu tractationem instituerimus .

*Instituti-  
tio.*

II. Solet autem duplex admodum esse abscessus hujus initium . Namque interdum subito , interdum sensim atque velut sine sensu idem nascitur , & furunculi speciem ille primo refert , mox celeriter increfcit , variaque vehementia symptomata & cumprimis dolores brevissimo tempore concitat . Initio tuberculum

*Ani abscessus qualem naturam ac differentiam habeant.*

H 2

lum

(a) Quia aliquando observatum est , vena sanguinem fundente non satis compressa , sanguinem quidem non per viæcturam & anum effluxisse , sed in intestina irruisse atque sic ægro mortem intulisse , vid. PALFIN. operat. chirurg. cap. 20 ; hinc , ne hoc fiat , probe attendendum .

(b) BASSIVS quoque peculiarem fasciam , & a vulgari paulo diversam , in laudata sua differentiatione delineat , quæ etiam hic commode adhiberi potest , præsertim si pars dependens magis sinuatur , & satis ampla sit .



lum aliquod acutum, fabam vel avellanam magnitudine vix adæquans, cum insigni quadam duritie sese ostendit. Circa istam duritiem, quæ profunde juxta anum ut plurimum sita est, rubedo quædam solet esse conspicua. Nonnunquam cutis externa erysipelatis sive ignis sacri tantum speciem exhibet, dum absque tuberculo rubet; sed tamen cum ita gravi inflammatione, ut nisi promptissime digeratur, vix dum elapsis quatuor & viginti horis, quandoque abscessus subortus esse deprehendatur. Similiter dolores ita sæpe graves hic existunt, ut cum febris sitim, vigilias; nauseam ac debilitatem egregiam, noxas denique alias similes inducant. *Alterum idemque tardius succrescentium abscessuum genus* mox fistularum nomine a nonnullis designari atque ut alii abscessus, tumore ac dolore plerumque se manifestare solet, qui vero tardius ad suppurationem tendit.

*Quomodo abscessus procedat.*

III. Sed quoque tandem modo subnatus abscessus est, sane materia corrupta post factam suppurationem elabendi viam aliquam pedetentim sibi parat, & tandem vel cutim juxta anum, vel intestinum perforat. Quod ipsum vero antequam fit, pinguedo propinqua ab intus hærescente materia acriori plus minusve exeditur atque in saniem convertitur; sinibus variis, iisdemque quandoque simplicibus, nervis & rectis, sed interdum valde magnis, tortuosis ac profundis hinc enascentibus, externamque tandem etiam cutem vel intestinum, vel utramque partem perumpentibus: idque nunc celerius, nunc tardius, pro varia scilicet materiæ intus collectæ indole sive natura. Ut proinde mirum haud sit, fistulas, ex abscessibus nasci solitas, alias aliis existere graviores.

*Ante operationem quid fieri debeat.*

IV. Ad abscessus hujusmodi curationem quod attinet, initio digerentia medicamenta fomenti vel cataplasmati forma adhiberi possunt; verum quia his raro malum curatur, & majus in manu quam in medicamentis hic ut plurimum præsidium est, ad scalpellum mature est confugiendum & sequentia sunt facienda. *Primo æger ejusmodi abscessu laborans eundem in modum disponitur*, quem supra in fistularum ani curatione (Cap. CLXVIII. §. 6.) indicavimus. Deinde digitus prope vel ipsum anum depressus quam solertissime partem vitiatam sive tumorem exploret corruptæque materiæ sinum intimum pervestiget, quantumvis etiam nullum factæ suppurationis signum externum sese ostendat. Quod si autem non nisi tumoris ac duritie sensus est, operam dare convenit, ut ad qualemcunque maturitatem prius materia hærens perducatur, quam ferrum corpori admovetur.

*Quomodo abscessus maturandus.*

V. Quemadmodum autem in quovis abscessu insigniter promoveri atque accelerari suppuratio per impositum cataplasma quoddam emolliens, quale esse potest de mica panis cum lacte & croco paratum, vel per emplastrum diach. cum gumm. suevit; sic maxima quoque semper hic necessaria cautio videtur, *ne, justo diutius relicto super partibus afflictis cataplasmate aut emplastro latius, quam decebat, suppuratio ad partes interiores procedat*, absumtisque partibus circumquaque positis, malum desperatum vel saltem longe vehementius ac periculosius efficiat. Igitur neutiquam expectandum hic est, donec materia intus comprehensa signum aliquod maturationis externum exhibeat, sed cataplasma potius post alteram tertiamve quamvis horam removendum, absterfaque cute, per utriusque manus digitos, alterum quidem in anum, alterum autem extrinsecus depressos, dispiciendum, num qua forte, huc atque illuc depressis partibus vitiatis atque inter digitos comprehensis, materia corrupta sive matura sese prodatur. Neque enim facile audiendi sunt, qui tum demum aperiri debere abscessum ani statuunt, quum plane jam maturuisse materia maligna persentiscatur, quia vicinas partes nimis destrueret.

*Quomodo aperiat.*

VI. Simulatque vero corruptæ atque intus collectæ materiæ signum aliquod sese ostendit, digito, qui depressus in anum est, intus relicto, tuberculum extrorsum versus cutem & ad latus ani propellatur, atque scalpellum vel phlebotomus per tuberculum medium ad usque locum istum, qui materiam continet, demit-



mittatur, elevatoque paululum ferramento, in subiectum vasculum aliquod conveniens sanies, cum qua plerumque hic etiam sanguis effluit, emittatur; partibus externis, ad propellendam materiam intus hærescentem, leniter undique compulsi.

VII. Materiæ portione, quanta quidem ad factam abscessus perforationem demonstrandam sufficit, emissa, scalpellum vel phlebotomus depressus ita recipiatur, *Quid fieri post perforationem debeat.* ut supra posita partes tumentes linea recta per eundem concidantur, atque vulnus paulo ampliatur. Eo facto, digitus aliquis, pro diducendo vulnere, in sinum vitiosum intimum demittatur atque cavum sive sinus ejus exploretur: deinceps super digito vel juxta digitum forfex aut scalpellum provide deprimatur, ductoque juxta anum secundum longitudinem ferramento, vulnus, quantum satis est, bene amplificetur. Denique ut ad fundum mali accessus melius pateat, lineis transversis quoque pars afflicta, si opus esse judicatur, indicatur, & quicquid forte præter naturam intus corruptum aut induratum deprehenditur, folerter excindatur, eadem prorsus ratione, quam ad fistulas supra commendavimus.

VIII. Ad deligationem vulneris hujus rite instituendam subsequentes, ut GARENGEOTIVS vult (a), necessariae sunt cautiones. Vulnus ante omnia tribus quatuorve turundis grandioribus lineis atque filum annexum habentibus, quantum quidem fieri potest, exactissime impleatur. Filum unumquodque vel locus, quem in externa vulneris ora idem nanciscitur, vel & singularis color a reliquarum turundarum funiculis distinguat, ne qua forte, vincturam resoluturi atque innovaturi, turundam, infimo loco positam, citius quam superiores extrahamus, itaque perniciosam aliquam sanguinis profusionem concitemus. Super ipsis turundis istis glomera linea copiosa imponantur, paululumque adducto, quemadmodum GARENGEOTIVS præcipit, imæ turundæ vinculo, efficiatur, ut quam exactissime singula glomera linea invicem sint conjuncta. Denique spleniis angustis variis ita supra datis, ut angustioribus latiora semper incumbant; fascia, pro deligandis fistulis inferius describenda, decenter injiciatur. Sed, ne quid hic diffimulem, non video, quare in simplici ejusmodi abscessu tanta copia turundarum fila trahentium, atque tam molesta, quam hic vult, deligatio hic adeo sit necessaria. Ego ejusmodi abscessus linamentis multis contortis, ut alios abscessus, probe repleo, atque superinjectis spleniis cum fascia usitata quam simplicissime deligo. In frequentibus deligationibus linamenta illa vi non evello, sed ulcus digestivo, quod vocant, unguento & emplastro diachylo foveo, atque donec sponte facta suppuratione excidant, exspecto, ita nulla profusio sanguinis facile hic metuenda. Postea abscessum, ut alias in abscessibus & ani fistulis moris est, purgo, ac tandem balsamicis glutino.

IX. Tandem ubi forte *amplior vena quadam*, simul concisa esse deprehenditur, necessarium utique videtur, vel venam ligare, vel si hoc fieri nequeat, eam superimposito spleniolo, liquore styptico imbuto & rursus expresso, digitis aliquamdiu donec sanguis conquiescat, comprimere; postea vulnus contortis linamentis magis implere, plura aut crassiora splenia superimponere, ac ministrum aliquem juxta hominem ægrum constituere, qui, superimposita manu gnaviter aliquamdiu eam vincturæ partem deprimat, quæ vasculi sanguiferi plagæ imminet, sicuti capite præcedenti jam indicavi §. XVIII. Vulneris autem glutinationem tametsi GARENGEOTIVS non descripserit, sed intactam reliquerit, ego ipsam eadem plane ratione, ac in abscessibus reliquis, vel & ani fistulis, instituere soleo. *Sæpe hi abscessus a venerea causa sustentantur, & fungi ac calli in iis oriuntur, ita ut sine usu mercurii glutinari nequeant, conf. DRANII obs. 84. & 85.*

X. Ce-



*Garengeotius censuratur.*

X. Ceterum, quod obiter hic circa finem doctrinæ de ani vitiis observatum velim, mirum utique videri poterat, GARENGEOTIVM quidem fistulas ani, ut nos, in *perfectas* & *imperfectas* dividere, earumque etiam notas tradere; attamen in curatione solum de perfecta agere, & *imperfectarum ac cæcarum curatione* silentio prorsus præterire: licet hæc haud minus quam illæ propria ac singularia artificia, imo adhuc subtiliora fere, desiderent, sicut ex præcedenti capite satis, ni fallor, videri potest. Ita etiam modum fistulas ani *complicatas* tractandi, quamvis non adeo insolentes ac raræ sint, prorsus prætermittit.

*Explicatio Tabulæ trigesimæ quintæ, quæ  
res ad fistulas ani pertinentes ob  
oculos ponit.*

Fig. 1. proponit & illustrat nonnullas fistulæ ani species, & litt. AA. indicant partem intestini recti: B sphincterem ani; CC fistulam ani perfectam sive, ut vulgo dicunt, *completam*; altero scilicet foramine extra anum, altero in sphinctere ani vel intestino recto; id est, cujus foramen alterum externum est, alterum internum. DD stylum flexilem seu filum argenteum, quo, tanquam habena quadam in fistulæ os externum per internum ac deinde per anum E trajecto, caro cum sphinctere inter utramque styli partem comprehensa, ad commodius partes incidendas, dissecandas, leniter adducitur. F fistulam *imperfectam* sive *incompletam*, quæ solum intus in intestino ad litt. G aperturam habet, exhibet. HH denique fili argentei duo extrema sive capita indicant.

Fig. 2. Instrumentum *instar acus magnæ* repræsentat, ex GARENGEOTIO mutuatum, planum, ex argento flexili fabrefactum: quod ad litt. A magnum habet foramen, ut funiculum transmittere possit, *quando quis juxta antiquorum morem fistulam ani per ligaturam discindere & curare*, vel alias linteolum ad modum setacei per vulnus aut ulcus aliquod traducere vellet. B indicat cuspidem, qua in fistula imperfecta intestinum perforari, eaque deinde per anum ex parte reflecti potest, pro toto fistulæ sinu incidendo. Per integrum ejus tractum sulcus conspicitur, quam ob rem etiam specilli sulcati officium, si opus est, præstare valet. NASIERVS in oper. chirurg. acum ejusmodi teretem, BASSIVS vero, dissertat. de fistula ani, planam & sine sulco in finem fistulas ligandi & incidendi delineant atque commendant: quibus etiam loco hujus in incidendis fistulis ani commode uti possumus.

Fig. 3. *Peculiaris syringotomi species est*, quam quoque GARENGEOTIVS lib. de Instrum. Tom. I. pag. 337. ex parte, sed non totam delineavit. Litt. AAA partem concavam & acutam sive secantem indicant: BBB dorsum obtusum & convexum; CD stilum sive specillum argenteum, eumque facile flexilem, qui incipit ad litteram C & terminatur in apice D. Pars, quæ litt. EE designatur, & in unci modum reflectitur, pro habena sive manubrio est, ut ejus ope facilius fistulæ præsertim duriores, discindi queant. F denique locum ostendit, ubi ego hoc scalpellum syringotomum finiri curavi, demta parte DF, eoque commodius sectionem perfeci, quam si integram hic indicatam longitudinem habet.

Fig. 4. 5. 6. & 7. ex vulgatoribus & antiquioribus syringotomis nonnullas species











cies ostendunt , majores & minores , magis vel minus inflexas ; apice vel obtuso vel acuto donatas , pro fistularum diversitate usurpandas : in quibus litt. A B partem scindentem ; B C stylum teretem & flexilem ; C apicem , DD vero dorsum convexum & obtusum indigitant .

Fig. 8. *Scalpellum syringotomum* a BASSIO primum delineatum , repræsentat . AAA scalpelli quasi falcati partem acutam ; BB stylum flexilem argenteum ; C ejus apicem ; DD manubrium demonstrant .

Fig. 9. 10. 11. 12. & 13. ferramenta sunt quæ RVNGIVS , chirurgus Bremensis , in his fistulis quibusdam curandis mihi commendavit : & speciatim figura 9. species est *specilli sulcati* , peculiari manubrio instructa : ut A B specillum sulcatum , oblique inspectum , C D manubrium ; E vero locum , ubi basis specilli singulari ratione in proprium usum inflexa est , designat .

Fig. 10. *Specilli hujus partem cavam* sive sulcatam directe ostendit .

Fig. 11. lit. A B amplum canalem sistunt , in sectionibus harum fistularum in anum demittendum pro scalpelli fig. 13. cuspide & acie suscipienda , ne facile intestinum lædat ; C B ejus manubrium in contrarium sensum flexum .

Fig. 12. hunc canalem , quando directe a concava parte inspicitur , demonstrat , ut ejus amplitudo rite conspici queat .

Fig. 13. *Scalpellum* est rectum , longum & angustum , quod per sulcum specilli fig. 9. usque in sulcum canalis fig. 11. immittitur , eoque fistulæ meatus inciditur .

Fig. 14. *Stylum* sive *filum argenteum flexile* , atque nunc ita inflexum ac dispositum , ut pars flexa A in fistulæ os internum per intestinum immitti queat , pro situ fistulæ F fig. 1. commodius & certius incidendo , demonstrat .





## P A R T I S I I.

## S E C T I O VI.

*De manuum atque pedum vitiis, eademque curandi artificiis.*

**T**AMETSI, qualia manuum atque pedum vitia incidere soleant, quibus item modis curari pleraque illorum debeant, satis jam tum ex iis, quæ de curationibus noxarum corporis chirurgicis univérse supra Par. II. Sect. I. proposita sunt, pateat; tamen haud abs re fecerimus, sicubi seorsim hic in manibus adhuc cum de *paronychia*, tum etiam de *ganglio* & *tendinum sutura*, de quibus hætenus actum non est, explicaverimus.

## C A P I.

*De paronychia seu panaritio.*

*Vitii hujus  
indoles quæ-  
nam sit.*

I. **P**aronychiam seu panaritium dum appellamus, intensissimum eumque graviter rodentem dolorem istum designamus, qui digitorum phalangeas & cum primis apices sive extrema eorum, cum sensu pulsationis acerbissimo & quandoque simul æstu sive calore præter naturam infestare consuevit. Digni fere semper tunc intumescunt, sed interdum tamen absque tumore dolor est: quando forte malum altius circa ossa hæret. Nonnunquam dolores hi a digitis ad ipsum usque cubitum vel humerum etiam penetrant, ob nexum digitorum cum his partibus per flexores musculos. Interdum leves aut mediocres, interdum autem usque adeo graves atque intolerabiles iidem existunt, ut noctes non minus quam dies absque somno transigere cum fletu & lamentatione miserabili homines cogantur. Quin imo haud prorsus insolitum, est, homines, præcipue molliores, ita mirifice a paronychia cum doloribus discruciari atque exerceri, ut febrem, animi deliquia, convulsiones, æstum vehementem ac deliria, cum gravissima brachii inflammatione, abscessu vel sphacelo, quin &, nisi opportunum accesserit auxilium, vitæ quandoque periculum sentiant.

*Quotuplex  
paronychia  
sit.*

II. Quandoquidem igitur, pro varia istarum partium, quæ affliguntur, conditione, nunc gravior, nunc mitior esse paronychia solet; mirum non est, varias a Medicis paronychiæ species constitui. GARENGETIVS (a) equidem, in explicanda vitii hujus indole & curatione diligentissimus, quatuor admodum, GOVEYVS (b) quinque paronychiæ species posuerunt. Nos autem, probe consideratis atque expensis singulis, triplicem imprimis noxæ hujus speciem vel differentiam constituendam esse arbitramur. Prima species est, si nonnisi cutis aut pinguedo in exteriori vel interiori digiti parte, vel etiam sub ungue vel juxta eundem posi-

(a) In *Chirurg. operat.* cap. de panarit. Tom. 3. pag. 283.

(b) In lib. qui *chirurgia vera* ( *chirurgie veritable* ) inscribitur, pag. 307.



posita, vitium continet. Quo equidem in casu graves utique, sed tamen non usque adeo intolerabiles dolores & noxas ægri perferunt. *Altera species est, si digiti periostium affligitur, inflammatur vel arroditur*: atque tum homines ægri gravissimis, ut plurimum, sed tamen hoc semper gravioribus noxis atque doloribus discruciantur, quo gravius quam maxime tenera & sensibilis tunica ista afficitur. *Tertia eademque vehementissima ac pessima paronychiæ species mihi est, si nervæ tendinum flexorum involucria, vel ipsi tendines, digitis flectendis destinati, vel denique juxta illos positi nervi calamitatem hanc sentiunt.* Namque tum, propter & cruciatus intolerabiles, & supervenientia mala gravissima, miserabiliter admodum cum ægrotis agitur.

III. Ad veram eandemque proximam paronychiæ causam, quod attinet, *Paronychiæ ista, meo quidem judicio, ab hærente sive stagnante ibidem inspissato sanguine, causa quæ indeque suborta partium juxta positarum inflammatione*; repetenda esse videtur: *fit.* id quod æstus & pulsus in parte affecta manifeste indicare videntur. Nasci autem cum sanguinis inspissatio, tum digiti inflammatio solet partim a causis internis, quales sunt sanguinis cruditas atque acrimonia, partim etiam a variis casibus externis, ab aciculis puta, spinis seu festucis in digitum depressis variis, nec non a contusione, contritione rebusque id genus aliis quamplurimis, quo graviter itaque læsio, vel inflammatio hic existit, quo item sensibiles magis partes affliguntur, hoc magis quoque molesta atque perniciose paronychia sit, necesse est. Neque vero inter Medicos deesse nonnulli ferunt, qui, digitis ejusmodi male affectis incisis, *vermes in conspectum prodisse memorent*, qui causa horum malorum fuerint: atque hæc ratio videtur, quare Germani *vermis digitorum* nomine variis in locis hunc morbum designare sueverint.

IV. Ad signa primæ speciei quod attinet initio digitus, præsertim ubi malum hæret, leviter cum duritie quadam, sed absque doloris tamen, saltem fortioris sensu, tumet. *Mox rubedo cum inflammatione atque doloribus sese ostendit.* Denique vero mala supra memorata paulatim superveniunt. Quanquam autem mirifice tumor increfcit, dolores tamen cum noxis supervenientibus reliquis adhuc tolerabiles plerumque existunt, neque ultra digitum afflictum facile sese extendunt: quod contra sese habere in ceteris paronychiæ casibus sive speciebus solet. Materia vitiosa ut plurimum ita parum alte insidet, ut conspicua tandem haud raro oculis sese subjiciat. *Quo autem propius ad periostium digitorum vel tendines inflammatio penetrat*, hoc magis quoque intensi dolores fiunt, ita, ut universum quandoque brachium occupent, fereque continuas, præsertim apud homines molliores, vigilias inducant.

V. *Altera paronychiæ species a priore in eo differt*, quod ægri vel in apice digiti, vel & in universo digito, cum æstu egregio, febre, vigilia, convulsionibus, quin & interdum cum delirio dolores intensissimos perferunt. Tumoris atque inflammationis parum aut nihil sese ostendit: neque dolores ad internam brachii condylum penetrant; quod ipsum tamen fieri in tertio paronychiæ casu consuevit.

VI. *Tertium denique paronychiæ genus his fere signis cognoscitur.* Tumor vel modicus est, circa digiti apicem, vel & plane nullus; si præsertim tendinis involucri sive vagina interius magis, quam exterius ab inflammatione infestatur. Dolores e contrario ita graves sunt atque intolerabiles, ut, quo se vertere homines debeant, nesciant. Neque vero tantum digitus affligitur, sed universam quoque manum, carpum item, & imprimis eam partem, quæ sub ligamento manus transverso atque annulari juxta carpum manus posita est; quin & universum brachium ad usque internum ossis humeri condylum istum, a quo muscoli digitorum flexores procedunt; vel & quandoque ad summum usque humerum do-



lor pervadit, fereque continuas vigilias cum febre & nervorum distentionibus inducit. Si quid forte materiæ corruptæ in tendinis involucri hæret, juxta digitos quidem parum aut nihil tendo, propter duram & compactam ejus substantiam, intumescit; sed tamen circum articulos digitorum tumor modicus emergit. Manus paulo magis quam digiti, sed minoribus tamen cum doloribus, tumet. Cubitus denique cum humero ita mirifice quandoque intumescit, ut, GARENGEOTIO teste, femoris amplitudinem quandoque adæquet.

Exitus paronychiæ.

VII. Exitus paronychiæ, pro varia illius conditione, proque varia noxarum conjunctarum gravitate, varius esse consuevit. *Prima mali species* (n. 4.) parum plerumque periculosa est. Interim ubi partes sub vel circa unguem positæ paronychiam sentiunt, unguis ut plurimum, & cum doloribus satis intensis, a digito tandem recedit. Si non nisi juxta alterutram unguis partem vitium est; unguis dimidiis proximis plerumque resolvitur. Quodsi autem materia vitiosa vel sub ipso ungue hærescit, vel tendinem quoque digiti aliqua ratione infestat, mirificis, plerumque doloribus ægri exercentur. Aliquanto gravius ii affliguntur, qui *alterius generis paronychiam* experiuntur. Siquidem apud hos & dolores & noxæ ita plerumque mirifice ingravescent, ut, nisi opportuna curatio accesserit, *mortis quandoque, ut nonnulli perhibent, periculo ægri exponantur*; quamvis tamen raro malum, quantum ego saltem vidi, eousque ingravescat. Nonnunquam post inflammationem hanc & subsequentem suppurationem *caries quedam digiti ossa invadit*; quemadmodum aliquoties ipse vidi. Atque extremi quidem articuli os, ubi forte arrosus est, citius totum sive integrum, utpote minutum, excidere, quam abscedere a sana pars corrupta solet. At enim vero *quam maxime graviter periclitari isti homines consueverunt, quos tertium idemque perniciosissimum paronychiæ genus infestat*. Dolores enim, si præsertim gravis aliquis abscessus aut gangræna simul incidunt, ita plerumque crudeliter cum febre, brachii item tumore atque inflammatione, noxisque hujus generis aliis, miseros homines diseruciant, ut, nisi optimus corporis habitus sit, promptissimumque auxilium adhibeatur, miserabiliter iidem, teste GARENGEOTIO (a), conficiantur. Si quis forte abscessus in brachio, præcipue juxta musculum radii quadratum, sub ligamento annulari exoritur, id sibi datum chirurgus existimet esse, eodem GARENGEOTIO auctore, ut vel ægri amicis, vel & quibuscunque aliis personis præsentibus, declaret, absque adhibito ferro sanescere hominem neutiquam posse; quin & verendum omnino esse, ne digitus afflictus, utut feliciter confecta curatione, naturalem sese flectendi facultatem perdat. Fieri enim haud raro solet, ut chirurgi negligentia aut imprudentia postea ab ignaris vel malevolis tribuantur, quæ ex ipsius morbi gravitate pronata forte sunt corporis vitia.

Curatio r. per medicamenta.

VIII. Ad paronychiæ curationem quod attinet, GARENGEOTIVS equidem, nulla medicamentorum facta mentione, mox scalpellum proponit. Ego vero satius atque prudentius esse existimo, curationem, sicut in aliis morbis, secundum HIPPOCRATIS præceptum (b), per medicamenta prius hic tentasse, quam ferrum, a quo plerique tantopere abhorrent, protinus in manum sumsisse. Atque id magis etiam ideo, quod experientia constat, non in aliis tantum ejusmodi malis, sed in ipsa quoque paronychia satis quandoque feliciter, cum ad diluendum ac digerendum sanguinem inspissatum ac quiescentem, tum ad mitigandam inflammationem medicamenta proficere, ægros autem plerosque fere omnes insigniter scalpellum in parte adeo dolente horrescere. Solet autem quam commodissime sanguis stagnans una cum inflammatione temperari, sicubi digitus afflictus identidem & per aliquot horas continuas in spiritum vini bonæ notæ,

(a) In operat. chirurg. loco cit. nam apud nos raro tam vehemens observatur.

(b) Sect. VIII. aphor. 6.



*ta, vel etiam camphoratum calidum, cui theriacae aliquid admixtum est, demittitur. Similem virtutem præstat lac cum allio, vel & simul cum herba fabinae scordiique manipulo decoctum: siquidem digitus vel continuo in liquorem istum calidum deprimitur, vel & linamentis, eodem liquore madentibus, frequentissime involvitur. Academia scientiarum Parisina aquam communem fervidam hunc in finem laudat, si digitus afflictus sæpius ei per exiguum temporis spatium immergatur (a). Alii suadent, ut asa fætida, ad instar emplastri, sed largiter tamen linteo inducta, calida identidem super partem afflictam imponatur. Rursus alii, tunicam tenuem atque albicantem ex ovo cocto eadem ratione adhiberi cum profectu posse, certo experimento statuunt. RIVERIVS auctor est, feliciter ut plurimum sanari paronychiam posse, si digitus vitiatus aliquamdiu in aurem felis immittatur; haud neglectis interim in usu omnium horum remediorum, si febris atque inflammatio vehemens adsunt, medicamentis internis, his contrariis, atque opportuna sanguinis per venas detractio. Si quid forte perficere hætenus proposita sentiuntur, tamdiu continuari curatio illa debet, donec dolor repressus sit, ac pristino vigori suo restituti esse digiti advertuntur. Ubi vero justo serius ad curationem hanc proceditur, vel & ubi forte usque adeo nihil isthæc omnia, quæ hætenus præscripta sunt, efficere deprehenduntur, ut jam tum ad suppurationem spectare pars ægra videatur, longe quidem optimum sanitatis præsidium in ferro positum est. Interim, quia ægre admodum, ob vehementioris doloris metum, ægrotantes scalpellum admittere solent, haud abs re fuerit, in mitiori vel primi generis paronychia, pro maturanda suppuratione, emplastrum diachylum cum gummis, simileve aliud, tamdiu superimponere, donec & materiæ vitiosæ locus magis conspicuus fiat, & minori cum dolore pars afflicta scalpellum suscipiat. Verum enim vero si secundi vel tertii generis, hoc est, multo gravior paronychia quædam digitum infestat, cunctatio omnis periculosa est; propterea quod digitorum peristitium & ossicula brevi a materia maligna eroduntur, eoque facto, non dolores tantum graviores, sed vel abscessus quoque grandiores, cariem, vel gangrænam universi brachii gravissimam, una cum præsentissimo mortis periculo, quandoque sentire homines ægri coguntur.*

IX. Quo autem felicior institui paronychiæ curatio queat, operæ utique præmium est, qualiter comparatum malum sit, ante omnia considerare. *Sicubi enim mitis admodum sive primigeneris paronychia incidit, neque alte malum penetravit, quam facillimo negotio institui curatio poterit. Simulatque enim materia quædam purulenta in parte læsa, ad instar alicujus tuberculi sive bullulæ se ostendit, chirurgus binis digitis, utrinque juxta partem afflictam positis, cutem paululum intendat, admotoque scalpello dividat. Siquidem hoc facto pus effluit ac feliciter deinde & sua velut sponte digitus ut plurimum sanescit. HILDANVS Centur. I. obs. 97. tutissimum atque promptissimum paronychiam curandi modum sequentem, quem sæpe felici cum successu tentavit, tradit. Primo equidem digitum lacte vaccino, in quo flores chamæmeli, meliloti, seu fœnigræci & cydoniorum cocti sunt, aliquamdiu fovet. Deinde superficiem cutis (ubi dolor) paulatim difsecat. Abrasa cute, maculæ quædam rubicundæ apparebant, quibus scalpello incisis, guttulam unam aut alteram aquæ rufæ sub cute invenit. Illa evacuata, linteum madefactum aqua vitæ, ubi nonnihil theriacæ dissolutum erat, applicuit. His statim sedatus est dolor; atque hoc unico remedio altero die sanatus fuit digitus.*

X. *Si juxta unguis radices aut sub ungue, aut juxta ejus latera vitium nascitur, tum is vel totus, vel quædam saltem ejus pars communiter interit. Quod si igitur sub ipso ungue materia purulenta dilitescit, partesque propinquas*

*Primi generis paronychiæ qualis operatio adhibeatur.*

*Curatio paronychiæ juxta unguem.*



alias cum inflammatione atque doloribus intensissimis corrumpit, tum, ceu rectissime SOLINGIVS (a) cum chirurgis aliis præcipit, opera danda est, ut quam primum ista unguis pars, sub qua materia perniciofa hærescit, vel rescindatur, vel incidatur, expressaque materia ista, vulnus per adhibita linamenta carpta, spiritu vini vel aqua calcis madentia, decenter glutinetur.

Curatio paronychiæ si paulo altius materia infidet.

XI. Sicubi forte paulo altius *sub cute posita esse materia noxia deprehenditur*, molestum quidem, sed promptum tamen auxilium est, protinus plagam aliquam in loco, ubi materia hæret, per admotum scalpellum instituere, per quam materia maligna educatur. Id enim nisi fit, maximum utique periculum est, ne citius officula propinqua exedantur, quam cutis externa, eademque crassior & plerumque etiam durior, a pure perumpatur. Oportet igitur, si sustinerè operationem ægri nolunt, quam graviter ipsi, & citra omnem quidem chirurgi culpam, periclitentur, ostendere; sed interim tamen, cum ad maturandam, tum etiam ad evocandam materiam alienam intus congestam, emplastrum diachylum cum gummis, tanquam egregium & præstantissimum quasi maturans, diligenter imponere. Si, eo facto, cutis externa rumpitur, quemadmodum fieri quandoque solet, ampliari quodammodo plaga ista debet, si nimis angusta, gnauiterque expurgata per adhibitum unguentum digestivum, aut balsamum ARCÆI calidum, cui spiritus vini aliquid admixtum est, foveri, supra datis emplastro modo laudato & fasciis. Sin vero operationi chirurgicæ manum suam æger submittit, faciendæ sunt sequentia. Primo digitus afflictus super mensa sive tabula sic deponatur, ut ea pars, quæ vitium continet, sursum spectet. Deinde unus alterve homo robustus gnauiter manum vel brachium ægrotantis continere jubeatur, ne qua forte, propter intensos illos, qui persentisci in sectione communiter hic solent, dolores, retracto brachio, chirurgus in opere suo impediatur, aut alia pars sana graviter lædatur. Tum chirurgus scalpello quodam valido atque acuminato in partem digiti afflictam mediam, ad usque ipsum os ita deprimat, ut, cute cum subjecta pinguedine ad extremam usque digiti apicem concisa, profluere sanguis stagnans sive materia corrupta, quantumvis etiam parum ejus quandoque intus sit, queat, eoque facto, digiti os fartum tectumque a vitio persistat.

Curatio paronychiæ secundæ generis.

XII. Sicubi secundæ generis paronychia digitum infestat, *erosoque perioostio, juxta ipsum digiti os materia noxia hærescit*; tum eadem quidem facere convenit, quæ ad primum paronychiæ genus modo n. xi. præscripsimus; sed maximo tamen opere simul providere, ut ad ipsum usque os ferrum penetret, ibidemque hærescentem materiam alienam educat. Quanquam autem parum, imo vero nihil quandoque materiæ hujus in conspectum prodeat; quia quandoque paucissima est; tamen haud infeliciter expeditam operationem esse; exinde colligitur, si a confecto operationis negotio pristini dolores paulatim sese remittunt. Ad vulneris modum quod attinet, observatione dignum est, existere quidem in chirurgis aliquos, qui ad alterutrum semper latus, neutiquam autem ad mediam articulorum extremorum in digitis partem scalpellum admovendum esse statuunt; ne qua forte muscoli perforantis tendo, qui huic inseritur scalpello lædatur. At enim vero frustraneam utique esse illam cautionem, partim exinde manifestum est, quia iste tendo ad mediam aut ultimam articuli extremi partem neutiquam pertingit, sed in prima statim ejus parte desinit; partim quia usus docuit, digitum hic tuto incidi posse. Eundem tamen lateralem vulneris infligendi locum, utut nullis additis rationibus, GARENGEOTIVS quoque diligenter observandum statuit, simulque præcipit (b), ut in opposito statu digiti

(a) Chirurg. P. IV. cap. 8.

(b) Loco supra citato.



giti latere vulnus infligatur, sicubi, post incisum latus alterum, nondum mitigati esse dolores sentiantur: atque id magis etiam ideo, quia cruciatus ab operatione confecta superstites nondum veram vitii sedem apertam esse, significant. *Ego vero sic omnino velim habeatur, salutariter utique vulnus in alterutro digiti latere fieri, quoties inibi tumor aliquis cum doloribus existit, vel & quoties in secundo tertiove atque manui proxime digiti articulo, ut quandoque fit, vitium se ostendit; contra vero plagam rectius in mediis digitorum apicibus institui, quotiescunque universum digiti articulum istum noxa infestat, atque sic materia vitiosa potissimum in medio hæret. Nam præterquam quod ægri haud facile admittant, ut utrumque digiti latus incidatur, si una sectione res expediri potest; chirurgus quoque haud gloriosum est, duas ægro infligere plagas, quando unam sufficere & ratio & usus docuerunt.*

XIII. Vulnere hunc in modum instituto, fluere aliquantisper sanguis imo & diligenter exprimi debet. Deinceps vulnus linamentis carptis impletur, super datis emplastro diachylo, splenio item crucis melitensis formam habente spiritu-  
*Post operationem quid fiat.*  
 que vini calido madente, tandemque fascia, digitorum noxis accommodata. *Ubi postero die deligatio prima resolvitur, fere semper hic carnis spongiosæ portiuncula quadam ex vulnere prominet, imperitisque metum aliquem periculi hic latentis injicit; quum tamen nihil mali denotet & facili negotio, vel per admotum forficem, vel per exedens remedium, vel per adhibitum quoque unguentum digestivum cum medicamento leniter rodente, tuto extirpari eadem possit. Eo facto, vulnus eadem ratione, qua fieri illud in ossium vulneribus solet, per adhibitam myrrhæ vel succini essentiam vel & per balsamum peruvianum decenter glutinatur. Si jam tum arrosus esse ipsum os advertitur, linamentis carptis, essentia myrrhæ vel aristolochiæ rotundæ madefactis, implere vulnus atque tamdiu his apertum servare conveniet, donec id, quod arrosus est, sensim ab osse reliquo resolvatur; vel &, quod fieri sæpius solet, officulum integrum elabatur. Namque tum demum rite glutinari per hætenus proposita medicamenta ac denique per linamenta arida vulnus poterit, quod osse haud mundato non contingit.*

XIV. Quibus porro modis sanari paronychia debeat, *si in vaginis sive involucris tendinum flexorum digitorum materia maligna hærescit*, id quo raro contingere mihi videtur, primus, quantum ego equidem scio, GARENGEOTIVS publico in scripto proposuit. Fere sequentia autem facere idem præcipit (a). Primo tumor iste modicus, qui cum subter delitescente materia liquida seu purulenta plerumque circa digiti apicem sese Medico, ægrotanti vero per acutissimos dolores ostendit, per admotum scalpellum quoddam directum, secundum longitudinem ita concidatur, ut in ipsam usque tendinis vaginam plaga penetret. Facto foramine isto, lympa quædam, cum egregio dolorum lenimento, profluere asseverat; mox autem, pergit, præter omnem spem atque opinionem, noxas pristinas una cum doloribus redire. Interdum materiam istam noxiam, involucri tendinis parte extrema & item cute externa perruptis atque exesis, sua velut sponte, nulloque instituto vulnere effluere, atque tunc ægri eandem esse conditionem, quam modo indicavimus. Juxta foramen illud, per quod humor exit, carunculam quandam valde sensibilem nasci, quæ continuo ab humore quodam, e manu ad digitos defluente, maderet. Igitur specillum, ait, quoddam sulcatum per modo dictum foramen ita deprimi in tendinis involucrum debet, ut ultra primam angustiam procedat. Eo facto, forficis aut scalpelli subsidio gnaviter quicquid carnis super specillo positum est, incidatur. Namque tunc in intimo partis vitiatæ sinu materiam quandam crassam atque inspissatam sese ostendere asseverat.

*Tertii generis paronychia quomodo curetur.*

(a) Loco antea citato.



rat . Si , hoc facto , nondum vera noxæ sedes in conspectum prodit , denuo & specillum deprimi , & cetera , quæ jam jam præscripsimus , fieri tamdiu debent , donec ipse mali fundus sive sedes detegatur . *Si circa mediam digiti partem , hoc est , in media digiti phalanga , intimus paronychiæ sinus existit , tendinisque vagina ad mediam usque articuli primi partem est incisa , PETITVS auctor est , ut circiter ad trium vel quatuor linearum amplitudinem : in ipsam manum usque , sectio continuetur , ad constrictionem sive strangulationem , quam reliqua vaginæ tendinis pars circa digiti extremum hic concitat , ubi adhuc valde dura , robusta & quasi cartilaginea est , solvendam ; quippe quæ in manu , qui mollis ea est atque membranaea , fieri amplius non posset .*

Curatio paronychiæ , si ad manus usque vitium penetravit .

XV. Si ad membranaceam usque vaginæ tendinis partem , qualis in ipsa manu est , vitium penetravit , vel & subter ligamento manus transverso atque annulari ad cubitum idem processit , *positaque super musculo radii quadrato pinguedo copiosa in materiam purulentam degenerare jam tum occæpit* , necessarium utique est , sensim sensimque specillum in abscessu ligamentum transversum versus blande promovere , carnemque supra positam concidere , ut ad ipsum tandem ligamentum modo dictum perveniatur . Ad quod ubi perventum est , ne justo plæ extensæ sint partes inibi positæ , inflectere paululum manum ægram decebit , depressoque subter ligamento specillo , cutem cum subjecta carne eo loco perforare , ubi extrema specilli pars actu percipi potest . Facto foramine isto , eoque satis ampliato , tendines atque musculi circa carpum , quantum quidem fieri potest , providissime resolvantur : siquidem sic paulatim in conspectum abscessus prodit , atque satis magnam quandoque materiæ purulentæ copiam effudit . Hoc facto , non sine ratione THIBAVTIVS , Chirurgus Parisinus olim clarissimus , sicut GARENGEOTVS refert , suavit , ut , qualiter fieri in fetaceo solet , funiculus aliquis per viam , a specillo demonstratam , ducatur : siquidem hac ratione sat feliciter evocari paulatim sub deligationis innovatione materia intus collecta perniciofa ulcusque simul purgari solet , integro servato ligamento illo . Quod si autem ne sic quidem dolores cum febre noxisque ceteris sese remittunt , tum , PETITO quidem auctore , longe optimum idemque promptissimum auxilium est , protinus eum tendinem , qui præ ceteris vitiatum est , super ligamento leniter intensum , circa partem musculosam discindere : siquidem , eo facto , quam celerrime ut plurimum dolores remittere , felicissimeque ad sanitatem pristinam ægros homines redire , asserit . *Simile quid fieri cum ipso ligamento transverso posse , imo debere , si jam tum a materia purulenta atque inflammatione idem infestatum esse deprehendatur , ita ut acutos dolores concitet , sat felicibus ARNALDI , Chirurgi quoque Parisini olim præstantissimi ; experimentis in exemplum propositis ; idem docet atque existimat . Porro si sub ligamento transverso non satis commode transmitti specillum possit , vulnus aliquod facere arteriam radialem inter & musculi sublimis profundique tendinem oportere , eodemque prudenter ampliato abscessum pervestigare , atque intus collectam materiam vitiosam emittere , decebit ( a ) .* Insigniter autem ad instaurandam sanitatem id ipsum artificium proficere . Itidem manifestum est ex ARNALDI experimento ; refert enim GARENGEOTIVS , hominem , cujus malum ita desperatum hic visum fuit , ut chirurgorum alii brachium rescindendum , alii præsentissimum mortis periculum pertimescendum esse judicaverint , *dissecto ligamento transverso , mirum quantum feliciter atque celeriter hac ratione a jamjam laudato ARNALDO pristinae sanitati fuisse restitutum .* Sed quam maxime tamen necessaria hic esse illa cautio censetur , ne qua forte sub ipsa operatione , neve paulo post eandem manus

( a ) Hoc in loco ego aliquando gravem abscessum juxta arteriam radiæ aperui ; qui verò cum digitis nullam communicationem habebat .



*nus extendatur*. Quemadmodum enim, manu aliquandiu inflexa persistente; feliciter ut plurimum ligamenti vulnus rursus glutinatur, & manus motus restituitur; sic e contrario, imprudenter extensa manu, periculum maximum est, ne qua forte tendines, sub ligamento isto positi, turbata positura naturali profiliant atque hoc ipso motus manus indecenter corrumpatur.

XVI. Operatione hunc in modum confecta, proximum est, ut ad deligationem procedatur. Debent autem, *si tendinum vagina deoperta sunt*, ad rite eam instituendam, fere subsequenter fieri. Primo glomera ex linamentis carptis siccis confecta quamplurima, & ea quidem satis longa, utrinque juxta tendinem ita deponantur, ut diligenter compressa supprimendo sanguini inserviant. Quodsi autem forte, *vasculis sanguiferis aliquanto amplioribus incisis*, ita vehementer sanguis ex manu prorumpit, ut eidem supprimendo linamenta sola haud sufficiant, vinciri vasculum istud, *filo cum acu curva subter trajecto*, decebit. Neque enim tuto satis hic applicari pleraque medicamenta, cohibendo sanguini alias accommodata, utpote acria ac rodentia, tendinibusque noxia possunt. Super manum atque cubitum *cataplasmata emollientia* sive demulcentia & quam maxime quidem calida, imponantur, diligenterque per adhibitam *octodecim capitum fasciam* (Tab. IX. fig. 4. BB) deligentur. Utique vero fasciam hanc longe præstantiorem his fasciis longis existere, manifestum exinde est, quod, isthæe adhibita, absque omni partis afflictæ commotione atque extensione, innovari, quoties opus est, deligatio queat. *Ad deligationem denique rite instituendam* hæc adhuc necessaria observatio videtur, ut nimirum integra hujus fasciæ pars loco vulneri opposito applicetur: sic enim exactius contineri ea, quæ super vulnus imposita sunt, ab injectis fasciæ capitibus possunt.

*Deligatio  
quomodo fieri  
debeat.*

## C A P. II.

## De Ganglio.

I. **G**anglium vocari hodie apud Medicos solet tumor aliquis durus atque mobilis plerumque, qui cum in interna tum in externa carpi superficie, ut plurimum juxta musculorum tendines aut ligamenta manus (a), sed tamen absque magna hominis molestia aut dolore nascitur. Germani *Oberbein* (hoc est *hyperostofin*) vitium illud nuncupant, vel quia tumor iste super ossibus plerumque nascitur, vel & quia ossis aliqualem quandoque duritiem fere habet. Quamquam autem ganglii & tumorum tunicatorum (vid. supra Cap. XXVIII. pag. 478.) egregia similitudo est, ita ut a CELSO etiam ad illa relatum sit, tamen illud ab his in eo potissimum differt, quod in manibus fere tantum hodie ejusmodi tumor ita appellatur; quum e contrario tumores ita dicti tunicati quascunque corporis partes alias infestant. A nonnullis tamen etiam adhuc hodie tubercula similia dura & mobilia in ossibus capitis, præsertim frontis, hoc nomine designantur. Conf. dissert. de Ganglio, quæ Altorfii A. 1717. prodiit.

*Ganglii natura qualis sit.*

II. Ad causam ganglii quod attinet, nasci ut plurimum idem videtur ab humoribus crassis atque inspissatis (b), qui propter ietum, lapsum, contusionem, distortionem, luxationem similemve aliam violentiam externam, in tendinibus

*Causæ.*

seu

(a) Apud veteres ganglium inter capitis tubercula relatum est: vid. Celsus Lib. 7. cap. 6.

(b) SENNERT. *prax. med. lib. V. P. I. cap. 34.*



seu ligamentis manuum factam, fibras inter & tunicas colliguntur, paulatimque sic crescunt, ut avellanæ vel moschatae vel juglandis nucis, quin & ovi quandoque columbini magnitudinem adæquent. RVISCHIVM aliquando ganglium aliquod ad *instar humoris crystallini pellucidum* in cadavere invenisse, BLANCARDVS memorat (a); quale etiam hic Helmeftadii anno 1736. nucis moschatae magnitudine, e manu puellæ adultæ externe super carpo, me præsentem, filius meus sectione extraxit. *Ganglium a lympa quadam, ovorum albumini haud absimili*, atque intra tendinum vaginas excerni solita, sed nulla tamen suppurationem recipiente, suboriri, CYPRIANVS docet (b); id quod ego vidi.

*Differentie.*

III. Ad magnitudinem gangliorum si respicimus, insignem plerumque ipsorum, ut jam dixi, differentiam animadvertimus. Numerus itidem varius esse consuevit. Communiter unum tantummodo ganglium pronascitur; sed interdum tamen complura, & in utrisque quidem interdum manibus, proveniunt. Cujus equidem generis exemplum memorabile *Miscellanea acad. nat.* exhibent. (c) Ad figuram gangliorum quod attinet, quædam ex illis globulum, quædam autem parum glandem seu ovulum repræsentant. Alia æqualem, inæqualem alia superficiem habent. Quædam insigniter, quædam autem parum aut nihil prominent. Nonnulla, præsertim quæ adhuc recentia sunt, facili negotio subinde resolvi consueverunt; reliqua autem, si præcipue jam tum inveterata sunt, difficillimam plerumque per medicamenta sanationem recipiunt.

*Ganglii curationis.*

IV. Solet autem in gangliis recentibus feliciter ut plurimum materia inspissata digeri, si gnaviter identidem pars indecenter tumens *fricatur*, *salivaque jejunæ* fricando probe quotidie inungitur, globo quodam plumbeo complanato deinceps supra deligato, & per aliquot septimanas continuas super tumore servato. Sunt, qui plumbo majorem discutiendi virtutem conciliari existimant, si mercurius super eodem detegatur. Alii nescio quam efficaciam iis globulis tribuunt, qui trajiciendis seris, præsertim cervis, sunt adhibiti. Rursus alii cum FORESTO (d) *emplastrum de ammoniaco*, alii empl. de ranis cum mercurio; ceteri denique *oleum petrae*, *oleum philosophorum* vel & *oleum saponis* egregie adversus ganglium proficere statuunt, quando his sæpius & gnaviter perfricantur. *Nonnunquam ganglia confestim evanescent*, præsertim si vel recentia adhuc sunt, vel prædictis digerentibus aliquamdiu tractata, sicubi Chirurgus pollice depresso gnaviter & pro viribus suis premendo ea dispellere nititur. (e) MEEKRENIUS (f) scribit, æque promptam & faustam ganglii curationem fieri, *si ægri hominis manus, tabula seu mensæ imposita*, quo loco tumor est, fortiter aliquoties per adhibitum pugnum percutiatur. (vid. Tab. XXXVI. fig. 1.) Atque hæc ratio videtur, quare MVYSIVS (g) præcipiat, ut ganglia inveterata quæque premendo digeri aut discuti nequeunt, *per adhibitum baculum vel malleum ligneum, plumboque imprægnatum*, feriendo dispellantur, emplastro de ranis cum mercurio, ne denuo malum redeat, post factam percussionem, super partem ægram imposito. HELVETIVS etiam *malleum quendam ligneum hanc in rem adhibuisse legitur*. Cujus equidem curationis ratio præcipua in eo sita videtur esse, quod, disrupta per adhibitam percussionem tuberculi membrana sive sacculo, quicquid forte materiæ collectum intus est atque inspissatum, percussione expellatur, idque uberius postea fricationibus & digerentibus medicamentis paulatim dissipetur.

De-

(a) Vid. Collect. med. phys. Belg. P. II. p. 213.

(b) Lib. de foetu e tuba Fallopiana exciso pag. 76.

(c) Decur. I. anno III. obs. 326.

(d) Obs. chirurg. lib. 3. cap. 9.

(e) Vid. ÆTIUS tetrab. IV. serm. III. cap. 9. Add. Muysii prax. chirurg. dec. II. obs. 8.

(f) Observat. chirurg. cap. 44.

(g) Loco jam citato.



Debet autem in ipsa percussione ista solertissime caveri, ne qua forte alias quoque manus partes graviter instrumento isto afficiamus, aut ossa ipsa collidamus, neve noxis periculosis aliis miserum hominem exponamus. Si nihil isthæc omnia proficiunt, vel ob periculum ac dubium eventum hæc ultima adhibere nolimus, necessarium utique est, ganglium, perinde ac de tumoribus tunicatis supra positum est, (cap. XXVIII.) vel per *admotum scalpellum* excindere, vel & supra datis medicamentis rodentibus, extirpare. Atque ferrum quidem feliciter identidem a SOLINGIO adhibitum hic fuisse, non solum ex ejusdem *chirurgia* patet; (a) verum ipse ea aliquoties ita extirpavi. Cavendum vero ne in sectione tendines aut ligamenta vicina violentur. Ceterum vana prorsus esse atque inania, quæ vel ab *hominis defuncti*, vel & a filii cujusdam natu septimi manu, cum nescio quibus oculis, noctu & decrecente quidem luna, ad partem ægram applicata, mulierculæ supersticiosæ, imo & Medici quidam repetunt sanitatis præsidia, quivis sanus, vel me tacente, arbitror, intelligit; quia ut plurimum nihil efficiunt; conferatur interim CLACIVS observ. pag. 293. ubi ejusmodi res commendantur.

## C A P. III.

## De sutura tendinum in manibus.

I. SOLET in tendinibus manuum a recentioribus chirurgis ideo sutura quædam *Sutura tendinis quare fiat.* interdum institui, ut, si forte in iisdem unus alterve dissectus sit, decenter hujus ope rursus glutinetur, eoque facto, ne unus alterve digitus rigescat, prohibeatur. Neque enim facile manui atque digitis post concisos ipsorum tendines restitui naturalis agilitas potest, nisi tendines dissecti rursus conjungantur atque coalescant. *Potest autem sutura ista fieri*, si minus alte positi, sed externæ cuti propinqui tendines existunt. Cujus equidem generis in manus dorso potissimum sunt *tendines pollicis* atque *digitorum extensores*; tam in *digitis* ipsis (b) quam in dorso manus; flexores digitorum in ipsis digitis, (c) itemque horum & flexorum manus prope carpum positi; in pedibus vero *tendines poplitis*, (d) deinde *tendo extensorum tibiæ* infra genu, nec non *tendo Achillis* in pede supra calcaneum (e) atque similes alii. (f) Contra vero *volæ manus tendines*, quam paulo altius positi sint, ita difficulter suturam recipiunt, ut nullum adhuc dum ejus exemplum, quod ego quidem sciam, in scholis Medicorum existat. Tametsi autem istud curæ genus apud antiquissimos plerisque Medicos ob HIPPOCRATIS effatum, *nervus præcisus* (quo nomine & tendines intellexit) *neque augefcit neque coalescit*; (g) haud in usu fuerit, sed potius ab ea abhorre-

Heisteri Chirurgica Tom. IV.

K

rue-

(a) Part. IV. cap. 14.

(b) Vid. liber gallicus, cui titulus: *Ars relationes chirurgicas conscribendi*, L'art de faire rapport en chirurgie pag. 194. & 195. VERDVC de operat. chir. cap. 32.

(c) Vid. MEEKREN. observat. cap. 62. in edit. belg. &amp; cap. 65. in edit. latina.

(d) Hos nonnullos chirurgos aliosque in artubus tendines omnino dissectos consuisse refert PARÆVS lib. 9. cap. 36. se vero ob metum dolorum &amp; convulsionum hoc nunquam ausum esse.

(e) Hos duos tendines futuris conjunctos fuisse primus memorat VESLINGIUS in observat. &amp; epist. XV. seque ipsum hoc vidisse.

(f) WEPFERVS lib. de cicuta aquat. tradit historias tendinum flexorum carpi feliciter confutorum, pag. mihi 92. & 93. *Stalpartius vander WIEL* vero supinatoris longi & musculi sublimis. Cent. obs. II. obs. 45.

(g) Aphor. 19. sect. VI. &amp; Aphor. 28. sect. VII.



ruerunt ; quia tendo vel leviter punctus sæpe quam gravissima mala concitat , tamen jam tum GALENI tempore nonnullos tendines fuisse inde judicari potest , quia ea consuevere dissuasit : ( a ) id quod postea plerique alii secuti sunt , atque & ipse adhuc egregius PARÆVS . ( b ) Attamen AVICENNA ( c ) Arabs Medicus , GVIDO de CAVLIACO , ( d ) SALICETVS , ( e ) ROGERIVS , ( f ) LANFRANCVS , ( g ) BRVNVS , ( h ) CHALMETEVS , ( i ) ANDREAS A CRVCE , ( k ) variique alii chirurgi antiquiores satis perspectum habuerunt ; tamen , nescio quo casu , factum est , ut sequiores Medici & chirurgi illud vel ignoraverint , vel & *nimis periculosum atque perniciosum* judicaverint ; donec tandem superiori seculo VESLINGIVS ( l ) SEVERINVS , ( m ) Felix WVRZIVS ( n ) compluresque deinde alii haud incelebres Medici & chirurgi , præcipue vero MAYNARTVS ( o ) BIENAIIVS ( p ) ambo chirurgi Parisini , PVRMANNVS ( q ) aliique quasi postliminio in Medicorum scholas idem reduxerunt , faustoque cum successu exercuerunt . ( r ) Solet autem tum cum primis feliciter tendinum futura institui , si recens adhuc plaga est : sed posse tamen altero , tertio quartove adhuc post factam vulnerationem die imo aliquanto tardius non sine profectu , attamen majore labore idem negotium , & *quandoque vulnere jam consolidato* , ( s ) perfici experientia docuit , variique scriptores id testantur .

*Quandonam fieri debeat .* II. Sed ante tamen quam ipsum opus suscipitur , dispiciendum solertissime est , *sit ne futura in presenti qui curandus occurrit , læsionis tendinis casu necessaria atque utilis , nec ne .* Nam incidere nonnunquam casus solent , in quibus nulla omnino fieri futura potest : nonnunquam ipsam instituere equidem , sed tamen non sine periculo licet . In aliis denique casibus fieri ea ipsa potest , sed minus tamen necessaria esse solet ; cum sine futura sæpius curari possunt ; si modo curatio rite instituatur & pars conveniente ratione ligetur . ( t ) Contra vero

- ( a ) Lib. III. de comp. Medicament.
- ( b ) Lib. 9. cap. 36.
- ( c ) Lib. IV. Fen. 4. Tract. 4. cap. 2.
- ( d ) Tract. 3. cap. 4.
- ( e ) Lib. 2. cap. 9.
- ( f ) Lib. 3. cap. 13.
- ( g ) Lib. 2. cap. 9. Doct. 3. cap. 3. & in chirurg. parva cap. 4.
- ( h ) Lib. 1. cap. 5.
- ( i ) Enchirid. chirurg. Lib. 2. cap. 11.
- ( k ) Lib. de vulner. Tr. 2. Lib. 2. cap. 8.
- ( l ) Observat. & epist. XV. qui hanc operationem non solum in Germania , in famulo patris sui , verum & apud Arabes sive Turcas Medicos & quidem haud sine stupore , tanquam rem temerariam aspexit .
- ( m ) De efficaci Medic. Lib. 2. cap. 123.
- ( n ) De vulneribus cap. 14.
- ( o ) Vid. MEEKREN. obs. 62. in edit. belg. & obs. 65. in edit. latina.
- ( p ) VERDVC , VVAGVION , DIONIS in operat. suis chirurg. art. de futura tendinum , alii-que BIENAIIVS inventionis vel saltem instaurationis gloriam adscribunt , verum neutrum huic competere , ex modo dictis manifestum est . Miror quoque nullum Gallorum MAYNARTI mentionem facere ; qui tamen ut MEEKRENIVS in observat. suis jam a. 1668. impressis refert , circa medium superioris sæculi Parisiis hanc operationem perfecit .
- ( q ) Hic in chirurgia sua curiosa pag. 540. sancte asseverat , se vel duodecies tendines dissectos acu curva feliciter consuisse , idque etiam in chirurgo suo castrensi , tam in præfat. quam pag. 100. repetit .
- ( r ) Hoc Parisiis a BIENAIIVS factum esse MVRALVS refert : in obs. chir. obs. VI. & ETTMULLERVS in chirurg. medica artic. de nervor. vulner. quoque scribit , se tendinis futuram Parisiis , ubi anno circiter 1665. vel 166. fuit , institutam vidisse ; verum haud meminit a quo hoc viderit . Conf. quoque *Stalpart vander WIEL*. obs. 45. cent. II. pag. 438. ubi non solum exempla , sed etiam varia alia de tendinum læsione & futura notatu digna profert .
- ( s ) Quod vulnere jam consolidato futura tendinis adhuc institui queat VERDVC. l. c. & LEClerc in chir. sua cap. de tendinis futura perhibent ; DIONIS vero hoc negat .
- ( t ) Conf. SOLINGEN. operat. chir. Lib. 4. cap. 13. in edit. I. sed in edit. II. cap. 118.



verò si bona forte tendinis alicujus pars interiit, extremæque partes usque adeo insigniter *distractæ inter musculos sese abscondunt*, ut conjungi rursus haud valeant, tum & futuram & glutinationem frustra tentaveris. *Deinde si tendinis concisi partes extremæ graviter confusæ sunt*, tum quoque semper noxia esse futura solet; quantumvis enim futuræ ope conjungi tendinis ejusmodi bina capita possent, periculum tamen est; ne ob factam contusionem vehementiores inflammationes oriantur, aut saltem factis futuris partes rite contrahi, vel alias quoque ob contusionem glutinari nequeant, eisque sic præter inflammationes, vehementiores dolores aliæque noxæ graviores superveniant, quæ futuram jamjam institutam irritam imò noxiam efficerent. Quocirca, ut bene GARENCEO-TIVS præcipit, (a) satius tunc, ubi futura opus videtur, est lenem prius suppurationem aliquam concitare temperataque inflammatione, si necesse est, futuram demum tentare. Idem quoque post SOLINGIVM l. c. refert, *extensorum in dorso manus tendines glutinari* plerumque satis feliciter absque futura posse, dummodo, facta deligatione, graviter manus extendatur, digitique retrorsum versus reclinati semper contineantur, ut oræ dissectæ se invicem semper contingant; id quod & ego aliquoties sine futura & quidem aliquando in juvene, cui tendines omnes extensores digitorum super metacarpo dissecti erant, feliciter semel iterumque succedere memini. Itaque cum in hoc casu, tum & in flexoribus digitorum ac manus, nec non in extensoribus digitorum pedis vulneratis aliisque quamplurimis minus necessariam futuram esse existimo, si modo partes ita vinciuntur ac ope ferularum aliarumve machinarum idonearum continentur, ut extrema dissecta se invicem semper attingant. Contrarium autem, ejusdem aliorumque auctorum judicio, faciendum est, *sicubi tendines vel instrumento quodam tenuiori puncti vel perforati, vel ex parte tantum incisi, vel graviter etiam contriti esse animadvertuntur*, graviorumque symptomata superveniunt. Nisi enim distentiones nervorum aliæque graves noxæ incidentes per adhibita *medicamenta convenientia*, qualia cumprimis sunt, oleum terebinthinæ vel solum, vel cum guttulis paucis ol. destill. succin. aut lavendulæ mixtum, (b) quam primum sese remittunt, necessarium utique est, tendinem ejusmodi vulneratum penitus concidere, mitigatisque sic malis illis pessimis eum decenter rursus confluere.

III. Ne quis vero ignoret, quomodo tendines suendi, hanc futuram instituendi artificia fere sunt sequentia. (c) Primo partes dissectæ inflexo vel extenso prius membro læso, prout res exigit, solertissime investigantur: atque ubi forte pars superior, quemadmodum accidere communiter solet, quadante-nus a musculo suo retracta, subter cute delitescit, ut protrahi & acu perforari non possit, cutis, una cum reliquis partibus tendinem contegentibus, quantum satis est, inciditur, tendoque; si opus est, vossella blande prehensus, ne ruditer inde collidatur, paululum protrahatur, partique convenienti per adhibitam futuram rursus committitur, vel, præsertim si jam satis in conspectum prodit; sine vossella, dum quidam ab hac rudiorum ejus læsionem non sine causa metuunt (d), acu filum ceratum trahente perforant. Sed antequam ul-

*Primus futu-  
ture modus.*

K 2

te-

(a) In operat. chirurg. Tom. I. cap. de futuris.

(b) Ita & ol. terebint. cum aq. Reg. Hung. maritatum egregium hic est. DUVERNEVS valde laudavit bals. Fioravanti cum bals. copaivæ & oleo ovorum mixt. Sicut GARENCEOT refert. operat. chirurg. cap. de tendin. læsione.

(c) In digitorum quidem extensoribus futuram aliquam fieri GARENCEOTIVS prohibet, cap. de futura tendinum; interim tamen istam, quibus fieri modis illa debeat describit: reliquorum vero tendinum futuras instituendi rationes, quas non prohibet, prorsus silentio prætermittit.

(d) Ut GARENCEOT. licet a tendine blande protracto nihil mali inductum sit; quemadmodum exempla hac ratione olim a multis curata evincunt. Conf. WVRZIVS loc. citat. DIONIS. operat. chir. demonstrat. VIII. art. de tend. futur.



terius progrediar, sciendum, quod *futurae* modus duplex potissimum sit: siquidem vel unius, vel binarum acuum subsidio ipsa perficitur. Si *unica tantum acus adhibetur*, negotium sic conficitur. Per acum rectam, minorem, vulgarem, teretem, vel circa apicem planam, vid. Tab. XXXVI. fig. 2. AA, filum quoddam subtile duplex sericum vel lineum, BB satis tamen validum ceratumque trajicitur, factoque in extrema parte nodo satis crasso, qualis fere litt. C conspicitur, acus cum filo per frustulum quoddam corii D, id quod fig. 3. litt. AB seorsim conspicitur, ejusque medium ad usque nodum istum C fig. 2. ducitur (b), ne qua facile is elabi per foraminulum queat. (Conf. fig. 4. litt. A, vel fig. 7. DE). His ita confectis, manus faucia, cujus dorsum fig. 4. aliquo modo hic repræsentatur, gnaviter extensa tabulae sive mensae imponitur, vel etiam ferulae aut asseri cuidam tenui, vel frusto chartae crassissimæ & rigidissimæ alligatur; quo nempe commodius invicem jungi tendinis partes dissectae valeant. Deinde acus hæc per medium tendinem superiorem: (objecto prius vel canaliculo Tab. VIII. lit. C, vel etiam solum digito indice circa tendinis oram dissectam & acui oppositam) ad calami straminei vel duarum circiter linearum latitudinem ab extrema ora remoto loco, ab exteriori parte in interiorem (vid. Tab. XXXVI. fig. 4. A) eoque facto similiter loco opposito per inferiorem tendinem litt. B, sed tamen ab interiori parte in exteriorem immittitur, submissoque, quemadmodum de futura nodosa præcepimus, (pag. 65. & 100.) spleniolo sive panniculo lineo contorto, Tab. II. fig. 22. simplici aut cerato, vel frustulo panni serici cerati & ita convoluti, vel frustulo corii, exactissimum vinculum aliquod sic instituitur, ut primo super interjecto spleniolo nodus fiat simplex ac deinde adhuc alius solubilis; quæ omnia litt. B hinc indicantur. Denique, vulnere diligenter expurgato, oleum terebinth. vel bals. copaive aliufve similis vulnere calide immittitur, linamenta cum spleniis superimponuntur, ferula vel charta crassissima & rigida ad figuram manus accommodata, fig. 5. cum spleniis digitos sursum elevantibus manui supponitur, ac tandem conveniens vinctura quædam adhibetur. Loco acus rectæ etiam *curva parva* hic uti commode potest chirurgus (c), qualis ea est, quæ fig. 6. exhibetur; quæ vero circa cuspidem A plana sit. Si nudis digitis difficulter trajici ab acu tendinem persentiscimus, *acutenaculo* quodam (*Portaiguille* Gallicis) uti conveniet (vid. Tab. fig. 3.) Si jam tum ante aliquot dies inflicturn vulnus est, & extrema tendinis læsa forte jam obdurata observentur, innovare illud tenuissimis lamellis utrinque per admotam forcem rescissis; ne glutinationis difficultatem oræ obduratæ inducant, decebit, ante scilicet, quam extrema ad se invicem filorum ope adducuntur & ligatura instituitur. Aut si vulnus jam maximam partem vel omnino glutinatum est, incidi denuo debet, tendo a partibus, cum quibus cohæret, caute, si fieri potest, separandus, & deinde, ut dictum est, consuendus.

Garengeotii  
methodus.

IV. Hanc plerorumque chirurgorum tendines suendi rationem correxisse atque emendasse sibi visus est GARENGEOTIVS, dum sequentem futurae faciendæ modum, loco modo citato, proposuit. Nudare scilicet tendines perque admotam vossellam adducere graviter is prohibet (a) propter ea quod periculum

(a) Loco corii nonnulli ejusmodi lamellis plumbeis utuntur, vid. MEEKREN. l. c. alii, spleniolo parvo ex linteo, ut VERDVC oper. chir. cap. 32. pag. mihi 257.

(b) Acu curva jam MAYNARTVM usum esse MEEKREN. refert. l. c. atque DIONIS. etiam pro hoc usu acus curvas delineat, loc. cit.

(c) Sed CHALMETEVS Enchirid. chirurg. quod Parisiis 1564. prodiit, jam Lib. 2. cap. 11. docuit, nervum sive tendinem transversim omnino præcisum, una cum carne, si fieri possit, futura esse reuniendum; id quod & VERDVC. præcepit l. c. pag. mihi 253. itemque CHARRIERVS operat. chirurg. cap. de futura tend.



lum sit, ne novæ quædam calamitates partim a nudatione, partim a tendinis compressione, per vossellam suboriantur, quum e contrario longe tutius ac mitius ægri tractentur; si simul cutis externa cum tendine subter delitescente (a), secundum modo præscriptas suendi regulas (§. 3.) filo trajiciatur, extensaque manu deligatio exacta instituat. Quo autem commodius ea singula perficiantur, idem GARENGETIVS auctor est, ut dum alii nudis manibus hoc perfecerunt, per adhibitum *acutenaculum* modo propositum (§. 3.) eidemque ab adversa cutis parte objiciendum digitum acus atque filum transmittantur. Et acu quidem per has partes immissa, *acutenaculum* remove, receptaque per admotos digitos acu, filum, quousque satis est, adducere, eoque facto, *acutenaculum* denuo applicare jubet, pro inferiori tendinis parte similem in modum perforanda atque adducenda. *Acus curvæ hic rectis*, planæ vero, aciem in interiori curva parte habentes, ut in fig. 6. acubus, aciem in utroque latere habentibus, sicut in curvis vulgaribus Tab. I. S. T. V. esse solet, præstantiores judicantur, ne tot tendinis fibræ iis dissecantur. Filo duplicato maximam partem per cutem atque tendinem traducto, panniculus e serico ceratus & in figuram cylindricam convolutus ab eodem quasi habenula quadam ita suscipitur, ut vinculo super externa cute sustinendo firmandoque inserviat. vid. Tab. XXXVI. fig. 4. C. Similiter filo per inferiorem tendinis partem transmissa, acus removetur, tendinisque divisi partibus ita conjunctis, ut quoad oras sibi invicem superincumbant, panniculus sericus similis, intra filum duplicatum depositus D, nodo gemino, simplici nimirum atque annulari solubili firmiter comprehenditur. Sed mirumtamen videri jure merito poterat, quod tendinis partes extremas sibi invicem superinjiciendas, ut VAVGVIONVS (b), VERDVCIVS (c), CHARRIERVS (d), atque DIONYSIVS (e) olim jam voluerunt. GARENGETIVS, & nimis quidem in medium adductis rationibus præcipiat; quum tamen manifestum videatur, insigniter hoc modo glutinationem impediri. Ut nihil nunc de eo dicam, pridem jam a COWPERO, nobili quondam anatomico & chirurgo Anglo, hanc ipsam tendines jungendi rationem reprehensam & tendinem Achillis sine hac superimponendi ratione optime glutinatum esse (f). Quodsi autem tendinum partes dissectæ, propter ipsam vulneris vetustatem, *callum quendam contraxere*, tunicisque propinquis coaluere, ut ad se invicem non amplius adduci possint, tunc haud sine ratione nonnulli supra jam laudati chirurgi suadent, ut *tendinibus ab adnatis partibus resolutis, resectisque extremis induratis*, sutura in eis instituat, ac deinceps reliqua eadem perficiantur, quæ hætenus sunt proposita; id quod etiam in vulnere prorsus jam glutinato, si denuo incidatur, fieri posse quidam, ut supra dixi, perhibent. Sutura hæc etiam commode fieri potest, si non solum in inferiori, verum etiam in superiori parte *frustulum quadratum corii*, ut in fig. 3. A & B sistitur, adhibetur, quemadmodum in fig. 7. ostenditur, atque nodo spleniolum supponitur. DIONYSIVS simpliciore atque brevissimo omnium modum adhuc describit, qualem scilicet in plerisque vulneribus suendis proposuimus. Nimirum ut acu idonea, filum ceratum simplex trahente, altera pars tendinis

me-

(a) Prudenter CHALMETEVS addit; *si fieri possit*; nam haud raro tantopere retrahitur tendo, sicut ex COWPERI exemplo infra referendo patet, ubi ad duos pollices retractus erat, ut commode hæc suendi ratio non succedat, sed, ut detegatur, opus sit.

(b) Lib. de operat. chirurg. pag. 34.

(c) Lib. de operat. chirurg. cap. 32. de futura tendinis.

(d) In operat. chir. cap. 4. de tend. futura.

(e) Lib. de operat. chirurg. demonst. 8. art. de tendin. futura.

(f) Vid. *Act. Anglic. num. 252. is. Act. erud. Lips. an. 1702. p. 28. LOWTHORP. Epit. Act. Anglic. Vol. 3. pag. 298.*



media perforetur , ab exteriori ejus ad interiorem faciem procedendo , ac deinceps in altera ab interiori rursus ad exteriorem unica plaga atque deinde super spleniolo tereti , remota acu , filum colligando ; ita ut extrema secti tendinis conjungantur . Sed priores modi a plerisque huic præferuntur .

*Sutura tendinis per duas aciculas .*

V. *Sutura tendinis , quæ binarum acuum subsidio perficitur* , primum , quantum novi a NVCKIO descripta est ( *a* ) quibus unaquæque tendinis dissecti pars duobus in locis & duabus acubus perforatur ( *b* ) , atque his fere præceptis continetur . Filum sericum ceratum idque satis validum , sed modice tamen crassum inque duas acus tenues vulgares conjectum , sic per utramque tendinis rupti partem ducitur , ut in prima & superiori tendinis parte fig. 4. E utraque acus introrsum versus , in altera autem F , extrorsum versus acus transmittatur ; utrinque vero bina foraminula juxta oras tendinis laterales infligantur . Tum , remotis aciculis , idem fere vincturæ modus adhibetur , quem paulo ante ( §. 3. & 4. ) proposuimus : nimirum duo fili capita , interposita corii particula , vel spleniolo parvo cylindrico , ita constringuntur , ut extrema dissecta se invicem probe contingant . Hoc ipso præcaveri , ait , ne tendinis extrema tam facile , ut in modis præcedentibus , ubi unum tantum foraminulum tendini infligitur , lacerentur , atque oræ dissectæ melius conjunctæ servantur . Sutura peracta pulverem terebinthinæ coctæ inspargit vulnusque *balsamo Arcaei* vel *digestivo vulgari* deligat , curatque , ut pars spleniis & ferulis ita disponatur , ne tendo læsus moveri queat ; ita enim felicem successum secuturum esse pollicetur . Interea tamen sunt , qui , præsertim si in manu forte futura quædam necessaria judicatur , priorem ; quæ unica fit acu , utpote magis promptam minorique cum dolore aut molestia ægrotantis conjunctam , altera hac præstantiorem censeant ; attamen nec hanc rejiciendam esse existimo . Ceterum si qua forte *bini pluresve tendines simul sunt incisi* , tunc , si eos suere volumus , singulatim in singulis eandem futuram , quam hætenus eplicavimus , instituere oportebit .

*Quid post futuram fiat .*

VI. Sutura quacunque ratione libuerit , decenter instituta , proximum est , ut *deligatio rite instituat*ur , ubi primo opus est , ut linamenta carpta cum oleo terebinthinæ vel balsamo peruviano aut copaivæ in vulnus dentur , supra autem splenium , ex spiritu vini calido expressum , imponantur ; sed lamina quadam ex charta crassissima & rigida , vid. fig. 5. una cum spleniis volæ manus supponatur , quæ ne digitis aut manus ægra facile inflecti possint , per injectam fasciam gnaviter adstringatur . Brachium denique linamentis vini spiritus vel oxycrato calido madentibus involvatur . Nonnulli loco horum *brachium oleo lumbricorum terrestrium inungunt* ; id quod etiam non est contemnendum . Atque hæc singula tamdiu repetantur , donec invicem coaluisse tendinis intercisi partes advertuntur , id quod ex filis laxè parti inhærentibus cognoscitur . Namque hoc facto , vincula injecta refecantur & quam cautissime extrahuntur ; atque simul frustula corii vel linteï vel serici cerati , nisi sponte forte jam ceciderint , blande removentur ; vulnus autem balsamo vulnerario fovetur , linamentis carptis contegitur , ac lamina illa rigida chartacea , modo proposita , diligentissime semper adhuc ad volam adstricta , extensa probe servatur atque sic sensim ad glutinationem perducitur . GARENGETIVS propriam machinam aliquam descripsit ( *c* ) , qua equidem post adhibitam futuram manui & brachio injecta efficitur , ut non manus tantum rite extensa , sed digiti quoque retrorsum reflexi continuo servari queant ; quæ quidem licet haud inepta sit , tamen etiam

( *a* ) Libro de operat. & experiment. chirurg. experiment. 47.

( *b* ) Hunc modum se a BIENAISSIO institutum vidisse DIONYS. memorat. l. c. & nihil de NVCKIO refert . Ceteri contra chirurgi Galli eum modum BIENAISSIO haud tribuunt .

( *c* ) Primo in ejus operat. chirurg. cap. de futur. tendinum , & deinde in *ejus Instrument. Chirurg. Tom. 2. pag. 290.*



etiam prædicta ratione scopus feliciter satis obtineri potest . Si qua autem forte rigiditas vel distentio infestare tendinem glutinatum persentiscitur , longe optimum est , quam diligentissime partem afflictam unguento dialthææ , oleo lumbricorum vel hyperici vel & amygdalarum tamdiu quotidie bene fricare , donec pristinam eandemque naturalem movendi facultatem suam ipsa recuperasse deprehenditur . Ceterum admiratione dignum utique videtur , non veteres tantum Medicos plerisque , ut supra jam dictum est §. 1. fusque deque curationis genus hoc habuisse , sed inter recentiores quoque identidem aliquos extitisse , qui cum ARCÆO ( a ) , MARCHETTIO ( b ) , GENGA ( c ) , & PECCETIO ( d ) expertissimis ceteroquin Medicis & chirurgis Italis , eam rejecerint , imo nonnulli asseverare neutiquam veriti sunt , *fabulis potius quam curationibus chirurgicis annumerari tendinum suturas & glutinationes oportere* ; quum tamen quam maxime luculenta eaque complura curationis hujus apud supra laudatos scriptores in promptu sint specimina : qua de re , præter recentissimos , conferri uberius adhuc potest illa KISNERI dissertatio de *tendinum læsionibus* , quæ etiam in VALENTINI chirurgia pag. 766. continetur . ( e ) Itemque GÆLICKII diff. de tendinum affectibus .

## C A P. IV.

### *De pedum vitiis eorundemque curationibus .*

Qua ratione in pedibus sanguinem per venas detrahere , qua item ratione pedes vitiatos amputare conveniat , supra jam tum positum est , ubi de reliquis ejusmodi curationibus communibus in principio hujus chirurgiæ nostræ partis tractavimus . Restat itaque , ut , quæ pedihus velut propria sunt , vitia reliqua , una cum præcipuis sanationis regulis exponamus & equidem .

### *De sutura in quibusdam tendinibus pedum , ac speciatim in tendine Achillis & extensorum tibiæ .*

I. **U**T in manibus , etiam in pedibus nonnulli tendines dissecti sui possunt ac solent , & cumprimis tendo Achillis dictus , atque etiam tendo extensorum tibiæ , mox infra patellam sive genu . Tendinem Achillis quando nominamus , amplum valentissimumque tendinem illum , pedis extensorem , intelligimus , qui in parte tibiæ posteriori , a suris ad usque calces sese extendit , & ab ACHILLE , fortissimo illo Græcorum heroe , qui ex ejus vulnere mortuus esse

*Tendinis Achillis vulneratio qualiter comparata sit .*

( a ) Lib. 2. cap. 5.

( b ) Vid. Chirurg. observ. 63.

( c ) Vid. Comment. ad aphor. chirurg. Hippocrat.

( d ) In chirurg. Lib. 2. cap. 47.

( e ) MANGETVS in Biblioth. Med. pract. Tom. IV. pag. 1102. eam rejecit , in notis ad BARBETTVM vero eam admisit ; sed in bibliotheca chir. eam nec commendat nec rejicit .



esse dicitur, nomen duxisse perhibetur. Eo forte dissecto pedem movendi facultatem naturalem homines mox amittunt, atque, nisi decenter is rursus glutinetur, perpetuam pedis claudicationem sentiunt. Non sum equidem nescius scribere GARENGEOTIVM (a), Chirurgum quendam Parisiensem feliciter aliquando hominem, cui calcis os fractum fuerat, *tendine Achillis per scalpellum dissecto, & absque futura relicto ossis denique fragmento ejecto, convaluisset*, nullumque postea pedis vitium sensisse: sed tantum tamen abest, ut ad imitandum proponere mihi, atque aliis, quam maxime insolens curationis hoc exemplum audeam, ut potius verear, ne qua forte in aliis hominibus frustra is curandi modus & forte cum periculo tentaretur. Imo, ut ne quid dissimulem, non video rationem, quare chirurgus ille in hoc casu, ubi nihil aliud mali, quam os calcis fractum, aderat, tendinem Achillis refecerit; neque constat ex hac relatione utrum futuram tendinis Achillis improbare an prorsus rejicere voluerit. Et quam ego vellem GARENGEOTIVS, in quamplurimis aliis iisdemque sæpe levioribus artis chirurgicæ difficultatibus explicandis alias solertissimus, huius quoque casus atque curationis admirabilis, si verus est, genuinas causas exposuisset, ut tanto melius intelligi potuisset. Ita quoque BORELLVS refert (b), chirurgum tendinem magnum malleoli (videtur tendinem Achillis intelligere) ulcere corruptum amputasse, ægrum tamen postea glutinato vulnere sine ullo incommodo ambulasse; nato iterum tendine vel substantia analoga. Solent autem *varium discrimen tendinis Achillis vulnera habere*. Namque ubi is aut punctus, aut perforatus, aut ex parte solum concisus est, noxis gravissimis, ægri exercentur; perinde scilicet, ac de reliquorum tendinum læsione simili supra jam tum, pag. 47. 84. & alibi proposuimus; imo forte adhuc majoribus malis, quia, reliquis major & amplior est, afficiuntur. Atque hæc ratio videtur, quare veteres Medici *tendinis Achillis*, utpote totius corporis maximi, vulnera pro lethiferis; vel saltem valde periculosis, communiter habuerint, præsertim cum ACHILLEM inde mortuum esse legerint vel audiverint. Si plane dissectus aliquis tendo est, noxæ plerumque, ut alias dixi, satis tolerabiles existunt; sin vero tantum punctus vel ex parte læsus est, & graves noxæ superveniunt, quæ medicamentis haud cedunt in totum dissecandus est, ita dolores & convulsionem mox cessant. Quocirca quoque simulatque id, quod in ACHILLIS tendine læsum atque ex parte perruptum est, supervenientibus malis gravioribus penitus conciditur, confestim dolores una cum plerisque noxis reliquis sese remittunt; attamen per aptam futuram denuo, ut usus docuit, sine gravibus noxis aut symptomatibus conjungi rursus potest. *Quare autem tendines forte fortuna puncti, tamen tria sæpe mala concitare soleant, punctura vero quæ acubus in eorum futuris fiunt, nihil mali ut plurimum post se trahant*, nondum adeo ut nonnulli sibi persuadent, perspicuum est, lubensque fateor, me ratione huius rei non dum satis perspicere aut intelligere; usus ejus veritatem satis demonstraverit: eamque ob causam etiam minime miror, quod PARÆVS (c) hanc futuram, quamvis alias haud adeo timidus fuerit, aliique nobiles chirurgi instituere haud sint ausi, atque VESLINGIVS, cum & *Achillis tendinis & extensoris tibiæ sub patella suturas a chirurgis institutas vidisset*, & quidem hanc ultimam in Africa, ab Afro quodam chirurgo hominum horum audaciam detestatus fuerit quamvis felix successus & vix notabile a peracta curatione detrimentum, timoris sui vanitatem, ut ipse fatetur, arguerent observat. XV. Interea tamen dissectum tendinem ACHILLIS etiam sine futura, ut aliorum

ten-

(a) Vid. ejus operat. chirurg. Tom. 1. pag. 221. edit. primæ, & edit. 2. Tom. 3. pag. 267.

(b) Observat. Cent. II. obs. 2.

(c) Vid. ejus Lib. 9. cap. 36.



tendinum vulnera, quandoque curari posse, tam exempla in aliis tendinibus, quam GARENGEOTII modo relata observatio mihi persuadent; si modo pes ita dispositus & extensus ligatur atque servatur, ut extrema dissecta se invicem semper attingant.

II. Si quis vero futuram hic adhibere velit, aut certas ob causas necessaria judicetur, modus parum aut nihil ab eo, quem ad suendos manus tendines supra cap. 172. §. 3. 4. & 5. commendavimus, differt; *vid. Tab. XXXVI. fig. 7. & 10.* ) nisi fortassis in eo, quod & acum paulo majorem ac robustiorem eamque vel *rectam*, (*fig. 8. litt. A*) & filum quoque fortius, quam in manu tendinibus, (*litt. BB*) pro vinctura scilicet firmiori facienda, vel denique etiam *acum curvam*, eamque *planam*, sicuti *fig. 6.* sed paulo majorem ac robustiorem; vel talem, qualis *fig. 9.* indicatur; planam quoque ac robustam, exigat. Reliqua curationis negotia fere facienda sunt eadem, quæ itidem supra ad manuum futuras proposuimus. *Primum exemplum future tendinis Achillis & extensorum*, quantum novi, litteris prodidit, horumque ultimum in Africa vidit VESLINGIVS a chirurgis Afris institutum. Deinde vero non solum COVPERVS Londini in Anglia, prout antea capite præcedenti jam indicavimus, eamque more quasi *Nuckiano* per adhibitam scilicet acum teretem geminam; (*vid. Tab. XXXVI. fig. 10. CD*) sed THIBAVTIVS quoque & COSTIVS, teste GARENGEOTIO, Parisiis feliciter identidem tendinis Achillis futuram & sanationem perfecerunt (*a*). Tametsi, quibus artificiiis chirurgi hi usi fuerint, utrum una an duplici acu, recta, curva, has futuras perfecerint, GARENGEOTIVS tam in priori quam posteriori operat. suar. chirurg. editione silentio prætermittat eamque solummodo futuram quæ fieri in tendinibus manus vulgo solet, ut jam supra monuimus, describat. *Quoniam igitur tam imperfecte hætenus a plerisque de futura tendinis Achillis propositum est, imo a nonnullis vel recentissimis prorsus adhuc prætermissa, mihi tamen res haud parvi momenti videtur, haud alienum esse judicavi paulo plenius ipsam describere, & quidem potissimum ex notabili COVPERI exemplo; cum nusquam aliud tam plene descriptum invenerim ubi tamen simul nonnulla, dum varia adhuc in eo vel manca vel obscura sunt, haud inutilia circa hoc negotium monebo, supplebo aut illustrabo.*

*Sutura tendinis Achillis quomodo fiat.*

III. In COVPERI casu tendo Achillis tibie sinistrae in viro triginta annos nato tres quasi digitos supra os calcis, omnino præcisus erat, atque pars ejus superior ab inferiori ad duos minimum, ut ait., pollices sursum retracta distabat *vid. fig. 10. A B.* Adminiculis ad futuram hanc necessariis preparatis, COWPERVS præ omnibus tegumenta, *a, b,* quæ tendinis utramque partem *A, B* tegebant, incidit, ut ad has accedere easque futurarum ope jungere rursus potuerit (*b*). Hoc primam acum *C*, (quæ hic sicut & altera *D*, recta (*c*) & parva delineatur) filum sericum, ceratum trahens, trans mittebat per tendinem superiorem *A*, dimidii pollicis spatio a loco dissecto (*d*) a parte

*Speciali Cowperi exemplo illustratur.*

*Hæsteri Chirurgica Tom. IV.*

L

exter-

(*a*) In libro & loco modo citato, edit. prima: in altera vero editione nomen THIBAVTII, ubi eandem rem iterum descripsit, rursus omisit.

(*b*) Nonnulli recentiores ob varia incommoda, quæ inde pertimescunt, hoc prohibent, & cumprimis etiam GARENGEOT. Verum nihil damni inde ortum esse felix curatio, sine ullis gravibus symptomatibus, felixque eventus in hoc casu, ut alios de manus tendinis nunc taceam, evincere videntur. Imo si tantum a se invicem tendines recesserunt, quantum hic fuit, vix sine tegumentorum incisione rite sui aut conjungi poterunt.

(*c*) GARENGEOT. acus curvas, easque valde magnas pro hac futura desiderat; sed patet ex hoc exemplo rectis etiam iisque non adeo magnis quam optime hanc operationem quoque perfici posse; licet forte curvæ sæpius magis idoneæ esse queant.

(*d*) *Acutenaculi*, quod GARENGEOT in tendinum futuris valde necessarium esse judicat, nul. lam hic facit mentionem; adeoque verisimile est, ipsum eo quoque hoc in ægro haud usum esse, & tamen operationem & curationem feliciter perfecit.



externa ad internam (a). Alteram acum, cum simili filo serico, D, eadem, ut scribit, ratione per tendinis partem superiorem, sed paulo infra priorem, transigebat. Postea utraque acu etiam inferiorem tendinem B perforabat. Pes postea extendebatur, & tendinis dissecti extrema sibi invicem ope filorum constrictorum jungebantur, quæ ita postea firmabantur, ut conjuncta servarentur, quamdiu pes in hoc situ continebatur, & quatuor filorum extrema ressecabantur (b). Vulneri linamenta balsamo terebinth. imbuta imponebantur, postea splenium, & denique fascia applicabatur. Posthæc ut pes ager rite extensus & extrema dissecta accurate juncta servarentur, ex charta crassissima & dura *speciem arcus efformabat*, quem anteriori pedis & tibiæ parti ita imponebat, ut pes nulla ratione flecti potuerit, sed extensus & immobilis contineretur, atque rupturam filorum sive suturarum impediret. *Dum acubus partem tendinis superiorem perforabat, insignes, ut refert, ager dolores percipiebat*; sed nullos cum inferiorem fueret. Deinde ægro e brachio uncias sanguinis xiv., ob varia avertenda mala extraxit eumque lectulo imposuit. Vespero pro quiete concilianda sirupi de moconio ℥j. ægro dedit. Altero die vulneratus bene se habebat, satis bene dormieverat & non nisi de lancinationibus quibusdam in sura pedis læsi, quas noctu, dum forte evigilaret senserat, conquestus erat. Tertio die vulnus eadem, ut primo die, ratione deligabat, nisi quod fomentum adhuc ex herb. absynth. salviæ, rorismarini & in foliis lauri adjunxerat. Quarto die vulnus a seroso humore, quem *synoviam* appellare solent, valde humidum deprehendebat. Die sexto pus paulo erat crassius, atque octavo adhuc crassius, sed *synovia* disparebat. Hoc tempore duo tendinis secti extrema *nihil* quicquam a se invicem recesserant (c), & inter ea substantia quædam alba apparebat, cui loco balsami terebinth., tincturam mirrhæ imponebat. Paulo post hæc alba substantia recedebat, atque duo hæc extrema carnea substantia fungosa contangebantur. Tunc sicciori modo vulnus deligabat, & modo linamenta arida, modo pulverem terebinthinæ vulneri imponebat. Decimo die *alterum futurae filum laxum inveniebat*, quod dissecabat & extrahebat: post biduum, vel triduum alterum filum quoque laxum erat, tunc & hoc ressecavit & extraxit (d), pede semper ope arcus illius ex charta crassissima parati, probe extenso servato.

Sæ-

(a) Hoc quidem verbis non refert, sed figura hoc ostendere videtur: licet hæc ipsa figura non satis, quo in loco acus C tam superiorem quam inferiorem tendinis partem vel intraverit vel exiverit, ostendat.

(b) Qua ratione hæc fila constricta fuerint, & utrum C cum D aut C cum C, & D cum D. an alia forte ratione conjunxerit COWPERVS, neque ex figura neque ex relatione ejus constat. Mihi videtur C cum C, & D cum D conjuncta esse, eaque etiam sine spleniolorum interventu, adeoque alia prorsus ratione, quam alii plerique hodie solent: qua de re vero mox uberius infra.

(c) Lubet hic errorem insignem annotare, quem in versione interpres Lipsiensis in Aët. Eru. dit. Lips. An. 1700. pag. 25. hic commisit. Verba anglica ita se habent: About this time the two ends of the tendon Were not a little dilated, ubi vocabula hæc vertit, hoc tempore duo tendinis extrema *non parum* dilatabantur: id quod contrarium indicant; nempe quod non parum, hoc est multum, a se invicem recesserint, cum vocabulo *not a little dilated*, indicare volunt, tendinis extrema eo tempore, die nimirum sexto tam bene adhuc juncta fuisse, ut *nihil quicquam not a little*, a se invicem recesserint; si enim multum a se invicem recessissent, tam prompte glutinari non potuissent.

(d) Ex hac re patere mihi videtur extrema fili CC atque extrema fili DD inter se nodo conjuncta fuisse, ut supra indicavi, sic ut C cum C & D cum D juncta fuerint. Ita enim fieri potuit, ut alterum filum prius laxum, sive hoc filum C aut D fuerit, ressecari & extrahi potuerit, altero adhuc firmiter hærente. Nam si contraria vel alia ratione nodo conjuncta fuissent hæc duo fila, altero resecto, etiam alterum simul solutum fuisset. *Neque etiam frustulis corii, suberis, aut spleniolorum ex linteo vel serico cerato*, quibus alii uti præcipiunt, quantum ex relatione ejus perspicui potest, *usus est*; hinc COWPERVS quam maxime ab omnibus aliis in modo suendi tendines differt, atque simul ex ea disci potest, quomodo in curatione confutorum tendinum *filisque rursus inde extrahendis* sit procedendum; id quod a plerisque scriptoribus in his curationibus prætermisum est scriptoribus.



(a). Sæpius ad carnem spongiosam sive luxuriantem tollendam aut imminuendam rodentibus medicamentis ipsi opus erat (b), & antequam triginta dies præterierant prodeambulare quidem, sed adhuc quasi claudicans cœpit. Postea sensim ac pedetentim commodius atque sine molestia ambulavit, & tandem circa finem secundi mensis usum perfectum pedis sui recuperavit; PARÆVS contra exemplum refert tendinis Achillis ense resecti & sutura non conjuncti, cujus vulnus non solum diuturnæ & difficilis erat curationis, sed etiam, cicatrice tandem obducta, cum primum æger e lecto resurgens incidere conaretur, recrudescebat iterumque dehifcebat (c).

IV. Sutura tendinis Achillis & extensorum tibiæ, quas VESLINGIVS se vidisse scribit, qua ratione institutæ sint, haud commemorat; sed ait tantum, *vidi in parentis amanuisse tendinem a gasterocnemiis & solis musculis conflatum* (qui est ille tendo, qui Achillis vulgo dicitur, ) paulo supra calcis os dissectum, futuris aliquot a chirurgis conjunctum. In Arabe item, cui acinace tendo, a tibiæ extensoribus constitutus transversim sub patella genu vulneratus similem in modum a Tunetario chirurgo adducebatur (d). Ex qua relatione tantum intelligi potest, has futuras non unica sutura, sed aliquot factas esse; neque etiam de deligandi ac glutinandi ratione vel quicquam refert; adeoque VESLINGIVS valde imperfecte & obiter quasi de hac proposuit. *Alius vero modus tendinem Achillis suendi est*, quem KISNERVS, Medicus Francofurtensis ad Mœnum, amicus meus, dum viveret, suavissimus, in dissertatione de tendinum læsionibus, supra jam laudata, delineavit, & quem ex eo Tab. XXXVI. fig. 7. ræpresentavit: qui adeo perspicue in figura hac exhibetur, ut nulla explicatione ii indigere mihi videantur, qui caput præcedens legerunt. Verum quia hic partem tendinis dissecti inferiorem D E primum acu perforavit, & postea demum superiorem, plerique vero scriptores, ut primum superior ac deinceps inferior acu transfodiatur, præcipiunt, nodusque solubilis, interjecto prius corio, & splenio in inferiori parte (qui hic in superiori est) fiat, imo & COWPERVS in parte superiori, nimirum in parte A fig. 10. curationem suam modo relatam incepit, melius quoque esse puto a superiori auspicari, quamvis haud negaverim, rem quoque ea hac in KISNERI figura proposita est, expediti commode posse.

V. Quando sutura in tendine extensorum tibiæ instituenda esset, de cuius faciendi ratione VESLINGIVS licet primus forte sit, qui eam factam esse testatus sit quoque tacet, eodem quidem modo eam fieri posse concipio, ut in præcedentibus dictum est; nullumque deprehendo, qui speciatim, quomodo hic suendus sit, descripserit. Interea tamen, quia hic tendo tendine Achillis adhuc amplior est, adeoque unica in quavis tendinis parte punctione non satis bene conjungi rursus posse videtur, extensa prius probe tibia duplici acū, duplicique punctura, ad modum NVCKII, qui fig. 4. hujus tabulæ litt. E & F indicatur, eum rectius conjungi posse existimo. Vulneri eadem postea ratione prospicitur, ut in tendinibus manuum præcepimus, vel & COWPERI curatione §. 3. dictum est; sed popliti postea ferula vel ex charta crassissima & dura supponenda & ope fasciæ; ita ut in patella fractura fieri solet, alliganda est, ut genu nullo modo flecti, sed in exactissima quiete sive extensione conservari queat. Sed si hæc pedis positura probe observetur pes diu in quieta extensione conservetur, ac ceteroquin vulnus idonea ratione tractetur, non dubito; quin etiam sine sutura hic

L 2

tendo

(a) Ita & de hoc arcu alii auctores nihil habent; quæ tamen revera hic utilissima est & fuit, pro pede semper extenso servando, quod alias tam facile non obtinebitur.

(b) Neque de his aliquid apud alios in hac cura occurrit.

(c) Vid. ejus Lib. 9. cap. 36.

(d) Observat. & epist. anatom. XV.

Sutura tendinis extensorum tibiæ.



tendo rursus coalescat : atque hoc cumprimis propterea , quia superior dissecta pars ob nexum patellæ cum tibia , tantum facile sursum trahi nequeat , quantum tendo Achillis liber a suræ musculis ; adeoque fines eorum facilius ad se invicem adducuntur & ope aptæ vincturæ conjunctæ atque adunatæ continentur.

De futura  
ligamento-  
rum.

VI. Corollarii loco hic adjungi haud alienum esse censeo *futuram ligamento-  
rum* , utpote quæ quoque haud adeo facile , si dissecta sunt , glutinantur , aut coalescunt . Quoniam vero similem fere cum tendinibus habent substantiam , eadem quoque ratione illa sui posse ac tendines , haud absolum , sed nonnullis valde verisimile videtur (a) , illudque etiam , ubi opus esset , suaderem , licet qui hoc fecerint , non invenerim . In ligamentorum vero futura idem etiam suendi modus posset adhiberi , qui acubus binis , eidem filo injectis in gastroraphia perficitur , quemque etiam modum in tendinibus suendis præ ceteris commendat GARENGEOTIVS (b) ita ut ligamenta vel tendinis dissecti partes singulæ a parte interna ad externam acubus perforantur & deinde fila invicem nodis , quantum satis est , constringantur . Curatio deinde a præcedentibus haud differret.

## C A P. V.

### De varicibus :

Varices  
quid sint .

I. **V**aricum nomine in scholis Medicorum ea potissimam venarum tubercula inæqualia , nodosa & nigracantia significantur (c) , quæ quavis in parte corporis , frequentissime tamen in pedibus circa malleolos , interdum tamen altius etiam circa crura , femora aliaque loca , ut in scroto , imo & in capite & ventre , ut CELSVS jam notavit (d) , nasci consueverunt . Frequentissime quidem gravidæ , sed identidem tamen quicumque alii homines , si præsertim nimis & copiosus & inspissatus sanguis est , itemque quibus hypochondria dolent , aut hepar obstructum est , vel scirrho laborant , hujusmodi noxas sentiunt . Quo magis autem varices increscunt , eo majores quoque dolores & molestias , ob vehementiorem tunicarum diductionem ut plurimum concitant , imo & quandoque rampuntur atque copiosum sanguinem effundunt ; vel etiam in ulcera mali moris , ut ipse aliquando vidi , abeunt . Qui paulo minores sunt , fere semper quoque parum molestæ esse consueverunt , adeoque etiam ab ægris plerumque negliguntur , neque Medici cura magnopere indigent .

Quomodo cu-  
randi .

II. Interim , ut ne forte malum exiguum sensim & cum maximo ægri detrimento ingravescat , sane haud abs re fuerit , quamprimum sanguinem per venas detrabere , & conveniens victus regimen præscribere eoque facto , fasciam aliquam repellentem , sive , ut vulgo dicunt , *expulsivam* , quam exactissime circum pedes afflictos deligare , ( vid. Tab. III. fig. 1. F ) eandemque , si paululum ea laxata esse advertitur , denuo , quantum satis est , adstringere , neque prius eam removeere aut abjicere , quam noxæ gravioris periculum fuerit sublatum

(a.) Ut KISNERO in dissertatione laudata , §. 30. & VALENTINO in chirurg. pag. 821. qui simul ad Fabricium ab Aquapendente provocant.

(b.) In operat. chirurg. Tom. 3. edit. 2. pag. 178.

(c.) Nam CELSVS ait , Lib. V. cap. 26. circa initium ; cum vena intumescit , in varicem anve titur .

(d.) Lib. VII. cap. 31.



tum . Veteres , ut ex CELSO patet , eos mox vel adusserunt , vel exciderunt ; verum nos hodie blandius procedimus , & si jam tum paulo magis varices increverunt , fasciam modo propositam , ad constringendas roborandasque venas , justo amplius dilatatas , vino rubro calido , vel & cum medicamentis adstringentibus decocto , vel denique aceto cum alumine decocto , madefacere , quin & laminam quandam plumbeam super ægra parte maxime ampliata simul deligare solemus . Quanquam , DIONYSIO teste , ad cohibendos varices , nihil omnino felicius proficit , quam *tibialia e canum aliisque idoneis pellibus confecta* , atque sic comparata , ut ope funiculi constricta , quantum æger commode ferre potest , quam exactissime crura die nocteque comprehendant . Figura eorum , a DIONYSIO præscripta , qualis sit tabula nostra XXXVI. fig. II. demonstrat . Fieri hæc etiam quam commodissime , ut ipse vidi , possunt ex panno lineo , gryseo , eoque satis robusto , ad eandem normam . HARRISII iudicio , valentissimum adversus varices remedium est tinctura myrrhæ ; siquidem frequenter id , quod afflictum est , eadem inungatur , emplastroque diasulphuris RVLANDI contegatur ( a ) . Si deinde vel fascia , vel tibialia ejusmodi superinjiciuntur , tanto melior effectus est sperandus .

III. Ubi vero ita vehementer jam tum varices intumuerunt , ut , quemadmodum evenire interdum solet , ad rupturam ii spectent , ita ut periculosa sanguinis profusio sit metuenda , vel & alias graviter ægrum hominem discrucient , a ferro tandem petere sanitatis præsidia convenit . Igitur ea venarum tubera , quæ & inprimis tument , aut graves dolores concitant , per admotum phlebotomum sive scalpellum secundum longitudinem inciduntur , crassoque sanguine ad octo , vel decem , vel & duodecim uncias , pro vario ægri habitu , emisso , linamentis carptis , bolum Armenum atque acetum comprehendimus , itemque *lamellis plumbeis* , gnaviter plaga contegitur , fascia decenter superinjecta . Namque his rite factis , ex sententia ut plurimum venæ , perinde prope modum , ac fieri post sectiones venarum solet , rursus coalescunt , itaque valentes hic a cicatricibus suis fiunt , ut denuo infestari hoc loco a varicibus haud facile soleant . Veteres equidem chirurgi , ut supra jam dixi , varices vel mox adurebant , vel scalpello excidebant ( b ) . Excidendi ratio eorum hæc erat . Primo cutis super venam distentam incidebatur , deinde vena vitiata hamulo excipiebatur , scalpelloque undique a corpore diducta solvebatur ac rescindebatur ; & denique emplastro vulnus glutinabatur . At enim vero GOVEIVS ( c ) promississimam eandemque tutissimam varices curandi rationem in eo positam existimat esse , ut filum duplex & ceratum in *acum aliquam curvam coniectum* , *subter imam venæ distentæ partem transmittatur* , eodemque in nodum constricto , firmiter vena vinciatur ; mox autem per admotum phlebotomum vena tumente incisa , sufficiens sanguinis inspissati portio emittatur , denique vulnere per unguentum digerens gnaviter inuncto , conquiescere ægrotus lectulo impositus jubeatur , donec vulnus maxima ex parte rursus glutinatum est . Si veteres varices adusserunt , cutem superincidebant , & patefacta vena , tum tenui & retuso ferramento candente modice premebatur , vitatis plagæ oris , ne adurantur , quas hamulis reducebant ( d ) , superimpositis postea medicamentis , quibus adusta sanantur . Quanquam HARRISIVS temeraria , quin imo crudelia hic esse perfodiendi , excidendi atque adurendi studia omnia existimat . Interea tamen molestiæ atque cruciatus interdum adeo vehementes sunt , & quandoque nocturno

tem-

( a ) Vid. *differt. ejus. chirurg.*

( b ) Vid. CELSVS lib. VII. cap. 31.

( c ) Vid. *ejus. chirurgia vera ( chirurgie véritable )* . p. 226.

( d ) CELSVS loco citato .



tempore , sicut notabile exemplum novi , cum mortis periculo rumpuntur , ut omnino valentiora remedia , scalpellum scilicet aut acum requirant .

*Varices quomodo præca-  
veantur .*

IV. Sed quoquo tandem modo varices sanati sint , sane ut ne denuo ab iisdem noxis homines infestentur , quam maxime necessaria observatio videtur , ut , & nimis multis & crassis cibis evitatis , tenuiores potiones , quales nimirum sunt potus aquæ vel ptisanæ itemque quæ ex herba theæ , baccis coffe aliisve idoneis vegetabilibus fiunt , adhibeantur , corpus frequentissime exerceatur , pedes quotidie probe fricentur , tandemque quotannis minimum bis , vere scilicet atque autumnis , sanguis per venas detrahatur . Id quod & iis observandum est , qui in principio mali aut in malo adhuc leviori , majora incommoda adeoque & ferrum & ignem evitare volunt . *Varicem cum ulceribus combinatum* quotannis MVYSIVS semel aperuit , una libra sanguinis educta , quo ulcerum eruptio impedita fuit vid. ejus chirurg. rational. dec. I. obs. 6.

## C A P. VI.

### *Quomodo excidere unguem pollicis pedis præter naturam infixum conveniat .*

*Quid hoc  
malum &  
quomodo  
curandum .*

I. ACCIDERE quam sæpissime solet , ut unguis in pollice pedis justo altius in uno alterove latere præter naturam in subjectam carnem sese infigat , itaque graves partis illius dolores cum inflammatione concitet , ut mirificam deambulandi difficultatem homines sentiant . Quandoquidem autem fere semper in calceamentorum angustia sita esse calamitatis hujus prima causa solet , quivis fere per se intelligit , quam commodissime ipsum præcaveri , si non nisi justam amplitudinem habentibus calceamentis pedes induantur . Si jam tum in carne defixus unguis est , absque adhibita curatione chirurgica vix ac ne vix quidem sanescere pollex iste potest . Interea tamen *ante scalpellum blandior curandi ratio tentanda* , quam haud raro sequenti ratione optime obtinui . Primo pes ager in pediluvium sive aquam modice calidam , per dimidiam quasi horam , reponendus , donec unguis paulatim mollescat ; deinde vel scalpello vel frusto vitri eum radere sensim oportet , ut adhuc magis mollescat : postea digito vel specillo idoneo blande elevandus , & linamenti carpti aliquid inter unguem & carnem dolentem , ope specilli tenuis vel dentiscalpii , subjiciendum , atque spiritu vini calido deligandum , idque altero die , si dolores non remiserunt , repetendum ; sic dolores leniuntur , imo sæpius omnino brevi tempore auferuntur .

*Alter modus  
per scalpel-  
lum .*

II. Si vero hæc parum sunt , ad ferrum veniendum atque modus operandi potest esse hujusmodi . Primo pes , ob rationem jam indicatam , in aqua calida aliquamdiu deponitur . Eo facto , super sella is ponitur , firmiterque a ministro quodam continetur . Tum forfice quadam valida atque cumprimis aliqua ad id propria , qualis vid. Tab. XXXVI. fig. 12. & 13. subter oram unguis defixam provide depressa , quicquid in carne anteriori p. n. defixum hærescit , rescinditur , adhibitaque volsella , nisi sponte jam prolapsum sit , protrahitur . Quantumvis autem vehementioribus doloribus homines sub isthoc opere ut plurimum discrucientur , confestim tamen , absoluto eo , melius sese habere iidem incipiunt . In deligatione linamenta carpta vel splenia , oxycrato , aut vini spi-  
ritu



ritu calido, vel aqua calcis humectata, super partem ægram imponuntur; se-  
reque bis aut ter quotidie, pro mitiganda inflammatione, denuo calide hume-  
stantur, donec inflammatio & dolores sublati sunt. Interea æger quiescere per ali-  
quot dies continuos debet, ne qua forte gravior inflammatio superveniat; vel  
& ubi jam tum inflammatio quædam inciderit, paulatim ipsa rursus una cum do-  
loribus his ipsis temperetur. Sæpius in hac curatione *caro quædam aliena increfcit*:  
ad quam auferendam vel exedendam valentissimum esse alumen ustum consuevit.  
Ne qua autem facile, prout fieri communiter solet, idem unguis increfcens de-  
nuo in carnem infigatur, pristinamque molestiam & curationem sustinere quis  
cogatur, longe optimum esse, non DIONYSIO tantum auctore, sed ipsa quo-  
que experientia magistra ego didici, si & calceamenta satis commoda adhibean-  
tur, & unguis semel curati mensibus singulis per adhibitam lamellam quandam  
vitream vel scalpellum quoddam acutum, diligenter atque ad tenuitatem maxi-  
mam abrasantur: quo fit, ut mollis unguis a calceis in carnem denuo compelli  
nequeat.

## C A P. VII.

### *Quomodo clavos pedum tractare conveniat.*

I. **F**REQVENTER admodum in extremis pedibus, & cum primis super horum *Clavi quid  
ejusque  
causæ.*  
digitis, vel & inter eosdem tubercula quædam præter naturam, dura,  
verrucisque planis haud absimilia, pronasci, quæ latinis *clavi pedum* a qualicum-  
que figura sua nuncupantur, communis experientia loquitur. (a) *Causam* ma-  
li præcipuam a *justo angustioribus quoque calceamentis*, sicut præcedentis mali,  
Medici recte repetunt. Quo enim angustioribus calceis homines utuntur, hoc  
magis quoque opportuni esse huic malo, hoc item vehementioribus exerceri cru-  
ciatibus iidem solent, si præsertim æstus est; si item diu pedibus insistenti vel  
& ambulandi necessitas aliqua incidit. Quanquam autem varia proponi a variis  
medicamenta, & emollientia & rodentia, clavis hisce extirpandis accommoda-  
ta, solent; optima tamen eo potissimum spectant, ut, quicquid forte indecen-  
ter induratum est, prius emolliatur. (b)

II. In primis autem ad emolliendum proficiunt, *pediluvia* frequenter & diu *Quomodo  
curandi.*  
adhibita, post quæ superior eaque durior pars scalpello provide abraditur, ita sæpe  
omne postea incommodum cessat. Quodsi vero hoc non fieret, deinde *empla-*  
*strum* ex cera viridi, vel ex gummi ammoniaco: vel emplastr. de mucilagini-  
bus, vel & de sapone raso, vel denique folium fedi majoris, post detractam  
cuticulam externam, super partem induratum imposita, inque dies singulos,  
donec malum cedat, innovata superimponi potest. His diligenter aliquandiu  
factis, facili negotio, vel per admosos digitorum unguis decerpere, vel per  
adhibitum scalpellum rescindere, vel potius caute abraderé clavos licebit; sed  
maxima tamen cum moderatione atque prudentia hoc faciendum, ne qua forte  
scalpello super digitis pedum applicato musculi extensoris tendo graviter attinga-  
tur, quo læso homines ægri sæpius vehementissimis doloribus, inflammatione,  
gan-

(a) Videri de his potest CELSVS lib. 5. cap. 28. n. 14.

(b) Nonnulli rodentia, ut oleum vitrioli, aquam fortem vel arsenicum, clavis his, teste  
HILDANO Cent. VI. obs. 100. applicant; sed quandoque haud sine mortis periculo.



gangræna aut convulsionibus mirifice distorquentur, atque, prout factum id interdum est, in præsentissimum vitæ periculum conjiciuntur. (a) Tametsi autem ab adhibita hac rasura seu desquamatione modo præscripta ut plurimum haud omnino extirpari, sed post aliquod tempus plerumque renasci pedum clavi solent; tamen quandoque hoc ipso tolluntur, vel saltem haud exiguum molestiæ ac doloris lenimentum homines sentiunt, præsertim si simul & commodiores calcei pedibus adaptantur, & jamjam proposita curatio mensibus circiter singulis, vel quoties dolores in his locis id exigant, iteratur. Denique si medicamentum aliquod ex iis, quæ jamjam præscripta sunt, post singulas viginti quatuor horas, sed demtis tamen antea semper radendo squamulis extremis, recens superimponitur, clavi vel penitus sensim emoriuntur, vel tardius saltem ac rarius denuo renascuntur, atque facile ita tolerantur.

## C A P. VIII.

### *De cura infantum, quibus indecenter incurvati pedes sunt, & cum primis de VARIS & VALGIS.*

**I**N quibusdam infantibus vel ab utero materno vel & postea demum paulatim indecenter curvi pedes fiunt, si justo maturius stare atque inambulare iidem a parentibus aut nutricibus coguntur, aut alias imprudenter ab iis tractantur. In aliquibus ipsæ tibiæ curvæ sunt, in aliis genua distorta, in aliis pedes in articulo tibiæ cum tarso, idque vel introrsum, qui VARI, vel extrorsum versus detorti existunt, qui VALGI appellantur. (b) Calamitatis hujus pro sedis & mali diversitate curatio varie solet institui. 1. Certissima eademque mitissima præservandi ratio in eo posita est, ut infantes teneriores vel alias & speciatim ob rachitidem huic vitio opportuni, a justo maturiori & frequentiori statione atque ingressione solerter detineantur; contra vero vel decumbant; vel fideant, vel gestentur, aut curru vehantur; donec ossa paulatim cum incremente ætate roborentur & confirmentur. 2. Si jam tum vitium illud increvit, vel etiam ex utero materno est, necessarium utique erit, præmissis, si opus, emollientium usu, (de quo HILDANVS egregie egit) certis machinamentis & cum primis idoneis ocreis, quales PARÆVS delineavit, (c) (vid. Tab. XXXVI. fig. 14. 15.) e corio firmiori, ligno, ferrive tenuioris laminis, ad magnitudinem pedum vitiatorum paratis, quam exactissime pedes incurvos, cum primis varos & valgos, comprehendere, itaque disponere, ut, dum ipsi naturaliter crescunt, sensimque figuram decentem recipiant, eæque dies noctesque circa pedes gerendæ. 3. Quandoquidem haud raro incommodi aliquid sentiri ab ocreis, præsertim non satis apte fabricatis, solet, nihil abs re fecisse chirurgi videntur, dum alias adhuc proprias machinas aliquas excogitarunt, (vid. Tab. XXXVI. fig. 16.) cujus binæ partes AA e corio duriore laminave chartæ crassioris, aut etiam ferri aut æris tenuioribus laminis sic adornatæ atque ope alutæ BB ita adunatæ

(a) HILDANVS loco citato alique plures ejusmodi funesta exempla notarunt.

(b) Exempla descripta atque delineata, una cum curandi artificiis egregie dedit HILDAN. Cent. VI. obs. 89. 90.

(c) In oper. chirurg. Lib. XX. Cap. XI.







Fig. 1.



Fig. 5.




Fig. 3.



Fig. 2.




Fig. 6.



Fig. 9.

Fig. 3. A B  
Fig. 4.





Fig. 8.





natae sunt, ut altera interiori, altera exteriori tibiae atque pedis parti, sicut ex fig. 17. videre est, decenter applicari, atque per injectos funiculos C, C, aut lora ita circa pedes firmari valeant, ut noctu non minus, quam interdiu per longum tempus cicum crura haerescant, paulatimque tibiae ac pedes incurvos in naturalem figuram aut posituram suam redigant. Ita etiam si non tam in tibiis, quam potius juxta malleolos; seu in tibiae cum pede commissura vitium est, dum minus naturaliter vel intorti vel distorti pedes sunt, longe quoque optimum est, has HILDANI machinas fig. 16. & 17. designatas circum pedes injicere, sed in iis tamen, in quibus membrum ob rigiditatem, difficulter in rectum sensum intorquetur, ante semper, quo commodius emolliri atque in decentem posituram flecti aut cogi ligamenta queant, saepe & per aliquot dies fomenta, linimenta ac pediluvia emollientia prius adhibere, donec rite in figuram naturalem inflecti queant. Interim, ut, quae mea de cruribus sive tibiis incurvatis sit sententia, libere atque aperte dicam, si nonnisi mediocriter vitiatae sunt; salutaris saepe esse deprehendi, absque constrictione pedum per ocreas & machinas, praesertim rudiores, infantes relinquere, quam per adhibitas eas graviter illos afficere & quandoque nimis arcta constrictione magis adhuc laedere, pedumque incrementum impedire. Igitur id sibi datum, mea quidem sententia, Medici existiment, ut, nisi magna necessitas idem facere postulet, haud facile ocreas ob tibiae incurvatas infantibus injiciendas proponant. Siquidem haud insolitum est, sed saepius vidi, tibiae mediocriter, imo quandoque valde curvas paulatim per se, dum infantes adolescunt, & pedibus non multum ac praemature insistant, sed potius gestantur, curruque infantili cubantes saepe vehuntur, naturalem figuram per se recipere. Ceterum conferri hanc in rem merentur egregie his de vitiis consignatae & supra jam laudatae observationes HILDANI, ubi pro malorum diversitate plures adhuc ejusmodi machinae repraesentantur, itemque SOLINGIVS oper. chirurg. edit. Amstelod. An. 1698. Tab. 12. pag. 170. ut & CLERICVS (LE CLERC) in chirurgia, Parisiis an. 1720. recusa, pag. 370. siquidem hic ea machina, quam ad pedes ejusmodi in posituram ac figuram naturalem redigendos ARNALDVS (Mr. Arnaud) excogitavit, multum commendatur, sed, quod dolendum, non delineatur.

### Explicatio Tabulae trigesimae sextae.

- Fig. 1. demonstrat, qua ratione MEEKRENIO auctore, per ictum pugni curari in dorso manus ganglion A quandoque possit.
- Fig. 2. AA, ostendit acum parvam, tenuem & rectam, sed cuspide plano instructam, pro futura tendinum in manu; BB, filum tenue, satis tamen robustum & duplex. C, nodum crassum in fine, ubi utraque ejus capita constricta sunt; D, corii frustulum quadratum & in medio acu perforatum, per quod & acus haec filum ad nodum usque C trajectum est.
- Fig. 3. A & B duo ejusmodi corii frustula seorsim exhibent in medio perforata, pro futura, uti in fig. 7. E F ostenditur, facienda.
- Fig. 4. Tres adhuc alios modos indicat, quibus dissectorum tendinum futura fieri apte possit. a a a a loca demonstrant, ubi tendines extensores digitorum in dorso manus dissecti sunt; A, quomodo fili duplicis nodus in frustulo corii quadrato in superioris tendinis parte firmatus sit. B, qua ratione filum duplex in altera eaque inferiori tendinis parte, super spleniolo tereti, sine frustulo corii interjecto, nodo solubili constrictum est. C, quo pacto similis fili duplicis nodus, interjecto spleniolo tereti, in altera tendinis secti parte, si-
- Hesteri Chirurgica Tom. IV. M ne co-



ne corio firmatur, & in altera sive inferiori parte D, simili, ut in præcedenti ratione, super spleniolo tereti constringitur. E demonstrat modum *Nuc-Kianum* suendi tendines, ubi tendo supremus duobus locis b b duabus tenuibus acubus perforatus, & filo trajectus est, interjecto ansæ fili vel frustulo corii, vel spleniolo tereti E, deinde eadem ratione opposita tendinis pars iisdem acubus & filo, sed ab interiore ad exteriorem perforatur, atque capita super spleniolo vel corio ligantur.

Fig. 5. *Ferulæ figuram* vel ex ligno tenui vel ex charta crassissima proponit, quæ in sutura tendinum dorſi manus; carpo & volæ manus alligatur, ad manum probe extensam servandam.

Fig. 6. designat *acum parvam curvam* ex GARENGEOTI lib. de Instrument. chir. Tom. I. pag. 206. pro sutura tendinum perficienda; quam recentiores varii huic negotio aptiorem recta esse existimant; qua melius contineri faciliusque per tendines transfigi queat. Verum circa apicem ipsa non, ut reliquæ acus curvæ vulgares, quæ Tab. I. delineatæ sunt, ad latera acuta sive scindens esse debet, sed retusa & plana, ne tendinis fibras transversim discindat. Attamen in parte concava sive sinu A aciem existere oportere GARENGEOTIVS existimat, lib. de Instrum. chirurg. pag. 198. Ego vero satius esse arbitror, si, parte concava retusa existente, pars convexa B aciem obtineat. Pars enim concava si aciem obtinet, periculum utique videtur esse, ne tendinis incisi oræ ab acie partis concavæ, dum acus transmittitur, vel disseccetur, vel per filum transmittendum facilius perrumpatur; quod ab acie in opposita parte tam facile non metuendum. Ita etiam *foramen C in his acubus non lateribus*, sed curvaturæ, hoc est, concavæ & convexæ acus parti respondeat: quo facilius trajici filum per tendinem queat. Atque hæc acus pro sutura tendinum in manibus satis apta est; sed pro *sutura tendinis Achillis*, tanquam longe amplioris atque fortioris, major quoque ejusmodi ac robustior acus adhiberi potest: qualis fig. 9. exhibetur.

Fig. 7. ostenditur, qua ratione institui *tendinis Achillis sutura* queat; ex KISNERI differt. de tendinum læsione. Litt. A imam suram; F calcaneum, cui tendo hic naturaliter adhærescit; C tendinis plagam; D fili duplicis robusti nodum, frustulo corii E superimpositum; E denique locum, in quo alter nodus, isque solubilis GG, super altero frustulo corii injicitur, designant. Plerique vero malunt, ut pars suprema tendinis prius acu perforetur, & ligatura sive nodus subtilis in parte infima conficiatur.

Fig. 8. litt. A proponit *acum magnam, rectam ac robustam*, cuspidem planam, qualem ad majorum tendinum, qualis *Achillis* aut extensorum tibiæ est, suturam nonnulli commendarunt; B B filum robustum duplex, idque cera obductum; C denique nodum, fili extremo injectum.

Fig. 9. *Acum curvam, majorem & plenior*em, quam fig. 6. pro eodem usu in tendine Achillis suendo demonstrat.

Fig. 10. exhibetur, qua ratione celeberrimus quondam Anglorum anatomicus & chirurgus COWPERVS per duas acus adhibitas *tendinem Achillis sutura* aliquando comprehenderit, feliciterque deinde sanaverit. Litt. A B, binas hujus tendinis partes dissectas; C D autem binas rectas acus cum injectis filis, quibus hunc tendinem rursus conjunxit; a b denique cutem tendines ambientem utrinque incisam, ut hos melius suere potuerit, exhibent.

Fig. 11. litt. A, *tibialium genus* e canum pellibus, vel etiam ex linteo, quod gryseum vocant, confectum; quorum usus præcipuus in eo consistit, ut quam exactissime pedibus nudis, per innexum funiculum B adaptata, continuoque in iisdem relictæ; *varices*, imo & *œdemata pedum*, cum primis recentia aut

saltem



saltem non adeo mali moris reprimant.

Fig. 12. *Forfex valida*, alteraque cuspide A retusa instructa proponitur, qualis cum fructu sæpe adhiberi solet, quando in pede unguis pollicis; carni cum dolore in latere est infixus, excidendus: ita enim cuspis retusa carnem jam-jam valde dolentem, tam moleste pungere nequit, quam si hæc esset acuta. B B denotat extrema inferiora, quæ loco manubrii sunt, & quorum compressione forfex scindit; sed ea rursus postea ab elatere C diducuntur.

Fig. 13. Forcipis genus aliud, quod pro eodem usu commendat & describit GARENGEOT. Tom. II. *de instrum. chirurg.* pag. 242. hic sistitur: cujus extrema superiora A A concava sunt, acutaque in apice, secantia vero in oris interioribus B B extrema inferiora, manubrium constituentia, quæ compressa quoque, ut in præcedenti forfice, ope elateris C rursus expanduntur.

Fig. 14. *Ocreas* repræsentat ex PARÆO, easque apertas, pro pedibus puerorum præter naturam curvis, præsertim *varis* & *valgis* in ordinem redigendis.

Fig. 15. easdem *ocreas*, sed ope trium uncinulorum & ansarum sive annulorum, a b c, causas ostendit, quibus ejusmodi pedes includuntur.

Fig. 16. Aliam machinam pedibus extremis curvis & præsertim vel nimis introrsum vel extorsum distortis, ad figuram naturalem coercendis destinatam, demonstrat, secundum HILDANVM in Cent. VI. obs. 89. & 90. AA, sunt duæ laminæ ex corio rigido, vel laminis ferreis aut æneis, prout pueri debiliores aut robustiores sunt, magnitudini pedis adaptandæ; B B, corium molle, quo laminæ connectuntur, ne facile cedant; C C funiculi, utrimque duo, quibus laminæ circa pedes curvos constringuntur.

Fig. 17. designat, qua ratione infantum pedes curvi, & præsertim tibiæ sive crura, machina hac fig. 16. ad restituendam figuram naturalem comprehendiqueant; ubi litteræ idem, quod in priori figura, denotant; sed A interior laminam solum indicat, cum exterior hoc in situ videri nequeat.

Pro totius Operis Coronide satis opportunum visum est Joannis Bohnii Lipsiensis Academiae celeberrimi Professoris Dissertationem de Vulnerum Renunciatione adjicere, qua quidem de re harum Institutionum Auctor sive parum, sive nihil loquitur.









D. JOHANNIS BOHNII,

PROF. LIPS.

DE RENVNCIATIONE

VVLNERVM,

SEV

VVLNERVM

LETHALIVM

EXAMEN.

*Juxta ultimam Editionem Lipsiensem.*



DE JOHANNIS BOHNI

LIBRARI

DE REFORMATIONE

PAULI M.

1515

VALNERVM

LETHALVM

EXAMEN

Justi et Injusti



# P R Æ F A T I O

A D

## L E C T O R E M.

**A**NTE viginti jamdum, & quod excurrit, annos, anno nimirum elapso Sæculi 1689. præsens opusculum *de Renunciatione Vulnerum*, edidi, non quod ulli persuadere mihi præsumferim, quasi nemo ante me argumenti hujus declarationem unquam in se suscepit, aut Publico quicquam de eo concesserit, quique scripto hoc aliis palmam præripere voluerim: utpote quale assertum ac petulantia aut bonorum auctorum ignorantiam crassam, aut jactantiam inanem, oluisset; quarum tamen utramque semper odi. Neminem siquidem, qui eruditi nomen gestit, latere potest, ante sæculum *Ambr. Paræum de Renunciationibus & Embammatibus Cadaverum*, paulo post *Fortunatum Fidelem de Relationibus Medicorum*, nostra ætate sub falso Scriptoris nomine ac ficta rubrica, *Thomæ sc. Reinesii Scholæ Jurid. Medicæ*, venditatum, *Baptistam Codronchium*, de *Methodo testificandi*, accessorium tractatus *de Vitiis Vocis*, atque *P. Zacchiam Questiones Medico-Legales*, conscripsisse. Quibus ante medium circiter Sæculi elapsi accesserunt *Melch. Sebizio Examen Vulnerum*, *Hermanni Corbei Oratio de vulneribus lethalibus ac sanabilibus*, *Bernardi Suevi de Inspectione Vulnerum lethalium & sanabilium*, ac demum *Gottofredi Welschii Judicium Vulnerum Lethalium*, *Blegnz la Doctrine des Rapports en Chirurgie*, & quam anno 1703. Parisiis imprimi curavit *Anonymus l'art de faire des Rapports en Chirurgie*. Qualia sane nemini ansam conquerendi concedent, Lethalitatis Percussionum materiam olim nondum fuisse ventilatam. Alia longe mihiq; eadem cum Suevo conatus hujus tunc temporis erat, ac in præsentiarum est, ratio: nimirum ut, quam scripti hujus difficultatem, viribus meis longe superiorem experiebar & adhuc deprehendo, hincque lucubrationum mearum imperfectionem haud exilem auguror, aliis, quorum judicium promptius & doctrinæ atque peritiei supellex instructior, solvendum ac eruendum concedere mallet. Veritati siquidem dum unice & semper lito, perinde mihi erit sive propriis, sive alienis, oculis illam perspexero, Recudere vero dum nunc intendebat Scriptum hoc Bibliopola, me rogabat, ut illud reviderem, demerem ex eodem, addermve illi, quæ e re esse cognoscerem: Errores conspicuos magis emendavi, quædam delevi, adjeci tamen pariter nonnulla, quæ posteriorum temporum suppeditarunt observata. Vale!



## RENUNCIATIONE

## VVLNERVM.

**P**LVRA sunt argumentorum genera, Medicis cum Legum-Peritis communia, ideoque forsan *mixta* seu *Medico-Legalia* dicenda, super quæ hi illorum censuras sub *Relationum*, *Renunciationum* ac *Depositionum* nomine petunt, & pro eorum diversa inclinatione ac sententia reos damnant ac infontes absolvunt. Rogant scilicet Jure-Consulti Medicorum sententiam circa morborum simulationem, de sustinendis tormentis, de generandi impotentia, de apta & sterili, de virginitatis signis, de ingravidationis notis, de simulata imprægnatione, an mulier pepererit, de tempore partus legitimi, de abortus a verberibus metu, de abortu concitato, de mente captis, de foetu intra extrave uterum mortuo, de infante v. g. a nutrice suffocato, an ex aqua protractus vivus, an mortuus, in eam fuerit præcipitatus? de veneno hausto, de iis, qui mortem fingunt, & quæ similia fereque infinita sunt. Ast omnium frequentissimum, & prout *Zacchias* loquitur, prædicabile maxime, super quod Magistratus seu Judex a Medicis informari desiderat, *Vulnerum* est *Lethalitas*: i. e. an Vulnus, a percutiente inflictum, mortis causa, an secus, extiterit? quo illi pariter ac vulnerato jus decernere queat. Ubi nimirum, advertente *Celeberrimo* quondam *Stryckio*, de *Sanguine in terram profuso*, qui ad Cælum anxius clamat, *controversia movetur*, ibidem de sanguine vivi adhuc hominis, carnificis manu profundendo. Ita quidem ut, quamvis Legum Interpretes diversas conjecturas, v. g. a tempore mortis subsequens, parte corporis læsa, qualitate ac quantitate vulneris, conditione armorum, fama publica &c. petitas in commentariis suis prolixè satis subministrant, v. g. *Mascardus*, *Boerius*, *Gomesius*, *Caretius*, *Farinacius* alique, quorum Catalogum a Medico, prudentior nec Legum, nec Medicinæ peritus, desiderabit: eorum plerique nihilominus, præsumtionibus illis, tanquam insufficientibus atque incertis, posthabitis, ad Medicorum relationes confugiant, hasque solas Judicem in arbitrando, an vulnus sit mortale, nec ne sequi debere sentiant, prout vel ex solis *Mascardi Conclus.* 10037. & *Farinacio de Homicid. tit. 14. quæst. 127. part. 2. No. 49. 50. & 51.* videre est. Renunciationum enim de Vulneribus formandarum provincia quia ad Medicos devoluta, horum quoque erit potissimum, fundamenta & rationem, illas methodice concinnandi, evolvere atque innuere: quod duabus sectionibus præstare conabor.



## S E C T I O I.

*De renunciatione vulnerum in genere.*

## C A P. I.

*De vulnerum inspectione.*

**P**OSTULATUR ac adornatur censura de lethalitate vulnerum modo vulnerato adhuc superstiti, quæ ut plurimum conjecturalis atque incerta satis, quatenus vulnerum, interiora penetrantium, vix unquam tanta observatur latitudo, per quam cunctas eorum circumstantias, inprimis læsionum profundiorum, sufficienter indagare, intueri ac dignoscere licet, ut in plagis capitis quotidie experimur, utpote quæ facie sua externa sæpe levissimæ, multum nihilominus periculi involvunt, imo non raro interficiunt, ob rupta vasa recondita interioresque cerebri recessus laceratos: ut taceam, vulnera aliarum quoque partium ex minimo errore mortifera fieri, contra pro desperatissimis habitos percussos eluctari, ut inferius patefcet. Modo de vulnere deponere jubetur Medicus, seu a vulnerante ejusque parastatis quæstio movetur, postquam mortuus vulneratus, an, quod ille intulerat, vulnus lethale extiterit, i. e. ut tale, occiderit? Quod judicium, quia læsionum ipsarum autopsiam & accuratorem lustrationem supponit, hincque *vulneris inspectio* vulgo audit, non mirum, cur certam atque ineffabilem magis hanc censuram pronuncient Legislatores, adeoque huic demum, non illi, definitivam accommodent. Atque hoc quidem scrutinium post *Clarum Recept. sentent. §. si quæst. n. 4. & 5. ac Constitutiones criminales Carpzovius prax. crimin. part. 1. quæst. 26. Feldemannus de Inspic. cadav. c. 3. Stryckius de jure sens. c. 7. ac Serenissimi Electoris Brandenburg. Edictum*, anno 1665. promulgatum, quasi totius mundi consuetudine receptum, diversorumque populorum moribus ac legibus conforme, comprobant. Quatenus eo ipso, dum decidendum est, an percussus a vulnere; an alia causa, discesserit, oculorum usu imprimis innitendum venit, ut illius habitudine seu conditione, quam in ejusmodi casu corpus delicti ajunt Icti, perspecta de quæstione illa accuratior sententia feratur. Ita quidem ut, si visitatio ejusmodi, ex quacunque occasione negligatur, iisdem legibus publicis cautum legamus, pœnam homicidii in percussore minime locum habere, seu ab hoc recedant legislatores communiter, aut certe in ambiguo relinquatur judex, destitutus depositione medica circa lethalitatem vulneris, ex inspectione quæ debebat formari: dum in iis, quæ de vita humana agunt, probationes dubiæ ac semiple-næ ad mortem inferendam non sufficiunt. Quamvis cum *Tuschio*, *Muscatello*, *Brunnemanno* aliisque *Stryckius* l. a. c. 3. si brevi ab illato vulnere discesserit percussus, etiam non facta sectione, ordinariam nihilominus homicidii pœnam locum habere, & ita in ejusmodi casu a Facultate Viadrina aliquoties decretum fuisse, tradat.

Renuncia-  
tiones dupli-  
cis generis.*Inspectio ad  
deponendum  
necessaria.*

Negotium proin hoc non, prout incongrue a plerisque Scriptoribus factum, prognosticæ Medicinæ parti accensendum, sed Anatomix practicæ seu pathologi-  
cæ specimen videtur: quatenus non de eventu futuro, sed de facto sive præsentē,

*Hæc doctrina  
non est pro-  
gnostica.*



per autopsiam reliquarumque circa vulneratum emergentium circumstantiarum collationem decernit Medicus, talem nempe ejus & plagæ fuisse statum, ratione cujus hæc sanabilis, vel insanabilis extiterit. Id est, perinde ac illustratio Anatomica ejusmodi subjectorum, quæ ex morbis internis, sive acutis, sive chronicis, perierunt, symptomatum ac ipsius mortis ætiologiæ formandæ, non status ægri vel defuncti futuri, rationem habet: sic vulnere ex cadaverum inspectione judicium partis prognosticæ documentum dicere, sanæ rationi refragatur. Cui quidem errori, si non solitariam, certe potissimam, occasionem subministravit hoc, quod nonnulli Medicorum, v. g. *Sebizius*, *Suevus* (quorum nihilominus posterior sub titulo *de Inspectione Vulnere* opusculum suum venditat) de vulnere lethalibus non in facto, sed in fieri tantum, seu de metuendis ac sperandis, scripserint, quale scribendi genus utique prognosin spectat: quam circumstantiam alii, de inspectione ac judicio vulnere suas meditationes evulgantes, non attenderunt, adeoque quadrata rotundis commiscuerunt, propriæque intentioni ac scopo præfixo ridicule contradixerunt. Nec error hic sibi met mansit, sed, ut communiter fieri solet, mox prolis sibi similis genitor evasit, dum factum, ut inter argumenta lethalitatis confirmandæ communiter retulerint, modo partium externarum seu continentium firmitatem & molliem, modo instrumentorum lædentium figuram, magnitudinem &c. Ita sæpius cum nausea legi & audiui, vulnus hoc vel illud, v. g. capitis lethale esse, inter alias ob causas quod syncipiti, cujus ossa tenuiora, hinc ad violentiores percussiones sustinendas inepta, fuerit inflictum: cujus pariter acuminis est ratio decidendi hæc, qua eadem capitis læsio, juxta reliqua argumenta, mortalis pronunciatur, quod a securi, fusti majore &c. contigerit. Cum circumstantiæ hæc non pro lethalitate in cadavere, quam nihilominus determinare judex postulat, sed periculo tantum, in vulnerato adhuc vivo, plus minus metuendo ac innuendo, faciant.

*Difficilis  
admodum.*

Quod si tamen in ulla quadam functione Medica, certe in hac querelæ *Hippocratis* nostri, *judicium difficile*, locus erit, causas sc. sanguinem concernentes decernente, resque hæc magnæ semper difficultatis visa fuit; vel quod læsionis ratio formalis nec insipienti adeo promte compareat, seu satis evidens sit, vel quod ab hoc ejus conditiones perfunctorie satis attendantur, obscurius ac impertinenter recenseantur, hincque Collegia Peritorum, quæ secundum ejusmodi acta & probata, seu data valde obscura, sententiam de vulnere lethalitate dicere debent, ambigua maxime redduntur, Nemesis a nugis his modo intempestive interpellatur, modo plus justo irritatur, utraque ratione justitia sanctissima violatur. Quam frivolos ac negligentes in cadavere inspiciendo, absurdos temerariosve in judicio formando se nonnulli gerant, ad testimonia ejusmodi provocati, quotidiana loquitur experientia: eo ipso vero dum inspectionem illegaliter peragunt, læsionis phænomena minus technice ac fideliter referunt, circumstantias insufficienter exponunt, nec prudentioribus, a quibus rei decisionem magistratus postulat, ex difficultatibus ejusmodi se extricare conceditur; hique vel sententiam suam suspendunt, sicque conscientiæ prospiciunt, vel, quod horrendum, reum absolvi ac innocentem damnari præcipitantia sua faciunt, haud attendentes illud *Guidonis de Cauliaco de Vuln. cap. 1. Non sis tamen, rogo te, in judicando velox ac subitus, sed deliberatus ac prævisus*: nec illud *Ammiani Marcellini lib. 29. De vita spiritu hominis, qui pars mundi est & animantium numerum complet, laturum sententiam diu multumque cunctari oportere, nec præcipiti studio, ubi irrevocabile factum est, agitari*; neque *Fieni Semiot. part. 1. sect. 4. c. 1. Si Medicus nimis temerarie judicat, reus est ipsemet mortis & supplicii vulneratoris i. e. Differente Job. Baptista Sylvatico, hist. 95. magni momenti res videtur, cum de justitia servanda agitur.*

Cujus



Cujus difficultatis summæ & errorum nefandorum dum recordor, ab inspectoribus nempe vulnerum seu horum iudicibus primæ instantiæ commissorum, in quæstionem delabor, qualesnam personæ huic muneri destinari seu ad inspicienda ac dijudicanda vulnera admitti debeant? dum legislatores horumque commentatores modo Medicos, modo Chirurgos, nominant, imo modo solis his, modo tonsoribus ac balneatoribus quoque, deponentibus fidem adhiberi jubent, aliis contrarium asserentibus: adeoque ipsimet in diversas partes secedere videntur. Quibus equidem dicam haud scribam, neque magistratum legis hujus causa provocare mihi præsumam: imo ut Medico inspicienti præsto sit vel barbitonsor, vel balneator, qui in sordidis ac vilioribus operationibus illum sublevet, vel Chirurgus artis dissecandi gnarus, qui manus non tantum aperturæ cadaveris admoveat, sed suam quoque super vulneris qualitate dicat sententiam, facile largior; potissimum cum ex juris peritorum collatione, in specie *Stryckii de jure sens. cap. 2.* evidens sit, hos non balneatores ac tonsores, ut tales, seu quosvis, sed in rebus Anatomico-Chirurgicis versatissimos, vel qui judicii sui rationem reddere queant, Medicis ac Chirurgis aut combinare, aut surrogare. Ambiguus tamen hæreo, rem non, ut in thesi, sed in hypothesi & secundum statum nostratæ, considerans, an ejusmodi vel Chirurgorum vel Barbitonsorum in Saxonia aut Germania nostra multi reperiantur; qui de scientia corporis humani, muneri huic expediundo adæquata, jure gloriari queant, licet Magistri utriusque artis examinati & jurati audiant? quatenus quidem omnes præsumtionem ejusmodi peritiæ atque dexteritatis præ se gerunt, plures nihilominus eorum, quod plus quam notorium, nec terminum anatomicum enunciare valent, multo minus ipsius artis sufficientem notitiam habent, vulneraque inter operandum non tam lustrant, quam faciunt; adeoque nec ad secandum, nec ad decernendum, omnium minime ad effati sui rationem reddendam, habiles existunt. Cur enim rudioribus ejusmodi hominibus, sive Chirurgi, sive Tonsores, appellari malint, arduum tale munus & in causis sanguinis definitivam concedamus? cum, animadvertente *Carerio*, non per Chirurgos, sed *Medicos Chirurgicos expertos, vulnus mortale, aut non mortale, esse probetur*. Circumspecte proin *Angelus Aretinus in Proœm. Instit.* sentire videtur ajens: *Quando aliquid committitur faciendum alicui, debet committi illi, qui sit peritus in eo, quod faciendum est, & debet esse peritus totius artis, non partis tantum*, hincque infert, quod, si potestas (Magistratus forsan) debeat requirere consilium Medicorum, an vulnus sit mortale, nec ne, non debeat credere, nec stare Medico qui est Chirurgus tantum, sed oporteat NB. ut sit peritus totius Artis Medicinæ. Cui subscribit *Fulvius Pacianus de probation. lib. 1. cap. 47.* ubi perinde negotium hoc se habere, ait, ac dum Imperator, quando judicium architectorum vel mechanicorum requirit, vult ut primates Architecti & insignes Mechanici advocentur, sc. quod NB. mediocriter instructi haud sufficient.

Chirurgi non  
strates ad de-  
ponendum  
minus suf-  
ficiunt.

Porro quando Medico ac Chirurgo vero, Barbitonfores ac Balneatores nostros sanctiones publicæ, in illorum defectu, substituere jubent, ea, qua decet, observantia has pariter equidem veneror, modo ex earum interpretibus constaret, qui præter Medicos Chirurgi, & præter hos Tonsores ac Balneatores existant: cum ipsimet nostrates Chirurgi se Barbitonfores profiteantur, omnesque Barbitonfores ac Balneatores jure sui Magisterii peritiæ Chirurgicæ & Chirurgi nomen atque immunitates prætendant. Adeoque disparitatis hujus ratione haud determinata non apparet, quis horum alteri surrogari debeat: ne repetam, neutris horum prout quidem Provinciæ nostræ eos alunt, (si forsan unam vel alteram rarissimam avem excipias) tantum peritiæ atque dexteritatis, quantum huic expeditioni necessarium, inesse. Siquidem prout (nec in quocunque necessitatis casu)

Multo mi-  
nus Barbi-  
tonfores.



non cujuslibet Prætoris urbani ac pagani arbitrio pœnas delictorum minorum, multo minus homicidii, committunt Leges publicæ, sed vel a Judice Superiore, vel a Collegio Jurisprudentum, Principis auctoritate pollente, demum, quid in inquisitionis processu agendum, an reus puniendus, vel absolvendus, ac quo genere pœnæ affligendus, ille quærit ac resciscit, eo quod negotia hæc captum ejus superent: ita sane paradoxum valde videtur, Medico Chirurgove peritiori & perspicaci homines, doctrinæ nullius ac peritiæ exilis, aut non, nisi empiricæ, uno verbo, pecora campi succenturiari posse, quasi hi ingenio & oculis obtusioribus talia discernant, quibus dijudicandis majoris sæpe perspicacitatis homo vix par erat.

Neque ante-  
ferenda Chi-  
rurgi deposi-  
tio Medici  
Relationi.

Multo minus evidens est, quo fundamento in lethalitate vulneris dubia Medicoque a Chirurgo dissentiente, quidam Doctorum hujus partes præ illius amplexi fuerint, & quo argumento *Mascardus de probat. Conclus. 1175.* hanc suam consequentiam defendere queat: *Ubi periti discordant, standum est peritiori: idcirco, quando queritur, an vulnus sit mortale, standum est magis Chirurgo, quam Medico?* (Etsi *Stryckius l. a. c. 3. §. 21.* scribat, hoc assertum Mascardi vix universalis Conclusionis nomen mereri.) Aut enim nescivit reverendissimus hic vir, Chirurgiam Medicinæ partem esse; aut Chirurgi soli, non Medici, Romani, Mediolanenses, Batavini, Placentini aliive, inter quos vel ut Protonotarius Apostolicus, vel ut Ecclesiarum Vicarius, vel sub quacunque conditione ac dignitate vixit, studium secandi coluerunt, & interiora corporis humani noverunt; aut ille infallibilitate Papa suo inferior longe extitit, id est, in conclusione hac formanda egregie lapsus est. Subsumo proin, concessa illius argumenti Majore, eo ipso, dum machinæ, seu œconomix, corporis humani cognitione frequentius, ac ut plurimum destituuntur Chirurgi, sine qua nihilominus non, nisi meras nugas, super vulnerum lethalitate proferre licet, his tanquam minus peritis, minus quam Medico, erat standum; quatenus, juxta *Boërium Decis. 323. magis creditur testibus allegantibus legitimam causam, vel rationem dicti sui, quam ceteris, nullam reddentibus, nec reddere valentibus, i. e. trivialibus Chirurgiæ Magistris aut Barbitonsoribus*: Possem hujus loci facere, quæ superius ex *Aretino & Fulv. Paciano* retuli, est in præsentiarum & pro odiosa hac quæstione solvenda sufficiant ejusdem *Paciani* verba, quæ loco allegato legere licet: *Major peritia verosimiliter probatur, quando unus est bonus Physicus, & simul bonus Chirurgus, alter vero est tantum Physicus, vel tantum Chirurgus, ex quibus concludit, priorem reliquis duobus præferendum esse.*

Medicus  
etiam solita-  
rius sine  
Chirurgo de-  
ponere va-  
let.

Hinc paradoxum quoque illud miror, in quod abripi se patiuntur nonnulli, si non ex legislatoribus horumque interpretibus, certe legum administratoribus ad minimum, ac in foro nostro similiter fieri factumque novimus: ex constitutione Imperatoris criminali inferentes, Medicum solitarium, sine parastata Chirurgo, deponere neutiquam posse. Qualis traditio postquam frequentiore usu in consuetudinem abiit, legis publicæ tandem auctoritatem acquisivit; quinimo collegia Prudentum vulneris inspectionem, quam sine Chirurgo administrat Medicus, illegalem, secus, quam sine Medico peragit Chirurgus, pronunciarunt hætenus: perperam tamen in hoc negotio agi, ex antecedentibus evidenter elucescit. Quibus insuper addo, formari a Medicis & ex horum scriptis nostrates Tonsores: in operibus proin Medicis non Directores, non Consiliarios, eorum, quæ penes ægros fieri solent, aut debebant; sed ministrantes atque executores illorum, quæ Medici jusserint, hos agnoscimus: Cur itaque illis potiorrem locum in hac functione concedamus? cur concedant præter omnem rationem alii? Præterea hominum horum peritiam, si Magistros in arte sua declarari malint, Medici explorant, iidemque quoties illos in Extispiciis ejusmodi foren-



forensibus adstantes & ministrantes sibi habent, observata consignant, ideo, quod sphæram illorum hoc negotium longius transcendat, ut ex eorum relationibus super vulnera, ad nauseam experimur. Accedit, Chirurgum, qui in casu quovis difficiliore, hinc vulnerationis etiam, Medicorum consilia non implorat, sed negligit, non levem hac ratione occasionem præstare, per quam a pœna ordinaria absolvatur homicida. Et quid frequentius, quam super Chirurgorum æque ac Medicorum relationes collegia Medica (nunquam Chirurgorum societates) horumque decisiones rogari, & secundum horum consensum ac dissensum illarum vim moderari? Unde nec in Cadaveris inspectione, hincque concinnando iudicio Chirurghi Medicis censerentur pares, multominus superiores, sine quorum approbatione ad deponendum omni facultate hi destituantur. Notoria perquam est Barbitonsorum nostrorum ruditas, per quam plerique eorum nec Calvariam sine meningum ac cerebri laceratione aperire; nec abdominis integumenta sine interaneorum perforatione; nec viscera, horumque vasorum ramificationes evolvere & discernere, multo minus ex visis perite judicare, norunt. Qualem hominum ruditatem occultare, quam in apricum ponere, mallet. Denique attendi meretur, Medicum solum sine Pharmacopœo de rebus Pharmaceuticis, ac de aliis infinitis causis v.g. Impotentia, Virginitate, Gestatione, partu dissimulato, potionatione &c. sine alterius cujusdam, ministrantem aliquam Medicinæ partem exercentis, adiutorio perite, sufficienter ac legaliter deponere: quid obstat, quominus super vulnerum lethalitate idem solus & absque adstante tonsore, judicare queat, qui non hanc vel illam tantum, sed cunctas artis partes, callet. vid. *de Offic. Med. part. 2. cap. 3.*

Circa Medicum tamen ac Chirurgum, inspectioni ejusmodi præficiendos, adhuc monere conveniet, ne horum illis, qui percussio decumbenti medebantur, hoc in eodem defuncto deponendi munus committamus: secus, ac olim *Welschium* nostrum sensisse novimus. Dum hoc ipso, ubi de vulneris lethalitate per se ac per accidens quæstio inprimis emergit, aut a percussoris defensore in litem trahitur, an illi in medela perite & secundum artem egerint horumve nihil neglexerint, hi de lethalitate ejusdem individui seu in propria causa i. e. lege artis medelam se administrasse, ac omnem diligentiam adhibuisse, testari seu judicare nequeant; nisi defensori ad lites inutiles, & iudicem in sententia de homicidio ferenda conturbantes, occasionem suggerere malimus.

*Non pestulentur ad deponendum Medicus & Chirurgus, qui vulnerato vivo medebantur.*

Sed missis personis insipientibus, rem ipsam aggrediar, ubi sane præliminariter monendum, vulneris nomine non illam tantum continuitatis partium mollium, cæsim, punctim, similivè modò factam solutionem hic venire; sed quamvis ab ictu externo & violento partium solidarum, mollium pariter ac duriorum læsionem illud designare, sive hæc sui sensibile vestigium pone se relinquat, sive secus. Adeoque sub censura hac præter vulnera proprie dicta stant tumores, fracturæ, v.g. Calvariæ, luxationes vertebrarum spinæ, contusiones hincque ortæ rupturæ, compressiones, v.g. cerebri, ac quævis percussiones, actiones vitales aut animales turbantes vel intercipientes: ita quidem ut hinc quibusdam Ictus percussione vocabulum præ vulneris notione placuerit. In specie vero præter vulnera cruenta Medicorum effatum frequentius postulat commotio cerebri, quam graviora symptomata, imo aliquando mors immediate, excipit, juxta *Hippocr. 7. aph. 58. Quibus cerebrum concussum fuerit, ex aliqua causa, eos statim voce privari necesse est*, vel ut *Galenus* explicat, ac quotidiana evincit experientia, eodem modo ac apoplectici, sine omni motu ac sensu prosternuntur. Et quidem non illi tantum, quibus a vasorum ruptura aliqua sanguinis profusio ad *ἐνκέφαλον* contingit, sed ubi nihil plane hujus observare licet; ex

*Quid Vulneris nomine hic veniat.*

*sym-*



symptomatis nihilominus gravioribus morteque præcipiti texturam cerebri tenerrimam hujusque canaliculorum mollissimorum atque exilium fasciculos enormiter contractos, complicatos aut quacunque ratione a statu & habitudine naturali dejectos auguramur. Cui violentiorem quoque regionis Epigastricæ ac Hypochondriorum percussione jungo, ad suffocationem & asphyxiam disponentem, atque aliquando sine vulnere tumoreve patulo enecantem: cujus phœnomeni penes scriptores equidem raro mentio fit, nisi quod *Fortun. Fidelis* oris ventriculi seu Epigastrii percussione aliquando enecare perhibeat, & quidem propter stomachi seu orificii ventriculi superioris dolorem exquisitum maxime. Ego nihilominus anno 1673. die 6. Maii requisitus a Prætoris hujus urbis dissecui cadaver virile hominis, qui a jactu lateris dimidii, aliquot librarum, hypogastrium dextrum impetente, subito concidens exspirarat: in quo nihil integumentorum, nihil viscerum vasorumve læsum laceratumve offendi, nisi quod in diaphragmatis illo loco, quo costis nothis ejusdem hypochondrii hoc contiguum, aliquid contusionis & suggillationis, ambitu suo vix dimidium imperialem æquantis, mecum viderint adstantes, perierit tamen ex ictu hoc infasto miser ille. Ne igitur & percussione terminus justo strictior videatur, quemlibet ictum læsionemque, quæ manu violentiore, aut nuda, aut instrumentis nociferis armata, infertur, hic concipere licet, de cujus lethalitate quæstio est: ita, ut præter casus, quos superius innui, hujus quoque forsitan loci sint plures alii, v. g. violentior uteri parturientis sub secundinarum specie, ab imperita & imprudentiore obstetrice facta extractio, qualem hæmorrhagia, inflammatio, delirium & convulsiones lethales ut plurimum sequuntur.

Cadaver secandi & aperiendi rationem prolixius declarare præsentis negotii haud videtur, qui Medicis harum rerum peritis hæc scribo: quinimo illorum prudentiam laudo, qui se modulo suo metientes, & quod in resectionibus administrandis se non sufficienter exercitatos norint, ejusmodi secandi & inspiciendi, hincque testificandi munus, postulati quamvis, modestè detrectant. Sufficiat in genere dixisse, singulari prudentia ac dexteritate vulnere inspectiones esse peragendas, si non secundum regulas a *Carpzovio prax. Crimin. part. I. quæst. 26. p. 43.* & *Celeberr. Stryck. l. a. cap. 2. §. 33.* certe sub similibus & sequentis forsitan tenoris animadversionibus ac monitis traditas.

In Inspe-  
ctione Ca-  
daveris ob-  
servanda  
cautelæ.

*Primo* nempe instituaturs ejusmodi visitatio satis tempestive, i. e. quantum licet, brevi a decessu percussæ, pro declinanda putredine cadaveris & fracedine hinc superveniente: qualis Medicum in inspectione accuratiore turbat, putredine corrupta, & arrofa interanea læsionum illatarum conditionem genuinam occultant, & commode has evolvi minus concedant. Ad qualis sane cadaveris lustrationem nec adigi potest Medicus, nec si sub tali cuncta penitus non advertit, hinc minus exquisitè deponat, imperitiæ vel negligentiae accusandus erit. *Deinde* caveat a styli similiumque instrumentorum, antequam interior vulneris facies detecta improvida intrusione. Sane sicut in percusso vivo adhuc specilli tentativi, pro vulneris profunditate similibusque conditionibus explorandis usu a *Wrzio* jamdum *Chirurg. 1. cap. 6.* non sine evidente ratione, improbatus fuit, castigatur etiam ab aliis, quasi fodiendo partes interiores laceret, hinc vulnera profundiora & latiora reddat &c. pariter metuendum erit ab ejusmodi scrutinio in defunctis, utpote ambiguum reddit inspectorem, an a suimet, an vulnerantis, tela plagæ conditio, ex qua lethalis determinanda, dependeat. Erroris ejusmodi crassioris quam maxime paradigma Acta Fac. nostræ 1699. mens. Martii suggerunt. Ubi vulneri frontis a globulo sclopetario facto Chirurgus rudior instrumentum ejusmodi ad digiti profunditatem immiserat, neque a violentiore  
ejus



ejus impressione & agitatione cesserat, donec corpus solidius, quod globulum augurabatur, offenderit, hocque non sine cerebri laceratione & mortis acceleratione, dum inprimis hac ratione calvariae fragmenta illi profundius impacta, hinc plaga magis dilatata & elongata, fuerit. Cui ex *Strickio* l. a. n. 34. addo, ab impertinente ac rudiori styli sciscitatori per Chirurgum imperitum applicatione in cadaveris aperti pulmonibus diversa vulnera fuisse reperta, quorum quod ense occisoris, quod instrumento Chirurgi illatum, ambiguum manserit.

*Tertio*, sedulo & exquisite non tantum in partem laesam & plagae evidentis condiciones cunctas disquirat Medicus, sed totum insimul cadaver, an forsan aliud insuper in eo vulnus lateat, seu omnes ejus ictus, tumores, vibices externas perlustret, quo ab his similique phaenomeno ad internarum laesionum investigationem feratur. Imo quamvis nihil ejusmodi vestigiorum compareat, minime tamen sectio & interaneorum evolutio ulterior negligatur, si nimirum defunctum violentiorem percussione passum fuisse innotescat aut praesumatur: sed Medicus, quam in uno membro non invenit mortis causam, in altero scrutetur; inprimis si de homicidio tumultuario, aut plurium ictuum illatione, constet; adeoque caput non minus ac thoracem & abdomen horumque recessus atque contenta, omni studio perlustret. Ita ut si plures ictus offendat, horum singulos cum eorum circumstantiis annotet, quo quae demum lethalitatis potior existat occasio penitus eruatur aut si forsan laesionum diversarum neutra mortalitati inferendae sufficiat, num earum binæ vel trinæ simul idem praestent, commodius disquiratur. Habet etiam sollicita ejusmodi investigatio hoc emolumentum, ut si forsan percussione evidentis lethalitas aut nulla aut dubia, verior & latens simul v. g. apostema internum, hydrops manifestetur, in subiecto praepressis haecenus valetudinario, aut ignoto etiam, sicque ab homicidii suspitione liberetur percutiens.

Ab ipso *F. Fideli* l. 4. s. 5. c. 1. jamdum annotatum legimus, non quamcunque partem percussam semper livorem seu ecchymosin ostendere, nisi venis iisque non admodum alte positis praedita sit, aut si nervosas aliasve minus carnosas partes inciderit percussio. Ac saepe ne levissimo quidem percussione externo vestigio comparente, interiora corporis enormius lacerata deprehendimus mihi quae plura ejusmodi obtigerunt subiecta qualium dissectionem frustra aut praeter rationem postulari, videri poterat, ubi tamen partes reconditas mortaliter laesas autopsia declaravit. Hujus rei exempla *de Offic. Med. lib: 2. c. 4.* aliquot adduxi, inferius quoque talia recensere occasio feret: ne pluribus Lectori molestiam hic pariam. Infero potius ex his cautum & circumspectum postulari professorem in percussione lethalitate investiganda, neque hunc renuere aut subterfugere debere perlustrationem partium exquisitiorem utut laboriosissimam, & sine violentiae quoque ab extra illatae nota praemonstratrice.

*Quarto* enim quia ejusmodi inspectio atque evolutio sine sectione fieri nequit, haec nunquam negligatur, aut perfunctorie administretur, aut rudiori Chirurgo, ut superius monitum concedatur: quo laesionis forma penitus & quoad singulas circumstantias pateat, nullaque harum negligatur, quae iudicio de illa ferendo litet. Neque enim, quam ab externi vulneris obtutu, contactu, aut ejus aliquali diltatione, aut styli tentatorii intrusione sibi nonnulli promittunt, exploratio laesionis profundius latentis conditionibus singulis manifestandis adaequata existit, sed fallax omnimode, ac suspecta deprehenditur, prout superius monitum. Ipsa vero haec sectio suspensa ac provida maxime celebretur manu, ab illo, qui operationum anatomicarum ignarus, vix expectanda: & qui dexteritate hac secandi destituti vulnera non raro facere potius, quam investigare, videntur.

*Laesiones partium internarum non semper sui vestigia externa habent.*

*Sectione circumspecta semper opus.*



dentur. Ac eo ipso, dum Chirurgos nostrates huic negotio minus pares esse, novimus, vasa hinc inde, membranas cerebri, ipsumque cerebrum, intestina, &c. per incuriam atque imperitiam lacerantes ac perforantes; prudentioris Medici erit, propriis potius manibus talia administrare, quam rudioribus his hominibus committere.

*Sclopetorum  
Vulnerum  
indagatio  
ardua.*

*Vulnerum  
Sclopeto-  
rum tractus  
tortuosi ma-  
xime.*

Quinto majore circumspectione opus est in puncturis illatis, quæ in partibus internis ob instrumenti perforantis apicem angustiores seu acuminatam valde sæpius eousque connivent, ut minus lyncei atque attenti professoris oculos & manus facile fugiant: adeoque horum terminus ultimus sollicitè magis persequendus. In specie sclopeto facta vulnera indagine curatiore opus habent, utpote quorum globuli miros & tortuosos adeo tractus ut plurimum describunt, ut horum tendentias anfractuosas stupefcat aliquando curiosior oculus, offendens ultimum globuli terminum & interaneorum, quæ ille perforaret, lationem plagæ externæ minus directo respondentem & inadæquatam maxime. Multa hujus observati possem tradere exempla ex pluribus subjectis ita interemptis: nisi unum vel alterum dictis comprobandis sufficere crederem.

Anno 1678. mense Octobris, ad requisitionem quæstoris Sceudizenfis, cadaver militis cujusdam globulo sclopetario interfecti, visitabam: qui globulus quamvis per rectam satis lineam thoracem penetrarat, dum prope papillam dextram, inter quintam & sextam costam pectus subierat, & dorsi idem latus inter septimam & octavam trajecerat, ita ut unam costam anticarum maximam partem, posticarum omnimode, confregisset: miris nihilominus & tortuosis ictibus, seu sub totidem refractionum ratione, diversa interanea, plagis thoracis externis haud æque intermedia, simul lacerata cernebantur; inferior nempe pulmonis dextri lobus simplici, at amplo, diaphragma duplici vulnere, item hepatis connexa & septo annexa pars, cuncta ratione a priore minus explicabilia. Pariter anno 1687. mense Junii vocatus a Commissariis Serenissimi Ducis Martisburgensis inspexi cadaver juvenis, bombardæ manuariæ globulis binis, hinc duplici vulnere, interfecti: quarum sphæricularum una per lumbum sinistrum, prope costam ossis ilei, oblique sursum ad hypochondrium ejusdem lateris conversa lienis faciem gibbam profundius laceraverant, hinc per diaphragmatis ambitum carneum ac pulmonum sinistrum lata, in costarum superiorum tertia figebatur; dum alter globulus natium sinistram & musculos gluteos itidem oblique sursum una cum ilium osse et musculo iliaco perforaverat, ita tamen ut hunc, sedulo quamvis inquirens, neutiquam, sed ramentum tantum ejus exiguum, quasi laminatum, invenire potuerim. Quibus adjicio vulnus globulo sclopeti majoris 27. Jun. anno 1706. Femine Tauchensi illatum, qui summitatem humeri dextri, hujus musculos et superiorem costam ad cavitationem pectoris penetraverat, & in hac pulmonis dextri lobum superiorem superficialiter laceraverat, simul tamen arteriæ pulmonalis truncum una cum lobo superiore sinistro & costa ejusdem lateris sinistri secunda perfregerat ac claviculam notabiliter conquassaverat, tandem brachium sinistrum ad humeri usque partem superiorem permearat.

*Sectio non  
semper  
Causam  
mediatam  
declarat.*

Interim, lustrationis ejusmodi auctoritati nihil derogabit, si per illam lethality causam mediata vix semper evolvatur, & aliquando nos ad decernendum de illa urgeamur: modo de hujus effectu, seu causâ mortis immediata certi reddamur. V. g. in casu, quo vasorum lymphaticorum lacerationes, propter horum teneritudinem, nec per industriam satis visitationem conspicuæ fiunt; comparet nihilominus lymphæ extravasatio notabilis; illarum necessaria atque immediata pedissequa. Simile quid de enormiore quoque cruoris ad ventrem hunc



hunc vel illum profusione seu collectione, vasorumque evidentiore exinanitione aliquando judicare, sana ratio suadet: utut hæc horumque perforationes aut rupturæ, ob sui exilitatem, minus conspicuæ extiterint, annuente *Facultate nostra* in responso 1692. mense Maii, & in alio, Anno 1707. mense Augusti, dato.

Quemadmodum nec de lethalitate ideo mox ambigendum, adeoque sectio ac lustratio interaneorum, quasi minus necessaria, negligenda, quod violentiæ periculosis illatæ nulla extrinsecus seu in habitu compareant signa. Quales casus dum crebriores, ita horum quoque diversos *Collegii nostri Acta* suppeditant. v.g. anno 1705. mense Julii Procurator Fisci Smalcandensis ad illud referebat, in cavere feminæ sex vel septem menses gravidæ, in agro reperto, diaphragma manus longitudine disruptum, absque ullo signo externæ percussione, nisi levè dorsum versus rubedine, visum fuisse: unde Medicus ac Chirurgus, qui visitationi præerant, sibi & Judici persuaferint, non tam a percussione quadam externa, quam per modum suffocationis seu aeris interceptione, ruptum fuisse dictum sepimentum. Cui tamen respondimus, crepaturam hanc diaphragmatis neutiquam ab aeris compressione, quin potius ab ictu externo evenisse, etsi nullum ejus vestigium extitisset: quod in illis præprimis contingat percussis, qui subitanea valde, & ictibus ejusmodi mox superveniente morte intereunt, antequam sc. ex ruptis a percussione vasis capillaribus tantum sanguinis, quantum ad conspicuam suggillationem formandam, necessarium profundatur. Liceat mihi addere, in strangulatis, seu suspensis, me nunquam aliquid rupturæ in diaphragmate observasse, nec memini ab aliis professoribus talem visam fuisse: neque immemor pulmonum, aere turgentium, inflatio ad diaphragma rumpendum satis potens videtur, illorum compage atque textura teneriore, tenacius & compactum magis, quodque sub constitutione ejusmodi deorsum, sine ulla sui renitentia, explicatur, cedentibus ipsi promptissime abdominis partibus continentibus cum contentis.

In hoc interim *Claro 5. senten. §. homicid. Farinacio Conf. 100. num. 17. Zacchia l. 5. tit. 2. quest. 3. n. 2. 3. 4. Carpzovio prax: crimin. part. 1. quest. 26. n. 4.* aliisque legum interpretibus auscultandum, nec percussiones, quas autopsia in se mortiferas testatur, propter aliam quandam causam, obitum percussi quæ forsan juvare vel accelerare poterat, supervenientem vel præexistentem, minus seu per accidens tantum lethales arguamus, v.g. si vulnerato nullus aut imperitus adhibitus fuerit Medicus vel Chirurgus, si neglecta in casu ejusmodi consueta & adæquata remedia, aut vulnerati pravum regimen accedat, verum non obstantibus his vulnerantem per leges de occiso teneri. Et locum tantum habet hujus generis exceptio, ubi læsio illata hujusve lethalitatis signa dubia; contra, ubi hæc certiora, ac vulnerato præsidia necessaria denegata.

Aassertum hoc durum nimis videri poterat non frivolis tantum homicidarum defensoribus, sed Medicis quoque & horum Collegiis incautioribus, minus pensitantibus, quod, quamvis, quæ per imperitiam neglecta censebantur, studiosius administrata fuerint, hæc nihilominus per ipsius plagæ conditionem, huiusmodi medendæ haud paria contigerint: quod inprimis comprobant collegii nostri responsa diversa. Ita v.g. 1702. mense Aprilis ad Christianum Administratorem Jurisdictionis Grisavensis & mense Maii ejusdem anni ad quæstorem Torgaviensem respondebat idem in puncto percussorum capitis per se lethaliū, quas patroni caussarum nihilominus, ob medelam negligentiorē & remedia congrua posthabita, per accidens solummodo tales aiebant, illas, his erroribus sc. non obstantibus, mortiferas per se pronunciando. Mense Junii similiter deponerat de triplici hepatis ruptura, quam quidam Medicorum, per accidens tantum lethalem redditam asseruerunt: non obstante plagam lustrantium iudicio, a Facul-

*Lesiones partium internarum sæpe sunt sine vestigiis externis.*

*Quæ autem plia mortalia innuit, vulnera per alia supervenientia aut combinata talia per accidens dici non queant.*

*In specie neglecta aut minus perite administrata medela vulnus semper per accidens lethale reddit*  
*Exemplum*



tate nostra confirmato. Hoc ipso anno 1710. mense Martii Zuvickaviensibus simile quid rescribatur circa capitis contusionem, cui remedia congrua pariter minus adhibita fuerant, eam, quia brevius discesserat vulneratus, neque ante sectionem cadaveris seu in subiecto adhuc vivo calvariae fractae habitudinem exactius dignoscere, hinc instrumenta Chirurgica secundum artem & cum fructu administrare licuerit, per se lethalem pronunciando.

*Nisi Lethalitas forsan dubia.*

Secus tamen in lethalitate vulneris minus evidente, si errores obitum antecesserint, judicabatur, v. g. mense Januarii 1706. ad requisitionem Caroli Bartholi, Dessaviensis, de capitis pariter percussione. Nempe cum in hoc casu cruor extravasatus calvariae & durae meningi tantum incubuerat, hic autem primis diebus per sanguinis missionem, cutis incisionem ac trepanationem educi forsan valuerit, his neglectis lationem illam, per accidens tantum lethalem fore dicendam. Cujus etiam generis est responsum anni ejusdem mensis Aprilis ad Lubecenses, de calvariae feminae fractura, hanc equidem difficilem atque periculosam valde videri: quoniam nihilominus percussa sine affectibus comatosis, convulsionibus, deliriis aliisque in simili casu frequentioribus, ad septimum diem commode satis degerit, quantitas sanguinis extravasati exigua admodum, ac Chirurgus tardius arcessitus fuerit, hic in plagae exploratione minus industrium se gesserit, neque sanguinis missionem, epithemata aliaque hujus generis praesidia administravit, interim nulla partium lassarum in putrefactionem abierit, eam per se lethalem declarari vix posse.

*Aliquando sufficit, partem priorem lacerari, tantum lustrasse, non alias.*

Illegalem inspectionem hincque vulneris mortalitatem ancipitem reddere nonnulli satagunt, si hoc quamvis gravi & in se lethali in aliquo membro viso, illa mox abrumptur, ac ceterarum partium plus minus nobiliorum nulla simul fiat lustratio: num, forte in harum una alterave par aut potior mortis causa reperiatur? Verum utut minime diffitear, in ejusmodi nos aliquando incidere casus, ubi plures simul sectione indagare partes consultum atque necessarium: si nimirum lationum plurium extrinsecus observentur vestigia, aut diversas illarum percussas signa probabilia vel adstantes innuant; item si aliquam ex his morbo latente affectum, alias constet, ac lethalitas in una parte nondum evidens deprehendatur. In qualibus sane ceterorum quoque ventrum interanea perquirere jubemur, ne aliquid eorum negligi videatur, quod justitia exigit: sin vero nullum membrorum aliorum, sive ab extra, sive ab intra, lassarum compareat signum, vulnus in illo, quod imprimis percussum novimus, vere lethale advertatur, prolixiore ceterorum viscerum evolutione minime opus; & legaliter ac secundum artem agit, qui talem haud suscipit, adstipulante hoc in passu responso Facultatis dictae duplici, anni sc. 1685. mens. Decembris & 1706. mense Augusti; hujus circiter tenoris. Si in capite v. g. percussio mortifera cernatur, simul sedula & exquisita facta indagatione penes agnatos aliosque familiares de percussi valetudine pristina, nihil tamen morbi antedecanei hinc innotescat, minime illegalem dicendam esse inspectionem, quae membri manifeste & lethaliter affecti tantum rationem habuit, capitis v. g., postabita thoracis ac abdominis apertura.

Mense Octobris 1708. Dominis Scabinis Lipsiensibus respondebatur, dum percutientis Promachus contra lethalitatem, a Medico & Chirurgo secantibus assertam, urgebat: quasi inspectio ab his Lege artis non fuerit administrata, ideo, quod thoracem non simul aperuerint, in quo forsan alia internecionis causa, cordis e. g. polypus, fuerit reperta, innuente tale quid dyspnoea non levi, qua defunctus olim pressus fuerit: eo ipso, quod ictus graviores in capite sustinuerit defunctus, spuma circa ejus os, epilepsiae gravioris nota, mox comparuerit, & mors brevi supervenerit, percussum non ex paroxysmo asthmatico



tico ac morbo pectoris latente, sed ictu capitis & commotione cerebri graviore periisse. Circa capitis saltem læsiones insigniores & cum vehementiore cerebri commotione factas, monendum, forsan non inutile fore his defunctorum thoracem ac abdomen simul cum capite aperire: si nimirum febrem ardentem valde cum rigoribus erraticis, dolorem hypochondriorum punctorum, item cervicis, summam spirandi difficultatem atque inquietudinem decumbentes passi fuerint. Utpote in qualium cadaveribus, pleuram, pulmones, hepar ac lienem frequenter plus minus suppurata offendere, hincque percussione gravitatem insuperabilem magis judicare licebit. Difficultatem equidem anhelitus *Paræus lib. 9. cap. 9. a 10.* propter impeditam facultatem animalem, quæ movendi virtutem ac cerebro musculis thoracicis impertiri debebat, fieri opinatur: verum aliud docuit modernos observatores experientia, sc. hepatis, pulmonumque inflammatorum symptomata, esse sphacelati cerebri productum.

*Nisi in capitis læsionibus enormioribus.*

Tandem vero per quamcunque demum causam vel errorem Medici & Chirurgi depositio insufficiens, aut imperfectior videatur, haud tamen semper tanti momenti existit, ut lethalitati, si quæ subest, omnem vim ac pondus subtrahat: modo per istam percussione illatæ conditio & circumstantiæ lethalitatem inferentes sufficienter ac perspicue annotatæ ac enarratæ fuerint. Secus, si ex rudiore ejusmodi visitatione de his minus constet, ex quibus nihilominus super lethalitate formari poterat ac debebat sententia. Prioris generis inconcinna Inspectio admittebatur a Facultate nostra anno 1670. mense Novembris, facta in cadavere vulnerati rustici a pharmacopoeo ac duobus Chirurgis, satis inepte ac imperite deponentibus, ligamenta sc. pulmonum fuisse lacerata, ventriculum cordis vulneratum haud nominantibus &c. Quod nihilominus plagam in pulmone latitudinis binorum digitorum & in ventriculo cordis profundam admodum adnotaverant iidem professores aciei obtusioris, ac vulneratus tantum non intra nycthemerum obierat, læsio per se lethalis ab eodem Collegio pronunciabatur. Posterioris vero notæ, i. e. nullius plane ponderis ac auctoritatis videbatur relatio medica, a Causidico quodam Oppidi 1672. mense Junii transmissa, in qua inter alia hæc legebantur verba: *cruor & serum ad cavitatem thoracis copiosius profusa circa orificium ventriculi sinistrum & venæ circulum utrumque nervosum super diaphragmate hærebant. Post diuturniorem & solertiorem visitationem cernebamur duo vulnuscula exiliora in ramis bifidis venæ cavæ descendentes sub corde ad utrumque latus vertebræ, cui septima costa alligata est, disseminatis &c. item, in hoc tantum pulmonum lobo, qui mediante mediastino loco affecto annexus erat &c.* Unde Collegium respondebat: equidem percussione hanc per se lethalem videri, ideo, quod multum sanguinis extravasatum, & vulneratus quinto mox die sub gravioribus symptomatis obierit; ex obscuriore nihilominus eadem relatione nihil categorici de hoc casu decerni posse.

*Nec Medicorum ac Chirurgi inepta inspectio vulneris ut de hoc facta inepta depositio per accidens lethale reddidit hoc.*

Interim hoc quoque attendi meretur, illos, qui pro visitoribus cadaverum cavillandis & Judice confundendo conquiruntur ac finguntur defectus aliquando parvi momenti existere, si ad artis fundamenta ponderentur; adeoque a Collegiis peritorum optimo jure rejici: qualium unum alterumve innuere, e re erit. Anni videlicet 1667. mense Februarii Arnurus quidam Wittebergensis de vulnere hypochondrii sinistri, ventriculi duplici, epatis ac mesenterii, cum insigniore cruoris ad abdomen profusione, litem movebat, num hoc jure lethale fuerit pronunciatum? Et inter alias dubitandi rationes inspectionem illegalitatis accusabat ideo; quod cruoris extravasati quantitatem minus accurate & non pondere determinarit, nec symptomata plagæ supervenientia cum vasis laceratis recensuerit professor: hincque Collegium, cujus decisionem implorabat, in lethalitate determinanda dubium valde reddebat. Cujus tamen indicia seu

*Potissimum si defectus illius depositionis non magni momenti fuerit.*



documenta satis evidentia exhibuerat ipsa sectio, quam perstringebat iste caudicus; ventriculum nimirum in fundo pariter ac prope orificium inferius, ac hepatis cavum non procul a vesicula fellea perfossa, simulque enormem sanguinis profusionem. Ex quibus profecto phænomenis vulnus hoc per se lethale fuisset dicendum, expirante inprimis vulnerato mox & vix horis novem elapsis: nec perpetuæ necessitatis videtur; symptomata supervenientia ac vasa læsa nominare, cruoremque statim ponderare. Similiter anno 1701. a Stargandensi quodam juris practico Collegii nostri postulabatur iudicium super vulnus abdominis, lethale a Medico atque Chirurgis declaratum, a defensore nihilominus vulnerantis impugnatum, ideo, quod quamvis notabilis cruoris quantitas in ventris dicti cavitatem fuerit visa, vasorum tamen laceratorum rami vel truncus minus annotati, nec intestini ilei plagæ profunditas & latitudo circumscripta. Responsum autem ferebat: etsi iudicium prosectorum omnibus numeris haud absolutum videatur, dum vasa mesenterii læsa num majora minorave fuerint, non determinarint, hoc nihilominus valde suggillatum, & sanguinis profusi ingentem quantitatem dum annotarint, lethalitatis evidentem rationem eos reddidisse. Pariter licet in vulneris ilei descriptione non adeo accuratos se gesserint iidem: eo ipso tamen, dum lacerationem dictorum vasorum, hincque enormiorem sanguinis profusionem mortem intulisse, abunde constet; nec hanc negligentio rem ilei sauciati lustrationem lethalitati evidenti derogare.

## C A P. II.

## De lethalitate vulnerum in genere.

*Vulnus insanabile & lethale ut differant.*

**L**ÆSIONUM vero harum percussionumve dum quædam lethales, quædam non lethales, pronunciantur, ratione lethalitatis supponendum, eam prudentiores non ex eventu deplorando tantum concludere, neque omne vulnus, quod mortem pedissequam habet, mox cum vulgo mortalem proclamare; sed quod revera & ut tale, mortis insequentis causa extiterat, & quia non sanabile, mortem intulerat. Quippe quamvis non omnis plaga insanabilis simulatque necessario lethalis sit, ac lippis quoque & tonsoribus de differentia inter vulnus insanabile ac lethale constet, proin a Celso non adeo congrue forsan mortiferum insanabile dicatur, dum ipsa experientia evincit, membrorum non tantum quorundam externorum, sed viscerum etiam, quædam vulnera, modo cum symptomatis plus minus molestis, modo sine his, vulneratis plures annos ac non raro ad decrepitam usque ætatem manere, & nulla arte consolidari seu sanari posse. (Quatenus præter alios Scriptores Platerus obs. p. 880. de quodam Capitaneo, in abdomine sauciato, perhibet, hunc per multos annos incolumem satis, per fistulam, a vulnere intestini atque abdominis remanentem, stercus cum euphoria quotidie excrevisse. Pariter ex Cornace & Jul. Alexandrino Schenckius vulneris ventriculi, rustico cuidam Bohemo venabulo illati, meminit, quod nulla arte seu consilio consolidari poterat, id est, insanabile existebat, vulnerato nihilominus per plures annos superstiti; & ventriculum ad lubitum per aperturam, a vulnere relictam, eluente seu evacuante). Eo ipso tamen quod mortem inferens vulnus propter sui insanabilitatem funestum existat, quia nullam medelam admittit, omne quidem mortiferum insanabile, non vero

omne



omne insanabile mortiferum , appellari potest , adeoque vulnerans non de morte , sed de vulnere tantum , tenetur .

Qua proinde ratione , super vulnerum lethalitate judicandi , plenius constet , quia sicut in quibuscumque casibus , ita in homicidio quoque , antequam corpus delicti hujusque cunctæ circumstantiæ ac conditiones , imprimis vero , an occisus ex illata violentia seu percussione perierit , pateant , Icti poenam mortis haud decernunt , ac ab ordinaria , si occisus non a vulnere , sed culpa Chirurghi , malo regimine , vel alia de causa superveniente moriatur , reum absolvunt : illud vulnus lethale , mortale seu mortiferum asserunt , quod plus tenet ad mortem , quam ad salutem , & mortali vulnere affectum dicunt , qui secundum artis Medicæ regulas , seu cum tota peritia Hippocratis & Galeni , non , nisi cum magna difficultate , evadere potest . Neque enim confundenda sunt vulnera periculosa cum lethalibus , sed ex Chirurgorum Medicorumque scriptis , horumque collatione , aut per ipsam experientiam supponi debet , vulnera non tantum majora & penetrantia , sed interdum exilia ac superficialia satis , sæpius cum magno minoreve mortis periculo combinari , imo plagis levissimis tristes aliquando contingere eventus : multum nihilominus ab his recedunt lethalia seu mortalia .

Quare primo sollemnis maxime penes Medicos æque ac Jurisperitos observatur distinctio inter vulnus *per se* & *per Accidens* lethale : quorum illud lethale *κατ' ἐξοχήν* etiam dictum , sine alterius causæ interventu mortem immediate producit : *per accidens* vero lethale seu indifferens audit , ex quo , ut tali , seu immediate , nullus vulneratorum perit , sed percussi modo convalescunt , modo satis cedunt , pro diversa nempe medentis industria ac peritia , ægri probo praevoque regimine & similibus circumstantiis , ut causis intermediis , ex vulnere non mortali aliquando mortale facientibus . Deinde *per se* lethale denuo deprehenditur vel *de necessitate* seu *simpliciter* & *absolute* , item juxta Hippocratem , maxime , juxta Guidonem de Cauliaco valde ; vel *non necessario* , sed *ut plurimum* tantum seu *frequentius* , tale . Ita ut illud dicatur , quod omnem medelam detrectat , ac semper brevique intermit ; non necessario vero vel *ut plurimum* dumtaxat lethale , cujus curatio *ut plurimum* male succedit , non tamen semper , aut tardius demum , interficit . Id est , potest aliquando plaga existere in se *ut plurimum* lethalis , vulneratus nihilominus convalescere , quemadmodum alii morbi , tametsi sua natura *ut plurimum* lethales sint , interdum & a quibusdam superantur : seu possibile est , vulneratum lethaliter , per singularem , ut communiter ajunt , corporis texturam ac naturæ robur a vulnere liberari ac sanari , alium nihilominus ex morbofo corporis apparatu , textura ejusdem teneriore &c. diem supremum obire .

Frequentius equidem *τὸ per se* , & *absolute* vel *de necessitate* lethale in relationibus ac Judiciis a Magistratu postulatis , non tantum balneatores , hujusque generis homines rudiores , sed illi quoque , qui inter Medicos eruditos ac dogmaticos recenferi gestiunt , quin imo ipsa aliquando peritorum collegia , pro synonymis habent ac exscribunt , vulnerique per accidens lethali opponunt : quibus & ego in hoc subscribo , quod omne simpliciter ac necessario lethale per se etiam tale dici queat ac debeat : minime tamen vice versa omne per se lethale simpliciter seu *ἐξ ἀνάγκης* tale pronunciari valet , ut ex antecedaneis elucescit . Haud operosum adeo mihi foret , diversa diversorum Collegiorum hujus generis absona producere enunciata , quibus *τὸ simpliciter* & *absolute* lethale huic , quod *per se lethale* , substituunt , seu unius ejusdemque generis ambo credunt , prius quoque *per accidens* lethali contradistinguunt : quorum tamen auctoritatem ne petulanter laceffere videar , curiosiorem Lectorem ad P. Ammann. praxin vulnerum

Quid vulnus  
lethale?

Quid vulnus  
per se & per  
accidens le-  
thale?

Quid simpli-  
citer seu ab-  
solute & non  
necessario seu  
ut plurimum  
lethale?

Confundun-  
tur vulgo  
per se & sim-  
pliciter, seu  
absolute le-  
thale?

Differunt  
vulnus sim-  
pliciter &  
per se letha-  
le.



tantum ablego, in qua ſpecimina hujus paradoxoſi plura reperiet. Sane vulnus, quod non absolute ſeu ſimpliciter lethale neſcitumq; mox per accidens tale dicendum, interim pro per ſe tali, vel quod mortis inſequentis proxima vel immediata cauſa aliquando haberi poſtulat. Ac per ſe lethale modo absolute ſeu neceſſario modo non neceſſario, ſed frequentius aut utplurimum tantum, tale, prout monui, deprehenditur. Id eſt, notio lethaliſſitatis per ſe non eoſque ſe reſtringi patitur, ut de nulla plaga ejuſdem membri & conditionis, ex qua unum alterumve aliquando eluctatum, ſed omnes interiſſe, novimus, prædicari queat: quin potius ab eo, quod utplurimum contingit & contingere experimur, ceteris paribus, argumentari conveniat. Proin, ſi dicendum, quod res eſt, quoniam juſtitie imprimis adminiſtrandæ ac homicidii puniendi cauſa Judex a Medicis ſententiam ſuper lethaliſſitate rogat, legiſlatores vero in delicti hujus poena decernenda, inter vulnus neceſſario & utplurimum mortale, differentiæ vix rationem habent, ſed ordinaria pariter affici jubent illum, qui vulnere ſimpliciter ſeu ex neceſſitate lethali, ac qui utplurimum tantum lethali, occiderat, (quatenus utrumque horum vulnerum cauſa mortis inſequentis proxima ſeu immediata exiſtit, ipſeque Hippocrates ex illis, quæ 6. aphor. 18. *θανατωδὲς* ſeu lethalia pronunciat, veſicæ ſc., cerebri, cordis, ſepti tranſverſi &c. vulneribus 3. Coac. 387. *μάλιστα ἀποδυνήσκειν*, i. e. fere & utplurimum mori percuſſos, aſſerit.) Conſultius forſan foret in Renunciationibus Anatomico-Chirurgicis diſtinctione hac, utpote per quam iniquis & minus conſcientioſis homicidarum deſenſoribus diſceptandi argumentum atque occaſio ſuggeritur, & Judex, non adeo perſpicax, in ſententiam injuſtam trahitur, ſuperſedere, ac ſolummodo, an vulnus per ſe, an per accidens, mortale, diſquirere atque enunciare.

Vulnera utplurimum lethalia etiam revera lethalia dicenda ſunt.

Vulnera lethalia nonnunquam ſanata.

Cerebri.

Pulmonum.

Neque enim unum alterumve, rariffime contingentium, exemplum quo hunc aut illum, ex tali vel tali vulnere, aliquando convaluiſſe obſervamus, aut ab aliis obſervatum legimus, ſufficit, quo minus, quæ ſæpiſſime, ſeu utplurimum mortales deprehenduntur, plagas in his, qui hinc moriuntur, per ſe tales appellemus: quatenus proſecto res difficilima eſt, de binis duorum ſubjectorum, quorum unum evaſit, alterum occubuit, vulneribus aſſerere; ambo hæc ſibi omnimode & per cunctas circumſtantias ſimilia, ſeu ſpecie eadem, extitiſſe, & per conſequens ejuſdem eventus eadem pronunciare; ac cauſas diverſas concipere licet, harumque forſan plures adhuc latent, cur ex illorum, plerumque deſperatiſſimis, pauci nonnulli evadant. Mirabile & incredibile eſt, quod Galenus 8. de uſu part. cap. 10. & in Hipp. 6. aphor. 18. teſtatur, ſpectaculum, Smyrnenſem adoleſcentem, vulnere in alterum anteriorum cerebri ventriculorum majuſculo accepto, ſola voluntate DEI, ut plerique videbatur, ſanatum fuiſſe: cui ſimile, quod Theodoricus Chirurg. lib. 2. cap. 2. refert, ſe Cellarium vidiſſe, cui ventriculus cerebri poſterior vulnere deſtructus fuerit, qui nihilominus reſtitutus prodierit. Quod phænomenon quamvis jure in dubium vocet Guido de Cauliaco l. a. vulnera nihilominus cerebri enormiſſima, cum ejuſdem ſubſtantie perditione, ſanata perhibet idem, & cum hoc Braſſavola in Hippocr. 6. aphor. 18. Fallopius de curat. vuln. cap. 45. Berengarius de fract. Cran. 13. Arceus de curand. vulner. cap. 6. Coiter. obſ. Anat. Chir. p. 13. & 112. Paræus lib. 9. cap. 9. Hildanus cent. 1. obſ. 13. Horſtius lib. 2. obſ. 5. & 6. Rhodius cent. 1. obſ. 31. & 32. Glandorpius Spec. Chirurg. obſ. 5. Marchetti obſ. Med. Chirurg. 1. 2. & 3. Jones Anglus, in peculiari tractatu, Wounds of the Brain prod. curable, ac præter hos Symphorianus Campejus, Muſa, H. Augenius. A. a Cruce aliique infiniti. Pulmonum vulnera, quæ parum ſpei alebant, conſolidata nihilominus fuiſſe ex Platero obſ. 735. & 736. Hildano Cent. 2. obſ. 32. cent. 3. obſ. 36. & epist. 51. ac 52. Horſtio lib. 3. obſ. 13. Foreſto obſ. Chir. lib. 6. obſ.



obs. 4. *Valeriola lib. 4. obs. 10. Glandorpio l. a. obs. 24. Rhodio cent. 2. obs. 5. Lamfverde append. ad Scult. obs. 43. Pechlini Celeberrimi Historia Veln. thorac.* item ex *Massa, Fallopio, Schenkio &c.* patet: egoque ante biennium in Nobili sub papilla sinistra ita transfosso, ut ensis per dorsi superiorem partem, prope scapulæ os, prodierit, testor. Cordis vulnerum non necessario lethalium forsitan pauciora existunt exempla, inter quæ nihilominus memoratu dignum est, quod *Glandorpius obs. 33. refert.*, Patavii *Sanctorium* in maxima Studiosorum corona & cum summo hujus stupore cor cuniculi instrumento acuto perforasse, vivo nihilominus per multos menses animalculo.

Cordis.

Porro ex plagis tracheæ cartilagineæ quasdam arte vel casu feliciter consolidatas perhibent *Paræus, Pigræus, Bartholinus ac Tulpius*, quibus observationem addo, cujus ante decennium, aut quod excurrit, ad me ab amico transcriptæ recordor. Ubi quidam, propter delictum in carcerem conjectus, novacula penes se recondita, summitatem hujus canalis, proxime sub cartilagine annulari, transversim præciderat, ad hæmorrhagiam usque insigniorem, lipothymiam, aphoniam, stertorem ac paucorum tantum verborum emussitationem. Balneator imperitus, labia tracheæ vulnerati haud adducens, plagæ tantum integumentorum externorum curam gerebat: consolidescbat vulnus totum brevi, sine gravioribus symptomatis, excepta tussis sensim pariter mitescente. Quis autem propter hanc similemque fortuitam medelam vulnera hujus generis lethalibus, i. e. ut plurimum talibus, non accenseret? Ex quibus tamen cunctis, ut alia membra nobiliora taceam, quæ sauciata præter expectationem coaluisse & sanata legimus, minime evincetur, si inter mille v. g. unus ex gravissimo vulnere evadat, unius seu solitarii hujus salutaris eventus, utpote, juxta *Averrhoem* Monstri naturam præ se ferentis, præ tot male succedentibus ac funestis casibus, majorem rationem habendam esse.

Tracheæ.

Neminem adeo præcipitis ingenii concipere possum, qui leviora partium externarum vulnera, quæ sæpe sponte aut sine ullo Chirurgico auxilio consolidantur, ideo pro lethalibus per se pronunciet, quod aliquando mortem inexpectatam & quasi præter omnem rationem intulerint; sed ejus modi plagæ, non obstante uno vel altero casu tragico, qui fortuito contigerat, minus aut per accidens tantum lethalibus a quibusvis prudentioribus accensentur. V. G. si quis ex infausa odontalgia pereat, quod rarioris equidem observationis est, aliquando nihilominus fieri solet. Anno sc. 1705. mense Maii tempore nundinarum, in foro nostro, Circumforaneus quidam juveni robusto dentem ex maxillaribus extrahebat: qui intra paucas horas, propter supervenientem hinc enormiorem hæmorrhagiam fati cedebat: sine dubio, quod vel operator, vel ægrotus, in illa cohibenda negligentior fuerit. Cujus generis exemplum pariter e *Facultatis nostræ Actis* Anni 1701. Mense Junii mihi producere licebit, funesto nimirum eventu susceptæ hujus Chirurgiæ in femina: quæ tamen propter effracturam potius maxillæ simul factam, non fluorem sanguinis, objerat. Cur non vulnus ejusmodi lethale pronuntiabimus, quo plures pereunt, unus tantum vel alter præter spem atque opinionem servatur? Deinde nec adeo evidens est, aut fieri unquam potest, an vulnus sanatum cum non sanato, quoad singula exacte simile, seu specie & omnimode idem fuerit, quin mens sagacior semper anceps relinquitur, an illud, quod accurate lustrare haud licebat, ratione latitudinis, profunditatis, vasorum fibrarumque lacerationis idem cum hoc, cujus conditiones in cadavere per autopsiam quam accuratissime dignoscimus, quas in illo ex signis tantum, interdum satis fallacibus, auguramur, rarius penetramus.

Odontalgia  
funesta.Dubium, an  
vulnus sa-  
natum ex-  
acte idem cum  
non sanato  
fuerit?

Et de conditione vulneris in reconvalescente nihil certi constat, adeoque  
nec



*Ex vulnere  
convalescen-  
tis argumen-  
tari haud li-  
cet ad defun-  
cti vulnus.*

nec de identitate seu conformitate hujus cum illo, quod in dissectione cadaveris cernitur, judicium exactum formari valet. Nec sequitur, vulnus pectoris, cujus partes laesas ignoramus, aut leviter tantum auguramur, in Lenculo feliciter fuit sanatum, forsan quod levioris momenti extiterit; itaque nec insanabile, seu non lethale erit in Fabio, cujus venam Azygos, pulmonalem, &c. transossam autoplia manifestavit: quod saniori rationi & quotidianæ repugnat experientiæ. Per consequens frivole, ad minimum inepte, agunt, qui, super lethali-*tatem* individua-*lem* sententia dum postulatur, terminis generalioribus se explicant, aut mox ab uno alterove exemplo ad subjectum quæstionis concludunt. Ita v. g. ubi disquiritur, an Titio inflata capitis fractura, ex qua secundo vel tertio die hic decessit, sit lethalis? Fracturas calvariae non omnes, nec omnibus mortem intulisse prolixo sermone perhibent, hincque nec Titii percussione*m* mortiferam, perperam ac posthabita circumstantiarum conformitate aut disparitate inferunt; seu quod vulnus pluribus quidem lethale, uni tamen vel alteri tantum salutare extitit, præ*sent*i individuo seu Titio minus quoque mortiferum appellandum fore, tardiose concludunt.

Pariter Ventriculi fundi vulnus exile, tantum tamen, per quod alimenta cruda aut semicocta, aliquot dies, cum singultu molestissimo, conatu vomendi ac lipothymiis prodeunt, in Titio intra mensem solidatur: intra triduum vero simili vulnere, quoad circumstantias sensibiles cunctas, si singultum excipias, moritur Cajus, adeoque tali, quod propter spasmodici hujus symptomatis absentiam, si non majoris, certe paris, expectationis videbatur. An Cajum ideo non per se mortifero vulnere occubuisse, dicamus, quod Titius superstes manserit, eadem ratione, imo intuitu singultus, gravius forsan vulneratus? minime, manifestante sc. sectione cadaveris; lateralem magis, quam anticam, fundi stomachi partem in hoc perfossam, simulque arteriam gastricam sinistram discissam. Quarum circumstantiarum prioris ratione plus contentorum ventriculi ad abdominis cavitatem, quam extra hanc, posterioris plus sanguinis ad idem abdomen fuisse rejectum, (de quibus phænomenis ante inspectionem haud constabat) deprehenditur: eas nihilominus Caii vulnere defuisse non immerito eousque ambigimus, donec, id est, nunquam, contrarium probetur. Item Sempronius contusionem capitis patitur insignem, cum depressione cranii enormiore, hæmorrhagia impetuosa satis, per vulnus æque ac aurem dextram apparente, sensuumque ac motus sublatione: post cranii elevationem tertio die factam, redit successive ad functiones pristinas anima sensitiva, compescitur fluxus sanguinis & post quinque septimanas sanus egreditur vulneratus. Claudius cum simili calvariae depressione & sub iisdem symptomatis, restituto pariter tempestive satis osse, quod subsederat, & hæmorrhagia cessante, septimo die cum stertore expirat: in cujus cadaveris ventriculis cerebri multum sanguinis extravasati & putrilaginosi, a ramulo plexus choroidis rupto, cernitur. Probatur, eandem fuisse faciem internam contusioni Sempronio illatæ: aut si non, mihi dubitare liceat, illam talem fuisse.

*Interdum per  
individua-  
lem conforma-  
tionem  
vulnus le-  
thale evadit  
salutare.*

Præ*tere*a quid obstat, quin certa ac individualis conformatio, plus minus frequens, occasione existat, quo minus vulnus pluribus aliis mortiferum, aliqui individuo salutare contingat? dum v. g. ex vulnere pulmonum in se satis gravi, ac ut plurimum lethali, cujus pleuræ illi adnati convalescit aliquis: quatenus in ejusmodi subjecto sanguis ex visceris vulnerati vasis proflus immediatè magis vulnus intercostale emanat, alias ad pectus deciduus, ac vel mole, vel putredine, organis vitalibus molestus ac exitiosus; & vulnus pulmonis, sibi in aliis subjectis, relictæ & liberioris, non adeo promte coe*ns*, musculorum intercostalium vulnere in hoc individuo continuum, per cicatricem cum ho-

come-



communem facilius conglutinetur. Denique nonne præter causas ejusmodi salutarium in vulneribus mortiferis eventuum, ab *Hippocrate* recensitas, corporis nempe singularem puritatem & crasin laudabilem, virium robur præcellens, plusquam fidam atque diligentem Chirurgi curationem, optimamque vulnerati diætam, casus ejusmodi nobis aliquando concipiamus, quos imitari arti vix concessum, qui habiles nihilominus existunt? Nonne v. g. fieri potest, ut particula quædam omenti aut pinguedinis, intestini, ventriculi aut vasis cujusdam vulneri, alias lethali futuro, se fortuito insinuet, illique incuneata agglutinetur? pari forsan modo, ac in cadavere cujusdam aurifabri, Anno 1672. die 13. Maii dissecti, hujus venæ iliacæ internæ dextræ, prope insertionem hypogastricæ, vulnere particulam pinguedinis immersam mihi videre licuit, quod operculum sine dubio terminum vitæ, hujus generis vulneribus brevior, ad decimum tertium diem, quo vulneratus demum moriebatur, distulerat. Hujus etiam generis fatum *Nobilis Rosencranzii* fuit, cujus ex literis *Bartholini* mentionem faciunt *Ephemerides Germ. Naturæ Curios. Ann. 2. obs. 161.* qui in crure sinistro vulneratus post enormissimam hæmorrhagiam aliquantum sedatam ad decimum quartum usque diem supervixerat: ideo ut sectio cadaveris manifestavit, quod arteriæ cruralis apertura infelix grumoso sanguine obturata fuerat, quæ universi sanguinis effluxum eousque inhibuerit, & mortem plerumque alias repentinam longius protraxerit. Similiter quid impedit, quo minus vulnus cavitatis aut visceris cujusdam interni, integumentis musculosis propinquius & magis contiguum cum horum plagæ labiis feliciter cicatricetur? cum a brutorum vivorum sectionibus, v. g. pro extractione lienis, ligaturis vasorum biliariorum, exploratione fucci pancreatici similibusque experimentis Anatomico-Physiologicis adornatis, viscera hæc vel illa peritonæo agglutinari, quotidie experiamur, si denuo post paucos pluresve dies aperiatur animal.

Item per eas  
sus fortuitas.

Observatio.

Qualem coalitum fortuitum potissimum etiam suspicor causam, cur ventriculi fundi vulnera, frequentius equidem mortalia, aliquando nihilominus salutaria existant atque existerint, si sc. partem hujus magis anticam & peritonæo musculisque contiguam, non lateralem, & a contiguitate ejusmodi alienam, afficiant. Imo forsan eadem ætiologia incisionis ventriculi, manu Chirurgi, pro extrahendo cultro, a Prusso ac Bohemo devorato, factæ, salutaria: potissimum cum vel magnetis, exterius admoti, vi, vel cultri ad exteriora vergentis, tendentia, ventriculi ambitus epigastrii integumentis propius adductus, cum his promptius coire valuerit. Vulnera vesicæ urinariæ fundo inflicta olim necessario lethalia pronunciabant cuncti harum rerum Judices: postquam vero ex

Cur quedam  
ventriculi  
vulnera non  
lethalia?

Cur quedam  
vulnera vesicæ  
minus le-  
thalia?

*Platero obs. p. 850. Kentmanno de calcul. cap. 11. Wurzio Chirur. part. 2. cap. 13. Catterio, obs. Borello communicatarum 4. S. Pauli. Flor. Danic. part. 2. c. 83. & Cornelio Stalpart. van. der Wiel cent. 1. obs. rar. 81.* Medii quoque ipsius corporis seu fundi vulnera sanata fuisse, innotuit, temperandum non nihil erit de his rigidius illud judicium, illaque non adeo absolute lethalia dici debent. Cujus equidem aliquando salutaria eventus causam non tantum conjicere licet in carnosam seu musculosam fundi ejusdem tunicam, non obstante, quod antecessores nostri eundem membranosum plane dixerint, sed potissimum in contiguitatem seu connexionem illam, quæ illius parti anticæ cum peritonæo ac musculis abdominis rectis atque pyramidalibus, si adfuerint, in homine intercedit, quibus coalescentibus simul callus inducitur vesicæ discissæ. Pulmonum vulneri, alias exitiali, eadem fortuna accidere posset, ut nimirum vulnerata horum portio spatium intercostali se insinuans vulneratum incolumem dimittat, musculis hujus per cicatricem communem agglutinata: cui meæ suspicioni favet, quod *Tulpius lib. 2. obs. 17.* de quodam refert, cui per vulnus thoracis erumpens ac propter pu-

Cur aliquando pulmo-  
num vulnus  
minus lethale?

2. obs. 17. de quodam refert, cui per vulnus thoracis erumpens ac propter pu-



tredinem ſupervenientem præciſa pulmonis fibra cum oris vulneris externi brevi firmiter coaluerat, ut ſectio ejusdem ſubjecti, ſexennium abhinc adminiſtrata, manifeſtavit. Imo quemadmodum ejuſmodi ſalutares vulnerum lethaliſſimum even- tus plerumque naturæ ſolius opera videntur: ita aliquando vicinitas organorum internorum læſorum cum integumentis communibus facit, ut per futuram utriſ- que pariter communem vulnera illorum conſtringi & firmari queant, quod alias & per levem circumſtantiarum mutationem fieri haud poterat. Comprobat hoc augurium poſt *Jacobum Orteum* modo allegatus *Corn. Stalpart van der Wiel cent. 1. obſ. 39.* ubi vulnus ventriculi fundi cum vulnere muſculorum acu & filo ſaluta- riter conſutum perhibet. Chriſtianus & prudens igitur Medicus ac Chirurgus, præeunte *Galeno*, locis ſuperius, de vulneribus capitis præter opinionem ſaluta- ribus, adductis, *Paræo lib. 9. c. 9.* ac *Brunone Seidelio de morbis incurabilibus pag. 19.* potius & primario vitæ Auctoris atque conſervatoris primi, ſeu DEI, be- neplacito, benediſſioni atque auxilio immediato quam artis potentiæ ſeu benefi- cio inſperatorum ejuſmodi ſucceſſuum, horumque cauſarum, nobis fortuitarum viſarum, directionem adſcribit, ac in acceptis refert: adeoque vulnera quoque illa, quæ maximam partem ſeu utplurimum medicinæ vires & opem humanam ſuperant, mortemque ſibi terminum habent, per ſe lethalia proclamant, utpote non per medelam, quam ars tradit, ſed per propitium tantum fatum ſeu per *εὐτυχίαν* ſanabilia, cujuſ agendi methodum cognoscere vel imitari neſcit Medi- cus, utut ſagaciſſimus. Per inductiones demum ſi non completas & abſolutas, certe aliquales, hic ſua format theoremata atque conſuſiones, nunquam a ſin- gularibus paucis ad univerſalia, nedum ſingularia, argumentatur medicus pru- dens.

Aliquando  
vulnera ra-  
tione partis  
affectæ non  
lethalia, le-  
thalia eva-  
dunt.

Contra aliquando obſervamus caſus, ubi vulnera natura ſua & intuitu par- tis affectæ vix lethalia per ſe dici poterant, nihilominus per certas circumſtan- tias talia evadunt. Sit ſcil. vulnus arteriæ brachialis aut venæ baſilicæ, alias vix adeo difficulter ſanabile, moritur nihilominus ex hæmorrhagia huius extraor- dinaria præcipiti intra quadrantis horæ ſpatium, antequam Chirurgus, qui deli- gationem neceſſariam præſtet, quamvis mox vocatus, aſſeſſe poſſit, percuffus. Circa qualem caſum ita me gererem, vulnus equidem ratione vaſorum læſorum, per quam hæc commode conſtringi ſeu conſtipari poterant, hinc ſuæ conditio- nis intrinſecæ, lethale per ſe vix cenſerem; intuitu nihilominus adynamiciæ ex- trinſecæ ſeu circumſtantiæ, quod, propter Chirurgi & medelæ indeclinabilem defectum, non licuerit tempeſtively ſanguinis effluxum enormiorem ſiſtere, illud per ſe lethale dicere haud vereretur, per artem, ob fatale exiguum nimis, mi- nus ſanabile.

Cauſa vul-  
nerum letha-  
lium per ſe.

Suppoſita & aſſerta hoc modo vulneris ſeu læſionis per ſe ac per acci- dens lethalis formalitate diſpari, diſquirendum erit de prioris ætiologia: id eſt, cum ſuperius dictum fuerit, illam immediate, ſeu, ut talem, mortem inferre, in- veſtigare decet, quando & ſub quarum functionum fruſtratione tale quid præſtet? Quod dum annitor, ex Phyſiologicis repeto, motum fluidorum univerſalium & ſolidas partes vitalitate immediate actuantium, ſanguinis ſc. & lymphæ, eſſe du- plicem, inteſtinum & localem: per conſequens quæcunque percuffiones, vulne- ra &c. aut alterutrum, aut utrumque, horum eoſque turbant, ut vita totius extingatur, mortifera per ſe erunt appellanda. Quæ violentiæ externæ motui fluidorum vitalium obicem ponunt, hoc aut immediate magis & ſubitaneo im- petu præſtant, ſc. cunctæ illæ, quæ organa reſpiratoria horumque functionem enormiter lædunt, v.g. vulnera & percuffiones diaphragmatis pulmonumque ac aſperæ arteriæ obturationes, conſtriſiones ac læſiones quævis inemendabiles: aut mediate demum ac lente magis perimunt, ſc. vulnera organorum, chyli produ- ctio-



ctioni, exaltationi ac dispensationi ministrantium, ventriculi nempe, intestinorum, vasorum lacteorum, folliculi fellis &c. Pariter quæ vulnera motum fluidorum localem interpellant, iterum duplicis generis sunt, quatenus vel cor cum canali sanguinis & lymphæ, i.e. cum vasis & visceribus ipsis appensis, sc. hepate pulmonibus, liene, renibus, utero &c. tanquam antliam primariam ac canales adæquatos, immediate lacerant, quæ omnium brevissime ac certissime enecant: vel cerebro atque nervoso generi, utpote vim moventem omnibus membris suggerentibus, illata, hinc cordi quoque potentiam motivam subtrehentia, pulsum intercipiunt ac tollunt. Denique utrumque motum simul lædit quorumvis totius corporis organorum continuitas soluta, cujus occasione fluida tam nutrititia, quam excrementitia, sc. chylus, sanguis, fæces alvi urina &c. extra receptacula & canales suos in hanc vel illam cavitatem, sibi incongruam, elabuntur, ibique congesta aut mole, aut putredine, exagitationi sanguinis vitali, ejusve circulationi moras nectunt, sc. in capite, thorace atque abdomine.

Per consequens non lethale, seu aliquando per accidens tantum tale dicendum erit vulnus, quod neutrum horum sanguinis motum vel functiones ei li- Quod vulnus non lethale? tantès ad interitum usque vulnerati turbat, aut si exin·mori contingat hunc, aliis intermediis de causis hoc fiat, negligentia v.g. Chirurgi, temulentia illius, veneris usu intempestivo &c.

## C A P. III.

*De deponendi ratione seu modo.*

**Q**ualia vulnera eisque cognatas violentias ut pressius dignoscamus, perpendendæ erunt horum circumstantiæ atque adjuncta, & quidem tam intrinseca, quam extrinseca. Intrinseca voco, quæ ipsam plagam affectam spectant, huicque inhærent, sc. (1) hujus texturam, situm & actionem, (2) vulneris magnitudinem, (3) ejusdem qualitatem ac (4) figuram: extrinseca, quæ extra percussione hujusve subjectum immediatum sunt; & quidem iterum vel necessaria, vel contingentia. Necessaria denuo distinguere conveniet in res naturales, quæ sunt textura seu dispositio corporis nativa & ætas: præternaturales, nempe morbi antecedentis ac combinati: & non naturalem, sc. loci atmosphæram. Contingentia vero observantur symptomata, ægri diætæ & Chirurgi seu Medici peritia ac solertia diversa. Pro quarum circumstantiarum habitudine varia modo lethale, modo non, & per accidens lethale, pronunciandum erit vulnus.

In parte læsa primo ponderanda est texturæ, & quidem non tam organicæ, quam similis communiter dictæ, seu substantiæ, disparitas, ratione cujus membranarum ac tendinosarum partium vulnera, quia difficulter coalescunt, mox vehementius inflammantur ac convulsiones concitant, plus semper periculi involvunt, hinc, ceteris paribus, præ carnositatum continuitate soluta lethalia magis dicuntur, v.g. tendinosæ diaphragmatis parti inflicta, quæ carnosæ plagis insanabilia magis observantur. Quando enim *Sennertus prax. lib. 2. part. Diaphragma. 2. cap. 15, & lib. 5. part. 4. cap. 3.* circulo hoc nerveo aliquando perfosso sa- tendineæ portionis vulnera le- thalia sunt. natum nihilominus ac restitutum fuisse vulneratum, asserit, ex prava & Scho- trum trum lis a superiorum temporum professoribus obtrusa hypothese agere videtur, cen-



trum diaphragmatis, per quod Oesophagus fertur, tendineum docentibus: cum nihilominus carneum hoc esse, id est superiorem musculi sui inferioris partem involvere, nec tyrones nostros nunc lateat. Quem quidem locum illum innuere inde opinor, quod ventriculum simul per idem vulnus ad thoracem raptum ac translocatum perhibeat, qui huic parti ratione Oesophagi vicinior existit. Præterea non per se coaluisse hoc vulnus, sive carneæ, sive tendineæ, septi transversi portioni illatum, id evincit, quod intestini pars cum ventriculo transiens hoc obturarit, simulque, quo minus diaphragma ratione hujus foraminis respirationem turbarit, impediverit. Manent enim ac manebunt diaphragmatis tendineæ substantiæ vulnera, nisi forsan exilissima, in consolidabilia, hinc ratione inflammationis metuendæ ac actionis respiratoriæ turbatæ lethalia.

Item ventri-  
culi, intesti-  
norum & ve-  
sice.

Propter eandem texturam nerveam seu membraneam plagæ ventriculi, intestinorum ac vesicæ urinariæ pariter vix unquam coalescunt, hincque periculosissimæ & ut plurimum lethales existunt: dum vel ratione inflammationis ac sphaceli, vel dolorum ac spasmodorum supervenientium, vel contentorum ad abdominis cavum depositorum, mortem inferuntur. Non cunctæ equidem organorum horum tunicæ membraneæ sunt, sed instruuntur insimul involucreo carneo seu musculofo, ratione cujus eorum coalescendi difficultas forsan aliquantum temperatur: quia nihilominus hoc quicquid musculofo exile ac tenue satis, & vel a contentis, vel a motu illorum peristaltico nunquam non tenduntur atque exagitantur hæc receptacula, parum spei de eorum coalitu superest, prout Sect. 2. constabit.

A situ par-  
tium vulne-  
ratarum ali-  
quando le-  
thalitas.

Deinde partis affectæ intuitu consolidationem vulneris difficiliorem & interdum impossibilem reddit illius situs, ratione cujus labia sibi adducere aut ul- la arte illud obturare minime licet. Hinc vix adeo paradoxum videri poterit, vulneratum intestinum extra abdominis plagam propendens promptius consolidari, quam latitans: quatenus huic nihil remedii, synthesi faventis, applicari multo minus idem consui, valet; quale quid nihilominus cum successu in prominente præstari, plurimi Chirurgorum testantur, ex quibus unicum allégare sufficiet *Glandorpium specul. Chir. obs. 33.* Ejusdem circumstantiæ intuitu fit, ut vasorum sanguiferorum satis amplorum lacerationes in externis partibus per se raro aliquid periculi portendant, parium nihilominus aut minorum quoque, profundius reconditorum, hæmorrhagiæ animam eluant, utpote quibus nec medicamina stegnotica, nec ligaturas, nec ferrum ignitum admoveere possumus, vasis alias obturandis quam opportuna remedia. Recordor equidem ex Facultatis nostræ Actis 1678. mens. Octobr. quendam vasorum gastricorum, cum splenicis ramis communicantium, & vasorum brevium vulnera aliquando ideo per accidens tantum lethalia pronunciasse, quod ipsum lienis viscus, cui majora obtigerint vasa, sine vitæ periculo canibus excindi queat & frequentius extrahatur. Cui tamen phænomeno, aut inde potius formatæ consequentiæ, declinandæ ex responso ad hunc casum inserviet, non vasorum amputationem, ut talem, sed ex hac necessario contingentem hæmorrhagiam, nulla arte compescibilem, mortis in ejusmodi casibus causam existere: proin quod extirpatio lienis sine vitæ dispendio administretur, causâ est hæmorrhagia, perligaturam vasorum præparatoriam congruam inhibita, qualem casu vulnerans haud præmeditatur, Chirurgus vero denegatur eadem.

Vasorum  
thoracis mi-  
norum le-  
thalitas un-  
de?

Refero huc lacerationes vasorum intercostalium, mediastini & mammario- rum, sterni superficiiei arctius annexorum, quæ una cum venæ azygos vulneribus ideo imprimis lethalitatem patrant, quod sub costis, sterno ac in profundo thoracis recondita Chirurgiam necessariam renuant, hinc sanguinem ad cavum hujus copiosius profundendo pulsui ac respirationi vitali moras lethales nectant.

Equi-



Equidem huic cruoris collectioni gravativæ remedio traditur vulnerum thoracis tempestiva dilatatio, per quam ille educatur: rarissime tamen effectum speratum & salutarem præstat hæc Chirurgia, dum quidem fatale fati ad aliquot dies retardat, minime tamen hoc omnimode declinat. Id est, cruoris quidem extravasati aliquid educit, vulnera tamen vasorum, quæ ejusdem quotidie plus profundunt, haud obturat, vel obturare concedit, donec tandem cum sanguine ipsa vitalitas deficiat. Exempla infausæ ejusmodi læsionis frequentiora obtingunt, inter quæ spectatoris momenti forsan erit, quod *Gallus ille Anonymus l'art de faire les rapports* quem in præfatione hujus opusculi nominavi, p. 139. & 140. recenset. Vulnerabatur nempe quidam in thoracis latere sinistro inter quartam & quintam costarum spuriarum, cui ut mederetur, & cruorem, quem ad cavum thoracis depositum ex symptomatis ominabatur, Chirurgus, commode subtraheret, plagam dilatabat: expirabat nihilominus sub febre cum horripilationibus irregularibus, summa spirandi difficultate, tussi enormiore & alvo laxiore percussus. In cujus cadavere aperto arteria intercostalis spatii indigitati cum vena azygos læsa & thoracis cavum multo sanguine scatens offendebatur: adeoque vulnus istud sola & unica mortis causa in hoc subjecto asseriebatur.

Cui subnecto, quod ante quadriennium anno sc. 1706. 26. Maii mihi observare contingebat in juvene, qui in postica ac sinistra thoracis parte, prope spinam, intra octavam & nonam costam vulnere exili & inter cutem atq; musculos obliquo, penetrante vero, trajectus, nihil tamen aeris, quod vulneribus ejusmodi alias solenne, toto decubitus tempore, per hoc, parum admodum sanguinis, emittebat, quinimo in pleura cadaveris dissecti apertura vix ulla, nisi prolixiore lustratione demum, reperiri valebat, cavum interim thoracis sinistrum multo sanguine ichoroso, cum intermixta sanie scatebat, ac ramus intercostalis arteriosus spatii indigitati maximam partem discissus cernebatur: ex cujus vulnere sine dubio tantum cruoris & ex vase lymphatico socio lymphæ profluxerat. Pleura inflammata, pulmo insigniter corrugatus, pericardium cordi hinc inde agglutinatum, & inter hujus auriculam dextram dictumque involucrum apostema notabile, pure cocto turgidum, diaphragmatis vero superficies, qua thoracem spectat, inflammata ac evidenter incrassata, nullibi illud perfossum, deprehendebantur: cum nihilominus abdomen apertum notabilem feri quantitatem pure interfluam, monstraret: inprimis multum ejus intra diaphragma, ventriculum, hepar, liënem & intestinorum hinc inde inflammatorum, plerasque convolutiones, ac in pelvi renis sinistri & hypogastrii cernebatur. Quale vulnus vel ideo in se lethale pronunciabam, quod ratione suæ angustiae & tortuositatis sanguinis & feri extravasati educationem haud concesserit, nec illud ad cavum thoracis, cum nihil aeris transmitteret, penetrare, nec vasa læsa, augurari licuerit. Præsertim dum dyspnœa post tertium diem, aliquandiu cessebat, nec æger interrogatus aliquid fluctuationis in pectore sentiebat innuebatve. Purulentam vero materiam minime ex thorace vulnerato ad abdomen defluxisse, sed ex totidem hujus apostematibus, propter circulationem impeditam & inflammationes hinc inde enatas, promanasse, hæcque lethalitatem juvasse, rebar in percusso qui decimo quinto die animam exhalabat.

De cetero attendi meretur, vasorum internorum (thoracis v. g. & abdominis) laceratorum non illa tantum; quæ conspicua magis & per nomenclaturas determinatas famosiora, v. g. venam azygos, vasa mammaria, arteriam hepaticam, vasa brevia &c. sed exilia quoque & tantum non Anonymos eorum furculos, si lacerati conspicuam magis quantitatem cruoris profuderint, lethalitatis auctores existere: sub hac tamen conditione, ut multum mox ejus & confertim eruant; nam qui lento magis demum motu ab his

*Etiā abdominis vasorum exiliorum vulnera sunt lethalia.*

stil-



stillat, dubium relinquit Medicum, de lethalitate qui judicare debet, dum tantillum ejus, quod pedetentim promanat, a natura facile discuti aut quocunque modo subigi posse videtur. Hinc in casu ejusmodi decernendo advertendum, num vulneratus brevi a percussione decesserit, aut graviora mox percussus fuerit symptomata: sicque aut majora, aut minorum plura, vasa sanguine manarint; quales circumstantiæ si deficiunt, lethalitatem dubiam relinquunt.

Vulnera venarum jugularium.

Neque tantum cavitatum ac viscerum arteriæ atque venæ laceratæ ob situs incommoditatem medelam detrectant, hinc mortales hæmorrhagias movent, sed externarum quoque partium vasa frequentius eundem effectum experiuntur: unde miror, cur *Suevus de Inspect. Vuln. part. 2. c. 5.* vulnera venarum jugularium majora ac profunda, quæ nihilominus *Hippocrates 2. prædict. 9. τρώματα θανάσιμα* & *Celsus lib. 2. cap. 26.* illum servari non posse, ait, cui circa fauces venæ vel arteriæ grandes sunt præcisæ, per accidens tantum mortalia fieri, sibi persuadeat? Contrarii ipsum monere poterant *Forestus* ac *Hildanus*, quos ipsemet in eodem capite allegat, quorum ille *lib. 6. obs. chir. 4. in Schol.* inquit: *Jugulares venæ (quas & organicas vocant) grandi vulnere percussæ, ægre & raro curationem recipiunt, tum quod larga profusione sanguinis hominem vitali spiritu exhauriunt, tum quod ligaturam propter imminens suffocationis periculum sustinere non possunt.* Hic vero *cent. 4. obs. 2.* exemplo satis tragico *Hippocratis* ac *Celsi* judicium firmat. Pariter ejusdem situs incongrui ratione artuum quædam vasa majora fauciata exigua, aut nullam salutis spem concedunt, v. g. rami axillares & crurales, tam arteriosi, quam venosi, sc. sub alas & prope inguina lacerata seu discissa: ita quidem ut ejusmodi vulnerati ut plurimum brevi, & antequam Chirurgus advocetur, cum sanguine animam deponant.

Vulnera vasorum axillarium.

Observatio.

Vasorum axillarium lacerationis eventum funestum maxime ipsemet testor: requisitus anno 1678. die 12. Januarii a nobilissima Vidua Widemaniana ad pagum Drachenau, pro administranda inspectione cujusdam studiosi, quem securis, alæ dexteræ injecta, intra dimidium horulæ sub hæmorrhagia enormissima e vivis sustulerat: cujus vena axillaris per transversum & omnimode discissa, hincque ejus summitas ad spatium usque subclavium pectoris retracta, cernebatur. Cruralium vero seu Iliacorum externorum ramorum vulnerum lethalitatem comprobabit casus, anno 1670. Facultatis nostræ sententiæ expositus. Nimirum femur dextrum, mox sub inguine, ad abdominis usque cavitatem (in qua tamen nihil læsum reperiabatur) ensis angusto satis vulnere penetraverat, & glandulam inguinalem cum ramo Iliaco externo, arterioso æque ac venoso, dissecurat, ut miser intra quadrantis horulæ spatium animam exhalaverit: quale quidem vulnus a Collegio per se & absolute lethale, ideo quod ratione loci atque angustię auxilia cuncta respuerit, pronunciabatur. Simile

& Cruralium.

Observationes.

Vulnera vasorum cruralium modo lethalia.

huic erat vulnus femoris, anno 1682. d. 24. Maji & 25. November. a Collegio nostro ventilatum, quo prope inguen, cultro latiore per musculum lividum illato, arteria muscula interna, circa sui ex crurali exortum cum ipsius trunci parte, unde hæc exurgebat, lacerata: cui enormior superveniens hæmorrhagia ideo mortifera contingebat, quod illud abdomini propinquius remedia necessaria haud admiserit. Anno 1685. d. 2. Julii plaga globulis sclopeti minoribus, arteriæ & venæ crurali simul inflicta, ex qua fauciatus intra pauca momenta interierat, a nobis pariter per se lethalis pronunciabatur, ob situm imprimis vasorum læsionem profundiorum, qui medelam necessariam interpellabat: porro anno 1679. d. 15. Februarii arteria & vena cruralis non procul ab inguine rescissa, propter sui situm profundiorum lethaliter læsæ dicebantur. Quale judicium eadem facultas de plaga venæ cruralis, inguini viciniore, &



ex qua intra horulæ quadrantem spiritum cum sanguine profundebat percussus, anno 1695. d. 12. Junii ferebat . Cujus generis etiam erat responsum ejusdem ad senatum Colbergensem anno 1706. d. 25. Januarii de vulnere arteriæ cruralis prope coxam , sc. ob eandem rationem hincque impetuosius cruoris profluvium illud per se lethale edifferebat eadem . Tandem an. 1707. d. 20. Febr. Nostram rogabat sententiam quidam Arêthes Dicæophilus Ienensis super similem arteriæ & venæ cruralis plagam , quæ intra horulæ dimidium percussum interfecerat , motui corporis immoderatori supervenientem sanguinis profusionem inprimis adscribens . Cui respondebatur , illam , quam immediate patraverat , hæmorrhagiam utique , & non obstante illo corporis motu , per se existere lethalem .

Affertum hoc communiter labefactare Satagunt . 1. quod aliquando femora cum vasis per infortunium tollantur , vulnera nihilominus hæc feliciter sanentur ; quale argumentum Medicus quidam 1687. d. 12. Febr. in casu , Facultatis nostræ censuræ paulo post exposito , adducebat , ac globulis binis , sclopeto elisis , muscolum femoris sinistri fascialem , arteriam musculosam internam , muscolum tricipitem , venam cruralem totam & arteriæ ejusdem nominis medietatem laceratas minime per se , verum per accidens tantum , lethaliter vulneratas aiebat : 2. quod crus hunc in modum sauciatum per ἀρρωτησιασµὸν tolli , hoc facto vasa discissa commode satis occludi ac hæmorrhagia mortifera compesci queat . Quibus tamen rehero , primo detruncatis per infortunium femoribus cum suis vasis , hæc per ἀτυχίαν potius , quam artem , aliquando coaluisse ; ideo rarius contingentibus ejusmodi observationem fore accensendam . Deinde extirpationem cruris longius supra genu & inguini propius , propter ingens valde hæmorrhagiæ periculum , nunquam forsitan molimur : aut si in parte genu viciniore hoc fieri debeat , non nisi apparatu pro præcipiti hæmorrhagiæ avertenda , necessario instructi operationem aggredimur , sicque chirurgia hæc aliquando feliciter succedit . Aliter longe se res habet , ubi casu & minus præmeditate vasa cruralia majora , prope sui ex abdomine elapsam fuerint læsa : dum vix ullo experimento constat , talia unquam fuisse consolidata , ubi sc. necessaria ejusmodi casui , qui nullam moram concedit , remedia deficiunt . Proin alia videbatur conditio vulneris femoris sinistri , quod quidam servo suo eodem anno cæsim inflixerat , & cujus relationem pariter ac antecedaneam Jenam transmissam in facultate ventilatam memini . Principium hujus incisionis punctura superius descripta uncias quinque vel sex profundius observabatur , a quo oblique per femur versus genu ad spithamæ longitudinem descendebat , musculos intermedios profundius cum arteriis ac venis majoribus lacerans , ac tantæ latitudinis , ut ejus labia vix palma tegi potuerint , & ex qua læsus intra paucas horas obierat . Hanc non per se , sed per accidens tantum , lethalem judicavimus , quoniam ejusmodi in loco tantæque amplitudinis extiterat , ubi vasis tam deligandis , quam per adstringentia aut cauteria occludendis , commode satis præsto esse potuerit Chirurgus modo peritiori commissus fuisset per septem horas ( tempore hyberno ) sub cælo rigidiores ad deliquium usque animi vulneratus relictus .

Modo non  
lethalia .  
Observatio .

Nihil interim impedit , quo minus arteriarum , profundius seu sub musculis , per brachium ac femur descendentium vulnera quoque summe periculosis annumeremus : si sc. circumstantia quædam obstat , quo minus puncturæ arteriæ locum accurate augurari ac dignoscere , multo minus adæquata remedia commode admoveere , liceat ; de quo me monet sequens casus . Vocabar nempe anno 1686. d. 13. Septembris ad juvenem equitem , stirpis hujus Provinciæ generosissimæ , die tertio ejusdem mensis vulneratum . Observabam puncturam in brachii dextri interiore parte , paulo supra carpum , quæ ad cubiti flexuram sub

Observatio .



sub cute ac musculis ferebatur, & quæ bis ab ipsa perforatione sanguinem cum pulsu ac impetuosius fuderat: brachium vero ad summum usque humerum totum tumidum, ex livido rubicundum, ac circa cubitum præprimis, maxime dolens, donec post triduum, ni fallor, in flexura illius ruptura contingeret, per quam cum brachii detumescencia ac febris reliquorumque symptomatum remissione excernebantur per aliquot dies cruenta ac saniosa. Stabat etiam huc usque a primo meo accessu sanguis ad vigesimum septimum Septembris, quo & postmodum aliquoties, primo post biduum, hinc quatuordecim, ac tandem post octodecim demum, dies recrudescerebat illius fluor impetuosissimus, per vulnus pariter carpi ac flexuræ cubiti ulcus: donec post plures ejusdem profusiones nono Novembris corpus exsanguie & exsuccum relinqueret anima beata. In cadaveris sectione vulnus cernebatur, a carpi summitate intra integumenta externa ascendens, & arteriæ brachialis ramum externum, statim ac truncum elabatur, penetrans illumque ad uncia dimidiæ longitudinem findens, quæ fissura callo solidiore munita existeret. De lethalitate hujus quid censuerim, acta publica loquuntur: in præsentiarum innuere sufficiat difficultatem medendi huic hæmorrhagiæ deplorandæ, quæ in illo præprimis videbatur consistere, quod vulnus arteriæ sanguinem fundentis a vulnere externo adeo distaret, ut ejus situs determinari haud potuerit; amputationem vero brachii, quam nasuti quidam, haud interrogati, sero nimis commendare sustinebant, detrectarit vulneratis.

Quamvis haud abnuam, in ejusmodi similive casu si aneurysma evidens supervenerit, huic tempestive mederi sicque lethalitatem forte imminuentem declinari posse: præeunte Chirurgo illo *Anonymo Gallo*, cujus bis, ni fallor, jamdum mentionem feci, *l'art de faire des rapports*. p. 181. in casu sequ. Vir quidam in brachii inferiore seu carpi interiore parte puncturam passus erat, quæ inter flexores digitorum binos ad cubiti flexuram tendebat, ibique arteriam basilicæ venæ sociam perforat, hincque aneurysma pararat, quod ex conspicuo satis tumore & pulsatione profundiore mox innotescebat, intumescente ac dolente valde brachio inferiore cum manu & combinata febre vulneraria. Chirurgus prior incisionem vulneris ab hujus ostio ad terminum usque intendebat: cui tamen noster unam alteramve ejusmodi longioris incisionis regerebat difficultatem, simulque solius aneurysmatis chirurgiam solemnem commendabat atque administrabat.

Ab officio & usu partium lesarum maxima est lethalitas.

Sed, quod potissimum lethalia maxime reddit vulnera, organorum sauciatorum actio seu usus cessans est, utpote per cujus integritatem solam non autem a situ, substantia, partium integrantium apparatu, seu conformatione (ut communiter fabulantur) membrorum alia præ aliis nobilitantur. Id est, quæ horum plus minus ad vitam perpetuandam necessaria sunt, eorum vulnera etiam mortem inferunt, frustratis nimirum hinc illorum functionibus, cordis v. g. pulmonum, vasorum sanguifluorum majorum, cerebri ventriculi &c. de quibus jamdum superius dictum, ac inferius dicetur, ita quidem ut, quam a partium natura *F. Fidelis de renunc. lib. 4. f. 2. cap. 2.* & *Zacchias lib. 5. tit. 2. quæst. 2. & 6.* Lethalitatis præsumptionem potissimam seu primariam maxime peti ajunt, ad actionem potius hujusve necessitatem videatur restringenda. Adeoque vulnera cerebri, cordis, pulmonum, ventriculi &c. quorum magna pro vita conservanda necessitas, vel necessario & absolute, vel ut plurimum, lethalia observantur, si sc. talia fuerint, quæ illorum functiones enormius turbent, quod periculum notabiliter intenditur, si pars vulnerata in perpetuo motu existens, ob quietem denegatam consolidescere nequeat, v. g. pulmones ac diaphragma.



Neque tamen partis vulneratæ tantum habitudo ac necessitas semper pro lethali-<sup>Quantitas</sup> tate decernenda sufficit, quasi, juxta *Zacchiam*, hæc circumstantia sola<sup>etiam vulne-</sup> per se, reliquæ, nempe vulneris magnitudo, qualitas &c. per accidens saltem,<sup>ris aliquan-</sup> eandem determinant, id est, majus minusve duntaxat periculum reddant, mor-<sup>do determi-</sup> temque modo accelerent, modo procrastinent: sed præter illam quantitas quo-<sup>nat lethali-</sup> que est, quæ, prout variat, sic unius ejusdemque membri in duobus subjectis vulnus lethale & non lethale facit, quatenus sc. præter longitudinem ac lati- tudinem profunditatem complectitur, quod ab *Hippocrate* 6. aph. 18. per voca- bulum *discissa* significari *Galenus* probabiliter satis asserit. Vulnus ventriculi e.g. intestinorum exile aliquando sanatur, majus semper pessundat; ex superfi- ciali cerebri, hepatis, pulmonum &c. plaga multi evadunt, pereunt ex profun- diore tantum non omnes: pariter vulnusculum vesicæ urinariæ exiguum ali- quando sine damno singulari sustineri posse, suadet, quod adaucta in vesicam ca- nis vivi ac acicula tenuiore hacque denuo extracta, nihil hinc urinæ prodeat, profluat tamen ex apertura ejusdem paulo majore. Imo ubi de medullæ spinalis vulnere deponendum *Follopius de vulnerib. particul. cap. 11.* ante omnia dispicere jubet, an hæc in una tantum sui parte puncta vel cæsim fauciata, an ex toto & per transversum discissa, compareat? ita quidem, ut si totus vel maximam partem laceratus existat funis hic, omnimode desperandum sit, sin alteruter tantum ejus tractus, v.g. punctum, læsus, aliquid adhuc spei restitet. Quamvis hanc quoque exilem reddat experimentum, quod *Sennert. prax. lib. 5. part. 4. cap. 3.* innuit, olim Lugduni Batavorum, pro enecandis sine magno strepitu ca-<sup>Exiliora ta-</sup> nibus, exercitiis anatomicis destinatis, frequentius a nobis administratum: sc.<sup>men inter-</sup> dum acus major simileve instrumentum subtilius inter os occipitis & vertebra-<sup>dum magis</sup> rum cervicis primam, aut inter primam & secundam, ad eorum medullam spi-<sup>periculosa.</sup> nalem profundius dimittitur, post aliquot concussiones epilepticas illi mox at-<sup>Experimen-</sup> toniti concidunt, in puncto quamvis exili vulnerata hac. Cui accedit, quod quemadmodum vulnera nervorum pleraque, imprimis puncturæ exiliores, mox ipsum cerebrum in consensum trahunt, & convulsionibus universalibus totum corpus concutiunt, idem forsan metuendum sit, de medullæ spinalis caudice, modo latius, modo profundius, fauciato, tanquam trunco omnium nervorum communi & cum cerebro immediate magis conspirante.

Atque observare contingit, quarundam partium vulnera, quo exiliora seu angustiora, eo periculosiora, existere, ac interdum per solam hanc circumstan- tiam, nisi manu Chirurgi tempestive dilatentur, lethalia evadere, quatenus v. g. ex *Galeno artis medic. cap. 92.* cuilibet Chirurgorum constat, nervorum læsio- nes atrociora semper patrare symptomata, cum nihil hinc expirat, obcæcato cu- tis vulnere.

Pariter fissuræ calvariæ, cum ruptura vasorum subtus latentium & sangui- nis extravasati congestione, aut fragmentorum secessu, nisi trepano ampliuntur mortis certissima existunt causa, quale quid de thoracis vulneribus angustiori- bus ac tortuosis, ubi de sanguine ad hujus cavitatem copiosius profuso suspicio est, cujus generis angustiam & obliquitatem dignotioni atque medelæ derogan- tem in vulnere thoracis penes juvenem paulo ante indigitavi, itidem animad- vertendum, sectione aut turundis, si læsum orci faucibus eripere velis, dilatan- dis. Eadem ratio est abdominis vulnerum, quorum latiora hoc equidem peri- culi involvunt, quod per ea intestina promptius elabantur, ac interanea ab aeris contactu magis lædantur; angustiora nihilominus ideo exitiosa nonnunquam exi- stunt, quod, si forsan contingat, per hæc quoque intestina aut omentum pro- rumpere, eadem per angustius foramen non statim & commode reponi queant, hinc gangræna facile corripiantur.



Qualitas  
vulneris ali-  
quando est  
lethalitatis  
caussa.

Præterea vulnerum qualitas quoque lethalitatem notabiliter variat, imo so-  
la aliquando eandem conjicere facit. Quid notius est, quam vulnera partium  
externarum contusione, hincque sclopetorum globis, illata, ratione contusionis  
ac lacerationis enormioris & inflammationis exquisitioris supervenientis, simpli-  
cioribus puncturis & incisionibus, utut majoribus ac profundioribus, semper  
graviora ac periculosa esse? Nonne enim periculum viscerum internorum vul-  
neratorum ad lethalitatem usque evehi poterit, si a glande sclopeto emissa hoc  
dependeat? ita quidem ut ex quibus eorum plagis, gladio similive instrumento  
acuto minusque conquassante inflēctis, quidam sanantur, puta ventriculi, inte-  
stinorum &c. illæ, si sclopetorum effectus, ut plurimum perimant, partium sc.  
inflammationibus sustinendis minus adæquatarum.

Ob venenosi-  
tatem vulne-  
ra aliquando  
sunt lethali-  
a.

Spectat huc quoq; vulnerum venenositas, ab instrumentis lædentibus vene-  
natis impressa, quorum quaecunque & quomodocunque ab his illatum, lethale  
*Zacchias l. a. quæst. 2. & quæst. 6. Arma venenata lethalitatis præsumptionem adeo*  
*urgentem constituere, asserit, quæ ex se ipsa sola facere posset evidentissimam conje-*  
*cturam, quod vulneratus ex vulnere mortuus fuerit, ceteris omnibus conjecturis &*  
*præsumptionibus, in contrarium facientibus ipsius quoque partis natura, quæ omnium*  
*urgentissima est. Breviter, si non necessario, ut plurimum tamen, maxime si*  
majora fuerint ac interiora penetrent, hæcque plus minus afficiant, ejusmodi  
vulnera enecant, non tam unitatem partium solvendo, quam principio vitali  
immediate magis vim inferendo: ut vel symptomata eorum peculiariora & reli-  
quorum vulnerum accidentibus mox atrociora longe, v.g. cordis palpitatio,  
totius corporis frigus ac rigor, lipothymia, livor ac foetor vulneris &c. in-  
nuere poterant. Latent siquidem nos aliosque innocentes illa venena quibus ar-  
ma, sagittas globulosve intoxicare norunt ejusmodi homines maligni: quæ ali-  
quando tantæ activitatis & virulentia observantur, quam nulla sive pharmacia,  
sive Chirurgia subigere potest, adeoque nec impedire, quominus eis ejusmodi  
perculsi pereant; quale quid cum notabili suo damno experiebantur quondam  
Galli penes Sienneses.

An venena  
hausta extre-  
rius applica-  
tis semper  
potentiora.

Communiter equidem plerisque hæc arridet traditio, quodvis venenum  
haustum seu intus sumtum exterius admoto exitiosum magis existere: quasi,  
quod assumitur, a viscerum activitate citius resolvatur & ad horum nobiliora  
feratur; extrinsecus vero applicatum habitum prius penetrare, vasa petere & sic  
per ambages demum ad partes principes abire oporteat, sub qua ipsa tamen  
viarum longinquitate facile contingere posse, ut ipsius veneni vires valde in-  
fringantur. Quo supposito, vulnera a telis venenatis illata minus lethalia asse-  
runt, quod virulentia iisdem inflēcta commodis remediis facile detergi queat;  
pari modo ac *Aræus de recta cur. vuln. rat. lib. 2. c. 1. se in oppido Cumbres Ba-*  
*xas quendam, sagitta, helleboro tincta, in pectore graviter sauciatum, curasse,*  
*& Forestus 6. obs. chir. 10. ex relatione Medici cujusdam Romani, quendam vul-*  
*neribus venenato telo inflēctis poma cydoniorum, dentibus contrita & saliva*  
*jejuna subacta cum multorum salute admovisse, perhibent. Quod nihilominus*  
dogma diversas ob rationes mihi suspectum videtur, quatenus primo diverso-  
rum, imprimis *Celsi lib. 5. cap. 37. & Cardani lib. 2. de Venen. cap. 6. testimonio*  
evinci potest, non universalem illam regulam existere, venena vulnere instil-  
lata non æque facile, ac assumpta internecioni dare: dum *Ille venenum Serpen-*  
*tis, ut quædam etiam venatoria venena, quibus Galli præcipue utuntur, non in*  
*gustu, sed in vulnere, nocere: Posterior venenum, per vulnus inditum, multo majo-*  
*rem vim obtinere, quam epotum, illico enim per venas ad cor facile penetrare posse,*  
ait quinimo ipse jamdum *Galenus 3. de tempore cap. 3. classe 1. venenorum quæ-*  
dam assumpta perimere, deforis tamen administrata minus nocere, tradidit;

Negatur.



ita quidem ut, quæ extrinsecus applicata nocent, deglutita tale quid haud præstent. Accedunt his Fr. Redi & Charras experimenta, circa veneni viperini vim adornata, cuncta vero evincentia, illud epotum nec homini, nec brutis aliquid damni adferre, sed vel cum morfu, vel alias, animalis plagæ instillatum, necare: quod ipsum confirmare poterat venenum hellebori, ex observatione Arcei mediante sagitta inficiens, minime tamen tale quid præstans, si in adeo exili quantitate, qualiter illinitur, intrinsecus propinetur; ut taceam, venena immediate in spiritus & sanguinem, non, quæ vulgo teritur opinio, in cor similiaque organa solidiora agendo, œconomiam corporis evertere. Deinde nec adeo levis sanationis vulnera venenosa observantur, ut malo quidem cydonio tolli queat eorum malignitas, utpote quibus ferrum & ignis vix sufficiunt, raraque satis ideo dici debet avis, vulnus venenatum interiora penetrans (quale Arcei erat) sanatum, cum ejusmodi violentiora remedia corporis interanea haud admittant. Potissimum, dum venenorum non eadem observatur formalitas, hinc nec eadem alexipharmaca: ob quam solam etiam varietatem vulnera viscerum venenosa profundiora lethalibus accensere convenit, quod nec de veneno, quo arma imbuta fuerint, adeoque nec de hujus antidoto, constet.

De cetero forsan non omnibus adeo absurdus videbor, si huc & inter causas seu occasiones lethalitatis generaliores retulero illam percussionum sive plagarum conditionem ac habitudinem, intuitu cujus difficillimæ cognitionis existunt illæ. Ducem hoc in passu sequor Hippocratem de arte t. 19. dicentem: *Quaecumque oculorum conspectum effugiunt, ea mentis oculis obtinentur ac superantur.* Ob dignationis difficultatem  
*Quaecumque vero ob id, quod non statim cognoscantur, ægri mala perpetiuntur, ea non ad Medicos curantes ipsos, tanquam ad ipsorum auctores, referenda sunt, sed ad naturam ipsius ægri, itidemque ipsius morbi.* quædam vulnera sunt lethalia.  
 Et paulo post: *Quando igitur neque ex ægri narrationibus ad infallibilem certitudinem pervenire potest, alio certe respicere Medicum necesse est: quare hujus tarditatis non ars ipsa, sed corporum natura, causa existit.* It. text. 21. *Quare artis potentiam magis ex merito miremur, si quem ex clandestino morbo ægrum restituat, quam si impossibilibus & desperatis opem ferre molietur.* Unde quamvis ejusdem Hippocratis sensui literali, quoad illa verba, quæ a. l. text. 20. legere contigit, non omnimode subscribam: *Medicus siquidem suffecerit ad cognoscendum, sufficiet etiam ad sanandum,* subscribo tamen ejus effato, quod de Flatibus t. 2. exprimit: *Si quis causas corporis affecti probe cognovit, potens est valde adferre, quæ corpori commodent, nimirum, contraria corporibus, morborum natura perspecta.* Et per consequens si illam, quam omnes concedunt, vulneris lethalis ætiologiam supponamus, quod nulla arte ipsi mederi liceat: nec Medico, Medicinæ potius non cognita seu non cognoscibilia curare, multo minus sanare, concessum, i. e. vulnera ejusmodi, horumque effectus latentes quia non dignoscuntur, insanabilia, hinc lethalia, dicenda, qualia in aliis partibus rarius, in capite frequentius eveniunt. Quemadmodum idem Hippocrates de Capit. vuln. t. 9. de Resonitu ait, *hanc calamitatem, ubi facta est, nulla re juvare queas.* Capitis percussiones difficulter dignoscuntur.  
*Nam si passus est hoc malum, non est, quod ex ipso exquirere possis, an passus sit hoc malum, neque qua capitis parte.*

Quamvis nec thoracis vulnera penetrantia adeo feliciter semper dignosci soleant, hinc vim lethalitatis intendere, oppido & ex variis casibus constet. Thoracis quoque.  
 Superius, ubi de situ partium vulneratarum, medelæ harum derogante, differēbam, enarravi, juvenis cujusdam pectus dissectum multum cruoris ichorosi monstrasse, nihil tamen aeris pestiferi vulneratum hunc decubitus tempore per plagam expirasse, parum tantum sanguinis per plagam excrevisse, nullum fluctuationis sensum in thorace percepisse, parum tussivisse, quinimo dyspnœam in eodem per aliquot dies omnino cessasse &c. uno verbo omnia deficiebant signa,



quæ cavitatem hanc perforatam & sanguine extravasato scatere alias innuunt. Pariter anno 1707. d. 2. Augusti de Coquo vulnerato Medicus ac Chirurgus, qui ejusdem curam gesserant, deponebant vulnus pectoris quod d. 19. Julii ipsi inflictum, musculus pectoralem sinistram ac intercostales perforaverat, vasa mammaria ejusdem lateris cum mediastino atque pericardio laceraverat, hincque notabili seniei congestioni occasionem præstiterat, in vivo adhuc corpore nec candelæ cereæ applicatione, nec syphone, nec tubulo, nec flamma candelæ admodum explorari potuisse, sed in sternum, quorsum tendebat, terminari visum, neque ægrum de dolore pectoris punctorio similive conquestum fuisse, per consequens nec medelam adæquatam innuisse aut admisisse: qualem plagam intuitu recensitarum circumstantiarum per se lethalem pronunciabam, utut Medicus indigitatus cum Chirurgo, leviores ob rationes contrarium sentirent. Denique notabilem casum pectoris anno 1701. d. 14. Decembris Sigersdorfi Silesiorum infaustra sclopeti manuarii explosione perforati, minus tamen dignoscibilis, Acta Facultatis nostræ suggerunt in Nobili videlicet, cujus brachium sinistram globulis minoribus ictum, quique sine ullis pectoris symptomatis, nisi spasmo oesophagi, tandem in universalem degenerante, die 26. Decembris animam exhalabat. Sectio cadaveris globulus multos musculos brachii diversos cum vena basilica & arteriæ brachialis ramo vicino perforasse ac lacerasse, simul tamen intra eosdem musculos & os humeri eorum quique thoracem adiisse, hujus musculus pectoralem & intercostales, primæ & secundæ costæ ac dextrum pulmonum lobum penetrasse, hinc extravasationem sanguinis notabilem concitasse, declarabat. In hujus læsionis lethalitate determinanda ambiguos ac dissentientes deprehendimus Medicos, ad deponendum desuper postulatos, licet unus horum cordatior illum, propter obscurum & paradoxum ejus tractum ac terminum, a priore haud dignoscibilem, incurabilem asseruerit: cujus sententiam nosmet confirmabamus d. 21. Septembr. 1702. quod tendentia globulorum horum per brachium ad pectoris interiora nec ex Symptomatis, nec per lustrationem solertiore ullam, innotescere potuerit.

*Vulnerationis circumstantiæ externæ dignotionem plagæ etiam difficilem reddunt.*

Non sola autem ipsius læsionis conditio in se talis est, ut prudentiorum dignotionem, quam accuratissime quoque adornatam, effugiat: sed, quemadmodum per circumstantias vulnerationis externas aliquando ad vulneris dignotionem ducimur, ita si & his destituamur, silet ac cessat omnis ars v. g. reperitur in via publica percussus, sine suggillatione, vulnere, & nemo adest, qui testetur de percussione, nec ipse æger, quia sine sensu & aphonus, quem *Hippocrates* t. 10. & 11. ut passus sit & quomodo interrogandum ait, horum aliquid indicat, vel indicare valet: nonne hujus v. g. calvariæ contrassura, hinc vasorum cerebri ruptura, quia nullo modo dignosci valent, incurabilibus, adeoque lethalibus, adscribendæ? ideo quod Ars, quæ non sufficit ad dignoscendum, nec sufficiat ad sanandum.

*Item situs corporis, dum percussiebatur.*

Quam difficultatem, partem internam primario læsam ac læsionis indolem curatius dignoscendi, aliquando etiam patrat situs seu figura corporis aut membrorum, sub ictus illati momento observatus ad qualem se componere sauciatus plerumque nescit, nec Medico, nec Chirurgo fingere semper licet, magni interrim momenti in hoc negotio circumstantia, & quam vel casus antedanei, ratione obliquitatis vulnerum declarare poterant: quo ignorato tractu seu sinu, partes profundiores, quæ læsæ, necessario nos latent, consequenter modus illis mendendi. Ne dicam de vulneribus, tenuiore ensis mucrone factis, & facile denuo concidentibus, qualia oculum Chirurgi aliquando fugiunt, nec quæ intrinsecus læsa, internoscere concedunt,

*Figura vul-*

Sed magis forsan paradoxum erit, si per figuram vulneris hujus lethalitatem ali-



aliquando determinari, aut ad minimum intendi moderarique, dixero: non gra-  
tis tamen me hoc attentare, inde puto, quod quarumvis v. g. partium plagæ  
circulares, seu in orbem factæ, pessimæ ac difficillimæ consolidationis deprehen-  
dantur, ut præter experientiam *Paræus Chir. lib. 8. cap. 4.* ratione hoc evincit,  
quod labia vulnerum non, nisi per angulum, h. e. duarum linearum combina-  
tionem, uniantur, quod in vulneribus circularibus locum minus habeat, dum  
hæc figura unica linea obliqua absolvatur: vulnera quoque eo majora cognoscan-  
tur, quo magis distantia eorum labia, quod vulneribus sphaericis contingat, &c.  
Si proin visceri alicui, cujus usu integro sine vitalitatis discrimine carere haud  
possumus, ejusmodi circulare aut cujusvis ad coalescendum minus aptæ figuræ  
vulnus inferatur, nonne ideo, id est, ob figuram sui incongruam, plaga reddi-  
tur lethalis, alias & sub alio schemate sanabilis ac salutaris?

Quoniam nihilominus vix adeo frequens hæc lethality ætiologia observa-  
tur, missis intrinsecis ad extrinsecas mortis a vulneribus progredior causas, in-  
ter quas, & quidem necessarias atque inevitabiles magis, primo ipsa vulnerati  
textura seu constitutio naturalis occurrit, quam vel crasis & conformatio con-  
genita, vel ætas suggerit. Observo equidem ex Scriptorum, in lethality for-  
malitatem & causas inquirentium, lectione, eorum plures binas has vulnerum  
indigitatas circumstantias illis tantum causis adscribere, quæ illorum in se sana-  
bilia per accidens lethalia reddant; quod quidem illis per me liceat: ostendere  
tamen haud vereor, easdem, aliquando ad minimum, vulneris lethality per  
se inferre.

Quippe quemadmodum, ubi judicium de hac expetitur, non, quomodo illa  
in genere, sed quomodo in Paulo, v. g. Petro aliove individuo, a vulnere mor-  
tuo, se habeat, i. e. an immediata mortis causa in hoc subiecto determinatum  
vulnus, v. g. ventriculi, hepatis, mesenterii &c. an secus, extiterit? quæstio est:  
Sic responsum quoque sub iisdem terminis specialioribus concipi debet, nisi con-  
cipiens stupiditatis notam penes segaciores incurrere gestiat. Quod si e. g. ejusdem  
individui caput calvaria gaudeat tenuitatis extraordinariæ, adeo ut ab alapa aut  
baculi exilioris ictu frangatur: quæro, an fractura hæc per se, an per accidens,  
lethalis nuncupari debeat? Respondeo, non per accidens, quia percussione &  
mortem nihil causalitatis intercedit intermediæ, prout per definitiones superius  
traditas & ab omnibus admissas suppono: sed quoniam a partis percussæ condi-  
tione individuali hujusque læsione cuncta symptomata mortifera aut ipsa mors  
immediata immediate dependent, per se lethalis videtur. Pari siquidem funda-  
mento ac si propter habitum individui robustiorem, hinc v. g. crassitiem ac soli-  
ditatem calvariæ extraordinariam (qualem v. g. in cadavere femineo olim ali-  
quando a me publice dissecto mecum annotarunt trepanatione, in eodem sub-  
iecto administrata, adstantes, digiti nempe minoris crassitieci parem) vehemen-  
tius percussus nec fracturam, nec lethalia symptomata patiatur, hoc indivi-  
duum mortis periculum non per accidens, sed per se & per suæ texturæ resi-  
stentiam, superasse omnes afferent: ita si per texturam individualement, qua cor-  
pus ad resistendum violentiis externis minus potens, aliud individuum percus-  
sum moriatur, a percussione, ut tali, ac per se hoc mori, evidens satis est.  
Porro vulnera abdominis, hujus musculos & peritonæum perforantia, nihilque  
hujus ventris interaneorum lacerantia, communiter non lethalia observantur:  
quod si vero concipiatur subiectum, cujus vena atque arteriæ umbilicales præ-  
ter consuetum naturæ morem, patulæ sint, ac sanguine scateant, qualem con-  
formationem *Coiter. obs. anat. chir. pag. 117. Kerckring. spicil. anat. obs. 7.* ali-  
que Anatomici testantur, hocque ratione dicta saucietur, hinc ex vasis illis  
unum alterumve discindatur, profecto vulnus hoc non, nisi per se lethale, vo-  
cari



cari poterit. Præter reliqua viscera Lienem dislocatum diversi anatomici testantur, v. g. ad regionem hypogastricam & super vesicam urinariam *Ballonius Epidem. & Ephemer. lib. 2. Blasius part. 1. obs. med. 14. & Schraderus obs. anat. med. dec. 3. obs. 4.* ad medium abdominis seu regionem umbilicalem *St. Blankart. collect. Med. Phys. cent. 4. obs. 46. & C. Stalpart. van der Wiel. cent. 1. obs. 37.* Si itaque contingat, ejusmodi hominis vulnerati regionem umbilicalem aut hypogastricam, & sub hac reconditum Lienis viscus cellulosum hujusve vasa perforari ad mortiferam usque hæmorrhagiam: sine dubio in hoc subjecto, cui ejusmodi lienis situs connatus, erit vocandum vulnus illud lethale, utpote quod hæmorrhagiæ illius primaria, immediata & solitaria causa, licet pluribus aliis individuis ejusdem regionis similis punctura vix ullum notabile symptoma moverit.

*Ætas lethali-  
tati nihil  
derogat.  
v. g. infan-  
tilis.*

Par ætatis in discernenda percussionum mortalitate videtur ratio, cum in pueris v. g. casus ejusmodi non tam fingere, quam quotidianos attendere, liceat, sub qualibus vulnus per se lethale evenire poterat, in adultioribus minus tale: & quidem non tantum ratione teneritudinis totius, caloris majoris, minoris temperatorisve &c. sed potissimum conformationis partium vulneratarum naturalis ætati huic adæquatæ atque perpetuæ. Revocare huc mihi concedatur plagas, abdomen sine viscerum læsione penetrantes, qualium modo mentionem feci, & quales in adultis nemo facile pronunciaret mortales: quod si autem ex tali pereat infans paucorum dierum, ac in sectione hujus venter ille sanguine plenus reperiatur, ob fauciatam videlicet alterutram arteriarum aut venam umbilicalem, nonne per se, imo absolute & simpliciter, lethale hoc dicendum puerile vulnus. Similiter si cranii ac cerebri in puero teneriore summam pondere- mus mollitiem ac tenuitatem, nonne hæ illius habitudines, quominus nec levioribus ictibus sustinendis ejus caput par sit, faciunt, id est, ut calvaria facilius deprimatur, vascula, aut ipsa cum meningibus ac cerebro communia, aut huic propria, rumpantur, molliora ac succulentiora ejus ossa, annotante *Hipp. de Vuln. cap. t. 25. & Pavvio p. 219.* citius putrescant, cerebrumque vehementius commoveatur, ejusque ad fluorem usque adhuc mollioris tractus cum functionum animalium disturbance ac extinctione distorqueantur, lacerentur aut omnimode oblitterentur seu destruantur? hincque læsio, huic ætati minus tolerabilis, dicenda erit per se, & forsan aliquando absolute lethalis? Præterea si v. g. sanguis extravasatus, sub calvaria pueri tenerioris congestus, mediante trepano educi nequeat, vel quod mollior ipsius textura ejusmodi operationem ancipitem sine convulsionum metu haud ferat, vel quod calvariæ flexibilitas ac teneritudo, seu hujus futurarum laxitas, instrumenti impetum vix sustineat: sane hæ incurabilitatis causæ non accidentales seu evitabiles, sed res corpori ejusmodi secundum naturam ac necessario inhærentes, ictum talem per se lethalem faciunt, quod omnem medelam respuat. Nec Senectuti tantum est pondus, quod vulnus, ex quo juniores frequentius evadunt, seniori subjecto hinc fatis cedenti, pariter minus mortale extitisse persuadeat; quasi nimirum illud occasio tantum, ætas vero immediata & effectiva causa, hujus eventus fuerit, i. e. sanatus fuisset percussus, modo senectus non obstitisset: & per consequens non vulneratorem, sed vulneratum, ad grandioremodi ejusmodi ætatem evectum, mortis culpam gere- re. Eo ipso enim, dum, si vulnus haud illatum fuisset, senex, valetudine satis mediocri gaudens, forsan per plures adhuc annos vixisset, illud non occasiona- lis, sed vere efficiens, symptomatum & mortis causa pronunciari debet: se- nium vero causa tantum per accidens videtur, utpote quod, hincque corporis robur exilius, percussionis accidentibus resistere haud poterat, aut est adjuvans atque accelerans duntaxat. Adeoque quamvis plaga illa non sit tanta, quæ in juve-



juvene aut ætatis consistentis homine robusto convulsiones, aphoniam, febrem, gangrænam &c. concitare valuerit, viresque enormiter & ad mortem usque mox prostraverit, sufficit tantam illam existere, quæ decrepito debiliori vere & effective talia symptomata graviora intulerit, quæ alias & ab intrinseca causa haud emerissent, & quorum, hincque evenientis mortis, causa, utique vulnus, judicari debet, nec aliter potest.

Ad res & causas præternaturales, propero, ubi an corporis vulnerati infirmitas, seu morbi præcedanei, vel ad hunc prædispositio percussionem per accidens tantum lethalem, efficiant, decidere mihi vix præsumerem, nisi præter Ictos quosdam, qui vulnerantem infirmum, si hic decedat, de homicidio tene-ri, etiam vulnere in se non existente mortali, decernunt, *Galenum quoque de causis procatart. cap. 2. Zacchiam. lib. 5. tit. 2. quest. 3. & 6. ac Fienum l. a* pro lethalitate per se militare animadverterem: ideo quod dato, vulnus non mortale, ex corporis vulnerati impuritate ac morbifica dispositione mortale fieri posse, vulnerans morti proximam causam dedisse videatur, & ex corporis infirmitate sola, absque vulneris accessu, non decessisset idem subjectum.

*Nec status valetudina-rius vulnus non lethale facit.*

Quia nihilominus ex Juris Peritis *Caballus de omni genere homicid. n. 330.* & ex Medicis *F. Fidelis lib. 4. cap. 9.* a sententia hac recedere videntur, pro quæstione hac, dubiis multis undique stipata, solvenda, ante omnia & primo considerandum puto periculum seu gravitatem & levitatem vulneris, ut talis, quarum hæc seu vulnus leve, propter supervenientem mortem lethale per se proclamari nequit; id est, si hoc non ut plurimum aut frequentius lethale fuerit: contra si periculum majus vulnusque in se gravius, quamvis forsan simile in subjecto firmiore aut robustiore sanetur, vel sanatum fuerit, in hoc tamen individuo, cui mortem per symptomata sibi intrinseca, inferebat, v. g. vulnus capitis per insipientiam, convulsiones &c. omnimode mortiferum pronun-ciari debet; neque vulnerati v. g. exuperantia humorum pituitosorum, ulcus pulmonum, ventriculi atonia &c. illud per accidens lethale reddent. Multo-minus occisori favebit, si vulnere per se lethali decedat percussus, qui vitam miseram & valetudinariam hætenus egit: quatenus in robustissimo quoque & sanitate optima fruente subjecto idem eventus a simili vulnere obtigisset, id est sola hæc plaga effectui illi funesto sine morbo antecedaneo, adæquata extitisset: Neque pro eodem sub tali casu res decidi poterit, quasi, si morbi gra-vitas ac periculum evidens, v. g. phthiseos aut hydropis conclamati, apople-xiæ quarti gradus, seu fortissimæ, vulnus, quamvis in se ut plurimum le-thale, mortis factæ causa non videatur, quod tale aliquando salutare obser-vatum fuerit: cum mors ex morbo nihilominus antecedaneo incerta sit, qua-tenus phthisicos, hydropicos ac apoplecticos desperatissimos aliquando inopina-to convaluisse, præter Scriptorum testimonia experientia loquitur, ita quidem, ut ex apoplexia v. g. mortuos ante triduum haud sepeliendos lege publica cau-tum sit. Imo etsi de funesti morbi eventu certissime constaret, vix tamen constabit de ejus termino: ita ut vulnus superveniens eundem antevertere for-san videatur, pereatque non ex illo, sed ex hoc, vulneratus.

*Si nimirum vulnus alias maxime peri-culosum.*

*Nec antece-daneus mor-bus lethali-tatem vulne-ris tollit.*

Deinde distinguendum auguror inter causalitatem infirmitatis præcedanæ minus necessariam seu separabilem, qualis v. g. dum referente *Manardo* ex impuritate corporis erysipelas simileve quid vulnerato accidit: & inter neces-sariam ac inseparabilem magis, quam binis exemplis seu casibus declarabo, quod conceptu generaliore eam exprimere nondum audeam. Perfoditur. v. g. herniosi scrotum, ut simul enormiter lædantur intestina, ad hoc devoluta, quod vulnus scroti in se neutiquam lethale, ob morbum hunc intestinorum in situ (qui pariter in se non mortalis) lethale evadit: id est, ipse hic morbus ante-



antecedaneus causalitate sua ad lethalityatem ita concurrat, ut ipsi nihil detrahat, sed eandem potius conciliet. Contra, si vulneretur levius idem scrotum, intactis intestinis inhærentibus, & vulnere superveniat inflammatio, quæ repositionem intestinorum moretur, hincque vomitus stercorei & cum aliis symptomatis mors eveniant, vulnus inflictum per se lethale dici haud poterit, quod evitabilis fuerit hæc causalitas seu inflammatio i. e. non semper & necessario superveniat. Porro sinistro v. g. rene, ulcere calculove, eoque affecto, ut secretio & excretio urinæ in hoc per octiduum turbetur, aut, ut sectiones cadaverum perhibent, plane consumto vel deficiente, qualia exempla ex *Solenandro sect. 5. consil. 5. Job van Meekren obs. Chir. 37. & Cornelio Stalpart. van der Wiel. obs. 52.* aliisque petere licet, si vulneretur dexter, non quidem vulnere in se lethali, id est, quod vasa majora aut Pelvim petat, tali tamen, cui superveniat inflammatio, hujus etiam functionem secretoriam ac excretoriam ad interitum usque ægri turbans; an in hoc subjecto non, nisi mortalis, poterit pronunciari plaga renis dextri?

Ferendo hujus judicio me eo promptius applico, quod *Boerius decis. 323.* aliique Juris Periti in casu ejusmodi, si vulnera duo quis patiat, quorum prius non mortale, posterius mortale, existat, sentiant, posteriorem vulnerantem de occiso teneri, i. e. dolorem, vigilia similisque symptomata prioris plagæ, hincque emergentem infirmitatem, non impedire, quo minus vulnus posterius, in se lethale, tale pronuncietur: per consequens nec valetudo adversa seu debilitas corporis præcedanea ulla alia vulneris revera mortalis, lethalityati, aliquid derogabit, sed Medicos quoque lethale hoc dicere jubet sana ratio. Imo quamvis ipsa pars morbofa, v. g. caput doloribus frequentioribus expositum, pulmo exulceratus, ventriculus anorexia & dyspepsia laborans, vulnere alias lethali afficiatur: quia nihilominus hæc pathemata morti subito inferendæ minus proportionata sunt, seu eorum lethalityas non adeo evidens & certa est, vulnera ejusmodi, iis non obstantibus, utique lethalia pronunciare conveniet: contra, si eorum periculum evidentius & horum lethalityas dubia, seu per accidens saltem eveniat.

*Dubium.*

Ast quid denique censendum, si vomica pectoris, apostema abdominis &c. alias lethales affectus, a percutiente ita perforantur aut rumpantur, ut ad cavitates dictas præcipitata materia purulenta ægrum brevi interficiat? vel si asciticus vulneratus confertim nimis aquam, & cum hac animum, profundat? Nonne vulnus ejusmodi causa mortis immediata erit? Quod ancipites etiam hi morbi inexpectata plane ratione aliquando a natura solvantur, adeoque de eventu eorum ultimo in hoc quoque subjecto incerti sumus? Ambigo.

Quod si vero de vulnere nec absolute, nec frequentius, mortifero, sed de tali, quod in se ut plurimum sanabile observatur, sermo fuerit, simulque ejusmodi infirmitatis præcedaneæ seu status valetudinarii, supponatur causalitas, quæ symptomata mortalia non necessario patret, i. e. illud propter cacochymiam v. g. gangrænam febremque graviolem moveat: res dubia magis & iniquior forsan videbitur illius severitas, qui ex ejusmodi casu mortuum vulnere per se lethale occubuisse assereret, hinc vulnerantem homicidii accusaret. Quoniam nihilominus, si de symptomatis constet, ea ex vulnere ipso emerfisse, hoc in corpore cacochymico debili ac veletudinario se ut causa mortis proxima & efficiens habet, eo quod absque illo infirmus seu cacochymicus nequaquam decessisset; neque dici potest vulnere novum supervenisse morbum, quatenus conditio seu constitutio ejusmodi corporis non aliter fert, quin alias salutare vulnus in eo semper prava symptomata & per horum atrocitatem mortem causetur: dyscrasia illa viscerum, cachexia, partis læsæ imbecillitas &c. causæ tantum

*Etiam vulnus alias vix lethale, causa mortis est immediata in corpore debili seu valetudinario.*

per



per accidens , seu occasionales , non effectivæ , pronunciari debent , utpote ratione quarum accidentibus , quæ idem vulnus sequebantur , resistere subjectum hoc morbosum minime poterat . Per consequens , vulnus , quod in hoc vel illo individuo , intuitu determinatæ seu valetudinariæ dispositionis , magnum & grave satis est , mortemque in similibus subjectis ut plurimum pedissequam habet , accidentium quoque suorum & mortis hinc evenientis causa proxima audiet . Ut proin percussor ille , cujus *Bonetus Anat. præct. lib. 4. sect. 3. obs. 29. §. 1.* meminit , satis prudenter dixerit , audiens , cacochymiam biliosam ab ictu externo commotam symptomata lethalia in percusso excitare potuisse , qui evasisset , si illam humorum colluviem ante rixam pharmaco exclusisset : gratias ago pro salutari monito , nunquam enim deinceps cum quopiam altercabor , quin eundem prius sic adoriar , cura tibi corpus expurgari & venas sanguine depleri , demum te , prout promeritus es , mulctabo . An vero , qui illud intulit , Homicidæ nomen ac pœnam mereatur ? alterius est fori .

Contra , si vel vulnus ratione exilitatis , seu levitatis suæ tantis symptomatis , nec in valetudinario subjecto , inferendis non fuerit proportionatum , vel alias evidens sit , accidentia hæc minime a vulnere , sed a procatarxi corporis , ut tali , emergere , v. g. si vulnere cruris pravo superveniat in cachectico gangræna , pulmoniaco &c. subjecto strangulatio : non ex hoc , sed ex illa , mortuus judicabitur vulneratus , neque hoc lethale dicendum ; cujus etiam generis videtur , quod paulo post ex *H. Augenio* in scenam producam . In præsentiarum exempli loco sit rusticus ille , ex pugno pectori inflicto mortuus , cujus historiam *Bogdan.* apud *Bartholinum cent. 4. epist. 11.* describit . Sc. ebrius hic ex pugno pectoris supinus sternebatur , extemplo conquestus de frigore , dolore lumborum & ambulandi difficultate , nihilominus post aliquot horas extra urbem ad suos se conferens : ubi decumbebat , sanguinem spuebat & laterum gravissimis puncturis excruciabatur , cum siti ingente , delirio & convulsionibus funestis . Ejus cadaver cum jussu magistratus inspiciceretur , in dorso & lumbis comparebant maculæ longiusculæ , instar vibicum , incisæ tamen nihil sanguinis extravasati exhibentes , pudenda ad gangrænam usque livida , & in sinistro Olecrano ecchymoma , factor simul horrendus . In aperto abdomine omnia integra & salva . Sub thoracis mammilla dextra , plagæ inflicte vestigium , macula nempe livida , sine effusione tamen cruoris , omnique costarum ac sterni læsione : interiora vero hujus ventris cuncta quasi fumo fuscata conspiciebantur , pulmones undique pleuræ adhærescebant , exsucca , intus putida & instar puris inspissati atque exsiccati . In cordis , omnino flaccidi , ventriculo utroque polypi ingentes , in capite vero pariter dissecto nihil præternaturalis reperiebatur . Quem percussam non a percussione violentia sed cordis & pulmonum imprimis prava diathesi , periisse , idem *Bogdan.* cum Medico & Chirurgo sociis egregie l. a. deposuerunt .

Quod casum concernit , quem ex *Manardo lib. 6. epist. 1.* allegat *Zacchias* , quendam sc. ex vulneribus capitis binis levioribus vixque calvariâ attingentibus , propter erysipelas ac febrem octavo , & paralyfin atque loquelæ deperditionem duodecimo , die , sine ullis pravis symptomatis , quæ de cerebri læsione suspicionem movere poterant , præviis , supervenientes , decimo quarto decessisse : hæc equidem vulnuscula vitiosorum humorum motui lethali aliquando occasionem existere & mortem inde secutam ex humoralis æque ac locali procatarxi , non illorum magnitudine , contingere posse , *Manardo* facile largior . Quia vero nec cacochymiam totius , nec infirmitatem capitis , præcedaneam evincit idem , ac neglexisse videtur cadaveris sectionem atque inspectionem : in fabro illo ferrario , de quo quæsitus respondebat , an res ita se habuerit , ambigo , potissimum cum argumenta illius haud sufficientis connexionis appareant .



Multominus *Zacchia* condescendere possum, qui dum vulnera hæc cum *Manardo* non per conditionem sibi intrinsicam & ex symptomatis, a vulneratione immediate dependentibus, sed a procatarxi individuali, lethalia reddita fuisset concedit, vulnerantem nihilominus proximam morti causam dedisse, scribit: quatenus quæ in iisdem a *Manardo* supponitur, exilitas occasionem tantum pravorum humorum motui subministravit, ac proin symptomatum, lethaliū causa proxima vulnera vix extiterunt.

Memorabilis ac difficilioris solutionis mihi videtur casus, a Præfecto Quæsturæ Reinhartsbrunnensis-Gothanæ anno 1701. d. 12. Nov. Collegii nostri decisioni expositus: quem prudentiorum disquisitioni commendo, ideo prolixiore paulo stilo eum delineans. Verberibus variis ac duris a duobus compotatoribus excipiebatur, pedibus conculcabatur, tandemque de scala dejiciebatur præceps Valentinus Just; Minister nominatæ quæsturæ pragmaticus, vir alias robustus & quadratus. Hic quotidie in pejus ruebat, licet parum hinc decumberet, conquestus interim de algore totius cum æstu alternante, dolore pleuritico, oppressionē pectoris, tussi ferina, appetitu ventriculi prostrato & corporis contabescencia evidente: donec post quatuor fere septimanarum decursum, sub ardoris in dorso vehementioris sensu, morte repentina suffocatus perierit. In ejus cadaveris thorace cordi ac pulmonum dextro lobo, non sine stupore, annatum cernebatur steatoma glandulosum, trium circiter libræ pondo, quod scirrhum cordis aut mavis, Pericardii ajebant Profectores. Pulmonum compages hinc inde similibus tuberculis glandulosis, mole globis bombardarum paribus, stipata erat: Spina autem dorso a superiori ad undecimam vertebam valde intorta atque incurvata, & in sinistro thoracis latere folliculus comparebat membraneus, palmam æquans, qui ruptus procul dubio, sub ardore præcedaneo, quod continuerat, demum ad cavum pectoris, ad suffocationem profuderat, serum cruentum notabilis quantitatis. Neque tumor ille cordis ac pulmonum a percussione hac ultima, sed antiquioris originis forte ac prosapiæ, videbatur: Etsi, quod mirari meretur, sine molestia horum organorum & eorum actionibus conturbatis, virium attritione ullove valetudinis incommodo gestarit eundem miser ille. Curvatura vero dorso, hujus sugillatio & abscessus sanguinolentus brevioris forsan ætatis & percussione atque delapsus producta erunt. De qua re dum quærebatur, an lethalitatem involvat, dubie responsum fuit: Contorsionem equidem spinæ, sugillationem internam ac apostema cruentum probabiliter a violentia illata facta fuisse; profusionem autem feri sanguinolenti una cum cordis pulmonumque tumore glandulo-scirrholo mortem hujus subjecti mutuo concursu accelerasse, ac solas læsiones, ab extra factas, minime per se lethales asseri posse.

*Atmosphæra  
habitus ali-  
quando le-  
thalia per se  
reddit vul-  
nera.*

Circumstantiis externis necessariis, lethalitatem vulnerum moderantibus seu determinantibus, accenseo atmosphære certam ejusmodi habitudinem, quæ quamvis forsan ad dîctam potius seu ægri gubernationem ac Chirurgi curationem magis, videatur spectare, quin tamen sub certa relatione eam rem inevitabilem magis asseram, nihil me moratur. Suppono nimirum ex diversorum celebrium magnæque experientiæ scriptorum consensu, quibusdam non tam Zonis ac Climatibus, v. g. dum *Sebizius Examin. Vulner. prod. part. 3.* vulnera capitis in Germania præ Hispanorum ac Italarum minus periculosa & *Pavv. in Hipp. de Vuln. cap.* læsis capite aerem circa lineam æquinoctialem insaluberrimum testatur, quam urbibus ac agris particularibus magis peculiare contingere cœlum, vulneribus his vel illis modo propitium, modo infestum magis. Sic v. g. *Paræus de Renunciat.* de tempestate, quæ olim in obsidione Rothomagensi & in agro Dionysiaco regnabat, omnes glande, sclopeto ignivomo elisa, vulneratos de vita periclitatos fuisse perhibet, imo *Idem Chir. lib. 10. cap. 8.* cum *Guido-*  
*ne de*



ne de Cauliaco capitis plagas Lutetiæ Parisiorum contumaciores longe, quam Avenioni, ubi tibiæ vulnera difficilius, quam Lutetiæ, sanantur, deprehendi, asserit. Atmosphæram Florentinam *Vidus Vidi* lib. 6. de *Curat. membrat. cap. 2.* eandem cum Farrariensi *Quercetanus Sclopetar. cap. 3.* Florentinam cum Bononiensi *A. Lusitanus cent. 6. curat. 100. Ierem. Martius obs. 18. & Joh. Vdalric. Rumlerus obs. 76.* capitis pariter vulneribus pestiferam maxime referunt, contra, in agro Ragusæ & Romano vix enormissime capite fauciatis decedere, posterior subdit. Temporarium ejusmodi influxum de Mantuano aere testatur *M. Donatus de Variol. cap. 2.* dum inquit: *jam agitur quartus vel quintus annus, quod in civitate nostra Mantuana, quicumque in capite vulnerabantur, licet leve admodum Vulnus ipsis inflictum esset, quovis administrato auxilio sanari minime potuerant, qui tamen influxus post tertium vel quartum annum penitus abolitus fuit, ita ut nunc fere nullus eadem in parte fauciatus moriatur &c.* Denique in obsidione ultima Regni Candia Metropolis peculiarem & vulneribus adeo exitiosam aeris malignitatem annotarunt Chirurghi, ut potior fauciatorum pars periret, testante hoc *Leonh. Tassin Chirurgie Militaire*. Quibus ita se habentibus vulnera tali tempore ac in ejusmodi locis inflicta sine dubio per se lethalia dici debent: quod aeris hanc texturam cœlive constellationem aut quamvis habitudinem, sive epidemicam, nec ægro, nec chirurgo, emendare aut immutare, adeoque intuitu hujus effectus non minus accidentale quid ac aliarum provinciarum & locorum constitutiones, morbos communes producentes ac foventes, asserere, concedatur.

Pergo ad res contingentes ac ad lethalitatem percussionum indifferenter magis se habentes: i. e. pro quarum diversa relatione ad vulnus hoc modo mortale, modo non mortale, appellandum. Inter quas primo occurrunt symptomata illi supervenientia, quæ insulsi ac perversi occisorum defensores, ut circumstantiam, qua vulnus per accidens tantum eveniat mortiferum, allegant, id est, non ex hoc, sed ex accidentibus, vulneratum occubuisse, judici persuadere frivole satis moliuntur: cum nihilominus interdum perinde sit, mortem ex ipso vulnere immediate, ac ex symptomatis, evenire. Quatenus hæc & illud aliquando, imo forsan ut plurimum, ut causa & effectus, inter quæ symptomata mediant, se habent; sive hæc vulnerationem mox excipiant, sive paulo post superveniant: ita ut, qui ex hæmorrhagia vulneris moritur, moriatur revera ex vulnere, qui ex apoplexia ab ictu capitis vehementiore concitata, perit, a percussione interficiatur, pariter, qui a lipothymia & asphyxia succumbit, ex vulnere cordis, illarum causa immediata seu proxima, decedat. De cetero quemadmodum ex symptomatum gravitate ac multitudine læsionis gravitatem in vivis adhuc, & antequam eorum læsas partes penitus inspiciendi ac secandi copia fiat, auguramur, ex illorum absentia plus salutis fauciatis pollicemur: ita præter & post inspectionem quoque factam attendere jubemur symptomata plura & vehementiora, ac vulneris ad mortem influxum ex horum syndrome colligimus, sin mitiora aut nulla adfuerint, potissimum si vulneratus aliquandiu supervixerit, non raro de plagæ etiam atrocioris, mortalitate ambigimus, dum v. g. *H. Augenius tom. 1. lib. 9. epist. 2.* de vulnere quodam capitis judicium ferens, illud non lethale fuisse inter alia inde concludit, quod nulla symptomata, ut cerebri ac membranarum disscissarum signa, sc. vomitus biliosus, corporis sideratio, adfuerint. Paucis, supervenientia & perseverantia symptomata, v. g. febris, dolor, spasmus similiaque, ex quibus percussus in deterius labitur, ac mortem tandem obit, hunc ex vulnere mortuum præsumere faciunt, pro contraria vero militat præsumptione, ubi contrarium evenerit, i. e. nulla eorum vulneri superveniunt, aut brevi evanescent seu notabiliter remiserint eadem.

*Propter symptomata supervenientia vulnus lethale minus tale semper dici nequit.*

*Si multis & gravioribus symptomatis destituatur vulneratus, vulnus, non lethale videtur.*



*Symptomata vulneratorum triplicis sunt generis.*

*Nota, quibus an symptomata a vulnere, an aliunde dignoscantur: 1. si turbent actiones ipsius membri vulnerati.*

Cum autem symptomatum, vulneratis exitiosorum, triplex observetur genus, & horum alia ex vulnere ipso, ut tali, hinc a parte læsa immediate, emergant; alia aliam extra vulnus causam agnoscant; alia indifferenter se habeant, id est, modo a vulnere, modo aliunde eveniant: probe omnes ac singulæ ponderandæ sunt in vulnerato circumstantiæ, & ex harum demum collatione, cujus generis sint illa individui præsentis, prudenter inferendum.

Primæ & secundæ classi accidentia dirimit I. functionum membri fauciati & symptomatum emergentium collatio: i. e. si hæc illas turbent, a vulnere, contingunt, hocque lethale reddunt; sin alterius generis fuerint, aliunde dependent, nihilque lethalitatis ipsi adferunt. Sic v. g. vulnus ventriculi qui comitantur, singultus, nausea & vomitus, qui affectus soporosi, epilepsia &c. plagam capitis excipiunt, ex læsione, ut tali, eveniunt: proin si vehementius & ad mortem usque affligant, ex illis, hæc concitantibus, æger mortuus, eademque per se lethalia dici debent. Sin vero. e. g. Vulneri vesicæ sese jungat dolor pleuræ punctorius, dyspnœa, tussis cruenta &c. qualia non vesicæ functionem frustrantur, aliam extra illud hæc symptomata agnoscunt causam: & per consequens, ex his si pereat vulneratus, non ex vulnere perit; potissimum hac accedente circumstantia, quod per prædispositionem vel naturalem, vel præternaturalem, in hoc vel illud symptoma magis pronum fuerit Individuum defunctum v. g. erysipelas, epilepsiam &c. Pluribus casibus ne Lectori nauseam pariam, sufficiant a Fieno loco superius alleg. adducta: *Si quis latus in ventre & supervenit apoplexia, & vulneratus esset Senex, probabile esset, illam apoplexiam ortam esse ex propria causa ac dispositione cerebri & non ratione vulneris illius, quia talis morbus non est natus sequi tale vulnus, & verosimile est, talem apoplexiam eventuram fuisse, etiam si vulnus non fuisset inflictum, & proinde non vulnere, sed apoplexia est imputanda mors. Sic si quis in capite vulneratus esset, & superveniat phlegmone, & inde gangrena in pede, ex qua mors sequeretur, tum censendum esset, illum non ex vulnere, sed ex alio morbo qui fortuito supervenit, mortuum esse.*

*Sive immediate, sive mediate.*

*Apostema & erosiones partium inferiorum a capitis vulneribus.*

Neque tamen illa tantum symptomata, quæ actionem partis læsæ turbant, adeoque immediate magis ab hujus soluta unitate eveniunt, patratores mortis insequentis existunt, sed classi huic pariter accensenda veniunt, quæ alia minusque percussa organo afficiunt, modo constet, eadem a percussione illa, ut tali, quamvis mediate contingere: qualia a capitis læsionibus gravioribus omnium frequentissima observamus, v. g. vomitum biliosum, dyspnœam, urinæ suppressionem, alvi fluxum &c. quem, percussione capitis supervenientem, absentibus quamvis aliis symptomatis, cerebri lacerati signum esse, & quidem ut plurimum mortale, *Marchettus obs. med. chir. 15.* asserit. Spectant huc pustulæ, in lingua ex sphacelosa cerebri corruptione exurgentes, & vel cum stupore & aponia, vel cum partis oppositæ convulsione, per experientiam *Paræi lib. 9. c. 9.* mortem inducentes: item illa materiæ purulentæ ex capite ad pectoris & abdominis cavitatem metastasis, qua tractu temporis pleura, pulmones, lien, hepar &c. eroduntur & apostemata ac ulcera contrahunt. Ita quidem, ut rei hujus ignari abscessus ejusmodi, in cadaveribus apparentes, in partibus illis immediate exortos clamitent, eosque, non vulnus capitis, mortis causam primariam existiment, quod ex capite adeo copiosum pus ad inferna viscera delabi, sibi haud persuadeant: quibus nihilominus *Pigraus chir. lib. 4. c. 9. Ballonius de Convulsion. in append. Joh. van. Meekren. obs. Chir. 2. & 3. Ephemerid. Nat. Curios. ann. 2. obs. 119. Bonetus Anat. pract. l. 3. f. 17. obs. 12. & lib. 4. sect. 3. obs. 16. & Marchettus l. a.* contradicunt, ac posterior multijugam suam commendat autopsiam, & quidem sub hac conditione seu circumstantia infallibilem, si nimirum in ejusmodi vulneribus collum, potissimum parte sua antica & laterali, doleat, tan-



tanquam signo delabentis ad inferiora materiæ purulentæ. Imo hic recordor gangrænæ in pollice pedis, ex levissimo capitis credito vulnere, in adolescente contingentis atque in sphacelum lethalem abeuntis: in cujus calvaria nihilominus præter fissuram exilem & inter binas meninges sanguis purulentus reperiebatur. Hinc omne dubium circa casum a *Smetio Miscell. lib. 10. p. 561.* enarratum animo excutere nequeo, ubi quendam ex vulnere capitis cæsum inflicto; superveniente pleuritide, post tertiam septimanam mortuum, non vi vulneris, sed morbi accessorii, periisse, putat: quod nihilominus pus sub calvaria in ictus loco, contra fissuram in hujus lamina interiore, hincque fragmentum squamosum, pollicis latitudinem habens, se in apertura capitis offendisse, ipsemet scribat.

Peculiare insuper aliquid hoc in passu sibi vindicant vulnera quorundam nervorum, in se equidem vix lethalia, intuitu tamen organorum, magni ad vitam usus ac necessitatis, quorum actionem illa sufflaminant, talia dici merentur; i. e. quamvis non in loco vulnerato, sed in membro, ab hoc remotiore, eveniant symptomata, mediantibus quibus interficiunt, v. g. si saucietur collum, simul discindantur nervus octavi paris & intercostalis, hincque contingant deliquia animi, dyspnœa ac tandem aspyxia & suffocatio. Non pathemata mortifera ejusmodi tantum partium hic attendi volo, quæ sine nervorum lacerationum integritate ac spirituum animalium influxo ordinario in actione vitali deficiunt, sc. modo indigitorum cordis ac pulmonum, quod *Guido l. a. ex Avanzo* innuit, quando, si læsio fuerit in nervis anhelitus, moritur patiens suffocatus brevi, ait: sed illorum pariter membrorum, quæ per sympathiam quandam communiter dictam, si quæ ipsis cum nervis, aut in extremitate, aut in medio, seu circa plexus, læsis, intercedat, lethalia symptomata sustinent. Quid frequentius, quam a tendinum & nervorum in artubus contusionibus & lacerationibus deliria, convulsiones aliosve affectus generari? qualia exempla *Glandorpius Specul. Chirurg. obs. 41. 42. ac 43.* refert, quos, quamvis mortales eveniant, quia nihilominus ab ejusmodi externorum læsionibus emergunt, quæ, ceteris paribus, Chirurgiæ locum concedunt, lethales per se vix declaramus, ast liceat ita formare casum, ut vulneretur plexus mesentericus superior aut renalis, aut insertio nervi stomachici reticularis circa orificium sinistrum, hi vero in consensum trahant cor, aut cerebrum, & quidem per ejusmodi symptomata, quæ principium vitale hujusve influxum immediate magis destruunt: & tunc si quæ-ratur, an vulnus hujus plexus nervei sit lethale? tacebunt omnes, quotquot materiæ huic disquirendæ se hætenus dicarunt Scriptores.

*Vulnera nervorum ratione partium, ad quas abeunt, lethalia.*

*Seu cum quibus consensum præstant.*

Cerebrum a nervi cujuscunque punctura, contusione &c. in consensum rapi, illamque ad nervorum (reliquorum) convulsionem excitandam promptam esse, ratione continuitatis, quæ huic cum illo, ut suo principio, intercedit, *Galenum art. med. cap. 92.* animadvertisse, legimus: quia vero idem subdit, ac tum præsertim cum nihil extrorsum expirat, obcæcato cutis vulnere, non sine ratione me acturum confido, si internorum seu in cavitatibus reconditorum nervorum majorum læsiones, quæ convulsionem totius funestam patrant, per se lethales asseram; quod omnem medelam, imo extremam quoque, sc. præsectionem, propter situm, renuant. Verum vulnera plexuum ac nervorum abdominis cor & organa pneumonica ad mortem usque spasmis concitatis afficere posse, ac, si afficiant, ideo per se mortifera dici debere, paradoxum magis judicabunt, quos anatome nervorum, a neotericis demum accuratius exculta, latet: qui nihilominus sibi facile hoc persuadebunt, modo, si forsan ipsi operi manum commodare detrectent, *Willisii ac Vieussenii*, scripta, improbo labore congesta, legere malint; quod antequam ab iis impetravero, frustraneus foret conatus, quem in ejusmo-



ejusmodi hominibus , qui primis fundamentis destituuntur , informandis impenderem .

2. Si mox  
cum vulnere  
emergant .

Præterea an accidentia lethalia a vulneris conditione , an aliunde , eveniant , dignoscitur forsan II. ex tempore invasionis , i. e. si mox cum vulnere , aut brevi post , aut tunc temporis , v. g. die quarto , quod inflammationis audit , ingruant plægæ , non alterius causæ , producta censeri debent quod talia errores in diætâ & medentium incuriam imperitiâve , a quibus vulnus per accidens lethale fieri poterat , excludant : secus , si vulnerationem præcesserint , aut tardius , ubi nimirum res in salvo videbatur , demum emergant eadem .

Aliquando  
etiam tar-  
dius super-  
venientia .

Ita cum plerisque sentit *Farinacius Conf. crimin. lib. 2. conf. 171.* quale quid tamen cum discretione seu judicio pleniore tantum admittendum . Non modo quod ex sollemnioribus & inevitabilibus magis plagarum accidentibus quædam non primo statim harum momento , sed tertia quartave die demum , aliquando compareant , inflammatio sc. febris , dolor aliæque ex his emergentes molestiæ : verum quod aliquando talia accidentaliter quoque vulnerato longius post supervenire queant , quæ peculiaria in hoc concitent mala eaque gravissima atque lethalia , & quidem immediate ex vulneris habitudine . Hujus loci reddere licebit casus illos , quos superius recensui , sc. ubi portiuncula pinguedinis vulnus venæ iliacæ ad plures dies eousq; obturabat , ut decimo tertio demum Hæmorrhagia lethalis vulneratum enecarit : item ubi ex relatione *Th. Bartholini* arteriæ cruralis vulnus a grumo sanguinis eousq; fuerit obturatum , ut enormior hæmorrhagia ad decimum quartum usque hinc interpellata fuerit , hocque symptoma tardius recidivans mortem attulerit . Ut taceam , tela , globulos similiaque extrinsecus immissa atque aliquandiu relicta fluorem equidem sanguinis lethalem aliquantisper interdum morari , haud tamen omnimode avertere . Proin perpetuæ consequentiæ haud erit , ideo , quod symptomata percussum non statim a principio prehenderit , vulnus non esse lethale : quamadmodum nec connexio undique valida videtur , pro inferendo vulnere lethali ex symptomatis mox corripientibus , si sc. temporis tractu secundum rationem mitescant aut cessent , prout ex tertia conditione elucescet .

3. Si ad  
mortem us-  
que durent .

Quod III. eo certius erit , si eadem symptomata a principio ad mortem usque perseverarint , aut si alia ejusdem generis accidentia pristina excipiant , v. g. nausea vomitum , vertiginem epilepsia , utraque tamen in pejus semper vergant .

Non omnia  
symptomata  
mox cum  
vulnere  
emergentia ,  
hujus produ-  
cta sunt .

Neque tamen cuncta symptomata , quæ vulnus mox sequuntur , & ad mortem usque durant , ideo illius effectus credere convenit , sed eorum quædam aliam quoque causam & apparatus morbificum internum agnoscunt , si nempe vulneris conditioni non fuerint congrua , & procatarxis morbifica ex signis pateat . Ex quo fundamento *H. Augenius* v. g. loco allegato febrem continuam , in leviori capitis vulnere , ipso vulnerationis die exardescentem non symptomaticam , sed primariam , ait , i. e. quæ propriam habeat consistentiam , a vulneris occasione distinctam : quod vulneratus ab aliquo jamdum tempore prædispositionem febrilem , seu biliosarum cruditarum congestionem , aluerit , hinc in cephalalgiam ac lassitudinem totius ulcerosam inciderit , morbi imminentis prænuncias ; evacuationem humoris peccantis præscriptam neglexerit , & febris citius justo eum invaserit , antequam sc. vulneris vehementia tanta vel putredo in cerebro vulnerato exoriri poterat . Nec , si melius quandoque se habeat vulneratus & symptomata aliquandiu remittant aut cessent , pereat nihilominus a plaga ille , in alias ab hac causas culpa semper referenda , eademve mox non lethalis proclamanda : cum annotante *F. Fidel. l. a. multas ac graves invenias ægritudines , ac præsertim malignas , quarum aliquando savities intermittat , mor-*

Neque cessa-  
tio seu inter-  
missio sym-  
ptomatum  
semper  
aliunde hæc  
esse , evincit .

tem



tem tamen propria natura adferunt, quidni vulneribus quibusdam simile quid contingeret, ut & hæc videantur curari, ac æger melius inde habeat, illa nihilominus sero postmodum per symptomata aut pristina, aut nova, ad mortem usque ingravescant? Induciarum ejusmodi perfidiam sæpius experintur vulnera capitis, quorum quædam parva, superficialia & sine omni calvariae fractura videntur, cum nihilominus sanguinis ex vase interiore, a contusione lacerato, extravasatus longiore demum temporis tractu, v. g. decimo quarto aut trigesimo die putrescat, suppuretur, cerebroque phlegmonem, sphacelum aliaque mala & symptomata inducat.

Nec deficient casus, ubi post graviora vulnera & prava horum symptomata percussus quidem reconvalescit, recidivas nihilominus horum aliave experitur accidentia & moritur: quorum illud per robur naturæ, vim læsionis & accidentium superantis evenit, hoc concipiendum, si cruor extravasatus hætenus nec premendo, nec vellicando, aliquid molestiæ attulerit, tandem vero in putredinem abripiatur, inflammationem concitet & suppuret; in qualibus decernere vel ipsa lex divina nos instruit, dum *Exod. c. 21.* Percussorem ab homicidii pœna absolvit, si percussus ad obambulandum reconvalescat: unde necessario inferendum, illum, qui post evidentem reconvalescentiam pristinis denovo, vel aliis, corripitur symptomatis, hinc moritur, ex vulnere antedecedente vix decedere, i. e. annotante *Grotio in text. alleg. Et Lex. & Mos, & Æquitas exceptiones legi addidere, si vulneratus aliquo tempore melius se habuerit, ut credi possit, magis Medicorum ac sua negligentia mortuus.* Cui ceteris paribus *Th. Fienus Semiot. part. 1. s. 4. c. 1.* annuit; quod ex eo, dum vulneratus post aliquot dies melius se habuit & convalere incepit, vulnus non fuerit lethale, disparente omni periculo ac difficultate; cum si lethale extiterit, æger non melius sed paulatim pejus, se habuisset: adeoque quod tandem tam læva symptomata evenerint, certum reddere, quod vel ex parte Medici, vel ægri, aliquis error fuerit perpetratus, etiamsi is minus innotascat; vel quod alius affectus supervenerit, non ratione vulneris, sed peculiaris suæ causæ & prævæ corporis prædispositionis, &c. Dari nihilominus pergit *idem Scriptor* ejusmodi aliquando occasiones, in quibus æger prius notabiliter reconvalescere videatur, superviant nihilominus læva symptomata, hæcque cum ipsa morte vulnere imputanda fore: in quali nempe intus materia aliqua aut sanguis ruptis vasis extravasatus & retentus, temporis progressu putrescendo, suppurascendo &c. nova mala moveat, ut vulneribus capitis non infrequens contingat, levioribus primo visis, decimo septimo aut decimo octavo demum die pessima symptomata ac mortem inferentibus. Extra talem casum & ordinarie, si vulneratus melius se habuerit, & convalescere visus fuerit, & per plateas aut ad templum exierit, posthac nihilominus moriatur, mortem non vulnere, sed alicui errori commisso, esse adscribendam.

Tandem & IV. quemadmodum, si constet, vel Ægrum, vel Chirurgum enormiorem errorem commisisse, symptomata hunc excipientia, si talia fuerint, quæ, ut effectus illum sequi queant, verosimiliter gubernationi illi prævæ tribuimus: ita si talis non contingerit, nihilominus sub symptomatis gravioribus objerit vulneratus, hunc ex vulneris symptomatis seu ex percussione mortuum asserimus. Declaro hoc per exempla, quæ *Fienus loco allegato* suggerit. Si, inquit, *Chirurgus sua ignorantia non scivisset fluentem venam compescere, & inde secuta fuisset magna debilitas, vultus pallor, asphygmia, est indicium, mortem esse secutam errore illius Chirurgi, quia talem errorem talia symptomata sequi nata sunt: si Chirurgus neglexisset adhibere repellentia, & exinde secuta fuisset magna inflammatio, vel nimis frigida adhibuisset, & exinde secuta fuisset gangræna, ex eo-*

*Etiam recidivant Symptomata.*

*4. Si non ab errore ægri vel chirurgi.*

*que*



que mortuus esset (vulneratus) verosimile est, cum mortuum esse ex errore Chirurgi, non vulneris magnitudine: nam tale symptoma natum est sequi talem errorem commissum. Si aeger continuo vinum bibisset, & secuta inde fuisset vulneris inflammatio, vel sanguinis fluor, aut magna febris, & ratione ejus aeger mortuus esset, verosimile est, cum ex errore proprio, & non vulneris magnitudine, periisse.

Ac de his vulneris symptomatis locum habet, quod cum Boerio suo plerique ICtorum asserunt, sub his si moriatur vulneratus, ex vulnere cum decedere, utpote quæ, ut effectus, testantur de sua causa, vulnere sc. hujusque gravitate: i. e. hæmorrhagia impetuosior, cujus mederi nulla arte licet, dum interimit, vulnus vasis lauciati perimere dici potest. Imo circumstantiis his probe observatis determinari valet, quæ accidentium indifferentium, seu quæ modo vulnus sequuntur, modo ex alia quadam causa oriuntur, v. g. febres, vomitus &c. in individuo præsentem revera a vulnere, quæ aliunde, dependant: illa augurando, quæ mox cum vulnere aut consueto tempore apparent, & cum illo ingravescent, tanquam illius immediatos effectus & mortis causam immediatam; posterioris vero generis, quæ longius a percussione & quovis tempore, non sollemni, eveniunt.

*Vulneris etiam lethalis confirmatur, si dietam congruam observavit Aeger, & Chirurgus cuncta præstiterit.*

Deinde prout, si Aeger, ac Chirurgus in gubernandis ac tractandis vulneribus suis muniis rite fungantur, nihil eorum intermittant, quæ artis præcepta exigunt, nullumque errorem vel in diætâ, vel chirurgia ac pharmacia, committant, vulneratus nihilominus decedat, illorum lethalitas arguitur aut dubia confirmatur: sic, si de malo regimine aut eorum alteruter, aut uterque, vincatur, nisi mortalitas evidens plane, se vulnus in se mortale, extitisse, ex aliis signis & autopsia constet, mortis culpa in hos redundat, & illud eventui huic per accidens tandem occasionem præbuisse dicitur. Aeger accusatur, si negligentem aut cervicosum in admittendis ac adhibendis remediis se gesserit, si lex rerum non naturalium rationem accuratorem non habuerit, aut intempestive seu tardius Chirurgum advocarit. Chirurgus vero seu Medicus vulneris, in se levioris, periculum ad mortem usque intendit, si non agat, quæ in artis potentia sunt, si v. g. venam minus tempestive secet, hæmorrhagia vel non, vel intempestive supprimat, sanguinem extravasatum, festucas, fragmenta ossium similiaque exterius immissa, non educat, item, animadvertentibus Boer. decis. 323. Farinacio de homicid. quest. 427. p. 3. aliisque Juris Commentatoribus potius, quam remediis naturalibus, sanationis aleam committat &c. Quales tamen ex Percussi & Chirurgi erroribus formatae exceptiones suas limitationes pati ex cap. i. repetendum. Hoc loco saltem attendendum, quid circa vulneratum plerumque eveniat, qualem hic & Chirurgus circa eundem se gesserint: quo his diligentius inter se collatis demum constet an ex habitudine ipsius plagæ, an aliunde, symptomata prodierint. Interim nec, quod rudiorum ac imperitorum commune asylum est, sufficit, fecisse Chirurgum ac molitum fuisse cuncta, quæ in ipsius potestate erant; sed tunc demum ab omni culpa absolvitur hic, si, quæ in artis potestate sunt, præstiterit. Quatenus percussiones ejusmodi, ratione suarum circumstantiarum, tales aliquando operationes postulant, quarum nomen ejusmodi Magistri inertiae vix norunt, nec instrumentorum congruorum apparatu instructi sunt, aut illa applicare sciunt. Quibus nihilominus remediis ignoratis aut neglectis ægri, qui ex vulnere haud perirent, imperitiam sui Chirurgi morte luunt, administratis iisdem aliquando a certo interitu vindicantur: cujus inscitiae exempla funesta ac deploranda, v. g. intermissi trepani, neglectæ extractionis fragmentorum calvariae, paracenteseos thoracis &c. a Scriptoribus passim enarrantur & quotidianæ in Germania nostra observationis sunt, modo illa recensere haud puderet.

*Chirurgorum imperitia culposa.*



Applicare non vereor trivialibus nostris Magistris querelam , quam de Hispanis sui temporis plerisque *Aræus l. a. lib. 1. cap. 3. & lib. 2. c. 5.* jactabat , qui vel nihil aliud norunt , quam quod a suis ejusdem farinae magistris didicerunt , vel , quod miserrimum est , suam quisque libidinem , suum privatum errorem , nullo , neque indocto etiam , auctore , sequuntur : item , qui neque eos , qui ( fundamenta artis ) intelligunt , interrogandos ducunt , neque doctiores consulere , neque expertos magis adire , & duces sequi , commodum sibi aut honestum arbitrantur . Hinc etiam fit , pergit , ut si gravis aliqua & magni momenti curatio contingat , tametsi nonnihil jam illius cognitionis , vel ex temporis longitudine , vel ex ingenii felicitate , vel alia ratione , sibi pepererint , tamen instrumentorum , aut inventorum , aut inveniendorum , usu , quibus ea res effici possit , careant , cum nulla talia ipsis vel videre , vel cogitare , unquam contigerit . Si quæ vero illis forte sint , neque ea norunt , neque iisdem uti didicerunt . Quotus enim quisque in hac citeriori Hispania est , cui abaptisti ( sive terebellum , sive trepanum , vocare malis ) usus notus sit , imo istis plerumque terebrandi officium ut periculosissimum & lethale omnino damnatur , asserentibus fieri non posse , dum trepano utaris , qui eæ &c. Nec prudentioribus & conscientiosis adeo iniqua nostrisque Chirurgis incongrua videri poterit censura *H. Fabr. ab Aquapendente* , per quam insigniores Veterum operationes nunc obsoletas de thoro-  
race sect. ait , & quidem inter alia ideo , quia non reperiuntur eximii Chirurghi , sicut deceret , qui calleant anatomen , & tuto noverint perforare , & id genus omnes operationes tuto moliri , sed formidolosi plerique .

Neque vulneranti favere potest iniqua & inhumana quorundam illatio , quod , quia hæ vel istæ operationes generosiores , provinciis & locis nostris minus usitatæ , aut Chirurghi illarum ignari sint , earum neglectus culpa in hos devolvi haud queat ; sed circumstantia hac non obstante , vulnus , ex quo moritur percussus , per se lethiferum appellari debeat : cum nec multitudo errantium & ignorantium , nec illorum tenacitas , qui , juxta *Aræum* , eandem semper insistant viam ; quam prætergredi nullo modo aut posse , aut debere quenquam putant , errori aut inscitæ huic tantum patrocinium parere valeat , quod vulnus penes Chirurgos eruditos ac peritos non mortale , in gratiam stupidiorum tonsorum mortale reddat ; potissimum quia non , quid fiat , sed quid fieri debeat , attendendum est , hæcque vel incuria , vel imperitia , nostrorum Chirurgorum ille ipse obex observatur , qui sanioris artis & salutarium operationum ex his nostris provinciis Colonias excludit .

Aliquot præterierunt anni , cum a Principis vicini Quæstore ad cadaveris *Observatio.* percussi inspectionem ac sectionem vocarer , simul tamen a me Chirurgus illius loci juratus consilium peteret ratione socii vehementius pariter læsi , vitam adhuc miserrimam agentis . A quo cum circumstantias paulo accuratius rescissem ex perforatione calvaria aliquid spei mihi , & illi pollicebar , hinc instrumenta , huic operationi adæquata , simul apportabam , nec sine successu . Accedens percussus sine omni fere sensu ac motu , ultra biduum , nisi convulsivis intercalariis , & absque rationis usu reperi , ex quibus aliisque signis , quæ huc referre vix quadrat , incerta illa de trepano spes vires potiores penes me acquirebat , hinc sectionem cutis præparatoriam ( nullum enim vulnus conspiciebatur ) a Chirurgo postulabam , quam inter miseri ejulatus & boatus trepitus & tremebundus satis peragebat . Ast , ubi terebra applicari debebat , imperitiam , quam hætenus egregie celaverat , qui multas clades cruentas ac vulnerum graviorum deligationes atque curationes olim enarraverat , nec trapanum se unquam tractasse , nec hujus usum vidisse , ingenue & cum suspirio fatebatur : ut aut percussus tristi prognostico relinquere , aut ipsemet Chirurgum agere , coactus manum admoverim , & quem intuitu imperitiæ tonsoris nostri incurabilis insanabilem

*Trepanum  
feliciter ad-  
ministra-  
tum .*



lem pronunciare debuissim læsum, annuente Benedictione Divina, ab orco revocaverim.

Atque ex circumstantiarum harum, tanquam totidem lethalitatis & non lethalitatis causarum, hætenus enarratarum, ponderatione, quibus fundamentis inniti debeant renunciatioes vulnerum seu percussionum, quæ mors excipit & quando hæc per se, quando per accidens, mortifera enunciare deceat, satis superque elucescere puto: modo membris singulis earumque læsionibus rite applicentur regulæ hæc generaliores, quod in sectione sequente annitar. In præsentia-

*Inspectio  
vulneris ad  
renunciatio-  
nem maxime  
necessaria  
est.*

rum ex dictis tria formare mihi licet porismata, quorum primum sit: *Inspectio-  
nem vulneris ad iudicii ejusmodi rationalis concinnationem necessarium ac primum  
esse instrumentum.*

*Non sufficit  
moris a per-  
cussione cele-  
ritas pro le-  
thalitate in-  
ferenda.*

Sc. Jurisperitorum plurimi in vulnere mortali ac non mortali discernendis nonnullis conjecturis utuntur, quarum priorem ab obitus tempore petunt, mortali obiisse vulnere præsumentes, qui intra biduum triduumve decesserit, quasi, juxta *Mascardum*, natura ipsa per spatium ejusmodi breve cum ex vulnere mortuum demonstraret: alii terminum hunc lethalitatis ad octiduum, alii ad decimum tertium usque diem, alii ad octavum mensem, alii, per legem Lombardorum, ad annum usque, alii longius, si nimirum per totum hoc intervallum symptomata a vulnere in dies ad mortem usque ingravescant, extendunt, v.g. idem *Mascardus* & *Gomesius*, & quidem posterior his verbis: *Si post vulnus illatum in continenti decesserit vulneratus præsumitur ex vulnere & ejus occasione decessisse, si vero probetur, pergit, quod post vulnus illud semper & continuo fuerit infirmus, & tandem decessit, similiter præsumatur ex prædicto vulnere & ejus occasione decessisse &c.* Eo ipso nihilominus, dum horum Doctorum, quidam latiore, quidam angustiore, vulneris, quod recens vocant, terminum concipiunt, imo plerique eorum ad iudicium Medicorum insimul recurrere jubent, v.g. *Mascardus Conclus.* 1039. alii non attendendum esse ajunt, quanto tempore quis supervivat, seu quandocumque moriatur, modo alias, vulnus mortale esse, constat: equidem ita probabiliter satis concludere possumus, brevi vel de recenti (sc. vel mox, vel intra paucas horas) post illatum vulnus læsus mortuus est, E. ex vulnere, ut tali, obiit, at soli huic illationi inhærere, adeoque cadaver non aperire, periculosum maxime videtur. Quamvis enim terminus vitæ brevior, & vulnerationem immediate magis excipiens mors maxime probabiliter, vulneratum non culpa propria aut Chirurgi periisse, innuat; quin tamen v. g. ex dispositione ejusdem ægri morbifica aut morbo latente, cujus terminus ultimus seu lethalis cum percussione momento coincidat, aut paulo post contingat, mors sub vulnere exili minusque periculoso aliquando evenire queat, non est, cur adeo perfecte dubitemus.

*Observatio.*

Exempli gratia suppono, gestasse quendam polypum cordis aliquandiu in pectore, vulneratur is in capite, paucas post horas hospes ille peregrinus, vel ratione magnitudinis & conformationis suæ, vel propter fervorem sanguinis ab ira concitatum, suffocat, adeoque brevi post percussionem obit læsus, quis hunc a vulnere periisse ideo diceret, quod mors paulo post illius illationem contigerit? Nondum biennium est, cum in vicinia vir quidam nobilis ac strenuus, ætatis consistentis, habitus formosioris atque athletici, sine symptomatis evidentioribus sub diætâ accuratiore vivens, uno verbo, cui summam senectutem promississet quilibet, ad latus uxoris repente occumberet, cujus subitanæ mortis causa in cadavere ruptura sinistri cordis ventriculi prope ostium aortæ, hincque cruoris ad pectus profusio deprehendebatur. Hunc E. si paucis ab obitu horis leviter fauciarî contigisset, v.g. in abdomine, nonne, solius temporis rationem habens, ex vulnere mortifero decessisse, autumasset? Phœnomeni revera exitiosi ignarus, & talis



& talis quidem, cujus nulla signa præcedanea comparebant, & quale vix unquam viderunt professorum oculatæ manus. Quadrat huc casus, quem ex *Bogdanii* literis ad Bartholinum superius transcripsi, Rustici sc. ex pugno pectori inflicto post quatrimum defuncti: ex cujus circumstantiis cunctis percussorem illam causam mortis subitanæ remotam, quæ internam procatarxin moverit, vel concomitantem duntaxat secundum regulas artis pronunciarunt ad deponendum requisiti.

Multo minus ex temporis a vulnere illato diuturnitate negative deponendum, i. e. vix sequitur, periit demum post nonum, vigesimum aut trigesimum diem aut totidem septimanas vulneratus, e. non vi vulneris occubuit, seu vulnus hoc per accidens tantum tale quid præstitit: quatenus intercedere ejusmodi nonnunquam valent & solent circumstantiæ dilatrices, quæ mortem certam & inevitabilem dubiam reddunt, prout v. g. superius de punctura quadam venæ iliacæ internæ innui, quæ a portiuncula pinguedinis accumbente forsan obturata, ad decimum tertium usque diem superstitem reliquerat fato brevioris termini alias mancipatum. Quemadmodum enim inter reliquos præter vulnera morbos non acuti tantum & quorum tempora breviora sunt, sed chronici quoque infiniti, vere & per se mortales deprehenduntur, nec horum diuturnitas lethalityatem excludit: Ita nulla apparet ratio, cur vulnus tardius interficiens seu chronicum, minus per se enecet, modo conditio vulneris eventui fuerit adæquata, id est, tale hoc extiterit, cui manus medica nihil medelæ conferre potuerit, actio nihilominus hinc læsa œconomiam vitalem enormiter, quamvis lento satis motu, evertat. Quippe si termini brevitæ mortisve celeritas, ut talis, vix perpetuo lethalityatem per se infert, aut concludere permittit, nisi vulneris conditio respondeat: neque vulnus in lentam mortem abiens ideo salutare dici poterit, ubi ejusmodi circa idem observantur circumstantiæ, quæ illud lethale pronunciant. Imo si ex illis vulneribus, quæ ut plurimum mortifera, quosdam aliquando evadere contingit, hæc nihilominus mortalibus per se adscribuntur: nonne horum aliquod, aliquandiu salutem promittens, post plurimum dierum aut septimanarum decursum fallere atque enecare poterit, & quidem per naturam ac formalitatem suam intrinsecam? prout superius jamdum indigitatum fuit.

*Neque mors tardior semper non lethale reddit vulnus.*

Crebriores sane numerantur casus, ubi post plures demum dies sanguis extravasatus, pus similiaque heterogenea, per trepanum, a Chirurgo priore neglectum, cum salute ægri, minus sperata, fuerunt educta, v. g. animadvertente *Sculteto Armament. Chir. 5. decimo septimo læsionis die, & septimana vigesima nona, juxta Eundem obs. 13. item annotante Lamsverde append. ad Scult. obs. 11. vigesimo primo & obs. 48. trigesimo sexto demum die: quales sane percussos tandem, operatione hac posthabita, certa quamvis lenta, morte perituros fuisse, non est ambigendum, ut vel, aliis missis, Sculteti obs. 7. contusio capitis, ob intermissum terebræ usum, centesimo die mortem inferens declarare poterat.*

*Trepanum cum salute ægri tardius admotum.*

Sunt E. nonnulli, & quidem non tantum *Medici*, sed ex *ICtis* quoque *Farinacius*, qui negotium hoc ita determinare satagunt, quasi, si symptomata plus minus graviora, in continenti a vulnere, aut brevi post, emergentia, ad finem usque perdurent, cognata sibi socia adsciscant, aut in hæc commutentur, pariter ad mortem usque perpetua, lenta etiam mors illud pro causa proxima & efficiente agnoscat, sin vero non mox, sed post aliquot demum dies, compareant, vulnus minus mortale præsumatur. Ast horum regula vix tantæ autoritatis æstimari debet, quin ex vulnere quoque immediate tardius succumbat læsus, cui symptomata non statim in principio enata, modo postmodum



exurgentia læsioni fuerint adæquata, v. g. contusioni capitis cephalalgia, vertigo, paralyfis, &c. ac vulneris conditio lethalityatem involvat. Ita *Lamsuverde obs.* 48. refert, juvenem quendam ex casu contusionem, hinc binas fissuras in dextro syncipite passum, ad trigessimum sextum tamen usque diem ab omnibus symptomatis immunem mansisse, tempore vero hoc elapso febrem, vomitus, convulsiones similiaque huic morbo communia sustinuisse, quæ trepanum tandem mitigavit, ægrumque ad brevem reconvalescentiam præparavit. Quod si vero hæc similiaque remedia fuissent prætermissa, aut etiam, ob situm materiæ peccantis similesve circumstantias, frustraneo conatu applicata, nonne mortem certam ex ejusmodi percussione sibi augurari potuerit miser vulneratus, tanquam hujus effectum proximum atque immediatum, quamvis tardius evenisset, quod metuisset?

Rectius proin judicant v. g. *Salycetus Boerius*, & *Farinacius*, si alias constet, vulnus, quo læsus periit, extitisse mortale, vulneratum ex vulnere decessisset; præsumi, quodocunque moriatur idem, etiam ex intervallo: id est, non attendi metam temporis volunt, sed si vulnus ex sua natura fuerit mortale, & vulneratus processerit, ut inquiunt, de malo in pejus, ac tandem mortuus sit, semper illum ex vulnere obiisse, hocque per se lethale, dicendum.

Neque ad lethalityatem determinandam sufficit instrumenti lædenti conditio.

Altera, cui communiter innituntur Jureconsulti, conjectura instrumenti lædenti est conditio seu habitudo, quam moles æque ac figura ejus suggerit, utraque diversitate sui vulnus gravius leviusve innuens. Verum quia & huic circumstantiæ soli innixi pariter in ancipiti relinquimur, quo usque penetrarint eadem arma, & quam partium internarum tetigerint; fallax satis videtur, quam inde petimus, præsumptio: cum a solo manus ictu seu inflicta alapa contusiones capitis & ἐγκεφάλῳ commotiones deplorandas aliquando evenisse, præter Practicorum testimonia frequens confirmet experientia. Simili ratione lapidis fustive crassioris impetum sustinent sine ulla commotione quorundam calvarie tenaces, dum aliorum olla fissilis admodum ab icto baculi seu ferulæ exilioris in fragmenta secedit; quorum disparum successuum exempla frequentiora mecum testabuntur multi Medicorum ac Chirurgorum, imprimis cadaverum ejusmodi sectionibus vacantes.

Nec sola symptomata.

Sed potius partis læsæ conditio sectione indaganda.

Quæ etiam determinat, an apparatus morbosus subsuerit?

Tertio ex symptomatis insuper gravioribus ac mitioribus de lethalityate judicium formant: quam firmum autem hoc sit, ex illis, quæ superius dicta, suppono. Quam tandem conjecturis his addunt, loci vulnerati & partis læsæ conditionem ac vulneris magnitudinem, pariter prolixius jamdum delineatas ac circumscriptas, sola inspectio vulneris accuratior manifestat, quod erat probandum.

Imo eadem cadaverum per peritos lustratio, quo ad reliquas circumstantias, imprimis procatarxin morbosam, in judicio accuratius enunciando, insigni pollet emolumento. Tales corpori nonnunquam inexistere apparatus morbosos, seu partium internarum vitia conformationis & unitatis, quæ illato vulnere faciunt, ut ex hoc, cui alias haud succumberet, mortuus credatur vulneratus, aut ad minimum ambiguus linquatur Magistratus æque ac Medicus, utri horum morborum in acceptis sit ferendus illius obitus, ex iis, quæ de infirmitate corporis præcedanea hujusque influxu in mortem cæsi vario differui, repetito: quibus nihilominus determinandis sola autopsia perspicacissimus deprehenditur judex v. g. an subsuerit vomica pulmonum, apostema abdominis, horum ruptura, polypus cordis similiaque, a quibus tristem vix hætenus opinati fuimus eventum, imo interdum vix per somnium cogitassimus; quæ cum plagæ tamen de mortis subitanæ aliquando satis, causalitate certant.

Sed ad alterum nunc Confectarium generale progredior, Cadaveris inspectionis



tionis vim atque auctoritatem, in deponendo super lethalitate, non parum reprimens: *Sc. operationem hanc in Renunciationibus rite condendis non esse instrumentum solitarium*. Id quod vel ideo minus paradoxum videri poterat, qui de lethalitate vulnerum judicare postulatur, huic non tantum innotescere conveniat, quæ pars & quam late quamque profunde fauciata, reliquæque vulnere inhaerentes circumstantiæ, sed præterea requiritur, ut de vulnerati ætate, dispositione ante vulnus perpeffum, item de cunctis illis, quæ a momento infligti vulneris primo ad mortis usque articulum illi contigerunt, ipsi accuratius constet: sc. qualia fuerint arma, quibus illud infligebatur, v. g. an venenata? qualem coluerit vulneratus diætam? sub qua cœli plaga aut atmosphæra degerit? an Chirurgus & Medici tempestive advocati? qualem hi adhibuerint solertiam? quomodo adstantes suo functi fuerint officio? quoto die expirarit &c? Necessariam harum rerum, quæ extra vulnus sunt, notitiam esse, *Celsus lib. 5. cap. 26.* pulstquam quæ vulnera lethalia ac non lethalia, quæ facilioris, quæ difficilioris, curationis, per ipsorum membrorum vulneratorum naturam determinaverat, his verbis edisserit. *Quin etiam confert aliquid & ætas & corpus, & vitæ propositum & anni, tempus, quia facilius sanescit puer vel adolescens, quam senior; valens, quam infirmus; neque nimis tenuis, neque nimis plenus, quam si alterum ex his est; integri habitus, quam corrupti; exercitatus, quam iners; sobrius & temperans &c.* Utpote quibus circumstantiis aut ignoratis, aut neglectis, sæpius fit, ut Medicus lethalitatem per se & per accidens discernere, uno verbo, de eadem certi quid pronunciare, nequeat: imo Collegia quoque, ob denegatam illarum notitiam, inspectionis seu vulneris historia quamvis transmissa lecta ac relecta sententiam absolutam suspendere aut eosque interdum limitare coguntur, donec pœnam ordinariam subterfugiant occisores.

*Inspectio & apertura cadaveris non sufficit ad deponendum.*

*Sed quæ circa vulnerationem & vulneratum contigerunt circumstantiæ attendendæ.*

Cujus erroris scandalive vitandi causa prudenter agit Magistratus, qui in vulneribus non tantum periculosis, sed desperatis quoque, Chirurgo ordinario, aut prius advocato alterum adhuc, imo Medicum peritum, adjungit, non tantum scil. quo nihil eorum, quæ in artis potestate sunt, intermittatur, adeoque si decedat vulneratus, vulneranti lethalitatis per accidens exceptio succidatur; sed, quod præprimis hujus loci, quo, quæ decubitus tempore successive contigerunt, ab his accuratius animadvertantur, adeoque vel ipsimet homicidii & non homicidii certiore probationem suppeditent; vel ad inspectionem & renunciationem requisitos de his circumstantiis, ut testes oculati, admonere & informare queant.

*Chirurgus aut Medicus priori Chirurgo in gravioribus vulneribus jungendus.*

Accedit insuper & hoc, tales aliquando contingere percussiones mortiferas, capitis v. g. & præcordiorum, brevi ac non raro in momento enecantes, quæ utut nullam sensibus evidentem post se relinquunt unitatis solutionem seu lethalitatis notam, minime tamen ideo pro non lethalibus haberi debent, ut superius innui, in sectione vero subsequente specialius comprobare conabor; si nimirum aliæ circumstantiæ ejusmodi ictuum impetum & vim singularem evincant, v. g. sanguinis & lymphæ profusio. Neque virulentia ab armis venenatis vulnere affricta ejusmodi semper habitudinem mihi persuadere possum, quæ sensoria nostra afficiat: sed vel ex notitia, quam de infectione armorum diligentior inquisitio suppeditat, vel ex symptomatis, illam colligere jubemur.

*Inspectio & sectio aliquando nihil declarant.*

Tertium dictorum porisma penes me suppressere mallet, aut ex iis hoc eliciendi facultatem aliis concederem, ne arrogantia cristam tollere, aliisque, qui hoc argumenti genus olim evolvere conati fuerint, aliquid vel auctoritatis, vel famæ detrahare viderer: ast eo ipso, dum post *Fortunatum Fidelem & Ambrosium Paræum, Codronchio quoque, Sebizio, Svevo, Corbeo &c.* suas lucubrationes publico exponere licuit, sic nec horum manes, nisi æquo animo, ferent spero,

*Doctrina de Renunciationibus vulnerum hæc est imperfecta fuit.*



spero, si demum dixerō : *Nec sufficienter, nec pro rei exigentia hanc de Vulnerum Renunciationibus Doctrinam hætenus fuisse excultam & traditam, proin emendatione indigere.*

v. g. quoad  
nervorum  
vulnera.

Non gratis me hoc asserere judicabunt sublimioris judicii Ingenia, si attendere iis placeat, quæ mox subnectam. Sc. primo plusquam succincti videntur plerique Scriptorum quoad nervorum vulnera per se lethalia determinanda, qui error aut defectus anatomæ superiorum temporum imperfectioris soboles est, aut, si mavis, foetus abortivus eorum, qui ultra *Veslingii* syntagma anatomicum & *Sennerti* institutionum Epitomen sapere noluerunt, suisque sapere sub fide juramenti Hippocratis interdixerunt. Sicut enim alias in pathologia, prout quidem hæc in scholis hætenus tradebatur, plerorumque morborum causæ tantum aut in humorum exuperantia, defectu & pravitate, aut viscerum obstructionibus atque imbecillitate, hincque vaporum meteorisationibus, fuerunt suppositæ, & vix ullus Doctorum, si *Willisium* aliosque modernos excipias, generis nervosi per totum corpus dispersi, & an hujus schematis ac distributionis occasione, ramulis nervorum exilioribus læsis ipsum eorum principium seu cerebrum vel alia organa intermedia, in consensus tristes ac deplorandi interdum eventus rapi queant, rationem habuit: Ita parum aut nihil ex Scriptoribus modo allegatis mihi promittere potui rationalis vulnerum nervorum lethaliū judicii. Aliquando nihilominus illa per se mortifera existere, asserere haud vereor, illarum videlicet propaginum, quarum, profundius sitarum, vel puncturis, in convulsiones universales & epilepsiam conjicientibus, vel quibus venæ sectionibus enormioribus, quibus organa vitalia, seu cor ac instrumenta pneumatica, activitate sua defraudantur, conveniens haud adhiberi valet medela. Suppono enim, nervorum vulnera non adeo promte coalescere, nec pati summam viscerum horum viraliū in œconomia totius conservandæ necessitatem animæ sensitivæ eclipsin seu spirituum animalium irradiationem interceptam diuturnam, quin mox tota corruat machina. Quoniam E. ab his motoribus cordis & pulmonum motum, cum vita paribus passibus ambulantem, dependere, ex physiologicis constat: haud sine ratione infero, vulnera nervorum octavi phrenici & intercostalis paris frequentius per se lethalia existere. Quamvis enim experientiæ conforme, nervis in habitu ac extremitatibus corporis læsis, i. e. punctis, contusis &c. in iisdem organis, aut toto corpore convulsiones lethales concitari, his tamen plerumque medelam fieri & mortem hinc imminentem declinari, constat: pari nihilominus ratione ac vasorum sanguiferorum, profundius latentium & quibus ob situs rationem remedia congrua applicare haud licet, lacerationes vulneribus per se lethalibus accensimus, non obstante, quod in artubus eorum hæmorrhagiæ ut plurimum & commode satis refrænentur; ita nec, quod nervis exterioribus sauciatis remedia suppetant, ingruentia aut metuenda eorum symptomata graviora interpellentia ac solventia, de interioribus, v. g. plexibus abdominis, qui auxilia adæquata respuunt, idem nobis polliceri valemus. Et si aliquando ex ejusmodi punctura, in spasmos totius, vel organorum vitalium, conjiciente, quis convalescat, aut dubium manet, an talis vel tanta fuerit nervi læsio, quam oculis usurpare haud licet, aut salutaris ejusmodi eventus rarioribus phœnomenis, seu naturæ monstris, accenseri debet.

Nihil aut  
parum hæte-  
nus tradi-  
tum de le-  
thalitate va-  
sorum lym-  
phaticorum  
& lacteo-  
rum.

Pergerem ad lymphatica vasa, quo etiam lactea cum receptaculo lumbari & ductu thoracico spectant, de quibus pariter penes hos, qui vulnerum lethaliū examina nobis tradiderunt, altum observatur silentium; quorum nihilominus rupturas seu vulnera ac Chyli atque Lymphæ nutritiæ profusiones aliquando maxime lethales ut pronunciemus, sanior ratio suadet: ast tractatui specia-



specialiori forsan doctrina hæc congrue magis reservatur ; sufficiat in præsentia-  
rum innuere , neminem hætenus iudicium suum illi applicuisse .

Alterum in Prædecessorum argumenti hujus scriptis desiderandum est , quod Ex vulne-  
rum lethali-  
um classe  
præter ratio-  
nem hæte-  
nus quadam  
exclusa . v.  
g. Thoracis.  
recte equidem supponentes , partium ad vitam immediate magis necessariarum  
vulnera per se mortalia existere , excluderint nihilominus quasdam ex harum  
classe , forsan pari jure cum corde , pulmonibus , cerebro &c. hanc prærogati-  
vam actionisque nobilitatem sibi vendicantes , hinc eidem lethalitati obnoxias  
Thoracis ambitus , quem cum pleura costæ , sternum , spina & muscoli inter-  
costales formant , vulnera penetrantia cum costarum fracturis affectibus maxi-  
me periculosis a plerisque accensentur , neminem tamen mihi legere contingit ,  
qui hæc aliquando per se lethalia conjecturavit , ideo sc. quod nec ratione actio-  
nis , nec usus , compagem hanc ad vitam immediate necessariam concipere po-  
terat ullus eorum , qui in inspiratione pulmones active se habere , putabant ,  
obliti *Galen*i sui dogmatis , passim ab eodem inculcati & a pluribus modernis  
comprobat , pulmones ad motum thoracis moveri , i. e. ad respirationem passi-  
ve magis concurrere . Quo concesso ipsis facile constitisset , testudinem hanc os-  
seo carneam membris vitalibus ac nobilioribus esse annumerandam , hinc vul-  
nera ejus majora , i. e. quæ respirationem insigniter lædunt ac sufflaminant , plus  
minus mortifera præsumenda : idem olim jamdum annotante eodem *Pergamo* 6.  
*de usu part. cap. 3.* dum a magnis vulneribus , alterutram thoracis partem seu  
ventrem penetrantibus , animal repente parte dimidia respiratione privari , pla-  
ne autem respiratione destitui asserit , si pars ejus utraque fuerit confossa . Quæ  
tristis hujus eventus causa intermedia sit , ex Physiologicis commode deceditur ,  
sive *Cartesianam* & *Svammardamianam* , de aeris ab explicato thorace in pul-  
mones impulsione , sive illustri *Boylei* hypothese , dependere ac elasticitate ejus ,  
admittamus : quia tamen non *Tyronibus* , ad quos materia hæc non spectat ,  
sed veteranis magis artis cultoribus , hæc trutinanda propono , speculationibus  
his chartam consumere nolo .

Par ratio videtur fracturæ costarum non unius , sed plurium , aut sterni si- Item fractu-  
re costarum .  
mul , integro quamvis manente integumento cutaneo ac musculis quoque sub-  
stratis minus læsis : utpote qua ratione extensio ac constrictio pectoris respirato-  
ria insigniter turbatur , sicque impressio illa vitalis , quam ab aere ambiente flui-  
dum sanguinis recipit & expectat , brevi & perinde , ac si fauces laqueo con-  
stringantur aut quovis modo obturentur , cessat . Bina ejusmodi exempla in pra-  
xi annotavi , fractarum sc. costarum , brevi interficientium , utraque quidem in  
senioribus subjectis , & viris decrepitæ ætatis , percussionibus nihilominus per se  
lethalibus adscripta . Nempe anno 1679. mense Februarii alter horum a fratre Observatio .  
( ut aiebant hæreditatis maturandæ causa ) eum tanto impetu sternebatur , ut  
durius allidens scamno latus dextrum intra nycthemerum suffocatus occumbe-  
ret : nihil tamen violentiæ præter fuggillationem partium externarum , quam  
costas nothas tres superiores ac verarum duas inferiores transversim fractas re-  
peri . Pariter 1609. mensis Maii die sexto ; a magistratu requisitus secui cada- Alia .  
ver hominis , qui currus onusti rotis subactus post paucas horas sub maximis an-  
gustiis expiraverat : offendi autem in hoc lateris sinistri costas novem & dextri  
duas superiores confractas , sextam , septimam vero & octavam ejusdem lateris  
luxatas ; quamvis nonnullorum vasorum intercostalium arteriæ mammariæ sini-  
stræ rupturas , sanguinisque ad cavum thoracis extravasationem in hoc misero  
accelerasse non dubitarim .

Simile quid de spinalis medullæ parte inferiore , sc. intra vertebrae thora- Item spina-  
lis medullæ  
partis infe-  
rioris vulne-  
ra .  
cis ac lumborum , fauciata communiter v. g. *Forestus lib. 6. obs. chir. 4.* & *Fal-  
lopius de vuln. in genere cap. 4.* asserunt , quasi nec nervorum hujus diramatio-  
num ,



num, nec fluidi horum cerebri, visceribus abdominis inferendi, tanta foret necessitas, ut hujus influxu intercepto actiones vitales inhibeantur, quamvis viscera hæc sensu & motu priventur. Verum quemadmodum *Hippocrates* §. 3. *Coac.* 387. & *Celsus* lib. 5. cap. 26. caudicis hujus medullaris vulnera, sine illius superioris partis ab inferiore discretione, mortalibus accensent: sic rariora forsitan numerare continget exempla eorum, qui ex thoracis & lumborum medullæ plagis enormioribus reconvalescerunt; & quas harum *Fallopianus* sanatas perhibet, forsitan non adeo magnæ fuerunt, ut vel illius verba innuunt. Si propriam *Observatio*. denuo allegare licet experientiam, anno 1683. die 30. Aprilis in agro vicino, globulo sclopeto minore eliso, Centurioni cuidam Cæsareo perforabatur intra secundam ac tertiam lumborum vertebra, spina dorsi, simulque funis medullaris medietas sinistra, ita tamen, ut nec dextra omnino intacta maneret, unde præter dolores atrocissimos mox febris continua, cum delirio & convulsionibus subinde intercurrentibus, sudor algidus, sæcum ac urinæ suppressio, distensio abdominis & præcordiorum angustia summæ oriebantur finemque vitæ die 8. Maii imponebant. Quod vulnus unius ejusdemque generis cum illo mihi videbatur, quod *Tulpius* l. 3. obs. 27. describit, utut locum ictus in spina non determinet hic: sub intercostalium nihilominus nervorum exortu illud auguror, quod alvi ac vesicæ excretiones impeditas hincque tensionem abdominis prima & potissima illius symptomata referat. Quæ quidem, si vulnere medela fieri nequeat, v.g. in hoc subiecto, cui vivo æque ac mortuo adfuit, propter globulum & fragmenta spinæ nulla arte extrahenda & sub sectione demum comparentia, lethalitati inferendæ capacia videntur: quod secretionibus & excretionibus hic sublatis massa sanguinea heterogeneitatibus ipsi haud proportionatis gravetur, viscera cuncta ac genus vasorum a sero restagnante inundentur ac tandem his abdomine præter modum tensis suffocetur vulneratus. Imo perinde ac ex nervo particulari, in extremitate artuum lacerato frequentius in consensum rapitur cerebrum, hincque in lethales convulsiones totum conjicitur corpus: quid mirum, si a trunco quasi hoc nervorum, cui rarius medela fieri potest, læso idem contingat?

Tertio disquisitioni sobriæ vix unquam expositum legimus, quid de percussionum plurium simul factarum, singularum equidem minus lethalium, syndrome censendum sit, si ex tali moriatur percussus? numne sc. hæc lethalitatem inferat? Ubi sane affirmativa probabilis satis videtur, ideo quod plurium membrorum contusiones, lacerationes aut vulnera multos dolores inflammationes & spasmos patrent, adeoque sanguinis & spirituum motum hinc inde enormius turbent, v.g. contundatur musculus temporalis, inguina cum peritonæo, lacerentur membranæ cerebri &c. Quinimo sæviores fustigationes ac flagellationes, quibusvis durioribus instrumentis, in partibus externis ad suggillationem usque factas; quamvis vasa interna haud lacerarint, interficere, experientia constat, si imprimis percussus infirmior ac valetudinis causariæ fuerit, v.g. phthisicus, hecticus, anhelosus, lipothymiis facile expositus, febricitans &c. nihil interim erroris vel a percusso, vel Chirurgo, commissum & graviora mox symptomata secuta, fuerint. Quatenus nempe hinc factæ suggillationes circulationem sanguinis vitalem atque spirituum maximopere interpellant.

Lethalia  
vulnera dicebantur,  
quæ minus  
taliter?

Denique pro argumenti exigentia doctrinam hanc olim haud fuisse traditam, hinc evincere possem, quod aliquando vulnera minus lethalia per se lethalibus adscripserint, v.g. vesica fundi vulnera cuncta, contra revera lethalia minus talia proclamaverint, v.g. lienis, substantiam hujus visceris tantum, non vasa ejus majora, afficientia: quem utrumque errorem, similesque plures, minus pariter accurata situs, connexionis atque texturæ organorum peperit lustratio.

Imo



Imo tandem eousque crevit quorundam spirituum narcosis, ut organi haud existens vulnera inter simpliciter lethalia redegerint, retis sc. mirabilis, vere mirabilis, quippe in anatomicorum ejusmodi mirabili cerebro ficti potius, quam ejus basi subteni. Censuræ hujus fundamentum ex modernorum anatomicorum consensu prolixè exponerem, nisi illis ingeniis cuncta, quæ nova, fordescere nossem: forsan proin tolerabilior ipsis erit virgula censoria *Jacobi Berengarii Carpensis*, ante sesquiseculum anatomen ac Chirurgiam docentis, qui in *Isagoge in anatom. corpor. hum.* ubi *experientiam sensualem sibi aurigam* ait, *istud rete ego nunquam vidi*, ingenue fatetur, fatua ejusmodi insomnia se successoribus discussurum sperans, Proh! frustra. Ast ne ulli in recensendis pluribus hujus generis solœcismis anatomico-pathologicis molestiam creem, hæc pro posteriore hoc corollario & pro parte hujus materiæ generali evolvenda nunc sufficiant.

*Imo partim  
quæ corpori  
humano non  
inexistit.*

Modo illud adhuc adjecero, nullum Medicorum jure culpari, nec penes hunc ignorantiae siparium dici posse, multo minus eundem erubescere debere, si post casus difficilioris enarrationem inconcinnam, aut ubi forsan omnium circumstantiarum, ad accuratius nihilominus deponendum scitu necessariarum, notitia minus suppetit: Judicium suum detrectet, suspendat, aut dubie vel sub conditione deponat: approbante circumspectam hanc modestiam *Codronchio meth. testif. c. 3.* ubi quemlibet Medicum sententiæ potius Peritorum magis se submittere, quam in casu minus firmatum frivole ac in alterius præjudicium & Justitiæ violationem decernere, suadet. Cui adstipulatur *F. Fidelis in Conclus. Operis, de Relat. Medicor.* hoc contextu: *Sed illud etiam ignorandum non est, in nonnullas rerum occasiones Medicum nonnunquam incidere, ut, cum nihil certi de re proposita constet, dubia omnia incertaque referre nos etiam oporteat. Non semper enim promptæ sunt rerum atque affectionum notæ: ut propterea in dubia atque ancipiti Medicorum relatione satis justa esse possit excusatio.* Et perperam agit, qui rationibus concludentibus minus sufficienter instructus casum ancipitem dirimere audet, i. e. tale quid asserere sibi præsumit, de quo ipse met dubitat, aut dubitare poterat debebatque. Non adeo diu est, cum de vulnere transversali tendinis majoris, qui patellam in crure sinistro obtegit atque firmat, ab insultu improvido equi inflictio, deponere me postulabat Prætor hujus Civitatis, postquam nimirum ab hoc ortus & per Abdominis lateris ejusdem integumenta ad umbilicalem usque regionem ascendens Sphacelus, simulque Intestinorum aliqualis Gangræna vulneratam tertia die occiderat. Lethalis hæc videbatur contusio, ratione Sphaceli ac Gangrænæ, brevi supervientis; est minus talis, quod præter Tendinem nominatum nihil lacera- verat, & symptomatum alias graviorum expers: hinc malui potius in ambiguo linquere, quam frivole asserere negareve, casus hujus lethalitatem.

*Sententiam  
suam ali-  
quando su-  
spendere po-  
test Medicus  
deponens.*

*Exemplum.*

Quinimo nec collegiis de sententia ferenda ambigentibus, & interloquendo, ut ajunt, minus accurate atque confuse a Medico ac Chirurgo observata atque relata technice ac perspicue magis explicari postulantibus, hæsitantia ejusmodi vitio verti debet: Ita tamen, ut defectus momentosos innuant, quibus illos erroris, obscuritatis, præcipitantiae &c. convincant, sicque perspicuitati ac veritati eruendæ occasionem præstent. Quamvis Medicis cum ceteris peritis Leges harumque interpretes, v. g. *Baldus prim. constit. ff. n. 16. Mascardus conclus. 1069. Gailius obs. III. atque Pacianus l. I. cap. 47. num. 25.* in hoc faveant, ut non semper de rei veritate, sed credulitate seu probabilitate etiam tantum, in causis nempe, quæ in sensus minus incurrunt, nec alias certo sciri possunt, deponant, etiam in ejusmodi casibus, ubi Magistratus illorum Relationem jurejurando confirmari postulat.



## S E C T I O II.

*De renunciatione vulnerum in specie.*

**I**N quas & quot classes vulnera seu læsiones lethales intuitu functionum vitalium dirimi queant, superius dictum: nunc ubi earum singulæ perlustrandæ, his recensendis ordo ille appropriatus esto, quem corporis structura suggerit, adeoque a capite mihi initium petere liceat, hinc ad thoracem & abdomen horumque partium vulnera descensuro.

## C A P. I.

*De capitis vulneribus lethalibus.*

*De capitis  
vulneribus  
judicium  
difficile.*

**S**Ane si in ulla parte corporis vulnerum lethalium ætiologiam determinare difficile, Capitis & Cerebri percussiones sunt, quæ disparis plane eventus, observantur, dum earum graviores aliquando sanantur, ex levioribus vero interdum moriuntur percussi, quod utrumque præter Autorum observationes frequentior comprobatur experientia: videnturque capitis vulnera peculiare ac diversum quid a plerisque reliquis alere, ut vel ex ipsorum symptomatis atrocioribus evidens fit, ratione cujus sedula iis non minus in curatione, ac si ferendum fuerit de mortalitate eorum judicium, adhibenda erit prudentia atque opera.

Phænomeni hujus rationem redditurus *F. Fidelis lib. 4. f. 2. c. 6. 1. i. e.* cur capitis vulnera sua natura nunquam tuta sint? Tres imprimis indigitat circumstantias, partis nempe naturam, errandi facilitatem, & curandi difficultatem. Cui equidem per potissima adstipulor, modo ratione partis affectæ (cum ille de integumentorum tantum externorum vulneribus differat) addatur, levissimam etiam cerebri denudationem aliquando mortem præstare, si nimirum ab incongruo aere, qualem sæpius vix discernimus, alteretur hujusque textura tenerrima, hinc mutabilis valde, immutetur. Imo quæ circumstantia & nocendi ratio non infrequens forsan, ipsius cerebri ingens commotio ejusque tubulorum enormior concussio, complicatio atque contorsio, quam nulla oculorum acies discernit, mortis sub vulnere alias exili existit causa, ab imprudentioribus vix animadversa.

Quibus addo contrassissuras, de quibus inferius prolixius agetur, item rupturas vasorum profundius reconditorum, hincque sanguinem ejusdem loci extravasatum, aut cruorem, qui ex vasis etiam elatioribus laceratis ad inferiora descendit, v. g. ad ossis temporum inferiorem partem, quæ organa auditus asservat: quia nimirum nullo artis instrumento inde educi valet, nisi forsan aliquando natura inimitabili tendentia ejus excretionem per meatum auditorium præstet. Hujus generis percussione capitis ejusque a Medico atque

Chi-



Chirurgo factam relationem anno 1679. d. 23. & 29. Septembr., Collegii nostri censuræ exponebat Quæstor Libenwerdensis. Vbi quidam Andreas Pfennig ex ictibus violentioribus altero die mortem obierat, in Calvaria vero ejus difsecta prope os petrosum, seu intra hoc & duram meningem, aliquid sanguinis congrumati, forsan per canaliculorum vicinorum rupturam huc depositi, reperiēbatur; licet nec in hoc osse, nec ceteris Calvariæ partibus, ulla fractura comparuerit. Per se nihilominus lethalis hæc extravasatio, ab situs declivitate, fuit pronunciata.

Equidem enormiores capitis contusiones præter phænomena externa symptomata diversa sibi familiaria habent, e quibus rupturas ejusmodi intrinsecas dignoscere, non adeo difficile deprehenditur: Sc. si mox ab ictu in humum prosternantur percussi, sensus cum motu aboleantur, sanguinem per os, nares ac aures illi profundant, oculi inflantur ac inflammantur, vomant, ac remittentibus etiam his symptomatis insequentibus diebus gravitate capitis notabili premantur. Dantur tamen illarum quoque leviores, quæ, quamvis non mox in principio, certe temporis progressu, propter extravasationem quoque cruoris minorem, graviora symptomata patrant, ac præter opinionem enecant, adeoque nec his fidendum.

Quia autem ictus capiti illati vel ejus tantum integumenta exteriora afficiunt, cutem sc. cum substratis musculis, vel cranium, vel *ἐγκέφαλον*: de prioribus notandum, hæc quocumque modo læsa, mortem per se haud inferre, nisi cerebri ingens commotio simileve subit. De musculi temporalis vulnere equidem vetus est nonnullorum cantilena, ejus contusiones incisionesve grandiores per se lethales existere, ideo quod *Hippocrates* 3. *Coac. prænot.* 369. de *Vulner. Cap. t.* 19. sectionem hujus musculi convulsionem oppositi excipere, ac de *articul. t.* 27. musculos hos p. n. alteratos ac tensos febrem continuam & soporem inducere, asseruerit: cujus eventus tristis hanc rationem vulgo reddunt, quod arteria & nervis insignioribus gaudeat. Quamvis potior videatur interior ejusdem structura radiosa, seu ex totidem musculis penniformibus compositio, cujus intuitu vix in ulla sui parte, exterius carnea visa, lædi potest, quin laceretur unus alterve tendo diversorum musculorum, hujus compagem constituentium: imo nec radiosus simplex, sed biventer & ex duobus quasi compositus observatur, quorum, instar binarum laminarum, sibi instratarum, extremitates tendineæ in medio illius compagis coeunt; ut taceam pericranium, illi superinstratum, aut hinc emanans, cujus læsiones periculi magis plenas testatur experientia, per continuitatem sc. quæ ipsi cum dura matre intercedit. Quibus addendum, quod musculus hic nervos suos a caudicibus, ex cerebro seu medulla oblongata, immediate magis emergentibus, hinc brevioris ab eorum exortu distantia, recipiat, binos a tertio & unum a quinto pari: facilius proin hoc sensuum & motus organum cum suis membranis, ad febrem usque, delirium, paralytin, convulsiones &c. in consensum rapiat.

*Vulnera integumentorum capitis exteriorum haud lethalia sunt.*

Ast eo ipso, dum *Hippocrates* ex musculi crotaphitis plagis non convulsionem universalem, sed particularem tantum, oppositi nempe ejusdem nominis musculi, & ex illius, per maxillæ luxationem, tensione soporem febremque continuam, quibus nihilominus tempeſtiva offis translocati restauratione mederi licet, hinc symptomata per se lethalia ex læsionibus ejusmodi evenire, minime asserit; neque ulla pars huic musculo præ reliquis peculiaris, id est, cui laceratæ non adæquata remedia suppetant, contigit: traditionem hanc mirari seu ridere potius, quam refutare, congruum mihi videtur, & quæ contusiones ac vulnera ejusmodi excipit, mortem ex accidente saltem aut propter

*Nec vulnera musculi temporalis.*



alias læsiones coincidentes, supervenire, puto.

Exempla  
vulnerum  
muscul.  
temporalis  
salutarium.

Stant a partibus meis infiniti medici ac Chirurghi, qui hunc musculum partim casu enormiter vulneratum, partim manu provida Chirurghi incisum, feliciter coaluisse perhibent, quorum pauciores allegare in præsentiarum sufficiet: Prioris nempe classis *Pavvium in Hippocrat. de Vuln. cap. p. 147. Fontanum. in epit. Vesal. p. 14. Scultetum arm. chir. obs. 3. Glandorpium Specul. Chir. obs. II. & 12. Volcherum Coiter. obs. anat. chir. p. III. Catièrium obs. 9. & Wiesemano of Wounds cap. 9. posterioris vero, i. e. sectionem chirurgicam ejusdem musculi in casu necessitatis hanc omnimode declinantis, sed cum salute ægrorum factam perhibentis, Fontanum l. a. part. 3. Borellum cent. 2. obs. 20. Pavvium l. a. p. 176. Riverium obs. a Fomio commun. 19. & ab Aimar commun. 4. Marchettum obs. chir. 15. Job. van Meekren obs. chir. cap. 1. Cornelium van de Voorde Lechten-de Fackel der Chirurgie p. 476. & hujus Scholiasten. l. a. item Wiseman. l. a. Qui-*

Observatio.

bus propriam experientiam jungo, per quam olim Lugduni Gallorum in Noso-comio, quod l' *Hostel de Dieu* vocant, in puero 10. circiter annorum dextrum musculum temporalem casu ab alto ita contusum atque laceratum fuisse recordeor, ut superveniente suppuratione os subjacens hinc inde nudum plane, imo in hoc sub illius latere postico fissuram cernere contigerit, cujus persequendæ causa ejus insignem satis fibrarum lateralium fasciculum incidere cogeatur Chirurgus: qui nihilominus post delirium, febrem & convulsiones exantlatas sanitati pristinæ restituebatur. Item militem consistentis ætatis, cujus sinister Cro-taphites obliquo vulnere versus genam usque securi discissus erat, paucis tantum fibrarum in medii profundo intactis fasciculis, quique præter illius antagonistæ convulsionem hæmorrhagiam insignem & febrem aliquot dierum, nihil symptomatis patiebatur, paucarum septimanarum cura ad cicatricis usque cutaneæ inductionem sanatum eodem in loco relinquebam. Imo provocare possem ad Acta Publica Quæsturæ Sckeudicensis vicinæ, a cujus Præfecto Anno 1679. d. 7. Julii ut de femina quadam, uxore civis nostratis, in pago, *Schönau* dicto, vehementius vulnerata, deponerem, postulabat: in qua præter vulnus brachii dextri & manus sinistræ plagam capitis observabam; spithamam circiter longitudine æquantem, i. e. ab occipitio per temporum sinistrum & frontem ad nasum usque vergentem, simulque musculum temporalem ac ejus vasa enormiter, calvariam quoque & meninges cum cerebro, cujus etiam aliqua portio excernebatur, in occipitio non leviter incisa, deprehendi, cum aphonia sensuumque fere omnium per biduum ablatione, febre tamen non adeo magna: quæ nihilominus misera in hanc urbem & ad suos delata intra aliquot septimanas sanata fuit.

Paucis, nisi vel calvariæ Fractura, vel cerebri commotio & vasorum ruptura plagæ aut contusioni musculi temporalis combinentur, hæc mortem vix unquam inferunt. Cujus limitationis intuitu nec adeo paradoxa videri poterat *Anton. de Heide observ. medic. 20:* dum musculus temporalis forma crucis incisus in cane equidem concitabat hæmorrhagiam profusam; brevi tamen inhibitam, qui sine ullis gravioribus alias symptomatis brevi convalescebat; sine dubio, quod vulnus hoc simplex omnino extiterit, nullaque contusione concussioneve cerebri stipatum.

Calvariæ  
fracturæ  
per se hæc  
lethales.

Porro Calvariæ Fracturæ in se nunquam mortem inferunt, sed propter adjuncta tantum, sine quibus tamen rarius contingunt vel contingere valent, sc. commotionem cerebri insigniorem, vasorum interiorum rupturas, fragmenta membranæ ac cerebro infixæ, aut hujus compressionem atque lacerationem: Proin si funestus iis superveniat eventus, ejus ætiologia ab una alterave harum similiumque circumstantiarum erit petenda. Neque omnis vasorum intra calva-



riam ruptura & sanguinis profusio, calvariae depressio cerebri compressio & vulnus ac a fragmentis punctura mortem infert: sed fracturae conditio demum diversa ejusmodi pathemata horumque circumstantias modo per se, modo per accidentis tantum, lethalia reddit; illud quidem si ratione fracturae adjunctis his congrua medela fieri nequeat, hoc, si eandem admittant. Commotio vero cerebri mortis causa quando non, & quando, judicari debeat, inferius declarabo.

Chirurgia E. illorum, quia in eo consistit, ut vel laesionibus internis admoveantur remedia adaequata, vel educantur ac removeantur heterogenea, symptomatis lethalibus occasione existentia, nempe calvaria depressa, festuca pungens & sanguis atque sanies comprimentia & putrescentia: ante omnia hic mihi ex superioribus repetere concedatur illud Hippocratis effatum, Medicum, qui sufficit ad cognoscendum, sufficere quoque ad sanandum; & per consequens fracturas calvariae, quas vel ratione exilitatis summæ, vel ut contrassuras, dignoscere haud licebat, solerti quamvis adhibita indagatione, si enarratarum circumstantiarum graviorum aliquam cum pravis & pertinacibus symptomatis sibi combinatam gerant, mortifera per se praesumerem, utpote quibus non perspectis, aut vix dignoscibilibus, nec medicina applicari poterat. Deinde, utut factis manifesta sit fractura, i. e. quam oculus aut specilli contactus dijudicet, eo ipso nihilominus, dum ratione situs similiumque circumstantiarum, de quibus successive in sequentibus differendi dabitur occasio, intrinsecus latentibus congrua remedia denegantur, etiam hoc nomine fracturae aliquando mortiferae evadunt, v. g. si sanguis extravasatus sub meningibus & interioribus ἐγκεφάλῳ recessibus hæreat.

*Fracturae  
cranii ali-  
quando mor-  
tales eva-  
dunt, vel  
quod digno-  
scantur.*

Sc. posthabitis fracturarum enarrationibus, quas alii cum Hippocrate sub quinario, alii cum Paulo sub senario, numero complectuntur, sub ea disparitate mihi hoc loco illas concipio, ut alia sit Fissura, alia effractura seu depressio, alia contusio seu collisio, alia sedes, aliaque contrassura: hinc in earum mortalitate evolvenda ita procedo.

*Fracturae  
rum calva-  
riae species*

Fissura quia vel evidens, vel cæca seu abstrusa magis, illa vix unquam lethalis est, quod vel immittendis medicamentis ac educendis molestiis satis pateat, vel quod, si per angustiam suam operas necessarias haud admittat, de sui dilatatione nihilominus Chirurgum admoneat: adeoque si inde moriatur percussus, ex accidente tantum talis dici debet. Ast de cæca seu capillari si constet, omnem prudentiam indagatricem ipsi fuisse adhibitam, hanc tamen nullo modo conjecturari licuisse, v. g. si verenda mox in principio haud emergant symptomata, subitanea tamen aut lenta etiam aliquatenus morte & præter expectationem succumbat æger, hanc, si aliqua mortis causa, etiam si talis, quæ alias commode satis sublata & educta fuisset, sub calvariae sectione reperiatur, lethalem enunciarer, quod malo haud perspecto aut minus perspicuo non valuerit fieri medicina. Paradoxum hoc assertum videbitur pluribus, imo ejus contrarium in collegiis non raro renunciari novi, ideo quod fissura in se nihil lethality involvat, sanguis extravasatus ac sanies tempestive satis educi queat, terminus mortis interdum satis longus, v. g. in casu sequente: ast difficultatem diagnosise probe ponderantes, hanc summam, difficilem quoque omnimode, curam, inviti post hac fatebuntur, ac in accusando magis chirurgo, quam vulneratore, haud adeo præcipientes se dabunt.

*Fissura cra-  
nii qualis  
per se lethali-  
lis.*

Comprobant hoc observationes frequentiores: v. g. penes Paw. in Hippocr. de vuln. cap. p. 82. qui refert, quendam a computatore in Bregmatis os dextrum poculo stanneo percussum, hujus tamen integumentis millioribus apertis nihil fissi in olla repertum fuisse, ægrum pancratice se habuisse & obambulasse: donec post decimum mensem inter ambulandum vertigine correptus conciderit & brevi post



post expiravit, apertoque cranio in ictus loco os plane putridum foetidumque cum meninge comparuerit; ideo sc. quod ab insensibilibus staminum, seu fibrillarum ossarum, tabularum calvariae mediotullium intercurrentium, contusionibus lacerata fuerint vasa illi intertexta, quorum cruor exstillans os in inflammationem, hocque meninges & cerebrum in consensum lethalem, abripuerit cui similem historiam *Valleriola* in *Comment. in Hipp. de vuln. cap. ad c. 15.* suppeditat. Ejusdem forte generis dicenda erit occulta illa Rima, quam *Tulpius obs. 1. c. 2.* describit, & ex qua, omnibus remediis irritis periit sexta die vulneratus: cujus cranium, tam vivi, quam cadaveris, dissectum foris illaesus plane deprehendebatur, intus nihilominus sui fissuras, una cum sanguine, ad basin cerebri deposito, & Cerebello siderato ostendens. Sane Tabulam Calvariae externam ictui illato minus cedere, findi nihilominus plus minus internam, hinc inde experimur, qualis laesionis species lethaliorem plerumque pedissequam habet, si non ob aliam causam, certe vasa lacerata, hincque sanguinis ad interiora profusionem. Ita v. g. *Fallopium in Hipp. de vuln. cap. 13.* perhibet, se in nobilis cujusdam studiosi occipitio percusso (raso etiam) nullam equidem vidisse fissuram, donec Lamina superiore penitus abraza inferior largam satis stiterit. Simile quid de Sutore quodam parisiensi, lapide percusso *Anonymus ille Gallus*, cujus aliquoties jamdum memini, *L'art de faire des Rapports*, narrat, hunc equidem intra quindecim dies sanatum evasisse, postmodum vero duris symptomatis prehensum quinta circiter septimana expirasse: super hujus dura matre repertam fuisse saniam purulentam, quae hanc lividam maxime reddiderit, & in cranii pariete interno visam fissuram cum aliquali hujus erosionem, recta quidem sub loco, qui ictum exceperat, integra Lamina exterior. *Hic casus* inquit *Berengarius de fract. cran. part. 2. c. 1. inter alios timendus est, quia Medicus cum maxima difficultate potest judicare illam speciem laesionis maxime sensu, sed judicio tantum praesumptivo judicabit, visis accidentibus, quae sequuntur ad talem speciem &c.* Quae tamen pariter aut non mox eveniunt, aut fallunt.

Minoris E. periculi erit fractura latior & patula magis praeracior, atque inepte argumentantur ab illis frequentius sanatis ad minores, capillares ac minus sensibiles; cum haec plures perimant, ob rationes indigitatas, sanguinis imprimis ad *ἐκέφαλον* profusionem; illarum enormiores quoque feliciter curari, experientia crebrior comprobet. *Etenim etsi rima sit tam angusta*, inquit *Aegineta*, *ut sensum exiguitate fallat, tamen pluribus mortis causa fuit*: quanquam non tam ob rimam ipsam, quam ob sanguinem supra interiora Calvariae profusum, tale quid eveniat. Ad quos latentcs fissuras quoque referendae, quae in ossibus Calvariae profundioribus v. g. ossium temporum inferiore parte, osse sphenoide, orbitalium oculorum &c. eveniunt, sub basi cerebri latitantes, hinc nulla oculorum mentisve acie comprehensibiles, & laesionibus capitis per se lethalibus annumerandae. Non quidem in se, sed quatenus vasa sanguifera rumpunt, aut sub iisdem testae aut fragmenta secedunt, membranas cerebrumque pungentes ac vellicantes: qualia educere, nulli arti conceditur, exitium nihilominus aegro parant.

In specie si fissura in ipsam inciderit futuram, difficillimum eam dignosci, *Hipp. de Vuln. capit. 16.* tradit, *Fallunt enim*, inquit, *& mentem & visum Medici haec futurae, fissurae speciem referentes & reliquo osse asperiores existentes, nisi vehementer dissectae fuerint ac dissolutae.* Seu secundum *Fallopium in Hippocr. de vuln. cap. c. 19.* quoniam asperitas specillo deprehensa non indicare facit vulnus futurae, & ambigui recedimus ab exploratione facta: num illa naturalis, i. e. Suturae propria, num praeternaturalis, seu a percussione super inducta: *Credimus*, pergit *Fallopium*, *enim suturam tangere, & erit vulnus, & contra, oculus etiam*



*etiam decipitur, qui videbit futuram, & credet os esse fractum*; nisi forsan futurae ipsae rimam patiantur latiore, seu hiatum manifestum, quem dissolutionis nomine Hippocrates innuit, dehiscenciam forte commodius dicere liceret. Per consequens si nec oculus, nec ratio, his vitiis detegendis, semper adaequata, quid mirum, mortem, quae ejusmodi fissuras insequitur, ex conditione vulneris, non imperitia Chirurghi, obvenisse dicamus, i. e. has, quod iis mederi haud liceat, per se lethales asseramus. Cunctos vero Medicos mihi adstipulantes promitto, fissuram, qua interaneorum laesorum remedia excluduntur, aut heterogeneitatibus ad mortem usque molestis exitus denegatur, semper lethalem esse: quod quibus modis evenire queat, inferius tradetur.

Alias vero etiam aliquando evenire solet, quod ter sibi in Praxi visum *Berengarius Carpens* l. a part. 1. tradit, partem Cranii, a re obtusiore percussam, partem ossis sibi oppositam, per futuram tamen sibi connexam, eoque impellere, ut commissura illa intermedia plus minus evidenter aut omnino non solvatur & hiet, huic tamen intertextae villae membranae ac vasa conquassentur ac lacerentur, hinc cum sanguine e vasis ruptis destillante temporis successu putrescant & in pus abeant. Quod, quemadmodum, cute haud lacerata, difficilioris pariter cognitionis, sic difficilioris quoque medelae est: atque ideo laesio hujus generis ut plurimum, hinc per se, lethalis erit dicenda.

Incisio ac punctura alias Sedis nomine venientes in se mortis causa minime dici debent: quia ut plurimum cum vulnere evidentes satis & in oculos incurunt, ideoque patulam viam immittendis remediis & educendis noxiis concedunt, vel de amplianda illa nos monent.

*Nec sedes lethalis.*

Neque Effracturarum talis existit conditio, quin sensibus satis obviae sint ac ceteris paribus Chirurgiam promptius admittant: nisi quod aliquando sanguis & sanies una cum fragmentis ossis sui educationem detrectent. Quae sanguinis ac saniei evacuationem morentur, paulo post dicetur: de testis vero seu fragmentis a calvaria secedentibus & vel extremitatibus suis acutis, quasi spinulis, meninges ac cerebrum pungentibus ac perforantibus, vel mole sua eadem comprimantibus monendum, utraque ratione haec exitiosa valde existere. Quippe si mole, si aculeis, in membranas agant, illa comprimendo, his irritando & in spasmos eas concitando, circulationem per vasa turbant & graves inflammationes movent; cerebrum vero simul in sphacelum conjiciunt, spirituum dispensationem inhibent & apoplexiam provocant. Per consequens si vel fragmenta haec ita se habeant, ut commode protrahi nequiverint, vel eoque usque laeserint, ut protracta quamvis, effectus graviores pone se reliquerint: lethales capitis percussiones aliquando reddere possunt. Priore nempe ratione, si portio ossis avulsa seu fragmentum sub os integrum ita se receperit, ut ubi haereat, nescius Chirurgus illud apprehendere & extrahere haud valeat, aut v. g. ad basin cerebri hujusve interiora adeo profunde, aut in similem quandam locum, depositum fuerit, ubi instrumentorum usus silet, v. g. ex fractura orbitae oculi, ossis cuneiformis &c. Imo quamvis commode satis, mediante siue Trepano, siue per ipsam effracturam patulam, tale officulum protrahatur, adeo ut symptomata graviora ad unam alteramve horam remittant, & sensus ad pristinum statum ac vigorem se denuo recipiant, redeunt tamen illa, paulo post cum impetu: vulnus, propter ejusdem durioris impressionem factam, etiam hoc remoto, percussum interimit, hinc lethale manet.

*Effractura per se non lethalis.*

*Nisi forsan educi nequeant heterogenea.*

*Aut enormius laeserint fragmenta.*

Ambigua magis videtur contusio seu desessio calvariae, quia enim ab hac modo fovea remanet, modo eadem deletur, in priore casu, etiam citra ullius symptomatis apparitionem Chirurgus metum rupturae tabulae internae ac vasorum illa incutere & elevatorii atque Trepani usum commendare poterat. Quinimo

*Contusio etiam si aliquando non lethalis.*

haec



Aliquando  
talis.

hæc introcessio cerebro ac membranis comprimendo vim infert, seu motum sanguinis & spirituum plus minus evidenter turbat, in adultis ut plurimum cum fractura. Adeoq; ex collisione illa, quam cum externæ tabulæ lacuna, si-  
ne ulla accidentium molestia in juvene testatur *Paw. p. 91.* post trimestre eveniens mors artificis potius securitati & negligentia erat adscribenda. In posteriore nec de eadem constat, nec talem, nisi ex symptomatum vehementia suspicari, aut per cadaveris sectionem judicare, licebit; hinc ejus effectus haud semper attendere, multo minus avertere poterit sagacissimus, & sine dubio non culpa Chirurghi, sed aggressoris, perit percussus.

Propter difficultatem  
dignoscendi.

Ex contrassura, oppositione seu resonitu demum si moriatur idem, cum sanguine extravasato, fragmentorum ad interiora secessu similive circumstantia, non sine ratione me hanc per se lethalibus fracturis accensere, illi annuent, qui in primis artis principiis evolvendis operam suam aliquando collocarunt. Hos enim ex *Hippocrate de vuln. capit. t. 9.* non possunt latere hæc verba: *Si os vulneratur alio capitis loco, quam quo ulcus habet homo, quintus hic modus est, quod infortunium ubi accedit, nulla re juvare valebis: non enim scire potes, ubi nam malum hereat, imo num æger vulneratus sit, aut quam capitis parte, etiam si maxime quæras, certior fies.* Hinc *Pavv. p. 106.* vere infelices ac infortunatos ejusmodi percussos proclamat, qui nec ipsi sciunt, an, & quo loco lasi sint, nec Medicus ac Chirurgus hac de re certior fieri potest, nisi cum jam conclamatum est. Et *Paræus 9. c. 8.* ait, cum nullo certo signo hoc fracturæ genus dignosci valeat, si quando ex tali mors consecuta fuerit, venia dignum censendum esse Chirur-  
gum.

An ejusmodi contrassuræ dentur, seu unquam existant, prolixè equidem disceptare novi Doctores æque, ac practicos, ut cernere est penes *Fallopium in Hippocr. de vuln. capit. c. 14. Berengarium part. 2. c. 2. Ioh. Baptist. Cortes. in Hipp. de vuln. cap. part. 2. t. 2. A. a. Cruce Chir. l. 2. cap. 1. Paræum l. 9. c. 8. Sennertum pr. l. c. part. 1. c. 23. Diemerbroeck. anat. l. II. c. 4. Iohn. Brown of Wounds c. 33. & Anton de Heide annotat. in Cornel. van de Voord Fackel der. Chir.* horum aliis illas asserentibus, aliis negantibus: inter quorum illos reperio *Paræum, l. 4. Nicol. Florentinum Serm. 7. sum. 2. tr. 4. c. 1. a Cruce Pavium anat. succent. Losf. 1. obs. 1.* Quibus sane obstrepere nefas, multo minus Berengario subscribendum, quando illos, qui ἀπίχημα s. ἀπίχημα testantur, purum mendacium dicere frivole clamitat; postquam in linea mox antecedente possibilitatem ejus nihilominus non diffusus fuerit, perdifficilem tantum dixerit. Medicos Chirurgoſve ajunt decipi per hoc, quod contingere queat, aliquem in uno latere lapide, fusti, percuti, sine ullo ictus aut fracturæ vestigio, simul tamen eundem percuti in opposita parte, aut hac percussum in terram cadere, seu parieti allidere &c. ut in hac frangatur calvaria, quod a priore percussione evenisse, imprimis si de posteriore ictu aut allisione minus constet: ut credamus illam partis oppositæ læsionem factam fuisse ab uno ictu, quæ ab alio seu altero fuit facta, v. g. casu in terram. Quod equidem aliquando ita se habere facilis largior, quin tamen interdum etiam ejusmodi infortunium accidere queat, nihil prohibet. In præsentiarum interim, ne theoriæ præ praxi plus litare videar, neminem adeo difficilem ac obstrepentem mihi in hoc auguror, etsi nulla unquam contrassura detur, si modo duabus diversis capitis partibus inferantur ictus, quorum unius inflictio aut inflictionis locus ex quacunque occasione nos lateat, etiam hunc per dignotionis difficultatem incurabilem præstituram fracturam hinc factam, eamque per consequens ideo per se lethalem.

*Celsus* equidem *lib. 8. cap.* modum eam dignoscendi suggerit hunc, ut si quis graviter vapulet & mala subsequantur symptomata, neque in parte, qua  
cutis



cutis discissa est, rima reperiatur, in parte altera investigetur, num quis locus mollior sit & tumeat, hicque aperiatur: imo alii alia his addunt signa, nempe quod æger manum illi loco frequentius admoveat, &c. Ast cuncta hæc insufficientia ac fallacia satis testatur Chirurgorum multijuga experientia, quatenus non raro in illa quoque cranii parte, in sectione cadaveris, offendimus fissuram, in qua nullus tumor nullaue laxitas cutis conspiciebatur: imo qualis tumor cutisque secessus expectari poterit, si lamina calvariae interna, externa integra, resonitum fuerit passa, aut orbitæ oculi, sub musculo temporali, ossi cuneiformi similibusque locis, cuti non immediate contiguus, ejusmodi infortunium imprimatur? qualia phaenomena autopsia non raro suggerit. Vnicum horum exemplum recensere lubet. Requisitus Anno 1669. Septembr. Taucham, oppidulum vicinum, ut cadaver Christiani Voigtii, ex ictu fustis defuncti, aperirem, in fronte hujus prope & circa supercilium dextrum suggillationem sine vulnere, nihil vero in osse substrato fissuræ, contusionis &c. ast sub prora cerebri in orbita ejusdem oculi dextri contrafissuram sesquipollicaris longitudinis, ad sellam turcicam abeuntem, hinc eodem in loco, duram matrem ruptam, offendi, offenditque mecum Chirurgus, qui laboris impatiens hanc intempestive abrumpere maluisset. Ægrorum delirantium ac sub torpore, i. e. sine sensu & motu decumbentium, manus, caput hinc inde contrectans, aut nulla, aut minus fida, index est. Præterea non in parte percussioni semper opposita, sed in vicina quoque aliquando contrafissura fit, imo in eadem sc. ut modo dictum, non lamina externa, quæ ictum excepit, sed interna, fissa, ut vel ex *Fallopio in Hippocr. de Vuln. cap. 14. Paræo lib. 9. c. 8. Pavv. p. 108. Tulpio lib. 1. obs. 2. & Sculteto Obs. 14.* patet. Imo nonne evenire potest, sicut inspectiones cadaverum edocent, ut in parte percussa excitetur fissura, patiatur nihilominus contrafissuram alia quædam remotior, de qua, quia illa evidens, nec somniare quis poterat? Et certe, si quis non, nisi mera fretus suspicione, inquit *Pavvius*, hanc illamve capitis partem explorandi causa secet, nihil inibi detrimenti inveniat & æger postmodum moriatur, non poterit crudelis Medici evitare nomen, verum notam tam sibi, quam arti, inuret non eluendam. Neque tamen contrafissura immediate lethalitatem patrat, sed pariter, ut modo indigitatum, vel ratione sanguinis extravasati, vel fragmentorum insignium, quæ vel aculeis vel mole sua membranæ ac cerebro exitiosa existunt, & quorum neutrum, utpote haud exploratum, protrahi potest: Sanguinem sub contrafissura vix ullus disputabit: ast tantum ictus illati ad contrafissuram usque esse potentiam, ut in testas majores minoresve interior calvariae lamina secedat, mirari, haud tamen omnimode negare, conceditur: Miserum hujus phaenomeni exemplum est, quod *Pavv. l. a.* refert, de Juvene quodam, qui capite pronus in terram conciderat & tertio post casum die obierat: cujus calvaria discissa omnino integra & sine omnis læsionis vestigio comparuit, ab interna parte nihilominus evulso fragmento ingente, quod per utramque cerebri partem perque intermediam hujus divisuram se trajecerat. Cui addere convenit, quod *Paræus lib. 9. cap. 8.* perhibet, cujusdam Nobilis, casside armati, bregmatis lethaliter icti, laminam internam externa integra in multas testas secessisse: imo quotidie tale quid evenire, sectionibus ejusmodi cadaverum vacantes mecum fatebuntur. Per consequens, si aliquando ejusmodi infortunium tempestive detegatur, huicque æger eripiat, raro contingentibus hoc erit annumerandum, imo paucissima forsitan (si quæ) penes practicos reperimus exempla eorum, quorum contrafissura comparuerit, hæcque cum lethalibus suis adjunctis seu effectibus sublata fuerit.

*Contrafissura non immediate sed mediate demum, lethalis existit.*

Propero ad interiora calvariae, ubi mox de duræ ac piæ meningis vulneribus quæstio exoritur, an hæc inter lethalia referenda? quale quid simpliciter

*Dura ac pia matris vulnera sunt ambigua.*



affirmare haud possumus, nisi forsan intuitu reliquarum circumstantiarum, sc. rupturæ vasorum, cerebri concussionis aut vulneris insignioris, mors aliquando superveniat. Quemadmodum enim cerebri compages nec levissime vulnerari valet, nisi instrumentum vulnerans hæc ejus involucra penetret, ex læsione nihilominus illa frequentius convalescunt ægri; ita cur sola hæc involucra lacerata mortis causam quis præsumeret, haud apparet. Potissimum cum crassam integram, si inter hanc & tenuem sanguis extravasetur, vel pus colligatur, incidere & aperire haud vereantur Chirurghi peritiores, ut vel ex *Glandorpil Specul. Chir. obs. 4.* & *Blankart Collect. Med. Phys. cent. 1. obs. 27.* legere poterunt, quibus hoc paradoxum nimis videtur.

Cujus etiam generis videtur Experimentum tentativum *Antonii de Heide*, ab hoc *obs. 19.* delineatum, quo, postquam trepano canis calvariam perforaverat, forcipe prope sinum falciformem aperiebat, eum in finem, ut symptomata, hujusmodi læsionis connexa observaret. Hæmorrhagiam sanguine draconis & linteo carpto brevi sedabat, adeo ut post breve animi deliquium ad se rediret & pane sicco aliisve (licet minus avide) vesceretur, nullis ab hinc aliis gravioribus symptomatis correptus.

Et si lubens fatear, ejusmodi incisiones arte & manu suspensa factas haud undequaque æquiparandas esse lacerationibus ac rupturis horum panniculorum, cum impetu seu violentia majore concitatis: dum harum posterioribus combinantur fractura, cerebri concussio &c: tensiones quoque ruptoriæ ac ictus impetuosius illati plus doloris præ incisione artificiali parant, hinc spasmis gravioribus totius involucri aliarumque partium occasione existunt. Ne advertam, in parte laterali, vel a fractura calvariæ remotiore ac profundiore, cui remedia commode administrari nequeunt, laceratas meninges lethalitatem ut plurimum consecutariam habere. Sensus delicatioris sunt hæc membranæ, hincq; vulneratæ in paralyin ac demum convulsiones abripiunt partes, ideoq; per se mortales nuncupari valent earum lacerationes, si frustra admota fuerint remedia congrua: & si forsan unum vel alterum a læsione ejusmodi evadere constet, aphorismo tamen universali occasionem parare nequeunt, per axioma: *rara non sunt artis*. Urgens interim magis videtur lethalitas in vulnere piæ matris, quod vasis sanguiferis nullibi non cernatur hæc intertexta, quæ simul rupta multum cruoris profundunt: Cerebrum quoq; integumento hoc denudatum ab aere ambiente brevi corrumpatur, ejusque dolorifica constrictione ad exteriora protrudatur atque elevetur.

Ratione læsionum duræ meningi obvenientium adhuc attendi meretur membranæ hujus textura singularis, qua in superficie sui interna fibrarum crassiorum & tantum non lacertosarum strata bina, se interfecantia, in extima simplex tantum, sistere *Anton. Paschionus de dura mening. c. 1.* edisserit, hæcque pluribus figuris exprimit: Per quam conformationem alternativam sui constrictionem cerebrum ejusque vasa comprimat, fluidum a sanguine derivatum in substantiam ejus corticalem & ex hac intra nervorum tubulos medullares exprimat atque propellat, ut *cap. 4.* prolixè tradit. Adstipulatur huic theoriæ *G. Baglivus de fibra motric. c. 5.* ubi duram Matrem maximum humani corporis elaterem ait, qui perpetua sua oscillatione secretiones fluidorum varie promoveat varieque dirigat, hinc solidis ac fluidis imperet: vulneratus vero, inflammatus aut quocunque modo læsus convulsiones, deliria, jactationes aliosque motus inordinatos in cerebro ac partibus inferioribus præstet toti plus minus perniciosos. Quam theoriam etiam si haud per omnia meam faciam, admonitus a *Bidley* Anglo, dum in *Tr. de Anatomie cerebri* duræ Matris motum arteriis cerebri, cum plerisque antecessorum, in acceptum refert, postmodum, cum Baglivii hypo-

thesin,



thesin, de motu duræ meningis proprio & hujus influxu ad cetera organa, intelligeret singulari experimento, in cane vivo adornato, quod ex *Trans. philosophic. Angl.* excerptum in *Act. Erudit. Lips.* anno 1705. mens. Maii reperitur, pristinam sententiam vindicare, motumque cerebri a peculiari hujus membranæ textura ab aliis assertum evertere conatus fuit. Ipsa nihilominus ejus structura, simplici telæ satis absimilis, sed sensibilibus lacertosa, & symptomata, ejus statum morbosum comitantia, innuunt, eam machinæ corporis vitalis usum non exiguum præstare adeoque violatam motus hujus generosiores varios vitare. Adeo ut minus paradoxice asserere liceat, violentiores involucris hujus rupturas aliasque unitatis solutiones convulsionem, paralyfin ac non raro mortem inferre: atque hoc quidem plus minus, quo modo has, modo illas, fibrarum illius series fasciculose violari contingat. Qualem equidem disparitatem specialius animadvertere non licuit, augurari tamen in genere fecit hoc, quod, tradente *Pacchonio* c. 6. loci diversitas in dicta membrana, in quo contactus violentiores hæc experitur, cuive hæc vel illa acriora admoventur, majus minusve periculum inferat, v.g. prope falcem cujus lateribus glandulas quoque spissius seu copiosius adhærescere, idem Auctor de *glandul. duræ matris* asserbat.

De vasorum, involucris his intertextorum, lacerationibus mox dicetur, in specie quoad sinus duræ matris hic monendum, eorum vulnera, nisi levissima forsan, propter enormiores sanguinis profusiones, semper lethalia pronunciari debere: sive cranio eousque aperto, ut patulo satis vulnere medicamenta styptica admoveere concedatur, sive eodem clauso, hisque remediis aditu intercluso. Nec in dubium hoc vocabit, qui sanguinis uberrimum confluxum ad receptacula illa imprimis majora, novit, firmareque idem possem diversis Auctorum testimoniis, nisi insequentibus casibus sat fidei adscriberem, facultatis nostræ censuræ 1669. d. 7. Aprilis & 1678. d. 16. Novembr. expositis. Nempe in priore, cuidam furca, aut, ex occisoris relatione, baculus extremitatis acuminatæ, per orbitam oculi dextri eousque adigebatur, ut processum falcatum in antica parte hujusve sinu duobus foraminulis pertusum & sanguine vacuum, declaret inspectio die tertia ab ictu mortui. In altero, quidam fuisse majore percussus repente sine motu & sensu conciderat, & ni fallor, tertio die obierat: in cujus calvaria fractura ingens simulque quartus duræ matris sinus ruptus visus fuit, sanguine multo sub eadem membrana & intra cerebri anfractus atque cavernas collecto. Quod si tamen cranii fractura latior, dubia ideo videri poterat hæc lethalitas, quod sub hac circumstantia ille sanguinis fluxus mortalis commode satis compesci queat, & quidem præeunte *Marchetto*, qui *obs. med. chir.* 4. vulnere capitis latiori, per medium cerebri ubi hoc a falce dividitur, usque ad corpus callosum penetranti & sinui falcato cum aliis vasis dissecto, gossypium ustum, bolo armena sanguine draconis & albumine ovorum imbutum, una cum filamentis aridis intrudendo, hæmorrhagiam enormissimam sistebat. Sed quamvis experimentum hoc celebris adeo Chirurghi in dubium vocare mihi haud præsumam, ambigo nihilominus, an levior & superficialis ejusmodi stypticorum applicatio vasis seu receptaculis tantis, quæ præter sanguinem venosum arteriosum simul excipere, eorum pulsus & manifesta satis arteriarum insertio persuadet, obturandis sufficiat: quatenus cerebri subjacentis mollities nullam ab altera parte renitentiam compressivam præstat, & in membris externis, nisi simul adplicari queat deligatio congrua, frustraneus est restringentium usus: violentiorem vero & duriorem ejusmodi remediorum infarctum, hinc compressionem potentior, cerebrum mollius sine spirituum dispensatione graviore ac lethali læsione an feret, quod sanguinis extravasati mole, aliquando non adeo ingente, mox gravatur?

*Sinuum duræ matris vulnera sunt lethalia.*

*Observatio.*

*Item.*



Vasorum ce-  
rebrī vulne-  
ra cur lethā-  
lia?

Lacerationes ac rupturæ vasorum sanguifluorum reliquorum, siue cerebro, siue membranis, implicatorum, proin plexus quoque choroidei, si tales fuerint per quas enormior ad extra sanguinis contingat profusio, lethales per se censentur: siue apertura calvariæ tanta fuerit per quam styptica applicare liceat, hæc nihilominus tanto malo avertendo vix unquam proportionata sint, ut ex modo dictis suppono; siue situs ac tractus vasis lacerati talia respuat, v. g. arteria illa per fissuram magnam limborum cerebri anteriorum decurrens hinc necessario cum sanguine deficiente oscillatio hujus vitalis fatiscit & syncopen apoplexia lethalis brevi excipit seu comiatur.

Damnum  
sanguinis  
extravasati  
sub calvaria.

Sin vero idem sanguis extravasatus intra calvariā congeratur, duplex pariter cerebro inde emergit damnum: alterum ab ejus mole seu pondere, alterum ab ejusdem corruptione seu putredine. Illa siquidem cerebrum brevi ad apoplexiæ concitationem comprimitur; hac vero idem sphacelosum redditur, ac post deliria, vertiginem ac convulsiones spirituum pariter emanationes turbantur: per consequens, si sanguis ille tempestive satis educi nequeat, mortis causa vera & proxima dici meretur. Quamvis enim aliquando per nares atque aures idem aliquando sponte, cum percussi salute, rejiciatur: fortuitum tamen satis & solius naturæ potentioris effectus quia hoc est, artis regulis condendis minus adæquatum videtur; cum pluribus miseris beneficium hoc extraordinarium illa denegat, neque toti Hippocratis & Galeni peritiæ abstrusas has illique soli reservatas, vias terere ac simile levamen istis adferre concedatur.

Non omnis  
cruor, inter  
calvariā et  
duram me-  
ningem hæ-  
rens, trepa-  
no evocari  
potest.

De sanguine sub cerebro, in hujus substantia, plicis & concamerationibus, intra hoc ac cerebellum atque circa medullam oblongatam collecto, idem asserunt plures, si non omnes: illum vero, qui intra calvariā & membranā crassā deponitur, aliquando Trepano educi posse, adeoque lethalitatem non semper patrare, in propatulo est. Quia nihilominus Medici minus cauti & malitiosi occisorum Procuratores Chirurgiam hanc omnibus ejusmodi casibus adæquatam credunt, hinc ejus omissionem inter neglecta & errores, quibus per accidens saltem mortalis evadat plaga, referunt: non cuilibet sanguini sub calvaria immediate hærenti evacuando hoc remedium sufficere, adeoque aliquando grumos illos per se mortem inferre, sequentibus declarabo.

Cur trepano  
non semper  
locus conce-  
ditur.

Ob sympto-  
matum gra-  
vitatem &  
mortis cele-  
ritatem.

Nolo in præsentiarum prolixus esse in explicanda difficultate, quam aliquando læsionis locus admovendæ terebræ parit, dum v. g. ex consensu plurimum Artistarum constat, frontis illi parti, quæ superciliis propinquior eam applicari haud posse: alia plura insuper, hac superata, sunt quæ operationem illam prohibent, seu prudenter negligere jubent. *Primum* horum est symptomatorum mox summa gravitas & mortis hinc evenientis celeritas; ratione quarum circumstantiarum ingentem simul cerebri fibrarum medullarium commotionem aut enormiorem sanguinis profusionem subesse concludimus: quarum hæc sæpe tanta, ut, quamvis aliquid cruoris per foramen modiolō descriptum prodeat, reliquum illius tamen ejusmodi ponderis aliquando observetur, quo cerebrum ad apoplexiam usque comprimat, aut putredine sua idem ad sphacelum usque lethalem brevi contaminet, quod multum sanguinis brevi educi nequeat. Imo fieri haud potest, quin multus sanguis extravasatus per totum ἐγκεφάλῳ convexitatem dispergatur, semperque decliviorē vacui partem petat, hinc nullo instrumentorum apparatu evocabilis. Neque obstabit, quod *Berengarius* l. a. cap. 11. *Roonhysen obs. chir.* p. 161. ac 139. *Heide* in not. ad *Corn. van de Voorde nieuwvlichtende Fackel der Chir.* p. 475. ac demum *Anton. Pacchion. de duræ mening. fabrica & usu* cap. 3. non in futuris tantum, sed undique crassā meningem calvariæ alligari, hincque ejusmodi descensum cruoris fieri haud posse per autopsiam & contra commune dogma tradant; Quippe eo ipso, dum a percussionibus capitis membrana eadem

ab of-



ob osse plus minus secedit & abrumpitur, via patula & locus conceditur sanguini, ex ruptis vasis profuso, sese latius explicandi & ad latera ac inferiora descendendi. Præterea quamvis non cunctos, quibus cerebrum concutitur, necessario perire, lubens concedo: quod si nihilominus enormior ejusmodi quassatio fuerit, sanguini equidem, ad calvariam profuso, extrahendo trepani usus quadrabit, minime tamen corrigit illas cerebri tubulorum interiorum distorsiones aut lacerationes lethales. Neque hac Chirurgia educere licebit sanguinem sub ejusmodi concussionibus ad cerebri interiora rejectum, a quibus nihilominus vehementiora mox in principio symptomata eveniunt, & per consequens in ejusmodi casu, frustranea erit modiolii applicatio. Adeoque utut etiam hujus extravasationis illa fuerit conditio, cui Chirurgia hæc in se foret adæquata: eo ipso nihilominus, dum, ut dictum, citius expirat percussus, ac prudens super eandem consilium capere hancque congrue administrare poterat Chirurgus, non hic, sed ipsa læsionis natura, causa mortis dici debet. Accedit, quod rupto majore aut pluribus vasis sanguis equidem extravasatus modiollo evocetur, non tamen impedire queat idem instrumentum, quin illo educto ex rupturis his novus scaturiat, hicque si non cerebrum comprimendo, certe vires dissipando, ægrum, cujus calvaria terebram sustinuit, enecet.

Deinde a Trepano nihil salutis expectandum, hujusque neglectus ex percussione per se lethali vix per accidens tantum lethalem faciet, si signa deficiant sanguinis extravasationem alias indicantia: quales quidem casus determinare mihi haud præsumo, binis tamen vel trinis declarare conabor. Si nempe contingat, quendam remotis arbitris, seu nemine vidente, percuti, ut sine sensu & motu mutus concidat, uno verbo sine omni phantasia & rationis usu percussus reperiatur, nullum vulnus aut tumor simileve, ex quo a violentia quadam externa hæc symptomata lethalia evenisse, suspicari liceat, compareat, hinc nec æger, nec alius quispiam, percussione innuere possit: talis si sub torpore illo, ex sanguine sub cranio collecto, & alias per trepanationem educibili, moriatur, nonne illa sanguinis profusio per se mortifera erit judicanda, ideo quod causæ mali haud cognitæ non valuerit congrua fieri medela?

*Aliquando  
quod de san-  
guine extra-  
vasato haud  
constet.*

Ast ne casus ejusmodi fingere aut somnia alere videar, provoco imprimis ad ingenuorum Medicorum ac Chirurgorum experientiam, quorum sane unus vel alter, si non frequentiora, certe aliqua, sibi aliquando obvenisse exempla testabuntur, per recensitas aut his similes circumstantias difficultati intimatæ obnoxiarum, hinc per se lethalibus adscribendarum, capitis percussione: quibus nihilominus, ne ἀσύνβολοι plane censear, quid mihi anno 1688. obvenisset, adjiciam. Vocabar sc. die 6. Septembris a Præsidii suburbani Governatore, ut secarem cadaver militis gregarii, & de læsionibus ejus deponerem. Sanus hic vespere antecedanea ex hospitio suo ad tabernam cum commilitone prodierat, mane in compito reperitur semimortuus, aphonus sc. sine sensu & motu, deportatur ad suos & post paucas horas fatis cedit. Nemini constabat, an a violentia externa, an pathemate causæ intrinsecæ lethalia hæc ipsi contigerant symptomata, nisi quod eo jamdum defuncto socius egregie vulneratus narrabat, quosdam homines ignotos & per viam grassantes se cum socio fustibus similibusque instrumentis invasisse, donec fuga sibi prospiciens ipsemet vulneratus mortuum dereliquerit. Nullum violentiæ ullius externæ in toto hoc cadavere comparebat vestigium, nisi brachium dextrum maxime suggillatum, hinc de mortis causa proxima incertus primo medium & inferiorem ventrem, & cum in his nihil eorum, quæ ominabantur, offenderem, caput quoque aperiebam, nec in hujus cute, sed sub musculo demum temporali sinistro effracturam cum sanguine extravasato super durâ matre deprehendebam.

*Quæ-*



Quæro itaque, qua ratione quave arte sanguis sub calvaria extravasatus in hoc subiecto dignosci potuisset, cum, quid ipsi obvenerit, nemo deponeret, neque ipse vulneratus (secundum consilium *Hippocratis l. a. t. 10. & 15.*) interrogari potuerit, quid passus sit & quomodo? & per consequens, quid agendum fuerit? an terebrandum in casu, ubi morbi natura huiusque circumstantiæ latent; demum vero, an artificii culpa occubuerit miser hic? Hærebunt quoad bina priora quæsitæ omnes, postremis negative respondebunt prudentiores. Unde infero, vel propter has solas circumstantias percussione illam sua natura extitisse lethalem.

Pariter huius generis erit sanguis, qui e vasis in loco extra percussione locum, sive cum, sive sine, contrassura ruptis, emanat ac colligitur: de cuius extravasatione quamvis satis certi simus, eum nihilominus, quia de particulari ipsius situ haud constat, trepano protrahere vix conceditur, concederetur forsan, modo, ubi hæreat innotesceret. Item si quis percutiatur baculo exiliore, nulla vero primo ut altero die gravia patiatur symptomata, nec vulnus, aut superficiale tantum, compareat: qua conjecturandi arte fissuram cranii laceratave vasa sanguinea intelligeret, hinc qua temeritate perforationem cranii & educationem sanguinis, sibi ignoti, adornaret, Chirurgus? Quodsi interim moriatur ille ex improvise, uter horum causa mortis? an Læsus? an Chirurgus? an Percussor? Ultimus sane mihi omnium quam suspectus videtur.

Quod inter  
duram ac  
piam ma-  
trem hæreat.

Tertio sicut sanguinem, qui intra cerebri plicas & concamerationes, sub eodem, cerebello & sub dura matre hæret, modioli usum detractare plures mecum convenire superius monui, ita de posteriore, si in capitis ambitu superiore, immediate sub meninge fluctuet, hoc asserere, nimis durum videre poterat illis, qui ex *Glandorpil*, *Blankarti* & *de Heide* observationibus superius allegatis recordantur, aliquando sanguinem purulentum, ad spacium, huic ac tenui intermedium, depositum, incisa priore, cum vulnerati euphoria ac salute,eductum fuisse: quin tamen rupturis ut plurimum, adeoque per se lethali- bus ejusmodi casus accenseamus, singularia hæc nihil nos morari debent. Quatenus extravasatus hic sanguis indeve producta sanies non semper adeo sensibili, & ad protuberantiam usque meningis turgescencia, seu tendencia, qualem in historiis suis scriptores hi testantur, exitum molitur, hinc artis ministerium poscit: sed probabilius est, illum fluxibilitate & gravitate innata inferiora potius, quam superiora, capitis petere, adeoque v. g. ad basin cerebri, aut inter hoc & cerebellum se insinuare, unde, sane nulla arte elicietur; ut taceam, si in saniem putrilaginosam abierit, quod aliquando derepente fit; ejus congestionem sub involucri hoc sine piæ matris & cerebri substantiæ singulari alteratione seu corruptione vix fieri posse.

Quod dura  
matri tena-  
cius agglu-  
tinetur.

Nec ille sanguis, qui immediate sub calvaria, etiamsi circa bregmata, colligitur, trepano semper cedit, si nimirum quarto citius grumescens duræ meningi plus minus tenaciter agglutinetur ut in cadaveribus non, nisi duriori ratione, hinc detergatur, & lenta suppuratione seu putredine demum secernatur hinc forsan tarde satis per aperturam factam, excernitur, interim cerebri compagi vel mole, vel fracedine, molestus & œconomiam ejus brevi sufflam- minans ac destruens. Quam circumstantiam nihilominus a paucis, attendi, prohi- dolor! quotidiana edocet experientia.

Cerebri &  
cerebelli sub-  
stantie vul-  
nera quæ le-  
thalia?

Ipsius denique cerebri ac cerebelli plagas *Hippocrates s. 6. aph. 18. 3. coac.* 387. & *1. de morb. 1. 3.* mortales ait: qui nihilominus ex harum gravioribus quosdam evadere, præter experientiam frequentem scriptorum fide dignorum monumenta perhibent, quorum quædam in sectione prima allegavi, pluraque his addere possem, ex quibus in præsentiarum sufficiat a *Berengario de fract.*



*cran. c. 13. & a Volch. Coiter. obs. anat. chir. p. 111. producta exempla, cogitarunt, de limitationibus variis Chirurgi, quibus, quousque vulnerum horum lethalitas se extendat, definiret; quamvis vix adeo congruis phœnomenis quotidie obvenientibus haud adæquatis.*

Potissimum vero per discrimen inter cerebri corticis & medullæ plagas *Corticis æque ac medullæ.* ambiguitatem hanc declinare attentarunt: quasi corticali tegmini illatæ per se mortem minime inferant, semper tamen medullam penitiores penetrantes. Sed hos, quam inepti sint illi conceptus, docere poterant ex medullaris substantiæ profundiore aliquando laceratione non minus convalescentes, quam e corticalis vulnere succumbentes. Alii inter vulnera ventriculos penetrantia & non penetrantia distinguunt, v. g. *Fernel. 7. pathol. cap. 8. dum inquit: Si cerebri quæque substantia offenditur, ut facie fit cum amplificatum, id, (ut plenilunio) omnem calvaria capacitem implet, mens labat symptomataque omnia ingravescent, ac sæpe cerebri portio, non citra vitæ perniciem excidit. At si altius in cerebri ventriculos vulnus sit inflictum, aut si transfossi sunt oculi, repentina mors insequitur.* Verum cum non minus ventriculorum vulnera sanata, ac hos non penetrantia mortem attulisse, multis historiis, quarum nonnullæ sectione prima allegatæ, comprobari posset, merito & hæc distinctio phœnomenis cunctis solvendis haud adæquata erit potissimum cum ex pravo supposito, quasi nempe intra ventriculorum horum concamerationes spiritus animales elaborentur natales suas trahere videatur. Non is equidem ego sum, qui propter unum alterumque raro contingentium i. e. salutaria aliquando ventriculis cerebri vulnera, hæc e lethalium classe eximam sed illa per se mortifera utique pronuncio: minime tamen ideo, quod ventriculos penetrarit instrumentum lædens, sed quod magnæ cerebri portionis continuitatem solverit, antequam vacuitates has attigerit idem.

Puto E. in cerebri plagarum lethalitate determinanda hac ratione procedendum esse, salvis tamen aliis sagaciorum judiciis. *Primo* sc. respiciendum erit ad illarum magnitudinem ac profunditatem, pro quarum diversitate corticis æque ac medullæ substantiæ vulnera modo mortifera, modo non-mortifera, dici poterunt: prioris generis quælibet majora, posterioris salutaria, ceteris paribus, minora neque adeo profunda. Ita tamen ut medullæ vulnus, intuitu corticalis vulneris minus mortem nihilominus per se inferat, quatenus instrumentum percutiens ad hanc penetrare nequit, quin corticis totam profunditatem emetatur, simulque plura vasorum sanguiferorum laceret: item quod ob situs conditionem remedia vel plane non, difficulter admodum, eidem applicare concedatur.

*Alteram* conditionem formant vasorum majora minorave, plura aut pauciora, discissa seu rupta, per quam corticis æque ac medullæ vulnera uni subjecto exitiosa, alteri secus existunt: illud sc. si sanguinis ingens copia profusa partem vulneratam cum toto debilitet, aut intra meninges ac cerebrum collecta huic vim inferat. Spectant huc vulnera plexus choroidei, quorum hæmorrhagiam nulla arte compescere licet, cruor etiam ex hoc profusus recondita magis cerebri, imprimis medullæ oblongatæ principium, comprimendo & secum in putredinem vindicando, lethaliter afficit.

Hinc factum ut quidam ex modernis Chirurgis v. g. *Parr. in Hipp. de Vuln. capit. Wiesman of. Wounds & BlanKart. in collectaneis Med. Phys.* vulnera cerebri instrumentis secantibus inflicta, quia ut plurimum cerebrum non adeo graviter commovent seu concutiunt minus periculosa autument his, quæ a casu abscedant, alto, obtusis atque gravioribus telis lapidibus, &c. emergunt: ideo sc. quod hæc majorem in cerebro excitent tremorem ac concussionem hinc vasorum sanguiferorum rupturam nunquam non comitem habeant. Quam quidem circum-

*Ad ventriculos penetrantia & non penetrantia.*

*Circumstantia in lethalitate determinanda attendenda.*

*(1) Magnitudo & profunditas vulneris.*

*(2) Vasa sanguifera lacerata.*

*Vulnera capitis ab instrumentis secantibus minus periculosa iis, quæ a concussione.*

stan-



[3] *Commo-  
tio cerebri  
juncta.*

stantiam Tertio loco iis, qui super lethalitate deponere postulantur, commendo, cum vulnus cum concussione cerebri vix unquam sine ejusmodi ruptura & sanguinis profusione concipi queat, vel in cadaveribus reperiatur: unde fit, ut illud mox enormiora sustineat symptomata, sensuum nempe ablationem seu torporem insignem aphoniam qualia in plagis simplicioribus & acutis magis instrumentis concitatis, non, nisi temporis tractu & superveniente putredine ac sphacelo cerebri eveniunt.

(4) *Diversi-  
tas partium,  
hinc influxu  
spirituum  
destituta-  
rum.*

Quarto sicut ex Anatomicis nunc suppono, corticale cerebri ac cerebelli tegmen instar cribri glandulosi se habere, ex cujus acinis infinitis emanantes totidem fibrulae seu canaliculi medullares fluidum ibi secretum ad totam machinam hujusque cuncta organa dispensant: ita unam præ altera, tam corticis, quam medullæ, portionem vulneratam mortis causam existere probabile fit, illam sc. quæ visceribus nobilioribus & ad vitam vel immediate, vel mediate magis, facientibus, destinata seu quæ ratione vulneris nervis ejusmodi membrorum spirituum animalium influxum denegat aut intercipit.

Quales equidem cerebri tractus seu areolas nemo Professorum a priore determinare poterit; sed ex symptomatum, vulnationem ipsam mox excipientium, indole ac vehementia tantum, aut periclitantis vitæ termini brevitate eas, stochasticis satis rationali auguramur. Ita v. g. si singultus vulneribus ejusmodi superveniat, radices nervi phrenici, sine palpitatio cordis syncope & asphyxia, sine dyspnœa, tractus cerebri nervis cardiacis ac pneumonicis dicatos a vulnere laceratos perfectosve esse, probabile videtur: uno verbo ex symptomatis vitalibus, plagis cerebri, sine concussione illius supervenientibus, plus minus lethales has præsumere ac declarare convenit.

Præmonstratorem mihi hoc in passu reperio *Sennertum pr. lib. 5. part. 4. cap. 3.* dum vulnera cerebri, etsi hoc sit pars nobilis, quatenus cerebrum lædunt, minime lethalia existimat, sed quatenus ob eadem cordi & facultativi vitalis vis infertur, cujus sed cerebrum non esset, sed facultatis animalis. Hinc ubi prognosis de ejusmodi plagis formanda, distinguere inter symptomata animalia atque vitalia, quam accuratissime monet: judicando ex posterioribus semper casum quam desperatissimum ex prioribus neutiquam, cum ex vulneribus ejusmodi non raro sensus omnes interni ac externi motusque spontanei enormiter lædantur sine vitæ discrimine; si vero facultas vitalis inde periclitetur, mortem sequi necesse sit. Quemadmodum autem symptomata alia facultati vitali vel immediate, nempe pulsum læsum ac turbatum, respirationem deficientem seu suffocationem, vel mediate magis, v. g. actiones ventriculi & intestinorum depravatas ac intercerptas, vim inferre ex *sect. 1. repeto*: ita non minus hæc, ac illa, vires extremiter, absumentia, mortalia, & vulnus cerebri, quod ea patrat, mortiferum dici debet.

(5) *Exilitas  
vulneris.*

Imo quinto non contemnenda aliquando erit circumstantia vulneris exilitas, si nimirum hæc impediat, quo minus sanguinis extravasatus, in apicem prodeat, sed intus coacervatur, aut ad nobiliores magis ejus partes v. g. medullæ oblongatæ principium, se demittat. Monet me de hac historia, quam *Timæus Respos. medicin. 18. refert*, sc. *Nobilis quidam Silesiacus Francofurti ad Viadrum nocte illuni & tempesta per plateas divagatus in excubitores seu vigiles urbis incedit, a quibus in osse sinistro capitis ad suturam coronalem bipenni acuta punctim in hypochondrio autem dextro ense lato & hebetè casim, vulneratus illico concidit æporos, die tertio superveniente Epilepsia forti & convulsionibus expiravit. Cui casui ita hoc suum judicium subnectit. Vulnus in hypochondrio dextro pro lethali habendum non esse &c. Alterum autem in capite mortem intulisse nullum est dubium: fuit enim, ut apertione cranii conspeximus, valde profundum & utraque menin-*



gem ipsosque cerebri ventriculos penetrans angustum, ut sanguinis, cujus magna copia ad basin cerebri defluxerat, nullo modo evacuari posset.

In specie vero & sexto utplurimum, si non semper, & per se mortifera <sup>(6) Cerebrum cerebri partium.</sup> deprehenduntur corporis callosi, fornicis, corporum striatorum & medullæ oblongatæ tam crurum quam caudicis hujusque protuberantiarum vulnera, utpote non tantum partium, medullari cerebri substantiæ continuarum, sed talium quoque, in quibus ex utroque hemisphærio cerebri emergentes canaliculi fibrosi, tanquam in centro seu communi trunco, concurrunt, ac proin in quibus, exigua incisione seu laceratione plures ad organa vitalia abeuntium nervorum radices manipulatim quasi, præsecantur dilacerantur: de qualium furculorum læsione ex symptomatis mox ab ipsa vulneratione evenientibus, certiores reddimur, v.g. singultu aut vomitu effero, pulsu maxime inæquali inrermittente, idem dyspnœa &c.

Quemadmodum tandem & septimo hujus loci sunt plagæ cerebellum subeuntes, utpote quod motibus involuntariis intrinsecus, nempe cordis, diaphragmatis, ventriculi atque intestinorum, magis, quam cerebrum, videtur litare, quatenus par nervorum quintum, sextum, octavum, eisdem organis vitalibus dicatorum majorem ab illo, quam ab hoc spirituum animalium copiam recipiunt, prout nunc ex illis, quæ anatome moderna de nervorum intercostalium, octavi paris & phrenici exortu atque mutua implicatione nobis detexit, suppono. Imo si experientiam consulamus, vix unum forsitan observare continget, qui ex lacerato cerebello evaserit, cum plura passim obvia sint illorum exempla, quibus satis ingentia quoque cerebri vulnera coaluisse perhibetur, Referre huc mihi liceat experimentum, cujus *Perrault Mechanique des animaux part. 2. cap. 7. & Vieussens neurograph. lib. 1. cap. 20.* meminerunt: Nimirum animalis capite per superiora aperto, hincque dissecto & exempto cerebello, hoc illico mori, integro quamvis cerebro & medulla oblongata; contra insigniter satis in simili subjecto lacerato, imo evulso, cerebro, ut intactum maneat cerebellum, ad aliquot horas satis commode adhuc respirare animal ejusque cor palpitare. Idem in catellis junioribus, quibus calvaria adhuc mollior & futuræ hiscentes, per futuram sagittalem adigendo cultellum in cerebellum, tentavi, vidique eosdem post leviores partium externarum concussiones expirasse, remota vero calvaria in uno totam fere illius compagem perforasse, in altero ad medullosum ejus nucleum tantum penetrasse, instrumentum.

Quibus denique capitis læsionibus cunctis subnectere convenit *σάωσις*, i. e. <sup>Cerebri commotio lethalis.</sup> Agitationem seu commotionem cerebri, quæ quemadmodum modo pluribus reliquis capitis læsionibus major minorve combinatur, modo sine his a sola concussione illius contingit: ita in priore casu aliquando lethalitatis sociam, in posteriore solitariam, causam, illam auguror. Talem qui patiuntur, v. g. ex lapsu aut allisione violentiore, docente *Hippocrate 7. aph. 58. 3. coac. 370. & 1. de Morb. t. 3. ac Galeno in Hipp. s. 7. aph. 58. obmutescunt, sine sensu & motu concidunt, imo, nec apertis quamvis oculis vident, & fere seu utplurimum moriuntur*: uno verbo frangitur tali quassatione cerebri robur vehementer, ut munia sua peragere nequeat: qualem concussionem a sternutatione etiam experimur, interdum adeo gravem & lethalem, ut mos precandi salutem sternutantibus, etiamnum hodie solemnis, olim hinc originem ceperit.

Quorum quidem phænomenorum duplex sub cerebri commotione existit <sup>Duplici de causa.</sup> causa, i. e. quemadmodum hæc modo cum ruptura vasorum, cerebrum ambientium ac transeuntium, modo sine hac, fit: ita eadem symptomata gravissima aliquando a cruore extravasato, aliquando sine hoc, a sola partium cerebri quasi dislocatione & situ mutato, dependent. Ruptorum vasorum sanguineo-



Propter rup-  
ta vasa san-  
guinea.

neorum ex concussione capitis exempla infinita hinc inde ex Medicorum ac Chirurgorum historiis depromere liceret, neque ullus talium notitia destitueretur, cui cadavera ex percussionibus capitis defunctorum secare & lustrare concessum. Plura horum proin & ego enarrare possem, tria tamen tantum malo, utpote de vasis majoribus testantia. Anno 1674. d. 22. Septembris a quæstore Delitiano requisitus, Landsbergæ aperui calvariam Christophori hoc genere mortis trucidati, ita quidem ut mox sine sensu & motu cum stertore concidisset ac expirasset: in quo præter fracturas & fissuras ossium diversas cerebri a fragmentis lacerationes, item vasorum tam per ambitum hujus decurrentium, quam eidem intertextorum, rupturas, illum Carotidis arteriæ ramum insignem, qui intra fissuram cerebri dextram magnam, ab orbita oculi per maximam ejus hemisphærii partem abeuntem, reconditur, divulsum mecum viderunt Chirurgus atque adstantes. Anno 1675. d. 9. Maji a Nobilissimo hujus Civitatis Senatu vocabar ad pagum vicinum ut Vetulæ, quæ pariter ictu atque Lethargo & sub auditus loquelæque amissione obierat, caput inspicerem: & ecce, in hujus integumentis, nec mollioribus, nec durioribus, nisi inter cutem & calvariam tantillum sanguinis extravasati, aliquod violentiæ perpeffæ vestigium cernere licebat, inter duram & piam meningem vero, intra cerebrum & cerebellum ac sub basi utriusque multum cruoris, ex ramo sc. arteriæ carotidis sinistræ, ad vertebralem sub cerebro deflectentis, effusi. Denique postulatus Anno 1685. d. 15. Januar. a quæstore Sckeudicensi apervi cadaver Juvenulæ, sexdecim circiter annorum, & ex lapsu quarto die defunctæ, in cujus capite nihil omnino violentiæ effectus observare dabatur, quamvis cruor ex ore & naribus vivæ pariter satis copiosus promanasset, ac mortuæ promanaret: donec aperta calvaria & elevato cerebro Carotidum ramus sinister anterior ruptus sanguinis illius scaturiginem monstraret.

Vibratio ce-  
rebri tremo-  
rosi unde.

Pro illa autem cerebri vibratione lethali, quæ sine ejusmodi arteriarum aut venarum ruptura contingit, commodius concipienda, suppono ex mechanicis, dura quævis, hinc calvam quoque, non ex meris partibus seu machinulis solidis, sibi undique exacte contiguis, congesta esse, sed prout ex staminibus, non ex omni parte coherentibus, & quæ innumeræ porositates ac spatiola intercipiunt, in quibus stringi ac flecti possunt, eoagmentantur, ita eorum totam quoque compagem an ictu violentiore aliquantisper constringi, ejusque impetus momento cessante, denuo dilatari posse, percussa proin necessario tremiscere. Qui tremor in ossea hac galea fieri nequit, quin ad cerebrum & partes ipsi intertextas propagetur: utpote quæ illi non tantum contigua, sed per vasa &

Propagatur  
ad corpora  
contigua.

membranas continua, sunt: Imo, quemadmodum pariter ex doctrina percussionis hujusque potentia evinci posset, ( multis paradoxum ac impossibile visum ) vibrata calva cerebro motum, motu suo velociorem seu vehementiorem, imprimat, simili modo, ac pila simileve corpus super tabulam ligneam aut incudem ferream quiescens, ad harum percussione tremorificam velocius longe his, quæ ictus extrinseci vim immediate magis sustinent, exagitatur & in altum projicitur, quantum sc. spatium ambiens ipsi concedit; & proinde cerebrum ad calvariæ contusiones quatitur atque subsultat, ac quidem motu pariter tremorifico, plus minus, prout vel percussio major minorve, vel spatium in ejus ambitu amplius aut angustius, est.

Hunc a cal-  
varia quoque  
ad cerebrum.

Unde ratione prioris circumstantiæ evenit, ut innuente Hippocrate de Vuln. cap. 1. 13. ictus rectilinei obliquis ut plurimum gravius afficiant, imprimis perpendiculares & vertici illati: utpote quorum major est vis, in se perpendiculariter recurrens & quasi duplicata, hinc potentius non tantum quatit calvariam ac cerebrum, sed hoc vel ideo potentius, quod cranio illud hic vicinius sit, sique propius adhærescat. An vero spatium inter cerebrum & cranium in se-

nibus



nibus latius, juxta *Hollerii* in sæpius allegatum *Hippocratis* aphorismum *Scho- liaſten*, primaria & solitaria cauſa ſit, cur in his magis agitetur a percuffione cerebrum? vix aſſererem: cum naturalis ejus flacciditas & ſubſidentia, ætati huic ſolennis, ac ſpatii vacui amplioris cauſa, plus forſan lethali ejusmodi eventui litet.

Hujus enim meatus ſeu fibrulæ aut canaliculi medullares, tanquam nervo- rum primæ propagines ſeu radices, a vibratione ejusmodi comprimuntur, ſub- ſident, contorquentur aut quomodocumque tonus eorum vitiatur, imo illæ ali- quando propter ſummam ſui teneritudinem lacerantur, cunctis tamen his mo- dis œconomia ſpirituum animalium inſigniter turbatur, perinde ac a ſubſi- dentia cerebri alterius cauſæ apoplexiam lethalem *Platerus obſ. lib. 1. pag. 16. & Barthol. cent. 4. hiſt. 68.* annotarunt, cujus formalia ſymptomata, commotioni ce- rebri ſupervenientia, conſtituunt.

Et propter  
meatum ce-  
rebri contor-  
ſiones, ſubſi-  
dentias &c.

Velocius ſeu protinus ſub vibratione illa vehementiore eadem invadere *Hipp. loc. alleg.* tradit, quale quid nihilominus haud perpetuæ obſervationis eſt: qua- tenus non omnes, quibus cerebrum quaſſatum, mox aphony concidunt, ſed plures aliquando dies ſine ejusmodi proſtratione mediocriter ſatis ſe habent, qua- le quid *Dodonæus obſ. medic. 1.* perhibet, in quodam, qui baculo in temporum ſiniſtro, ad oſſis petroſi uſque fiſſuram ingentem percuffus, primo nonniſi, le- vi & interpolato ſopore, corripiebatur, poſt plures demum dies in gravio- rem degenerante atque enecante. Cui ſimilis eſt ille caſus, quem *Valeriolæ lib. 3. Obſ. 8.* debemus, quo Vinitor in ſyncipitis parte ſiniſtra lapide iſtus, ſine vul- nere, ſine fractura fiſſurave, ad aliquot dies ſine gravibus ſymptomatis ma- nebat, his demum poſt ſeptimum ſupervenientibus, moriebatur; ſub cujus calvaria multum puris & membrana aliquantum corrupta, comparuit. Præterea ipſe *Hippocrates 5. Epidem. agro 24.* quendam, a Macedone in caput percuffum, equidem mox corruiffe, (forſan notante *Pavvio p. 150.* potius præpercuffionis robo- re iſtusque vehementia, licet non pertubaretur cerebrum) tertia vero demum die voce & poſt hac ſenſibus privatum fuiſſe, refert: Ut vel ex hac ipſa Hiſtoria, cum in pluribus equidem, non tamen cunctis, præcipitem ejusmodi ſymptoma- tum metum incutere voluiſſe, inferendum veniat. Aut cum *Berengario l. a. cap. 5.* dicere oportet, aliud eſſe commotionem cerebri, ut talem, id eſt hujus medul- larium tractuum conſuſiones ſeu conturbationes, aliud ſub & cum ea contin- gentes vaſorum ſanguiferorum rupturas ac cruoris depletiones: quarum illæ, ſi vehementiores, quia ab iſtu ſeu allifione corporis durioris immediate dependent, repente ſeu ſubito mutos reddat, reliquiſque motibus ac ſenſibus privet: quæ vero ratione rupturæ arteriarum ac venarum tale quid patret, non ſemper mox ſub iſtus momento, ſed aliquando tardius, vim ſuam lethiferam exerat, poſt- quam nempe ſanguis putreſcit, & hoc modo ſpirituum diſpenſationem turbat.

Non omnes,  
quibus cere-  
brum concuſ-  
ſum, mox  
adeo duris  
corripiuntur  
pathematis.

Confunduntur equidem bini hi de cerebri exagitatione conceptus ab illis quoque Scriptoribus, quos Doctores bene meritos venerantur Prudentiores, Claſ- ſicos vocant temulentis præjudiciis occæcati: aſt ipſimet *Hippocrati* forſan illi injuriam faciunt, qui ſolius cerebri ſubſtantię vibrationis ſeu quaſſationis even- tum talem ait, nulla habita vaſorum ſanguineorum ruptura, horumque fluidi rejecti. Sunt ex Primatibus Artis noſtræ alii magnæ autoritatis, ex quibus bre- vitatis cauſa unicum *H. Augenium tom. 1. lib. 9. epiſt. 3.* loco plurium nomino, qui accuratius longe inter commotionem ſubſtantię cerebri, & ſi per vehemen- tiam conſuſionis aliquæ venæ in cerebro fuerint abruptæ, indeque ſanguis effuſus ac putreſactus mortem attulerit, diſtinguunt: quorum prius ſine altero, i. e. quaſſationem cerebri ſatis violentam & lethalem abſque vaſorum ſanguineorum laceratione, a capitis conſuſione aliquando evenire poſſe, frequens evincit ex-



perientia testanturque modo nominatus *Berengarius l. a.* atque *Wiseman. of Wounds cap. 9.*

Quæ cerebri  
commotio le-  
thalis?

Quod si E. a commotione cerebri, proprie tali, quis moriatur, ejus percussione per se lethalem, pronunciarem, si nimirum pathemata hinc emergentia non solam facultatem animalem, sed simul vitalem, mox enormius turbarent, & remedia, alias congrua, eis amoliendis aut solvendis haud suffecerint. Prout enim de vulneribus cerebri dictum, eorum quædam hoc, alia aliud, accidentium, plus minus lethalium, genus concitare, diversis nimirum ejus partibus seu tractibus præfectis: sic probabile est, ab agitatione cerebri graviore modo hos, modo illos, nervorum furculos seu fibras radicales, præter naturam conrortari, comprimi, laxari, tendi &c. ac pro harum disparitate alia atque alia phænomena morbosa fieri. Dum v. g. *Heurnius in Hipp. 7. aph. 58.* quosdam *σείων* ejusmodi perpeffos tota vita sua ad gustandi & odorandi potentiam non rediisse, narrat: *G. Segerus Miscel. Nat. Cur. Dec. 1. ann. 2. obs. 120.* in alio ex casu obmutescentiam sine ulla insuper læsione, tandem curatam, testatur; quale quid pariter de quodam, cum insequente tamen post octiduum morte, *Blankert. Collect. Med. Phys. cent. 4. obs. 28.* perhibet. Quibus demum adstipulatur *Berengarius l. a.* dum ait: *Post concussiones atque agitationes cerebri, secundum nervos ruptos, ad quæ vadunt tales, varia evenire accidentia:* qui textus verba quamvis spissiorum Cephalotomis de nervorum tantum ex cerebro emanantium caudicibus intelligenda videantur, quin tamen ad radices quoque eorum extendi queant, nihil impedit: cum quæ occasiones radici subtrahunt fluidum animale, ipsi quoque nervo hoc intercipient.

Sin itaque nervorum cardiacorum, thoracis, phrenicorum, ventriculi &c. furculi radicales, i. e. nervi hi sub primo statim sui ex cerebri medullæ exortu, per hujus generis vibrationem figuram situmque mutant, eorumve tonus eoque vitietur, ut vitalium functionum una vel plures graviter hinc turbentur. Contusionem capitis, quam lethalia ejusmodi symptomata, propter cerebri insigniorem commotionem, mox excipiunt, mortalem per se præsumere sana ratio suadet. Quæ vero ratione sanguinis extravasati tale quid præstat, pro circumstantiarum illarum, de quibus superius, ubi de ruptura vasorum, occasione fracturarum calvariæ, dicebatur, disparitate, modo per se, modo per accidens solum, lethalis audiet.

A commotione  
Cerebri  
vehementiore  
abscessus  
Pulmonum  
Hepatis &c.

Atque illud quidem in iis eo certius, quorum cerebrum concussum in consensum adeo evidentem interiora thoracis atque abdominis abripit, ut pulmonem cum pleura, Epar ac lienem inflammari, hinc suppurari contingat. Penes antecessores hujus generis observationes legere vix datur, testantur tamen lethales *P. Marchettis obs. med. chir. 15.* Scriptor ille anonymus *Gallus L'art de faire les rapports*, cujus aliquoties memini p. 80. 81. atque *Ant. Pacchionus de duræ meningis fabrica & usu.* Apostematum horum ætiologiam redditurus *Marchettis l. a.* ex dolore colli conjuncto sibi persuadet, a vulnere capitis ad thoracis cavum delabi horum materiam: quæ longiore mora pulmones ac pleuram erodat, ex quibus sanies ad abdomen defluens in jecore ac liene pustulas excitet, quibus disruptis materia purulenta in abdomen deponatur. Quamvis mox addat; alios de ratione hac fiendi hæsitare, ac potius credere, abscessus in visceribus his, sine metastasi saniei ex capite oboriri: ideo imprimis, quod vix appareat, qua ratione adeo copiosum pus, quo mediam thoracis & abdominis cavitatem in plerisque fuisse refertam ipsemet commemorat, ex capite ad inferiora hac delabi queat. Quibus adjicio, nec per sectionem cadaverum ejusmodi manifestari vias seu meatus, per erosionem factos, per quos devoluta fuerit ad thoracem ac abdomen purulenta hæc materia; nec longiore de-

Unde horum  
materia.



denum temporis mora semper illam congeri, sed interdum brevius post factam percussione[m], v.g. intra triduum, intra quod exile tempus ille *Anonymus* ex ingente epatis abscessu cujusdam capite vulnerati plus quam septem uncias se eduxisse, pulmonisque totam substantiam pure suffusam se vidisse, perhibet; qualis humoris corrupti moles forsan e cerebro nunquam foret expectanda, utpote quod in ejusmodi casibus raro simul suppuratum cernitur, dum in capite indigitati subjecti nihil nisi exiguum sanguinis congrumati, reperire licebat. Idem confirmat observatio *Pacchioni*, qua refert, quendam in occipite vulnus accepisse, nullis pravis signis hactenus comitatum, donec post octuagesimum a decubitu diem fragmenti, Meningi adhærescentis, rudior extractio totius corporis concussione[m], partium cunctarum refrigerationem, sudorem gelidum, pulsum admodum debilem & dolorem intestinale[m] concitarit. Quo evanescente tensionem abdominis factam, manuum compressioni aliquomodo extrinsecus cedentem, interius vero valde dolorificam, cum inflammatione & exquisitiore dextri Hypochondrii sensu, bilis vomitu & tertia die morte insequente. Nihil puris intra Calvariam defuncti, sed aliquam tantum serositatem, in Epatis autem gibbo abscessum insignem, ex quo feri ac puris crudi copia in abdominis cavitatem profluxerit, fuisse deprehensum. Ex quibus concludendum, graviores cerebri concussiones tam in se, quam per abscessus ejusmodi medii ac infimi ventris, mortiferas maxime contingere: adeoque in eorum, qui ex capitis percussione obierunt, cadaveribus etiam horum extispicia fore instituenda, quo nimirum de singulis circumstantiis satius conslet.

Addo denique his capitis ac cerebri contusionibus atque concussionibus illam, ubi loco sanguinis lymphæ seu serum extravasatur, & ad cerebri interiora, v.g. ventriculos depositum, vel solum, vel propter illius tractus medullares simul turbatos atque distractos, enecat: quorum hoc celerius ut plurimum & cum gravioribus mox symptomatis, illud lente satis, contingit. Rem ita se habere, variorum Auctorum observationes comprobant, v. g. *Joh. Chiffletii obs. rar. II.* qui puerum, 14. annorum, postquam caput casu ex alto allisisset, it. a commilitonibus in dolio rotatus fuisset, in levissimam febrem, stuporem instar temulentiae ac dolorem capitis incidisse, subinsequente vero obmutescencia dentiumque stridore duos post menses mortuum, & ejus cerebri ventriculum dextrum aquæ libram unam continuisse, refert. Cujus quoque generis est, quod *Berengarius cap. 13.* de nepote Cardinalis Strigoniensis perhibet, se ex capite hujus insigniter vulnerato, seu ampla fovea in cerebri substantia excitata, copiosam aquam, per vices coacervatam, avacuasse, sexagesimo vero die hujus portionem de novo collectam & coarctatam Epilepsiam cum rigore & tremore universali concitasse, qua tamen denuo evacuata vulnus consolidatum & æger pristinae sanitati restitutus fuerit. Porro *Bonetus Sepulchret. lib. I. sect. I. obs. 13.* de puero septenni ac ingenii vivacissimi narrat, eum, cum supinus ex sedili in occipitium graviter cecidisset, mox de ingente capitis dolore, nullius læsionis notis exterius comparentibus, conquestum fuisse, cum insequente vero decimo die ischuria, decimo quinto satis cessisse. Sub craniî integumentis dissectis in occipitio, ubi ictus fuerat, amplius libra una sanguinis concreti, in anteriore capitis parte, inter cerebrum & meninges ingentem feri copiam, delituisse. Refero huc bina exempla, quorum alterum amici relationi debeo, alterum propriis usurpavi oculis. Sc. narrabat prior se Amstelodami apud Blasium vidisse Cranium pueri hydrocephalo defuncti, quem contraxerat, quod nutrici ulnis seu sinu elapsurum hæc pede altero comprehensum violentius levarit atque succusserit. Ego vero a. 1683. d. 7. Jun. postulatus a Prætoribus hujus civitatis in suburbio aperui caput pueri septennis, qui baculo in caput percussus,

*Commotio cerebri cum Lymphæ evacuatione.*

*Observatio.*

*Observatio.*

post



post cephalalgias, modo vigilias, modo somnolentiam, vertiginem, convulsiones capitis, motum atq; erectionem impeditam ac pedum vacillationem die vigesimo sexto occubuerat, in quo nullum violentiæ externæ vestigium, præter concamerationem ventriculorum anteriorum sero limpidissimo scatentem, hincque corporis callosi portionem, intra bina hemisphæria cerebri conspicuam, maxime attenuatam seu distentam, annotavi.

Contra ab ictibus ejusmodi capitis gravioribus extravasatum serum, quandoque cum euphoria per aures excretum, testantur nonnulli, v. g. *Lancelottus Miscell. Nat. Cur. Decur. 1. ann. 6. obs. 12.* Certum nempe Principem Romæ ex lapsu ab alto tam valde capitis latus sinistrum lapidi impegisse, ut semianimis absque sensu, motu & loquela ad integrum fere diem jacuerit, venæsectione tantillum ad se revocatus: ita tamen, ut abhinc cephalalgia immani & continua presso a Medicis trepanum decretum fuerit. Quod dum capiti admovebant, ex sinistra aure latex quidam serosus stillare incipit, qui Medicos ac Chirurgum ab operatione desistere & naturæ molimen admirari jubent, cujus robore primum duæ ad minimum & successive octo libræ feri fuerint excretæ. Cui similis videtur hystoria, quam *Cornel. Stalpart van der Wiel. obs. rarior. part. 1. obs. 15.* describit, femellam nempe quandam cono ligneo in bregma sinistrum percussam omnem sensum & motum perdidisse, vomuisse & tantillum sanguinis ex aure ejusdem lateris profudisse, cum levi saltem cutis laceratione, aut sine omni calvariæ fractura: quæ tamen post venæsectionem aliorumque congruorum applicationem ad se redierit & per quinque continuos dies multum aquæ serosæ, duarum circiter librarum, cum euphoria & ad reconvalescentiam usque excreverit.

*Lympha ad cerebri interiora extravasatio lethalis.*

Unde hoc serum sit, vel quæ ejusdem, ab ictibus capitis violentioribus, extravasationis ætiologia, disquirere hujus loci vix videtur, nec ego, an ex vasorum lymphaticorum, cerebro intertextorum, utpote, nondum a prosectoribus visorum, ruptura, an medullarium cerebri meatuum laxitate similive morbosa constitutione, hincque feri motu impedito seu eructatione: tale quid dependeat, determinare præsumo: illud præsentis magis instituti videtur, an profusio & circa medullium cerebri facta congestio, si symptomatis lethalibus occasione extiterit, per se lethalis dici mereatur? Quod equidem asserendum puto, quatenus sub calvaria, multo magis intra cerebri ambitum, contingens hydrocephalus nullam curationem admittit, i. e. aqua, ut causa mali continens seu proxima, nulla arte educi valet: unde tractus cerebri comprimendo necessario sensuum omnium torporem aliaque symptomata lethalia, pedetentim inducit, vel de laxitate meatuum cerebri extraordinaria, secretioni ac dispensationi fluidi nervei exitiosa, testatur.

*Object.*

Nihil enim movet, quod *du Hamel Philos. Vet. & Nov. tom. 6. seu phisic. part. 3. c. 6.* ex relatione Dodardi profert, sc. illum diversis temporibus duorum infantum, hydrocephalorum, capita aperuisse: quorum anteriores ventriculi, cum tertio unam & continuam cavitatem efficiens, aqua pura & lim-pida quamvis turserint, uterque nihilominus eorum aliis morbis; qui nullo modo capitis affectus dici potuerint, laborarit & citra omnem convulsionem interierit; hincque aquam intra cerebrum conclusam apoplexiam haud inferre, con-

*Resp.*

cludit. Quippe utut talis colluvies non semper & mox symptomata graviora cerebri ac generis nervosi inducat, & aliquando ex alia causâ mors præmatura hydrocephalo affectos, antequam illa vim suam in organa illa abunde exer- rat, tollat, quale exemplum *Vesalius* quoque *de hum. corp. fabr. l. 1. cap. 5.* proponit: particularia tamen & rariora hæc phænomena tantæ consequentiæ haud sunt, ut eos, qui morbo hoc, sive per causam intrinsecam, sive violentiam



nam externam, concitato, defunctos non a feri hac congestione succubuisse, evincant. Plus dubitandi rationis evolvit dignotio, qua certi reddimur, an, *Dabium, an hoc serum a procatarxi, an a percussione?* quod intra calvariam reperitur, serum percussione seu collisionis, an potius causæ cujusdam internæ & antecedanæ, productum sit? i. e. ex symptoma- tum collatione semper equidem recte inferimus, colluviem illam horum & mortis insecutæ causam existere; rarius vero determinari potest, an hæc aliquandiu jamdum latitarit, an a violentia externa promanarit.

Atque hæc de lethalitate percussionum capitis, pro instituti ratione sufficere crederem, nisi frivolos homicidarum defensores, ne dicam, Medicos artis ignaros ac malitiosos, variis technis, imprimis per medelam minus decenter administratam, illam suspectam reddere nossent; quidem in parte generali me satisfecisse puto. Inter hos tamen defectus quia frequentius trepani usum neglectum perperam referunt, & per hunc vulnus capitis per se lethale, aut per temerariam peritiæ jactantiam, aut mercedis cruentæ aviditatem, per accidens tantum tale pronunciare satagunt: pro negotio hoc adæquate ventilando opus esse ratus paucis adhuc, quod olim in dissertatione quadam *de trepanationis difficultatibus* tentaveram, innuere casus in quibus Chirurgia hæc necessaria, seu in quibus, non sine imperitiei culpa, negligantur. Quo ex his demum plenius constet, quando illa male & in perniciem vulnerati fuerit omissa, sicque non tam vulnerantis violentia, quam vulnere inflicto medentis errore, illum periisse seu percussione per accidens demum lethalem evasisse.

Sc. utilitatem ac necessitatem modiolii experimur, seu secundum rectam rationem ejus applicationem suscipimus, non in quibusvis capitis plagis, secundum *Petri Martyris Troni* doctrinam, neque tamen tantum ex Præcepto *Lanfranci*, ubi os calvariæ, fractum inclusum *ἐγκέφαλον* premit aut pungit: sed: *Hippocratis*, *Galenii*, *Celsi* ac plerorumque, antiquorum pariter ac modernorum, sententia, in quibusvis ejus percussione, ubi aliquid p.n. sub cranio hære auguramur, quod per hanc ejusdemve fracturam angustiores progredi ac educi nequit, tollendum tamen vi primariæ indicationis. Id est non ipsa capitis læsio fracturaque calvariæ, ut talis, Chirurgiam hanc perforatoriam postulat, hincque nullius consequentiæ pronunciatum: capiti, gravius etiam sauciato non administratus fuit modiolus, E. hic percussus culpa negligentius medentis & ex accidente, periit. Sed certæ demum ejus conditiones seu adjuncta, h. e. quicquid occasione percussione similive violentiæ externæ aut ad *ἐγκέφαλον* detrusum delapsumve huic graviora symptomata parat, aut cujus descensum metuer jubemur. Prioris generis sunt præter ab extra immissa telorum fragmenta &c. cruor, sanies lympa & calvæ frustula, quæ sui edictionem exigunt, ne mole premant, acrimonia seu heterogeneitate rodant, vellicent ac asperitate lacerent atque mortificent: Posterioris classis observamus saniem, rodentem pariter ac sphacelantem, quæ, ex osse plus minus contuso hinc carioso facto aliquando etiam sine evidentiore fractura ad interiora capitis distillat.

Quorum tamen educationem morantur & Chirurgiam hanc, penes peritos æque ac imperitos adeo decantatam, difficilem reddunt, aut, si de educendis his horumque situ ac loco specialiore minus certo constet, hinc deficiente seu ignorato indicante deficiat indicatum; aut illa commode educi renuat: sive hoc pariter ratione eorum situs, sive alterius cujusdam circumstantiæ, contingat. Cruorem a percussione capitis extravasari, tandemque in pus saniemve converti ex cadaverum sectione quam manifestum est; in percussis ventibus vero difficillime, dignoscitur, imprimis si nulla, aut non evidens, simul contigerit fractura. Ex ictus gravioris momento fractum cranium, rupta vasa sanguinemque effusum ominamur: quia nihilominus illius impetum ma-

*Frequentius propter Trepani usum intermissum per accidens tantum lethales pronunciantur Capitis percussiones.*

*Trepani usum quæ postulant?*

*Ab ejus usu neglecto excusant.*

*Si heterogenea s. educenda minus dignoscantur.*

*Fallit ictus gravitas in sanguine extravasatio dignoscenda.*



maiores tale quid non semper patrare, leviores aliquando profundius lædere, crebrius edocemur: hinc formata conjectura illi percussione adjuncto seu effectui minus deprehenditur adæquata postquam ipsam fracturam sensibus semper dijudicare haud conceditur; signa ejus aliquando nulla, aut fallacia admodum, existunt: prout superius prolixè satis indigitatum dedi assentiuntur etiam in hoc omnes artifices. Nec symptomata vehementiora quæ extravasationem ejusmodi comitantur, sc. prostratio in humum subitanea, vomitus biliosus, oculorum rubedo, aphonia, torpor sensuum &c. commotioni cerebri incruentæ, i.e. meræ & sine vasorum ruptura factæ illius concussioni adeo infrequentia observantur, ut necessario ac semper vasorum sanguiferorum rupturam innuant: eadem aliquando evanescent, hinc Chirurgum securum reddunt, donec ex improvviso & cum majore atrocitate recrudescant ac operationem irritatam faciant. Neque his casibus perpetua & inseparabilis est Sanguinis per nares atque aures eruptio, quam inter signa certiora extravasationis hujusmodi numerant, sed hujus majori ac graviori tantum gradui combinatur: cum nihilominus tantillum cruoris, quod sine notabili cerebri successione ac durioribus symptomatis sub calvaria colligitur, temporis tractu, aut dum in saniem convertitur, horum lethalia patrat. Haud audiendi, qui, quod in ictus momento percussus non ceciderit, non vomuerit, viderit audiverit &c. ejus calvariam integram & illasam nihilque sanguinis sub illa extravasatum ajunt: postquam experientia convincimur, cranium aliquando sine ullis aut majoris momenti symptomatis, non tantum leviter contundi, sed enormius quoque confringi.

*Lymphæ extravasatio, difficilius quoque dignoscitur.*

*Dubia pariter Saniei collectio.*

Difficilius longe est lymphæ dignoscere profusionem, nisi evidens cerebri contusio eam suspicari faciat: extra quem casum, quia tardius ut plurimum congeritur, symptomata ejus aut nulla, aut leviora observantur, aliquis tantum nempe sensuum stupor, capitis gravitas, ac dolor, vertigo, somnolentia cum vigiliis intercalaribus. Saniem ex cruore productam auguramur, & quidem temporis demum tractu, ex commotione cerebri graviore antedanea &c. vasa rumpente, ac symptomatis quotidie ingravescentibus, juxta illud Hippocratis, dum pus fit febris ac dolor augetur: quam tamen dum educere molimur, res ut plurimum deprehenditur desperata, hinc irrita operatio. Et naturæ miraculis adscribendum, quod in Juvene phrenetico Veneto testatur H. Saxonia prælect. præct. part. 1. c. 3. cui suborto abscessu, purgata fuerit sanies per aures, oculos & nares: quemadmodum pariter, quod penes Glandorphium Specul. Chir. obs: 4. legimus, de quodam pugili, cum graviter in capite vulnerato tertia die gravia supervenirent symptomata, ut suspicio de materia quadam præter naturam sub cranio collecta contingeret, hoc cum dura matre aperto ingens saniei copia effluxit & æger sanitatem recuperavit.

*Nec puris collectio semper admittit trepanum.*

Neque tamen in hoc casu a calvariae perforatione aliquid certi promittendum, & pauci illorum quibus ejusmodi suppuratio aut potius corruptela saniosa contingit, evadunt, sanie quamvis copiosius promanante, perinde ac illis, quibus extravasatio ingens parum spei superesse videtur. Per moram nempe diuturniorem, quam, antequam, in pus abeat, sub calvaria trahit cruor, decubitu interim suo multum hujus partium contentarum corrumpit: atque hoc equidem eo magis, cum non verum, e sanguine extravasato hic formetur pus, sed in liquamen potius putrilaginosum idem convertatur; quod fœtor ejus cadaverosus aliaque phænomena, quibus a pure ingenuo illud quam alienissimum observatur, innuunt. Proin tunc demum & tardius hujus corruptelæ se exerentia symptomata equidem materiæ substantia peccantis educationem suadent, corruptio-

nem



nem tamen atque fracedinem simul enormem, quæque omnem artis vim superat simul declarant.

Quæ vero sanies occasione fracturæ ex diploes vasis laceratis in panniculo destillat, nisi hæc evidens & gravioribus mox symptomatis illa se manifestarit, vix cognoscitur, ad minimum non in principio morbi ac tempestive, sed ubi virium lapsus Chirurgiam generosiores prohibet; i. e. frustra patet, cui mederi haud conceditur. Quinimo in illa fracturæ specie, quam contusionem ac defessionem ajunt, medulla vasculoso-carnea, tabulis calvariæ intertexta, modo laceratur, modo comprimitur, hinc sanguis vel ad diploen profunditur, vel intra vascula compressa stagnat, sub utroque statu putrescit, & os ad inflammationem usque corrumpit: ita quidem ut hujus tubus aliquando panniculo instillatus hunc cum cerebro ad lethalitatem usque sideret, in uno subjecto citius, in alio tardius, i. e. aliquando post plures demum septimanas: ne dicam totidem menses, prout historiæ a *Paw in Hipp. de vuln. Cap. p. 82. & 91.* enarratæ testantur. Qualis vitii medela modiolum frequentius postulat, antequam nimirum os contusum per moram corrumpatur & ejusmodi ichorem offi vicino pariter, ac substratæ membranæ corruptivum generet: de eodem nihilominus experimur, difficillimæ satis conjecturæ illud contingere. Quod in osse nulla sensibilis aliquando contingat mutatio, nulla relinquatur & compareat in hoc vel exilissima rima vel fovea: Dum, advertente *Fallopio & Vertunio in Hipp. de Vuln. cap.* ejus compages ab ictu compressa depresso mox in statum seu formam pristinam, sc. per elasticitatem suam intrinsecam, resilit ac restituitur; quatenus in eadem continuum, non juxta magnas, sed minores & intrinsecas tantum, sui particulas, i. e. per meram attritionem, solvitur.

*Nec in Defessione Trepani usus semper locum habet.*

Quod demum festucas & fragmenta majora minorave calvariæ, tabulæ potissimum interioris, attinet, membranæ ac cerebro diversis modis molesta, præter fracturæ ac commotionis cerebri cetera signa dolor equidem, cum insequente partium harum inflammatione hincque delirio aut torpere talia innuere creditur: quia tamen dolor hic aliquando non, nisi confuse, a percusso, sub delirio torporeve, sentitur, aut de eodem ille conqueritur, nec a dolore ipsius Fracturæ squammæ pungentis vellicatio commode semper discernitur. Neque fragmenta ejusmodi, si vel minus aspera, vel læviore sui superficie membranam contingunt, molestiam semper sensibilem concitant, adeo quidem ut talia interdum in cadaveribus reperiantur, quæ in vivente adhuc subjecto nullo modo augurari licebat: incerta hinc quoque manent horum signa, & manus Chirurgi prudentis hæsitat in educatione eorum per trepanationem tentanda.

*Nec Fragmenta offis semper usum Trepani innuunt.*

Porro educitio ejusmodi hæterogeneorum, calvariæ immerforum dubia manet, quamdiu dubii hæremus de particulari eorum situ: i. e. an sub bregmatis, an sub temporum, an occipitis, ossibus, an super oculorum orbitas, in calvariæ basi, in cerebri substantia ac ventriculis &c. lateant. Atque hoc quidem, si regionem capitis percussam ignoremus, si contrassura subsuerit, plures ictus forsan sustinuerit æger: ut taceam, hæterogenea hæc aliquando pristinum situm mutare & ex altiore loco ad profundiores volitari. Qualis sane circumstantia ancipites nos reddit, cui capitis loco admovenda sint instrumenta, labitur interim tempus & cumulantur symptomata.

Quibus ita se habentibus nemini Medicorum ac Chirurgorum vitio verti potest, si in rebus adeo obscuris, & quas nulla sensus ac rationis acies in apri- cum ponere valet, hallucinentur ac fallantur, & subesse sibi persuadeant cruo- rem extravasatum, festucam &c. hære hæc in illa capitis provincia, unde modiolii ope educi queant, haud cogitent de alia, quæ sedes eorum vera existit.

*Non præcipitanter cum trepano agendum.*



Propter Trepani neglectum vulnere Capitis haud semper per accidens lethalia evadunt.

Situs fluidorum dignotio difficilis aliquando usum Trepani dubium reddit.

fit. Postquam nempe in illis & horum circumstantiis singulis pensandis assiduitatem & peritiam suam comprobarunt: utut eos errasse eventus doceat: nec negligentiae aut ruditatis accusandus, qui capite vulneratum, sub cujus calvaria, post obitum secta, cruor, sanies, fragmenta ossis &c. repuriuntur, haud perforavit, multo minus plaga, ob intermissam hanc Chirurgiam, per accidens tantum lethalis pronuncianda. Eodem siquidem jure, quo veniam meretur, qui in casu, quo cum indicante prohibentia majoris momenti concurrunt, calvariam haud perforat, nec ob neglectam operationem vulnus minus lethale evadit: nec quamdiu de cruoris extravasatione, sanie fragmentulis latentibus &c. horumque situ specialiore incertius, erroris convinci valet, qui illa educere minus molitus fuit; & plaga ejusmodi, ob dignotionis difficultatem, insanabilis seu per se lethalis jure meritoque decernitur.

Accedit huic dignoscendi difficultati alia, hoc est, heterogenorum illorum conditiones diversae, per quas sui educationem plus minus detrectant, quarum forsitan in fluidis frequentior & majoris momenti est situs seu descensus eorum profundior, ratione cujus trepanum non admittunt, aut irritam reddunt operationem, si sc. in ipsam cerebri substantiam, ventriculos aut basin fuerint profusa. In cruore extravasato simul attendi meretur, eum nonnunquam sub calvaria eousque condensari, ut duræ meningi instar glutinis spissioris aut picis adhærescat, hincque in cadavere vix multo conatu ac ferramentis deradi queat. In quali sane casu a perforatione calvariae parum sperari valet, dum agglutinatius hic panniculo grumus per aperturam factam protinus haud excernitur, mora vero diuturniore, imo forsitan intra nonnullas horas, ἐγκέφαλον ad Apoplexiam usque lethalem comprimit, aut successive, dum in pus abit, idem graviter corrumpit: quod phaenomenon nihilominus nulla arte dignoscere conceditur. *Johannes Baptista Carcanus Leonis* equidem de vulnere capitis serm. 2. lect. 5. coagulum hoc diffitetur, seque sanguinem sub osse extravasatum nunquam grumofum conspexisse, scribit, alios quoque idem asseverasse, memini: talem nihilominus hinc inde offendi, expertus testor, provocans simul ad aliorum Medicorum autopsias; censuræ Collegii nostri expositas. Regerere ac discernere commemoro negantes, congelationem hanc in cadaveribus demum evenire, neutiquam in iis, qui adhuc superstites: aut vidisti fluidum cruorem in vivorum olla? & quid obstat, quo minus in viventibus talem concipiamus sanguinem extra vasa rejectum; intestino ac locali motu destitutum; postquam ex partibus vivorum suggillatis v. g. in capite ipso, per factam incisionem grumos spissiores educi comperimur.

sc. quod situs festucarum educendarum variet.

Fragmenta ossium pariter aliquando situs ratione sui educationem morari per experientiam edocemur, dum a fracturae loco ad alium interdum in ipso ictu illato hujusve instrumento dimoventur, cujus exemplum d. 12. Febr. 1686. Budissa ad nos delatum, ubi fragmentum ossis bregmatis sinistri in & ab eodem sub calvariam longius detrusum, in quodam, ablata hujus summitate reperiebatur, quod per fracturam, quamvis patulam satis, cerni non poterat. Adjuta forsitan horum devolutione aliquando per motum quendam corporis aut capitis incongruum, aut si fracturae vel aperturae trepano factae linteamina similiave improvide subtrudantur, sicque testæ dictæ de loco suo propellantur. Aliquando a profundiore cranii parte effracta haec officula secedunt, quorum extractioni nullum instrumentum, proin nec modiolus, adaequatum deprehenditur, v. g. ab ossis sphaenoidis processu, Crista Galli &c. aut cerebro desuper quoque profundius immerguntur ut nec reperiri, nec eximi, commode valeant. Cujus utriusque casus exempla in uno subjecto, suppeditant acta Pegaviensia, lethalis proin per se a nostro Collegio anno 1705. mense Julii pronunciati: utut aliquot a per-



percussione dies melius se habuerit æger, cessarint aliquandiu febris, vomitus ac vertigo, illeque demum per diætæ errores evidentes febrem de novo cum aliis symptomatis gravioribus sibi contraxerit. Quibus accedit tenacior testarum, vel ossi vicino, vel duræ matri, adhæsiō, cujus ratione sine summo aliquando periculo illæ se avelli haud patiuntur, quamvis earum celerem remotionem urgeat dolor, quem lacerando aut pungendo meningibus ac cerebro gignunt. Cujus rei singularem historiam *Ant. Pacchionus de dura matre obs. 3.* recenset de Septuagenario, qui in occipitio vulnus, nullis pravis signis comitatum acceperat. In quo cum post octuagesimam a decubitu diem Chirurgus ossis, meningi paulo adhærentis, extractionem prope futuram lambdoideam tentaret, repentina totius concussione partiumque singularum refrigeratione hic correptus fuerit, sudore insuper gelido, pulsu imperceptibili, doloreque ad intestina: quo evanescente tensio in abdomine apparuerit, manuum pressioni aliquoties extrinsecus cedens, interius vero dolorifica; cum inflatione exquisitioreque dextri hypochondrii sensu. Accesserit his bilis vomitus & tertia die mors.

*Harum eductionem quoque moritus earum firmior cum interioribus nexus.*

Impedit denique hanc Chirurgiam aliquando temporis brevitās, seu subitanea nimis fauciati expiratio: vel quod non mox in principio adeo prava symptomata illam festinantia observentur, nec de circumstantiis ejusmodi constat, unde talia imminuere metuendum, vel quod præsto sint Symptomata, si non prohibentia, certe retardantia, eandem, v. g. Hæmorrhagia gravior. Cujus intuitu etiam, si sine Integumentorum mollium vulnere Capiti contigerit læsiō, hinc arte prius fuerit perandum, non ab ipsa mox facta incisione trepanum ad moveri valet, sed altera demum die & fluxu sanguinis, qui eam necessario comitatur, sedato; vel quod hic in languorem ac animi deliquia conjiciat percussus, hinc perforationem interpellat; vel quod hanc ipsam & Operatorem in negotio hoc ex arte expediundo turbet. Interim dum perit miser, culpa in illum minime conjicienda, utpote qui officium suum haud negligit, sed in hoc peragendo impeditur: linoquit vulnus per se, non reddit, per accidens, lethale.

*Item temporis brevitās, si non adfuerint Symptomata Chirurgiam hanc postulancia, observentur potius prohibentia.*

Ex quibus discernere erit, quando in plagis capitis trepanatio aut secundum, aut præter rationem sanam negligatur, quando hujus omissio earum lethalitati deroget: quamvis minus dubitem, hujus generis plures mergere posse casus, qui pro Chirurgis, qui modiolum non applicarunt, interpellent.

## C A P. II.

### *De Medullæ spinalis & nervorum vulneribus lethalibus.*

CEREBRI productio quasi caudex cum sit spinalis medulla, ita tamen, ut cinerea substantia, qualis corticis ad instar cerebri compagem medullarem involvit, ab hac in spinali medulla obvolvatur, & ratione hujus situs diversi cerebri inversum commode satis forsan dicatur, hujus quoque & spinæ læsionum examen, intuitu lethalitatis huc refero: adeo quidem, ut, dum conformatione & officio ipsi cum cerebro convenit, ideo etiam a *Galeno* alterum nuncupatur, harum læsiones aliquando mortales augurari conveniat. Quas accuratioris Doctrinæ

*Spina læsa.*



næ gratia discescam in spinæ luxationem , fracturam , vasorum sanguineorum & ipsius funis medullaris vulnera seu lacerationes .

*Spina luxatio aliquando per se lethalis .*

Spina sicut vel ad posteriora , vel ad latera , vel ad anteriora luxatur , ita , quia priores binæ luxationes restaurationem prompte satis admittunt , posterior nunquam , aut non sine summa difficultate & periculo , hæc , si tanta , in tali spinæ loco fuerit , quæ & ubi motus seu actiones , plus minus vitales , turbat ac interpellat , mortis , quæ ipsi pedissequa , causa vera & prima dici meretur , comprimendo scil. medullam inclusam , emanationem fluidi cerebri ad organa vitalia intercipientis , aut ad convulsiones horum depravans . Per organa vero hæc non thoracis tantum viscera a Galenicis κατ' ἔξοχην sic dicta , sed abdominis quoque potissima , subintelligere jubet Hippocrates 2. prædict. t. 26. dum ait : Si spinalis medulla aut ex casu , aut ex alia quapiam causa externa , aut sua sponte , laboravit , & crurum impotentiam facit , ut nec tactum quidem percipiat æger , & ventris & vesicæ , adeo ut primis quidem diebus stercus aut urina nisi coacte reddatur . Quum autem morbus invaluerit , & stercus & urina , non urgente homine , prodit , moritur postea non multo interposito tempore . Viscerum enim abdominis functiones , quamvis vitalitati non immediate prospiciant , sine illorum tamen functionum integritate vitalitas diu integra persistere nequit : per consequens si per spirituum animalium influxum interceptum munere suo haud fungi valent , causa tale quid præstans per se lethalis præsumitur , adeoque non tantum , juxta Avicennam , vertebræ colli luxatæ mortem inferunt , ob nervos , respirationi aut pulsui cordis infervientes coarctatos aut quocunque modo tenso , sed dorsi quoque imo lumborum , superiores , si nimirum ventriculi , intestinorum & vesicæ urinariæ contingant spasmi enormiores , aut ipsum cerebrum , quod satis frequens , hinc in consensum rapiatur .

Vertebræ dorsi ad interiora seu anteriora non , nisi per summam violentiam dimoventur , aut excidunt , ob renitentiam & firmamentum , quæ a vinculis & ligamentis suis habent , qualia potius rumpuntur , quam ut tantam extensionem ferant : hujusque dearticulationis restitutio vix sperari valet , nec inflammationi dictorum ligamentorum , hinc nec convulsionibus inde ortis , mederi conceditur . Adeoque mortifera ut plurimum deprehenditur illa , quod Medullam vehementius comprimat , tendat quoque violentius nervos , ad interiora magis decurrentes , hinc diversas actiones tam vitales , quam animales , frustret : quod a spina extorsum luxata vix metuendum , nec medullam , nec hinc excurrentes nervos , adeo potenter comprimente .

*Luxatio unius vertebræ plus nocet , quam plurium .*

Quinimo circa spinæ luxationem adhuc attendendum , quod ab Antiquis non minus , ac Modernis , Chirurgis , v. g. Paræo & Fournier notatum legimus : mortalem magis evenire luxationem unius vertebræ , præ plurium sibi continguarum simul facta dislocatione . Quatenus unica tantum , extra situm suum compulsa , medullam spinalem in acutum magis angulum cogit atque secum abripit , ut hæc proin arctius compressa , torsa & tantum non disrupta emanationem fluidi nervei ad partes magis intercipiat : quod si vero plures vertebræ sibi contiguarum simul dislocantur , in angulum obtusum & leviter tantum illa inflectitur , hinc equidem ejus actio aliquantum , haud tamen omnimode , frustratur & fluido illi aliquid adhuc transitus patet . Ita ratiocinari jubet Hippocrates de articulis , quando t. 43. unum tantum si ventriculum exilierit , spinalem medullam hoc magis comprimere , si non etiam abrumpere , tradit : & t. 45. eandem Medullam distorsiones spinæ circulares , i. e. ad gibbositatem conspicuam factas , facilius ferre , non angularem .

Recensitis his spinæ luxationibus cum Galeno jungo hoc , ubi vertebræ eundem de locis suis minus dimoventur , sed intra sedes suas manent , laxantur nihilo.



hilominus harum ligamenta eousque, ut illarum contiguitas sensibilibus lædatur, seu juncturæ earum plus minus a se invicem recedant, quod quassationem seu seisin communiter ajunt, elongationem forsan appellare liceret. Qualis equidem ligamentorum atque articulationum laxitas non semper tantum periculi involvit, si nimirum a causa interna, & quæ lente magis agit, eveniat: ab impetu tamen externo violentiore si tale quid eveniat, subito ut plurimum interficit, vel in ipso ictus momento, vel brevi post, confusio nimirum hinc seu vehementius commoto ac tenso fune medullari. Exemplo sit quidam Joh. Nicolaus Curiensis, qui ab ictu violentiore, nuchæ inflicto, post nonnulla verba prolata aliosque leviores ac paucos motus atque gressus mortuus conciderat; cujus cervicis articulatio adeo laxa observabatur, ut hic facile intorqueri & facies in dorsum converti potuerit, nihil vero luxationi analogum, sed integumenta tantum cum musculis multo cruore suffusa, comparuerint, prout d. 16. Nov. 1673. Nobis relatum, & sententia nostra desuper rogata fuit. Cui simile quid præstabat jactus; Cervici Magdal. Catharinæ illatus, subitanea itidem hujus percussæ mortis causa: de quo Dessavienses 26. Martii & 5. Octobr. 1685. nostrum judicium postulabant. Quibus ex *Paræo* 15. c. 17. addo illud medullæ spinalis vitium, a variis pariter violentiis seu succussionibus eveniens, si nimirum illa ab immotis plane spondylis divellatur abscedat atque concutiatur, i. e. simile quid commotioni cerebri sustineat: quale quid passos vix unquam reconvalescere, idem Autor sentit. Pugna in nucha percussum epilepticum evasisse ipsemet recordor.

*Conquassatio spinæ aliquando lethalis.*

Quamvis enim v. g. ex *Hildano cent. 5. obs. 68.* thesi huic regeri queant exempla duorum, qui ex luxatione vertebrarum lumbarium, misere satis, evaserint, i. e. satis diu adhuc vixerint; peculiaris tamen horum est ratio, asserto meo minus contraria. Quatenus in neutro horum unquam fæcum & urinæ contigerat suppressio, per consequens nec adeo ingens medullæ compressio in his concipi poterat: imo rariores forsan sunt luxationum ejusmodi spinæ eventus, cum ipse *Hildanus* de posteriore fateatur, solius naturæ beneficio potissima symptomata remisisse.

*Object.*

*Resp.*

Deinde nec fracturæ spinæ a mortalitatis culpa semper immunes videntur, si nimirum hinc secedentia fragmenta medullam eousque subeant ac penetrent, ut eximi queant, adeoque vel comprimendo vel pungendo, hinc alia viscera nobiliora ac cerebrum in consensum trahendo, enecent: pari enim ratione fragmenta ejusmodi hic ajunt, ac in cerebrum agere eadem, superius dictum.

*Item Fracturae.*

Tertio cum ingentibus gaudeat arteriis sinubusque venosis idem funis medullaris, his vel per conquassationem tantum, vel per fracturam spinæ, tuptis vel vulnere discissis & cruore intra tubum spondylorum congesto, hic perinde ac cerebro affusus, sanguis mortis causa evadit; i. e. tam comprimendo, quam putrescendo, spirituum hinc emanationes turbat; & quidem eo magis, quod pro eodem educendo haud suppetant iustrumenta Chirurgica, qualia nihilominus in quibusdā casibus ars cerebro concessit satis commoda ac salutaria.

*Ruptura huius vasorum sanguineorum.*

Demum quarto ipsius medullæ spinalis vulnera, quæ ejus summitatem seu principium in cervice, paulo profundius, afficiunt, imprimis transversalia, consensu omnium mortifera per se proclamantur, in specie *Foresti* 6. obs. chir. 4. *Fallop. de Vuln. in genere* c. 4. ideo quod partes subjacentes omnes si non sensu privent, motus nihilominus earum, v. g. diaphragmatis, thoracis, cordis, &c. enormissime turbent & plane auferant. Dum vulnerata in hoc loco medulla spinali per nervos ex eadem utrinque promanantes, nec ad musculos intercostales, nec diaphragma, nec cor &c. posthac emanant spiritus animales, actionibus horum organorum ministrantes. Casum præsentis negotii suppetant *Acta Facultatis nostræ* Anno 1641. de quadam cultro latiore inter quartam & quintam

*Etiam ipsius medullæ vulnera.*



cervicis vertebram illata punctura profundiore, cerebri hanc productionem vulnerante ac vulneratum septimo die enacante, hinc per se lethalis pronunciata. At inferioris ejus tractus, imprimis lumbaris, plagæ a multis pro non mortali habentur, v. g. *Galeno de Sympt. caus. l. 1. c. 5. ac Sennerto pr. l. 5. part. 4. cap. 3.* ideo quod partium, quibus hujus nervi destinantur, sensu & motu, sine vitæ discrimine carere possimus, & v. g. inde contingens fæcum alvi & urinæ incontinentia vitalitati nihil derogat. Alii circumspicientes se gerentes distinctione, inter vulnera majora ac transversalia, & inter longitudinalia ac minora, negotium decidere conantur: illa per se lethalia, hæc minus, pronuntiantes. Quibus denique accedit *Forestus*, qui punctim illata, utut minora, æque mortalia, ac majora quævis, ait.

Tam inferioris, quam superioris ejus partis.

Verum repetere hic mihi liceat ex sectione prima, utique aliquando vertebrarum thoracis inferiorum & lumbarium superiorum medullam quoque lethaliter vulnerari, & pro effato illo magis magisque confirmando exemplis ibi recensitis, historiam ex *Panarol. pent. 5. obs. 7.* superaddo, famuli sc. cujusdam Cardinalis, qui globulo sclopeti minoris, quatuor digitis sub regione renum, per medium spinalis medullæ trajecto, vulneratus triginta post horas expiravit. Qualium vero hujus generis conditionum plagæ, qualium non, mortem per se inferant, difficile dictu: cum exempla illorum, qui hinc evaserint rarissima, & forsitan a *Fallopio* tantum, si ab ullo, observata, referantur, ut dubius hæream, an quæ judicentur ac judicata fuerint in defunctis vulnera spinæ non lethalia, cum fundamento talia dicta fuerint, aut dicantur.

Quæ enim non lethalitatis causa vulgo venditatur, quod a parte medullæ thoracica & lumbari propullantes nervi ad organa minus vitalia pertingant, sed ignobilioribus duntaxat spiritus pro sensu & motu communicent, quarum nihilominus functionum privatio, v. g. in retentione fæcum atque urinæ læsa, mortem necessario haud inferat: ideo suspecta videri poterat, quod ea concessa nec transversalis & omnimoda præcisio partis medullæ inferioris mortalis dici queat, quam tamen plerique talem asserunt, utpote quæ non plus damni, quam minores nervi, scil. sensus, & motus defectum, imprimeret. Plus lucis nobis suggerit hoc in passu *Galenus 4. de loc. aff. cap. 3.* ubi ex luxatione vertebrarum medullam ac nervos modo tendi, modo comprimi, ab his vero partium resolutiones, ab illis spasmos seu convulsiones, emergere ait: cui adstipulatur *Celsus l. 5. c. 26.* his verbis: *Medullæ, quæ in spina est discussa, nervi resolvuntur, aut distenduntur*, item *Paræus l. 9. c. 30.* *Spinalem medullam vulneratam testantur oborta convulsio aut paralytis, urinæ & fæcum citra voluntatem excretio, aut omnimoda suppressio.* Quæ si vulneratæ non minus medullæ, ac propter luxationem spinæ male se habenti, applicentur; concederem equidem, quæ inferioris medullæ partis luxationes ac vulnera organorum paralyses tantum comites adsciscunt, minime, quæ convulsiones, utique lethalia, præsumi debere, non tantum, quod urina & alvus hinc pertinacius supprimantur, quale eorum symptoma ut plurimum mortiferum præter *Hippocratem l. a.* experientia quotidiana testatur, sed quod cerebrum ac superiores partes quoque, si caudex spinalis non omnimode præcisus, simul in consensus spasmodicos rapiantur. Imo confirmant me in hac ætiologia reddenda non tantum exempla ex *Hildano* superius producta, ejusmodi subjectorum, quæ luxationem spinæ, haud restauratam, sine spasmis, verum cum sola relaxatione sphincterum vesicæ, podicis ac crurum, salutarem experta fuerunt: Verum probabilitatem quoque haud exilem ipsi conciliat *Foresti* monitum, dum l. a. puncturas majoribus ejus vulneribus combinat: easque pari jure lethales judicari debere, ac hæc, asserit. Sine dubio, quod pari modo, ac nervorum puncturæ, spasmis producendis aptiores, quam incisiones, existant. Imo



denique quid impedit, quominus propter commercium, quod nervo intercostali cum vertebralibus inferioribus pariter ac superioribus intercedit, alia viscera, ventriculus, intestina tenuia, lien &c. in consensus spasmodicos abripiantur lethales? Dum vomitus quoque a læsæ medullæ portione lumbari evenire, in propatulo est, testaturque exemplum posterius ab *Hildano* communicatum.

Illud ratione summitatis spinalis medullæ nunc ex *sect. 1.* denuo moneo, *Etiā pun-  
cturæ letha-  
les.* non tantum latiores ac transversales ejus incisiones, sed, ut modo de inferiore illius portione annotavi, puncturas quoque exiliores, mortem patrare, hinc, intuitu symptomatum lethalium nomen mereri: quod nemini adeo paradoxum existimari poterit, modo nervorum puncturas atrociora semper incisionibus majoribus movere pathemata, ac cerebrum cum toto corpore vehementius exagitare, attendat, sic enim facile, quid de nervo hoc totius corporis maximo, seu nervorum plurium fasciculo, expectandum sit, præsumet.

Addo denique his judicium de nervorum vulneribus, quæ pariter aliquando per se interficiunt, & quidem sub conditionibus sequentibus. Nempe primo læsiones illorum truncorum, qui organis vitalibus ministerium motus ac sensus, præstant, imprimis octavi seu vagi paris, intercostalis, ac diaphragmatis: utpote qui præfecti respirationem, pulsum, & ventriculi aliorumque viscerum, vitalitati litantium, functiones enormiter imminuunt ac tollunt; quadantenus saltem lacerati eisdem motus & actiones per spasmos gravissimos & in universales degenerantes, depravant. Quamvis enim trunci hi, mox ab exortu suo, aliquatenus vulnerati, cum aliis nervis partium externarum hoc commune videantur habere, ut per colli latera decurrentes topica medicamenta admittant: quia tamen hæc sæpe minus sufficiunt spasmodorum interim, hinc concitatorum, violentia æque intenditur atque extenditur, ultimum vero remedium, sc. eorum amputatio hic nullum locum reperit, quod hæc facta sensus & motus in partibus vitalibus maxime destruat, ex situ hoc magis externo nihil aut parum lethalitatis vulnerum ejusmodi decedit, ut taceam, hunc adeo profundum esse, ut vel hujus ratione illorum præsectionem moliri temerarium satis videatur.

Præterea quamvis sine dubio celerius longe jugulet, si uterque recensitorum parium nervus simul afficiatur, nec ideo tamen alterius horum incisio, si ejus symptomata graviora atque pertinaciora, non lethalis auguranda, quasi per focium integrum restitui ac emendari queat, quod ab alterius vitio tollebatur ac depravabatur: obstat enim, quod nihilominus tantæ ac lethales ex lacerato uno nervo præcordiorum anxietates, palpitationes &c. evenerint, quibus nulla arte succurrere licuerit, sine dubio quod integritas nervi solitarii non sufficerit pro motibus illis vitalibus integris conservandis. In specie vero quoad spasmos a nervorum uno, quadantenus saltem læso, res evidentior est: quippe si unum membrum alterum, interdum satis remotum, ratione commercii nervorum, in consensum trahit, cur idem in ejusdem organi lateribus diversis non fiet? Ut nimirum v. g. diaphragmatis pars, lienem spectans, ratione nervi sui, male se habentis, in convulsiones concitata, partem sui, hepatis contiguam, simul convellat, ideo quod nervi unius fibrillæ capillares ubique alterius furculis mire implicentur, hinc motuum irregularium stimulos invicem communicent. Quod quidem in ventriculo ac reliquis abdominis visceribus promptius concipiendum, quatenus illius nervi paris vagi ante sui infertionem sibi aliquoties inosculantur, intercostalis vero propagines & plexus pluribus in locis coeunt ac invicem communicant.

Deinde mortis insequentis causa immediata existunt, quorumcunque illorum ramorum ac plexuum, profundiora atque interna corporis perreptantium: adeoque remediorum congruorum usum respicientium, lacerationes aut puncturæ, si nem-

*Nervorum  
quorundam  
vulnera le-  
thalia sunt.*

*Etiā soli-  
tariorum.*

*Item horum  
ramorum &  
plexuum.*



Imo forsitan  
aruum  
etiam.

si nempe doloribus, convulsionibus, febribus ac deliriis occasione fuerint & sub his ac cognatis symptomatis enecarint. Alia sententia erit ferenda de artuum & habitus externi nervis horumque læsionibus & exin dependentibus spasmis, utpote quibus non unum remedii genus suppetit, quamvis in intensiores ac universales spasmos conjiciant vulneratos. Anceps nihilominus hæreo de illorum caudicibus, summitati humeri & femoris implantatis, si ab harum incisionibus aut puncturis tale quid contigerit, miserumque illæ enecaverint. Quippe ratione profundioris, quem obtinent, situs topicorum admotorum vis non penetrat, incisionibus vero iisdem viam parare, ob grandiore vasorum sanguineorum, incumbentium & accumbentium, propinquitatem, temerarium admodum videtur. Si ad extremum seu ultimum provoces auxilium, humeri sc. aut femoris extirpationem, & hoc plus audaciæ, quam rationis, sapit consilium: ac operationem illam in hac artuum summitate, trunco adeo vicina, vix audebit Chirurgus prudentior, cui convulsiones atroces atrocioribus ad motem usque cumulari religio est.

### C A P. III.

#### De colli vulneribus lethalibus.

Quibus colli  
partibus le-  
thalia vulne-  
ra contin-  
gant?

QUATUOR, præter spinam, partium genera in collo observantur, quarum plagæ frequentius funestos eventus habent: sc. vasa illius sanguifera, nervi, aspera arteria & gula: quamvis rarius contingat, unam earum solitarie fauciari, cum sibi vicinæ maxime existant cunctæ, hinc lethalitas per concursum plurium læsionum non raro intendatur.

Vasis san-  
guiferis.

Arteriarum carotidum ac cervicalium, venarum jugularium internarum & vertebralium diæreses impetuosas ac lethales excipere hæmorrhagias, nullo auxilio coercibiles, *seçãoe prima* indigitatum: ideo præprimis, quod ligaturam strictiorem, comprimendis suis aperturis ac compescendo sanguini necessariam, propter imminens hinc suffocationis & apoplexiæ periculum, sustinere nequeant. De jugularium externarum plagis mitius sit iudicium, majoribus etiam, utpote quibus obturandis remedia Chirurgica suppetunt, & *M. A. Severinus Effic. Chir. de phlebot. c. 16. Horne in notis ad Botall. ac in Microtechn. Hildan. cent. 4. obs. 14. & River. pr. l. 1. c. 2* venarum harum aperturam diversorum Medicorum testimoniis pariter ac propria experientia approbant, minimeque habet *Botallus*, cur *de modo incid. venam* &c. phlebotomiam hanc adeo dissuadeat, aut timide satis concedat, quamvis nec quibusvis tonsoribus committendam. Imo, quia immediate sub cute degunt, si non compressione, certe ligatura, earum incisiones constringere & eruptionem sanguinis reprimere licet, notante *Blanckart Collect. cent. 3. obs. 65.*

Venarum ju-  
gularium  
incisio an  
rura?

Observatio.

Plurium horum vasorum aliorumque organorum hujus loci simul fauciatorum exempla frequentioris observationis sunt, ipseque testari possem: bina loco plurium sunt. Requisitus Anno 1672. 23. Octobris a Prætoris Civitatis nostræ inspexi cadaver adolescentuli 12. vel 13. annorum, cujus colli tota anterior facies a juvene nequissimo cultro lanionino eousque dilaniata erat, ut omnes hujus musculi, sc. mastoidei, sternothyroidei, caracohyoidei, trachæa, œsophagus, utraque carotis, ambæ venæ jugulares internæ atque externæ refe-



Ita comparuerint, hinc ex multis vulneribus una mors contigerit. Anno 1678. *Observatio.*  
d. 28. Julii a quodam Militum Centurione postulatus, in pago proximo, Lindenau, lustravi vulnus, quod pediti punctum illatum erat, ingens valde & ab antica colli parte, sub mento, per integumenta ac musculos, sub auricula dextra, versus cervicem penetrans, quoque utrumque musculum sternochoideum & sternothyroideum, dextrum coracohyoideum & mastoideum, ejusdem lateris venam jugularem internam & externam, carotidem ac nervum octavi paris, imo cum ensis, (forsan dum retraheretur) inter os hyoidis & laryngem retrorsum declinaverat, summitatem simul gulæ totam fere, resecuerat. Quibus ex responsis facultatis nostræ addo plagam, Wittenbergæ 1669. 9. Martii cuidam cæsim inflictam, & a cervice sub aure sinistra atque maxilla ad colli anteriora declinantem: qua cum musculis accumbentibus vena jugularis externa tota per transversum, interna vero ac carotis cum vertebra cervicis secunda ad medietatem discissa hujusque medulla simul tacta cernebatur, a cujus enormiore hæmorrhagia vulneratus alio die succubuerat.

*Observatio.*

*Observatio.*

Quia vero rariora existunt exempla, ubi unum seu solitarium horum colli vasorum lethaliter laceratur, casum, ad nos pariter jussu Serenissimi Ducis Mechlenburgensis an. 1685. 10. Julii transmissum, referam. Fabri nempe ferrarii servi collum parte antica cultro d. 25. Novemb. anni præcedentis perfoditur, unde hæmorrhagia insignis, ac nullis remediis, nisi cauterio actuali, cedens, eveniebat: escharam vero 7. Decembris recedente & fluore sanguinis recrudescente 14. ejusdem sauciatis fati cedebat. Cadaver dum perlustrabatur, vena jugularis interna, ad duorum digitorum latitudine sub maxilla inferiore, oblique incisa cernebatur, floris cruenti lethalis autor: muscoli vero adfati a sanguine post escharam inductam, extravasato congesto ac putrescente jamdum corruptionem notabilem contraxerant. A certo quodam Collegio Medico punctura hæc per accidens tantum lethalis judicabatur, quod læsus ad decimum nonum usque diem vixerit, nullaque primis diebus graviora; nisi lipothymias, (hæmorrhagiæ potius, quam vulnere adscribendas) symptomata passus fuerit; ac ex commotione demum animi vehementiore hæmorrhagiæ recidiva cum febre supervenerit &c. Quibus nihilominus haud obstantibus & satis declinatis argumentis, facultas nostra Medici ac Chirurghi de vulnere inspectione deponentium, sententiæ adstipulabatur, utique lethalem per se illam asserens.

Nervorum, per collum decurrentium, vulnera quæ & cur mortifera sint, *capite præced.* innui. Asperæ arteriæ plagas verò quod concernit, cadunt hæc vel in partem ejus externam, vel in internam, seu sub jugulo reconditam. Bronchii externi incisiones, majores ac cartilagineos illius circellos lacerantes, difficillime consolidari, in propatulo est, coalescere nihilominus aliquando si non per se, certe, per intermedium callum, imo ligamenta illa carneomembranea, cartilaginibus interjecta, excrescentiis suis, quamvis relicta post se raucedine, has incisuras obturare, adeoque majores etiam fistulæ hujus spiritualis hiatus coire, testantur Joubertus de affect. thorac. cap. 1. per Albucasis, Avenzoaris & propriam experientiam Brasavola in Hippocr. de rat. victus acut. 2. f. 35. (qui magnam annulorum, ad numerum quinarium, anteriorem partem lamina ferrea dilaceratam, ac sanatam vidit) Paræus lib. 9. cap. 29. Tulpus lib. 1. obs. 50. Bartholinus cent. 5. hist. 89. Timæus Respons. 14. & Blankart Collect. cent. 4. obs. 47. Neque audiendus erit Jacotius in Hippocr. Coac. lib. 1. sect. 3. aph. 16. & Forestus 6. obs. Chir. 4. qui majores ejus incisiones lethales ajunt, utpote quibus allegati Jouberti, Brasavolæ, Tulpii & Blankarti historiæ contradicunt.

*Tracheæ summitatis vulnera.*

*Etiam cartilaginum, sanata.*

Coalitum horum tracheæ vulnerum futuram proprie sic dictam juvare, Petrus Chir. part. 2. tr. 4. cap. 14. Paræus lib. 9. c. 29. Pigræus Chir. l. 4. 12. ac Heisteri Chirurgica Tom. IV.

Z

Bar-



*Bartholin. 5. hist. 89. testantur, quernadmodum futuram per glutinum, Tulpus 1. obs. 50: casu nihilominus & sine ejusmodi medela quosdam, quibus canalis ille profunde satis præcisus, eundem Paræum & Pigræum l. a. perhibere Sect. 1. c. 2. innui: quorum relationibus, quum ad me ab amico in simili casu transcriptum erat, adnectebam.*

*Cartilagi-  
num laryn-  
gis percussio-  
nes aliquan-  
do lethales.*

Quin tamen percussiones seu contusiones cartilaginum laryngis, maxime arythænoidearum, aliquando per se mortem inferant, haud ambigo, si nimirum per ictum violentiorem earum connexio laxior eousque turbetur, ut sibi propius adactæ seu arctius conniventes glottidem eousque claudant, quo inspiratio & expiratio inhibeatur, illis vero diducendis haud suppetant remedia.

*Vulnera  
asperæ arte.  
via partis  
internæ, seu  
inferioris,  
sunt lethali-  
tæ.*

Tracheæ autem sub claviculis & in thorace reconditæ vulnera ut plurimum suffocando enecant, hinc sub tali circumstantia per se lethalia dici debent, quod ars naturam in consolidando juvare nequeat, soli vero hujus robori commissa opera, quorum successus incerti, judicio super lethalitate enunciando normam suppeditare haud valent, cum non de hujus, sed de artis potentia, ubi de lethalitate deponendum, quæstio sit: alias vulnus illud asperæ arteriæ ac venæ jugularis *Paræus l. a. præter expectationem & divino potius favore, quam arte, sanatum fuisse, non scripisset.* Symptoma siquidem inde emergens tantum est, ut ei per unam alteramve horam sustinendo minus par sit principium nostrum vitale, brevi hinc suffocationi obnoxium: quippe enormiter hinc turbatur respiratio, quatenus aer externus pulmonum cavernosam compagem minime subit, sed ad pectoris cavum depositus illos non tantum non distendit, sed undique etiam comprimit. Quam circumstantiam cum vulgo non attenderint, factum, ut ad canalis hujus coalitionis possibilitatem tantum respicientes, errorem non exiguum commiserint ejusmodi vulnera minus lethalia decernentes.

*Gulæ vulne-  
ra quæ le-  
thalia?*

*Non partis  
externæ.*

Gulæ denique seu fistulæ cibariæ vulnera penetrantia, pariter modo lethalia, modo minus talia, ut accuratius discernantur, attendendum puto, alia canali huic evenire adhuc intra collum constitutio & ab hujus organis reliquis stipato, alia, ubi per cavitatem thoracis & per diaphragma ad ventriculum dimittitur; item, quædam horum esse majora, quædam minora. Quo supposito: exilia & summitati ejus: cervici accumbenti, illata vix unquam morti exponere, probabile fit: quatenus vel ratione exiguitatis parum inflammationis ac doloris metuendum, aut, quod ejus supervenit, gulæ quidem functione turbat, imo forsan aliquando interpellat, frustratio tamen hæc non tanta, quin ad unum alterumve diem eam sine certo vitæ dispendio sustinere queamus: nec per vulnus hoc elabentia deglutita spatia aliena subintrant & in his putredinem concipiunt: remedia denique satis commode hic applicare conceditur. Et ne sine experientia merus theoreticus prodeam, ex *Schenckio Bonacursii* observationem hujus loci faciam, qui quendam, carceribus detentum, postquam sibi gulam, qua parte tracheam spectat, fauciarat & hiatum digito eousque ampliavit, ut per ipsum medicamenta cum alimentis transmitterentur, paucis diebus sanatum narrat. Ejusdem generis est historia, quam *Pigræus Epit. Med. Chirurg. lib. 4. cap. 12. refert.* Sc. in sylva duo juvenes a latronibus jugulabantur, quorum unus mortuus, alter se mortuum ad aliquod tempus simulavit, maximo largissimoque vulnere in faucibus accepto, ab una enim jugularium externarum incipiens ad partis adversæ alteram definebat ita tamen, ut illæ minime offenderentur, Missus proin a Regina, de eo certiore facta, *Pigræus* miserum illum præ gravi vulnere jacentem reperit, capite demisso equidem loquentem, sed eo elato aerem per vulnus expirantem & aphonum. Ut mali magnitudinem melius dignosceret, lac ipsi bibendum dedit, quod per vulnus effluebat, supinus vero cum

hoc



hoc hauriret miser, ad stomachum descendebat, itaut cesophagum haud omnino rescissum esse, colligeret. Quo viso idem Scriptor futura valida ac firma plagam se firmiter conjunxisse, & per viginti duos dies lacte tantum, resupino semper collo hauriendo, cum aluisse ait: donec postmodum solidioribus vesci cœperit & vulnus, ad exilioris tantum foraminis circa tracheam, remanentiam, coaluerit.

Verum si interior, seu in thorace delitescens, gulæ portio pertundatur & *Sed interna.* quidem vulnere paulo majore, nulla quia medicamenta nec Chirurgiam admittit, alimentis vel transitum ad stomachum, ratione tumoris ac doloris deneget, vel ad cavitatem pectoris assumpta transponit, in qua, tanquam loco sibi alieno, computrescendo symptomata lethalia patrant: vulnere per se lethali deficere dici debet æger.

Communiter addunt, incisiones gulæ transversales longitudinalibus graviores esse, v. g. *Suevus de Inspect. Vuln. part. 2. pag. 17.* qui tamen ratione vera *Cur trans-  
versalia  
cesophagi  
vulnera lon-  
gitudinali-  
bus periculo-  
siora?* videtur destitui, dum juxta Doctrinam *Vesalii* externam seu carneam gulæ tunicam ex fibris transversalibus, internam seu nerveam ex rectis contextam putat. Docet quippe cum *Fallopio* & *Fabr. ab Aquapendente* autopsia præter tunicam internam nerveam, ex fibris longitudinalibus coagmentatam, carneam duplicis fibrarum strati, in subjectis humanis reperiri: quorum exterius ex staminarum rectarum manipulis crassioribus, interius ex transversalium circulis tenerioribus paratum: ita ut ex transversis simplicioribus ac tenuioribus fibris, secundum tractum gulæ discissis, minor metuenda sit vulneris apertura, quam ex longitudinalibus, internis pariter ac externis, laceratis.

## C A P. IV.

### *De thoracis Vulneribus lethalibus.*

**I**N thorace præter spinam diversa pariter observantur membra, quorum plagas excipiens mors his, ut causæ per se, adscribitur: nempe cor cum suis vasis, arteriæ & venæ mammariæ atque azygos, pulmones, ductus thoracicus, diaphragma & nervi intercostales, phrenici ac octavi paris. Ast horum organorum integumentis externis seu testudini carneo-ossæ aliquando vulnera per se mortalia contingere posse, nemini scriptorum unquam in mentem venit: ita ut de his exclamandum veniat, quod de eorum Chirurgia facit *Guido de Vuln. spec. cura. cap. 5. De Vulnere thoracis*, magnum est mirabile, quia ita parum de ipsis maxime, quantum ad membra continentia, invenimus tractatum a *Galeno*, *Etiam tho-  
racis integu-  
mentorum  
quædam vul-  
nera sunt  
lethalia.* neque ab *Halyabate*, neque ab *Avicenna* &c. Nec ideo ullum eorum reprehendendum esse, pluribus persuasum videtur, qui sc. partium harum externarum usum & actionem ad vitam non adeo necessariam concipiunt, id est, cum *Sennerto* nostro pulmones proprio motu, non ad dilatationem thoracis, extendi &c. *Pulmonæ  
motum tho-  
racis sequun-  
tur.* putant: qualis nihilominus generis homines, dum veteribus causam dicere, haud requisiti, annuntuntur, principi Medicorum & antiquiori longe Doctori, *Galeno*, contradicunt, qui hinc inde in suis Commentariis, v. g. *lib. 2. de Hipocr. & Platonis decretis c. 6. de causis respirat. c. 2. 6. de usu partium c. 10. ac de motu thorac. & pulmon. c. 1.* Nullum pulmones innatum habere motum, sed semper indigere thorace ad motum, item, pulmonis dilatationem & contractionem thoracem



gubernare, magna animi contentione asserit. Quibus ita se habentibus, id est functione thoracis ambitus ad vitam immediate necessaria, inferendum puto aliquando, majora thoracis vulnera, quibus illa eousque turbatur, ut brevi hinc suffocetur vulneratus, lethalibus per se non minus accenseri debere, ac si a mole majore, thoraci incumbente, quis interficiatur, seu comprimendo suffocetur.

Quotidie equidem pectus perfossus, modo interanea illius intacta manent, consolidari, observamus & infinita forsan vulnerum ejusmodi sanatorum ex scriptoribus corradere possem; majorum tamen & latiorum, i. e. a quibus motus thoracis ac pulmonum insigniter latus, aliquod salutare penes neminem legere aut observare mihi datum; proin & cum causalitas horum suffocatoria evidens maxime, donec resectionem v. g. quatuor vel plurium costarum, harumque interstitiorum coaluisse audiam, vulnera ejusmodi lethalia verebor, confirmantibus idem animalium vivorum sectione, hujus phaenomeni experiundi gratia administrata, & Galeni dogmate *sectione prima ex 6. de usu part. c. 3.* allegato. Urget quippe maxime respirationis necessitas, neque tamen vel futura, vel glutine, vel deligatione, labia ejusmodi hiatusum fortuitorum sibi adducere & combinare concessum, quin thoracis motus, vel impetuosior in hunc conatus, qualem in pectore fauciatis experimur, hoc interpellat atque inhibeat, expiret vero interim percussus.

An unum solummodo thoracis latus vulneratum tantum exitii praestet, dubitare jubent eadem Galeni verba, dum a magnis vulneribus in alteram thoracis partem penetrantibus, animal repente dimidio tantum respirationis multari, tunc vero demum eadem omni motu destitui, ait, si cavitas illius utraque fuerit perfossa. Verum eo ipso, dum dimidium seu residuum illud respirationis sanguinis oscillationi vitali aliquandiu continuandae non sufficit, i. e. unius lateris pulmo vix tantum elateris aerei suppeditat, quantum viribus totius perpetuandis dimensum: brevi forsan quoque hinc destruetur & cessabit functio vitalis tota, a febre acuta, necessario superveniente, simul enormiter conturbata. Imo quid dicendum erit de vulnere unius lateris insigniore, mediastinum simul perforante, hinc per aeris utrinque incongruam irruentiam utriusque pulmonis explicatione inspiratoria cohibita?

*Etiā fracturae costarum aliquando lethales sunt.*

Idem vel simile fatum truculentum aliquando observatur fracturarum costarum, i. e. nec hae mortis, nec percussor forsan homicidii, culpa semper solvi poterunt. Si Scriptorum super hoc assertum suffragia forent petenda, nullum plane, qui lethalitatem hanc suspicetur, offenderem: aliquando equidem has fracturas periculosas, non tamen per se lethales, dicentium v. g. Hippocratis de artic. l. 51. & 52. item 5. epid. t. 13. Galeni in Hipp. de artic. Celsi lib. 8. cap. 9. Epiphan. Ferdinand. Hist. 64. Forest. 8. obs. Chir. 6. & Sennert. pr. l. 2. part. 2. c. 25. At cum de vita & spiritu hominis ferenda sit sententia, rem non sola autoritate decernere, sed penitus disquirere, conveniet: potissimum cum inter Jureconsultos Marium Giurbam Consil. 17. §. 17. ipsa haec Medicorum dogmata seduxerint, ut costarum fracturas lationum per se mortalium classe exemerit, firmatum consensu Capollae lib. 3. Consil. 61. Quem tamen loco allegato neutiquam de fractura costarum lethali aut non lethali differere, sed tantum, ex contusionibus vel ictibus illarum, quarum ossa durissima, instrumento obtuso fieri posse lationem mortalem, negare, si non Giurbæ, verum ipsius Capollae, verbis fidem adhibeamus, constabit.

*Plurimum scilicet.*

Sc. non unius alteriusve, sed plurium simul costarum, ut ex superius seu in sect. 1. allatis observationibus suppono, *κατάγμα καυληδὸν* ac *σύντρισμα* mortalia videntur: quod nullum vel ipsamet, vel strangulatio hinc imminens, adaequatum



quatum admittant remedium : Sive enim fracturas has concipias cum fragmen-  
torum secessu , sive horum contiguitate : illis tamen si ad interiora ferantur, <sup>Quoniam non reponi possunt.</sup>  
nec reducendis, nec reductis conservandis, ars semper sufficit . Quemadmodum  
enim harum fracturam quamlibet, sic ingentem quoque seu plurium costarum,  
mox carniū seu integumentorum inflatio , ab aere pectoris intrinseco erum-  
pente , excipit , ita sine dubio hæc impedit , quominus restitui vel componi  
possint illarum extrema reponenda . Quippe non fiet hoc per spiritus retentio-  
nem ac tussim , cum aer internus , a quo motum illum reductorium expecte-  
mus, costarum & pleuræ ambitum elabens, illas haud elevet : manui reponen-  
ti rarissime conceditur locus, prout omnes Chirurghi peritiores asserunt ; & qui-  
dem multo minus , si ejusmodi carniū secessus & intumescencia adsit . Nec  
*Vesalii*, *Paræi* & *E. Ferdinandi* glutinosum aut constrictivum emplastrum tan-  
tæ semper observatur efficacæ , ut impetuosius avulsum costarum fragmenta  
depressa attollat , si illa integumentis externis non fuerint continua , adeoque  
nec cum cute attoli queant : neque demum ultimum illud *Paræi* aliorumque  
remedium , integumentorum nempe incisio & per vulnus cum hamulis simili-  
busque instrumentis adornanda costæ elevatio , ubi plures fuerint fractæ , rei  
difficultati proportionatum observatur . Adaptatis vero costarum fragmentis con-  
tinendis haud semper suppetere encheirises , experti fatebuntur , cum quæ uni <sup>Nec restau-  
ta contineri.</sup>  
vel alteri, costæ firmandæ sufficiat mediocris deligatio pluribus non sit adæqua-  
ta , strictiorem autem non ferant anxiosi & vix anhelantes ejusmodi miseri.  
Uno verbo, si *Paræus* lib. 13. c. 11. unius costæ fracturam ad interiora vergen-  
tem , propterea , quod membranam costalem pungat , inflammationem excitet , in  
empyema facile desituram , nec tam facile restitui queat , ideo , quod libere & plene  
absolvi nequeant in hoc fracturæ genere , quæ sunt ad restitutionem necessaria , nempe  
trahere , continere , impellere , seu adjungere curatu difficillimam pronuntiat : quid  
de quinque, sex vel plurium costarum , effractura ominabimur ? Habent si qui-  
dem pauciores ruptæ hoc beneficium , ut harum parastatæ integræ ipsis instar  
ferularum sint , quæ pariter , ac in cubito radium fractum ulna : aut in tibia  
hujus os fibulam fractam, seu vice versa, eas ita detinent, ut fragmenta earum  
sibi contigua maneant , dislocationem costarum ruptarum vicinarum impedian-  
ac repositis firmamento sint : quali destituuntur plures idem fatum expertæ . De  
cetero sicut aerem thoracis internum virtute sua elastica pulmonum compres-  
sionem & expirationem multum juvare , ex fundamentis physiologicis suppono ;  
ita dum extra claustra sua naturalia sub inflatione integumentorum externorum,  
magis tensibilium, idem erumpit, spiram ejus valde dilatari seu fatiscere , adeo-  
que expirationis quoque motum enormiter gravari , probabile fit .

Comprobare hanc fracturæ costarum lethalitatem puto casum 22. Julii 1689.  
facultatis nostræ judicio expositum : Ubi quidam nobilis , fustibus agitated ac  
de exquisitissimis doloribus lateris dextri conquestus sexto a percussione facta  
die obierat , in cujus cadavere dissecto quatuor costæ inferiores diffractæ cerne-  
bantur . Quam læsionem , in specie costarum , nominatum collegium per se &  
absolute lethalem, cui nulla arte mederi concessum , quæ pleuritidem incurabi-  
lem induxerit, respirationem ad suffocationem turbantem, enunciabat : quamvis  
nihil remediorum, nec venæ sectio quidem , fuerit administrata , nec sanguinis  
extravasati , qualis nihilominus ex vasis intercostalibus simul ruptis probabiliter  
prodierat , ulla mentio facta fuerit . vid. sect. 1. cap. 3.

Verum quemadmodum meam hanc de thoracis integumentorum percussio-  
nibus opinionem nemini obtrudere audeo , ita & illos , qui huic suffragantur,  
monitos volo , ut illam , casibus specialioribus applicantes , circumspecte agant,  
& quas vel mihi , primum tale quid proponenti , non licuit inuere ac deter-  
mina-



minare, circumstantias amore publici ac justitiæ suppleant, vel me devium ea, qua viros honestos decet, modestia ad rectam magis viam reducant.

*Cordis vulnera lethalia.*

*Cur ventriculorum.*

*Cur vasorum coronariorum.*

*Etiā vulnera substantiæ cordis sunt lethalia.*

Ego interiora pectoris nunc aggredior, ubi primo occurrit cor, cujus plagas, si vel alterutrum aut utrumque ventriculum penetrent, vel vasorum coronariorum aliquod lacerent, per se mortales periti æque ac imperiti judicant: illas quidem non, quasi animæ sensitivæ altithronium, caloris innati sedes & officina spirituum vitalium cordis hi recessus sint, sed quod sanguine per eadem profuso ejus influxus vitalis ad totum interceptatur; hæc verò, quod per hæmorrhagiam horum vasorum, satis equidem particularem, ipsi cordis compagi musculosæ vitalitas atque activitas subtrahatur, adeoque hoc inde languescens in officio publico expediundo deficiat. Pariter si, intactis his ventriculis & vasis propriis, substantia tantum ejus exterior saucietur, utut sub tali fato ad triduum, quatrimum &c. aliquando supervivant tale quid perpeffi, casus nihilominus & hic inter ut plurimum, adeoque inter per se, lethales, referri debet, annuente *Vido Vido lib. 7. de curat. membr. cap. 7.* & confirmantibus idem historiis, productis a *Paræo lib. 9. cap. 30. Horstio lib. 11. obs. 18. H. ab. Heer. obs. 11. atque Joh. van. Meekren. obs. chir. 32.* Non potest enim fieri, quin muscoli hujus propulsoris actio maxime vitalis a fibrarum ejus spiraliū uno vel altero fasciculo præfecto notabiliter turbetur, cui tamen symptomati maxime urgenti ejusque causæ nulla chirurgia, ob loci seu situs profunditatem motumque cordis perpetuum, mederi licet: Et sine dubio evidentior erit lethalitas lacerationis majoris, v. g. juxta *Heer* baseos æque ac coni simul; septum utrique ventriculo intermedium, annotante *Horstio & van Meekren*, penetrantibus; aut juxta *Paræum* cum magna sanguinis profusione seu insigniorum ramorum coronariorum discissione contingentis.

*Quidam transfossis ventriculis cordis diu satis superstites narrant.*

Atque hæc quidem cordis vulnera modo repente interficiunt, sc. perforantia alterutrum vel utrumque ejus thalamum, modo tardius post aliquot demum horas ac dies, nimirum carnem tantum & vasa ejus coronaria lacerantia: quatenus in illis non tantum circulationis Antlia, seu organum movens, rumpitur, sed sanguis quoque dispensandus, antequam canales adæquatos subeat, profunditur; in his moventis tantum textura laceratur, hincque ejus impetus retunditur. Unde paradoxum maxime & inter miracula pathologico-anatomica referendum, quosdam perforatis illis ventriculis plures horas, imo dies supervixisse, v. g. ventriculo dextro nauclerum, quinto demum die fatis cedentem, cujus *Barthol. cent. 1. hist. 77.* meminit, item civem illum pariesiensem, eodem demum tempore mortuum, de quo *Blegni Zodiac. Gall. ann. 2. April. obs. 10.* videatur. Eodem ventriculo dextro vigiliarum cujusdam magistri servum transfossū quartum diem supervixisse *Miscell. Curios. Decur. 2. ann. 3. obs. 113.* Rusticum, similem puncturam sustinentem septimum attigisse, *obs. 114.* testantur: Militem ex vulnere ejusdem ventriculi die decimo sexto demum obiisse, *tabula pensilis, in Bibliotheca Academiæ Gröningensis suspensa, tradit.* Franciscum a Tulpha, quæ quamvis præter alia vulnera duo in dextrum sinum penetrantia exceperit, ultimum nihilominus halitum ad quartum usque diem comprefisse, *Panarolus pent. 5. obs. 45.* annotavit: item juvenem ad nonum usque, cum non adeo magna hæmorrhagia, mente sana, motu cordis satis valido, tussicula ad juvandam sanguinis excretionem voluntaria, nec sine omni alimentorum usu, ad decimum usque, refert *Diemerbroek. anat. 1. 2. c. 6. ad vigesimum tertium, ex communic. J. B. Fontani Bonet. Sepulchr. lib. 4. f. 3. obs. 23. §. 12.* Septimo post ictum demum die quendam, cui cordis basis cum cono per insignem lacerationem, duobus sclopeti globis, transverberata, mortuum *H. ab Heer. obs. 11.* perhibet. Quemadmodum eodem loco narrat, quendam, cujus cor



cor quaternis bombardæ globis perfossum, nihilominus quintum diem supervixisse. Nolo hujus loci facere, quæ de cervo, post dextrum, ventriculum glande plumbea a Serenissima Electrice Brandenburgica olim trajectum, instar mortui prostrato & post tres horæ quadrantes quatuor circiter millia passuum aufugiente, ex *Dissertatione* 1687. *Francofurti ad Viadrum* habita, legimus: Cum præsto sint illorum exempla, qui perfosso utroque ventriculo satis diu superstites permanferint, v. g. studiosus ille Ingolstadiensis, quem vulneratum plateæ satis longe spatium cursus confecisse, mente porro & sensibus integerrimis per horam fere integram constitisse, ex observatis *Cyriaci Lucii* narrat *Bonnet. l. a. §. 16.* item juvenis, simili ratione fauciat, quinta demum hora expirans, de quo *Miscell. Curios. Dec. 2. ann. 2. obs. 188.* videantur; ut *Jacotium in Hipp. Coac. & Th. a Veiga in Galen. de loc. aff.* taceam cervam quandam sagittam, ex longo tempore cordi infixam, gestasse, perhibentes, item cordis porcini, cui bacillus acutus ante semestrem transfixus inhærebat, quod penes *Platerum* se vidisse *H. ab Heer l. a.* asserit.

Quæ simileve historiæ, quamvis raro contingentibus merito accenseantur & fundamentis anatomico-pathologicis ponendis minus adæquatæ sint, earum nihilominus aliquas ætiologias ex circumstantiis, iis combinatis, reddere, non adeo forsan difficile erit. Nimirum probabile est, quorundam ejusmodi fauciatorum vitam protrahi primo ab exilitate plagæ, ut de suo vulnerato suspicatur *Diemerbrock. loc. alleg.* & experientia Zootomiæ vivorum incumbentium comprobatur, dum acus simileve instrumentum pungens, ventriculis cordis adactum, parum sanguinis educit, & *Glandorpio Specul. Chir. cap. 38.* teste, cuniculus, cujus cor *Sanctorius* instrumento acuto perforarat, vivus nihilominus ad multos menses permansit: quatenus pauca admodum organi hujus fibræ per puncturam lacerantur, sed leviter tantum divelluntur, quæ extracto instrumento pungente pristinum situm & habitudinem facile repetunt. Deinde corde vulnerati terminum vitæ ultimum sufflaminare videtur ipsemet specialis magis locus, per quem subintrarat instrumentum lædens: dum idem *Diemerbrock. l. a.* præter vulneris angustiam in casu sibi observato rationem hanc putat, quod superiori ventriculi parti, inter valvulas, fuerit illatum, ita ut in constrictione cordis omnis ventriculi dextri sanguis per vulnus non mox expelli valuerit. Tertio, quemadmodum aliquando observamus ense transossos, quamdiu hunc intra vulnus gerunt, haud adeo repentinam experiri syncopen, vel mox concidere, extracto telo statim cum sanguine animam dimittere: sic a ratione vix omnino alienum, in corde simile quid aliquando fieri posse, ita ut non adeo paradoxum censeretur, quod *Jacotius & a Veiga* de cerva a longo tempore sagittam, & *H. ab Heer* de porco baculum cordi infixum gestante, scribunt, cum eadem instrumenta quas puncturas parabant, obturarint; neque illud, quod de acu dextro cordis vaccini ventriculo transversim infixa huicque rubigine conferruminata ex observatione *Celeberrimi Anatomici du Vernay, Peyerus parerg. anat. med. 3. e. 6.* refert. Imo probabile est, simile aliquando a grumo quoque sanguinis fieri posse, ut in parisino illo, sub finem demum quinti diei ex vulnere dextri sinus mortuo, cuius superius ex *Zodiac. Gall. memini*, annotarat Chirurgus, qui cadaveris sectionem administraverat, vid. *Blegni l. a. mens. Junii obs. 6.* quamvis non dubitem, huic casui, quæ modo ex *Diemerbrockio* prolata, quoque applicari posse, cum immediate pariter sub auricula ictus ventriculum subintravit. Quarto hujus generis concipienda obliquitas vulneris, qualem in naclero suo causam auguratur *Th. Bartbolin. l. a.* cur adeo diu in hoc interrupta persisterit sanguinis & vitæ chorea. Quinto autor observationis 113. *Miscel. Curios. alleg.* in servo illo, cujus vulnus cordis ventriculi descripserat, individuale ac peculiare sibi concipit texturæ



turæ robur, per quod post acceptam plagam in fibris cordis nihilominus tantus remanserit vigor, ut sese a cono ad basin contrahentes sub systole vulneris labia simul constrinxerint, liberumque sanguini in arteriam pulmonalem impulsu concesserint: fibris vero iisdem relaxatis cordeque ad diastolen seu pristinum statum redeunte hiantes ventriculi a venis denuo sufficienter adimpleti fuerint, donec doloris ex vulnere sensus fibris illis seu compagi cordis magis communicatus paulatim defecerit machinæ hujus vitalis motus &c. Nec denique a verisimilitudine procul abest, singularem quandoque cordis fabricam mortem necessariam interpellare: quatenus, observante *Joh. van Meekren* l. a. quidam corde vulneratus sextum diem ideo supervixerat, quod organum hoc, pericardio suo hinc inde alligatum, motus suos minus libere exercere, hinc nec sanguinem adeo pleno rivo projicere, potuerit. Et si nec improbabile videatur, ideo vulnus hoc cordis tardius enecasse, quod neutrum horum ventriculorum perforarit, sed septum tantum his intermedium in basi cordis læserit, ut ex exemplari belgico (non latino) perspicuum est: adeoque non flumine mox præcipiti, sed lenta magis stilla, sanguis ex hoc viscere promanarit.

An pericardii vulnera sint lethalia?

Antequam cordis vulnera dimittam, ratione hujus involucris notetur, ejus plagas a *Rondeletio de dignosc. morbis* c. 21. & *F. ab Aquapend. Chirurg.* l. 7. c. 21. semper, a *Suevio part.* 2. c. 8. aliquando, lethales judicari, si tantæ fuerint, per quas humor ejus serosus omnimode effluat: Eo ipso tamen, dum horum posterior cum aliis supponit, humorem pericardii secundum naturam colligi singularemque usum cordi ac toti præstare, ita quidem ejus defectum & profusionem hæctica excipiat; de his vero dubitare jubet sana ratio: nec ætiologiam lethalitatis hujus (si qua est) admittere conveniet. Sc. non immerito cum *Vesalio*, *Th. a Veiga*, *Matthæo Curtio*, *Lindano* &c. dubito, an fluidum hoc corporibus vivis & secundum naturam constitutis, ut pars integralis, insit? cum *R. Columbi* autopsia in animalibus vivis facta, tale quid minime evincat: vel quod nihil, aut parum ejus sub extispicio hoc compareat, vel quod, si compareat, in mortis potius articulo & sub illis anxietatibus, quibus animal per aperturam pectoris exponitur, congeratur, quod ante non existerat. Videtur enim serum hoc in se quidem succus laudabilis & naturalis, ast situ peccans & per motus cordis impetuosiores ac circulationem per pulmones impeditam p. n. secretus: pari modo, ac in corporis partibus diversis arte talem feri congestum parare licet, circulo nempe sanguinis per vincula, venis injecta, intercepto. Adeoque non mirum, in cunctis, quocunque morbo, defunctis illud reperiri, utpote quibus in agone ad minimum respiratio & circulatio per pulmones fatiscit: copiosius tamen in his, qui ex hydrope, asthma, phthisi similive pathemate strangulatorio peribant, ita ut in phthisico ejus uncias quinque *J. D. Horstius Obs. anat.* 18. testetur. Qui violenta morte pereunt, quia pariter vel aquis submerguntur & strangulantur, vel confossi & decollati, i. e. sine notabili circulationis turbatione expirant: non in his, sed in illis tantum, lympham hanc cardiacam animadvertere licet, ut aliquoties, in publicis æque ac privatis sectionibus, ostendi.

Causa vulnorum pericardii lethaliū.

Quod si proin ex lacerato insigniter pericardio quendam obire contingat, imputandum hoc erit vel continuitati, quæ ipsi cum diaphragmatis parte tendinea intercedit, vulnere ejusmodi solutæ, hincque respirationi turbatæ, vel inflammationi, cui sacculus hic membranaceus cum partibus, quibus continuus existit, exponitur, vel aeris forsan contactui, cordi minus proportionato, hoc erit tribuendum. Priori ætiologiæ causam dicit *Antonius Algiate*, quem ablata parte pericardii quidem sanatum, suspiria tamen alta duxisse, nec multis annis supervixisse, ex *Cardano Schenckius* refert: inflammationem vero harum partium mor-



mortalem existere, cur mirabimur? Quemadmodum denique cordis texturam ab aere per vulnus pericardii subintrare ad corruptionem repentinam satis alterari, probabile reddunt, intestina, omentum, pulmones aliaque organa, extra ventres suos devoluta & ab atmosphæra mox in sphacelum coniecta.

Et quæ contra hanc vulnerum pericardii lethalitatem assertam adducuntur, v. g. ex *Benivenio de abdit. morb. caus.* & *Cardano ad Hipp. 6. aph. 18.* parum movere poterunt, quod meris conjecturis innitantur. Quamvis vix concipi vel fieri queat, Folliculum hunc cordis sine partium aliarum circumstantium aut adfictarum læsione vulnerari, adeoque de habitudine ejusmodi plagæ solitaria vix unquam disquiri, quin lacerata simul fuerint vasa, intercostalia, mediastina, pulmo &c. Ita ut crebrius complicata hinc emergat lethalitas.

Cum corde communi lethalitati involvuntur hujus vasa sanguiflua quatuor majora, si ea vulnerari contingat, cujus asserti experientiam casus tristissimi infiniti comprobant, rationem *Hippocrates de Corde t. 5.* suppeditat. Hæc quippe, nomine venæcavæ & pulmonalis, arteriæ pulmonalis atque aortæ, ad ventriculum illius utrumque demissa & ex hoc exurguntia, fontes sunt humanæ naturæ, & flumina sunt, quibus totum corpus irrigatur; atque etiam homini vitam conservant, & ubi desiccati fuerint, homo moritur. i. e. totum corpus his laceratis fluido vitali necessario defraudatur, sive hoc ex eo rejiciatur, sive vasa tantum deferat, & ad cavum thoracis depositum, tam mole, quam putredine, hujus membræ molestum evadat. Exempla vulnerum ejusmodi funestorum vel ex actis facultatis nostræ, vel ex inspectionibus a me administratis proferrem, nisi penes omnes conscientiosos & prudentes medicos assertum hoc in confesso esse, nosssem. Potius stupeo tantam quorundam Medicorum malitiosam ruditatem, qui talia vulnera, utut in momento concidant icti, pro per accidens tantum lethalibus defendere & homicidis contra conscientiam causam dicere satagunt: quale quid quendam de aortæ trunco, mox a sui exortus perfosso, ante paucos annos, quod arteriæ non sint partes principes, arteriarum & venarum vulnera sæpius consolidentur, non omnis profusio sanguinis sit lethalis, hic e cavitate thoracis educi queat, naturæ ejusmodi plagarum consolidationes sint possibiles, similibusque frivolis argumentis sustinere conatum fuisse, acta publica loquuntur.

*Vasorum  
cordis ma-  
jorum vulne-  
ra sunt le-  
thalis.*

Accenseamus his vulnera vasorum subclavium & mammariarum, item venæ azygos, ex truncis illis immediate magis emanantium & in eosdem se terminantium; quæ mortis certissimæ pariter causa proxima existunt: vel quod sanguinis affluxu hinc spoliatur totum, vel quod thoracis organa motuum suorum vitalium ab hujus congestione lethales patiantur moras, ut historiæ, a *Ballonio lib. consil. 22.* *Boneto Sepulcr. l. 4. f. 2. obs. 24. §. 2.* evincunt.

*Item Sub-  
clav. Mam.  
mar. & venæ  
azygos.*

Quibus non sine ratione accenseo vasorum intercostalium læsiones ejusmodi, quarum occasione multum cruoris ad cavitatem pectoris profunditur: de quibus tamen quia *Secl. 1. cap. 3.* prolixius disserui, lectorem eo remitto. Sanguis enim hic congestus viscerum vitalium motus enormius turbat atque cohibet, ac tandem in saniem seu pus ichorosum degenerans ad suffocationem usque eorum texturam corrumpit ac destruit. Cujuseductio per paracentesin non adeo facilis est, ac communiter creditur: vel quod plagas ejusmodi cavum illud penetrare, non æque semper constet, vel quod adornata hæc Chirurgiaeductoria successus felicioris raro observentur. Utriusque Exempla evidentiora *secl. 1. c. 3.* recensui: priori in præsentiarum hoc addo. Anno 1707. mense Junii in fauciatu cujusdam thoracis latere sinistro Medicus ac Chirurgus deprehendebant puncturam, ad sternum inclinantem, quæ an pectus perfoderit, nec candelæ cereæ, nec siphonis, nec tubuli applicatione, iisdem experiri licebat: quin, potius eam in sternum termi-

*Vasorum  
Intercosta-  
lium læsio-  
nes lethales.*



nari, cuncta tentamina innuerent & symptomatum levitas optima quævis sperare juberet; donec post aliquot dies cochleare circiter feri corrupti hinc promanaret & percussus objerit. In cujus cadaveris thorace puncturam illam intra tertiam & quartam costarum superiorem illius cavum subiisse, ac musculum sub sterno triangularem sinistram, mediastinum & pericardium lacerasse, vidi, ita quidem ut lateris dextri spatium intercostale pariter ad cutem usque perforarit. Venter hinc medius, pure sanioso repletus, pleuram & cordis superficiem externam corrugatam ac crassiorem, ventriculum vero hujus dextrum maxime compressum, monstrabat: punctura vero descripta a me lethalis dicebatur.

Non omnia  
Pulmonum  
vulnera sunt  
lethalia.

Pulmonum plagæ non semper lethales observantur, hincque forsan *Hipp. 6. aph. 18. & 2. prædict. 19.* harum inter lethalia haud meminit, suntque frequentiora illorum exempla, qui transfossis iisdem, quamvis raro sine gravioribus symptomatis, ad multos annos superstites manserunt, qualia in *Secl. 1.* innui, his vero nonnulla ex *Pigræo & G. Stalpart. van. der Wiel*, utpote memoratu præ reliquis digna, in præsentiarum addo. Nimirum *Prior Chirurg. lib. 4. cap. 14.* de nobili quodam, in pectore non longe a mamma ensis ictu, dorsum in opposita parte trajiciente, percusso refert, quod, quamvis hic trajectus sine pulmonis læsione fieri non potuerit, parum tamen puris per vulnus prodierit & sine febre aliisque symptomatis intra quadraginta dies perfecte sanatus fuerit: donec quadragesimo febre ac aliquali dyspnœa correptus paulo post per tracheam puris albi & percocti ultra libram ejecerit, indeque optima semper valetudine usus fuerit. Addit huic notabilem maxime historiam cujusdam militis, qui sclopeti ictu in thorace vulneratus tribus aut quatuor a sanatione mensibus per eandem arteriam asperam satis crassum tribusque ad minimum digitis longum costæ fragmentum emiserat, ab eoque tempore nullum plane symptoma senserit, *Posterior autem Cent. 1. obs. 39.* perhibet, juvenis cujusdam dorsum prope scapulam eoque perfossam fuisse, ut ensis mucro per pectoris quendam musculum intercostalem ad cutem usque ferretur, isque multum sanguinis tussiendo rejiceret, sanatum nihilominus intra quatuordecim dies prodiisse. Item *Obs. 31.* alium juvenem ab ense, pariter thoracem trajiciente, humi prostratum sine motu & sensu aliquandiu decubuisse cum insequente hæmoptosi duarum circiter mensurarum & paralyti unius lateris satis diuturna: qui nihilominus tandem cum loquelæ & motus in crure aliquali restitutione sanabatur, manu resoluta permanente.

Memini ipsemet juveniculæ villicæ, quæ ante annos viginti circiter sclopeti explosi ictum sustinuerat, cujus globuli, pisum circiter æquantes, plures summum tatem pectoris dextram perforarant, ita quidem ut horum quatuor per scapulam ejusdem lateris hujusque os denuo prodierint. Altera a vulnere suscepto die, cum illam, pro prognosi formanda, visitare, sputum cruentum spumofum, tussim, dolorem pungitivum cum aliquali dyspnœa penes eam annotabam, ex qualibus symptomatis & regione thoracis vulnerata pulmonum partem granulis illis plumbeis transfossam, hinc vulneratam non omnis vitæ periculo expertem declarabam; quæ nihilominus sensim reconvalescens, sub raucedine & dolore loci tenso ac gravativo cum aliquali anhelitus difficultate, superstes mansit.

Multa ta-  
men,

Observatio.

Multos tamen, modo brevius, modo tardius, ex pulmonum ictu succumbere præter *Hipp. 3. coac. 388.* eadem experientia evincit; adeoque organi hujus vulnera per se lethalia censeri debent, quæ aut plures, aut majores earum arteriarum vel venarum ramos, aut trachæ propaginem insigniorem, penetrant lacerantve, vasorum sanguifluorum pneumonicorum lacerationes lethales præter *Timæum Respons. 16.* Acta facultatis nostræ comprobant, v. g. in viro quodam, Sulæ Francorum 1683. d. 19. Junii glandis sclopetariæ ictu trajecto, hincque paucas post horas obeunte: in cujus cadavere visa fuerunt clavicula dextra & pulmonis sum-



summitas perforata, hujus vero vasorum rami majores lacerati, hinc spatium thoracis idem multo sanguine repletum. Cui ex propriarum observationum catastro tres paris eventus casus jungo. Quippe anno 1674. die 13. Februarii, vocatus a nobili in viciniam, secui & inspexi cadaver, cujus pectus non glande plumbea, sed chartacea tantum, trajectum monstrabat sub ala sinistra e regione papillæ intra quintam & sextam costam vulnus, cum quintæ effractura & pulmonis sinistri lobi inferioris hujusque vasorum insigni seu sesquiunciam æquante dilaceratione, qua intra nycthemeron cum hæmorrhagia insigni, difficultate spirandi & cordis anxietatibus obierat percussus. Primo Decembris ejusdem anni in conflictu quorundam Studioforum & præsidii curiæ nostræ illorum cujusdam, qui mox cum vitæ suo exordio cognomen a morte susceperat, latus sinistram venabulo nefario mortaliter pertundebatur, ut per vulnus satis ingens, septimæ costæ partem, octavam totam & utriusque spatium intermedium trajiciens, cum cruore languescientem animam sexto ejusdem mensis deponeret: in cujus cadavere cum diaphragmatis ambitu carneo sinistri pulmonis fibræ superiorem ad uncia longitudinem perforatam simulque aliquot hujus visceris vasa, in primis tres insigniores ramos arteriosos, lacerata, hincque pulmonem ac pleuram inflammata, videre contingebat. Porro An. 1679. d. 27. Sept. ad instantiam Prætoris urbani lustravi cadaver, civis suburbanus filii, qui thorace sub ala pariter sinistra, intra sextam ac septimam costam, ense perfossus triduo post fatis cesserat; ideo quod pulmo ejusdem lateris cum venæ pneumonicæ ramo sinistro sauciatus fuerat.

*Observatio.*

*Observatio.*

*Observatio.*

Majora itaque pulmonum vulnera, quia sine divulsione vasorum sanguiferorum fieri nequeunt, item minora, venam arteriamve insigniorem penetrantia, semper per se lethalia dici merentur, & rarissime evadunt, qui talia sustinent. Obstat equidem huic pronuntiatio videntur ejusmodi quorundam Scriptorum observationes, quæ ingentem satis pulmonum prominentem portionem, sine vitæ detrimento rescissam perhibent, v.g. *Hildani Cent. 2. obs. 32. Schenckii ex Rolando obs. p. 267. ac Tulpii lib. 2. obs. 17.* verum dispar horum phænomenorum & plagarum hæcenus descriptarum ratio est. Quippe, quam *Hildanus* annotavit, apicis pulmonis lividi præsectio ferro candente, hinc absque notabili hæmorrhagia, fiebat: in *Schenckii* historia pulmonis portio, propter sanguinis, angustia & conniventia vulneris thoracici; appulsum interceptum, pariter sine hæmorrhagiæ metu amputabatur. Quam *Tulpius* quoque, quia partem pulmonis prorumpentem emortuam filo constrictam extirpabat, prudenter satis evitabat.

*Vulnera pulmonum, propter vasa sanguifera lacerata, mortalia.*

Quadrat huc *Ruysschii Celeberrimi obs. anat. chir. 53.* ubi ex vulnere thoracis partis inferioris, in famulo cujusdam nautæ pulmonis particula prominebat, quam Chirurgus imperitior pro omenti portione habens illico vinculo ad rescindendam deligando præparat. Advocatus *Ruysschius* admonebat idiotam, plagam non abdomen, sed thoracem, penetrasse, & eam, quæ emergeret, ab illo ligata, pulmonis portionem esse: hinc vulnere digestivo & emplastro defensivo singulis diebus fore prospiciendum, donec illa ligata emoreretur ac sua sponte decideret & pulmo in ipso vulnere consolidaretur; quod cum reconvalescentia ægri contingit.

Futile & nullius valoris argumentum sane est, quo in defendendis homicidis communiter utuntur, quasi sub compagis pulmonum ab ulcere profundiore erosione & non exiguæ hujus portionis consumptione quidam diu satis & per annos (quamvis sub valetudine plerumque causaria) superstites degant: proin nec vulnera eorum adeo exitiosa & brevioris interitus censerī posse. Alterius plane rationis est suppuratio sensim & sine hæmorrhagia præcipiti emergens, ac



plaga, ense, globulo &c. inflicta: cum hæc sine cruoris enormiore vel ad extra, vel ad pectus, profusione, quæ lethalitatis causa proxima, nunquam contingat; qualem ulcera illa nesciunt. Ulcera crurum aliarumve partium externarum per plures annos sustinent nonnulli sine vitæ dispendio, vulnera eorum, graviolem Hæmorrhagiam quæ comitem habent, brevi cum sanguine animam deponunt.

Item propter  
ramos tra-  
cheæ laceratos.

Præterea vulnera pulmonum illa quoque, quæ, illæsis vasis sanguiferis, asperæ arteriæ intra eos reconditum ramum perforant, mortem per se patrare, ipse Hippocr. Coac. l. c. innuit his verbis: *Moritur autem etiam si in arteriam & pulmonem magnæ plagæ fiant, ita ut pulmone percusso paucior spiritus per os procedat, quam is qui ex vulnere elabatur*: confirmante idem experientia v. g. Glan-  
dorpil, qui obs. 25. quendam nautam ex læsione rami asperæ arteriæ cum impe-  
tuosiore aeris per vulnus transitu & sanguinis spumosi eruptione sexta die deces-  
sisse, narrat. Estque hujus eventus causa in promptu, quod aer, qui pulmones  
distendere & sanguini moleculas vitales concedere debebat, libere & sine omni  
hoc effectu per plagam pulmonis æq; ac pectoris exhalet: aut ob vulneris angus-  
tiam in thorace retentus ac pulmones suffocando magis perimat.

Ductus tho-  
racici vulne-  
ra lethalia.

Nec ductus Chyliferi seu Thoracici lacerationes, hætenus ab hujus argu-  
menti scriptoribus neglectæ, lethalitatis notam effugiunt: non tantum quod hac  
ratione, quæ per canalem hunc alias fieri solet, chyli traductio intercipiatur,  
sicque sanguis commeatu necessario intercludatur, sed quod lymphæ pariter, e  
corporis partibus reflua, ex canali sanguinis exturbetur. Asserto huic ejusque  
ætiologiæ egregiam fidem faciunt experimenta bina, a Louvero de Corde cap. 5.  
perspicue satis tradita, & a quovis, mediocriter in ejusmodi tentaminibus exer-  
citato, facile adornanda; quibus intra thoracem canis viventis tribus a pastu  
horis lacerata receptaculi lumbaris summitate aut ipso canali chyloso-lymphatico  
cruor e vena vel arteria postmodum ductus pauca lymphæ nulloque chylo dilutus  
conspicitur, animal paucis diebus elanguescit & expirat, ventre hoc lymphæ ac  
chylo extravasato scatente, ac viscera vitalia submergente.

Lethalitatem equidem hanc dubiam reddere poterat historia fluxus ex vulne-  
re chylosi, quam ex Lanceloti relatione Bartholinus Cent. 3. epist. 37. tradit,  
quod Baro quidam circa mediam dorsi vertebra scolpeto læsus, glande subter  
sinistram scapulam exeunte, primo quidem non adeo male se habuerit, post qua-  
tuordecim tamen dies per vulnus inferius, superiore consolidato, extillarit liquor  
albicans, parum simul flavescens, & quidem per plures menses, ægro quotidie  
sub febricula vespertina magis magisque debilescente & contabescente, utut be-  
ne appeteret & victu lauto atque pleniore quotidie uteretur, tandem tamen  
eiusque restituto, ut febricula & fluxu per quatuordecim dies remittente, habi-  
tus quoque corporis floridior comparuerit. Donec idem, ex alimentorum cali-  
diorum abusu animique commotione vehementissima, ejusdem fluxus recidiva  
una cum epilepticis convulsionibus ac postmodum hemiplegia correptus, paucos  
post dies e vivis sublatus fuerit. Sed vindicabit illam ab ambiguitate, si (pro-  
pter cadaveris inspectionem minus accurate peractam) dicamus, forsan non ip-  
sum truncum, sed ramum ejus tantum alterutrum, infra coalitum communem,  
fauciatum fuisse, ut pro portione quadam Chyli & Lymphæ advehenda alter ad-  
huc ramus quadantenus suffecerit. De cetero mortem certam non parum forsan  
morata fuit illa circumstantia, quod fluidum hoc extravasatum e vulnere pro-  
manarit, nec congestione sua cordi pulsanti, nec organis respiratoriis, impedi-  
mento fuerit; contra in thorace reservatum functiones has vitales graviter  
turbet.

Diaphrag-  
matis plagæ  
que mortifi-  
feræ?

Pro diaphragmatis vulneribus mortalibus discernendis vulgo distinguunt cum  
Galeno in Hipp. 6. aph. 13. & 5. meth. meden. 6. 9. inter vulnera nervosæ &  
car-



carnosæ parti inflicta , nervei s. tendinosi centri vulnera per se & necessario lethalia , carnosæ vero peripheriæ modo cum *Fallopio* & *Vido Vido* gravia tantum , ac difficilioris curationis , modo cum *Foresto* utplurimum , hinc per se , lethalia pronunciantes . Verum quamvis negari haud possit , carneæ diaphragmatis substantiæ vulnera minora aliquando sanata fuisse , qualia exempla præter *Alex. Benedictum* , *Hollerius in Hipp. 6. aph. 18. Glandorp. Specul. Chirurg. obs. 27. ac Diemerbroeck anat. l. 2. c. 3.* narrant ; & quidem non tantum per texturæ rationem , qua ad consolidandum hæc magis apta , sed quod costis maximam partem propinquior eadem circumferentia remedia commodius admittat : Majora nihilominus aut multiplicata v. g. bina , non , nisi morte , expiari , præter experientiam communem ratio svadet , dum per hæc quoque actio respiratoria vitalis turbatur , & inflammatio superveniens cerebrum ac nervosum genus æque facile , ac si pars ejus tendinea ictum sustineat , in consensus spasmodicos ciet .

*Eriam carnosæ illius partis .*

Imo ambigere licet , non ne quæ a Medicis ac Chirurgis hætenus vulnera nerveæ Diaphragmatis portionis ex præjudicio credita fuerunt , ipsam ejus carnositatem penetrarint : dum quæ communiter traditur , diaphragmatis conformatio autopsiæ accuratiori haud concordat , & a modernis professoribus evincitur , non hujus tantum circumferentiam carneam existere , sed ex duplici & digastrico quasi musculo illud componi primo *Steno* asserit , quorum superior ac latior peripheria sua circulari costis , & sterni extremitati adhærescat , altera sui parte in aponeurosin tendineam abeat , inferior a vertebriis lumborum carnosio pariter corpore sursum feratur , & cum prioris aponeurosi tendinem communem formet . Ita quidem , ut septi hujus portio , quam transit Gula , quamque nerveam seu tendineam hætenus crediderunt omnes , revera carnea sit , adeoque ex hujus vulneribus qui pereunt , non ex tendineæ , sed carneæ , expansionis læsione expirent . Breviter , utriusque diaphragmatis substantiæ vulnera per se lethalia sunt : quia nerveæ semper & necessario , carneæ frequentius , seu utplurimum talia observantur . Accedit , raro diaphragma solum sauciari , quin ex visceribus vicinis unum pluraque simul lædantur , hincque vulnus complicatum lethalityatem intendat .

*Diaphragmatis structura olim male fuit explicata .*

Interim vix adeo mirari convenit , si vulnera septi mortem aliquando non mox pedissequam ferant , illa sc. per quæ ventriculus atque intestina sursum & intra thoracis ambitum rapiuntur , hinc foramen factum obturant , imo hujus limbo tandem agglutinantur , qualia phænomena *Paræus lib. 9. cap. 30. Sennerius prax. lib. 2. part. 2. cap. 15. & lib. 5. part. 4. c. 3. ac Blanckard. Anat. præct. ration. obs. 1.* referunt : quamvis eadem cum viscerum hæc translocatione repente quoq; interemisse , i. e. irrepentia hæc motum cordis & pulmonum mox ad syncopen & suffocationem usque turbasse , idem *Paræus l. a. H. ab Heer obs. 25. Glandorp. obs. chir. 28. & Blanckard. l. a. obs. 2.* testentur . Nihilominus , sive brevi , sive post mensium demum fluxum , moriatur ab ejusmodi viscerum mutato situ perfossus , lethalis tamen dici meretur hic diaphragmatis ictus : quod arti nullus suppetat modus , per quem raptus ille impediatur ac translocata interanea retrahantur , etiamsi de his ( phænomeno alias satis abstruso ) constaret . Et si etiam sine ejusmodi viscerum abdominis translocatione diaphragmate enormius sauciatos fatum aliquot dies superstites conservasse , observationes testentur : v. g. ex relatione illius galli anonymi , cujus a me aliquoties mentio facta fuit , ubi ensis vulnerans hypochondrium sinistrum compagem diaphragmatis carnosam primum , hinc dextræ partis tendinosam , perforaverat : expiravit tamen post triduum demum vulneratus sub febre graviore , delirio & convulsione sardonica .

*Viscera abdominis ad thoracem raptâ lethalityatem aliam quando sufflamant .*

Spestat huç ejusdem septi contusio , non tantum illa , quæ cum cruoris

*Contusio Septi lethalis .*



enormiore extravasatione contingit, qualem *Timæus Resp. 15.* brevi lethalem perhibet: sed quæ etiam sine hac momentaneam suffocationem infert, percussis sc. hypochondriis aut regione epigastrica. Repentinæ ab ejusmodi diaphragmatis concussionem strangulationis exemplum ex penu propriarum observationum *Sect. 1.* protuli, simileque me aliquando ab amico audivisse recordor, qui superioribus annis, jussu Magistratus sui, secuerat cadaver pueri, commilitone globi nivalis in Epigastrium jactu prostrati & extincti, nihil tamen rupturæ similisve violentiæ præ se ferentis. Sine dubio, quod vehementius concussum septum, spasmus ejusmodi compressivum experiatur, per quem ad tempusculum intercepta respiratio percussum e vivis rapiat.

*Nervorum  
thoracis la-  
cerationes  
lethales.*

Demum lacerationes nervorum per ventrem medium decurrentium intercostalium, vagi paris & phrenicorum, ut mortiferæ maxime, huc revocandæ, sive utriusque, sive alterutrius tantum, lateris propagines aut plexus existant, prout sub finem *cap. 2.* monui. In specie hoc evidens maxime est in nervis & plexibus cardiacis singulis, quatenus ab horum ruptura uni tantum cordis ventriculo eveniens spasmus aut resolutio alterius quoque motum cum respiratione necessario turbat: ut ponderata habitudine, qua ad se invicem & pulmones hi gaudent, facile cuivis perspicuum fiet.

## C A P. V.

### De abdominis vulneribus lethalibus.

*Vulnera ab-  
dominis le-  
thalia.*

**I**N abdomine quemadmodum pariter diversa diversique muneris sunt organa; sic eorum fauciatorum intuitu ventri huic plura præ thorace contingunt vulnera mortalia: Sc. innuente *Hippocrate* locis aliquoties allegatis, ventriculi, intestinorum, hepatis, vesicæ & vasorum majorum, quibus non immerito lienis, folliculi fellis, mesenterii, pancreatis, omenti, receptaculi lumbaris, renum uterique lacerationes pleræque accensentur.

*Ventriculi,  
duplici ra-  
tione.*

Ventriculi vulnera vel ratione vasorum sanguiferorum, vel ratione compa-  
gis sibi propriæ, lethalia observantur: dum per illa contingens hæmorrhagia totius corporis viribus enormiter derogat, sanguinis vero ad interiora facta profusio mole atque putredine visceribus vim infert: per hæc autem digestio alimenterum horumque distributio, fluidis, vitalibus universalibus æque, ac particularibus, materiam subministrans, turbatur atque aboletur, imo illorum vel crudorum, vel digestorum, ad ventrem rejectione hujus interanea pariter materia molesta & in sui ac horum exitium vergente obruuntur.

Frequentiora nihilominus annotantur & penes auctores consignata leguntur exempla eorum, qui a percussione ventriculi reconvaluerunt, v. g. *Galenum in Hipp. 6. aph. 18. Fallopius de Vulnere in genere c. 4. Chr. a Veiga in 6. aph. 18. Schenckius obs. p. 348. & Glandorp. Specul. Chir. obs. 30.* quibus accedunt historiæ famosissimæ illorum, quibus cultrum, vel demente temeritate, vel imprudentiore conatu, per gulam ad ventriculum demissum, per epigastrii regionis incisionem eductum fuisse, narratur a *Crollio in præf. Basil. Chymic. & Daniel. Beckero in peculiari de Cultrivoro Prussiano libello* descriptæ. Quo referre licebit adolescentem illum rusticum prope Halam sexdecim annorum, qui anno 1691. d. 3. Januarii inter petulantias juveniles cultrum ore prehen-



prehenfum improvifo pronoque in terram lapfu faucibus profundius impegit, fo-  
ciisque & aliis accurrentibus, quod extrahi illum poffe diffidentur, cerevifiam  
ac oleum, ad gulam lubricitandam, fuffundentibus, in ventriculum demifit.  
Post varios dolores ac moleftias, modo fedatos, modo recrudefcentes, mense Ja-  
nuarii insequentis anni tumor quidam durus non procul a fcróbiculo cordis ena-  
tus, cum rubore & dolore intenko, paulo poft aliquantum evanefcens, Maii  
mense denuo tamen prominens & abfcelfum innuens, qui 24. dicti mennis fpatha  
Chirurgi apertus materiam purulentam ac graveolentem fundebat, die 18. Junii  
apicem cultri monftrabat, donec die 2. Augufti culter integer, quamvis hinc in-  
de corrofus ac mole imminutus, feliciter extraheretur, & ab eo tempore, fen-  
fim consolidato ulcere, incolumis viveret adolefcens. Transcripferat hanc hifto-  
riam, qui illi medendo adfliterat, ad nos, *Acta Eruditorum ann. 1692. mense*  
*Decembr.* cum figuris cultri devorati insertam. Quibus & fimilibus, quo *Hippo-*  
*cratis, Galeni, Celfique* fui effata defendant, vulnerum ventriculi varias confti-  
tuerunt claffes eorum commentatores, harumque alias lethales, alias non leth-  
ales, fibi conceperunt. Distinguebant fiquidem 1. inter parva & superficialia tan-  
tum & inter penetrantia ac latiora, illaque minus, hæc maxime, mortalia ju-  
dicabant: 2. inter ventriculi læfi partes, id eft orificia & fundum, illorum pla-  
gas femper & neceffario, hujus ut plurimum tantum, mortiferas pronunciantes;  
quamvis alii ftigium tantum fundi, feu eminentiæ bina orificia interjacenti,  
hujusque læfionibus hanc prærogativam tribuerint.

Verum quemadmodum orificiorum plagas penetrantes femper lethales cen-  
feo, fcilicet finiftri, ob deglutitionem impeditam, plexuum nervorumque in-  
figniorum inevitabilem lacerationem, connexionem cum fepto tranfverfo, hincque  
inflammationem dolorificam fingultuofam & convulfivam, dextri ob chyli diftri-  
butionem impeditam vel depravatam & vomitus biliolos enormiores: utriusque  
vero quod ratione fitus profundioris remedia congrua fibi applicari haud patian-  
tur. Ita haud apparet, cur non vulnera fundi quoque, fi cum his fimilibusque  
fymptomatis moriatur percuffus, per fe lethalia debeant pronunciari, utpote quæ  
pariter ideo perimunt, quod medelam neceffariam ratione fitus naturalis re-  
fpuant, aliorum vero consolidationes aut naturæ favoris fingularis, aut cœcæ  
fortunæ, opus fuerint. Neque enim, ut aliquoties monui, locum hic habet il-  
la, quam in prognofi vulnerum adeo frequenter decantat, limitatio, quali ori-  
ficiorum plagæ femper & neceffario, fundi ut plurimum duntaxat, mortem in-  
ferant: quatenus non de futuro, fed præfente, eventu, id eft, non, an mori-  
turus, fed mortuus, fit percuffus, deponere poftulatur Medicus; vel eo ipfo,  
dum ex vulnere ut plurimum funefto periit hic, hoc per fe interfeciffe videtur  
vulneratum, prout in *Sectione prima* prolixius oftendi.

Neque enim I. Symptomata alterius generis, pauciora, aut orificiorum  
vulnerum pathematis mitiora minusve lethalia patitur fauciatus ventriculi fun-  
dus, chyli nempe digestionem ac distributionem fruftratam, naufeam, vomitus,  
convulfiones &c. quæ fane vulnerato interficiendo fatis potentia exiftunt. Nec  
II. craffior magisque carnofa eft hujus fubftantia tunicacea, prout hætenus cum  
*Sebizio & Suevio* fibi fuisque Lectoribus multi, dogma fui *Galeni* denuo poftha-  
bentes, quo in *Hipp. aphor.* fæpius nominatum vulnera, ad ftomachi cavitatem  
penetrantia, non tam propter hujus fubftantiam, quam quod ipsis non, ut  
partibus externis medicamenta poffimus imponere, incurabilia ait, perfuaserunt.  
Carnofiora longe femper observantur bina oftia, & fibrarum mufculofarum fa-  
fciculis pluribus atque craffioribus, imo infuper circularibus, inftrecta, tenuio-  
ribus femper comparentibus parietibus ipsius cavitatis: ita ut, qui contrarium  
afferunt, eos vel contra autopfiā loqui, vel nullum ventriculum humanum

*Orificiorum.*

*Ac fundi.*

*Carnofiora  
sunt orificia  
fundo.*



Non magis  
sensibilia  
sunt orificia  
præ fundo.

vidisse, dicendum foret. Multo minus III. majorem præ fundo sensibilitatem prætere potuerunt ostia bina vel ex his sinistram propter plexus ingentes, in quos circa idem abit par vagum, quatenus plexus illi hic locorum haud terminantur, aut ab his majores ac plures nervi in eorum tunicas absorbentur, sed ab iis emanantes propagines per totum undique ventriculi ambitum feruntur, imo a plexibus nervi intercostalis abdominis diversis infiniti & conspicui nervorum fasciculi egrediuntur fundo magis, quam orificiis prospicientes. Denique nec IV. adeo evidens est habitudo fundi, pro admittendis medicamentis, major quam ostiorum: dum quoad extrinsecus immittenda difficultas ratione situs ubique eadem, a traumaticis vero internis seu epotis haud plus sperare potest fundus præ orificiis, quasi illa in hoc diutius morentur, eumque non adeo festinanter, ut hæc, præterlabantur, i. e. quancunque hujus regionem tibi concipias perforatam, exilissima, aut potius nulla, illorum in plagam conglutinandorum erit efficacia. Si enim summam, ad hanc minime pertingunt, hujusve unitatem læsam attingunt optima balsamica. Si inferiorem, per hujus aperturam facilius effluunt & abdomen gravant, quam illius labia conglutinant: Sin denique mediam, etiam hujus plagæ viam potius patulam medicamentis illis concedunt, quam ut ab illorum momentaneo contactu aliquid virtutis recipere queant; eas vero si non attingant, nec inde delibare poterunt balsamum lata illarum.

Etiam sum-  
mitatis fun-  
di vulnera  
sunt morta-  
lia.

Neque tandem video, qualem prærogativam habeat jugum fundi, orificiis intermedium, quæ cordatum & Rationalem Medicum, in hujus vulneribus mortalibus judicandis ambiguum reddere possit: imprimis eum, quem unus vel alter hunc in finem *Galenus in 6. aph. aph. 18.* allegat, commentarium aut nunquam legisse, aut non recte intellexisse, aut perversè applicuisse, videatur. Verba quippe illa. *Tenuium autem intestinorum natura & ventriculi magis non parum participant carnosæ substantiæ, & ideo in summa parte vulnerata sæpius agglutinantur &c.* non summitatem loci, sed superficiem externam ventriculi & vulnera non penetrantia determinant, ut præter *Sebizium ac Suevum* vel succedanea innuunt: *Tota autem discisse usque ad eorum cavitatem, rarissime &c.* vel hoc evincit, quod, dum ventriculum intestinis combinat hoc loco *Galenus*, haud pateat, quid per horum summitatem, nisi superficiem externam, sibi velit. Quodsi vero ex percussionibus ejusmodi aliquos evadere contingat, ratio duplex potissimum subesse videtur: nimirum vel quod fastigium hoc ventriculi non adeo prompte conscendant ac per hoc rejiciantur contenta, præprimis si vulnus exilius, vel quod diaphragmati magis contiguum cum eodem facile coalescat: quæ phænomena tamen quia naturæ ac fortunæ potius, quam artis, opus sunt, vulnera hæc nec in genere, nec in individuis, ex illis succumbentibus, reddunt minus mortalia.

Observat.

Quo tamen his meis de fundi ventriculi plagarum lethalitate aliquid luminis & firmamenti ab experientia quoque accedat, provoco ad scriptorum observationes, in specie *Foresti*, qui *lib. 6. obs. chir. 5.* quendam quatuordecim circiter a fundi ventriculi vulnere, alium a simili viginti quatuor horis, obiisse perhibet, *A. Lusitani Cent. 1. Cur. 67.* qui Architectum Pauli Tertii, Summi Pontificis, ex ventriculi fundo ense perfossum, altero die mortuum ait, item *H. ab Heer, Obs. 25.* qui granorum mercatorem, cujus ventriculi fundus cultello transfossus, ad trigessimam tantum horam supervixisse refert: & *Th. Bartholini*, puellam, bombardæ minoris globulo ad ventriculi fundi sinistram protuberantiam hujusque cavitatem usque ictam, sequenti mane expirasse narrantis. Quibus ex *Actis Collegii Nostri* adiicio binos casus, quorum alter de vulnere lethali in fundi imo, alter in summo, testatur. Sc. anno 1668. 12. Maji Serve-



ſtæ Studioſus quidam militis hypochondrium ſiniſtrum mox ſub coſtarum verarum ultima ita vulneraverat, ut gladius in fundum ſtomachi, hincque ad latitudinem digitorum duorum tranſverſorum a pyloro per eundem ventriculum & hypochondrium dextrum tranſierit, ex quo icſtu ille cum vomitibus frequentioribus potulentorum hauſtorum, ac cardialgia, ſudore frigido altero die perierat, potulentæ pariter materiæ menſuris quatuor circiter ad abdominis cavum profuſis. Qualem percuffionem quamvis præter Medicum quendam privatum Collegium aliquod in vicinia non per ſe lethalem pronunciavit, aliud iudicium poſtulatam ſuper eundem caſum ſuſpenderit: noſtra nihilominus facultas per ſe absolute mortalem, non ſine rationibus decidendi, evidentibus iudicavit. Pariter ann. 1671. 26. Sept. in Oppido Voigtlandiæ, Reichenbach, calcearius calcearii hypochondrium ſiniſtrum fere eodem loco, ſc. ſuper coſtarum notharum prima, & ipſum ventriculi fundi faſtigium, e regione orificii ſiniſtri, ac duobus digitis tranſverſis ſuper pylorum denuo, perfoderat, ut hic cum dolore circa ſtomachum inſigni, ſiti, vomitibus & convulſionibus intra biduum expiravit, & quidem vulnere ſine omni dubio lethali.

*Obſervat.*

Quodſi proin præter ſummitatis ventriculi etiam reliqua fundi vulnera, in plagis lateralibus, antica &c. aliquando conſolidentur, quintuplicem ſuſpicor in primis huius eventus ſalutaris cauſſam occasionalem. Nempe (I) ſi minora, fieri hoc poterit per corrugationem ventriculi naturalem & beneficio ſtrati fibrarum muſculoſarum tunicæ carneæ, tractui vulneris paralleli, contingentem: (II) Si peritonæo, diaphragmati & abdominis muſculis agglutinentur & cum horum labiis coaleſcant, ut in Ruſtico illo Kunnersdorffienſi, cui annotante *Schenkio*, per vulnus Epigaſtrii ſatis diu alimenta prodierant, ſanato factum, tumor externus, mole pugnum æquans & non raro dolores graviffimos excitans, probabile reddit, ſimileque in Adoleſcente ruſtico Hallenſi factum, ex circumſtantiis enarratis colligitur: vel ſi (III) portiuncula omenti ſe inſinuans ejus incifionem obturando coalitionem juvet. Quod (IV.) etiam forſan evenit, ſi per vulnus ejusdem abdominis regionis latius labia ventriculi ſauciati integumentis externis adducere & una eademque futura hæc colligare liceat; quale quid ex voto ſatis ſucceſſiſſe ex obſervatione *Oethei Schenckius*, *Suevus*, *Corbeus* alique referunt, idemque confirmat *G. Stalp. van der Wiel cent. 1. obſ. 39.* Item (V.) ſi apertura ejusdem ventriculi ratione contiguitatis arctioris cum labiis plagæ externæ ita occaleſcat, ut per meatum ſeu ulcus hoc patulum, quæ moleſta, rejiciantur: cujus phænomeni exemplum in Ruſtico Bohemo, venabulo lato in ſtomachum ſub orificio ſiniſtro icſto, ex *Cornace* & *Jul. Alexandrino* allegati, ſi *Wielium* excipias, narrant, ſc. vulneris interni & externi labia per callum communem ita coiſſe, ut per eorum hiatum deglutita ad lubitum emittere, eodem vero linteis obturato illa retinere, valuerit, ſicque aliquot annorum ſpatio vitam protraxerit. Nec (VI.) rationi omnimode repugnat, quo nonnullos ſcriptores inclinare obſervo, quorundam forſan ventriculos carnoſiores exiſtere, adeoque per habitudinem quoque hanc individualement vulnera feliciter eluctari.

*Cur aliquando ventriculi vulnera non enecant?*

Sicut autem prout in ſeſtione prima innui, quæ per ſingularem naturæ benignitatem aut circumſtantiam ſatis fortuitam aliquando ſanatae plagæ alias, ejusdem generis viſas, lethalitate haud eximunt, niſi ex particularibus univerſalem conſuſionem, invita Logica naturali, eruere malis: ita, dum plura ventriculi vulnera lethalia, quam ſalutaria obvia ſunt, in ſubjectis, quæ occasione horum ac cum ſymptomatis gravioribus, his læſionibus adæquatis, perierunt, & quibus non adeo propitia fuit vel natura, vel fortuna, talia cujuſcunque ventriculi partis, mortem per ſe intuliſſe aſſerere nunquam vereor, potiſſimum ſi nec ſauciatus, nec Chirurgus, erroris convinci queat. Habent enim cuncta hoc commune,



quod remedia illis commode applicari haud valeant, vomitibus vero ac convulsionibus totum exagitent brevique enervent, his ipsis subsultibus discontinuatarum partium coalitionem turbent atque impedian, assumpta vero vel omnino e corpore proscribant, vel ad abdominis cavum deponant.

*Intestinorum  
Vulnera le-  
thalia.*

Ventriculo prout continua sunt intestina, & quidem tam ratione substantiæ quam usus, hæc discissa aut quocunque modo lacerata idem cum illo habent factum. Sc. vulnera horum per se lethalia comprobant infinita eorum exempla, qui intestinis sauciati expirarunt, contradicentibus aliis observationibus, quamvis paucioribus, nonnullos eadem salvos atque incolumes evasisse. Unde factum, ut diversam semper *διάκρισιν* meditati fuerint rerum harum Scriptores, sc. modo cum *Galeno in 6. aph. 18. vulnerum Superficiariorum & Penetrantium*: modo cum *Hippocrate 3. Coac. 389. Magnorum & Parvorum*, modo cum *Eodem Longitudinalium* atque *Transversorum*; modo denique cum *Galeno 6. meth. cap. 4. Tenuium & Crassorum*: adeo quidem ut superficialia, parva, recta ac crassorum periculosa tantum, penetrantia vero, majora, transversa ac tenuium per se mortifera, proclamarent. Et quidem posteriori limitationi ipse quoque *Hippocrates* primam occasionem fuggerisse videbatur, dum *6. aph. 18. & 24. inter partes lethaliter sauciatas tenuia tantum numerat intestina*: eo ipso tamen dum *2. prædict. 19. intestina in genere*, & *3. Coac. 389. tenue æque ac crassum mortem causari*, ait, eandem distinctionem quasi tollit, nescio tamen quo casu, inter Canones fundamentales relata; pariter etiam *Celsus l. 5. cap. 26. postquam servari non posse scripserat*, cui intestinum jejunum aut tenue aliud vulneratum, mox omnium intestinorum plagarum difficilem esse curam, pergit.

*Cur vulnera  
intestino-  
rum trans-  
versalia pe-  
riculosiora.*

Primam itaque ac secundam *διάκρισιν* promptus largior, tertiam vero ac quartam concedere nequeo: cum arti non plura ac efficaciora suppetant remedia pro vulnere longitudinali & crasso intestino, ac pro transverso & tenui, conglutinando seu uniendo. Transversa vulnera rectis cur difficilior coeant, hæc forsitan subesse videtur ratio, quod fibris tunicæ extimæ ac mediæ seu carneæ longitudinalibus dissectis nullo amplius vinculo contineantur circularium manipuli: contra his præfectis, illis harumque potentia contractoria integris, conniveant magis vulnera, minime tamen in cadaveribus, si patula reperiuntur, pro non lethalibus habenda.

*Cur tenuium  
Vulnera.*

Concedo pariter, tenuium intestinorum plagas vel ideo magis exitiosas existere, quod nobilior eorundem videatur actio, sc. chyli perfectio atque distributio, quod difficilior longe coalescant crassis, quodque majoribus & copiosioribus vasis sanguifluis & lacteis instruantur. Nec tamen crassorum functio sordidior, quam in congerendis & egerendis stercorebus præstant, talis est, quæ sine vitæ certo discrimine per vulnus frustrari queat: neque facilitas & difficultas coalescendi ex vulgi hypothese a substantiæ diversitate dependet, ut ipsemet *Galenus comm. 6. aph. 18. innuit*, sed ex situs disparitate, per quam Colon maximum sui tractum, ambitui ac integumentis abdominis externis non tantum contiguum, sed continuum quoque, deprehenditur, tenuibus profundius reconditis atque implicatis.

*Vulnera te-  
nuium æque  
ac crassorum  
sunt lethalia.*

Concludo E. cum *Hippocrate*, ictus, intestina quæcunque penetrantes, imprimis majores, & graviora symptomata pedissequa habentes, per se mortales existere: quod 1. a contentis suis ac flatibus distendantur, & motu peristaltico perpetuo exercentur, hinc difficulter coalescant; 2. facile inflammantur ac gangrænosæ evadant, ac 3. chylum atque fæces ad aqualiculum profundant; nec 4. remedia sibi rite applicari patiantur.

Vulnerum intestinorum lethaliū historias plures Scriptores consignarunt, v. g. *Valeriola lib. 2. obs. 8. & 9. Benivenius de Abdit. c. 76. in specie v. ilei Glan-  
dorpius obs. 32. Salzmann. obs. anat. p. 10. & Bonetus Sepulcret. l. 4. f. 2. obs. 25. §. 9. it. Coli Tulpius 3. c. 20. ac Salmuth. cent. 1. obs. 18. Quibus addo casum a*

Quæ-



*Observat.*

Quæstura Martisburgensis Præfesto facultatis Nostræ Judicio expositum, cujusdam, qui 1678. 27. Decembr. duorum transversorum digitorum altitudine supra os pubis cultello confossus, 1679. 4. Januarii ultimum diem obierat: propter ileum sectione longitudinali, vix crassioris digiti capace, laceratum, hincque cum reliquis intestinis inflammatum atque sphacelatum. Nec desunt tamen, quibus eorundem Intestinorum plagæ salutes contigerunt, qualium meminerunt *Albucaſis l. 2. c. 5. Paræus l. 9. cap. 33. Holler. in 6. aph. 18. Fallopius de vuln. in genere cap. 4. & de vulner. pecul. cap. 17. atque 19. Valeriol. l. 4. cap. 9. & quidem ilei Ephemerid. Nat. Curios. Dec. 1. ann. 3. ob. 176. Coli vero C. St. van der Wiel. sent. 2. obs. 25.*

Vulneris coli (ex quo fauciatus die quarto vita defunctus) lethalitatem quondam sc. Ann. 1691. 22. Augusti a Defensore impugnatam, a Collegio v. Nostro eodem anno ac mense vindicatam, Acta hujus suggerunt: cujus utriusque argumenta recensere forsan e re erit. Defensori ambigua videbatur illa ideo imprimis, quod 1. Profectores negligentiores intestinum nominatum minus aperuerint, hinc ejus valvulæ læsionem, unde lethalitatis potissimum momentum petierant, non tam viderint, quam augurati fuerint, 2. quod per integumenta abdominis dilatanda vulnerato intestino Medicus, qui ægri curam gesserat, vulneraria seu balsamica non tempestive injecerit, alias salutaria. 3. Hinc inde constet, vulnus ejusmodi cum peritonæi & muscutorum vulnere aliquando ita occaluisse, ut per hiatus relictum scybula intestinorum ad plures annos, sine vitæ periculo, rejecta fuerint: 4. non tam vulnus, quam sanguinem extravasatum ac in ventre congestum, supervenienti inflammationi & gangrænæ intestini occasionem dedisse: ac tandem 5. Vulnera hujus generis sanata quandoque legantur. Ast dubia hæc solvebat facultas, regerendo ad (1) quod, quamvis valvulæ coli laceratio ab inspectoribus nec visa, nec exacte probata, ex plagæ nihilominus loco, principio nempe hujus intestini, læsionem illius opinari liceat, & utut hæc minus lacerata fuisset, motus tamen intestini peristalticus ex simplici hujus vulnere, hincque necessario superveniente dolore ac inflammatione, depravari potuerit: ad (2) deficere indicans adæquatum ad abdominis integumenta dilatanda ad injectiones admovendas; incumbens etiam vulnere coli ileum illas ad hoc forte non admisisse, neque has ejusmodi duplex vulnus conglutinare potuisse: ad idem & (3) a particulari ad universale non valere consequentiam, h. e. ex uno exemplo casu magis, quam arte, hujus vel illius sanati vulneris non inferendum, quasi omnia ejusdem partis vulnera medelam admittant: ad (4) inflammationem ac mortificationem coli utique vulnere hujus potius, quam extravasato sanguini, adscribendam: ad (5) vero idem, quod ad 3. dicendum, sc. ab illo, quod rarius contingit, ad plura non fore concludendum. Proin hoc vulnus coli duplex ratione doloris, inflammationis ac gangrænæ, hincque eventibus lipothymiis, singultus vomitus ac rectorum clysterum per os, per se lethale esse dicendum.

Et sic in exque genere experientia fato potius, quam arte, a vulneribus intestinorum reconvalescentium, non, nisi hoc, concludere nobis convenit; vulnera intestinorum natura sua & in se non necessario, seu semper, sed ut plurimum tantum, existere lethalia: hincque inferendum, E. eorum plura illave frequentius sunt talia, hæc nimirum, quibus consolidandis Medicina defuit, adeoque symptomata mortifera declinare haud potuit, ob difficultates modo indigtas. Quæ vero eorum salutaria contingunt, observantur vel cum hiato, seu apertura ad exteriora hiscente, per quam præterlabentes faculentia excernuntur; vel cum intestini pariter ac abdominis plagæ occlusionem & coalitionem. Prius solennius est crassis intestinis, & quidem per situs & connexionis cum ventris hujus inte-

*Cur quedam  
intestinorum  
plagæ salu-  
tares?*



gumentis rationem, qualia exempla *Cabrolus obs. 13. Hildan. cent. 1. obs. 74. Platerus obs. lib. 3. p. 880. Bauhinus in append. ad Roussett. parerg. 1. Ephemerid. Nat. Cur. Decur. 1. ann. 3. obs. 8. & ann. 9. obs. 121. & ex S. Satleri Disputatione, Suevus de Inspect. Vulner. part. 2. c. 19.* quamvis ex tenuioribus tale quid ileo quoque cum vitæ, quamvis miseræ forsan, integritate accidere posse, sequentes binæ historiæ declarant. Refert quippe *Fernelius pathol. lib. 6. cap. 14.* Viro cuidam ex accepto ventris vulnere præcisum tenue intestinum prodiisse, ex quo alvi excrementa minus solida aut cohærentia per multos annos emanarint, ea via, quæ ad anum ducit, intercepta. Pariter *Blegni Zodiac. Gallic. ann. 2. Jun. obs. 4.* narrat, ab acinace quendam vulnus recepisse in parte dextra inferioris abdominis regionis, paulo supra annulos, processibus vaginalibus peritonæi transitum concedentes, quo ictu transversim & omnino dissectus fuerit tubus intestinorum, non procul a loco, ubi desinit ileum. Quod vulnus quamvis absolute lethale pronunciatum & pro desperato relictus fuerit percussus, ea tamen fuit hujus felicitas, ut extremitas ilei resecti, extra vulnus ad ulnæ sextæ partis longitudinem elata, tandem recti intestini munus in se suscepit &c.

Cur quedam  
intestinorum  
vulnera non  
lethalia.

Quod autem aliquando omnimode ac perfecte coalescant intestinorum vulnera, fieri potest I. per communem cum integumentis externis cicatricem, si illud vulnere externo e diametro opponatur, quale quid colo, per continuitatem illam, quæ cum peritonæo & musculis abdominis ejus parti externæ intercedit, quam frequentissimum est. II. Si vulnus abdominis tantum, quantum pro consuendo intestino lacerato necessarium, hoc consuetum interdum coalescit, si nimirum substantiæ crassioris & copiosiore pinguedine oblitum fuerit, qualem experientiam in colo *Glandorp. obs. 32. ac Ephem. N. C. Decur. 1. ann. 3. obs. 176.* testantur: non enim in omnibus futuram hanc æque feliciter succedere penes *Bauhinum* loco modo allegato videre est. III. Si forsan omenti, intestinis innatantis, portio casu aperturæ ejus se ingerat, hocque ad coalitionem usque perfectam obturet.

Mesenterii  
vulnera quæ  
lethalia.

Mesenterii rupturæ vix adeo facile interficiunt, nisi quatenus hujus vasa majora cum glandulis vel pluribus, vel majoribus, lacerentur. Vasa hæc quia sunt tam sanguifera, quam lactea, utraque per floris sui, plus minus vitalis, profusionem letho causam dicunt: illa quidem, siue sanguis e corpore proscribatur, siue in ventre congeratur; hæc, si intra abdomen cumuletur chylus ferofus & ascitem formet. Prioris, seu hæmorrhagiæ lethalis, exempla frequentiora sunt, quamvis oppido raro tales animadvertere liceat vasorum mesenterii sanguifluorum lacerationes, quin simul intestina aliave viscera mortaliter læsa conspiciantur. V. g. Jussu Magistratus Oppidani 1669. 13. Augusti iustrabam interanea juvenis, hypochondrio sinistro perfossi, & paucas abhinc horas defuncti: in quo præter mesocoli vasa sanguinea diversa, hinc multum sanguinis extravasati, jejuni extremitatem inferiorem perforatam vidi. Pariter in cadavere Civis cujusdam hujus urbis 1671. 25. Sept. ab ense, itidem hypochondrium sinistrum subeunte, hujus intestini jejuni principium, hepatis partem dextram & folliculum fellis cum venæ mesentericæ trunco perfossa, hincque itidem non unam seu solitariam mortalitatis causam, in uno defuncto, cernere dabatur. Superiore tamen anno die 17. Junii in Cive quoque Oppidano, vulgo dicto, qui ex punctura regionis epigastricæ tertia die expiraverat, observavi, ictum per omentum in mesenterii centrum penetrasse, sicque præter vascula epiploica exiliora propaginem arteriæ mesentericæ superioris insigniorem transversim reseculisse: unde abdomen satis vastum & obesum cruore extravasato & ad corruptionem inclinantem turgebat.

Quæ vulnera  
intestinorum  
lethalia.

Circumspectius paulo mihi judicandum videtur de lactearum venarum vul-

neri-



neribus. Nempe lacerato uno vel altero tantum harum furculo, etiam satis magno: hinc notabili quamvis chyli ac lymphæ portione profusa ac massæ sanguineæ subtrahita: per reliquos nihilominus ramulos integros, quia tantum chyli, quantum pro vita perpetuanda indigemus, advehitur: nec chyli hoc dispendium, nec ramulorum horum lacteorum incisiones, phænomena per se lethalia pronunciare conveniet. Quod si autem hæc vulnera cum multa & mox præcipiti chyli ac lymphæ ad abdomen profusione contingat, visceribus ejus molesta ac tandem suffocatoria, haud perspicio, quid auxilii illis sperandum: cum perinde ac in aliis ascitis speciebus, nisi aquarum scaturigo obturetur, hoc in casu frustraneus sit paracenteseos conatus. Illud tantum hac occasione monitum volo, minime, ut communis fert traditio, chylum ac lympham extravasatam intra corporis ambitum seu cavitates adeo facile corrumpi aut putrescere; adeo hanc illorum nocendi ætiologiam hoc loco haud attendendam esse. Quotquot enim secui ascite vel hydrope pectoris extinctos, serum horum chylosum nihil vel graveolentiæ, vel saporis nauseabundi, præ se unquam tulit, nisi corruptio visceris cujusdam enormior fracedine quadam illud infecerit: imo vix annus præteriit, cum in viro, summe ascitico (magis adejus & uxoris instantiam, quam ut ipsi aliquid hinc successus promitterem) per instrumentum Barbetianum paracentesin administrarim, qua repetitis vicibus eductum serum, quod per menses aliquot in aqualiculo quam moleste gesserat, coloris lactei, odorisque ac saporis suavioris atque subdulcis, uno verbo instar lactis ferofi & omnis corruptionis seu fracedinis ignarum, deprehendebatur.

*Chylus & Lympha non adeo facile corrumpuntur.*

*Observatio.*

Glandularum mesenterii eadem est ratio, si nimirum harum læsio tanta, per quam chylus ac lymphæ cum impetu ad abdominis cavum stillent & sub quantitate visceribus respiratoriis molestia in hoc cumuletur. Quod fieri aliter vix poterat, quatenus si vasa lactea primi generis has non transeunt, certe per easdem colatur, hinc discissi colatorii profunditur eorum fluidum: præprimis majore & media glandula, in quam plura lactea confluere, ex Anatomicis nunc suppono.

*Glandularum mesenterii vulnera aliquando lethalia.*

Plus metuendum a vasorum lacteorum distributoriorum seu secundi generis vulneribus, utpote quo pauciorum, eo grandiorum, item receptaculi lumbaris: quatenus hi canales atque alveus immunis lacerati plus chyli, imo omnem hujus & lymphæ ascendentis penum, profundunt, hinc non tantum viscera gravando, sed his atque fluido sanguinis succum alibilem denegando, mortem certam accelerant.

*Item Vasorum lacteorum secundi generis & Receptaculi lumbaris.*

Pancreatis plagas non, nisi arteriarum ac venarum transeuntium ac perrectantium occasione, mortiferas augurari possumus: quatenus organi hujus actio seu usus non tantus, quantum olim Graëf. aliique venditabant, ita quidem ut satis commode ac sine notabili œconomix animalis conturbatione aut everfione subjectis vivis extirpari queat, fueritque extirpatum sæpius cum successu a curiosioribus rerum Physiologicarum scrutatoribus.

*Pancreatis vulnera vix lethalia.*

De omento idem sit judicium, i. e. nec hoc, ut tale, sed vel ratione venæ splenicæ ac arteriæ hepaticæ atque splenicæ, proxime transeuntis, vel harum ramorum, sibi priorum, insigniorum laceratorum, vulnerato aliquando necem adfert: Miror proin *Sebizium*, quod omenti vulnera per accidens tantum periculosa, nunquam per se lethalia concedat, si nimirum imperita ac rudiore manu tractentur illa: quatenus *Celeberrimum hunc Doctorem* meliora edocere poterat, quem pro dogmate suo declarando in scenam producit *Forestus*, qui 6. *obs. chir.* 7. rescissa sine ligatura prævia portione omenti, ex abdomine vulnerato prominente ac corrupta, hincque per hæmorrhagiam enormiorem multo cruore in abdomine collecto, quendam paucis post diebus periisse;

*Nec omentum.*

Alium



Alium per Gratiā Dei ac Naturæ singulari demum fato , huic & desperatissimis symptomatis creptum fuisse , perhibet i.e. quæ ab ejusmodi cum consilio, quamvis imprudentiore , suscepta resectione contigit, cruoris extravasatio lethalis , a vasorum eorundem majorum perforatione seu rescissione magis fortuita erit metuenda.

Hepatis Vul-  
nera lethalia.

Hepatis plagas *Hippocratem* non sine ratione mortalibus accensuisse declarat *Galenus* Commentarius in 6. aph. 15. his verbis : *Epar vero vulnera habet plurima manantia sanguine ; atque idcirco prius moriuntur , qui ita sunt vulnerati , quam vulnera agglutinari possint* , quatenus in eo vix exilissima demonstrari potest arcola , cui si non arteriæ conspicuæ , certe venæ notabiles , sint intertextæ , nec remedia commode applicari , nec pus ac sanies evacuari potest ; unde cum anxietate præcordiorum , lipothymiis , punctiōibus ac doloribus ad jugulum & scapulam extensis , vomitibus modo biliosis , modo cruentis , item dejectionibus eruentis , æstu ac siti intensissima , ejusmodi miseri brevi ut plurimum pereunt. Testatur hoc ille , cui annotante *Hippocrate* 5. Epidem. §. 24. & 7. Epidem. §. 18. sub diei exordium epate jaculo percusso , color : qualis est mortuorum , mox per corpus diffusus fuit , anxietas contingit , quique mortuus est antequam concio solveretur : idemque morte sua confirmant , qui penes nos tale infortunium sustinuerunt . Cujus classis erat tympanista ille Martisburgensis a tubicine anno 1672. 6. Maii gladio latiore inter secundam ac tertiam costarum notharum fauciatus , ac intra bihorium discedens : in cujus cadavere epar mox supra fellis folliculum ad convexitatem sui simulque diaphragmatis expansum cernebatur . Item ille molitoris offatiensis servus , in eodem hypochondrio dextro ictum sibi intra viginti septem horas mortiferum perpeffus , epatis partem dextram perfossam hujusque ramum venosum ac folliculum fellis laceratum professoribus sistebat , ut pariter acta facultatis perhibent .

Quia nihilominus his similibusque casibus hincque formato judicio historiæ salutarium epatis plagarum contradicere observantur , enarratæ a *Bertino Medic.* lib. 13. cap. 7. *Hildano Cent.* 2. obs. 37. *Quercetano de vuln. sclopet.* cap. 2. *Foresto* 6. obs. chir. 3. & *Glandorpio* obs. 33. &c. imo ipso jamdum *Galenus* ævo extiterunt , qui non tantum profundius fibrarum jecoris vulnus , sed fibrā quoque abscissam , sanatam fuisse , jactitarunt : factum , ut alii de Hippocratis sententia dubitarint , potissimi discrimen inter plagas substantiæ & vasorum organi hujus , tanquam arbitrum fidissimum , produxerint , vasorum epaticorum vulnera per se lethalia , substantiæ minus talia , asserentes .

Vix ullum  
hepatis vul-  
nus non per  
se lethale .

Quod si tamen observatis anatomicis innitamur , vix apparet , quales epatis percussiones lethalium classi eximi debeant ; nisi cum *Sennerto* illius superficiē tantum ejusmodi prærogativam decernamus : Cum vix ejus fibræ alicujus extremitas observetur , quæ discissa non conspicuis satis venis intertexta sit ; adeoque haud constet , ubinam epatis substantia sola , sine vasis , hæmorrhagiæ lethali concitandæ adæquatis , fauciari queat . Adstipulandum potius *Glissonii* censuræ , *Anat. Epat.* cap. 9. ubi substantiam epatis friabilem non adeo commode solidescere ait , quia per hujus ejusque vasorum minorum vulnera enormior quoque cruoris extravasatio contingat . Et vix fieri posse , idem pergit , quin per vulnera , visceri huic cæsim inflicta , vasa ejus simul lædantur , nisi plane superficialia fuerint : quamvis in illis , quæ punctim inferuntur , hæc forsan aliquando magis intacta evadere valeant . Per consequens , epate vulneratum eluctari , rarissimæ observationis est , sed cum cruoris dispendio insigni fatiscit motus cordis ac sanguinis vitalis : citius equidem in illo , cui , animadvertente *Celso* , jecoris portæ & crassum quam cui fibrarum extrema , fuerunt lacerata . Cujus posterioris generis dicendum licetor ille audacior , penes *Tulpiū* l. 2. obs. 26.

qui



qui cuidam nebuloni ferociori injecturus vincula, in infima jecinoris fibra bipenni ictus fuerat, ex qua extillans & in pus conversus sanguis eum in febriculam lentam & tantam totius maciem coniecit, ut ante diem quadragesimum conficeretur, in cadavere autem, jussu Prætoris dissecto: sub fibra vulnerata multum puris graveolentis reperiretur. Imo si juxta *Brassavolam* in 6. aph. 18. & *Glisson. loco cit.* contusiones epatis adeo periculosæ sunt, inflammationem ac suppurationem concipientes, parum profecto spei alet vulnus hujus membri mediocris magnitudinis ac profunditatis, præter hæc pathemata nunquam ab hæmorrhagia gravi immune.

Memini, quondam me legisse responsum Collegii cujusdam Medici, super vulnus diaphragmatis duplex & epatis, quod digiti latitudine profundum, longitudine vero digiti longitudinem æquabat, hincque sanguis in abdomen confertim influxerat. Quale complicatum vulnus nullum vitæ periculum absolute inferre decidebatur, quod 1. nulla vasorum majorum læsio in eo fuerit observata: 2. Sanguis ad ventrem inferiorem confertim ruens ex quamplurimis vasis minoribus forte scaturierit: 3. Plaga epatis superficialia tantum: nec 4. determinatum a visitatoribus, utrum carnosæ, an membranosa, diaphragmatis pars transfossa. Verum judicio ejusmodi superficialio adstipulari vereor, quod ex eadem hujus casus relatione constet, 1. Vulneratum mox a suscepto ictu mortuum concidisse. 2. Testetur quantitas sanguinis extravasati tanta de majorum, aut plurium minorum simul, vasorum hepatis ac diaphragmatis laceratione 3. Vulnus epatis non hujus superficiem tantum attigerit, sed longum & altum maxime: ac 4. demum diaphragmatis plaga, cujuscunque demum hujus partis extiterit, facile æquipollere queat tendinæ ejus expansioni inflicte. Immortales profecto debes grates, homicida, mortalibus his, qui vulnus plus quam mortale, ut mortalitati tuæ derogent, minus mortale enunciarunt.

Quoniam proin jecoris plagæ immediate magis, propter hanc cruoris, sive ad interiora, sive exteriora, profusionem, enecat, cunctas illas, quas hæc vel solitaria, vel cum aliis symptomatis desperatis, comitatur, lethales pronunciamus, quamcunque demum epatis partem subierint: utpote quas semper si non unius vasis grandioris, plurium nihilominus mediocrium, lacerationes in sinu fovere, accuratior inspectio manifestabit. Ita, ut dubitare liceat, an cuncti circa epatis regionem percussi ipsius visceris hujus plagam sustinuerint, v. g. cujus *Quercetanus* meminit: alii vero ex vulnere tali recovalescentes hujus exilitati & fortuitis adjunctis potius, quam solertiæ Chirurghi, salutem suam debere videntur. Hinc quem *Forestus* a Jacobo Carpo ex plaga epatis eum ejusdem portionis, a natura facta, secretionem sanatum perhibet, thesi expositæ nihil derogat, vel quod exigua satis & motu naturæ lento magis, quam instrumenti lædenti violentia, illa separata fuerit, vel quod mutilata & cruenta sua extremitate integumentis externis contigua fibra illorum labiis opportune forsan coa-  
luerit. Porro difficultatem consolidationis non parum temperat vulnus hypochondrii integumentorum latius magisque patens, per quod remedia stegnotica ac conglutinantia ipsi epati lacerato immediate magis admoveere conceditur: quale illud concipere convenit, quod *Hildanus cent. 2. obs. 37.* describit. Sc. Helvetium quendam, in conflictu gladio Helvetio e regione hepatis percussum, tantum vulnus accepisse, cujus consolidati cicatrix longitudine spithamam æquarit, ac simul epar eousque subierit, ut sanguis copiosius & ad deliquium animi emanarit, frustulum vero infimi epatis lobi resectum Chirurgus extraxerit: qui nihilominus evaserit, quod per latiore plagæ externæ hiatus commode satis mederi licuerit internæ. Cujus etiam generis videtur adolescens ille, de quo *Glandorpius obs. 33.* narrat, ei ad finem ultimarum costarum plagam, octo digi-

*Cur quidam  
ex Hepatis  
plagis eva-  
dant.*



digitos transversos longitudine superantem simulque hepar longo satis tractu penetrantem, incussam fuisse: quam pulvis stypticus cum aliis appropriatis, tam internis, quam externis, tandem ad cicatricem perduxerit.

Nullum itaque hepatis vulnus, quod cum multi sanguinis emanatione, hinc vasis, sive unius majoris, sive plurium minorum, ejus compagi undique intertextorum, laceratione, vel pathematis irresistibilibus evenit, salutare dici potest, sed qui sub hoc pereunt, ex percussione, ut tali, perire præsumuntur. Atque hoc quidem eo magis, si vasorum, organo huic accumbentium, illud subeuntium hincque emanantium continuas simul solvatur, sc. arteriæ epaticæ ac cysticæ, venæ splenicæ, mesentericæ, cavæ & portæ trunci inferioris aut superioris, vel hujus ramorum trigæ alterutrius. Cum venæ portæ laceratione epatis vulnus lethale describit *Forestus l. 6, obs. chir. 3. in schol.* cum cavæ trunci *Timæus Respons. 20.* Cum rami mesenterici, in cive illo, quem occasione percussione ilei 1671. 25. Septembris celerrima morte occubuisse, superius dixi, idem vixi: ut illa mittam, quæ cum vicinarum partium plagarum complicatione lethalia extiterunt.

Vesicula vulnera lethalia.

Ad vasa jecoris quia non immerito refertur vesicula biliaria cum Poro epatico, de folliculi laceratione observandum, hanc juxta *Fallopium de Vuln. in gen. c. 4. ac Forestum l. a. obs. 2. & 5. in schol.* mortem necessariam inferre, quamvis lentam, tum ob situm, tum ob substantiam, tum ob ejus contentum. Idem asserit *Helmontius de Sextupl. digest. §. 30.* sub hac tamen disparitate, ut confestim mortalia vulnera fellis seu vesiculæ biliaris pronunciet. Rupturam ejusmodi ab intrusione summitatis ductus cystici in ejusdem extremitatem, hinc bilis ad crepaturam usque receptaculi turgescientiam, cum torminibus ventris atrocissimis & post biduum enecantibus, annotavit *Job van Meekren obs. Chir. 43.* vulnerum vero ejus, a percussione externis evenientium, solitariorum rariora sunt exempla, adeoque si experimentis negotium decidi debeat, ambigua relinquitur mens, an mors sacculi fellei rupturam excipiens, huic, an plagæ combinatæ, v.g. epatis, ventriculi &c. in acceptis referri debeat? Quo itaque in hoc argumenti genere me magis firmarem, binis canibus vesiculam hanc extirpavi, uno intra viginti quatuor horas; altero post biduum demum, utroque cum magno ejulatu, anhelatione graviore & anxietatibus, expirante. Ast contrarium huic phænomeno successum experiebar, in subiecto simili, cui in corona studiosorum privata folliculum, prævia cervicis hujus ligatura, extraxeram, quodque post operationem tres septimanas integras, primo misere, post commode satis, transfegerat, forsanne unum alterumve adhuc diem supervixisset, nisi moræ impatiens eundem Martyrem vivisectioni alteri, pro lustrandis, quæ ab extirpatione illa ejus interaneis contigerint, mutationibus, mancipassem.

Experimentum.

Rationem disparis hujus eventus si postules, sine dubio est: quod in prioribus binis subiectis nulla ductus cystici facta fuerit ligatura, adeoque per hunc etiam emanavit bilis per poros epaticos conflua; quem effluxum in tertio vinculum folliculi cervici injectum, prohibuerat: ita quidem ut in hoc meatus cysticus a divergente bile tumidior, chilodochus seu intestinalis patulus maxime & intestinum bile manifestissime tinctum conspiceretur.

Cus folliculi fellis vulnera lethalia?

Hoc est, bilis epatica eoque sufficere poterat œconomix intestinali ac totius in animali hoc, deficiente quamvis vesicaria. Causa enim primaria atque immediata, qua folliculi fellis dilacerationes mortem inferunt, bilis est profusio ejusque ad intestinum defluxus interruptus: dum ille, ratione situs profundioris, remediis appropriatis aditum intercludit, substantiæ vero ac emanationis bilis continuæ bilis defectus non adeo commode consolidatur hic vero, cruditatibus

san-



sanguinis motui vitali exitiosis, modo brevius, modo confestim magis, occasionem suggerit. Quale quid pariter dicendum puto, si vel porus epaticus, vel ductus choledocus, eousque faucientur, ut bilis actio in intestinum aboleatur.

*Etiam porus  
epatici &  
choledochi.  
Ligamenti  
umbilicalis  
vulnera an  
sint lethalia*

De venæ seu ligamenti umbilicalis, in adultioribus ruptura seu præcisione quid judicandum, hæreo, utpote quam, sine ulla alia noxa, repente suffocare, commune dogma est: ideo nimirum, quod cum reliquis ligamenti in æquilibrio detineat epar, ne hoc versus posteriora ac superiora nimis reclinando diaphragmatis motum turbet; unde vinculo illo præfecto septum hoc necessario comprimatur, & respiratio aboleatur. Suffulcire etiam hoc suum assertum quidam conantur fabula illa, per quam *Scaliger, Cardanus* & cum his *Laurentius Grassatores* ac *Rebelles*, apud *Ægyptios* pro supplicio, corio vivos exutos, cum maximis cruciatibus diu, nisi carnifex umbilicum ferro contigerit, vivere tradunt: cui accedit *Hildani Cent. 1. obs. 53.* qua adolescentem quendam a vulnere inter umbilicum & costas mendosas exiguo, interioribus omnibus illæsis, solaque vena umbilicali rescissa, mox humi prostratum quamprimum expirasse perhibet.

Quali tamen asserto repugnat, quod *Riolanus Anthropol. l. 2. c. 12.* in *Muliere Æthiopica, Saltatrice agillima, strangulata*, venam hanc abruptam & intra fissuram Epatis revulsam, sine ullo ejus respirationis aut vitæ incommodo, & in aliis feminis, quæ utero sæpius gestaverant, vasa umbilicalia ab umbilico avulsa, viderit. Deinde vix concipi potest venæ hujus officium deligatorium, dum in cadaveribus supinis illa vix adeo tensa conspicitur, hinc laxior adhuc necessario in illis, qui erecto corpore incedunt, erit, quam ut visceris hujus molem umbilico attrahat.

*Dubitatur.*

Neque difficultati huic solvendæ epicrasis *Glissoniana* quadrat, qui propter convulsionem demum supervenientem, tendinosam ac nervosam partibus vulneratis frequentem, rupturam dicti ligamenti lethalem fieri putat: quatenus hoc nec nervosum, nec tendineum, est, nec convulsionum, sed subitanæ tantum mortis, penes *Hildanum* mentio fit. Aliis proin hujus generis observationibus quia destituimur, nec mihi, quenquam vitio versurum confido si vinculi hujus vulneris lethalitatem in suspenso relinquam.

*Nec ratione  
convulsio-  
num.*

Ad lienem propero, cujus substantiæ, ut talis, plagas qui mortiferis accensere verentur, illi visceris hujus compagem se minus exacte perspexisse produnt: cum nihil parenchymatis seu carnis hic reperiatur, sed tota illius compages ex cellulis seu vesiculis nerveis ac fibrosis, sanguine arterioso turgidis, coagmentetur. Per consequens, sive arteriosi ac venosi hujus organi rami, sive his continuatæ ac intermediæ cellulæ, faucientur, cum impetu hinc promanans sanguis repente satis interimit: adeoque aut leve admodum fuit, aut non tam *Carpi* dexteritate & solertia, quam fortunæ nutu, consolidescerebat illud in milite lienis vulnus, cujus curandi rationem *Forestus l. a. obs. 6.* tradit. Neque video, cur *Fallopianus ac Forestus* plagas hujus visceris minus, ac aliorum, lethales pronunciant: quatenus, etiamsi concedatur, quod usus ejus ad vitam non adeo necessarius sit, quodque sine hujus periculo illud extirpari valeat; enormior nihilominus hæmorrhagia, quam ex substantia vel tunicis tantum ejus, latius divulsis, experimur, eidem fato has cum epatis plagis exponit, vixque juxta *Celsum ad sanitatem perveniunt, quibus lien vulneratus.*

*Lienis vul-  
nera lethalia.*

An ulli hominum unquam fuerit excisus aut excidi, sine vitæ discrimine, possit, prout *Plinius, Cæl. Aurelianus & Leonh. Fiorvanta* scripserunt, merito dubitant prudentiores, quemadmodum in specie *Fiorovantæ* fidem valde suspectam reddit *R. a Fonseca tom. 2. consult. 94.* In Canibus aliisque brutis, sine notabili actionum detrimento hoc fieri, nec *Tyrones* nostros latet: insulse nihilominus ex phænomeno hoc concluditur, vulnera lienis majora aut profundiora

*Extirpatis  
lienis non  
derogat ejus  
plagarum  
lethalitati.*



non esse lethalia ; quatenus per vincula , ante extractionem visceris , vasis ab anatomico injecta , inhibetur , quam ab ictibus fortuitis observamus , hæmorrhagia lethalis .

*Observat.* Læsiones autem ejusmodi lienī obtingunt non tantum ab instrumentis secantibus ac perforantibus , sed obtusioribus quoque & contudentibus , quorum ictus vehementiores crepare faciunt ac rumpunt profundius reconditum ampullosum viscus , integumentis externis integris vixque suggillatis , qualia exempla *Tulpius l. 2. obs. 29. & Fontanus in Vesal. Epit p. 21.* a baculi ictu , recensent , eisque bina ex *Facultatis Nostræ Actis* subnecto . Sc. Ligniziæ 1682. 22. Augusti quidam uxoris hypochondrium sinistrum baculo mediocris crassitie percutiebat , hæcque post horulam extinguebatur : cujus abdomen cruore extravasato ad turgescentiam usq; plenum , & in lienis gibba seu hypochondrium spectante parte fissura ingens ac duplex , angulum acutum formans , cordis vero ventriculi & vasa corporis majora sanguine vacua , reperta fuerunt . Pariter a quæstore Lunnzensi petebatur facultatis nominatæ judicium super quendam , qui ex fustigatione & diversarum partium , præprimis vero ex hypochondrii sinistri contusione enormiore , ( in cujus tamen integumentis ne suggillatio quidem cernebatur ) mox conciderat & brevi exspirarat : cujus abdomen sanguine extravasato & congrumato scatuit , lien vero in parte sui cava tres fissuras ingentes ac profundas monstravit .

*Renum vulnera lethalia .*

Renum plagas in Catalogo Hippocratis lethalium haud deprehendimus , ab *Avicenna* nihilominus magna ex parte mortales dicuntur , *Celsus* quoque *servari illum haud posse* , ait , *cui Renes vulnerati* . Et quidem non absque ratione : non tantum , si illæ vasorum emulgentium ramos & pelvis tubulos vel foramina penetrent , sed si substantiam quoque tantum eorum profundius ac latius incidunt ac lacerent .

Quemadmodum enim priora non , nisi cum magna cruoris profusione , contingunt , per pelvis vero fistulas laceratas in illo collectum serum urinosum ad cavum abdominis rejicitur , molestias ibi lethales patrans : ita intactis quoque his canalibus gravius fauciatus ren , hujusve canaliculi urinosi , potissimam ejus compagem constituentes , serum pariter ad abdomen profundunt , ut taceam dolorem atq; inflammationem mox supervenientem & quod renum substantia , quin simul vasorum sanguiferorum arcuati plexus insigniter lædantur , vix incidi queat , ut ex autopsia anatomica suppono . Interim vulneribus his , ob conditionem loci , necessaria denegantur remedia , ac cum fero jugiter transeuntes sordes illorum coalitionem haud parum turbant .

*Non superficialia .*

Quod si vero eadem superficialia duntaxat fuerint , minime mortifera dici poterunt , utpote a quibus neutra harum evacuationum præternaturalium metuenda : cujus generis videntur illa , quæ penes autores diversa sanata legimus , & quidem aliquando cum portione renum sublatione , v. g. *Fallopium de vuln. in gen. c. 4. Forestum lib. 25. obs. 20. Dodonæum obs. medic. 32. in schol.*

In his tamen vulneribus Renum cunctis attendenda quoque erit eorum inflammatio , hincque emergens Ischuria seu Urinæ suppressio ; quod symptoma solum lethalia illa reddit , unius quamvis renis : cum experientia testetur , ab uno tantum , a vulnere atque inflammatione , affecto non minus , ac a calculo , alterum mox in consensum rapi , ut vel sola ex *Foresto* nunc allegata observatio declarare poterat .

Neque valet consequentia , quibusdam solennis , quasi eo ipso , dum ab Exulceratione renum compagem aliquando omnino consumptam fuisse constat , & quidem sine vitæ dispendio , nec eorum vulnera adeo difficilia videantur : sed  
hujus



hujus loci pariter erit , quod de pulmonum vulneribus monitum , sc. per renum vulnera sanguinem profundi , cui profusioni ob situs partis vulneratæ profunditatem , commode mederi haud possumus.

Tantum non elapsi sunt quadraginta anni , cum Barbitonforis Minister in regionis lumbaris parte sinistra ense subdola perfoderetur , correptus hinc hæmorrhagia vehementiore , lipothymiis , nausea & vomitibus , insequentibus diebus nephritide , interdum mictu cruento cum ischuria alternante , quarum posterior cum rejectione sanguinis grumosi per vesicam solvebatur , febre valde acuta & totius abdominis distensione dolorifica . Ex quorum symptomatum syndrome renem sinistram profunde fatis fuisse vulneratum probabiliter inferri poterat . Graviter & ulterius tres menses sauciatus decumbebat , mitescens tamen sensim enarratis molestiis , tandem restituebatur & superstes ultra triginta annis vixit , paroxysmis nephriticis frequentius agitato .

Refero huc ureterum præsectiones & per has ad abdomen confluentem urinam : quæ mole pariter ac putredine vulneratis exitio evadit . Notum equidem est , serum urinosum in renibus sensim percolari & per canales hos non confertim , sed lento fatis stillicidio , ad vesicam descendere : nec vetulam tamen latet , intra nycthemeron v. g. multum ejus vias illas transmeare , & per consequens non adeo parum urinæ , quod a partium ambientium calore tam facile resolvi ac consumi valeat , per unum ureterem vulneratum ad ventrem deferri , potissimum si febris superveniens potum uberiores jubeat . Neque perspicio , quam commoda statim plagam ejusmodi consolidandi vel præbeatur ansa , vel præsto sit Chirurgia , partis nimirum profundius reconditæ .

Ureterum  
vulnera le-  
thalia .

Vesicæ vulnera lethalia itidem pronunciare jubet Hippocrates cum Galeno commentatore ac Celso : Imo Aristoteles quoque 3. histor. animal. c. 15. inquit Nec vesica præcisa coire potest &c. Quemadmodum autem ideo hic mox pergit his verbis : quamquam non ignoro , aliquando contigisse , ut vulnerata vesica solidescat , ita nec deficiunt alii viri , magnæ experientiæ atque fidei , qui vesicæ læsiones non semper mortiferas extitisse , diversis experimentis confirmant . Fallopius v. g. de Vuln. in gen. e. 4. Platerus Obs. p. 849. & 850. Bauhinus app. ad Roussel. cap. 2. & Riverius obs. infrequ. 5. ut reliquos mittam in sect. I. nominatos , subnecto tamen his , quod an. 1680. mense Maii in studio quodam , nomine observavi . Perfodebatur huic noctu , nescio , a quo adversario , Hypogastrium , prope ossium pubis commissuram , advocatus ego cum Chirurgis eum deprehendi hæmorrhagia insigni , vomitibus atque dolore ejusdem regionis ad lipothymias usque fractum , per vulnus omnis urina , nihil vero aut parum hujus per urethram , nisi ope catheteris , excernebatur , & quidem per plures dies : donec turundarum , quibus hætenus plagam Chirurgi more communi deligaverant , usum dissuaderem , illamque remotis his tractarent illi , quæ postmodum intra octiduum coalescebat , reddebatque per meatus ordinarius urinam percussus .

Plaga vesicæ

Aliquando  
salutares .  
Observat.

Cum nihilominus præter dictos medicinæ principes tota hujus schola vesicæ plagas per se lethales proclamet , postquam supposuerunt ejus Doctores ; Hippocratem reliquosque non de superficialibus , sed penetrantibus , seu vesicæ dissecta , loqui , limitatione seu distinctione , inter fundo ac cervici inflictas , illorum auctoritatem & experientiam quotidianam integram conservare ac rem decidere , allaborarunt , fundi perforationes per se , cervicis minus , lethales asserentes , eandemque jamdum concepisse videtur Aristoteles l. a. his verbis , Nisi ad ipsum exordium suæ cervicis . Quod nimirum fundus membraneus sub hypogastrio delitescens laceratus plus doloris ac inflammationis suscipiat , non coalescat , nec futura , nec vinculis , stringi queat , defluat interim ad abdo-

Distinctio  
inter vulne-  
ra fundi &  
cervicis non  
adeo ad-  
quata .



men urina : contra collum carneum promptius consolidescat , ipsiusque , Perinæi propius adjacentis , coalescentia remediis juvari queat , ut vel in calculo sectis experimur .

Cervicis vulnera aliquando per se lethalia . *Observatio* . Circa quæ cogitata tamen monendum , nec cervicis vulnera semper adeo salutaris eventus esse , sed frequenter ex his quoque perire percussos , si , annotante *Foresto l. 6. obs. Chir. 5. inschol.* contundatur ac laceretur valde illa , ut lithotomi fateri coguntur , si sub extractione calculi majoris tale quid contingat . Neutiquam interim ideo illa lethalibus per se annumerari debent , nisi forsitan per hypogastrium subinter instrumentum collum lædens , adeoque sanguis æque ex vasis colli discissis , ac ex ipsa vesica urina , emanans ad cavum abdominis confluat , nec vulneri interno medela adæquata fieri queat , quale auguros civis illius Tennstædensis , super quod iudicium facultatis petebat præfectus illius loci . Perfodebatur anno 1679. d. 6. Octobris hujus hypogastrium , mox supra pubem , cum egressu Intestinorum per plagam externam , quæ quidem per hanc dilatatam reponebantur & hæc futura firmabatur : tertio nihilominus die vulneratus moriebatur , in cujus cadavere collum vesicæ perforatum ac pelvis cruore congrumato referta deprehensa fuit . Econtra a fundi quoque plagis quosdam convalescere *Kentmanni , Plateri , Bauhini , Cattierii & Pauli* observationes *Sect. 1. allegatæ* , item *Ruysch. obs. anat. Chir. 75.* & historia vulneris studiosi modo nominati evincunt : quin tamen ob rariora hæc exempla fundi plagæ in genere dici debeant per se lethales , vix putarem , sed eas tales iudico . Ita *Nossenæ* quidam machæra venatoria 1681. d. 2. Octobr. vulnerabatur intra os ilium seu coxendicis & sacrum , penetrante punctura substantiam membraneam vesicæ lateris dextri : qui mox corruit & tertio pariter die expiravit , in cujus sectione præter plagam illam vesicæ multum urinæ , sanguine tinctæ , in abdomine conspiciebatur . Cui simile quid *Glandorpius obs. 36.* tradit .

Evadunt vero tales vulnerati , si illius fundi parti , in qua , advertente *Fallopio de vulner. in gen. c. 4. cum Perineo ligatur* , seu ubi huic & musculis abdominis connectitur , plaga fuerit inflicta : secus , ubi in alia & ab ejusmodi connexionem cum integumentis libera , quadam , parte illum fauciari contigerit , utpote cui nec natura , nec ars , propter situs profunditatem , auxilium ferre valet , per vulnus vero vesicæ ad cavum hypogastrii urina potius confluit , quam evacuatur . Atque illud quidem duplici modo fieri solet , nempe ut plaga vel nunquam coalescat , sed in ulcus collosum degeneret , per quod lotium reliquo vitæ tempore excernatur , ut ex *Fallopio l. a. & ex Bauhini ac Plateri observatis alleg.* elucescit ; vel artis & naturæ opera mediantibus illis integumentis conglutinentur illius & horum labia in unum , interim urina per vulnus externum promanat , nullamque interaneis molestiam parit , præterea , si incisio abdominis major , per quam forsitan vesicæ vulneratæ labia adducere ac consuere liceat , nisi superveniens inflammatio negotium turbet , sanescere poterit illa pariter : quale quid tamen contingentibus mere fortuitis forte adscribendum . Interim non video , quo fundamento *Forestus . l. a.* asserere sibi præsumat , plagam fundi in illa parte , qua ossi sacro alligatur , sanari posse : cum dictum os ac vesicam urinariam intestinum rectum ac in foeminis uterus intercedat , adeoque illi nec continua , nec contigua , existat vesica . Nescit etiam hanc connexionem , quem sui asserti testem provocat , *Fallopius* .

Uteri vulnera lethalia . Uteri in foeminis vulnera quia rariora , forsitan quod ossibus circumcirca bene muniatur idem ; vel quod sexus hic ad conflictus & digladiationes cruentas non sit pronus , parum de lethalitate horum penes practicos legere contingit . Mirari tamen satis nequeo illos , qui talia , ideo quod uterus ad vitam non



non simpliciter necessarius sit ; sed propagationi sobolis tantum prospiciat , non lethalia sibi persuadent . Contrarium asserente *Foresto l. 6. obs. Chir. 5. in Schol.* non tam quod , juxta hunc exanguis , secundum alios membranæ , sit ejus compages , sed si illius vasorum sanguiferorum unum alterumve saucietur , per quod sanguis non tantum utero , sed toti quoque subtrahatur , aut in abdomine , in detrimentum uteri viscerumque individui conservationi destinatorum , cumuletur .

Sin idem organum , dum foetum gestat , ejusmodi ictum , etiam extravasorum majorum diramationes , experiatur , matri pariter ac proli ille lethiferus existit . Illi quidem , quod ( ultimis præprimis mensibus ) totus uteri cavernosus seu spongiosus ambitus cruore multo turgeat , hinc laceratus ad deliquium animi eundem profundat , insequente simul illo quoque , quem vasa , tunc temporis per uteri fundum tumidiora , continebant : huic vero , quod subsidiis vitalibus maternis idem defraudetur .

Quinimo fieri potest , eundem foetum per plagam ejusmodi profundiore *Fœtus vultu* simul lædi , cujus generis casum perquam funestum *Gallus ille anonymus l' art nera.* *de faire les Rapports artic. 9.* describit : quem vernacula transcribere non incongruum erit . *Rapporté par moy Maître Chirugien juré à Paris , que ce jour d' huy 8. Mars 1695. l' on m' est venu chercher avec empressement , pour penser Jeau-ne Ravichot , femme de Jacques Berthot , grosse de huit mois , laquelle venoit d' estre blessée d' un coup d' épée au bas ventre , à trois travers de doigt de l' ombelic , penetrante dans la capacité & persant la Matrice aussi bien , quele fœtus contenu en icelle . La blessée étant morte de la perte du sang , avant que j' aye en le temps de mettre aucun appareil sur sa playe . In m' a été ordonné par Monsieur le Commissaire sur les neuf heures du soir , de venir faire l' ouverture de son cadavre , au moyen de quoy j' ay decouvert , que le coup d' épée porté à la mere , après avoir perce la matrice près de son fond s' est perdu dans la poitrine du foetus , & a occasionné un tres grand épanchement de Sang dans le bas-ventre , ce qui a causé la mort tant à la mere , qu' à l' enfant .*

Verberibus aut pedum conculcationibus uterum eousque aliquando concuti , ut in foetum pariter , quem ille gestando fovet , ingens damnum redundet , si imprimis ictus in anticam & laterales abdominis gestantis partes impingant , ut casus *Jena 10. Febr. 1669.* transmissus declarare poterat . Jurgiis dum se exagitarant *Pastor Cosbodensis & ejusdem loci Ludimoderator* a verbis denique ad verbera veniunt , ubi uxor posterioris gravida accurrit , pro dirimendis his furiosis , aut pro marito manibus presbyteri eripiendo ; quam hic in inguine sinistro pedibus vehementius conculcabat , ut hinc per reliquum gestationis tempus male se habuerit . Elapsis a violentia illa suscepta quatuordecim septimanis partus dolores miseram hanc invadunt , ut post horas aliquot filiolum sanum ac vegetum enixa fuerit , quem transacto nycthemero mortuus alter sequitur , partu quamvis præternaturali , & cujus diversa membra præternaturam se habebant . Funiculus quippe umbilicalis brachium dextrum , primum ex utero prominens , stringebat , quod humerus idem cum capite sequebatur , ita tamen , ut sinistrum brachium pone cervicem dorso incumberet , caput intra crura & oculo dextro aperto , maximam partem hæreret . In excluso foetu funiculus ille cernebatur putrilaginosus sibi agglutinatum habens sanguinis grumum ingentem ac foetidum ; dimidium placentæ uterinæ salvum , alterum corruptum . Ipsius foetus aperti epatis pars dextra nigricans in putredinem vergebat : dexter ren hinc inde profunde sugillatus , sinister testiculus sanguine seroso turgidus , pulmo dexter semiputridus , in eodem thoracis loco tres costæ fractæ , seu a cartilaginibus suis avulsæ & muscoli his incumbentes cum

*A percussio-nibus abdominis aliquando lethaliter læditur Fœtus.*



cum intercostalibus , humero & brachio multo cruore suffusi , totum fere corpusculum cuticula exutum & ossa capitis hinc inde evidenter suggillata deprehendebantur , horumque futuræ plus quam secundum naturam hiabant .

*Imaginatio-  
ni matris  
etiam ali-  
quid tribuen-  
dum .*

Partui huic similis aliquomodo erat ille gemellorum enixus , cujus *Louyse Bourgeois part. 1. c. 4. Hist. 4.* meminit , quorum prior mortuus , satis monstruosus cuticula & cute erosa , alter vivus , pedibus tamen primum nascebatur . Cujus partus præter naturalis duplicem reddebat rationem puerpera : vel quod in coetu populi majore ejus venter violentius compressus ac contusus fuerit , vel quod gravida per pravam quandam consuetudinem angulo mensæ crebrius se affedissememinerit . Porro pedibus abdomen uxoris prægnantis violentius concusserat , quidam nefarius anno 1682. mense Martii , quæ quatruiduo post enitebatur puerum putrilagine valde arrosam . Hunc cum ad requisitionem Prætoris urbani disseccarem intra calvariam ejusque integumenta molliora , ut & intra duram ac piaam meningem , notabilem cruoris extravasati quantitatem , & os occipitis a sutura lamdoidea maximam partem avulsum atque ad interiora depressum deprehendi ac monstravi adstantibus .

Cui tamen argumento inferere oportunum reor , non quævis gravidis inflata verbera aut pedibus factas conculcationes foetui sui vestigium immediate imprimere , sed illa tantum , quæ abdominis anticæ aut laterales partibus illata , & foetum immediate magis contudentia : quin potius sana ratio nos conjecturari jubet , non ab ipsa percussione externa semper , sed aliquando per matris percussæ , sub ejusmodi aggressione a terrore , ira &c. conturbatam imaginationem vitia p. n. patrare . Postquam violentias ejusmodi extrinsecas tale interdictum gestantis membrum sustinet , cujus læsio ad foetum mutilatam partem penetrare non poterat dum a percusso v. g. matris brachio humerum infantis editi contusum cernimus . Et facultatis nostræ disquisitioni anno 1696. commendabatur casus , ubi prægnantis cujusdam manus in tumultu vulnerabatur , simul abdomen vehementius hinc inde ad livorem usque conculcabatur : quæ post trimestre partu tempestivo prolem enitebatur labio leporino horrendo deturpatam . Qualem oris rictum nullam matri illatam percussione induxisse , ex collatione situs foetus in utero , instrumentorum lædentium similiumque circumstantiarum suspicabamur , sed terrori potius ac imaginationis illius in acceptis referebamus . Eiusdem nominati anni mense Jul. a Prætoře hujus loci disquisitioni meæ exponebatur puerulus octo septimanarum , cujus matri die partum præcedaneo incussi colaphi oculus præ primis sinistrum contigerant ; ut , an suggillatio in oculo sinistro nati ingens , ac demum in cataractam degenerans percussione illarum productum existeret ? deponerem . Non sine ratione inferebam , non tam a violentia matri illata immediate , quam ab imaginatione hujus vehementiore , per ictus determinata , hunc oculi foetus tumorem contigisse , oculo nempe matris icto ab oculo hujus evidenter diffuso . Ne dicam , interdum a metu tantum percussione imminentis tale quid evenisse , ut v. g. penes *C. Gemmam Cosmocrit. l. 1. c. 6.* legimus de gravida , quam maritus excandescens brevi a partu stricto gladio adoriebatur , hunc velut in caput illius adacturus : quæ , etsi fuga sibi consulere , paulo post infantem enitebatur , in cujus capitis illa parte , cui ensis acies minitabatur , ingens solutio unitatis comparuerit , sanguine ad nati subitaneum exitum manans . Non tamen omnimode negandum , violentiæ non raro externæ imaginationem matris combinari , hisque simul unum eundemque foetum variis modis lædere , ut ex observatione de labio leporino recensito constare valet : ubi funiculus umbicalis infantis collo & brachio semel , cruri dextro bis , circumvolutus deprehendebatur , agitationis & prostrationis matris violentioris variæ sine dubio effectus , labio leporino interrim ab ejusdem imaginatione producto .



Frequentius occurrit illa improvida & immanis uteri dislocatio, quam rudiores obstetricum manus, secundinas violentius eripientes, aut loco harum uterum arripientes, præstant, non sine atrocissimo parturientis in abdomine dolore, inflammatione, convulsionibus & repentina morte, quales casus *Bartholinus*, cent. 2. obs. 91. *Marchettus* obs. Chir. 61. *Solingen Embryulcia* cap. 16. ac obs. circa mulieres & infantes *Append.* & *Mauriceau des Maladies des femm. gross. lib. 3. c. 6.* & *Observ. sur la grossesse & accouchem.* narrant, testanturque *Acta facultatis* in juvencula Zittaviensi filii primipara. Hujus enim placentam, utero arctius annexam, dum obstetrix imperita violentiore manu eripere moliebatur, simul uteri portionem protrahit: quam pro foetu peculiari seu gemello habens, puerperam ad novos conatus urget, nec labori ipsamet in illo educendo parcit, contradicente illa, de illata vi & evulsione interaneorum omnimode conquerente, ac vix elapsa a feliciore aliâ partu horula expirante. Cujus hypogastrii pelvis utero hujusque annexis vacua, hic autem ex sinu muliebri ultra spithamam propendens, in cadaveris dissectione cum stupore adstantium cernebatur.

*Uteri convulsio lethalis.*

Qualis quidem funesti eventus ætiologia non semper sanguinis illa est profusio, ejusmodi impetuosioris uteri evulsione vasorumque sanguiferorum rupturæ effectus, ut in foemina, cujus primo mentionem feci, annotavit *Mauriceau l. a.* sed sola aliquando partium nervearum ac sensibilibum maxime tensio dolorifica & in convulsiones graviores ac mox lethales conjiciens: ita quidem ut nihil plane cruenti penes quasdam, nec in harum cadavere, reperiatur, observante *Solingen & Medico*, qui sectioni puerperæ Zittaviensi præerat.

Denique in abdomine mortaliter læduntur vasa majora, hoc transeuntia: Sc. ex sanguiferis arteriæ magnæ truncus descendens ac vena cava ascendens horumque propagines insigniores, v.g. cæliaca, mesenterica utraque, portæ, splenica, emulgentes, iliacæ, spermaticæ & per quarumcunque lacerationes multum sanguinis profunditur, proin minores quoque rami v.g. gastricæ, epiploicæ &c. Qualem quoque lethalitatis præsumptionem habent lymphatica per eundem ventrem hinc inde lata, inprimis horum caudex major super spinæ vertebrae, inter aortam & cavam, cystem lumbarem conscendens, aut si plures eorum ramuli simul v.g. sub epatis cavo & circa portæ confinium rumpantur. Repeto siquidem ex physiologicis, lympham non fluidum excrementitium, nec vehiculum tantum alimonix, sed succum particulis gelatinosis seu nutritiis plus minus turgidum existere: proin hujus extravasationem corpus emaciare viresque insigniter consumere. Cujus equidem phænomeni exempla Scriptores practici vix suppeditant, nisi *C. Stalpart van der Wiel & Solingen*, Medicus ac Chirurgus Belgæ, multæ experientiæ. Horum quippe posterior part. 4. *van de Manual Operation der Chirurgie* c. 34. de bajulo quodam narrat, ipsi ex motu corporis incongruo vas lymphaticum in femore ruptum fuisse, ut limpha per foraminulum exilius instar pori cutanei, continuo cum cruris emaciatione ac totius languore permanarit. Alter part. 2. obs. rar. 46. perhibet, ex vulnuscule brachii a V.S. relicto, altero & insequentibus diebus multum lymphæ diaphanæ absque dolore ac inflammatione profluxisse, sine dubio ex vase quodam seroso, supra venam sectam decurrente, ac a ferro in hanc adacta, dissecta, & quidem cum virium languore quotidie incremente. Atque horum canalium vulnera difficulter coalescunt non tantum ratione tunicarum suarum membranarum tenuissimarum, sed inprimis ratione lymphæ transfluentis, quæ non adeo commode, ac de sanguine innotescit, in thrombum seu grumum abit, atque vasis rupturam aliquandiu obturat, donec ipsius tunicæ cicatricem contraxerint. Qualis coalitionis difficultas, cum in vasis iisdem, profundius & in abdomine delitescantibus, ubi carne non undiquaque stipantur, non minor sit, neque ob eandem situs rationem hæc me-

*Vasorum sanguiferorum abdominis vulnera lethalia.*

*Lymphaticorum.*



medicamenta appropriata, plumaceolos comprimentes ligaturasve, quorum nominati Auctores, ut remediorum congruorum, meminerunt, admittant: si ex ruptura ejusmodi ascites aut virium quicunque raptus contingat, utique hanc mortiferis plagis accensere, sana ratio jubet.

*Nervorum  
abdominis  
vulnera le-  
thalia.*

De nervis, abdomen perreptantibus, quid judicandum, ex *Sect. 1. & Sect. 2. c. 1.* satis superque constare puto, horum nimirum propaginum & plexuum læsiones ejusmodi, quæ viscera hujus ac reliquum corpus in convulsiones lethales conjiciunt, utique mortiferas nuncupari debere: Etsi lubens fatear, vix sine aliarum & vicinarum partium plagis enormioribus eas existere, vixque oculo tantum fugitivo cerni.

## C A P. VI.

### *De Artuum Vulneribus & ictibus per fustigationem ac contusiones duriores illatis, lethalibus.*

*Artuum  
Vulnera que  
lethalia?*

**A**RTUVM vulnera per se lethalia minime dici possunt, vel quod usu eorum sine vitæ discrimine supersedere queamus, vel quod ab omni parte medicamenta, deligationes, futuras aliasve operationum Chirurgicarum prompta satis admittant. Unum tantum est, quod ex his per inevitabilem necessitatem fauciatos aliquando succumbere facit, vasorum nempe sanguineorum & nervorum perforationes ac præcisiones illæ, quarum symptomatis lethalibus, hæmorrhagiæ potissimum ac convulsionibus totius, nullum auxilium præsto est, i. e. trunco corporis propinquiorum: de quibus tamen quia *Sect. 1. (de vasorum sanguifluorum)* & 2. cap. 2. (de nervorum vulneribus) prolixè actum, argumenta hinc repetere nolo.

Qualia E. symptomata si non superveniant, aut brevi cessent, lethalitatis suspicionem discutunt, evanescente sc. ratione decidendi, seu lethalitatem inferendi: prout ex judicio Collegii nostri de vulnere femoris elucescit. Anno 1705. mense Septembr. Leucopetræ vulnerabatur fœmina quædam in summitate femoris sinistri, hujusque parte interna, cum mox insequente hæmorrhagia aliquot dierum, frequentioribus lypothymiis & motus impotentia dicti cruris. Accedebat febris gravior cum vomitibus biliosis, ita ut dolore, inflammatione ac hæmorrhagia licet sedata, & vulnere ad consolidationem inclinante, vulnerata post decubitum mensis integri fatis cesserit. Sub inspectione die 16. Octobr. a Medico & Chirurgo administrata, plaga deprehendebatur in dicto loco haud omnimode consolidata, hinc pure adhuc scatens; sub cute & pinguedine per medium glandulæ inguinalis tendebat vulnus, discisso insimul insigni venæ ac secundi nervi cruralis ramo usque ad glutæos musculos. Vulnus hoc nihilominus a Nobis non lethale per se pronunciabatur, ideo, quod hæmorrhagia venam discissam secuta compesci potuerit, nec nervi cruralis dissectionem convulsiones aut paralysis universalis exceperit, vulnus ad coalescentiam maxime inclinarit, nec dolor, inflammatio aut alia periculosa symptomata penes vulneratam observata fuerint.

*Tendinum  
majorum  
vulnera que  
lethalia.*

Ast memoratu digna videtur illa tendinis majoris, patellam obvolventis, in fœminæ genu per insultum equorum & curru facta ruptura, quam nulla hæmorrhagia notabilis inflammatio, mox vero ipsa nocte insequente sphacelus per late-



ris ejusdem femoris atque abdominis integumenta communia & musculos ascen- dens, simulque partem insignem intestinorum gangrænosam reddens excipiebat, utut defensiva necessaria fuerint applicata. Immedicabile hoc genu vulnus videbatur mihi, quod artis instrumenta naturam adjutricem non invenerint & ex vulnere sphacelus immediate, omnibus remediis irritis, emerferit. An aliis tale compareat, penes eos stet sententia: simile quid interim iis aliquando evenire posse non dubitandum: postquam in aliis quoque artuum locis, quibus tendines majores contigerunt, in subjectis imprimis cachecticis, vulnera fracturæve convulsiones lethales inferunt; prout olim in ICto, qui fracturam tibiæ prope malleolum cum vulnere passus, factum recordeo, qui mox convulsionibus totius cum febre ac delirio vehementissimis corripiebatur, & quarto die animam exhalabat, utut nihil eorum intermissum fuerit, quæ necessitas efflagitabat.

Vulneribus congrue annectuntur læsiones, quæ fustibus, pedum concussionibus seu quibusvis duriorum instrumentorum ictibus inferuntur, plagæ incruentæ, quales pariter, si vehementiores, sine rupturis & partium unitate soluta nunquam fiunt; quinimo hæ quoque utut habitum corporis tantum externum afficere videantur, mortem aliquando inopimam patrant, si nimirum earum plures latiores durioresque fuerint, carnes profundius penetrent, imprimis autem interna plus minus attingant: leviores vero seu magis superficiales, paucæ atque exiguæ vix enecant, utpote sub quibus extravasatus cruor promptius discutitur, si per remedia appropriata potissimum juvetur natura. Sc. sub læsionibus his carni-um compages contunditur seu conquassatur, harum fibræ, canaliculi & vasa rumpuntur, hincque illa extravasato cruore inæqualiter suffunditur, ad ruborem, livorem & nigredinem usque: unde circulatio sanguinis ac lymphæ plus minus turbatur, tractu etiam temporis quod hujus extra vasa profusum, corrumpitur, & in saniem abit. Non raro etiam impetus ejusmodi contusionum ad interiora se extendit, ut pleuram, pulmones, epar, lienem, vesicam urinariam &c. evidenter suggillare, quin etiam rumpere, aliquando observemus. Hernias diversi generis ab ejusmodi violentia concitari, quid frequentius? Uteri vero descensum a tali factum, Acta Faculiatís Nostræ commemorant in fœmina quadam anno 1669. mense Augusti quam quidam socius petulans supinam cum impetu prostraverat, genibus ejus inguina, ad excretionem usque urinæ, insultaverat &c. Firmioris habitu & optimæ valetudinis illa hætenus extiterat, proin laboribus domesticis semper strenue contenderat, mox vero postquam illam violentiam perpeffa fuerat, inguinis & coxæ sinistræ sensatione molesta, oppressione præcordiorum, animi deliquiis, convulsionibus, passione Hyfterica, febre ac deliriis corripiebatur, multum cruoris per anum ac os rejiciebat, octavo demum die primordium procidentia uterinæ penes se observabat & de hac penes adstantes conquerebatur. Quam equidem non tam a violentia hac, quam forte ab alia quadam causa, concitam Aggressoris procacis defensor sustinere annitebatur, quod totidem demum post ejusdem illationem dies hæc contingerat. Illum tamen hanc immediate patrasse, Collegium dictum enunciabat: quod organum hoc situm suum non propter vinculorum rupturam; sed relationem, mutarit, lento demum gradu & sub totidem molestis factam.

*Fustigationes & contusiones quæ lethales.*

Funestum magis fustigationis & proculcationis eventum olim, nempe 1684. mense Martii vidi, pariter in fœmina, quam maritus truculentior verberibus ac calcitationibus diis exceperat, quæque sub doloribus corporis variis exquisitissimis, motus impotentia, febre, anxietate præcordiorum, dyspnœa ac convulsionibus post triduum spiritum exalabat. Hujus, jussu prætoris lustratæ, habitus externus circa humeros imprimis, thoracis latera, lumbos, inguen ac femur sinistrum, ex rubore pariter ac nigredine livida, hinc inde etiam tumida, cerneba-



tur, cutis vero nonnullarum partium incisa cruore partim fluidiore, partim grumoso, manebat, & carnes profundiores plus minus conquassatæ ac suggillatæ deprehendebantur. Medius ac inferior venter sanguine seroso scatebant, pleuræ ac peritonæi sinistra pars & huic vicinior intestinorum tractus, una cum lienis superficie, qua costis nothis accumbit, sanguine ad gangrænâ usque erant suffusa. Lethalitati per se phænomena hæc mancipabam, quod circulationem evidenter turbarent, ad rupturam etiam vasculorum capillarium, hinc cruoris & lymphæ profusionem variarumque actionum frustrationem. Et conturbatur quidem hac ratione indigitorum fluidorum motus, non tantum ob dictas vasorum ac intermediorum canaliculorum rupturas ac compressiones, sed insimul, quod fibræ propter nervearum partium tonum hinc inde enormiter laxatum in illo juvando deficient: ne dicam humores nutritios, extra meatus, seu cancellos naturales profusos, facile corrumpi & in saniem, partibus solidis exitiosam, converti.

*In fustigationis lethali-  
tate deter-  
minanda aliarum quo-  
que circum-  
stantiarum  
habenda ratio.*

Ast quoniam in ejusmodi casibus hoc frequentius emergit aut movetur dubium, num vere immediate ac solitarie a verberibus inflictis, nec a causâ & affectu quodam interno, sive antedecedaneo, sive superveniente, aut simul ad minimum, mors contigerit? huic etiam satisfacere frequentius jubetur Medicus, quamvis hujus discretio ut plurimum difficilis deprehendatur, nisi circumstantiæ fustigationem antecedentes, subsequentes ac inspectio cadaveris negotio huic aliquid lucis fœneretur. Quem in finem igitur prænosse ac sciscitari oportet, valetudinem seu statum corporis defuncti ante violentias illatas, i. e. an exacte sanus an valetudinarius hic fuerit. Ubi in casu priore probabile fit, ictuum duritiem solam obitus ejus extitisse occasionem, atque hoc eo certius, si mox ab illorum perpeffione male se habuerit, & in pejus quotidie lapsus fuerit, qui vapularat: in posteriore plus minus ancipites hæremus, num a morbo alio latente potius, quem relatio Medici vel adstantium innuit, vel quem sectio manifestat, an a Plagis illis, fatalis hic dies evenerit; aut ad minimum combinandi sunt morbus ille antedecedaneus ac violentia externa, ut tanquam causæ sociæ mortis insecutæ attendi postulent.

Exemplum dubiæ ejusmodi decisionis erit modo relatum, de uteri descensu per rudiores insultus in fæminam concitato: cujus generis alia hinc inde occurrunt v. g. si gravidam ad abortum usque partum p. n. ac vitiosum per abdominis violentiorem contusionem adigi contigerit, qualem casum Jena ad nos missum *cap. 5.* recensui. Quibus addo alium Nostri Collegii censuræ 1693. d. 10. Augusti expositum, in quo perhibetur, Servam postquam per mensem integrum ex dolore pectoris & lateris sinistri seu, ut Sectio Cadaveris declaravit, vomica pectoris & pulmonis insigni decubuerat, 12. Martis fusti crassiore rudius & donec in humum conciderit, percussam, abhinc vero dorsi, hypochondriorum & crurum cruciatus insignes perpeffam, ac 27. Aprilis demortuam fuisse. In hac occasione plagarum duriorum & has stipantium animi commotionum vehementiorum, sanguis stagnationem in thorace ac pulmonibus, hincque supurationem adjutam vel acceleratam sentiebat facultas, infirmitati huic interim non parum contulisse, quod post fustigationem per nives & aquas medio Martii procul ambularit nihilque remedii primis quatuordecim diebus admiserit ægra.



## CHIRVURGIAE

## PARS III.

DE

FASCIIS

ET

VINCTURIS

CHIRVURGICIS.

CAP. I.

*De fasciis & vincturis generatim.*

I. **D**E fasciis equidem tractationem æque omnino utilem atque necessariam in arte salutari esse, ac ipsarum operationum chirurgicarum expositionem, non solum HIPPOCRATIS (a) & GALENI (b) aliorumque potissimorum Medicorum testimoniis, sed cumprimis exinde luculenter patet, quia nulla propemodum institui curatio chirurgica potest, quæ vincturam atque fascias haud postulet. Quantumvis enim provide ac diligenter res suas, quæ ad curationem pertinent, reliquas chirurgus perficeret, tamen, si minus idoneam vincturam seu deligationem is adhiberet, parum certe vel nihil omnibus suis studiis sæpe proficeret: si præsertim ossa fracta aut luxata ad curandum proponerentur; si item nimia sanguinis apud vulneratos profusio incideret; si denique paulo gravior operatio sive sectio chirurgica facta esset, vel membrum aliquod grandius amputatum. Et incidere profecto quidam casus solent, cujusmodi nimirum ossium *luxationes & fracturæ sunt*, ubi non tam in medicamentis, quam potius in accurata partis afflicte vinctura posita esse sanitatis præsidia deprehenduntur: dummodo id quod e sede sua motum erat, decenter, prius fuerit repositum. Similiter *sanguinis quandoque profusiones nimias* nullo perinde remedio promptius, certius & commodius, quam exacta vulneris deligatione

*Fasciarum  
usus necessa-  
rium.*

Dd 2

(a) Lib. de Officina Medici.

(b) Lib. de fasciis.



tionem facta, conquirere, exploratum omnibus est, qui paulo curatius in vulneribus curandis aliisque curationibus chirurgicis sunt versati. Ut nihil nunc de eo dicam, *vincturarum decenter instituendarum promptitudinem atque elegantiam* jure merito in his habendam esse chirurgi virtutibus, quæ tum ad spectatorum benevolentiam, tum & vel maxime ad ægrotorum fiduciam, quæ ad promovendam curationem valentissima esse solet conciliandam egregie faciunt, quia hi potissimum chirurgi scientiam hac ex re dijudicare solent; dum ignari plerumque eas pessime injiciunt (a). Quæ cum ita sint operæ utique pretium fecerimus, sicubi ea, quæ strictius supra pag. 30. & seq. de fasciis proposita sunt, paulo prolixius atque dilucidius hic exposuerimus singulatimque, qualis optime institui in curationibus chirurgicis gravioribus singulis deligatio debeat, declaraverimus.

*Fascia & vinctura quid sit.*

II. *Fasciam* itaque in scholis chirurgorum esse linamentum aliquod, quo ad deliganda varia corporis vitia utitur, quod quandoque strophiole mantilique quadrato haud absimile, communiter autem longum atque angustum, quod tum in ossibus luxatis & fractis, tum & in vulneribus ac plerisque aliis humani corporis noxis externis curandis, ad splenia, emplastra linamenta carpta, aliaque hujusmodi continenda adhibentur, nemo facile ignoraverit. Ceterum observasse juvabit *fasciarum* titulo speciatim linamenta ista designari, sic ubi nondum sunt corporis adplicatæ, *vinculorum* autem seu *vincturarum*, si jam tum circum corpus injectæ hærescunt, vel re ipsa jam injiciuntur. Galli prius *undebande*; posterius *bandage* appellant.

*Species fasciarum.*

III. *Differentia fasciarum* varia est: quædam 1. *communes* sunt, aliæ *singulares*, & singulari cuidam corporis parti velut propriæ; similiter 2. quædam *simplices* sunt, quædam *compositæ*. *Simplices* vocantur, quæ ex unico tantum frustro lineo, eodemque in partes plures nec fîsso, nec cum aliis frustris aut habenulis conjunctæ constant. Observatio circa easdem necessaria hæc est, ut ex linteo, secundum filamentorum ductum sive longitudinem disrupto vel dissecto, fiant, circiterque binorum, trinorum vel quaternorum plerumque digitorum amplitudinem habeant, pro vitii scilicet modo atque ægræ partis conditione. Solent autem fasciæ simplices vel ab alterutro tantum, vel & ab utroque extremo sive capite convolvi, quemadmodum pro re nata chirurgus id vel commodissimum vel necessarium esse judicat. Istæ *unius capitis fasciæ* appellantur, vid. Tab. II. fig. b; hæ vero duorum capitum. vid. fig. c.

*Vincturae per fasciam simplicem species.*

IV. *Vincturam simplicem* instituendi, seu quod idem est, *fasciam simplicem adplicandi ratio varia, potissimum tamen quadruplex est*. Namque *circularis* sive *annularis* dici *vinctura* solet, si superiores ductus accurate super inferioribus fiunt. *Obtusa* vel *ascia* (gall. *Doloire* si ductibus spiraliibus fascia vel adscendit, vel descendit *Repens* (gallice *Rempant* si rarioribus atque ab invicem remotioribus ductibus institutis fascia circum partem afflictam injicitur. *Reflexa* denique *vinctura* adpellatur (gallice *Renversee*, ) si, prout in suris atque aliis partibus, variam crassitiem habentibus necessarium esse solet, identidem fascia invertitur sive replicatur: quod ipsum tamen commodius demonstrari coram, quam verbis explicari potest.

*Vincturae compositæ.*

V. Fasciæ aut *vincturae compositæ* adpellantur, si vel variis admodum iisdemque magis artificiosis quam prioribus ductibus institutis, fasciæ corporis adplicantur, ceu fieri quidem oportet ac solet in maxillæ claviculæ patellæque fracturis, aliisque læsionibus quamplurimis; vel si plura duobus capita habeant, ex compluribus partibus sive frustis confutæ, aut unum frustum in partes plures scissum pro

(a) Teste GALENO, lib. de fasciis; ubi & præcipit, ut, quod injicitur, *celeriter, jucunde prompte & eleganter injiciatur*.



pro fascia adhibeatur . Posterioris generis illæ fasciæ sunt , quæ quatuor capitibus instructæ sunt , & vulgo *fundæ* appellatæ sunt , aliæque quas nos in Tab. II. litteris , d , e , f , g , h designavimus ; item *fascia octodecim capitum* , quam ascialem nonnulli vocant & quæ in fracturis cum vulnere adhiberi solita est , vid. Tab. IX. fig. 4. litt. BB , variæque aliæ . Ex his omnibus aliæ capiti , aliæ pectori , aliæ abdomini , aliæ denique brachiis atque cruribus deligandis aptæ sunt , indeque subinde proprium aliquod nomen trahunt . *Aliis a similitudine* cum rebus quibusdam nomen imponitur , ut scapha , stella , stapes , spica &c. *Reliquæ ab usu* præcipuo titulum aliquem sortiuntur . Sed ista quidem planius ex infra dicendis apparebunt .

VI. Materia ex qua fasciæ parantur *hodie ut plurimum est linteum (a)* . Sed ad linteum , ex quo apud nos fiunt , quod attinet fere sequentes necessariae sunt observationes : 1. Ante omnia *lintheum* debet esse *purum* atque a quibusvis fordibus liberum (b) ; partim decoris atque elegantiae causa , partim , ne quam forte noxam vulnus inde trahat : nam non modo utilitati studere debet Medicus , ait GALENVS , sed & munditiei & elegantiae (c) . Deinde 2. haud novum prorsus , sed aliquantisper jam ab ipso usu detritum , mollitum atque lavigatum ; ne scilicet duritie & asperitate sua graviter cutem irriteret aut lædat , paulatimque cum pruritu atque inflammatione deterat ; interim tamen non sit nimis detritum , ne fascia relaxetur aut omnino inter ligandum disrumpatur . Porro 3. idem *neque ex filis constet vel nimis tenuibus aut subtilibus , neque ex nimis crassis* siquidem alias aut rupturam fascia minatur , aut saltem insignem molestiam corpori affert . Tum 4. *neque limbi aut fimbriæ insint aut eminentiæ , neque , quantum fieri potest , suturæ* ; ne duriter cutis inde prematur , neque pruritu ac doloribus affligatur . Si qua autem fascia longior e pluribus frustis linteï necessario fuerit conficienda , operam dare convenit , ut quam paucissimis & subtilissimis futuris invicem committantur . Quam autem denique 5. *longitudinem atque latitudinem* habere fascia unaquævis debeat , dici in universum non potest , sed prudentis equidem chirurgi est , cum pro ipsius partis affectæ habitudine , longitudine & amplitudine , tum & pro ceterarum rerum circumstantium conditione quid in casibus singulis factu opus sit , definire ; interim ne absque omni consilio chirurgicæ artis tyrones hic relinquantur ; id utique nos datum nobis existimavimus esse , ut , quantum quidem ipsa rei indoles patitur , fasciarum præcipuarum omnium habitudinem cum primis longitudinem & latitudinem , prout ut plurimum esse potest , diligenter describere studeamus .

VII. Circa fasciarum adplicationem seu vincturam quam solertissime providendum semper est ; ut *neque nimis arctæ , sed mediocriter firmæ fasciæ inhærescant* . Namque ubi iusto laxiores eadem existunt , parum plerumque aut nihil , præcipue in ossibus diffractis & item vehementioribus sanguinis profusionibus proficiunt ; ubi vero iusto arctiores sunt , egregiis ut plurimum doloribus , tumoribus atque inflammationi , quin & gangrænæ aut cancro partes corporis vinctæ exponuntur . Debet autem , num justam firmitatem suam fasciæ habeant , nec ne , præter explorationem per digitos interjectos , ex ægri hominis sensu ac doloribus potissimum dijudicari ac statui . Si enim nihil omnino molestiæ aut tumoris is persentiscit , *iusto laxior esse vinctura* merito censetur . Si gravioribus doloribus ac tumoribus idem exercetur , sciendum est fascias *iusto strictiores* atque arctiores

(a) Apud veteres etiam ex lana & membranis constabant , Galen. lib. de fasciis . Hodie tamen etiam quædam ex panno xylyno itemque ex corio conficiuntur .

(b) Hanc munditiem jam Hippocratem commendasse Galeus testatur principio libri de fasciis .

(c) Ibidem .



res existere . Similiter , num iustum in vinciendo modum chirurgus fervaverit , nec ne , partium vincturæ *proinquantur* tumor significat . Ubi enim vel mane , vel sub vesperam brachii præsertim vel pedis partes extremæ , una cum sensu acuti insigniter & cum duritie quadam tument venæque ibi positæ minus naturaliter turgent , indicium est nimis firmam ac strictam adhibitam esse vincturam . Sin nihil omnino tument , si item digitum aliquem fasciis facile submittere licet , sciendum est , vincturam nimis esse laxam adeoque paulo fieri debere strictiorem . Porro si fascia unius capitis præsertim in manu vel pede quodam adhibetur , necessarium utique est ad primam ejus partem rite firmandam , a binis vel ternis ductibus circularibus sibi invicem superinjectis vincturæ principium facere , ne fascia facile relaxetur . Quod si autem *binorum capitum fascia imponitur* , initium vincturæ a media fasciæ parte semper est faciendum , partes autem utraq; ab utrisque manibus decenter circum membrum ita ducendæ quemadmodum necessitas requirit ; verum extrema tandem fasciæ pars ante semper parum complicitur , quam fibula eidem injicitur , quo nempe firmitus eadem inhærescat . Quidquid in spleniorum atque fasciarum ossibus luxatis aut fractis imponitur , id neutiquam debet esse siccum sed semper vel ex vino calido , vel ex vino adusto , vel & oxycrato expressum . Sic enim & firmitus fasciæ hærescunt & ægræ partes roborantur , & inflammatio denique temperatur , vel præcavetur . Denique si partes fasciis subjectæ , ut quandoque contingit , nimium quantum pruriunt , fasciis vel tantisper resolutis , pars vel oxycrato ablui vel fomentum ex oxycrato adhiberi , vel & , ubi minus tuto resolvi fasciæ possunt , eodem humore fascias diligenter ac sæpius humectare oportebit , donec pruritus cessat .

*Vinctura  
Innovatio  
quomodo fieri  
debeat .*

VIII. Quoties autem cum deligatio innovatur , quam solertissime providendum est , ne ruditer abstractis aut avulsis fasciis , graviter ægra pars offendatur . Nisi enim cum adhibita moderatione maxima fasciæ cum spleniis linamentisque , præsertim ubi fortius adhærescunt , demuntur , periculum utique maximum est , ne ossium inprimis fractorum & item venarum grandiorum amputatarum vulnera denuo sese aperiant , gravissimasque cum sanguinis profusiones , tum his conjunctas alias noxas concitent . Simulatque igitur vel a sanguine , vel a materia , quasi a rebus glutinosis , iusto firmitus cuti adhærescere vinctura persentiscitur ; necessarium utique videtur , vel vino , vel spiritu vini calido ipsam diligenter humectare , atque sic paulatim emollire ac resolvere . Similiter longe optimum quoque est , in quacunque deligationis innovatione providere , ut *requisita pro vinctura nova semper ante instruantur* , vel præparentur , quam vinctura pristina resolvitur , ut protinus iterum contegi pars afflicta possit . Namque alias periculum est , ne vel frigus , vel aer parti vulneratæ damnum aliquod inferat .

*Usus vincturarum .*

IX. Tandem ad vincturæ usum quod attinet , varium utique & multiplicem eundem esse , supra jam tum (§. i. ) breviter atque generatim indicavimus . Ut autem luculentius id ipsum perspiciatur , ad singularia nonnulla nunc jam erit descendendum . Scilicet vincturæ vel per se ad sanitatem restituendam proficiunt , itaque remediorum sive auxiliorum vicem sustinent ; qualiter quidem fieri ut plurimum in ossibus fractis & luxatis , nec non in graviore sanguinis profusione solet : vel medicamentis aliis circum partem ægram continendis inserviunt . Nonnunquam vincturæ ad reprimendum pedum tumorem insigniter proficiunt , indeque expellentes , Gallis expulsi ves communiter audiunt . Modus illarum talis est , ut pedes indecenter tumentes quam exactissime a fasciis incipiendo a parte inferiori sensimque sursum versus continuo adscendentibus ductibus , comprehendantur . ( vid. Tab. III. fig. i. litt. F. ) Quanquam non ad pedes solum tumentes , sed & quandoque ad fistulas pro exprimenda materia noxia fasciæ hæ expellentes adhibeantur . Similiter egregium quoque usum vincturæ præstant , dum



*coercendis restituendisque in posituram naturalem membris curvis*, collo præsertim ambusto, qua par est diligentia, adplicantur. Denique haud prorsus insolitum est fascias vel vincturas *oris vulnerum directorum*, præsertim in fronte, vertice atque abdomine, in unum cogendis mirifice inservire. (vid. Tabula XXXVII. fig. 2. & 3.) Cujus equidem generis fasciæ medicis *unientes* communiter adpellari consueverunt. Reliquos vincturarum usus nunc jam prætermittimus; satis habentes, si deinceps circa vincturarum singularum explicationem, ipsos indicaverimus. *Dabimus autem hic operam ut præcipuas fasciarum & vincturarum species*, quas ad oculum demonstrare in scholis nostris chirurgicis solemus, verbis nunc, quoad fieri potest, planissimis describamus, ita fieri posse arbitror, ut, qui has probe intelligat aut calleat, reliquas, quæ forte aliquando variis in læsionibus aut vulneribus necessariae erunt, ad similitudinem & imitationem harum haud adeo difficulter perficere queat. Quanquam sciendum est, longe utique *promptius atque felicius experti chirurgi alicujus exemplis coram spectatis*, si præsertim frequens harum rerum usus accesserit, quam ex libris decenter adplicandarum fasciarum artem hauriri. Ut proinde haud quaquam spernendum sit GALENI consilium istud, quo chirurgi juvenes monentur, atque excitantur, ut, ad acquirendam fascias rite adhibendi promptitudinem, frequentissimam artis hujus exercitationem in hominibus sanis instituant; id quod & in statuis, cum primis ligneis, humanam formam præ se ferentibus, fieri commode potest. Et statuæ quidem humanæ, pro adhibendis vinciendi artificiis, in eo veris hominibus præstant, quod pro arbitrio easdem mutilare atque ita vincturas, cujuscunque generis membris amputatis adhibendas, in ipsis demonstrare licet; id quod in hominibus sanis perfici apte nequit. Interim nos, quum de præcipuis vincturarum speciebus tractare nunc ingredimur, id nobis datum existimamus esse, ut primo loco *de vincturis capitis*, secundo *de colli*, tertio *de præcordiorum*, quarto *de abdominis*, quinto denique loco *de brachiorum* atque tandem *de crurum vel pedum vincturis* seorsim atque ordine exponamus.

## C A P I T U L U M II.

### *De vincturis, quæ in capite fiunt, & quidem.*

#### I. DE FASCIA TRIANGULARI CAPITIS.

VETERES equidem chirurgos pro variis capitis noxis mirum quantum varias, easdemque multiplices fascias proposuisse, non tantum ex GALENI, sed reliquorum etiam auctorum priscorum monumentis intelligitur (a). Quandoquidem autem ipsi præter omnem necessitatem amplificasse vincturarum numerum videbatur; sane nihil abs re fecisse VERDVCIUS & CLERICVS aliique recentiores censendi sunt, quando discentium commodo, rejectis quamplurimis obsoletis minusque aptis aut necessariis, non nisi paucissimas, sed eas tamen fascias proposuerunt atque commendarunt, quæ nonnullis capitis noxis deligandis satis apta sunt, imo sufficiunt. Atque prima quidem ex his, quas, cum recentioribus commendo; *fascia capitis triangularis* vocatur: siquidem illa vel e

*Prima capitis fascia triangularis dicta*

stro-

(a) Vid. GALENVS de fasciis, itemque in GESNERI scriptoribus de chirurgia optimis, ubi septuaginta diversæ fasciarum capitis species delineantur & describuntur.



strophiole , vel quadrato mantili , vel e peculiari magno linteo quadrato , in modum trianguli complicato conficitur , atque posito medio super fronte , partes extremæ eadem fere ratione circum caput firmanur , qua communiter alias circum idem , tempore præsertim æstivo , quando ob æstum consueta capitis vestimenta deponimus , deligari strophiole vulgo solent , vid. Tab. XXXVII. fig. 1. aa, b. Galli eandem *le Couvre Chef, entriangle capitium sive tegumentum capitis triangulare* , nuncupant . Quam autem paratu facilis hæc vinctura est , tam quoque varios multosque eadem usus plerumque præstat . Neque enim ad vulnera tantum , sed etiam ad quascunque alias propemodum capitis noxas , *quin ad oculorum morbos etiam* , ad medicamenta & splenia ipsis injecta continentia , cum profectu ipsam adhiberi , res ipsa loquitur . Quodsi forte nodus b circa occiput ægro molestus sit , extrema ad frontem reduci , ibique aciculis firmari possunt .

## II. DE CAPITIO MAGNO.

*Capitium  
magnum.*

Altera , capitis fascia , præcedenti major , gallice *le grand Couvre-Chef* , h. e. *magnum capitis tegumentum* , vel & *capitium magnum* adpellatur , fereque semper post factam vel trepanationem sive terebrationem cranii vel & in supremi capitis vulneribus , tanquam fascia sive tegumentum caput magis contra frigus defendens , adplicatur . De utrisque , quas modo memoravimus , fasciis & quomodo injiciendæ supra jam tum exposuimus pag. 30. , §. 67. , atque Tab. III. fig. 1. litt. A quomodo capiti injecta se ostendat , satis , ni fallor , indicavi .

## III. DE FUNDIS SIVE FRONDALIBUS.

*Frondalis  
quatuor ca-  
pitum.*

Tertia , eademque quatuor capitibus sive habenis instructa , *funda sive fascia frondalis quatuor capitum sive frondium* ( vid. Tab. II. litt. d ) denominatur . Longitudo ipsius ea mea sententia ulnam Parisinam , latitudo sex vel octo digitos comprehendat ( a ) . Quidam nonnisi tres ulnæ partes quartas , sive tres pedes , longitudini ejusdem tribuunt , pro capitum forte diversitate , vel pro diversa eam applicandi ratione . Solet autem , pro continendis super vulnere rebus ad deligationem necessariis , æstivo potissimum sive calidissimo tempore ipsa usurpari : siquidem tum binæ priores sic præsertim ultima sive amplior ( *capitum* scilicet *magnum* ) propter ipsam amplitudinem & gravitatem suam , in regionibus potissimum calidioribus , vix ac ne vix quidem adhiberi citra insignem ægri hominis molestiam possunt , maxime si ita paretur ac injiciatur , ut a nonnullis delineatur ( b ) . Utræque fasciæ frondalis partes extremæ ita debent findi , ut non nisi media illius pars ad unius vel binarum circiter palmarum transversarum latitudinem indivisa permanent . vid. Tab. II. fig. d. ) Si ad vincturam vulneris , exempli causa in supremo capite inflicti , veniendum est ; fundæ hujus sive fasciæ pars media atque integra super splenium injicitur ibique manu ministri , ne decidat , firmatur : deinde bina capita posteriora subter mento sic ducuntur , ut vel ibidem nodo jungantur , sicut in Tab. III. fig. 1. videre est , vel si fascia longior , ab hac parte ad cervicem redeant ibidemque per nodum aliquem committantur vel aciculis firmentur ( c ) : bina vero capita priora sub occipite connectuntur , vel si fascia longior , capita ejus si frondes ita adduncuntur , ut inibi invicem permutata  
ad

( a ) Nonnulli eam pedis latitudine , imo adhuc ampliorem desiderat .

( b ) Vid. BASS. de fasciis Tab. VI. fig. 5.

( c ) Quia in fasciis pro capite nodi in cervice vel occipitio , quando ægri decumbere aut dormire volunt , ipsis molesti sunt , extrema quando frontem attigere nequeunt , rectius , ubi desinunt , aciculis vel futura firmanur .



ad figuram litteræ X se invicem superoscendant , ac deinde vel super aures ad frontem , vel sub mentum etiam revertantur ibidemque in nodum constringantur .

## IV. FASCIA SEX CAPITIBVS.

Nonnulli in eundem finem fasciam adhibent *in sex frondes sive capita fissam* , <sup>Fascia sex capitum.</sup> quæ longitudinem habeat trium pedum & unius circiter pedis , vel quatuordecim pollicum latitudinem , ut totum caput comprehendere & includere valeat . Idea aliqua ejus fieri potest ex Tab. XXXVII. fig. 19. si modo foramina abesse fingamus . Hujus medium quando ea uti volumus , vertici imponitur & a ministro continetur : deinceps capita media sub mento vid. fig. 2. Tab. 37. , a a a , anteriora sub occipitio , b , & posteriora in fronte c c c , nodo constringuntur d , sicuti hic capita ad occipitium ducta , b , aut si placet , aciculis in latere , ubi desinunt , firmantur . Nonnulli eam adhuc ampliorem esse volunt , atque capita alio ordine , incipiendo a posterioribus , connectenda esse docent ; sed hoc mihi perinde videtur . Quando bene applicata est , egregie quoque res vulnere superimpositas , ne decident , firmat , ne facile decident , adeoque usus ejus non est contemnendus . Ceterum quod obiter hic observatum tum velim , *ut quotiescunque nos hac in de fasciis tractatione de ulnis mentionem aliquam injicimus* , semper *ulnas Parisinas usitatas* , intelligamus ; quæ quatuor circiter pedum longitudinem habent ; utpote mercatoribus plerisque omnibus ubique notas , pro evitanda nimirum , quæ hoc in negotio ex Germanorum aliorumque populorum ulnis diversis suboriri poterat , confusione aut errore .

## V. FASCIA VNIENS.

Quartam capitis fasciam *unientem* itemque *incarnantem* medicorum filii ab ejusdem usu nuncupant . Longitudo ejus binas ulnas , latitudo binos pollices <sup>Fascia uniens capitum.</sup> adæquat : media pars ad tres quatuorve digitos latos linea recta fissa est : ( vid. Tab. II. fig. f. ) ex partibus extremis singulis glomera conficiuntur . Usus præcipuus in eo consistit , ut cum *frontis aut verticis* , sicut in Tab. 37. fig. 3. & 4. a a , tum ceterarum quoque corporis partium *vulnera oblonga* atque ad lineam inflicta , cumprimis etiam *superciliorum* , ( ubi vero fascia angustior sit ) per eandem comprehendantur . Vincturæ modus est hujusmodi . Medicamentis balsamicis , emplastris glutinosis , & item juxta utramque ulneris partem splenio angusto rite adhibitis , fasciæ pars fissa , b , probe plagam sic deponitur , ut , habena altera c , circum caput ducta , & cum capitulo suo per fissuram illam trajecta , habenam utramque d d firmiter adstringere atque ita vulneris labia quam exactissime invicem conjungere liceat . Porro capita fasciarum utraque , binis manibus comprehensa , permutatis semper invicem , in figura 3. super fronte , atque occipitio habenis , in figura vero 4. sub mento e & vertice , quoad fasciæ longitudo permittit , gnaviter circum caput ægrum involvuntur . Oram habenæ utriusque extimam , ubi desinit aliquantisper implicatam fibula seu acus , vel & quandoque futura quædam firmat . Quod ipsum equidem artificium in plerisque omnibus hujus generis deligationibus perpetuum esse ; obiter hic rursus admonemus . *Si qua autem forte longior plaga est* , quam ut his modis decenter invicem jungi ejusdem labia queant , haud abs re fuerit , qua parte commodum videtur , denuo fasciam ita findere , ut iterum transmitti habena alterutra atque sic ad justam firmitatem constringere & fasciam & vulnus liceat . Siquidem eo facto , non vulneris tantum glutinatio , sed cicatricis quoque elegantia infi-



gniter promovetur. Opus vero est, ut per plures dies, sex scilicet vel octo, imo & diutius, si nihil vetat, fascia hæc relinquatur & non solvatur, nisi aliud quid id exigat; ita tanto melius & promptius vulnus glutinabitur.

## VI. AD FRONTIS VENÆ SECTIONEM.

*Fascia ad  
venæ sectio-  
nem in fron-  
te.*

*1. Discrimen.*

Quæ post factam in fronte venæ sectionem adhiberi a chirurgis solet fascia, trium ulnarum longitudinem binorumque circiter digitorum latitudinem comprehendit. Caput sive glomus unicum est, ratio autem deligationis gemina: quarum altera quidem *discriminis*; altera *scaphæ* titulo insignitur.

DISCRIMEN ut fiat, sequentia facienda sunt. Fascia per sinistræ manus pollicem super splenio vulnere injecto, vid. fig. 5. a, sic detinetur, ut principium ejus ad pedis circiter longitudinem a fronte super faciem propendeat. Eo facto, fasciæ pars altera cum capitulo suo semel, circulari ductu, bb, a fronte circum tempora & occiput volvitur, donec ad principium redeat. Tum pars illa propendens retrorsum versus super frontem, verticem & futuram sagittalem, c, ad usque occipitium adducitur, & sequenti ductu circulari ibidem firmatur; reliqua autem fasciæ pars universa, ductibus circularibus continuis, bb, atque sibi invicem semper superinjectis, circum caput volvitur finisque tandem ubi desinit, diligenter, prout supra indicavimus, per adhibitam aciculam vel futuram firmatur.

*2. Scapha.*

DISCRIMEN inter & SCAPHAM ea differentia est, ut, qui principio in hoc fiunt, ductus non sint circulares circa tempora, ut in discrimine, sed obliqui, a fronte inter aurem & verticem fig. 6. a, b, ad occiput & inde per latus oppositum sub aure b, ad principium: tunc pars dependens in sinistro latere c oblique inter verticem & aurem ita reflectitur, ut utrinque in anteriori scilicet & posteriori capitis parte in quemdam quasi angulum coarctati, hisdemque comprehensa capitis supremi pars quandam *quasi scapham* a, b, c, repræsentet. Atque secundum hanc scaphæ figuram aliquot ductus continuantur, & per circula-rem circa tempora & occipitium fascia tandem finitur; ubi finis acicula vel futura affigitur.

## VII. FASCIA NODOSA PRO TEMPORIBVS.

*Fascia ad  
arteriotomiam.*

Septima capitis fascia, *nodosa* propter multos, qui fiunt, nodos, itemque *stellaris*, aut *solaris*, a quibusdam dicta: apud Gallos autem *le solaire*, ob qualemcunque cum stella vel sole similitudinem cognominata, utilissima est vinctura (a), quæ ad temporum arterias, vel arteriotomia, vel & improvise vulneratione quædam concisas, vinciendas sanguinisque profusionem cohibendam adhiberi optimo plerumque cum successu solet. Fascia hic necessaria sit quinque vel sex ulnas longa duosque digitos lata, atque in duo capita convoluta. Vinctura vero sequentem in modum instituitur. Vulnus triplici fere splenio satis crasso, altero ex altero semper majori, contegitur. Supra partem temporum integram vulnerique oppositam media fasciæ pars sic imponitur, ut, altera ejusdem habena sive caput circum frontem, (vid. Tab. 37. fig. 7. a, altera circum occiput ducta, b, utræque super parte afflicta, c, concurrant. Eo facto, ita invicem in nodum quasi committuntur vel intorquentur, ut altera infra mentum, d, descendat, altera vero supra caput sive verticem, e, adscendat, utræque autem denuo super temporibus integris in dextro latere, (quod hic in figura videri nequit) ad se invicem accedant. Namque hic, post factam commissuram novam, eadem

(a) Miror propterea, quod a nonnullis recentioribus omittatur.



eadem ratione sibi innectuntur atque intorquentur, ut modo in latere sinistro, ad litt. c factum erat, ac deinde altera fasciæ habena cum glomere suo rursus circum frontem, altera circum occiput, b, usque dum ad splenia vulneri imposita c, iterum redeant, ducuntur: ubi denuo mutantur & altera sursum, altera deorsum d, e, reflectuntur. Atque id ipsum in utrisque temporibus toties repetitur, quoties id facere ipsius fasciæ longitudo permittit, partesque tandem extremæ futuris obfirmantur.

### VIII. VINCTURA POST GLANDVLAM PAROTIDEM EXSECTAM.

Idem fere vincturæ genus in partium quoque proximarum vulneribus, glandulisque salivalibus sub auribus exsectis, levi admodum mutatione facta, ad suppressum sanguinem, ab excissis præsertim sub aure glandulis salivalibus; tam parotidibus quam maxillaribus, scirrhum habentibus, iusto vehementius prorumpentem, adhiberi cum profectu posse, ego non solum sæpius expertus, sed quisvis jam, ut opinor, hæud adeo difficulter intelliget. Nam ejusmodi in casu, postquam vulneri rite medicamentis sanguinem cohibentibus, linamentis multis & spleniis crassis prospectum est, vincturæ initium facio, sicut modo dictum est, post arteriotomiam; (vid. fig. 8. a b c d e) sed deinde, postquam primariam hanc circumvolutionem feci, sæpius ductus illos, qui per verticem & infra mentum ducuntur, de, repeto, quam in priori factum est, rarius vero illos, qui frontem & occipitium cingunt; verum in ascensu & descensu caput in latere læso capita hæc fasciæ non tam in temporibus, quam potius sub aure, in loco scilicet vulnerato, f, super spleniis huic impositis, muto, ibique frequenter nodos illos sive contorsiones fasciæ facio, ut sic linamenta & splenia vasa sanguinem vehementer fundentia fortius contineant atque cumprimant, eumque sic tandem certius ac valentius cohibeant. Fines vero fasciæ & ubi hæc decussatim excurrunt, ne facile cedant aut cadant, futurisnecto. Hanc vincturam tunc excogitare coactus sum, glandulas prædictas schirro corruptas primum excindere suscepi, eamque utilissimam deprehendi: atque vincturæ hæc *nodosa*, ob nodorum copiam, qui hic fiunt, merito & optime appellari solent.

*Ad parotides excisas.*

### IX. CAPITALIS REFLEXA PRO HYDROCEPHALO.

*Fascia capitalis reflexa* (capeline de la tete Gallis) *hydrocephalo* vinciendo in primis destinata, longitudine ulnas sex, latitudine binos digitos complet, inque bina glomera involvitur. Vinctura sic fere instituitur. Media fasciæ parte occipiti applicata, unus alterve ductus circularis, utroque glomere se invicem & in fronte & in occipitio decussante circum caput injicitur. Deinde altero glomere super verricem sive futuram sagittalem ad frontem reflexo, vid. fig. 9. a, alterum, ductu circulari, b e, continuato, super fronte cum primo committitur. Qua equidem commissura facta, primum glomus oblique retro occipitium versus c d, ad latus prioris, a, reflectitur; alterum autem cœpta via circulari, b c, promovetur; primum vero rursus ab e ad f, inde a litt. g, ad h ducitur, altero circularem suam viam continuante. Atque hæc ad usque fasciæ finem quam diligentissime sic continuantur, donec universum caput a fascia hinc inde semper reflexa omnino contactum firmiterque comprehensum sit, ubi circa finem pro obliquis illis ductibus c d, e f, g h, firmandis primum iterum per sagittalem futuram, a, ducitur atque ab altero circulari glomere, b c, obfirmatur. Nonnulli hoc vinculum etiam *ad capitis dolores* commendant. In gravi vero hydro-

*Capitalis reflexa pro hydrocephalo.*



cephalo parum auxilii inde sperandum esse jam NVCKIVS notavit Exper. Chirurg. XVII.

## X. OCVLVS SIMPLEX.

*Oculus simplex.*

Venimus nunc ad illas capitis fascias ; quæ oculis præsertim sunt destinatæ : Harum duplex admodum species est . Prima , *oculus simplex* , itemque *monoculus* , rectius *monophthalmus* ; altera , *oculus duplex* adpellatur . OCVLVS SIMPLEX , si quantitatem spectaveris , longitudine binas cum dimidia , vel ternas etiam ulnas , latitudine binos tresve digitos transversos ; pro diversa ægrorum statura adæquet ; si ad usum respexeris , in quibuscunque oculi alterutrius aut palpebræ curationibus ad continenda medicamenta proficit , Denique ad vincturam faciendam sequentes necessariae sunt observationes . Principium fasciæ , quippe unico tantum glomere comprehensæ , occipiti applicatur . Hinc fascia circum caput & aurem lateris læsi oblique sic ducitur , ut , conlecto cum supra datis medicamentis & spleniis oculo , vid. fig. 10. litt. a a , oblique super frontem , b , ad usque principium suum redeat . Ternis circiter hunc in modum institutis ductibus circularis obliquis , circum tempora , occiput & frontem , c c c , reliquum fasciæ , quoties longitudo ejus permittit , ductibus circularibus involvitur , tandemque per adhibitam aciculam ubi desinit , rite firmatur . *Unus oculus etiam strophiole sive muccinio mundo* , ea ratione , ut fig. 11. indicatum est , deligari commode potest .

## XI. OCULVS DUPLEX.

*Oculus duplex.*

1. *Capite simplici.*

Binis oculis vinciendis fascia , *oculus duplex* chirurgis vocata , inservit . Hujus longitudo ulnas tres latitudo binos circiter vel ternos digitos comprehendit . *Adplicandi modus duplex est* , ideoque vel in simplicem vel & in duplicem glomerem fascia convolvitur . 1. *Si simplex tantum glomer est* , fasciæ principium in occipite , fere ut in præcedenti , detinetur . Huic juxta aurem ( vid. fig. 12. ) a , atque oculum b , oblique ad frontem dextri lateris , c , a fronte vero ad principium fascia revertitur . Tum ab occipite ad frontem , d , ipsa adscendit , indeque super oculum alterum , e , hic descendit , ut primum ductum transversum sive decussatim supra nasum , ad litteræ x similitudinem , velut interfecet ; atque inde ad occiput f , ad principium redeat . Quibus equidem circuitibus similiter triplicatis , reliqua fasciæ pars ductibus circularibus circum caput , frontem scilicet atque tempora g g g faciendis insumitur , tandemque quando desinit , firmatur . 2. *Ubi vero binos glomeres fascia continet* , tum occipitis parti inferiori media ejus pars sic adaptatur , ut glomeres viis contrariis juxta aures & super oculos simul , ( vid. fig. 12. a , b , f , e , ) ad frontem , ubi supra nasum in litteræ x figuram se invicem decussant , indeque glomeribus permutatis , super tempora a , c , ad principium suum , sub occipitis scilicet redeunt , ubi capita iterum , facta decussatione , permutantur , atque hinc simili prorsus , ut modo dictum est , ratione denuo per aures , oculos & frontem reducuntur . Denique hisce ductibus similiter triplicatis , quidquid fasciæ reliquum est , quo firmitus vinctura inhærescat , ductibus circularibus g g g circum caput injicitur ( a ) . Ceterum observasse juvabit , posse quoque in quamplurimis oculorum curationibus , ubi uterque etiam oculus deligandus strophium fig. 11. sat feliciter adhiberi , si modo super utrumque oculum injicitur , & vel nodo circa occiput capi-

( a ) Harum fasciarum pro oculo applicandi ratio longe alia , sed obscurior & intricata magis a GALENO traditur , libro de fasciis jam citato , itemque ab aliis .



capitibus , aciculis circa aures vel tempora fines affligantur .

## XII. FUNDA PRO NASO.

Deligandis naribus funda sive fascia quædam frondalis , quatuor habenis *Fascia ad seu capitibus* instructa , ulnam longa binosque vel tres digitos lata , communi-*nasum.* ter inservit . Pars extrema utraque sic fissa est , ut nonnisi quoad binos circiter digitos habenæ in medio cohæreant ; inter medias autem fissuras foraminulum aliquod existat , in quod immitti apex nasi , pro majori vincturæ firmitate , valeat. conf. fig. 13. a. Usus fasciæ hujus proprius situs est in eo , ut ossibus nasi fractis ( a ) vel naribus ab inflammatione , aut vulnere infectis , vel & ab exciso polypo , aut instituta perforatione narium coalitarum , graviter adfectis , commode adplicari & contineri medicamenta ac splenia , una cum rebus ceteris ad sanationem pertinentibus , queant . Vinctura sequentibus regulis comprehenditur . Fascia media naribus sic adaptatur , ut habenæ superiores , b b , utrinque deflexæ inque cervicem adductæ ibidemque decussatæ transversim abhinc circum frontem , c c , protrahatur , inibique vel in nodum aliquem d , cogantur , vel per adhibitas aciculas mitræ adjungantur ; inferiores autem e e , paullulum juxta nares super genas & tempora , f , elevatæ simili prorsus , ac superiores , ratione , circum caput , & frontem , g g , injiciantur . Ceterum generatim observari hic meretur , in fasciis quatuor capitibus donatis superiores habenas nunquam non deorsum versus , inferiores vero sursum circa partem vicinam ducendas esse , ita ut juxta partem læsam decussatim se invicem supercandant , e e , ita firmitus & accuratius partes comprehendunt .

## XIII. CAPISTRUM SIMPLEX.

Quam inferiori maxillæ in alterutro latere aut diffractæ , aut luxatæ injicere *Capistrum* chirurgi vulgo consueverunt fasciam , ea proprio nomine *capistrum simplex* *simplex.* adpellantur . Longitudo ejus quatuor fere ulnas , latitudo binos circiter vel tres digitos adæquet , & in unum caput sit glomeratum . Solet autem sequentem fere in modum ipsa adplicari . Maxilla in sedem suam decenter restituta & emplastro quodam glutinoso , itemque si lubet , lamella quadam ex charta satis crassa , ( vid. Tab. VIII. fig. 9. ) vitiatæ parti adaptata , sed ante tamen lino octuplici vestita vinctoque adusto calido humectata , ( quæ lamella tamen etiam omitti potest , ) decenter , & quemadmodum supra commendatum est , ( vid. pag. 173. ) contegitur . Eo facto , fasciæ principium occipiti adplicatur , factisque binis ductibus circum frontem circularibus ( conf. fig. 14. ab ) firmatur . Tum sequens fasciæ pars juxta lateris adfecti tempora , quod sinistrum hic esse finximus , b , per defixam fibulam sive aciculam graviter firmatur inflexaque ibidem fascia deorsum super genam sinistram e , & sub mentum , d , ducitur ; hinc super genam & tempora lateris sani per verticem , e , ad latus adfectum , b c d , reducitur . Quibus equidem circuitibus triplicatis , a gutture ad cervicem habena promovetur , inde vero infra aurem super maxillam læsam & mentum antè , f , g , comprehensoque deinceps mento super alterum hujus maxillæ latus & sub auricula in eandem occipitis partem reducitur ,

( a ) Veteres pro naso fracto fasciam quam *accipitrem* aliamque , quam *fossam Amynthæ* appellaverunt , excogitarunt & descripserunt ; verum his ossa nasi ex sede magis exturbata quam confirmata sunt , indeque factum esse videtur , quod HIPPOCRATES jam lib. de fract. a fasciis hic abstinere suaserit , nam emplastra sæpe sufficiunt ad ossa restituta continenda .



tur, atque hic circulus super mentum adhuc semel iteratur: Denique reliqua fasciæ pars, si quæ superest ab occipite primo ad fontem ducitur atque ductibus circum frontem atque caput circularibus, a b, impenditur, Tandem, ut ne facile vinctura hæc per se resolvatur, necessarium est, eas partes, quæ decussatim temporibus & maxillæ impositæ sunt, per fibulas, aut futuras injectas utrinquæ confirmare. Similiter autem hic quæ ad vincendam *maxilla fracturam* proposuimus, in ejus *luxationibus* deligandis quoque perquam idonea sunt.

## XIV. C A P I S T R U M D U P L E X.

*Capistrum  
duplex.*

*Si utrinque facta esse maxilla deprehenditur, ea restituta, vinculum, quod capistrum duplex appellatur, quod est fascia, sex ulnarum longitudinem atque binorum ternorumve digitorum latitudinem habens inque binos glomeres involuta, secundum has fere leges circum caput injicitur. Ante omnia quidquid fractum atque sede sua motum est, decenter reponitur confestimque emplastro idoneo, vel etiam simul, ut quidam volunt, (quod tamen necessarium non est) ferula sive lamina ex charta crassa, ad figuram maxillæ accommodata eademque linteo multiplici vestita, & denique ad recipiendum mentum antierius medio loco perforata comprehenditur. (vid. Tab. VIII. fig. 10.) Ferula hæc ministro cuidam sustinenda commendatur, fascia vero mento submittitur indeque per utramque malam & tempora, (vid. fig. 15. a b) super verticem c, ita promovetur, ut mutatis in vertice capitibus, viis, contrariis habenæ sub mentum, ubi inchoatum erat, rursus descendant atque hunc in modum ternis vicibus eant redeantque. Mox eadem, mutatis denuo capitibus, a vertice ad cervicem, a cervice vero, facta ibidem decussatione, circum maxillam & mentum antierius, d e, ubi in mento denuo permutantur, atque hinc rursus in cervicem producantur. Denique a cervice transitus fit ad frontem factisque ductibus circularibus circum frontem, tempora & occipitum; b f f, continuis, non tantum circa partes extremas, sed & super vertice ac temporibus quam exactissime fieri potest, per aciculas defixas vel futuras vinctura firmatur. Interim nihil omnino obstat quo minus pro eodem scopo utiliter hic adhiberi quoque capistrum simplex valeat.*

## XV. F U N D A A D M A X I L L A S.

*Fascia 4. capitum ad maxillas.*

Imo vero in Chirurgis haud desunt, qui pro capistro utroque fundam sive fasciam aliquam quatuor capitibus instructam, longitudine ulnam quadantenus superantem, latitudine vero quatuor vel sex digitos adæquantem ac in medio foraminulo pertusam, tanquam longe simpliciorē, satis tamen commodam adhibent. (vid. Tab. 37. fig. 16.) Namque hi, repositis atque involucrio convenienti comprehensi maxillis, mentum in foramen, quod in medio hujus fasciæ est, a, immittunt, vid. fig. 17. a, eoque facto, fasciæ habenas superiores, perinde scilicet, ac de frondali nasi modo præcepimus (§. XII.) in cervicem atque hinc, facta ibidem decussatione & capitum mutatione, in frontem utrinque c c, adducunt nodoque, d, firmant; inferiores autem e, per malas f, sursum versus super caput protrahunt atque vel ibidem per nodum g, vel aciculas, in mitra defixas, diligenter firmant; vel hinc etiam, si fascia satis longa, subter mentum retrahunt ibique modo obfirmant.



## XVI. FASCIA PRO LABRIS.

*Labris cum leporinis*, tum alias quoque *vulneratis*, Medici *frontalem* etiam quandam, *quatuor capitibus* vel *habenis* instructam fasciam, qualis fere pro *Fascia labris apta.* nati vitiis supra §. XII. descripta est, sed non nisi pollicem lata, pro medicamentis & spleniis super impositis continendis adhibere cum profectu solent. Simulatque nimirum labia leporina decenter incisa atque deinceps & fibulis, & vinculis, & emplastris denique glutinosis comprehensa sunt, fascia sic injicitur, ut medium ejus, quod integrum hic esse debet, a (vid. fig. 18.) labro, sed *habenæ superiores* b b, primo ad cervicem, deinde vero ad frontem adducantur, inibique vel nodo firmentur, vel aciculis mitræ adjungantur, inferiores autem d d, super genas e circum occiput, indeque antrorsum frontem versus reductæ, quibus locis desinunt, eadem ratione rite firmentur. Non sum equidem nescius, a quibusdam chirurgis fasciam aliquam *unientem*, (Tab. II. fig. f.) ulnæ longitudine uniusque digiti latitudine præditam, mediaque parte secundum longitudinem ad binos circiter digitos perforatam, simili propemodum ratione, ut supra de *uniente ad frontem* indicavimus, (vid. Tab. 37. fig. 3.) labris leporinis adplicari, verum id fasciæ genus non modo minus hic commodum, sed & ob causas satis manifestas, dum aciculas nimis premit, fere semper noxium atque alienum existere, & usus & ratio docuerunt. *Fascia seu larva ad faciem univrsam.*

## XVII. LARVA AD FACIEM.

Si qua forte facies universa vel a pulvere pyrio incenso, vel & a qualunque alia causa graviter combusta est: *larvæ quædam* formari ex linteo, cum foraminibus, utrique oculo, naribus atque ori accommodatis solent, quæ remediis contra ambusta decenter humectatæ super faciem, fomentis vel unguentis inunctam, ea ratione imponuntur, quam in ambustæ faciei curatione supra explicavimus (vid. Pars I. pag. 329.) atque ut firmitus larva hæc inhærescat, sex ut plurimum funiculi sive frondes eidem adjuncti, diligenter circum caput constringuntur, & nodis circa occipitium firmantur. (vid. Tab. 37. fig. 19.) Prodesse etiam potest in *phlegmone & erysipelate faciei*, pro remediis super ea continendis.

## C A P. III.

## De vincluris, quæ in collo fiunt.

## I. FASCIA DIVIDENS PRO COLLO.

**I**Nter fascias, circum collum adhiberi solitas, primam utique considerationem meretur fascia pro capite erecto servando, *dividens* dicta, (a), quæ *Fascia dividens.* longitudine ulnas sex, latitudine binos vel tres digitos adæquat, & in duo capita sit convoluta, quæque potissimum in collo, præsertim anteriori combusto, ideo injici consuevit, ne qua facile propter contractam ab ambustione cutem, inde-

(a) Quia, dum impedit, ne caput ad pectus accrescat, ea a se invicem dividit.



indecenter paulatim illud figuretur & antrorsum detorqueatur. Circa vincturam hanc rite instituendam sequentes necessariae sunt observationes. Parti ambustae remediis & fasciis circularibus prospectae, fasciae illius majoris pars media super frontem adplicatur; binisque circum caput factis ductibus circularibus, (vid. Tab. 37. fig. 20. aa) caput ejus alterum subter dextram, b, altera subter sinistram axillam c, transmittitur (a) & circulares circa pectus ductus duo, dd, pro capite bene erigendo fiant; quidquid autem circum caput involutum est, quam exactissime per aciculas, ubi se invicem circa occipitium decussant, (vid. fig. 21. litt. a) vel in ægri mitra defixas, firmatur. His confectis glomeres utrique ad cervicem rursus procedunt, indeque ad similitudinem litteræ x prius decussati denuo ad frontem, a fronte autem rursus ad cervicem, hinc iterum decussati subter axillas, ad cervicem rursus atque frontem, diligenter subinde in posituram naturalem adducto capite, transeunt. Quidquid tum fasciae reliquum est, ex eo ductus aliquot circulares circum frontem & occiput institui possunt, vinctura vero hæc tamdiu in corpore relinquitur, aut si laxa est, renovatur, dum nullum distorsionis periculum reliquum esse persentiscitur. Nonnulli eam quoque *in musculorum capitis debilitate puerorum*, quando caput erectum servare non possunt, commendant, donec majus robur acquisiverint.

Fascia continens colli.

II. Altera vincturarum collo vinciendo destinatarum, species medicamentis atque hujus generis aliis rebus, post venæ sectionem, ambustionem, vel & post quamcunque operationem chirurgicam adhibitam, collo adplicandis inservit, indeque *continens colli* apud chirurgos adpellari suevit. Fere duplex autem hic vulgo adhiberi fascia solet; quarum altera ulnæ unius, altera ulnæ unius ac dimidiæ longitudinem habeat; hæc sive posterior trium digitorum, ista vero unius pollicis seu binorum digitorum latitudinem comprehendat. Vincturæ modus hic est. Medicamentis ac spleniis decenter ad collum adhibitis, fascia brevior transversa super capite sive vertice sic deponitur, ut æquales habenæ ad humeros utrinque dependeant, vid. fig. 22. aa. Tum fascia altera eademque longior, ductibus circularibus circum collum, bb, inibique posita medicamenta & splenia, nec non habenas utrinque dependentes, aa, sed modice tamen adstrictis, ne spirandi difficultas sit, quamdiu durat, circumducitur, atque diligenter tamen acicula firmatur. Denique prioris fasciæ, aa, capita propendentia utraque, sursum versus super alterius fasciæ ductus circulares reflexa, quemadmodum litt. c, indicatur, per adhibitæ fibulas juxta aures confirmantur; ne qua forte fascia, circum collum injecta descendere valeat. Sed si verum fateri licet, fascia hæc minor a c, parum habet utilitatis; quia fascia circularis hic, ut usu didici, propter eminentes humeros cedere aut cadere vix potest.

### III. VINCTURA AD TRACHEOTOMIAM.

Fascia ad tracheotomiam.

Præter binas modo explicatas colli vincturas, tertia quoque identidem a chirurgis in eodem adhiberi, & post factam quidem *tracheotomiam*, solet. Fere sequens autem illius est ratio. Operatione decenter confecta, tabuloque idoneo in arteriam asperam concisam immisso, communis eademque simplex fascia quædam, longitudine duorum pedum & latitudine duorum pollicum, quoad partem mediam perforata, una cum emplastro splenioque, itidem perforatis, quantum fieri potest, commodissime circum collum ducitur, & utraque extrema in cervice nodo blande constringuntur. *Vel adhiberi potest fascia longitudine trium*

pe-

(a) Notandum hic est, quod quoties quod fasciæ per alas ducuntur, splenium prius crassum unicuique submittendum sit; quia alias facile cutis hic a fasciis deteritur, molesti dolores inde ægris concitantur.



*pedum*, latitudine duorum pollicum, in unum caput convoluta, hac ratione. Principium cervici imponitur: deinde fiant duo ductus circulares circa: sed quoties super fistulam, quæ in trachæa hæret, ducitur, modico foraminulo perforatur, ut aer per hoc libere in pulmones ingredi & egredi queat; finis vero in cervice vel latere colli, ubi desinit, acicula jungitur. Hujusmodi fascia haud prius resolvitur, quam ad sanitatem æger spectaverit. Noxis etenim satis mitigatis, tubulus recipitur, plaga vero, supra datis emplastris glutinantibus, cum balsamo vulnerario, per injectam fasciam *aliquam unientem*, (vid. Tab. II. fig. f), qua longitudinem ulnæ, qua latitudinem autem binis circiter digitis æqualem: perinde, ut in frontis (vid. Tab. 37. fig. 3. a) & reliquis plagis oblongis fieri solet, gnaviter comprehenditur, donec rursus glutinata sit.

## C A P. IV.

## De vincturis, quæ circum præcordia fiunt.

## S E C T. I.

## De vincturis, quæ jugulo sive claviculae diffractæ aut luxatæ adhibentur.

## I. DE CAPITALI REFLEXA.

**D**Uplex inprimis in clavicula sive jugulo fracto, pro diversa scilicet fracturæ vel a sternum vel ab humeri osse distantia, claviculae adhiberi vinctura consuevit. *Prope sternum etenim si diffracta est*, deligationis instrumentum commodissimum existere *fascia capitalis reflexa*, (Gallice *une capeline*) sex ulnas longa, tres autem quatuorve digitos lata, inque geminum glomerem involuta solet. Vinctura post repositam claviculam, vel eo modo, quem supra descripsimus, (pag. 175. fig. 4.) vel & secundum leges subsequentes perficitur. Foveæ supra atque infra claviculam conspicuæ, spleniis angustis primum implentur. Spleniis utrisque ferulæ sive laminæ chartacæ crassiores quoque angustæ unius circiter pollicis, secundum claviculae longitudinem superimponuntur. Tum supra binas laminas istas tertia eademque exigua, quo loco fractura est, injicitur, exactissimeque per impositum splenium quadratum & item laminam ex crassissima charta (vid. Tab. VIII. fig. 12.) contegitur, ut scilicet in neutram partem denuo elabi clavicula valeat. His rite confectis, minister aliquis, quidquid supra os hoc datum est, per admotam manum continere jubetur. Fascia autem media humero ægro transversa, qui sinister hic fingitur, vid. fig. 23. a, sic imponitur, ut glomere, qui antrorsum versus spectat, oblique præcordiis adplicato, b, glomer in dorso positus oblique inter scapulas ad sani lateris axillam c, descendat. Cui quidem submissus paulatim ad præcordia transversim is proccedit, d, superataque habena priori, subter axilla, claviculae fractæ propinqua,

*Vinctura  
claviculae  
prope sternum  
fractæ.*



e, versus dorsum retrocedit. Namque tam habena anterior, super ductum alterius habenæ circularem itemque super humerum læsum f, reflexa, in dorso per superinjectam habenam eandem in circulum circa thoracem progredientem comprehenditur, antequam, denuo reflexa, ad præcordia redeat: Idem illud habenam alteram circumducendi, alteram super humerum & claviculam reflectendi, & utramque tandem, quoties ipsæ concurrunt, invicem committendi negotium ad usque fasciæ finem ita continuatur, ut laminæ chartacæ, una cum subjectis spleniis, probe contegantur atque super osse fracto bene firmentur. Denique ubi extrema desinunt, aciculis reliquæ fasciæ probe jungantur, & brachium in mitella suspendatur. (vid. Tab. 38. fig. 17. c c) Quandoquidem vero difficulter admodum hac ratione sola contineri clavicula hoc modo fracta solet, sed a pondere brachii partes repositæ facile a se invicem divelluntur, operæ profecto pretium chirurgus fecerit, si præter vincturam primam, alteram quoque, quæ humeros retrahit & quasi suspendit, instituerit. Id ipsum qua ratione per fasciam, stellatam dictam, fieri debeat, breviter nunc explicabimus.

## II. FASCIA STELLATA.

*Fascia stellata.*

Nempe fascia quædam simplex, unico glomere comprehensa, quatuor vel quinque ulnas longa & digitos tres lata, sub axilla, integræ claviculæ propinqua, submisso prius splenio, applicatur, vid. fig. 24. a, & oblique in dorso inter scapulas ad axillam sive supremum humcrum fractæ claviculæ propinquam b, ascendat, eademque suscepta, super humeri partem anticam descendat, hinc autem sub axilla ægra, c, redeat, & per dorsum oblique inter scapulas denuo transversim ad axillam supremam priorem d, iterum suscipiendam ascendat, sic ut hi ductus in medio dorso ad litteræ x, similitudinem, e, se invicem decussent. Hæ circumvolutiones aliquoties ita & ad usque fasciæ finem continuatur, ut vinculum humeris injectum binorum annulorum, per angulos verticales seu vertices contrarios & continuos cohærentium ( $\infty$ ) figuram exhibeat, humerumque claviculæ fractæ proximum, ne qua forte denuo sedem suam fragmenta relinquant, fortiter retrorsum versus contineat. Sicubi vero successu temporis, quemadmodum fieri plerumque solet, paulatim vinculum istud sese remittit, necessarium utique videtur, post alterum vel tertium quemque diem si opus, sed brachio tamen interim ministro cuidam valido ad retro continendum commisso, decenter vincturam istam innovare; homini autem ægro, ut idem brachium, nunquam non mitellæ sive habenæ, ex collo suspensæ, Galli suspensoire, vulgo suspensorium vocant, immissum gestet, imperare. vid. Tab. XXXVIII. fig. 17. Hæc fascia stellata, Gallis *Etoilee*, ob qualemcunque figuram, quam in dorso exhibet, appellari consuevit. Inchoari etiam potest super scapula ad d, duci inde per e & c ad b, inde reduci per e & a ad d, atque sic ad finem continuari. Ceterum loco fasciæ hujus hoc in malo utiliter quoque machinam Tab. VIII. fig. 13. propositam adhiberi posse, supra jam tum indicavimus (vid. pag. 193. §. V.)

## III. SPICA SIMPLEX PRO CLAVICULA.

*Spica simplicis modus I.*

Si prope humerum fracta est clavicula, longe commodissimum esse illud vincturæ genus solet, quod spica simplex, ob qualemcunque cum spica similitudinem, vel etiam geranium medicis ab HIPPOCRATIS jam tempore vocatur (a), quod-

(a) Vid. GALEN, de fasciis.



Quodque his fere modis ex fascia communi, *quinque ulnas longa*, & tres digitos lata inque unicum glomerem convoluta, perficitur. Fragmentis debita ratione repositis ac, ut ante dictum est, firmatis, fasciæ principium axillæ oppositæ, interjecto prius splenio, submissum, administro alicui continendum trahitur. (vid. Tab. 37. fig. 25. a) Tum sequens fasciæ pars oblique super præcordia b, ipsamque claviculam fractam c, sic adducitur, ut super scapulæ acronicum retrorsum descendat, susceptaque axilla ægræ parti contigua, per anteriorem partem d, ad posteriorem ita reflectatur, ut super axilla ad figuram litteræ x, priorem ductum suprascandat, c, superatque sic axilla ista, quæ vitium habet, oblique super dorsum, ad principium, sub axilla contraria positum, a, descendat. Hisce ductibus tripliciter institutis, reliqua fasciæ pars vel secundum eisdem tractus ad finem usque continuatur, vel aliquoties circum humeri, fracturæ propinqui, articulum involvitur, tandemque acicularum vel futuræ subsidio rite firmatur, & *brachium in mitellam*, ut §. 2. diximus, *immittitur*, ne pondere suo os repositum e sede sua facile rursus exturbet, interim sub ipsa fasciæ adplicatione provideri semper a chirurgo debet, ut quam exactissime partem diffractam vinctura hac comprehendat inque iusta positura contineat, æger vero postea brachium quam maxime quietum servet, eumque in finem nonnulli illud circum præcordia vel eadem vel peculiari quadam fascia per ductus circulares sive spirales firmant sive alligant.

Alii vincturam sic instituunt. Vinciendi principium idem sub axilla, ægræ parti adversa, fig. 25. a: faciunt, mox autem fasciam oblique per dorsum super humerum, claviculæ fractæ proximum, quin & ipsam claviculam viaticam, c, adducunt, ut, suscepta axilla proxima superatoque humero, denuo fasciam super fracturam c, in decussim cum priori ductu, & inde per præcordia b, oblique ad axillam oppositam, seu vincturæ principium, a, promoveant. Firmato hunc in modum fasciæ principium, a, promoveant. Firmato hunc in modum fasciæ principio, tot ductus, priori similes, fiunt, quot illorum fieri per ipsam faciæ longitudinem possunt. Denique pars extrema itidem circa humerum, vel ubi alias desinit, figitur. Utrumque vincturæ modum in hac fractura & luxatione satis valentem atque aptum esse, res ipsa loquitur: *sed prodest tamen etiam in humero luxato*, imo & in collo humeri fracto.

Modus II.

#### IV. SPICA SIMPLEX CVM FASCIA DVORVM CAPITVM.

Vinctura hæc etiam fieri potest fascia ejusmodi, aut paulo adhuc longiori in duo capita conglomerata, sequenti ratione. Fasciæ medium sub axilla sana fig. 25. a, injicitur, hic anteriori capite per præcordia, b, posteriori oblique per dorsum ad humerum læsum c, progredimur, ubi mutatis capitibus, alterum a parte axillæ anteriori, alterum a posteriori, sub alam ejus, d, descendunt, ubi iterum mutantur, & ad supremum hunc humerum, e rursus ascendunt, ubi denuo decussantur, & alterum a posteriori, alterum ab anteriori thoracis parte, oblique sub alam dextram & sanam descendunt: & postquam ibi rursus permutata sunt, secundum normam primi hujus circuitus, quamdiu fascia durat, continuatur, atque opera adhibetur, vel clavicula fracta his ductibus probe involvatur ac firmetur. Brachium vero deinde in mitellam conjiciatur, ceteraque quæ §. 3. monuimus, probe observentur.

Modus III.

Denique alter modus pro spica hac fascia duorum capitum perficienda talis est. Medium fasciæ applicetur mox sub ala lateris ægri, fig. 25. d, inde utroque capite ad supremum humerum, e, est ascendendum, ibique capita non solum, facta prius decussatione, sunt permutanda & probe constringenda; sed ea etiam

Modus IV.



oblique per præcordia, b, & dorsum ad alam dextram, a, promovendi, ubi rursus permutanda atque per eandem viam ad humerum læsum; c c, reducenda. Hic denuo decussanda & rite adstringenda atque hinc sub alam sinistram, d, rursus descendendum, ubi circuitus hujus initium factum erat. Secundum hunc tractum reliqui continuantur, donec pars fracta bene contacta ac firmata est, atque fascia finita. Nonnulli ex recentioribus cum veteribus (a) certum ductum circa brachium inferius ad modum habenæ sive mitellæ faciunt, ut hoc brachium sustentetur; sed quia hac ratione brachium potius claviculam deorsum trahit, dum fracta clavícula brachium sustentare cogitur, *peculiarem potius mitellam* circa collum & sanum humerum firmandam præstare censeo, sicuti fig. 17. Tab. 38. indicatur.

## V. G O V E I M O D V S.

*Capitalis  
reflexa ad  
claviculam  
Gouei.*

Diversa quidem ab his, quas modo descripsimus, sed æque tamen commoda atque elegans, quin imo præstantior forte adhuc vincturæ ratio videtur, quam ad clavículas quomodocunque fractas, *fascia* quadam *capitali reflexa*, sex admodum ulnas longa, tres digitos lata, inque binos glomeres coacta, adhibendam GOVEYVS (b), chirurgus gallus, jam sæpius laudatus, commendavit. Fere sequentibus autem regulis ipsa comprehenditur. Fasciæ parte media sub axilla, claviculæ vitiatæ proxima, posita. (vid. rursus fig. 25. litt. d,) bini glomeres circum humerum probe ita injiciuntur, ut in summo humero e lineis in litteræ x, similitudinem, sive decussatim positis, alter super præcordia, b, super dorsum vero alter sub axillam adversam a, procedant, sicut modo diximus. Hinc, glomeribus invicem permutatis, habenæ ductu quodam circulari circum corpus promotæ, glomeribus sub axilla, fracturæ propinqua; denuo permutatis, sursum versus super humero, eadem, ut antea, ratione trajiciuntur, donec ad principium redeant. Tum enim glomer posticus antrorsum versus super humerum sic injicitur, ut habena ab antico glomere, qui ductibus circularibus perpetuis circum præcordia dorsumque involvitur, comprehensa, (vid. fig. 23. a, b,) indeque retrorsum versus reflexa, f, habenam circumeuntem denuo in dorso excipiat; eodem scilicet modo: quem antea jam tum proposuimus (§. I. hujus capituli) atque hoc tam diu ita continuatur, donec fasciæ finis sit. Sed ne quis tamen forsan ignoret, quibus rationibus inductus modo laudatus auctor hanc deligandi rationem ceteris aptiorem judicaverit, haud abs re nos fecerimus, sicubi ejusdem usum, ex GOVEI sententia breviter explicuerimus. Nempe dum vincturæ principium axillam, vitio proximam, mox arcte excipit, protinus in sedem suam pristinam clavícula diffracta, miroque brachii pondere diffracta, reponitur, sive compellitur. Deinde simulatque fascia, transversim super humero posita super fracturæ locum & præcordia oblique ad axillam oppositam procedit, fragmentum claviculæ juxta sternum, quod sursum versus semper excitari a fractura solet, quam commodissime in sedem propriam deprimitur. Ut proinde statim post adhibitos binos tantummodo ductus sive circuitus clavícula diffracta posituram naturalem hic recipiat. Ceterum ad *scapulas quoque diffractas vinciendas* hoc vincturæ genus vincturis communibus reliquis præferendum esse, idem GOVEVS existimat.

(a) Vid. GALENVS de fasciis.

(b) Vid. Ei. *chirurgia vera* (*chirurgie veritable*) pag. 108.



## VI. FASCIA PRO CLAVICULA LUXATA.

*Ad claviculas luxatas* similem fere ac ad diffractas vincturam adhibendam esse, *Vincturæ claviculæ luxatæ.* noxæ similitudo declarat. Simulatque nimirum os hoc sede sua motum, decenter repositum est, (supra pag. 222. §. VI.) splenium aliquod, spiritu vini madidum, super id imponitur. Deinde, si pars, sterni propinqua, distorta fuit, fascia *capitalis reflexa*, modo supra exposito (§. I. vel V.) adhibetur. Et introrsum quidem si depressa clavicula fuit, altera simul vinctura, ibidem (§. I.) *stellatæ* nomine proposita, faciendæ est; pro humeris scilicet retrorsum continendis, clavicula autem extrorsum detinenda. Ubi vero extrorsum versus luxata fuit clavicula, splenii lineis crassioribus supra positis graviter deprimere ipsam convenit. Porro si juxta scapulam prolapsa fuit clavicula, tum vinctura, quæ *spica simplex* vocatur (§. 3. aut 4.) vel etiam GOVEI fascia §. V. descripta, loco illarum rectissime adhiberi poterit. Denique si utraque clavicula violenter dimota est, a *spica duplici* petere sanitatis præsidium oportebit. Quod ipsum equidem secundum quasnam regulas fieri debeat, mox ad humeri ac scapulæ luxationem explicabimus. Interim hæc necessaria hic esse observatio videtur, ut in ejusmodi casibus, ubi his in partibus ossa vel fracta, vel luxata fuerunt, nunquam non brachium mantili sive mitellæ, tanquam ansæ sive habenæ, de collo suspensæ, immissum gestetur, ne facile e sede sua dimoveantur, donec vitium sanatum est.

## S E C T. II.

*De vinctura, quæ humero & scapulæ adhibetur.*

## VII. SPICA SIMPLEX.

**A**D os humeri luxatum, postquam id decenter repositum est, (vid. supra pag. 224. cap. VII.) rite deligandum, *spica simplex* adcommodata inprimis esse videtur: (Sect. I. §. 3. 4. vel 5.) dummodo vel pila quædam, vel fascia convoluta sub ala prius deponitur, quam vinctura instituitur; ne qua facile denuo ipsum os prolabatur. Vincturæ sequens fere modus est. Primo splenium aliquod, pedis longitudinem atque manus amplitudinem habens, utrinque vero ad usque partem mediam in duas habenas fissum, ita ut quatuor hoc ipso capita acquirat, (vid. Tab. II. fig. 18.) atque vel ex vini spiritu calido, vel vino, vel oxicroto expressum alæ sive axillæ ita subjicitur, ut media eademque integra pars glomerem submissum, quatuor autem splenii capita fursum versus adducta humerum comprehendant. Deinde *spica simplex*, sicut supra §. 3. 4. vel 5. descripta est adhibetur, sed splenio tamen quadrato & crasso ad axillam haud vitiatam prius applicato, ut supra jam monuimus, ne scilicet cutis ibidem ab adstricta fascia offendatur. Similiter si os humeri prope caput in suo collo fractum est; tum itidem ad vincturam instituendam hæc spicæ aptæ atque commodæ esse possunt: quia hic vulgaris ossa fracta deligandi ratio vix succedit.

## VIII.



## VIII. SPICA DUPLEX.

*Spica duplex.*

*Si utrumque humeri os luxatum est, valentissimum esse id vincituræ genus solet, quod spicam duplicem medici nuncupant. Hujus autem sequens ratio est. Alis utrisque pila sive linamentum in pilæ formam contortum, una cum splenio convenienti, ut modo dixi, subjicitur. Eo facto fascia septem vel octo ulnas longa, & tres quatuorque digitos lata inque bina capita convoluta, sub alterutram axillam, verbi gratia, ad d, Tab. XXXVII. fig. 25. media sic applicatur, ut bina capita, decussatim humero suscepto, e, transversim ab eodem, & alter quidem super præcordia, b, alter super dorsum ad alam oppositam d, procedant. Hinc viis contrariis super humerum hunc habenæ eadem ratione, ut in altero humero injiciuntur; ut lineis in formam litteræ x, aut crucis positis, oblique rursus ad vincituræ principium d, revertantur (a). Tum idem negotium juxta eandem viam utrinque iterum atque tertio repetitur; reliqua autem fasciæ pars vel circum pectus, vel circum humeros volvitur, & ubi desinit, aciculis firmatur. Neque vero ad humeri ossa luxata solum; sed etiam ad scapulas, imo etiam ad clavículas utrasque, juxta humerum simul fractas, quin & ubicunque ubi humeros utrosque simul deligari, propter quascunque rationes, oportet, insigniter spica duplex proficit.*

## IX. VINCTURÆ PRO SCAPVLIS FRACTIS.

Quando scapula fracta decenter reposita est, spleniisque & ferulis e charta crassissima, ut supra pag. 177. §. VII. docuimus, munita est, triplici fere ratione deligatio fieri potest; nam 1. vel modo descripta *spica duplex* adhibetur; vel 2. *capitalis reflexa*, capite IV. §. I. vel V. relata, injicitur; vel etiam 3. *Stellatam* §. II. eodem capite traditam, quam Galli *etoilee* appellant, & quæ hucusque quam maxime usitata in hoc vitio fuit, applicare possumus, observando probe, ut scapulæ & quæ his superinjecta sunt splenia atque ferulæ diligenter comprehendantur. Ita etiam hanc & spicam duplicem, quando utraque scapula simul diffracta est, satis commode adhiberi posse, quivis harum rerum haud omnino imperitus facile intelliget: quia utraque scapula una eademque ratione ab eis contegitur atque satis arcte comprehenditur.

*Explicatio Tabulæ trigesimæ septimæ.*

*Fig. 1. ostendit tegumentum capitis sive capitium triangulare, Gallorum Couvre chef en triangle; a a a pars media fronti, vertici & occipiti imposita, b anguli circa occipitium conjuncti.*

*Fig. 2. exhibet, quomodo fascia sex capitibus caput apte deligari queat, a a a sunt capita media, quæ sub mento nodo junguntur; b, est alterum ex capitibus anterioribus, quod cum socio suo circa occiput circumductum, & in latere circa aurem firmatum est; c c, sunt capita posteriora, quæ ab occipite ad frontem ducta, ibique nodo d, conjuncta sunt; e e, medium hujus fasciæ caput amplectens.*

*Fig. 3. Fasciam unientem frontis demonstrat; a, pars vulneris directi in fronte; b, foramen longitudinale in fascia, vulneri impositum, per quod pars altera fasciæ c, trajecta est; d d utraque capita fasciæ, quibus contrahentis*

(a) Hi ductus integri conspici possunt in Tab. XXXVIII. fig. 4. litt. a, b, c, d, f.











etis vulnus quoque contrahitur, & per circulos circa caput factos ita retinetur.

*Fig. 4.* Eadem indicat in vulnere directo circa verticem.

*Fig. 5.* Fascia, quam *discrimen* vocant, repræsentatur: a, locum ubi inchoatur, b b; ductus circulares circa caput; c vero, partem fasciæ a fronte ad occiput reflexam indicant.

*Fig. 6.* Fascia ostenditur, quam *Scapham* appellant: demonstrat, ubi vincturæ fit initium; b b, ductum primum, qui oblique fit circum caput; c principium fasciæ, quæ ad sinistram partem occipitis reflectitur, & ad figuram scaphæ conficiendam concurrat; a d d, ductum circulare, quo fascia finitur.

*Fig. 7.* Exhibetur fascia *nodosa* itemque *solaris* dicta, pro arteriotomia temporum; a b, primum ductum indicant, qui duobus capitibus fasciæ, circa latus capitis sanum fit ad tempora c; qua littera simul, ubi & quomodo nodi fiant super vulnere arteriæ; ostenditur; d, e, ductum alterum, quo sub mento & super verticem ad opposita tempora progredimur, ibique similem, ut ad litt. c, nodum perficimus.

*Fig. 8.* litt. a, b, c, d, e, eadem significant; f autem locum, ubi nodus fieri debet post glandulam salivalem exsectam.

*Fig. 9.* Capitalem ad hydrocephalum, Gallis *la Capeline*, refert, & quidem, a partem fasciæ per medium caput reflexam; b c ductum circulare circa caput; d e f g h, ductus reflexos reliquos, qui caput complectuntur.

*Fig. 10.* Repræsentatur fascia *Monoculus* a quibusdam dicta, pro unico scilicet oculo deligando: a a, ductum primum indicant, qui ab occipite per aurem & genam super oculum sinistram ducitur, & inde per b, ad principium in occipite revertitur; c c c vero, ductum circulare circa tempora, quo finitur.

*Fig. 11.* Indigitatur, quomodo *unus oculus* strophio, muccinio aut mappula, singulari modo complicata, commode deligari queat.

*Fig. 12.* Qua ratione *oculus uterque* deligandus sit, significat: nimirum fascia ab occipite per viam a b c super oculum sinistram ad occiput ducitur, atque inde per d e f super dextrum oculum ad occiput revertitur; g g g vero ductus circulares sunt, qui circa finem super oculum utrumque conficiuntur.

*Fig. 13.* Quo pacto fascia frondali sive funda *nasus sit deligandus*, ostendit, & quidem, a, medium fasciæ quod nasum comprehendit; b b frondes sive capita superiora, quæ per occipitium & tempora, c c, ad frontem ducuntur, atque in huius medio d nodo constringuntur; e e, ff, g g, idem de capitibus inferioribus demonstrant.

*Fig. 14.* *Capistrum simplex* exhibet: & quidem, a, b, ductus circulares circa caput, quibus fascia inchoatur; b, locum, ubi fascia acicula firmatur & deinde per viam c d e, circa malas, mentum & verticem aliquoties volvitur; f g, ductum, qui a cervice super maxillam inferiorem ducitur.

*Fig. 15.* *Capistrum duplex* denotat: Hæc vinctura fit fascia duplici capite, cujus medium sub mento injicitur & utrinque per viam a, b, ad verticem d ducitur, idque aliquoties: inde ad cervicem & ab hac per maxillam d, e, ubi iuxta, e decussantur; hinc rursus ad cervicem & occiput & ab hoc denique per tempora & frontem ff b.

*Fig. 16.* Fundum quatuor capitibus pro mento demonstrat, & quidem, a, foramen, quod pro mento suscipiendo in medio est; b b b b, quatuor illius frondes.

*Fig. 17.* Aliquo modo repræsentat, qua ratione hæc funda mentum & maxillam susci-



*suscipiat* atque suis frondibus deinde circa caput firmetur.

Fig. 18. Modum ostendit, quo *funda labro superiori in variis ejus vitiis* sit injicienda: a, medium integrum; b b, capita superiora, quæ ad litt. c conjunguntur; d d capita inferiora, quæ per genas e e sursum & ad occipitium ducuntur, atque in fronte quoque firmantur.

Fig. 19. Fascia, quam *Larvam faciei* appellant, indicatur: a, b, est ipsa larva, quæ faciem comprehendit, & quæ sex suis capitibus c c c, d d d, in posteriori capitis parte constringitur.

Fig. 20. *Fascia dividens*, quomodo a parte anteriori se repræsentet, indigitatur; a a, sunt circulares ductus caput cingentes, quibus inchoatur; b, ductus, qui sub dextra & c qui sub sinistra ala ad dorsum transit, ubi capita mutantur & circulares circa præcordia efficiunt, d d.

Fig. 21. *Eandem fasciam dividentem* a parte corporis posteriori proponit; a locum ubi ad litteræ x, similitudinem capita se decussant; b c, ductus, qui thoracem ambiunt, & in dorso decussantur.

Fig. 22. Exhibetur fascia *continens colli*, cujus explicationem vid. pag. 1067.

Fig. 23. Sistit *capitalem reflexam*, pro clavicula fracta & luxata, *Gallis la Cape-line*; quæ fascia duobus capitibus injicitur. a, b, primum ductum capitis anterioris visui offert, c d e vero circulares ductus, quos alterum sive posterius caput conficit, atque reflexos f, g, h, tam in anteriori quam posteriori thoracis parte includit & firmat.

Fig. 24. *Fasciam stellatam* claviculæ & scapulæ famulantem proponit. Sub ala, a inchoari potest, & a, b, ejus primum ductum indicat; unde per axillæ anteriora, sub ala c, reducitur, & inde per humerum, d, ad principium, a, redit; e, denotat ejus decussationes, quas stellas referre non pauci sibi imaginantur, eique inde nomen dederunt. Inchoari etiam potest vel ad d, ubicunque libuerit, servatis modo iisdem ductibus.

Fig. 25. *Spicam simplicem* ostendit pro læsa axilla sinistra. Ductus hujus incipiunt sub ala sana, a, ascendunt per viam b & c, fascia deinde reflectitur sub ala sana, a, ascendunt per viam b & c, fascia deinde reflectitur sub ala d, inde surgit rursus ad e, & hinc per dorsum ad principium redit, atque hos ductus aliquoties repetit. Alii modi spicam simplicem applicandi supra cap. IV. §. 3. & 4. describuntur.

## S E C T. III.

### *De vincturis; quæ circum præcordia & mammas fiunt.*

#### X. FASCIA POST MAMMAM RESECTAM.

*Fascia ad mammam resectam.* **R** Equiritur pro hac vinctura perficienda fascia sex ulnarum, quæ tres vel quatuor digitos ampla sit, & in duo capita glomerata. Hujus medium, postquam plagæ linamentis multis in glomeres convolutis & spleniis crassis rite prospectum est, sub dextra ala, fingimus enim sinistram mammam esse resectam, vel saltem magnum scirrhum ex ea exsectum) Tab. 38. fig. 1. a, cui splenium submissum sit, injiciendum, ac deinde utroque capite super humerum, b, utrinque



que ascendendum ; ubi habenæ fasciæ in figuram litteræ x decussantur , & postea caput anterius , c , oblique super sternum & mammam ægram , posterius vero oblique per dorsum ad alam sinistram , d , descendit , ubi capita rursus mutantur , atque res mammæ impositæ probe constringuntur . Hinc caput , quod a tergo venit , per viam c , ad b , illud autem , quod anterius erat , sub ala , b , transit , & per dorsum ad summum humerum b ascendit , ubi capita rursus permutantur , atque hi ductus secundum viam , b c d , adhuc aliquoties repetuntur , observando , ut in sequentibus fasciæ capita non tam sub ala , quam super resecta mamma , permutentur , ita enim linamenta mammæ imposita melius constringuntur , & sanguinis profusio efficaciore modo prohibetur , & ut sic splenia ubique probe comprehendantur ac firmentur . Tandem etiam nonnulli ductus circulares circa thoracem ab ala sinistra , d , ad a , fieri possunt , ut priores ab his melius sustineantur , & postea rursus obliqui ab ala , d ad b , fiant , ac denique per circulares fasciæ finiiri potest , ubi aciculis vel suturis fines ejus necendi .

# XI. FASCIA HELIODORI sive T.

In plerisque *curationibus* , quæ *mammis* adhibentur , usurpari communiter ea fascia solet , quæ fascia HELIODORI vulgo vocatur quæque ex binis habenis seu fasciis simplicibus ita conficitur , ut altera plerumque alterius parti mediæ ad perpendicularum adhærescat ; itaque litteræ T. figuram aliquo modo exhibeat , unde etiam fascia T vulgo appellari solet , quamvis pars perpendicularis magna ex parte , a parte inferiori ad superiorem , ut fig. 11. ostendit , incisa atque sic fascia in quatuor capita a a , b b , divisa sit , aut in duo prorsus distincta , frustra , transverso assuta , distincta sint , sicut in fig. 10. quæ figuram litt. T magnopere pervertunt , & fere in Græcam litteram P transmutant . Habenarum transversarum fig. 10. & 11. a a , ea debet esse longitudo , ut circum corpus eadem commode injici , nodoque in moribus mammarum super dorso vel in latera facto constringi valeant , & latitudo duorum vel trium pollicum . Habena directa seu perpendicularis quoque tam lata & tam longa esse debet ; ut nimirum quam aptissime , quicquid mammæ impositum est , comprehendere & super mammam atque axillas reflecti retroque cum habena circulari nodo committi queat . Si quam igitur aut *inflammationem* aut *tumorem* aut *abscessum* , aut *gangrænâ* , aut similem quamcunque noxam aliam in mammis curandam chirurgi suscipiunt , unam ex fasciis modo propositis sic fere plerique adplicant . Habenam transversam infra mammæ circum præcordia sic injiciunt , ut binas ejusdem partes extremas , super dorso in nodum aliquem constringant . vid. Tab. 38. fig. 2. a a. Tum habenam scissam ac dependentem duobus suis capitibus sursum versus super mammam adfixam ac splenia superimposita humerumque proximum sic adducunt , ut hæc rite comprehendant , tandemque super dorso cum fasciæ ductu circulari nodo jungantur . Nonnulli duo hæc fascia capita , b b , super mammam decussatim ascendere faciunt , & postea , ut dictum est , cum circulari in dorso jungunt : eo animo , ut quicquid mammæ c impositum est , melius comprehendat , atque sic etiam cum fascia fig. 11. cujus pars dependens non integre divisa est procedunt ; interea tamen etiam hæc fascia sine decussatione , sed sicut in hac figura litt. c ostenditur , adhiberi potest , quæ res mammæ superimpositas , egregie quoque continent . Potest tamen etiam apte , & , ut , ego existimo , adhuc commodius sic super humeros duci , ut collum d , frontibus ejus b b , sit interjectum , quemadmodum in fig. 2. proposuimus : ita ab humero tam facile recedere non potest : & sic hi frondes b b , in cervice nodo committuntur ,

*Fascia ad  
alia vitia  
mammæ .*



opus non est , ut ægra semper totum dorsum denudet , id quod multis ægris & præsertim verecundis aut debilibus per quam molestum , imo sæpe frigida tempestate ob frigus in corpus nudum irruens , valde perniciosum est .

## XII. FUNDA PRO MAMMIS.

*Funda pro  
mammis .*

Hæc aliaque incommoda fasciæ vulgaris Heliodori cum observassem , dum quam sæpissime mammarum ejusmodi vitia sese mihi curanda obtulerunt , eamque etiam haud sufficere , si carcinoma exulceratum ad alam se extendat , cogitavi , an non marmæ commodius alia ratione & forte quadam *funda sive fascia quatuor capitibus instructa* deligari possint : hocque quod mente primo conceperam , bene succedere tandem cognovi . Feci itaque ejusmodi fundam longitudine unius ulnæ sive quatuor pedum , atque latitudine sex quasi pollicum , quæ ad pedis fere longitudinem circa medium integra sit . Hæc pars integra ( vid. Tab. 38. fig. 3. a , spleniis læsæ marmæ , quam sinistram rursus hic esse ponimus , impositis superimponatur , deinde duo capita superiora b b , super humerum dextrum , inferiora autem c c , sub ala sinistra super dorsum versus scapulam dextram ducantur , ibique circa lit. d , duobus nodis constringantur ; ita hanc fasciam longe commodiorem præcedenti deprehendi , dum non solum firmiter adstringi duobus nodis potest , verum etiam minus molestiæ creat ; dum illa Heliodori sub mammis & circa thoracem partes exco-riando multum incommodi ægro concitat . Si mamma dextra est læsa , quod tunc hæ fasciæ contrario modo sint injiciendæ , quilibet haud prorsus imprudens facile per se comprehendit . Quandoque etiam loco horum mantili sive mappula , aut linteo satis longo , eo modo complicato , ut pro oculis deligan-dis Tab. XXXVII. fig. 11. commendavi , satis commode & bono successu usus sum .

## XIII. SCAPVLARE CVM MANTILI.

*Scapulare  
cum manti-  
li .*

Frequens etiam atque commodus ejus fasciæ usus est , quam chirurgi *scapulare cum mantili* , Galli *la serviette avec le scapulaire* , communiter nuncupant . Namque fere semper adhiberi eadem solet & potest , quoties *pectoris* aut *vulnera* , aut *ulcera* , aut *fistulæ* , aut *perforatio seu parecentesis pectoris* ; aut *sterni* , *costarum* , *spinæve dorsi fracturæ* ; aut *costæ luxatæ* ; aut his denique similia præcordiorum atque dorsi vitia vincituram aliquam postulant . Debet autem ad hanc ipsam vincituram adornandam linamentum geminum adhiberi 1. Primo pannus lineus , mantili seu mappulæ haud absimilis , in adultis longitudine ulnam , vel in grandioribus aut obesis ulnam cum dimidia , latitudine octo , vel decem digitos comprehendens , quadruplicatus , vel & , pro re nata , sexduplicatus , quam exactissime circum pectus vitiatum , ( adhibitis prius iis , quæ ad sanationem necessaria sunt ) injicitur , firmiterque circa præcordia , si vitium est in parte anteriori , vel si vitium est in parte posteriori , super dorsum fibulis futurisve adplicatis , conjungitur . ( vid. Tab. III. fig. 1. B. ) Ne qua autem facile id ipsum vinculum sive mantile una cum spleniis atque medicamentis , super partem ægram datis , decidat , aut saltem deorsum cedat 2. *Scapulare* aliquod linteum , sive linamentum , longitudine tres pedes vel partes quartas ulnæ , latitudine quatuor vel sex digitos continens , quoad partem mediam secundum longitudinem ita fissum , ut trajici caput queat , ( vid. Tab. II. fig. 9. ) comprehenso capite , sic injicitur , ut alterutra pars super pectus , super dorsum altera dependeat , utraque vero vinculum modo dictum cir-



circulare , tam in anteriori , quam posteriori corporis parte per fibulas suturasve adhibitas , firmiter comprehendat . ( *vid. Tab. III. fig. 1. B C* ) & quia alterum illud a scapulis magna ex parte sustentatur , *Scapularis nomen* inde traxisse videtur . Nonnulli scapularem fasciam ex simili frusto lintei conficiunt , quod vero non tam in medio , quam potius in altero extremo ultra dimidium longitudinis findunt , partem integram per dorsum demittunt , caput & collum vero inter duos illos frondes sive capita comprehendunt , ea super sterno in litteræ x , similitudinem decussant , fere ut in fig. 4. Tab. 38. f , & extrema eorum in dextro & sinistro thoracis latere prædicta ratione cum mantili conjungunt .

## S E C T. IV.

### *De vincturis , ad sternum atque costas adcommo- datatis.*

#### XIV. DE QVADRIGA ET CATAPHRACTA.

**S***Ternum diffractum* , facta , fragmentorum quantum fieri potest , in sedes suas *Vinctura per*  
restitutione , emplastroque glutinoso , vel & splenio , in spiritu vini tin-*quadrigam .*  
cto , una cum ferula aut lamina quadam ex charta crassa ac rigida superim-  
posita , vinciri haud incommode per modo descriptam fasciam *scapularem cum*  
*mantili posse* , manifestum est ex iis , quæ jamjam de vincturis pectoris expli-  
cavimus . Sed solet tamen hic a chirurgis compluribus peculiaris quoque &  
valentior vincturæ species institui *quadrigæ* , seu *cataphractæ* titulo insignita ,  
qua firmitus thorax cum sterno , si opus , constringi potest , fasciæ alicujus be-  
neficio facta , quæ longitudine ulnas sex , latitudine tres quatuorve digitos con-  
tinet , binisque capitibus sive glomeribus comprehenditur . Deligationis artifi-  
cia fere sunt sequentia . Fascia hæc media sub alterutram axillam , verbi gra-  
tia ; sinistram , Tab. XXXVIII. fig. 4, a , sic injicitur , ut bina capita sursum  
adducta , transversis in humero ad litteræ x , similitudinem factis ductibus ,  
b , alter super præcordia c c , alter super dorsum ad alam oppositam , d , obli-  
que procedant ; inde vero postea eadem , ut modo dictum est , ratione , hu-  
merum dextrum susceptum , e , similiter , ut antea , & quidem caput ante-  
rius per viam e , f , posterius vero per dorsum ad aliam priorem , a , redeant .  
Namque binis hisce ductibus rite institutis , quidquid ex utrisque fasciæ habe-  
nis reliquum est , in ductus circulares , g , seu potius spirales obtusos , juxta  
se invicem scilicet positos atque sensimque circum corpus descendentes , qui  
utrinque semper , vel etiam in anteriori & posteriori thoracis parte , ut firmitus  
sternum fractum comprehendant , decussantur , ut Tab. XXXVII. fig. 21. dd ,  
conspici potest , impenditur , donec nimirum pars thoracis adflicta probe tecta  
atque involuta esse deprehenditur . Idem vincturæ genus adhiberi quoque potest ,  
*post amputatam mammam aliquam cancrösam* . In quo ipso equidem negotio sol-  
lertè imprimis providere oportet , ut , quam exactissime vulnus eique supernje-  
cta linamenta & splenia ab injecta vinctura , ad cohibendum sanguinem com-  
prehendantur . Id quod tanto melius fiet , si , factis primis circuitibus , capita



fasciæ deinde supra mamma resecta & in dorso, dum circulares sive obtusos ductus facimus, mutantur, ita enim melius & firmitus partem hanc continebit.

## XV. VINCTURA PRO COSTIS ET SPINA DORSI.

*Vinctura co-  
starum &  
spinæ dorsi.*

De *Costis* & *dorsi spina*, cum *luxatis*, tum *fractis* etiam seorsim nunc exponere nihil fere opus videtur: siquidem, ossibus decenter repositis & per splenia, spiritu vini calido madentia, nec non ferulas chartaceas crassas superimpositas, gnaviter contextis; eadem plane deligandi artificia adhiberi convenit, quæ ad sternum & mammas hætenus §. XII. & XIII. commendavimus.

## C A P. V.

### *De vincturis, ad abdomen atque partes cum naturales, tum obscænas, necessariis.*

#### I. DE SCAPULARI CUM MANTILI.

**S**I ventri vel post *plagam* forte fortuna factam, vel post *suturam* Græci *gastrostrophiam* nuncupant, vel post *paracentesin*, apud hydropicos institutam, vel denique post quamcunque aliam operationem, curatio adhibenda est, communiter equidem hodie, idque satis commode fieri vinctura per *fasciam scapulare cum mantili*, modo propositam *Sect. III. §. XII.* solet, (vid. Tab. III. fig. 1. BC) sed paulo tamen longius ad ventrem, quam ad præcordia necessarium esse linamentum scapulare, ipsa corporis habitudo loquitur.

#### II. FASCIA VENTRIS CIRCULARIS.

*Fascia ven-  
tris circula-  
ris.*

Veteres & nonnulli adhuc recentiores ejusmodi vitia abdominis fascia quadam simplici, sex circiter ulnas longa & quatuor digitos lata, vel in unum vel in duo capita circumvoluta, deligant, quas in parte superiori abdominis per circulares circum abdomen incipiunt, & deinde per obtusas spirales deorsum continuant, donec partem læsam cum rebus plagæ superimpositis bene complexa est: quam deinde, ubi desinit, aciculis vel futura firmant, ac denique cum scapulari quadam fascia, ne deorsum facile ruat, connectunt. Possunt etiam abdominis vitia apte deligari *fascia ad modum quadrigæ*. Tab. 38. fig. 4. injectæ, ea solum cum diversitate, ut postquam ductus a, b, c, d, e, f, facti sunt, ductus g, ut circulares vel spirales, circa partem ventris læsam diligenter circumvolvuntur, atque hæc sic probe comprehendatur; cui priores ductus circa humeros & thoracem loco scapularis suspendentis fasciæ famulantur, ita ut peculiari scapulari hic haud indigeamus.

#### III. FASCIA VNIENS VENTRIS.

*Vinctura ad  
plagas ven-  
tris directas  
& exiguas.*

*Vulnera* autem *ventris directæ*, sive secundum longitudinem inflicta, si quidem fuerint exigua, vel saltem non adeo magna, feliciter sæpe glutinari, absque adhibita futura vel *gastrostrophia*, per injectam scilicet *fasciam unientem*, ut



supra, ubi de abdominis vulneribus egi, jam docui, consueverunt. Debet autem fasciæ hujus longitudo circiter quatuor ulnas, latitudo, quatuor digitos adæquare. Pars media circiter ad quatuor digitos secundum longitudinem fissa est; utraque pars extrema in glomerem sive caput involuta: (vid. Tab. V. fig. 8.) Qualiter autem vinciri per eandem venter debeat, colligi facile, meo quidem judicio, ex iis ne poterit, quæ de uniente ad frontem adcommodata, luculenter jam tum supra explicavimus (Part. III. cap. II. §. 4. vid. Tab. 37. fig. 3.) Nimirum pars media eaque fissa vulnere imponitur, caput fasciæ alterum ventri circumducitur, deinde per fissuram trajicitur, ambo capita constricta oras vulneris probe jungunt, inde ad vertebrae amborum ducta capita mutantur & inde ad vulnus reducuntur, ubi super vulnere mutantur & decussantur, ut vulnus arctius constringant; hique ductus circulares & obtusi continuantur, donec fascia finiatur: ubi aciculis vel futuris firmatur.

## IV. VINCTURA PRO HERNIA UMBILICI.

Sumitur lorum vel ex corio, vel ex panno xylyno paratum, & scuto vel <sup>Hernia umbilici vinctura.</sup> rotundo, sicut in Tab. 24. fig. 6. A indicatur, vel quadrato instructum, quemadmodum Tab. 38. fig. 5. A, exhibetur, quod scutum umbilico, reducta prius in ventrem hernia, imponitur, atque lorum B B, Tab. 24. fig. 6. fibula C, vel etiam alia ratione, si lubet, circum ventrem clauditum. Ne vero lorum B B Tab. 38. fig. 5. præsertim in obesis deorsum facile ruat, fascia scapularis C, ex linteo robusto, tam in anteriori ventris parte, quam in posteriori ipsi innectitur, quæ illud sustinet; & ne sursum cedat, loro sub scuto A, frustum liniei robusti, in duos frondes scissum, vel ex panno xylyno ita paratum, circa partem scuti inferiorem jungitur, quorum dexter inter femora circa clunem dextram, sinister circa clunem sinistram ita reflectitur, ut in loro ventrem cingente utrinque circa inguina, juxta litt. B B, funiculis vel alia ratione firmari queat.

V. VINCTURA ANI SCROTI PERINÆI &c.  
PER FASCIAM T.

Qui vel ani fistulam aliquam aut abscessum, vel fracturam ossis sacri, vel <sup>Vinctura ani, scroti &c. per fasciam T.</sup> ossis coccygis luxationem, vel molestas hæmorrhoides, vel calculi sectionem, vel & quancunque aliam perinæi vulnerationem aut ulcus experti sunt, his adhiberi communiter, nec sine profectu, solet ea fascia, quæ Heliodori fascia appellatur & litteræ T figuram repræsentat. (vid. Tab. II. fig. h, item Tab. XXXVIII. fig. 10. & 11.) Vinctura hunc in modum perficitur. Medicamentis ad noxam valentibus, & item splenis convenientibus super ægram partem impositis, habena fasciæ transversa ventrem ita comprehendit, vid. 14. a a, ut habena altera eademque perpendicularis & fissa super os sacrum, b, inter crura utrinque, d d, ad vinculum ventris transversum procedat, eidemque, nodo facto, juxta inguina utrinque sese jungat. Idem vincturæ T, genus aptum quoque illis est, qui vel inguinum aut scroti tumoribus, vel etiam testiculorum inflammatione infestantur, vel & quibus hydroceles, sarcocoeles, pluriumque noxarum similium curatio adhibetur. Ubi tamen habena transversa circum ventrem (conf. fig. 7. 8. 12. a a) sic injicitur, ut habena perpendicularis, b b (vid. fig. 6, 7, 8, 9, 10, 11, 12,) probe comprehensio medicamentis antea super inguina, vid. fig. 7. b, vel partes naturales impositis, vid. fig. 8. & 12. b b, inter crura vel retro ad vinculum, in postica corporis parte factum, sicut.



sicut in fig. 7. vel ad latus femoris , vid. fig. 8. c , vel in antica ventris parte , sicut fig. 12. c c d , ostendit , perveniat , eidemque nodo firmiter adhærescat . In quamplurimis hisce casibus scapularis fascia , sed sine mantili , simul adhiberi potest , utpote cui , ad majorem vincturæ firmitatem , si opus est , fascia inferius aciculis vel suturis innexa diligentissime adjungitur . Denique notandum *fascias T pro diverso usu etiam figura differre* : nam quæ fig. 9. indicatur , commode pro inguine , vid. fig. 7. inservit ; quæ fig. 9. commoda est pro scroto amplectendo , ut in fig. 8. ostenditur ; denique fig. 10. & 11. in mammarum , ani , scroti ac perinæi vitiis apte adhibentur ; & fascia fig. 13. in scroti potissimum tumoribus , ut hydrocele & sarcocoele famulatur , eamque *sacculum pro scroto* , Galli *Bourse* appellant .

## VI. A R N O L D I F A S C I A A D A N V M .

*Fascia nodo-  
sa perinæi.*

Novum , idemque *ani fistulis atque abscessibus* proprium , vincturæ genus ab ARNOLDO , chirurgo quondam parisiensi nobilissimo , est excogitatum , quod præstantissimum hic esse GARENHEOTIVS ( a ) existimat . Hujus autem sequens ratio est . Primo scapulare sicut Tab. 3. fig. 1. c delineatur , sed longius , ut ad imum ventrem descendat , cum mantili B , circum corpus sic injicitur , quemadmodum supra explicavimus . ( cap. IV. sect. III. §. XII. ) Deinde circa eam futuram , quæ mantile cum scapulari super dorso jungit , verbi gratia in Tab. 38, fig. 14. in interstitio a a , tres quatuorve funiculi linei , quorum usus ex jamjam dicendis adparebit , per injectam futuram firmantur . Tum fascia quædam alia , quinque vel sex digitos lata , ulnam autem & quod excurrit longa , secundum lineam ita finditur , ut alterutra pars extrema non nisi ad binas palmas integra reliqua sit , fere ut pars b in eadem figura . Circa hanc ipsam partem extremam c c itidem tres quatuorve funiculi linei firmantur , qui cum funiculis in mantili a a , singulis nodos efficere valeant : quibusque resolutis , identidem & absque ulla corporis ægri , ut ait , molestia vel agitatione , innovare , quoties lubet , vincturam liceat ( b ) . Turundis , linamentis , carptis , & splenis fistulæ rite adhibitis , utriusque fasciæ funiculi modo dicti , nodis super dorso circa a a & c c institutis , invicem committuntur ; eoque facto fasciæ dependentis bini frontes , d d , super anum inter crura trajecti ad mantile circum ventrem adplicatum ita promoventur , ut alter dextro , sinistro lateri alter , jungantur . Denique si largiter forte *post sectionem sanguis fluxit* , sicut quandoque contingit , minister aliquis strenue per unam alteramve horam , ab operatione proximam , manu adhibita partem incisam comprimat ; quo nempe facilius sanguis conquiescat . Præcipua equidem , auctore GARENGEOTIO , vincturæ hujus virtus in eo posita videtur , quod & firmiter ipsa , per scapulare humeris injectum , ubi fascia punctum fixum habet , corpori inhærescat , & quam exactissime id , quod supra vulnus impositum est , comprehendat deprimatque . At enim vero idem omnino præstari quoque per fasciam aliquam T vulgarem , qualis est ea fig. 11. sed satis robustam , scapulari fasciæ junctam , posse , res ipsa , credo , loquitur : præsertim si fascia tota vel saltem pars transversa , abdomen ambiens ex panno xylino , majoris roboris causa , conficitur .

## VII.

( a ) In operat. chir. cap. de ani abscessu edit. I. pag. 401. In altera vero editione inventorem tacet .

( b ) Quid cum parte fissâ hujus fasciæ sit faciendum , GARENGEOT haud describit ; sine dubio autem ea cum mantilis parte anteriore jungenda erit , sicut fasciæ T , alias funiculi parum Prodesse possent .



VII. VINCTURA PRO SANGVINE COMPESCENDO POST  
FITSVLÆ ANI VEL ETIAM CALCULI SECTIONEM.

Pauci profecto hactenus de vinciendo modo ad sanguinem post fistulæ ani, *Fascia nodosa perinæi.* vel etiam calculi sectionem, si vehementius fluit, compescendum fuerunt solliciti; dum nihil fere de hac re in libris deprehenditur: licet exempla sint, ubi ægri post has sectiones inde mortui sunt: adeoque operam impendi, ut vincturam excogitarem, quæ valentius, quam adhuc descriptæ, hoc præstet, atque deliberatione facta, sequentem præ aliis idoneam existimavi. Nimirum sumenda fascia sex ulnas longa & tres digitos lata, atque in duo capita convoluta. Medium fasciæ, postquam vulnere linamentis captis eisque probe contortis ac multis alcohole vini imbutis, & spleniis crassis, sicut in aliis profusionibus sanguinis fieri solet, abunde prospectum est, perinæo applicatur, inde anteriori capite per inguen sinistrum (vid. Tab. 38. fig. 15.) ab a & b, super os ilei, C, posteriori vero inter nates ad eundem locum ascendendum, factaque ibidem forti constrictione & decussatione capitum, antè super ventrem d, postè recta per dorsum sive lumbos ad dextrum ileum ducendum, factaque super dextro ileo, e, nova decussatione, anteriori capite per inguen dextrum f, posteriori per natem dextram ad perinæum descendendum, ubi capita fasciæ mutanda, atque in ejusmodi modum, qualis in fascia temporum nodosa post arteriotomiam fieri solet (vid. Tab. 37. fig. 7. c) intorquenda & probe adstringenda, hinc per inguen sinistrum & natem ad ductum a b c, rursus ascendendum, & priores ductus eadem, ut modo dictum est, ratione, repetendi, factis semper ejusmodi nodis in perinæo post calculi sectionem, vel super ano, post fistulæ ani sectionem, quoties capita inter femora concurrunt, donec fascia finita sit: atque hæc fascia haud inepte *nodosa perinæi* vocari potest, quæ certe firmissime constringit & continet. Si forte adhuc vehementior constrictione necessaria videtur, facto primo circuitum per utrumque ileum & inguen, ut antea dictum est, & nodo primo inter femora constricto, caput antè fasciæ ab inguine sinistro, a, oblique per anteriorem corporis partem ad humerum dextrum h, sicuti punctis hoc indicatur, atque ita caput fasciæ postè per dorsum ad eundem humerum ducitur, ubi mutantur, & per eandem viam ad perinæum redeunt, ibidemque denuo in nodum contorquenda, & per viam g d i, punctis quoque indicatam, ad sinistrum humerum utrinque ducenda, super humero sinistro mutanda, & per eandem viam ad perinæum reducenda, ubi denuo in nodum ut tanto melius locus, sanguinem fundens, comprimatur: tandem ductibus illis, qui solum a perinæo ad ilea sive coxas ascendunt & circa ventrem ducuntur, continuatur, quamdiu fascia durat, ubi probe firmatur. Sed in hoc posteriori modo fascia octo ulnarum habeat longitudinem, ut necessarii iique ampliores circuitus ipsa fieri apte queant.

## VIII. SPICA INGVINALIS.

Singularem vincturæ speciem, *inguinalis*, vel & *spica inguinalis* titulo insignitam, *hernie intestinalis*, sive *bubo noceles incarceratæ sectæ*, *femoris luxati*, & *nalis sim-* item *ossis ilei diffracti* curationes sibi vindicant. Fieri potest variis modis, sicuti *plex.* *spica humeri*, & quidem primo vel *fascia unius vel duorum capitum*. Si fieri debet fascia in unum caput convoluta, fascia, huic fini destinata, quatuor ulnarum longitudinem, ternorumque digitorum latitudinem comprehendat. Initium



tium vincturæ fit super ilei osse ejus lateris, quod sanum est, vid. Tab. 38. fig. 16. a: hinc fascia circum ventrem transversum bb & coxam, c, sic promove-  
tar, ut, superata clune inter crura, d, a parte posteriori ad anteriorem super  
splenium, e, inguini adhibitum, transeat. Namque hoc facto, circum coxam,  
c, ubi cum priori ductu litteram x, efficit, ipsa sic per dorsum pergit, ut ad  
vincturæ principium redeat. Quo equidem diligentissime ope fasciæ hic firma-  
to, ductus modo descriptus toties iteratur, quoties illud fieri per ipsam fasciæ  
longitudinem potest. Post triplicem istiusmodi ductum, si lubet, ductus etiam  
aliquis circularis circum ventrem, pro reliquis ductibus probe firmandis, a qui-  
busdam instituitur; & tota vinctura postea per adhibitas aciculas super parte  
adflicta & juxta illam, ne inde facile recedat, firmatur. Si qua autem forte  
*scrotum ob incarceratam herniam operationem aliquam chirurgicam sustinuit*; tum  
similiter tres ejusmodi ductus fiunt, quos modo proposuimus: deinde fascia in  
inguine sinistro acicula firmatur, deorsum infra scrotum f, per inguen dextrum,  
g, ad fasciam, h, reflectitur ibidemque etiam acicula firmatur, ab hoc latere  
h, infra scrotum f, rursus per inguem sinistrum de, reducitur, aciculaque rur-  
sus firmatur, atque hi ductus iterum iterumque circa scrotum ad comprehen-  
denda splenia ceteraque ea, quæ sanationi apta sunt, iterantur, infixisque utrin-  
que aciculis firmantur. Atque hæc vinctura, si non nisi alterutrum inguen de-  
ligatur, *inguinalis simplex* apud Chirurgos vocatur.

#### IX. SPICA SIMPLEX CVM FASCIA DVOBVS CAPITIBVS.

*Modus II.*

Sed potest hæc vinctura etiam commode atque apte fieri fascia duobus ca-  
pitibus instructa, quæ vero longitudinem habeat quinque ulnarum, sed latitu-  
dinem trium digitorum, uti præcedens. Hujus medium primo injici potest, si-  
cut prioris in coxa dextra, a, fig. 16. capita vero utrinque circa ventrem duci  
ad alteram coxam, c, ibi mutari & ad perinæum, d, duci, ubi rursus permu-  
tantur, & ad coxam c, atque inde rursus ad coxam, a, perducuntur; atque hi  
ductus tamdiu continuantur, donec fasciæ fiat finis. Vel initium fasciæ dupli-  
ci capite donatæ fieri etiam potest in perinæo, d, inde capita oblique ascen-  
dunt ad coxam C, hinc abeunt & per anteriorem & posteriorem ventris par-  
tem ad coxam a atque secundum hanc viam circumvolutionibus his pergi-  
mus, quamdiu fascia durat; ubi consueta ratione vel aciculis vel futuris  
firmatur.

#### X. SPICA INGVINALIS SIMPLEX.

*Modus III.*

Si in utroque inguine vitium est, vincturæ modus, jamjam descriptus,  
dum per utrumque inguen excurrere debet paululum immutatur, indeque *ingui-  
nalis duplex* apud chirurgos adpellatur, Fascia, huic negotio propria longitudi-  
ne ulnas sex, latitudine binos vel tres digitos adæquat & in duplex caput con-  
volutum est. Vincturæ principium in tergo vulgo fieri solet: siquidem, media  
fasciæ parte supra lumbos posita, ductus aliquis circularis circum corpus ita in-  
stituitur, ut ad ventrem anteriorem habenæ perveniant ubi permutantur atque  
inde retrorsum super clunes ad inguina antrorsum procedant. Inguinibus, &  
quæ his superimposita sunt medicamentis atque spleniis fascia probe comprehen-  
sis, fascia, utrinque super inguina & coxas adscendendo ad vincturæ principium  
redit, ubi capita iterum mutantur, & per inguina antrorsum descendunt, atque  
per coxas revertuntur ad abdomen, eoque facto pristinam viam aliquoties repe-  
tit. Tandem ipsa, ubi desinit, gnaviter firmatur. Præterea hæc vinctura etiam  
apte



apte fieri potest iisdem fere ductibus, quos §. VII. descripsimus, si modo nodi inter femora omittantur. Nimirum quando hujus fasciæ medium (vid. Tab. 38. fig. 15. a) perinæo inter femora applicatur, capita deinde utrinque per b c, ad coxam ascendant, inde mutatis capitibus ad alteram coxam, e, per ventrem & dorsum progrediuntur, hinc per alterum inguem f, g, ad perinæum, & ab hoc, permutandis capitibus, per eandem viam, g f, ad coxam e, atque ab hoc ad coxam c, revolvuntur, donec tandem per sinistrum inguen b, ad principium rursus perveniat. Reiterantur postea hi ductus, donec fascia finiatur; ubi omnia bene firmanur. *Adhiberi potest in luxatione utriusque femoris & in fractura utriusque colli femoris, itemque post operationem herniæ inguinalis in utroque latere.*

## XI. VINCTURA AD BUBONES.

Ad bubones atque cujuscunque generis alios tumores circa inguina apta inprimis esse illa vinctura solet, quæ per adhibitam fasciam T instituitur; (vid. supra §. V.) vel & per eam fasciam, quam Tab. 38. fig. 6. designavimus; quæque eodem fere modo ac fascia T corpori adaptatur. Sed quia alterum caput ex transversis a a, breve est, circa ventrem ita injicitur, ut in latere ejus extrema nodo jungantur. vid. fig. 7. c, quo fit, ut æger ipse fasciam commode solvere & rursus conjungere queat. Verum pars amplior b, per inguen descendit inter femora, circa natem reflectitur, atque in latere lumborum cum parte transversa nodo conjungitur. Nos in hac tabula 38. non nisi eam fasciæ formam vel posituram demonstravimus, quæ sinistro inguini apta est. Namque ubi dextro inguini vincturam ejusmodi adhibendi necessitas inciderit, tum converti solummodo hæc ipsa fascia debet. Reliqua enim iisdem in dextro, ac in sinistro, inguine modis perficiuntur.

## XII. SCROTI VINCTURÆ.

In scroto equidem frequentissimus quoque vincturarum usus est. Neque enim ad scrotum inflammatum & testes tumentes solum adhiberi cataplasmata fasciarum adminiculo solent; sed in quamplurimis etiam herniarum curationibus præcipuum sanitatis præsidium a solerti atque adcurata scroti vinctura repetendum est. Fere triplicis autem generis fasciæ a chirurgis hic adhibentur. Nonnunquam enim 1. commoda inprimis est fascia T, (de qua supra §. V.) dummodo habenæ perpendicularis pars superior binas circiter palmas lata atque ad penem transmittendum perforata sit, (vid. Tab. 38. fig. 9. c) & pars extrema ad binas quasi palmas usque a parte transversa in duo capita b b, fissa. Postquam igitur pars transversa circa ventrem firmata & penis per foramen C transmissus est, decussatis postea binis hisce habenulis, b b, scrotum ab integra fasciæ parte sat plerumque adcurate comprehenditur, & splenia imposita apte comprehenduntur, si frondes b b, circum femora utrinque reflectuntur, & in latere partis transversæ nodo nectuntur, vid. fig. 8. c. Interdum 2. fascia quædam frondalis, quatuor capitibus instructa, ulnam longa, digitos sex lata, utrinque autem sic fissa, ut media pars ad binas circiter palmas integra persistat, commode adhibetur, si super scrotum afflictum eidemque applicata medicamenta & splenia imponitur. Circa vincturam vero rite instituendam sequentes necessariae sunt observationes. Fascia sic injicitur, ut media eademque integra fasciæ pars scrotum tegat, capitibus sive habenis duabus sursum, duabus deorsum spectantibus. Inter habenas superiores, ubi partem integram attingunt, penis transmittatur,



ac deinceps hæ ventrem comprehendant atque in lumbis nodo jungantur, inferiores autem, super perinæo invicem trajectæ, retroque super clunes sursum & antrorsum versus adductæ, dextra in sinistro inguine, in dextro sinistra firmentur; vel etiam sicut in fig. 12. d, indicatum est. Siquidem eo facto, & scrotum & supra data medicamenta satis commode comprehenduntur. Denique chirurgorum aliqui propriam aliquam vincturam ad similitudinem aliqualem marsupii exaratam, la Bourssé Gallis dicta, de qua jam §. V. proposui, ex linteo satis valido confectam, debitisque eam habenis, tum funiculis etiam & foraminulis, ad excipiendos funiculos aptis, instructam, ad scroti vincturas proposuerunt. ( vid. Tab. 38. fig. 14. ) AA. Marsupium quod scrotum suscipit. Fasciæ BB circum corpu injicitur & extremum a funiculis h conjungitur. Foramen C penem transmittit. Denique fasciæ frondes sive habenæ inferiores DD. inter crura sic ducuntur, ut per clunes ad summas coxas sive inguina redeant, & funiculis EE, prope coxas pendentibus, per foraminula dd, trajectis, parti fasciæ superiori BB, rite jungantur. Medici vulgo *suspensorium scroti*, Gallice *suspensoire*, adpellare id ipsum vincturæ genus consueverunt.

XIII. Vinctura & vincula ad hernias, vid. pag. 723. & 743. atque Tab. XXV.

#### XIV. FASCIOLA PRO PENE.

Fasciola  
pro pene.

Fasciola, quæ ad penis vulnera, abscessus, venæ sectionem, phimosis noxasque alias adhiberi suevit, fasciam, ulnæ circiter dimidiæ longitudine, unius vero digiti aut pollicis latitudine præditam, eandemque alterutra parte ad pollicis fere longitudinem perforatam, altera autem parte ad binas circiter palmas fissam, postulat. ( vid. Tab. II. fig. e ) Vinciendi modus sequens est. Pars in duas frondes fissæ per alterius partis foramen oblongum sic transmittitur, ut penis una cum adhibitis medicamentis & spleniis a fascia illa, quasi habena sive funda quadam suscipiatur. Eo facto, fasciola circum partem ægram penis aliquoties ducitur, ac leniter constringitur; riteque contextis, quæ superimposita sunt, omnibus capitibus capitula fissæ, alterutro, eorum reflexo diligentissime invicem nodo connectuntur. Sicubi vel glans vel præputium ulcere aut vulnere aliquo infestatur, commodissimum utique erit, splenium & item emplastrum Melitensis crucis figuram habentia, foraminuloque, pro emittenda urina, instructa, eam denique amplitudinem habentia, ut satis comprehendere glandem valeant, super medicamenta prius imponere, quam vinctura modo descripta instituitur. Denique si vel rigor quidam præter naturam, vel & inflammatio graviter eolem adfligunt, qualiter quidem fieri in priapismo, paraphimosi, & gonorrhæa quandoque solet, haud prorsus alienum esse illorum consilium videtur, qui propriam ex linteo ad figuram penis exaratam quasi vaginam sive sacculum aliquem oblongum colli sic induunt, ut per adjunctos duos satis longos funiculos, eundem vel super ventrem, vel & super inguina deligare, pro arbitrio valent.



## De vincturis brachio aptis.

## I. VINCTURA PRO OSSE HUMERI FRACTO.

**H** Aëtenus de *capitis*, *colli* atque *trunci* vincturis tractavimus. Reliquum est, ut, qualiter vinciri partes corporis extremæ, *brachia* nimirum atque *pedes* debeant, ostendamus. Atque humeri quidem os ubi fractum est, sequentia, si deligandum est, facere conveniet. Osse, quemadmodum decet, & supra pag. 183. expositum est, reposito, primum est, ut pannus lineus, palmam latus spithamamque longus, atque is quidem in quatuor capita utrinque fissus, (vid. Tab. II. fig. 18.) ex vino calido vel & oxycrato expressus, circum fracturam diligenter injiciatur, ut capita se invicem probe comprehendant. Eo facto, fascia quædam, sex ulnarum longitudinem, circiter autem trium digitorum latitudinem habens, atque unum modo glomerem comprehendens, in ipso loco fracto circum linteum adhibitum ter & quam exactissime quidem, circumducitur. Deinde sensim ipsa per ductus spirales obtusos (*doloires* Gallis) ad humerum adscendit, factoque sub ala lateris sani & circum præcordia ductu quodam (quem alii tamen omittunt,) ad os humeri læsum redit, & per similem lineam spiralem in brachio sensim rursus descendit, donec ad fractum locum redeat. Tum triplex rursus ductus circularis circa locum fractum instituitur, fascia vero subinde spiritu vini calido vel & oxycrato hmectatur; quo nempe firmitus atque exactius, quidquid fractum fuit, contineatur. Dehinc fascia eadem ad cubitum per lineam spiralem sic progreditur, ut ductus tandem aliquis spiralis infra flexuram cubiti fiat, sed cubitus tamen inflexus sit ejusdemque caput, quod olecranium vulgo appellatur, liberum a fascia maneat: quo nempe firmitus vinctura hærescat. Mox, quatuor spleniis, sex vel octo digitos longis, binos autem latis, secundum longitudinem ossis humeri ita, ut æqualiter a se invicem distent, super partem fractam impositis, sed ante tamen in vino calido vel oxycrato tinctis fascia denuo per ductus spirales a cubito ad usque partem fractam sursum procedit, factoque rursus circum illam ductu circulari triplici, ad humerum sæpius memorata ratione adscendit. Si splenia hæc decenter tecta sunt, & fasciæ tamen aliqua pars superest ductus spirales descendentes, sed rariores tamen, sive insigniter ab invicem remoti, circum brachium fiunt ad præcedentia melius firmanda, fasciæque pars extrema implicata sollertissime per adhibitam aciculam firmatur. Tandem tres quatuorve *ferulae* sive laminæ, eademque vel ex ligno, ferrove albo aut orichalco tenuiori, vel quod usitatissimum hodie est; ex charta crassiori & compacta, confectæ spithamæque longitudinem, binorum autem vel trium digitorum latitudinem habentes, brachio fracto secundum longitudinem, fere ut prædicta splenia injiciuntur, vid. Tab. 34. fig. 17. a a a) adhibitisque tribus funiculis, duos pedes vel ulnam circiter dimidiam longis, ita constringuntur, ut vinculum primum circa partem mediam, bina autem reliqua prope oram extremam utramque instituantur (a);

Hh 2

ipsi

(a) Sunt qui ferularum usum in fracturis rejiciunt, splenia satis earum vicem præstare posse existimant, ut PETIT. Lib. de morb. off. Tom. II. p. 34. quod sæpe etiam sufficere posse intelligo. Attamen majoris roboris & securitatis causa plerique hætenus ferulas quoque adhibuerunt.



ipsi denique vinculorum nodi singuli super externo brachii latere existant, ut tanto commodius & constringi & si opus est, solvi rursus queant. conf. Tab. 38. fig. 17. bbb.

*Post deligationem  
quid fiat.*

Deligatione hunc in modum absoluta, brachium, involutum *mitella* quam *suspensorium* vulgo vocant, Gallis *Escarpe*, commodissime excipitur; (a) atque sic inflectitur, ut manus scrobiculo fere cordis immineat. Si obliqua est fractura, paulo magis demittere brachium convenit; ut ipsum humeri pondus impediat, ne fragmentum inferius juxta superius altius, quam par est, assurgat; sed si transversa, præstat *mitella* brevior. Debet autem *mitella* ista sive *habena* suscipiendo brachio commoda, sic parari. Mantile quoddam satis amplum atque molle, singulari modo complicatum quoad partem mediam cubito humeri fracti submittitur, brachioque inflexo atque a mantili comprehenso, cccc, utræque partes extremæ, circum collum injectæ, super integri brachii humero in nodum constringuntur, d. Si nobilioribus atque lautioribus personis curatio adhibenda est, tum ex panno serico nigro hæc *mitella* sive *habena* conficitur. Chirurgorum aliqui humero fracto vinciendo loco unius longioris tres breviores fascias adhibent: quarum vel quælibet duas ulnas habeat, aut ut alii volunt, quarum prima una cum dimidia; altera binas, tertia denique binas cum dimidia ulnas adæquant. Prima ductibus adscendentibus; altera descendentibus, tertia denique ductibus circum splenia atque ipsam humeri partem fractam faciendis, impenduntur; id quod satis commode quoque fieri potest. Nonnulli ferulas ossi comprehendendo firmandoque destinatas statim super splenia imponunt ipsaque fascia tertia, vel parte ultima longioris fasciæ simul comprehendunt; id quod a scopo haud alienum est, attamen perinde mihi videtur. Denique obiter hic monendum est, *vincturam primam*, siquidem decenter illa facta est, nisi item casus aliquis improvisus contrarium facere postulat, haud facile ante quartum vel quintum diem resolvi debet; altera post octo demum dies innovatur; tertia denique & quarta, nisi forte malum quoddam inopinatum acciderit, per duodecim vel & quatuordecim dies integros in brachio relinquitur, usque dum ossis fragmenta satis firmiter rursus invicem cohærescunt. Quod ipsum equidem fieri ut plurimum in hoc esse post quadraginta circiter ab incepta curatione dies, experientia teste, consuevit.

*Anchylosis  
quomodo  
precaveatur.*

Vinctura tertium innovata, cubiti juncturam leniter identidem flectere expediet; ne qua forte *anchylosis*, seu juncturæ cubiti rigor aliquis, brachium sensim occupet. Si jam tum ejus vitii aliquid cubitus contraxit, longe optimum fuerit, ad restituendam movendi facultatem pristinam, unguentis, balneis, fomentisque emollientibus brachium subinde fovere, sed frequenter tamen simul idem distentare rursusque inflectere, quin & pondus quoddam manu suscipiendum atque agitandum per dies singulos ægro committere. Ita & egregie prodest, si partes ejusmodi in ventrem animalium recens mactatorum immittuntur; quia hic vapor calidus, blandus, emolliens & resolvens ad hoc malum minuendum valde idoneus est, Quos enim medicorum aliqui hunc in usum adhibere solent spiritus roborantes ii fere semper, quia adstringunt, alieni hic sunt, imo vero perniciosi.

*Si fractura  
humeri pro-  
pinqua est.*

Si prope humerum sive in collo hoc os fractum est, longe gravius ægri periclitantur, modoque proposita vinctura parum plerumque aut nihil proficit. Igitur tunc *spica simplex* adhiberi eo modo debet, quem ad claviculæ fracturam supra commendavimus (cap. IV. sect. 1. §. 2.) nisi quod pars humeri supe-

(a) Ita CELSVS jam docuit. lib. 8. cap. 10. Usurpatur pro hoc scopo mantile in habena sive fundæ modum complicatum, & circa collum firmatum, cui brachium immittitur, sicut ex fig. 17. videre licet.



perior ductibus fasciæ curatius sit circumdanda arque involvenda. Ita & fasciam octodecim. capitum ( vid. Tab. IX. fig. 4. ) haud inepte ad hanc fracturam adhiberi posse PETITVS auctor est, lib. de morb. oss. Sed difficulter hæc has partes fractas satis continebit.

## II. FASCIA PRO CUBITO FRACTO.

Si brachii pars inferior, sive cubitus est diffractus, tum ossibus, quemad- <sup>Fascia pro</sup> modum supra diximus, ( pag. 142. 143. t. I. ) decenter repositis, sequens institui <sup>cubito fra-</sup> vinctura debebit. Ante omnia *linamentum* aliquod spithamam longum palmam- <sup>cto.</sup> que latum, utrinque fissum, sicut de humero fracto docuimus, & Tab. II. fig. 18. delineavimus, inque oxycrato vel spiritu vini tinctum, circa partem fractam capitibus diligenter circumductis imponitur. Eo facto, bina splenia crassa ulnæque ipsi quoad longitudinem fere æqualia, alterum interiori, exteriori lateri alterum, adplicantur, supra datis ferulis vel ex ligno vel ex charta crassissima, eandem magnitudinem habentibus (a). Denique fascia quædam, ulnam unam cum dimidia quoad longitudinem, tres digitos quoad latitudinem adæquans, unumque glomerem comprehendens, circum splenia ferulasque, aut si ferulæ omittuntur, circa sola splenia sic injicitur, ut, binis ternisve ductibus circularibus circum locum fractum, factis, sicut in humero fracto, sensim linea quadam spirali ( *doloires* ) ultra cubitum adscendat: ubi denuo ductus quidam circulares ante fiunt; quam fasciæ pars extrema firmatur. Tum alia fascia eodem, quo prima, loco circum brachium volvitur, factisque rursus uno alterove ductu circulari, ductibus spiralibus paulatim versus manum adducitur, exceptoque per quandam velut habenam pollice, ad carpum retrahitur, ibidemque, post unum alterumve ductum circulem denuo institutum fibula firmatur. Porro binæ ferulæ chartacæ crassiores, ipsi ulnæ quoad longitudinem fere æquales, quoad latitudinem vero ita comparatæ, ut universam prope vincturam comprehendant, & quo commodius adaptari brachio deligato queant, spiritu vini vel & oxycrato madefactæ, altera supra exterius, altera super interius brachii inferioris latus adhibentur, injectaque fascia, binas ulnas longa fereque tres digitos lata sic vinctiuntur, ut, ductibus aliquot circularibus circum partem mediam factis, fascia per ductus spirales primo ad cubiti flexuram adscendat, deinde vero rursus descendat, tandemque, ubi desinit, fibulam aut inde rursus futuram accipiat. Quamquam nihil magnopere obstat, quo minus adhiberi *pro fascia hac tres quatuorve funiculi breviores*, pro continendis ferulis queant, sicut in osse humeri Tab. 38. fig. 17. bbb, indicavimus. Similiter in chirurgis haud defunt, qui brachio sic deligato adhuc una ferula magna chartacea utuntur; qua, velut canali quodam, brachium excipiunt, ut sic tanto melius in eo quiescat & glutinatio hoc ipso promoveatur. ( vid. hic canalis Tab. 8. fig. 14. & applicatio ejus Tab. 38. ee ). Quibus ita jam confectis singulis, mitella sive habena collo adhibenda est, in qua brachium, ut antea diximus, continuo gestetur, donec sanescat, vid. eadem figura cccc. Cetera facienda sunt eadem, quæ de humeri osse fracto ejusdemque curatione proposuimus. ( §. 2. seq. ) Sic enim intra triginta plerumque dies cubitus sive brachium inferius confractum glutinatur.

## III. PRO CARPO FRACTO.

Quoties in *carpo* aliquid confractum est, ossium fragmentis decenter in <sup>Vinctura</sup> sedem suam repositis, ( vid. pag. 144 t. I. ) sequens vincturæ modus adhibendus <sup>carpi fracti.</sup> est.

(a) Nonnulli, ut PETITVS, ferulas has omittunt, easque haud necessarias esse judicant.



est . Fasciæ , quinque vel sex ulnas longæ , binos vero digitos latæ , unoque glomere comprehensæ principium , tribus ductibus circularibus factis , circum carpum vitiatum injicitur . Mox ipsa , pollicem inter atque indicem digitum transmissa , totidem ductibus denuo circum carpum & manum trahitur , ut in dorso manus ad similitudinem litt. x , se invicem interfecent . Tum ductibus spiraliibus a carpo versus cubiti & tandem supra cubiti juncturam eadem adscendit ; positisque tunc super internum externumque carpum binis spleniis , carpi latitudini respondentibus , ad usque manum rursus descendit ; quo nempe accuratius splenia contineantur . Denique binæ ferulæ chartacæ spleniis injiciuntur fasciæque parte reliqua exactissime involvuntur ac deligantur : brachium autem ab habena sive mitella & canali susceptum , sicut fig. 17. indicat , gestatur .

## IV. PRO METACARPO.

*Vinctura metacarpi .*

Ubi vero *metacarpi ossibus confractis curatio adhibetur* , vincturam sic institui oportebit . Ossibus diligenter repositis ( vid. supra pag. 186. ) fascia similis ei , quam carpo mox destinavimus , tribus ductibus circularibus circum partem adflictam ducitur . Mox pollicem inter atque indicem digitum trajecta carpum comprehendit , eoque facto per viam pristinam , sed ductibus tamen in formam litteræ x , positis , ad metacarpum redit . Id ipsum negotium fere ternis vicibus interatur : deinde vero fascia circum metacarpum aliquoties ducta , per ductus spirales sensim ultra cubitum , ut §. 3. diximus , adscendit . Tandem bina splenia , alterum palmæ , dorso manus alterum , una cum ferulis chartaceis , manus figuræ conformatis , adhibentur ( vid. Tab. 36. fig. 5. sollertissimeque per fasciam partem reliquam deligantur .

## V. PRO LUXATO CUBITO.

*Vinctura ad cubitum luxatum .*

Ad *cubitum luxatum* pristino vigori suo restituendum sequens utilis & commoda esse deligatio solet . Cubito , quemadmodum supra præscripsimus , ( pag. 230. §. 4. ) reposito , linamentum aliquod utrinque filum , cubitoque involvendum adcommodatum , vino denique , vel spiritu vini , vel & oxycrato madidum ( vid. Tab. 2. fig. 18. ) cubiti flexuræ accuratæ circumponitur . Tum fascia quinque circiter ulnas longa , binos digitos lata unoque capite comprehensa , binis ductibus in orbem factis , supra flexuram cubiti injicitur , dehinc oblique intra cubiti juncturam descendit , simili prorsus ratione , ac fieri in venæ sectionibus solet . Infra cubiti articulum similiter bini ductus circulares fiunt : deinceps autem fascia rursus per flexuram interiorem ascendit , ita ut cum priori ductu decussatio in litteræ x figuram fiat : partemque brachii super cubito proximam semel atque iterum cingit , itaque vinculum aliquod , signo numeri octonarii 8. haud absimile constituit . His confectis brachium universum linamento quodam satis amplo inque spiritu vini calido vel oxycrato prius tincto , involvitur atque per fasciam ductibus spiraliibus aut repentibus injectam rite firmatur . Quanquam chirurgorum aliqui existimant , linamentum istud amplum non usque adeo necessarium hic existere , sed feliciter satis cubitum luxatum sanescere , dummodo vincturam per fasciam , modo laudatis liquoribus humectatam lineisque spiraliibus circum brachium tractam , instituatur , interea tamen ad tumores & inflammationes avertendas prodesse potest . Denique brachium ita deligatum *mitella sive mantili de collo suspenso per aliquot dies immittitur* ; sed identidem tamen , ne , prout evenire facile potest ,



test, indecenter rigescat, quam lentissime quamque providentissime fieri potest, flectitur ac dimovetur.

## VI. PRO CARPO LUXATO.

*Carpo luxato*, facienda sunt sequentia. Ante omnia quidquid violenter dimotum est, facta prius convenienter extensione, ut supra p. 178. t. 1. dictum est, reponitur. Eo facto, fascia modo descripta tripliciter circum partem adhaerentem ducitur. Mox pollicem inter atque indicem digitum transmissa retroque, ad carpum inflexa denuo supra manum sic adducitur, ut pone pollicem lineas in crucem positas, sive figuram litteræ x efficiat denuoque carpum cingat. Quibus equidem ductibus aliquoties iteratis, duabus ferulis chartaceis crassioribus circiterque binas palmas longis, carpus contegitur ligaturque. Tum pila, manu exacte comprehendenda, ut nimirum æqualiter digiti singuli contenduntur, ægro committitur, exactissimeque a fascia involvitur. Denique fasciæ pars reliqua ductibus spiralibus ultra cubitum, ne facile tumor aut inflammatio incidat, promovetur ibidemque decenter firmatur.

*Vinctura  
carpi luxati.*

## VII. VINCTURA AD VENAM BRACHII.

De vincturis brachii dum hætenus explicavimus, id quoque nobis datum existimamus esse, ut, qualem post incisam venam, quod tam sæpe fit, brachio adhiberi vincturam deceat, breviter ostendamus. Fascia, huic fini commoda, ulnam minimum Parisinam, vel, ut perfectior fiat, ulnam unam cum dimidia quoad longitudinem, circiter binos autem digitos quoad latitudinem comprehendat. Vinciendi modus variis varius est, sed primarius, ut mihi saltem videtur, hic est. Splenis quadratis, ut moris est, super plagam inflectam depressis, fascia supra cubitum sic injicitur, ut ejusdem pars prima circiter ad spithamæ longitudinem supra & extra cubiti flexuram dependeat. Tum oblique ipsa introrsum super splenia flexuræ imposita descendit, factoque infra cubiti flexuram circuitu, oblique rursus super eundem locum sic adscendit, ut integer circuitu, vinculi cubito injecti figuram num. 8. ductus vero fasciæ super flexura positi, litt. X. sive crucem aliquam præsentent. Atque isti quidem circuitus, qui figuram num. 8. efficiunt, brachio paullulum inflexo, toties iterantur, quoties fere illud facere fasciæ longitudo permittit, Finita autem fere fascia, partes extremæ sive capita ejus nodo facto, supra cubitum in externo latere constringuntur. vid. Tab. III. fig. 1. D. Si funiculis spithamæ longitudine instructæ sunt partes extremæ hujus fasciæ, ut apud nonnullos in Germania solent, tum & perquam commoda deligationi est, dum funiculi hi non nisi exiguum nodum relinquunt, & fascia non nisi unius ulnæ Parisinæ longitudinem postulat; modus vero eam injicienti prorsus idem est.

*Vinctura ad  
venam in  
brachio in-  
cisam.*

## VIII. AD ARTERIAM BRACHII INCISAM.

Si qua autem forte chirurgus, venam brachii incisurus, ex imprudentia aut casu arteriam ibidem læserit, sequentia opus erunt deligandi artificia. Postquam nimirum sanguis ad usque animi defectionem profluxit, (vid. pag. 17. t. 2. §. II.) primo bina vel terna splenia, eaque satis crassa, quorum uni, ad majorem deligationis firmitatem nummus insertus sit, super vulnus arteriæ inflectum imponantur. Deinde fascia, quinque vel sex ulnas longa:

*Vinctura ad  
arteriam  
concisam in  
brachio.*



ga, binos autem digitos lata, unoque glomere vel capite comprehensa, bis vel ter primo supra cubitum circumducitur, eoque facto, perinde, ac ad venæ deligationem proposuimus (§. 10.) promovetur, sed ita tamen, ut paulo fortius, quam ubi vena tantum incisa est, adstringatur. Institutis ad figuram 8. quinque vel sex ductibus, splenium aliquod angustum atque oblongum a cubiti flexura fere ad alam usque, interiori brachii lateri sic adplicatur, ut arteriæ brachiali primariæ quam exactissime superincumbat. Tum fascia per ductus spirales eisdemque satis adstrictos paulatim ad supremum usque humerum promovetur: quo nempe facilius sanguinis per istam arteriam fluxus vehemens cohibeatur. Dehinc ductus aliquis ab humero per alam brachii oppositi circum præcordia in modum quasi circuli obliqui instituitur, eoque absoluto, & fascia ad humerum brachii læsi rursus promota, ductibus spiralibus iisdemque prioribus contrariis deorsum versus circum brachium deducitur sollertissimeque tandem, ubi definit, firmatur. Sin iustæ longitudinis fascia non statim ad manus fuerit, fascia brevior, quæ forte præsto est, opportune brachio injicere ministroque plagam & arteriam brachialem digito comprimendam committere præstat, quam per adhibitam in paranda fascia longiori moram iusto diuturniorem, gravissimis ægrum ob profusionem sanguinis graviorem periculis exponere. Namque nihil omnino impedit, quo minus, post adhibitam fasciam hanc brevior, longior quoque fascia & iisdem quidem modis, quos jamjam descripsimus, una cum spleniis necessariis adhiberi brachio valeat. Deligationis negotio diligenter jam confectio, reliquum est, ut in habenam, de collo suspensam, eum fere in modum, qui Tab. 38. fig. 17. exhibetur, omissio tamen canali e e, brachium adfectum conjiciatur; æger autem, ut quam diligentissime a commotionibus itemque a cibo & potu calefaciente sese abstineat, moneatur. Cetera enim eadem prorsus fiunt, quæ superius suo loco sunt præscripta, pag. 387. cap. 12.

*Vinctura ad aneurysma.*

IX. Neque vero ad ea tantum, quæ per imprudentiam chirurgi fiunt, sed ad quæcunque alia etiam arteriæ brachialis in flexura cubiti vulnera, quin etiam ad *aneurysmata*, eademque cum graviora atque operationem chirurgicam experta, tum minora etiam atque sanationem per vincturam recipientia, modo descriptum vincendi modum cum profectu adhibueris. Aaque ad aneurysmata quidem minora, sine scalpello & machinis curanda, sequentes necessariae hic videntur observationes. Ante omnia tuberculum per admotum digitum sic deprimitur, ut sanguinis, in eodem comprehensus, in arteriam revertatur. Eo, facto emplastrum aliquod, adstringens, super emplastrum autem splenium aliquod aneurysmatis amplitudini adcommodatam, cum nummulo aliove corpusculo duro intus comprehenso: huic denique splenio alia quædam splenia, majora minoribus, imponuntur, eaque ratione, quam modo explicavimus, supra deligantur, & fasciæ ita circumductæ diu satis & continuo ita gestentur. Exempla hujus sanationis HILDANVS proposuit centur. III. obs. 43. 44.

#### X. VINCTURA AD VENAM SECTAM IN MANU.

*Vinctura ad venæ sect. in manu.*

Si quæ forte in alterutra manu facta est sanguinis per venam detractio; non idem solum, quem ad cubitum proposuimus, (§. VII.) sed plane singularis quoque & is quidem commodior aut elegantior adhiberi vincturæ modus poterit. Si præsertim vena, quæ salvatella vulgo vocatur; fuerit incisa. Nimirum, binis spleniolis decenter adhibitis, fascia, ulnam & quod excurrit, longa, sed nullis tamen funiculis instructa, binis ductibus circularibus circum carptum injicitur, indeque super dorsum manus promota digitum auricularem inter & annularem



trajicitur; mox autem inter hume & medium retro reflexa transversim ad litt. x. similitudinem super splenium ad carpum adducitur, atque hic ductus circa digitum annularem & carpum ter repetitur, tandemque factis totidem ductibus circa carpum, quot eorum fieri per fasciæ longitudinem possunt, gnaviter ibidem firmatur.

## XI. VINCTURA AD MANVM ADVSTAM.

Postquam remedia idonea adhibita sunt, fascia sumi potest, quæ sex ulnas sit longa & pollicem lata. Hæc duobus ductibus circularibus circa carpum injicitur, hinc per volam manus ad digitum auricularem ducitur, qui primo per spirales ductus ascendentes totus involvitur, deinde vero per spiras descendentes ad radicem ejus & inde ad digitum auricularem progressus fit, quo eadem ratione involuto, ad digitum medium ac postea ad indicem, (vid. fig. 18. a, b, c, d) itur, postea quidam circuitus fiunt circa metacarpum, inter pollicem & indicem, e e e, atque metacarpo ita involuto, procedendum ad pollicem, ut eodem, ut ceteri digiti, modo comprehendatur, f; denique & inferior metacarpi pars spiralibus ductibus obducitur, g g g, & tandem fascia circa carpum, h, ubi incepit, per circulares finitur.

*Vinctura ad pollicis fracturam.*

## XII. VINCTURA AD POLLICIS FRACTURAM.

*Pollicis manus fractura* sequentem postulat vincturam. Decenter reposito, quemadmodum supra præscriptum est, (vid. pag. 151. t. 1. §. XI.) osse diffracto, fascia pollicem lata, ulnam autem cum dimidia, vel & binas ulnas longa eademque in unicum glomerem convoluta, factis binis in carpo ductibus circularibus, ad partem fractam promovetur, qua equidem triplici ductu circulari comprehensa, binæ lamellæ sive ferulæ chartæ crassioris digitique circiter latitudinem habentes, altera super interius, altera super exterius pollicis latus injiciuntur binisque vel ternis etiam fasciæ circuitibus deligantur. Denique fascia ad carpum reducitur, ibidemque, post aliquot fasciæ ductus denuo institutos, diligenter firmatur.

*Si pollicis articulus uterque fractus est.*

*Si pollicis articulus uterque fractus est*, tum simili prorsus, ut antea, modo vinctura instituitur; sed ita tamen, ut super utraque fractura seorsim vinctura repetatur, atque lamellæ chartacæ super utrumque articulum extendantur, fasciæque postea includantur.

## XIII. VINCTURA AD DIGITVM FRACTVM.

Porro si *digitus* aliquis fractus est, tum itidem vinctura modo præscripta circa locum fractum adhibetur: nisi quod, ad firmitus continendum digitum vitiatum, digitus postea integer propinquus simul cum eodem a fascia comprehendantur, atque sic simul colligantur, qui sanus digitus fracto pro fulcro quasi servit, donec rursus glutinatus sit.

*Vinctura digiti fracti.*

## XIV. AD PLVRES DIGITOS FRACTOS.

Quod si autem *uno plures digiti simul diffracti sunt*, ossibus fractis in ordinem redactis fascia, tres ulnas longa binosque digitos lata, primo circa carpum, gemino ductu circulari facto, injicitur. Dehinc, super manus dorsum ad digitos vitiatos promota, sic circum eos omnes involvitur, ut nihil ne-

*Si digiti plures fracti sunt.*



que inæquale, neque nudum reliquum sit. Tum lamina quædam conveniens e charta crassa qualis Tab. 36. fig. 5. indicatur, perinde scilicet, ut de metacarpo præcepimus, (§. 4.) palmæ subjicitur, exactissimeque per injectam fasciam intra manum firmatur. Quanquam loco hujus aliis satius videtur, ut paululum inflexos continere digitos liceat, pilam aut glomerem ægræ manui committere, eoque facto, vincula prædicta ratione superinducere. Sed quoquo tandem modo digiti comprehensi sint, fascia reduci semper a digitis ad carpum debet, exactissimeque ibidem firmari; ipsa denique manus in habena sive mitella a collo suspensa continuo gestari.

## XV. VINCTURA AD DIGITOS LVXATOS.

*Vinctura ad digitos luxatos.* *Digitos* equidem *luxatos* per se ut plurimum sanescere, dummodo ipsi vel leviter solum extendantur, quotidianus rerum usus loquitur, ita ut fascia vix indigeant. Interim ubi vel mali vetustas, vel singularis debilitas juncturæ, vel & quæcunque alia ratio vincturam aliquam digitis luxatis adhibendam suaserit, sequentia fieri oportebit. Fascia, ulnam unam & dimidiam longa, digitumque lata, similiter, ut ad digitos fractos commendavimus, binis ductibus circularibus circum carpum injicitur, inde super dorsum manus versus digitum luxatum attrahitur, circa juncturam luxatam circumducitur, eaque ductu in crucem posito adcurate comprehensa, ad carpum rursus fascia adducitur, eodemque negotio tertia vice repetito, circum carpum illa tandem, ubi finis ejus est, firmatur. *Si digiti complures una luxati sunt*, singuli similiter deligandi sunt. Gallis vincturæ genus hoc *le demi Gantelet*, *dimidia chirotheca*, communiter adpellatur; quia solum manus involvitur, sed non digiti, qui nudi manent.

## XVI. VINCTURA AD DIGITOS MVTILATOS.

*Vinctura ad digitos mutilatos.* Porro quoties *digiti portio* aliqua vel forte fortuna *rescissa est*; vel & rescindi propter gangrænam, sphacelum, aut cariem similemque noxam aliam debuit, post adhibita vulneri medicamenta convenientia sic fere deligari plagam oportet, quemadmodum supra de pene præcepimus. Namque primo post linamenta carpta emplastrum & splenium crucis melitensis figuram habentia (vid. Tab. II. fig. e) rite adplicantur: deinde fascia quartam ulnæ partem, utriusque digiti latitudinem continens, cujus fig. Tab. II. litt. e, videri potest, quam diligentissime circum digitum injicitur.

## XVII. VINCTURA AD MANVM VEL C V B I T V M A B S C I S S V M.

*Vinctura ad manum vel cubitum abscissum.* *Manu* vel & *cubito rescisso*; medicamentis, linamentis, spleniis atque ceteris rebus vulneri adcommodatis (vid. supra pag. 68. t. 2. §. VIII. hanc) superinjicere vincturam decebit. Fascia, quinque vel sex ulnas longa, tres autem digitos lata inque duplicem glomerem convoluta, ad palmæ circiter amplitudinem supra partem mutilatam posito loco, vid. Tab. 38. fig. 19. c, sic adhibetur, ut tribus vel quatuor ductibus circularibus ibidem institutis, quam exactissime id, quod supra vulnus datum est, a, firmetur. Dehinc glomerum alteruter super truncatam partem a loco c, per d, sic inducitur, ut ejusdem habena in adverso membri latere ab alterius glomeris habena circa truncum in loco c, circumducta satis comprehendi valeat. Eo facto, glomer primus, retro & oblique quidem reflexus, truncum extremum C, denuo comprehendit atque ad eum locum redit, unde vene-



venerat, sicut hoc jam supra in capitali capitis & claviculæ docuimus. Id ipsum vinciendi negotium sæpius & tam diu repetitur, donec membrum truncatum una cum spleniis superimpositis satis adcurate tectum & firmatum esse deprehenditur. Namque tum capitis alterius & quidem brevioris pars extrema ab alterius & longioris capitis ductibus spiralibus sursum deorsumque eundo firmiter comprehenditur; capitis autem posterioris pars extima per defixas aciculas vel suturam rite firmatur. Oportet autem quam exactissime semper fasciam hic adstringere, quo & firmitus medicamenta circum partem truncatam hærescant, & facilius sanguis, propter compressas venas, conquiescat. Singulis rite jam confectis, super lectulo æger deponitur, parte truncata submisso pulvillo sursum elevata, & deinde per admotam administri manum, ut promptius ac certius sanguis cohibeatur, gnaviter aliquandiu compressa, donec metus profusionis sanguinis præterit. Denique ubi surgendi facultatem æger recipit, habenæ de collo suspensæ, (vid. fig. 17. cc,) id quod truncatum est, immittitur, donec vulnus omnino glutinatum est.

## XVIII. VINCTURA AD BRACHIVM AMPVTATVM.

Si supra cubitum rescissum brachium est, tum, probe a filo comprehensis arteriis, deligatio iisdem prorsus, quos jamjam explicavimus, modis perficitur, nisi quod longior, eademque sex circiter ulnas comprehendens, fascia hic requiratur, & in latere interno brachii arteriæ majori splenium longum, angustum, sed tamen crassum, imponatur, illudque fascia simul probe involvatur. Si qua autem forte, quemadmodum sæpissime accidit, prope ipsum humerum truncatum brachium est, fereque non nisi binos, ternos, vel quaternos digitos latos longa pars ejusdem reliqua est, tum, vasis sanguiferis filis probe deligatis, necessarium utique est, octo uulnarum fasciam, ternosque digitos latum, sic adplicare, ut iste glomer, qui reflecti alias super truncatam partem solet, circum præcordia, subter ala integra transeat subindeque ad truncatum membrum redeat, illudque probe comprehendat. Namque alias vinctura non satis firmiter hærescit, sed facile ab humero decideret. Ceterum si nimis exigua brachii portio superstes est, commodissimum utique videtur, eandem deligandi rationem adhibuisse, quam ad abscissum humerum in ipso cum scapula articulo jamjam proponere instituimus.

*Vinctura ad brachium superius.*

## XIX. VINCTURA AD HUMERVM IN ARTICVLO EXCISVM.

Nimirum si ipsa humeri commissura perrupta, atque ita brachium a scapula resectum est, tum, diligenter confectis iis, quæ ad fovendam plagam supra commendavimus, (vid. pag. 80. t. 2. §. VIII.) sequentem in modum deligare membrum truncatum oportebit. Fascia decem vel duodecim ulnas parisinas longa, quatuor digitos lata; inque unicum glomerem involuta, subter alam integram adplicantur diligenterque a ministro quodam digitis admotis continetur. Hinc super pectus transversum ad humerum excisum promovetur. Quo equidem superato super dorsum ad axillam sanam reducitur. Tum idem ductus iterum instituitur: eoque absoluto, fascia, subter axillam integram a tergo producta, statim retro super humerum ita reflectitur, ut, dorso humeroque truncato superatis, circum præcordia sub axillam sanam denuo trahatur. Mox, comprehenso humero resecto, super præcordia ad humerum adfectum ipsa sic reducitur, ut lineis in crucem sive litteræ x figuram positis fasciæ ductus invicem trajecti compareant. Quibus ducti-

*Vinctura ad humerum excisum.*



bus aliquoties repetitis , fasciæ pars reliqua ductibus circularibus circa pectus & locum mutilatum ad firmiter comprehendenda ea omnia , quæ vulnere superimposita sunt , impenditur gnaviterque per adhibitæ aciculas aut futuras variis in locis firmatur .

## C A P V I I .

*De vincturis , quæ fieri in pedibus solent .*

*Vinctura ad I.  
femur fra-  
ctum .*

**D**E vincturis , pedi adhiberi solitis , exposituri primo loco de femoris , deinceps autem de reliquarum pedis partium vincturis exponere suscipimus . Atque ad femoris quidem fracti *vincturas* quod attinet , eæ pro vario fracturæ loco , itemque pro variæ ejusdem conditione , utique solent esse variæ . Interdum enim ossis femoris collum ; interdum autem collo inferior quædam ejus pars , vel in superiori , vel media , vel inferiori parte diffringitur . Si qua forte infra collum femur fractum est , vel transversa fractura est , vel obliqua . Casibus singulis singularia adhibenda sunt deligationis artificia atque observationes . Enim vero si qua forte pars infra collum , eaque vel *media vel inferior etiam genuque propinqua fracta est* , diligenter confectis iis , quæ superius ad os hoc fractum restituendum præscripta sunt , ( vid. pag. 143. t. I. ) ternas adhibere fascias oportebit : quarum binis quatuor ; tertiæ vero trium ulnarum longitudo ; singulis autem trium , vel & , pro re nata , quatuor digitorum latitudo tribuenda est . Similiter singulæ unico tantum glomere comprehenduntur . Sed ante tamen , quam fasciæ adplicantur , primo *linamentum simplex* in quatuor capita fissum , ut in Tab. II. fig. 18. idemque vel vino calido , spiritu vini , vel & oxycrato madidum , circum partem fractam sic involvitur , ut capita decussatim sibi invicem superimponantur : tum *splenium* aliquod *crassum & satis longum* , hoc est , femori quoad longitudinem propemodum æquale , ipsiusque ossis nativæ cavitati posteriori explendæ aptum secundum longitudinem femori subjicitur ; ne scilicet sine hoc justo magis directum atque longum per adhibitam vincturam illud efficiatur . His confectis , femur ab administris duobus tam circa superiorem , quam inferiorem partem , gnaviter elevatur ; vinctura autem a chirurgo sequentem in modum proficitur . Fractus & rursus restitutus locus primo *per admotam trium ulnarum fasciam* , tribus ductibus circularibus hisdemque paulo strictioribus institutis , comprehenditur , sicut de brachio supra dictum est . ( vid. cap. VI. §. I. ) Dehinc fascia per ductus spirales paulatim versus inguina promovetur , ibidemque post aliquot ductus circulares firmatur . Tum altera , eademque quatuor ulnas longa , fascia eodem , quo prima loco adplicatur , absolutisque denuo tribus ductibus circularibus , sed prioribus tamen contrariis , inde autem , splenio satis crasso per certos gradus rite complicatum ( a ) , circum inferiorem eandemque tenuiorem femoris partem , ut eandem ipsa cum superiore crassitiem nanciscatur , injecto per ductus spirales descendentes deorsum ad genu ducitur , factisque infra idem ductibus aliquot circularibus firmatur . Ad quod equidem negotium feliciter iustituendum hæc utique necessaria videtur observatio , ut nimirum longe strictiores fasciæ ductus fiant , si obliqua est fractura , quam si plane fuerit transversa . Porro quatuor splenia , spi-

tha-

( a ) Vid. Tab. IX. fig. 1. Galli hoc splenium appellant *compresse graduee* .



thamam longa, circiterque tres digitos lata, laminisque sive ferulis quatuor crassiss & convenientibus, pro osse continendo, tecta singula, secundum longitudinem femori, sicut in brachii fractura dictum est, adaptantur (a). Circum hæc fascia tertia, eaque itidem quatuor ulnas longa, sic injicitur, ut primo, ductibus aliquot circularibus factis, circum fracturam ducatur; deinde per lineam spiralem, circum circa factam, fursum adducatur; denique vero simili ratione deorsum trahatur, donec ferulæ probe ab ea comprehensæ & involutæ sint, diligentissimeque eo loco, quo desinit, firmetur. Tandem universum femur binis adhuc aliis ferulis majoribus, ex charta crassissima paratis, vinoque calido vel oxycrato prius madefactis, quantum quidem fieri potest, exactissime comprehenditur; ipsum autem involucrum hoc tribus vel quatuor funiculis idoneis circuminfectis deligatur: proinde scilicet, ac de brachio supra scripsimus, cap. VI. §. I. (conf. Tab. 38. fig. 17. a a a, b b b.)

Confecto his rationibus vincturæ negotio proximum est, ut de conveniente *femoris positura* chirurgus prospiciat. Commodissimum huic fini videtur capsula sive involucrum aliquod lineum, binisque bacillis cylindricis, stramine obductis, instructum; quod Galli *Fanons*, Germani *Stroalade*, nonnulli *lectulum stramineum* nuncupant. (vid. Tab. IX. fig. 5.) Circa quod tamen ea necessaria cautio videtur, ne baculis A A A A, utrisque eadem in femoris fractura longitudo tribuatur, qualis in tibia vel crure fracto ipsi datur, cui hæc figura 5. accommodata & propria est. Debet enim is, qui ad latus cruris interius applicatur, ejus esse magnitudinis, ut a malleolo interno ad inguen pertingat. Contra vero exterior ita longus, ut coxam sive os ileum paullo superet, vel etiam, sicut nonnulli volunt, ita existat, ut super universum corporis latus illud, quod pedis malleolum externum inter axillam comprehensum est, sese extendat, atque ita quam exactissime femur adfixum contineat distendetque. Si qua enim forte iusto breviores baculi existunt; si præsertim oblique fractum femur est, utique periculum esse solet, ne iusto brevior idem pes evadat claudicandique necessitatem aliquam ægro conciliet (b). Pede his rationibus atque ita diligenter extenso, ut pollex pedis vel eandem cum patella lineam rectam teneat, vel & aliquoties per extrorsum versus positus sit, quidquid spatii infra suras juxta malleolos, sub poplite atque alibi reliquum est, linamentis contortis, vel & stuppa sollertissime adimpletur. Chirurgorum aliqui & *femur & tibiæ nunc spleniis amplissimis contegunt*, quo nempe accuratius involucrum hærescat, neque pes molestiæ quidquam ab injiciendis funiculis sive vinculis sentiat. Contra vero alii frustra id ipsum fieri existimant. Solent autem septeni ut plurimum, pro lectulo hoc sive capsula straminea circum pedem integrum una cum femore deligando, *funiculi*, trium circiter pedum longitudine, adhiberi: terni scilicet in tibia; vid. Tab. 38. fig. 20. a b c, terni in femore, septimus denique isque longissimus in ipso ventre. Quanquam satius utique nonnullis videtur, pro funiculo septimo mantile quoddam pro eo firmando circum ventrem injicere. Similiter *circa horum funiculorum adplicationem* hæc adhuc necessaria esse observatio, ut non tantummodo ante semper lectulo sive capsula ipsi submittantur, quam pes in eodem deponitur; ne scilicet hic cum periculo dimoveri subinde debeat; sed etiam ut medius funiculus ex tribus semper prius, quam bini extremi constringatur; denique ut nodi semper in externo capsulæ hujus stramineæ latere, quia commodius hic accedere possumus, instituantur. Plantæ pedis *solea quadam ex asserculo vel & lamina*

(a) Loco quatuor ferularum angustiorum *duæ ampliores* quoque adhiberi commodiores possunt, sicut PETITVS docet, lib. de morb. ossium.

(b) PETITVS contra vult, ut hæc pars hujus machinæ sive lectuli straminei non supra supremam ossis ilei oram ascendat, hancque longitudinem, si cetera rite fiant, sufficere: qua de re ipse conferri uberius potest lib. de ossib. pag. 163. & 165.



*mina quadam chartacea crassa*, ad pedis similitudinem fabricata, ( vid. Tab.IX. fig. 6. 7. ) subjicitur, connexisque tribus funiculis a a a sic deligatur, ut bini illi, qui utrinque adjuncti sunt, in formam litteræ x, invicem trajecti circa genu vel furas ( vid. Tab. 38. fig. 20. e, f ) ad involucrum per aciculas infixas firmentur, tertius vero idemque superior, g, quo loco aptissimum videtur itidem capsulæ stramineæ funiculis ejus jungantur. Sic enim quam commodissime contineri pes in situ suo naturali poterit, nec prout accidere nonnunquam solet, homo afflictus, curatione absoluta, calcaneo insistendi facultatem naturalem perdet. Neque vero alienum hic fuerit, ne duriter a solea pedis planta prematur, splenio quodam convenienti soleam hanc induere, ( Vid. Tab. IX. fig. 7. ) Similiter calcaneo habena sive *annulus*, e molliori linteo confectus ( vid. fig. 8. litt. a ) calcaneo submittitur funiculisque b b. circa tarsum injectis firmatur; ne, sicut fieri communiter solet, inflammatio quædam a diuturna extremi calcanei in lectum subjectum depressione suboriat. Quandoquidem vero ne sic quidem calcaneum a molestia ac periculo omni tutum præstatur, dum inferior tendinis Achillis pars plerumque tandem ab annulo isto premitur, commodius subinde videtur, *fasciam aliquam prælongam atque amplam*, binis glomeribus ita comprehensam, ut circiter pollicem ampla inter utrumque glomerem, diligenter utrinque firmatum vel consutum, habena evoluta sit, ( vid. fig. 21. Tab. 38. ) ita calcaneo substernere, ut, malleolis super glomeres utrinque positos a a, sustentatis, calcaneum una cum Achillis tendine sartum atque integrum persistat, *sicuti supra jam cap. de femore fracto dictum est*. Denique ubi hic quoque situs tandem molestus esse incipit, ut haud raro contigit, haud alienum fuerit, identidem linteum aliquod mollissimum, leviterque convolutum calcaneo submittere. Quibus singulis quam diligentissime ita confectis, reliquum est, *ut & femori & pedi pulvillus mollissimus substernatur*; sed ita tamen, ut depressior femoris, quam pedis situs sit. Quidam ex chirurgis *asserendum æqualem ubique & levigatum* præterea subter pulvillos deponunt, quo pes universus a calcaneo ad coxas usque in situ suo naturali atque recto servetur. Denique *ut in neutrum latus recedere aut declinare pes valeat*, necessarium utique videtur, funiculis vinculo tibiæ medio utrinque injectis, atque clavorum, in utroque lecti sive cubilis latere defixorum, subsidio firmatis, quam exactissime pedem continere, insimul vero pannos lineos maximos & convolutos, qualibus in lectis uti vulgo solemus, ad utrumque pedis latus deponere. Quod ipsum equidem ut in femoris vel & tibiæ fracturis omnibus rite observatur, ipsa noxæ conditio postulat. Tandem quædam quasi *fornix vel ex aliquot annulis ligneis dimidiis*, qualibus ad dolia continenda utimur, prout SCVLTVS Tab. LVI. designavit ( a ), vel & ex *tympani, modiive lignei lamina curva dimidia* super pede fracto construitur, pro sustinendo lecti tegumento superimposito; ne graviter id partem ægram comprimat. Ceteras, quæ ad commodam ægri hominis posituram pertinent, observationes supra jam tum explicatas dedimus, cap. de femore fracto, pag. 151. t. I. & seqq.

*Vindura ad  
femur obli-  
que fractum.*

II. Si oblique diffractum femur est, tum & magis adstrictam deligationem adhibere, & sollicitiorem continendo femori operam impendere chirurgus debet. Igitur vel ea, quæ supra jam tum hunc in finem præcepimus, ( vid. pag. 154. t. I. §. VIII. ) vel & sequentia fieri oportebit. Inter femora pannus lineus amplissimus sic injicitur, ut altera super inguen, altera subter clunem lateris integri sursum versus procedat, utraque autem firmiter clavis, in cubili defixis, inhærescat; & altera quidem in dextro latere, altera in sinistro: ne facile descendere paulatim corpus ægrum valeat. Similiter supra genu vinculum aliquod validum injicitur, clavoque in ima cubilis parte defixo firmatur; ne scilicet sursum



sum versus adduci pes vitiatus queat. Ne qua autem forte molestia ab adhibitis vinculis proveniat, consultum utique videtur, subinde locum ipsorum commutare. Atque ad vinculum quidem superius quod adtinet, habenam, quæ in dextro latere aliquamdiu hæsit, sinistro lateri applicasse convenit; & contra. Vinculum autem, supra genu factum, penitus resolvi, ejusdemque loco aliud supra malleolos institui oportebit. Utrumque denuo variari, si necessarium videtur, decebit; donec scilicet satis jam confirmatum esse femur fractum deprehenditur. Postremo haud abs re chirurgus fecerit, si truncum ligneum minutum, linteoque splenio involutum, in imo cubili subter pede sano firmaverit, quo nixus æger, gnaviter extenso pede isto sano, non firmiter modo sustinere, sed sursum quoque si forte paululum descendere, reducere corpus suum valeat. Quanquam hæc regula non ad obliquas tantum, sed ad transversas quoque femoris fracturas feliciter sanandas insigniter proficit.

Sicubi decenter facta esse vinctura intelligitur; si item nihil mali supervenit, quod aliter facere chirurgum cogit, ante octavum vel & decimum quartum diem neutiquam resolvi ea debebit. Si qua autem forte justo vel adstrictior, vel laxior eadem deprehendatur, si item casus aliquis improvisus vincturæ ad resolutionem aliquam postulaverit; necessarium utique, est, fasciis superinjectis, sed quam providissime tamen, resolutis, vincturam decenter innovare. Similiter vincturam alteram itemque tertiam ante decimum quartum diem resolvere minus consultum est. Atque tertiam relinquere in femore ad plenam usque glutinationem decebit: siquidem ante sextam a fractura septimanam raro coalescere amplissimi ossis hujus fragmenta consueverunt. Quin, &, ubi vel ætate grandior, vel & mali habitus æger est, post octavam. nonam vel decimam demum septimanam glutinatio perficitur. Quantumvis autem feliciter absoluta esse glutinatio persentiscitur, quam maxime tamen necessaria cautio est, ne proximo post confectam curationem tempore absque scipionibus, imo fulcimentis subalaribus æger ingrediatur; siquidem alias periculum, est ne recens glutinatum os denuo confringatur.

*Vinctura  
quomodo in-  
novari de-  
beat.*

### III. VINCTURA AD COLLUM FEMORIS FRACVUM.

Quoties ipsum femoris collum fractum est, eam vincturæ speciem adhibuisse decebit, quam sub *spicæ inguinalis simplicis* titulo supra descripsimus; (vid. cap. V. §. 8. & Tab. 38. fig. 16.) sed ea tamen lege, ut fascia quatuor vel quinque ulnarum longitudinem, trium autem vel quatuor digitorum latitudinem habeat; deinde ut partem fractam, quantum fieri potest, firmissime comprehendat fortissimeque deorsum versus contineat, quia alias musculi hic robustissimi hoc os facillime sursum trahunt, atque sic glutinationem cum capite femoris impediunt; quo ipso pes brevior & claudus fit. Denique aliquot ductibus circularibus circum femur institutis, fibula vel futura firmetur, pesque prædicto modo in lectulum stramineum supra descriptum immittatur. Inprimis autem admonendus æger est, ut strenue semper conquiescat. Reliqua eodem fieri mododebent, quem supra pag. 153. t. 1. & mox supra §. II. & III. commendavimus.

*Vinctura ad  
collum femo-  
ris fractum.*

### IV. AD FEMUR LUXATVM LIGATVRA.

Femoris equidem luxationem contra, quam vulgo creditum huc usque est, raro admodum est ab externa violentia; nonnunquam autem & frequentius ab interno vitio quodam, humore scilicet abundante ac vitioso circa femoris &

*Vinctura ad  
femur luxa-  
tum.*



coxæ juncturam collecto, nasci, supra jam tum indicavimus. ( vid. pag. 279. t. I. cap. de femore luxato. ) Quandoquidem autem ut plurimum difficulter admodum dispelli humor iste noxius, qui & femoris caput ex acetabulo sive naturali sede sua, sensim expulit, & insigniter ligamenta debilitavit, solet; mirum non est, homines, eo vitio laborantes, raro admodum sine claudicatione convalescere. Interim ut ne dubium curationis negotium prorsus intentatum relinquamus, nihil abs re fecerimus, *ubi restituto, quantum quidem fieri potuit, osse, sequentem homini adflicto curationem adhibuerimus.* Ante omnia femoris juncturam vitiata splenium aliquod, vino calido vel & oxycrato diligenter humectatum involvat. Tum ea femoris deligatio fiat, quæ supra sub *spica inguinalis* nomine proposita est. ( cap. V. §. 8. & Tab. 38. fig. 16. ) Denique æger strenue per mensem integrum conquiescere in lectulo suo jubetur: donec nimirum satis firmiter rursus in acetabulo hærescere femoris caput deprehenditur. Si forte ab indecenter atque minus naturaliter laxatis ligamentis natum vitium est, oportebit aliquoties per dies singulos fomentis, ex spiritu vini valentissimo, spiritu matricali, rosmarini, lavendulæ aliove simili spiritu roborante paratis, ægram partem excipere, vel identidem infessibus sive balneis ac vaporibus confortantibus fovere, vel & continuo emplastris roborantibus idoneis eandem contegere.

#### V. VINCTURA AD PATELLÆ FRACTURAM DIRECTAM.

*Vinctura ad  
patellæ fra-  
cturam dire-  
ctam.*

*Patellas* nunc directas, nunc transversas frangi, supra jam declaravimus ( vid. pag. 151. t. 3. *Si directa vel ad lineam facta est*, deligationis modus aptissimus hic videtur. Fragmentis per admotas manus gnaviger compulsi, splenioque satis crasso, ne graviter a fasciis tendines adficiantur, sub poplite applicato, *fascia* quædam *uniens*, ( vid. Tab. II. fig. f. ) tres ulnas longa, binos autem vel ternos digitos lata, mediaque parte circiter ad tres digitos, secundum longitudinem, perforata, & binis glomeribus comprehensa, simili fere modo applicatur, ac de frontis vulneribus oblongis supra diximus. ( cap. II. §. V. & Tab. 27. fig. 3. ) Scilicet fasciæ pars media eademque perforata super patella deponitur. Deinde glomus alteruter, circum poplitem ductus, per foramen illud trajicitur, eoque facto glomus uterque gnaviger utraque manu adducitur, riteque comprehensis patellæ fragmentis circum genu atque poplitem injicitur. Hinc modo infra, modo supra genu fasciæ pars utraque promovetur, tandemque factis, quot fieri per ejusdem longitudinem possunt, ejusmodi ductibus, diligentissime firmatur. Interim quam curiosissime semper num satis etiam patellæ fragmenta invicem juncta sint, circumspicitur atque per admotos digitos exploratur, Quibus rite jam confectis singulis super patellam splenium, sub poplite vero ferula chartacea valida, sed ante tamen vino calido gnaviger humefacta, per injectam binarum ternarumve ulnarum fasciam ductibus spiralibus deligantur; ut nimirum & directum semper extensumque donec glutinata est, genu sit, & æqualem callum acquirat. Denique lectulus stramineus, qualis Tab. IX. fig. 5. exhibetur, debita ratione, sicut Tab. 38. fig. 20. tribus vel quatuor funiculis circum crus deligatur.

#### VI. VINCTURA AD PATELLÆ FRACTURAM

*Vinctura ad  
fracturam  
patellæ  
transver-  
sam.*

Ubi vero, quemadmodum accidere frequentius solet, *transversim contracta patella est*; tum, extenso prius pede, diligenter cum a superiori, tum ab inferiori parte rursus compulsi atque restituti ejusdem fragmentis emplastrisque probe



1. Modus.

probe munitis , ( vid. supra pag. 151. to. 1. §. IV. ) per adhibitam fasciam , tres ulnas longam totidemque digitos latam , duplicis generis vinclura in genu institui poterit . Vel enim 1. *glomerare duplici* fascia comprehenditur : atque tum ipsa , proxime supra genu deposita , vid. Tab. 38. fig. 22. a , primo circum femur ductu circulari d , mox sub poplite transversim , mutatis ibi duobus fasciæ capitibus , sic ducitur , ut glomeres utrinque ad antiquiorem tibiæ partem c c , sub patella & genu e rursus perveniant . Namque tum proxime infra patellam habenæ , invicem permutatæ , circum tibiæ ad poplitem retrahuntur , atque hoc ipso inferiorem patellæ partem ad superiorem egregie compellunt . Inibi denuo sic trajiciuntur , ut , proximo supra genu loco , d , super imo femore , iterum permutatæ , ad poplitem redeant , eoque ipso superiorem patellæ partem ad inferiorem adigant . Ipsi ductus illi , tam a superiori , quam inferiori patellæ parte instituit , ad usque fasciæ finem quam diligentissime iterantur ; sed maxima tamen simul adhibita cura , ut patellæ fragmenta exacte sic iterum & compellantur & retineantur .

2. Modus.

Vel 2. in *unicum glomerem fascia convolvitur* , fereque sequentem in modum adplicatur . Principium ejus , compulsis prius fragmentis , proxime supra genu , sive patella , a , a , adplicatur , factisque circum femur , b , ductibus aliquot circularibus , d , pro principio fasciæ probe firmando , oblique sub posita fascia ad supremam cruris sive tibiæ partem transmittitur . Ducta circulari circum supremam patellæque proximam tibiæ partem instituto , e , fascia denuo sub poplite oblique ad femoris partem patellæ propinquam , d , promovetur . Id ipsum deligandi negotium , qua diximus ratione , tamdiu hac fascia continuatur , quamdiu illud fieri per ejus longitudinem potest . Interim curiosissime semper hic provideatur , ut patellæ fragmenta , in sedem naturalem decenter restituta , quam exactissime hac vincendi ratione comprehendantur firmenturque . Fascia hunc in modum adplicata , proximum est , ut *polite ferula chartacea crassa* , super ipsum autem genu splenium aliquod spiritu vini calido , vel & oxycrato madidum , per adhibitam fasciam aliam , ductibus spiralibus institutis , sic deligantur , ut nullo modo flecti genu , id quod perniciosissimum esset , valeat . Chirurgorum aliquos *ad patellam firmiter compellendam atque continendam proprium instrumentum aliquod adhibere* , ex supra positis , ( vid. pag. 194. ) est manifestum , id quod etiam sæpe non est sine successu . Denique ut quam exactissime semper genu cum patella contineatur ; haud alienum fuerit *lectulum stramineum* , modo commendatum , vid. Tab. 38. fig. 20. sollertissime circum pedem deligare . At enimvero quandoquidem per novem , vel & decem septimanas , extensum deligatumque contineri neque ante absolutam glutinationem flecti genu oportet , abesse vix potest , quin *quam facillime rigor aliquis* , ( *anebylosin* vulgo vocant ) juncturam ejus infestet atque ita hominem claudum efficiat . Quod ipsum equidem ubi forte accidit , opera danda est , ut , medicamentis emollientibus , fomentibus , ac unguentis balenis convenientibus frequenter adhibitis , ut supra jam docuimus , pristina flectendi facultas , quantum quidem fieri potest , genu sive juncturæ femoris ac tibiæ restituatur . Ceterum neque id silentio hic præmittendum est , *homines* , quibus *semel fracta est patella* , usque adeo insigniter , quoad istam quidem corporis partem , ob debilitatem inde relictam , periclitari , ut vel levissimo etiam casu non modo patellam denuo frangat , sed certissimam quoque fere postea claudicationem inducat .



## VII. VINCTURA TERTIA PRO PATELLA FRACTA.

*Tertius mo-  
dus.*

Quoniam vero tam difficulter patella fracta denuo firmiter satis coalescit, Medici inde commoti sunt, ut adhuc alios modos excogitaverint, quibus eam fortius glutinari posse crediderunt. Adeoque nonnulli sumunt frustum lintei triplicati, duos fere pedes longi, & octo pollices lati. Hoc in altero extremo A, vid. Tab. 38. fig. 23, ) manet integrum, in altero autem B B ex medio C D frustum excindunt latitudine duorum pollicum, ita ut hoc duobus capitibus B B, deinde instructum sit, pars vero suprema excisa luxata sit, C, ut patellam accuratius comprehendere valeat. Linteum hoc ita injicitur, ut integra pars anteriori femoris parti fig. 22. d b, sic imponatur, ut pars suprema, excisa & lunata C, patellam comprehendat. Deinde fascia, qualis in præcedentibus modis adhibita est, uno capite convoluta, ter mox supra patella fig. 22. d, circa femur, & hoc linteum firmiter circumducitur, super hos ductus circulares deinde lintei hujus pars integra reflectitur, atque fascia illa iterum ter circumducta in loco d, probe involvitur ac firmatur. Postea ambo capita illius lintei fig. 23. B B a ministro diligenter deorsum trahenda, ut sic una pars patellæ sursum mota ad inferiorem rite adtrahatur, tum fascia sub poplite infra genu trahenda, ibique ter quoque circularibus ductibus mox infra patellam e, fig. 22. circumducenda; hoc facto, duo capita super hos circulares ductus quoque sursum reflectuntur, ac deinde novis ejusmodi ductibus circularibus firmantur. Quod reliquum est in fascia in ductus circulares supra & infra patellam impenditur, & finis tandem aciculis aut futura figitur. Reliqua ad tranquillum situm pertinentia eadem sunt, quæ modo commendavimus. Poterit etiam hæc vinctura æque commode fieri fascia in duo capita convoluta, iisdemque iidem ductus perfici.

## VIII. VINCTURA AD GENV LVXATVM.

*Vinctura ad  
genu luxa-  
tum.*

Qualis ad *patellæ* atque *genu luxationem*, adhiberi vinctura debeat, seorsim explicare neutiquam opus est. Siquidem hic eadem plane optime adhibetur, quam ad patellam transversim fractam modo proposuimus (§. 6.) Debet autem in ejusmodi casu octiduum circiter æger conquiescere; donec scilicet satis rursus confirmata esse ligamenta sentiuntur, ut ambulare æger valeat.

## IX. VINCTURA AD TIBIAM FRACTAM.

*Vinctura ad  
tibiæ fra-  
ctam.*

Ad *tibiæ fractam*, debitisque modis restitutam, rite vinciendam binæ opus sunt fasciæ, altera quinque, altera tres ulnas, longæ, digitosque tres latæ; porro quatuor splenia, duas palmas longa, quatuor item ferulæ; denique cetera ea, quæ ad femur fractum supra hoc capite proposuimus. (§. 1.) Vincturæ modus hic est. Primo linamentum simplex utrinque fissum (vid. Tab. II. fig. 18.) atque oxycrato vel vini spiritu madidum circum partem fractam decenter involvitur, ita ut capita decussatim circumponantur. Eo facto, fascia prima, tribus ductibus circularibus institutis, circum partem fractam linamentumque, ut præcepimus, involutam, injicitur. Tum ductus quidam spirales sensim ascendentes circum tibiæ fiunt, donec fascia supra genu, sed hoc tamen fascia neutiquam tecto, promota sit. Inde similiter fascia deorsum reducitur, factisque denuo circum partem ægram tribus circuitibus,



tibus, ad calcaneum usque ductibus spirali-  
bus descendentes promovetur; qui  
vero subinde ob inæqualem tibiæ crassitudinem reflectendi, ut fascia firmitus  
& elegantius tibiæ inhæreat. Denique ipsa, pede velut a stapede suscepto,  
per similes ductus spirales sursum retrahitur, debitaque ratione, ubi desint,  
firmatur. Alii binas in vincturam modo descriptam fascias; alteram binis,  
alteram ternis ulnis, æquales impendunt. Sed quidquid tandem harum rerum  
sit, sive hoc sive priori modo fascia injiciatur, vinctura prima absoluta, *qua-*  
*tuor splenia cum totidem ferulis*, tibiæ adplicantur fasciæque alterius beneficio  
iis modis deligantur, quos ad brachii femorisque fracturas supra descripsimus.  
Sed complicari tamen hic splenia quoad partes imas debent, ut propter tibiæ  
ob furas inæqualitatem, æqualem ubivis tibia crassitiem præ se ferat. (vid.  
Tab. IX. fig. 13.) Tandem in binas ferulas chartaceas, oxycrato vel vino  
calido humefactas, tribusque vel quatuor funiculis circum deligatas; nec non  
in lectulum stramineum, qualis Tab. IX. fig. 5. exhibetur, (*Fanons*) tibia  
immittitur, (vid. Tab. 38. fig. 20.) qui ita comparatus hic sit, ut non  
multum infra malleolos, neque in femore ultra palmæ amplitudinem, supra  
genu sese extendat; qui tribus quoque vel quatuor funiculis a b c d, firmatur,  
cava ejus sive vacua spatia mollibus linamentis vel stuppa implentur, ac deni-  
que solea cum circulo suo Tab. IX. fig. 6, 7, 8, plane pedis admovetur, sicut  
Tab. 38. fig. 20. C id exhibetur.

## X. VINCTURA PRO TARSO ET METATARSO FRACTO.

*Tarso vel metatarso fracto*, restitutis in naturalem sedem fragmentis, du-  
plici ratione deligatio fieri potest, fascia scilicet vel duplici vel simplici capite *Vinctura ad*  
instructa. Si fascia eligitur duplici capite, sequentem adhibere convenit deli- *tarsum &*  
gationem. 1. Fascia tres ulnas longa, binos autem vel ternos digitos lata, *metatarsum*  
inque duo capita convoluta, in manus sumitur, parteque adflicta linamento *fractum.*  
simplici, utrinque fisso (vid. Tab. II. fig. 18.) atque oxycrato madente,  
ut sæpius jam monuimus, gnaviter involuta, super malleolis deponitur, (vid.  
Tab. 38. fig. 24. A.) factoque ductu ibidem circulari, super pedis juncturam  
in forma litteræ X postea deorsum versus progrediendo circum tarsum atque  
metatarsum B sic ducitur, ut infra soleam capita fasciæ rursus commutentur,  
super tarso autem subinde invicem trajiciantur propeque ad instar litt. X. fi-  
gurentur: usque dum scilicet probe tectus esse atque comprehensus pes univer-  
sus deprehenditur. Namque tum super malleolos fascia retrahitur diligentissi-  
meque post unum alterumve circuitum firmatur.

2. Sicubi autem, prout fieri quandoque solet, in unicum modo caput fascia *2. Cum fa-*  
convoluta est, sequentia facere ad deligandum pedem fractum conveniet. Fa- *scia simplici*  
ctis supra malleolos aliquot circuitibus pro capite fasciæ probe firmando fascia *capite.*  
oblique deorsum a malleolis super tarsum ad plantam trahitur. Dehinc, plan-  
ta superata, sursum rursus adducitur, formataque super tarsum cruce (X,) *capite.*  
transversim ad malleolos retrahitur. Quibus rite comprehensis oblique denuo  
circum tarsum & plantam ipsa sic injicitur, ut vingulum injectum numeri  
octonarii characterem 8. referat. Tandem pars adflicta, ductibus aliquot spi-  
ralibus instituti, fig. 24. B. exacte comprehenditur, & totus fere involvitur;  
fascia autem semel atque iterum supra malleolos circa infimam tibiæ partem  
ducta ubi incepit, tandem quoque firmatur. Denique si paulo gravior hæc fra-  
ctura est, lectulum stramineum circum pedem una cum sua solea deligare oport-  
tebit, sicut in fig. 20. ut commodius requiescat. Similis deligandi ratio adhi-  
beri commode poterit, si digiti pedis fracti sunt; dummodo ipsi ductibus plu-  
ribus



ribus spiralibus , qui ipsos simul digitos comprehendunt , quam exactissime simul comprehendantur : atque hæc fascia *Sandalina* a veteribus dicta est , sive *Sandalium* , calceamenti genus , apud veteres .

## XI. VINCTURA PRO PEDE LVXATO.

*Vinctura ad pedem luxatum.*

Si quam forte luxationem tarsus vel imus pes sensit ; tum rite confectis iis , quæ ad restituenda pedis ossa violenter dimota superius præscripsimus ; iisdem deligandi artificiis opus est , quæ , pro vinciendo tarso diffracto , jam-jam explicavimus . Debet autem strenue per aliquot dies continuos super lectulo æger conquiescere , & spiritu roborante partem fovere , usquedum pristinum vigorem suum ligamenta recepisse æger sentiat , atque dolores maximam partem recenterint .

## XII. PRO VENÆ SECTIONE IN PEDE.

*Vinctura ad venæ sectionem in pede.*

Sed ne qua tamen forsan ignoretur , qualis institui , post incisam in pede venam , deligatio debeat , sequens necessaria observatio est . Unius & dimidiæ ulnæ binorumque digitorum latorum fascia , in unum caput convoluta , externo pedi sic adhibetur , ut ad spithamæ quasi longitudinem , sicut supra , ubi de brachii vena deliganda præcepi , principium ejus propendeat . Mox eadem , super splenium injecta , per adhibitum sinistræ manus pollicem continetur ; pars autem proxima , superato oblique tarso , susceptaque in modum quasi stapedis planta , duos vel tres circa locum vulneratum ductus instituit circulares ad splenium rite comprehendendum , & postea oblique denuo super tarsum ad malleolos adducitur . His ita comprehensis oblique rursus deorsum super splenium atque tarsum transversum sic trahitur , ut denuo & plantam excipiat , & , splenio oblique comprehenso , sursum ad malleolos redeat . Quibus ductibus prope ad fasciæ partem extremam usque repetitis , nodus aliquis , ad firmandam fasciam , in externo tibiæ latere conficitur . ( conf. Tab. III. fig. 1. E. ) Ab aliquibus in hoc negotio ejusmodi fasciæ principium aliquoties circum malleolos ducitur ; deinde vero oblique super tarsum ad pedis plantam promovetur , atque inde rursus super tarsum , circa quem plures fiunt ductus circulares sive spirales , quibus splenia plagæ venæ imposita probe involvuntur , eadem fere ratione , ut in fig. 24. Tab. 38. indicatur litt. A B. Denique fasciæ pars extima per defixam aciculam , vel quod hic præstat , acu & filo per suturam firmatur . Quanquam autem ab aliis alia adhuc deligationis venarum pedis artificia frequentantur ; tamen quoniam in eis singulis hoc fit , ut pes velut ab habena quadam , subter plantam posita , quasi a stapede contineatur sive excipiat , facile adparet ratio , quare chirurgis vinctura , post incisam venam pedi adplicata , *stapes* communiter adpelletur .

## XIII. VINCTURA AD CRVS AVT FEMVR RESECTVM.

*Vinctura ad pedem rescissum.*

In explicandis vincturis , quas , femore , tibiaque rescissis , adhibere pedibus convenit , brevioribus esse nobis licebit : propterea quod , sanguine decenter , ut supra , ubi de amputationibus artuum actum est , part. II. cap. 35. & 36. docui , suppresso , plane eadem hic facienda sunt , quæ de vinctura capitali reflexa , brachio rescisso ( vid. Tab. 38. fig. 19. ) adhiberi solita , superius prolixè satis explicavimus ( cap. VI. §. 20. seqq. ) Nisi quod pedes paulo & longiores & latiores , quam brachia fascias exigant .



C A P. VIII.

*De vincluris fracti cruris aut femoris cum vulnere.*

I. **P**RÆMISSIS iis, quæ in ejusmodi casibus, cum ad ossa reponenda, tum <sup>Vinclura ad tibiæ fractam cum externo vulnere.</sup> etiam ad vulnus a sordibus purgandum illudque linamentis carptis implendum & contegendum necessaria & supra exposita sunt, proxima deligationis cura est. Ad quam quidem feliciter atque salutariter instituendam, plane singularem eandemque propriam fasciam quandam octodecim capitibus, aut foliis, ad libri similitudinem instructam, ideoque ad instar libri alicujus explicabilem (vid. Tab. IX. fig. 4. B B) chirurgi sollertiores; excogitarunt, quam Germani propterea *Buch-band*, hoc est fasciam *libriformem* aut *librariam* appellant (a). Quæ cum resolvi rursusque applicari ac constringi, nihil fere dimoto vel agitato pede, valet, dici non potest, quam insigniter ad promovendam ossis fracti glutinationem proficiat, & quantum longis illis fasciis, quæ in aliis, simplicibus scilicet fracturis adhibentur, hic præferenda sit. Fasciæ igitur communes illæ, longæ & angustæ, quum frequentissimam pedis elevationem atque agitationem, quando fracta crura aut femora deligare volumus, postulant, prorsus alienæ hic sunt, imo vero perniciosæ. Ut ne quis autem ignoret, *qualiter adhibere fasciam hanc libriformem seu volumen chirurgicum deceat*, haud abs re fuerit, singula deligationis hujus negotia sigillatim exponere.

II. Scilicet ubi forte *fracta tibia est*, & cum externo quidem cutis vulnere, <sup>Fasciæ quomodo sint ponendæ.</sup> qualis noxa Tab. IX. fig. 4. A ostenditur, tum, osse decenter reposito, vulnere purgato, supraque datis linamentis carptis cum medicamentis convenientibus, primo *lectulus stramineus*, qui Gallis *fanons* dicitur, vid. fig. 5. A A, B B, ) cum subjectis tribus quatuorve funiculis planis tres circiter pedes longis, subter illo transversim deponitur. Super hoc denuo tres ejusmodi funiculi transversi, ejusdem fere longitudinis, super hos ipsa fascia libriformi octodecim suis capitibus explicatur, sicut fig. 4. B B, itemque Tab. 38. fig. 25. C C, D D, E E indicant, splenioque, palmæ circiter latitudinem habente, quoad longitudinem autem ipsi fasciæ huic æquali, secundum situm cruris contegitur, atque deinde cruri sive tibiæ submittitur, ne tam faciles innovare ipsam octodecim capitum fasciam propter acceptas a sanguine atque sanie fordes, oporteat.

III. Eo facto, dum pes fractus (vid. Tab. 38. fig. 25. A B) in convenienti situ a ministris sustinetur, bina media fasciæ primi ordinis, (vid. Tab. IX. fig. 4.) <sup>Fascia libriformis quomodo applicetur.</sup> capita, sed vini tamen spiritu calido, vel oxycrato, ut firmiter inhærescant, prius madefacta, circum tibiæ fractam & linamenta vulnere imposita decussatim adplicantur. Mox bina infima; denique bina suprema primi ordinis capita similiter injiciuntur; magna cura adhibita, ut non tam exactum circulum aliquem in applicatione efficiant, sed oblique potius & decussatim, ut ex Tab. 38. fig. 25. CCC,

(a) Veteres in fracturis cum vulgaribus fasciis, quæ in fracturis sine vulnere adhibentur, usos esse, patet ex CELSI lib. 8. cap. 10. n. 7.



CCC, DDD, intelligi potest, pro majori vincturæ firmitate, sibi invicem superincumbunt. Porro sequentis ordinis folia sive capita sex eadem prorsus ratione, quam modo præscripsimus, ab intermediis semper ad extima facto progressu, circum tibiam adducuntur, prout eadem figura 25. indicat.

*Splenia  
quomodo po-  
nantur.*

IV. Duodecim fasciæ capitibus ita jam comprehensis, *bina splenia*, pedis longitudinem, binorum autem vel ternorum digitorum, pro ægrorum diverso habitu, ac statura, latitudinem habentia, & quoad partem imam, perinde, ac supra diximus, (cap. VII. §. 10.) complicata; (vid. Tab. IX. fig. 13.) sed tamen spiritu vini calido prius humefacto, utrinque ad tibiam secundum longitudinem, alterum ad locum CCC, fig. 25. Tab. 38. alterum ad latus oppositum adplicantur, atque superinjectis sex fasciæ ordinis ultimi capitibus amplissimis EE, FF, GG, decenter comprehenduntur. Spleniis postea duobus *ab utraque parte ferulæ e charta* satis crassa & lata, spirituque vini calido vel oxycrato prius madefactæ, superinjecitur, adhibitisque tribus illis funiculis, eum in finem subter antea depositis ita in latere cruris externo deligantur, ut quam exactissime tibiam universam comprehendant.

*Pedis post  
vincturam  
positura.*

V. Vinctura hunc in modum confecta, sequitur, ut de convenienti, atque ad perpetuam quietem commoda pedis positura, sicut in simplici fractura, prospiciatur. Veteres equidem hunc in finem pulvinaria sive *pulvillos*, circum pedem deligandos, hic proponunt, ceu manifestum est ex iis, quæ SOLINGIVS PVRMANVS atque alii hanc in rem scripserunt ac delinearunt. At enimvero quia non satis firmiter pedem continere pulvilli possunt; satius utique videtur, involucrum sæpius laudatum, capsulam sive *lectulum* scilicet *stramineum*, ea ratione adplicare, quam ad tibiam fractam supra descripsimus. (cap. VII. §. XI.) Cetera, quæ ad situm tranquillum pertinent, & quæ plantæ pedis atque calcaneo submittenda, similiter facienda sunt, ac universe supra proposuimus, (cap. VII. §. 2.) ubi de fracto femore deligando precepimus, atque Tab. 38. fig. 20. delineavimus.


*Vincturæ in-  
novatio.*

VI. Circa *vincturæ innovationem* sequentia observasse juvabit. Primo vincturam vel quotidie vel & subinde post alterum diem, prout ex puris copia commodum aut necessarium chirurgo visum fuerit, innovari. Deinde, pedem extremum sollertissime ab administro quodam contineri debere, dum vincturæ innovatio perficitur, ne vacillet aut e situ naturali divergat. Porro, medicamenta cum rebus ceteris ad deligationem necessariis, post vulneris expurgationem, iisdem plane modis rursus adhiberi oportere, ac paulo ante indicavimus. (§. 3. *seqq.*) Denique idem negotium quam sollertissime iterari, usquedum penitus vulnus glutinatum esse deprehenditur. Tandem autem, si qua forte, post confectam vulneris externi glutinationem, nondum satis confirmatum esse tibie os, quod fractum fuit, videtur, longe optimum fuerit, aliquandiu adhuc per adhibitam fasciam aliquam communem eamque satis longam, tibiam, ut in fractura sine vulnere deligare. Postremo *si qua forte splenium, fasciæ libriformi superinjectum, a sanguine vel sanie conspurcatum est*, eodem leniter protracto, dum pes a ministris blande elevatur, novum subjiciendum est. *Ubi fasciæ hæc ipsa vitium aliquod ab istis sordibus traxit*, tum ipsa similiter commutari cum alia debet; sed ista tamen cum moderatione, ut ministri duo pedem, quam providissime fieri potest, susceptum, contineat, fasciæ vero recens ab alterutro latere juxta fasciam maculatam suturis prius, antequam pes elevatur, nexa sic accumbat, ut, dum leniter hæc subducitur, ista simul cum eadem ac novo splenio subter tibiam attrahatur. Ceterum quod *Canales isti lignei excavati*, quos firmiter deponendis cruribus antiquiores medici, teste SCVLTETO (Tab. LVI.) adhibuerunt, paulatim in desuetudinem abierint, duplex potissimum ratio videtur. Namque partim mirifice utplu-









Fran. Sesone Sculp.

Fig. 22.



ut plurimum molesti iidem ægris existunt ; partim etiam non æque prompte fabricari, & haberi ubique, præsertim etiam in castris, ubi hæ admodum frequentes sunt, possunt, quam machinæ illæ stramineæ, licet alias non prorsus sint contemnendæ.

VII. Quandoquidem autem in *tibiis fractis & graviter simul contritis*, propter difficillimam tardissimamque partium laceratarum glutinationem, diuturna ut plurimum exactissimaque pedis quies summe necessaria est, operæ pretium fecisse chirurgi videntur, dum eum in finem, ut adhuc in majori quiete, quam in lectulo stramineo pedem contineant, peculiarem machinam aliquam, ex tribus laminis orichalceis oblongis, per adhibitas commissuras mutuas & cardines confecerunt, (vid. Tab. IX. fig. 9.) eandemque una cum solea, fig. 6. 7. & 8. superius descripta sollerter pedi adplicandam commendarunt. Interea tamen lectulus stramineus ob rationes modo dictas plerumque præfertur. Sed aliam tamen, eandemque peregregiam machinam, non solum hunc in usum, sed etiam in universum pro quacunque tibiæ fractura PETITVS excogitavit, quam non solum in ejusdem de *offium morbis libro*, sed etiam in *historia acad. reg. scient. Paris. an 1718.* sollerter descriptam invenimus, nosque inde in Tab. IX. nostra, fig. 11. & 12. quoque repræsentavimus atque in cap. X. lib. de fracturis §. 2. satis ample descripsimus, in qua crus fractum perquam commode deligari & quiescere potest (a).

*Pro tibia  
graviter  
contrita pe-  
culiaries ma-  
chine.*

VIII. Postremo si femoris fractura cum externo vulnere conjuncta est; tum vinctura quidem eodem prorsus, quem ad tibiā commendavimus, modo perficitur; sed ea tamen simul necessaria est observatio, ut & longe ampliorem fasciam *libriformem* sive octodecim capitibus, quam pro tibia, & longiorem lectulum seu capsulam stramineam, prout supra cap. VII. §. 2. exposuimus, adhibere hic oporteat (b). Ceterum tametsi ad fracturas brachii aut cubiti cum externo vulnere, quas complicatas vulgo fracturas appellant, utiliter adhiberi fascia libriformis quoque possit, tamen nihil obstat, quo minus in humero fracto fasciis communibus, ut in simplici fractura, deligatio institui queat; cum hoc os pendulum sit, atque fasciæ longæ, vulgares, satis commode & applicentur & resolventur; cum e contrario fascia octodecim capitibus tam commode adhiberi sæpe nequeat. Atque sic etiam fasciarum præcipuarum & maxime necessariarum doctrinam, totamque nostram chirurgiam, Deo benedicente, his ipsis ad finem perduximus, certe persuasi, quod ii, qui has fascias conficere norunt, etiam alias, quæ forte aliquando occurrere poterunt, haud adeo difficulter perficient.

*Quid in fra-  
cturis com-  
plicatis reli-  
quis fiat.*

## *Explicatio Tabulæ trigesimæ octavæ.*

Fig. 1. Ostenditur, quomodo *mamma cancrosa resecta* sit deliganda, ubi A B C D, primarios fasciæ ductus indicant, E E vero splenia mammæ superimposita.

Fig. 2. Demonstrantur, quomodo *fascia Heliodori* mammæ vitiatæ sit injicienda: a a est cingulum sive fascia sub mammis corpori circumposita; b b fasciæ capita sive frondes, quæ super humeros reflectuntur; c pars fasciæ mammam contegens: d collum, quod frondes comprehendunt.

Fig. 3. Quomodo *mamma vitiata per fundam quatuor capitibus* commode deligari queat, exhibetur; a est pars ejus integra, mammam obtegens, b b capita duo supe-

(a) Memorabile fracturæ tibiæ cum vulnere exemplum VERDVCIUS exhibet in libro de vincturis chirurgicis cap. 44, item SCVLTETVS obs. 82. nec non obs. 84.

(b) Observationes huic facientes SCVLTETVS proponit obs. 77. 73.



superiora; c c capita inferiora, d humerus sanus, juxta quem in dorso capita nodis connectuntur.

Fig. 4. Fascia, quam *Quadrigam* sive *Catafractam* appellant, repræsentatur: ubi litteræ a b c d e f g primarius ductus indicant, qui supra prolixæ descripti sunt.  
Cap. IV. sect. IV. §. XIV.

Fig. 5. *Vinculum pro umbilici hernia* ob oculos ponitur. A scutum denotat, umbilico adhibitum, ad prolapsum intestinorum & omenti impediendum; BB. fasciam sive lorum ventrem ambiens. C fasciam scapularem, quæ prædicta sustinet, ne deorsum ruant; d d duas fasciæ frondes, quæ inter femora transeunt, & ad lorum, BB funiculis alligantur, ne scutum sursum ab umbilico recedat.

Fig. 6. Denodatur *fascia inguibus deligandis apta*; a a pars ejus transversa ventrem cingens; b b, pars perpendicularis inter pedes transiens; c pars superior ejus & amplior, inguen contegens.

Fig. 7. Quomodo hæc fascia fig. 6. ventri injecta sit, pro inguine probe involvendo.

Fig. 8. Sistitur, quomodo *fascia* fig. 9. in *scroti vitiis* corpori sit rite applicanda.

Fig. 9. Autem fasciam hanc seorsim indicat, & a a partem transversam; b b, pendentem in duas frondes divisam; c foramen, per quod colis transmittitur.

Fig. 10. *Fasciam T*, duplici dependente eoque prorsus distincto capite offert pro variis usibus.

Fig. 11. Fere similem repræsentat fasciam; in qua vero pars dependens non ex duobus peculiaribus frustis constat, nec in totum fissa, sed pars c integra relicta est.

Fig. 12. Repræsentat quomodo hæc fascia figuræ 11. corpori circumducta est pro scroto comprehendendo.

Fig. 13. Fascia quædam composita pro scroto sustinendo, quod propterea vulgo *Suspensorium scroti*, Galli *la bourse* appellant, exhibetur. A A pars instar marsupii pro scroto amplectendo; B B B pars transversa corpori circumducenda; cujus extremum a alteri extremo ope funiculi b necitur; C foramen quod colem transmittit. D D duo capita, quæ inter femora transmittuntur, & circum femora reflectuntur, quorum extrema perforata d d, innectuntur funiculis E E.

Fig. 14. Demonstrat quomodo *fascia T*. fig. 11. ani vitia deliganda, a a pars transversa ventri injecta; b partis dependentis pars suprema & integra, pro splenis ano superimpositis complectendis; c c locus ubi pars dependens transversæ juncta est; d d duo capita inferiora per femora traducta & vel circa inguina transversa, vel in pubis regione, sicut in fig. 12. inter se per nodum connexa.

Fig. 15. Ostendit *fasciam inguinalem duplicem* dictam, pro variis usibus, & inprimis etiam sub peculiari per certos nodos adplicatione ad largiores sanguinis post fistulas ani aut calculus e vesica sectos profusiones compescendas, sicut prolixè satis supra Cap. V. §. VII. descriptum est, a b c d e f g præcipuos ductus docent; sed puncta ab a, ad h & a g, ad i, duos ductus, qui decussatim super ventrem & præcordia per humerum utramque usque ad perinæum reflectuntur, ut tanto vehementius res huic impositæ comprimi queant, ad Puxus sanguinis in hac parte cohibendos: quem vinciendi modum *nodosam perinæi vincturam* supra appellavi.

Fig. 16. Fasciam, quæ *inguinalis simplex* vocatur, denotat; quæ in a incipit, per



per b ad c continuatur, inde per d e ad c, atque inde ad principium a rursus reflectitur.

Fig. 17. Qua ratione *brachium fractum* A, spleniis & ferulis a a a, post circumductas fascias consuetas contegatur, & deinde per funiculos b b b, in latere brachii externo hæc nodis firmentur, repræsentat; c c c c *mitellam* sive habenam indicat, quæ cubito flexo & deinde etiam, ut hic demonstratur, collo circumducitur, atque ejus extrema in humero lateris sani nodo d connectuntur; e e canalem, cui cubitus immittitur, quando hic ipse fracturam passus est, qui mitella tunc quoque comprehenditur; sed in brachii sive humeri fractura, itemque in aliis humerorum & clavicularum noxis eo canali opus non est, sed omittitur.

Fig. 18. *Manus ambusta*, quomodo deligari queat, visui exponit, conf. quæ supra Cap. VI. §. XI. hac de re dicta sunt.

Fig. 19. Ob oculos ponit, qua arte *truncus manus amputatæ deligari soleat*. A A est brachium dum parte cubiti; a, est truncus, cui linamenta & splenia sunt duo capita fasciæ, quæ primo circularibus ductibus C circa cubitum & splenia injiciuntur, & deinde alterutrum horum capitum sæpe circa extremum trunci d reflectitur, altero ductibus circularibus continuante; unde *fascia capitulis reflexa* audire solet.

Fig. 20. *Lectulus stramineus* exhibetur, & quo modo is circa tibiam applicetur. A A denotant cylindros duos stramineos, virgula simul sive bacillo instructus; B B, pulvillum ei submissum; C Soleam quæ plantam pedis sustinet; a b c d quatuor funiculos planos, quibus hic lectulus circa crus & partem inferiorem femoris alligatu, ac firmatur; e f, duos funiculos, qui soleam circa funiculos, qui soleam circa funiculum b cum lectulo stramineo conjungunt, g tertium soleæ funiculum eumque superiorem, qui circa eandem fere regionem soleæ funiculum eumque superiorem, qui circa eandem fere regionem soleam cum hoc lectulo firmat.

Fig. 21. *Fascia duobus capitibus* indicatur, cujus capita a a filis connexa sunt, ita ut cohæreant, & non nisi ultra pollicis transversum spatium b, a se invicem recedere queant, quibus calcaneum post fracturas pedum commode imponitur.

Fig. 22. *Modum deligandi fracturam patellæ transversam* proponit. a est patella, b femoris, c tibiæ pars, d, ductus circulares supra patellam; e similes infra patellam, quibus frustra ejus compelluntur & continentur.

Fig. 23. *Peculiare splenium* exhibetur, quo in hac patellæ fractura commode utimur. A denotat partem ejus superiorem & integram; B B ejus duo capita inferiora, C D locum ubi pars lintei excisa est, & locus C illa est, quæ partem superiorem patellæ amplectitur; reliquum vid. supra Cap. VII. §. VIII.

Fig. 24. Monstrat qua ratione *pedem extremum vel fractum, vel luxatum*, itemque venam in pede incisam deligare conveniat. A sunt ductus circulares supra malleolos facti. B ductus spirales & circulares circa tarsum & metatarsum.

Fig. 25. Docet, quibus artificiis *fractura tibiæ composita per fasciam octodecim capitum sive libriformem* sit deliganda. A est femur; B tibiæ pars inferior; C C C, D D D demonstrant, qua ratione capita hujus fasciæ oblique & decussatim circa tibiam circumducenda sunt, E F G sex capita ultima adhuc expansa ostendunt; quæ vero sic adhuc injicienda, ut primo E, cum E, F cum F, & denique G cum G, ut modo dictum est, sibi invicem oblique & decussatim sint superimponenda.

FINIS QUARTI, ET VLTIMI TOMI.



## INDEX CAPITVM

## T O M I Q V A R T I

## Hujus Chirurgiæ.

- CAP. I. *Qua ratione partus ex utero excutatur.* 3.
- II. *De nimio sanguinis apud mulieres gravidas profluvio, quod vulgo uteri hæmorrhagiam appellant.* 10.
- III. *Quomodo secundas sive secundinas extrahere conveniat.* 12.
- IV. *Qua ratione molas uteri excutere conveniat.* 19.
- V. *De uteri prolapsu.* 20.
- VI. *De procidentia vulvæ seu vaginæ uteri.* 27.
- VII. *De feminis urinæ incontinentia laborantibus.* 29.
- VIII. *De rupto peritoneo in mulieribus.* 30.
- IX. *Qua ratione adhiberi clysteres seu lotiones debeant.* ibid.
- X. *De suppositoriis, sive glandibus alvum citantibus.* 34.
- XI. *Quomodo aperiri anus clausus debeat.* ibid.
- XII. *De ani procidentia.* 37.
- XIII. *De variis ani tuberculis, condylomate, crista, ficu, fungo.* 39.
- XIV. *Quid faciendum si justo largiores sunt hæmorrhoides.* 40.
- XV. *Quomodo hæmorrhoides cæcas curare conveniat.* 42.
- XVI. *De ani fistulis.* 46.
- XVII. *De ani abscessu.* 59.
- P. II. Sect. VI. *De manuum atque pedum vitiis, eademque curandi artificiis.*
- CAP. I. *De paronychia, seu panaritio.* 64.
- II. *De ganglio.* 71.
- III. *De futura tendinum in manibus.* 73.
- IV. *De pedum vitiis horundemque curationibus.* 79.
- V. *De Varicibus.* 84.
- VI. *Quomodo excidere unguem pollicis pedis præter naturam infimam conveniat.* 86.
- VII. *Quomodo clavos pedum tractare conveniat.* 87.
- VIII. *De cura infantum, quibus indecenter incurvati pedes sunt, & cumprimis de varis, & valgis.* 88.
- Johannis Bohnii de vulneryum renunciatione dissertatio adjecta. 96.
- P. III. *De fasciis & vincturis generatim.*
- CAP. I. *De fasciis & vincturis generatim.* 211.
- Cap. II. *De vincturis, quæ in capite fiunt & quidem.* 215.
- I. *De fascia triangulari capitis.* ibid.
- II. *De capitis magno.* 216.
- III. *De fundis sive frondalibus.* ibid.
- IV. *Fascia sex capitibus.* 217.
- V. *Fascia uniens.* ibid.
- VI. *Ad frontis venesectionem.* 218.
- VII. *Fascia nodosa pro temporibus.* ibid.
- VIII. *Vinctura post glandulam parotidem sectam.* 219.
- IX. *Capitalis reflexa pro hydrocephalo.* ib.
- X. *Oculus duplex.* 220.
- XI. *Oculus duplex.* ibid.
- XII. *Funda pro naso.* 221.
- XIII. *Capistrum simplex.* ibid.
- XIV. *Capistrum duplex.* 222.
- XV. *Funda ad maxillas.* ibid.
- XVI. *Fascia pro labris.* 223.
- XVII. *Larva ad faciem.* ibid.
- Cap. III. *De vincturis, quæ in collo fiunt.* ibid.
- I. *Fascia dividens pro collo.* ibid.
- II. *Fascia continens colli.* 223.
- III. *Vinctura ad tracheotomiam.* 224.
- Cap. IV. *De vincturis, quæ circum præcordia fiunt.* 225.
- Sectio I. *De vincturis, quæ jugulo sive caviculo diffractæ aut luxatæ adhibentur.* ibid.
- I. *De capitali reflexa.* ibid.
- II. *Fascia stellata.* 226.
- III. *Spica simplex pro clavicula.* ibid.
- IV. *Spica simplex cum fascia duorum capitum.* 227.
- V. *Capitalis reflexa ad claviculam Gouei.* 228.
- VI. *Fascia pro clavicula luxata.* 229.
- Sect. II. *De vinctura, quæ humero & scapula*



	<i>la adhibetur.</i>	bid.	IV.	<i>Pro metacarpo.</i>	246.
VII.	<i>Spica simplex.</i>	ibid.	V.	<i>Pro luxato cubito.</i>	ibid.
VIII.	<i>Spica duplex.</i>	230.	VI.	<i>Pro carpo luxato.</i>	247.
IX.	<i>Vinctura pro scapulis fractis.</i>	ibid.	VII.	<i>Vinctura ad venam brachii.</i>	ibid.
Secl. III.	<i>De vincturis, quæ circum præcordia &amp; mammas fiunt.</i>	232.	VIII.	<i>Ad arteriam brachii incisam.</i>	ibid.
X.	<i>Fascia post mammam resectam.</i>	ibid.	IX.	<i>Vinctura ad aneurysma.</i>	ibid.
XI.	<i>Fascia Heliodori sive T.</i>	ibid.	X.	<i>Vinctura ad venam sectam in manu.</i>	248.
XII.	<i>Funda pro mammis.</i>	234.	XI.	<i>Vinctura ad manum adustam.</i>	249.
XIII.	<i>Scapulare cum mantili.</i>	ibid.	XII.	<i>Vinctura ad pollicis fracturam.</i>	ibid.
Secl. IV.	<i>De vincturis ad sternum atque costas ad commodatis.</i>	235.	XIII.	<i>Vinctura ad digitum fractum.</i>	ibid.
XIV.	<i>De quadriga &amp; cataphracta.</i>	235.	XIV.	<i>Ad plures digitos fractos.</i>	ibid.
XV.	<i>Vinctura pro costis et spina dorsi læsis.</i>	236.	XV.	<i>Vinctura ad digitos luxatos.</i>	250.
Cap. V.	<i>De vincturis ad abdomen atque partes cum naturales, tum obscenas necessariis.</i>	ib.	XVI.	<i>Vinctura ad digitos mutilatos.</i>	ibid.
I.	<i>De scapulari cum mantili.</i>	ibid.	XVII.	<i>Vinctura ad manum vel cubitum abscisum.</i>	ibid.
II.	<i>Fascia ventris circularis.</i>	ibid.	XVIII.	<i>Vinctura ad brachium amputatum.</i>	251.
III.	<i>Fascia uniens ventris.</i>	ibid.	XIX.	<i>Vinctura ad humerum in articulo excisum.</i>	ibid.
IV.	<i>Vinctura pro hernia umbilici.</i>	237.	Cap. VII.	<i>De vincturis, quæ fieri in pedibus solent.</i>	252.
V.	<i>Vinctura ani, scroti, perinei, &amp;c. per fasciam T.</i>	ibid.	I.	<i>Vinctura ad femur fractum.</i>	ibid.
VI.	<i>Arnoldi fascia ad anum.</i>	238.	II.	<i>Vinctura ad femur oblique fractum.</i>	255.
VII.	<i>Vinctura pro sanguine compescendo post fistule ani vel etiam calculi sectionem.</i>	239.	IV.	<i>Ad femur luxatum ligatura.</i>	ibid.
VIII.	<i>Spica inguinalis simplex cum fascia duobus instructa.</i>	240.	V.	<i>Vinctura ad patellæ fracturam directam.</i>	256.
X.	<i>Spica inguinalis duplex.</i>	ibid.	VI.	<i>Vinctura ad patellæ fracturam transversam.</i>	258.
XI.	<i>Vinctura ad bubones in inguine.</i>	241.	VII.	<i>Vinctura tertia pro patella fracta.</i>	ibid.
XII.	<i>Scroti vinctura.</i>	ibid.	VIII.	<i>Vinctura ad genu luxatum.</i>	ibid.
XIII.	<i>Vinctura &amp; vincula ad hernias.</i>	ibid.	IX.	<i>Ad tibiam fractam.</i>	ibid.
XIV.	<i>Fasciola pro pene læso.</i>	ibid.	X.	<i>Vinctura pro tarso et metatarso fracto.</i>	259.
Cap. VI.	<i>De vincturis brachio aptis.</i>		XI.	<i>Vinctura pro pede luxato.</i>	260.
I.	<i>Vinctura pro osse humeri fracto.</i>	243.	XII.	<i>Pro venesectione in pede.</i>	ibid.
II.	<i>Fascia pro cubito fracto.</i>	245.	XIII.	<i>Vinctura ad crus aut femur resectum.</i>	ibid.
III.	<i>Pro carpo fracto.</i>	ibid.	Cap. VIII.	<i>De vinctura fracti cruris aut femoris cum vulnere.</i>	261.



# I N D E X

*Rerum in his institutionibus Chirurgicis contentarum :  
prior numerus paginam , aliter  
tomum designat .*

## A

- |   |   |
|---|---|
| <p><b>A</b> Bdominis ex abscessu foetus mortui saepe feliciter educti sunt. 87. tom.3.</p> <p>— fasciæ. 211. t.4.</p> <p>— læsiones. 89. t.1.</p> <p>— paracentesis. 66. t.3.</p> <p>— viria quæ manu curantur. 65. t.3.</p> <p>— vulnera. 65. t.1.</p> <p>— angustiora quomodo amplianda. 66. t.1.</p> <p>Abrotani decoctum cum aqua salsa gangrænæ remedium. 242. t.1.</p> <p>Abscessus quid. 202. t.1.</p> <p>— quomodo aperiendi. 211. t.1.</p> <p>— curandi. 209. t.1.</p> <p>— abdominis foetus mortuos saepe transmissunt. 88. t.3.</p> <p>— ani. 59. t.4.</p> <p>Absynthii decoctum cum aqua marina vel falsa gangrænæ remedium. 242. t.1.</p> <p>Achillis tendinis futura. 79. t.4.</p> <p>— tendo sine noxa dissectus. ibid.</p> <p>Achores quomodo curandi. 296. t.1.</p> <p>Acida in sanguinis profusionibus adhibita fiunt adstringentia. 53. t.1.</p> <p>— in peste conducunt. 230. t.1.</p> <p>— ad futuras curvæ præstant rectis. ibid.</p> <p>— pro gastroraphia. 67. t.1.</p> <p>— cataracta quales. 42. t.2.</p> <p>— Albin. 143. t.2.</p> <p>— Brissæi nova. 140. t.2.</p> <p>— duplex. 142. t.2.</p> <p>— Smalfii. ibid.</p> <p>— ex oculo extrahenda non dantur. 150.</p> <p>— in dextro oculi , dextra manu suppressenda. 154. t.2.</p> <p>— setaceo consueto excitando. 13. t.3.</p> <p>— longitudinali auctoris. ibid.</p> <p>Acus triangularis pro paracentesi. 24. t.3.</p> <p>Acus Cheseldeni pro pupilla perforanda. 156. t.2.</p> <p>— Cheseldeni pro arteriis post lithotomiam ligandis. 117. t.3.</p> <p>— Denysii pro perinæi punctura emendata. 259. t.3.</p> | <p>— in calculis repertæ. 174. t.3.</p> <p>Acustica instrumenta ad auditum difficilem juvandum. 187. t.2.</p> <p>Acutenaculum quid. 61. t.1.</p> <p>Acupunctura Indorum quid. 45. t.2.</p> <p>Adparatus ante operationem plerumque præparandus. 15. t.1.</p> <p>Adparatus altus quid. 197. t.3.</p> <p>— a Franco primum institutus. ibid.</p> <p>— a quibus postea adhibitus vel laudatus. 200. t.3.</p> <p>— Douglassio in Anglia instauratus. 201. t.3.</p> <p>— ab auctore extra Angliam primum institutus. 202. t.3.</p> <p>— ubi minus conveniat. 203. t.3.</p> <p>— quid Dranius de eo sentiat. 210. t.3.</p> <p>— alti commoda. 211. t.3.</p> <p>— difficultates. 214. t.3.</p> <p>— objectiones Denysii atque ad has responsiones. 215. t.3.</p> <p>— lateralis quæ operatio. 219. t.3.</p> <p>— a fratre Jacobo primum institutus. ibid.</p> <p>— a Rauio maxime post hunc exercitatus. 225. t.3.</p> <p>— a Cheseldeno emendatus. 230. t.3.</p> <p>— a Dranio adparatui magno postponitur. 235. t.3.</p> <p>— a Garengéto valde extollitur, ejusque perfectio solis Gallinis, sed jura, adscribitur. 238. t.3.</p> <p>— a Senffio quoque exercitatus. 240. t.3.</p> <p>Adparatus a Morando excultus. 242. t.3.</p> <p>— incommoda. 243. t.3.</p> <p>— post Rauium primum ab auctore institutus. 227. t.3.</p> <p>— magnus sive Marianus quis. 181. t.3.</p> <p>— a Romano inventus, sed a Mariano primum descriptus. 122. t.3.</p> <p>— quare inventus. ibid.</p> <p>— ob instrumentorum copiam ita dictus. 183. t.3.</p> <p>— quomodo instituatur. 185. t.3.</p> <p>— a Toletto bene descriptus est. ibid.</p> <p>— a Dranio egregie emendatus. 187. t.3.</p> |
|---|---|



- parvus five minor. 173. t.3.  
 — antiquissimus. 178. t.3.  
 — a Celso primum bene descriptus est, eumque ceteri secuti. 179. t.3.  
 — quomodo instituatur. 178. t.3.  
 — a Dranio prorsus rejicitur; sed ab auctore & multis aliis defenditur, atque retinendus censetur. 179. 3.  
 — vix nisi instrumentis differt a laterali. ibid.  
 Adstringentia medicamenta in sanguinis profusionibus. 53. r.  
 — castica vitanda. ibid.  
 Adurentia medicamenta eadem sunt, quæ caustica. 53. t.2.  
 — profunt in callis exedendis. 278. t.1.  
 Aduisiones five uisiones. 246. t.1.  
 Ægylops quid. 121. t.2.  
 — quomodo curetur. 125. t.2.  
 Ægineta Græcus unus ex primariis chirurgis antiquis. 5. t.1.  
 — artificium liquores in vesicam injicendi jam novit. 161. t.3.  
 — ægros in sectione fistulæ ani supinos collocavit. 52. t.4.  
 — fœtum mortuum educere docet. 81. t.3.  
 — fistulas ani jam bene curavit. 47. t.4.  
 — palpebras relaxatas quomodo curaverit. 101. t.2.  
 — peculiarem polypum nasi curandi modum tradidit. 193. t.2.  
 — scarificationem oculorum jam scivit. 113. t.2.  
 — testiculum in herniæ sectione peculiari modo ligandum docuit. 126. t.3.  
 Ægri ante operationes graviores præparandi. 176. t.3.  
 Ægyptii suturas tendinum perfecerunt. 74. t.4.  
 Ægyptiorum calculum ope flatus educendi ratio e vesica. 202. t.3.  
 — peculiaris scarificationes in auribus, gingivis, naso & suris instituendi ratio. 253. t.2.  
 Aer vulneribus inimicus. 48. t.1.  
 — si vulnera deligantur, sit temperatus. 49. t.1.  
 Æsculapius Medicus & Chirurgus inter antiquissimos valde celebris. 5. t.2.  
 — in deorum numerum receptus. ibid.  
 — ex utero matris excisus. 71. t.3.  
 Ætius celebris inter antiquos chirurgiæ scriptor. 5. t.1.  
 — hypopii curationem novit. 164. t.2.  
 Afri suturas tendinum varias perfecerunt. 75. t.4.  
 Agyrtarum celotomia. 122. 3.  
 Albinus, pater, acum peculiarem pro cataracta descriptit. 153. t.2.  
 — fœtum vidit, qui pedibus uterum perforavit. 87. t.3.  
 — vitam & fata Rauii descriptit. 214. t.3.  
 — Rauio emendationis & perfectionis gloriam vindicat. ibid.  
 — Rauium & vesicam & cervicem ejus incidisse refert. 211. t.3.  
 — filius Rauii lithotomiæ methodum & instrumenta descriptit. 226. t.3.  
 — vitam & fata Rauii descriptit. 238. t.3.  
 — Rauium solam vesicam incidisse statuit, non cervicem. 227. t.3.  
 — aliud scalpellum delineat, quam quo Rauius meo tempore usus est. 225. t.3.  
 — catheterem Rauii sulcatum recte aliis crassiores delineavit. 257. t.3.  
 Albucasis, inter Arabes chirurgus celeberrimus. 6. t.1.  
 — calculi sectionem in mulieribus singulariter descripsit. 275. t.3.  
 — calculi secandi ratio cum sectione laterali convenit. ibid.  
 — de lithotomia bene scripsit. 176. t.3.  
 — parvum scalpellum primus pro lithotomia commendavit. 193. t.2.  
 — ferramenta candentia bene descriptit. 51. t.2.  
 Albucasi, polypi narium peculiarem curandi modum tradidit. 193. t.2.  
 Albugo oculorum. 161. r.2.  
 Album s. albumen ovi prodest in oculorum vulneribus. 92. t.1. in ambustis. 248. t.1.  
 Alcohol vini in vulnerum hæmorrhagiis egregium adstringens sive stypticum. 53. t.1.  
 Aliena ex aspera arteria extrahenda. 7. t.3.  
 — ex aure eximenda. 185. t.2.  
 — ex oculo educenda. 168. t.2.  
 — e vulneribus protrahenda. 39. t.1.  
 Aloes essentia cum aqua ophthalmica parata in oculo lacrymante prodest. 120. t.2.  
 Alpinus scarificationes Ægyptiorum docet. 43. t.2.  
 Altus adparatus, vid. Adparatus.  
 Alumen adstringens est in hæmorrhagiis. 53. t.1.  
 — ustum, medicamentum carnem luxuriantem aut impuram exedens. 54. t.1. & multis aliis in locis.  
 Amandus, Gallus; de arte obstetricandi bene scripsit. 8. t.1.  
 — machinam pro capite infantis in utero relicto extrahendo invenit. 7. t.4.  
 Amaurosis quid. 116. t.2.  
 — an operatione curanda. ibid.  
 Ambe Hippocratis. 171. t.1.  
 Ambusta five ambustiones. 246. t.1.  
 — faciei & oculorum. 247. t.1.  
 Ammonius Alexandrinus celebris inter veteres chirurgus. 5. t.1.



- Amputatio digitorum. 64. t. 2.  
 — brachii vel manus. 62. t. 2.  
 — brachii in humeri junctura. 80. t. 2.  
 — humeri. 64. t. 2.  
 — in junctura. 80. 2.  
 — an propter abscessum fieri debeat, dubi-  
 tatur. 82. t. 2.  
 — femoris. 78. t. 2.  
 — pedis. 75. t. 2.  
 — tibiæ. ibid.  
 — nova tibiæ Verduinii. 76. t. 2.  
 — mammæ. 17. t. 3.  
 — penis cancrofi. 152. t. 3.  
 Amstelodamens. Senatus Jacobum aureo in-  
 strumento donarunt. 246. t. 3.  
 Anatomia chirurgis summe necessaria, 32. t. 1.  
 & alibi.  
 Anceps experiri remedium præstat quam nul-  
 lum. 77. t. 1. & alibi.  
 Anchylops. 521. t. 2.  
 Ancylosis quid & quomodo curanda. 127. t. 1.  
 Ancyloblepharum. 104. t. 2.  
 Andreas a Cruce celebris Medicus & Chirur-  
 gus. 6. t. 1.  
 — integram chirurgiam scripsit. 9. t. 1.  
 Andreas cauteria aliaque instrumenta descri-  
 psit. 9. t. 1. & alibi.  
 Anellus aneurysma curandi modum peculiarem  
 dedit. 33. t. 2.  
 — fistularum lacrymalium novam curandi  
 rationem invenit, quæ describitur. 128. t. 2.  
 — quarum auctor primus feliciter imitatus  
 est. 120. t. 2.  
 — sanguinem e thorace ope siphonis ex-  
 trahendi modum descripsit. 82. t. 1.  
 Anelli specilla æger quidam ipse quam facilli-  
 me sibi applicavit. 133. t. 2.  
 Aneurysma ejusque differentiarum. 22. t. 2.  
 — quomodo curandum. 27. t. 2.  
 Aneurysmatis cura non requirit arteriæ ustio-  
 nem, quam superiori seculo adhuc adhibue-  
 runt. ibid.  
 — vinctura. 248. t. 4.  
 Angliæ & Galliæ Reges strumas tactu sanare  
 dicuntur. 11. t. 3.  
 Ani abscessus. 59. t. 4.  
 — ficus. 39. t. 4.  
 — fistula. 46. t. 4.  
 — fungus. 39. t. 4.  
 — procidentia. 37. t. 4.  
 — specillum quid. 40. t. 4.  
 — sphincter an sine noxa discindi queat. 61. t. 4.  
 — tubercula. 39. t. 4.  
 — vitia. 30. t. 4.  
 Ankyloblepharum. 104. t. 2.  
 Ankylosis. 130. t. 1.  
 Annuli ad uteri prolapsum. 25. t. 4.  
 Annulus musculorum abdominis an in herniæ  
 operatione scarificandus. 110. t. 3.  
 Anthrax five carbunculus. 230. t. 1.  
 Antimonii butyrum unum ex valentissimis  
 causticis. 28. t. 2.  
 — callos exedit. 278. t. 1.  
 — in carbunculis sanandis laudatur. 233. t. 1.  
 — in verrucis & excrescentiis extirpandis  
 commendatur. 54. t. 2.  
 Antiqua ulcera, vid. ulcera antiqua.  
 Antiqui calculi sectionem bene noverunt. 176. 3.  
 — cataractæ operationem sciverunt. 146. t. 2.  
 Antitrangi ustio in dentium dolore. 186. t. 2.  
 Anus clausus quomodo curandus. 34. t. 4.  
 Apertura auditorii meatus clausi. 184. t. 2.  
 — narium coalitarum. 226. t. 2.  
 — palpebrarum conjunctarum. 97. t. 2.  
 — penis clausi. 153. t. 3.  
 — vaginæ clausæ. 268. t. 3.  
 — urethræ occlusæ. 154. t. 3.  
 — in puellis. 265. t. 3.  
 Aphæresis. 9. t. 1.  
 Apollo Medicus & Chirurgus antiquissimus &  
 celeberrimus in Deorum numerum relatus.  
 5. t. 1.  
 — sectionem cæsaream perfecit. 71. t. 3.  
 Apoplexiæ remedium arteriotomia. 87. t. 2.  
 — item scarificatio in occipite. 154. t. 1.  
 Apollonii duo, antiqui chirurgi celebres. 5. t. 1.  
 Apostema idem quod abscessus. 173. t. 1.  
 Apostolorum unguentum in fistulæ ani callo  
 tollendo laudatur. 53. t. 4.  
 Apparatus, vid. Adparatus.  
 Apum ictus qua ratione curandi. 116. t. 1.  
 Aqua quomodo hydropicis evacuanda. 26. t. 3.  
 — calcis vivæ prodest in ulceribus exsiccan-  
 dis. 27. t. 3. item in gangræna & inflamma-  
 tionibus curandis. 208. t. 1. & alibi.  
 — cinamomi egregium cardiacum in ple-  
 risque virium defectibus. 210. t. 1.  
 — fervida paronychiam sæpe solvit. 68. t. 4.  
 — frigida in pernionibus prodest. 236. t. 1.  
 — marina in gangræna prodest. 242. t. 1.  
 — muriatica in inflammationibus. 207. t. 1.  
 — in gangræna. 242. t. 1.  
 — in ambustis. 247. t. 1.  
 — phagedænica quid. 48. t. 1.  
 — falsa in inflammationibus. 208. t. 1.  
 — gangræna prodest. 242. t. 1.  
 — vulneraria gallorum, vulgo *l'eau d'ar-  
 quebusade*, ubi prodest. 47. t. 1.  
 Aquæ medicatæ in vias lacrymales injectæ con-  
 tra oculorum lacrymationem. 119. t. 2. & fistu-  
 lam lacrymalem profunt. 125. t. 2.  
 Aquapendens vid. Fabricius.  
 Aquisgranum Jacobus vocatus fuit ad ægrum cal-



- calculo laborantem secandum. 244. t.3.  
 Aquisgrani an sexaginta a calculo liberaverit,  
 ut Morandus perhibet, dubitatur. 243. t.3.  
 Arontius Medicus chirurgus egregius. 7. t.1.  
 — scripsit de capitis vulneribus & tumori-  
 bus. ibid.  
 Arcæus de vulnere curatione egregie scrip-  
 sit. 6. t.1.  
 Arcæus balsamum egregium invenit ad vulne-  
 ra curanda, quod laudatur. 39. t.1. & alias  
 sæpissime.  
 Aretæus narium scarificationem commenda-  
 vit. 43. t.2.  
 Aristoteles vulvæ clausæ curationem jam no-  
 vit. 265. t.3.  
 Arnoldus, celebris chirurgus Gallus ex recen-  
 tioribus, fasciam pro fistula ani invenit.  
 — peculiari modo procedit in hernia incar-  
 cerata curanda. 111. t.3.  
 — carunculam urethræ negat. 167. t.3.  
 — machinam pro pedibus curvis excogita-  
 vit. 89. t.4.  
 Arteria aspera læsa sæpe non lethalis. 35. t.1.  
 — quomodo curanda. 85. t.1.  
 — majori quadam læsa quid fiat. 31. t.1.  
 — aorta læsa lethifera. 34. t.1.  
 — brachialis læsa, quomodo curanda. 62. t.1.  
 — ob hanc læsam non brachium mox am-  
 putandum sed ea liganda. 20. t.2.  
 — carotis vulnerata plerumque lethalis quid  
 in læsione ejus faciendum. 82. t.2.  
 — cruralis læsa ut plurimum mortifera. 34.  
 t.1. quomodo curanda. 63. t.1.  
 — cæliaca læsa lethalis. 34. t.1.  
 — cubitæ læsa quomodo curanda. 54. t.1.  
 — iliaca læsa lethifera. 34. t.1.  
 — incisa pejor quam dissecta. 31. t.1.  
 — renales læsæ lethales. 34. t.1.  
 — venæsectione læsa qua ratione tractan-  
 da. 19. t.2.  
 — vulnera læsa quo pacto glutinanda. 54. t.1.  
 Arteriotomia quid. 86. t.2.  
 Arteriotomiæ temporum fascia. 218. t.4.  
 Articulorum rigor seu ankylosis quomodo tra-  
 ctandus. 130. t.1.  
 Artuum corruptorum amputatio. 63. t.2.  
 Aspera arteria læsa, quale periculum. 34. t.1.  
 Aspera arteria quomodo curanda. 89. t.1.  
 Asperæ arteriæ vulnera non absolute letha-  
 lia. 34. t.1.  
 — incisio & in angina & in rebus peregrini-  
 nis eximendis tuto fieri potest. 8. t.3.  
 Atheroma quid & quomodo curandum. 57. t.2.  
 Atretæ, sive eæ, quibus vagina uteri aut ure-  
 thra clausa. 265. t.3.  
 Atreti, quibus urethra non aperta. 49. t.2.  
 — quibus anus clausus. 34. t.1.  
 Auditorius meatus corpora peregrina educen-  
 da. 185. t.2.  
 — excrecentiæ seu tubercula quomodo  
 tollenda. 186. t.2.  
 Auditus difficilis auxilia per machinas. 187. t.2.  
 Avicenna medicus & chirurgus Arabs celebra-  
 rimus. 6. t.1.  
 — futuras tendinum novit. 77. t.4.  
 Aurium meatus clausus. 184. t.2.  
 — excrecentiæ. 186. t.2.  
 — lobuli perforatio. 188. t.2.  
 — quomodo in dentium dolore aduren-  
 da. 186. t.2.  
 — vulnera. 94. t.1.  
 Auctor acum ad aneurysma vel arteriam bra-  
 chialem ligandam peculiarem exhibuit. 146. t.1.  
 — acum pro cataracta in dextro oculo manu  
 dextra curanda primus delineavit. 150. t.2.  
 Auctor acum pro setaceo recto ac transverso  
 excitando excogitavit. 13. t.3.  
 — triangularem pro urethra clausa per-  
 foranda adhibuit. 232. t.2.  
 — triangularem curvam, cannula in-  
 clusam, pro fistulis peculiaribus perfunden-  
 dis invenit. 41. t.1.  
 — adparatum altum primus in Germania  
 exercuit, eumque defendit. 200. t.3.  
 — quædam in eo emendavit. 178. t.3.  
 — adparatum lateralem primum post Ra-  
 uium instituit. 228. t.3.  
 — adparatum parvum quoque exercuit, &  
 contra dissentientes defendit. 192. t.3.  
 — adparatum altum sine repletionem vesicæ  
 perfecit. 208. t.3.  
 Auctor Anelli modum fistulas lacrymales curan-  
 di primus forte feliciter imitatus est. 129. t.2.  
 — ani fistulas curavit. 55. t.4.  
 — ani fungos extirpavit. 33. t.4.  
 — anum clausum insanabilem vidit. 36. t.4.  
 — arteriam brachialem sæpe duplicem esse  
 ostendit, adeoque alteram læsam sine noxa  
 ligari posse. 25. t.2.  
 — arteriotomiam sine fructibus in apople-  
 cticis instituit. 27. t.2.  
 — artus corruptos amputavit. 66. t.2.  
 — cæsaream sectionem defendit. 91. t.2.  
 — sq. eamque aliquoties instituit. 71. t.3.  
 — cancos sive carcinomata labrorum ali-  
 quoties excidit. 236. t.2.  
 — mammarum varios extirpavit. 233. t.2.  
 — cancos & fungos oculi prægrandes scal-  
 pello curavit. 168. t.2.  
 — cancrofam mammam ingentem ampu-  
 tavit. 20. t.3.  
 — castra chirurgiæ causa per triennium se-  
 cutus est, vid. præfat.



- cataractæ sedem ut plurimum in lente cristallina esse in Germania primus docuit. 139. eam tamen etiam quandoque membranulam in aqueo esse lubens concedit. 140. t. 2.
- cataracta suppressa vomitum sæpe notavit. 151. t. 2.
- chirurgiam suam ubi didicerit. vid. præfat.
- clysteribus ex fumo tabaci multos hernia incarcerata & ileo laborantes curavit. 109. t. 3.
- digitos corruptos & supervacaneos resecuit. 65. t. 2.
- epiplocelen sectione confirmavit. 129. t. 3.
- errores circa fratrem Jacobum commissos multos notavit. 223. t. 3. & seq.
- errores circa Rauium commissos correxit. 228. t. 3. & seqq.
- fasciam novam pro excisis glandulis parotidibus deligandis invenit. 131. t. 4.
- fasciam quoque pro sanguine post fistulæ ani & calculi sectionem cohibendo descripsit. 53. t. 4.
- pro mammis 4. capitibus invenit. 143. t. 4.
- Auctor ferramentum pro collo & spina erectis servandis fig. 5. tab. 24. primus delineavit.
- ferramentum pro urinæ incontinentia peculiare primus publicavit. vid. tab. 26. fig. 6.
- fistulas ani varias sanavit, vid. cap. de fistula ani.
- fistulas lacrymales Anelli & aliis modis sustulit. vid. cap. de fistula lacrymali. 120. t. 2.
- fistulas lacrymales quomodo restituat. 134. t. 2.
- fistulam perinæi notabilem curavit.
- fistulas s. tubulos pro naribus incisis apertis servandis excogitavit. vid. tab. 19. fig. 15. & 16.
- foetum pro matre servanda in partu subinde occidendum esse statuit. 88. t. 3.
- fungos ani curavit. 3. t. 4.
- fungos oculorum extirpavit maximos. 168. t. 2.
- glandulas maxillares & parotides primus forte feliciter excidit. 253. t. 1.
- glaucoma in vitreo humore opaco consistere existimat. 146. 2.
- herniæ sectionem cum testiculi extirpatione peculiari dissertatione impugnavit. 123. t. 3.
- herniam umbilicalem penis figura vidit. 92. t. 2.
- herniam umbilicalem aliam peculiarem descripsit, & delineavit tab. 24. fig. 12.
- hernias incarceratas fumo tabaci injecto restituit. 108. t. 3.
- hernias post celotomiam vulgarem redire observavit. 122. t. 3.
- instrumentum pro abscessibus tonsillarum aperiendis primus delineavit. 259. t. 2. tab. 21.
- instrumentum pro uvula resecanda primus exhibuit. 256. t. 2. tab. 21.
- labra leporina curavit. 228. & delineavit tab. 20. fig. 2. t. 2.
- laryngotomiam seu rectius tracheotomiam feliciter perfecit. 8. t. 3.
- lithotomiæ modos omnes exercuit. 177. t. 3.
- nares concretas curavit aliquoties.
- Auctor nasi polypum peculiari artificio extirpavit. 195. t. 2.
- os vaginæ nimis angustum quomodo curaverit. 17. t. 4.
- palpebrarum tubercula varia extirpavit. 98. t. 2. tab. 15.
- paracentesin abdominis peculiarem observavit. 69. t. 3.
- polypum nasi, vid. nasi polypum.
- puncturam quandam vesicæ cum multis aliis ante Garengéotum descripsit.
- Raii calculum secandi rationem jam brevissime, sed tamen perspicue descripsit. 228. t. 3.
- Raii modum secandi calculum primus imitatus est. 200. t. 3.
- Rauium methodum Jacobi & magnum apparatus combinasse docuit. 226. t. 3.
- renum vulnus grave sanavit. 127. t. 3.
- scalpello parvo tab. 12. fig. 14. cancos & tumores excindit. 161. t. 2.
- scalpello parvo tab. 13. fig. 1. carnem in artuum amputationibus discindit. 69. t. 2.
- scalpellum pro vulneribus abdominis dilatandis commodum invenit. vid. tab. 5. fig. 3.
- scapulæ peculiarem fracturam vidit. 136. t. 1.
- siphunculum & stylos pro curanda fistula lacrymali ab Anellianis diversos invenit. vid. tab. 16. fig. 11. 14.
- tendines dissectos sine futura glutinari observavit.
- testiculo in sarcocoele resecto periculosam hæmorrhagiam vidit. 132. t. 3.
- torcularia, vulgo *tournequet*, vario modo emendavit. vid. tab. 5. 6. & 14.
- tracheotomiam instituit. 8. t. 3.
- tunicatos tumores extirpavit. 58. t. 2.
- turundas in vulneribus abdominis non esse rejiciendas contra Garengéotum evincit. 67. t. 1.
- vaginæ os nimis angustum quomodo curaverit. 17. t. 4.
- vaginam clausam insanabilem vidit. 20. t. 4.
- vesicæ diverticula notavit & delineavit tab. 32.
- puncturam quandam ante Garengéotum descripsit. 57. t. 4.
- Auctor uncus pro foetu extrahendo emendavit.



- vit. 203. t.3.  
 — urinam suppressam quomodo optime educendam esse statuat. 161. t.3.  
 — uterum ruptum vidit. 71. t.3.

## B

- B**alsamica medicamenta vulnera & ulcera sanant. 39. t.1. & alibi.  
 Balsamus Arcæi. 12. t.1. & postea sæpissime.  
 — commendatoris. 43. t.1.  
 — copaivæ in vulneribus laudatur. 13. t.1. & alibi.  
 — in ulceribus. 270. t.1.  
 — Lucatelli commendatur. 85. t.1.  
 — de meccha. 39. t.1. & alibi.  
 — Meibomii laudatur. 81. t.1.  
 — peruvianus in vulneribus commendatur. 13. t.4. & in ulceribus. 270. t.1.  
 — sulphuris in pernionibus. 236. t.1.  
 Bamberus, in Anglia lithotomiam Ravii imitatus est feliciter. 229. t.3.  
 Bartischius antiquus chirurgus & ocularius germanus egregie de morbis oculorum scripsit. 8. t.1.  
 — oculi prolapsum curavit. 168. t.2.  
 — palpebrarum relaxationem five ptosin bene delineavit. 100. t.2.  
 — instrumentum ad palpebras relaxatas auferendas invenit. 101. t.2.  
 Bassius de fistula ani scripsit, & novum scalpellum pro ea delineavit. 52. t.4.  
 Bauhinus de cæsarea sectione scripsit. 70. t.3.  
 eam cum embryulcia confundit. 70. t.3.  
 Beaulieu fratris Jacobi cognomen erat. 219. t.3.  
 Beckerus foetum pro matre servanda in partu subinde occidendum esse probat. 73. t.3.  
 — foetum per anum extracti exemplum refert. 74. t.3.  
 — vaginas clausas curatas notavit. 18. t.4.  
 — de vagina clausa puellæ lascivæ lepidum exemplum refert. 269. 3.  
 Bellostius de vulneribus bene scripsit. 7. t.1.  
 — turundas damnat. 31. t.1.  
 — vulnera rarius deliganda esse præcipit. 40. t.1.  
 Bellostii remedium ad sphacelum. 239. t.1.  
 Benevoli de caruncula in urethra scripsit, ejusque de hac sententia. 272. t.3.  
 — sententia de cataracta in lente crystallina. 141. t.2.  
 Berengarius celebris Medicus & chirurgus de fractura cranii bene scripsit. 6. t.1.  
 — vias lacrymales scivit. 119. t.2.  
 Bidlous mammas multas cancroas amputavit. 18. t.3.  
 — in hoc negotio magna furca & scalpello  
*Heisteri Chirurgica Tom. IV.*

- magno usus est. 19. t.3.  
 Bienaisius tendinum futuras invenisse aut restituisse dicitur. 74. t.4.  
 Biliferi ductus læsi mortiferi. 35. t.1.  
 Blepharoxyston Celsi & Æginetæ. 114. 136. t.2.  
 Boerhavius verum locum pro paracentesi non indicavit. 24. t.3.  
 Bonetus, chirurgus Paris. altam operationem olim Parisiis exercuit. 232. t.3.  
 Borichio calculus nimis magnus educi non potuit, unde mortuus est. 176. t.3.  
 Botallus peculiarem modum artus uno ictu amputandi excogitavit. 79. t.2.  
 Bovista in sanguine sistendo utilis. 53. t.1.  
 Brachialis arteria læsa quomodo curanda. 39. t.1.  
 — non requirit amputationem brachii, ut multi fecerunt, sed arteriæ ligaturam. 25. t.2.  
 Brachium sunt vincula contra hernias. 93. t.3.  
 Brachii amputatio. 68. t.2.  
 — in humeri junctura. 63. t.2.  
 Brachium fractum. 141. t.3.  
 — luxatum. 176. t.1.  
 — ob arteriæ læsionem non mox est amputandum. 20. t.2.  
 Brassicæ muriaticæ liquor conducit in ambustionibus. 248. t.1.  
 — in inflammationibus. 219. & in gangræna. 238. t.1.  
 Brissæus cataractam in lente crystallina constituit. 140. t.2.  
 — novam pro cataracta curanda acum invenit. 143. t.2.  
 Bronchocele. 10. t.3.  
 Bronchotomia quid. 8. t.3.  
 — ubi & a quibus commendetur. 9. t.3.  
 — res peregrinæ e trachea eximi possunt. 10. t.3.  
 Bronchotomia ab auctore in hoc casu feliciter instituta est. ibid.  
 Brunus chirurgus antiquus celebris. 6. t.1.  
 Brunnerus carunculas urethræ negat. 83. t.3.  
 — liquore mercuriali fistulam lacrimalem curavit. 127. t.2.  
 Brunsvigius chirurgus germanus celebris. 5. t.1.  
 Bubones benigni. 223. t.1.  
 — pestilenciales. 224. t.1.  
 — venerei. 230. t.1.  
 Bubonocèle quid & quomodo curanda. 104. t.1.  
 — incarcerata. 117. t.3.  
 — intestinis corruptis qua ratione tractanda. 124. t.3.  
 Bubulus oculus. 167. t.2.  
 Burthius visus restitutionem post effusos oculi humores promisit. 93. t.1.  
 — quod a veritate haud prorsus alienum esse demonstratur. ibid.  
 Butyrum antimonii valentissimum causticum. 24. t.2.  
 M m in



- in carbunculis sanandis laudatur. 235. t.1.  
 — in verrucis & excrescentiis tollendis commendatur. 55. t.2.

## C

- C**Abrieri arcanum ad hernias magno pretio redemptum. 147. t.3.  
 Cabrolus singulare exemplum urethræ in femina clausæ describit. 18. t.4.  
 Cæsarea sectio quid. 70. t.3.  
 — a quibus improbetur. 73. t.3.  
 — a multis defenditur & commendatur. ib.  
 Cæsareæ sectionis necessitas evincitur. 74. t.3.  
 Calcanei ob fracturam chirurgus tendinem Achillis resecauit: quæritur an recte. 42. t.4.  
 — luxatio. 186. t.1.  
 Calcis vivæ aqua ubi profit. vid. aqua calcis vivæ.  
 Calculi vesicæ a Ravio e puella exsecti, vix nisi unicum exemplum prostat. 229. t.3.  
 — linguæ exsectio. 156. t.2.  
 — ex urethraeductio. 173. t.3.  
 — vesicæ signa. 176. t.3.  
 — diversæ excidendi rationes. 173. t.3.  
 Calculi magni in mulieribus sæpe sponte excernuntur. 171. t.3.  
 — minores majoribus sæpe difficilius educuntur. 179. t.3.  
 — in mulieribus sæpe sine sectione educi possunt. 274. t.3.  
 — laterali methodo in feminis extracti rara sunt exempla. 221. t.3.  
 Calculus vesicæ quomodo in viris extrahitur, & diversi adparatus. vid. adparatus.  
 — ab expertissimis quandoque educi non potuit. 177. t.3.  
 — qua ratione in mulieribus excutiatur. 274. t.3.  
 — quatuor quoque diversis modis ut in viris. 275. t.3.  
 — alto adparatu digitis educi potest. 178. t.3.  
 — in feminis aliquoties a fibula vel acu pronatus est. 280. t.3.  
 — in Germania rarus est morbus. 181. t.3.  
 — in viro ab arista seu spica frumenti ortus. 281. t.3.  
 — an cum vesica concreascit. 183. t.3.  
 — in mulieribus sectione a Ravio non extractus est, docente Falconeto. 279. t.3.  
 — an in mulieribus semper sine sectione educi debeat aut possit. 277. t.3.  
 Callus quid in fracturis. 129. t.1.  
 — æqualis quomodo producendus. 128. t.1.  
 — ad fistulam lacrymalem non requiritur. 123. t.2.  
 Calvariæ fractura. 105. t.1.  
 — impressio. 96. t.1.

- læsiones. 96. t.1.  
 — vulnus. 93. t.1.  
 Camphora & spiritus vini camphoratus prodest in inflammationibus. 206. in gangræna. 230. t.1.  
 Canales pro pedibus fractis immittendis. 107. t.1.  
 Cancer veteribus idem quod nobis gangræna. 239. t.1.  
 — vulgo hodie pro carcinomate sumitur. 256. t.1.  
 — labiorum. 252. t.2.  
 — linguæ. 256. t.2.  
 — mammæ. 272. t.2.  
 Cancer mammæ maximus quomodo ab auctore resectus. 18. t.3.  
 — oculi. 167. t.2.  
 — penis. 153. t.3.  
 Cancris generalis curatio. 257. t.1.  
 — sectio & ustio a Celso inutilis est proclamata. 254. t.1.  
 — combusti in rabie profunt. 103. t.1.  
 Cancrorum lapides in æstu febribus, inflammationibus profunt. 213. t.1.  
 Cancrosa mamma quomodo amputanda. 18. t.3.  
 Candentis ferri usus. 51. t.2.  
 Canis rabiosus unde cognoscatur. 112. t.1.  
 — rabiosi morsus quomodo curandus. 113. t.1.  
 — quæ mala inde proveniant. 114. t.1.  
 Cannula in tracheotomia. 7. t.3.  
 — paracentesi abdominis, 23. thoracis. 28. t.3.  
 — thoracis vulneribus. 81. t.1.  
 — vesicæ vulnere post lithotomiam an utilis. 190. t.3.  
 — rejecta est a Ravio. ibid.  
 Cantharides externe adhibentur pro vesicis excitandis in varium usum. 48. t.2.  
 — callum vulneris perinæi post lithotomiam tollunt. 233. t.3.  
 — fonticulorum fluxum suppressum revocant. 47. t.2.  
 — ulcerum antiquorum fluxum cessantem revocant. 182. t.1.  
 Capelline gallorum. 202. t.4.  
 Capistrum simplex, fascia. 221. t.4.  
 — duplex. 222. t.4.  
 Capitis obstipi curatio. 6. t.3.  
 — fracturæ. 29. t.1.  
 — vulnera. 117. t.1.  
 Capitalis reflexa fascia pro capite, pro clavicula, pro manu amputata. 225. t.4.  
 Capitium magnum. 216. t.4.  
 — triangulare. 215. t.4.  
 Carbunculus pestilens. 224. t.1.  
 Carcinoma. vid. Cancer.  
 Caries ossium. 282. t.1.  
 — venerea. 281. t.1.  
 Caro luxurians rodentibus medicamentis tollitur. 51. t.1.  
 Car-



- Carpi fractura.** 140. t. 1.  
 — luxatio. 41. t. 1.  
**Caruncula urethræ** 121. variæ de eadem sententia. t. 2.  
**Caryophyllorum oleum** in carie. 291. t. 1.  
**Casseri** laryngotomiam commendat, figuris illustrat & contra dissentientes defendit. 7. t. 3.  
**Castratio** in simplici hernia intestini, vel omenti rejicienda & a magistratu prohibenda. 120. t. 3.  
 — in sarcocele admittenda. 124. t. 1.  
 — itemque in cancro testiculi. 141. t. 1.  
**Castrati** qui dicantur. 125. t. 1.  
**Cataphracta**, vincturæ species. 223. t. 4.  
**Cataplasmata** in abscessibus emolliendis profunt. 209. itemque in carbunculis separandis. 215. atque in sphacelo. 239. t. 1.  
**Cataracta** quid. 138. t. 2.  
 — quotuplex. 121. t. 1.  
 — consistit plerumque in opaca lente crystallina 149. quandoque in membranula. 150. t. 2.  
 — an per corneam educi queat. 146. t. 3.  
 — an uncinulis extrahi possit. 147. t. 2.  
 — differentia. 142. t. 2.  
 — signa. 143. t. 2.  
 — prognosis. 144. t. 2.  
 — curatio, succedit quandoque per medicamenta. 145. t. 2.  
 — curatio per acum. ibid.  
 — veteribus probe cognita. ibid.  
**Cataractam** quinam in cristallino primi statuerint. 142. t. 2.  
**Catherwood** arteriotomiam in apoplexia extollit. 87. t. 1.  
**Catheter** quid. 161. t. 3.  
**Catheteris** differentia. 165. t. 3.  
 — in feminis applicatio. 166. t. 3.  
 — in viris adhibendi modus. 167. t. 3.  
 — flexilis usus. 169. t. 3.  
**Catheterismus** quid. 167. t. 3.  
**Caustica** medicamenta eadem quæ adurentia. 54. t. 2.  
 — quoque sunt styptica, sed fortiora nocent plerumque in vulneribus. 53. t. 1.  
**Cautelæ** circa calculi educationem. 179. t. 3.  
 — circa lithotomiæ electionem. 253. t. 3.  
 — in fœtu extractione. 6. t. 4.  
 — in ani fistula curanda. 50. t. 4.  
 — in hernia incarcerata. 128. t. 3.  
 — in sectione cæsarea. 84. t. 3.  
**Cauteria** quinam rejecerint. 51. t. 2.  
 — quinam bene de iis scripserint. ibid.  
**Cauteriorum** actualium & potentialium usus. ib.  
**Celotomia** quid. 122. t. 3.  
 — vulgaris, cum testiculi exsectione peragitur adeoque rejicienda, 119. quomodo fiat. 123. t. 3.  
 — recentiorum: fit sine testiculi extirpatione. 124. t. 3.  
 — vulgaris agyrtarum a magistratu est prohibenda. 123. t. 3.  
 — in hernia incarcerata subinde instituenda, sed sine testiculi læsione & quomodo. 98. t. 3.  
**Celsus** veterum chirurgorum princeps. 6. t. 1.  
 — abscessus ante maturationem aperiendos esse vult. 121. t. 1.  
 — anceps experiri remedium mavult quam nullum. 76. t. 1.  
 — calculi sectionem egregie descripsit. 277. t. 3.  
 — calculi in mulieribus extractionem bene docuit. ibid.  
 — carcinomatis remedium dari negat. 255. t. 1.  
 — adeoque nec ustio sufficit. 256. t. 1.  
 — cataractæ curationem egregie tradidit. 145. t. 2.  
 — chirurgiæ historiam brevem exhibuit. 5. t. 1.  
 — chirurgum eleganter depinxit. 12. t. 1.  
 — de capitis læsionibus bene scripsit. 104. t. 1.  
 — de carie bona præcepta dedit. 287. t. 1.  
 — elegantissime latine scripsit, & hinc Medicorum Cicero appellant. 4. t. 1.  
 — de fœtu mortuo educendo jam egregie egit. 9. t. 4.  
 — fœtum mortuū pedibus educi docet. 8. t. 4.  
 — fœtus caput educi docuit. ibid.  
 — herniæ umbilici curam dedit. 105. t. 3.  
 — post herniæ sectionem futuram commendat. 106. t. 3.  
 — mulierum calculum quomodo emolliatur. 276. t. 3.  
 — narium scarificationem docet. 43. t. 2.  
 — oculorum scarificationem novit. 114. t. 2.  
 — palpebras relaxatas quomodo curaverit. 101. t. 2.  
**Celsus** partum ex utero educendi artem inter res difficillimas merito reputavit. 190. t. 2.  
 — polypi nasi curationem dedit. 192. t. 2.  
 — puellas naturalibus clausis interdum nasci notavit. 269. atque etiam hujus malidurationem jam docuit. 270. t. 3.  
 — secundas extrahere bene docuit. 14. t. 4.  
 — terebrationem cranii jam tradidit. 89. t. 2.  
 — de vulnerum præsagio agit. 31. t. 1.  
**Cepæ** assatæ in urina suppressa. 161. t. 3.  
**Cerebri** læsiones. 37. t. 1.  
**Cervix** curva quomodo curanda. 6. t. 3.  
 — vesica tuto in laterali sectione inciditur. 216. t. 3.  
 — in magno adparatu semper dilaceratur & finditur. 193. t. 3.  
 — etiam in magno adparatu a quibusdam inciditur. 194. t. 3.  
**Charbertus** quomodo sanguinem amputata manu



- nu vel cubito sistat. 69. t.2.  
 Cheseldenus altum adparatum feliciter exer-  
 cuit. 203. t.3.  
 — quare altum adparatum intermiserit. 209. t.3.  
 — eum magno præfert. 209. t.3.  
 — lateralem deinde sectionem valde emen-  
 davit. 223. t.3.  
 — quomodo prima experimenta lateralis  
 adparatus instituerit. 221. t.3.  
 — calculum, qui magno adparatu ab alio  
 educi non potuit, laterali eduxit. ibid.  
 — caries ossium, exostoses & spinas ventro-  
 fas pulchre delineavit. 291. t.1.  
 — ferramenta varia pro hac operatione cor-  
 rexit. 109. t.3. vid. tab.31.  
 — herniam incarceratam peculiari modo cu-  
 ravit. 113. t.3.  
 — pupillam oculi clausam singulari ratione  
 aperit & discindit. 156. t.2.  
 Chinæ chinæ usus. vid. cort. Peruv.  
 Chinenſium acupunctura. 45. t.2.  
 Chiron chirurgus antiquissimus. 6. t.1.  
 Chirotheca, fasciæ species. 256. t.4.  
 Chirurgia quid. 3. t.1.  
 — antiquissima & certissima est Medicinæ  
 pars. 5. t.1.  
 — est maxime necessaria. 27. t.1.  
 Chirurgia. Ejus progressus & incrementa. 6. t.1.  
 — infusoria quid. 35. ejus inventores &  
 patroni. 36. t.2.  
 — medica, medicamentis sanat. 4. t.1.  
 — practica quid. ibid.  
 — transfusoria. 35. t.2.  
 — veteribus jam bene erat perspecta. 3.  
 quod ipsum uberius calculi. cataractæ. tre-  
 panationis &c. operationes, foetus mortui  
 extractio evincunt. vid. in suis locis,  
 — divisio. 11. t.1.  
 — natura & necessitas. 2. t.1.  
 — progressus. 6. t.1.  
 — finis. 5. t.1.  
 — Ingens nexus cum medicina. 3. t.1.  
 — studium arduum est. 27. t.1.  
 Chirurghi antiqui præstantiores. 6. t.1.  
 — recentiores optimi. 7. t.1.  
 Chirurgicæ operationes. 1. t.2.  
 Chirurgici libri præstantiores qui. 7. t.1.  
 — Scriptores generatim vid. in bibliotheca  
 chir. post præfat.  
 Chirurgus quid. 12. t.1. ejus officium & virtu-  
 tes. 16. t.1.  
 — anatomen probe calleat. 13. t.1. & alibi.  
 Chirurgorum prudentia præſagiendo. 17. t.1.  
 — antiquissimorum scientia jam in  
 multis curationibus magna fuit cataractæ &  
 calculi operatio. foetus mortui extractio.  
 perforatio cranii. vaginæ clausæ evincunt.  
 v. suis locis.  
 Cicatrix quid & quomodo obtinenda in vul-  
 neribus. 47. in ulceribus. 266. t.1.  
 Cicero Medicis & chirurgis quam utilissima  
 præcepta dedit. 16. t.1.  
 — evulsionis dentium inventionem Æscu-  
 latio adscribit. 242. t.2.  
 Cinamomi aqua egregium cardiacum ubi vi-  
 res instaurandæ. 217. t.1.  
 — Oleum in carie prodest. 287. t.4.  
 Circularis fascia quid. 212. t.4.  
 Cirsocele quid. 103. t.3.  
 Clavata futura quid. 57. t.1.  
 Clavi pedum. 133. t.1.  
 Clavicula fracta. 134. t.1.  
 — luxata. 156. t.1.  
 Claviculæ fractæ vinctura. 228. t.4.  
 Clitoris nimis magna quomodo auferenda. 271. t.3.  
 Clysteres quid & quomodo adhibendi. 30. t.4.  
 — eorum usus multiplex. 32. t.4.  
 — nutrire possunt. ibid.  
 ex tabaci fumo in hernia incarcerata effica-  
 cissimi. 113. t.3.  
 Cohausius secundinas non naturæ esse relin-  
 quendas contra Ruyschium evincit. 14. t.4.  
 Colli incurvati curatio. 6. t.3.  
 — venæ quomodo secandæ. 5. t.2.  
 — vulnera. 83. t.1.  
 Collisa vulnera quid & quomodo curanda. 91. t.1.  
 Colotus, celebris lithotomus Parisin. librum  
 reliquit de lithotomia. vid. Bibliotheca Chi-  
 rurgica.  
 — perinæi punctura ad modum magni ad-  
 paratus instituit. 257. t.3.  
 — de urina suppressa bene scripsit. ibid.  
 — urinam suppressam a prostaticis scirrho-  
 sis vidit. 256. t.3.  
 — urinæ suppressæ curationes non nimis diu  
 differendas esse evincit. 261. t.3.  
 Combustio quomodo curanda. 247. t.1.  
 Concreti digitis, nares, palpebræ &c. vid. di-  
 giti, nares, palpebræ &c.  
 Condylomata ani. 39. t.4.  
 Contrahitura quid. 126. t.1.  
 Contra apertura, *controverture* quid. 39. t.1.  
 Contusa vulnera. 96. t.1.  
 Contusiones quid & quomodo curandæ. ibid.  
 — capitis & cranii. 83. t.1.  
 Convulsiones vulnerum qua ratione curandæ. 51. t.1.  
 Corneæ tunicæ maculæ. 213. t.3.  
 Coronalis futuræ fonticulus. 39. t.2.  
 Corporis præparatio ante graviores operationes  
 chirurgicas maxime est necessaria. 97. t.2.  
 — præſervatio a peste. 213. t.1.  
 Cor-



Corrodentia, caustica five rodentia medica-  
menta. 267. t.1.  
Cortex peruvianus in gangrænæ curatione val-  
de laudatur. 239. t.1.  
— quid auctor circa hujus usum observa-  
verit. 241. t.1.  
— costæ fractæ. 119. t.1.  
— luxatæ. 173. t.1.  
— fascia pro ipsis. 245. t.4.  
Cowperus, Chirurgus Anglus, futuram ten-  
dinis Achillis optime descripsit. 81. t.4. quæ  
uberius tamen illustratur. ibid.  
— in hac futura differt ab aliis. 83. t.1.  
Cranii læsiones. 90. t.1.  
— nudi terebratio. 81. t.1.  
Crepitus lupi in sanguinis fluxu vulnetum co-  
hibendo sæpe utilis. 51. t.1.  
Cristæ ani. 34. t.4.  
Cruor in oculum effusus, qua ratione emit-  
tendus. 109. t.2.  
Crusta lactea infantum. 295. t.1.  
Cubitus fractus. 136. fascia pro ipso. 246. t.4.  
— luxatus. 123. t.1.  
Cucurbitulæ quomodo adhibendæ. 40. t.2.  
— cruentæ idem, imo sæpe plus præstant,  
quam venæ sectio. 43. t.2.  
— male a quibusdam rejiciuntur. 44. t.2.  
Cyprianus celebris inter recentiores chirurgos.  
7. t.1.  
— fœtum ex abdomine excidit, matre su-  
perstite. 75. t.3.  
— hernias post celotomiam vulgarem pera-  
ctam sæpe redire observavit. 99. t.3.  
— quomodo herniam incarceratam cura-  
verit. 87. t.3.  
— vulnus musculorum abdominis in incar-  
ceratæ herniæ curatione amplum fecit &  
deinde futura conjunxit. 103. t.3.  
Cystotomia a nonnullis pro lithotomia sumi-  
tur. 173. t.3.  
— hypogastrica, idem quod lithotomia per  
adparatum altum.

## D

**D**Ecocta lignorum magni sunt usus ubi re-  
solvendus, & in sanguine impuro. 221. t.1.  
— vulneraria qualia esse debeant. 51. t.1.  
Dekkeri instrumenta ad tracheotomiam. 7. t.3.  
— machina ad auditum difficilem non præ-  
stat quod promittit. 188. t.2.  
Deligatio apta utilissima est & chirurgum valde  
ornat. 211. t.4.  
— rara sit in vulneribus. 41. t.1.  
— fortior in fracturis & vulneribus haud  
raro gangrænâ induxit. 117. t.1.  
— fortior in hæmorrhagiis gravioribus vul-

nerum necessaria sæpe est. 56. t.1.  
Deligatio nimis laxa in fracturis noxia. 126. t.1.  
Deligationis bonæ requisita. 19. t.1.  
— signa in fracturis. 119. t.1.  
Dentes artificiales. 243. t.2.  
— carie exesi. 240. t.2.  
— clausi aperiendi. 243. t.2.  
— dolentes quomodo curandi. 141. t.2.  
— impuri qua ratione mundandi. ibid.  
Dentium dolor. ibid.  
— evulsio quomodo fiat. 242. t.2.  
— evulsioni inventio Æsculapio a Cicerone  
adscribitur. ibid.  
Dentitionis difficilis remedium est gingivarum  
incisio. 243. t.2.  
Denysius, lithotomus Leidenfis, discipulus &  
successor Ravii, observationes de calculo &  
lithotomia scripsit. 229. t.3.  
— Ravii modum omnibus præfert, attamen  
eum non describit. 231. t.3.  
— lithotomiæ modos veterum non esse re-  
jiciendos vult. 217. t.3.  
— adparatum altum multis objectionibus  
impugnat, quibus respondetur. 213. t.3.  
— adparatum tamen altum magno adpa-  
ratui præfert. 216. t.3.  
— urinam suppressam eo in perinæi loco  
educit, ubi calculum excidit. 256. t.3.  
— excogitavit peculiare ferramentum, quo  
suppressam urinam evocat. ibid.  
— signa calculi bene descripsit. 206. t.3.  
Depressio cranii quomodo tractanda. 106. t.1.  
Detardingius in aqua submersis laryngotomia  
succurri posse existimat. 9. t.3.  
Deventerus de arte obstetricandi egregie scri-  
psit. 10. t.1.  
— in quovis fere partu difficili, ex situ p.  
n. fœtus, sine mora fœtum pedibus educen-  
dum esse suadet. 286. t.3.  
— uteri situm sæpe obliquum esse in partu  
evincit, & inde oriri plerumque partum  
difficilem docet, ibid.  
— quid faciendum præcipiat si uteri situs  
obliquus. 292. t.3.  
Diæresis quid. 11. t.1.  
Diæta graviter vulneratorum. 49. t.1.  
— in chirurgia est utilissima. 18. t.1.  
— in ulcerum curatione summe necessaria  
est. 267. t.1.  
Diæta eorum, qui vehementem operationem  
chirurgicam sustinuerunt, eadem est ac gra-  
viter vulneratorum. 53. t.1.  
Digestivum unguentum ex terebinthina & vi-  
tello ovi paratum, prodest in abscessibus.  
ulceribus & vulneribus recentibus. 11. t.1. &  
alibi.  
Digiti cohærentes s. concreti quomodo divi-  
den-



- dendi. 63. t.2.  
 — corrupti & p. n. qua ratione auferendi. 64. t.2.  
 — fracti curatio. 142. t.1.  
 — luxati curatio. 178. t.1.  
 Dionysius recens scriptor chirurgicus Gallus. 7. t.1.  
 — altam operationem calculi commendat. 198. t.3.  
 — carunculas urethræ negat. 168. t.3.  
 — Jacobi fratris, lithotomi celebris fata describit. 225. t.3.  
 — Jacobum pro temerario habet. 228. t.3.  
 — omentum corruptum auferre dissuadet. 84. t.1.  
 — pectore vulneratum tota nocte vulnere imposuit. 81. t.1.  
 — puncturam vesicæ in perinæi ibi fieri vult, ubi frater Jacobus calculum excidit. 251. t.3.  
 — negavit male herniam umbilicalem a peritonæo diducto oriri posse. 101. t.3.  
 Dividens fascia, in collo ambusto, 225. t.4.  
 Divinatio e sanguine vena educto ut plurimum incerta. 9. t.2.  
 Dolor ad inflammationis signa pertinet. 212. t.1.  
 — calculi vehemens ægros ad operationem impellit. 219. t.3.  
 — dentium vehemens. 241. t.2.  
 — paronichiæ sæpe vehementissimus. 60. t.4.  
 — vulnerum qua ratione temperandus. 53. t.1.  
 Dolores partus veri & falsi qui. 282. t.3.  
 Dorsum incurvatum. 5. t.3.  
 Douglas (Jacob) doctissime scripsit de sectione calculi laterali, & speciatim Cheseldeni emendationibus. 232. t.3.  
 — Cheseldeni correctæ aut nova pro hac methodo instrumenta delineavit. ibid.  
 — vesicam solam Raviana methodo incidi non posse contra Albinum sustinet. 238. t.3.  
 Douglas (Jo.) altam operationem sive adparatum altum instauravit, & feliciter exercuit. 205. t.3.  
 — quomodo altus adparatus in mulieribus fit instituendus docet. 280. t.3.  
 — puncturam vesicæ, quæ fit in hypogastrico, præfert ei, quæ fit in perinæo. 200. t.3.  
 Drakius novum modum Ozænam curandi dedit. 224. t.2.  
 Dranius (Galice le Dran) recens chirurgus Gallus egregius. 7. t.1.  
 — de ani fistulis observationes dedit. 53. t.4.  
 — comparisonem diversarum lithotomiæ methodorum doctam publicavit. 10. t.1.  
 — adparatum magnum emendavit. 182. t.3.  
 — adparatum magnum præ ceteris extollit. 181. t.3.

- Judicium dat de adparatu alto & laterali. 189. t.3.  
 — adparatum parvum prorsus contemnit, sed meo judicio, male. 174. 3.  
 — catheterem & scalpellum peculiarem pro lithotomia excogitavit. vid. tab. 31.  
 — carpit catheterem Ravianum ab Albino delineatum & alium sustituit. 163. t.3.  
 — hernias incarceratas quomodo curet. 115. 3.  
 — herniarium scalpellum invenit. 110. t.3.  
 — sanguinem extracto polypo nasi vehementius fluentem peculiari ratione compefcit. 191. t.2.  
 — sphincterem vesicæ magno adparatu semper lacerari docuit. 199. t.3.  
 — ulcerum callos solvendi modum tradidit. 267. t.1.  
 Ductus biliferi læsi lethales. 38. t.1.  
 — stenonianus læsus. 119. t.1.  
 Dura mater. vid. Meninges.  
 Dystocia. vid. partus difficilis. 281. t.3.

## E

- Echymosis post venæ sectionem. 284. t.1.  
 Ectropium palpebrarum morbus. 106. t.2.  
 Elephantinus oculus. 167. t.2.  
 Elevatio cranii fracti & impressi. 101. t.1.  
 Embryulcia, vid. fœtus extractio.  
 Embryulciam & hysterotomiam multi male confundunt, & quomodo differant, indicantur. 71. t.3.  
 Emollientia in abscessibus duris emolliendis & maturandis profunt. 181. t.1.  
 Emphysema quid. 138. t.1.  
 Emplastra quid & quomodo aptentur. 20. t.1.  
 — an in fracturis necessaria. 121. t.1.  
 Emplastrum de ammoniaco resolvit. 251. t.1.  
 — Andree a Cruce glutinat. 71. t.2.  
 — de cicuta, scirrhus resolvit. 122. t.1.  
 — diachylum compositum egregie abscessus emollit & maturat. 206. t.1.  
 — diachylum simplex & diapalmæ in vulneribus sanandis commoda. 12. t.1.  
 — cum mercurio dissolvit. 223. t.2.  
 — diaphoret. Myns. resolvit. ibid.  
 — ad hernias in herniis glutinat. 147. t.3.  
 — maturans est diachyl. e. gumm. 202. t.1.  
 — Norimbergense resolvit. 132. t.3.  
 — de pelle ariet. in herniis prodest. 133. t.1.  
 — de ranis Vigonis cum mercurio dissolvit in scirrhis, 221. in ulceribus venereis prodest. 238. & in callis solvendis. ibid.  
 — saponis s. diasaponis resolvit. 11. t.3.  
 — saturninum exsiccat & temperat in ulceribus, & cancris. 236. t.1.  
 — spermatis ceti resolvit & præsertim in mam-



mammarum tumoribus. 215. t.1.  
 — stypticum Crolli, in vulneribus conso-  
 lidandis. 12. t.1.  
 — vesicatorium, vesicas excitat, quo mo-  
 do adhibendum. 49. t.2.  
 — Vigonis cum mercurio, vid. de ranis  
 Vigonis.  
 Empyematis curatio. 23. t.3.  
 Encantis, oculi morbus. 107. t.2.  
 Enterocoele inguinis. 104. t.3.  
 — scroti, 119. t.3.  
 — umbilici. 99. t.3.  
 Entero epiplocele. 129. t.3.  
 Entereo hydrocele. 134. t.3.  
 Entereo sarcocoele. 133. t.3.  
 Enteromphalus, vid. umbilici hernia.  
 Entero-raphe, vid. sutura intestinorum.  
 Epiphora s. oculus lacrymans. 118. t.2.  
 Epiplocele. 129. t.3.  
 Epulis, gingivæ tuberculum. 246. t.2.  
 Equi morsus. 116. t.1.  
 Erndelius lithotomiam Ravii descripsit, & non-  
 nulla ab aliis prætermissa notavit. 226. t.3.  
 Errores variorum circa fratrem Jacobum. 248. t.3.  
 — variorum circa Ravii historiam. 230. t.3.  
 Erysipelas. 219. t.1.  
 — retropulsum periculosum. 211. t.1.  
 — ulceratum difficulter curatur. 113. t.1.  
 Essentia balsami peruviani, vulneraria est. 43. t.1.  
 — euphorbii in carie ossium efficax. 287. t.1.  
 — mastichis ubi ossa læsa. 289. t.1.  
 — myrrhæ traumatica est 37. ubi ossa læsa. 290. t.1.  
 — succini, vulneraria & imprimis etiam in  
 ossibus læsis utilis. 42. t.1.  
 Essentiæ balsamicæ quæ. 43. t.1.  
 Euphorbium in carie tollenda prodest. 287. t.1.  
 Exæresis quid. 9. t.1.  
 Excrescentiæ generatim. 56. t.2.  
 — ani. 34. t.4.  
 — auditorii meatus. 186. t.2.  
 — oculorum. 98. t.2.  
 — palpebrarum. ibid.  
 — tonsillarum. 259. t.2.  
 — vaginæ uteri. 272. t.3.  
 — urethræ sive carunculæ. 167. t.3.  
 Excutia ventriculi quid. 4. t.3.  
 Exomphalos, idem quod umbilici hernia. 136. t.3.  
 Exostosis quid. 288. t.1.  
 Exploratio morborum qua ratione instituen-  
 da. 17. t.1.  
 Extensio necessaria in fracturis. 121. t.1.  
 — luxationibus. 161. t.1.  
 — præsentē inflammatione magna non su-

scienda. 114. t.1.  
 Extractio rerum peregrinarum ex aspera arte-  
 ria 9. t.3. ex aure. 185. t.2. ex oculo. 98.  
 t.2. ex vulneribus. 43. t.1.  
 Extremis malis, extrema esse opponenda re-  
 media ostenditur. 83. t.1.

## F

Fabricius (Guilielm.) vidi Hildanus.  
 Fabricius (Hieron.) ab Aquapendente,  
 celebris Medicus & chirurgus superioris se-  
 culi. 7. t.1.  
 Fabricii operationes chirurgicas scripsit. 6. t.1.  
 — ferramenta pro fonticulo in futura co-  
 ronali descripsit. 85. t.2.  
 — instrumentum pro fistula lacrymali com-  
 primenda. 124. t.2.  
 — forcipes pro polypo narium dedit. 193. t.2.  
 Faciei vulnera. 91. t.1.  
 Falconetus, Medicus Paris. de alta & laterali  
 calculi sectione docte scripsit. 208. t.3.  
 — Romanum in magno excogitando  
 adparatu non urethram, sed vesicam inci-  
 dere voluisse existimat. 185. t.3.  
 — Ravium mulieres a calculo non se-  
 cuisse affirmat. 229. t.3.  
 Falloppius Medicus & chirurgus celebris. 7. t.1.  
 — vias lacrymales novit. 119. t.2.  
 Fascia quid. 211. t.4.  
 — generatim considerata. 212. t.4.  
 — ad aneurysma. 250. t.4.  
 — ad ani fistulam. 283. t.4.  
 — morbos. ibid.  
 — ad arteriam brachii incisam. 254. t.4.  
 — brachium amputatum. 259. t.4.  
 — ad bubones. 237. t.4.  
 — capelline Gallorum. 217. 227. 253. t.4.  
 — capistrum simplex. 218. t.4.  
 — duplex. ibid.  
 — capitalis reflexa pro capite, pro clavi-  
 cula. 226. t.4.  
 — pro manu amputata. 245. t.4.  
 — capitium magnum dicta. 216. t.4.  
 — triangulare. ibid.  
 — ad brachii vitia. 242. t.4.  
 — ad brachium amputatum. 246. t.4.  
 — cataphracta dicta. 235. t.4.  
 — chirotheca dicta. 247. t.4.  
 — imperfecta seu dimidia dicta. ibid.  
 — circularis quid. 213. t.4.  
 — ad collum femoris fractum. 256. t.4.  
 — composita quid. 214. t.4.  
 — continens quid. ibid.  
 — colli. 224. t.4.  
 — ad cubitum fractum. 245. t.4.  
 — luxatum. ibid.  
 re-



- resectum. ibid.  
 ————— ad digitos fractos & luxatos. ibid.  
 ————— ad digitos mutilatos sive resectos. ibid.  
 ————— discrimen dicta. 216. t.4.  
 Fascia dividens in collo ambusto. 224. t.4.  
 ————— expellens. 213. t.4.  
 ————— ad femur fractum, luxatum. 253. t.4.  
     resectum. 263. t.4.  
 ————— ad fistulam ani. ibid.  
 ————— ad fonticulos. 85. t.2.  
 ————— ad fractum brachium. 242. t.4.  
     carpum. 240. t.4.  
     claviculam. 227. t.4.  
     cubitum. 248. t.4.  
     digitos. 251. t.4.  
     femur. ibid.  
     humerum. 240. t.4.  
     metacarpum. 225. t.4.  
     metatarsum. 253. t.4.  
     patellam. ibid.  
     scapulam. 230. t.4.  
     tarsum. 253. t.4.  
     tibiam. 263. t.4.  
     & contritam tibiam, ibid.  
 ————— ad femur fractum. 250. t.4.  
 ————— cum vulnere. 262. t.4.  
 ————— frondalis dicta quid. 219. t.4.  
 ————— frontis. 220. t.4.  
 ————— funda dicta pro capite. 219. t.4.  
     pro labris. 222. t.4.  
     pro mammis. 234. t.4.  
     pro maxilla. 219. t.3.  
     pro naso. 218. t.4.  
 ————— ad glandulas parotides exsectas. 219. t.4.  
 ————— ad genu luxatum. 259. t.4.  
 ————— Heliodori dicta, sive T. 237. t.4.  
 ————— herniarum. 144. t.3.  
 ————— ad humerum amputatum. 250. t.4.  
     in articulo excisum. ibid.  
     fractum. 242. t.4.  
 ————— Inguinalis simplex. 237. t.4.  
     duplex. 238. t.4.  
 ————— labrorum læsorum. 222. t.4.  
 ————— mantile cum scapulari. 234. t.4.  
 ————— larva dicta ad faciem. 222. t.4.  
 ————— post lithotomiam. 238. t.4.  
 ————— ad luxatum brachium. 229. t.4.  
     carpum. 246. t.4.  
     claviculam. 226. t.4.  
     cubitum. 247. t.4.  
     digitos. 250. t.4.  
     femur. 255. t.4.  
 ————— ad luxatum humerum. 229. t.4.  
     patellam. 251. t.4.  
 Fascia ad luxatum pedem sive tarsum. 259. t.4.  
 ————— ad mammarum vitia. 234. t.4.  
 ————— ad mammas resectas. ibid.
- manum adustam. 248. t.4.  
 ————— resectam. 250. t.4.  
 ————— maxillam. 222. t.4.  
 ————— metatarsum fractum. 259. t.4.  
 ————— monocus dicta. 226. t.4.  
 ————— ad naturalia mulierum. 238. t.4.  
 ————— nodosa pro temporibus. 218. t.4.  
 ————— pro perinæo post calculi vel fistulæ ani sectione. 239. t.3.  
 ————— octodecim capitum. 262. t.4.  
 ————— oculus simplex. 220. t.4.  
     duplex. ibid.  
 ————— pro pede luxato. 279. t.4.  
 ————— pene. 241. t.4.  
 ————— pollice fracto. 249. t.4.  
 ————— quadriga. 235. t.4.  
 ————— quatuor capitum, pro capite, pro labris. 215. t.4.  
 ————— pro mammis. 223. t.4.  
 ————— pro maxilla. 234. t.4.  
 ————— pro naso. 223. t.4.  
 ————— reflexa. 221. t.4.  
 ————— ad rotulam fractam. 253. t.4.  
     luxatam. 255. t.4.  
 ————— scapha dicta. 220. t.4.  
 ————— scapularis cum mantili. 234. t.4.  
 ————— pro scapula fracta. 230. t.4.  
 ————— scroti. 241. t.4.  
 ————— sex capitum. 217. t.4.  
 ————— simplex quid. 212. t.4.  
 ————— solaris pro arteriotomia. 216. t.4.  
 ————— spica simplex dicta axillaris pro clavicula, pro humero. 229. t.4.  
 ————— spica duplex. ibid.  
 ————— inguinalis dicta. 239. t.4.  
     duplex. 240. t.4.  
 ————— stapes dicta. 259. t.4.  
 ————— stellata dicta. 226. t.4.  
 ————— T. sive Heliodori. 237. t.4.  
 ————— ad tarsum fractum. 258. t.4.  
 ————— tibiam fractam. 257. t.4.  
 ————— graviter comminutam. 262. t.4.  
 ————— ad tracheotomiam. 224. t.4.  
 ————— triangularis capitis. 245. t.4.  
     pro oculis. 220. t.4.  
 ————— ad venam sectam in brachio vel cubito, in fronte, manu, pede; pene. 241. t.4.  
 Fascia umbilici. 236. t.4.  
 ————— uniens pro capite & fronte. 217. t.4.  
 ————— uniens. 214. t.4.  
 ————— uniens ventris. 236. t.4.  
 ————— ad vaginæ & uteri vitia. fascia T. dicta. ibid.  
 Fasciæ capitis. 215. t.4.  
 ————— pectoris. 225. t.4.  
 ————— ventris. 244. t.4.  
 ————— ductus annulares. 212. t.4.



——— circulares. ibid.  
 ——— inverſi. ibid.  
 ——— obtuſi. ibid.  
 ——— reflexi. ibid.  
 ——— repentes. ibid.  
 ——— ſpirales. ibid.  
 Faſciarum ductus ſimplex. ibid.  
 ——— firmitas qualis eſſe debeat. ibid.  
 Faſcia qui deſcripſerunt. 9. t. 1.  
 Fauchard de dentium morbis bene ſcripſit. 8. t. 1.  
 Faucium inflammatio & abſceſſus. 256. t. 2.  
 Favus capitis. 295. t. 1.  
 Febris vulneraria. 51. t. 1.  
 ——— quomodo curanda. ibid.  
 Fegrius methodum Ravianam jam antea deſcripſit. 224. t. 3.  
 Fel lucii & muſtelæ piſcis in maculis oculorum tollendis profunt. 161. t. 2.  
 Feminarum mala, quæ manum medici requirunt. 265. t. 3.  
 ——— calculi quomodo educendi. 271. t. 3.  
 ——— exempla, quibus calculus methodo laterali eſt extractus, rariſſima ſunt. 280. t. 3.  
 ——— mammæ ſæpius carcinomate afficiuntur quam virorum. 256. t. 1.  
 Femur fractum. 143. cum vulnere. 99. faſcia pro hoc. 262. t. 4.  
 ——— luxatum. 179. t. 1.  
 ——— fractum cum vulnere. 99. t. 1.  
 ——— cum hæmorrhagia. 101. t. 1.  
 Femoris amputatio, faſcia pro hac. 260. t. 4.  
 ——— colli fractura, faſcia pro hac. 239. t. 4.  
 Feræ an fere morſus legendum apud Celfum diſputatur. 112. t. 1.  
 Ferramenta; vid. Inſtrumenta.  
 Ferramentis in partu difficili carere quandoque non poſſumus. 7. t. 4.  
 Ferri candentis uſus. 51. t. 2.  
 Ferulæ in fracturis adhibentur. 119. t. 1.  
 ——— a nonnullis in fracturis rejiciuntur. 117. t. 1.  
 Fibula a tibia vi quandoque divellitur. 191. t. 1.  
 Fibulæ in calculis repertæ. 280. t. 4.  
 Ficus ani. 40. t. 4.  
 ——— uteri. 272. t. 4.  
 Fiſſuræ cranii. 93. t. 1.  
 ——— aliorum oſſium. 121. quomodo hæ curandæ. 133. t. 1.  
 Fiſtula generatim quid ſignificet ejuſque curatio. 271. t. 1.  
 ——— quomodo incidenda. 272. t. 1.  
 ——— ani quomodo curanda. 46. t. 4.  
 ——— lacrymalis. 120. an callum requirat, negatur. 122. t. 2.  
 ——— perinæi. 262. t. 3.  
 ——— thoracis. 271. t. 1.  
 ——— ventris. ibid.

Foetus ſitus in partu in arte obſtetricia ſciendus. 284. t. 3.  
 ——— partus naturalis quis. 285. t. 3.  
 ——— vivi in partu difficili extractio. 281. t. 3.  
 ——— ſitus quinam præter naturam. 281. t. 3.  
 ——— in partu aut ſitu p. n. pedibus extrahendus. 287. t. 3.  
 ——— ſitus quinam periculoſiſſimus. 286. t. 3.  
 ——— in partu aut ſitu p. n. pedibus extrahendus. 287. t. 3.  
 ——— extractio nimium non differenda. 289. t. 3.  
 ——— exſectio e ventre matris ſive ſectio cæſarea. 70. t. 3.  
 ——— ex utero rupto ventrem ingrediens ſectione cæſarea educenda. 73. t. 3.  
 ——— vivus brachio prodiens pedibus extrahendus. 289. t. 3.  
 ——— ſi artubus veniat. 293. t. 3.  
 ——— ſi pedibus veniat non repellendus. 292. t. 3.  
 ——— ſi humeris vel capite hæreat, quomodo extrahendus. 294. t. 3.  
 ——— vivus ob matrem ſervandam ſubinde occidendus. 75. t. 3. & alibi.  
 ——— matre mortua adhuc vivere poteſt. 76. t. 3.  
 ——— auctores qui hoc probant ergo. 77. t. 3.  
 ——— matre mortua ſine mora excidendus. 81. t. 3.  
 ——— ex utero ſæpius feliciter exſecti ſunt. 84. t. 3.  
 Foetus mortui ex utero extractio, eſt una ex difficillimis & periculoſiſſimis operationibus. 5. t. 4.  
 ——— & ſine ferramentis quandoque educi non poſſunt. 89. t. 3.  
 ——— mortui ſigna difficilia & dubia ſunt. 4. t. 4.  
 ——— mortui brachium ſi propendet quomodo extrahendus. 7. t. 4.  
 ——— mortui caput, ſi in utero remanet, quæ ratione emoliendum. 6. t. 4.  
 ——— mortui per abſceſſum ventris exitum molientes excidendi. 88. t. 3.  
 ——— mortui per anum extracti exempla. 87. t. 3.  
 ——— ſed non vivi, male diſpoſiti extractionem veteres docuerunt. 285. t. 3.  
 Fontanus tracheotomiam commendat & obſervationibus confirmat. 8. t. 3.  
 Fonticuli & eorum uſus. 46. t. 2.  
 Fonticulus in futura coronali. 84. t. 2.  
 Foramina palati quomodo curanda. 254. t. 2.  
 Foraminula quo pacto in lobulis aurium ſint facienda. 186. an in morbis quibuſdam proſint. 189. t. 2.  
 Forceps qua ratione in calculi extractione tractanda. 188. t. 3.  
 Forcipum uſus in foetus extractione in partu difficili. 8. t. 4.  
 Fracta oſſa quomodo reponenda. 122. t. 1.  
 Fractura generatim conſiderata. 117. t. 1.



— simplex est vel composita. ibid.  
 — nimis arcte deligata gangrænæ sæpe  
 caussa. 125. t.1.  
 — brachii. 140. t.4.  
 — cariei juncta. 123. t.1.  
 — carpi. 142. t.1.  
 — claviculæ. 134. t.1.  
 — complicata cum vulnere. 131. cum ul-  
 cere & carie. 132. t.1.  
 — costarum. 137. t.1.  
 — cranii. 135. t.1.  
 — cruris seu tibiæ. 151. t.1.  
 — cubiti. 140. t.1.  
 — digiti. ibid.  
 — femoris. ibid.  
 — humeri. 143. t.1.  
 — maxillæ. 133. t.1.  
 — metacarpi. 141. t.1.  
 — metatarsi. 151. t.1.  
 Fractura nasi. 132. t.1.  
 — ossis sacri. 137. t.1.  
 — patellæ sive rotulæ. 148. t.1.  
 — pedis. 150. t.1.  
 — sterni. 146. t.1.  
 — tarfi. 145. t.1.  
 — tibiæ. 147. t.1.  
 — vertebrarum. 153. t.1.  
 — cum ulcere. 155. t.1.  
 — cum vulnere. ibid.  
 Fracturarum prognosis. ibid.  
 — repositio. 151. t.1.  
 — symptomata. 156. t.1.  
 — curatio. 157. t.1.  
 — callus. 158. t.1.  
 — inflammatio & gangræna. 170. t.1.  
 Frænuli linguæ incisio. 248. t.2.  
 — penis resolutio. 132. t.1.  
 Fragmenta cranii quomodo tractanda. 99. t.1.  
 — aliorum ossium. 121. t.1.  
 Francus altam calculi incisionem primus per-  
 fecit. 177. t.3.  
 Franconica lithotomiæ methodus. ibid.  
 Fratris Jacobi calculum excidendi ratio ejusque  
 fata. vid. Jacobus Frater.  
 Frere Jacques. vid. Jacobus frater.  
 Freytagius cataractas ut plurimum membranas  
 esse contendit. 140. t.2.  
 — cataracta acubus hamatis posse perhi-  
 bet. ibid.  
 — acus pro cataracta ex oculo extrahenda  
 dari asseverat. ibid.  
 — hernias sine exsectione testiculi a parente  
 ipsius sæpe curatas esse tradit. 119. t.3.  
 Frontis vulnera. 81. t.1.  
 Funda, fascia, vid. fascia funda.  
 Fundus vesicæ in alto adparatu non inciden-  
 dus, quia læsio ejus lethifera est, docent

tamen hoc nonnulli sed male. 201. t.3.  
 — vulneris prius quam oræ glutinandus. 41. t.1.  
 — fistulæ citius quam ore sanandus. 271. t.1.  
 Fungus ani. 40. t.4.  
 — articulorum. 229. t.1.  
 — oculi 121. quinam exempla delineave-  
 rint ibid. ejus curatio. 125. t.2.  
 — uteri. 272. t.3.  
 Funes & fonticuli chirurgi. 26. t.1.  
 Funiculi umbilicalis ligatura, non est negli-  
 genda. 165. t.3.  
 Furunculus ejusque curatio. 221. t.1.

## G

Galenus antiquus celebris Medicus & chi-  
 rurgus. 6. t.1.  
 — de fasciis bene scripsit. 10. t.1.  
 — de hirudinibus scripsit. 44. t.2.  
 — hypopii curationem bene tradit. 165. t.2.  
 — luxationem claviculæ passus est, &  
 quomodo hæc curata sit. 193. t.1.  
 Galliæ & Angliæ Reges strumas tactu curare  
 dicuntur. 11. t.3.  
 Ganglium. 71. t.4.  
 Gangræna & sphacelus. 238. t.1. fasciis ni-  
 mis adstrictis sæpe inducuntur. 114. t.1,  
 — & sphacelus ossis quid. 289. t.1.  
 Garengéot, scriptor recens Gallus, sæpe in  
 hoc libro laudatur. 6. t.1.  
 — adparatum altum extollit. 215. t.3.  
 eumque magno sæpe præfert. 317. t.3.  
 — Albinum contra negat solam vesicam in  
 Raviana methodo incidi posse sine cervice  
 221. t.3.  
 — Anelli instrumenta pro fistula lacryma-  
 li male delineat. 133. ejus methodum ma-  
 le describit, ibid. frustra eam succedere ne-  
 gat, aliosque errores circa hanc commit-  
 tit. ibid.  
 — ani fistularum complicatarum curatio-  
 nem non exhibuit. 61. t.4.  
 — calculum secandi rationes varias in pri-  
 ma libri sui editione prorsus omisit. 212. t.3.  
 — calculos secare, quod aliis exprobrat,  
 ipse non est usus. 229. t.3.  
 — calculos in feminis extrahendi modum  
 tantum unicum tradit. 276. t.3.  
 — cataractæ curationem prorsus prætermi-  
 tit. 138. t.2.  
 — chirurgos negligentiae accusat, quod  
 morbos oculorum negligent. 124. t.2.  
 — crurales hernias ceteris frequentiores es-  
 se perhibet. 117. t.3.  
 Garengéot cubum scarificatorium temere reji-  
 cit. 42. t.2.  
 — gangrænam horis 22. non nisi semel de-



ligandam non esse vult. 240. t. 1.  
 — hernias crurales reliquis frequentiores esse vult. 117. t. 3.  
 — labri leporini sectionem ubi representare vult, labrum integrum exhibet. 229. t. 2.  
 — in lacrymali fistula viam novam conservari posse male negat. 129. t. 2.  
 — lithotomiæ perfectionem omnem solis Gallis injuste adscribere conatur. 239. t. 3.  
 — nasu morfu ablatum futuram restitutum esse perhibet. 225. t. 2.  
 — oculi musculum obliquum in fistula lacrymali sine ratione addita refecari vult. 136. t. 2.  
 — oculorum morbos non intellexisse videtur. 128. t. 2.  
 — operationes fere omnes prætermittit. ibid.  
 — omentum corruptam non esse auferendum vult. 67. t. 1.  
 — pessime existimat nihil in chirurgia nisi in Gallia dici posse. 239. t. 3.  
 — de puotura certa vesicæ neminem ante scripsisse falso gloriatur. 257. t. 3.  
 — *raiseau* vocabulo quid intelligat multi non capiunt. 97. t. 3.  
 — scirrhos non satis bene extirpari docet. 261. t. 2.  
 — de Ravio varia falsa scripsit. 238. t. 3.  
 — scarificatorium instrumentum temere rejicere conatur. 42. t. 2.  
 — futuram conficiendi modum tradit. 48. t. 1.  
 — tendinum futuram quandam pro nova venditat; quæ jam diu ab aliis descripta erat. 76. t. 4.  
 — tendinum extrema sibi invicem superinjicienda esse vult in futura tendinum. 77. t. 4.  
 — tendinum futuram non nisi in manibus describit, sed de Achillis aliorumque nihil præcipit. 74. t. 4.  
 — turundas in abdominis vulneribus male rejicit. 71. t. 1.  
 — venæ sectionem in labro leporino præter necessitatem commendat. 229. t. 2.  
 Garengéot, vesicæ fundum in alta operatione incidendum esse pessime docet. 209. t. 3.  
 — vesicam nimis, quam par est, in alio adparatu distendi vult. 223. t. 3.  
 — vocabulo *raiseau* quid velit, non intelligitur. 97. t. 3.  
 Gustroraphe quid. 53. t. 1.  
 — quæ futura clavata sit. 55. t. 1.  
 Georgius I. Magnæ Britanniæ Rex inoculationem variolarum in Europa introduxit. 38. t. 3.  
 — hernias caustico curandi artem magno pretio pro publica utilitate redemit. 123. t. 3.

Germania paucos habet calculosos. 241. t. 3.  
 Genarum vulnera. 91. t. 1.  
 Genselius carunculas urethræ confirmat. 168. t. 3.  
 Genu luxatum. 183. t. 1. fascia pro eo. 257. t. 4.  
 Gibbus. 27. t. 3.  
 Gingivarum incisio in dentitione difficili valde commendatur. 236. t. 2.  
 — noxæ. 238. t. 2.  
 Gladbachius fratris Jacobi res Francofurti gestas perscriptis. 223. t. 3.  
 Gladiorum apices & similia e vulneribus educenda. 39. t. 1.  
 Glandes alvum citantes quid & quomodo adhibendæ. 34. t. 4.  
 — plumbeæ e vulneribus extrahendæ. 60. t. 1.  
 Glandorpius qua ratione polypos narium tollat. 591. t. 2.  
 — defonticulis & setaceis scripsit. 8. t. 1.  
 — de paronychia librum evulgavit. 9. t. 1.  
 Glandularum parotidum & maxillarum scirrhorum exsectio. 252. t. 1.  
 Glaucoma quid. 145. t. 2.  
 — in opaco vitreo humore consistit. ibid.  
 Globuli plumbei quomodo e corpore extrahendi. 58. t. 1.  
 Gorgias antiquus celebris chirurgus. 6. t. 1.  
 Goveus abscessus ante maturationem incidendos esse vult. 221. t. 1.  
 — cæsaream sectionem probat ac defendit. 77. t. 1.  
 — fasciam bonam pro clavicula fracta & luxata descripsit. 227. t. 4.  
 Goveus meconii effluxum ex utero male pro certo mortis fætus signo venditat. 4. t. 4.  
 — male existimavit aneurisma castaneæ magnitudinem non excedere. 24. t. 1.  
 Grando in palpebris. 99. t. 2.  
 Gravidæ mortuæ omnes mox sunt aperiendæ pro fœtu servando. 81. t. 3.  
 Gravidarum nimius sanguinis fluxus qua ratione curandus. 10. t. 4.  
 Greenfield altam calculi operationem se perfecisse scribit, quia calculum alia ratione educere non potuit. 198. t. 3.  
 Guido Cauliacus celebris olim chirurgus. 5. t. 1.  
 Guidoniana calculi secandi ratio, eadem est quæ Celsi sive parvus adparatus. 174. t. 3.  
 Guilemeau celebris chirurgus Gallus. 7. t. 1.  
 Gulæ vulnera. 33. t. 1.  
 Gutta serena quid. 145. t. 2.  
 — an operatione chirurgica curanda. ibid.

H

**H**æmatocele quid. 142. t. 3.  
 — qua ratione curanda. 147. t. 3.  
 Hæmorrhagia post amputationem artuum quo-



- quomodo sistenda. 70. t.2.  
 — post ani fistulæ sectionem subinde  
 periculosa 48. quam cohibenda. 56. t.4.  
 — post lithotomiam quomodo curan-  
 da. 179. t.3.  
 — vinctura nova pro ea. 239. t.4.  
 — post narium polypum. 192. t.2.  
 — uteri in gravidis quomodo curan-  
 da. 10. t.4.  
 — vulnerum qua ratione cohibenda.  
 53. t.1.  
 Hæmorrhoides cæcæ. 40. t.4.  
 — fluentes quomodo tractandæ. 41. t.4.  
 Hamuli quid. 67. t.1.  
 — pro glandibus plumbeis extrahendis.  
 55. t.4.  
 Hartranst secundinas retentas non naturæ  
 relinquendas, sed mature extrahendas esse  
 ostendit. 14. t.4.  
 Heisterus; Pater, vid. auctor.  
 — filius, calculi secandi rationem a Senf-  
 fio institutam descripsit. 241. t.3.  
 Heisterus, filius, calculum a Senffio educa-  
 re vidit, in quo spica frumenti erat in-  
 clusa. 281. t.3.  
 — cataractæ operationem a Taylora  
 infeliciter institutam evulgavit. 149. t.2.  
 — novum brachii amputandi modum  
 descripsit, vid. Bibliotheca Chirurgica.  
 Heliodori fascia. 237. t.4.  
 Helmontius catheteres coriaceos loco æneo-  
 rum adhibendos esse inepte præcepit. 163. t.3.  
 — cauteria explodit. 52. t.2.  
 — fonticulos rejecit. 47. t.2.  
 Helvetii se ab hernia non rite liberatos esse  
 crediderunt, nisi testiculus ipsis fuit exci-  
 sus. 113. t.3.  
 — ferramenta pro cancro mammæ ampu-  
 tando quæ. 19. t.2.  
 Hernia quid & de ea in universum agitur. 91. t.3.  
 — aquosa. 124. t.3.  
 — carnosa. 131. t.3.  
 — cruralis. 117. t.3.  
 — flatulenta. 144. t.3.  
 — incarcerata inguinis. 108. t.3.  
 — scroti. 119. t.3.  
 — inguinalis. 104. t.3.  
 — intestinorum. 119. vincturis sæpe cu-  
 ratur. 121. t.3.  
 — omenti. 129. t.3.  
 — scroti. 119. t.3.  
 — spuria quid. 131. t.3.  
 — varicosa. 145. t.3.  
 — ventosa. ibid.  
 — ventralis. 101. t.3.  
 — umbilicalis. 91. ejus vinctura.  
 Herniæ sectio temere non suspicienda. 113. t.3.  
 — cum testiculi extirpatione rejici-  
 tur. ibid.  
 — sine testiculo exciso probatur. 116. t.3.  
 — per caustica curatio. 115. t.3.  
 — vincula curatio. 114. t.3.  
 — nomen apud veteres. erat indeco-  
 rum. 106. t.3.  
 Hernias cum testiculi jacturu Jacobus frater  
 secuit, sicut agyrtæ. 222. t.3.  
 Herniosus saccus in hærnix incarceratæ se-  
 ctione an integer semper sit relinquen-  
 dus. 129. t.3.  
 Herones chirurgi antiqui celeberrimi. 6. t.1.  
 Hieronymi, Medici Wolfenbuttelenfis, mi-  
 rabilis observatio multorum calculorum a  
 muliere rejectorum. 274. t.3.  
 Hildanus (Gul. Fabric.) Medicus & chirur-  
 gus egregius. 7. t.1.  
 — observationes egregias scripsit & sæpius  
 laudatur. 10. t.1.  
 — altam calculi operationem commenda-  
 vit. 201. t.3.  
 — carcinomatis remedium dati negat.  
 253. t.2.  
 — catheteres crassiores tenuioribus præ-  
 fert. 162. t.3.  
 — collum vesicæ in calculo educendo in-  
 cidere non est ausus. 207. t.3.  
 — elevatoria bona suppeditavit. 96. t.1.  
 — fungum oculi insignem curavit & de-  
 lineavit. 168. t.2.  
 — ex frenuli linguæ incauta sectione gra-  
 via mala notavit. 251. t.2.  
 — gravidas mortuas incidi vult. 79. t.3.  
 — Helvetios se ab hernia non bene cura-  
 tos esse putasse. nisi testiculus una excisus  
 fuisset, refert. 149. t.3.  
 — hernias oleo chemico curatas scribit.  
 137. t.3.  
 — lorum invenit pro fractis & luxatis me-  
 lius extendendis. 121. t.1.  
 — machinam ad femur fractum curandum  
 descripsit. 133. t.1.  
 — de lithotomia bene scripsit. 175. t.3.  
 — calculum feminæ per vaginam sectione  
 eduxit. 281. t.3.  
 — pro varis & valgis curandis idonea  
 machinamenta suppeditavit. 89. t.4.  
 — uteri prolapsi exempla vidit. 21. t.4.  
 Hippocrates Medicinæ & chirurgiæ parens  
 præstantissimus sæpius laudatur. 5. t.1.  
 — aquam hydropicorum non una vice emit-  
 tendam esse voluit. 24. t.3.  
 — de capitis vulneribus bene scripsit. 7. t.1.  
 — calculi sectionem periculossimam credi-  
 dit. 180. t.3.  
 — carcinoma insanabile credidit. 236. t.1.  
 fa-



— fascias eleganter applicandas chirurgis commendavit. 211. t.4.  
 — foetus extractionem docuit. 4. t.4.  
 Hippocrates lithotomiam instituere discipulis suis prohibuit. 181. t.3.  
 — nephrotomiam tamen suavit. 187. t.3.  
 — oculorum scarificationem novit. 114. t.2.  
 — morbis extremis, extrema remedia adhibere iussit. 93. t.1.  
 — palpebras relaxatas quomodo curaverit. 101. t.2.  
 — scamnum ubi delineatum. 121. t.1.  
 Hirudines eorumque usus. 44. t.2.  
 Hoornius, Suecus, egregie de arte obstetricandi scripsit. 284. & alibi t.3.  
 — foetus situm quem periculosissimum indicavit. 286. t.3.  
 — in partu difficili mox pedibus foetum extrahendum esse docet. 283. t.3.  
 — foetum pedibus educendum, si dorso incumpit, in ventrem convertere dissuadet. 287. t.3.  
 — foetum pro matre servanda instrumentis esse educendum sustinet. 283. t.3.  
 — foetum mortuum brachio prolapsum, facillime educi docet collo caute resecto. 285. t.3.  
 — foetum capite vaginæ insistentem; in defectu unci, clavo incurvo magno educere docet. 288. t.3.  
 — oris uteri scientiam in partu valde commendavit. 283. t.3.  
 — uteri situm obliquum bene explicavit. 289. t.3.  
 Hordeolum palpebrarum. 98. t.2.  
 Hovii impudens jactatio de cataractis quibuscunque curandis. 143. t.2.  
 Humerus fractus. 123. t.1.  
 — luxatus. 91. machinæ variæ pro eo restituendo descriptæ. 93. t.1.  
 — quomodo amputandus. 80. t.1.  
 — qua ratione in junctura cum scapula amputandus. 83. t.1.  
 Humor aqueus oculi amissus sponte restituitur. 149. t.2.  
 — aqueus rarissime cataractas sedes est. 141. t.2.  
 — crystallinus frequentissime cataractæ sedes. 143. t.2.  
 — vitreus sedes glaucomatis. 145. t.2.  
 Humoribus oculi effusis visus tamen quandoque restituitur. 92. t.1.  
 Hunoldus Jacobum defendisse dicitur in libro nondum impresso. 221. t.3.  
 Hydatides palpebrarum. 85. t.2.  
 Hydrocele. 134. ejus curatio varia. 136. t.3.  
 Hydrocephalus. 88. t.2.

Hydro-enterocele. 126. t.3.  
 Hydromphalus. 105. t.2.  
 Hydrophthalmia. 167. t.2.  
 Hydrosarcocele. 109. t.3.  
 Hydrops abdominis ejusque paracentesis. 66. t.3.  
 — articulorum, 261. t.3.  
 — pectoris. 23. t.3.  
 — scroti. 125. t.3.  
 Hypochyma idem quod suffusio. 138. t.2.  
 Hypogastrica calculi sectio est adparatus altus. 197. t.3.  
 Hypopium quid. 164. ejus curationem Galenus bene descripsit. 165. t.2.  
 Hyssopi infusum injectum in oculo lacrymante. 119. & fistula lacrymali prodest. 121. t.2.  
 — pro oculo fovendo post scarificationem conducit. 115. t.2.  
 Hysterotomia v. cæsarea sectio.  
 — quomodo differat ab embryulcia. 70. t.3.  
 de ea Rossetus bene scripsit. 73. sed Valeriolus ignoravit. 76. t.3.

## I

**J**acobus frater quis fuerit. 219. ejus modus secandi calculum 220. ejus facta & fata 221. & seq. errores. 222. t.3.  
 — Parisiis quomodo secuerit. 223. t.3.  
 & qualem famam sibi concitaverit. 224. t.3.  
 — Parisiis ab omnibus, qui de eo scripserunt, pro temerario chirurgo, contra Morandi sententiam habitus est. 228. t.3.  
 hocque a nullo negatum est. 229. t.3.  
 — Aquisgranum quam plurimos secuisse dicitur. 227. sed in dubium multitudo vocatur. 219. t.3.  
 — Argentorati feliciter & quomodo secuerit. 231. t.3.  
 — chirurgiam nunquam didicerat. 222. t.3.  
 ubi eam forte didicerit. 220. t.3.  
 — Francofurti qualis fuerit. 231. t.3.  
 — intra sex menses nonnisi duos a calculo secuit, plures autem hernia laborantes. ibid.  
 — hernias quomodo secuerit. 226. t.3.  
 Jacobus in Hollandia male secuit. 228. t.3. errores circa tempus quando in Hollandiam pervenerit, & verum tempus indicantur. 233. t.3.  
 — in Hollandia qua ratione & quo successu ibidem calculosos curaverit. 229. & seq. ubi variorum errores circa hanc rem emendantur.  
 — sæpe calculos in operatione invenire non potuit. 234. t.3.  
 — infantem ibidem hernia laborantem utroque testiculo temere & crudeliter privavit, unde



- unde altero die mortuus est. 230. t. 3.
- quare a Verduino pro crudeli & temerario chirurgo habeatur. 237. t. 3.
- non numismate aureo, ut Morandus perhibet, sed instrumento aureo, Lapidillo dicto, a senatu Amstelod. donatus est. 245. t. 3.
- ubi & per quem hoc donum accepit. 239. t. 3.
- diutius & peregrinatus est & vixit, quam Morandus existimavit. 243. t. 3.
- mulieres ut viros secuit, sed vaginam semper perforavit. 280. t. 3.
- Jacobi historia adhuc imperfecta est, & plena hactenus errorum, quorum multos correxit auctor. 247. t. 3.
- fata Morando non satis cognita fuisse ostenditur. 248. t. 3.
- fata in Hollandia referuntur. 249. t. 3.
- modus secandi calculum malus. ibid.
- ad meliorem tamen inveniendum Ravio ansam dedit & postea aliis. 220. t. 3.
- propria confessio evincit, ipsum in Hollandia & initio hujus seculi in Gallia male adhuc calculosos secasse. 223. t. 3.
- Jacobum Hunoldus defendisse dicitur. 238. t. 3.
- Ictus apum & vesparum. 121. t. 1.
- Incisiones chirurgicæ ampliores minoribus plerumque præstant. 222. t. E.
- abscessuum. 221. t. 1.
- fistularum quomodo instituendæ. 241. t. 1.
- panaritii. 65. t. 4.
- venarum. 243. t. 1.
- vulnerum angustiorum. 41. vulnerum angustiorum abdominis. 57. t. 1.
- Inflammatio sive phlegmone quid & quomodo curanda. 224. t. 1.
- Inflammatio cataractæ operationi superveniens. 145. t. 2.
- fracturæ superveniens qua ratione tractanda. 131. t. 1.
- mammarum. 223. t. 1.
- testiculorum. 231. t. 1.
- vulnerum. 43. t. 1.
- ulceribus antiquis superveniens quomodo curanda. 269. t. 1.
- uteri prolapsi. 20. t. 4.
- Inflammationum signa. 183. t. 1.
- curatio. 186. t. 1.
- suppuratio. 199. t. 1.
- Inguinalis fascia. 240. t. 4.
- hernia sive ramex. 126. t. 3.
- Injectiones chirurgicæ. 58. t. 2.
- in fauces. 49. t. 2.
- in fistulas. 236. t. 1.
- in thoracem. 101. t. 1.
- in urethram. ibid.
- in uterum. ibid.
- Illapsa in asperam arteriam quomodo extrahenda. 25. t. 3.
- in aurem. 128. t. 3.
- in oculum. 113. t. 2.
- Immisericors quomodo & quando esse debeat chirurgus. 13. t. 1.
- Inoculatio variolarum. 59. t. 2.
- Instrumenta quæ chirurgus semper secum portare debet. 12. t. 1.
- ante operationem semper præparanda. 17. t. 1.
- non adhibenda, nisi necessitas hoc exigat. 13. præsertim in partu. 19. t. 4.
- observatio circa hæc. 23. t. 4.
- pro venæsectione. 10. t. 2.
- nova pro hernia incarcerata. 127. t. 3.
- ad aneurysma curandum. 228. t. 3.
- ad lithotomiam minoris adparatus. 171. majoris. 185. alti. 211. lateralis. 233. Ravii. 239. Cheseldeni. 241. Dranii. 241. Senffii. 248. t. 3.
- fratris Jacobi inepta valde fuerunt. 249. t. 3.
- ad amputationum artuum necessaria. 69. t. 2.
- ad trepanationem. 89. t. 2.
- Palfini ad partum difficilem. 288. t. 3.
- Instrumenti in partu non prorsus carere possumus, quicquid nonnulli dicant aut gloriantur. 8. t. 4.
- Instrumentum Morini pro calculo ex urethra educendo. 196. t. 3.
- Intestina vulnerata. 35. an suenda. 48. t. 1.
- penitus dissecta. 85. t. 1.
- corrupta in herniæ operatione quomodo tractanda. 123. t. 3.
- Intestinorum vulnera. 31. t. 1.
- prolapsus e ventre. 47. t. 1.
- in herniis. 95. t. 3.
- repositio in vulneribus abdominis. 48. t. 1.
- in herniis. 96. t. 3.
- vulnerat. futuræ. 49. t. 1.
- diverticulum vel paries quandoque herniæ causa. 101. t. 3.
- Inventores amputationis novæ tibiæ qui. 48. t. 2.
- amputationis humeri in junctura. 49. t. 2.
- cataractæ sedis in crystallino humore. 139. t. 2.
- chirurgiæ infusoriæ & transfusoriæ. 18. t. 2.
- fistulas ani melius curandi. 59. t. 4.
- lacrymales rectius sanandi. 127. t. 2.
- herniariorum instrumentorum pro hernia incarcerata rectius incidenda. 110. t. 3.
- hernia intestinorum scrotales sine testiculo excindendo curandi. 121. t. 3.
- hypopii curationis. 165. t. 2.
- litho-



- lithotomiæ adparatus alti. 197. lateralis magni. 181. t.3.  
 — paracenteseos abdominis. 66. t.3.  
 — scarificationis oculorum. 115. t.2.  
 — situs uteri obliqui in parturientibus. 292. t.3.  
 — futuræ tendinum. 73. t.4.  
 — torcularium novorum pro sanguine cohibendo. 51. t.1.  
 — variolarum insitionis. 38. t.2.  
 — venæ sectionis in oculis. 111. t.2.  
 Johannis parvi (Little John) modus curandi hernias per remedia caustica. 139. t.3.  
 Johannis Zechariæ Platneri dissert. de Chirurgiæ Artis Medicæ parente. 1. t.1.  
 Johannis Mayow dissert. de Rachitide. 188. t.1.  
 Johannis Bohnii Professoris Lipsiensis Tract. de vulnerum renunciatione. 96. t.4.  
 Joungius inventor dicitur novæ methodi tibiam amputandi. 43. t.2.  
 Ischuriæ curatio per remedia & cathetherem. 154. per puncturam vesicæ. 162. t.3.  
 Judicium de sanguine e vena detracto. 13. t.2.  
 Juglandis decoctum in ulceribus mundandis laudatur. 269. t.1.  
 Jugulum fractum, idem quod clavicula fracta. 134. t.1.  
 Justus, celebris ocularius veterum, quomodo hypopyum curaverit. 165. t.2.

## K

- K**æmpferi modus curandi morsus serpentum. 114. t.1.  
 Kæmpferus de acu punctura scripsit. 46. t.2.  
 Kelotomia. vid. Celotomia.  
 Kerkringius & Burrhus visus restitutionem promittunt, licet humores oculorum effluerint. 92. t.1.  
 Kisneri modus suendi tendinem Achillis. 81. t.4. tab. 36. fig. 7. delineatur.  
 Kochius dissertationem de hernia crurali bene scripsit. 140. t.3.  
 Koenerdingius de gangræna & sphacelo scripsit, & nova methodo tibiam amputavit. 239. t.1.  
 Koenerdingii cataplasma ad gangrænam. 240. t.1.  
 Kortholti Medicamenta ad cancrum. 247. t.1.

## L

- L**abra leporina quid & qua ratione curanda. 228. t.2. an in infantibus junioribus secanda, fascia pro his idonea. 223. t.4.  
 Labrorum carcinoma. 231. t.2.  
 — vulnera. 81. t.1.

- Lac emolliens est, tumores & abscessus du-  
 ros emollit. 181. præsertim cum mica pa-  
 nis albi coctum. ibid. t.1.  
 Lactea cataracta quid. 146. t.2.  
 Lacrymales viæ quibus cognitæ & descriptæ fuerunt. 119. t.2.  
 Lacrymalis fistula quid. 120. ejus species va-  
 riæ. 124. curatio. 125. t.2.  
 Lacrymans oculus. 118. t.2.  
 Lagophthalmus. 106. t.2.  
 Lamorieri modus novus curandi fistulas lacry-  
 males. 127. t.2.  
 Lancisius cataractas membraceas se vidisse ad  
 me perscripsit. 147. t.2.  
 Lancisius humorem vitreum induratum inve-  
 nit. 148. t.2.  
 — scarificationem profundam in pleuritide  
 spuria valde prædicat. 42. t.2.  
 Lankischius sectionem cæsaream feliciter per-  
 fecit. 74. t.3.  
 Lapidescit in inflammationibus pro-  
 sunt. 183. t.1.  
 Lapis caustica quid & quomodo paretur. 113.  
 ejus usus. 199. t.1.  
 — infernalis est valentissimum causticum. 13. t.1.  
 Langelata chirurgus quondam celebris. 7. t.1.  
 Larva ad faciem combustam. 223. t.4.  
 Laryngotomia quid & a quibus commende-  
 tur. 6. t.3.  
 — res peregrinæ etiam ex aspera ar-  
 teria eximuntur. 7. t.3.  
 — auctore & Ravio cum successu in-  
 stituta in hoc casu. 8. t.3.  
 Lateralis lithotomiæ operatio. 219. t.3.  
 — inventor. ibid.  
 — emendatores. 225. t.3.  
 Lateris scarificatio in pleuritide spuria a Lan-  
 cisio valde laudatur. 42. t.2.  
 Launæus Jacobum male Parisiis calculum se-  
 casse testatur. 223. t.3.  
 Laurentii Heisteri dissert. de amaurosi saliva-  
 tione curata. 173. t.2.  
 — ejusdem Auctoris observatio de cataracta  
 quadam lactea. 182. t.2.  
 — a nullo recentiorum citatur. ibid.  
 — male de perinæi punctura differit. 257. t.3.  
 L' eau d' arquebuse, sive aqua vulneraria  
 Gallorum. 41. t.1.  
 Lectulus stramineus quid. 147. t.1.  
 Lethalitas vulnerum. 36. t.1.  
 Leucoma. 160. t.2.  
 Ligamenta s. vincula chirurgica. 26. t.1.  
 Ligatura excrescentiæ & tubercula tolluntur. 56. t.2.  
 — herniæ sæpe curantur. 133. & alibi t.3.  
 — fortiori in fracturis & vulneribus gan-  
 græ-



græna sæpe inducitur. 121. t.1.  
 — nimis laxa fracturis noxia. ibid.  
 — profusiones sanguinis in vulneribus & amputationibus curantur. 51. t.1.  
 — in pedibus oedematosis. 213. t.1.  
 Linamenta carpta quid & eorum usus. 14. t.1.  
 — sanguinem cohibent. 53. t.1.  
 Linguae calculus. 250. t.2.  
 — cancer. 251. t.2.  
 Linguae frænulum quomodo incidendum. 249. t.2.  
 — morbi. ibid.  
 — ranula. 250. t.2.  
 — scirrhus aut tumor. 251. t.1.  
 — ulcus. ibid.  
 Lini oleum in ambustis prodest. 207. t.1.  
 Linimenta ad ambusta. ibid.  
 Linimentum ex oleo lini vel olivar. & albo ovorum in ambustis commendatur. 251. t.1.  
 — ad hæmorrhoides dolentes. 44. t.4.  
 Liqueor mirræ vulnera & ulcera in ore egregie sanat. 93. t.1.  
 Listerus de Jacobi operationibus Parisinis testatur. 228. t.3.  
 — Mareschallum, chirurgum Paris. secundum Jacobi methodum secasse perhibet. ib.  
 — quomodo in mulieribus calculum educi proposuerit. 280. t.3.  
 — altam operationem instaurari suavit. 247. t.3.  
 Lithotomia ejusque differentiar. 173. t.3.  
 — anceps est operatio. 176. t.3.  
 — alti adparatus. 197. t.3.  
 — antiqua Celsi. 173. t.3.  
 — Celsi, quæ parvus apparatus dicitur. ibid.  
 — Franconica. 197. t.3.  
 — Jacobi fratris. 219. t.3.  
 — lateralis adparatus. ibid.  
 — magni adparatus sive Mariana. 181. t.3.  
 — parvi adparatus. 173. t.3.  
 — Raviana. 226. t.3.  
 — renalis sive nephrotomia. 173. t.3.  
 Lithotomiam qui descripserunt. 9. t.1.  
 Little John ( Parvi Johannis ) modus curandi hernias per caustica. 113. t.3.  
 Littrius a diverticulo intestini herniam notavit. 117. t.3.  
 Lobuli auris perforatio. 188. in oculorum affectibus imo & in pectoris prodesse predicatur. 189. t.2.  
 Lorum Hildani. 114. t.1.  
 Lotio, idem quod clyster. 30. t.4.  
 Lowdham pro auctore venditatur novæ methodi tibiam amputandi. 43. t.2.  
 Lucatelli balsamum vulnerarium laudatur. 97. t.1.  
 Ludovicus XIV. Rex Galliar. ab ani fistula sectione curatus est. 58. t.4.

— remedium ad hernias curandas magno pretio redemit. 109. t.3.  
 Ludovici Regis mater mammarum cancro infanabili laboravit. 256. t.1.  
 Lupius de turundarum usu scripsit. 19. t.1.  
 Luxatio quid sit, & de ea generatim. 156. t.1.  
 — ejus differentiar & species. 157. diagnosis. 158. prognosis. 159. curatio generalis. 161. symptomata. 162. t.1.  
 — brachii s. humeri. 172. t.1.  
 — capitis. 166. t.1.  
 — carpi. 178. t.1.  
 — a causa interna. 179. t.1.  
 — claviculæ. 170. t.1.  
 — coccygis. ibid.  
 — cubiti. 176. t.1.  
 — digitorum. 178. t.1.  
 — femoris. 179. raro contingit a causa externa, contingit sæpius ob causam internam, sæpe est fractura colli femoris. ib.  
 — fibulæ. 183. t.1.  
 — genu. 184. fascia pro ipsa. 225. t.4.  
 — humeri. 172. t.1.  
 — inveterata. 173. t.1.  
 — manus. 175. t.1.  
 — maxillæ inferioris. 176. ab ipsa mortem vidit Hippocrates. 178. t.1.  
 — metacarpi. 140. t.1.  
 — nasi. 142. t.1.  
 — patellæ sive rotulæ. 146. t.1.  
 — pedis sive tali. 148. t.1.  
 — spinæ dorsii. 143. t.1.  
 — tibiæ. 149. t.1.  
 — vertebrarum. 151. t.1.  
 — cum fractura concurrens, priusquam fractura reponenda. 157. t.1.  
 — cum inflammatione aut gangræna. ib.  
 — cum ligamentis ruptis. 159. t.1.  
 Lycoperdum stipticum est. 51. t.1.

## M

**M**Aculæ corneæ sive oculi. 160. t.2.  
 Magatus vulnera raro deliganda præcepit. 33. t.1.  
 Magatus nimis cito trepanationem suadet. 91. t.2.  
 Mailland primus in Anglia de variolarum infectione egit. 39. t.2.  
 Malleolorum scarificatio. 43. t.2.  
 Mamma cancrofa. 18. t.3.  
 Mammæ inflammatio. 223. t.1.  
 — cancrofæ amputatio. 19. t.3.  
 Mantile cum scapulari. 134. t.4.  
 Manus amputatio. 43. t.2.  
 — fracta. 129. t.1.  
 — luxata. 178. t.1.  
 — tenues, graciles in arte obstetricandi aptiss.



- aptissimæ. 223. t.3.  
Mareschallus omentum corruptum abstulisse  
negatur a quibusdam, ab aliis affirmatur.  
83. t.1.  
———— an lateralem sectionem instituerit.  
229. t.3.  
Marianus Sanctus lithotomiam cum magno  
adparatu primus descripsit. 181. t.3.  
———— eundem incisionis vesicæ locum indica-  
vit, quem ii incidunt, qui sectionem la-  
teralem instituunt. 229. t.3.  
Marci Aurelii Severini dissert. de gibbis val-  
gis varis. 28. t.3.  
Mastichis essentia vulneraria est, in ossibus &  
membranis læsis prodest. 43. & alibi sæpius t.1.  
Mater dura & pia. vid. Meninges.  
Materia purulenta in abscessibus evacuanda.  
183. t.1.  
———— in pectore paracentesi educenda.  
23. t.3.  
Matris præ fætus vita in partu plerumque con-  
servanda. 73. t.3.  
Maturantia quænam sint. 221. t.1.  
Manchartus, Medicus Tubingensis, de oculo-  
rum scarificatione bene scripsit. 115. t.2.  
———— blepharoxystum mecum communicavit.  
116. t.2.  
———— hernias incarceratas egregie descripsit  
& delineavit. 109. t.3.  
———— petitum refellit ob saccum herniosum in-  
tegrum relinquendum. 107. t.3.  
———— venæ sectionem sive sanguinis missio-  
nem in oculo non esse Woolhusii inventum  
ostendit. 117. t.2.  
Mauriceau de arte obstetricandi scripsit. 9. t.1.  
———— cæsaream sectionem semper matri le-  
thiferam esse falso docet. 79. adeoque eam  
rejecit. 81. t.3.  
Mauriceau ferramentum, *tiretete*, pro capite  
fætus firmando & cum fœtu extrahendo ex-  
cogitavit. 296. t.3.  
———— fœtum mortuum semper per vias natu-  
rales educi vult; id quod tamen subinde  
haud succedere demonstratur. 83. t.3.  
———— gravidæ mortuas mox incidendas esse  
recte affirmat. 84. t.3.  
———— gravidæ sæpe certæ morti reliquit. 87. t.3.  
———— secundinas non satis bene extrahendas  
demonstrat. 13. t.4.  
———— vaginam claudentem membranam male  
digito perrumpendam esse vult. 269. t.3.  
Maxilla clausa quomodo aperienda. 13. t.3.  
———— fracta quomodo curanda. 123. t.1.  
———— luxata. 171. t.1.  
Maynarto inventio futuræ tendinis a quibus-  
dam adscribitur. 74. t.4.  
Meatus auditorius clausus qua ratione ape-  
riendus. 184. t.2.  
———— auditorii tubercula. 185. t.2.  
———— a corporibus peregrinis obstructio. 187. t.2.  
Meconii effluxus ex utero male pro cerro  
mortis fœtus signo a Goveio & Viardelio  
habetur. 283. t.3.  
Medica chirurgia quid. 3. t.1.  
Medicamenta chirurgi etiam sunt necessaria.  
2. 4. 12. t.1. & alibi.  
———— adurentia sive caustica. 53. t.2.  
———— adstringentia in vulnerum hæmorrha-  
giis. 57. t.1.  
———— balsamica. 43. t.1.  
———— caustica. 12. 1. 1. 53. t.2.  
———— corrodentia. ibid.  
———— emollientia. 154. t.1.  
———— exsiccantia. 51. t.1.  
———— glutinantia. 43. t.1.  
———— ischæma sive sanguinem sistentia. 45. t.1.  
———— maturantia. 203. t.1.  
———— mercurialia utilia in scirrhis. 229. ul-  
neribus venereis. 241. scrophulis. 14. t.3.  
———— rodentia. 14. t.1.  
———— sarcotica. 53. t.1.  
———— septica. 13. t.1.  
———— vulneraria. 41. t.1.  
———— ubi non sanant, ferrum sanat. 15. t.1.  
Medici vetustissimi simul fuerunt chirurgi. 2. t.1.  
5. t.1. difficillimas operationes jam calluerunt,  
ut calculi. 171. t.3. cataractæ. 145. t.2. cra-  
nii perforationem. 89. t.2. fœtus mortui extra-  
ctionem. 283. vaginæ clausæ. 269. t.3.  
Medici cæsaream sectionem non suadent.  
si fætus per consuetas vias educi potest,  
contra Mauricæum. 73. t.3.  
———— chirurgiam callere debent. 4. t.1.  
Medicina cum chirurgia in perpetuo est ne-  
xu. 2. t.1.  
———— a chirurgia olim non fuit separata. 4. t.1.  
Medicinæ pars antiquissima est chirurgia. 5. t.1.  
Medicorum industria chirurgia emendata est.  
6. t.1.  
Medicus tuto, celeriter & jucunde curet. 17. t.1.  
Medulla corrupta cariem & spinam ventosam  
concitare potest. 287. t.1.  
———— spinalis læsa quomodo curanda. 93. t.1.  
Meekreni capitis obstipi curationem descri-  
psit. 6. t.3.  
———— hypopii curationem instauravit. 165. t.2.  
———— prolapsum uteri negavit. 21. t.4.  
———— vaginæ fungum magnum extirpavit. 40. t.4.  
———— vesicæ calculum quomodo in muliere  
eduxerit. 276. t.3.  
Meibomii balsamum vulnerarium laudatur.  
81. t.1.  
Meibomius de catheterismo scripsit. 163. t.3.  
la-



- lacrymales vias five ductus bene descripsit. 119. t.2.
- Mel antiquorum est vulnerarium. 43. t.1.
- suppurationem promovet. 203. t.1.
- cum farina abscessus emollit. 206. t.1.
- rosatum in cerebri & oris læsionibus prodest. 98. t.1.
- Meliceris quid. 58. t.2.
- Mellius sectionem cæsaream ob foetus monstrosos solum institui male existimat. 77. t.3.
- figuras ad artem obstetriciam pertinentes bonas suppeditat. 284. t.3.
- Melon oculi morbus, vid. Mylo.
- Membri virilis vitia, vid. penis vitia.
- Meninges læsæ qua ratione curandæ. 98. t.1.
- si sanguis sub iis hæret, incidendæ. 14. t.2.
- Mercurialia remedia in scirrhis & tumoribus venereis resolvendis egregia sunt. 146. t.1.
- in scrophulis. 11. t.3.
- in ulceribus variis & cum primis in venereis conducunt. 251. t.1.
- in spina ventosa commendantur. 289. t.1.
- Mercurius dulcis in tumoribus & ulceribus venereis conducit. 271. t.1.
- præcipitatus ruber mundat ulcera & vulnera impura. 14. atque carnem luxuriantem exedit. ibid.
- sublimatus aquam phagedænicam ingreditur & vehemens septicum est. 51. t.1.
- vivus emplastra resolutentia valentiora reddit. 243. t.1.
- in unguentis ulcera varia sanat. 248. t.1.
- in unguentis salivationem sæpe excitat. 257. ad scirrhorum resolutionem facit. 249. t.1.
- Meryus Jacobus fratris fata. historiam & methodum calculum secandi descripsit. 237. t.3.
- quomodo Jacobi methodus emendari queat. proposuit. 223. t.3.
- puncturam hypogastricam in urina suppressa perinæi puncturæ præfert, eamque etiam sæpius cum successu perfecit. 259. t.3.
- pro calculo feminarum educendo, quam methodum proposuerit. 276. t.3.
- Middletonus de alta operatione & de felicitatibus ejus in Anglia successibus egregie scripsit. 235. t.3.
- puncturam hypogastricam vesicæ præfert perinæi puncturæ. 260. t.3.
- Misericordia intempestiva ægris sæpe noxia. 29. t.3.
- Mitella, fascia est, qua brachium læsum de collo suspenditur. 229. t.4.
- Modiolus mas & femina quid sit. 51. t.2.
- Mola quid. 19. t.4.
- utero quandoque cohæret. ibid.
- quomodo excutitur. 21.
- Molas quinam viderint. ibid.
- Monorchis ad generationem aptus est. 123. t.3.
- Monstrosus foetus an sectionem cæsaream requirat, negatur. 79. t.3.
- Morandus de alio adparatu egregie scripsit. eam majori præfert. 240. t.3.
- Morandus de adparatu quoque laterali scripsit. 236. t.3.
- lateralem operationem etiam cum successu perfecit. 246. t.3.
- adparatum parvum instituit eumque etiam commendavit. 223. t.3.
- in Angliam abiit, ut lateralem a Cheseldeno videret & disceret. 233. t.3.
- cataractam in crystallino statuit. 141. t.3.
- in Jacobi fratris historia referenda hallucinatus est, & non satis instructus fuit. 241. t.3.
- recentioribus exprobrat, quod de Jacobo non nisi secundum Merium judicaverint; quod vero aliter demonstratur. 243. t.3.
- circa tempus, quo Jacobus in Hollandia fuit. erravit. 245. t.3.
- Jacobum aureo numismate a senatu Amstelodamensi donatum esse perhibet. quod lapidillum aureum fuisse demonstratur. 247. t.3.
- lithotomiæ methodos omnes utiles & retinendas esse statuit, eas etiam omnes perfecit. 246. t.3.
- dubitat, an Ravius ita secuerit, prout Albinus scripsit. 243. t.3.
- puncturam vesicæ in perinæo commendat. 257. t.3.
- scalpellum herniarum invenit. 109. t.3.
- alta operatione in feminis calculos e duci vult. 277. t.3.
- vesicam solam sine cervice vesicæ incidi posse in laterali operatione negat. 278. t.3.
- Morgagnius ductus lacrymales in usum chirurgorum egregie descripsit. 120. t.2.
- scarificationes quasdam valde commendat. 42. t.2.
- urinam suppressam a prostatica scirrhusa vidit. 257. t.3.
- a pariete intestini protruso herniam notavit. 122. t.3.
- Morsus canis rabiosi. 114. t.1.
- equi. ibid.
- felis, hominis, scorpionum. ibid.
- serpentum & viperarum. 115. t.1.
- Mottius de arte obstetricandi bene scripsit. 288. t.3.
- de cæsarea sectione præjudicatas fovet opiniones. 88. t.3.
- Mottius de cæsareæ sectionis causis nimis jejune



- june differit. 81. t. 3.  
 — cautelam quandam obstetricantium im-  
 merito ridet & rejicere satagit. 285. t. 3.  
 — pro difficillimo partu habet, quando  
 fœtus capite in vagina firmiter hæret. 84. t. 3.  
 — ferramenta in partu rejicit; iis tamen  
 uti coactus est. 289. t. 3.  
 — pectore vulneratum per noctem vulne-  
 ri cum successu imposuit. 83. t. 1.  
 — in situ fœtus p. n. vult, ut fœtus mox  
 pedibus educatur, quamvis in naturalem  
 situm verti possit. 287. t. 3.  
 Motus sanguinis tardior quomodo excitandus  
 & celerior quomodo minuendus. 183. t. 1.  
 Mox quid & quomodo usurpetur. 52. t. 2.  
 Mulieres Gallicæ in lecto, Germanæ in pecu-  
 liari sella parere solent. 285. t. 3.  
 — quomodo a calculo liberandæ. 279. t. 3.  
 — qua ratione a fœtu liberandæ. 281. t. 3.  
 Mulierum calculo laterali modo sectarum  
 exempla rarissima sunt. 276. t. 3.  
 Muria prodest in ambustis. 241. inflamma-  
 tionibus. 203. gangræna. 241. gangræna  
 vaginæ prolapsæ. 22. t. 4.  
 Mylon, pomum, oculi morbus. 162. t. 2.  
 Mycephalon quid, oculi, morbus. ibid.  
 Myrmecia quid veteribus. 57. t. 2.  
 Myrrha egregium balsamicum in pulvere &  
 unguento. 49. t. 1.  
 Myrrhæ essentia, est vulneraria. 43. t. 1.  
 — oleum in oris & linguæ vulneribus lau-  
 datur. 98. t. 1.  
 — in oris aliisque ulceribus. 269. t. 1.

## N

- Nævi materni quid & quomodo tollendi. 56. t. 2.  
 Nares concretæ quomodo separandæ. 226. t. 2.  
 — resectæ ex parte qua ratione glutinan-  
 dæ. 93. t. 1.  
 — in totum restitutæ dicuntur. ibid.  
 — an ex aliena carne, Taliaco-  
 tii arte, refarciri queant. 225. t. 2.  
 Narium polypus. 189. t. 2.  
 — sarcoma. 197. t. 2.  
 Nasi artificialis substitutio. 199. t. 2.  
 — ablati & rursus restituti exempla. ibid.  
 Natura robusta curationes chirurgicas in ple-  
 risque casibus egregie secundat. 37. t. 1.  
 Naturalia feminarum clausa quomodo cu-  
 randa. 265. t. 3.  
 Nebula in cornea. 160. t. 2.  
 Nephrotomia quid & quando instituenda. 180. t. 3.  
 — commendatur ab Hippocrate,

- Fontano, Hildano, & aliis. 181. t. 3.  
 Nervi læsio. 36. t. 1.  
 — incisi tantum, vehementiora mala con-  
 citant, quam integre dissecti. 59. t. 1.  
 — læsi quandoque disseccandi. 23. t. 2.  
 — punctura qua ratione curanda. 51. t. 1.  
 Nix in pernionibus prodest. 241. t. 1.  
 Nodosa fascia pro arteriotomia, 218. t. 4.  
 — pro perinæo post calculi aut  
 fistulæ ani sectionem. 234. t. 4.  
 Nubecula in cornea. 160. t. 2.  
 Nuckii, modus suendi tendines acu duplici. 75. t. 4.  
 — torques ad collum curvum. 5. t. 3.  
 — ferramenta ad urinæ incontinen-  
 tiam. 159. t. 3.  
 Numismate aureo an Jacobus a senatu Am-  
 stelod. donatus sit. 244. t. 3.  
 Nymphæ nimis magnæ quomodo auferendæ. 272. t. 3.

## O

- Obstetricandi ars quid. 282. t. 3.  
 — artem quinam optime  
 decuerint. 9. t. 1.  
 Oculi cancer & fungus. 16. t. 2.  
 — humoribus effusis visus quandoque resti-  
 tuitur. 93. t. 1.  
 — hydrops. 167. t. 2.  
 — maculæ. 160. t. 2.  
 — prolapsus. 167. t. 2.  
 — speculum in fistula lacrymali inepte a  
 Garengéot commendatur. 124. t. 2.  
 — venæ quomodo secandæ. 5. 2.  
 Oculus artificialis quid. 169. t. 2.  
 — bubulus vel elephantinus quid. 167. t. 2.  
 — lacrymas. 118. t. 2.  
 — leporinus. 106. t. 2.  
 — nimis magnus. 167. t. 2.  
 — simplex & duplex fascia. 220. t. 4.  
 Oculorum ambustio. 246. t. 1.  
 — concretio. 109. t. 2.  
 Oculorum vitiatorum exsectio. 163. t. 2.  
 — excrescentiæ. 98. t. 2.  
 — scarificatio. 113. t. 2.  
 — suffusio. 138. t. 2.  
 — tubercula. 98. t. 2.  
 — venæsectio. 111. t. 2.  
 — verrucæ. 100. t. 2.  
 — vulnera. 98. t. 1.  
 Oedemata. 259. t. 1.  
 Oesophagi vulnera. 74. t. 1.  
 Oleum caryophyllorum in carie prodest. 263. t. 1.  
 & præsertim palati. 19. t. 3.  
 — ceræ vulnerarium. 31. t. 3.  
 — cinamomi in iisdem malis conducit,  
 ubi caryophyllorum. 261. t. 1.



— chartæ in maculis corneæ prodest. 161. t. 2.  
 — hypeici, vulnera sanat. 49. t. 1.  
 — laterinum, ulcera mundat. 281. t. 1.  
 — ligni guajaci in carie conducit. 253. t. 1.  
 — lini in ambustis. 260. t. 1.  
 — myrrhæ oris vitia sanat. 97. t. 1.  
 — ovorum traumaticum est. 48. t. 1.  
 — petræ in pernionibus. 247. t. 1. scrophu-  
 las quandoque resolvit. 13. t. 3.  
 — philosophorum sive laterinum ulcera  
 purgat. 283. t. 1.  
 — saponis resolvens est. 23. t. 3.  
 — scorpionum ad ictus scorpionum præ-  
 stans est. 117. t. 1. item ad urinam suppres-  
 sam. 83. t. 3.  
 — terebinthinæ, balsamicum, vulnera sa-  
 nat. 41. t. 1. potens est stypticum in hæmor-  
 rhagiis vulnerum, & in nervis & tendini-  
 bus læsis prodest. 53. t. 1. perniones præca-  
 vet. 214. t. 1. in tendinum futura conducit.  
 75. t. 4.  
 — terebinthinæ cum aqua Regîn. Hungar.  
 in nervis læsis egregie prodest. 58. t. 1.  
 — vitrioli stypticum est vehemens, sed si-  
 mul causticum, hinc caute usurpandum. 57. t. 1.  
 — vitrioli pro optimo caustico commenda-  
 tur in herniis sine sectione curandis. 111. t. 3.  
 Omentum e vulnere prolapsum quomodo re-  
 stituendum. 89. t. 1.  
 — prolapsum & corruptum quomodo  
 tractandum. 93. t. 1. auferri hoc vetant Dio-  
 nis & Garengéot. 97. t. 1. Palfinus contra cum  
 aliis hoc præcipit ligare & auferre. ibid.  
 Omentum corruptum in hernia Garengéotus  
 ligavit. 113. t. 3.  
 — revera in hernia prolabi potest. 119. t. 3.  
 — si in hernia incarcerata corruptum  
 deprehenditur, qua ratione curandum. 123. t. 3.  
 Omenti hernia in inguine vel scroto. 118. t. 3. ab  
 auctore ex cadaverum sectione confirmata  
 131. t. 3.  
 — hernia in umbilico. 135. t. 3.  
 — corrupti in herniis spontaneus casus ex-  
 spectari potest. 139. t. 3.  
 Omphalocele. 141. t. 3.  
 Onyx sive unguis oculi. 158. t. 2.  
 — Yvesio est hypopii species. 165. t. 2.  
 Operationes chirurgicæ. 5. t. 2.  
 Ophites s. lapis serpentis quid. 121. t. 2.  
 Ophthalmoxysis quid. 113. t. 2.  
 Ophthalmoxystum quid. 115. t. 2.  
 Oræ vulneris non citius quam fundus gluti-  
 nandæ. 43. t. 1.  
 Oriba sive antiquus Medicus & chirurgus. 6. t. 1.  
 Oris rigor quid. 253. t. 3.  
 — speculum quid. 256. t. 2.

— uteri scientia & exploratio in arte ob-  
 stetricia summe est necessaria. 282. t. 3.  
 Oscheocele s. scroti hernia. 103. t. 3.  
 Os sacrum fractum. 129. t. 1.  
 Ossa fracta generatim. 123. t. 1.  
 — per tela acuta læsa. 126. t. 1.  
 — in vulneribus collisa. 58. t. 1.  
 — sine vi externa fracta. 128. t. 1.  
 — indecore glutinata an denuo frangen-  
 da. 136. t. 1.  
 — luxata generatim considerata. 153. t. 1.  
 Ossicula piscium aliorumque animalium in fau-  
 cibus hærentia quomodo promovenda. 3. t. 3.  
 Ossium caries quid. 282. t. 1.  
 — collisiones. 141. t. 1.  
 — fractorum symptomata. 136. t. 1.  
 — fragmenta quomodo tractanda. 147. t. 1.  
 — vulnera qua ratione curanda. 136. t. 1.  
 Ovorum albumen prodest in ambustis. 243. t. 1.  
 in oculorum vulneribus. 97. t. 1.  
 — oleum egregium vulnerarium. 48. t. 1.  
 — vitellus cum terebinthina celebre un-  
 guentum digestivum constituit. 141. t. 1.  
 Ozæna quid. 223. t. 2.  
 Ozænæ species nova a Drakio descripta & cu-  
 rata. 225. t. 2.

## P

**P**ædarthrocace. 288. t. 1. a Severino nomen  
 accepit. ibid:  
 Palati foramina ad nares. 227. t. 2.  
 — ulcera & caries. 229. t. 2.  
 — vulnera. 97. t. 1.  
 Palfini ferramenta in partu difficili qualia. 291. t. 3.  
 — forceps pro polypo. 192. t. 2.  
 — instrumentum comprimens pro fistula  
 lacrymali. 128. t. 2.  
 — modus futuras instituendi. 51. t. 1.  
 Palfinus omentum corruptum a Marechallo  
 ligatum esse contra Garengéot refert. 87. t. 1.  
 Palpebræ concretæ s. ancyloblepharum. 104. t. 2.  
 — inversæ s. ectropium. 106. t. 2.  
 Palpebrarum pilorum oculum irritantes seu tri-  
 chiasia. 102. t. 2.  
 — relaxatio s. ptosis. 100. t. 2.  
 — tubercula & tumores. 98. t. 2.  
 — verrucæ. 100. t. 2.  
 — vulnera. 106. t. 2.  
 Panaritium s. paronychia. 64. t. 4.  
 Panni frustula e vulneribus educenda. 48. t. 1.  
 Pannus oculi quomodo curandus. 159. t. 2.  
 Papillarum in mammis vitia. 15. t. 3. fissuræ  
 16. t. 3.  
 Paracentesis abdominis. 66. t. 3.  
 — quinam felices successus viderint. 69. t. 3.  
 — pectoris. 23. t. 3. scro-



- scroti. 142. t.3.  
 Paræus celebris quondam chirugus Gallus, 7. t.1.  
 — cæsaream sectionem impugnat. 75. t.3.  
 — quomodo puncturam nervi in venæse-  
 ctione curaverit. 21. t.2.  
 Paraphymosis. 150. t.3.  
 Paronychia. 64. t.4.  
 Parotides inflammati. 237. t.1.  
 — scirrhusi quomodo curandi & exciden-  
 di. 259. t.2.  
 Parturientes quomodo in partu naturali ju-  
 vandæ. 282. t.3.  
 — quomodo in p. n. & difficili. 286. t.3.  
 — anxie sæpe sectionem cæsaream deside-  
 rant. 79. t.3. quæ sæpius pessime a multis  
 ipsis denegatur. ibid.  
 Parturientes si aliter a fœtu liberari non  
 possunt, quam cæsarea sectione; hæc est  
 instituenda. 81. t.3.  
 — si aliter a fœtu liberari non pos-  
 sunt, quam ferramentis, hæc adhibenda;  
 quamvis fœtus adhuc vivat. 80. t.3.  
 — præ fœtu servandæ, si ambo servari  
 non possunt. 75. t.3.  
 Partus dolores quid. 283. t.3.  
 — naturalis quid. 281. t.3.  
 — tempus verum. ibid.  
 — qua ratione promovendus. ibid.  
 — difficilis quid ejusque causæ. 282. t.3. quid  
 in eo faciendum. 286. t.3.  
 — ex utero oblique posito. 289. t.3.  
 — raro instrumenta exigit. 283. t.3.  
 — difficillimus quis. 984. t.3.  
 — mortuus quomodo ejiciendus. 290. t.3.  
 — cæsareus vid. sectio cæsarea.  
 Parulis quid. 247. t.2.  
 Patella fracta. 148. t.1. ejus fasciæ. 256. t.4.  
 — luxata. 183. t.1.  
 Pectoris vitia quæ manu curantur. 15. t.3.  
 — emphsema. 82. t.1.  
 — hydrops. 23. t.3.  
 — paracentesis. 22. t.3.  
 — vulnera. 81. t.1.  
 Pedes fœtus in partu difficili semper quæren-  
 di eisque extrahendus. 287. t.3.  
 — incurvati qua ratione curandi. 88. t.4.  
 — artificiales post eorum amputationem. 89. t.4.  
 Pedibus fœtus in partu p. n. semper extra-  
 hendus. 49. t.4.  
 Pedis venæ quomodo incidendæ. 23. t.2.  
 — amputatio. 49. t.2.  
 Pedro del cobra quid & quem effectum edat. 121. t.1.  
 Pedum clavi. 49. t.4.  
 Penis cancer. 221. t.3.  
 — fascia. 226. t.4.  
 — frenulum quomodo solvendum. 210. t.3.  
 — scirrhus. 233. t.2.  
 — sphacelus. ibid.  
 — tubercula & verrucæ. 235. t.2.  
 Penis urethra non perforata. 228. t.2.  
 Parcheti modus sectionem calculi lateralem  
 instituendi. 194. t.3.  
 Peregrina ex aspera arteria educenda. 7. t.3.  
 — ex aure protrahenda. 186. t.2.  
 — oculo eximenda. 112. t.2.  
 — e vulneribus extrahenda. 41. t.1.  
 Pericranii læsiones & vulnera. 111. t.1.  
 Perinæi fistula. 272. t.3.  
 — punctura quando instituenda. 573. t.3.  
 — ejus diversi modi. ibid.  
 — ruptura in puerperis. 275. t.3.  
 Peritonæum in herniis sæpius relaxatum quam  
 ruptum est. 138. t.3.  
 Perniones. 255. t.1.  
 Pessaria in prolapsu uteri. 222. t.3.  
 — ferrea. ibid.  
 — in urinæ incontinentia mulierum. 213. t.3.  
 Pestilentialia bubones. 225. t.1.  
 — carbunculi. 89. t.2.  
 Pestilentiam avertendi & curandi ratio. 228. t.1.  
 Petitus, chirurgus Paris. de ossium morbis  
 bene scripsit. 111. t.1.  
 — acum pro contraapertura, ut vocant,  
 facienda habet. 29. t.1.  
 — ac triangularem peculiarem ad para-  
 centesin excogitavit. 68. t.3.  
 — ad canalem nasalem in fistula lacrymali  
 apertum servandum filum ceratum immisit. 130. t.2.  
 — carunculas urethræ negat. 167. t.3.  
 — catheteres peculiare laudat. 166. t.3.  
 — ferulas in fracturis rejicit. 113. t.1.  
 — hernias incarceratas quomodo fanet. 109. t.3.  
 — machinam invenit pro tibia fracta. 151. t.1.  
 — machinam pro humero luxato. 173. t.1.  
 — quomodo luxatum caput restituat. 167. t.1.  
 — quomodo ossa per tela acuta fracta cu-  
 randa doceat. 152. t.1.  
 — quomodo ossa carie & spina ventosa  
 affecta terebranda proponat. 295. t.1.  
 — torcular quale invenerit. 54. t.1.  
 — Medicus Paris. cataractam in lente cry-  
 stallina statuit. 141. t.2.  
 — cameram humoris aquei posteriorem  
 minorem cum auctore statuit. ibid.  
 Petitus de loco puncturæ oculi in cataracta  
 docte differit. 550. t.2.  
 Phalangosis. — 19. t.3.  
 Phi-



- Philoxenus antiquus nobilis chirurgus. 5. t. 1.  
 Phimosis. 148. t. 3.  
 Phlegmone s. inflammatio. 203. t. 1.  
 Pietreus pro alta operatione jam dudum scripsit. 198. t. 3.  
 Pili palpebrarum oculum lædentes. 102. t. 2.  
 Pinguia nocent in capitis vulneribus. 29. t. 1.  
 & ossium læsionibus. 282. t. 1.  
 Pistor de utero rupto scripsit. 75. t. 3.  
 — foetum extra uterum invenit. 80. t. 3.  
 Platerus venæsectionem in oculo scivit. 111. t. 2.  
 Platnerus, Medicus Lipsiensis, de fistula lacrymali ex Woolhusii sententia bene scripsit ejusque ferramenta delineavit. 131. t. 2.  
 — oculorum scarificationem Woolhusianam ejusque instrumentum primus propalavit. 116. t. 2.  
 — Wolhusii ferramentum pro hypopio delineavit. 165. t. 2.  
 Pleuritis spuria scarificatione profunda lateris affecti curatur. 41. t. 2.  
 Plumaceoli vulgo *plumaceaux*. 18. t. 1.  
 Pneumatocele. de ipsius existentia dubitatur. 145. t. 3.  
 Podalirius celeberrimus Græcorum medicus, 5. t. 1.  
 Pollex pedis corruptus quomodo auferendus. 67. t. 2.  
 Pollicis pedis unguis præter naturam carni infixus. 87. t. 4.  
 Polypus narium. 190. t. 2.  
 — quandoque canerosus. 195. t. 2.  
 — evulsus subinde gravem sanguinis profusionem concitat. 197. t. 2.  
 Polypastus quid. 174. t. 1.  
 Portauville Gallorum. 230. t. 2.  
 Præcordiorum vitia quæ manu curantur. 165. t. 2.  
 Præparatio ægri ante operationes graviores valde necessaria est. 49. t. 4.  
 Probyus, chirurgus Anglus, operatione alta, initio hujus seculi calculum eduxit. 199. t. 3.  
 Probyum ancilla fefellit, dum credidit, acrum magnam, quam ex vesica ipsi extraxit. per os illuc devenisse. 282. t. 3.  
 Procidencia ani. 27. t. 4.  
 — oculi. 197. t. 2.  
 Procidencia vaginæ. 19. t. 4.  
 — uteri quinam de ea scripserint. ibid.  
 — vaginæ prorsus singularis a Wiedemanno descripta. 44. t. 4.  
 Proebischius alta operatione calculum feliciter excidit. 186. t. 3.  
 Prolapsus, vid. Procidencia.  
 Proptosis oculi. 167. t. 2.  
 — palpebrarum. 100. t. 2.  
 Prosthesis quid. 10. t. 1.  
 Pruritus molestus in fracturis quomodo mitigandus. 214. t. 4.  
 Psylli olim quid fuerint. 113. t. 1.  
 — suctu oris venena vulneribus extraxerunt. 112. t. 1.  
 Ptergyum oculi. 119. t. 1.  
 Ptoſis oculi. 120. t. 1.  
 — palpebræ. 100. t. 2.  
 Puerperæ regimen in partu naturali in partu præternaturali & difficili. 293. t. 3.  
 — situs in partu præternaturali. 295. t. 3.  
 — exemplum cui septies foetus ex ventre excisus. 90. t. 3.  
 — exemplum cui septies per frustra evulsus est foetus. 28. t. 4.  
 Pulmones per vulnus prolapsi quomodo curandi. 82. t. 1.  
 Pulmonum vulnera. ibid.  
 Punctum inflicta vulnera. 31. t. 1.  
 Punctum aureum quid. 120. t. 3.  
 Punctura perinæi. 256. t. 3. vario modo instituitur. 257. t. 3.  
 — vesicæ hypogastrica quid & a quibus commendetur. 259. t. 3.  
 — vesicæ in perinæo a quibus laudetur. 258. t. 3.  
 — a Garengoeto primum, ut perhibet, non est descripta. ibid.  
 — perinæi & vesicæ in tempore instituenda, alias frustranea est. 260. t. 3.  
 Pupilla oculi nimis constricta aut coalita quomodo dilatanda. 155. t. 2.  
 Purmannus, chirurgus egregius Germanus. 9. multa scripsit, vid. Biblioth. Chirurg.  
 — encanthidem ingentem canerosam curavit. 190. t. 2.  
 — femoris fracti observationes dat. 143. t. 1.  
 — extraxit. 71. t. 3.  
 — fungos articularum bene descripsit. 263. t. 1.  
 — infusoriam chirurgiam feliciter tentavit. 36. t. 2.  
 — de patella fracta utiles observationes præbet. 150. t. 1.  
 — umbilici herniam aquosam delineavit. 92. t. 3.  
 Purulenta cataracta quid. 141. t. 2.  
 Purulenta materia in abscessibus tactu percipi potest. 211. t. 1.  
 Pus quid. 212. t. 1.  
 — in fistula lacrymali per quodnam punctum lacrymale effluat, varii errarunt.  
 Pylarinus primus de variolarum insitione scripsit. 39. t. 2.  
 Pyposis idem quod hypopium. 164. t. 2.



## R

**Q**uadriga fascia quid. 135.  
 Quelmeifel sunt turundæ intumescen-  
 tes. 20. t.1.

## R

**R**abies canina quid. 115. t.1.  
 Rabiosi canis morsus. 117. t.1.  
 Radix gentianæ turundas intumescences con-  
 stituit. 18. t.1.  
 — ononidis in sarcocoele a variis commen-  
 datur. 132. t.2.  
 — symphyti turundas intumescences præ-  
 bet. 19. t.1.  
 — valerianæ in rabie prodest. 116. t.1.  
 Ramdohrii observatio de hernia incarcerata  
 peculiari. 116. t.3.  
 Ramex inguinis. 104. t.3.  
 — varicosus. 146. t.3.  
 Ramicis vocabulum an recte pro hernia usur-  
 petur. 104. t.3.  
 Raninæ venæ quando & quomodo inciden-  
 dæ. 7. t.2.  
 Runula sub lingua. 251. t.2.  
 Rapæ siccantæ turundas intumescences con-  
 stituere possunt. 19. t.1.  
 Ravius, magnus medicus & chirurgus Ger-  
 manus, ob lithotomiam celeberrimus. 221. t.3.  
 — ægros quomodo ligaverit. 222. t.3.  
 Ravius, Jacobi fratris modum imitatus est,  
 emendavit, & perfecit. ibid.  
 — Jacobum Parisiis nec vidit nec secutus  
 est, ut quidam perhibet. 251. t.3.  
 — calculos quandoque educere non potuit.  
 251. t.3.  
 — cathetere quali usus sit. 229. t.3.  
 — Celsum de lithotomia legendum præ-  
 cepit. ibid.  
 — Celsi methodum cum Mariana, & Maria-  
 nam cum Jacobi combinavit. 239. t.3.  
 — fabam tracheotomia ex aspera arteria  
 eduxit. 7. t.1.  
 — in herniæ incarceratæ operatione, ubi  
 intestinum corruptum invenit, ægrum de-  
 feruit. 114. t.3.  
 — incisionem obliquam fecit in lithoto-  
 mia. 241. t.3.  
 — instrumentis quibus in lithotomia usus  
 sit. 227. t.3.  
 — instrumentum Verduinii pro phalango-  
 si emendavit & ob lites cum Ruyschio  
 acerbis incepit. 19. t.3.  
 — lithotomiam neminem docuit. 228. t.3.  
 — mulieres a calculo non secavit. 227. t.3.  
 — puellam unicam se secasse a calculo scri-  
 bit. 276. t.3.

— scalpello quo usus sit in lithotomia.  
 227. t.3.  
 — situm qualem secandi dederit. 228. t.3.  
 — vesicam solam an inciderit. ibid.  
 Ravii catheter an magis curvus sit, quam is,  
 qui in magno apparatu adhiberi suevit,  
 negatur. 255. t.3.  
 — discipulus fuit auctor. 229. t.3.  
 — fata quædam a Garengéoto male de-  
 scripta emendantur. 231. t.3. & seq.  
 — methodus a Fehrio jam 1716. satis bene  
 descripta. 222. t.3. ab Albinis postea ube-  
 rius exposita. 239. t.3.  
 — methodum auctor brevissime, satis ta-  
 men perspicue jam 1718. descripsit. 227. t.3.  
 — modus ligandi differt ab aliis. 225. t.3.  
 — modum secandi auctor præ omnibus aliis  
 exercuit. 226. t.3.  
 Ravio perfectionis lithotomiæ gloria etiam  
 a Gallo quodam contra Garengéotum ad-  
 scribitur. 239. t.3.  
 Refrigerantia externa nocent in erysipellate,  
 in inflammationibus, in vulneribus. 46. t.1.  
 Renum vulnera quæ sanari possunt. 171. t.3.  
 Repositio fracturarum. 122. t.1.  
 — luxationum. 161. t.1.  
 Res peregrinæ in asperam arteriam illapsæ.  
 254. in aurem. 186. in faucibus hærentes.  
 262. in oculo. 97. in vulneribus quomodo  
 ejiciendæ. 61. t.2.  
 Resonitus seu contrassura quid & an detur.  
 134. t.1.  
 Reverhorstius de successu operationum Jacobi  
 in Hollandia male sentit. 249. t.3.  
 Rausnerus ad auditus vitia tubulum commen-  
 dat. 188. t.2.  
 Rigor articulorum. 128. t.1.  
 — oris. 237. t.2.  
 Rima seu fissura cranii. 134. t.1.  
 Riolanus altam operationem jam commenda-  
 vit. 197. t.3.  
 — puncturam vesicæ & in hypogastrio &  
 in perinæo descripsit. 258. t.3.  
 — hypogastricam tamen puncturam in uri-  
 na suppressa ceteris modis prætulit. 259. t.3.  
 — fœtum occidendum quandoque esse, ut  
 mater servetur, docet. 93. t.3.  
 Riverii modus paronychiam curandi per au-  
 rem felis. 78. t.1.  
 — hypopii curationem tradidit & inflau-  
 ravit. 165. t.2.  
 — lobi auris perforationem ad varios mor-  
 bos commendavit. 188. t.2.  
 Rodentia medicamenta eadem quæ eroden-  
 tia & caustica. 53. t.2.  
 Rolincius vulnus post operationem herniæ in-  
 carceratæ futura conjunxit. 113. t.3.  
 Roma-



Romanus f. de Romanis magnum pro calculo excidendo apparatus invenit. 182. t.3.  
 Roonhufius, chirurgus Belga, observationem notabilem de capite obstipo dedit. 5. t.3.  
 — de labris leporinis bene agit. 230. t.2.  
 — de partu cæsareo & difficili utiles observationes dedit. 71. t.3.  
 — vaginas uteri clausas observavit & curavit. 269. t.3.  
 — uteri os internum clausum aperiri etiam posse existimavit. 273. t.3.  
 Rosa, medicus, peculiaria quædam de magno addaratu docuit. 189. t.3.  
 Rouffetus de partu cæsareo doctum librum scripsit. 79. t.3.  
 — dissentientes mascule & docte impugnat. 81. t.3.  
 — altam calculi sectionem gravibus rationibus commendavit. 301. t.3.  
 — quomodo vesica implenda docuit. 183. t.3.  
 — in urina suppressa ceteris puncturis hypogastricam præfert. 218. t.3.  
 Rotula fracta. 148. luxata. 183. t.1.  
 Rulovius de sectione cæsarea scripsit. 73. t.3.  
 Rungius cæsarem sectionem instituit. 75. t.3.  
 — modum curandi fistulas ani peculiarem dedit, ut & nova instrumenta. 57. t.4.  
 Ruyschius a diverticulo intestini hernias notavit. 113. t.3.  
 — quomodo hydrocelen curaverit. 115. t.3.  
 — luxationes femoris raras easque plerumque fracturas esse colli femoris evincit. 181. t.1.  
 — procidentias uteri contra dissentientes asseruit. 23. t.4.  
 — secundinas evellere prohibet. 13. t.4.  
 — vaginas uteri clausas aperuit. 269. t.1.  
 — vitriolica in sanguine sistendo rejicit. 31. t.2.  
 Ryf antiquus fuit chirurgus Germanus. 7. 1.

## S

SAbourinus novam tibiam amputandi rationem invenisse dicitur. 16. t.2.  
 Saccharum est lene septicum in corneæ maculis. 163. t.2.  
 Sacculus herniosus an in sectione herniæ incarceratæ integer relinquendus. 111. t.3.  
 Sagittarum extrahendi ratio. 61. t.2.  
 Salis spiritus interne commendatur in ambustis & in herniis. 121. t.3.  
 Salivales glandulæ scirrhusæ quomodo excidendæ. 259. t.2.  
 Salivatio levis confert in tumoribus & ulceribus a causa venerea aut simili ortis. 277. t.1.  
 Salmentum quid sit & ejus usus. 112. t.1.  
 Saltzmannus refert Jacobum Argentorati emen-

data methodo calculos feliciter excidisse.

251. t.3.  
 Saltzmannus varia alia notatu digna de Jacobo tradit. 250. t.3.  
 — alia de morte Jacobi quam Morandus docet, retulit. 251. t.3.  
 Sandalium fascia pro pede. 260. t.4.  
 Sanguis in cranium effusus quomodo emittendus. 93. t.2.  
 — in oculum effusus, qua ratione educendus. 166. t.2.  
 — in pectus effusus. 138. t.1.  
 — in ventrem effusus educi sæpe nequit. quod exemplo illustratur. 32. t.1.  
 — quiescens sive stagnans corrumpitur. 98. t.1.  
 — post mammæ amputationem non semper facile sistitur. 18. t.3.  
 — qua copia in V. S. emittendus. 5. t.2.  
 — quomodo post amputationem sistendus.  
 Sanguinis detractio per venas, qua copia in ea emittendus. ibid.  
 — per cucurbitulaseductio valentior sæpe est, quam per phlebotomum. 113. t.2.  
 — nimis fluxus in vulneribus. 51. t.1.  
 — nimius fluxus in gravidis mulieribus quomodo curandus. 11. t.4.  
 — motus tardior quomodo minuendus. 239. t.3.  
 Sanguisugarum usus. 118. t.2.  
 Saponis emplastrum resolvit. 11. t.3.  
 — oleum resolvit. 12. t.3.  
 Sarcocoele. 31. t.3.  
 Sarcoma quid & quomodo curandum. 56. t.2.  
 — nasi. 189. t.2.  
 — uteri. 272. t.3.  
 Sarcotica medicamenta quæ. 50. t.1.  
 Saturnina emplastra demulcent. 254. siccant. 273. t.1.  
 Saviardus adparatus magni multa incommoda notavit. 252. t.3.  
 — Cæsaream sectionem feliciter successisse docuit. 76. t.3.  
 — Cæsaream ob sectionem intermissam multas mortes & errores manifestavit. 79. t.3.  
 — ductoribus & forcipe in magno adparatu vesicam laceratam esse vidit. 253. t.3.  
 — hermaphroditum creditum, feminam esse deprehendit prolapsu uteri laborantem. 22. t.4.  
 Saviardus herniam umbilici singulari modo curavit. 94. t.3.  
 — de herniis incarceratis utiles observationes dedit. 111. t.3.  
 — Jacobum fratrem Parisiis male calculos secasse refert. 244. t.3.  
 — molam utero adhærentem notavit. 19. t.4. pro.



- prolapsus uteri sæpe vidit. 298. t.3.  
 — prolapsus uteri vidit, ob quem puella  
 pro masculo declarata est. 23. t.4.  
 — vaginas uteri clausas curavit. 268. t.3.  
 — scapellum chirurgicum quid. 11. t.1.  
 — pro amputatione artuum. 69. t.2.  
 — ad ani fistulas. 274. t.3. & seq.  
 — auctoris ad vulnera abdominis dilatan-  
 da aliosque usus. 81. t.1.  
 — gastroraphicum Morandi. 110. t.3.  
 — herniarium Dranii. ibid.  
 — lithotomicum vulgatiss. 182. t.3.  
 — — Cheseldeni. 237. t.3.  
 — — Dranii. 236. t.3.  
 — — Garengiotti. 254. t.3.  
 — — Ravii. 229. t.3.  
 Scalpro manum olim amputarunt. 68. t.2.  
 Scamnum Hippocratis quid. 122. t.1.  
 Scapula fracta fascia pro ea. 225. t.1.  
 Scapularis fascia cum mantili pro abdomine.  
 236. t.4.  
 Scarificatio quid ejus usus. 243. t.2.  
 — ægyptiaca quid. 36. t.2.  
 — chirurgica quid & ubi instituat. 46. t.2.  
 — in carbunculis. 231. t.1.  
 — in gangræna. 240. t.1.  
 — malleolorum. 47. t.2.  
 — in morfu canis rabiosi. 113. t.1.  
 — oculorum. 114. t.2.  
 — occipitalium venarum a Morgagnio mul-  
 tum laudatur. 41. t.2.  
 — in pleuritide spuria a Lancisio valde com-  
 mendatur. ibid.  
 — unico ictu fieri potest. ibid.  
 Schilhans, chirurgus antiquus Germanus. 6. t.1.  
 Schobingenus Yvesii fistulas lacrymales curan-  
 di modum descripsit. 121. sed circa Anelli  
 modum erravit. 12. t.3.  
 Schukmannus de modo hernias sine castra-  
 tione secandi scripsit. 125. t.3.  
 Scipio africanus ex utero matris exsectus.  
 115. t.2.  
 Scirrhus, quid & quomodo tractandus. 250. t.1.  
 qua ratione excidendus. 56. t.2.  
 — glandularum salivalium. 259. t.2.  
 — linguæ. 251. t.2.  
 — mammæ. 17. t.3.  
 — penis. 151. t.3.  
 Sclopetorum vulnera. 60. t.1.  
 Scordii decoctum in gangræna externe pro-  
 dest. 240. t.1.  
 — essentia & infusum in pestilentia interne  
 laudantur. 229. t.1.  
 Scorpio contritus ejusve oleum in scorpionum  
 puncturis commendatur. 115. t.1.  
 Scorpionis oleum etiam laudatur in urina sup-  
 pressa. 163. t.3.  
 Scriptores chirurgici, vid. post præfat., item-  
 que. pag. 9. & seq.  
 Scrophulæ. 13. t.3.  
 Scroti hydrops. 142. t.3.  
 — inflammatio. 219. t.1.  
 — paracentesis. 135. t.3.  
 — suspensorium aliæque pro eodem fasciæ.  
 242. t.4.  
 Scultetus armamentarium chirurgicum scri-  
 psit. 6. t.1.  
 — cæsaream sectionem illustrat figura. 77. t.3.  
 — canales pro pedibus fractis delineat.  
 112. t.1.  
 — femoris fracti exempla præbet cum  
 vulnere. 147. t.1.  
 — fonticulus quomodo in futura coronali  
 excitandus figuris ostendit. 84. t.2.  
 — hæmorrhoides quomodo veteres adusse-  
 runt, docet. 256. t.3.  
 — herniæ umbilicali qualis vinctura inji-  
 cienda. 93. t.3.  
 — hæniotomiæ vulgaris actum repræsen-  
 tat. 121. t.3.  
 — hydroceles curationes varias visui of-  
 fert. 145. t.3.  
 — mammam amputandi rationes exhibet  
 antiquas. 131. t.3.  
 — manum quomodo scalpro amputaverint.  
 131. t.3.  
 — ononidis radicem contra farcocele  
 commendat. 131. t.3.  
 — Rustici Norvvegici ferramentum pro  
 uvula ressecanda designavit. 255. t.2.  
 Scultetus scalpro quomodo manum olim rese-  
 cuerint docet. 68. t.2.  
 — scamnum Hippocratis demonstravit.  
 122. t.1.  
 — setaceum in cervice quomodo excitave-  
 rint. 13. t.3.  
 — testiculum qua ratione extirpaverint,  
 indicavit. 123. t.3.  
 — umbilici herniam designavit. 92. t.3.  
 itemque vincturam pro ea. 95. t.3.  
 Sectio cæsarea quid. 70. vid. cæsarea sectio.  
 — a multis damnatur, a multis &  
 etiam ab auctore commendatur. ibid. &  
 76. t.3.  
 — in triplici casu necessaria est. 70. t.3.  
 — monstri causa, ut nonnulli volunt,  
 non instituenda. 90. t.3.  
 — quando & quomodo instituenda  
 auctor prolixè exposuit. 70. t.3. & seq.  
 — an ob caput in vagina hærens sit  
 instituenda. 91. t.3.  
 Secundæ sive sæcundinæ quid. 13. t.4.  
 — retentæ naturæ non sunt relinquendæ.  
 14. t.4.  
 reten-



- retentæ sunt mature extrahendæ. 13. t. 4.  
 Secundas retentas naturæ relinquendas esse  
 Ruyschius ultimis vitæ annis docuit. 17. t. 4.  
 — non relinquendas esse propugna-  
 runt. Leporinus Cohusius, Hartranftius.  
 ibid.  
 Sedes, læsionis species in cranio. 96. t. 1.  
 Segerus, effusis humoribus, oculi, visus re-  
 stitutionem vidit. 92. t. 1.  
 Senatus Amstelodamensis Jacobum aureo lapi-  
 dillo donavit. 249. t. 3.  
 Senffius, chirurgus Regius Berolinensis, quo-  
 modo calculum laterali sectione secuerit, ex  
 filii auctoris relatione. 243. t. 3.  
 — Ravium maxime secutus est. 244. t. 3.  
 — catheteribus sulcatis, argenteis, te-  
 nuibus & valde incurvatis usus est. ibid.  
 — calculum eduxit, in quo spica frumen-  
 ti deprehendebatur. 41. t. 4.  
 Sennertus, faustam sectionem cæsaream vi-  
 dit. 75. t. 3.  
 Septica medicamenta eadem sunt quæ roden-  
 tia & caustica. 55. t. 2.  
 Sermesius, Medicus Amstelodamensis, altam  
 operationem descripsit belgice. 201. t. 3.  
 — auctorem altam operationem perfecisse  
 indicavit. ibid.  
 — Jacobum male in Hollandia calculosos  
 secare testatur. 249. t. 3.  
 — Ravium mulieres a calculo Amsteloda-  
 mi non secasse refert. 277. t. 3.  
 — egregios nonnullos chirurgos in ope-  
 ratione calculos educere non potuisse nota-  
 vit. 251. t. 3.  
 — lateralem methodum in mulieribus sine  
 vaginæ læsione non succedisse experimentis  
 deprehendit. 252. t. 3.  
 — hiatum in cathetere, sicut Dranius,  
 commendavit. 237. t. 3.  
 — modum secandi hernias sine testiculi  
 amputatione descripsit. 125. t. 3.  
 Serpentum morsus. 114. t. 1.  
 Serra, ferramentum pro ossibus refecandis.  
 70. t. 2.  
 — quomodo rite adhibendum. 73. t. 2.  
 Seraceum quomodo excitandum & ubi profit.  
 13. t. 3.  
 — varios excitandi habet modos. ibid.  
 — a quibusdam rejicitur, ab aliis valde  
 laudatur. 14. t. 3.  
 — in vulneribus quid. 65. t. 1.  
 Severinus, Medicus & chirurgus præstantis-  
 simus, de abscessibus sive tumoribus do-  
 cte scripsit. 7. t. 1.  
 — ferri candentis usum aliaque heroica  
 auxilia valde commendavit. 54. t. 2.  
 — sanguinis ex oculo missionem cogno-  
 vit. 111. t. 2.  
 Sigemunda, obstetrix germana præstantissima,  
 sua in arte multa utilissima docuit. 295. t. 3.  
 — capite fœtum in vagina hærentem pro  
 difficillimo partu reputat. 99. t. 3.  
 — molam utero adhærentem feliciter edu-  
 xit. 19. t. 4.  
 — fœtum subinde interficiendum esse ut  
 mater servetur, egregiis argumentis demon-  
 strat. 101. t. 3.  
 — uteri situm obliquum partus difficilis  
 causam esse cognovit inter primos. 289. t. 3.  
 Situs naturalis partium chirurgus exactissime  
 sit cognitus. 235. t. 3.  
 Situs fœtus in utero partus tempore scitu  
 valde est necessarius. 286. t. 3.  
 — uteri partus tempore scitu est summe  
 necessarius. 284. t. 3.  
 — uteri in partu plerumque est rectus,  
 sæpe autem quoque obliquus. ibid.  
 — uteri obliquus partum difficilem indi-  
 cat quid in hoc situ faciendum. 296. t. 3.  
 — uteri rectus partum facilem indicat.  
 285. t. 3.  
 — uteri obliquus & rectus non nisi tactu  
 cognoscitur. ibid.  
 Situm secandorum a Ravio optime descripsit  
 Erndelius. 227. t. 3.  
 — uteri obliquum optime exposuit De-  
 venterus. 288. t. 3.  
 Smallsii acus pro cataracta duplex. 155. t. 2.  
 Solaris fascia quæ. 218. t. 4.  
 Solingius Medicus & chirurgus egregius. 9. t. 1.  
 — cæsaream sectionem impugnavit. 70. t. 3.  
 — tendines extensorum digitorum disse-  
 ctos sine futura coalescere docet. 75. t. 4.  
 Sonnius septies feliciter fœtum ex uxore sua  
 excidisse scribitur. 99. t. 3.  
 Sostratus inter veteres chirurgos celeberrimus.  
 5. t. 1.  
 Spatha Celsi quid sit. 192. t. 2.  
 Specillum quid. 12. t. 1. anellianum. 127. t. 2.  
 Speculum ani. 45. t. 4.  
 — oculi. 147. t. 2.  
 — oculi in fistulæ lacrymalis injectione ine-  
 pte a Garengéoto commendatur. 130. t. 2.  
 — oris. 239. t. 2.  
 — uteri in partu inutile. 11. t. 4.  
 Sphacelus quid & quomodo curandus. 239. t. 1.  
 — ossis quid. 288. t. 1.  
 Sphincter ani sine noxa in fistulæ ani cura-  
 tione plerumque discinditur. 51. t. 4.  
 — vesicæ in laterali apparatu sine  
 damno inciditur. 237. t. 3.  
 — vesicæ in magno apparatu semper  
 dilaceratur. 236. t. 3.  
 Spica axillaris, fascia. 49. t. 4.  
 ingui-



- inguinalis. 239. t.4.  
 Spigelius Medicus & Chirurgus nobilissimus. 6. t.1.  
 Spina ventosa quid & qua ratione curanda. 288. t.1.  
 Spina ventosa interdum caussa est amputationis membrorum. 68. t.2.  
 Spinæ ventosæ vocabulum in Petiti libro de morb. off. non occurrit. 229. t.1.  
 Spinalis medulla læsa plerumque mortem infert. 32. t.1.  
 — quomodo tractanda. 90. t.1.  
 Spiritus falis interne laudatur in ambustis, & in herniis curandis. 121. t.2.  
 Spiritus theriachalis, inprimis camphoratus, egregius in gongræna. 240. t.1. in morfu canis rabiosi. 113. t.1. in paronychia. 66. t.4. in pernionibus. 236. t.1.  
 — vini laudatur in ambustis. 247. t.1. inflammationibus. 202. t.1. vulneribus præsertim levioribus. 39. t.1.  
 — vini camphoratus in ambustis. 244. t.1. inflammationibus & gangræna prodest itemque vulnera sanat. 39. t.4. paronychiam sæpe resolvit. 69. t.4.  
 — vini rectificatissimus sive alcohol in profuvis sanguinis vulnerum præstantissimus est. 52. t.1.  
 Splenia quid, quomodo paranda & eorum usus. 21. t.1.  
 Spongia præparata ulcera & vulnera angustiora dilatat. 20. t.1.  
 Stahlius scarificationem narium ægyptiacam commendavit. 43. t.2.  
 Staphyloma. 162. t.2.  
 Stapes, fascia pro pede. 262. t.4.  
 Steatoma quid. 57. t.2.  
 Stellata fascia qualis. 227. t.4.  
 Steno vias lacrymales novit. 119. t.2.  
 Stenonianus ductus vulneratus. 94. t.1.  
 Sterni perforatio s. trepanatio. 26. t.3.  
 Sternum fractum vinctura pro eo. 135. t.4.  
 Strabismus & machina ei idonea. 171. t.2.  
 Stramineus lectulus quid. 152. t.1.  
 Strumæ quid & quomodo curandæ. 58. t.2.  
 — 13. t.3.  
 — a Regibus Angliæ & Galliæ tactu sanari dicuntur. 14. t.3.  
 Stuart de secundis rite extrahendis bene scripsit. 15. t.4.  
 Styli argentei pro cura fistulæ ani. 49. t.4.  
 — fistulæ lacrymalis. 129. t.2.  
 Styptica medicamenta quæ. 51. t.1.  
 — vitriolica ob vim erodentem suspecta, imo sæpe noxia. 53. t.1.  
 Styptici liquores. 51. t.1.  
 Subligacula hernias sæpe sanant. 120. t.3.  
 Subluxatio quid. 162. t.1.  
 Submersis in aqua laryngotomia a Delhardingio commendatur. 12. t.3.  
 Suctu oris Pfylli venena e vulner. eduxerunt. 116. t.1.  
 — urina suppressa sæpe evocatur. 162. t.3.  
 Suffimenta in vaginæ & uteri prolapsu profunt. 28. t.4.  
 — in scirrhis commendantur. 250. t.1.  
 Suffusio oculorum. 138. t.1. plura de ea vid. titulo cataractæ.  
 Suggillatio, vid. Ecchymosis.  
 Superciliorum vulnera. 91. t.1.  
 Suppositoria quid & ubi adhibenda. 34. t.4.  
 Suppuratio quid & quomodo promovenda. 209. t.1.  
 Suspensorium brachii, idem quod mitella. 229. t.4.  
 — scroti. 243. t.4.  
 Sutorius, chirurgus Norimberg. & postea Ducis Brunsvicens. ob felicem causticorum usum quondam in Germania valde celebris. 53. t.2.  
 — chirurgus Francofurt. res ibidem gestas a fratre Jacobo mihi perscripsit. 223. t.2.  
 Sutura vulnerum. 62. t.2.  
 — Garengeoti. 48. t.1.  
 — abdominis. 67. t.1.  
 — clavata. 71. t.1.  
 — composita. 46. t.1.  
 — cruenta. ibid.  
 — intestinorum. 73. t.3.  
 — labri leporini. 228. t.2.  
 — ligamentorum. 83. t.4.  
 — nodosa quomodo fiat. 47. t.1.  
 — pellionum. 74. t.1.  
 — sicca. 45. t.1.  
 — tendinis Achillis. 87. t.1.  
 — tendinum manus. 73. t.4.  
 — pedum. 61. t.4.  
 Suturas tendinum, quinam ex veteribus novaverint. 84. t.4.  
 — quinam instauraverint. 74. t.4.  
 Sydenham incisionem gingivarum in dentitione difficili valde commendat. 245. t.3.  
 Sympatheticæ curationes raro profunt. 54. t.2.  
 Symphysis ani. 35. t.4.  
 Symphysis auditorii meatus. 141. t.2.  
 — nasi sive narium. 226. t.2.  
 — oculorum. 104. t.2.  
 — vaginæ. 268. t.3.  
 — urethræ in viro. 155. t.3.  
 — in femina. 268. t.3.  
 Symptomata fracturarum. 127. t.1.  
 — luxationum. 163. t.1.  
 — vulnerum & vulneratorum. 51. t.1.  
 — venæ sectionis. 17. t.2.



Synthesiſ quid.  
Syringotomi quid.  
—— recentiorum.  
—— Baſſii.  
—— Rungii.

10. t.1.  
50. t.4.  
51. t.4.  
52. t.4.  
53. t.4.

## T

**T** Abacaliſ clyſter quid. 53. t.4.  
—— quis de eo ſcripſit. ibid.  
—— efficaciffimus ab auctore deprehen-  
ſus eſt in hernia incarcerata. 114. t.3.  
Tabor novum modum mammas amputandi  
deſcripſit. 19. t.3.  
Tegætius, chirurgus quondam celebris. 6. t.1.  
Tagliacotius naſum amiſſum carne aliena re-  
ſtitui poſſe docuit. 226. t.2.  
Talpa capitiſ quid. 41. t.2.  
Taylor oculariſ Angluſ, amauroſin certa qua-  
dam operatione curare pollicituſ eſt. 141. t.2.  
—— cataractam ſemper in cryſtallino exiſte-  
re ſtatuit. 140. t.2.  
—— cataractæ operationem peculiari ratione  
inſtituit. 145. t.2.  
Teichmæieruſ ſectiõnem cæſaream feliciter ſuc-  
ceſſiſſe notavit. 73. t.3.  
Temporũ arteriotomia. 86. t.2.  
Tendineſ diſſecti ſui poſſunt. 74. ſed etiam  
ſæpe ſine futura coaleſcent. 75. t.4.  
—— ex parte diſſecti vel puncti, ſi gravia  
mala concitant, tuto diſcindi & ruruſ de in-  
de jungi poſſunt. 76. t.4.  
Tendiniſ Achilliſ læſio & futura. 74. t.4.  
—— læſioneſ. 37. t.1.  
Tendinum futura fibuliſ non annumeranda.  
78. t.4.  
—— quando inſtituenda. 79. t.4.  
Tendinum futura in manibuſ. 83. t.4.  
—— in pedibuſ. 89. t.4.  
—— futuras quinam ex veteribuſ cogno-  
verint. 75. t.4.  
Terebinthina cum vitello ovi optimuſ præ-  
bet unguentum vulnerariuſ, vulgo dige-  
ſtivuſ dictuſ. 14. & alibi t.1.  
Terebinthinæ oleuſ præſtantiffimuſ vulne-  
rariuſ, & in primis etiam in nervo vel  
tendinæ puncto. 61. & alibi t.1.  
—— egregiuſ ſtypticuſ. 58. t.1.  
Terebra pro globoliſ plumbeiſ extrahendiſ.  
83. t.1.  
Terebratio ſive trapanatio cranii quid & quo-  
modo inſtituenda. 97. t.1.  
—— ſterni. 26. t.3.  
—— cranii nudi. 113. t.3.  
—— offiſ ſpina ventoſa correpti. 289. t.1.  
Teredo, idem quod ſpina ventoſa. 290. t.1.  
Teſticuli excreſcentia quomodo auferenda.  
132. t.3.

—— ſcirrhuſ & cancer. 148. t.3.  
—— tumor inflammatoriuſ. 217. t.1.  
—— ſoppuratoriuſ. 218. t.1.  
Teſticulo privati ad generationem haud ine-  
pti. 122. t.3.  
Teſticuluſ in hernia ſimplici excindere ine-  
ptuſ & crudele eſt. 123. t.3.  
Teſtudo, tumor capitiſ. 57. t.2.  
Theriaca in vulneribuſ venenatiſ interne &  
externe laudatur. 113. t.1.  
Theriacaliſ ſpirituſ in gangræna. 240. t.1. morſu  
caniſ rabioſi. 113. t.1. pernionibuſ. 236. t.1. &  
paronichia commendatur. 66. t.4.  
Thevenin puncturam veſicæ in perinæo com-  
mendavit. 257. t.3.  
Thibautuſ, celebriſ Lithotom. Pariſ. calcu-  
luſ peculiari modo ex urethra excidit.  
171. t.3.  
—— non auſuſ eſt, auctore Garengæoto, al-  
tam calculi operationem inſtituere. 183. t.3.  
—— Thoraciſ paracenteſiſ. 76. t.3.  
—— vulnera. 81. t.1.  
—— faciæ. 225. t.4.  
Tibia fracta. 151. t.1.  
—— cum vulnere. ibid. machina Peti-  
ti pro hac fractura. 152. t.1.  
—— luxata. 183. t.1.  
Tibiæ amputatio vulgariſ. 75. t.2.  
—— Verduinii. 76. t.2.  
Tibiæ fractæ faciæ. 258. t.4.  
—— incurvatæ. 88. t.4.  
Tinea capitiſ. 245. t.1.  
Tiretete Galloruſ quid. 3. t.4.  
Toletuſ de lithotomia egregie quondam ſcri-  
pſit. 183. t.3.  
—— altam operationem quoque laudavit.  
194. eam a Boneto Pariſiſ inſtitutam eſſe.  
231. t.3.  
—— modum ligandi ægroſ in magno appa-  
ratu carpit. 222. t.3.  
—— puncturam veſicæ in perinæo jam com-  
mendavit. 259. t.3.  
—— puncturam hypogaſtricam veſicæ in uri-  
na ſuppreſſa ceteriſ præfert. 260. t.3.  
Tonſillarum abſceſſuſ. 257. t.2.  
—— excreſcentia. 259. t.2.  
—— inflammatio. 256. t.2.  
—— ſcirrhuſ. 258. t.2.  
Tonſilliſ ſuppuratio aperiendiſ peculiaria in-  
ſtrumenta. 257. t.2.  
Torcular chirurgoruſ, vulgo *tournequet* quid  
& quomodo adhibenduſ. 37. t.1.  
—— pro varia fabrica vario modo adapta-  
tur. 52. t.1.  
—— Petiti. ibid.  
—— Morandi. ibid.  
—— auctoriſ. 56. t.1.  
*Tournequet* Galloruſ, vid. Torcular.



Tracheotomia quid & quando instituenda. 6. t. 3.  
 — res peregrinæ e trachea eximi possunt. 7. t. 3.  
 — submersis proficere dicitur. ibid.  
 Transfusio sanguinis quid & quem scopum habuerit. 35. t. 2.  
 Trepanatio cranii quid, quando & quomodo instituenda. 89. t. 2.  
 — remedium anceps est, multis difficultatibus obnoxium. 130. t. 2.  
 — sterni. 26. t. 3.  
 — ossis carie aut spina ventosa correpti. 286. t. 1. 292. t. 1.  
 Trepanationis adparatus. 91. t. 2.  
 — difficultates Bohnius peculiari dissertatione exposuit. 90. t. 2.  
 Trepanum quale instrumentum. 89. t. 2.  
 — antiquorum sive Celsi. 92. t. 2.  
 — rececentiorum. 91. t. 2.  
 Trewius instrumentum ad phimosis curandam invenit. 150. t. 3.  
 Trewius ductoris & forcipis, quibus Jacobus Argentorati usus est, figuras mecum communicavit. 251. t. 3.  
 Triangularis acus pro paracentesi. 67. t. 3.  
 Trichiasis, palpebræ vitium. 102. t. 2.  
 Trochisci de minio caustici sunt, & in fistula lacrymali ac perinæi commendantur. 262. t. 3.  
 Troicar Gallorum, vid. triangularis acus cannulata. 67. t. 3.  
 Tubæ acusticæ quales in auditu difficili sint. 187. t. 2.  
 Tubercula præter naturam quomodo curanda. 236. t. 2.  
 — auditorii meatus. 186. t. 2.  
 — oculus inter & palpebras. 36. t. 2.  
 — auditorii meatus. 186. t. 2.  
 — oculos inter & palpebras. 36. t. 2.  
 — palpebrarum. 98. t. 2.  
 — vaginæ uteri. 272. t. 3.  
 Tulpius caput obstipum curatum observavit. 5. t. 3.  
 — fungum uteri extirpatum opus inauditum & insolens immerito vocavit. 272. t. 3.  
 Tumores generatim considerati. 202. t. 1.  
 — inflammatorii. ibid.  
 — œdematosi. 35. t. 2.  
 — scirrholi. 10. t. 3.  
 — carnosii, vid. Sarcomata.  
 — mammarum. 213. t. 1.  
 — parotidum. 259. t. 2.  
 — testiculorum. 217. t. 1.  
 — tunicati s. cystici eorumque curatio. 73. t. 2.  
 Tumoris absentia vel præsentia in vulneribus quid denotet. 33. t. 1.  
 Turbierus, chirurg. Paris. punctura hypoga-

strica vesicæ urinam suppressam feliciter eduxit. 260. t. 3.  
 Turendæ quid & eorum usus. 18. t. 1.  
 — a quibusdam rejiciuntur. 271. t. 1.  
 — a Bellostio & Mottio in pectoris vulneribus damnantur. 28. t. 1.  
 — omnes a Garengoeto in ventris vulneribus male rejiciuntur. 69. t. 1.  
 — an in bubonocelos curatione locum habeant. 110. t. 2.  
 — an in gastroraphia profint. 66. t. 1.  
 — an post lithotomiam adhibendæ. 187. t. 3.  
 Turundæ intumescences unde fiant. 18. t. 1.  
 Turundarum abusus a Magato & Bellostio maxime impugnatis est. 272. t. 1.  
 Tycho de Brahe ex suppressa urina ob defectum boni chirurgi mortuus est. 162. t. 3.

V

Vagina uteri clausa quomodo aperienda. 268. t. 3.  
 — a quibus observata & curata. ibid.  
 Vaginæ fungi & excrescentiæ. 172. t. 3.  
 — prolapsus. 27. t. 4.  
 — prolapsæ inflammatio. 28. t. 4. muriam sanat. ibid.  
 — sarcomata & tubercula. 268. t. 3.  
 — os nimis angustum qua ratione ampliandum. 269. t. 3.  
 Valgi & vari, pedum vitia. 88. t. 4.  
 Valleriola differentiam inter embryulciam & hysterotomiam ignoravit. 71. t. 3.  
 Vari faciei, sunt parvi furunculi. 222. t. 1.  
 — pedum. 88. t. 4.  
 Varices quid & speciatim pedum. 106. t. 1.  
 — quomodo curandi. ibid.  
 — vehementibus olim curationibus exercebantur. 85. t. 4.  
 — scroti. 136. t. 3.  
 Varicocele. ibid.  
 Variolarum inoculatio. 38. t. 2.  
 — orta apud Turcas. ibid. dein in Anglia jussu Regis Georgii I. probe exercitata. ibid.  
 — in Germania etiam & quidem semper feliciter cessit. ibid.  
 — qui de ea scripserint. 39. t. 2.  
 — inoculationem auctor probat eamque continuandam esse suadet. ibid.  
 Vasorum sanguiferorum in hæmorrhagiis ligatura & ustio quomodo fiant. 57. t. 1.  
 Vaterus partum cæsareum descripsit. 73. t. 3.  
 — partum foetus post mortem matris notavit. 74. t. 3.  
 — sarcoma magnum uteri resectum & feliciter sanatum observavit. 272. t. 3.  
 — de variolis inferendis. 39. t. 2.



Vena jugularis læsa quomodo tractanda. 88. t. 1.  
 Venæ jugularis sectio magnæ est efficaciam in multis malis. 15. t. 2.  
 Venæ sectio quid. 3. t. 2.  
 — antiquissima & utilissima est operatio. ibid.  
 — qua ratione instituitur. 28. t. 2.  
 Venæ sectio difficillime sæpe instituitur. 16. t. 2.  
 — quibus in partibus fiat. 7. t. 2.  
 — ejus usus. 6. t. 2.  
 — in brachio. 7. t. 2.  
 — in cantho oculi. 14. t. 2.  
 — colli venis jugularibus dictis. ibid.  
 — fronte. 13. t. 2.  
 — sub lingua. 16. t. 2.  
 — in manu. 11. t. 2.  
 — oculi cantho. 14. t. 2.  
 — oculo ipso. 111. t. 2.  
 — pede. 12. t. 2.  
 — pene. 16. t. 2.  
 — raninis venis. ibid.  
 — furis. 12. t. 2.  
 — plethoricis prodest, in inflammationibus curandis & præcavendis, aliisque multis malis. 30. t. 2.  
 — utilissima est operatio. 5. t. 2.  
 — non semper in convulsionibus & spasmis prodest. 53. t. 1.  
 — in labri leporini operatione non necessaria contra Garengéot. 228. t. 2.  
 Venæ sectionis instrumenta. 4. t. 2.  
 — symptomata. 17. t. 2.  
 Venenata vulnera. 111. t. 1.  
 Venerea ulcera. 226. t. 1.  
 Venerei bubones & tumores. 233. t. 1.  
 Venetus senatus legem dedit quomodo gravida mortuæ sint incidendæ. 73. t. 3.  
 Ventositas spinæ quid & quomodo curand. 288. t. 1.  
 Ventriculi excutia. 4. t. 3.  
 Ventris fascia circularis. 236. t. 4.  
 — mantile. 234. t. 4.  
 Verduc de fasciis & fracturis bene scripsit. 9. t. 1.  
 — erysipelas faciei ingens describit. 219. t. 1.  
 — tendinis futuram vulnere jam consolidato institui adhuc posse docet. 140. t. 4.  
 Verduinius, pater, novum modum crura amputandi descripsit. 78. t. 2.  
 — instrumentum Bartischii pro phalangosi correxit. 101. t. 2.  
 — figuris, Jacobi eremitæ fata in Hollandia mecum communicavit, unde multi aliorum defectus & errores corriguntur. 246. t. 3. & seq.  
 — refert Jacobum sæpius calculos invenire non potuisse. 249. t. 3.  
 — pro temerario chirurgo cum describit.

ibid.  
 Vermes in ulceribus quomodo expurgandi. 275. t. 1.  
 Veronicæ infusum injectum in oculo lacrymante. 120. t. 2. & fistula lacrymali prodest. 124. t. 2.  
 Verrucæ quid. 54. t. 2.  
 — quomodo auferendæ. 55. t. 2.  
 — in palpebris. 100. 2.  
 — pene. 154. t. 3.  
 — cærulescentes, præsertim in facie & palpebris plerumque cancrofi quid alunt. 56. t. 2.  
 Vertebræ fractæ. 137. t. 1.  
 — luxatæ. 166. t. 1.  
 Vesalius chirurgiam scripsit. 7. t. 1.  
 — gingivarum incisionem in dentitione difficili commendat. 246. t. 2.  
 Vesica sola an adparatu laterali incidi possit, dubitatur. 231. t. 3.  
 — vitulina in amputationibus adhiberi solet. 69. t. 3.  
 — an extra ventrem sita sit negatur. 71. t. 3.  
 — in hernia quandoque procidit. 93. t. 3.  
 Vesicæ calculus ejusque diversæ incidendi rationes. 174. t. 3.  
 — calculus quomodo in mulieribus educatur. 274. t. 3.  
 — cervix etiam in magno apparatu a quibusdam incidi docetur. 183. t. 3.  
 — cervix & corpus tuto vulnerari posse, probat operatio alta. 184. t. 3. & lateralis. 191. t. 3. itemque punctura ejus. 209. t. 3.  
 — fundus sine vulnere mortifero vulnerari nequit. 247. t. 1. adeoque in alta operatione non incidendus contra Garengéot. ibid.  
 — impletio in alto adparatu quomodo fiat. 249. t. 3.  
 — impletio in eo non absolute est necessaria. 252. t. 3.  
 — situ & habitus ratione alti & lateralis sectionis exhibetur. 251. t. 3.  
 — punctura in urina suppressa quid. 258. t. 3.  
 — vulnera quæ non mortifera. 259. t. 3.  
 — in ambustis non sunt aperiendæ. 257. t. 1.  
 Vesicatoria quid. 48. t. 2.  
 — a quibus recentibus scriptoribus valde commenduntur. 49. t. 2.  
 — quando & quomodo applicanda. ibid.  
 — ubi profint. 48. t. 2.  
 Veslingius futuras tendinis Achillis & extensorum tibiæ primus descripsit. 83. t. 4.  
 Veteres foetus mortui, sed non vivi extractionem docuerunt. 4. t. 4.  
 Vetusissimi Medici jam scriverunt calculi, cataractæ trepanationes, vaginæ clausæ &c. operationes, vid. calculus, cataracta, trepanatio, vagina clausa.



- fœtus mortui extractionem jam bene docuerunt. 5. t. 4. & sequ.  
 Vexata Celsi quid sint. 105. t. 1.  
 Viardel meconii effluxum utero male pro certo mortis fœtus signo venditat. 4. t. 4.  
 ——— male omnem instrumentorum usum in fœtum etiam mortuo educendo rejicit. 5. t. 4.  
 Victus ratio necessaria in vulnorum curatione aliisque gravioribus curationibus. 69. t. 1.  
 ——— ratio in ulcerum curatione maxime quoque necessaria. 267. t. 1.  
 Vigo, celebris chirurgus, emplastrum de ranis cum mercurio invenit. quod magno in usu. 151. t. 1.  
 Villeroi Marechallus ex hernia fere mortuus est. 109. t. 3.  
 Vincitura idonea sæpe hernias curat. 113. t. 3.  
 ——— pro hernia umbilici. 241. t. 4.  
 ——— nimis arcta in fracturis inflammationes & gangrænam inducit. 133. t. 1.  
 Vinciturarum & fasciarum doctrina. 211. t. 4.  
 ——— divisiones. 212. t. 4.  
 ——— firmitas qualis esse debeat. 214. t. 4.  
 ——— nimia gangræna causa. 229. t. 1.  
 ——— materia. 213. t. 4.  
 ——— usus. 214. t. 4.  
 Vincula hernias sæpe sanant. 121. t. 3.  
 ——— chirurgica quid. 28. t. 1.  
 Vini spiritus in ambustionibus est egregius. 247. t. 1.  
 ——— in inflammationibus externæ calide conduit. 214. t. 1.  
 ——— rectificatissimus in sanguine sistendo valentissimus est. 61. t. 1.  
 Viperarum morsus. 115. t. 1.  
 Visus luscus. 170. t. 2.  
 ——— vita in amourosi, cataracta & glaucomate 139. t. 2.  
 Vitellum ovi cum terebinthina constituit consuetum & egregium unguentum digerens in vulneribus, abscessibus & ulceribus. 14. t. 1.  
 Vitrioli oleum in herniis curandis commendatur. 115. t. 3.  
 Vitriolica medicamenta scopo adstringendi applicata erodunt & quandoque noxia fiunt. 63. t. 1.  
 Vitriolum coeruleum in amputationibus & oneurysmatis curatione usurpatur. 24. t. 2.  
 ——— coeruleum carnem luxuriantem & impuram tollit, si pars eo tangitur sive inungitur. 14. t. 1.  
 Ulcera generatim considerata. 266. t. 1.  
 ——— antiqua crurum sæpe non glutinanda. 268. t. 1. quomodo curanda. 271. t. 1.  
 ——— cacoethica. 272. t. 1.  
 ——— callosa. 276. t. 1.  
 ——— cancrofa. 278. t. 1.  
 ——— capitis. 295. t. 1.  
 ——— cutanea. 267. t. 1.  
 ——— dysepulotica. 268. t. 1.  
 ——— ex erysipelate. 281. t. 1.  
 ——— fascino inducta. 279. t. 1.  
 ——— fistulosa. 286. t. 1.  
 ——— magica quid sint. 279. t. 1.  
 ——— maligna. 272. t. 1.  
 ——— putrida. 182. t. 1.  
 ——— scorbutica. 283. t. 1.  
 ——— serpiginosa. 281. t. 1.  
 ——— sinuosa. 278. t. 1.  
 ——— superficialia. 283. t. 1.  
 ——— venerea. 276. t. 1.  
 ——— verminosa. 277. t. 1.  
 Umbilici hernia. 911. t. 3. vincitura pro ipsa. 96. t. 3. operatio quando incarcerata. 108. t. 3.  
 ——— in infantibus ligaturæ. 93. t. 3.  
 ——— punctura in hydrope. 99. t. 3.  
 ——— tumor in hydrope. ibid.  
 Uncorum usus in partu difficili non prorsus est rejiciendus. 281. t. 3.  
 ——— pro hoc usu præstantia. ibid.  
 Unginuli pro cataracta educenda jam dudum rejehti sunt. 143. t. 2.  
 Unguentum ægyptiacum mundat. 14. t. 1. callos consumit. 193. t. 1.  
 ——— ambusta. 247. t. 1.  
 ——— apostolorum in fistula ani laudatur. 57. t. 4.  
 ——— digerens ex terebinthina & vitell. ovi in vulnere. 14. t. 1. & ulcer. 267. t. 1. & alibi  
 ——— fuscum Wurzii mundat. 14. t. 1. callos exedit. 193. t. 1.  
 Unguentum de linaria in hæmorrhoidum dolore celebre. 41. t. 4.  
 ——— Mercuriale in scirrhis & venereis malis egregium. 252. t. 1.  
 ——— nutritum in ambustionibus. 247. t. 4. cancro. 256. t. 4. & hæmorrhoidum dolore. 41. t. 4.  
 ——— fuscum Wurzii mundat. 14. t. 1.  
 Unguis oculi. 158. t. 2.  
 ——— pollicis pedis dolens quomodo curandus. 78. t. 4.  
 Ungula oculi. 158. t. 2.  
 Unum in partu difficili servare præstat, quam duos certæ neci relinquere. 75. t. 3.  
 Voelterus ob sectionem cæsaream citatus. 74. t. 3.  
 Vogelius de herniis sine castratione nuperissime secandis scripsit. vid. Bibliotheca Chirurgica.  
 Volfella five volfella quid. 13. t. 1.  
 Urethra in masculis clausa quomodo aperienda. 168. t. 1.  
 ——— caruncula, cicatrice vel ulcusculo clausa. 159. t. 3.  
 ——— a calculo obstructa. 170. t. 3. clau-



- clausa in puellis & mulieribus. 175. t.3.  
 Urethræ calculos qua ratione si hæret, ejiciendus. 174. t.3.  
 — clausæ in fœmina peculiare exemplum, quæ, urinam per umbilicum evacuabat. 178. t.3.  
 Urina suppressa quomodo promovenda. 166. t.3.  
 de hac re Colotus & Denysius bene præceperunt. 259. t.3.  
 — qua ratione optime emolietur. 199. t.3.  
 — quomodo aliis rationibus educatur. 177. t.3.  
 Urinæ incontinentia in mulieribus. 158. t.3.  
 — in viris. 174. t.3.  
 Ustio five ambustio. 246. t.1.  
 — antitraxi in dentium dolore. 243. t.2.  
 — apoplexiæ sæpe remedium. 47. t.2.  
 — auris in dolore dentium. 246. t.2.  
 — canceri s. carcinomatis inutilis. 256. t.1.  
 — in carbunculo. 230. t.1.  
 — in carie. 283. t.1.  
 — dentis dolentis cariosi. 243. t.2.  
 — in fomiculis excitandis. 17. t.2.  
 — in fomiculo futuræ coronalis. 47. t.2.  
 — in fetaceo faciendo. 13. t.3.  
 Ustio in sphacelo in institucnda. 239. t.1.  
 — vasorum in vulneribus. 53. t.1.  
 — post artuum amputationem. 69. t.2.  
 — vulnerum post morsum canis rabiosi. 125. t.1.  
 Uteri descensus & procidentia an detur. 20. t.4.  
 — hæmorrhagia in gravidis. 25. t.4. oritur plerumque a placenta ab utero soluta, vel a placenta ori uteri adhærente. ibid. curanda foetus extractione. 29. t.4.  
 — mola quomodo excutienda. 19. t.4.  
 — oris scientia in arte obstetricandi summe necessaria est. 283. t.3.  
 — procidentia est cum vel sine inversione 20. t.4. quomodo curetur. 26. t.4.  
 — prolapsus a multis pro hermaphrodito inepte habitus est. 23. t.4.  
 — prolapsi inflammatio quomodo curanda. 26. t.4.  
 — sarcemata. 25. t.4.  
 — situs in partu utrum rectus sint an obliquus probe explorandum. 286. t.3.  
 — situs obliquus a Deventero & Hoorio optime illustratus. 287. t.3.  
 — vaginæ os clausum qua ratione curandum. 270. t.3.  
 — vaginæ os nimis angustum quomodo ampliandum. 273. t.3.  
 — prolapsæ inflammatio quomodo curanda. 279. t.3.  
 — vulnera periculosa. 36. t.1.  
 Uterus quandoque in partu disrumpitur. 285. t.3.  
 — oblique situs in partu difficilis partus causa est, & contra. 286. t.3.  
 Vulnera universim considerata. 9. t.1.  
 — abdominis. 73. t.1.  
 — futura ejusque varii modi. 51. t.1.  
 — absolute lethalia. 33. t.1.  
 — per accidens lethalia. 34. t.1.  
 — angustiora quomodo dilatanda. 45. t.1.  
 — animalium rabiosorum. 130. t.1.  
 — venenatorum. 133. t.1.  
 — asperæ arteriæ. 39. t.1.  
 — arteriarum majorum. 38. t.1.  
 — biliariorum ductuum lethalia. 35. t.1.  
 — cæsim inflicta. 41. t.1.  
 — canis rabiosi. 117. t.1.  
 — capitis. 83. t.1.  
 — chyli ferorum ductuum. 35. t.1.  
 Vulnera cerebri. 34. t.1.  
 — colli. 91. t.1.  
 — collisa seu contusa. 121. t.1.  
 — cordis. 37. t.1.  
 — cranii & pericranii. 102. t.1.  
 — ductus thoracici. 35. t.1.  
 — ductuum biliferorum. ibid.  
 — Chiliferorum. ibid.  
 — urinariorum. ibid.  
 — equi ejusque symptomata. 140. t.1.  
 — faciei. 97. t.1.  
 — ferarum rabiosarum. 129. t.1.  
 — frontis. 93. t.1.  
 — genarum. 87. t.1.  
 — gulæ s. œsophagi. 35. t.1.  
 — hepatis. 35. t.1.  
 — impura quomodo tractanda. 57. t.1.  
 — insanabilia quæ. 35. t.1.  
 — intestinorum. 36. t.1.  
 — labiorum. 95. t.1.  
 — lethalia. 37. t.1.  
 — lienis. 98. t.1.  
 — linguae. 98. t.1.  
 — mesenterii. 37. t.1.  
 — morfu inflicta. 118. t.1.  
 — nasi. 97. t.1.  
 — nervorum. 31. t.1.  
 — nimis arcte constricta gangrænam producunt. 247. t.4.  
 — oculorum. 96. t.1.  
 — œsophagi s. gulæ. 35. t.1.  
 — palpebrarum. 96. t.1.  
 — pectoris. 83. t.1.  
 — per accidens lethalia. 35. t.1.  
 — periculosa. 30. t.1.  
 — per se lethalia. 33. t.1.  
 — profunda novam sepe aperturam desiderant. 46. t.1.  
 pul.



- pulmonum. 33. t. 1.  
 — punctum facta periculofiora cæsim in-  
 flictis. 81. t. 1.  
 — quomodo purganda. 43. t. 1.  
 — renum 34. quando in dorso sæpe sana-  
 ri possunt. 121. t. 3.  
 — sclopetaria. 61. t. 1.  
 — scorpionum. 148. t. 1.  
 — serpentum venatorum. 119. t. 1.  
 — sordida, qua ratione purganda. 43. t. 1.  
 — tendinum. 36. t. 1.  
 — thoracis. 95. t. 1.  
 — veneno vexata. 128. t. 1.  
 Vulnera ventriculi. 35. t. 1.  
 — vesicæ. ibid.  
 — vesiculæ felleæ. ibid.  
 — viperarum. 139. t. 1.  
 — uteri. 33. t. 1.  
 — sunt periculosa. 35. t. 1.  
 — a quibus descripta. 8. t. 1.  
 Vulneraria febris. 61. t. 1.  
 — potio. 50. t. 1.  
 Vulnerariorum regimen. 53. t. 1.  
 Vulnerum accidentia. 57. t. 1.  
 — convulsiones. 61. t. 1.  
 — curatio. 37. t. 1.  
 — dolores. 59. t. 1.  
 — fundus prius quam oræ glutinandus. 47. t. 1.  
 — lethalium iudicium difficile. 41. t. 1.  
 — spasmis. 61. t. 1.  
 — futuræ. 42. t. 1.  
 Uva sive uvula nimis prolongata quomodo  
 curanda. 49. varia instrumenta pro ea au-  
 ferenda. ibid.  
 Vulva angusta nimis. 268. t. 3.  
 — clausa, 269. t. 3.

## W

- W** Erkhofius de corticis peruv. usu in gan-  
 gtæna scripsit. 239. t. 1.  
 — tres de herniis incarceratis curatis  
 reddit observationes. 108. t. 3.  
 Widemannus vaginæ uteri prolapsum pecu-  
 liarem descripsit. 23. t. 4.  
 Widenmannia obstetrix Augustiana, egre-  
 gium libellum de arte obstetricandi nuper  
 publicavit. 73. t. 1.  
 — Deventeri & Hornii optima præ-  
 cepta continet. ibid.  
 Winslous altam operationem probat, ejusque  
 commoda recenset. 199. t. 3.  
 — Ravium calculos vesicæ excidere quan-  
 do viderit. 223. t. 3.  
 — altam operationem me primum extra

- Angliam perfecisse novit. 225. t. 3.  
 — cautelam Garengoti de non lædenda li-  
 nea alba nullius momenti asseverat. 197. t. 3.  
 — ex terrore ob metum vulgarem in ap-  
 paratu magno ægros ligandi mortem nota-  
 vit. 198. t. 3.  
 Winslous ad urinæ incontinentiam in viris pecu-  
 liare ferramentum commendavit. 126. t. 3.  
 Woolhusius cataractam solum in humore aqueo  
 existere statuit. 139. t. 2.  
 — cataractam in lente crystallina exi-  
 stere vehementer impugnavit. 138. t. 2.  
 — ab auctore & quamplurimis aliis  
 hanc ob rem refutatus est. 141. t. 2.  
 — in fistula lacrymali tubulum in fo-  
 ramine per os facto relinquit. 123. t. 2.  
 — pro hypopio peculiare instrumen-  
 tum dedit. 165. t. 2.  
 — oculorum scarificationem Hippocra-  
 ticam instituit. 114. t. 2. sed sæpe sine suc-  
 cessu.  
 — oculi venas secuit. 115. t. 2.  
 — ophtalmoxystum sive scopulam o-  
 culariam invenit ex spicis secalis. 117. t. 2.  
 — sanguinis missionis in oculo inven-  
 tionem injuria sibi adscribit. 116. t. 2.  
 — scarificationem oculorum Hippo-  
 cratis instauravit. 114. t. 2.  
 — setaceum, in cervice juxta longi-  
 tudinem fieri vult. 14. t. 3.  
 Wurtzius egregius chirurgus germanus fissu-  
 ras ossium adstruit. 39. t. 2.  
 — unguentum fuscum excogitavit, quod  
 egregie vulnera sordida purgat & quod po-  
 stea sæpissime commendatur. 49. t. 1.

## Y

- Y** Vesius, ocularii celebris quondam Parisini  
 modus fistulas lacrymales curandi. 126. t. 2.  
 — modus curandi hypopium. 165. t. 2.  
 phyloma.  
 Yvesius bene morbis & curationibus oculorum  
 scripsit. 171. t. 2.  
 — cataractæ sedem & causam mecum in  
 lente crystallina opaca ponit, contra Wool-  
 husium ejusque assecclas. 139. t. 2.  
 — signum præbet, quo cataracta membra-  
 nacea a crystallino opaco distingui possit.  
 143. t. 2.

## Z

- Z** Wingerus qua ratione callum ossium fa-  
 cile rursus resolvi posse putat. 121. t. 1.



# *Dissertationum Adjectarum Indiculus.*

## *Primus Tomus continet.*

Joannis Zachariæ Platneri dissert. de Chirurgiæ Artis Medicæ parente pag. 1.

Joannis Mayovv dissert. de Rachitide pag. 188.

## *Secundus Tomus.*

Laurentii Heisteri dissert. de Amaurosi Salivatione curata pag. 137.

Ejusdem Auctoris Observatio de Cataracta quam lactea pag. 182.

## *Tertius Tomus.*

Marci Aurelii Severini dissert. de Gibbis Valgis & Varis pag. 28.

## *Quartus Tomus.*

Joannis Bohnii Professoris Lipsiensis tractat. de Vulnerum renunciatione pag. 96.



# AD BIBLIOPEGUM.

Tabulæ ad marginem paginarum hic indicatarum ita  
agglutinentur & complicentur, ut integræ  
e libro evolvi queant, ut

Tab.	I.	pag. 13. t.1.	Tab.	XIX.	pag. 227. t.2.
Tab.	II.	23. t.1.	Tab.	XX.	244. t.2.
Tab.	III.	72. t.1.	Tab.	XXI.	16. t.3.
Tab.	IV.	75. t.1.	Tab.	XXII.	20. t.3.
Tab.	V.	81. t.1.	Tab.	XXIII.	22. t.3.
Tab.	VI.	85. t.1.	Tab.	XXIV.	99. t.3.
Tab.	VII.	102. t.1.	Tab.	XXV.	140. t.3.
Tab.	VIII.	147. t.1.	Tab.	XXVI.	159. t.3.
Tab.	IX.	155. t.1.	Tab.	XXVII.	184. t.3.
Tab.	X.	187. t.1.	Tab.	XXVIII.	191. t.3.
Tab. unica adje-			Tab.	XXIX.	195. t.3.
cta Jo:Mayow.		193. t.1.	Tab.	XXX.	278. t.3.
Tab.	XI.	37. t.2.	Tab.	XXXI.	255. t.3.
Tab.	XII.	66. t.2.	Tab.	XXXII.	264. t.3.
Tab.	XIII.	74. t.2.	Tab.	XXXIII.	17. t.4.
Tab.	XIV.	82. t.2.	Tab.	XXXIV.	44. t.4.
Tab.	XV.	109. t.2.	Tab.	XXXV.	62. t.4.
Tab.	XVI.	136. t.2.	Tab.	XXXVI.	89. t.4.
Tab.	XVII.	156. t.2.	Tab.	XXXVII.	230. t.4.
Tab.	XVIII.	171. t.2.	Tab.	XXXVIII.	263. t.4.



















